

001 清微仙譜

經名：清微仙譜。元黃舜申傳，
陳采編。一卷。底本出處：《正
統道藏》洞真部譜錄類。

清微仙譜序

道在太極之先，何謂也？未有天地，已有大極，其容有先乎？吾聞之經曰：无名天地之始。始也者，豈非先天地而有者乎。今夫天，日月之往來，風雨之散潤，雷霆之鼓動，人知其爲天之造化，而不知其爲是道之功用也。嗟夫，使是道之功用，一息而不運乎其間，則天之造化息矣。《易》不云乎：大哉乾元，萬物資始，乃統天。又曰：先天而天弗違。天且弗違，而況於人乎，況於鬼神乎。而是道之秘，始不容於不洩矣。故其傳始於元始，二之爲

玉晨與老君。又再一傳衍，而爲真元、太華、關令、正一之四派。十傳至昭凝祖元君，又復合于一。繼是八傳，至混隱真人南公。公學極天人，仕宋爲顯官，遇保一真人，授以至道，遂役鬼神，致雷雨，動天使，陟仙曹。晚見雷因黃先生，奇之，悉以其書傳焉。先生覃思著述，闡揚宗旨，而其書始大備。凡有祈禱，若持左券而能不動聲色，以取償責報於渺茫冲漠之中，弗爽晷刻，何其神也。一時王公大人爭欲羅致，四方來受學者以千數。或窺一斑，或剽半甲，驟加試用，靡不策效。然先生寶其書，不屑以授人，故學者浩浩，鮮睹大全之秘。近膺詔命入覲，得旨還山，予始獲登先生之門。每燕暇從容，與論道妙，必極反復。雖予際遇於先生爲最後，而受教於先生爲最深。間一日語予曰：某老矣，閱人多矣，未有默識心通，篤信力行能如子者。此殆天授，非人力也。因悉出所受南公書以授之。采拜受之日，私竊自誓曰：采雖晚出先生之門，能淑先生之教，今又獲

先生之書，敢不廣其傳，俾千劫之下有目者，咸獲爭先快睹不更。復有望蓬萊隔弱水之歎，敬鋟諸堅梓，嘉與四海有志之士共之。因爲之說曰：是道也，原之於其始，固已先天地而有，要之於其終，又將後天地而存。嗚呼，其行與之俱傳於無窮矣。至元癸巳純陽月純陰日。建安後學陳采焚香拜手謹書。

清微仙譜

清微道宗

元始上帝，至真大道，无形无名，虚无自然，萬化之祖孰得而言。昔浩劫之先，凝炁成象，露至玄至妙之蘊，錫

玉宸道君。後名妙玄經應化玉冊，秘於清玄玉英之館。道君即太易元炁之應運，高拱上清，敷弘至道，體至極至靈，爲玉式符，而授於

清微真元妙化天帝，名迹慈應運開圖。敷天佐極，高居太漠，洞妙自然，恢張萬範，與道長存。秦時，降邾國都

洞妙保化宮清微妙化府，一名元始萬化宮妙化府。帝狀，青衣服。

九天妙道真運元君楊徹。元君乃元始一炁之化身，青首被髮，龍體，乘流火出入三界，號雷霆樞轄之神。秦時，降河中府都九天長原宮。後敷弘大道，運玄妙經，授

九天洞明元君許齡卿。元君秦時降劍

州，鳳日月眉，鬢髻，如二三十歲人，衣綠衣，常執玉冊，與道混融，神變莫測，居九天洞清育玄宮。以玄都玉梵發而爲章，授

玉堂天山真人朱軒。真人秦東京人，美鬚面白雁眉，因周室將微，世道混亂，入閩州拜許元君，證道登真，居金華山太清宮鳳閣玄靈宮。後以雷元振光之章，授

太玄青惠招化扶桑真君卜冀。真君頂綠王之冠，面色瑩白如玉，隨州人也。因秦亂避患入閩州，拜朱真人，潛虛道妙，位證太玄。真人居角、亢二星之中昭靈府，以大道无量元光玉符，授

昭凝神耀保天道化元君廣溶。元君降秦時，鄴州人。於歲亂離入西京城，得玉符之妙，會道凝玄，漢高皇平定後，於河南府昇真，居海上神州神耀府。以玉英寶章，授

明清道華元君丘沐。元君漢初壽州人，得寶章之旨，總萬炁而會天昌，居太上左宮，都曠平府，後以道樞授

秦明清惠真人師復。真人漢代人也，乃東華大帝化身，神毅特達，體天運道，都龍丘山通明洞。

清微洞光寶衡紫華元和明道太一神景元君王宏。一名正宏。元君滿月相，一字眉，鳳目，披髮，仗劍，朱履。太一月孛化身，統理玄樞。都玄都太冲樓右紫輝宮，後以清微隱訣元始萬神香，流於人間。

通妙元化太一冲和元君謝晋剛。元君太極凝真，元始別體，隱化神變，未究始終。常幻質爲微眇，人莫能識。默運樞軸，策役萬靈，不假符圖紙朱有形之物，隨寓成形，發揮道妙。有內訣口口相傳於世，都陽谷壇左瓊瑤玉臺冲和府。

清微茂晨保運金明元君彭涵原。元君雙髻，面色如玉，月眉鳳目，笑容。素衣，絳裙，仗劍，乘火龍。居井鬼二星之間丹昭府，領丹昭風火雷霆三萬衆，自爲帥，以清微妙要流傳人世。

西華通惠元君龐俏道。元君掌元始禁

書，瓊章鳳紀，保制劫運，安鎮乾坤。雲冠，青服。顯漢神爵年間，後寓庚除治，治在漢州緜竹縣，去邑二十五里，有二處。居西華廣真宮，出三道三經，統御三界。後化身爲

太和伊玄元君宋益誠，領三天演教之任，居茂儀府。靈妙和澄元君需東。元君東漢彭州人，仙姿端肅，會道自然，應世爲師，名號不一。掌清微之妙道，居瓊和府。

高明大使至道玄應神功妙濟真君許遜。事迹見本傳。真君得先天之妙，扶世濟民，不可紀述。故戒文有云：金書玉篆傳于世，不可輕泄不可秘。後示淨明法於後代，蓋內訣幽遠，其可擬諸形容。居玉都清慶宮，領天機省，主持清微之妙。

南陵浮光天官朗期。天官南陵尊帝，掌握雷樞，唐降西京，出書度人。帝狀，衣服，居南極浮光宮。

護明元妃玄光聖母王說，字泐，一名玄光。聖母護明玉隆丹剛清華元妃紫

光元君清華元妙宮。元君素華金母之玄精，天一玄斗之靈神，統攝河源，制御水闕，四溟大神悉隸，主領出書。降于唐時，主張教法，領清微之奧，居東海景清宮。後化身爲

清微元機元靈元君龍汲。雙鬢，玉女相，面微赤，紫衣，綠裙，仗劍，乘白龍。居洞元府，有清微演運流轉。又化身爲

清微靈和元君管靜卿。鳳冠，玉相，自然眉，鳳目，紫服，碧裙，大帶，朱履，執圭。以清微秘旨出書度人，都清微天中靈光宮闕下，居璋元府。又化身爲

靈光聖母朱燧。龍冠，綠服。唐昭宗時，在桂陽軍江渚石上。以清微先天之奧，授金闕昭凝祖元君。

上清啓圖

上清高聖玉宸大道君，陰陽混合迴風凝帝一之尊，紫白交馳運道會希夷之表，出書應劫開教度人。授于

紫宸太華大天帝。體道凝玄，開明萬有。帝狀，絳服，都太微華明宮。以

道授于

金闕帝宸太平後聖玄元上道君。道君運玄濟物，三界尊崇。帝相，衣服，都金闕紫虛宮，依俯仰之格。授之

太華西真萬炁祖母元君。元君一炁孕真，群仙教主，生生化化，莫不由之。口口相傳，不記文字。都白玉龜臺西金太素宮。以道授之

金闕上相方諸東華司命木公青童道君。道君符九陽而育物，總萬化以朝元。帝相，青服，都方諸宮。

金闕上傅白山宮玉仙清淵太素元君李。元君咸陽人，神通變化，仙傳具述。位三天爲上傅，領中嶽事，承上清之宗旨。后服有元始一炁玉策及文素經流傳，玉仙山在中嶽東北九十里。

金闕上宰西城總真真人王遠，字方平，見仙傳。綠服，真人相，三牙鬚，鳳目，居金闕成昌宮闕下左府也。

小有天王清虛真人王哀，字子登，一名太素抱一真人，事見仙傳。眉微黑，鳳目赤色，紫服，真人相，居小有博

燿宮闕下中府也。諸真以道樞授之。金闕上保高元紫虛元君魏華存，字賢安。元君事見本傳，握符應運，主治雷霆玉字金書，綱維道法。上清冠，絳服，居高元紫虛宮左府治高元宸照宮，即上保太丹宮南極元君。後化身爲

清微炁樞元皇元君李謙，出書應世。

照靈光惠冲應元君字文汲，內諱清淵。

元君主梵清景機，緘治天地人橐籥，

有玉策以詔，後來居海上離農山冲

華府。

東華上佐司命真人楊羲和。真人事見

茅山仙傳大洞譜系，居紫章丹會宮。

東華上相上清仙翁許翺，小字玉斧。

仙翁事見茅山仙傳及大洞譜系。真

人相，綠服，居紫陽晨雲宮右府闕

下。

上清元君西華聖母，一名靈寶淨明黃

素天尊，乃黃堂靖謚母也，母名嬰。

事見仙傳。得上清高仙上明玉書三

章，潛修至道，感斗中孝道明王，付之

隱文。華冠，紫服，居西華諒光宮，掌

元始圖書之府。以道授之

九州都仙太史高明大使許遜，授之

大清泰玄元君文慵。元君唐人，得上

清神變之道，飛遊乾坤，至西京神化

溪，以其道妙，授之祖元君。相如美

女，寓形不一，居景輝泰和宮。

靈寶宗旨

玉晨道君，靈寶天尊。三炁會真，元炁

化生萬有天尊，垂慈利物，普度無窮，

故靈寶爲萬神之宗。玉簡瓊文，廣受

開化，敷弘至道。詔于

太玄玄一真人，玉清妙道青陽天君鬱

羅翹，青服，治玄都應明府龍梵宮，居

青陽玄上宮。

太玄玄二真人，上清妙化丹陽天君光

妙音，紫服，治玄都宗蒼府溥昭宮，居

丹陽玄中宮。

太玄玄三真人，太清妙感紫陽天君真

定光，白服，治玄都正昌府廣清宮，居

紫陽玄成宮。

右三真人，並天尊相，位高太極，號

應三清，道君授之應化真符，主執黃

籙院靈寶大法司，靈寶三十六君二

十四符悉隸焉。

太極真人徐來勒，事見仙傳。真人得

太極函三之妙契中盟五法之規。居

太極皇耀宮闕下。後授之

太極內相上清冲應孚佑真君左宮仙公

葛玄，字孝先。事見仙傳。東吳時

人，得徐君之妙道，遍歷名山，感太極

三真人，下授三洞寶經，惟務濟度，名

列帝庭。居太極靈曹宮，出葛仙起居註。

治太極省。授

太極慶融北靈內輔真人鄭思遠。真人

得師靈寶之宗，位隆上品，餘記仙

傳。居太極元冲府闕下。後授之

抱朴小仙翁葛洪。仙翁得太極之心

傳，遍禮福庭，超登金闕，有文籍傳于

世。後授

太清泰玄元君文慵，而祖元君繼之。

道德正宗

金闕玄元老君，道德天尊。玄元應化，

中古出書。上自三皇，下迄炎漢。

隨時紀號，代爲帝師。無爲自然，慈

儉復性。過關之日，授

文始先生關令真人尹喜。真人周康王

之大夫，仰觀俯察，紫炁西邁。至昭王時，出爲關令，戒吏俟問，知而迎之。得道德之旨，昇入無形。

太玄真人趙隆，大目，真人相，絳服。天山真人洪寶，美鬚，真人相，絳服。玄上真人魯惠，白相，青服。

自周迄唐，已逾千年。三真人師資接踵，得久視之理。隱顯應號，道不遠人，故太清泰玄元君文慵承流于後，祖元君出而繼繩焉。

正一淵源

太上玄元老君，正一之旨，出書時號之，異名一道貫之，奚有分別。當漢之末，人心澆薄，莫此爲最。太上憐憫群生，初非得已，人能知不傾不二之理，又何待天尊之設教也。至於遷善遠罪之誨，授經傳籙之式，不過誨人爲善。授以至人，一新厥德。

三天聖師泰玄上相正一真君張道陵。事見仙傳。漢子房之後，沛人，生而神靈，博究文學，感太上親授以盟威之道，漢帝徵之不起。永壽二年白日上昇，治泰玄省，領元輝府，居玉素元

都宮。

嗣師太清真人侍中張衡，乃真君長子。事見仙傳。

系師太清真人閻中侯張魯，乃真君次子。事見仙傳。

女師君長文姬，陵王妃。次文光三賢，燕王妃。四芝四師，俱飛昇隱化，後代出有入無。以道授之太清泰玄元君文慵，而祖元君得以襲慶焉。

會道

清微侍元上宸玄都總真九炁元靈夫人太皇景明洞陽金闕昭凝妙道保仙元君祖舒，一名遂道，字昉仲。月孛化身，降唐昭宗時，廣西零陵郡人。面棗黑色，大目，身長七尺。幼存節操，生而神靈，父母莫能禁，遂入道。遍歷名山，至桂陽軍江渚石上，遇護明元妃，化身靈光，聖母授以清微自然先天之奧。或竹釵袒臂，仗劍坐石，嘯命風霆，飛行人世。繼至西京近地，山中清虛，洞神化溪。感太清泰玄文元君，化形美女，濯于溪濱，師執巾侍之，奉迎至岸。凡數夕，變現男

女猛獸，異相，歷試諸難，殊無怠意，知其誠確，乃召使乘木筏泝流，次復故所，悉以上清靈寶道德正一之旨付之，隱而不見，師總五派之奧，統轄雷霆，變相不一。或乘龍仗劍，策役萬靈。或金冠素服，尊居洞府，性烈令肅，雖雷神亦加嚴勵。今治清微洞照府，主持教法，嗣教之士，宜竭忠誠。稍或有違，嗔責立至。又號通化一輝元君，後化身爲

清微察令昭化元君休端，大髻，面白相，柳眉，杏目，青衣，金甲，執斧，乘黑龍，居陽華府，有清微演道流傳。瓊室內應洞清元君郭玉隆，又號上景元君，祖元君門弟子也。京師人，仙姿嚴肅，紹襲師源，位清微太霞侍宸居紫虛府。

紫光曜真福和元君傅央煇，字子方，郭元君門弟也。鄆州人，秉純一之節義，繼前代之樞機，位至三天上輔，居西海太華山昌耀府。

龍光道明元君姚莊，字淑奇，又號廣昌元君，傅元君門弟也。西京人，統御

雷霆，克符道要，位三天侍經，居隆慧府，又曰廣顙冲和府。

祥源紫英玉惠元君高爽一，號紫清妙化玉英靈惠元君，姚元君門弟也。生於燕地胃山碧澗之間，神光滿室，長襲師源，位三天侍御。又號高運紫英元君，居洞耀景豐府。次授

西華清虛真人華英。真人鳳翔人也，圓目，美鬚。掛冠學道，登品三天，位清微明元左卿洞陽上宰。後授

青城通惠真人朱洞元。真人成都人也，圓目，美鬚。隱居青城，敷宣雷奧，位清微洞衛上卿神霄玉樞使。次授

雲山保一真人李少微。房州保峰一水人也，所居故址猶存，人稱爲李雷公宅。真人先以宦族世家房陵，棄俗悟真，感師授道，位清微都元右卿，後見天吏下降，傳宣王勅令，任五雷院使。後昇飛遊三界，隱顯莫測。

眉山混隱真人南畢道。真人本覆姓東南，名珪。丙辰十一月初三日寅時生於眉山，幼擢儒科登仕版。嘗倅

湖右，夜夢神人語以師至，達旦郊迎，果肖夢中之相，詢其姓名即保一真人也。迎歸待以師禮，數以難事試之，堅心如金石，遂悉付以隱奧。傳授既畢，欵化金光而去。後領廣漕，臨午見朱衣天吏，自天下降云：奉上帝命子可授斗中六通掌水使者。仍清微保和仙卿，後佐宋理宗，數諫不從，歸隱。不知所在，人以爲仙去。

碧水雷困真人黃舜申。先生閩中世家，名應炎丹山人也，即今建寧府。甲申閏八月初五日未時生，以祖父蔭生而奇異，貌古清絕，性質穎悟，經史百家靡不通貫，年十六侍父爲廣漕幕師病，南真人以符療之，雷震于庭，其疾頓痊。觀其骨相合仙，悉以所傳付之。寶祐中，出爲檢閱，宋皇兄趙孟端節使皆師事之。理皇召見，御書雷困真人四字以賜之。至元丙戌，詔赴闕庭，奏對明敏，上禮敬之。未幾乞請歸山，得旨俞允，仍賜輕車以還。先生門弟幾百餘人，今清微道法大行

於世，然得其樞奧，闡揚靈驗，亦多其人抑。師嘗序雷霆綱目云：五陵之驗，至人出矣，將必有拔茅連茹者在，豈其然乎。

清微仙譜

（王育成點校）

002 清微丹訣

經名：清微丹訣。撰人不詳。
一卷。底本出處：《正統道藏》
洞真部衆術類。

清微隱真合道章第一

上藥三品，神與氣精，保精生氣，煉氣生神。形煉其神，則可以留形住世。而形者，神氣宅也。是故身安者，其精固，精固則其氣盈，氣盈則其神全，神全故長生。若乃精虛則氣竭，氣竭則神遷，神遷則死矣。故不死者，煉精成氣，煉氣成神，煉神合道，能事畢矣。道法云乎哉，全形者，即煉精之謂也。須其六根斷絕，一念真純，以時入室，端坐凝神，定息良久，即鞭赤龍。上擊七十二天龍，則離火自降，坎水自升，往來結於黃庭，伏其真氣，煉其陰邪，冷汗自出。如此五遍，合周天三百

六十五之數，陽光遍體爲純陽，則全形氣之道，宿殃自解，萬病消除。不憎不妒，不慾不姪，然後煉氣合神也。夫煉氣者，冥心定息，元寂綿綿，神室內守，炁入丹田，臍中動息，綿綿續續，兩手抱臍，丹火溫溫，六根定安，物我兩忘，乃煉氣之道。行無狂步，言無疾聲，然後煉神合道也。夫煉神者，入室端坐，神氣既息，不出不入，心無二用，一念無著，視而不見，聽而不聞，炁住而爲息，神入而成胎，昏昏默默，杳杳冥冥，意遊長空，見一景物光如金橘，非內非外，守其物矣。如月之光，如鏡之影。操之存之，初不相離，恍惚自然，大如車輪，形見其神，神見其形，形神相雜，心生踴躍，其光自散。如日月照虛空，形神俱妙，與道合真矣。神歸體則真神自靈。若守千日之功，離形飛升，百日之功，超凡入聖。不樞不機，其理自然也。

入室功夫章第二

此竅非凡竅，乾坤共合成，名爲神炁穴，內有坎離精，心下腎上處，肝西

肺左中，非腸非胃脘，一炁自流通，蓋此竅。世傳臍下一寸三分者，非也。正對臍上一寸三分者，是也。所謂臍之後、腎之前、大腸之左、小腸之右，其中空洞，意到即開，乃乾父之精，坤母之血，結胎之黃房也。名爲神炁穴，中藏水火精。其中，左有火竅，居常晝夜，不拘時，三五七次。或逐時趺坐，左足上，右足下，瞑目定時，凝神於混沌之中，不出，運赤龍上擊七十二天，則真火自降，靈泉上湧，即以舌柱上腭，俟華池水滿，盥漱五七通咽下。其中想見，一炁混融，靈光浩蕩。或奏師煉神，持呪述事，如此隨意，行持即用，離形去知，物我兩忘。如此用工三七日，或一月，以手按竅兩傍，如火之熱，覺左右擲擲而動，是其驗者，所謂收爲胎息守爲竅也。半年一載勤而不怠，宿殃悉去。向上工夫，金丹大道，不外是矣。

臨壇召合章第三

瞑目凝神，聚氣於混沌之中，不出不入，一炁七遍。劍訣火鍊真文，嚙下

祖宮，過三關，升入天門，意遊長空，張目直視，見三字金光迸出，照天燭地，放出號令，萬真稟行。

發用章第四

雷因真人曰：耳熱生風，眼黑生雲，腹中震動即雷鳴，汗流大小皆爲雨，目眩之時便火生。入息靜定，良久神息，既調直待，內境不出，外境不入，但覺身非我有，天地虛然，入定光中。或見祖師，出令雷霆，萬真隨行，意欲五事，皆集丁寧，發遣、次復、收斂、運一炁七遍之妙，近視天炁下降、地炁上騰，蒸山煮海，交合混沌於黃中，釀成五事，臨壇之際，撥動關揆，隨竅而發也。耳熱，則雙手玉文運起，從腰腎間，上升至耳，一拂而上，即南風，下北風，前東而後西也。眼黑，即如上運升，以目光直視長空，散雲瀝黑，目動而止。腹震動，即以局運，從腰間上升至耳，以局提提耳，三按而發，汗流不止。或大小迸急，則以身振動，竅穴俱開，大雨如注。目眩之時，即如上運升，以目閃左則左、右則右。已上關

揆，在大靜定中，所謂無中生有，不可以爲無心作，不可以有心求，平日工夫純熟，至此自然而神。不知其所以神，祈禱芟邪，應如桴鼓，此玄之外，更無玄矣。千金不傳，得此寶之。

坐功睡法

玄牝之門，在兩腎中間，名曰大海，又爲弱水。其爲丹田，左青右白，上赤下黑中黃。男以藏精，女以藏血，乃孕毓之地，爲人之根本，五炁之元始也。中有神龜，呼吸元氣，流行則爲風雨，激搏則爲雷霆，通貫四肢，無所不至。左右腎爲日月之精華，爲龍虎之變化，前臍則爲崑崙、爲大山、爲淵、爲五城，中有真人，即五帝也。五城之外有八使，即八卦大神，八使并大一爲九卿，上有十二重樓，樓中十二子并三焦神，爲二十七大夫，又并四肢神爲八十一元士。太一至真人居臍中，主身中一萬三千神將，郊在頭上腦戶中，廟在項後頂上，社在脾左端，稷在大腸窮處，風伯在臍輪下右傍，雨師在小腸盡處，雷公在大海右腎，電母在八門右上

弱水之顛。一身之中神宮，凡三十有六，各有官僚宰輔，皆受命於太一真人。凡人當睡，法守之集身神，斬三尸，勘六賊，方可混合造化，窺測乾坤，天地雖大，皆在吾身中也。斂身趺坐，目視鼻心，守玄牝，然後定精神形體。氣神氣相守命神，念之所至運炁，神自然而然，降心神專至誠，一呼集身中之神，時以眼視鼻端，就觀祖府，靜而又靜，一炁七遍。

泰珠造化

頌曰：一法生萬法，萬法歸一無。

太上云：如於內，毫釐有差，天壤

異處，功有等級，達無先後，後學詳之。勿爲易得，決欲行之。此法乃萬法之關津、三洞之樞機，當頤神養炁，煉體凝精，屏雜念，絕嗜慾，斬三尸，舍一炁。內念莫作，外念莫生，純一守素，正定無爲，方可安手頓脚，敬而行之，保命長生。先以兩手大煞運上頂，漱一口、二口咽下，第三口漱了，使津液滿口，前二口乃五味所生稠唾，故取第三口，金液還丹是也。以舌捲下，藏味

凝香，二穴關閉，目內觀泥丸，存五色雲氣，却平坐，左手覆右手，左足疊右足，存思中。

一神通，萬神俱通。一竅通，九竅齊通。

胚 脾
洪濛塊北混沌
將用自己元神
收為胎息用為竅道法之中真要妙
諸子緣深夙有因得之依然自痴笑


我稟陰陽二炁，出則轟天震地。神歸山嶽摧崩，煞去精邪粉碎。

法中之要，非專於符，非泥於呪。

先以我之正炁合將之，靈法之繫在乎斗，斗之所統，參於正罡，乃四正之炁，中正之謂也。炁罡乃斗之煞也，以天之斗隨身之轉，罡亦如之。然我之斗、我之罡，在於何處。須明我之罡、我之斗，三合用之，無不驗、無不通者也。凝則竅妙可見，動則運默可知，神炁清明朗如秋月。靜中之妙，法中之玄，其默能知，將本居天，合之何也。但居二斗之中、定光之內，吾以神炁相貫，合將為將，則萬病俱消，萬邪竄伏。故德者道之符，誠者法之本，道無德不足為

道，法非誠不足言法。守道者正，正法化行，循法無私，將必聽役驅役，法乃正己也，道者守己也。如此二事不虧，一心不易，雖王公大臣，亦可坐伏，此道之所以為法也。今傳法時，祖師所以江湖之姓，遊天下，為伎能，徒有其名而無其實，皆法以道行法，亦法以法行法也。遂使後學之人，法俱不明，何有於道，心而悖道，何有於法。夫天不言而默運，地不言而發生，道不言而包羅，法不言而靈應，天以炁而降，地以炁而升，道以炁而為主，法以炁而化。天之將即地之神，道之符即法之印。入道從法，先明天地之根，次究神炁。用天之默運，則轟雷雨電，春生秋煞，變化無窮。地之默載，則果荈根苗，發生長養，厚載無量。道之包羅，上而天，下而地，中而人，無所不包。必如是，然後可以明道，可以行法。是必正己誠意，神炁冲和，故道即法也，法即道也。天將守律，地祇衛門，元辰用事，靈光常存。可以驅邪，可以治病，可以達帝，可以嘯命風雷，可以斡旋造

化。初不必許多枝蔓，惟正一字而已，無所不達。不可以道為門，以法為戶，而生諸障，恐神將為邪，所使則無救也。脩真學道之士，審此為戒行。天地大造化，總在一竅中，人能知此竅，萬法悉皆通。中宮指玄之圖，又名玄關一竅，又名為玄牝之門。前對臍，後對腎，其白如綿，其連如環，方廣一寸二分，一身之精粹，皆聚於此，在臍上約寸。



吸天河之水，入我身中，黃河水再運，從夾脊雙關倒貫入符急用淡墨水。

得天地之中炁，十五畫吸一口，

噴在符中，乃為雲雨。

玄武水火，龜蛇在玄武下。

敬以直內，萬炁歸一炁，
坤 義以方外。 中 萬神歸一神。


玄關一竅，乃先天一炁，此乃萬法英華，金丹之樞紐，在于靈寶謂之玄珠，在于神霄謂之真王，在于雷法謂之雷祖，在于煉度謂之水火，在于南極謂

之圓光，在于老君謂之法主，在于符水謂之靈光。此是真一之炁，變化無量大神，可降伏六天魔鬼，可追九地精靈，煉度亡靈以生天，解釋多生罪咎。此道法之至祕，不宜輕泄，即招天譴罪非輕也。

清微坐功

凡入靜室，跣足端身正坐，兩手握固，萬緣放下，定心如以太極混沌未判之先，虛空圓光之內。又如在圓光一竅之中，混沌一同，身心俱無，澄澄湛湛，普照十方，天地莫測，鬼神莫知。早晚靜坐亦然，常要運用。

內煉陰陽雷神



日 月
☲ 心火土腎水
☵ 木魂 金魄 畢


右法先存坎離，上升自泥丸宮，出成二斗混合，妙在其中矣。

坎離混合出泥丸，二斗相交照頂前。心火腎水隨升降，璇璣一出在兩邊。煉得二帥不須言，元始三台變自然。須臾雷雨霽霈降，化運千千萬萬年。

急晴

用香亦可紙亦可符
用朱書出筆向上

祈晴四時，俱用指坎，餘則隨事，按卦所指。



出筆向下

清微丹訣

(王育成點校)

003 清微齋法

經名：清微齋法。撰人不詳。
二卷。底本出處：《正統道藏》
洞真部方法類。

清微齋法卷上

道宗統系

元始天王。元始者，實為至道之高稱，萬道之根本也。虛无鬱秀，開圖帝先，玄都玉山上京清微天宮。龍漢劫中，御大羅玄元寶臺清華妙元之殿，授玉宸道君以清微妙玄之道，太上老君以玄都應運玉策。玉宸道君。乃靈寶帝尊上古立運之前，太元生化之宗也。融結萬品，朗耀英鮮，都大羅玉京山禹餘天宮。妙炁至玄，授真元妙化天帝以清微通真玉式，紫宸太華天帝以飛玄樞機寶

章。

真元妙化天帝，諱奕慈。乃妙化天主，都洞妙寶化宮，又元始萬神宮。

玉虛明皇道君，諱邦旭。乃總仙上真玄中大法師也。主天樞省事。

太玄玄一真人，諱鬱羅翹，又朗允契。乃玉清妙道天君，以瓊臺召靈之章居龍梵宮，主玄都應明府，又妙道金元宮。

太玄玄二真人，諱光妙音，又覺真軒。乃上清妙化天君，以妙道神仙內法居普照宮，主玄都宗蒼府，又妙化崇章宮。

太玄玄三真人，諱真定光，又轟西元。乃太清妙感天君，以明道應化樞旨居廣清宮，主玄都正昌府，又妙感崇延宮。

清微通光大妙天帝，諱瓊宏。居玉清通元宮。

泓靈元化洞妙天帝，諱扶高勾。居上清元化宮，又元化洞玄宮。

神曜冲一丹剛天帝，諱炳育。居玉京神丹宮，又冲一宮。
清微平天總道皇帝朱昌行。居定宏中宮。
清微洞陽曙光皇帝，諱完都。天官化身，

居元陽宮。

通明昭烈天玄上帝康完臣。居天曹上明宮。

太微演化崇明妙感帝君端慈良。居太微演完宮。

浮光曜真洞明天帝龍冲一。居洞寅宮。
天曹儲福廣化威明元君許昭立。主天曹景命府，又天曹化命府。

天曹儲福洪靈幹化上聖元君趙順。主天曹儲福府。
丹赤和光衝天太阜元君章孔實，一名九天元恭聖母。居九天元靈宮。

九天冲和明道飛雷掣電通化元君卜超祖，一名九天上靈真妃。居九天定福中宮。

南陵浮光天官諱朗期。唐時降於西京，主南極浮光宮。

炎明洞靈回曜天君諱復奕。主洞陽炎明宮。太陽暘谷神王諱璣中。居長桑林下暘谷之壇。

萬變九真玉仙聖母太素元君石杰昭。居玉西臺玄光山上明宮，主巫山福源宮。

冲玄應運金元洞耀元君暉。主保真宮。

通英演雲端化妙感元君暄。主靈真宮。

神妙廣惠道光崇化元君昫。主太真宮。

凝雲膺阜清輝昌一元君泓。主總真宮。

玄昌靈官冲化龍光希和元君洪。主雲

真宮。

真一太和晃雲回景元君沒。主威真宮。

形變清玄洪明宗諒元君淑。主含真宮。

朱陵丹剛魏霄妙和元君標。主元真宮。

紫靈光惠混神自明元君燿。主道真宮。

虚化昭隆寂空梵照元君輝。主育真宮。

茂育崇清虚廣照冲平一元君燧。主高

真宮。

玄都明和洞清太光元君郭勤，一名九天

玄女，主玄初太光宮。

清微泓照洞清元君傅惠祈。主玉京泓

照宮。

清微太華明運元君韓俊。居太華道元

宮。

九光神運自然玄照元君楊熙。幽州人，

主神運元照宮。

紫清金光儲慶好道元君沈宗清。齊人，

主紫元福華宮。

紫霞丹光雷首電光元君蘇剛。主紫霞

雷明宮。

太一茂隆自然通化元君管方仲。東京

人，主太一通明宮。

宗昌福原元君姚郁。主玄明宗福宮。

護明元妃玉隆丹剛清華紫光道君王說，

字决。南京人，乃玄光聖母，主四溟

事，唐降居東海景清宮，主西華元妙

宮。

太清泰玄元君文鏞。主景輝太和宮，授

祖元君。

靈寶流系

玉宸道君。

紫宸太華天帝諱宗昶。乃泰華天王，主

都太微華明宮。

東華司命青童道君諱阿婁羅。乃東華木

公，居方諸宮，主神仙道籍。

三天顯道律令天帝方式遂。乃青靈始

老，主玉天令元宮。

大有妙玄冲道自然天帝東皇。乃東斗

前一星，主大有冲照宮。

紫微九照飛玄内化天帝高膺則。蔡州

人，居南海中，主九照剛宏府。

泰靈洞光明運普照天帝龔宗卿。主運

精府。

西城洞明真人王褒。乃金闕上宰，主金

闕城昌宮左府，又西城總英府。

總真真人王遠字方平。乃小有洞天，主

居明育燁燿宮，又清和元陽府。

高元宸照紫虚元君魏華存，字賢安。晋

人，魏舒女，主金闕紫章丹會府，居

高元宸照宮，又大丹宮。

形變樞機紫光安明元君歐陽長勝。鳳

翔府人，主安明宮。

紫泓周運昇和清玄元君湯宗朝。梓州

人，主神州陵光府。

儲慶保福洞光宗朝元君龍炎。道州人，

主天山元照府。

九天神宏通明廣冲真君林昌卿。大明

府人，主廣冲府。

天華冲靈紫靈華陽玄應真君陳煥然。

彭州人，主天華冲靈府。

上清玄曜浮丘元勳真君熙。主紫明府。

冲和太元洞靈天元真君張壬通。壽州

人，主和靈府。

紫皇冲靈太明内元元君朱欽賢。瓊州

人，主紫皇保生府。

龍光普照洞華元君汪淑道。漢州人，居洞華宮。

九天洞明元君許齡卿。秦降劍州，主九天洞清育玄宮。

九天隆玄太明通和元君余果。鄂州人，主九天太明府。

九天妙道真運元君楊徹。秦降河中府樞，轄雷霆為帥，主九天長原宮。

冲妙丹化玄和自然元君柳崇中。朱崖軍人，主九龍丹和宮。

紫微霞光妙感洞輝元君宋希仙。廣州人，主霞光明良府，居南離農山。

玉堂真人朱軒。東京人，主太清宮鳳凰閣玄靈宮，居金華山。

鬱華景林真人楊茂中。西京人，主景林元昌府，居東海山。

青惠昭化扶桑真君卜冀。隨州人，主昭靈府，角亢星中居。

東華上佐司命真人楊羲和。主洞陽端靈右府，又東華司命府。

東華上相上清仙翁許翮。主紫陽極玄宮。

紫靈妙道炎明洞光元君謝晉剛。主紫靈天化府。

洞真萬福元君紀師正。主太虛洞清宮。

上清元君西華聖母湛嬰。早登仙籍，闡孝道明王之教，主丹陽諒光宮，應化姓氏不一。

高明大使天機內相許遜。受謀元君招真上明玉章，得道於八月十五日，拔宅上昇。主天機省，居玉都清慶宮，洪州人，見本傳。

祖元君。

道德流派

太上老君。乃道德至尊萬法之祖，玄炁所生，功宰難名。都大羅金華山大赤天宮，化身度關，授文始先生關令真人以清微運玄經。周代人。

關令真人姓尹諱喜。著書行于世，預知紫炁開祥，際遇犢車，親傳玄妙，主大樞中宮，後授。

泰明清惠真人師復。乃東華帝君應化，漢州，降生，主龍丘山通明洞，在東海廣桑山，又皇清府。

西華通惠元君龐俏道。漢州綿竹縣庚

除治人，主西華廣聖宮。

元靈廣玄道妙慈和元君商榮。彭州人，主雲陽府。

碧靈廣聖洪靈元君鍾元貴。青州人，主天昌府。

太霞天崇道化元君岳濬。南京人，主崇光府。

通和清靈明昭玄真人徐自中。衡州人，主明一府。

太玄真人趙守真，又陳拱。蘇州人，主太玄清明宮太元府。

天山真人洪濱，又曉留。雍州人，主天一上陽宮天惠府。

玄上真人魯惠元。鄧州人，主洞玄保真宮。

太極左宮仙翁冲應孚佑真君葛玄，字孝先。越人，修煉得道，登太極內相，主太極靈曹宮。

太極慶融北靈內輔真人鄭思遠。主慶融元冲府，居雲陽宮。

祖元君。

正一流派

太上老君授

太上老君授

三天聖師泰玄上相真君姓張，諱道陵。

吳人，正月十五日生天目山，仕漢為尚書，棄官得道。主泰玄都省，居元

素元輝府，以子嗣教。

太清真人嗣師君張衡，仕漢為侍中聖師

之子也。

太清真人系師君張魯。仕漢為閬中侯，

侍中長子也。

泰玄聖母女師君張文姬。聖師女，俱得

道妙，舉家上昇。

太和依玄元君宋益誠。東漢西京人，三

天演教，主茂化府事。

清微洞玄寶衡紫華元和明道太一神景

元君王正宏。居玄都太冲樓右紫輝宮

闕下。

清微茂晨保運金明元君彭涵原。居井

鬼星之丹昭府，鎮丹昭風火雷霆自

為雷帥。

神耀保天道化元君廣溶。鄂州人，主神

耀府，掌海上神仙。

慧臺左輔真白自然通妙元君翁堅。東

京人，主中淑靈真府。

紫微總真元君梁阜。惠州人，主真和

府。

太華司命流金飛光丹霞真人朱安道。

乃洞妙神烈真君，主崇霞宮。

太和明一真人丘諒叟。梓州人，主明陽

昭元府。

上清妙道昌福宗源真人林自容。岳州

人，主源昌府。

靈妙和凝元君需東。東漢彭州人，主瓊

和府，後為雷帥，靈異不一。

玉眸靈光聖母太元君朱烜。桂陽軍人，

主紫光靈應宮，又靈光通化府。

祖元君。

四派總歸

金闕昭凝洞清明道保仙通化元君清微

元上侍宸祖舒，又遂道，字昉仲。零陵郡

人。元君勵志修真，遍禮許真君、鄭

真人、靈光聖母師君。又嘗於西京清

虛之洞，神化之溪，遇太清泰玄元君，

降於溪濱。元君異之，就禮焉。元君

與俱至洞中，授以元始大道。俾乘枯

木，順流聽其所止，少焉木復故所，已

失天人所在矣。元君繇是會四派而

一之。後居金闕昭明宮，主洞照府，

又金闕明道宮離農山上京，又主金闕中靈凝照府。

瓊室內應洞清上景元君郭玉隆。京師

人，乃清微太霞侍宸，主紫清府，又

洞清府。

紫光耀真福和元君傅央煇字子方。乃三

天上輔，居離農山昌耀府。又云居

海嶽太華山，主龍光府。

龍光道明元君姚莊，字淑奇。西京人，或

號廣昌元君。乃三天侍經，居廣桑

冲和宮，主隆惠府，往還二三所。

宸清妙化紫英玉惠元君高爽。燕京胃山

谷口居，乃三天侍御，主廣桑山洞輝景

鄂府，又玉英昭凝府，有寓止三所。

元勳皇靈夫人全茂。乃和陽侍真，主和

陽宮，西華清虛真人華英。鳳翔府

人，正月初三日生，乃洞陽上宰清微

明元仙卿，居西華山。

青城通惠真人朱洞元。成都人，二月初

一日生，乃神霄玉樞使清微洞衛上

卿，隱青城山。

雲山保一真人李少微。房州人，三月初

五日生，乃五雷院使清微都元右卿，

隱青城山。

眉山混隱真人南畢道，字斗文。乃清微保元仙卿，眉州人，丙辰十一月初三日寅時降生眉山。性淡榮利，學通天人，仕宋累官至廣西憲，嘗遇保一真人，授以至道，能役使神祇。一日，有朱衣吏降于庭，謂真人曰：上帝聞公名，今拜爲斗中六通掌水使者，宜闡楊玄教，弘濟生靈，伺公功圓，召還金闕。言訖，朱衣吏冉冉騰空而去。隱青城山。

碧水雷淵真人黃舜申，字晦伯。建寧人，甲申閏八月初五日未時生，幼聰悟過人，三教九流之書無所不覽，隨父宦廣西時，憲使混隱真人見而奇之，盡以其書付焉。先生鈎玄探蹟，集成大全，登門之士，冠蓋如雲。中膺召命入覲，繼得旨還山，隱居紫霞洲之上，爲一世宗師云。

道法驅疑說

道家之行持，即儒家格物之學也。蓋行持以正心誠意爲主，心不正則不足以感物，意不誠則不足以通神。神

運於此，物應於彼。故雖萬里，可呼吸於咫尺之間，非至誠孰能與於此。嗚呼。廣大無際者，心也。隔礙潛通者，神也。然心不存，則不明。神不養，則不靈。正以存之久而自明，誠以養之久而自靈。世之學者，不務操履於平時，而遽施行於一旦，亦猶汲甘泉於枯井，採奇華於枯木，吾見其不得矣。及其氣索神驚，取侮致慢，乃歸咎於神之不靈，法之不驗，良可悲也。時師不達深妙，持祭將則靈之說，以愚後人。遂使後學一意祭賽，損物傷生，引召無倚，求食之鬼，日至月增，結成徒黨。自謂驅攝指揮如意，不知以邪攻邪，實有損於行持者之身也。予自總角，心愛行持，遍傳法書數箱，印幾百顆，意謂法止如此。道心堅猛，天誘其衷。忽遇至人，授以口訣，不出數句，遂縱橫於諸法中。方知將吏，只在身中，神明不離方寸。世之志尚清高，雅意行道法者，不可不知此理也。

靈寶大齋醮法

混洞既分，列爲三洞，別名三天，以號三寶。洞真清微天寶，帝也。洞玄禹餘靈寶，洞神大赤神寶，皆臣也。所以仰遵元始之宗，以演清微之道，故出書。靈寶玉晨道君，生於西那玉國，由茲鳳檢龍章，來傳人世。厥後太極真人下臨左宮仙翁，應運太清，化治正一，相承萬端千條，神聖繼作，云靈寶內旨。

總曰始青大齋法，行始青門下分司事。又曰靈寶齋法，行黃籙院分司事。又曰靈寶大法司。官府總曰元始運玄宮，內分二十四府曰：元羅梵景府，元羅太霞府，元羅太明府，元羅太元府，元羅太華府，神元紫皇府，神元紫清府，神元紫瑤府，神元紫瓊府，神元紫昌府，大梵丹靈府，大梵丹暉府，大梵丹元府，大梵丹景府，大梵丹仙府，紫元景曜府，紫元景華府，紫元景復府，紫元景樞府，紫元景豐府，靈元

昭應府，靈元昭丹府，元英紫璇府，元英紫璣府。

齋品曰：太一齋。帝王配天十神，太一主之。九天齋。福國安民，九皇天之主。金錄齋。帝王安圖家，上元天官主之。玉錄齋。保佑六官，中元地官主之。黃錄齋。帝主后妃士，庶，遷被通用，下元水官主之。又分三元同主。明真齋。遷拔亡歿，三元同主之。洞淵齋。解穰疫癘，北帝主之。九幽齋。拔度亡歿，九幽天尊主之。五鍊齋。道士遷神行之，九幽天尊主之。

已上謂之九品齋科。

章書經錄簡誥符檄品

靈寶飛神上仙玉章。正齋一日，晚朝拜。

章信。章函符。封式。引進箋申。通闕符。拜章召章神符。頂帶符。佩印。九臺篆。伏章出官符。宣章，操章。燹章儀式。封章。遺章。焚章拜伏符法。

紫宸神運東極青玄昇神玉書。

引進箋 書信 捷奏遞符。

元始策靈生神洞經。

引進箋 經信 符式並同。此經普度道俗祖先師資，不與前書混拜。

靈寶陽華金科生昇黃錄。普度給付亡魂。靈寶混洞昇真黃錄。常醮給付亡魂。無上明真玉匱飛神黃錄。告行普度給付亡魂。

無上昭雲攝景通真玉匱黃錄。給付亡魂。靈寶玄都玉京寶錄。鍊度聚形用。靈寶飛晨仙化金錄。給付追祭祖先用。東極青玄超神黃錄。告行拔度塗炭幽爽用。太上救赦生天寶錄。給付幽爽用。救苦長生玉簡各一十二品。告行給付用。

拜召龍吏符關

清微內篆三元玉簡三面。正奏發。清微開明真符九天玉簡。全神焚告。清微濟玄太泓真符十方玉簡。正奏告發。三十二天玉簡。總四簡，或散行，亦可鍊度固氣焚告。

清微內篆太丹玉簡。三界正奏發。散壇山水土三簡。焚符附告下山水地神。紫宸玄上玉元真誥。告行普度。无上虛无自然寶誥。給付亡魂。

太陽洞煌鬱曜流光玉誥。鍊度告焚。太陰洞靈結璘寶光玉誥。鍊度告焚。无上靈光生神玉誥給付用。

保舉四誥。鍊度說戒後告焚。元洞玉曆。普度大齋追攝亡魂幽爽。靈寶泰華瓊宮靈飛玉曆。普度追攝用，正奏中發。

北魁玄範洞淵天赦玉札。常醮追修攝亡。玉曆札。此謂已發曆札了，臨期預薦續行批用。元洞玉曆玄廣靈章。追攝亡靈。

元景丹天飛天神驛法

章式

靈寶飛神上仙玉章 用好七尺剝紙，詳事意，或用三幅，或五幅七幅。每行一十七字，如大錢大，單行止。前空一尺九寸，書符分作四行。

清 真 招 集
飛 神 上 仙

總攝傳玄
 妙化通天
 飛神

具位臣姓某。臣聞無所不度丕彰大梵之文，絕而得生，昭示飛神之旨。臣謹奏，為某路州縣具官某人，偕同會衆信等，切念榮枯代謝，生死輪迴。上叩天闈，俾心詞而洞達。下通地壘，希滯類以遷昇。謹瀝蟻忱，仰干鴻造，適逢望日，幸際中元。建真境之瑤壇，開寥陽之寶殿。齋崇黃籙，科演清微。某日預告盟，潛通六合。某日正奏悃誠，請祈恩命。玉曆頒行，靈符宣告，攝追魂爽，遍達幽冥。某日豎立宸旛，分司立幕，進表啓玄，捲簾謁聖，金鍾迭奏，玉磬交鳴，光徹三晨，音聞九陛。某日三宣科範，鼎上詞言，是夜進拜玉章，上祈宸御，破獄召亡，錫衣呪食。某日三上青詞，重宣玄範，是夜普鍊沉滯幽囚，苦爽，陶魂鑄魄，復性生真，給符度錄，證果超昇。某日三時，朝奏重啓詞言，玉符鍊質，金籙超神。牘再叩，以言功

意，復稱而告簡。次日解壇散席，昭答宸恩。滿散修設，三界高真，清醮一座，集慈殊利。上祝皇帝萬歲，太子千齡，預會同盟，均覃景貺。臣謹因泓清宮直妙炁萬神。臣尅以今良辰，伏地拜進，元降靈寶飛神上仙玉章，仰祈超度，伏取敕旨。

右臣謹誠惶誠恐，稽首頓首，齋沐裁牘，上奏上清大帝靈寶天尊玉陛下。臣恭望大道天慈，允臣所奏，肆頒敕旨，降付三省，宣布中元，清虛地官，即使普告三界，遍示十方。拔度預會，附薦祖禰遠亡近死內外宗親，神識普及沉滯幽爽。乘茲道力，咸遂超昇。仰祈覃宥，均拜洪恩。臣冒瀆，天威，下情不勝戰慄，跼天踏地，俯伏以聞。謹奏。

太歲 年 月 日具位臣姓 某 上奏
 可漏

靈寶飛神上仙玉章 具位臣姓 某 謹封

外函


謹 謹 上 詣
 具位臣姓某謹重封
 上清玄都玉京七寶紫微宮請進

函中符

用青紙，高三寸，闊一寸半，朱書，安函內。

上
 奏
 臣某

章信安函內。朱砂半兩重，腦子半兩重，青絲十二條，各長丈二。如儀入木函，內貼符，如後式。封訖，再入護封，以黃羅袱包，置於章案。



木函如式，貼符訖。函上雕三印窠，留橫直線道。以五色線直至，上纏八匝一結，又中纏八匝橫一結，又下纏八匝一結。結封橫結，從上至下煞封。此按二十四府三部八景，縛結時心念二十四府天尊聖號三部至真，一匝一句。然後用印三處，封如式。

木函內貼符

頂兩函紙左前底右
 護封

護封

謹 上 詣
 具位臣姓 某謹重封
 賜谷都玉英昭凝府請進

外用黃羅銷金團龍夾袱包。

封符

章案符



靈
同焚

引進箋

具位臣姓某。

右臣奏為某州縣某人，偕預會等。恭遇中元覃宥之辰，修崇靈寶大齋醮，拔度預會，附薦先靈，普超沉滯幽爽。謹有靈寶飛神上仙玉章一函，隨箋上奏。敢乞捧詣進奏院，請進三省。恭俟敕旨頒降。即乞普告三界，遍示十方，咸與照應奉行。臣副章同奏，恭望真元聖師宸清妙化紫英玉惠元君聖前，特賜俞允施行。臣干冒宸威，下情不勝戰灼，俯伏伺恩之至。謹箋。

太歲 年 月 日具位臣姓某箋奏。

可漏

真元聖師宸清妙化紫英玉惠元君聖前，具位臣姓某箋奏謹封。

外函

謹 上 詣

賜谷上都玉英昭凝府請進

具位臣姓某謹重封

副章不用印，同捲在箋狀中。

申靈華右司

具位臣姓某

照對，某伏為入意。謹有

靈寶飛神上仙玉章一函，箋奏一函，伏乞真慈特賜，捧詣真元聖師宸清妙化紫英玉惠元君道前通進，須至申聞者。

右謹具狀上申請淵贊玄靈華夫人座前，特賜允俞，庶幾幽顯霑恩，善功圓滿。謹狀。

太歲 年 月 日具位臣姓 某 狀申

可漏

清淵贊玄靈華夫人座前具位臣姓某狀申謹封

外函

謹 詣

具位臣姓某謹重封

玉英昭凝府靈華右司通進

遞符

用黃劄紙，朱書，同發。

上清通闕玉符。

謹為某處某人等，修崇齋範，拔度亡靈幽爽。謹進靈寶飛神上仙玉章一

函，箋奏一函，申狀一函。謹同上詣賜谷上都玉英昭凝府靈華右司通進，合行符命。



右符雷霆飛捷符使賜谷神君張元伯，敷聞師拯，速達天闈，毋違時刻。佇俟升遷，符到奉行。

太歲 年 月 日 時告行。

具位臣姓 某承諾奉行。

列師銜。

拜章節次

遇拜章，隔日召神。符合如儀，致祭焚祝。尅以某日某時行事。

元羅梵景府 ①用黃劄紙，黑書朱篆。

據某處某人崇建靈寶大齋醮，幾晝夜。某日正齋朝元，是夜某時進拜。



敕威神



敕召從神

右符

大梵混神宮從章萬神，定今日某日某

時，前來某處齋壇，從章上御使。臣飛神朝謁，默運潛通，速徹天閭，恭祈恩貺，符到奉行。

太歲 年 月 朔 日 時告行。

具位臣姓 某 承諾奉行。

列師銜。

角封

九靈太真玉符告聞
謹 大梵混神宮真一從章萬神

具位臣姓某承諾奉行封

背書


太歲 年 月 朔 日 時告行。

進章解穢符



青紙朱書，洒用。


淨身沐浴符



黃紙朱書，化沐湯中。

拜章先存神，密呪焚符。心念上鳴上
欽上丹上旭上熱上回上禮上英上惠。

次焚符。叩齒坐焚。



召章神符

用青紙朱書，香上焚。



陽日用
救陽神




陰日用
救陰神

召神呪

又名俯視萬神呪。心誦大字，存小字，焚香。

响一點司韻康廉延啣泥。

召符




總召呪不拘陰陽日。

咿崎呀吮咭噉。

再召符




卯文念
清字焚




酉文念
丹字焚

太一真符

黃紙，高一寸三分，積一寸，朱書，粘貼冠內。





左佩黃神印腰之左，右佩越章印腰之右，後中天部霆司印。身立圓景之中，足履九臺之象。






入壇焚 陞陞符黃紙朱書，闊三寸，焚于壇中。出官符



出官符



冲真符 飛真符 朝真符



靈真符 鍊真符 扶真符



朝華符 昇元符 畢真符



出官畢，熏沐宣科。高功以龍頭刀三

東極妙嚴宮



用青紙朱書，安於函內。

書信腦砂青絲同前，只不用召章神一段。如拜此書，須在未拜章之前先拜，如只拜章不拜書亦可。詳事巨細而行之。

引進箋魏元君

具位臣姓某。

右臣奏為某處某人崇建靈寶大齋醮，資薦祖禰先靈，普度幽魂苦爽，廣積善功，恭祈景貺。

謹有紫宸神運東極青玄昇神玉書一函，書副一本，隨箋上奏

高元宸照紫虛元君聖前。恭望睿慈，俞允所奏。特乞進奏青玄上帝御前，請

旨降付省府速行，普告三界，昭示十方，咸與照應，拔度施行。臣干冒聖威，下情不勝戰灼，俯伏俟恩之至。謹箋。

太歲 年 月 日具位臣姓某箋奏。

遞符

黃劄紙全幅，黑字朱符。

上清捷奏玉符

謹為某處某人等，修崇齋醮，普拔先靈幽爽。謹進玉書一函，並引進箋狀一函，上詣高元宸照宮，請進天闕，合行符命。



右符





九天捷奏符使楊傑，敷聞師極，速達天宮，毋逾時刻。佇俟昇遷，符到奉行。

太歲 年 月 朔 日 時告行。

經式

此經普度道俗師資祖先，用青紙三幅至五七幅，朱書如章式。

元始策靈生神洞經



具位臣姓某。

臣恭聞《靈寶度人无量上品妙經》有曰：上解祖考億劫種親之訓，莫不仰賴，洪恩垂慈及下。臣謹奏為入意，恭準

元降元始策靈生神洞經，普垂超度，伏取敕旨。

右臣謹誠惶誠懼，稽首頓首，齋沐裁牘，百拜

上奏

上清大帝靈寶天尊玉陛下。臣恭望

大道天慈，允臣所奏。肆頌

敕旨，付三省宣告瓊臺丹華妙樞之府、元景丹天府、南方丹天世界、十方无極世界、神範昭宏之府，拔度各人道教祖禰師資遠近内外宵親神魂。乘茲道力，咸遂超昇，臣冒瀆天威，下情不勝戰慄，跼天踏地，俯伏以聞。謹奏。

太歲 年 月 日具位臣姓某上奏。

函內青符



臣某

可漏方函，信儀，引進箋，拜書副造符，

並如前式。換易行用，此經不與書章混拜。

集神符

拜詞焚之，青素朱書，闊三寸，或書香片上。



臣某

詞式

具位臣某，謹謹上啓

太上太微玉帝。臣宿膺帝眷，幸叨真源，凡有詞言，克祈感應。臣謹出身中五體真官里社大神。臣聞上開八門飛天法輪，謹出瓊英六十四真，統協八景大神出。出者，垂纓冠服，禮以端莊，從臣上奏。臣謹出臣青炁九億，靈官九千，萬億騎吏出。出者，垂纓冠服，禮以端莊，從臣上奏。臣謹出臣赤炁三億，靈官三千，萬億騎吏出。出者，垂纓冠服，禮以端莊，從臣上奏。臣謹出臣白炁七億，靈官七千，萬億騎吏出。出者，垂纓冠服，禮以端莊，從臣上奏。臣謹出臣黑炁五億，靈官五千，萬億騎吏出。出者，垂纓冠服，禮以端莊，從臣上奏。臣謹出臣黃炁一億，靈官一千，萬億騎

吏出。出者，垂纓冠服，禮以端莊，從臣上奏。臣謹出太微長慶龍光內化飛天騎吏三千萬衆出。出者，垂纓冠服，禮以端莊，從臣上奏。臣謹出三天太微明式丹化外遊飛玄騎吏三千萬衆出。出者，垂纓冠服，禮以端莊，從臣上奏。臣謹出驛馬前驅大將軍開化使者九千萬衆出。出者，垂纓冠服，禮以端莊，從臣上奏。臣謹出太微四輔輔真飛騰騎吏九千萬衆出。出者，垂纓冠服，禮以端莊，從臣上奏。臣謹出太微玉司上詞典者陳情玄初帝君出。出者，爲臣引進上詣太微玉清宮通明元鈞寶殿。令臣所陳詞奏，速達帝鄉。令臣所奏者達，所啓者得。凡有懇祈，立希昭報。臣謹因二官直使，謹謹上啓昊天玉皇上帝玉陛下。

拜伏焚詞，次焚復丹符，於香爐中。

復丹符黃紙朱書




臣某

心呪

泓澄明。

太微通詞符



臣某

長跪復官

臣所陳詞悃已達宸御。臣向來所出太微玉清輔真官品，在內還內，在外還外，後召復到，一如故事。

此拜詞法常醮通用，如黃籙九朝詞不用此法。

青詞式。唐天寶年間易祝板爲清詞，書於紙。宋真宗朝更以青紙，謂之青詞。青青兩儀義皆有從始，不可不知也。所修詞文不過六七十字，不用中謝伏念字。此乃表中格式，誠爲謹嚴，且詞先入願，意欲直具事由。不可以對偶聯屬，雖云宣讀之便不知詞文。又有對偶，事意重複，不嚴簡耳。律曰：章詞之體，欲實而不文，拙而不工，朴而不華，實而不僞，直而不曲，辯而不繁，弱而不穢，清而不濁，正而不邪，簡要而輸誠，則可以動天地，感鬼神，徑上天曹，報應立至也。違者，司非執

法官吏從坐。


黃籙式

靈寶陽華金科生昇黃籙

黃劄紙，黑書朱篆，給付亡魂用。

恭準元降。謹據某處某人，伏為亡過某，追修某齋。崇建壇儀，宣行科範。請頒符命，開度九幽，廣集善功，總資超度。除已飛奏天廷外，合行宣告。

清微金 科



救命敷宣 萬神咸聽 超度冥爽 道遙上清

右籙告聞

无上三羅之天，三界冥空，超度某人神

魂。東斗主識，西斗受命，北斗分神，南斗得性，中斗意真。五帝以正，青帝玉字，白帝金文，赤帝丹芒，黑帝玄晶，黃帝成意。飛神召靈，得道昇天，意識洞明，遊行自在，逍遙上清。
太歲 年 月 日 時告行。
具位臣姓 某承 誥奉行。
列師銜。

靈寶混洞昇真黃籙

黃紙，黑書朱篆，大小功果，給亡通用。

據某處某人，伏為亡過某魂，就某處開建某齋，作諸功德，以祈超度，上昇天堂。一如元降。

保制沉魂 上登朱陵 黃籙救赦 永處昌齡

右奉元始靈章，飛度五戶，名上南宮。謹召

鬱單无量天帝列至无想无結无愛天帝。

仰遵玉文，符到超度奉行。
太歲 年 月 朔 日 時告行。
具位臣姓 某承 誥奉行。
列師銜。

无上盟真玉匱飛神黃籙

龍漢延康，仰遵宸命，超度元元，以今崇建大齋，修陳妙典。恭承元降，拔贖一切，无量度人。中羅三十二天帝，混合總真萬神。
元始符命

歷關諸天

普告三界

敕制地祇

右籙制魔，保舉，度品南宮，死魂受鍊，

仙化成人。隨劫輪轉，與天齊年，永度三塗五苦八難，超凌三界，逍遙上清。一如告命。

太歲 年 月 朔 日 時告行。

具位臣姓 某承 誥奉行。

列師銜至魏。

玄三元靈道君黃籙院使。

玄二元皇道君黃籙院使。

玄一元明道君黃籙院使。

角封

無上盟真玉匱飛神黃籙上詣

具位臣姓某承誥奉行封

三天門下請進

背式

太歲 年 月 朔 日時告行

無上昭雲攝景通真玉匱黃籙

奏為入意，謹按

無上策天經，引詣

福庭，思神育炁，上昇丹景。

偉烈完妙

神煉攝經

昌照諱神

右籙給付某魂，仰承超度，策炁凝空，飛騰太妙，儲清散濁，廣運妙玄，出離冥塗，上昇玉京。一如元降，疾速奉行。

太歲 年 月 朔 日 時告行。

具位臣姓 某承 誥奉行。

列師銜。

靈寶玄都玉京寶籙

青紙朱書，煉度聚形，告行。

據某處某人偕預會等，恭遇中元覃宥之辰，修崇靈寶大齋醮。昇度各家祖禰先靈，拔超沈滯幽爽，仰祈真篆寶符。通元達妙，幹運玄精，周流丹景。昇神魂於仙界，解穢濁於幽都。稟令敷行，承符超度，一如告命。

腦神青華君 目神通光君 舌神元明君

鼻神中輝君 耳神正丹君 髓神元成君

絡神混遁君 心神正元君 肝神總章君

肺神太華君 脾神內運君 腎神太淵君

手神立元君 足神保衛君 骨神攝化君

血神流和君 肢神元慄君 太淵章清君

大腸導文君 小腸昌化君 谷道鍾永君

皮神包元君 毛神運靈君 胎神奕淨君

胃神洞精君 膜神自生君 髮神變興君

齒神慶得君 炁神內煉君 津神元化君

神神慶得君 炁神內煉君 津神元化君

神神慶得君 炁神內煉君 津神元化君

魂神陽精君魄神招堯君

三炁 通

右奉

上帝敕符，準玄都玉京

太上玉宸道君靈寶上令，付九天生化諸君。仗茲聖力，使所度亡魂幽爽，乘此

符命，魂神澄正，萬炁長存，不經苦惱，身有光明，三界五帝，列言上清。急急如

靈寶洞章律令。

太歲 年 月 朔 日 時告行。

具位臣姓 某承 誥奉行。

列師銜。添後聖位。

萬變九真玉仙聖母太素元君臣莊。

高元紫虛宸照元君臣魏。

玄三元靈道君黃籙院使。

玄二元皇道君黃籙院使。

玄一元明道君黃籙院使。

靈寶飛晨仙化金籙

黃紙黑書朱篆，不以大小追修用之，給付亡魂。

據入意至除已，具奏

宸廷，宣降金籙。上請：

太皇黃曾天帝度，太明玉完天帝度，清明何童天帝度，玄胎平育天帝度，元明文舉天帝度，七曜摩夷天帝度，虛无越衡天帝度，太極濛翳天帝度，赤明和陽天帝度，玄明恭華天帝度，耀明宗飄天帝度，竺落皇笏天帝度，虛明堂曜天帝度，觀明端靖天帝度，玄明恭慶天帝度，太煥極瑤天帝度，元載孔昇天帝度，太安皇崖天帝度，顯定極風天帝度，始皇孝芒天帝度，太皇翁重天帝度，無思江由天帝度，上揲阮樂天帝度，無極曇誓天帝度，皓庭霄度天帝度，淵通元洞天帝度，太文幹寵天帝度，太素秀樂天帝度，太虛无上天帝度，太釋玉隆天帝度，龍變梵度天帝度，太極平育天帝度。

普告 三界

萬神咸聽

敕命奉行

右籙永度三塗五苦八難，超凌三界，逍遙上清。一如告命。

太歲 年 月 朔 日 時告行。

具位臣姓 某承 誥奉行。

列師銜。

東極青玄超神黃籙

黃紙朱書，告拔塗炭幽爽告魂。

謹為入意至除已，飛奏

天廷，普告三界，昭示十方，告行九龍符命，外合行元降。

敕命 三界

命聽

右籙

三界冥空，三元曹局，六合八埏，應著幽都，萬神咸聽。超度某州境內兇橫沈魂幽爽，消除業垢，解釋冤仇，神識自生，超凌福境。一如告命。

太歲 年 月 朔 日 時告行。

具位臣姓 某承 誥奉行。

列師銜。

无上盟真玉匱通真黃籙

黃紙白書朱書，告行接待用。

謹為某處某人偕預會等，修建妙齋，作諸善利，加持雲篆，接引沈幽，超登道岸。

攝
完
涵
養

上
昇
紫
庭

右籙

東華妙化昭運十方天尊，南潢妙化昭運十方天尊，西方妙化昭運十方天尊，北滌如化昭運十方天尊。上煇帝庭，一如告命。

太歲 年 月 朔 日 時告行。

具位臣姓 某承 誥奉行。

列師銜。

太上生天寶籙

黃紙黑書朱篆，給付幽魂。或百至十萬道，焚之。

救

赦

神

魂

上

升

右籙普告三界，昭示萬靈，拔度幽爽，逍遙上清，一如告命。

太歲 年 月 朔 日 時告行。

具位臣姓 某承 誥奉行。

列師銜。

清微齋法卷上

①府：疑為「符」。

清微齋法卷下

簡式

救苦簡十二品

用梓水，丹書，青袋。

帝王登真第一

億
光
普
照
參
龍
元
救
行

元始符命金籙玉簡青英妙道真符，告下方諸洞霞明華光元之天，太霞扶桑君，暘谷重元靈君，左鬱華上真，右青谷上真。上啓皇帝，參朝道寶，與真洞明。一如告命。

太歲 年 月 日具位臣姓某告行。

后妃登真第二

元
始
應
化
龍
文
煥
明
行

元始符命金錄金簡冲真九陽真符，告下金靈元宏碧昌之天，太丹金元萬炁圖仙元君，三華九惠七暎十明太釋隆昭上真。謹啓后妃，參朝師寶，克證仙真。一如告命。

太歲 年 月 日具位臣姓某告行。

度公侯將相一品三品命婦及三洞錄官高士第三

九陽真符 太運度

品清真救行

元始符命金錄白簡九龍真符，告下朱明紫素煌耀之天，和陽赤明昌陽育明元景上真超度某人，乘茲妙曲，復性生真，超昇仙境，名上清都。一如告命。

太歲 年 月 日具位臣姓某告行。

度品官命婦四輔正一錄官高士第四

龍文胎化映

元始符命金錄白簡九龍真符，告下玄英樞機應靈元華之天，紫微春景元皇，清晨玉靈上真。拔度某人，參朝靈寶，獲遂登真。一如告命。

太歲 年 月 日具位臣姓某告行。

生身受度第五

青華真符 化昇

度與真救行

元始符命金錄白簡九龍真符，告下北元景緯瑞光紫蓋之天，玄華鎮陰洞官，風澤靈淵應明至真。拔度預修某人，劫劫長存，超凌三界，逍遙玉臺。一如告命。

太歲 年 月 日具位臣姓某告行。

保國度難消息兵戈第六

龍文胎化映

度青真救行

元始符命金錄白簡九龍真符，告下蓬玄太空之天，五嶽四瀆，九州八埏名山

大川，地祇百靈衆真。永保國祚，莫安邦境。一如告命。

太歲 年 月 日具位臣姓某告行。

度侍從卿監郎官朝貴監司守位官品命婦第七

龍文胎化映

元始符命金錄白簡九龍真符，告下太華瓊英七暎之天，瓊華上真，玄靈元冥，十華境分九靈，太明自然之神。拔度某人，神參紫闕，名上丹章。一如告命。

太歲 年 月 日具位臣姓某告行。

度邑宰官職命婦道流錄士第八

威符龍還魂

神生真救行

元始符命金錄白簡九龍真符，告下十方无極世界，三官九署百二十曹，五帝考官，九陰主者，陰景神靈。拔度某人，

神參仙域，名記紫文。一如告命。

太歲 年 月 日具位臣姓某告行。

拔贖沈滯百姓士民第九

符號

元始符命金籙白簡救苦真符，告下十方无極世界，三官九府百二十曹，五帝考官，九幽地獄巨天力士，執罰神兵，司命司錄，司功司殺，牛頭獄卒，三界大魔。拔度某人，出離地獄，永辭長夜，睹見光明，萬罪蕩除，冤仇和釋。乘此九真妙戒，拔度功德，上昇天堂。一如告命。

太歲 年 月 日具位臣姓某告行。

度凶橫非命傷亡第十

符號

元始符命金籙白簡救苦真符，告下洞淵陰臺北靈玄運之司，十元八宏掾佐

諸神。拔度某人，出離惡趣，魂識洞清，萬罪蕩除，冤仇和釋。乘此某籙，解度功德，上生天堂。一如告命。

太歲 年 月 日具位臣姓某告行。

通用第十一

詰文同前，拔贖士民第九。

符號

濟拔血湖第十二

符號

元始符命金籙白簡九龍真符，告下清英萬炁總真之天，金闕太隆華精曲素諸真，黃華浩地紫元崇臺夜光夫人，涵清妙宏仙真。拔度某人，速離迷徑，克證生方，真惠洞明，善源澄正。乘此黃籙功德，上昇天堂。一如告命。

太歲 年 月 日具位臣姓某告行。

長生簡十二品

栢木，朱書，青袋，用金龍吏。

帝王登真第一

符號

元始符命金籙玉簡長生玉曆保真靈符告下，清微洞陽之天，紫清皇曜九炁九真，元陽玉晨蒼道三尊萬神。上啓皇帝，參真契道，克獲生神，龍文結炁，上昇玉京。一如告命，金龍驛傳。

太歲 年 月 日。具位臣姓某告行。

后妃登真第二

符號

元始符命金籙金簡紫詔丹華靈符，告下太皇元明之天，耀清混英妙化洞英諸尊萬神。謹啓后妃，參真合道，上昇紫清。一如告命。

太歲 年 月 日具位臣姓某告行。

度公侯將相一品二品命婦三洞籙
官高士第三

元始符命金籙白簡長生靈符，告下南
極元光曲真三陽玉陵之天，昌陽三品
百英帝真。超度某人，上登朱陵。一如
告命。

元始符命金籙白簡長生靈符，告下南
極元光曲真三陽玉陵之天，昌陽三品
百英帝真。超度某人，上登朱陵。一如
告命。

太歲 年 月 日具位臣姓某告行。

度品官命婦四輔正一籙官高士
第四

天寶應運長
生道真救符

元始符命金籙白簡長生靈符，告下朱
陵周運太丹之天，三十六元煌暉天真。
超凌某人，上登朱宮。一如告命。

太歲 年 月 日具位臣姓某告行。

生身受度第五

元始符命金籙白簡長生靈符，告下九
都玉陽之天，六司八弼，輔真萬化諸
君。超度預修某人，劫劫長存，隨劫輪
轉，參真悟道，上登朱陵。一如告命。

元始符命金籙白簡長生靈符，告下九
都玉陽之天，六司八弼，輔真萬化諸
君。超度預修某人，劫劫長存，隨劫輪
轉，參真悟道，上登朱陵。一如告命。

太歲 年 月 日具位臣姓某告行。

清微應命

生道長存救符

元始符命金籙白簡長生靈符，告下紫
微碧玉泰玄之天，太一帝君，十元太一
天君，青門黃闕紫禁黑關龍衛，虎轅天
真集諸貴神。保度國安民豐，欣樂太
平。一如告命。

太歲 年 月 日具位臣姓某告行。

星辰告下，經緯洞陽，鬱儀洞陰，結璘
五星四曜，北斗南辰，諸真解度。如何或
某法雷真如何。

度侍從卿監郎官朝貴監司守倅命
婦第七

洞真元混化
合生神救符

元始符命金籙白簡長生靈符，告下南
極虛明昌華之天，陽元赤混總真帝靈。
超度某人，參真悟道，上登南宮。一如
告命。

太歲 年 月 日具位臣姓某告行。

元皇保運真

生道神救符

元始符命金籙白簡長生靈符，告下南
方丹天世界，朱陵火府南昌上宮長生
大君韓君，司馬司命司錄延壽益筭度
厄尊神，迴骸起死監生大神。超度某
人，上登朱宮流火之庭，玉眸鍊質，黃
華蕩形，書名紫策，受化更生。乘此金
籙，度命功德，時刻昇遷。一如告命。

太歲 年 月 日具位臣姓某告行。

元始符命清微內篆三天玉簡，告聞上元天官太極宮三十六曹考司典掾。拔度預會，附薦某等神魂，普及沈滯幽魂苦爽，出離天囚，徑詣真都，滌除過咎，朝謁高清。金籙寶符，三界遵承。一如告命，金龍驛傳。

太歲 年 月 日具位臣姓某告行。

中元簡

冠 齋 軾 齋 魁 齋 茂 齋

攝 齋 禁 齋 朝 齋 宗 齋

元始符命清微內篆三天玉簡，告聞中元地官清虛宮四十二曹考司典吏。拔度某魂，普及沈滯幽魂苦爽，出離地戶，乘沐陽光。金籙寶符，三界遵承。一如告命，金龍驛傳。

太歲 年 月 日具位臣姓某告行。

下元簡

烈 齋 玄 齋 帝 齋 命 齋

生 齋 化 齋 萬 齋 真 齋

元始符命清微內篆三天玉簡，告聞下元水官洞源宮四十二曹考司典吏。拔度某等神魂，普及沈滯幽魂苦爽，出離苦趣，超生福庭。金籙寶符，三界遵承。一如告命，金龍驛傳。

太歲 年 月 日具位臣姓某告行。

九天簡

或總一面，或分九面，並同式。

清 齋 朗 齋 昭 齋 切 齋 炁 齋

育 齋 明 齋 泓 齋 整 齋 飛 齋

元始符命金籙白簡清微開明真符，告下某天高上至真。超度某魂，飛神謁帝，真惠洞明，上生天堂。一如告命。

十方簡

或散或總，角封並同九天式。

雙 齋 徑 齋 由 齋 漠 齋 洪 齋

鎮 齋 威 齋 冲 齋 廣 齋 元 齋

元始符命黃籙白簡清微濟玄太泓真符，告下某方無極世界。拔度某人，神

度紫府，名上丹庭。一如告命。太歲 年 月 日具位臣姓某告行。

三十二天簡

或四面，或散用誥文，角封並同九天式。

東方八天

森 齋 亮 齋 涵 齋 泓 齋

暉 齋 奕 齋 互 齋 聖 齋

南方八天

符 齋 庚 齋 鎬 齋 復 齋

涼 齋 灼 齋 彬 齋 輝 齋

西方八天

晶 齋 高 齋 元 齋 渾 齋

泓 齋 協 齋 烏 齋 通 齋

北方八天

合 齋 拱 齋 慈 齋 想 齋

岳 齋 杰 齋 羅 齋 遷 齋

三界簡正奏發

太丹簡運化符

玉符應建升符

元始符命清微玉篆太丹簡符，告下蓬
玄太空天君，佐命儲副真君，泰山府
君，司命真君，上殿炳靈公，西齊王，蒿
里丈人，諸司曹僚典者掾佐等神。拔
度九州五姓沈滯幽魂苦爽，以及預會附
薦神魂，出離幽夜，赦滌罪愆，神度紫
府，名上南庭。玉文到處，金龍驛傳。
水府告下，水府龍庭，九江四瀆，八海
五湖，溪源潭洞，澤谷龍庭，合隸攸司。
拔度同前。

散壇山水土簡

壁式

山天青，圓。土黃，方。水玄，六角。

山簡

告下岳峙山，鎮萬神，救靈鎮。

謹為某處某人，以今月某日值某之辰命。

某等修建靈寶大齋醮，自某日歲事，至某
日滿散。今則行道事竟，投簡某山，願
神願仙，長生度世，飛行上清。五嶽真
人，至聖至靈，乞削罪錄，上名九天。
請詣靈山，金龍驛傳。

太歲年月朔日時具位臣姓某於某山某
洞天告聞。

土簡

告下土皇，九壘三
十六萬神，救安鎮。

謹為同前詞。願神願仙。中皇九土，戊
己黃神，土府五帝，乞削罪名。請詣中
宮，勒簡太玄。金紐白信，金龍驛傳。
太歲年月同前於某家住宅中宮土府告
聞。

水簡

告下水官府院亭閣
龍潭萬神救合神。

謹為同前詞。願神願仙。三元洞府，九
江水帝，十二河源，江河淮瀆，溟冷大
神，乞削罪錄，上名九天。恭詣水府，
金龍驛傳。

太歲年月同前於某潭某江告聞。

告簡焚後，符祝之。

鎮土

潭水

神山

右仙家修鍊之始，先投簡於三府，乞削
過錄功，故有願神願仙之語。前賢取
壇中告畢，齋功重明志願，亦為佳事。
以槿木為簡，以表潔志，以金龍負簡。
又當如簡之長廣，作虛中板底牀，以置
簡上，置龍於虛中處，以負簡。有以土
府，龍則坐而鎮宅，蓋俗論也。所謂金
龍驛傳，豈有坐而能傳置也。以青絲
代截髮，青絲每簡用二丈四尺，繫簡縻
龍，三府各有匝數。金紐二十一口，每
一簡用七口，結於絲上，為龍之銜勒，
以表堅固之義。加璧以致敬，禮重幣
也。天府璧圓而青。土府璧方而黃。
水府璧玄而六出，象水之成數也。

玉誥式

紫宸玄上玉元真誥黃素丹書

據入意除已。謹按真科，宣行道範。仰
紫清而傳戒，俯玄澤以垂章。用闡金
元，廣行玉誥。

救 頌 清 救

妙 達 生 方

右誥泄自太虛，降流八極。是以宣演，玉元用之，攝行金格。上請紫宸丹剛妙元天君，紫宸丹剛妙元天君，紫宸鬱華九炁天君，紫宸絳章三炁天君，紫宸皓靈七炁天君，紫宸玄真五炁天君，紫宸黃陽一炁天君，紫宸三十六混明道君。超度某魂。出離幽夜，睹見光明，飛神煉質，育鍊精英，上生紫極，遊宴丹庭。一如告命。

太歲 年 月 朔 日 時告行。

具位 臣姓某承 誥奉行。

列師銜。

元上虛无自然寶誥黄素朱書

恭奉元降天寶君靈寶君神寶君救。拔度某人，上生福庭，如預修改云。延生度厄，生身受度，劫劫長存。一如告命。

以

右九天之章三洞飛玄之炁。超度某人，

宿命帝圖，返本合元，一一長存，逍遙自在，與道合真。一如誥文，風火驛傳。

太歲 年 月 朔 日 時告行。

具位 臣姓某承 誥奉行。

列師銜。

太陽誥

太陽洞煌鬱曜流光玉誥

恭奉元降洞煌玉篆誥命。奏為某處某人與預會等，崇建靈寶大齋醮，昇度各家祖禰先靈，普超沈滯幽爽。仰祈飛度。

救 命 鬱 儀

陽 光 同 真

右誥洞煌昭運，廣映十方，鬱儀金暉，妙應南昌。上啓洞陽鬱儀炎光帝君，日宮三十二天總華諸帝君，策景丹光元令真宰。伏依玉誥，奉命清陽。即使某人，迴魂度魄，神上黃元，三化九鍊，升入天關，炎光真炁，澄正流芳。急急如元始上帝玉宸道君救。

太歲 年 月 朔 日 時告行。

具位 臣姓某承 誥奉行。

列師銜。

太陰誥

太陰洞靈結璘寶光玉誥

恭準元降洞靈玉篆誥命。奏為入意。仰祈超度。

救 洞 昭 命

暉 映 黃 華

右誥朗暉洞暉，照徹黃中，圓景含輝，華靈妙昌。上啓洞陰結璘素皇妙化元君，月府三十二天帝，黃華元君，流光玉女，策景芒陽真宰。伏依玉命，浩蕩天晶。即使某人，招搖洞皇，神彩羽衣，鍊化交相，飛形合道，上升寒光。急急如元始上帝玉宸道君救。

太歲 年 月 朔 日 時告行。

具位 臣姓某承 誥奉行。

列師銜。

角封太陰同式，改易官名

太陽洞煌鬱曜流光玉誥上啓 謹 同陽鬱儀官請進 具位臣姓某承誥奉行封

背式

太歲 年 月 朔 日 時告行。

無上靈光生神玉誥

九天內元生神，恭奉元降玉誥。授於太和靈玄元君，以今遵依宣行。

生の穴化心八玄誥

登紫微救多劫

右誥九天帝列九行。無量度人，錫以九天自然之炁。為某人，生化形神，妙玄冲寂，飛神上清。一如告命，風火驛傳。

太歲 年 月 朔 日 時告行。
具位 臣姓某承 誥奉行。
列師銜。

角封

無上靈光九天生神玉誥上啓

謹無上九天帝君

具位臣姓某承誥奉行封

鍊度四誥青紙朱書

黃籙院門下分司

據某處某人，伏為某事，修建靈寶大齋醮。廣集善功，總資超度，恭準元降，保舉某魂上昇仙境。

右元始符命，時刻升遷北都寒池部。衛某形魂，制魔保舉，度品南宮，死魂受鍊，仙化成人，生身受度，劫劫長存，隨劫輪轉，與天齊年，永度三塗五苦八難，超凌三界，逍遙上清。一如告命。

太歲 年 月 日 時告行。
具位 臣姓某承 誥奉行。
列師銜。

黃籙院門下分司
據某處入意至恭準元降。升度某魂，過度三界。

右普告三界無極神鄉，泉曲之府，北都羅酆，三官九署，十二河源。上解某祖考億劫種親，疾除罪簿，落滅惡根。不得拘留，逼合鬼羣。一如告命。

太歲 年 月 日 時告行。
具位 臣姓某承 誥奉行。
列師銜。

黃籙院門下分司

據某處入意至恭準元降。保度某魂，上生天堂。

右敕制地祇侍衛，送迎某魂，拔出地戶五苦八難，七祖升遷，永離鬼官，魂度朱陵，受鍊更生。一如告命。

太歲 年 月 日 時告行。
具位 臣姓某承 誥奉行。
列師銜。

黃籙院門下分司

據某處入意至恭準元降。保度某魂，升入玉虛。

右歷關諸天，請滅某魂三惡，斬絕地根，飛度五戶，名列太玄。魔王監舉，無拘天門。一如告命。

太歲 年 月 日 時告行。
具位 臣姓某承 誥奉行。
列師銜。
角封

謹 元 始 具位臣姓某承誥奉行封

符 命

背式 太歲 年 月 朔 日 時告行

普告敕制歷關 同前式

三界地祇諸天


玉曆式

元洞玉曆

白劄紙三幅，黑字如錢大，每行一十七字，單行朱篆。

據入意，恭準元降敕文。

混洞	道池	幸喘	簡羅	慶持
開明	幸喘	造基	勒羅	越梓
泓困	造基	寧憐	知齊	耀爛
極覽	簡平	知齊	困谷	
盈法	桐景	澄珠	慶翁	
緣道	游昌	瑛師	景雲	
延覺	戲炁	生羽	延蘭	
寂苑	上婆	影月	莽梧	
述瑛	庭高	玄景	勃崇	
艷候	仙昌	玄景	勃崇	
雲普	鄉詣	迅碧	奉瑛	
仙波	扇息	矧霞	龍瑛	
擧升	膚紫	松云	逆蘭	
通靈	英重	恭靜	芝通	



攝降

右告聞：

碧玄丹剛洞耀三十二天，玉惠耀光三十二天，同迴亶空大明二十八天，通玄總其茂靈三百六十神王，三元三界海嶽十大洞天，三十六小洞天，七十二福地，二十六靖廬，二十八治，八埏内外，九皇三十六壘，風澤洞虛萬神。仰遵玉曆，超度幽靈魂魄，渾全神識，來赴玄庭。玉曆所至：天光四朗，紫雲回旋。慶霄八會，靈風揚塵。日月吐輝，五星灌津。天地溟滓，流洒香煙。河海靜默，山嶽藏雲。五苦咸解，三徒赦原。九幽息對，長夜開緣。盲聾聰明，六痾並痊。地藏發泄，金玉露形。白骨生炁，腐骸還人。龍麟踴躍，鳥獸飛忻。三界長樂，人神懽焉。此日大慶，萬劫更新。玉曆所至，風火無停，罪消地府，名上南宮。急急如元始上帝律令。

太歲 年 月 朔 日 時告行，

臣謹遣某神上達。

具位 臣姓某承 誥奉行。 列師銜。

靈寶泰華瓊宮靈飛玉曆

如前。用白劄紙，朱書符，黑字。

謹為某處某人，伏為某事，建立壇儀，修崇齋範。請頒

符命，開度九幽，廣集功勳，總資超度。除已飛奏

天廷，普告三界，昭示羣司外。恭準元降。

虛	无	溟	洋
天	地	洞	清
生	化	萬	象
妙	理	全	真
飛	神	不	滅
會	集	成	仙

右本際真篆，普告三界，昭示十方。謹因際會，用召璇穹飛仙千二百神，森羅

混合辰曜當宁至真，輿挺艷壘掌執靈
祇。根括前件，在會所薦，冥魂沈爽，
至期來詣齋壇，聽經聞道。神識自在，
上昇福庭。玉曆所至，星火奉行。

太歲 年 月 朔 日 時告行，
謹遣五方雲路追攝符使一百

一十人傳告。

具位 臣姓某承 誥奉行。

列師銜。

圓封

泰華瓊宮靈飛玉曆 具位 臣姓某封

背文

太歲 年 月 朔 日 時告行

召冲靈妙感直符朱昉符

心呪 郁亨劍。

玉札式

北魁玄範洞淵天赦玉札

白劄紙，黑書大字，朱符，如玉曆式。

據鄉貫某人，伏為亡過某，自從傾逝，未
測。昇沈，叩祈超度。本司領詞激切，
除已飛奏天廷，箋聞省府，普告三界，
昭示羣司外。恭準元降。

玄 光 普 照

號 召 萬 神

拔 贖 元 間

道 遙 上 清

右札

元洞玉曆，龍漢延康，普告萬神。謹召
北魁玄範何昌、喬荀、魏睦，神虎將軍
趙屋、梁煒等。攝召前件，所薦亡靈，
赴玉英昭凝府靈華右司，捧錄生昇。
札到星火奉行。

太歲 年 月 朔 日 時告行，

謹遣鐵甲飛電使者蔚仲堅。

具位 臣姓某承 誥奉行。

列師銜。

角封

北魁玄範洞淵天赦玉札上詣
玉英昭凝府靈華右司通進
具位臣姓某承誥奉行封

背式

太歲 年 月 朔 日 時告行

此札不與玉曆同用，大功緣則用玉曆，

為二三千員數，或普度數。

玉札或三五名近百名，不以大小功果
通用，却用混洞錄給亡，並繳赴靈華右
司。

召鐵甲飛電使者蔚仲堅符

靈寶昇玄部衛玉檄

白劄紙，黑字，朱符。

謹據入意。以今齋事，云周醮修，將備
所薦神魂，資度幽爽，乘茲玉檄，即遂
逍遙。

右檄上召

泰華瓊宮靈飛司掾佐主神，制魔保舉，
度品南宮。一如玉檄，火急奉行。

太歲 年 月 朔 日 時告行，

謹遣五方雲路飛行大神等上達。

具位 臣姓某承 誥奉行。

列師銜。

列師銜。

角封

靈寶昇玄部衛玉檄告下

謹泰華瓊宮靈飛司

具位臣姓某承誥奉行封

背式

太歲 年 月 朔 日 時告行

召金元丹明直符韓元吉符

召呪 格周釗

右直符狀，青面，三日，執斧。

續批玉曆札

此謂已發曆札了，臨期或三五名，旋求超度者。

某分司：

本司據某人，與在會某人等，崇建黃籙大齋。已行玉曆，關告去後。又據某人來詞，幸遇大齋良會，敢不薦修某人若干名。仰希恩賜同躋。

右符請某宮分司，追攝一行至真，詳審來符良因。疾速奉行。

太歲 年 月 朔 日 時告行。

具位 臣姓某承 誥奉行。

列師銜。

封皮

玉曆大篆

具位 臣姓 某謹封

背式

普告三界昭示羣司

曆前單狀

妙道始青宮分司：

恭準 元降，玉曆攝召。黃籙大齋

會某人等，所薦亡過家先祖禰內外親

姻姓名，開具于後。

某處某人所薦亡過某人，存歿時生

詳名，多寡逐一開列。

右具在前，伏乞詳審，即命馳傳。捷疾

神吏，上通碧漢，中遍人寰，下及坤輿

九州八埏。要見所薦，先魂正身，魂魄

至期，來赴齋壇，聞經聽法，以祈升度

施行。

太歲 年 月 日 時具位臣姓某具。

元洞玉曆玄廣靈章

用白割紙，黑字，朱符。

恭準 元降入意。除已飛奏天廷，合行

靈章，普告無窮，萬神咸聽。

詞

玉

曆

飛

行

三

界

召

某

魂

神

右玉曆引攝，所薦魂儀，削除黑剡，來赴齋壇，以憑超度施行。

太歲 年 月 朔 日 時告

行。

捷

具位 臣姓某承 誥奉行。

列師銜。

角封

謹 元 洞 具位臣姓某承 誥奉行封

玉 曆

背式 太歲 年 月 日 時告行

元景丹天飛天神驛法

陽神驛吏

專上天及起雷用。

安廣，陳輝，高傑。

並交脚幞頭，朱衣，威貌。

召符



召呪 俱昉。

陰神驛吏

松奇，曾萌，湯信。並交脚幞頭，皂衣威貌。

召符



召呪 俱虔。

通召心印



此乃急速，有召立直。

入驛法

篆行
合 印 驛 傳。 二篆。



清微齋法卷下

(陳秀峰點校)

004 清微神烈秘法

經名：清微神烈秘法。撰人不詳。二卷。底本出處：《正統道藏》洞真部方法類。

清微神烈秘法卷上

雷奧祕論

夫清微者，以象言之，乃大羅天上鬱羅蕭臺玉山上京上極，无上大羅玉清諸天中之尊也。肇自混沌溟滓鴻濛未判之先，大梵大初之境，即元始至尊之所治也。乃一炁開明祖劫，是謂天根。且清微法者，即神霄異名也。實道中之妙法。道乃萬法之祖，雷乃諸雷之尊，非法中之法也。故稟元始一炁，統御萬靈。復有梵清景三炁之殊像，絳碧玉琅丹景紫太神之別名。法中雷符玉章天經，皆浩劫之初，梵炁自

然結成於太空之中。昔元始下降，乃命天真皇人，按筆以書其文，字廣長一丈，藏於紫微上宮玉京金闕，命五老上帝掌之。上品靈書，以保制劫運，生天立地，運度水火，開化神明，為萬道之宗，四萬劫一傳，以示天人也。中品靈書，藏於五嶽四瀆龍宮海藏，命各神掌之，以安鎮嶽瀆，開道泉源，召龍負水，役使神霄仙衆，亦四萬劫一傳，以示神人也。下品靈書，則應世宗師，心心相授，口口相傳，與天長存，祈天福國，弘道化人，役使雷霆，坐召風雨，斬滅妖邪，救濟旱澇，拯度幽顯，贊助皇民，即今人間清微雷法妙道是也。實與諸法不同，明達上人，一聞頓悟。蓋五行以庚為主，而五炁以一為祖，萬法以心為正。其法簡易，不若有為，不落無作，不貢存想，無泥虛文，無祭祀，無禱祝，若此比誣諂也。其妙乃以吾神合彼神，吾靈合彼靈，儒書謂致知格物是矣。但於平日行住坐卧四威儀中，必要收斂身心，萬緣頓息，存無守有，專一無二。守無所守，存無所存，一念真

常。如在太極未判混沌之先，虛空圓光之內，一竅之中。其大無外，其小無內。太極未判，混沌一般，身心俱無，止在太虛一點，靈明自然，宏照十方，心田無穢，性地絕塵，久則寂然不動，感而遂通。到此田地，一舉目，一動念，將帥洋洋乎，如在其左右。靜則是道，動則是法，口啓心存，立彰昭格。即此乃大道之根，萬法之本。惟其始終，精一不二，念念相續於四威儀中，入乎無間，是謂達人能事畢矣。

師派

祖師，清微教主高元宸照紫虛太初元君，臣魏華存。

祖師，萬變九真玉仙聖母太素元君，臣莊旭。

祖師，三天聖師泰玄王相真君，臣張道陵。

祖師，高明大使天機內相真君，臣許遜。

清微元上侍宸金闕昭凝洞清通化妙道元君，臣祖舒。

三天侍經龍光道明元君，臣姚莊。

三天侍御紫英玉惠元君，臣高爽。

洞陽上宰清虛西華真人，臣華英。

神霄玉樞使青城通惠真人，臣朱洞光。

雲山保一真人，臣李少微。

眉山混隱真人，臣南畢道。

碧水雷淵真人，臣黃舜申。

清微冲道使，臣葉雲萊。

清微冲和使，臣張道貴。

冲元雷使，臣張守清。

紫玄散吏，臣張守一。

聖位

主法紫皇太乙天君李壽。

服色如常。

清微主帥上清神烈陽雷神君苟留吉。

金冠，黑面，三日，赤髮，金甲，朱衣，

朱履，手執金鎚鑽。

清微主帥上清神烈陰雷神君畢宗遠。

披髮，面赤，皂衣，金甲，跣足，手執

鐵簡。

習定坐法

凡靜坐定息之間，如在太極混沌未判之先，虛空圓光之內。又如在圓光一竅之中，太極未判，一般身心俱無，却自存一點靈光，非中非外，澄澄湛湛，

宏照十方，天地莫測。早晚坐靜，皆是行用。

祈禱建四溟外壇式

外四角水甕，列四溟位，各一香案。

法中雷帥雷神將吏，

次班左。

籍師保一李真人。

明師清虛華真人。

真師明道元君。

聖師昭凝元君。

元師紫虛元君。香花燭供養。

聖師太素元君。

玄師紫英元君。

經師通惠元若。

度師混隱南真人。

次班右，

法中副帥雷神符使。


符命一宗

解穢符



右二符，解穢、祈禱、治病、治酒、洗眼通用。


香信符丹書片香上，或紙書。



臣某頓首啓奏

右符，默念隆育智。三遍心忖呪塗。○

召二雷君符



符召 荷某 畢某 上清神烈苟畢雷君速降 臣某奉召

右符，用天經塗二帥諱。

淨壇符



清 帝 登




靈 祝 應 救




速 祈 召 信



召四溟符







玉雷皓帥君 丁文廣 龜首人身





入水甕令符

坤

 金精流光君
 丁文行
 人首蛇身

 入水甕令符

艮

 洞陽幽靈君
 丁文達
 人首魚身

 入水甕令符

乾

 雷華太皇后
 丁文忠
 人首龍身

 入水甕令符



催召四冥符



巽信

 丁文廣

 完
 催入水符

坤令

 丁文行

 典
 催入水符

艮奔

 丁文遠

 飛
 催入水符

乾捷

 丁文惠

 疾
 催入水符

祈禱建內雷壇式

左班，某法主帥雷神符使功曹。

清微演教諸大師真。

九天應元雷聲普化天尊。香花燭，淨水，

雷霆高上昭運至真。

符命。

外壇各列一案。召令，立天門，朝地戶。

東方風雨雷電之神，東方追某使者。
 南方風雨雷電之神，南方追某使者。
 西方風雨雷電之神，西方追某使者。
 北方風雨雷電之神，北方追某使者。
 中央風雨雷電之神，中央追某使者。

建壇符命

淨壇



 請師


三師


 召將


役將

 普召


傳令

 集神


元始檄命雷霆符




雷霆行用符命
 雷壇鎮本方案，並用黃紙丹書。

東森 南炎 西鎬 北注 中鎮

中央



 黃白炁


北方

 黑青炁


西方

 白黑炁




南方

 赤黃炁


東方


令捷符

丹書新磚上，入火下甕，水火激搏。

東合 西明 南天 北帝 中日

東令

 前令

 捷
 從捷

南令

捷

西令

捷

北令

捷

中央

捷

如未應用鐵札，下龍潭先奏帝牋，師省開符，方下劄。

劄式

奏云：敕旨付三省，先與正天分度，赦過宥愆。即與宣告，某州某縣某處潭洞龍君。仰遵元降某劄火急，如何奉行。臣見在某處壇所，伏地以伺普澤。

年 月 朔 日 時告行。

鐵劄長一尺二寸，闊五寸二分，朱書符，背書文，用青羅袋入水。仍劄某處潭洞龍君，仰遵某劄，火速奉行。

法師焚符下潭，仗劍噴水，下劄祝云：

乾降晶坤，順靈驅雷。電運天星，誅悖逆命。龍神降普，澤亨利貞。

袋式

青羅為之，如無，青絹亦可。

某劄 告下
謹 某處潭洞龍君
具位 臣 某某承諾奉行封

鐵劄符

朱書於劄背上。

清微天浩炁，通道溥澤，金符鐵劄。

恭準

元降，告行

符命。

右金符鐵劄告下：某州某縣某處潭洞龍神，仰遵元降劄命。定於今月某日某時，率領龍雷下赴某處境內，興雲致雨，大轟霹靂，救民焦枯，沾足田疇，利濟萬物。有功之日，名書上清本壇，除已

錄詞，飛奏天廷，請頒恩命。外劄命到刻，令急飛星，立俟昭報。

年 月 朔 日 時告行

下劄符青素丹書

臣某某承諾奉行

召三天霹靂，飛玄捷奏，符使孔安天。

呪宣完郁。火冠，三日，青面，赤髮，全身金甲朱衣，仗劍，持符，朱履，乘赤鳳。


召符使符

牒委請符使，齎持劄命告下。龍君召至，宣牒焚符訖。然後役遣，務要如期昭報，毋致稽違。有功之日，名書上清。念呪：

乾降晶坤，順靈驅雷。電運天星，誅悖逆命。龍神降普，澤亨利貞。投劄入水。

第一限建壇箋，近代四師先。○入飛

次胄，如式三雷。塗用黃紙，高九寸，闊五寸，朱書符，墨批，捲絨纏。焚竈中，或爐中。祝雷神。



念天經
墨塗

符爲某處某詞稱伏。自某月以來，久旱無雨，田疇龜坼，禾稼將枯，民心憂惶，恐失歲望。叩請祈求，雨澤事據。詞激切情，意難緘所。合依式告行。

元降玉符，上請神烈陰陽苟畢二神君，火速會合，日分巡施，雷神歲分，行雨主者，及本境山川潭洞龍君社令等神。定於今月某日某時，下降某處，搜龍捲水，駕風鞭霆，大霈三日之甘霖，普救四郊之品物。上彰道化，下副民情。立俟感通，以明天信。

年 月 日 時 臣某承 誥奉行。



一太極

二人飛

三胄

苟留言 无極玄元始動靜
四帥名 畢宗遠 光明炁 念天經塗 五靈符
二帥名



六雨



七雷




八




九雷



念天經
塗十轉



第二限，黃紙墨書，捲絨纏，烈火焚見天處。



念天經
墨塗

符爲某處某人，投詞叩請雨澤救濟田禾事。臣領詞除已委命雷神，會合兩部山川潭洞社令等神，定立限期，大布甘霖。去外切慮違時，有妨濟旱，不免再與告行。


元降玉符，催請

神烈陰陽苟畢二大神君。務要應期，統攝日分歲分龍雷山川潭洞社令等神，一體承奉符命，施雨興雲，掃旱魃而救焦枯，濟生靈而甦品物。願推

好生之德澤，下濟垂死之禾苗，大霈甘霖，庶崇功績，以彰天令。立俟咸通。

年 月 日 時 臣某承 誥奉行。

右符依前次第，加符塗蓋。第三限，用黃紙墨書，捲五色絨纏，見天處烈火焚。批事同前式，照行遣限次寫。



念天經
墨塗

第四限，奏法主牋，五師書符依前。




次加風雲 又加
雷雨電符 心印



蓋塗 震三 加胄
符心中

黃紙或青紙，朱墨書，五色絨纏，焚竈中。先朱外向內塗，後墨內向外塗，照行遣批事。



印司


印司

自此以下二帥諱并雲篆
先紅後黑字發塗黑

第五限，符式同前，加催號心印。蓋皂

紙書，皂絨纏捲，封入竹筒，見天處烈火焚。先朱外向內塗，後墨內向外塗，批事照行遣寫。

三 震卦 可加胄字中心直畫上




第六限，催奏法主，五師符如前式，批事照行遣寫，書符再加乳秀二字，書黑點上，先朱外向內塗，後墨內向外塗。

又加 八 此號於胄字中直畫下


又加 丹 再加 齋

皂紙墨書，皂絨捲縛，入竹筒，烈火焚見天處。




第七限，皂紙墨書，皂絨纏，入竹筒中，焚見天處，用烈火。先朱外向內塗，後墨內向外塗，加號同前六限，催雷雨霹靂灑塗。

次加 丹 又加心印 齋 加 此出筆法



第八限，奏玉帝，拜家書達玄帝，催師木郎，呪塗純墨，書于黑紙上，塗加如前法。塗畢，順加心印，玉帝心印。切勿到加。焚見天處。



天 規 加
雷 動 加
地 矩 加
靜 晴 加



第九極法，

符號遍了，又入小 〇，疊書六號上。誥紫皇太乙天君。妙在 〇〇三加五主 川

第十極法，用法同前。



胄字符

祈雨自上至下，作三次行用。

雲起 下批

雲催 下批

風起 青紙丹書 入雙〇

風催 青紙粉書 雙〇下批

風止 黃紙墨書 入雙〇下批

風止催

雷起 黃紙朱書 入雙〇下批

雷催 紅紙朱書 入雙〇下批

雨祈 黃紙墨書 入雙〇下批 五色絨縛雨

雨祈 皂紙黑書 入雙〇下批 皂絨縛

雨祈 魁斗七 字加上

雨祈

雨祈
禱祈

禱祈
中加雷

雷字符祈雨妙用

水月雨

雲霧止

電

雷

風

風起
外

風止
內

飛字符祈雨妙用

雨祈

風起

雷起

電起

雲霧止

涼字符祈雨妙用

雨祈

雨催

禱祈

風止

雷止

寶字符祈雨妙用

寶字
雲雨雪
電催電
雷風霧

風
雷
雲
雨

電
電
催
取

打龍鐵劊符

召將八符通用

玉
帝
救

命
號
令

雷
靈

令字符

令字符

右令字符。第七、八限。用朱書降真香片上，背書臣某召請。以烈火，香爐內焚之。祝云：

具位臣姓某上啓，

祖師聖位。臣據某處某人，為某事。昨已累行符命，檄召雷神，及具奏聞

天廷，請降雨澤。去後尚未感通，臣情

不獲已，恭依師授，告行清微，某令某符

使速令上達。恭望師慈，俯從愚懇，特

賜旨命，官將大顯威靈。佇俟感孚，一

如元降。再炷香，存召雷神到壇，後握

令遣將。念云：當職恭承

帝令，役召雷霆，務竭公忠，匡扶道化，

仰遵

符命，率領雷神，轟雷掣電，澍雨震霆，

大施普澤，救濟生靈。玉清敕命，幸勿

稽停。符命到處，電降雲奔，一如明

令，風火驛傳。下令。

祈禱行用符命

風
雲
雷

雨
電
龍

催

塵

大梵水火元始心章

諱帝玄

蛇

清微神烈秘法卷上

清微神烈秘法卷下

驅治大祟

第一限，黃素朱書符，塗了或批事于下，或列師作誥式。行用絨捲纏，焚於竈中。批事照行遣寫。



念天經朱塗
法官押

第二限，皂紙墨書作誥式，行上下都司印。先朱外向內塗，後墨內向外塗。


鬼

書於



第三限，黃素朱書，前後文作誥式，列師行之，乃起雷伐祟。用批事，照行檢限次寫。


加中心



念天經朱塗

第四限，黃素朱書，絨纏，見天處烈火焚。催行同前作誥，加風雲雷雨電號，以下皆用。


加中心



念天經朱塗

第五限，青素朱書，青絨纏，入竹筒，見天處烈火中焚。前後文作誥式，列師行之。

加心中




念天經朱塗

第六限，皂紙墨書，皂絨纏，入竹筒。如

前用。



加心
加一
加二
加三
加川




念天經墨塗

第七限，皂紙墨書，皂絨纏，入竹筒，見天處，烈火焚。前後如洞章式。



右辨
左後
加中
加心
加印
加又




念天經墨塗

已上諸符，並治大魔惡崇，緊急用之。後五道起雷伐崇方用，非伐則勿用。千萬至祝，不可輕行，宜謹記之。第八限，行令符，下批事，照行檢寫隨事。用紙朱墨，絨纏，見天處，烈火焚。又云用大香片，書背批。

離宮大孔火分


紫皇太乙天君

坎宮乳符



念天經先朱後墨塗

九天霹靂炎雷鐵劊一名玉劊



伐崇


三洞靈章，泄自太虛。天神地祇，三界主者，社令城隍，里域靈司，咸遵奉行，違者斬屍。急急如律令。

伐崇背文

乾降晶坤，順靈日月，象嶽瀆形，驅雷電運，天星摧兇惡。亨利貞。一如誥命。

右劊治大崇起蟄、龍行雨鎮、蛟蜃水怪。用鐵版一尺二寸長，闊三寸二分，厚二分。面朱書符，三洞誥章。背書乾降晶誥，或所兩劊文。用鎮兇惡，所在去處，自然消弭。或深潭蛟蜃為禍，或一切妖鬼捉生代死之處，皆可鎮伏，境土清寧。或祈禱不應，依式書篆，於有龍去處潭洞投下，隨即感通，興雲致雨。

清微元始隱梵大霹靂符



右符背文同前，用鎮壓小怪妖精，蛟蜃魚龍崩摧河岸等事，並皆鎮之。若泉邪水怪及一切妖邪去處，用此鎮之，其邪立走千里。

元始誥命

右符三道，緊急可加前八九十限符內用之。



清太




清玉



清上



解冤降邪符



芟邪熏病符



洞空五雷攝魂還魄符



治狂邪
張大壯



斬邪用



伐廟除兇



熏邪用

上清烈字符

天一玉符



熏邪病



治病吞服

紫霄玉雷符



祈治用

號召策役諸神符

召苟畢二雷君符



苟某符召
上清神烈苟畢二雷君速降
畢某 臣某奉召



右符默念天經，塗二雷君諱。

上清神烈五雷飛符



通用

神烈內章



二神諱小事不
可用恐招譴責

元始符命敕役萬靈符祈治通用



坤靜
艮止

元始玄經催役萬靈符



祈治通用

召萬神香篆符





元始祖炁，飛天使者王敷。

召萬神符



某事



陰雷神君瓊，陽雷神君琦。

二君並使者狀，乃日月之精英，作雷霆之綱紀，於中光芒，彩映下燭。十方用之立應。




陰燄

陽炁


加

右陰陽二字，陽用午前，陰用午後。凡

祈禱治病催生等事立應。



陰沖



陽昌

右陰陽，策雷霆，祈晴雨，通用。同齋法。中書臨午朝，時思九色光芒。自臍下作熱，上升兩眉之間，金光九彩，

遍滿壇庭，制魂召真。



清微仙都策命符使楊果。冲天幞頭，三角眼，美女相，金甲皂衣，執節乘青龍。

召符 催符



右符，默念召呪敦玄陽奕郁。

清微仙都策命雷霆玉符



總召符使符




右，默念召呪宣煇奕欽。

總召符召呪同前



符召 某符使速降，臣某奉召。

召土地符




清都策命符使田仲。召呪敦陽玄奕郁。



符召 當境土地正神速降，臣某奉召。

九天雷火法令符使陳榮臣。召呪昉祺於。



符召 某符使速降，臣某奉召。

捷疾符使楊傑。召呪遏伽。



符召 某符使速降，臣某奉召。


右符，節制三界諸雷，諸經諸道經妙祕文。又云碧虛至道，右座圈中用。

元始一炁信香符



書香上，命雷神帥將默禱用。

元始一炁策役妙道




右符，役三炁三界諸大雷神，無不通，無不包。

元始符命役諸天萬神符




總召諸部符使符





符召 某符使速降，臣某奉召。

關牒後符式

命官將符使，奏達章詞經疏。



命雷神行用牒符



總令 背文



總召三炁雷霆符

心呪奕宏昌




符召


某帥速降，

臣某奉召。


召四直使者符



直年



直時



城隍牒符



先胃後符。

司命劄符


先月後符。



二飛符催一切事




二速字符催一切事



清微天真洞經

道



右符，若年歲有蝗蟲、水澇、五穀不熟，用此告示掌苗大神，及城隍土地等神。

洞淵神靈符



心念洞淵神靈

秘呪，書之。

雷霆樞紐，節制三界諸法極妙祕文。此符不命將應，過往飛行雷神，見此不印不批。凡行持先集神好香一片，黃紙朱書，催青紙朱書，緊黑紙白書。見天處焚，自有報應。

圓上劫雲 明震雷木晴






電相見離火

雪乾天動金 兌金苞雨

右符中，加風雲雷雨電於上。


紫光丹華妙道真君許映。

存想真君在圓光中，通用。



圓中用元始一炁都督雷府印。一祈，二催，三信，四治，五朝元。

右書香上，或紙，或虛書金光內。



法中大用竅妙

天動 (符) 順寅子月 地 逆子寅月 靜 亦分順天地否 (符) 靜 逆陰陽

地天泰符 動 晴火符 水 雨 水符 火



老陰老陽天地乾坤之象 少陰少陽日月坎離之象



治病芟邪，加於符上。

井中。

炁字符

炁、 催生治病 胃  催生

雷  胎下死 雷  桃木 雷  胎



丹華玉保神章保胎催生。

玩  呵 



曲  胎前 延  產後

解冤降邪符





治腫  玄應  次書



五元保生符

嘍  催生 

催生  嘍 



關脉通開符



 弼  朱次書

 催生  轉形

產後濟凶運血符



建合  應  治胎前百病

一无符  三炁符  保胎

雷  本  治癆瘵蠱下司命焚




治虎蛟蛇兵毒符




虎  蛟 




兵  虎蛇 




右符佩入山林境内，用告示呪唵吽听毗呢嚩听嗚嚩嚩听。




胃字符妙用，治諸病。




六畜  泄瀉  治瘡 



心痛  肚痛  腰疼 



肾炁  咽喉  六畜災 

治瘧  治瘧  遍身疼 


兩手  兩足  心肚 

出汗  兩手  兩足 

腹滿  急肚  急心 




止血  眼疼 

清微妙道開天玉符



右符用○圍，橫直二寸四分闊。中用天寶道宗印，印首尾。有文後具位，列師如式。

三天內諱

乾  元  道 

請師香信符

請師

右符心呪，隆育智。

天

地

謝師

水

開天

通垣

飛雷

元始便宜五開符

徹地

通天

上御 臣某奉行

捷垣

上通 星垣

迅雷

上詣 雷關

烈地

徑詣 地府

啓水

徑詣 水府

請師香信符

玄帝

許真君

天師

魏元君

高元君

祖元君 君昂

高元君 君英

朱真人 人運

南真人 人昭

首雪香信符

通師人

右符心呪，完鈞首明宏。

請師通用香信符

通

心咒隆育智

啓師

面叩

常

姚元君 君龍

華真人 人祖

李真人 人周

十字天經

九

天

應

元

雷

聲

普

化

天

尊

靜

清

依

本

分

右三符，可安鎮治病。

天

行

已

過

使

者

須

知

右八符，歲暮安鎮宅宇，可辟瘟邪。

五

月

五


日

天

中


節

官


災


口

舌

盡


消

滅


右十四符，五月五日朱書，安鎮驅斥不祥，立獲感通。



福

壽

康


寧


右四符，可鎮安家宅。


剪

除

不


祥


右四符，可安鎮辟邪。

清微檄萬神洞章
司額

謹據某人為某事恭行
檄命洞章




右洞章上啓：

某雷神，如何施行。急急準
元降洞章律令。

年 月 日 時告下。

列師具位遣將。如式。

捷疾飛龍洞章



右章，或磚瓦，或鐵版書，下龍潭中，用繩縛定。下潭中，如有感通，急取。


召役二帥符



右符遣呪，郁婁郁吒。

清微天寶家書

嗣法曾玄孫姓某，即日三熏九沐，頓首。書上萬法教主玉虛師相紫皇太一天君御前。某草芥微生法中小吏，仰依道蔭護侍，雷班夙夜，憂惶無由報效。某昨據某處某人為某事，領詞難抑。自念嗣法以來，行持之際，德薄任重，過多功微。今來事勢急切，不敢荒怠。伏丐道慈，一如元降。



右謹奉尺書上

聞，恭望

垂憐，法裔特賜，啓奏

帝廷，請頒

敕旨。宣告某雷神，定限今月某日某時，

下赴

某處如何報應。庶使大道興行，人天皈向。冒瀆帝威，某不勝惶懼。伏冀原宥不宣。

年 月 日 時嗣法曾玄孫姓某拜上。

外封

清微家書上關

嗣法曾玄孫姓某

書上謹封

萬法教主玉虛師相紫皇太一天君御前

右家書，事情急切可用，不得輕泄。

帝真俾令，祈禱感通。言詞簡略，白紙
墨書，外用角封，五色絨線縛之。用苟
畢二雷君，齋持奏達。

清微神烈祕法卷下

（陳秀峰點校）

005 清微元降大法

經名：清微元降大法。撰人不詳。二十五卷。底本出處：《正統道藏》洞真部方法類。

清微元降大法卷之一

元始清微應運

元始

真元妙化天帝迹，秦降邾國，洞妙保化宮。

泰明清惠真人師復，漢人龍丘山通明洞東華化。

西華通惠元君龐悄道，漢州綿竹縣庚除治。去邑二十五里，神爵年間東漢天師立庚除治。有二處，一曰西華廣真宮。

太和伊玄元君宋益誠，茂儀府龐化三天扶教。

靈妙和澄元君需東，瓊和府東漢彭州，後出為師，別號不一。

高明大使天機內相許遜，玉都清慶宮。南陵浮光天官朗期，唐降京西南極浮光宮。

護明元妃玄光聖母王說，字決，景清宮。唐人，後化為靈光聖母，東海主四溟事。

金闕昭凝元君祖遂道，字昉仲，唐廣西零陵郡人，一云通化一輝元君。清微侍元上宸洞昭府。

瓊室內應洞清元君郭玉隆，宋京師人，紫靈府，一云上景元君。清微太霞侍宸。紫光曜真福和元君傅央煊，字子方，鄂州人，二天上輔昌耀府太華山，居西海。

龍光道明元君姚莊，字淑奇，西京人，一云廣昌元君。三天侍經，有往還三府，隆慧府。

紫英玉惠元君高爽，燕地人，洞耀景豐府斗下，一云高運紫英玉惠元君。三天侍御。

西華清虛真人華英，鳳翔府人，洞陽上宰清微明元左卿。

青城通惠真人朱洞元，成都府人，神霄玉樞使清微洞惠上卿。

雲山保一真人李少微，房州人，清微都元右卿，天降神吏云授。五雷院使。眉山混隱真人南畢道，眉州眉山人，清微保和仙卿，隱見朱衣吏云當稱。斗中六通掌水使者。

上清
上清高聖玉晨大道君，紫宸太華大帝太微華明宮。

金闕帝晨太平後聖玄元上道君，金闕紫靈宮。

方諸東華司命青童道君，方諸宮。金闕上宰西城總真真人王遠，字方平，金闕成昌宮闕下左府也。

小有天王清虛真人王褒，字子登，小有博燿宮闕下中府。

高元紫虛元君魏華存，字賢安，高元紫虛宮左府紫章丹會宮闕下。東華上佐司命真人楊義和，端靈右府。東華上相帝晨上清仙翁許翮，紫陽晨雲宮右府闕下。

上清元君西華聖母諶母也。西華諒光

宮高仙上明玉章。

高明大使天機內相許遜。

金闕昭凝元君祖遂道，本派自元君始。

靈寶

玉晨道君。

太玄玄一真人玉清妙道天君鬱羅翹，玄

都應明府龍梵宮應化府。

太玄玄二真人上清妙化天君光妙音，玄

都宗蒼府溥昭宮。

太玄玄三真人太清妙感天君真定光，玄

都正昌府廣清宮。

玉華玄明上宮。在上清玉京山內。

金山洞皇宮。在太清金華山中。

統凝玉清宮。在玉清玉山上京。

太極真人徐來勒，太極皇耀宮闕下。

太極左仙翁葛玄，太極凝曹宮闕下。

太極慶融北靈內輔真人鄭思遠，太極元

冲府闕下。

金闕昭凝元君，金闕明道宮離農山上京。

道德

太上老君。

文始先生關令真人尹喜。

太玄真人趙隆。

天山真人洪寶。

玄上真人魯惠。

金闕昭凝元君。

正一

太上老君。

漢三天聖師泰玄上相張道陵。

太清真人嗣師君張衡，侍中。

太清真人系師君張魯，閬中侯。

女師元君。

流沈于蜀，莫知所承，御史張滋，第

四代也。出蜀承世，廣信貴溪龍虎

繼襲仙源。本派因靈光聖母朱烜，

在荆湖南路桂陽軍江渚石上坐，授

金闕昭凝元君。

師承集要宗會

金闕昭凝通化一輝元君，於西京近地

山中，有曰清虛洞神化溪之濱，遇泰清

泰玄元君，化爲美女，濯于溪濱。師遂

執巾侍于傍，奉迎至座。凡數夕，或成

男相儻，又爲女試，其志堅。乃召師，

乘木筏，浮於溪流，吹復故所。四派之

旨，並授于師，遂不現。本派集四派爲

一，始于此。

泰清泰玄元君文慵，景輝泰和宮闕下。

上請謁師香

靈

清壇請師香

靈

清穢召萬神香

靈

清壇召雷霆香

至

清穢檢將滅邪香

烈

九炁香符



九片香，書依此，安爐中焚。

一



四  五  六 

七  八  九 




清微請師速香

速  偉 




元妃

速  達 

大道演慶積慶



祈禱策役雷霆



  

右符諸祈禱未應，當作劄狀，或箋



狀。黏此符於前，實封兩頭，用蠟命心。將傳達上，請師君宗派，用召雷霆。

三渾道監清微冲化印

上書

叩師

道原

禹時道君已降世，出有入無，奉行元始之道。老君周昭王二十五年十二月二十八日午時，授關尹道德二經，及太清九丹、八天隱文。西昇教誡等法尹，付

杜真人。杜真人即道德之始也。漢靈帝光和二年，太極真人於天台山，一云上虞山。授太極左仙翁真人靈寶衆經，是謂洞玄衆經之祖也。又後漢順帝漢安元年五月一日，一云正月十五日。降鶴鳴山，授張天師二十四階祕籙印劍，正一盟威之宗。

伏自周秦漢魏之間，三經雖傳于世，而科品未彰。至晉安興二年甲子先農日，紫虛元君南嶽魏夫人，始以上清之道，授東華上佐司命楊真人。彼時天經寶文，拜雲霄龍篆八會之體，非世間可得而究識焉。我元君真人，別其符文經訣，變作隸書。自此流傳方盛，是爲上清之祖也。

立法

元始某經，則是大雷法。大齋法稱云，天寶雷齋，曰天寶齋。一云玉清雷洞真齋。一天經。二洞章。三天章。四玉章。五玉書。六靈符。上清，洞玄。太清，洞神。神霄，北極。太微，紫微。東極，南極。北極，西極。紫皇，紫清。

命將

如元帥副帥上將，用符使一。如元帥五使者，用一符使。齋與雷法同此例。

《神樞雷經》曰：天尊化帥，天君為將，陽為雷公，陰為電母，左為風伯，右為雨師。五方星化五雷。八方大神，上為八追使者，下為八號神君符使功曹。奉帝準經，依章立將，命名奏帝，號召皆應。

祖元君信香符

金闕昭凝道化一輝元君，祖遂道。元君變相，披髮緋衣長裙，手執雷匣，乘青金龍，二真君從之。



符使

霹靂飛天妙道應化真君捷疾符使楊傑，李仗劍。

太一演聖風雷妙道廣化真君捷疾符使楊顯，火執戟。

並力士狀，陽日用李，陰日用火。

謝元君信香符

通妙元華太一冲和元君謝晉剛，瓊瑤玉

臺冲和府暘谷壇左。

呪曰：溶蘇涵。




華真人信香符

朱真人信香符




李真人信香符

南真人信香符



黃真人信香符

張平心信香符



清微元降大法卷之一





清微元降大法卷之二

玉京流派

清微玉清

元始上帝授妙玄經應運玉策，錫玉晨道君。劫中在大羅妙玄，劫元寶臺清華妙元。敷弘妙道，保天長存。

妙玄經



右經在殿之廡西，清玄玉英之館。

元始雷霆下教清微應運玉策，計一百二十字。在天乃元始天王授道君。此策有玉國之應，策中所傳三字，謹用流傳。

惟
靜
永

玉晨道君授玉式，賜真元妙化天帝。

玉晨策

天
地
人
三
才
一
氣
貫
三
才

九天妙道真運楊元君，以大道運玄經，授九天洞明許元君。

大道運玄妙經

大
道
運
玄
妙
經

妙
道
運
玄
妙
經

開
明
不
夜

萬
劫
自
原

風
霆
流
形

一
氣
相
因

敷
弘
至
靈

經
給
發
旨

周
遊
九
清

許元君有元都玉梵之章，授玉堂天山朱真人。

元都玉梵之章

梵炁結成，主張清濁。

混
成
玄
道

貫
炁
八
方

策
役
萬
神

風
回
劫
會

經
世
紛
紛

右檢萬神，皆元始禁書。此承楊元

君授之後，留世襲之。

天山真人，後以雷光振元之章，授太玄青惠昭化扶桑卜真君。

雷光振元之章

氣
自
扶
運

空
同
靈
昌

欽
束
太
梵

曠
明
太
虛

妙
斡
靈
電

育
然
清
洙

卜真君以大道無量元光玉符，授昭凝神耀保天道化廣元君。

皇
慶
碧
召

真
明

道化元君，以玉英寶章，付明清道華丘

元君。元君後以此章，授泰明清惠師真人。



流	詔	萬	原
			
分	令	天	論
			
玄	太	呂	總
			
章	明	昌	台
			
局	貞	貞	可

清微隱訣

清微洞光，寶衡紫華，元和明道，太一神景，元君王正宏。滿月相，鳳目，一字眉，披髮仗劍，朱履月孛狀，居玄都太冲樓右紫輝宮闕下。

寶玄經

奏三清玉帝后土，下用拜。

際  玄 

元始朝命香符



右符，謂三界朝謁奉元始，命青帝賜香字。凡有急奏，燒此香可達帝。


元始集萬神香符




右符，道君命萬神。昔元始錫此香，道君用之。今師流派，用此集萬神。

元始檄召雷霆香符


信  虛存 用同

晴  龍 止 集

風  雲 雷 電

雪  電 雨 露

催  催 螟 百草霜書竹片上埋及焚

蝗  土書 令 蛟 虎

蛇  乙 不祥 行 兵煞 起用 逆用

平民  順水  火息  死昇 

平  潮海  決通  章拜  達

炁  病治  生炁  食  日月

安  地調  用痰  且  用山

和  用土  召  神萬  霹



清微通玄祕法

清微茂晨保運金明元君彭涵原，雙環，面如玉，月眉，鳳眼，笑容，素衣，絳裙，朱履，仗劍，乘火龍。居井鬼之中，曰丹昭府。領丹昭風火雷霆三萬衆。

自為帥

自者獨蒙上帝賜號。

南炎丹剛威天激元上佐平昭元君彭涵，金兜鍪，玉相，絳衣，金甲，朱履，執火印，乘火龍。

副帥

南丹流金火鈴大將軍劉明，金兜鍪，面赤，金甲，絳衣，朱履，左執火鈴，右仗劍。

南丹流火雷公大神朱膺，天冠，青面，朱衣，金甲，執斧鑕，負雷車。

南丹流火電母元君廣循，玉女狀，仗劍青衣，朱履。

南丹飛天風伯神君雷光卿，天冠，面黑，金甲，綠衣，朱履，擲風車。

南丹冲天雨師神君許烈，天冠，面青，金甲，碧衣，朱履，擲雨車。



東方天雷威華神君信樞。

南方雷威和神君趙庚。

西方天雷威元神君史和。


北方天雷威猷神君呂允。

信香符




清微飛運雷霆印

用黃素印，剪方香上召役前詣雷神。



都催令



清微演運訣

清微炁樞元皇元君李謙，紫虛化完福府，披髮，玉女相，絳衣，黃裙，執雷函，乘青龍。





清微元機元靈元君龍汲，元妃化洞彬府，雙環，玉女相，面微赤，紫衣彩裙，執劍，乘白龍。

清微察令昭化元君休端，昭凝化陽華


府，大髻，面白色，柳眉，杏目，青衣，金甲，持斧，乘黑龍。

信香符

叩請密奏立應，事急奏告。



清微飛符




右上，請三師，檄命雷霆，通用。只就批處云：臣某昨承 師授，恭準元降 師旨，告行

清微飛符，立應。亦可香上烈火焚之。口云
恭奉

師君。清微應化，廣明三大元君道
旨。火急奉行。

清微靈和元君管靜卿，元妃化璋元府，鳳
冠，玉相，自然眉，鳳目，紫服，碧裙，
大帶，朱履，執圭，清微天中靈光宮
闕下。

信香符





用朝

心香符



長跪默念，隆育智謙虔泓清。七遍而
退。臣昨於某年某月某日，拜席師某，傳
受某法派，襲清微大化。臣某上啓
祖師清微靈和元妃道君，臣所啓所
告，乞賜臣心通意會。凡有懇祈，立
望昭報。凡有體天學篆，即賜感通。



右符，九道金光，自天而下，入口中
便畢。行之自驗，甲日始。

清微祕旨

通用三界十方雷霆，香上存批符書篆。




詔

敕

律


令



合


用催

應



用催

清微真原印一寸三分



上清派


上清元君西華聖母，以高仙上明玉章，計
三章，授許真君。今得四字，流傳于後。

高仙上明玉章




靈寶派


玄一真人玉清應化符



玄二真人上清應化符



玄三真人太清應化符



清微元降大法卷之二

清微元降大法卷之三

太極自然大道

道

太極始祖

炁玄道原

判渾育感

一炁洞全

上立穹昊

中運諸天

虛清列象

下鎮淵源

動靜雷風

夫決窮坤長

長養品物

神祇命宣

開闔默劍

朗決白全

元始清微大道

元始炁運

陰陽降升

生化自劫

保制立經

混合自然大道

道無寂淨

初易質區

晃朗三極

溟漠含圖

開明三景

炁合妙無

化列正曜

經緯慘舒

光明明朗照

文成大方符

生之伏升降

陰陽分都

回環水木

火焰土按

金 旋 互 需 高

端 扶 神 紀 勢

萬 劫 綿 俱 勢

太極玄道

道 通 炁 用

元始宏明至道

朗 冲 宏 合 念

照 徹 洞 輝 炁

炁 幹 完 造 炁

地 天 樞 靈 炁

經 緯 辰 宿 炁

馳 役 萬 神 炁

靈 真 通 奕 炁

景 豁 降 真 分

自 然 循 契 炁

劫 紀 長 存 炁

無極自然大道

道

道 混 泓 太 炁

無 極 宣 元 炁

始 玄 冲 會 炁

溱 溟 昭 明 炁

清微至道

道

清 微 宏 道 炁

至 玄 天 樂 炁

妙 幹 上 育 炁

道 英 回 冲 炁

禹餘上道

道

玄 真 宣 命 炁

禹 餘 皇 彰 炁

洞 徹 內 合 炁

靈 光 咸 隆 炁

太赤景道

道

皇 陽 道 景 炁

洞 光 妙 洪 炁

廣 徹 煒 煥 炁

萬
之
炁
○
渾
濁
通
心

元始玄道

道

太
初
易
質

無
極
太
玄

妙
道
濁
造

三
景
開
明

中
幹
羅
界

天
地
洞
清

日
月
辰
曜

經
緯
劫
年

升
降
二
氣

雷
電
風
雲

雨
施
雪
瑞

電
化
龍
文

自
然
和
合

炁
頰
相
成

舞
馳
變
理

時
紀
代
迎

百
英
帝
主

山
川
嶽
停

壘
淵
流
鎮

昌
朗
孚
欽

泓
深
洪
浩

海
河
生
成

回
度
豁
落

三
界
齊
人
臨

元始妙道

道

元
始
妙
炁

劫
初
尊
玄

道
運
三
極

周
迴
萬
天

開
闢
昭
化

經
緯
星
辰

明
徹
十
極

來 往 劫 年

風 通 閉 塞

雷 動 霆 轟

雨 施 電 掣

雪 瑞 煙 奔

霧 騰 高 漠

重 降 山 川

鎮 流 洞 寨

鄴 曼 淵

乃 炁 回 景

木 火 水 均

生 復 環 遠

陰 陽 式 根

自 然 內 旨

神 示 威 遵

飛 昇 瓏 闕

職 列 上 清

內奧經

奧經 道經 樞經

機經 無上 玄經 無上 天經

無上 道經 真經 無上 祖炁

一炁 始炁 元炁

玄炁 梵炁 清炁

景炁 道經 始經

元經 玄經 玄炁

元炁 始炁 玄炁

元炁 始炁 無上 道經

無上 玄經 無上 天經 無上 真經

無上 雷經 無上 妙經

天經

昭 曜 樞 津

元 皇 運 清

徹 極 妙 感

經 緯 乾 坤

玄經

漠 混 玄 涅

清 元 朗 真

浩 廓 昭 化

萬道 洞章
 合明

宗混 九炁 炁

生化 諸真 炁

升降 保育 炁

道命 之根 炁

天寶運靈洞章

天寶運靈洞章

清涵 妙道 炁

梵洋 開張 炁

臨豁 運行 炁

天氣 宣陽 炁

右章上天帝君仰承寶章，應時感召，

役使雷霆，策命三界，齋法通用。

靈寶運靈洞章

靈寶運靈洞章

勅詔 玉明 炁

淵華 紫宸 炁

洞徹 上下 炁

明涵 高深 炁

右臨制諸天，役使雷霆，遷度經緯，辰宿承遵，策令三界，萬神奉行，齋

修醮告，幽顯咸遵。

神寶運靈洞章

神寶運靈洞章

天地 炁

神育 鎮靈 炁

清曜 玄化 炁

陰陽 降升 炁

右上謁諸天，下臨六合，役使雷霆，修齋奉道。

三寶信經

三寶信經

天寶

元清 澄運 炁

靈寶

洪華 復神 炁

神寶

妙幹 靈樞 炁

右催三寶章，用大祈禱，加章之首，或獨用。

三寶通運昭靈信香符

三寶通運昭靈信香符

天寶 靈寶 神寶 炁

清微元降大法卷之三

清微元降大法卷之四

無極隱文

空洞靈章

師曰：空洞靈章，泄自太虛，尊臨三界，策役十方，驅運雷霆，拔贖幽陰，下應霄極。



梵




乾紫

上通三境諸天，策役雷霆，大齋焚香，上降聖。



束清

上通玉帝，策役雷霆，起死迴生，大齋告行，普告三界。



計朗

上聞諸天，策役雷霆。佩服，萬神衛形。又能開天。



悉阿

遍通五垣，普及星辰，運行雷霆。凡欲興雷，洞開雷宮。



婁浩

上朝霄漢，運行雷霆，朝奏諸天，書以符札，召集龍神。



徑皇

專役雷霆，作晴布雨，驅運狂風，立有嘉應，萬邪率伏。



功彰


旋乾轉坤，調燮陰陽，和順經緯，上

而宇宙，下而男女。服以治萬疾。



烝審

運用雷霆，燮理陰陽，催生芟邪。又能召集龍君。




由遏

上通宸極。凡奏告大事，書以青素，致方函中，立有嘉應。



茂祖

役使雷霆。凡有運雷，以時而應，大齋奏告，通章如期上達。



尊道

遍通三界，普告十方，衝運陰陽，變通寒暑，以茲書用，立俟感通。

右洞章應大事，或役雷霆，或修大齋，或保家國，或扶危疾。當以全幅青紙，朱書致書中。上告三清下，及諸天帝后，與夫雷霆。若晴若雨，無所不通，不可輕用。如諸法不應，加疊符中，疾如星火。

紫皇心印符

帥信

將洪

兵禹

背文符

宸

書

高上神霄玉清九霄洞章

右經字總用

右經字總用

令 神霄 中天

令 神霄 中天

上聞真王大帝，遍告三十六天，乃神霄中。下役八霄，運行雷霆，尊臨三界，萬神聞令，急如星火。

樞 太霄 東北天

樞 太霄 東北天

上告太霄帝后，遍告太霄雷霆。凡屬太霄。應命星火。凡本方雷霆，亦皆聽令。

道 青霄 東方

道 青霄 東方

上告青霄帝后，遍告青霄雷霆。凡屬青霄及青斗雷霆，凡屬東方，悉皆聽令。催生吞服。

輔 碧霄 東南天

輔 碧霄 東南天

上告碧霄帝后，遍告碧霄雷霆。凡隸碧霄及東南方雷神，咸遵帝命。

威 絳霄 南方

威 絳霄 南方

上告絳霄帝后，遍告絳霄雷霆襃火。凡屬南方，俱承章命。

茂 景霄 西南天

茂 景霄 西南天

上告景霄帝后，遍及景霄雷霆。凡屬西南，俱承章命，或男女危疾，並治萬病。皆可吞服，或拔贖幽陰，或醮謝星真。

統 玉霄 西方


統 玉霄 西方

上告玉霄帝后，遍告玉霄雷霆。凡屬西方所隸，俱承章命。

宸 琅霄 西北天

宸 琅霄 西北天

上通天闕，亦可開天。上聞琅霄帝后，及琅霄雷霆。凡隸西北，咸聽章命。





張 紫霄 北方

上通北極紫霄帝后，及紫霄雷霆。凡隸北方，均承章命，下達羅酆，拔贖一切。

右。皇元神霄玉清九霄洞章，大事或役雷霆，或修神霄大齋，或興告兵戰，或保安家國。凡有不應，一準此章，用全幅黃素朱書，置於奏書中。上告真王，下及九霄，佇希昭報。吞服治萬病，或芟大邪皆應。

三清洞明玉符



玉清



普天三界，昭示十方，驅使雷霆。洞

真齋用之。

上清




遍召三界，檄告十方，急策雷霆。洞
玄齋用之。

太清



遍告三界，普攝十方，疾召雷霆。洞
神齋用之。

玉帝



號令三界，威制十方，速命雷霆應。朝奏大事皆通。

太一



號令紫皇太一，清炁雷霆，運用星辰，保安家國，下臨三界。

真王



應隸九霄雷霆，咸遵此符，亦能遍聞三界。右瓊丹玉符，隨事用之，應如星火。

洞章內號



化	宸	方	招	開	天
漢	宸	電	記	震	尤
陰	景	樞	華	分	地
震	多	揚	優	引	勾

秋	春	電	霧	雷	雨	令	天	洪	陽
由	協	覺	昌	威	淮	壯	燾	闢	靈
冬	夏	命	雪	電	雲	風	行	佐	混
師	順	興	曷	先	循	符	變	郁	圍
斯	巡	英	甲	邊	荀	夫	烈	育	友

內 復 來 外 惟 耀

右用之於符端，大應。

子

神霄心印符

帥

香

將

靈

兵

清

西

海

已上心印，書于符中，書訖不塗。如用洞章，不用心印。

神霄背符

宸

(書)

元始玉清役使雷霆內印心章

宸

右諸法，不應，加符端立應。

清玉

誥

右誥雷霆，及三界主宰用。

清上

清太

帝玉

玉碧

王真

敕符

清玉

帝玉

清上

玉碧

清太

王真

右敕召雷霆，三界聞敕，急如星火。

信符

清玉
玉碧
王真
清上
清太

帝玉
玉碧
王真

右信檄召雷霆，俱承信至。

令符

清玉
清上
清太

帝玉
玉碧
王真

右令雷霆聞令，急如星火。

六帝號

清玉
清上
清太

天吳
玉碧
王真

右號，可以號召雷霆。

符合同

行合

右封符書于封處。

洞明玉符

請雪
中

靈
雷
霖
靈
靈

右玄素白書立應。

請晴

請晴符

猷
想
鑿
猷
猷

右黃素丹書立應。

召龍

召龍符

絡
崇
渝
涇
涇

右召龍丹書青素，焚召或投於潭洞，大應。或用雄黃書青素，方一寸，貼錢上，擲潭洞中，能致雨。

請潮

請潮符

澳
颶
泓
澳
颶

右青素青書召之大應。

退潮
昌合

退潮符

催符

令
令

右先關告，定以某時投下。以鐵片，長九寸，厚二分，闊四寸，雄黃書，擲潮中。

倒海玉符

攝
二
洪奕

復益
三

雲

雲

右用鐵札，長二尺四寸，闊五寸，厚二分，以銀朱雄黃和書，使緋袋盛，致潭洞，有龍處立應。

攘火玉符


攘火玉符

或

彙


右符朱書緋帛上，向空止火回風，亦可先焚禳謝。

驅水玉符



意

茂


右符雄黃書鐵札，先發符。定某月某日某時投符，大應。

玉赦

清玉

○
清上

○

清太

○
帝玉

○

玉碧

○
王真

○

清微元降大法卷之四

清微元降大法卷之五

無極無量天寶洞章

寶


△

朝謁三尊，請降上帝，役使雷霆。


極

○


三界聞命，急如星火。

樞
主

卍

六合聞命，如奉帝敕。

統

勻

都統三界十方，上而天帝，中而星辰。三界聞命即至。


會
霹
會

乃

召集三界，總會十方，梵清景三炁聞之，立應服之，會合百神。


機

□

天地人，山川水火，動用皆從。

命

宀

十方三界，萬神人命，生死皆主之。

神

三

三界萬神。

炁

卍

雷霆，陰陽，寒暑，生死。


玉篆

○

紫樞玉極洞章

令

六

律

乃

急頒洞章

號  

驅  


右驅役三界，任用雷霆。

九皇河圖佐命洞章

三清。三界。玉帝。山帝。水帝。
天皇。地皇。人皇。



勅



右役使三界，策用五雷。

十主

道祖。元始。玉晨。老君。昊天。
太一。后土。雷祖。東極。真王。





三佐

酆都大帝。水府大帝。東嶽大帝。

紫皇上道洞章

北 

洞 
汲 
妙 
道 

玄 
英 
祖 
朗 



右十分至要，祕而用之，大應。

紫皇上道

八 

霄 
向 
紫 
皇 

妙 
樞 
機 
動 

太 
虛 

右役使雷霆，立至。

碧虛至道

六 





清 
碧 
開 
至 

清 
會 
虛 
皇 

右祈禱大事，立應。

太虛玉道

三 

太 
虛 
清 
道 

玉 
協 
太 
明 

右祈禱，催用，役使，大應。

紫虛景道





二 





神 
景 
靈 
虛 

招 
真 
育 
元 

右上朝帝真，下役雷霆。

雷霆樞轄檄

風 
雲 
雷 
電 

雪 
雹 
雨 
露 

晴
龍
催
速

氣
令

以上用之大應，此雷中至寶，切宜重之。

神霄風雷琅元洞章

成	萬	密	炁	阿	乾	明	天
華	玄	過	由	浩	蓮	惠	地
分	洪	祖	茂	皇	纓	洞	泰
令	成	道	尊	彰	奇	元	運

勅
烈
風
靈

右三十六字正章。四字章引。

和
合
崇
明

無極經章

炁
林樵谷
書炁字

右用竹摸，焚於香上。非十分亢旱不用。

令

右用黑書皂紙，急速立至。

阜

右用素紙青書，焚之則天地黑暗，震動山川。

令
用內

右用朱書紅紙，焚之則興霹靂。

分

右用白紙粉書，焚之則大風，飛砂走

石。

雷
白

開天
護奏

天開捷

奏天
奏地
速水
垣古

奏雷
信嶽
奏

速

九天聚形章

治病催生，鍊度亡魂。

中

混
合
通
元

命
周
廻
氣

波
源
昭
緩

絡 興 靈 津

曉 丹 化 京

漠 溟 扶 玄

三 九 會 命

都 開

玄 俊

右加三化九鍊，圖命九天雷神，先發檄，次用此催。

三化九鍊圖符


九天帝諱符加入圖內

慈 思 志 元

莊 朗 益 欽

嶮

九天雷王諱符



威 及 冠 守

寔 審 審 宣

寂

服符

保安符

右符。先書某事，次書符。念千和萬合，自然成真。

清微辟火符

鎮

清微辟瘟符

驅

清微祈晴飛符

通

清微請雨符

決

清微召雷立應符

令

清微捷應符

捷 速 急 通

晴風雨通用，香上存召。


清微保生符治病催生

速






清微役使萬靈立應符




紫宸妙道三晨通明玉符從下月上




上清瓊臺立應符




三天風火符



心印



心印



心印



右以上，役三天雷霆。

風火雷霆篆




心印符



右役風火雷霆

高清混洞赤明洞章



右章策役神變，雷霆咸遵。

東極扶桑玉章




南極丹陵玉章



西極素靈玉章



北極洞陰玉章



右章役使四極，號召四極，雷霆立應。


鬱華丹光紫虛天經

又名紫光洞章，可作元始太華昇玄玉誥。

元始洞章



溥丹光


心印篆


雷





右如未應，用元始符命洞章經皆可。





元始自然八衝洞章



衝


右章應欲衝，某事只書于下，大應。

風雷


催

火穰

水穰





殺

伐

妖

飛


禁

風


清微元降大法卷之五

清微元降大法卷之六

三寶無量轟雷洞章

澄鎮

六

炁


升降

風

霆


濟度

動

植


攝召

萬

真


制伏


興


運





與道

同




清


轟雷

掣

電


駕景

凌

煌


清微策天靈經

泓靈

冲

奕


淵 欽 渙 洪

元始保神真經

先 真 浩 漠

妙 氣 渾 淪

告 白 劫 始

萬 品 生 根

雷 靈 威 震

陰 陽 育 神

清微鎮明冲化經 攘兵保國

昌 運 冲 化

鎮 過 萬 神

飛 度 圖 會

保 育 靈 真

靈寶自然運雷經

混 炁 斡 運

地 天 合 真

升 降 妙 道

皇 耀 興 靈

上清玉虛紫光妙經

紫 英 天 育

妙 道 玄

元始樞機雷霆道經

一

斡 運 炁 化

回 樞 道 真

霹 靂 祖 原

威 承 震 緯 經

元始運玄經

混 清 玄 運

炁 炁 生 成

勅 命 高 厚

陰 陽 合 興

清微妙華天經

道 茂 開 神

經 緯 元 精

樞 機 妙 化

曹 由 旭 空

通 玄 和 育

豐 冲 伸 隆

宏 陽 允 漢

符 炁 招 雍

白 然 周 運

萬 靈 會 同

元始保劫真經
一名陰陽，昭回靈經。

韓 化 昭 運

保 合 樞 機

靈 清 道 命

升 降 合

元始保劫洞章

詔 勅 律 令

安 鎮 誅 伐

馘 攝

清微妙華洞章

茲 宏 冲 化

驅 馳 威 通

靈 光 照 曜

阜 益 咸 衝

飛 合 雷 風

景 從 電 明

炎 熾 雪 霧

奔 容 雹 雨

升 降 流 鈴

召 速 天 地

宏 功

元始混通真經

炁 道 妙 樞

機 陰 陽 雷

靈 號 令 風

火 元 真 靈

玉清調元通運變令內經

梵 景 運 令

變 興 然 靈

玉清隱梵風雷上經

勅 景 速 命

捷 令 急 至

大洞清靈上經

清 靈 混 合

策 源 直 元

昭 明 蒼 映
 朗 昌 灼 經
 元始策天經

章 詔 命 律
 香 通 行 告
 啓 風 雲 雷

電 雪 雹 雨

霧 晴 龍 煞

伐 炁 飛 速

捷 開 度 生

神 靈 定 止

安 鎮

安 鎮

上清敕霆烈雷上經

勅 烈 速 行
 元 通

清微元靈妙經

樞 靈 運 混

天 炁 合 元

統 會 萬 神

清微雷霆玄經

清 微 洪 朗

玄 運 雷 霆


陰 陽 炁 合

洞 煥 蒼 靈

清微元降大法卷之六

清微元降大法卷之七

元始神運雷霆玄經



泓 總 運 禱 天 朝
 用 禱 禱 禱

令 起 禱 雷 起

霆 催 風 起 雲 起

電 雹 兵 雨

雪 霧 晴

龍 祈 生 催 令 起 雷 用 兵

勅 禱 驅 治 病 役 雷 召

萬 醮 神 祈 禱 治 鎮 土 鎮

安 土 瘟 奠 鎮 國 位 退 上 治 上

正治邪 合祈禱 和合和 暑轉寒

清滅 邪祈禱 行行 齋齋

鹹治邪 道火蝗 真齋醮 祈祈禱

妙醮 道召風衝 真真朝

定止風雨 止止 靈靈 用通

會朝真 香朝召祈禱 捷捷 用催

速同 分晴雨 炁炁 祈祈禱 治治

清微神玄上經

奏帝，順四時。調寒暑。

炁運 玄會

清微 混混 溟溟 炁炁

道完 太太 初初 炁炁

升降 神神 元元 炁炁

清微妙道宏經

閑溥 清清 朗朗

妙道 宏宏 欽欽

元照 育育 惠惠

天宏 混混 先先

清微通化崇玄經

奏上帝紫微列曜五斗。

煥映 天天 地地

迴度 曜曜 真真 穴穴

清淨 玄玄 混混 炁炁

通化 崇崇 明明 炁炁

清微朱明育化元經

禳火，起雷。請晴。

舒化 朱朱 晃晃 炁炁

尊玄 曜曜 靈靈 炁炁

順逆 流流 伏伏 炁炁

鎮上 玄玄 清清 炁炁

清微混靈英運經

禳水，治邪。役萬神。

混廓 融融 茂茂 炁炁

地天 合合 明明 炁炁

升降 英英 運運 炁炁

涵淵 內內 完完 炁炁

元始妙化運玄經

道始 玄玄 混混 炁炁

妙化 元元 靈靈 炁炁

浩涵 宏宏 合合 炁炁

二炁 清清 渾渾 炁炁

三	耀	太	洞	九	策	役	雪	雷	風	回	天
泓	欽	突	真	式	明	馳	煙	電	飛	旋	地
互	洞	紫	微	含	劫	萬	雨	龍	今	降	動
爲	羅	陽	皇	清	仞	靈	澤	行	勅	升	靜

无	飛	道	嚴	帝	洪	造	名	淵	有	緯
極	橫	伏	宸	敷	帝	原	山	源	級	經
隱	洪	煞	威	尊	一	察	際	鄴	暉	森
顯	然	伐	制	臨	炁	本	宏	壘	曠	布

威	雨	雷	宏	策	清	虛	元始虛皇策雷經		後	吉	高
震	施	風	合	役	微	皇	妙	先	凶	卑	
電	雲	電	九	三	運	道		然	自	循	
令	奔	曜	靈	界	天			然	然	幹	

霞 雪 交 分

陰 陽 混 合

育 養 生 渾

大 會 玄 都

驅 馳 萬 神

靈 光 洞 照

晴 暗 八 溟

周 流 川 澤

安 鎮 山 屯

名 嶽 九 壘

上 膺 天 輪

飛 度 經 緯

寒 暑 殺 生

星 辰 輝 映

律 令 橫 興

氣 化 成 全

既 濟 永 存

清微洞真泰玄玉書

清 英 泓 溥

泰 景 樞 暎

清微天茂自然經

頤

混 明 隆

妙 斡 化 樞

清微洞華冲元洞章
兵禳灾。或告祈禱。

泓 靈 昭 運

妙 斡 化 樞

香符

通

請報應香符

靈

混洞真經

无 量 開 造

雷 靈 六 虛

斡 用 育 生

形 靈 仙 都

元始運度妙經

妙 道 運
 悉 道 運
 圓 方 混 同
 升 降 生 化
 與 原 白 通

清微元降大法卷之七

清微元降大法卷之八

雷霆樞要碧虛至道

混 洞 煉 空
 沌 熒 澄 修
 烈 辰 輔 衝
 紫 皇 上 道

密 過 祖 道
 阿 浩 皇 彰
 紫 清 菩 朗

紫元虛混琅華景道

乾 東 纓 計
 悉 婁 徑 功
 悉 由 茂 尊
 右總統三界，幹運五雷。凡遇大事，急速立應。此雷霆至寶之文，無所不禳，無所不度。

元始保劫運玄經

混洞開闢

道炁運玄

保樂幹數梵

自然長存

元始清微天經

元始先運

誥詔震開

謠道炁洞

明洞清靈

元始混合清微洞章

混合妙炁

朗明紫宸

招會萬炁

興帝煇真

救救章命

咸達羣靈

清微傳芳師寶

清微真元妙化天帝 迹悉

即元始天王玉清紫虛高上元皇太上大道君。即盤古生乎空洞，奏名東華方諸青宮。

宸洞妙保化宮。元始萬神宮。妙化府。

紫宸太華大天帝 瑞昶。

偉太微華明宮。

金闕帝晨太平後聖玄元上道君 逸。

扶金闕紫靈宮。

方諸東華司命青童帝君 格拱奕。

方諸青宮。

神曜冲一丹剛天帝 炳煇。

魁玉京神丹宮。

泓靈元化洞妙天帝 扶高勺。上清元化宮。元化洞玄宮。

烈元化洞玄宮。

清微通光太妙天帝 瓊宏。

季玉清通元宮。

清微泓照混清元君 惠祈。

泓玉京泓照宮。

清微太華明運元君韓 俊。

復太華道元宮。

九天神運自然玄照元君楊 熙。

經神運元照宮。

清微平天總道皇帝朱 昌行。

完定宏中宮。

玄初明和洞清太光元君郭 勤。即九天玄女。

祐

玄初太光宮。

通明昭烈天玄上帝康 完臣。

一

天曹上明宮。

紫清金光儲慶妙道元君沈 宗清。

遂

紫元福華府。

紫霞丹光雷首電光元君蘇 剛。

流

紫霞雷明宮。

太一茂隆自玄通化元君管 方仲。

通

太一通明宮。

九天神宏通明廣冲真君林 昌卿。

妙

廣冲府。

天曹儲靈洪福幹化上聖元君趙 順。

魚

天曹儲福府。

大有妙玄冲道自然天帝東 屋。

冲

大有冲照府。

三天顯道律令天君方 式遂。

明

玉天令元宮。

丹赤和光衝天大阜元君章 孔實。

齊

九天元靈宮。

九天冲和明道飛雷掣電通化元君卜超祖。

九

九天定福中宮。

刑變樞機紫光安明元君歐陽 長勝。

令

安明宮。

紫泓周運昇和青玄元君湯 宗明。

烈

神州陵光府。

儲慶保福洞光宗明元君龍 炎。

腐

天山元照府。

天華冲靈紫虛華陽玄應真君陳 煥然。

雷

天華冲靈府。

清微洞陽曜光皇帝 完都。

遊

元陽宮。

太微演化崇明妙感帝君端 慈良。

衛

太微演完府。

紫皇冲靈太明内元元君朱 欽賢。

昭

紫皇保生府。

冲和太玄洞光天元真君張 任通。

容

和靈府。

龍光普照洞華元君汪 淑道。

夙

洞華宮。

九天隆玄大明通和元君余 果。

救

九天大明府。

炎明洞靈迴曜天君 復變。

信

洞陽炎明宮。

冲妙丹化玄和自然元君柳 崇中。

龍

九龍丹和宮。

天曹儲福廣化威明元君許 昭立。

固

天曹景命府。

紫微九照飛玄内化天帝高 膺則。

九照剛宏府。

紫微霞光妙感洞照元君宋 希仙。

憲 霞光明良府。

鬱華景林真人楊 茂中。

熙 景林元昌府。

靈寶玄一真人玉清妙道天君朗 允契。

金 妙道金光府。

靈寶玄二真人上清妙化天君軒 覺真。

覺 妙化崇章府。

靈寶玄三真人太清妙感天君壽 西元。

感 妙感宗延宮。

泰明清惠真人師復。

任 通明府。

金闕上宰西城總真真人王 充。

光 西城總英府。

小有天王清虛真人王 褒。

陽 青和元陽府。

高元紫虛宸照元君魏 華存。

高 高元宸照宮。

西華通惠元君龐 俏道。

衡 西華廣真宮。

東華上佐司命真君楊 義和。

東華司命府。

東華上相帝晨上清仙翁許 翺。

同 紫陽宸雲宮。

上清元君西華聖母鍾 益。

儔 西華諒光宮。

太和伊玄元君宋 益誠。

友 崇良府。

靈妙和澄元君需 東。

劍 瓊和府。

三天聖師泰玄上相真君張 道陵。

宏 元素元輝府。

高明大使天機內相許 遜。

福 玉都清慶宮。

萬變九真玉仙太素元君昭。

焉 運真宮。

冲玄應運金元洞耀元君 暉。

衍 保真宮。

通英浣雲端化妙感天君 暄。

彬 妙感宮。

崇妙廣惠道光崇化元君 昫。

祿 太真宮。

凝雲膺阜清輝昌一元君 泓。

成 總真宮。

玄昌靈宮冲妙龍光希和元君 洪。

靈 雲真宮。

真一太和晃雲回景元君 決。

威真宮。

形變清虛洪明宗諒元君 淑。

劉  含真宮。

朱靈丹剛魏霄妙和元君 燿。

宗  元真宮。

紫靈光虛混神自明元君 燿。

同  道真宮。


虛化昭隆寂空梵照元君 輝。

行  育真宮。


茂育崇虛廣照元君 燧。

霆  高真宮。

太丹霞明天崇道化元君岳 礫。

涵  崇光府。

上清玄曜浮丘元勳真君 熙。

勃  紫明府。


碧靈廣聖洪靈元君鍾 元賢。

嘉  天昌府。

通和清靈明昭通玄真人徐 自中。

揚  明一府。

元靈曠雲道妙慧和元君商 茱。

 雲陽府。


文始先生關令無上真人尹 喜。

圓  太樞中宮。


太元真人周 陳。

萌  太元府。

天山真人劉 曉。

亨  天惠府。


玄上真人魯 恩問。

侶  玄上府。

太極泰玄真人徐 來勒。

爍  太極明華宮。


太極內輔慶元真人鄭 思遠。

頌  雲陽宮。

太極左官仙翁冲應孚佑真君葛 玄。

極  太極靈曹治宮。

太極浮光天官大帝 明期。

霄  南極浮光宮。


太華司命流金飛光丹霞真人朱 安燧。

 崇霞宮。

靈光聖母紫光道君朱 演。

雷  清華元妃宮。

泰靈洞光運明普照天帝龔 宗卿。

寅  運精府。

金闕道妙保仙元君祖 舒。

 金闕中靈凝照府。

瓊臺左輔貞白自然通妙元君翁 堅。

曜  中淑靈真府。

紫微總真元君梁 阜。

慧  真和府。

太和明一真人丘 諒叟。

巡  明陽昭元府。


上清妙道昌廣宗源真人林 自容。

原  源昌府。


瓊室洞清上景元君郭 玉隆。

儲  洞清府。

耀真福和元君傅 央煇。

景  光隆府。


紫光曜真洞明天帝龍 冲一。

便  洞黃宮。

龍光道明元君姚 莊。

龍  廣穎冲和宮。

紫英玉惠元君高 爽。

 玉英昭凝宮。

清微元降大法卷之八

清微元降大法卷之九

神霄妙冲自然經





炳  輝  炎  炆 



太一混英經

融  輝  淵  冲 

大洞廣運洞章

混  清  雷  元 

救  命  勳  源 





總  益  與  行 



大洞清靈天經

清  靈  混  合 

策  源  宣  元 





昭  明  蒼  映 


朗  昌  灼  經 





元  梵  始  劫 

初  玄  部  宜 

元始檢天經

皇  玄  儉  混 


道  運  靈  策 





經  天  令  炁 

合  妙  冲 

元始大劫冲玄天經

昊  育  浩  炁 

周  運  玄  清 

救  制  詔  誥 

命 令 天 靈
元降諸號

風 雲

雷 電

雪 雹

雨 霧

晴 龍

速 捷

急 行

令 飛

炁

太始洞清經

炁

太 始 泓 妙

洞 清 朗 靈

開 化 自 運

飛 合 混 流 成 炁

太易自然玉經

炁

道 育 涵 運

太 易 宏 明

昭 著 豁 空

氣 或 與 英

元始保華洞章

炁

風 令 下 垂

霄 救 命 驅

威 靈 雨 露

蔽 溫 暈 雷 氣

電 轟 天 聲

拔 贖 通 無

問 天 地 混

降 針 馳 逐

關 幽 晦 電

霜 雪 霰 霰

通 止 止

紫宸无上混一玄經

炁

清 洪 開 運

宸 景 妙 真

洞 合 道 化

玄 通 內 經

混洞天靈洞章玄經

ㄅ

偉 混 洪 清

諒 經 高 太

軾 實 空 倏

清微紫光開天洞章

ㄅ

洞 清 微 道

清微紫光開雷洞章

混 張 統 亨

清微紫光開垣洞章

徹 烈 俱 行

清微紫光開地洞章

廣 提 經 分

清微紫光開淵洞章

水 同 泰 衝

清微紫光洞章

ㄅ

經 明 紫 元

泰 和 妙 華

洞 映 昭 明

朗 然 奕 冲

清微風霆威令洞章

清 微 帝 令

涵 渾 與 勳

雷 風 雨 和

電 炁 合 真

龍 升 威 化

冥 惠 洞 靈

生 安 神 宣

萬 道 同 臻

清微衝應洞章

ㄅ

際 完 疾 行

灼 亮 達 興

上清風雷速令洞章

ㄅ

雷 樞 廣 曜

秉 鈞 運 行

救 降 昭 布

電 幟 廻 環

觀 應 元 勳

合 靈 威 迅

八 樞 萬 神

咸 遵 自 然

勅 令 華

泰 明

妙道景玄天經

玄 景 冲 會

神 合 慶 救

高 畢 動 靜

鎮 流 淵 符

元始運度玄經

妙 炁 道 運

圓 方 混 同

升 降 生 化

與 原 用 通

太初神運經

浩 混 清 鎮

妙 斡 化 樞

太始靈玄經

泓 始 應 洋

道 炁 與 真

太極洞華妙經

溟 洞 命 敷

昭 靈 運 玄

清微運雷上經

紫 洪 元 奕

通 令 涵 彰

道 炁 運 喚

炁 炁

清微元降大法卷之九

清微元降大法卷之十

元靈鎮玄天經

清微 大 道

安鎮 九 真

驅役 雷 電

策召 萬 神

保制 劫 運

炁與 會 仙

太極雷經

浩混 筆 朗

開闔 興 并

中幹 妙 運

火土 木 金

水生 炁 感

雷霆 令 興

化育 三 品

總位 九 靈

元始昭運天經

元皇 昭 運

混合 直 靈

真炁 策 會

陰晴 奕 通

清微玄初天經

炁

瑛泓 寶 道

玄初 運 樞

開奕 盟 合

靈興 育 符

清微冲運真經

元量 冲 會

妙道 威 明

清或 元 廣

陰陽 復 興

真淵 妙 幹

皇耀 全 欽

三洞皇靈洞章

宸 救 策 靈

右洞章，凡緊急大事，無施不可。

天寶開運清微洞章

混 昭 開 清

萬 烝 祖 英

保 制 劫 運

會 聖 臨 真

靈寶紫微玉宸洞章

洞 元 昭 映

煥 紫 宸

神 始 靈 元

妙 華 上 極

鎮 應 長 厚

三皇太極洞章

神 洋 茂 混

章 布 九 明

三 皇 育 化

延 合 虛 光

混同赤文靈明洞章

神 洋 招 真

混 始 靈 元

神 洋 招 真

太 玄 祖 劫

詔 命 威 明

元始混清天經

元 混 浩 溥

運 合 高 淵

開 劫 道 極

雷 靈 降 升

救 令 速 拱

威 制 萬 神

一 烝 昭 化

嚴 逆 會 真

天 地 大 通

氣 合 妙 道

律 鎮 雷 風

生 氣 命 樞

氣 運 降 衝

无 轉 洞 香

陰 陽 清 靈

淨 道 師 生

清微元降大法卷之十

清微元降大法卷之十一


元始一炁冲玄策法

帥班

上陽冲元使者朱光。内阿相音遏蒙。善相如天官狀，金甲，朱衣，朱履，執節。惡相如北斗狀，騎金龍仗劍。

祕呪：

朗敦。



右，用香三片，葉一片，或紙二片。令人男左女右。焚竈中，或自擲火中，或水中。

混洞大劫始泓天經

清 蒼 策 玄

混 靈 句 功

浩 劫 廓 朗

妙 神 運 樞

混 洞 浩 泓

運 鎮 耀 明

炁 始 涵 劫

妙 渾 天 經

又

混 洞 浩 泓

運 鎮 耀 明

炁 始 涵 劫

妙 渾 天 經

又

混 洞 浩 泓

𠄎	𠄎	𠄎
𠄎	𠄎	𠄎
𠄎	𠄎	𠄎
𠄎	𠄎	𠄎

元始自然童神玄經

丹	皇	辰	景
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

宸	化	旋	欽
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

亮	凝	虛
𠄎	𠄎	𠄎
𠄎	𠄎	𠄎
𠄎	𠄎	𠄎

照	耀	太	玄
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

自	然	與	道
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

梵	炁	周	通
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

混	又	冲	浩	溥
𠄎	𠄎	𠄎	𠄎	𠄎
𠄎	𠄎	𠄎	𠄎	𠄎
𠄎	𠄎	𠄎	𠄎	𠄎

靈	奇	涵	濼
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

濟	潛	玄
𠄎	𠄎	𠄎
𠄎	𠄎	𠄎
𠄎	𠄎	𠄎

又

曹	清	崇	浸
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

元	畢	隆	齊
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

并	合	束	混
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

明

又

高	始	炁	化
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

自	然	內	觀
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

童	君	妙	有
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

陽	陰	萬	品
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

自	真	奕	漠
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

元	合	開	平
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

又

汎	汎	汎	汎
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

𠄎	𠄎	𠄎
𠄎	𠄎	𠄎
𠄎	𠄎	𠄎

又

𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎
𠄎	𠄎	𠄎	𠄎

元始開圖小劫洞章

地	元	鬱	蕩	又	升	碧	信	泰	元	煙
天	始	結	混	隆	文	文	文	華	始	虛
洞	昭	濁	劫	合	崇	充	俱	命	啓	開
溟	圖	清	洋	符	煥	敷	命	圖	圖	豁

又	沐	高	妙	又	普	上	浩	又	淵	明
源	源	鎮	源	運	運	下	清	升	照	照
昌	初	開	內	昭	真	居	化	辰	幽	幽
中	玄	廓	明	淵	化	辰	化	辰	幽	幽

又	又	又	又	又	又	又	又	又	又	又
又	又	又	又	又	又	又	又	又	又	又
又	又	又	又	又	又	又	又	又	又	又
又	又	又	又	又	又	又	又	又	又	又

碧虛至道

混 洞 燦 空 又 混 洞 燦 空 又

洞 廣 十 鄉

燦 曜 根 化

空 徹 虛 皇

混 洞 燦 空

紫皇上道

沌 立 道 應

瑩 照 遐 昌

澄 膺 萬 景

修 演 靈 章

琅元景道

烈 威 穹 象

震 召 天 梁

輔 分 清 濁

衝 乎 陰 陽

元始自然童神寶章

童神符

大劫符

童神符

童神符

童神符

小劫符

小劫符

大總印

大總印

右印，內圓外方，一寸。

清微元降大法卷之十一

清微元降大法卷之十二

混洞大劫始青天經

清 經 洪 流
經 洪 流

黃 渺 漠 靈
渺 漠 靈

滸 泗 沌 沈
泗 沌 沈

又

河 然 漠 月

洞 然 漠 月

洞 然 漠 月

混洞大劫始祖天經

祖 劫 神 融
劫 神 融

靈 源 汰 興
源 汰 興

淵 灑 協 英
灑 協 英

又

得 得 得 得
得 得 得 得

得 得 得 得
得 得 得 得

元始符命大道真經

宏 緯 玄 冲
緯 玄 冲

妙 道 超 靈
道 超 靈

烈 泓 經 成
泓 經 成

陽 宗 召 行
宗 召 行

梵天真道

梵 一

緯 華 天 杰
華 天 杰

經 梵 始 飛
梵 始 飛

靈 總 轄 萬
總 轄 萬

神 光 茂 靈
光 茂 靈

右命梵炁萬真。

清炁天經

清 炁

陽 明 道 烈
明 道 烈

俊 興 祥 空
興 祥 空

右命清炁萬真。

九霄合章

萬 神 宗 依
神 宗 依

右命九霄萬神。

上清通玄經

一名景炁祠章

景 炁

救 命 混 軋

右召三界十方。

紫宸玄經

紫 伸 清 緩

景 茂 神 朝

橫 衝 洪 試

蓋 燦 溟 濛

右召聞三界。

降真召靈章

完 守 萬 炁

總 領 天 仙

命元丹剛天章

紀 律 分 命

符 天 景 齊

宣 靈 臨

右命天真萬神。

清元妙樞洞章

普 召 神 祇

右召三界奉行。

總真玄靈普召萬神

敷 英 興 行


右召三界冥空。

拜書

勅 炁 召 靈

用此一字入函內

清微泓烈飛章



一便宜，二信，三祈，四速，五捷，六通，七信，八坐，九念。入符詔、經章、書信、入用○中。

緊急便宜

完 急 炁

內上靈霽萌。

五雷攝神大篆

救 命 速 飛

清微內篆

混 清 泓 涵

洪 淵 洞 沌

洗 凝

右妙用尊臨三界，無所不通。批用單書，大有感應。

紫微元和保天洞章

豐 靈 卓

三皇真文篆

一〇四

風 自 靈 雲 天 雷 幅

電 奏 電 光 霧 疾 雨 雨

雷 肅

合 明 天 帝

日

混洞大劫運元寶章

符

符

清微妙道香符

符

啓請安奉香符

符

右香啓請雷祖。清微會雷真香符

符

啓請安奉符

符

右香召集雷霆，立降。

清微皇明攝景集仙流演玉章

保 元 運 符

啓請安奉祈願符

符

右符，乃玉晨道君，在紫微宮召集嗣師說諸玄旨之章。今用爲香符。

清壇安鎮解穢符

符

元始一炁經

始 元 玄 符

右治病催生吞服，或存字爲丹，飛降

立雁。

元始祖炁玄經

元 始 祖 炁 符

清 混 玄 明 符

又

元 始 祖 炁 符

清 混 玄 明 符

又

元 始 祖 炁 符

清 混 玄 明 符

又

元 始 祖 炁 符

清 混 玄 明 符

清微元降大法卷之十二

清微元降大法卷之十三

帥班

太乙端靈洞耀炎光霹靂風雷元帥許彥昌，
天冠王者狀，金甲，朱衣，執節，朱履。

將班

追風使者虞仲， 追雲使者郭阜臣，
追雷使者儲烈， 追電使者張臣元，
追雨使者師鑄， 追龍使者湯堅，
追催使者方俊，



並交脚幞頭，青面，朱髮，金甲，朱衣，
皂靴。

太乙月孛流光冲元符使朱興，


金兜鍪，面碧，三日，金甲，朱衣，紅
履，執戟。

太乙五雷傳令符使丘亮，

玄冠，面赤，金甲，綠衣，朱履，執戟。
紫皇炎光飛神太乙五雷召符

帥 
將 


太乙燮元清景神運洞章



祈禱衝符

完 
通 

靈光洞章

信 
烈 



祈禱緊急事用之

太乙轟雷玉符

灼 
燿 
捷 
興 

紫皇炎光興元洞章

宏 
欽 
朗 
泓 

洪 
黃 



元運紫光太乙令符

煌 
輝 
樞 
炁 


暉 
育 
統 
英 

元始炎光保劫洞章


完 
敦 
飛 
昌 

橫 
奕 



炎光太乙轟霆火雷符

燠 
服 
飛 
鎮 

令牌面



令牌背



令 
救 
雷 
靈 

太乙月孛流光大將真符

震 
策 
霍 
霍 

太乙火元洞章

然 
元 
彤 
昭 

飛 
召 

九天煙都太乙五雷

帥班

華陽天順君高元大帝煙臺元帥武翹，束木量，天冠，王者狀，金甲，青衣，仗劍，朱履，乘金龍。

神光北帝泰玄真一天君靈明副帥羅元札，岳昌昉，王冠，面赤棗色，聳眉，三角目，美鬚，青服，金甲，朱履，執節。

雷霆律令欵火大神炎帝天君鄧伯温，橫天霸，帝冠服，朱衣，金甲，朱履，執鉞。

煙都號令先鋒上將神炳天君蔡元，遏婁叉，仗劍，微青面。

保元天君金明，雲安天君辛智，

昌化天君蘇端，霞運天君陳溪，

景亮天君張旺，宏明天君蔣霖，

洞光天君畢允，

已上並天冠，金甲朱履。

冲玄飛真華陰天君流光上將朱興，兜鍪，面微綠，三目，金甲，朱衣，綠袍，皂靴，左火珠，右戟。

六丁馳傳上將

丁卯天雷上將孔昌阿明，

丁丑龍雷上將王昭阿高，

丁亥神雷上將何泓阿平，

丁酉地雷上將崔茂阿申，

丁未水雷上將高恒阿隆，

丁巳烈雷上將徐向阿虔，

已上六將，並冲天幞頭，黃抹額，金甲，朱衣，着靴，各執鴈翎刀。

陽雷直事母鄂阿辛。

交脚幞頭，紅抹額，面微赤，大目，金甲，朱衣，着靴，執劍。

陰雷直事常全阿庚，

交脚幞頭，紅抹額，面微黑，大鳳目，金甲，玄衣，着靴，執斧。

元始太玄玉符

劍之符 玄之符 令之符 祖之符

炁之符

元始信經

張 信 雷 炁

神 正 催 捷

安 鎮

上清信元巽宮通運五雷

帥位

掌風雲雷電雪雹雨霧諫正判官都督元帥玉府真君辛漢臣，合元耀，

牛耳幞頭，青面，金甲，金髮鬚，電目，銀牙，綠袍，着皂靴，左執簿，右執火筆。

雷公轟震大神江赫冲，

猪頭冠，青面，朱髮鬚，金甲，朱衣，着靴，雙手斧，背雷車。

電母耀光元君秀文英，

鳳冠，青髮，玉女狀。朱衣，金帶，朱履，仗劍，遍身流火光。

風伯飛揚真君方道彰，

冲天冠，白面，美貌，金甲，青衣，朱履，擲風車。

雨師溥潤真君陳華夫，



冲天冠，赤面，大目，美鬚，綠衣，朱履，擲水車。

東方九炁雷王馬鬱休，南方三炁雷王郭元皇，西方七炁雷王田元宗，北方五炁雷王鄧拱辰，中央一炁雷王方仲高。飛捷符使張元伯。

上清信元通運王符

完  飛 

上清威令瓊臺洞章

京  泓 

上清孚元上經

勳  宏  炁  正 

鎮 

上清攝山五雷

帥班

玄都霹靂攝山火雷大將軍都元帥劉彥

昌，大將軍狀，乘巨虬。

將班

東方攝山摧林大神朱龍延，南方攝山破焰大神康春，西方攝山磕石大神師亮，北方攝山倒海大神李大淵，中央攝山黃炁大神向方，已上並綠衣，金甲，天冠，執刀。



攝山威令擒虎上將丘元，

王惠，李堅，宋弼，黃端，虞源，呂雲，楊復，魯順，秦耀，金清。

攝山冲妙通令五雷符使阮和卿，


交脚幞頭，赤面，金甲，紫衣，着靴，仗劍。

上清收令元剛玉符

伏  攝  息  安 

伐  烈 

上清雷火攝山飛符

降  驅  劍 

清微天寶演化雷霆上經

神班

天寶清元霹靂天君都元帥徐昫，如帝者狀，仗劍。天寶清英雷威天君副元帥周烜，如帝者狀，執鈇。

天寶震令天君楊希，

天寶威電元君涂中，

天寶風元天君夙汲方，

天寶雨元天君許杰。

已上並通天冠，金甲，綠衣，着履。

青陽天令大神嚴昌，

丹陽天炎大神王符，

皓陽天烏大神高卿，

玄陽天武大神印良，

黃陽天威大神孔相。

已上並通天冠，青面，着履，執巨斧。

天寶飛馳法令符使陳泰清，

通天幘，綠面，全身金甲，執戟着履。

清微天寶玉符

郁  杰 

清微天寶華令玉章

清微天寶運英上經

催
飛
催
速

先用便宜飛字，一伏時如未應，用速字催。不然，方行批符祈禱。一用玉符，次用華令玉章，三用運英上經，四方發奏，五用信符，法例大式如此。

禹餘靈寶保運雷霆上經

神班

禹餘靈寶混清霹靂天君大元帥盧英中，天冠，青面，赤髮，金甲，朱衣，着履，執玉符。

禹餘靈寶洞清冲真天君副元帥王湜，天冠，赤面，金甲，紫衣，着履，仗劍。震災興威大神許炎，刑電通令元君鄭茂。飛揚朗令大神汲昉，

神英冲化元君胡偉，

九天敕令雷王周亮，

七靈妙令雷王蘇胄，

已上並青面，金甲，皂衣，執大斧，着皂履。

雷霆敕令符使楊猷，

青面，金甲，着靴，執刀。

禹餘靈寶轟震玉符

烈
捷
催
興

禹餘靈寶金元玉章

英

禹餘靈寶明英丹經

催
速
生
烈

大赤神寶元應雷霆上經

神班

神寶清丹霹靂天君都元帥蔣旌，神寶衛華雷令天君副元帥魯俊，已上並帝王狀，一執鈇，一執小戟。

神寶甲今天元雷君汪昉卿，

神寶威華元君朱郁汲，

冲神妙揚天君夙祈求，

招滋橫耀天君饒昂，

東方神運雷王嚴阜，

南方神化雷王卓濱，

西方神威雷王高輝，

北方神偉雷王吳希，

中央神捷雷王趙堅，

已上並雷王狀，全身金甲，執巨鈇。

神寶捷疾升令符使刁昌，

符使狀，執劍着靴。

大赤神寶混應王符

突
重
金
火

大赤神寶混滓大明洞章

重

天皇太玄洞章

玄

大赤神寶通玄上經

徑
習
必
刃

大凡祈禱，先行便宜，只具香案，焚香
隨心。禱祝有本法，一符便請，將齋符
付當日虚空出遊雷神移來，謂之衝符。

西極真梵大覺慧命五雷上經

神班

主帥金吒大聖覺皇上帝能仁智聖天君
壯，即釋迦，

通天冠，絳紗，方心曲領，玉帶，玉珮，
蔽膝，朱履，慈容金面，青髮鬚。跌坐
青蓮，駕九頭獅子，手執玉如意。

副帥圓明威神大元帥通濟法海天君摩
尼羅法通，即龍樹，

赤面，赤髮，如頭陀狀。惡貌，三目，
緋衣，皂緣，跣足，駕火龍，左手執印，
右手仗法刀。

副帥玄元靈應大元帥元和天一天君
喜，

慈容，披髮，皂袍，玉帶，跣足，躡龜
蛇，仗劍。

亞帥陽明丹天大元帥炎光鬱儀天君
焱，

通天冠，面微紅，降紗袍，方心曲領，
玉帶，玉珮，蔽膝，朱履，項生紅光，
乘火龍，執天經。

亞帥陰曜皓天大元帥素輝結璘天君森，
上清玉芙蓉冠，白銷金法服，紅緣朱
履，白面美相，項生白光，乘玉鳳，手
執日月扇。

節制正帥梵天答落慈憲天君查宏靈，
青包髻巾，青羽衣，皂履，駕青獅子，
執八卦雷式盤。

節制副帥梵天郁馥慈正天君閻明靈，
美貌，野人相，披髮，白衣，披榭葉，
跣足，坐白鹿，執天書。

節度正帥梵天碧落慈感天君白洞靈，
纓絡冠，碧法服，朱履，乘白龍，持玉
斧。

節度副帥梵天郁竺慈應天君鄔元靈，
上清冠，青金雲法服，玉珮，朱履，真
人相。乘白獐，執塵拂。

輔將衝天元明上將全天元，
貂蟬七梁冠，緋衣皂緣，方心曲領，
金帶，金珮，皂履，赤面，三牙鬚，乘
白鹿，捧仙籍。

佐將承天元真上將皇圭，
幘頭，紫袍，金魚，金帶，皂靴，白面，
三牙鬚，騎白馬，執寶節。

協將通天元陽上將歐陽燁
金魁，金甲，紅罩袍，綠靴，赤面，三
目，駕火輪，執弓矢戟。

督將宏天元靈上將王昊，
皂光紗，短簷帽，影出束髮，通天冠，
紅金龍，團領袍，玉束帶，綠靴，美丈
夫，白面，駕水車，執節。

馳傳報應飛天通運使者韋玄朗，
直脚幘頭，黃抹額，金甲，黃袍，綠
靴，美貌，乘黑馬，執鉞斧，聽令。

鳴雷轟天密跡神侯馱羅，
青金面，金剛相，左手執銅鼓，右手
執銅槌。

掣電明天閃爍神妃魏文聖，
纓絡冠，紅茹衣，朱履，左手明珠，右
手仗劍。

施雨運天娑羅神公譚巨澤，
龍王相，左手持玉淨瓶，右手執楊柳
枝。

東方持天好生大將朱鉦，

清微元降大法卷之十四

西梵碧落五雷

神班

大梵金天碧落慈威妙慧天君白洞靈，

頭冠寶珠纓絡之冠，身披碧襦金紗法衣。玉珮朱履蔽膝，遍體玕珠之絡，聖相慈容，金玉滿月相，手執玉拄斧，自大海綠波內上昇。

大梵碧落傳直辯慧大神水通，

冠冲天幞頭，黃抹額，金甲，黃袍，紅粧慈容，美丈夫貌，手執玉節，乘白雲。

金剛大力神勇天丁楊炎，

金剛大力神猛天丁熊鎮，

金剛大力神威天丁劉清，

金剛大力神烈天丁汴槐，

已上天丁，並青面紅衣金剛狀貌，手執降魔大力杵，從天君後。

召天君祕呪


唵鳴唵呢咄哆唵攝。

都召章



神勇信符

神猛信符



神威信符

神烈信符






治病催生符

鎮宅佩帶符



芟邪真符



已上並係金書玉篆，可用役雷行事。

太初五雷

神位

上清璿天刑令大神樞雷機霆真君寶霽初，

通天冠，微青面，鳳目，朱鬚，全身金甲，絳袍，玉帶，朱履。執鑽鎚，背霹

靄車，遍身流火。

欵火律令大神炎帝天君鄧伯溫，

雷霆都督元帥玉府真君辛漢臣，

雷霆飛捷符使暘谷神君張元伯，

九斗陽芒流金火鈴將軍劉明，

太乙月孛流光大將朱興，

雷霆木郎大神皓靈神君荀敷演，

青陽天冠，微綠面，鳳背，徧身綠色，

類鄧帥惡相，執鑽鎚，乘黃龍。

五方興雷使者

東方興雷使者蔣春，

雲炁冠，面青，赤髮，金甲，朱履，青

衣，執斧，乘青龍。

南方興雷使者荀靈，

火冠，面赤，黃髮，金甲，緋衣，擲火

輪，乘巨虬。

西方興雷使者羊忠，

素冠，面白，黑髮，金甲，皓衣，朱履，

擲風輪，白虎隨。

北方興雷使者湯斌，

玄冠，面紫黑色，青髮，玄衣，朱履，

擲水輪，有玄龜隨。

中央興雷使者朱暉，

華陽冠，白髮，威貌，金甲，朱履，黃衣，仗劍，有獬豸隨。

初天催迫使者

霹靂追風使者李德剛，背風輪。

霹靂追雨使者西鮮，背水輪。

霹靂追雷使者趙福，執鑽鎚，背雷車。

霹靂追電使者王遂，背火輪。

霹靂追雲使者汪符，背雲車。

霹靂追電使者馬夫，執巨斧。

大梵霹靂冲天五雷捷應使者趙宏。

已上使者，並冠半月冠，微青面，三日，全身金甲，皂服，朱履，執龍頭寶劍，乘火光出入三界，周遊六虛。

霹靂昌陽使者，王彬，

霹靂閃爍使者吳周，

並交脚幞頭，面赤，金甲，絳衣，着靴，執戟。

霹靂回車使者岳榮，

玄冠，面微赤，三牙鬚，金甲，紫袍，朱履，仗劍。

催轄倒降使者徐慈

衝天冠，面微赤，金甲，皂袍，朱履，執節。

玉英巡察左使者母鄂，玉衛聽察右使者常全，九天雷火法令符使陳榮臣，衝天幞頭，青面，朱衣，金甲，玉帶，着靴，執幢節。

內院五方迫雷使者

東方迫雷使者鄞宇，

南方迫雷使者官甫，

西方迫雷使者王遷，

北方迫雷使者甯用，

中宮迫雷使者易必。

元始一炁玄經統運洞章

倚

偉

靈

復

俊

晨

溢

徭

敷

景

開

張

漲

完

舉

宸

况

進

照

晃

清

樞

明

蓋

道

機

其

淵

渚

餘

昇

泰

混

重

真

妙

沒

隆

美

通

元始玉書

即大洞之文，可以拜發。

炁

運

大

有

握

神

命

天

總

統

萬

仙

神

真

偉

象

周  迴  十  方 



高上神變陰陽五雷

帥班



左元丹禁霹靂符使許映，
右元青衛雷電符使甯仲，

龍圈虎衛，合部雷神。



陽玉符

伸  令 



陰玉符

靈  靈 

太玄洞章



衛  蜀 

雷霆諸號



風  雲  雷  電 

雪  雹  雨  露 



霹  靂  龍  晴 

號  令 





陽心印



陰心印

雷  雷 

召陰陽時號

治病神符

神  咬 

紫瓊洞章

道  極  神  瓊 

清微演化天運五雷

神位

雷主律令大神炎帝天君鄧燮，
雷元法令大神天玄真應天君尚丹，

雷衝真令大神靈回昭復天君卓无簡，
雷華敷令大神迴天執法天君趙焱，

雷胄頌令大神華應迴彰天君熊安天，
雷威敕令大神復亮威刑天君宋行元。

雷光行令大神長生保元天君師阜，
雷佐樞令大神真威雷火天君任光，

雷轄彰令大神明元輔內天君劉宗，
雷霆刑令大神樞雷機霆天君寶霖初，

雷宮急令大神翻海覆嶽天君楊伋，
雷火烈令大神陰元陽靈天君鄭禹文，

已上雷神，並帝王狀，絳袞服或帶
劍，火冠青面，全身金甲，着履，執鑽

鎚，背雷車，各領雷神百萬。

清微樞令玉符

滋  欽  貞 

清微樞令洞章

完  速  令  催 

清微樞令玄經



十二火令玉符

子 危 丑 逆 寅 危 卯 逆
 辰 危 巳 危 午 危 未 危
 申 危 酉 危 戌 危 亥 危

上清五元冲衛雷法

帥班

五元冲衛主令降元雷霆大帥瞿臣，大將軍狀，乘赤龍。

東方九炁鎮元上將江初究，青衣執斧。

南方三炁靈元上將吟恭伸，紅衣執火車。

西方七炁太元上將闕初，白衣擲風車。

北方五炁明元上將甯拱陽，玄衣擲水輪。

中宮一炁正元上將唐巨卿，黃衣仗劍。

已上並天冠，青面，金甲，朱履。

五元飛神五雷明威符使謝衡，

衝天幘頭，黃抹額，面紫棠色，三目，

金甲，碧衣，着靴，執鴈刀，統五雷收

瘟雷神一萬衆。

上清興震收瘟五雷大篆

炁 雷 金 正


上清五雷攝瘟五神真符

神 英 鎮 元


上清正炁雷光真符

炁 隨方 鎮貼


上清金光禳瘟玉符

金 隆


上清治瘟大篆

炁


清微元降大法卷之十四

清微元降大法卷之十五

清微龍光內法

帥班

清微龍光迴天大元帥周廣卿，

大將軍狀，乘青龍，執節。

清微龍光橫天大元帥趙勳，

大將軍狀，乘赤虬，執大斧。

將班

龍光飛鷹雷火上將朱暉，

披髮，青面，金甲，紅衣，跣足，仗劍，

有鷹翔前。

龍光走犬雷火上將嚴灼，

衝天冠，赤面，金甲，玄衣，朱履，執

火車，黑犬導前。

龍光廣運吐毒神烈黑靈雷火符使曲剛

英，

交脚幘頭，黑面，紅抹額，金甲，白袍，

着靴，執刀，統神烈飛火吐毒雷神千

萬衆。

清微龍光興元雷火掃蝗符

符 掃 驅 令

三命 滅

取太歲方土，調書符於大片好香上。烈火焚之。

高元神運陰陽五雷

神位

陽赤天丹剛五雷大神母朱卿，陰玄天丹明五雷大神常惠清。

洪先治博樞機陰陽雷霆急信洞章

赤陽 陰玄 心印

治病 催生 常服

玉清樞華五雷

帥班

玉清樞華五雷天君神運元帥郁昭，玄色天冠，面白，王者狀，朱履，執玉斧。

雷主律令大神炎帝天君鄧燮，雷霆都督元帥玉府真君辛忠義，雷霆木郎大神皓靈神君荀敷演，雷霆火鈴將軍陽芒神君張奕，一名劉明。雷霆飛捷符使暘谷神君張亞，一名史膺。雷霆傳奏威明使者朱勳。

召呪

波薩囊心誦。

玉清祈禱玉符

諸號符

運 風 雲

雷 電 霹

龍 靈 牛

電 雨 晴

霧 催 號

令 完

玉清景元洞章

景元清真

其邪

雷 光 勅

興

治病

氣 正


催生



熏產室



鎮宅



佩帶



清微飛捷五雷

神位

清微飛捷真君楊顯。

符使

丁阜，王元，易芳，周彬，宋昌，

並直符狀，面青，金甲，朱衣，執斧。




使者丘烈中，赤面，五目，天冠，金甲，青

衣，朱履，伏劍。

召呪

亶烈。

召符



紫微碧玉太乙五雷

神位

天福君，天順君。

帥班

丹明興雷大元帥湯奇，

橫威運雷副元帥趙琅。

將班

左僊炎光上將王剛，右僊靈元上將呂





隆。

內院




風雷使者梁原，火雷使者章昂，

令雷使者陸豐。




請章心誦口召



信章





碧玉丹黃金元洞經






右符用紅紙一尺九寸朱書不批烈火焚之心祝立應

太乙流鈴洞章





紫微碧玉太乙捷令印



太乙令牌

用棗木造，高九寸，闊二寸，厚八分。



上清飛元太乙移降五雷

帥班

上清真禦飛元太乙八景大將軍元帥龍

青面，將軍狀，着履，執斧。

將班

東青太乙雷神王儒，南丹太乙雷神干信，西皓太乙雷神沈洸，北玄太乙雷神魯僮，中黃太乙雷神吳皐，

並披髮，青面，金甲，絳袍，跣足，執鑽鎚，背雷車。各統雷神，立致雷雨。


太乙飛元符使午逮，

交脚幞頭，青面，金甲，綠袍，着靴，仗劍。專號召雷霆，作太乙耳目之神。



召呪

嗽嘔咻咁吟。心誦口召，雷霆大應矣。

勅符



移降



元始火令飛鷹走犬正文法

將班

飛鷹使者管元成，天德化，

披髮，青面，金甲，紅衣，跣足，仗劍，有鷹揚前。

走犬使者惠日新，

衝天冠，面赤，金甲，玄衣，朱履，執火車，有火犬導前。


召呪

唵吽吒哩。

召符





元始火令符



治山獸符



里社符



清微混元衝橫內章



信符

悉

此二符
治病用

爪

用催生

正

妙

佩帶

清微仙都策命雷法

神班

清微仙都策命符使由仲，

綠面，威貌，黑衣，仗劍。

楊衍，青面，碧衣，腰懸鷹翎刀。

易謙，面紫棠色，威貌，碧衣，執斧。

梁衡，天男相，青面，五目，朱衣，執鑽

鎚，背雷車。

楊果，三角目，美髭，女貌，皂衣，執節，

乘青龍。

並衝天冠，金甲，朱履，或各仗龍頭

劍。

召呪

敦玄陽奕郁。

召符

用催

用常

清微仙都策命雷霆玉符

冲

咸

飛

速

興

九天興正雷法

神班

九天雷火法令符使陳榮臣，青面，執斧

變相，火冠，面赤，四目，金甲，朱衣，

執戟。

謝隆，美貌，持幢節，變相，面丹色，圓

目，金甲，朱衣，着履，執刀。

林玉，微赤面，鳳目，三牙鬚，仗劍，並

衝天幘頭，金甲，朱衣，玉帶，着靴。

召呪

昉祺於平

召符

九天興正符

釗

樞

急

清微元降大法卷之十五

清微元降大法卷之十六

紫霄演慶五靈五雷

帥班

紫皇天一五炁冲真大元帥泰玄天君李昶，又名招搖、童光，天官狀，金甲，玄袍，朱履，乘白馬，仗劍。

紫霄天一聖仁霹靂冲素真君魏愷，頂兜鍪，大將軍狀。全身金甲，着靴，執大斧。

紫霄天一仁聖霹靂冲和真君董清，火冠，青面，大將軍狀，全身金甲，着靴，執戟。

紫霄天一演慶部

雷公明令神君嚴東卿，

猪頭冠，面青，金甲，朱衣，皂履，執斧鑽，背雷車。

電姥晃耀夫人章敬，

玉女狀，綠衣，朱履，仗劍。

雨師廣映神君方烈，

龍冠，面白，三牙鬚，金甲，青衣，朱履，擲水車。

風伯冲玄神君劉元瑞，

火冠，面微赤，青髮，金甲，碧衣，朱履，擲風車。

風雷五靈部

青靈九炁雷王呂忠，青衣執斧。

丹靈三炁雷王高諒，朱衣仗劍。

皓靈七炁雷王何義，白衣執斧。

玄靈五炁雷王郭益，皂袍鐵簡。

黃靈一炁雷王鄭恭，黃衣執戟。

並通天冠，金甲，朱履。

陰陽互靈部

亦靈陽雷神烈大神苟留吉，

金冠，赤髮，紅面，金甲，朱衣，皂履，

執金鎚鑽。

黑靈陰雷神化大神畢宗遠，

玉冠，面微赤，無髭，金甲，皂衣，玄履，執斧。

天一丁甲部

天一丁甲部

丁卯通玄玉女仁貴，

丁丑通明玉女蔣倬，

丁亥通和玉女薛惠，

丁酉通真玉女居芳，

丁未通光玉女克俱，

丁巳通英玉女招遙，

並玉女狀，金甲，朱衣，仗劍。

甲子鳴雷大將軍管拱辰，

甲戌興雷大將軍康復，

甲申烈雷大將軍王延，

甲午追雷大將軍張愿，

甲辰策雷大將軍許計昌，

甲寅運雷大將軍區嘉，

並大將軍狀，兜鍪，全身銀甲，佩弓矢，仗劍。

天一真慶四直部

天一真慶四直部

年直雷掾符使文容，

月直雷掾符使周雍，

日直雷掾符使趙良弼，

時直雷掾符使闕謹昌，

並交脚幞頭，紅抹額，威猛相，金甲，

皂衣，着靴，執刀。

年直飛玄使者汪俊，

月直飛玄使者龍申，

日直飛玄使者卜僅，

時直飛玄使者魯巨伸，

並直符幘頭，神貌威肅，金甲，絳衣，着靴，執小斧。

天一真慶冲化運道直事楊庚，

王者狀，金甲，朱衣，皂履，執斧，專任馳傳之首。

召呪

郁没釗亶。

召符

清微混真玉符

元始命真玉詔寶符

清微道元洞章

清微冲令興化上經

紫皇天一信符

紫霄天一合符

元始天一飛元鐵甲符

天一育神便宜符

天一五雷正炁符

炁通用

紫霄靈棗符

右棗，男去尖，女去核。左手卯文，右手把棗，吸東炁，呵入棗。呪曰：

北帝欽輪，青帝生真。一炁吸注，靈棗育神。治病改云。萬病安寧，保生改云。男

女應生。

清微玉詔符

即命真

上清神烈五雷法

帥班

赤靈陽雷神烈大神苟獬，領雷兵三萬。黑靈陰雷神化大神畢後，領雷兵五萬。

召呪

郁宏郁昌。

召符

天一玉符

上清瓊臺符

紫霄玉雷符

天一令符

雷烈符

行治病用

元明符

用定土

內呪
合明天帝日

策役祕要

解後

祕諱

癡寅疋正。凡遇遣發，心誦三遍。

信燬

右急用二將，就符內加玉清祕諱，加竹葉焚之。

呪棗呪水符

解後

右符。心召二帥，默念呪曰：合明天帝日攝。掐辰文，取東南炁，吹入符。

紫皇太乙神捷五雷

帥班

紫皇昭運太乙神捷風雷元帥玄儲太皇萬福真君方權，天冠，面白，金甲，朱衣，朱履，執節，乘黑龍。

紫皇太乙神捷上元運雷迴光大神宋熙玄，火冠，青面，金甲，紫衣，朱履，仗劍。

紫皇太乙神捷中元興雷捷應大神廖拔，虎文冠，面赤，金甲，碧衣，朱履，執戟。

紫皇太乙神捷下元迅雷叱炎大神員舉，五雲冠，面綠，金甲，白衣，朱履，執戟。

紫皇太乙冲令符使皇曜真君馬果，鳳翅兜鍪，青面，三日，鬚髮眉並紅色，金甲，紫衣，着靴，執兩面斧節。

紫皇太乙神捷飛空霹靂符使王烈，通天幘頭，黃抹額，美貌，金甲，綠靴，大袖，執斧鉞。

紫皇太乙神捷轟雷傳令符使呂進卿，

玄冠，赤面金甲，青衣，皂履，執火輪。

張孚，玄冠，白面，金甲，朱衣，皂履，執斧。申明，玄冠，青面，金甲，玄衣，皂履。執刀。

鄭清，玄冠，紫棠色，金甲，白衣，皂履，仗劍。

已上三人，並佩弓矢。

紫皇太乙神捷符使韓俊，太乙神捷通元符使荀況，

衝天幘頭，紅抹額，面金色，金甲，朱衣，綠靴，執鴈翎刀。

紫皇太乙神捷飛天功曹郭杰，

披髮，童顏，天男相，銀甲，朱衣，朱履，仗火劍，乘玉龍。

紫皇太乙神捷火令玉符

興或批用或香用

紫皇太乙霹靂洞章

信開天章

發奏

用

召呪
郁泓高。

召符



便宜符



速
用催




雷
用艾邪

用治病




丹



用催生



平




用佩帶



鎮貼用

紫皇太乙紫瓊洞章



天學



達意



道



化



樞



又

祕召香符



便宜捷徑符



請風雲雷
電雨。
臣某奉行。

催用加符



灼



飛



勅雷雪雨晴
風，加於便宜
符圈中。

奏用



某將定於某日，於
某處如何報應。恭準
元降。風火驛傳。

右符。催用黃素朱書，極緊用青紙
朱書，不可輕用。

高上神霄玉府西臺斬勘五雷

帥班

神霄保生號令西臺霹靂威化帝君趙德
元，名暉，披髮，赤面，金甲，皂袍，朱
履，仗劍。

冲天威令霹靂廣烈天君齊應卿，

天冠，面微赤，三目，金甲，絳衣，玉
帶，着靴，執鉞。

迴天明令霹靂狂颺天君師匡，

金獅子兜鍪，青面，赤髮，金甲，碧
衣，金帶，着靴，仗劍。

東方青炁橫衝大神雷方中，
天冠，威貌，金甲，青衣，執金鑽鎚，
着靴，背雷車。

南方赤炁橫廣大神信音申烈，
玄冠，青面，金甲，朱衣，着靴，執戟，
徧身流光。

西方白炁橫奕大神烏華元，
被髮，面微黃，金甲，白衣，着靴，仗
火劍。

北方黑炁橫轟大神膺化，
衝天雲冠，面微紫色，三目，金甲，皂
衣，着靴，執鴈翎刀。

中央黃炁橫禁大神卜惠臣，
朝天幞頭，面白，美貌，金甲，黃衣，
着靴，擲火輪。

甲乙九炁烈雷大神木昉，
青面，披髮，金甲，青衣，執斧。

丙丁三炁烈雷大神龍巨卿，
青面，披髮，金甲，朱衣，執火輪。

庚辛七炁烈雷大神陳勳，
青面，披髮，金甲，白衣，執劍。
壬癸五炁烈雷大神金記元，
青面，披髮，金甲，玄衣，執斧。

戊己一炁烈雷大神馬伸，

青面，披髮，金甲，黃衣，執刀。

西臺虎從將班

攝霆追風使者楊英，執斧。

攝炎追雷使者向夙，執刀。

攝威追電使者義允申，執鎗。

攝明追雪使者王萬，執火劍。

攝神追雹，使者舒剛，執鑽鎚。

攝烈追雨使者房冑，執火車。

攝衛追霧使者馮伸，執炁車。

攝令追雲使者柴茂，執弓矢。

已上並交脚幞頭，面青，皂衣，金甲。

霹靂迸火焚炎催追雷光符使管諒先，

獬豸冠，青面，三日，金甲，綠衣，金

帶，執鉞。

霹靂迸火橫天符使鍾況，符使狀，執戟。

神霄玉清丹章

靈呼靈盧寧丁靈新雷英

玉清轟降風霆勘合玉符

雷
符

高上神霄大梵集雷金符

靈

印 心 啓
印 佐 雷
符

征 合
符

祈禱通用符

風 雲 雷 電

雪 雹 雨 霧

霹靂 晴 龍

號 令

玉清神霄火令五雷符

催 信符

催 符

神霄斬勘誅邪雷令符

救 符

西臺治病符

符

十二時催生符

救 子 丑 寅

卯 辰 巳 午

未 申 酉 戌

亥

背文

封 合 元

神霄真王詔

符

神霄太元洞章

符

神霄西臺府印

司額

高上神霄玉府西臺分司。

召呪

格蘇吒。

召符

魁

策役符

鎮

催生丹

治病

清微元降大法卷之十六

鎮

催生丹

治病

清微元降大法卷之十六

清微元降大法卷之十七

上清西禁大法

帥班

扶天廣聖崇妙洞清冲和真君玉元大將趙公明，交脚幞頭，紅抹額，面赤，目圓，美鬚，鐵甲，皂袍，金帶，着靴，執鐵鞭，黑虎從之。又曰五方雲路招真大將神霄總管西禁直君。

將班

東方甲乙馳烈上將惠祈，青面，赤髮，青衣。
南方丙丁馳烈上將宋安，赤面，黃髮，朱衣。
西方庚辛馳烈上將石武，白面，黑髮，白衣。
北方壬癸馳烈上將元彬，黑面，青髮，皂衣。
中宮戊己馳烈上將龔洪，金容，白髮，黃衣。

召符

清微原道玉符

催符

催呪

西文

吽吽哆，勅法趙某喇速，唵吽吽攝。

速降符每符並加火筆

同降 急速 捷 急

火 飛 動 勅

太乙昏遁玉符 書了再加斗塗

速行火急 符書直字

治崇時號令 發奏雨治病

四符 用

一符 二符 三符

四符 用

四符 用

四符 用

神霄萬應真符



清原玉符



芟邪下，左書帥姓名。下書將名
役將。左書將名，右書某押。

安與六

鎮中

驅瘟

神

病治

佩靈

帶

邪烈

安與六

鎮中

驅瘟

神

病治

佩靈

帶

邪烈

安與六

鎮中

驅瘟

神

病治

佩靈

帶

安與六

鎮中

驅瘟

神

病治

佩靈

帶

邪烈

安與六

鎮中

驅瘟

神

病治

佩靈

帶

邪烈

安與六

鎮中

驅瘟

神

病治

佩靈

帶

和召

召

和

召

和

召

和

召

和

召

和

召

和

召

和

召

和

召

和

召

和

召

召玄壇符




西文

召呪

大力猖狂唵齒臨齒臨部臨部臨勅煞攝。


召直事符




治馬病符



治六畜病符



治牛黃符



北極天心五雷

仙班

洞陽帝君日羅，帝狀，鬱儀。

洞陰皇君月羅，后狀，結璘。

天罡帝君星羅，王狀，面天男相。

天德神君卓，王狀。

月德神君顯，王狀。

役使三界，運用五雷。

帥班

欽火律令炎帝天君鄧燮，伯温，

元冠，天官狀。微青面，絳服，朱履，

執鎚鑽，乘金龍。

雷霆正令玉府真君辛忠義，漢臣，

天冠，地官狀。金甲，綠袍，玉帶，朱

履，捧玉册，乘白獬豸。

雷霆行令陽谷神君張亞，元伯

天冠，水官狀。金甲，皂袍，玉帶，朱

履，執鴈翎刀，乘熊。

天罡火雷神烈大神苟獬，留吉，

天丁冠，紅髮，赤面，紅袍，金甲，皂

履，執鑽鎚。

天罡水雷神化大神畢俊宗權，

玉冠，怒相，微黑面，皂袍，金甲，皂履，執斧。


北極統神五雷使者，劉臣卿，嚴清，祝燾，

于惠，胡完朗，

並青面，玄冠，金甲，朱衣，皂履，持

節，佩劍。

召符



召呪

玄英旌

上清三光合炁玉符

祈禱，治病，芟邪，摧生，熏服，通用。



上清炎光玉符

用如前同。



上清洞陽炎光洞經



上清洞陰景元洞經

真 洞 清 執

上清耀元洞皇洞經

華 神 洞 靈

佩帶符

符

天罡火雷大法

帥班

主法中天運化天罡大聖節度真君 魁，披紅髮，白面，三目，仗劍，白衣，旋斗周遊，與天同運，左目青光，中目白光，右目紅光。

將班

天罡雷火冲衛左直大將軍母宗鄂，火冠，赤髮，青面，三目，金甲，絳衣，執雷鎚鑽，或乘火龍，領火衛雷兵三萬，出入三界。

天罡雷火翼衛右直大將軍常全，

玄冠，赤面，金甲，皂衣，執斧，或跨

巨虬，領水雷騎吏五萬，出入三界。

年直使者文容，月直使者周雍，

日直使者趙良弼，時直使者闕謹昌，

並交脚幞頭，直符狀，執刀。

召呪

雲霧簇

召天罡符

英 符

召將符

符

清微明令玉符治祟

令 威 灼 符

玉清運元真符

令 壘 火 杰 捷 符

天罡保元洞章吞服治病

悉 行 道 烈 催 符

長沙神王，東方寅卯之神。

長水，長懷，長陽，長脛，長頭。

長眉神王，南方巳午之神。

長心，長目，波耶，波吒，波那。

波婆神王，西方申酉之神。

波留，波私，波伽，波畢，波多。

羅陀神王，北方亥子之神。

羅地，羅伽，羅江，羅陽，羅頭。

長面神王，辰戌魁罡上官之神。

長江，長卿，羅漢，羅門，羅莎。

波羅神王，丑未中宮黃庭之神。

波遮，波提，羅星，羅奇，羅呵。

二楊真君召用符

冲天明道執法仁聖應元真君捷疾符使

楊顯，火德，衝天冠，面赤棗色，三牙

鬚，三角目，金甲，朱履，執斧，乘金

龍。又曰太乙演聖風雷妙道廣化真君

捷疾符使

召符 烈口又口

符

召呪

集宏。

飛天妙道威化聖仁神烈真君焚炎符使

楊傑，月孛，衝天冠，白面，大鳳目，三牙鬚，金甲，綠衣，朱履，仗劍，或執鉞，乘白玉龍。又曰太乙明聖火雷冲道應化真君捷令符使。

召符 應○又一

召呪

遏伽。

清微召用吳王二符使符

清微冲運霹靂大神興正符使吳烈，

天男相，兜鍪，金甲，朱衣，仗劍，朱履，乘巨虬。

杰 用急 胃 用常

冲天神威摧山磕石雷法勅法大神冲令符使王烈，女貌，通天龍冠，金甲，朱衣，朱履，持斧，乘大鵬。

冠 用急 胃 用常

清微召用諸大符使符

清微冲天霹靂捷令符使周詳，青面，三目，朱衣，持斧。

清微飛天霹靂捷威符使王曉，白面，綠衣，仗劍。

清微勅烈威霆捷律符使虞英，

威貌，執鴈翎多齒刀。

清微信元勅雷捷令符使鍾良，

赤貌，青衣，執戟。

清微冲真迴電捷飛符使張期，

面黑色，赤衣，仗劍。

清微神運茂光捷明符使岳諒，

福相，柳眉，紅衣，執刀。

清微仙都攝令捷炎符使趙儀，

面棗色，大目，美鬚，玄衣執斧。

已上並衝天幞頭，黃抹額，金甲，着靴。

召呪

庚杰劍攝。

符 香 符 信 飛 捷

清微冲元雷令玉符祈禱道用。

昭 宏 勅 行

速 透

清微妙道洞華章

捷 開天 通用

招 召將 用

清微招靈霹靂方符使，諱璋。

清微招靈捷疾周符使，諱說。

清微招靈轟天洪符使，諱喬。

仙都上陽飛天趙符使，諱碧。

仙都上陽橫衝信符使，諱昌臣。

仙都上陽冲明武符使，諱博。

皇英九土鎮元大法將同。

皇英九土真符

皇英九土真符

皇英九土真符

皇英九土真符

又八符

皇英九土真符

皇英九土真符

皇英鎮土禳謝玉符

茂通靈

三皇鎮安土府真符

天皇地皇人皇
靈

九天捷疾使者林玉。

召符

人

九天察命使者丁武。

召符

人

右二使者，專一馳傳。

九天通明烈元使者商高英。

召符

人

皇明安鎮土大法

明輝玉符

輝陽鎮運

化明道安

皇明洞元玉章

皇洞朗洞樞

玉靈

清微元降大法卷之十七

清微元降大法卷之十八

上清玄都昇真火鈴雷

帥班

九斗陽芒流金火鈴大元帥劉明，

統雷神六十四員。

召呪

杰孚亨。

召符

人

上清玉晨擲火金回玉符

飛

上清飛鈴烈炎大霹靂合符

降


心印

佐印

昇

雷

朱光火令洞章

機 

樞 

高上神霄捷烈冲化五雷

神位

高上神霄迸火焚炎元帥安廣，

獅子兜鍪，赤面，金甲，着靴，執節，有赤火猪從之。

高上神霄腥煙霹靂元帥楊祈，

龍首兜鍪，白面，金甲，着靴，仗劍，有黑火犬從之。

高上神霄烈火衝天符使：

何良，青面，執斧。王紀，金面，執火輪。鍾熙，白面，執戟。儲信，黑面，執冰車。

已上並通天幞頭，金甲，朱衣，皂靴，佩弓矢。

高上神霄霹靂符使岳崇，

衝天幞頭，黃抹額，面美貌，金甲，玄衣，着靴，執鴈翎刀，統雷神十萬衆。

高上神霄冲變真符祈禱一

興 

元  用催


高上神霄丹化洞章二

茂 

烈 

用催


高上神霄元令上經三

神 

完 

用催

高上神霄通天玉符即開天符。四



右符。

高上神霄冲天符使呂中，速令上達。

符到奉行。

高上神霄神暉玉經五

變 


命 

用催

六

令 

七

神 


芟邪

令 

用通

雷 

用貼

偉 

用栢板或梓板書

治病

丹 

催生

氣 


佩帶

正 

鎮貼



火猪符

信 

黑犬符

成 

召符

召 

召呪

敦宏朗。

高上神霄九陽玉元五雷大法

帥位

神霄九陽梵炁玉雷元帥趙阜，王惠，大將軍狀，專管捧符祈禱。

將班

玉元冲妙一陽神化天君延伸，執節。

玉元明令二陽神化天君孚育，仗劍。

玉元奕英三陽神化天君端中，玉策。

玉元通明四陽神化天君王方，執斧。

玉元昭炳五陽神化天君由伋，執節。

玉元或和六陽神化天君高阜，執刀。

玉元征完七陽神化天君元平，玉匣。

玉元良茂八陽神化天君杰亮，執劍。

玉元於宏九陽神化天君留昌，小戟。

已上九王，福相，帝服，青衣，金甲，朱履。

玉元雷光符使胡安，

衝天幞頭，青面，金甲，朱衣，着靴，執鴈翎刀。

召符



召呪

朗重延。

便宜符



迅



用催


高上神霄九陽梵炁玉符




高上神霄九陽梵炁洞章








高上神霄九陽梵炁上經



高上神霄玉清九陽天章




高上神霄冲和洞章







安鎮川

心印

佐印



高上神霄九陽玉符



玄一碧落太育朗神五雷法

帥位

碧落玄梵五雷帝君朱清，觀音化身。內諱

焞灼壇，天冠，天男相，金甲，朱衣，朱履，執節，乘玉龍。

玄梵霹靂大神：四羯帝化身。

孔伋，執斧。楊霆卿，仗劍。

曾元芳，執弓矢。高遂，執刀。

已上火冠，青面，金甲，朱衣，朱履。

碧落飛玄天一符使林仲元，善財化身。

衝天幞頭，白面，金甲，玄衣，玉帶，

着靴，執節。

召符



召呪

利哆吒喇吽。

便宜符



祈禱祕呪

唵啞囉嚩嚩。

清微洞玄碧落玉符



碧落圓通上經速用

道



心呪

咕喇哆娑婆訶。

催圓景符祈求大應

圓飛



艾邪治病熏服

音



催生



佩帶



安鎮

玉清烏陽歷黑五雷

興雲致雨，移雲役龍，大應。

帥將


飛天烏陽歷黑大神：

方慶，葛英，齊允，王亮，師協。

歷黑符香上或紙上批，通用




嚴



黑



雲



元始洞明六甲兵符策經

甲神

甲子洞明大神何迅，

甲戌洞清大神張殊，

甲申洞英大神呂武，

甲午洞昌大神徐慈，


甲辰洞慧大神高宜，

甲寅洞宏大神王暉。

六甲符初焚香火，批催用大應



甲子



甲午



甲辰



甲寅



甲申




甲戌



丁卯




丁丑



丁亥



丁酉



丁未



丁巳

元始靈元六丁追雷伏龍章

丁神

丁卯玉女言宴，

丁丑玉女鄧守，

丁亥玉女午宣，

丁酉玉女孔冠，

丁未玉女石辛，

丁巳玉女雷成。

六丁符

初批，次焚香，催用斬逆除凶大應。

卯丁

丑丁

亥丁

酉丁

未丁

巳丁

催符

一

三

六

四

五

六

清微元降大法卷之十八

清微元降大法卷之十九

紫虛洞耀五雷大法

五山雷神

東方廣福山青炁雷神毛芮，

南方廣幽山赤炁雷神薛弼，

西方廣寒山白炁雷神張仲，

北方廣武山黑炁雷神林時可，

中央廣微山黃炁雷神趙下，

右各領雷神萬人。變見於九霄九地之中，略書一二，詳審用之。

師曰：在神霄中，為雷火五將軍。

在青霄，為運雷神君。在碧霄，為五

方斬雷神王。在丹霄，為轄雷符使。

在玉霄，為玉部興雷使者。在琅霄，

為五方變雷大神。在太霄，為五方

變勘五雷使者。在景霄，為五方追

雷使者。在紫霄，為五方搜龍使者。

在山川水陸之中，為五山蠻雷使者。

在遊神中，稱五猖興一大神。在日

行，為五方遊神。在夜行，為五飛神

君。在天，為五星。在地，為五嶽都使。在壘，為五色土君。此五神，出入杳冥，往還莫測。師之所授，謹用詳具。

玉清雷元洞章

光

舒

欽

太

炁

炁

灼

元

雷

劫

治

上清瓊華攝龍五雷

驪龍雷神

一炁威龍上將王 盛，

二炁威龍上將丘 勳，

三炁威龍上將蘇 煜中，

四炁威龍上將□ □，

五炁威龍上將張 康伯，

六炁威龍上將趙 殷，

七炁威龍上將高 延，

八炁威龍上將區 亦文，

九炁威龍上將干 拱，

各領驪龍大神部從，統諸龍神。或失
應命，上將追之立至。

玉晨命龍洞章召役通用

威

命

統

龍

信

令

集

興

元始威明神令五雷

神位

雷主律令大神炎帝流赤天君鄧 燮，

雷元法令大神天玄真應天君尚 丹，

雷衝真令大神靈迴昭復天君卓 元簡，

雷華敷令大神迴天執法天君趙 焱，

雷胄頌令大神華膺迴彰天君熊 安夫，

雷威敕令大神復亮威刑天君宋 行元，

雷火行令大神長生保元天君師 阜，

雷佐樞令大神真威雷火天君任 光，

雷轄彰令大神明元輔內天君劉 宗，

雷霆刑令大神樞雷機霆天君寶 霽初，

雷宮急令大神翻海覆嶽天君楊 伋，

雷火烈令大神陰元陽靈天君鄭 禹文，

已上並帝王狀，絳衣服，皆帶寶劍，
或火冠，青面，金甲，着履，執鑽鎚，
背雷車。

元始威明冲令洞章

溥

信

化

救

威

元

昭

應

劫

樞

合

地

雲

雨

雪

電

霆

霜

符

圖

機

天

風

雷

霧

雹

令

霧

號

書

洞

神

冲

復

與

元始隱梵役使策靈符

明

霽

生

炁

驅

九天太乙煙都五雷

帥班

天蓬大元帥神光北帝羅

欵火律令大神炎帝君鄧

將班

琅惠天君蔡元，紫華天君金明，

雲太天君辛智，青華天君蘇元章，

元扎，

伯温。

碧應天君陳清，丹烈天君張昭，
景運天君蔣霖。玉霄天君畢德遠。
捷疾符使程安夫。

玉清興雷震霆玉符

烈雷火符

炎令金符

信符

雷火符

雷火符

雷火符

雷火符

雷火符

雷火符

雷火符

雷火符

雷火符

雷火符

雷火符

電光符

電光符

電光符

電光符

攝生靈符

太

役使令符

九天一炁洞和玉章

清

太乙祖劫震興洞章

樞

玉清洞明一炁祖法

神位

雷風天動真君闕

雷風天動將軍施

雷風天動大將康

雷風天動使者朱

雷風天動功曹周

右五神從下而上，用專一起大風。

召呪

熒亶明

華欽，

晃，

永惟，

坤臣，

鉞卿。


益

英

召符



炁符



清微元降大法卷之十九

清微元降大法卷之二十

太乙炎明五雷

又名太乙，威化火府神元雷。


師曰：太乙之法，總一十二門。隨方運轉，散六十宮，主六十甲子所生灾福。所謂炎明者，輝煌洞明。天地之中，無所不燭，有感必通。昭著其靈，神威莫測云。

神位

太乙熒令火光震華天君朱朗，又名莊耀，火星，火星狀，執劍或執火車。

太乙玄運飛空轟雷真君荀廣，又名朱鸞，孛星，天冠，三日，綠面，金甲，黃衣，着履，左執火珠，右仗劍。


上清炎明威化洞章



雲

雷

電



雹

雨

霧



晴

催

號



召


治病

催生





退土

鎮宅



芟邪



陽時

陰時



召符




召呪
劍興熒。

太乙五雷

神位

太乙五雷主將元帥武翹，
太乙五雷流光上將朱興。

召符

完 速 成
伸 烈 興



上清巽宮興雷祕法

神位

雷霆猛吏都督元帥玉府真君辛 忠義，
雷公上相陽令天君江 赫冲，
電母紫英陰元元君秀 文英，
風伯飛颺烈今天君方 道彰，
雨師甘露清神天君陳 華夫，

東方九炁威化雷王馬 鬱休，
南方三炁炎諒雷王郭 元京，
西方七炁皓華雷王田 元宗，
北方五炁博嚴雷王鄧 拱辰，
中央一炁廣運雷王方 仲高，
雷霆飛捷疾應符使張 兀伯，
已上並如常法服色。

召十一天君符

辛 江 秀 方



召龍符



倒海符



芟邪符




治病符




催生符



下死胎符




役使萬靈符



上清巽宮玉闕五雷


玉清興雷玉符



上清興雷寶符





風雷心印



玉闕天章

燦烏，霹奇，電輝。


玉清巽華內篆



佐印






復



闕



風雷轟令洞章



九霄雷

神位

神霄明烈真君尚

琅霄明烈真君鄧

紫霄明烈真君張

太霄明烈真君安

青霄明烈真君龍

碧霄明烈真君王

絳霄明烈真君官

景霄明烈真君趙

玉霄明烈真君楊

九霄冲梵廣烈符使岳

召符



孚

昭

元

春

青

成

阜

口

芳


岳

全。

召呪

殷明吒律郁。

九霄通化洞章



洞陽玄一真君 瑗

洞陰明一真君 炬

樞惠五雷閃靈使者楊

朗惠五雷威行使者松

信香符



陽符



陰符



三洞要將

冲靈昭運上將魯

冲華洞景上將黃

冲高茂靈上將劉

已上急召祈禱立應。

三洞皇靈洞章



上清統元洞章

章 風 雲 雷

電 雪 雹 雨

霧 晴 龍 催

催 令 勅

上清神令洞章

曜 混 仲 端

妙 幹 曹 元

清微元降大法卷之二十

清微元降大法卷之二十一

清微衝法

用黃紙一片，高九寸，闊四寸。晴雨風雷，口祝隨心。命一符使，遣其符去，於香上焚之。

請雨符




請雨 臣某奉行

請晴符



請晴 臣某奉行

總催符請雨通用



催云 臣某奉行

右先存想，□字炁畢，方焚此三符，用度將班。

陽雷神君常 全，通天冠，面淡青玉色，

金甲，皂袍，玉帶，朱履，執鉞斧。

陰雷神君母 鄂，通天冠，白面，金甲，

絳袍，朱履，仗劍，遍身流火。

右存想二神，足踏蜃龍，從雷九千萬

衆。

召陽雷符



召陰雷符



召心章

覆靈萌心誦自應


治病符

服符，針插油燈燒，棗湯下。



催生符

臨產，作丸子，淡醋湯吞下。



佩帶符

以黃紙，摺成方貼，書符背押，兩面用印，以帛為袋佩之。



安鎮符

用金幅黃紙，黑書，下押印。



押

便宜符




請雨晴同
臣某奉行



請
臣某奉行

右符用黃紙，二尺闊幅，摺作四匡。每匡中，朱書便宜符一道。剪開用雷霆合同印，印於臣某上。

高上神霄玉清洞微玄章



右下點字，係高上神霄玉清洞微章心印，轄六十字。


玉清洞微玄章六十字策役符



燒邪




延年



入地




催風



起雷



起電




召雷




召本方雷



祈雪



祈晴




起電




治病




奏帝




召電




召



朝天



斬邪



祈雨



祈晴




起雲




起閃雷



召萬神




耀日月



朝帝




召露




治病




起霆



斷蝗



速至



開晴




開晴



和合




保胎




照產室




起風




召萬神



艾邪



延生



朝真




召霹



致雨



召四方




催生




布雲




產後用




震雷




召霄




保安



渴醮



治水



召霹



召山岳

海

召水神龍王

昇

拔幽魂

朝

朝帝

謁

朝斗

帝

朝帝

家

保安家

玉清檢靈合明洞章

儲

洞 灸 欽

直月官將

鄧主子丑寅卯月，辛主辰巳午未月，

張主申酉戌亥月，程直一日十二時辰。

火令符使

子畢元明，丑婁元衍，寅胃元諒，

卯參元達，辰朱元亨，巳徐元壽，

午紀元真，未張元淘，申房元德，

酉雷元注，戌田元榮，亥危元吉。

右符使，並威貌，玄冠，金甲，皂衣，

金帶，佩印，執斧。

五方雷班

東方青炁木雷甲乙神君宋先升，字文元，

天冠，威貌，金甲，絳袍，金帶，皂履，
執雷鑽，背雷車。

南方赤炁火雷丙丁神君龍光，字堯中，

天冠，威貌，金甲，黃袍，皂履，執長

斧。

西方白炁金雷庚辛神君周方，字行申，

服色與前同，仗劍。

北方黑炁水雷壬癸神君吳衡，字溥元，

金甲，青袍，執水輪，服色同前。

中央黃炁土雷戊己神君王允信，字良臣，

金甲，擲火輪，服色同前。

右勘合五雷神直十年，其年神實司之。

洞章

具位臣姓某

謹爲入意恭準，天章告召者。

符空三行。

右符召某將，剋限今月某日某時報應，火

急奉行。

太歲某年某月某日某時告下。

具位臣姓某，承誥奉行。

列師位。

祈禱符

灑

蕩穢符

清

上清玉樞興雷震霆符

震膺，帥，震工，大神，震遠使者。

五雷使院分司

右符，請

某將準遵。

元降符命，照對某事。請於今月某日某

時報應，見在某處。拱伺天信，火急奉

行。

太歲某年某月某日某時告行。

謹遣某使者傳達。

列師位。

右用長劄紙，墨字，朱書符。

封皮符

具位臣姓某謹封

封皮背

太歲年月日時告下

凡用，先書符召將，持符傳達。

信符

召後四使者用，亦可召將。

哪

謹召某將，火急持符。關召玉樞某將，火急赴壇。某月某日時押。

玉樞年直洞清使者王信，

玉樞月直洞光使者烏烈，

玉樞日直洞靈使者商蔚，

玉樞時直洞明使者湯敬。

此四使者，專馳傳一切文檄。每一

次，只差一員。

上清西靈廣聖崇玄內法

主帥

扶天廣聖崇玄洞和真君趙公明，

天冠，赤面，三角眼，美鬚，金甲，朱

履，仗劍，黑虎從之。

副將

左衛廣烈冲阜符使餘諒，青面，朱衣。

右輔廣烈冲天符使宋偉，赤面，玄衣。

已上二使者，並交脚幞頭，紅抹額，

金甲，雲靴各仗劍。

天衛威烈宏暉上將盧完，惠祈，石武，梁

杰，孔延，呂信，

已上並青面，兜鍪，鐵甲，大將軍結

束。各執剉龍刀。

天輔率正飛玄符使葛冲，

披髮，黑面，五眼，金甲，凡衣，跣足，

執節。

召呪

亶欽帝郁

召將符

召

臣某奏召

召呪

正

奏事

分

不平

使昏

使迷

散

解

上清通玄金符

玄

臣某

金

臣某

右符焚香上隨心祝願隨事克應

催用後符

提

速

雲

覆身延保


役佐將符

召

召呪

敦凌

散禍消灾



此大真名

只書道

臣某告聞某將

批用

右符，為某事上啓

扶天廣聖冲和真君趙昶特賜

指揮，命某將。云云。佇伺昭報。符

到奉行。

太歲年月日時告行。

謹遣某符使上達。

上清西靈廣聖崇玄內訣

定之中正而主靜。既靜，心誦：

天地玄，元始日，陰陽月，雷玄鎮。運

上起揚，樞機輝炁。

心誦畢，存心炁。如細雨密霧，從三

萬六千毫竅中出。如青雲金光，成

符分明了，還歸心中。



運雷寶章

混沌無象，一炁化生。開廓天地，雷霆運行。答育大梵，咻嘒嘒。陰陽交際，日月奔涼。嘒奴時那，至嚇嘒。呼吸神到，咕婆翔晴。包和解陸，風火橫轟。衝英樹晃，無量朝京。上華下衛，山海川平。經烏計陸，真令朝宗。誦持一遍，飛步太空。急急如元始天尊律令。

誦之一遍，青帝稽首。驅雷役電，易於反手。

每日持誦呪

咕姑晴津解獅。

神霄冲玄西禁法

主帥

太玄九天雲路神捷上將軍趙真君端靜，一曰公明，

如孫真人狀，牛耳帽，美貌鬚，紅袍，玉帶，白絲鞋，黑虎從之。

直符

五方和會大將軍賀從龍，如直符狀。

召呪

唵誦攝。

召符

策役符

祕呪

噉子嘯午皖卯嚙酉啖申。


琅元景道洞章

清微元降大法卷之二十一

清微元降大法卷之二十二

清微神霄梵炁碧靈妙樞九字

存想。東來一將，幘頭，紫袍，金帶，手托金盤。金盤內有一字，金光燦爛。吸來書，蓋諸符上。九字一般作用，乃玉帝隱諱。




元始一炁道經

祈禱治病芟邪催生，无所不通。




元始一炁符

隨成隨應，无所不通。



役使三炁三界諸雷符



元始一炁妙經

此符策役梵清景炁，總攝諸天。



元始一炁妙道通化天君洞清元帥符



秘諱昶昇

此神乃心之主，誦諱飛符，立應。












元始一炁之祖。萬象三景，是為備成。

周流生化，祖炁運行天根，應諸雷霆，





萬法齋醮，三才備用。祈禱治病芟邪

催生，鍊度，拔贖一切沉滯，攝山川墳墓妖精，並令如願。右策，三界總攝萬靈，事無巨細，隨心立應。凡道法雷法，得此秘號，篤志行持。以此符轄攝，無所不通，萬法畢矣。輕泄漏慢，罪有明格。

祈禱通用諸符



十二時號



祈禱催符

心印豐於上，番紙轉書背。文先自第

六用起，次第至第一。緊催風雲雷雨
電雪雹晴龍霹靂，通用。

金 一命 二威 三

流 四火 五令 六

背文書催符背後。

伸 霹靂真符

霹靂真符

熏服治病驅邪，鎮貼皆可通用。

勅 史 敷 輔 東 宸
都 建 煞 陽

上清神化提舉城隍真符

某押奉行。

右符或牒諸神，皆用此符行移。粘符

前提舉城隍使司牒，某處城隍司主者。

風雷立應符

作六次用，祈晴雨風，萬神立應。

易 易 易

申 申 申

道 經 師 寶

雷 靈 至 真

清 微 師 君

空洞靈章

喉 金 啓 雷

勅 棘

空洞靈章，泄自太虛。

諸天龍神，三界主者，咸遵奉

命。違者斬尸。急急奉

雷祖玉清上帝勅。

右法以眼光書金字于天上，漸大。

諸將俱來。宗師以混沌呪，常持此

五字。

清微八卦拜壇符式

坎

坎

上清虛碧丹剛玉章

通 晨 妙 太

景 神 文 煥

九 樞 靈 光

照 明 極 延

命 紫 清 都

右符用青紙朱書，長九寸，闊三寸，粘箋狀前。或一字，二三四字。急用，則全拜其文。

禳度箋狀式

具位臣姓某。

右臣謹奏為入意。恭準

元降上清虛碧丹剛玉章。伏望

聖慈，允臣所懇，一如

玉章所云施行。臣干冒

聖威，下情不勝戰慄俯伏俟。

命之至仰，惟

聖位聖前早賜

昭報，付所屬照應。謹奏。

太歲年月日。具位臣姓某箋奏。

封函

玉章謹謹上詣

某處星宮請進

十一曜總稱

上清十一曜真皇君，上清天輪宮通進。

日宮丹炎火光鬱明大帝太陽帝君，

洞陽鬱儀宮請進。

月宮黃華素曜元精聖后太陰元君，

洞陰結璘宮請進。

蒼華生德萬壽道君木，青華宮請進。

丹華陽德萬福道君火，明離宮請進。

皓華正德萬善道君金，皓靈宮請進。

玄華一德萬生道君水，金玄宮請進。

太華聖德萬順道君土，中黃宮請進。

交初羅喉神首道君，天元宮請進。

交中計都神尾道君，元神宮請進。

天一紫炁道君，天一宮請進。

太一月孛道君，太一宮請進。

引進狀式

具位姓某。

照對某，謹有 玉章一函，敢干奏進請

旨，付所屬施行。須至申 聞者。


右謹具申

某宮進奏，允命施行。謹狀。

太歲 年 月 日具位姓某狀 申。

護奏符安奏煥方函內。

 陽


 陰日

禳星行移

洞陽璇璣府分司：

據入意合與告聞， 太乙天帝移降，

紫微安鎮星宮， 太初分元真符。



右符上請，某星君。一如元降請安宸

宮。消灾散禍，降福留恩。急急如

上清律令。

太歲年月朔日時告下：

謹遣某將，疾速傳送，上奏立俟感通。

具位臣姓某承誥奉行。

列師位。

紫極玄樞奏告大法

將位

北斗捷奏玄樞使者方央中，綉衣，交脚幘

頭，金容玉相。白裳，執斧，乘黑龍。

淨穢符

燒水盂中，洒淨了便，燒後召符。

香

召符

先存想，方使者與我傳奏。

上召



玄樞使者方央中 臣某承誥奉行

信章前四字符











信章後三字符









太玄夜光符

夜焚香，北向叩齒，告事意。



朗元朗元益希
默念此呪，
思神如對。

北斗通真玉符

紙方三寸，朱書。




具法位臣某上啓：


北斗列位，左輔右弼星君，斗樞上相，斗中通事舍人，擎羊陀羅神王。恭望聖慈，允臣所奏。切念臣某入事，仰祈昭報。

玄英符

用青紙丹書，云事畢再拜，俯伏良久，退以候報應。



斗明符



信符

隨心默叩之



飛穹命斗符

如未應，當向北再焚此符，作三次，燒以時大應。



右符黃素朱書，獻雲鶴。其夜正寢，以俟報應。具奏亦可。

拜章

具位臣某上啓：

翊輔玄斗太一天君樞靈大神總真使者。臣夙佩靈文，今逢某旦，有求必應，早冀感通。謹披章信，願與馳傳。臣下情無任虔切之至。

章式

凡有奏告，用黃紙，方一尺二寸，朱書。用束腰，不用皮。

用前四字符

具位臣姓某，奏為某處，某本命某。上屬北斗某星君，主照入意。臣奉詞難抑，謹為宣行，敬拜心章。伏祈

旨命行下，合屬真司天醫官吏。特與消除疾厄，速賜安痊。仰冀恩霈，早獲感通。謹奏北斗九皇上道真君聖前。

太歲年月 日。具法位臣姓某上奏。

用前三字符

右心章於香爐上焚之。

水盆符



朗元，朗元，益希。

默念此呪，不計遍數。

右符圈內書患人姓名。又疊書六字，呪於姓名上。符用黃紙朱書，大小隨意。畢。攪動水，放符後，看符指處，便斷吉凶。

右法用一水盆，周迴書二十四向，隨符所指處，可驗吉凶矣。

水盆報應法

上帝赦罪到乾宮，三日自安不為凶。亥因惡星逆躔度，五日之後必亨通。壬主神願拜冤債，賽願解釋七日瘥。子上三元拜呪詛，早宜解釋七日愈。癸是墳墓塚訟牽，追薦十日必須痊。丑宮冤債相尋討，不解十日難延保。命符指艮大限催，枉憑化紙十日哀。寅主陰府追魂魄，三日之內哀入宅。甲上陰人相呪詛，急須解釋免追呼。卯因符向逢五道，祭享符遣半月好。符若指乙瘟必至，申奏十日安痊起。

辰上五廟相尋討，作福保安半月好。
巽主家親求祭祀，不須五日應須死。
巳犯天譴收名字，應須七日到幽冥。
丙是星辰失躔度，醮獻十日病自去。
午犯土宿興災變，急須醮獻五日健。
丁臨司命遭譴責，告謝東厨一日痊。
未主泰山司罪犯，奏告東嶽一旬還。
坤主宅上生人呪，互相解釋七日痊。
申犯殺神及飛土，醮願五日保安全。
庚主上帝賜譴責，急須醮謝一月安。
酉犯瘟神並醮願，謝瘟七日得安痊。
辛是城隍求往願，急須酬告一月安。
戌犯五虛伏尸鬼，行持道法一月愈。

神霄玉府外臺斬勘五雷大法

帥班

雷主欵火律令大神炎帝天君鄧燮，字伯
溫，天冠，王者服相，青衣，金甲，朱履，
玉帶，執鐵鑽鎚，乘龍。
雷霆都督元帥玉府真君辛忠義，字漢臣，
天冠，王者狀，綠服，金甲，玉帶，朱
履，左執簿，右火筆。

雷霆飛捷符使暘谷神君張亞，字元伯，
天冠，王者狀。皂服，金甲，玉帶，朱
履，執劍。

東方甲乙九炁木雷使者蔣剛輪，字季真，
元冠，青面，赤髮，青衣，金甲，朱履，
執斧，有清風車在前。

南方丙丁三炁火雷使者壁機，字靈真，
天冠，微赤面，髮黃，金甲，朱履，仗
劍，有朱鳳在前。

西方庚辛七炁金雷使者華文通，字子安，
天冠，白衣，金甲，朱履，執斧鉞，有白
獐在前。



北方壬癸五炁水雷使者雷壓，字成洪，
天冠，面白，黑髮，皂衣，金甲，朱履，
執鐵鎚，有玄龜在前。

中央戊己一炁土雷使者陳石，字己靈，
天冠，面微黑，黃衣，金甲，朱履，執
鐵簡，有獅子在前。

雷霆疾捷衝元使者程卿，字端式，
交脚幞頭，紅抹額，青面，赤髮，紅
袍，金甲，穿靴，金帶，執斧，踏蜃龍
上，從雷九千萬衆。

祈禱通用符


 雲
 雷
 電
 風

 雨
 崇

使役  並祈雪

催生  青紙朱書，焚於香爐立應

便宜催信符

 黃紙黑書，焚于香爐上

高上神霄西臺內訣

召符

 臣某奉召

召將心章

欽帝臨。

神位

妙化冲惠天君採訪趙暉，字德元，

天冠，面微赤，金甲，皂衣，朱履，仗
劍，或披髮，跣足。

捷疾部

東方捷疾大神木徐率正，

面青，赤髮，青衣，風車。

南方捷疾大神火荀靈，

面微赤，黃髮，丹衣，火車。

西方捷疾大神金羊忠，

面白，黑髮，白衣，仗劍。

北方捷疾大神水湯斌，

面微黑，青髮，玄衣，水車。

中央捷疾大神土王烈，

面黃，白髮，黃衣，執斧。

已上並天冠，全身金甲，朱履。

威令上靈閃爍符使岳雄，龍門左，

衝天幞頭，紅抹額，金面，五目，全身

金甲，皂靴，執節鉞。

威令火雷捷疾功曹歐然，龍門右，

功曹冠，白面，金甲，青衣，皂履，執

金斧。

霹靂部追攝炎雷

天一使者何阜，青面，赤髮。

地二使者嚴信，天丁相。

水三使者岳崇，微赤面，聳眉，大鳳眼，

三牙髭鬚。

已上並交脚幞頭，黃抹額，各執龍頭

劍，金甲，朱衣，着靴。

霹靂迸火焚炎橫天符使鍾芳，字況卿，

面微赤，圓目，美鬚，頂衝天幞頭，朱

衣，綠靴，手執鴈翎刀。

霹靂統運飛天符使湯奕，

幞頭，朱色抹額，美貌，金甲，紫衣，

着靴，執衝天斧。

便宜符

用黃紙朱書，當召捷疾大神一員捧去。

通



請風雲雷雨電，臣某。

催



催風雲雷雨電，臣某。

高上神霄玉清大梵集雷金符

信




塗勾中




催一

雷



催三



高上神霄玉清洞章

奏



開天大篆

通



臣某

○已上並書於
□規中矩中止

芟邪熏符

治病符針插，燒湯調下。

雷

名臣某



丹

臣某

催生符

佩帶符


氣

臣某



雷

背押



安鎮符

令符



押



西臺內訣

泰華西臺上靈

役使萬靈符



臣某

傳將符



台符

東平。火殃

翔天步捷驛吏朱光朝，

玄冠，貌白，朱衣，太常服，仗劍，捧

玉簡。

符使管諒，

頂獬豸冠，青面，三日，金甲，綠衣，朱履，執鉞。

召符



中塗將名。

瓊臺符

熏服，通用。



令牌

高九寸，闊二寸四分，厚一寸，頭圓足方。



背書高上神霄玉清真王大帝勅

口云：上香謹召

神霄玉清真王府瓊衛雷霆三使者，何阜、嚴信、岳崇，云意。速捧令符，橫行三界，疾速奉行，一如帝令。

清微元降大法卷之二十二

清微元降大法卷之二十三

高上神霄玉府西臺斬勘五雷大法

帥班

高上神霄西臺霹靂洞陽天仙烈雷真君，金鑄卿，火冠，綠面，三日，金甲，綉袍，朱履，乘巨虬，執戟。

霹靂飛天妙道應化真君捷疾符使楊傑，又名月孛，天冠，美貌，小鳳目，薄眉，三牙鬚，金甲，綠袍，朱履，仗劍，乘白玉龍。

太一演聖風雷妙道廣化真君捷疾符使楊顯，天冠，美貌，面棗色，三牙薄鬚，圓目，威貌，金甲，絳衣，朱履，執鈇。高上神霄霹靂使者李德剛，衝天幞頭，青面，金甲，皂袍，綠靴，仗劍。霹靂催迫飛令符使西鮮，衝天幞頭，青面，紅髮，金甲，皂袍，綠靴，執鴈翎刀。


平天鐵甲神霄刀利天使武清，獬豸冠，女相，青眉髮，金甲，朱衣，朱履，乘黑

龍，執金鞭。


高上神霄玉府興雷玉符



高上神霄玉府興震洞章




高上神霄玉府通天靈章



便宜符



信符



召呪
偉帝那

芟邪符

治病符



催生符

佩帶符



鎮宅符



西臺令牌符



背



高上元陽洞炎五雷法

將班

雷霆律令大神炎帝天君鄧燮，

天冠，天官狀，絳服，金甲，朱履，執鑽鎚，乘金龍。

雷公冲烈大神荀虔，王者狀，青面，金

甲，朱衣，皂履，執斧鑽，背雷車。

電母冲元道君師清元，后狀，青服，仗劍，遍身電光。

風伯飛揚神君嚴忠，王者狀，綠服，擲風輪。

雨師溥元朗靈神君陳仲，王者狀，青服，擲水輪。

洞炎風火雷霆班次

甲子興雷神君荀昉，青面。

甲戌興雷神君王敷，黑面。

甲申興雷神君吕杰，福相。

甲午興雷神君陳昌齡，威貌。

甲辰興雷神君龍宏，美貌。

甲寅興雷神君余榮，赤相。

並衝天冠，金甲，朱衣，皂履，執鉞斧。

丁卯運雷神君易昕，

丁丑運雷神君元勳，

丁亥運雷神君湯焰，

丁酉運雷神君魯榮，

丁未運雷神君向伸，

丁巳運雷神君黎昭，

並衝天冠，青面，金甲，朱衣，皂履，執鴈翎刀，佩龍頭夜光劍。


洞炎聽察迴望鳴雷符使朱光，火冠，棗色面，三日，五牙鬚，威貌，金甲，絳袍，玉帶，朱履，執節。

洞炎霹靂迴車流金符使岳欽，衝天冠，

面金色，金甲，紫袍，玉帶，朱履，執大斧。

右總統九十萬衆。

玉清明令玉符



上清炎明火令玉符




焯

清微妙化自明上經



上清興雷炎令玉符




安

雷

邪


艾

興




命

丹



催




通


捷



神



鎮



宜



章

杰

符

信

洞炎雷火律令飛符



催

高元清虛曜靈五雷內訣

上清立應真符



捷

上清朱陽宏烈符




完

催用

清虛真君符




召符



召呪
郁杰欽

清虛曜靈中變符使朱光朝，衝天幞頭，黃抹額，面白，三日，金甲，朱衣，着靴，執刀。

召帥信符



召呪
阿椿。

召將信符



召呪
俱吽嗑唏

高元清虛曜靈五雷法

神位

雷霆銀牙耀目都督真君辛漢臣。

地官狀，執玉冊，面微青，綠服朱履。

洞華丹仙捷令符使，張世英，葛仲華，王康

澤，許直，元忠，各隨方服，天冠，金甲，

皂履，持雷斧鑽。

洞華招真明令使者，

庚隆，柳華卿，古亮，松崇，汪亨之，並朝天幞頭，隨方服色，吊襖，直符狀，執斧。

清虛曜靈捷令洞章




清虛曜靈神運玉符




清虛曜靈雷霆玉經



清虛曜靈五部洞章



芟邪符



催生治病符



便宜符



急催用

安鎮符

召符



召章
靈霍

上清西靈宏元大法

帥班

西靈扶天廣聖崇妙洞和真君趙公明，通天冠，赤黑面，聳眉，三角目，美鬚，金甲，朱衣，朱履，仗劍。或交脚幞頭，紅抹額，金甲，玄衣，執鞭，着靴，黑虎從之。

神烈周運冲靈副元帥呂膺，虎冠，面紫棠色，聳眉，五牙鬚，銀甲，着靴，執刀，佩弓矢。

捷令飛玄神烈大符使朱昌朝，火冠，面微黑，赤髮，威貌，銀甲，皂衣，黑履，執鴈翎刀。總統精烈神炎大將千人。

佐將

東方甲乙馳烈上將惠 祈，青面，赤髮，

青衣。

南方丙丁馳烈上將宋 安，赤面，黃髮，

朱衣。

西方庚辛馳烈上將石 武，白面，黑髮，白衣。

北方壬癸馳烈上將元 彬，黑面，青髮，皂衣。

中宮戊己馳烈上將龔 洪，金容，白髮，黃衣。

神烈昭衝上將八大神，

需訪，朱勳，徐紀，周光，石武，蘇處，安期，羊忠，

並玉冠，威貌，金甲，玄衣，朱履，執節。


西靈協順雷火興震符使龍循，

衝天幞頭，紅抹額，青面，三日，紅髮，金甲，綠靴，執鴈翎刀。

召呪

亶欽朗。

召符



清微原道玉符



此乃紫玉符只書
告行重則書楷首



遺呪
唵嘛嚩嚩
唵部嚩部嚩

泰靈運度玉符

催呪



勅法趙某
唵吽吽攝

速降符

斗諱，塗陽順陰通



遺呪

吽吽哆喇囉

上清暉照令符

並用丹書青素，於黑點中書名。




陽日呪
曲廷都



陰日呪
曲廷平

泰清飛禁完令玉符

禁諸事不作，用



朱書黃素，飛存

上清通殷稟命符

祈禱大應




香上同

上清西禁泓命玉符



捷

上清西靈景育信符



泰玄昏遁玉符

黑素黑書，逆塗。



呪日

沖昏斗暗


上清和合昭運符

青素丹書。




上清亶令符

事無大小通用。



遂斗下


上清飛橫烈令符



上清昭令勳命瑤符




上清育炁符



治丹
病生

上清神烈芟邪符



皇元地鎮策靈符



三炁信香符



上清冲玄策玄洞章


















上清神烈元惠洞章



上清神烈景運妙經



天德月德符



上清玉元西禁崇明大法

泰華西臺府召命符



召符



虎胄左司第十二部陽日役

西禁左垣忠威大神王亮，黑面，大將軍狀，手執斧。

虎胄右司第十二部陰日役

西禁右垣震明大神高仲，綠面，大將軍狀，手執劍。


上清策役符



遣呪
唵嚩嚩嚩嚩嚩臨嚩臨



上清飛暴捷令符



信符



役六十神呪，
吽哆嚩嚩。勅法
趙某，唵吽吽攝。

召玄壇符



上召

玉元大將趙某速至

召呪
郁漢

召直事符



某日直事大將某速至

大力猖狂呪

唵齒臨齒臨部臨部臨

勅煞攝

召符



上清靈華玉章



和



合



散



解


清微元降大法卷之二十三

清微元降大法卷之二十四


清微祕妙五陽符法

並太極五陽雷內用。

五陽符




太乙玉華五雷火符



役

上清紫極玉臺玉章



復




般

采華玉文符



玉



正



復

玉臺丹章



錄



金行神章



真



樞



雲

是



端



金行羽章



佐




慶




衝



玉令琅章



允



紫素洞章



朗



尊



束

重



青



无量洞章



令



衛



雷 令

中央蓬頭黃炁使者方閔，又名文其，雷霆玉胄天令運雷神捷上將武。

茂 後

北方傾江倒海使者孫江闌，西方摧山磕石使者劉彥闔。

政 復

南方披焰火車使者嚴戊閉，東方摧林倒木使者王林闔，又名宗賜。

靜 同

大震霹靂真君劉德闔。

碧虛道紫素洞章

用法如天經式。

廣 關 泓 元
朗 清 於 阜
匡 令 昭 回

玉雷符

雷雨 風晴 牛 蓋

定土元明符

龍光興元雷火符或書令命。

陽雷陰霆神苟留吉，陰雷陽霆神畢宗遠。

飛行雷神，定限某日某時，速與感通，拜焚。如至期末應，如式焚香，再

拜。發便宜符，催召馳傳。鳴雷使者趙樞成，齎符遞催。晴雨同例如。天意未回，方行祈禱二使者召符呪，服色詳錄馳傳中。便宜符

一清微天運會真玉符

二清微冲化昭元玉符

三上清景明洞章

四玉清飛晨開天捷奏真符

五簡符

急

六玉清天運洞章



七令符



上清雷火符 芟邪熏用。



某押

右符用黃紙，闊三寸，高五寸，黑書。以熨斗盛猛炭火，用降真皂角同符，熏患身，煙盡復使醋澆。又熏畢，置於竈中。

合同符



請 臣某奉行



催 臣某奉行


右二符剪開，合同印臣某。

太初混元雷霆內法


無極天章

一名無極天經，一名無極大道，一名天經，一名洞章，一名雷霆十字經。

右至極之文，迺混元之樞要，實太初之根源。大可以斡旋造化，次可以役使天君，三可以驅役雷霆，四可以保寧家國，五可以芟邪治疾，六可以濟生度死。經之最靈，無不感通。



瓊臺之章 三治



上經五字不可輕用

陰

兩 青紙朱書

坤 兌 乾

祈雨從北起 只圈存

震 巽 艮 雷起 霧

雷令符




青紙朱書 臣某


清微命雷立應飛符



元始一炁雷帝祖符




右符役使三炁雷王三界萬靈。



用經式

用下經五字，如重黃紙墨書，至重黃紙朱書。

具位臣姓某



動靜陰陽炁

右空洞天經泄自混元，來於太始。謹遵元降勅旨，大道流行，度人無量。今據入意，上請某君，或某將帥。承奉天經，定於某月某日某時，降赴某處報應。急急恭準。天經律令，火急奉行。

太歲年 月 日時告行。

具法位，姓某承諾奉行。

列師位。

玉虛明皇道君李孚。

角封皮式

無極天經告召

具法位臣姓某承諾奉行謹封

某君某將星火奉行

背批 太歲年月 日時告召

右經，常用黃紙朱書，重則青紙朱書，至重青紙墨書。常用一字或二字，重則三字，至重用五字。

命將捧經式

司額。

恭準元降

無極天章。今為某事告發，天經合行告召。

召

王祈忠

用片紙書

符，召符使。

右召無極大道符使王祈忠，於某月某日某時，來降某家。齋捧

無極天章，詣某宮召某君某將。火急奉行。臣見在某家，立俟昭報。

太歲年月 日時告召。

具法位。獨御 承諾奉行。

右用五色線捲縛，烈火焚之。

祈禱通用符

存將

芟邪治病符

役使萬靈符

上靈黑歷温元帥名瓊，字子玉。

召呪

郁汲欽。心念三遍，想至。

召符

某押

勅符

諸事皆可用。

催符

捷

右係雷淵祖傳，奏上界所用，至祕之文。

紫皇炎光飛神太乙五雷法

帥班

太乙端靈洞曜炎光霹靂風雷元帥許彥

昌，天冠，王者服。金甲，青衣，朱履，

執節。

紫靈炎光風雷追風使者虞仲，執風輪。

追雲使者孔阜臣，仗劍。

追雷使者儲烈，執鐵鑽，佩雷車。

追電使者張巨元，執雙斧。

追雨使者師鑄，佩水車。

追龍使者湯堅，執大斧。

追催使者方俊，執鐵策。

以上使者，並交脚幞頭，青面，朱髮，

金甲，朱衣，皂靴。

太乙月孛流光冲元符使朱興，

金兜鍪，面碧色，三目，金甲，朱衣，

紅履，執戟。

太乙五雷傳令使者丘亮，

玄冠，赤面，金甲，綠衣，朱履，執鉞。

右太乙炎光雷神十萬，佐時行令，輔

道濟人。

召帥將符

帥 臣某

將 臣某

召章

映泓，帥。奇欽，將。

右符香上焚召至。心呪，不焚香，默念
召呪則大應矣。

元運紫光太乙令符

常用黃紙朱書，急用紅紙朱書。

焯 芟邪

輝 除妖

樞 通用

炁 治病
熏衝

暉 治大邪

育 保胎

統 召役
雷神

英 治病

祈禱衝符

完 一

通 二

祈禱洞章

信

烈

太乙轟雷玉符

每字一用，批用見後。如未感，用青紙朱書。

灼 燿 捷 興

紫皇炎光興元洞章

祈禱，每次每用一字。

宏 欽 並召風雲
雷雨電

朗 催晴雨
雷雪 請雪

洪 召龍 催龍

右符批見後，大旱大澇大兵用。

元始炎光保劫洞章

祈雨，白紙黑書。祈雪，黃紙白書。起雷致
雨，紅紙朱書。祈晴，黑紙黑書。催用，黑紙
白書。

完 敦 飛 昌

曠 奕 右符及芟邪治
大邪大恠立定

炎光太乙轟霆火雷符
熏飛鎮服通用。

爍 欽 律 令

催生火丹符

黃紙朱書，作小丸子吞。

佩帶符

安 彬 鎮 雷 窟

定

令牌面式

高九寸，厚一寸，闊二寸四分。

背文

令勅雷霆。

上清神烈五雷法

帥班

雷霆大赫天神左伐惡使者苟留吉，
獬金冠，赤髮，青面，金甲，朱衣，金
鎧鑽，統兵二萬眾。

雷霆黑露大神右伐惡使者畢宗遠，

雷霆黑露大神右伐惡使者畢宗遠，


雷霆黑露大神右伐惡使者畢宗遠，








後玉冠，微黑面，略有鬚，全身金甲，皂衣，執斧。

召呪

郁婁陸吒陸宏陸吒。

策役帥將符


 謹召某將
臣某奉行

 幅  
 然  
 廬  
  


右符治惡祟，中間書天將姓名，在符上。

召將請雨符

用雷霆都司印。

 請雨
臣姓某奉行

請雨


 請雨
臣姓某奉行

凡催雨用胄字，或經字。加前符，同此符三字，重書催之。


催雨符

一樣書兩道，同前用。

 臣某奉行

 印 或經字加
符上蓋之


祈晴符一樣書二道。

 臣某奉行

催晴符一樣道。


 臣某奉行

祈禱通用符

 請風雲雷雨電，大彰
威權
臣某承 誥奉行

催雨濟民，亢旱大賜

感應

 臣某承 誥奉行


請開現日，大彰

報應


 臣某承 誥奉行

催晴陽光出現，應時

報應

 臣某承 誥奉行

總召將符



請苟畢二大元帥，準此符命。

○春
○夏
○秋
○冬
前去某家，監勒司命，六神契勘，為禍下邪，照依天律施行。務令患者速得安痊。

臣某承 誥奉行。

請雨救旱請苟某畢某，火急奉行。

臣某承 誥奉行。

催雨救旱，催陽雷神烈大神苟

臣某奉行。催陰雷神化大神畢。

請風雲雷雨電救濟禾苗。

太歲年月日臣某奉行。

祈雨紅上黑下。祈晴黑上紅下。

清微元降大法卷之二十四

清微元降大法卷之二十五

紫皇太乙玄初五雷秘篆

將班

太乙月孛流光上將華陰天君朱興，
金鳳翅兜鍪，綠面，三日，赤髮，滿月
相，金甲，朱衣，朱履，左手執火珠，
右手執戟。

紫皇太乙玄初霹靂天君顯信元帥武翹，
天冠，王者相，金甲，朱衣，朱履，乘
玉龍，執節。

東方九炁冲和大神汲昌，
龍冠，青面，赤髮，全身金甲，青衣，
朱履，執斧。

南方三炁妙玄大神湯原，
火冠，赤面，黃髮，金甲，朱衣，朱履，
仗火劍。

西方七炁丹元太神龍欽，
天冠，美貌，金甲，白衣，朱履，執鴈
翎刀。

北方五炁廣宏大神松臣卿，

天冠，紫棠色，金甲，玄衣，朱履，執
戟。


中央一炁運靈大神宋行東，

天冠，金容，金甲，黃衣，朱履，執鏡。

玄初霹靂雷火興震符使王烈，魯芳，雷
炎，伍阜，需端，木機。

並交脚幞頭，威貌，金甲，黃衣，皂
履，手執鴈翎刀。

淨穢符



信香符



召將符



召呪


宣帝轟劍亨。心念三遍。

紫皇太乙興正玉符




祈禱

紫皇太乙玄初洞章



紫皇太乙玄初上經

常用黃紙朱書，祈禱青紙朱書。



某將，疾速報應施行。

紫皇太乙信符




清微飛符

用黃青碧紙，並朱書，每道批用。



紫皇太乙便宜符

芟邪熏服。




催生作丸子臨
產時淡醋湯下



正佩
鎮

清微心印



帥將聞命
急如星火

道法樞紐

雲山保一真人李少微授

有道中之道，有道中之法，有法中

之法。道中之道者，一念不生，萬物俱寂。道中之法者，靜則交媾龍虎，動則揮喝雷霆。法中之法者，步罡掐訣，念呪書符。外此皆術數耳。大道無言，可以神會。妙法無傳，可以心受。善行持者，行道不行法。善求師者，師心不師人。

或曰：法有先天後天之說乎？

若問先天，一也無，道亦強名爾，何謂之法。況一念纔動，便屬後天。符圖呪訣，抑又末矣。先天而生，生而無形。後天而感，感而有情。寂而感，感而寂，非至人，孰能與此。

法無存想，存想非真。法無造作，造作為妖。法無叱喝，叱喝為狂，法無祝讚，祝讚為巫。

法妙合乎陰陽，方圓動靜是已。道貫通乎三才，天地人物而已。水火木金土，應之以五行。東南西北中，運之以五方。天地水火風雷山澤，配之以八卦。泥於術數者，我書符時，以某事作用某竅，如是而按造化，如是而論生尅，如此起筆，如此衝發。鬼神之神

機，我得之矣。然不知太極未判之前，孰為陰陽，孰為三才，孰為五行，孰為五方，孰為八卦。故有道之士，撒手持，不假符篆。

古云：書符不識竅，却被鬼神笑。書符若知竅，驚得鬼神叫。今之行持者，不明道法之根源，妄於紙上作用，以為符竅，殊不知，此竅非凡竅，乾坤共合成，名為神炁穴，內有坎離精。當於身中而求之，不可求之他也。人能知此一竅，則可與言道矣。豈徒法哉。《太上心法序要》云：收為胎息用為竅，道法之中真要妙。此漏泄之言也。子其味之。

符者天地之真信，人皆假之以朱墨紙筆。吾獨謂一點靈光，通天徹地，精神所寓，何者非符。可虛空，可水火，可瓦礫，可土石，可草木，可飲食，可有可無，可通可變，是謂道法。

素問云：清虛恬淡，真炁從之，精神內守，病安從來。人之有疾，或寒或熱，或重或輕，皆戾於攝調，耆慾不節，故六炁之邪，得以乘之。治病以符，符

朱墨耳，豈能自靈。其所以靈者，我之真炁也。故曰：符無正形，以炁為靈。知此說者，則物物可以寓炁，泥丸葦草亦可以濟人。

符者，陰陽契合之具也。惟天下之至誠者能用之。誠苟不至，自然不靈。故曰：以我之精，合天地萬物之精；以我之神，合天地萬物之神。精相搏，神神相依，所以假尺寸之紙以號召鬼神，而鬼神不得不對。

法有出於同門者，其符同，其訣同，而用之輒不靈者，誠不至也。誠之不至，則自信不及。自信不及，則疑貳之心生。疑貳之心一生，則中無所主矣。中既無主，何以感通？故曰：法法皆心法，心通法亦通。

通三才一炁爾。天以炁而運行，地以炁而發生，陰陽以炁而慘舒，風雷以炁而動盪，人身以炁而呼吸，道法以炁而感通。善行持者，知神由炁生，炁為神主。外想不入，內想不出，一炁沖和，歸根復命。行住坐卧，綿綿若存，以養其浩然者。施之於法，則以我之

真炁合天地之造化。故噓為雲雨，嘻為雷霆，用將則元神自靈，制邪則神鬼自伏。通天徹地，出幽入冥，千變萬化，何者非我。苟中無所主，炁散神昏。行持之際，徒倚符呪以為靈。覬僥倖於萬一，吾見其不得矣。

或問：變神之說如何？

元始祖劫，一炁分真。我即元始，元始即我。此之謂變神。

世有閉目存神，想某將自某方來者。有按摩搐縮，運內炁與外炁合者。噫，妄矣。若得神靈將，將靈神之說，則平居暇日，養神以靜，而神自靈，冲炁以和，而炁自真用之。行持自然，神合乎神，炁合乎炁。一舉目，一動念，帥將吏兵洋洋乎，如在其左右。黃帝云：宇宙在乎手，萬化生乎身。知此道者，我大天地，天地小我。莊子云：尸居而龍見，淵默而雷聲。知此道者，可與言動靜之機。

雷神往來，欵如飛電，世茹氛臭，難久停驂。召至疾遣，毋事虛文。附體開光，降將報指。照水封臂，攝亡墜

幡。其鬼不神，其事不應，皆術法也。可以神道設教，知道者不為也。

或問制邪之道如何？

但脩己以正。子不聞花月之妖，不敢以見狄梁公乎。正人君子，鬼神猶且知懼，况有道之士乎。

或問鍊度之說如何？

鍊魂者先須鍊神，度人者先當自度，斯鍊度之說者也。夫一性靈明，與天長遠，因貪因着，有死有生，四大分散，無形可戀。猶執妄心，不知解悟。故輪迴於六道，出沒於三塗。而我太上憫之，故垂法教，俾有道之士，以我之真，覺彼之妄；以我之陽，鍊彼之陰；以我之神，生彼之神；以我之炁，返彼之炁。惟在乎澄心定慮，專志行持，一念有差，不成究竟。若夫誥命符籙特科，教之設爾，其文在是，其實不在是。

清微道宗

玉清元始上帝。

上清靈寶上帝玉宸道君。

真元妙化天帝

名迹恭。

九天妙道真運天君楊 微。

九天洞明元君許 齡卿。

玉堂天仙真人朱 軒。

太玄青惠昭化扶桑真君卜 冀。

昭凝神耀保天道化元君廣 溶。

明清道華元君丘 沐。

泰明清惠真人師 後。

清微洞光寶衡紫華元和明道太一元君

王 宏。

通妙元化太一冲和元君謝 晋剛。

清微茂晨保運金明元君彭 涵原。

西華通惠元君龐 俏道。

太和依玄元君宋 益誠。

靈妙和凝元君需 東。

九州都仙太史高明大使神功妙濟真君

許 遜。

南陵浮光天官朗 期。

護明元妃玄光聖母王 誥。

清微元機元靈元君龍 汲。

清微靈和君元管 靜卿。

靈光聖母朱 燧烜。

金闕昭凝妙道保仙元君祖 舒。

上清啓圖

上清靈寶上帝玉宸大道君。

紫宸太華大天帝。

金闕帝宸太平後聖玄元上道君。

太華西真白玉龜臺梵炁祖母元君。

金闕上相東華司命木公青童道君。

金闕上傅白山宮玉仙清淵太素元君。

金闕上宰西城總真人王遠。

小有天玉清虛真人王褒。

金闕上保高元紫虛元君魏華存。

元皇元君李謙。

照靈光惠冲應元君宇文汲。

東華上佐司命真人楊義。

東華上相上清仙翁許翺。

上清元君西臺聖母謀嬰。

九州都仙太史高明大使神功妙濟真君

許遜。

太清泰玄元君文鏞。

金闕昭凝妙道保仙元君祖舒。

靈寶宗乘

上清靈寶天尊玉宸大道君。

太玄玄一真人玉清妙道青陽天君鬱羅

翹。

太玄玄二真人上清妙化丹陽天君光妙

音。

太玄玄三真人太清妙感紫陽天君真定

光。

太極真人徐來勒。

太極左宮仙翁上清冲應孚佑真君葛

玄。

太極慶融北靈內輔真人鄭思遠。

抱朴小仙翁葛洪。

太清泰玄元君文鏞。

金闕昭凝妙道保仙元君祖舒。

道德正宗

太清道德天尊金闕玄元老君。

文始先生關令尹喜。

太玄真人趙隆。

天山真人洪賓。

玄上真人魯惠。

太清泰玄元君文鏞。

金闕昭凝妙道保仙元君祖舒。

正一淵源

太上玄元老君太清道德天尊。

三天聖師正一靜應顯佑真君張道陵。

嗣師太清真人侍中張衡。

系師太清真人閔中侯張魯。

女師元君陵王妃文姬文光。

太清泰玄元君文鏞。

金闕昭凝妙道保仙元君祖舒。

會道

清微元上侍宸金闕昭凝妙道保仙元君

祖舒。

清微察令昭化元君休端。

瓊室內應洞清元君郭玉隆。

紫光曜真福和元君傅煇。

三天侍經龍光道明元君姚莊。

三天侍御紫英玉惠元君高爽。

清微明元左卿洞陽上宰清虛真人華英。

清微洞衛上卿青城通惠真人朱洞元。

清微都元右卿雲山保一真人李少微。

清微保和仙卿眉山混隱真人南畢道。

清微察訪使碧水雷淵真人黃舜申。

清微雷霆隱訣法

將班

清微仙都攝令捷炎符使趙儀。

衝天幘頭，黃抹額，棗色面，大眼，美

鬚，玄衣，穿綠靴，執長斧。

召呪

時祺於平。


令符

寔


祈禱通用符



凡祈禱驅邪治病，屬動。



凡止風止雨祈晴，屬靜。





三清祕字

靈靈萌心念。

五帝祕諱

合明天帝日。

符式



凡書符時，須心地清靜，無有雜念。展紙筆於案，叩齒，存金光，自兩眼出布紙上。次書篆，想為金字。次入將名，存將入符。次掃火筆蓋之，想滿紙金火光，符下批所用事意。

二香字符，可召萬神。於降真香片上朱書，後面書臣某奉行。

風雲雷雨電雪晴龍止集，二飛，二速，二衝等字。凡祈禱起雷雨皆可，屬

動之事用之。

召命敕三字，可召萬神。通字可書開天符，或遇人有積滯等病，亦可書此符與之服，却如此下筆。

動字，屬動之事用之。

靜字，屬靜之事用之。

清字，解穢洒淨，亦可作鎮宅符。

信字，召萬神。

生字，催生，與服念三字呪，書符塗



炁字，並與人治病，吞服。


杰字，治瘟病，鎮貼服餌熏却，心念洞

淵神靈。

唛字，召諸雷神。

胃字，鎮土。凡人犯土有病用此符，並金錢甲馬，於所犯方上燒之。仍書此字作符丸，與病人服。

太上無極大道天經



明
炁
炁

右，運用策役三界，速命雷霆。

無字拜奏上帝。黃紙丹書，下奏狀內，大祈禱可用之。次黃籙醮中用。

極字，奏帝。祈禱，焚香上，降萬神。

始字，奏上帝，一名元始一炁洞真天章。祈禱大應，諸法不通用。召萬神

應三界大事，聞命立降。

元字，奏聞上帝，使星辰順度。黃籙靈

寶齋法中，焚壇中，降萬神。危疾，

向天門焚之。應雷霆諸神，莫不聽

命。又可拔贖沈淪，青素丹書，題曰

靈寶符命。

玄字，用與前同。應諸瘟疫時炁焚，向

其方，即便消散。名洞神洞淵上經。

動字，奏聞上帝，運轉星辰，能令順度，

驅役雷霆。應祈禱大事，役使萬神，

治病芟邪，度生產厄，起龍降蛟，一

切妖魅鬼怪，並使消滅。日月薄蝕，

陰陽不調，並皆治之。焚之當空處，

批用尤妙

靜字，安山鎮嶽，保國寧家，停雨止風，

恬波息浪，號令雷霆，三界莫不安靜。感召和炁，應一切疾病不寧等，

並可焚用，及安鎮用之。一名元始安鎮保劫天章。

光明二字，奏聞上帝，宣告三界星斗。

大則祈禱雨暘，小則保命延年。懸

於中庭，洞照舉室，平安召和，福國

寧家。一名元始靈光妙經。佩之萬

神衛形，亦可拔贖沈淪，永離幽暗，

睹見光明，萬罪自消。莫不承三光

星斗之精，聚形保生。

炁字，一名元始一炁開明三景真符。

凡六合三界之內，事無巨細，皆可用

之。應諸雷法，得此皆通，篤志行

持，應驗甚速。

清微天運五雷大法

將班

雷主律令大神炎帝天君鄧燮，

通天冠，天官相，全身金甲，朱衣，朱

履，仗劍，乘金龍。

雷霆都督元帥玉府真君辛忠義，

通天冠，地官相，金甲，綠衣，朱履，執筆。

雷公洞陽震玄大神江赫冲，

猪頭冠，赤髮，青面，金甲，朱衣，朱

履，雙手執小金斧。

電母洞陰明令元君秀文英，

鳳冠，青髮，玉女相，細金甲，青衣，

朱履，右手仗劍，左手托明珠。

風伯飛翔天光大神方道彰，

五雲冠，美貌相，金甲，青衣，朱履，

擲風輪。

雨師甘露天靈大神陳華夫，

太玄冠，圓目，美鬚，面赤，金甲，綠

衣，朱履，擲火輪。

東方青元雷王馬鬱林，

中冠，披赤髮，青面，金甲，青衣，穿

靴，執斧。

南方丹元雷王郭元皇，

中冠，披黃髮，赤面，金甲，朱衣，朱

履，擲火輪。

西方皓元雷王方仲高，

中冠，披白髮，紫色面，金甲，白衣，

朱履，擲火輪。

北方玄元雷王鄧 拱辰，

中冠，披青髮，黑面，金甲，玄衣，朱履，執鐵簡。

中宮中理雷王田 元宗，

中冠，披赤髮，赤面，黃衣，執火輪。

碧霄玉府分：

保生，神慧，威振，清光，中天。

絳霄玉府分：

風令，火雲，震山，水運，定國。

景霄玉府分：

飛應，明焰，昇元，龍元，儀制。

玉霄玉府分：

嘯命風雷，雷光，金炁夙興，神王，神烈。

琅霄玉府分：

瑞昌，陽焰，冲令，龍運，太極。

紫霄玉府分：

北極天心，玄光，天運，瑞樞，斡化。

九霄內輔玉樞雷分：

天部，神部，水部，龍部，社部。

九霄外衛玉元雷分：

玉闕，斬勘，紫英，火雲，玉部，金闕，邵陽，氏陽。

九霄樞轄雷分：

樞化，機化，樞政，機政。

九霄四正雷分：

東極扶桑，南極丹陵，西臺素靈，北極洞陽。

紫微垣混天應神雷分：

演慶，演明，演靈，演玄，演令，演木，演火，演金，演水，演土，演樞，演機，演天，演地，演日，演月，演辰，演星，演混，演威，演運，演雲，演方，演甲，演乙，演丙，演丁，演戊，演己，演庚，演辛，演壬，演癸。

太微垣洞靈天元雷分：

廣天，廣地，廣日，廣月，廣辰，廣星，廣木，廣火，廣金，廣土，廣樞，廣機，廣化，廣運，廣明，廣烈，廣冲，廣甲，廣乙，廣丁，廣戊，廣己，廣庚，廣癸，廣辛，廣壬，廣乾，廣坎，廣艮，廣巽，廣震，廣離，廣坤，廣兌。

少微垣洞清神復雷分：

五帝，陰陽，四令，六甲，霹靂，發水，八風，十雨，六道，掣電，興雷，興風，行雨，移山，走石，興雲，洒雨，行雪，

布霜，行瘟，驅邪，光明，黑暗，火印，破陣，五嶽，四瀆，鳴鼓，轟輪，火車，火輪。

心市垣紫瓊雷分：亦曰蠻雷。

天洞，天真，畢真，天鎮，威猛，冰輪，流光，風領，喝伽，元皇，咬網，重運，腥煙，霹靂，飛電，仙都，火雲，風火，風廷，虛元，神令，浩華，洞陽，金炁，金精，青林，歷黑，炎闕，玉陽，東元，飛化，威明。

大角垣洞光蠻雷分：

東華大神，南華大炎，西華太協，北華大和，東南維焰，西南維灼，東北維明，西北維英，角宿天華，亢宿天華，氏宿天華，房宿天華，心宿天華，尾宿天華，箕宿天華，井宿天華，鬼宿天華，柳宿天華，星宿天華，張宿天華，翼宿天華，輪宿天華，奎宿天華，婁宿天華，胃宿天華，昂宿天華，畢宿天華，觜宿天華，參宿天華，斗宿天華，牛宿天華，女宿天華，虛宿天華，危宿天華，室宿天華，璧宿天華。

五天勘合雷分：

東方青天九炁，南方丹天三炁，西方皓天七炁，北方玄天五炁，中央黃天一炁。

中天紫極璇璣玉雷分：內會三十品。

斗樞，內會九品。斗機內會九品。玄運九品。玄靈飛化，九品。神樞，九品。紫微

元皇，九品。紫光，璇化十二品。北真

神化，紫極璇樞，玄範，魁宸陽政，魁

神玉樞，天下玉樞，北極玉樞，禹步

大統攝，陽焰陰化。

北極統天雷分：

上華，中華，炎帝焰陽元華，運化，清

虛曜靈，洞清紫光，諸方混化飛行，

陽芒廣今，浮光。

三天風火雷分：四十五品。

變雷，六品。變雷，七品。

大洞威德，內二十品。捷疾飛天，附大洞

內。十方應化，內十品。十方青靈救

苦，內十品。十鄉應變，內十品。周天

旁運混元膺犬，內十品。三界護國，內

會二十品。陰景應運，內十六品。扶桑

龍化合二十五品。五嶽五天冲政合二十

五品。神州廣應，合二十四品。赤城廣神。會八十一品。

已上謂之景炁雷也。

三天職任品格

男官

清微。使，禹餘。使，大赤。使。

洞真，洞靈，洞明，洞陽，察訪，糾訪，

廉訪，採訪，衛訪，冲訪，招真，招元，

察明，隆光，玉隆，通道，崇道，演道，

泓靈，隆元，冲真，通真，保光，保真，

樞元，冲元，崇靖，瑤光，巡通，廉察，

冲華，崇真，冲道，宣道，明真，宏道，

洞元洞玄，冲令。

卿職

清微廣明仙卿，靈妙通玄仙卿，

紫微仙卿，靈寶真一仙卿。

監職

靈寶通元仙監，清微仙監。

經職

三天侍經，明晨侍經，紫玄侍經。

令典

清微上令，五雷上令，五雷典者。

女職

紫極侍真，紫府侍真，玉府侍真。

清微元降大法卷之二十五

(陳秀峰點校)

006 清微玄樞奏告儀

經名：清微玄樞奏告儀。撰人不詳。一卷。底本出處：《正統道藏》洞真部威義類。

入壇

焚淨穢符於水盂中

念天地呪 跪啓

恭以玄都境妙，有神通寸誠，難達靈寶，香無爲清淨，一炷遍聞。

具位臣某，誠惶誠恐，稽首頓首再拜上啓：祖師清微真元妙化天帝，清微紫宸大華天帝，清微太初天君，祖師玄天仁威上帝，祖師高元清真紫虛元君，祖師玉華通惠元君，祖師泰玄上相正一真君，祖師天機內相神功妙濟真君，祖師金闕昭凝妙道保仙元君，祖師龍光道明元君，祖師紫英玉惠元君，祖師西華清虛真君，祖師青城通惠朱真人，雲

山保一李真人，眉山混隱南真人，丹山雷淵黃真人，宗師雲萊葉真人，古今歷代傳法授道演教諸大宗師。恭望師慈，俯垂省覽。切以靈寶開光，祖炁雲羅於五億，玄元演妙神功，日赫於三千，惟道爲尊，無師不度。以今某涓卜今宵，朝告斗極專爲某順禳星度，請福消災。伏望振環珮於霄衢，聯翩下邁。揭綱維於吾道，黼黻朝修。法衆運誠，修齋奉請。

修齋 雲輿 散花 獻茶

臣重誠上啓：祖師清微真元妙化天帝，清微紫宸大華天帝，清微太初天君，祖師玄天仁威上帝，祖師高元清真紫虛元君，祖師玉華通惠元君，祖師泰玄上相正一真君，祖師天機內相神功妙濟真君，祖師金闕昭凝妙道保仙元君，祖師龍光道明元君，祖師紫英玉惠元君，祖師西華清虛真君，祖師青城通惠朱真人，雲山保一李真人，眉山混隱南真人，丹山雷淵黃真人，宗師雲萊葉真人，古今歷代傳法授道演教諸大宗師。恭望師慈，俯垂省覽。切以元始

懸寶珠，演度人之妙旨。老君昇玉局，肇解厄之玄科。可以保命延年，可以消災度厄。令傳善士，繩繩繼繼以相承。爲說良緣，世世生生而有賴。咸歸正道，遂免迷津。伏念臣宿植善根，早親正法，謬領行持之職，敢後宣揚，罔明修進之階。惟深憂懼，匪賴陶鎔之造，曷符效信之機。臣今某，入意領詞，虔恪按格，宣行以今。瞻斗極而請炁焚符，列星壇而法天像地。匪繇宗主，曷遂開張。伏乞差撥將兵，下臨壇所，蕩除氛穢，祇迓真旂。或典封緘，或專翊衛，分司列職，達悃通誠，庶獲感孚，以昭玄貺。臣今澄心遣欲，念道思真，賴正炁以資扶，仗祥光而照燭。真火蕩焚於五體，靈風披拂於三田。變化凡軀，融成妙相。庶俾飛罡激指，運炁合神。認真形於虛無沙漠之間，如鏡顯相。索本命於妙有靈明之景，似谷應聲。當願風雲澄靜，星斗燦明。奏告蒙霽霈之恩，存念遂感通之願。臣誠惶誠恐，稽首頓首再拜，虔祝侯命之至，謹言。

念金光咒 存神 步罡

焚符 召將

斗樞有將，職贊璇璣，賞善罰惡，察過言非。玉帝有命，威鎮瑤池。聞吾呼召，風火奔馳。降臨壇所，母輒稽遲。一炁都督，雷府分司，焚香飛符，宣召：

玄樞飛捷急奏報應使者方央中，翊輔玄斗太一天君王志，璇璣靈應總真天君龔洪，保元昭烈樞靈天君劉潛。願聞宣召，速降行壇，有事委請。

身披羽服，佩帶七星，人間禍福，報應分明。欽準元降，符命告召：斗中擎羊上仙使者楊汝明，斗中陀羅大仙使者耿妙真，平樞上相真君，斗機通事舍人。聞今召命，速赴壇場，有事委請。

天中之神，斗曜之精，左有汝明，右有妙真，神通莫測，出幽入冥。吾今催召，速赴壇庭，有違吾令，如逆帝宸。急急準北帝敕召律令。

一炁都督，雷府分司，飛符催召：斗中玄樞飛捷急奏報使者方元帥，翊輔玄斗太乙天君王元帥，璇璣靈應總

真天君龔元帥，保元昭烈樞靈天君劉元帥，斗中擎羊上仙楊使者，斗中陀羅大仙耿使者，斗樞上相真君，斗機通事舍人。各各分身，化氣下降，燈壇檢察，事情昭示，禍福大彰，報應以副，禱祈惟神，靈通烜赫，變化難量，無爲而成，有召立至。瞬目揚眉之內，徑達九天。回頭反掌之間，遍周三界。所求皆應，無願不從。以今當職，奉爲某涓卜今宵，朝告斗極，請頒恩命。專爲某祈保平安，仰煩斗中仙使，齎持符命，敬叩北斗璇璣應靈宮。奏請：

北斗九宸上道星君，北斗九皇夫人，斗中諸靈官衆，聯降星壇，證盟修奉。俾令關告，咸賜如言今也。召仙仙到，請聖聖臨，呈化此符，合明大心。急急如元降律。今就煩威力攀屈斗中天醫，諸大靈官，解厄神吏。仍煩關會本佩，雷霆諸司官將地祇上將溫元帥，正一風火靈官馬元帥，玄壇執法趙元帥，地司太歲股元帥，酆都朗靈關元帥，豁落猛吏王元帥，諸司副帥，傳奏功曹，驅邪治病符水仙童將吏，主職威靈報應

官將，一合下降燈壇，審實事理，佐助行持，闡揚教法。仍請會同內庭五祝之神，速爲照勘某身田一切，未來吉凶，詳行昭示。庶令推測有準，報應無差，上彰斗法之靈，下副衆情之懇。以康爲信，願賜感通，吾在壇前，立俟昭報。

隨機赴感天尊

各禮師存念如法

衛靈

玄斗元精，三素朗明。萬真啓道，掃除灾群。八威玉策，普告萬靈。九辰備守，攝邪戮精。延年無窮，壽得長生。開明童子，備衛帝庭。星光洞照，神炁四冥。斬馘六天，制會酆山。縛送朔單，敢有稽延。金戈束形，皇道正明。伏匿魂魄，與道合真。八方威神，掃穢除氛。七元來降，玉簡刊名。乘景飛輶，上升玉清。

鳴法鼓二十四通

無上三天，始元玄三炁，太上五靈老君，當召出臣等身中：三五功曹，左右官使者，左右捧香驛龍騎吏，侍香金

童，傳言散花玉女，五帝直符直日香官，各三十六人出。出者，嚴裝顯服，冠帶垂纓。關啓玄壇，天帝天真，此間土地里域等神。臣今陞壇朝告，謹奏爲入意，其諸忱悃，已錄告聞。願得太上十方真正生炁，下降流入臣等身中，令臣所啓之誠速達，徑御。太上無極大道昊天玉皇上帝、北極紫微大帝、北斗九皇星君御前。

真光朗照天尊

然燈 念呪

上帝有敕，發點斗燈。七王來降，救護羣生。左輔右弼，親現威靈。天蓬元帥，統領仙兵。五雷使者，六甲六丁。玄武大聖，臺中三星。治病除禍，回死作生。違敕者死，稟敕者生。大降威力，誅斬妖精。三魂附體，七魄安寧。斗燈一照，身宅光明。

焚降真符 降九皇

具位臣某，初謝百拜，奏請：

中天大聖北斗綱極宮太尉貪狼星皇君，北斗靈關宮上宰巨門星皇君，北斗紫極宮司空祿存星皇君，北斗運天宮

遊擊文曲星皇君，北斗帝席宮斗君廉貞星皇君，北斗上尊宮大常武曲星皇君，北斗關會宮上帝破軍星皇君，洞陽宮玉帝外輔星皇君，隱元宮帝真內弼星皇君，北斗九皇夫人。臣等恭望道慈，特賜瑤光，降臨壇所。鑒臣關告，明示吉凶。或顯證於燈光，或潜彰於物理。一心恭默，萬願克從。臣中謝再拜，祇迎聖駕。

雲輿 存真降

適伸奏請，已賜光臨，再拜致恭，淨酒香茶，謹伸進獻。

散花 投盆符作占

通章

具位臣某，謹謹虔誠，上啓：斗極祖師洞真大道元始天尊，斗極玄師洞玄大道太上道君，斗極真師洞神大道太上老君，玉皇大天尊，玄穹高上帝，紫微上宮天皇帝，紫微中宮北極大帝，北斗高上玉皇尊帝，太微玉帝，玄卿大帝，上清日宮太陽帝君，上清月府太陰皇君，北斗綱極宮太尉貪狼星皇君，北斗靈關宮上宰巨門星皇君，北斗紫極

宮司空祿存星皇君，北斗運天宮遊擊文曲星皇君，北斗帝席宮斗君廉貞星皇君，北斗上尊宮太常武曲星皇君，北斗關會宮上帝破軍星皇君，洞陽宮玉帝外輔星皇君，隱元宮帝真內弼星皇君，北斗九皇延生夫人，天罡大聖萬真節度奎光帝君，東西中三斗星君，三臺華蓋星君，四方二十八宿星君，十二宮分星君，六十甲子星君，上清主照某年某月某日建生本命星君，大小二運星君，大小二限星君，祿馬二庫星君，胎生八位神將，命運限宮照臨真宰，三元三官大帝君，北極三帥真君，北極鎮天真武靈應佑聖真君，祖天師泰玄上相正一真君，九州都仙太史真君，太極仙翁真君，華蓋山三仙真君，清微玄樞奏告古今歷代演教諸大師，真斗中玄樞飛捷急奏報應使者方元帥，斗樞上相真君，斗機通事舍人，斗中擎羊陀羅二仙使者，雷霆鄧、辛、張三大天君，上清神烈苟、畢二大天君，斗巾仙靈官衆某靖所隸諸司官將，燈壇格降一切羣真。恭望道慈，洞回昭鑒。臣聞清微御運，

敷正炁於紫微。太極開圖，煥靈光於

北極。華蓋映玉垣之邃，勾陳羅金闕

之崇。提挈玄黃，運帝車而齊七政。

統制經緯，握天罡而建五行。飛豁落

於龜圖，耀奎光於鳳簡。巍巍功德，赫

赫神靈。伏念宿植善根，生達道運。

飛登而履魂魄，未契虛無。流吹而溷

精神，徒紛濁滓。過易盈於鈞石，功莫

積於刀圭。曲荷洪慈，俾陶玄職。臣

某奉爲某涓卜，今宵朝告斗極，專爲某

順禳星度，祈保平安。以今恭依元降，

謹請某將，進拜紫極玄樞，急告心章，

上聞宸極。伏願元皇委照，玉宸流光。

敕五帝四司，紀善功於青簡。啓三官

九府，消災難於玄編。冀垂擁護之仁，

下慰翹傾之悃。臣誠惶誠恐，稽首頓

首，俯伏

案前。須待玄恩報應，具有章書，謹當

宣奏。

宣章 熏章就焚於香爐內

就焚隨章諸符 宣遞符

上帝垂恩，七真仙靈。魁魍魎，明檢

鬼營。魍魎降，永保安寧。急急如

律令。

俯伏默朝 三禮

謝恩 焚謝恩符

具位臣某，謹重誠上啓：

斗極祖師洞真大道元始天尊，斗極玄

師洞玄大道太上道君，斗極真師洞神

大道太上老君，玉皇大天尊，玄穹高上

大帝，紫微上宮天皇帝，紫微中宮北極

大帝，北斗高上玉皇尊帝，太微玉帝，

玄卿大帝，上清日宮太陽帝君，上清月

府太陰皇君，北斗綱極宮太尉貪狼星

皇君，北斗靈關上宰巨門星皇君，北斗

紫微宮司空祿存星皇君，北斗運天宮

遊擊文曲星皇君，北斗帝席宮斗君廉

貞星皇君，北帝上尊宮太常武曲星皇

君，北斗關會宮上帝破軍星皇君，洞陽

宮玉帝外輔星皇君，隱元宮帝真內弼

星皇君，北斗九皇延生夫人，天罡大聖

萬真節度奎光帝君，東西中三斗星君，

三臺華蓋星君，四方二十八宿星君，十

二宮分星君，六十甲子星君，上清主照

某年某月某日建生本命星君，大小二

運星君，大小二限星君，祿馬二庫星，

君胎生八位神將，命運限宮照臨真宰，

三元三官大帝君，北極三帥真君，北極

鎮天真武靈應佑聖真君，祖天師泰玄

上相正一真君，九州都仙太史真君，太

極仙翁真君，華蓋山三仙真君，清微玄

樞奏告古今歷代演教諸大師，真斗中

玄樞飛捷急奏報應使者方元帥，斗樞

上相真君，斗機通事舍人，斗中擎羊陀

羅二仙使者，雷霆鄧、辛、張、三大天

君，上清神烈苟、畢二大天君，斗中仙

靈官衆，某靖所隸諸司官將，燈壇格降

一切羣真。恭望道慈，洞回昭鑒。臣

聞尊帝瓊宮，降晨華而椿齡衍茂。玄

樞玉省，承天芳而芝檢飛流。惟通寂

感之玄，斯契潛昭之妙。況九皇垂象，

流精下映於坤維，而八卦成形，稟粹上

符於乾度。仰範圍而有翼，每橐籥以

無違。今某翹勤紫極，清淨華堂。羅

象世之威儀，備朝天之科法。消災度

厄，請福延生。尚慮臣華穢濁軀，濫領

朝修之命。玄微奧旨，罔明授受之方。

對越乖違，存思謬誤，冀曲提於後學，

賴肆赦於前非。次願七元守形，九靈

錫命。勒威星而退舍，百福來臻。敕德曜以臨幾，三灾消落。上願天元澄晏，地紀安寧，二曜連珠，五星合璧。時調玉燭，邦家隆泰運之基。歲慶金穰，黎庶遂全生之願。則上明天尊大慈之化，下副臣等歸命之誠。謹啓以聞。

發願 復爐

香宮使者，左右龍虎君，侍香諸靈官，臣等向來朝告之所，自然生金液丹碧之英，百靈衆真交會在此香火爐前，當願丹誠上格，玄貺下敷。十方仙童玉女接待，蘭煙傳臣向來所奏之誠，速達徑詣

太上無極大道昊天玉皇上帝、
北極紫微大帝、
中天大聖北斗九皇星君道前。

清微玄樞奏告儀

(王育成點校)

007 高上神霄宗師受經式

經名：高上神霄宗師受經式。
撰者不詳。一卷。底本出處：
《正統道藏》正一部。

上聖開圖，明華散藹。真元經粹，妙範流芳。粵在浩劫赤明之初，元始之尊乘赤混太无靈積生之炁，應化於東方始青諸天，與十方天真大神、上聖高尊、妙行真人，無鞅數衆，演說《靈寶度人》神霄衆經，並以授於玉宸太上道君。因命天真皇人并上清諸真人，總其元義，開品分條，共爲六十卷，以應六甲之數，皆以無量度人爲首。其經既成，簡奏虛皇，遂使藏于紫微上宮，仍今付於神霄玉清真王君，祕於東極華堂瓊室之內，至於後劫，方當下傳。逮其炎宋，興隆太平，炁至時際，吉會神霄，真王當降世間，以爲人主。遂舉

高上神霄宗師受經式

其弟青華帝君，代領神府之任，真王受天明命，紹承丕祚，統御九有，協和萬邦，顯彰道化，闡神元風。政和壬辰之後，青華時來密會禁掖，神明齊契，天人相通，所以告於期運者焉。於是，真王飛神達變，洞合紫清，乃以神霄瓊室所祕《靈寶真經》六十卷。又以昔侍元始，同登鬱羅，觀覽三元靈光玉網之炁，而成《高上神霄玉清祕錄》三卷，嘗於上皇年間詳考於玉晨之手，定格於紫微之房，亦在神霄歷劫禁重，今並當出。乃遺左右仙卿仙吏，將其經錄，著以人間之義，易以世俗之迹，置設科式，宣揚於志節之士。若其得遇此道，勤而修之，皆是夙簡元名，形繪帝軒三華，鍊骨五輝，內纏克保，爲壬辰受度之人，學真之士，萬劫之中，際遇此時，是爲難也，可不勉之者哉。玉清虛皇元始天尊爲祖師。上清玉宸元皇道君爲宗師。高上神霄玉清真王長生大君爲真師。已上高上神霄大道三師。《高上神霄太上洞玄靈寶度人經》六十

卷：《太上洞玄靈寶度人上品妙經》、《清微金科上品妙經》、《禹餘玉律上品妙經》、《大赤靈文上品妙經》、《玉宸大道上品妙經》、《太一元精上品妙經》、《日精陽明上品妙經》、《月華陰景上品妙經》、《離合五行化體上品妙經》、《斷絕胎根閉塞死戶上品妙經》、《騰曜二景五星上品妙經》、《扶桑青陽上品妙經》、《素景曜靈上品妙經》、《五方正炁上品妙經》、《五行順治上品妙經》、《天地八維安鎮國祚上品妙經》、《求延劫運保世昇平上品妙經》、《飛神召靈上品妙經》、《降真召靈上品妙經》、《十方聖境上品妙經》。明體貫炁品：《九霄高玄上品妙經》、《九宮仙籍上品妙經》、《八景神合上品妙經》、《玉明運度上品妙經》。赤符丹光品：《紫光丹靈上品妙經》、《碧落空歌上品妙經》、《鍊炁變仙上品妙經》、《神變炁化上品妙經》、《生化胎根斷除邪穢上品妙經》、《迴骸起死上品妙經》、《長生久視上品妙經》、《三晨光曜保命延生上品妙經》、《降真延壽

上品妙經》、《保胎護命上品妙經》、《消穰國君王侯世土上品妙經》、《太一神變五福護國穰兵上品妙經》、《七星除妖上品妙經》、《神符除難上品妙經》、《洞神穰灾上品妙經》、《祈穰水旱上品妙經》、《消除灾疫保命延年上品妙經》、《除穰水火漂溺上品妙經》、《解穰山谷瘴癘上品妙經》、《消除病癘跛痾上品妙經》、《顯瑞符應上品妙經》、《陰陽化生上品妙經》、《五行備足生靈壽域上品妙經》、《安鎮九壘土妖不祥上品妙經》、《祈求嗣續慶延門閥上品妙經》、《蠲化水火灾癘上品妙經》、《玄明洞淵上品妙經》、《南宮延生上品妙經》、《北都除殃上品妙經》、《斬馘不祥上品妙經》、《斬滅五行邪怪上品妙經》、《追度上世亡魂上品妙經》、《解釋幽牢上品妙經》、《濟度死魂上品妙經》、《化尸受形上品妙經》、《永斷輪轉上品妙經》。

已上經題，各有《太上洞玄靈寶無量度人上品妙經》字。

《高上神霄靈寶度人經》六十一卷，並

出於神霄東極華堂瓊室之中。乃歷劫禁祕永傳經也。得遇此道，保己則登昇三境，為人則劫滅百痾，功德協著，克度神霄，後當獲補，宰制治化之官矣。世人受誦，修奉如法，即得福慶無量功驗之應，各如本經所載者。

高上神霄玉清祕籙

《神霄玉清祕籙》按太微科格，與洞真齊妙，亦上清之標冠矣。可輔於大洞之品，而受佩如法，隨其學功，各如本籙所言。

解註

混元上德皇帝《道德》二經之義，乃宋徽宗道君皇帝御製是也。《南華真經逍遙遊真義指歸》，乃宋徽宗道君皇帝御製是也。

補註

李玉德解《靈寶度人經》義，真王君制序，右解註真義。高上神霄真玉說《五方天中好生不殺頌》，右出神霄東極華堂妙濟經科之中，誦之解脫物命天枉之禍，修好生不殺之功焉。政和御製《金籙中科儀》，右科儀為國修齋設醮、

祈穰福祐，《大洞招真通微妙章》、《步虛玉清樂》、《上清樂》、《太清樂》、《散花樂》、《白鶴引右招真通微妙章》、《受天明命歌》、《金闕始青步虛歌章》、《高真道德步虛歌章》、《尤道太微步虛歌章》、《夏祭地祇降格出現記》、《高上神霄真王長生大帝降生記》、《上清玉書真符照驗諸記》、《冬祀天真降臨示現品記》。右諸真記神霄紀聖祕籙，乃述長生大君同青華帝君，前後飛神臨降禁掖，昭示靈化之事。神霄玉府東西二臺掌治諸仙卿祕傳，右諸傳，乃紀述諸仙卿修真得道、掌領神霄職任之事。右神霄內府所存三洞四輔，有自古以傳者，或多見於世間，有歷劫未傳禁祕寶經一千二百卷，分為六等一十二品，列為上中下三卷，藏于東西華堂。自太平啓運壬辰庚子之後，漸當降顯。有得備上一經法者，稱神霄王天洞景法師虛元統化真卿，道成得為玉府上相上宰真伯之任。有得備中一經法者，當稱神霄洞化法師保度合明真卿，道成得為東西二臺仙卿仙侯之任。有

得備下一經法者，當稱神霄元化法師靈妙通元真卿，道成得爲東西二臺仙官長吏九宮真宰之任。其法服：玉清雲臺寶冠，紫靈翠玉之簪，飛雲鬱靄綠光之帔三十六條，褐黃裳飛青之裙，朱陽之履，洞靈碧瑤之珪，三炁交暉玉珮，震耀消魔之劍長三尺六寸，躡九炁之壇。若三階之中，或得上經、中經、下經卷帙未備，或兼三洞在世一二經法，當稱爲神霄太平輔化弟子，道成得爲諸天仙真之任，或亦補爲神府散官仙吏之職，但未得專處高清玉天之貴，不能必掌神符上司之權焉。其法服：素玉三華碧冠，或三素元冠，紫精水玉之簪，素紫之帔三十六條，碧褐黃裳綠青之裙，黃華瑤簡朱履，玉珮，五炁丹精之劍，長三尺二寸，躡三光八緯之壇。若有受其經法，三階俱備，道成則登三天高皇道君之位，與諸聖齊倫者矣。非拜表上章朝真閱籙行事，其法服不可輒服，靈官檢察墮道之功。

高上神霄宗師受經式

(王育成點校)

008 高上神霄玉清真王

紫書大法

經名：高上神霄玉清真王紫書大法。撰人不詳，約出於北宋末南宋初。係神霄派道法書。十二卷。底本出處：《正統道藏》正一部。

高上神霄紫書大法序

昔太空未成，元炁未生。元始天王，爲昊莽溟滓大梵之祖，凝神結胎，名曰混沌。混沌既拆，乃有天地中外之炁，方名混虛。元始天王，運化開圖。金容赫日，玉相如天。陶育妙精，分闢乾坤。乃自玉京上山下遊，遇萬炁祖母太玄玉極元景自然九天上玄玉清神母，行上清大洞雌雄三一混化之道，生子八人。長曰南極長生大帝，亦

號九龍扶桑日宮大帝，亦號高上神霄玉清王，一身三名，其聖一也。神霄真王，凝神金闕。思念世間，一切衆生。三灾八難，一切衆苦。九幽泉艷，一切罪魂。受報緣對，浩劫相求。無量衆苦，不捨晝夜。生死往來，如旋車輪。

門護持，使道通達；輕泄漏慢，風刀考身，萬劫不原。學士行之，切宜遵守矣。

我今以神通力，憫三界一切衆生，即詣玉清天中，元始上帝金闕之下。禮請慇懃，乞問紫微上宮紫玉瓊藥之笈，於九霄寶籙之內，請《神霄真王祕法》一部三卷，皆梵炁成文，九天太玄雲霞之書。上隱萬天之禁；中隱神仙萬年之法；下明治人治鬼，保國寧家之道。元始上帝即敕太皇萬福真君，以高上神霄玉清王長生護命祕法，傳付下世，首教於我，以布世間學真之士，佩法修行，永爲身寶。上衛帝王，安鎮國土，享祚萬年；下以爲民，延生度厄，學道成真。面拜真王，驅除六天，降伏魔魅。用以施行符檄，召攝鬼神。一如神霄王所敕，及億曾萬祖，宗緒種親，離苦昇遷。一身蒙福，萬萬安榮。次使自身得道，尸解隱遷，代代流傳，法

高上神霄玉清真王紫書大法卷之一

總序大法源

大羅紫府天中，有諸羣府。諸帝之會，天帝之闕，萬二千八十所隸，各有司存，悉皆檢察人間善惡功過，別無紀籍，以爲報施。故貧賤富貴壽夭，未嘗爲之予奪，盡出人之自召示應。諸府闕，以昊天玉皇上帝爲宗師。而神霄玉清王，今玉帝就命人主，準神霄玉清府。又隸諸地山嶽鬼神，與北極紫微大帝府符命不同，又非混元上德皇帝所授三天扶教輔元大法師祕錄一等。今神霄玉清府神吏所轄諸地鬼神告篆，並靈官神吏，使者將軍，驅使吏兵，異號玉司，考召靈文。行此法，每月三九日，神霄玉府神吏降聖朝會，勿飲食葷酒，戒色持齋，切須謹之。

論錄

神霄法錄七階，以流傳於人世。自古以來，未嘗降見。今得之者，扶身

保命，度厄延年。奉之者，仙官降祐，消殄災非。行之者，却滅邪姦，馘除魔鬼。當值斯文之士，告盟神霄，申奏主宰，得獲昭報，然後方可奉行。不可超越，造次擅用。切宜遵守，爲尚矣。

論祕訣

神霄玉文，瓊臺祕訣。則無所不關，無所不攝。若能自保以奉持，則坐持衆妙，立使萬神，寂然不動，感而遂通，與衆法不同，諸符不一。倘值斯文之士，萬劫一傳，有緣有幸，無極無窮，可不勉勵，精誠上祈真貺。若始勤終怠，口是心非，法中靈官將吏，記人功過，毫分無失。當是時，三官鼓筆無恕。勿示非人，豈不可謹。勉之，戒之。

論妙旨

神霄祕文，玉司妙旨。是謂玄奧，難可尋詳。雖有祕錄依科修奉，未有訣目要旨，喻若衣服裁割已了，究竟不縫，如何披穿。訣者，縫也。今將萬世祕文，示學真之士。乃若堅持苦志，將心救物，法錄剪邪，以皈正。仙兵佐

助，以隨行。日就月將，可達神霄之境。功成名遂，當昇浩劫之家。今列于左，豈不深思允蹈之乎。

論法

神霄法者，藏于華堂，不示人世。今遇甲辰之昌運，乃道君統人主之辰，所以闡妙道於斯時，度靈文於寶錄，不問高下，傳賜奉持。若迺究而推之，與衆法不同，諸符不一。但以歷懇精誠，虔祈靈貺。陰行陽報，功業無差，不可妄入鬼神情罪。依條治之，因以功德相拯，庶使幽明，咸被德澤，豈曰小補之哉。

誓法儀

凡行此法，每月三九日，神霄玉府神吏降世，即用燈三盞，黃紙十二帖，合奏狀文，用通章印，實封。其詞，上申本院。燒詞畢，香茶酒菓，供養至誠，燈滅收之。如獲報應，然後行持。

元始天王曰：吾敕太皇萬福真君，開紫霄琅笈九霄妙蘊，付於玉帝上子，以闡天風，傳度世人，指歸正道，得者自仙。九陽之梵炁，有九九八十一

數，是太陽之運。太陽之日帝九陽扶桑君者，積炁成神霄真王也。又領南極之職，與韓司陶鑄天民，咸證九天，乃得神霄禁文天篆雲章，尅日升霄。《華堂之經》，總載必仙之寶，內有十品之科。子遇其文，以東華注名，尅日成真。此文，有金英靈童一萬人，天素真妃一千人，常保其書。燒香散華，以刊功過。兆稍有違，七祖一身，常遭神獄之考。傳者，以金龍玉魚禁錦以付之，告盟十天。若失齋妄泄，師與弟子同罪，七祖入北都，萬憲不原。兆以之以戒宣盟。

天民齋粥法

百穀五味，流入脾胃。五藏安寧，尸邪亡墜。七祖上生天，小兆得仙位。長生入九霄，久視通聖慧。急急如高上神霄東華仙君律令敕。

右法，取東華炁咽之。再取炁吹，使百骸九竅調和，三尸九蟲消滅。

天民梳頭法

玉頂之上泥丸，絳室玄華寶精。天帝景色長存，王林神光表異。右爲隱月，

左爲隱日。六合清練，百神化密。急急如高上神霄大帝律令敕。

右法，面對生炁方，取炁咽之，方梳頭。反白成黑，大吉大昌也。

天民沐浴冠帶法

玉晨寶冠，雲帔霞裳。虎裙制魔，流金吐精。五濁速去，八景光明。令臣受賜，罪削福臻。長與神霄，齊真上靈。急急如高上五老天君律令敕。

右法，存五帝、玉女自月而下，玉童侍立。取生炁，吹入水中，方可沐浴。

天民盥漱法

天清地明，日月輝晨。灌我五體，光赫玉清。炁不受垢，五藏華榮。罪消北都，禍滅九真。惡邪伏匿，福連上清。今日鍊沐，一切受恩。身生羽服，昇入帝庭。急急如南極長生大帝律令敕。

右法，合目，存仙人玉女五色霞衣，四獸、獅子、白鶴在面前，日月輝光入水中。叩齒三十六通，東向取炁，吹入水中。先服一口，然後用之。

天民出入法

奉佐玉清，佩參神虎。出日入月，開明八景。六甲隨神，六丁從行。利貞天地，扶贊勾陳。七星輔衛，億保長生。五雷兵甲，與列淨真。刀兵水火，得離身形。犯我天敕，魁罡越行。急急如高上玉清消魔帝君律令敕。

右法，早吸日光，晚吸月光一口，吹在左右。辟邪、萬災、惡人，斷口舌呪詛。

天民解衣法

受命天帝，上升九天。百神安位，列侍神仙。魂魄和柔，五藏華豐。百體生液，七精靈盈。火令交換，滅鬼除兇。上願神霄，神府長真。億劫游帶，俠日無窮。急急如高上太微天帝律令敕。

右法，左叩天鍾，右叩天磬，中鳴法鼓，各三通。解衣，存太微虛皇至室，方卧。令人精健不病，有吉感應。

天民臨卧呪

天有九星，地有九宮。我有九竅，萬神相從。三尸伏滅，五藏流通。三田四支，動息守中。八卦龍虎，來侍我身。

妖精鬼魅，萬邪不干。真宮肅靜，邪夢不侵。急急如高上神霄消魔王律令救。

右法，兆取長生靈炁咽之，鳴法鼓三通，任意卧之。

天民遇疾服藥呪

謹請高上神霄東華五靈仙君，召出天醫正神扁鵲，吏官各五十人。當令小兆服藥，身得離病，病速離身。駕魁乘罡，登昇九天。數盡九地，命祿俱昌。長生久視，永不死衰。急急如高上神霄長命天帝律令救。


右法，兆念呪，取神霄炁，吹藥上，與人服。主離病厄，痼疾皆去。延壽益年，常常準此。

天民履穢入暗法

左德清神，右命天真。左有司土夫人，右有除穢五丁。令我死籍勾滅，玉府上我生名。急急如高上神霄雷部攝邪王律令。

右法，兆到穢，先以左手仰托日月，存五丁司，叩齒七通，取北炁，吹自己，方入暗穢之處。


智慧消魔萬言符



神霄青帝，東井鍊真。丹宮元仙，守保合并。九竅通流，揭郎泯日。光諦洞青，玄玄陸通。急急摩訶薩日月風，急急如東井帝君救。

右符，用戊午日，以玄珠血研丹，向東念呪，用黃紙書之。逐日用菖蒲咀嚼，東井水下。百日心開。日誦萬言，天生智慧。神思不妄，洞視內明。

淨穢符



救青霄紫霧元覺神將，助吾真炁，斷除不祥。李帝遊來，奉救攝。

右符，斷除萬穢千惡，或帶或帖。有邪惡厭蟲，吞之立效。取斗炁書。若口舌官事臨身，惡人謀害，佩之即


免。

變神呪

高上真救，佩星披玉。左雷右電，騰駕龍虎，凶凶者滅，善善者育。欽輪玉帝，形神化速。急急如高上神霄玉清王律令救。

右念呪訖，拋印。存所用玉童、玉女左右，內外金光罩身，變身為仙官。仍先飲神霄炁一口，吹身，即叩齒七通，結神霄印，默呪。凡驅龍、制鬼、上章，並用此法。

神光符




天雷神霄，地雷九壘。水雷洞淵，風雷扶桑。鬼雷山嶽，百谷朝陽。太一令旨，制鬼火燒。雷迅天地，百邪無妖。下入臟腑，通暢和調。急急如太一律令攝。

右符，以雷發聲之日，面方念呪。天雷，以黃書青上；地雷，以白書赤上；水雷，以黑書白上；風雷，蒼書

黑上；鬼雷，白書黑上。吸炁，天九，地十，水五，風三，鬼一，面方咽之。吞符一日，百邪見之奔走，聲若急雷，百脉和通。小兒驚風，飛尸所中，布炁即安。


天地真陰真陽二炁符



天地八九，人神六七。清混金澄，清濁分立。入吾神田，太倉受福。洞宮清徹，穢氣勿觸。急急如太上神霄玉清王律令。

右符，以冬至日并立夏日，面向西，吞地炁十八口。夏至，面向東，吞天炁十九口。念呪吹符。陽日朱書，陰日黑書。吞之，四肢調和，百病不侵。


日月蝕晦九炁符




日遊月真，太陰圓缺。寒往暑來，太陽盈昃。内存三尸，百關布列。一入真炁，尸虫走滅。急急如太上神景玉清王律令。

右符，以日盈、月滿日，用舌吹吐。日九炁，月十炁成符。吞帶，去三尸九蟲。炁吐毒消，吹鬼，鬼滅也。


東華木公符青上黃書




南極韓司丈人符丹上黃書




西靈金母符白上黃書



北玄君符黑書黃上




中央黃老符



玉章聖號龍章天書





玉章聖號，龍章天書。此文出自赤明浩劫之時，上封付八子，以鎮天宮。隱於神霄天總真閣，玉女天仙三萬人常護其文。若水火大災，朱書，擲於水火之中，不傷兆身。若行佩帶吞服，則百邪奔走，萬病消除，水怪潛形，妖龍藏伏。如欲超度九玄七祖苦爽窮魂，如法以黃地朱書，告付三官，皆即超化，上生天堂，受諸快樂。此文不傳下土。若有修學之人，一心受佩，得補天仙。輕泄漏慢，死入北酆。

混元八帝宗枝圖

玉清大帝 玉清左晨王
 玉清晨景王 玉清消魔王
 玉清高晨王 玉清元始王

太上老君
 玉清九真王 玉清大和王
 青金丹皇王 玉清寶景王
 玉戶太素王 玉清大帝王
 上帝司禁王

元始天王 玉皇大帝
 神霄玉清王
 青華大帝君
 蓬萊靈海帝君
 西元大帝君
 東井大帝君
 清都大帝君
 清霄大帝君
 中皇司命君

小有玉名
 扶桑大帝君 玉清紫微君
 玉寶青童君 玉清保仙君
 太一元禁君 玉清明昭君
 玉華三元君 玉清三元君

上清道君

九皇司命君 玉清大素王
 金華元君 玉清大道君
 太陽玉賢君 玉清紫元君
 三元紫陽君 玉清內景王
 皇上玉帝君

元始八子封職

長子，高上元始化生南極長生大帝君，任高上神霄玉清王，職太陽九炁玉賢君玉清保仙王，諱混洞，字曜華。
 次封保生大君，任東華帝君，職青華帝君玉清太和王，諱泳洞，字曜煙。
 次封掌命大君，任蓬萊靈海君，諱濛洞，字曜靜。
 次封護命大生君，任蓬萊西元大帝君，諱泛洞，字曜文。
 次封明皇大君，任東井大帝君，諱沐洞，字曜靈。
 次封非卿大君，任清都帝君，諱清洞，字曜機。
 次封南極大君，任清靈帝君，諱沃洞，字曜神。
 第八子封北臺大君，任九天都衛玉霄

紫清中皇大君，諱沈洞，字耀元。

八帝封號官品職任

第一子，任神霄玉清天王絳霄太平應化道主天帝，遙領東極扶桑太陽九炁君。

第二子，任青霄好音元真寶耀天帝，遙領東華大帝君。

第三子，任碧霄開虛傳度天王，遙領蓬萊主仙君。

第四子，任景霄至妙變空天王，遙領西元青金丹皇君。

第五子，任玉霄天王，遙領東極玉寶高晨師青帝青童君

第六子，任琅霄六開傳濟天王，遙領青都帝君。

第七子，任紫霄雙開化身天王，遙領小有玉真萬華青都君。

第八子，任太霄流光變景天王，遙領九天中皇玉帝君。

玉帝有八子。昔混明大化，元始與梵炁祖母，行大洞雌雄，回風混合，結八十一正陽之炁，生長子神霄王。次結七十二純陽之炁，生次子青華君。次


結六十三真陽之炁，生第三子。次結五十四梵陽之炁，生第四子。次結四十五昌陽之炁，生第五子。次結三十六光陽之炁，生第六子。次結二十七霞陽之炁，生第七子。次結一十八寶陽之炁，生第八子。皆是大洞混合，元父玄母，雌雄九變，混合九陽一炁。凝霞爲魂，合風爲魄，爲之帝一嬰兒，生成九帝。七九之道，千端萬化。諸天高上之玉帝，皆八王之異號。故明九陽天真也，皆出大洞三十九章。回風混合，帝一之道。兆之反胎於天，何以得穢津污體，結胎而爲嗣乎？兆知此道，白日昇天；失此，永墮幽玄。兆思之，玉聖萬帝，由不離大洞，而爲入真，何況介蟲尸賊，不知真一，而得一體妙仙王乎哉。

神霄九師


當初，神霄降世，三師聚議於碧霄天。如今，三師各有神霄法，惟三師便是神霄總雷，其中又有雷祖大帝。劫是昊天玉皇上帝主之。祖師，高上神霄玉清真王長生保命天尊，主之晴雨。宗

師，青華大帝君定福天尊，主之斷瘟斷邪、役召萬靈。真師，九天益筭司命好生可韓君丈人真君保福天尊，所轄度魂攝魄。外，六師自有正法，各隨所治。靈師，應元定籍真君注命天尊，掌雷敕令牌，號動雷合奏之。玄師，保命化生真君保命天尊，掌五嶽江湖淮海潭洞神龍。聖師，節度總監真君萬安天尊，掌攝魂、度亡煉度、擒邪伏祟。寶師，元華保生真君儲祥天尊，掌九霄法律，管三十六種橫死夭亡。天師，掌法主籍真君禾稼天尊，掌神霄三十六天梵炁真符，專修煉法官成道。有雷函神師，掌令降命真君吉集天尊，掌天下妖魔、山谷五魑、五酉不正之神。聖師遇齋醮，當稱保生度化天尊。九師各有心章，請官君不問神霄嗣法，當以五臟精炁神等符爲先。內精既竭，非假元始梵炁以續所虧，何得神炁復本。先須內養，其神霄之道，方成萬神。我神霄，乃霄天大要，不走元神也。

高上仙王降真符



元皇召靈符



敕符呪

元綱流演，總御十方。招真召靈，威神無缺。符至八極，壽命吉昌。保命度厄，萬里混康。急急如高上神霄玉清真王律令。

右法，玉清訣，念呪，取東南炁，吹入符中，烈火香上焚之。再呪曰：

通靈通玄，淨心洞明。招真金童，召靈玉女。爲臣上達，真炁降臨。顯揚輔化，我道合靈。

右法，正月降召上真，七月召中真，十月召下真，八節召上靈，本命降中靈，十月降下靈，存局中。學不篤信，五嶽試人也。

朝真玉符呪

真霄真敕，九天浩旨。付吾稟受，得見光輝。南昌煉形，太微得質。青龍甲乙，白虎庚辛。朱雀丙丁，玄武壬癸。吏兵導引，真諱接衛。上列神霄，皈依寶陛。急急如高上保仙王律令。

朝真玉符



右符，黃羅青書，佩之，兆取神霄王下降。日依法朝真，想東方青炁成符。此符，又名無邊符。如有凶惡邪祟極難治者，當恰神府目，念總呪，巽炁，將此符去患人家司命前，夜靜，用酒菓一分，金錢一束，燒之立應。

聖降日


凡八月九日，青華降世之日。十月十日，真王降世之日。每月三九日、三元八節日，可誦都呪千遍，吞二十一符，禱之立應。每降日，燈三盞，黃紙一十二分，一獻狀獻之。用時新五菓供養，

燈盡收之。忌葷酒厭物也。

高上神霄玉清真王紫書大法卷之一

降，邪祟自伏。遠行及入山，虎狼遠去。避刀兵，去瘟疫。帶之三年，靈官降寢室，能去萬魔千妖矣。

神霄宮闕分域圖



兆每日早入室，想存真圖，變身為白鶴仙人。步之三十六步，入神霄宮，朝真王。如此，九年功成，位入仙品。想金光罩身，一步一門，為金城吏。神光不見，兆步搯金城化身訣。中指掐大指中文，大指掐四指二伸。步之，跪入宮，坐念呪曰：
 天蒼北皇，我身升陽。步行魁斗，化身天罡。惡人口舌，刀兵水火。一切兇灾，悉離吾傍。神飛金闕，面朝真王。上對神霄，金光十方。急急如神霄王律令。


法曰：遇行法，畫地作壇，邪鬼兇神，不能侵入，以為福地。此乃三十六天境界，勤修功德，上升神霄天。其符，可持齋入靖。布之於地，想成金樓玉闕，分三十六門，自生金彩，玉光纏繞。祛邪，亦布地上，萬神不敢近也。

太霄清真保命品三十六天圖

高上三十六天，有三十六地，下鎮三十六壘。每有九陽梵炁，以應一年三十六炁。每十日一炁，上應一天有一帝，統治一炁。天仙神鬼功過，付於本天校勘。功者，列名本天。過者，囚於本天天獄。下者，三十六壘，皇君奏上神府，而究察也。子欲攝鬼神，以天符下告，召集皇君天神地祇，立到。付之子輪天圖，勿以亂泄。如有鬼神作禍，龍怪之灾，水火之厄，掐天目，以天符置下，望方呼召：天帝速到，急以遣之。欲召，先齋九十日，開度亡魂，以告付下，即得上昇。
 右，朱書黃上，以本炁布之。能治萬病，解和邪炁瘟疫，百神咸聽。

天目


東方九天 南方九天



西方九天 北方九天



三十六天之圖



三十六天符

敬皇天 道寂天



陽岐天 洞光天

紫冲天

玉靈天

清虛天

微果天

正心天

移神天

道元天

太皇天

玄冲天

極真天

梵炁天

輔帝天

玄宗天

歷變天

瓊靈天

左罡天

主化天

符臨天

保華天

定精天

青華天

景琅天

丹青天

神極天

安燁天

廣宗天

浩帝天

希玄天

慶舍天

天婁天

變仙天

昇玄天

服三十六符法

法曰：已上三十六天符，以碧玉書篆，黃金為函。高聖太真玉皇上帝，藏於神霄宮府，朱房玉室，瓊林紫石芝英寶閣，有太和玉女八百人侍衛，乃太初玄古之文也。萬劫一出，自然妙理。大帝紫字，神霄契賢之炁。東華上相青童仙君，封一道於三十六天及九霄宮內，流回萬劫而不滅，經億載而殊新。若遇者，宿挺玄名。能免三對之魔，不經五苦之劫。能超北嶽之魂，敕制萬神之令。上解七祖之魂，下散九陰之仇。學仙無此，徒苦精研，豈能自度南

軒。兆得爽靈，唯一化應。三十六符，不學自仙矣，禍考俱滅。可自受，自服，自吞，自佩，百仙書名，陰都削字。以淨室東，向九拜，叩齒三十六通，咽液七遍，呪曰：

高上神霄，大聖玉女。靈符度魂，保形衛神。三煉九成，六合自然。永離北酆，能釋萬苦。我身得度，玉府仙真。題名青簡，列位高皇。玉籙丹文，上生道仙。三光齊景，九帝同軒。得昇紫輿，上列漢天。福流七祖，同獲上仙。急急如高上神霄王律令。

右，念呪畢，朱書黃上，咽津二十四過，想五色雲霞遶身，遍身火光。以清水吞之。行此三年，帝仙下降。九年功滿，上朝神霄。乃掐上帝訣，取辰炁，書之，念都呪。向東南至誠禱祝，所屬天帝仙衆，乞降真炁入身。治萬病。若有凶邪，亦可書貼之。辟水火之災。


高上神霄玉清王府，分域之境，名曰神霄天。內有三十六天，每天各有龍神，與雷生善伐暴，罔不由之。有此符三

十六道，其妙隱祕，乃流金積玉成文。其文，可關聞冥曹水府，上達三天。每日吞之，百日，面有玉光，容有金霞。修之九年，雲輦自降。一符有一天主，三年可以昇玉府之中矣。

服三十六天符呪

神霄有命，五府受靈。服符通炁，耳目通明。

日魂符




日魂呪

日中接生，司命天君。九帝齊景，三光同輦。與我同昇，高奔三天。急急如神霄玉清王律令。

右符，左手二指上節，取辰炁，書之。日出，面東南，巽上，念日君諱。想日中金光，注筆成符。男子服之，百日，身生紫霞紅光，婦人服之，金玉成形，生貴子。

月魄符



月魄呪

月中方盈，月帝元君。八景羅列，寶光負形。身生玉液，內灌外清。急急如高上神霄玉清王律令。

右符，左手五指掐西文，取炁書之。月出，面西北，念月君諱。想月中玉光，注筆成符。下集千真注煉，身有玉光。


法曰：以日、月出，閉目，叩齒八十一通。面東、西，以黃白書，投水中。鼻引炁三十六口，閉炁吞符，以淨水盥漱，洗耳目，使兆面有金玉光，反老回童。治夙病。婦人飲之，生貴子。神水順行，百脉安然。爲之，日月高奔也。

高上神霄玉清王長生祕訣錄中

以甲子、庚申，書之於黃羅上。佩於左脅，萬神侍衛。非朝帝，不得佩之。如鬼神不伏，以籙火化，叩齒十二通，望東南，請真王，立到，萬魔克伏也。

高上神霄九陽梵炁

一陽混瑛琿瑋之炁




右符，冬至之日，夜半，面北，玄書蒼上。叩齒三通，呪曰：

神霄一陽，出自九天。混元軒輿，琿瑋微延。符鎮左腎，上昇玉軒。

法曰：左手無名指根，西北炁，吞之。九年，生皇芝玉英，白日飛昇，神遊金闕。

二陽泛華紫微之炁




右符，立春之日，丑時，面東北，玄書青上。叩齒五通，呪曰：

神霄二陽，出自九天。泛華太素，紫微微延。符鎮右腎，上昇玉天。

法曰：左手掐中指，取東北炁，吞之。九年，金光降身，役使萬神，紫皇生府

注名，位列仙公。

三陽天婁鳳車之炁




右符，春分之日，寅時，面東，青書青上。叩齒九通，呪曰：

神霄三陽，出自九天。天婁玉閣，鳳車微延。符鎮命門，上昇九天。

法曰：左手掐二指根，取東北炁，吞之。七年，夜有鳳雲玉車下詔，迎入神霄。

四陽中女辟邪之炁




右符，立夏之日，卯時，面東，白書赤上。叩齒七通，呪曰：

神霄四陽，出自九天。中女養光，辟邪微延。符鎮絳宮，上昇丹天。

法曰：左手掐二指中節，取東南炁，吹之。三年，身疾患去，萬邪不干。

五陽太皇微延之炁




右符，夏至日，辰時，面南，赤書赤上。叩齒十四通，呪曰：

神霄五陽，出自九天。太皇玉帝，微微延延。符鎮脾宮，上昇始玄。

法曰：左手掐二指辰文，取巽炁，吞之。五年，黃帝書名，百病不傷。以五月一日服之，制伏蛇蟲蜈蚣。虎狼猛獸，不敢傷人。並一年之中，百怪不侵，身有玉光。

六陽化真白灑之炁




右符，立秋之日，巳時，面西南，白書赤上。叩齒七通，呪曰：

神霄六陽，出自九天。化真入景，白灑微延。符鎮肺宮，上昇玉元。

法曰：左手掐二指甲下，取東南炁，吞

之。七年，活血補精，去白髮，變童顏不老。輕身體，有光明，萬邪不敢近也。

七陽絳實子光之炁




右符，秋分之日，午時，面西，白書白上。叩齒三十六通，呪曰：

神霄七陽，出自九天。絳實朱柯，子光微延。符鎮肝中，上昇太玄。

法曰：左手掐中指中文，取巽炁，吞之。七年，身反童顏，五府洞明，百血流凝。夜有神光萬道，百鬼萬邪，不敢近也。

八陽天真命仙之炁




右符，立冬之日，未時，面西北，玄書白上。叩齒五通，呪曰：

神霄八陽，出自九天。天真下降，玉券命仙。符鎮泥丸，上昇玉元。

法曰：左手掐無名指甲下，取西南炁，吞之。八年，天真降，察其功，注名仙曹，上昇神霄。

九陽太皇寂玄之炁




右符，正旦日出之時，面太陽，丹書黃上。叩齒十六通，呪曰：


神霄九陽，太陽九炁。八十得一，太皇玉室。寂入無元，上朝玉室。

法曰：左手掐五指指甲下，取太陽炁八十一口，舌書篆文，吞之。九年，身形解化，上朝玉帝。

神霄玉清大洞祕訣存化真圖錄中



書腦符呪
泥丸赤文，混洞君噓噓。吾奉玉清敕，速降元炁成。



發符呪

腦君泥丸赤文，混洞君噓噓攝。衆陽宗集，百會圖明。上全一體之元，下閏五官之府。

右符，白地赤書，掐辰文，取上方炁，書之。存神在其宮，放元光罩身。此符補腦，不頭疼，百日，諸神朝拱。叩齒九通，咽津三口，服之。帶佩以繒。

書目符呪

目通神光，君字玄真。吾奉玉清敕，速降元炁成。



發符呪

目君目通神光，君字玄真攝。明並珠璣，光無膜翳。塵昏不染，神識常清。

右符，白地青書，掐中指上文，引掐二指中，巽炁，書之。飲以清水，夜視百步有光，不患目疾也。

書舌符呪

舌神騰陽，君字正生。吾奉玉清敕，速降元炁成。




發符呪

舌君舌神騰陽，君字正生攝。丹君朱符，神號正倫。遠血肉之葷滷，參清真之妙味。

右符，黃地朱書，掐辰文，巽炁，書之。飲以清水，和百毒，生液津潤。

書心符呪

心神玄珠，君字玄玄。吾奉玉清敕，速降元炁成。




發符呪

心君心神玄珠，君字玄玄攝。天君安靜，火炁潛光。端一身，以無邪。鎮百骸，而處正。

右符，青地朱書，左手掐中指上節，取東南炁，書之。此符補心定志，神知神靈，預聞吉凶之事。服百日功成。叩齒九通，咽津三口，服佩任意。

書肝符呪

肝神青帝，君字孟先。吾奉玉清敕，速降元炁成。




發符呪

肝君肝神青帝，君字孟先攝。血臟爲府，木德肖形。當養目，以生明。不因邪，而忘怒。

右符，青書素地，掐卯文，面王方。服百日，存神放青光。益目，永不患眼病。補肝，壯骸，不老。叩齒咽津，佩服。

書脾符呪

脾神紫庭，君字延年。吾奉玉清敕，速降元炁成。




發符呪

脾君脾神紫庭，君字延年攝。輔心爲職，運食成倉。資道炁，以安寧。失天厨，而精進。

右符，白地黃書，左手掐中指中節，取中央炁，服之。存神在黃炁之中。能造化百物，永炁，去病。當叩齒，咽津，服之。

書肺符呪

肺神皓洞，君字李成。吾奉玉清敕，速降元炁成。



發符呪


肺君肺神皓洞，君字李成攝。金德所主，炁旺爲秋。名爲華蓋之尊，順適馨

香之利。

右符，黑地白書，左手掐四指中節，取辰炁，面西書之，存神放白玉之光。服之，永不患嗽疾、痰涎之患。

書腎符呪

腎神大淵，君字求都。吾奉玉清敕，速降元炁成。




發符呪

賢君賢神大淵，君字求都攝。為身之主，總命之元。居水府，以潔清。升離宮，而既濟。

右符，白地黑書，左手掐中指根，取北炁，存玄炁滿室。益精壯元，陽不倦，深根固蒂，生華萼。

書陰符呪

陰神續命，君字伯強。吾奉玉清敕，速降元炁成。




發符呪

陰君陰神續命，君字伯強攝。精神之祕府，性命之本源。長生清淨之緣，杜絕邪淫之念。

右符，黑地朱書，左手掐中指根，引上掐中節，取西北炁，書之，存神三色雲中。服之，令人五臟生華萼，活血生肉。

書胞符呪

胞神元常，君字秋夫。吾奉玉清敕，速降元炁成。



發符呪

胞君胞神元常，君字秋夫攝。生身之本，化形之初。藏元炁，以為神。翼命宮，而集正。

右符，白地朱書，左手掐中指中節，取東南炁，當三呼，服之。存神，存三色雲炁之中，混合百神皆在其身。

書胎符呪

胎君胎神含生，君字寅和。吾奉

玉清敕，速降元炁成。



發符呪

胎君胎神含生，君字寅和攝。天地所載，陰陽順宜。賦唱，演於萬神。懷生，成而有序。

右符，黃地白書，左手掐辰文，取元神之炁，向五方之炁，服之。存神三色雲炁之中。久而服之，能超凡入聖。

書結符呪

結神九華，君字彥遐。吾奉玉清敕，速降元炁成。




發符呪

結君結神九華，君字彥遐攝。縈迂曲折，盤屈周全。墜穢濁，以輕身。澄清馨，而潤體。

右符，朱地黑書，左手掐辰文，取元神炁三口，向東北，書之。服之，能滅念聚神。

書節符呪

節神香皓，君字空猷。吾奉玉清敕，速降元炁成。



發符呪

節君節神香皓，君字空猷攝。主司肌骨，聯絡筋骸。稟時序之推移，為元精之開膈。

右符，黃地白書，掐左手中指根，引上中節，取西北炁，書之。久主服華活血。當存神放大光罩身。

書血符呪

血神中幽，君字良弼。吾奉玉清敕，速降元炁成。




發符呪

血君血神中幽，君字良弼攝。通流一體，敷暢四肢。有運行之功能，絕壅滯之疾病。

右符，青地朱書，左手掐中指根，引上中節，向王方三呼。服之，百脉炁血無凝滯，百日成功，立有效驗。

書精符呪

精神元除，君字祝祝。吾奉玉清敕，速降元炁成。




發符呪

精君精神元除，君字祝祝攝。大形假托，元炁相資。將成補腦之功，永助養神之妙。

右符，青地朱書，左手子文，取正北炁，存玄炁，三呼。服之，百日功成，補虛損，益髓腦。

書炁符呪

炁神無央，君字毳毳。吾奉玉清敕，速降元炁成。




發符呪

炁君炁神無央，君字毳毳攝。散為剛正，生稟浩然。充四體，以安榮。盈百骸，而順適。

右符，黃地白書，左手掐中指上節，引掐下節，取辰炁，當三呼之，向西。服之百日，壯神益炁，不竭。

書神符呪

神神天生，君字靈父。吾奉玉清敕，速降元炁成。



發符呪


神君神神天生，君字靈父攝。以炁為相，以精相參。顯靈德，以居安。照身光，而自現。

右符，青地朱書，左手掐中指，取巽炁。服之，百日功成，神清炁爽，精

神和暢，無所不悅也。

書命符呪

命神正中，君字長生。吾奉玉清敕，速降元炁成。



發符呪

命君命神正中，君字長生攝。有生，則有像。有感，則有靈。知化形之多端，表人身之至貴。

右符，白地青書，左手掐中指上節，巽炁，當三呼。服之，百日功成，可以長生保命，超凡入聖。已上真符，當閉炁營神，掐訣篆符。服之百日，內外光明，照徹一身。存見百神混合，則大洞自明，長生，百神降身。勤而行之，坐視役使萬神，何所往而不可也。


神霄真形圖說

真形九炁，乃太陽八十一正陽紫霞玉光，聚琅結璘而成。九天祕禁，上帝威



重，不示下凡。非見玉帝真形，宿挺玄骨，刊注劫前。以白玉為地，黃金為文，佩之入山，惡人狼虎遠去。百里貴富，嚴重離刀兵水火之害，去非橫殘傷之厄。兆若有險厄，焚香虔告，真王差除厄大神十萬人，玉童玉女，衛兆一切之厄。自持佩之百日，山川仙官、六天神鬼地祇，迎送於子。九年，白日飛昇。常存真王，在兆天庭，預明未來。每日朝禮，想見真形。服之百日，上合天心，付自然長生之道。存之不死，服之不病。輕泄非人，萬神咸惡。子思祕之。

玉清王大洞將軍部



雌一將軍一萬人。雌一童君一萬人。



雄一將軍一萬人。雄一童君一萬人。





大洞將軍一萬人。大洞童君一萬人。




右法，各掐辰文，取巽炁，書符召之。侍衛法官雌一將軍執玉匱，雌一童君捧合，雄一將軍執斧，雄一童君執玉笛，大洞將軍執斧，大洞童君執旛花旗節。各着五綵衣，乘五色雲。此將極大，不可妄有驅役，招譴不輕也。每行雌雄守一之道，行持《大洞真經》三十九章，先用雌雄大洞童君將軍符六道。每服大洞符及三十九章符，燒召之，侍衛子之身。

黃室將軍一萬人。黃室童君一萬人。




白雲將軍一萬人。白雲童君一萬人。




隱道將軍一萬人。隱道童君一萬人。



真諱將軍一萬人。真諱兵士一萬人。




左上將軍一萬人。左上兵士一萬人。



右符，並皆金裝，雜色器械，各有一百二十人，皆乘綠綵之雲。役之，可向巽方存至，並掐辰文，巽炁。

右上將軍一萬人。右上兵士一萬人。




右二符，掐辰文，巽炁，燒符召之。一人若將軍，持幢一百二十人。一人若兵卒狀，執弓一百二十人。前部虎將一萬人。後部虎將一萬人。




右二符，掐辰文，巽炁，書符召之。存二將，並如將軍之狀，各仗劍，各一百二十人。

龍騎將軍一萬人。鳳車將軍一萬人。



右二符，掐辰文，巽炁，書符召之。龍騎將軍。貌若金甲科人，領金甲十萬人，乘龍鳳車。將軍執彩旗，乘鳳十萬人。

鼓吹部君一萬人。鉦鐃部軍一萬人。



右二符，掐辰文，取巽炁，書符召之。


神霄服大洞三十九章混合百神符法。凡欲修大洞三十九章符法，先書雌雄大洞童君將軍六符，燒召之。當存心淨室，整理三官，一形羅列，萬炁齊。并東向，叩齒三十九通。

呪曰

玉符靈音，理命長存。三洞寶真，玉華固根。三宮盈溢，上充泥丸。三十九節，結炁化生。變化成真，飛昇帝晨。拔度七祖，受生南軒。翱翔太玄，受度欣欣。急急如高上神霄玉清王律令。

咽液三十九過，便下筆書符。

混合百神符



右符，黃地紫書，內星是黑書。坐於符上，然後，誦前呪，服之三十九章符也。

高上神霄玉清真王紫書大法卷之二

高上神霄玉清真王紫書大法卷之三

大洞微妙

敕曰：大洞真玄洞章飛空祕符，當於是日清旦，丹書青上，以清水服之，心神自寧。每甲子、庚申、本命、八節、吉日，依上法書服之。凡人穢炁，服之百日，長生神靈，降於兆身。用此治病，無不感應。

呪曰：

玉符敕鎮，大洞自明。白雲海布，大洞將軍。結隨符散，病逐水寧。長生神仙，靈神降身。急急如高上玉清太和王律令。

右法，再取天門炁吹符，有大洞雌雄黃室白雲將軍、童君，各一萬人保之。不得妄泄，祕禁甚重，察子之過矣。

變景混化神將妙法

凡欲朝元入靖，步飛空罡，面北，以淨席一領，酒菓各一分，叩齒九通。五臟


百關，出白炁鬱鬱。良久，炁變化作雌一將軍、童君一萬人。又存五臟百關，出黃炁鬱鬱。良久，炁變化作雄一將軍、童君一萬人。又存五臟六腑、三田中，有金室玉戶，出紫炁，化作大洞將軍一萬人。又存泥丸黃室，乃下元黃庭中，出黃炁，化作黃室童君一萬人。又存鼻中出白炁，作白雲將軍。又存耳中聞童君言語，鳴羅擊鼓，聲振天地。良久，入泥丸中。金宮，見萬萬人馬，化爲一寶珠，光如日月。自己以口吸吞之，入下丹田，化爲一小兒，如初生之狀，見三尸五慾之神，從玉莖中走出。吸炁一口，納入心中。良久，心中出大光一道，自口出，化隱道將軍一萬人，張弓舞劍，斬三尸首落，化爲真諱童君。閉目，頂中出白炁，并將軍吏兵。又化身作自己形，乘白雲。以口呼左右吏兵，上詣玉府，面禮玉皇。次諸將等，化金光，一時吞下，方作此法。欲召神役使，先書招真致神符，及召功曹主者合干吏兵，大妙也。

掌訣




太微罡

出神飛空罡



天圓地方罡



大洞五炁混合部

默坐思神，拘制魂魄。守定丹臺，咽津和炁。五神混合，俱朝元始。邪不干

正，萬病不生。精鎖命門，永壽無窮。長生久視，皆在天堂。

太一尊神，在泥丸宮，口吐日月光。天蓬亦如小兒。司命如己，丹衣金冠。桃康如己，黃衣。泥丸公子，青衣，如王公。白元尊神，白衣，如王公。兆若心不寧，恐災來，左手撫心，呪曰：中央司命天庭君，續弟子命，以金繩，使臣千秋萬春無窮。呪之七遍，不寧之病即愈。

薰病呪


太一尊神，務猷以歸。却滅百病，蕩除邪穢。呪之七遍，炁不和，精不育，即愈也。

久養精胎，有春秋感思之動。恐液漏失禁，存桃康，握天皇象符，呪曰：命門桃君孩道康，合延精炁朝泥丸。敢有妖邪干正法，流金擲火衝洞房。即免漏液之患。忌帶葷血腥穢。治百病，育精神。誦呪定炁，則神清炁爽。

惡夢邪試，祝魂名，存五神覺，而呪曰：大洞真王，張鍊三魂。第一魂，速拘七

魄；第二魂，速守泥丸；第三魂，受心節度，速啓太上三元君。凡遇不祥之夢，七魄遊尸，東協邪源，急召桃康護命，消滅惡根，反凶成吉，生死無緣。即閉炁，非夢並無也。

去三尸法



右符，甲子、庚申日，朱書。人定時，服之。七次，尸蟲自出。又旦夕二時，以左手撫心念呪，則不能爲害。呪曰：

九天上帝，四門八靈。七政二玄，三素九青。太一桃康，上詣三清。請告帝君，攝念黃寧。夕召七魄，朝呼三魂。伏實神爽，若有不祥，七星神兵，但呼真靈。流濁煉形，斬滅邪精。三神和柔，血尸沉靈。神歸絳宅，觸向利貞。使和神仙，長保証靈。急急如高上神霄玉清王律令。

又一本呪

九天玉帝，四清八景。七晨二玄，三素九宿。太一太微，上詣帝一。桃康合

延，請召三魂。上詣玉霄，神皈金官，蠲除不祥。敢有拒逆，火甲揚兵。神仙使我，長保元年。急急如高上神霄玉清真王律令。

玉液鍊身大洞真人法

先以庚申日出時，叩齒七十二通，取東南玄黃二炁，入下丹田中，變一嬰兒。念呪了，以舌拄上腭，攪口內外，玉液自生，漱滿，咽入胃上嬰孩口中。其神在心下，帝君開目，方致之。十日，面出玉光，體去皮皺，百病不生。呪曰：

太一帝君，司命真人。韓府鍊神，南宮受名。三台凝華，及我始生。玉灌金津，金返青真。白日飛天，上詣玉君。急急如高上神霄王敕。

元始天尊賜神霄天官南昌鍊身法

天靈天靈，付我元神。離本少病，坎無形神。斬邪百關，蕩炎一真。我使欽德，天宮水青。烹鍊用火，炙成胎宮。我行此法，火光流形。五帝衛我，昇入帝晨。急急如南昌韓君丈人律令。


右法，六陽時，面南念呪。吸炁一口，咽之，三七爲度。

拘制三魂法

法曰：每月三日、十三、二十三日，是夕，三魂棄身遊外。攝之者，當仰臥，去枕，伸足，交手心上。瞑目，閉炁三息，叩齒三通。存心中有赤炁，如鷄子從內出於口中。其炁如火，覆身周匝，覺體少熱。呼三魂。呪曰：

太微玄宮，中黃始青。內鍊三魂，胎光安寧。神寶玉室，與我俱生。不得妄動，監神黃庭，太靈守衛。若欲飛行，惟詣玉清。飢兮渴者，吞飲玉晶。急急如太一真人三台玉皇敕。

制魂符



右符，叩天鼓七十二通，白書二上。又一符，鳴金鍾三十六通，朱書黃上。又一符，鳴玉磬二十四通，黑書白上。

制魄法

每月初一、十五、三十日，小月二十九日，七魄流蕩，交通鬼魅。制魂還魄之

法，此日，仰臥伸足，以掌掩兩耳，令指相按於頂上。瞑目，閉炁七息，叩齒七通。心存鼻端，白炁如荳大，已覺須臾漸大，冠身上下九重。忽變成兩青龍，在兩目中。白虎在鼻孔，朱雀在心上，靈蛇在左足，蒼龜在右足。下二女，着錦衣，手把火光，當兩耳門。咽津七過，呼七魄名曰：尸狗，伏矢，雀陰，吞賊，飛毒，除穢，臭肺。呪曰：素炁九還，制魄却奸。天將守門，嬌女執關。鍊魄和柔，與我相安。不得妄動，看察形源。若有飢渴，聽飲黃丹。

臨卧呪曰

臨卧之時，當出四獸衛身。

青龍出吾肝，在吾左。白虎出吾肺，在吾右。朱雀出吾心，在吾前。玄武出吾腎，在吾後。汝等四獸，磨牙利劍，在吾左右前後，辟却衆邪惡鬼，遠去千里，不得妄來，干吾玉房。寢卧安穩，無惡夢魅。急急如律令。

存神呪

肝主藏魂，肺主藏魄，心主藏神，脾主藏志，腎主藏精。青龍還吾肝，白虎還

吾肺，朱雀還吾心，玄武還吾腎。黃龍鎮吾脾，以爲實腹。衆邪惡鬼，不得下居。急急如律令。又法。卧時，以手撫心上，祝曰：天靈節榮，願保長生。五臟君侯，願且安寧。男官念七遍，女官念二十四遍，令人長生無疾矣。

攘惡夢法

遇惡夢不說。旦以水面東噴水。呪曰：惡夢着草木，好夢成寶玉。

安五臟法

常以月晦日，人定時，北首卧，以左手撫心上。呪曰：五臟之君，道德之神。日君月夫人，皆共守真人某甲之身。男官念七遍，女官念二七遍，延年益壽矣。

出行法

凡欲出行，常存斗罡在頭上，默念，勿令輟。令人不逢鬼魅，所向皆吉。若欲征戰，宜存斗柄在前，以指敵，大吉也。呪曰：乾元亨利貞，急急如律令。

降魔法

凡睡卧之中，或行幽暗之間，或遇頑惡鬼崇作怪者，即正身心，除去雜念。呪曰：

於一毛端，現寶王刹。坐微塵中，轉大法輪。滅度合覺，披塵勞內。汝妙覺中，如風吹火。如刀斬水，了無相觸。汝如沸湯，彼如堅冰。煖炁漸鄰，不日消殞。

安耳鳴法

若耳鳴不止者，當心呪曰：神在，神在，神在。

除睡神呪

唵吉帝伊帝毗伽那羶帝婆陀娑婆訶。

右，法師左脚上床，叩齒七七通，令人不睡。兼更行持，修養極妙。

去灾厄法

法師於日夜睡卧間，恐有灾厄時，及遇三灾九厄，應作是言。呪曰：

我以天為父，地為母，吾居其中，常如赤子。日為功曹，月為主簿。雷公電母，在吾左右。風伯雨師，在吾前後。六甲直符，周匝圍繞。青龍扶吾左，白

虎侍吾右。朱雀導吾前，玄武從吾後。

北斗覆吾頭，天罡指吾手。騰蛇在吾足，為吾滅殃咎。吾居丹房中，太乙為吾偶。左三右七，戴九履一。二四為肩，六八為足。吾居其中，以為實腹。今敕千鬼萬神，各還本位。當吾者死，背吾者亡。速出奔逃，隱匿沉藏。天丁力士，斬煞不祥。急急如高上神霄玉清真王律令。

此呪，可辟百邪及五瘟之鬼，遣一切無道鬼神。行法之師，於淨室中，常當存想誦之。

還神法

每月十五日並晦日，先以意言：神乎，神乎。然後，以左手撫心乳，密呪曰：神乎，神乎，居我之宮。入我之殿，從我而處。與我言語，無復離己。黃炁守中，而變化成神也。照呵照呵，急急如律令。

右誦三遍，則神守形，百邪眾病，不得入也。

明目法

當以鷄鳴時，存目中各有一人，長三

寸，黑衣而立。當敬念呪曰：

左日右月，復成玄朗。令人洞視，萬里外事。念三七遍。或有患者，宜令不輟矣。

自解憂愁法

如師目矚，耳鳴，心動，面熱，意中陰憂也，必有憂患事。當默念呪曰：司命通天真人，續某命以金繩，使某千秋無窮。念三遍，即止。

梳頭髮不落法呪

泥丸之上，玄華寶精。左為隱日，右為月根。今日精鍊，百神受恩。祝了，却使梳櫛，髮永不落。通神明矣。

洞觀部



右符，歲除夜，黃紙黑書。佩之，應有急厄即解。



右法，黃地朱書。半夜子丑時，吞二

次。有神功，咽津閉炁。一月內，任使六丁。自然心知吉凶，當預報也。

六甲真諱

尙願
咄咄載拱護
鬼鬼鬼鬼鬼鬼

右法，春面東，夏南，秋西，冬北，子後，午前。正坐，叩齒三十六通，閉炁念呪，漱津九口。百日，面有玉光，百神護身，凶吉當預知也。

北斗七星真諱

斗夕
鬼鬼鬼鬼鬼鬼
鬼鬼鬼鬼鬼鬼

右法，朱書，納竹筒中，蠟塞，置雞窩中，同抱七七日，以東流水吞之。心神開朗，日誦萬言。

南斗六星真諱

高旨
鬼鬼鬼鬼鬼鬼
鬼鬼鬼鬼鬼鬼


右法，以黃紙書符，燈上燒，看有紫雲異香，燈中有白衣披頭仗劍神人

見者，凶；仙服冠簡者，吉。可回死起生。忌孝子、師僧、鷄犬、女穢、不祥。以法吞之，除精邪，保命延生。

上清妙行真人輔正破祟符

兆入淨室，存神，取天地日月五方炁，吹筆書符。大事，用丁甲某，奉請某神，依敕攝降真炁入符，為某行某事。呪曰：

北斗靈童，一呼百應。太一通靈，一呼百應。法師呪七遍，吹彈在水中，與患人吞服。




取五方
炁入符

五星靈應帝君，和合某人年命。急急如元始天尊敕本師真君律令。

書符一道，頭上帶。再書三道，吞。至夜，書一道。五色紙錢，代人一身，用茶酒七分，於露天，望北斗衆星之下，置香案燈燭，如法供養。法師並齋官，具說平生所犯意。默奏北斗玄穹上帝、北斗七元星君、左輔右弼星君、北斗中神仙將吏。某為


父母染患日久，並公訟在獄，未能平息，遂將某年命壽筭，保護父母壽命延長。禱祝畢，於北斗下燒五色紙錢，代人一身，並獻錢狀。如此，每月三次首罪，方得吉利也。三日為一筭，一年為一壽，十二年為一紀。



金玉
甲上
貴人

丁甲日反
覆七次
呪靈驗

右師行持睡時去處逐夜卧斗候報應之法。




淨室布形，席上步罡，卧之。念斗呪，存身為白鶴仙人，仰斗候天旨。臨睡時，又念大護身呪。受大法之士，逐日存神，誦十遍，乃至千萬遍，其功不可具述。呪曰：

大帝降，凶惡覃，恩出上清九天。排仗送五嶽，列班迎萬里。風雲合，千山草

木平。雲頭過北海，兩脚徹南冥。黑殺爲中禁，天蓬建御營。靈官持玉印，太一捧金精。坐震騎朱虎，先鋒跨大鯨。電光飛猛火，雷鼓振天廷。號令傳三界，誅罰用六丁。素皇稱豁落，童子進開明。地網周回布，天羅合作兵。火輪紅焰起，羽蓋碧煙生。擺撼乾坤動，飛騰宇宙驚。炁吞滄海竭，力壓泰山傾。虎應庚辛白，龍隨甲乙青。斬滅顛狂輩，消除惡毒癘。下鬼並狂孽，何勞苦戰爭。群妖今日盡，萬鬼速逃形。急急如玉清上帝靈命，不得有違。誦呪三遍，取東北炁，吹吾左右。左手掐玉訣，叩齒三十六通，書此呪。令人持歸，同金錢雲馬，於中庭焚之，驗捉鬼神惡祟也。

解穢符




諸行法官，出入行持，經過之處，或有喪家、厭穢、臨產之室，並猫犬六畜一應厭穢，回壇靖，當用此符燒

灰，淨水調，向東南取炁一口，三呷之。當誦玉帝呪曰：

神靈天真，玉液元津。上清華房，元始老君。妙入太霞，光耀玄文。七神飛泉，北酆受煙。我位上王，逼合鬼群。八威吐火，肅侍尊神。千千去穢，凶惡不存。萬萬魔王，保命護形。急急如律令。念三遍，掐玉帝訣，名三境呪。

解穢淨身符



念淨天地呪，取東北炁，呪筆朱書，燒灰於水中，誦呪。再取炁，吹水中。法官，三甲、外人用法，水三呷之。

呪曰：

天地運行，日月之精。光徹四海，斷絕妖精。厭鬼伏寧，身有光明。神光既作，萬穢肅清。敢有不伏，送汝天丁。急急如律令。

建壇式

凡建壇，坐北面南，設三師位。中設上真位，左設神將位，右設法師位。更設天師一位，一邊置印匣。桃枝洞案前，置水一甕。壇中心，用鏡劍安之。

行禁式

凡欲行持，入室，先念淨身呪，次念淨天地呪。畢，次念入戶呪。存想功曹神兵，從空而降左右。掐二指上節，禹步斗。望東南取炁，左吹右吹。存自己爲真王，左右前後四靈。左日，右月，五星在頭，二十八宿圍繞。神霄神府，立師之左右，如密霧。次存見真王、青華、韓君三師，在東南五色慶雲之中。三台丁步了，香案前，以左右手按心，叩齒三通，存香中有九色雲炁，上衝九天。祝曰：

天朗炁清，三光洞明。金房玉室，五芝寶生。玄黃紫素，來映我形。玉童玉女，爲我致靈。九炁齊昇，三光同軌。上浮紫蓋，昇入帝庭。急急如律令。

次上香啓白：

具位臣某，香焚寶炷，法出天文。發金爐，而瑞炁凝空。散玉煙，而祥雲作蓋。應感斯，須以鑒。虔祈靈真，下降響答。行持，恭以道香、德香、無爲清淨香、自然香、妙洞真香、靈寶慧香、超三界香、三境真香、滿瓊樓玉京遍周天

法界香，供養三清上帝、十極高真、祖師高上神霄玉清真王長生保命天尊、宗師高上神霄玉清王青華救苦太一、福天尊、真師九天益算司命好生可韓君丈人保福天尊、東西華臺仙卿、左玄真人、驅邪院使、神符總監、統兵二大將軍、雷部諸大將軍、神符吏兵、功曹使者、一切主宰、願降真炁，入臣筆法之中，書符攝鬼，大降威靈。臣冒瀆天威，罪當萬死。臣誠惶誠恐，稽首頓首，再拜謹言。如奏事於一切主宰下，入事如意奏之。

祝畢，念都呪一遍，取炁，吹筆上，大卓筆三下，便下筆書寫。不得與人言語，不然恐勞神。只用黃素朱書都呪一道，入於筆管中。每遇三九日，取炁三口，入筆管中。凡書別用，不可用此法筆。

凡治病人家，帶真形圖，當心步斗了。次將分域圖布地上，想成真金玉闕，左右前後，分三十門，各生金彩，玉光纏身也。然後，左手掐辰文，書召功曹符一道，於巽上燒之。召至祝事，當高聲

云：與吾火急勾集本府靈官、功曹、將軍、童君、玉童、玉女、吏兵等衆，只今嚴裝威儀，一合下降，當府有事指揮。急急如律令。

存上件主帥，皆在五色慶雲之中，身着五色雲錦之衣，皆執新器械。便將左右總監壇符、將軍符燒。祝之云：與吾統兵，隨吾前去某人家，擒捉鬼神，附體通說姓名。疾疾。如要別用，則入事，如意用之。


祝將遣呪

吾奉皇天睿命，玉帝頒符，授吾法職，掌管神霄玉府，賜吾九錫、十賚、八威之冊、丹霄之輿、龍文鳳璽、《紫素》之書，輒告萬神，莫敢干吾。五嶽四瀆，隨吾指呼：敕某神將，前去某家，爲某事，奔風火急，不得停居。千妖萬魅，受命須誅。明回報應，言功玉虛。三界之內，誰敢當吾，神劍屠戮，威兵疾馳。吾在壇前，執劍相待。疾疾。急急奉高上神霄玉清真王天尊律令。

攝邪治崇附體法

凡治病，一到人家，左脚踏門。存成玉


城金闕，便步藏身斗。右手掐斗印，左步念陽斗名，右步念陰斗名，剔斗蓋身，便急急護身呪。方念病人，然後，次第行持。



護身呪

北斗七王星，大聖感通靈。三台佐前後，覆護我身形。急急如高上神霄玉清真王律令。

火罩符



炎靈炎靈，火帝之精。流火萬里，鬼滅無形。噴天豁清，嘔地永寧。嘔人長生，嘔鬼滅形。暫離寶殿，火罩之靈。奉請南方大火輪將蓋興，放三昧真火，爲吾罩定。疾疾。

右法，結大火輪印，中指中文。存一人形，若將軍狀，乘真火，領火兵十萬人，前後罩定，病人家皆在煙火中

也。

入門法

神霄玉清，十萬天丁。急捉邪祟，押入酆城。追魂攝魄，交付患人。與枷與拷，與捉與擒。一依敕命，附體通名。疾疾。

右法，掐辰文，巽炁，想天丁力士驅祟至。若未至時，則用迷魂呪。


迷魂法

依法書本命靈官符一道，於患人足下燒之。存靈官絳霄，衣九梁冠，至病人頂上。呪曰：

吾奉神霄玉清敕，急把某人生魂與吾監守，不管疏失。疾疾。

又呪曰：

天昏地昏六神昏，靈官戴佐，與吾速昏。



大捉法

先步斗，將患人立於斗中，四圍，存神吏圍繞定。以總監大將軍、統兵大將

軍符二道，於患人脚下燒之。呪曰：

神霄玉清王敕：召總監大將軍、統兵大將軍，速至壇所，隨符收捉邪祟，急付人身，通說姓名。急急如高上神霄真王律令。

右法，辰文，取正北炁，想至。再取神霄炁，吹頭上。如附上，再念之。未上，再呪催之。

神霄玉清敕命：謹召玉清神霄王府某將，隨符所敕，急便驅祟附體。疾疾。

右法，掐二指上節，本炁，存二大將軍在左右。

縛枷拷

但依法書歷黑符，依法取炁，祝某事祝之，於病人足下燒之，大妙。

照法

法曰：令一童子，立師右邊，閉目，用濛魂呪：

飛魂飛魂，急降頂門。生魂生魂，急出頂門。疾疾。

右法，念呪三遍。左手掐亥至卯，取神霄炁，吹之於足下，燒本命靈官一道。次念開光驅鬼。

呪曰：

神霄天丁，靈官將軍。急驅冤魂，對病現形。如背體時，付患人身。疾疾。

右法，念呪三遍，左手掐辰文，東南炁，吹之三次，令童子出炁，吹之。然後，開眼看。

神霄天丁，靈官將軍，急驅冤魂如水中，水中。如火中，火中。現形。疾。或云：對病現形。

移降法

若小兒言語不得，令乳母代之。令親人面對病人，吹炁三口。法師以右手天丁印，直中指虛空，歷黑符一道。本呪，左手金鎗印，指病人高聲召：歷黑大將軍，與吾急降。存金甲，面紫赤色，執斧，乘黑雲。須臾，黑炁遍滿在前。呪曰：

天元寶籙，太甲易形。號黑、歷黑，速依吾命，移祟降靈。吾奉真王敕，與吾騰魂附體，不得疏失。疾疾。


號黑、歷黑二大將軍，或遣罩鬼神。此符燒灰，自吞。並書召至使喚，大妙。想二大將至面前，黑雲罩定自身，或罩

鬼神。但常常思之，而大妙。書符念本呪。

召霹靂號黑大將軍呪


純水真精，黑帝降臨。天符銳劍，威攝萬神。衆魔拱手，萬邪潛形。急急如高上神霄玉清真王律令。

符形




右法，東南炁，存號黑大將軍錢雄飛，面短，紫赤色，大口，手仗劍索，吹之。病人見，天昏地暗，不分人鬼晝夜矣。念呪救之，神霄天庭內外、神獄、龍圈，啖毒斬邪鬼哭，散雲歷黑，遍徹幽府。號黑將軍使者，急速天昏日暗，地閉陰黑。怪龍失光，鬼妖滅目。一到吾壇，火鈴急速。急急如高上神霄玉清真王律令救。

雷火歷黑大將軍符




救召號黑歷黑大將軍與雷轟轟。



韓司救下，下降急降，速下九天。



陽晶陰凝，天地暗晦。一罩神昏，二罩鬼迷。急急如高上神霄玉清真王律令救。



右法，書雷火歷黑符，用東陽桃木，長二寸，闊二寸六分。變神步罡，取雷火炁，吹筆書之。訖，以呪救之，安鎮中庭。鬼見雷火霹靂，疾走千里，永斷不祥也。又符，黑書青上，帶之。臨事而燒，乃黑炁不見也。吞之，解吐，治蠱，下死胎。其神，面紫赤色，醜惡，執大斧，乘黑雲。

高上神霄玉清真王紫書大法卷之三

高上神霄玉清真王紫書大法卷之四


雷部文 自投法

召二十一將軍呪

神霄玉府，霹靂總真。結化之炁，九陽成文。上領雷將，下攝吏兵。無幽不伏，無神不遵。驅雷逐電，總攝萬神。駕車萬乘，從法天丁。玉清雷長，左右領軍。火猪黑犬，四聖使臣。尋龍捉魔，聞請降臨。吾奉高上神霄玉清真王，召某將。急急如律令。

右法，左手掐辰文，取巽炁，望巽方召之。

八方追捉將閻青，從官一百二十人仗劍。九天太微南陵驅鬼將滕啓下。



逕


右法，掐子文，面巽取炁，書符。於患人前，或法院中燒。亦可存神將，緋衣大袖金甲，天丁冠，乘五色雲而

降。祝曰：

吾奉玉清真王敕，召八方追捉將閻青，與吾火急捉縛鬼崇，付病身，通說姓名。疾。

上下急應將楊順，從官一百二十人。

九天太微南陵縛鬼將冀葆。




華

右法，掐辰文，面巽炁，吹之，書符燒。存神將皂衣金甲，披青髮，仗劍而降。祝曰：

吾奉玉清真王敕，召上下急應將楊順，急速前去，攝某身中應有狂邪鬼賊，疾捉附體。疾。

五方遊奕將馬順卿，從官一百二十人。

九天太微南陵枷鬼將于子賢。



極

右法，掐辰文，取巽炁，書符燒之。存神將天丁冠，黃衣大袖金甲，仗劍，乘火雲而降。取炁，剔印，吹之。祝曰：

吾奉玉清真王勅，召五方遊奕將馬順

卿，急速於三界之中、十方之內、四維上下，追攝搜捉某身中應有一切為禍狂神鬼崇，攝付病身，通說姓名。疾。

提頭伏鬼將呂昇，從官一百二十人。

九天太微南陵拷鬼將武崑國。




天

右法，掐辰文，取巽炁，書符，於巽上燒之。存神將狀若力士，着紅錦衣，乘黑雲而降。祝曰：

吾奉玉清真王勅，召提頭伏鬼將呂昇，與吾急速攝伏惡鬼，付病身，通說姓名。疾。

九天司命伏邪將高文，從官一百二十人。

九天太微南陵押鬼將胡阜易。



正


右法，掐辰文，取巽炁，書符，於巽上燒之。存神將緋衣大袖，頂三梁冠，金甲執戟，乘五色雲，從吏一萬人而

降。祝曰：

吾奉玉清真王勅，召九天司命伏邪將高文，與吾準令，隨符前去，驅攝某身中應有一切鬼崇，速見真形。疾。

九天司命感應枷鬼將李順，從官一百二十人。

九天太微南陵燒鬼將許仲璉。




弼

右法，掐中指中文，取辰炁，書符，於患人足下燒召之。存神將黃包巾，緋衣大袖，把枷，從空乘火雲而降。祝曰：

吾奉玉清真王勅，召九天司命感應枷鬼李順，與吾準令，速枷為禍邪鬼，不得容情，準令速行。

九天司命驅邪將何吉，從官一百二十人。

九天太微南陵冰鬼將渾部遲。




皇

右法，掐辰文，巽炁，書符，於上燒召

之。存神將緋包巾，黃衣，執雙刀，乘黑雲，中有火，從巽上而降。祝曰：


吾奉玉清真王勅，召九天司命驅邪將何吉，與吾隨符前去某家，不問親疏，火急驅某身中一切為禍鬼崇速離。患家所有某仰，只今安樂，準令奉行。三界搜捉將趙真，從官一百二十人。九天太微南陵遣鬼將勒注光。



右法，掐子文，辰炁，書符，於巽上燒召之。存神將皂衣鐵冠，面黑大眼，仗劍，乘黑雲，天門而降。祝曰：


吾奉玉清真王勅，召三界搜捉將趙真，隨符前去，三界之中、十方之內、四維上下，追搜尋捉某身中為禍鬼崇，驅付病身，速捉附體。疾。

感應枷鬼將姚明，從官一百二十人。九天太微南陵收魂火鈴神馬真。




右法，掐中指上節，取巽炁，書符，於巽上燒召。存神將力士狀，皂衣而降。祝曰：

吾奉玉清真王勅，召九天拷鬼將杜興，手執鐵棒，考鬼通名，不得容情。疾。蓬頭縛鬼將柳文，從官一百二十人。九霄玉京輔弼大將軍杜令文。



右法，掐中指根，取巽炁，書符，於巽上燒召。存神將三梁冠，面赤，大眼，着青綉衣，乘紫雲而降。祝曰：

吾奉玉清真王勅，召蓬頭縛鬼將柳文，吾今差汝，火急速縛某身中為禍鬼崇，勒押出界，不得有違。疾。斬鬼滅形將伊德，從官一百二十人。八極仙都統管捉鬼將王方平。




右法，掐中指甲下，取辰炁，書符，巽上燒召。存神將着緋衣大袖，面黑，

大目，朱髮，藍身，乘猛獸而至。祝曰：

吾奉玉清真王勅，召斬鬼滅形將伊德，與吾前去某家，收捉某身中為禍鬼崇，不問親疏，誅斬碎滅其形，不得亂有故違。疾。


本命靈官將戴佐，從官一百二十人。九天大力天丁枷鬼大神李雲。



右法，掐子文，取北炁，書符，於艮上燒召。存神將貌若靈官，面青白，怒目，從空中而至。祝曰：

吾奉玉清真王勅，召本命靈官將戴佐，與吾監守某身中生魂在吾壇所，不得有違，準令奉行。

火輪燒鬼將蓋興，從官一百二十人。九天大力天丁拷鬼將嚴開天。




右法，掐中指上節，取東南炁，書符，於患人面前燒召。存神將貌若將

軍，手擎火輪，仗劍，踏火車火雲，從東南而至。祝曰：

吾奉玉清真王勅，召火輪燒鬼將蓋興，與吾放三昧真火，燒滅鬼神。病人安痊，魂魄安寧。疾。

三天直符報應將孔達，從官一百二十人。


神霄五雷追鬼將蔣道昌。



德

右法，掐辰文，取巽炁，書符，於巽上燒召。存神將朝天幘頭，緋抹額，着紅綉衣，仗劍，乘五色雲而至。祝曰：

吾奉玉清真王勅，召三天直符報應將孔達，與吾隨符前去某家，計會六神某，所得患吉凶，火急分明報應。疾。都統將仇香，從官一百二十人。九天大力天丁縛鬼將蔣白政。




疆

右法，掐二指上文，取辰炁，書符，於

辰上燒召。存神將九梁冠，面紫赤色，着黃衣，月斧，乘五色雲，從東南而至。祝曰：

吾奉玉清真王勅，召都統將仇香，與吾前去某家，統制兵馬先去。監勒司命等神，收捉邪祟，勒押前去，依法推勘施行。疾。


三天直符將胡進，從官一百二十人。九天大力天丁燒鬼將鄧宿。



雨

右法，掐中指中文，取東南炁，書符，燒召。存神將貌若直符，着黃衣，帶劍，從巽上而至。祝曰：

吾奉玉清真王勅，召三天直符將胡進，與吾前去某處，報應某事。疾。直日提舉將蘇昇，從官一百二十人。神霄五雷枷鬼將闕世寧。




電

右法，掐二指上節，取巽炁，書符，於

巽上燒召。存神將貌若力士，緋衣，仗劍，乘雲，東南而至。祝曰：

吾奉玉清真王勅，召直日提舉將蘇昇，與吾常切提舉本府將帥，務令嚴肅列陣排兵，候當職前去某家內，收捉狂神鬼祟，務令蕩滅，不得有違。疾。


直壇聽喚將趙元真，從官一百二十人。神霄五雷縛鬼將魏普衍。



雲

右法，掐辰文，巽炁，書符，燒召。存神將三梁冠，着紫綉衣，仗劍，從空中而至。祝曰：

吾奉玉清真王勅，召直壇聽喚將趙元真，與吾火急追某將詣壇，有事指揮。疾。都管大統兵將祖成，從官一百二十人。神霄五雷拷鬼將安思順。




滿

右法，掐二指上節，取巽炁，書符，燒

召。存神將貌若正一功曹，仗劍，乘雲而至。祝曰：

吾奉玉清真王勅，召都管大統兵將祖成，與吾點檢兵馬，前去某家，治病除妖。不得疏失，罪有所歸。疾。

押隊天丁將劉祖道，從官一百二十人。神霄五雷斬鬼將萬志忠。



野

右法，掐二指上節，取辰炁，書符，燒召。存神將貌如力士狀，着緋衣大袖，把大刀一口，從虛空而至。祝曰：

吾奉玉清真王勅，召押隊天丁將劉祖道，與吾點對兵馬，押隊前去某家。排列隊伍，不得有違。疾。

右雷文二十一道，乃東震長生大君二十一炁主者之異名也。如久病不安，焚香念呪書之。炁、訣並是異戶。呪曰：

東方震靈，雷文速行。擲火擊鼓，來入吾符。救護羣生，急急速速，不得留

停。急急如高上神霄玉清真王律令。

遣九天雷文將軍呪曰：

神霄神將，洞淵之神。南斗火官，北極將軍。九天力士，聞吾召請。得汝真形，斬捉邪精。急請降臨，奉勅斬鬼。搜捉邪精，斷絕死門。速召速捉，邪鬼付身。與攝與考，與枷與擒。執縛緝吊，隨吾令行。一時不到，罪在汝身。急急如高上神霄玉清真王勅。

右法，左手掐大神府訣，中指指甲下。右手掐本將訣。遣之。

法曰：此九天雷文，濟生度死，各有告文。凡一切事務，並驗。若小兒驚風，用朱書黃紙，作丸子，吞之。蟲蠱注害，用鬼白煎湯，吞之。關告冥曹，燒化告下，即時開泰亡爽，勅曰：書符給付所司逐州城隍，亦能鍊度登真。世人罪厄，佩之，悉皆解也。

斬妖蜃鐵劄告文

高上神霄玉清王府門下行司：

當府據鄉貫入事，須至行遣者。

雷文

右，謹奉神霄玉清王勅下，九天斬龍驅

龍使者雷文二十一將軍、霹靂將軍，隨上帝符命告下：某河即時用召猛威生，長索罡刀，處死怪龍。不得久停，一如告命，時刻奉行。

太歲 年 月 日吉時告下。

具法位 臣姓某，奉行。

治邪檄文式

高上神霄玉清王府門下行司：

當府據鄉貫入事，須至行遣者。

雷文

右，謹奉真王勅，召九天雷文神將從官等，各仗寶劍，徑至地頭。但是今來，抗拒符文，一切魑蜮精魅，頑惡鬼神，並請寸尸萬段，滅影消形。所有從者，押赴天獄，依律治罪。仍使一境肅清，皇民安泰。急急如高上神霄玉清王府門下行司律令。

太歲 年 月 日奉神霄律令奉行。

具法位，臣姓某。

關地府赦魂式

高上神霄玉清王府九天雷文告下某處。

雷文

右，奉神霄符命，南昌真勅。韓司赦罪，鍊度玉符。保質澄神，登真度命。開泰幽關，釋放亡爽。超度丹室，萬神乘天。百魔歸位，王道正行。玉府請制，天憲一臨。神祇秉敕，一如告命，風火驛傳。

太歲 年 月 日吉時告下。

具法位，臣姓某。

五方雷神

東方，第一正將，李文惠。副將大夫，侯簡宜。神將着青衣金甲，部領東方吏兵。

南方，第一正將，楊敕政。副將，劉立。神將三頭四臂。取南炁，吹彈。用部領南方吏兵。

西方，第一正將，朱迦殺盧者阿元光。火目，卷髭髮。副將，吸毒金頭奴者孫仔政，大目。二神並着錦袍，執弓箭。

北方，第一正將，井佐。副將，皂衣執刀，蓬頭。

西北方，神將，告天真、告甲真。左手

子文，西北炁，吹彈。壇前神將，氈笠白衣，飛鷹走犬，擒崇捉精。

五雷捕隊將

前隊捉生將，吳文攝。副隊捉殺將，劉遠混。中隊捉邪將，杜公達。從隊捉鬼將，張恐李。取北方炁，左手子文，吹彈。此將並是划馬弓箭持鎗，面或紫或黑，吞魔食鬼，奉行正道。存東北炁，吹壇前。

飛魄移魂使者，王靖。取患人炁，吹過。

明折鬼神法

謹請折鬼大將軍宗元，速行把鬼神折下。將軍青衣，左手執紫微印，右手仗劍。

雷部捉鬼打鬼法

謹請雷部捉鬼打鬼大將軍李征，速行捉打鬼崇。左手子文，北炁，吹患人。喝：捉下。

五雷照法

金甲大神，洞應威靈。星飛前去，捉鬼現形。

天神，賈撥道，面白，緋衣，仗劍而

來，任便役用。面東北念呪取炁，左手掐雷訣，右手掐中指中文，取炁，吹患人。

雷神捉魑法

謹請欵火大神鄧伯温，東南炁，吹壇前，掐雷訣。其神，目中迸火，身上生火，肉翅。左手持火鑽，右手持大斧，脚似鷄足。擒捉山魑惡鬼。

用霹靂法

謹請霹靂火光銀牙耀目威神辛漢臣。

鎮壇法

謹請振威大神諸葛新。

無上大羅天大威德天神

東方無上大羅天，大力天丁捉鬼將，周達。

青面，青衣，金甲，執鐵棒，帶劍。

南方無上大羅天，大力天丁縛鬼將，秦齡。

赤面，緋衣，金甲，使鐵索，一手仗劍。

西方無上大羅天，大力天丁拷鬼將，耿敬。

白面，白衣，金甲，把戟帶劍。

北方無上大羅天，大力天丁斬鬼將，袁舜。

黃面，皂衣，金甲，使雙鐵簡，帶劍。

指使四員將

衛鎮鍾。程子景。朱隆完。陶烈勝。

各着緋衣，抹額，綠帛敦虎汗袴，各執枷棒器仗等。

辨崇大判官四員

耿元。孫真。李用。張江。

各着緋袍，皂靴。左斗訣，右金鎗印，卯文，東北炁，吹之。

三天神捉法

謹請大黑天神苟留吉、黑路天神畢宗權。

呪曰：

至忠至忠，至孝至孝。至聖至聖，至靈至靈。疾。速速降臨，急急如律令。

右法，取巽炁，吹壇前。左手玉皇訣，右手斗印。

斗口青帝吏兵

王守信。李元太。趙子真。取東北炁，吹水中，噴壇。神將並着青衣。左手卯文。

七信雷神

捉鬼燒天大力神，毛當信。驅鬼燒魔四直神，寇中信。押鬼傳送護法神，李忠信。縛鬼流順逼毒神，趙忠信。枷鬼食鬼飲毒神，沈知信。拷鬼長顛巨獸神，侯忠信。斬鬼烈宿八卦神，鄧子信。各服道衣，道冠，勇猛現形。左手子文，北炁，吹。


雷部五方急捉神將

包元。姚端。神將各緋衣金甲，疾若如風雨。左手子文，北炁，吹召。

斗口四丁使者

捉鬼使者丁文寶。縛鬼使者丁文通。枷鬼使者丁文義。拷鬼使者丁文廣。

四丁使者符



太陽帝君勅
降真炁攝



魁魁魁魁
魁魁魁魁



急捉印
丁文寶丁文通
丁文義丁文廣



斬鬼攝



第一，丁文寶。第二，丁文通。第三，

丁文義。第四，丁文廣。與吾捉鬼束崇，速去，不得疏失。疾。勅到奉行。

法曰：凡行此法，申奏北極北斗天樞院，關請上件四丁使者。依法祭日，用庚申、甲子、北斗下降日、三七日、三元日，取巽炁，吹病人頭。再祭法，常用辰日，以金錢四分，茶四盞。祭時，須念前四神將名一遍。又念呪曰：

日中靈威，其法持正。急急如律令。念七遍了，良久，燒錢潑茶，再默念呪曰：

天陽青，地應靈。丁使者，捉鬼神。急急如律令。

左手卯文，斗訣，炁吹入壇內。

呪棗捉鬼法

天色神，急捉冤魂。地色神，速捉附病人。

先念呪，吹在棗子上，令病人喫了，喝云：捉下。次第問崇姓名。

又法

大力天丁，日直圓。大力天丁，月直方。降下方，急忙忙。驅邪病，速消

亡。罡炁并訣。

十二將遠捉法

急召六丁神，六甲最通靈。吾奉北帝勅，爲吾速追魂。擒捉爲禍鬼，赴體通姓名。

先問投詞人，更不必親往。只想病人，方道住處，念法吸炁，來吹投詞人。吞下後，更用左手天丁訣，右手劍訣，再吸方位炁，吹紙上。問：紙重未？如重時，捉崇附體。次後，法師用枷拷，法根勘，不得容情。問罪畢，當送所屬施行。

又法

謹請天罡神，急速降真靈。遠捉冤魂鬼，附體便通名。疾。吾奉太上勅，勾雀神將、天罡將，許安進。八方收邪將，謝立。大力天丁斬鬼將，張達。大力天丁枷鬼將，練崇道。大力天丁縛鬼將，郭順攝。

九天雲路追捉將法

吾呼九天雲路追捉將，安守信，李平全、邢中立、郭子勝。吾奉北帝勅，與吾計會宅神，追捉爲禍之鬼，汝等速去

速來。疾。

掐大煞文念呪，向北取炁，想四將驅來。

又

吾呼九天雲路太上正一功曹，翟世寧、江巨元、趙子玉，依上清元降法旨，搜捉邪精，赴病人身。疾速。炁訣同前。

天關地軸四直捉法

天靈地靈，速召四直天兵。吾奉北帝真君，勅到奉行。急急如律令。年直使者，竇宗諤。月直使者，母宗彥。日直使者，曲江宗。時直使者，劉世卿。天關地軸，與吾速降。天關神籀腦，地軸神篩脚。已上行持，念法呼喚，交追捉縛，枷拷鬼神。左右掐下，在大指外，虎口內，從頭打下，捉邪祟入。

雷部五丁追捉驅遣鬼將

大力天丁捉鬼將，胡元。大力天丁考鬼將，勇离元。大力天丁壓鬼將，竇公勝。大力天丁枷鬼將，郁繫元。大力天丁斬鬼將，申寶。

呪曰：

帝君勅命，扶教真人。佐天遊奕，斬崇

除精。臨罡挂斗，披甲執丁。敢有犯者，北斗齊臨。今呼四聖，各變真形。披頭仗劍，同叩五丁。聞請龍虎同行，黑雲濟濟，將帶吏兵。與枷與拷，與折與擒。急急如律令勅攝。

右法，西北炁，大煞文，吹壇上。用之，可擒龍怪。雷神，斬首瀝血將軍，自明。北炁，子文。神將三目，赤鬼面，披髮，皂衣。

中天青斗五雷五瘟將

九天雨雷神將，温琦。丑文。都天大力六甲將，温澄。离文。八方大元帥火雷神將，温滌。卯文。九天司命六丁水雷神將，温和。辰文。九天大聖天罡霹靂將，温濟。子文。用之捉崇，疾如風雷。神將青衣金甲，吊檄。

王侍宸遇北斗下降日，作法焚香，召斗口捉崇諸大神將。不用念呪，但掐訣，取罡炁，吹病人身上。呼召斗口將吏，郭福、趙文卿、郭元明、郭元道。斗口護身將，徐亨擲。斗將，張節。飛斗將，劉仲。斗頭力士，王安在。大洞神將，吕微。

已上諸將，緋抹額，花錦綉袍，抹綠靴，手持越斧，或執鎗戟弓箭。

大威德將，成大靈。五頭十臂。手執劍、印、弓箭、大斧、戟。手擎日月、帝鍾、鐵脊、火輪。部從吏兵，十萬餘衆，統領雷部一切聖衆。

法師如出入行持，存想大威德部下吏兵圍繞法師。如遇兇敵猛烈邪神，默念大威德將成大靈。左手大煞訣，右手斗印，望西北方取炁，往人家供養。用茶果、金錢一束，大馬三疋，中堂燒化，速有報應。

南方赤帝猛烈將吏，胡擎、劉昱。午文，南炁。二將並着緋衣，手執扁刀，着靴。

天罡河魁枷鬼神將，孫元廣。中天斗獄折鬼神將，溫永清。神霄雷部搜鬼神捉邪祟妖精大將，張子文、孫彥開、孫彥達、武仲彬、程元恩、傅與能、傅仲祥、吳仲立、吳仲明、泰留兒。

已上，朱綉衣，金甲，各執扁刀，聽候差使。

赤猪黑犬使者，東方彥、王子才。降伏六天大冤魔將軍，劉忠惠。

已上十將，在本司聽候差使，或捉邪祟，行公丈差使，頻祭即靈。素果、茶酒供養。後三將軍，專治五嶽山魃、五通、半天飛空遊奕不正邪鬼。又治古墓傳疰、非疰、色癆、氣癆。並藥行遣立壇行法將，更有天醫等神，天醫真官，孫思邈。天醫功曹，華陀、楊彬。天醫尚藥功曹，楊德。心神，崔宣。炁神劉迪。

右件，諸天醫功曹等，亦用照法召之，人皆可見。功曹下藥，如不退，建天斗獄或火獄治之。

太上八毒殺鬼赤杖丸

鬼箭用翎羽石菖蒲洗淨皂角刺倒懸者鬼白各一兩代赭石碾雄黃研硃砂研雌黃各一分。

右件，爲細末，用酒糊爲圓，如梧子大。念呪曰：

登明河魁，從魁傳送。小吉勝先，太一天罡。太充功曹，大吉神后。

呪之三遍，再用天蓬呪一七遍，吹在藥內，志誠修合。再召十二月將，掐

大煞文，吹在丹上。都圓了，放在淨室中。如人要請丹，問他人何病了。

若是邪祟在房作其影象，及有穢惡臭氣衝人，及有瘟疫邪炁在房之內，將一丸丹在香爐內燒。辟邪毒之炁，消散病患法，用如後。

心病用藥一丸，細嚼，用人參湯吞下。

心病呪曰：午文。

熒惑火星君，勅我還心歸炁。急急如律令。

肝病用藥一丸，細嚼，用人參湯吞下。

肝病呪曰：卯文。

歲德木星君，勅我還肝歸炁。急急如律令。

脾病用藥一丸，細嚼，用人參湯吞下。

脾病呪曰：大煞文。

土德鎮星君，勅我還脾歸炁。急急如律令。

肺病用藥一丸，細嚼，用人參湯吞下。

肺病呪曰：酉文。

太白金宿君，勅我還肺歸炁。急急如律令。

腎病用藥一丸，細嚼，用人參湯吞下。

腎病呪曰：子文。

水德辰星君，勅我還腎歸炁。急急如律令。

已上神呪，逐臟腑看病用之。如有顛邪鬼祟，用後呪之。

北斗七神，月將加臨。二十八宿，收捉通名。急急如律令

右法，呪之一遍，左手結斗印，面北取炁，吹之丹上。再用子午斗，飛入藥中，用之如前。

太上靈寶真人薰邪治病神煙法

鬼箭 鬼臼 地龍 茯神 白茯苓 乳香 雄黃 各半兩 艾三兩。

已上，半兩，是大料用之；小料，各一錢。搗羅爲末，用艾和藥。若用時，將一些神艾，在香爐上燒煙，要在穴，癢痛自然瘥。或遇喘疾咳嗽，口吸煙三四度，立愈。耳聾，煙薰耳

中，則痊。每服一小貼，口内含煙，使百病皆安妥也。

五雷急捉報應符

師左手雷局，右手執筆，面巽，神霄炁，呪筆書之。呪曰：

翼星之精，上天雷霆。雷公真宅，速降陽晶。灌吾神筆，煞逆保生。急急如神霄五雷律令。

又呪曰


急召三界急捉將閻青。

再呪曰：


朗靈朗靈，急速現形。急召五雷雨師大將辛漢。臣自神霄下降，攝鬼滅精。急急如律令攝。

法曰：此呪，想空中有神，綠袍幘頭。手執鐵筆，上有真火。眼迸電光，面青色，銀牙。吸東南炁，吹之。以金錢焚於病人床前。至夜，自有報應也。


神霄諸符




此符，召井竈之神，破去。




此符，召狐狸之精，傳食度炁，不知人事，依斗步法。




此符，攝十二正神，用閉破使。




此符，斷木竹精，立去。




此符，斷小兒驚風，吞帶皆可用。




此符，斷猪犬猫鼠精，立去。




此符，斷蛟龍水精用。




此符，斬石精石怪用。




此符，斷古塚百怪急用。




此符，行牒並差兵用。




此符，斷瘟疫、鬼王事。



此符，斷百怪精魅。




此符，召龍用。



此符，斷百怪用。

薰邪真符



右符，如常式，薰用。

保奏傳度式

凡傳度神霄大法，合依式奏申諸天，關牒九地，修設醮筵，延降帝師，證明監

度用。奏申如后：

三天帝師。昊天玉帝。紫微北極大帝。神霄三師。

已上並奏。

九天採訪使。北斗。南斗。三官。五師。降聖司。東嶽。四嶽。水府。酆都。

已上並申。

九州社令。天下都城隍。本屬城隍。四海龍王。四瀆。地府都司主者。建壇所。當處土地。本司將兵。

已上並牒。請兵，當具奏帝師，置壇，求報應訖，祭犒收補。

醮筵法信

金錢六十束。龍車九座。鳳輦三座。畫馬十二疋。雲鶴六十乘。雲馬五百疋。

奏狀紙一百幅。申狀紙三百幅。青絲一兩代髮。銀硃一兩。青詞紙。朱砂一兩。

傳度衣一襲。鎮壇錢十二貫。紫綾一疋。命素一疋。隨弟子年命染色。案巾一丈二尺。

五方綵繒五疋。黃絹三疋。祿米一石二斗。銀環二雙。沉箋降真香。金鴈玉魚，金鴈，以金一兩為之。玉魚，以銀一兩為之。

已上，並依式為之。得其人缺乏者，隨力為之，不可滅裂遺缺。開印造券，並依法度，不得以人情勢力，相傳非人，壞吾教法。於傳度醮壇中，令供養嗣法一門祖先，求於度師門下，依式昇度。然後陞壇，次第傳度。

嗣法合備靖治物件下項

二儀交泰冠。青道衣。白簡。皂雲頭履。印匣紫袂。筆墨硯。印斗。六丁六甲日筆劍。朱砂池。黃布拜壇。法書。錄匣。

靖治聖位

傳度醮筵聖位

三清三帝后土。
九靈太妙白玉龜臺玉光金真梵炁祖母元君。
祖師，高上神霄玉清真王長生保命天尊。
尊。

宗師，高上神霄玉清王青華救苦太一
定福天尊。

真師，九天益筭司命好生可韓君丈人
保福天尊。

靈師，應元定籍真君注命天尊。

玄師，保命化生真君保命天尊。

聖師，節度總監真君保生度化天尊。

寶師，元華保生真君儲祥天尊。

天師，掌法主籍真君和豫天尊。

神師，掌令降命真君吉集天尊。

九天採訪使應元保運真君。上帝側設一案。

天中左右四相。天樞左右四相。

五老上帝。三十二天帝君。

九天天帝。五方帝君。

日宮月府帝君。上清九曜星君。

南斗六司星君。北斗七元星君。

三台華蓋星君。二十八宿星君。

天地水三官帝君。北極四聖真君。

玄中大法師。三天大法師。

上古三帥真君。三元九府真君。

上清天樞院使主宰。

上清五雷院使真宰。

神霄玉清王府左右僕射侍中。

神霄雷文部二十一員大將軍。

神霄玉清王府總監統兵大將軍。

神霄天雷陣霹靂摧魔部大將軍。

神霄天雷部捉邪部靈官將吏。

神霄玉清真王保仙祕錄中，符使將軍、

金童、靈官、玉女、功曹、吏兵。

天曹司命司祿消灾散禍君。

天曹掌仙掌籍君。天曹一切真宰。

五嶽五帝真君。五嶽五天聖帝。

水府扶桑大帝。四海龍王。

四瀆源王九江水帝。水府一切聖眾。

名山洞府得道真仙。中界一切聖眾。

北陰酆都大帝。地府十宮真君。

地府諸司聖眾。天下都城隍主者。

某屬城隍主者。法錄中仙官將吏。

監壇、監察、監醮、監齋、直事靈官。

直壇土地正神。

已上聖位，臨時更看醮筵。若干分位，增減用。

高上神霄玉清真王紫書大法卷之四

高上神霄玉清真王紫書大法卷之五

鍊真證仙品

韓君丈人告學仙之士曰：真王受命，撫御中區。玉帝降靈，齊興道化。開七階之祕籙，列三品之禁經。威鎮萬天，功超羣品。受傳之法，各有修鍊之功，未易殫舉。夫高上神霄祕籙者，實元始之妙蘊，爲衆聖之指歸。昔在開皇，授自東儲之府。建于歷劫，不傳下士之人。嚴紫玉以爲緘，祕青琳之上館。大以保制天地，微以攝召神靈。一切真司，悉遵妙範。惟天啓於昌運，當世遇於高真。憫惻蒼生沉迷異習，乃發高天之祕密，用恢大教之淵源。隨念有緣，度人無量。既仰膺於寶訓，宜力慕於清修。由神霄元一之階，度綠羅大千之境。往修厥志，毋怠初心。信受奉行，克遵靈感。況乎三官秉筆，五帝執符，司善惡以無差，紀功過而不失。敢有違戾，大憲不原。普告無窮，

各宜懋勉。參授神霄保仙祕籙，七階治職法位于后。

未曾參受太上九品經籙之人，謂之白簡，當稱神霄初真弟子。

如已參受太上七元長生童子籙者，當稱神霄太平輔化弟子。

北帝伏魔洞淵昇真籙者，當稱高上神霄太平輔化弟子。

正一盟威三五都功籙者，當稱高上神霄太平輔化法籙典者。

紫虛陽光籙及神霄下品經籙者，當稱高上神霄元化法師靈妙通元仙卿。

如不備者，只稱上項典者十字。

靈寶中盟法籙者，當稱高上神霄洞化法師保度合明紫光上卿。十六字爲第二階，不備，可稱通元仙卿。

上清大洞籙者，當稱高上神霄玉天洞景法師虛元統化仙卿。第一階，如不備者，可稱神霄洞景法師虛元真卿。

高上神霄大法，應有參授大洞法籙，當稱某嶽先生某炁真人。神霄三洞四輔之籙，稱呼具錄。

右初階及曾受法籙弟子，當志心修進，不可昌涉條品，使真炁錯亂，靈

識不清。三官奪筭，九祖受殃。子宜慎之，永保道真。

神霄法服式

第一階服

玉清寶冠，白玉簪。碧帔三十六條。青絲九色雲霞。紫道服。碧綠九色雲霞。紫中單。碧綠九色雲霞。絳裙六幅四欄。九色雲霞。白玉圭。朱履。白玉珮。

第二階服

芙蓉碧雲冠，白玉簪。青帔三十六條。碧綠五色雲霞。紫道服。碧綠五色雲霞。青中單。碧綠五色雲霞。絳裙五幅四欄。五色雲霞。白玉圭。鍍金銀珮，朱履。

第三階服

芙蓉碧雲冠，犀簪。紫帔三十二條。青綠五色雲霞。紫道服。碧綠五色雲霞。青中單。碧綠五色雲霞。絳裙五幅四欄。五色雲霞。白玉圭。鍍金銀珮。朱履。

第四階服

二儀交泰冠，犀簪。絳帔二十四條。青綠三色雲霞。山水七星。淺黃道服。青綠三色雲霞。淺黃中單。青綠三色雲霞。淺黃裙五幅四欄。三色雲霞。檀香木簡。白玉

珮。朱履。

第五階服

七星交泰冠，犀簪。淺黃帔一十二條。

皂綠三色雲霞。淺黃道服。皂綠三色雲霞。

淺黃中單。皂綠三色雲霞。淺黃裙五幅。

皂綠一色雲霞。檀香簡。白銀珮。皂履。

第六階服

七星交泰冠，犀簪。淺黃帔一十二條。

皂綠一色雲霞。淺黃道服。皂綠三色雲霞。

淺黃中單。皂綠三色雲霞。淺黃裙五幅。

皂綠三色雲霞。栢木簡。銅珮。皂履。

第七階服

並桃玄冠，木簪。淺黃道服。淺黃中

單。淺黃裙。栢木簡。銅珮。皂履。

已上，最第一階服，與神霄傳授，臨壇保舉，監證攝行錄事，一同神霄祕錄中所說，碧冠絳服赤烏簡，乃神霄玉清王府闔境玄學。諸天種民，行持功著，得道昇真。受事玉清者，得服冠也。神霄內府所存三洞四輔，有自古已傳者，或多見於世間。有歷劫未傳禁祕寶經一千二百卷，分爲六等，一十二品，列爲上中下三

階，藏于東西華臺。自太平啓運，壬辰庚子之後，漸當降顯。有得備上一經者，當稱神霄玉天洞景法師虛無統化真人。道成，得爲玉府上相上宰真伯之任。有得備中一經法者，當稱神霄洞化法師保度合明真人。道成，得爲東西二臺仙卿仙侯之任。有得備下一經法者，當稱神霄元化法師靈妙通元真人。道成，得爲東西二臺仙官長吏真宰之任。其法服，玉清雲霞寶冠。紫靈翠玉之簪。飛雲鬱藹綠光之帔三十六條。絳褐黃裳飛青之裙。朱陽之履。洞靈碧瑤之圭。三炁交輝玉珮。裳耀消魔之劍，長三尺六寸。躡九炁之壇。若三階之中，或得上經、中經、下經，卷帙未備，或兼三洞在世一二經法者，當稱爲神霄太平輔化弟子。道成，得爲諸天仙真之任，或亦補於神霄散官仙吏之職。但未得專處高清玉天之貴，不能掌神府上司之權焉。其法服：素玉三華碧色或三素之元冠。紫精水玉之

簪。素紫之帔三十六條。碧褐黃裳。緣青之裙。黃華瑤簡。朱履玉珮。三五丹精之劍，長三尺二寸。躡三光八緯之壇。若受其經法，三階俱備，道成，則登三天高皇道君之位，與諸聖齊倫者矣。非拜表上章，朝真閱錄行事，其法服不可輒着。靈官檢校，隨道之功也。

神霄補職官品

凡受神霄法者，初階，當稱高上神霄太平輔化典者，奉行神霄大法，同僉書府事右典者。一年之中，有功德義一百四十功者，申奏神霄天府，乞補學仙官品格。凡掌於八職之治，凡人高仙階，無超仙境，得於仙官，凡世治天下之職也。下應功曹，上合天心，是仙品，或爲天上真仙職，名入仙宗，超凡入聖。稱治天府，不可超越，罪尤非細。尔曹受三洞法錄，治階至神霄法師真卿，亦依典者同，治職之掌文，非天職。曾受正一錄，得九等仙官之職者、典者、弟子、真卿，以爲九品初階，入品格也。

八品仙官

右殿軍。左殿軍。右伶華。左伶華。右部仗。左部仗。右典寶。左典寶。已上八品職，當一百四十功，一年轉一官。

七品仙官

右司翟。左司翟。右司麾。左司麾。右司軍。左司軍。右司衛。左司衛。已上七品職，當一百六十功，一年轉一官。

六品官

右典儀郎。左典儀郎。右司兵郎。左司兵郎。右大禁郎。左大禁郎。右典禁郎。左典禁郎。已上六品職，當一百八十功，一年轉一官。

五品官

右司功君。左司功君。右執法君。左執法君。已上五品職，當二百功，一年轉一官。

四品官

右司馬君。左司馬君。右度厄君。左

度厄君。

已上四品職，當二百二十功，一年轉一官。

三品官

右益筭君。左益筭君。右延壽君。左延壽君。

已上三品官，當二百四十功，一年轉一官。

二品官

右司錄君。左司錄君。右司命君。左司命君。

已上二品官，當二百六十功，一年轉一官，可稱同判玉清府事。

一品官

中元真伯。右元真伯。左元真伯。

已上正一品，當三百八十功，一年轉一官，可稱判玉清府事。

四輔

右官僕射。左官僕射。

右玄金闕侍中。左玄金闕侍中。

已上三百六十功，再救一人，或濟一人，救一生靈，作一福德大事，可以為功。每轉官，當具列人功奏之，此


方為正一品仙官中，法宜服大洞服。

若遷轉，須是同官品者投之，保明申奏；若無同品，乞下三官，糾察遷功。如一年之中，不及三百六十功者，餘功當奏上帝，乞回賞。與兵將上表言功，不得遺落。有過，須當立便陳首，將功折過。其仙官，當每日燒符，轉一官。直日，各有吏兵千萬人，直日若不燒符，只自吞之，自有仙官佐助也。

召仙官部呪

高天之上，玉清為王。靈寶三炁，三省樞主。上帝之前，天曹主府。各有所職，下助玉律。分品列位，仙官所處。一召下降，一依天璽。天高上尊勅，謹請某官，依律奉行。

召仙官總符



右法存思一如錄中服式。神霄命魔前驅殺鬼真符

三 神霄 勅 青華 勅 南陵 勅 青大 魔 天 地 魔 鬼 魔 王 巴 元


醜 伯 勅 赤 天 魔 王 負 天 反 山 六 月 裸 魔 擔 石 勅 獸 魔

勅 會 黑 天 魔 王 監 醜 黃 天 魔 王 橫 朗 馥 勅 精 魔 天 擔 力 勅 邪

魔 太 上 勅 鄴 都 勅 勒 天 兵 萬 魔 奉 行 六 洞 大 魔 君

天 丁 前 驅 三 十 六 天 飛 戈 飄 戟 斬 鬼 去 蹤 神 符 吏 兵 違 者 斬 身

大洞鬼妖，不敢前衝。風雷火烈，斬鬼碎身。奉命前驅，符到奉行。急急如高上神霄真王大帝勅。




右符，掐辰文，取巽炁，朱書黃上。寫關子一道，關命魔前驅煞鬼。符中將吏、功曹、符使，祝患人投詞事，由指揮神府神將，一一當先。自身未到，其符吏先到其家，不待師至，為師先縛下，只待師來，結絕斷遺矣。又法，燒符吹去，即時捉下。遠

方掐辰文，吹符灰，以劍指方，邪去萬里。大治山魃、五通、凶惡。不能治之鬼神等，如顛狂時，用醋炭燒符薰之。勅符，當念五帝大魔王呪，命魔密呪用之。

通天徹地符品


神霄通天符

揚歌叱他吽唵噯囉噴，急急速律令。



通天大將軍，青白俊目，金掩心甲，紅絹金大袖汗衫，仙帶，白袴，朱履，仗劍。

神霄徹地符




徹地大將軍，面紫棠色，眉目怒，金掩心甲，黃衣，皂綠。


召玉童部呪

謹請靈寶玉清殿下一十二童子，日玉霞童。吾奉帝命，與吾速降。急急如玉清勅。玉清訣。


青羽綉衣玉童五伯人。




碧羽綉衣玉童五伯人。




玉羽綉衣玉童五伯人。




蒼羽綉衣玉童五伯人。




紺羽綉衣玉童五伯人。




赤羽綉衣玉童五伯人。




絳羽綉衣玉童五伯人。




紫羽綉衣玉童五伯人。



玄羽綉衣玉童五伯人。




素羽綉衣玉童五伯人。



黃羽綉衣玉童五伯人。



霞羽綉衣玉童五伯人。



童子役使萬神法

已上玉童十二人，依法存想，並皆着五色綉衣，一年四季，自春三月，夏、秋、冬三月，每月一人，管五伯人。直此一月，書符燒召之。其玉童，侍衛，役使，朝真。如召，並掐總訣，巽炁，丹書之。凡欲役用，每遇三九日，備棗湯、粳米乳、蜜糖粥五盞、香花，呼召童子後役用。却令生身童子，非女也。合目，取鬼炁，吹一口，暗

呼三魂名，於中指都監訣緊掐，吹炁一口。掐玉清訣，念呪三遍。令童子看，即請合直日童子至了，任便使用。

童子照呪

翼宿真君，驅神現形。

又心照呪


青童奉命，降勅與臣。急速與臣占人卜物，通神靈應攝。

右法，甲子、庚申夜，念法呪水，喫之。


召玉女部呪

謹請柔和之炁，九靈女真，命曰玉女。鳳衣輕裙，真王之命，召付神庭。急急如玉清勅。辰文，巽炁，書之。


執幃五色綉衣玉女五伯人。




執節五色綉衣玉女五伯人。




執鉞五色綉衣玉女五伯人。




執絞五色綉衣玉女五伯人。




執戟五色綉衣玉女五伯人。




執扇五色綉衣玉女五伯人。




執鏡五色綉衣玉女五伯人。




執香五色綉衣玉女五伯人。




執藥五色綉衣玉女五伯人。




執炬五色綉衣玉女五伯人。




執瓶五色綉衣玉女五伯人。




執劍五色綉衣玉女五伯人。




執印五色綉衣玉女五伯人。




執符五色綉衣玉女五伯人。




執籙五色綉衣玉女五伯人。




執籍五色綉衣玉女五伯人。




執式五色綉衣玉女五伯人。




執纓五色綉衣玉女五伯人。




執圭五色綉衣玉女五伯人。




前唱五色綉衣玉女五伯人。




後吹五色綉衣玉女五伯人。




甲子五色綉衣玉女五伯人。




甲戌五色綉衣玉女五伯人。




甲申五色綉衣玉女五伯人。



甲午五色綉衣玉女五伯人。




甲辰五色綉衣玉女五伯人。




甲寅五色綉衣玉女五伯人。



丁卯五色綉衣玉女五伯人。



丁巳五色綉衣玉女五伯人。



丁未五色綉衣玉女五伯人。




丁酉五色綉衣玉女五伯人。



丁亥五色綉衣玉女五伯人。



丁丑五色綉衣玉女五伯人。



右玉女，依法存之，須於甲子、庚申夜，念法呪水服。各有所掌，朝真、拜表、上章、行壇，各召之，自然侍從。齋戒七日，召之立至。不可久視其玉女。一年，有六陽、六陰、六甲、六丁。每月三旬，分六甲、六丁。旬一人，有五百人直旬侍衛，與玉童共來侍佐。亦可捉神追魂，能知未來吉凶。依名召來，從便役使，無不感應也。

高上神霄玉清真王紫書大法卷之五

高上神霄玉清真王紫書大法卷之六

大將軍部

兵頭部行將，王彥文。兵頭統領將，王彥澤。

總召呪

吾稟真王勅令，玉帝金符，告天立壇，法天像地，驅神遣鬼。左契龍文豁落，右佩神霄玉律，口誦玉清羽章，朝禮大帝。下統山川水陸洞淵神祇，上列神霄真王卿伯。誦詠大洞玄機，一召九天司命，二召九天真仙。吾為仙主，太上丈人、五嶽王主，受事在吾心。呼風吸雨，驅雷大怒。雷部前行，威震霹靂，山嶽崩摧。元天帝令風火四維天下萬神，並令知委，錄中金甲將吏、雷霆猛烈天丁，一召遍下壇前，不得於令有違。急急如高上神霄玉清真王勅行。

真王曰：神府玉文，瓊宮靈文，各有所掌職案典司。每司有主者三十萬

人，而各差一人下降。領官一百二十人下赴。兆有所事，召而問之，須齋戒身心。若泄天機，死入酆都，萬劫不原。

大將軍

總壇大將軍，乃是主壇將雷陣神，助道案天神靈官，統制兵馬，斬龍伐精。

辰文，巽炁。

統兵大將軍，乃是行壇押兵馬將，神府司兵案天神靈官副神，斬龍伐精。

辰文，巽炁。

主水大將軍，乃神府紫玄案主者靈官，管天下水灾、河海江瀆、洪水大澇。

辰文，巽炁。

主火大將軍，乃神府火炎案主者天神靈官，管天下火炎火威火帝之長。

辰至午，東南炁吹之。

主風大將軍，乃神府主風案主者天神靈官，掌天下大風、温邪之風。

寅至辰，陰陽炁。

主雲大將軍，乃神府昇雲案主者天神靈官，掌天下神祇主者行雲布炁吐霧。

巳文，巽炁。

主炁大將軍，乃神府炁候案主者天神

靈官，掌天下四時二十四炁逆順之祥。卯文，正東炁。

主雨大將軍，乃神府行雨案主者天神靈官，掌天下一切行雨聖衆，救大旱澇。子至丑，西北炁。

主殺大將軍，乃神府伐惡案主者天神靈官，掌天下不孝逆奸，殺邪斬兇。

中指上文，引摺下節，辰炁。

主生大將軍，乃神府掌生案主者天神靈官，掌天下一切生產小兒，前定子孫昌運。辰文，巽炁。

孫昌運。

主病大將軍，乃神府灾病主者天神靈官，管天下一切疾病淹延患難。辰文，巽炁。

巽炁。

檢惡大將軍，捧簿主管凶惡，檢人所積惡罪之籍，其將不可亂用。辰文，巽炁。

變化大將軍，發放大將軍，專發放本府文字。對定大將軍，主對定罪福。斷

疰大將軍，收毒大將軍，治瘡毒癩痛。斬温大將軍，火鈴大將軍，回名大將軍，急速大將軍，返行大將軍。並摺辰文，巽炁。

已上所主大將軍，各隨意書符，下注

事因，念集神呪，看所主。行此，勿

令人知之差往去處，即有神驗，無不感應。高上左玄真卿曰：捉魂靈官將軍至埃騎將軍前有神將，兆若使用注生，救火，斷瘟，斬邪，伐惡，破廟，考縛凶邪，回名注功，傳念急達。收精疰，解厄對，定遣發，辟非變化，禁囚鬼怪，收毒斬疰，一切行用，無有不至。兆須淨心齋戒，臨壇集神呼召，方得感應也。並掐訣，念總呪，書符。再念呪燒符，逐一召之，立至。如捉縛考打，入意從役之，各有所主。朱書黃上，於患人頭上燒，並念都呪，取炁吹之。若行驅捉，便取北炁，吹之。驅捉法乃驅邪，使居北方也。

召總監統兵將呪

神霄玉清王勅，召總監大將軍、統兵大將軍，速至吾壇，隨符立至。急急如高上神霄玉清真王律令。

召都正呪

神霄玉清勅令，謹召神霄玉府某將，速至吾壇，隨符所勅，為吾治某事。急急如高上神霄玉清真王律令。

又

奉請玉清天丁神將、韓君丈人，真炁降臨。昇天大將，急赴壇所，火急速行。疾。

總監大將軍王文宣統兵大將軍丁仲珪

魁 魁

主水大將軍王燕主火大將軍趙仲明

魁 魁

主風大將軍馮浩主雲大將軍董隆

魁 魁

主炁大將軍翟德主雨大將軍丁宗成

魁 魁

主殺大將軍蔣德友主生大將軍劉通

魁 魁

主病大將軍丁宗晟捉鬼大將軍馬勝

魁 魁

縛邪大將軍陳猛考鬼大將軍莊德降

魁 魁

破廟大將軍趙侯伏魔大將軍元真

魁 魁

縛龍大將軍應宿元搜奸大將軍丁友忠

魁 魁

檢惡大將軍盧化元追魂大將軍張公明

魁 魁

禁獄大將軍吳立發放大將軍馬温

魁 魁

對定大將軍崔剛中變化大將軍張廣

𪚩 𪚩

斷尸大將軍温通斷症大將軍陳青

𪚩 𪚩

收精大將軍孟浩收毒大將軍卓立

𪚩 𪚩

斬温大將軍徐士衡解傷大將軍鄭萼

𪚩 𪚩

興正大將軍聞友直辟非大將軍褚飛

𪚩 𪚩

禁壇大將軍楊福斷魁大將軍萇整

𪚩 𪚩

解厄大將軍萬計急速大將軍應猷

𪚩 𪚩

火鈴大將軍謝并鬼車大將軍蓬直諒

𪚩 𪚩

迴名大將軍周士寧返符大將軍封元

𪚩 𪚩

封山大將軍孫吉入海大將軍凌雲

𪚩 𪚩

埃騎大將軍童保

𪚩

集神呪

吾奉神霄勅命高上靈文，統領天神地

祇，搜捉邪精，斷症，除凶、奸害、強梁，隨時正定善惡孝逆。見吾，須分回名、注善、傳令、奔傾、斬瘟、收毒、辟非、注生。天府天職，掌握手中。一召千里，神兵降臨。承符所勅，休問我能我勝。速至，不得留停。天神靈官、百萬天丁、金甲使者、掌職將軍，受吾口勅，勅下奉行。

先書某事於符下，念法書，吹符上，燒符。營日，存見真形。次云：

謹請某將軍幾人，赴靈壇。急急如高上神霄王勅。

取炁吹灰，向病人或事處，以劍指之，喝：疾。任用。


總監大將軍真符

𪚩


統兵大將軍真符

𪚩

主水大將軍真符




主火大將軍真符




主風大將軍真符



主雲大將軍真符



主炁大將軍真符




主雨大將軍真符



主殺大將軍真符



主生大將軍真符



主病大將軍真符




捉鬼大將軍真符



縛邪大將軍真符




考鬼大將軍真符




破廟大將軍真符




伏魔大將軍真符



縛龍大將軍真符




搜奸大將軍真符



檢惡大將軍真符



追魂大將軍真符




禁獄大將軍真符



發放大將軍真符



對定大將軍真符



變化大將軍真符




斷尸大將軍真符



斷疰大將軍真符



收精大將軍真符



收毒大將軍真符




斬瘟大將軍真符



解傷大將軍真符



興正大將軍真符



辟非大將軍真符



禁壇大將軍真符



斷疽大將軍真符




解厄大將軍真符




急速大將軍真符



火鈴大將軍真符




鬼車大將軍真符



迴名大將軍真符




返行大將軍真符




封山大將軍真符



入海大將軍真符



堠騎大將軍真符



高上神霄玉清真王紫書大法卷之六

高上神霄玉清真王紫書大法卷之七


捉邪靈官部

召靈官呪

南昌火府韓君、上宮龍圈雨部、雷宅神庭五方電主、霹靂天丁受命：真符上告玄靈天尊，教令風火不停，速駕十方法雨、慈雲、迅雷、搜龍、裂電，火令掃除不祥，摧碎魔群，天獄收妖，速降真靈。急急如可韓玉帝洞淵三昧勅。


右法，辰文，神霄炁，召之。

捉鬼靈官化成




右法，掐無名指根，取正東炁，書符，燒召之。呼云：靈官化成，從官一百二十人，與吾收捉鬼神。疾。

縛鬼靈官卞青




右法，掐辰文，右手取震炁，書符，召之。呼云：靈官卞青，從官一百二十人，與吾收捉鬼神，速縛來呈。疾。

考鬼靈官侯立




右法，掐中指上節，取辰炁，書符，召之。呼云：靈官侯立，從官一百二十人，與吾速至，考鬼通名。疾。

追鬼靈官唐順



右法，掐二指甲下，取巽炁，書符，燒召。呼云：靈官唐順，從官一百二十人，與吾追捉狂邪，速付患身。疾。

搜奸靈官董青



右法，掐二指甲下，取巽炁，書符，燒


召。呼云：靈官董青，從官一百二十人，與吾搜捕奸邪，速令附體。疾。

伏魔靈官孫元




右法，掐二指甲下，取巽炁，書符，燒召。呼云：靈官孫元，從官一百二十人，與吾伏魔治鬼，或入事。疾。

縛龍靈官馬溫



右法，掐辰文，取辰炁，書符，燒召。呼云：靈官馬溫，從官一百二十人，與吾前去某處，捉孽龍神，速至壇所。疾。


禁獄靈官侯卒



右法，掐辰文，取辰炁，書符，燒召。呼云：靈官侯卒，從官一百二十人，與吾監守水火二獄，不得走透鬼祟。


疾。

破廟靈官趙成




右法，掐辰文，取辰炁，書符，燒召。呼云：靈官趙成，從官一百二十人，與吾破廟除邪，不得慢易。疾。

八方遠應靈官陸貴



右法，掐巳文，取巽炁，書符，燒召。呼云：靈官陸貴，從官一百二十人，與吾某事意用。疾。治瘟大妙，收毒炁、毒藥。

三界靈應靈官高存忠




右法，辰文，八方炁，書符，燒召。呼云：靈官高存忠，從官一百二十人，與吾應三界之中，八方之內，天地神祇，靈應同共知悉，助吾捉縛，事畢報賞。疾。

解厄靈官曲成




右法，辰文，巽炁，書符，燒召。呼云：靈官曲成，從官一百二十人，與吾急降，火急解除某人身中疾病之厄，傳尸鬼疰之厄，赤口白舌之厄，官符、病符、死符之厄，餘皆入此。疾。

斷尸大將軍溫通




右法，辰文，辰炁，書符，燒召。呼云：將軍溫通，從官一百二十人，與吾前去某處，收捉尸虫瘵鬼，出離患人家，不論親疏，毋致疏失。疾。

斷疰靈官陳青




右法，掐辰文，辰炁，書符，燒召。呼云：靈官陳青，從官一百二十人，與吾前去某家，禁斷傳尸之鬼，出離患人家，不問親疏。疾。

收精靈官趙遂



右法，掐辰文，辰炁，書符，燒召。呼云：靈官趙遂，從官一百二十人，與吾收攝某人身中一切精魅鬼祟，赴本院，不得有違。疾。


急速靈官冉青



右法，掐中指下文，取北炁，書符，燒召。呼云：靈官冉青，從官一百二十人，與吾前去三界之內，四維上下，搜捉某人身中，不問高下，應有為禍之鬼，捉付本司，立待報應。疾。

變化靈官高順


此靈官，大捉凶惡鬼神。



右法，掐二指上文，辰炁，書符，燒召。呼云：靈官高順，從官一百二十人，與吾速去某人家，不問高低遠


近，一切僂僻之處，搜捉為禍邪祟鬼神，不得容情有拒，立待報應。遠則八方捉邪，近則只在四維之內，攝神附體，不得故違。疾。

三界急應靈官夏聖昭




右法，掐無名指，取辰炁，吹炁，燒符。呼云：靈官夏聖昭，從官一百二十人，與吾前去三界之中，急速收捉，入意。疾。

三界縛邪捉鬼靈官周顏



右法，掐子至丑，北炁，書符，燒召。呼云：靈官周顏，從官一百二十人，與吾急急前去某人家，縛邪捉鬼。疾。


三界都總靈官元秀



右法，掐金刀，取辰炁，書符，燒召。呼云：靈官元秀，從官一百二十人，

與吾前去，收斬鬼神，入意。疾。

三界都統急捉金刀靈官楊從廣




右法，掐金刀印，辰炁，書符，念呪，燒符。呼云：靈官楊從廣，從官一百二十人，與吾前去，火急解下自縊鬼，入意。疾。


法曰：金刀靈官，尋常不可妄用，恐傷鬼神，戒之，慎之。

召金刀靈官考邪鬼呪

神霄玉府，金刀靈官。聞吾呼召，立降壇前。驅邪治病，捉縛當先。令枷即枷，令拷即拷。不得違命，無致稽延。吾奉高上神霄玉清王律令。書此符，左手金刀印，向辰上取炁，吹入符中。如斬鬼收惡，即呼召之。若小祟，不可呼召，即以後二符，吞服及燒，而去之。

楊靈官除怪鎮宅符及後火字符






書於掌心，取東南炁入。次念玉帝靈官天地攝來降。急急。

此靈官，係三界都統急捉使。凡治病、捉邪、辟瘟、去疫，但書此符靈官號，立至壇前。掐印念呪，呼名書符，無不應驗也。


總召六丁六甲大將軍真符



甲子化靈合形大將軍，凌飛。甲寅運靈變形大將軍，蔣真。甲辰度靈成形大將軍，田師文。甲午丹靈分形大將軍，孫庚。甲申上靈鍊形大將軍，富盛。甲戌紫靈養形大將軍，張浩真。丁丑紫陽火光大將軍，黃洞。丁卯青陽元光大將軍，徐元哲。丁巳三陽炎光大將軍，孫恩仙。丁未上陽靈光大將軍，鄭去病。丁酉明陽素光大將軍，陳猛。丁亥六陽金光大將軍，劉仲真。已上六甲、六丁大將軍，各一百二十

人，總領姓名一十二人，收捉不正之神妖魅。六甲等衆大將軍，吞符修煉身形，驅捉禍疫邪神。


總召六甲六丁玉女靈華真符



甲子金華玉女，靈珠。甲寅太華玉女，啓光。甲辰秀華玉女，歡庭。甲午丹華玉女，靈飛。甲申景華玉女，真元。甲戌黃華玉女，神光。丁丑紫靈玉女，蘭脩。丁卯青靈玉女，須臺。丁巳丹靈玉女，龍源。丁未上靈玉女，淳風。丁酉素靈玉女，抱雲。丁亥金靈玉女，興房。

已上六甲、六丁玉女一百二十員，總領姓名一十二員。拜表上章，發遣公文差用。

召六丁六甲金童總符



甲子金光金童，鄧文卿。甲寅青光金童，楊達。甲辰紫光金童，蘇晉卿。甲午丹光金童，吳靈真。甲申靈光金童，陳進卿。甲戌玄光金童，凌道卿。丁丑寶光金童，洪遷。丁卯青光金童，王秀卿。丁巳丹光金童，章洞真。丁未上光金童，華奉光。丁酉素光金童，傅正卿。丁亥紫光金童，丁威。

已上六甲、六丁金童，各一百二十員，總領姓名一十二員。拜表上章，發遣公文用之。

神府條儀

夫參受高上神府法籙符印，充其仙職，係入大洞仙品，須先稱職之官品，次遷職進仙官品。此非凡世而爲之，名云暗領。日叅文已後，神靈有異，方入初品。次第遷職，而入九品階職。按法律云：此合夜入神府判斷公事，日趨陽職。今則凡胎穢體，未能全入妙道，須是煉身謝過，調神集炁，方得稍淨，可行其道。稍若霑穢，則不得行之。將來功成，具奏神府，對聖給誥。上仙官籙，下書仙官符，佩之在身，各役使

右手五

魁右足 魎右膝 魎右股 魎心上 魎左肩 魎左肘 魎

左手六

魁左足 魎左膝 魎左股 魎心上 魎右肩 魎右肘 魎

右手七

思二十八宿及斗星

角左手 亢左肘 氏左肩 房心上 心右股 尾右膝 箕

右足一

斗右手 牛右肘 女右肩 虚心上 危左股 室左膝 璧

左足二

奎左足 婁左膝 胃左股 昂心上 畢右肩 觜右肘 參

右手三

井右足 鬼右膝 柳右股 星心上 張左肩 翼左肘 軫

左手四

魁頭上 魎左肩 魎右肩 魎左股 魎右股 魎左膝 魎

右足五

右法，伏天上地下，一切強鬼，此最爲要妙之法門。移星動月，驅神役靈，其驗不可測也。

高上神霄玉清真王紫書大法卷之七

高上神霄玉清真王紫書大法卷之八

大護身戰鬼伏魔法

師曰：正月一日已前，立於密室，面向北，朝元君四拜。元君者，乃元始開天之主，亦號道祖聖母。若不朝聖母，奉法終不能靈也。自作懺罪文奏之。奏罷，叩齒三通，陰思五星，歲星在左手中，色如青玉。太白在右手中，色如白玉。熒惑在頂上，色如火珠。鎮星在心目中，色如黃金。辰星在足下，色如黑寶。皆有神光，動照一身。陰思呪曰：五星鎮彩，光照玄冥。千神萬聖，護我真靈。巨天猛獸，制伏五兵。五天魔鬼，亡身滅形。所在之處，萬神奉迎。急急如律令。

再思五星衛我，變化無方；木星化爲風輪。火星化爲大火，匝遶一身。金星在右手，化爲金剛神劍，光芒冲天，放炎火。辰星在足下，變化爲江

水，須臾成海，海中有五龍湧出。呪曰：五星鎮形，光照火精。保我五體，鎮我萬靈。六天魔鬼，動即斬形。急急如律令。

又思天罡大煞炁，從天罡上來。其炁，內黃外黑，直至吾前，以鼻吸十二次。呪曰：

大煞真炁，內陰外陽。保我命驅，除邪辟殃。山魃魍魎，土地殃疢。赤口白舌，虫蛇虎狼。害我者死，謀我者亡。愛我者吉，奉我者昌。萬神摧碎，伏匿天罡。急急如律令。

將左手撫心，右手摩頂，暗思魁星在右手，魎星在左手，魎星在胸前。呪曰：

魁星大煞，鎮我心原。外辟五兵，內除五瘟。當我者迷，謀我者死。逆鬼兇神，於我何論。急急如律令。

將左手撫心，右手指天，思魁星在右手，魎星在左手，魎星在頭。呪曰：陽明真炁，冠我朱陽。辟除萬害，并及逆殃。盜賊凶人，虫蛇虎狼。謀我者

死，害我者亡。赤口白舌，伏匿天罡。急急如律令。

將右手指背對心，左手指心。思魁星在左手，魁星在頭上，魁星在右手。呪曰：

明明真炁，至在天罡。鎮在絳宮，辟除非災。何神敢住，何鬼敢來。千神萬鬼，伏我天罡。急急如律令。

兩手扶三台星，爲華蓋。存上台星官在左手中指，中台星官在右手中，下台星官在兩膝下。呪曰：

吾頭戴華蓋，足履魁罡。地網八極，天羅四張。北斗落死，陰邪滅殃。南斗上生，壽命延長。祈求如願，所在吉昌。中外殃禍，動即盡亡。急急如律令。

造印式

法曰：凡造印，於甲子、庚申，面向東南，以辰巳二時，於淨密室中，先焚香，默祈求所事，取神霄真炁吹入木中。然後，命工一時刻成，勿令斷續刻。以清玉石或赤棗心，依法祭之。

祭印式

法曰：凡祭印，以三九日或甲子，當於人定時，就密室中設一案，繒帛鋪之。用蒸餅三椽，湯三盞，香一炷。又設三十六分列左右香燭。三上香，酌酒於案。西北上立，面南再拜，具位臣某，好樂長生，修崇大道。以今吉夜，虔備香燈供養之儀，以祈靈貺。臣某上啓長生大帝君、青華大帝君、好生韓君丈人真君、曜華玉寶天真皇人、神霄玉闕上真元君、左右真妃、上相仙伯、左華右極真宰仙聖、仙官靈官、通章印中聖衆，玉文瓊璽，急催追捉斬邪斷瘟電火大將軍、掌印捧印擎印聖衆、直壇土地、一切真靈。臣某身好清潔，佩持寶印，願內無疾病，外斷諸妖，佐天行化，助國救民，斷絕妖邪，驅逐鬼祟。昨於某年某月某日某時，詣某處，隨籙傳授神霄玉文瓊璽、通章寶符、雷火斬邪急捉等印，謹於吉日，於某處淨室祭獻。臣所受寶印，已於年月日，呈印樣飛奏三師帝君，伏乞勅命，頒降行下所屬合干去處，遇臣行移看驗，辨認施行。仍


乞頒降天仙聖衆護印，神王雷霆猛吏、直符使者守衛玉文通章符印。百千萬重道炁，流布入臣印中，令臣行用，召攝神將，總呼吏兵，收捉邪精，誅戮神鬼，拯濟王民，立獲感效。次願臣某，祈求自然，契合長生，高奔玉府，面禮上帝，與道合同。臣某無任瞻天望聖，激切屏營之至，稽首再拜。

上香 酌酒 散花 再拜


青華大帝君神霄玉文寶印，祕於九霄八萬餘劫。是令，契賢昌運，乃仙民欲行持，先祭之，方獲靈驗。頭布元天坎戶，地布方成離宮。以神劍寶鏡各五口，繒幡五首，栢湯五盞，時果五椽，木蜜陵香湯一鼎，淨水清醪，香花列布壇下，中二層，上一層。五印下布九霄燈，步太微罡。啓白：神霄小兆臣某，謹奏三師帝君、天真皇人、韓司丈人、玉府天尊、雷火大將軍、通章使者、掌印天丁、風伯雨師、雷部聖衆。臣叨慕大化，仰奉殊恩。參佩法籙，上承仙階。今步建天圓，行壇地戶。行司精誠，上達神霄。臣有仙寶玉印，依科祭

拜。伏願真仙衆聖矜憫虔誠，降賜仙真道炁，灌注寶印之中，飛符走籙，咸乞奉行。不順道者，見印成塵。次冀臣拜祭之後，萬罪釋消，俱希原赦，身心泰定，神宇和平，所向利亨。叩祈靈應，如蒙所啓。仰荷大道，罔極之恩。臣謹有口章，拜達玉府。臣某無任誠惶誠恐，稽首頓首再拜，瞻天望聖，激切屏營之至。謹言。

次上香，以朱印，印七箇，吞之。依法三祭，爲忌穢濁處，印自飛走。功滿之日，佩印乘鳳車，上朝神霄。大宜祕之。




右印，以金爲之，管九天九地神祇玉府、四海三江水曹龍神。用印勅之，無所不關。治萬病，吞之即愈。



右印，以棗木或金爲之，丹砂塗印章。奏用天上，合同真契，能達玉九，不致下落。萬神通奏，以丹砂使之。




右印，以金玉爲之，或棗木刊之，以丹砂塗印。此印，乃八威毒蛇之篆，管玉府雷神，祈求兩澤。焚燒，邪鬼伏，斬水怪。以印黃紗投水，伐死怪，大去瘟疫，下鬼胎。驚風天吊，以印印，萬病即瘥。走虎之病，印之立消。即雷部符立到，其功不可具言。



右印，以雷震棗木刊之，以丹砂印。此印，有神兵八百萬，隨印驅瘟伐邪。大瘟時，行排門印之，不入人

家，吞印發汗，免染他人。邪怪惱人，不順法者，以印壇四面，印自方，令燒，其怪滅形。臨事，更改用之。



右印，以雷震棗木刊之，隨事行用。凡治急切之事，以印印之，其所司，則便奉行，無敢稽滯，捉神追鬼，立到。行司，萬神侍衛，不敢離壇也。

呈印取炁呪掐辰文

南極長生，解厄化生。三台伏畢，萬善咸臻。急急如高上神霄玉清真王律令。

開印呪

神霄上帝，賜印通靈。韓君降祐，無願不成。邪妖皈正，道炁潛營。急急如高上神霄玉清真王律令。

用印呪

神霄寶印，統攝百靈。勅令所行，受命天丁。神印一下，壽命無窮。萬魔拱手，千邪滅形。急急如高上神霄玉清

真王律令。

通章印呪

上天祕授，使者宣傳。雲篆煥赫，玄之又玄。密緘章奏，祥煙衝起。不致稽延，速詣玉几。勅命告下，神霄仙旨。急急如律令。

入印呪

天丁受命，力士捧符。妖精馘滅，邪魔戮誅。三界之內，依吾指揮。急急如高上神霄玉清真王律令。

押字呪

北斗七星，天地光明。神炁一下，邪炁不停。急急如律令。並神霄炁訣。

高上神霄建獄法

法曰：凡治強鬼、妖魅魍魎、不正之神，累給符命，以法遣之，不去者，當具奏三天及神霄帝師，關申東嶽府，備牒所屬城隍，關請將兵，建立天獄，收捕根勘施行。此乃為之攝邪輔正之道也。

推勘將吏

中天斗獄將，丁道安。丁道寧。丁道通。丁道泰。

巡世界都押將吏神王，王魏才。子文。


中天斗獄大聖追魂神將，嚴守真。中文。

中天斗獄縛鬼神將，周初。午文。

中天斗獄大聖枷鬼神將，晁真道。辰文。

右件神將，當先具奏帝師，請降赴獄，領治職事。

建火獄式




召將吏祝呪

謹召中天斗獄將，丁道安、丁道寧、丁道通、丁道泰；巡世界都押將，王魏才；中天斗獄大聖追魂神將，嚴守真；縛鬼神將，周初；枷鬼神將，趙伯子；拷鬼神將，晁真道；火鈴將軍；火鈴神君；火鈴力士；火鈴童子，目下四散，收擒搜捉作禍不正之神，押赴火獄，分明現形。急急如高上神霄玉清真王律令。

次書捉邪將軍、總監等符、攝邪符、捉縛枷拷符、捉邪搜邪功曹符，並在


後書篆，於黃上丹書，燒在獄內。

九天考鬼大將軍，杜興。辰文，罡炁。



甲子、庚申篆之，同前用。燒符時，祝云：與吾痛考。若遇狂邪，不伏正法者，於此作一獄，須令伏也。以符獄中焚之。

火獄符



呪曰：

赤炁炎煙，洞熾鐵城。收禁罪鬼，考按無停。南斗然骨，大帝燒形。速告情願，使民安寧。火兵捕檢，禁蕩鬼營。敢有不從，司禁書名。急急如高上神霄玉清真王律令。


掐中指甲下，投火中焚之。三日，夜用之。驗，再呪曰：

上帝火鈴，雷火將軍。炎火急降，燒透鬼心。謹請火鈴將軍、火鈴神兵、火鈴

力士、火鈴童子，與吾疾速下真火燒着。疾疾。


右法，左手太清訣，召將指揮。右手掐卓刀訣，執劍。獄下，真火四岸逼。如狂邪不正，以此獄治，立伏也。召念普現將法，火獄前立兩柱，搦方紙一幅，在獄前念呪，依次行持捉崇也。變獄，用流金火鈴符，念晶炁靈呪，書之。獄用雷火將軍，次五方用火輪符五道，於立方灰下。

流金火鈴符



右符，辰文，南炁，朱書黃上。

火輪符



呪曰：

火輪大將宋無忌同禁獄靈官，與吾監守為禍鬼神，不致走透。急急。建獄驅鬼現形呪

神霄玉清，十萬天丁。急迫冤鬼，火中現形。急急如高上神霄玉清真王律令。

右法，辰文。須先變獄符了，依式立三日，大驗也。

立冰獄式

五溪使者

寒冰力士

鐵棒使者

寒冰大將


捷疾使者

召將吏祝呪

謹請中天斗獄將，丁道安、丁道寧、丁道通、丁道泰；巡世界都押將吏神王，王魏才；中天斗獄大聖追魂神將，嚴守真；縛鬼神將，周初；枷鬼神將，趙伯子；考鬼將，晁真道；五溪使者，陳江；捷疾使者，韓意；寒冰力士，寶子希；寒冰大將，晉機；鐵棒使者，張言等，目下四散，搜邏收擒作禍不正之神，押赴冰獄，分明現形。急急如高上神霄玉清真王律令。


次書捉邪將軍、總監衆神等符、攝邪符、捉縛枷拷將符、捉邪搜邪功曹符，黃上丹書，次第焚之於獄中。

直獄大將軍侯卒從將二十一人



太清訣，罡炁，甲子、庚申，朱篆之。如用，先燒一道符，追直獄將。然後，畫作獄也。每以潔處供養，便見真形也。

水獄符



書水獄符呪

溟海九萬，中有石城。惡煞守闕，毒龍啖精。水官速送，返禁鬼神。敢犯天律，飄蕩奔傾。奸惡速告，一一通名。敢有不伏，送汝天丁。急急如高上神霄玉清真王律令。

右手掐四指根，篆此符。燒在水中，用洒獄。


念呪曰：

壬癸之靈，太清之精。為我滅火，炎化為冰。謹請捷疾使者，韓意；寒冰力士，寶子希；寒冰大將，晉機；五溪使

者，陳江；鐵棒使者，張言，吾奉太上勅，與吾速把狂邪鬼神驅入獄着。疾。

右法，同前用之。

水輪符



右法，依式建立，三日訖。於獄顯現畢，當具事由，量輕重，申解所司，斷治施行。切勿妄結鬼神情罪。戒之，慎之。

高上神霄玉清真王紫書大法卷之八

高上神霄玉清真王紫書大法卷之九

神霄玉清王府三十六天獄真符

神霄真王曰：府之後，鬱靈空界之中，列三十六天獄，專命中央黃帝統治諸獄，以致天司。此天獄真符，乃九霄玄一六陽鬱綱清秀之炁，自然結成真符。凡世之人，稟形胎育，穢氣未消，體未洞真，不能召致天炁。若修行上道，則三界邪魔悖亂正神，使心不能定，諸念競起，萬邪來干。此去六天之後，昌運合期，道化當行，真符漸露。受之者，能制伏邪魔，斷除邪慾，使三宮寧靜，九炁衛形。如或違越科條，罪不汝貸。急急如高上神霄玉清真王律令。


法曰：每一獄，有掌獄靈官一員，獄中靈官、真吏、典者一百二十人。天獄靈官、吏兵，將文行持，驅攝邪精，齋戒冥心，朱篆真符，隨意用心，呼召立降。凡行持，只用天獄一符，不必盡用。

法曰：凡頑崇，治之不下者，須立三十六天獄，變身為真王。掐申文，想天獄廣闊，左右天兵，雷陣圍遶，仗劍立獄，靈官、典吏、從官嚴切。祝付須管敗露，立獲昭報，伏準真王勅，分明於獄中顯現邪跡。


攝勘

應行法之士，出入行持，在人家宅，有凶惡邪神、精魅侮弄行法之人。先於安歇處，掃令潔淨，卓下建灰獄一座，卓上供養天將、吏兵等，用皂旗一面，立於灰壇中間。引將捉到邪鬼，於此現形。

太真玉帝天獄真符



飛真流光太丹妙靈真符




此符，當召九霄天獄主者。

神霄真王曰：凡行神霄之道，上攝天妖，下驅鬼毒、邪精、疫癘，無不治之。或境域方隅之中，山河江海之內，土木精邪之炁，五行不正之神，妄作異端，妄興妖孽，傷殘物命，損害王民，諸法不能治者，當召天獄正神、洞天福地仙官、五嶽四瀆江河山川城隍社令仙官兵馬，搜捉馘滅，隨意召攝。其或九幽泉曲，幽扃北陰酆都妖鬼邪神冤崇相報，纏縛生命，上延下續，法不能解者，當召九壘重陰羅酆北帝、九州社令仙官兵馬，隨意驅遣，以積濟世之功。勿以施財為念，貪着為心。或以法取非財，則罪延九祖，可不戒哉。一如玄科律令。

每遇行持修進之日，則朱書此篆。攝真靈命，飛丹九光大無上道君，及法中諸六甲六丁將軍兵馬、金童玉女、功曹使者、直符與法官，一身三宮正神。混合妙化，上朝三境，隨意所陳，然後治事。更用後十干將吏，收捕邪鬼，立有報應矣。

天抓獄符 抓者，擊也




呪曰：

神霄真王，勅下九天。關部大將，掬攝獄官。押邪抓獄，考責不停。獄主典吏，真命嚴急。攝問邪囚，稍有不伏，刑以刀兵。須管嚴密，無透獄情。急急。

密呪

唵吽吽唵嚩俱捉來唵攝考速吽判攝。

天戮獄符 戮音稍，攪也




呪曰：

神霄真王，勅下九天。攝召獄主，部領大將。掬邪入獄，考問禍因。刀兵法兵，從法嚴行。禍情速掬，不管頑雄。威猛杻考，現迹分明。急急。

密呪

唵三攝邪攝俱知吽唎考邪形唵吽刀兵考速考形密吽攝。

天標獄符




呪曰：

神霄真王，勅下九天。勅召典獄，分身現形。攝邪入獄，酷考不停。形骸碎段，根責邪源。違時重考，刑以風刀。獄官奉命，不得容情。急急。

密呪

唵丁丁力士唵毒考唵吽唵唎吽攝。

天辯獄符




呪曰：

神霄真王，勅下九天。命召典勘，獄官現形。部領官將，攝邪不停。邪崇入獄，毒考形神。碎首分尸，速吐邪源。根責嚴緊，須管分明。急急。

密呪

唵皮丁枷考唵總唎攝邪獄勅攝。

天膊獄符




呪曰：

神霄真王，勅下九天。急召典獄，分悉降臨。依稟帝旨，攝獄考邪。邪祟入獄，考訊無情。典獄部吏，加以刑刀。須管敗露，分現跡形。碎身萬段，膊邪刑名。急急。

密呪

唵仇讎咩唎攝唵見無逃形唵邪須滅跡勅攝。

天剪獄符



呪曰：


神霄真王，勅下九天。獄典準勅，分現真形。攝邪入獄，急考無情。禍邪重

考，剪碎身形。分尸萬段，速剪不停。急急。

密呪

唵刀刀唵剪剪唵速剪邪魂攝。

天焮獄符 巨金切，禁也。




呪曰：

神霄真王，勅下九天。追召典獄，依勅降臨。攝祟入獄，焮邪不停。嚴明重考，刑以刀兵。雷令枷罰，分明現形。急急。

密呪

唵鐵丁焮邪碎首攝唵咩玘唎俱帝攝。

天柩獄符



呪曰：


神霄真王，勅下九天。稟勅速召，獄典現形。攝邪入獄，重考分形。嚴切誅

責，立問邪因。稍若不伏，碎骸斷筋。急急。

密呪

唵火刀唵金捉唵奉勅急攝。

天刖獄符




呪曰：

神霄真王，勅下九天。勅召典獄，分降不停。攝邪入獄，立折其形。刖戮邪禍，掬問元情。刀兵千萬，分尸化形。獄主奉勅，無輒容情。急急。

密呪

唵呵唎唵誅考責攝。

天馗獄符



呪曰：


神霄真王，勅下九天。速召典獄，主獄降臨。急部從官，攝邪不停。邪精入

獄，馗考其形。管須敗獲，刑以火兵。急急。

密呪

唵刑刑唵刀兵唵考鬼唵滅形勅攝。

天圃獄符




呪曰：

神霄真王，勅下九天。攝命典獄，速降威靈。攝邪入獄，嚴問禍因。圃肉重考，敗露其形。獄主奉令，急急親臨。急急。

密呪

唵刀圃肉零零丁丁考伐勅攝。

天剝獄符



呪曰：


神霄真王，勅下九天。典獄準勅，急降

壇司。攝邪入獄，剝考不停。取問禍邪，通吐罪名。雷兵重考，分尸斷形。急急。

密呪

唵咩唵俱帝剝邪剝鬼神攝。

天芴獄符




呪曰：

神霄真王，勅下九天。關召獄典，速降靈壇。攝邪入獄，芴獄不停。急分鬼迹，立要通名。禍邪永斷，兵刀滅形。急急。

密呪

唵元天靈明唵攝芴形攝咩咩攝。

天捕獄符



呪曰：

神霄真王，勅下九天。勅召典獄，靈官

降形。速領獄卒，考邪重刑。刀兵萬萬，布炁天牢。嚴考邪崇，剪滅邪形。急急。

密呪

唵部臨唵捕邪唵勅靈官雷兵威勅攝。

天劓獄符




呪曰：

神霄真王，勅下九天。勅召靈官，管獄典吏。攝考邪崇，急入天獄。劓剝凶邪，速攝無停。斷尸千段，杵碎其形。八威吐毒，猛馬燦精。獄吏重考，刑以刀兵。急急。

密呪

唵靈靈勅天地獄鬼神艷山刀陣管考攝。

天謬獄符



呪曰：

神霄真王，勅下九天。勅疾關召，獄主降臨。攝崇天獄，重加考刑。糝邪鬼肉，碎杵其形。天丁前捕，剥磕不停。獄吏冥考，盡吐罪名。急急。

密呪

金丁鐵陣大神唵天獄重考無形勅攝。

天柄獄符兵永切，憂囚也



呪曰：

神霄真王，勅下九天。關召靈官，獄主令臨。攝邪入獄，押隊嚴刑。雷公攝崇，刀陣搖形。碎首不赦，兵刀重加。天雷一下，獄主奉行。急急。

密呪

唵急真威搖崇力士鎖邪滅迹速勅攝。

天刑獄符




呪曰：

神霄真王，勅下九天。嚴勅集召，靈官降靈。典獄齊至，攝崇刑身。獄卒重考，威劍滅形。靈官巡檢，察照尋聲。哭乞告命，愈憲天刑。急急。

密呪

唵刀兵刑邪滅崇唵火星熒滅如形絕滅勅攝。

天誅獄符



呪曰：

神霄真王，勅下九天。所統雷將，降獄考情。根討罪犯，重憲其身。神兵外部，邪精滅形。邵陣劊子，用刀憲刑。急急。

密呪

唵咩吒哩勅刀誅滅邪形神聖勅攝。

天驅獄符



呪曰：

神霄真王，勅下九天。追召獄主，天罡後驅。統兵百萬，攝邪入獄。天獄刑憲，重考邪精。驅身碎截，尸首不完。天勅降下，威憲難勝。急急。

密呪

唵神雷驅邪滅跡唵刀兵重加不赦勅攝。

天馘獄符




呪曰：

神霄真王，勅下九天。攝化天獄，召集獄軍。押崇入獄，憲刑重加。邪崇滅迹，鬼妖為塵。雷兵隊仗，考馘碎身。急急。

密呪

唵咩嚩吒唵滅妖馘邪斷尸勅攝。

天役獄符




呪曰：

神霄真王，勅下九天。威勅四鎮，典獄急臨。攝崇入獄，加考滅形。重役入火，迸煎爲汁。天兵萬萬，威劍絕滅。急急。

密呪

唵嚩吒唵驅役入火穿出碎身唵咩咩唵攝。

天掠獄符




呪曰：

神霄真王，勅下九天。攝命天獄，獄官降臨。雷兵陣隊，齊降天獄。獄獄考崇，普掠不停。天擒遠捉，邪崇絕形。急急。

密呪

唵憲獄普掠神王速滅絕唵神威攝崇考滅勅攝。

天治獄符




呪曰：

神霄真王，勅下九天。所統天獄，主領靈官。雷車外布，天兵後隨。攝邪入獄，刀治考形。形骸碎破，零落無蹤。急急。

密呪

唵咩刀陣考滅邪精唵奉命真王不停唵統軍攝。

天制獄符




呪曰：

神霄真王，勅下九天。普勅召命，獄主齊臨。攝獄制考，鬼邪滅形。神威猛烈，碎精邪形。獄主稟勅，速制絕蹤。急急。

密呪

唵法制唵咩考邪滅精唵速勅攝。

天威獄符




呪曰：

神霄真王，勅下九天。五雷總獄，威制邪精。鬼邪入獄，誅威無蹤。天威四鎮，考罰考形。獄主稟令，普考不停。急急。

密呪

唵金丁唵刀兵唵火車威制鬼邪刑憲攝。

天戮獄符




呪曰：

神霄真王，勅下九天。天威攝獄，獄官主職。討伐邪源，獄考滅形。神威重憲，刑以火刀。火刀戮殺，不見形尸。急急。

密呪

唵刀兵戮罰鬼唵邪滅精自滅形唵咩噴唵吒勅攝。

天剝獄符




呪曰：
神霄真王，勅下九天。承勅關召，獄主速臨。化獄碎崇，割碎身形。邪妖滅迹，鬼尸自亡。剥爛裊磕，斷首憲刑。急急。

密呪

掩洞焚吒哩攝掩攝妖精碎身萬段肉骨化塵掩吩吽噉

天剖獄符



呪曰：

神霄真王，勅下九天。勘獄靈官，分形降臨。攝邪入獄，迫考酷刑。嚴行勘治，刑以雷兵。排兵布陣，誅劊不停。肉塵肌碎，形影不存。急急。

密呪

掩雷兵掩雷刀掩吽噉考絕攝。

天剖獄符




呪曰：
神霄真王，勅下九天。掌獄靈官，展布威權。捉鬼在獄，如法推研。有犯禁律，誅斬毋蠲。碎形剝骨，永斷禍根。急急。

密呪

掩雷神掩雷兵掩吒哩滅鬼精掩吽噉

天剖獄符



呪曰：

神霄真王，勅下九天。關集獄主，號召靈官。攝獄追考，剝肉挑皮。釘釘骨，酷叫連天。磕灑剝體，滅形自然。帝勅降行，急速誅形。急急。

密呪

掩全帝掩噴噴掩剝邪鬼掩剝鬼精灑散斗收絕滅形。

天震。天搖。天攝。天政。天焮。

缺此五獄符呪。

立獄呪

天獄靈靈，水火交并。天鎖緊密，堅固

如鐵。追邪現形，伺報開扇。急急如高上神霄玉清真王律令。

右三十六天獄，乃一陰一陽之獄，依方所立。至獄，用一牌子供養獄官，陰用細砂，陽用火灰。下書以符上，以灰砂蓋於都大獄。星用牽罡如法，似鏡光之無痕。路中設真王一位，並三十六獄。校刑，中吏兵三十六。定法，下吏兵三十六。檢法吏、直獄，各各自有聖位。

玉府聖位

玉府上卿五雷使，陶伯成。

監察黑車丈人，元若泉。

按治魔醜摧邪仙伯，周定。

鎮邪戾定籍上仙卿，陶伯華。

定罪罰惡考謫上律卿，金可道。

蓬萊都水使者，陶景宏。

天抓掌獄靈官，陳紹高。

天標掌獄靈官，孫慶和。

天刃掌獄靈官，蘇可明。

天副掌獄靈官，吳裕。

天捕掌獄靈官，李將泰。

天劊掌獄靈官，牛德安。

天柄掌獄靈官，井丹華。

天刑掌獄靈官，杜妙之。

天驅掌獄靈官，孫永齡。

天役掌獄靈官，賈茂。

天治掌獄靈官，白天民。

天剝掌獄靈官，鄭才拱。

天剝掌獄靈官，潘昌祐。

天威掌獄靈官，蘇成章。

天震掌獄靈官，吳從問。

天辯掌獄靈官，蘇可封。

天剪掌獄靈官，范隆景。

天柷掌獄靈官，朱廷俊。

天馗掌獄靈官，華國安。

天剝掌獄靈官，董秀仲。

天朏掌獄靈官，耿奉先。

天穆掌獄靈官，吳令器。

天搖掌獄靈官，蘇若澄。

天誅掌獄靈官，金道卿。

天制掌獄靈官，嚴丕。

天馘掌獄靈官，關毅。

天掠掌獄靈官，馬封之。

天剝掌獄靈官，宋子本。

天政掌獄靈官，印彦安。

天戮掌獄靈官，童覺民。

天攝掌獄靈官，時庭老。

天剝掌獄靈官，褚潛。

天剝掌獄靈官，葉祖仲。

天膊掌獄靈官，蕭子昌。

天殺掌獄靈官，□□□。

天禁掌獄靈官，陶康美。

天獄府問政司吏，褚逸。

天獄府問結司吏，甘令露。

掌皇天下界牢獄上吏，郭瓊俊。

天獄府司非校錄正吏，王仲果。

天獄府司察採訪主吏，狄列甫。

天獄府司禁鎮攝上吏，嚴威武。

天獄府司行刑考謫典吏，崔觀之。

二十六獄掌龍神吏，譚伯灝。

三十六獄校刑中吏，敬惟恭。

三十六獄定法下吏，安庭天。

三十六獄檢法上吏，褚福佑。

三十六獄大長通變情罰吏，褚文。

三十六獄條庭吏，呂經常。

伏魔獄法正吏，玄武卿。

西臺治法閱獄吏，鄭本。

察獄殺吏，全通康。

直獄正吏，郭剛武。

掌風雷雪電光猛將，費日新。

三五邵陽將軍，閻不斬。

邵陽雷公火車將軍，任軍萬。

起罡將軍，趙守炎。

建罡將軍，熊修尚。

發罡將軍，田斬妖。

黃帝雷公將軍，黃定平。

青帝雷公將軍，周取。

白帝雷公將軍，董無敵。

赤帝雷公將軍，柳斬崇。

黑帝雷公將軍，蘇向前。

天雷晃將軍，周對。

水雷電光將軍，徹公用。

邀校撲殺將軍，趙護國。

霹靂號黑將軍，錢斬邪。

霹靂殺伐將軍，童鎮華。

移山翻海鐵甲使者，強威力。

洞風鼓震天威赤文使者，江漢卿。

掌風電金鈴使者，韓無擇。

三十六雷鼓力士，觀道先。

降電力士，葉仙成。

摧邪力士，郭橫行。

玉樞殿下左神將，姜遷。
玉樞殿下右神將，關師元。
北帝殿下左神將，章成才。
北帝殿下右神將，蔣世華。
天獄直符直吏，社嘯風。
東方青帝考官，晉昌年。
南方赤帝考官，楊炎明。
西方白帝考官，顧通直。
北方黑帝考官，韓世隆。
中央黃帝考官，蔡秀實。
主雷大將，程希。
欵火大神，鄧伯溫。
負光大神，何道卿。
振威大神，諸葛新。
興雷大神，宋不傑。
引領大神，賀永平。
火目電光神，平容新。
震目大神，柳公子。
執部領軍大神，遷太平。
負風猛神，馮猛。
掌雲火龍騎山沸海大神，東方器。
掌霹靂火光銀牙耀目猛吏，辛漢臣。
雷公火車六師，邵陽公弼。

左大判官，林萼。
右大判官，段明。
三五邵陽主帥將軍，鄭徹靈。
流金火鈴大將軍，陶方夫。
霹靂典籍功曹，王彥公。
掌惡部功曹，向真道。
掣惡揮鉞上命使者，安道和。
日晃陽光太極吏，公翠景。
火鈴威天公吏，繆可程。
玉光金精上吏，威伯華。
吹海揚波馳役神，陳靈華。
猛吏，曹惠知。
斬妖伐木開山火令神，陳曼卿。
追雷擊電猛吏，袁處正。
雷城決風雲上吏，傅成輝。
飛雲走電大神吏，龍化基。
掌雷車黑炁神吏，董觀可。
吞啖妖魔天中神吏，應元京。
部轄靈魔掌律文吏，和正之。
勘劾妖魔正善惡主吏，通元法。
掌善惡孝逆忠和都吏，謝暉。
掌水旱分野灾沴上吏，金鐸。
掌山林曠野溪谷主吏，侯通。

雷威主吏，林春臣。
雷威猛吏，周旻昌。
執節都吏，陸靖。
風雷神吏，尚幽靜。
五雷直符使者，丘太乙。
黑面神君，徐高。
雷陣左領將軍，時即行。
雷陣右領將軍，宋師元。
掌雷鼓師都吏，彭元漢。
掌罡風天漢吏，劉君谷。
起雨興雲吏，桂長卿。
威使震鈴吏，袁含清。
掌霹靂火光吏，尤勉。
掌鬼政龍書洞陽吏，褚風。
龍圈治水吏，安鎮卿。
追風布雲虎吏，林運。
掌兵器甲卒吏，尚丹天。
天雷掌吏，孫窮元。
負天擔石太微令，洞真瑤。
掌天書大籍吏，王文舉。
斗中六通使者，陳太初。
龍隊監催使者，華可容。
霹靂搜龍使者，陳寧。

雷陣左右車使者，陳大表。

散雲歷黑使者，轟洞靈。

縛魂監送使者，吳彥常。

典錄考禁使者，熊孔美。

霹靂催風使者，黃世昌。

霹靂迷魂使者，王元寶。

霹靂火車腥烟使者，向敵。

霹靂迸火禁炎使者，催宣。

霹靂火猪黑犬使者，賈公瑾。

霹靂倒提摧拉使者，成化成。

霹靂四望使者，高彥宣。

霹靂回車使者，火光神。

掣雷電奔雲使者，龍騰明。

掌兵甲橫身飛雲使者，樂禹功。

驅風雷電斤斧使者，雲漢英。

獄中推勘雷霆九司靈官

掌法靈官，孟可言。

斷罪定對靈官，王子明。

勅符靈官，尚從一。

上章奏靈官，朱士登。

直獄靈官，李堯卿。

訊問鞫問靈官，上官推。

考校靈官，歐陽穎。

檢崇過犯拷問靈官，東門清。
急捉靈官，司徒羽。

治病捉邪十干遊奕將

甲日將，張遷。統兵將，咎與。吏兵，三

千人。

乙日將，元吉。統兵將，秦周。吏兵，四

千人。

丙日將，顧文行。統兵將，桑千。吏兵，

八千人。

丁日將，趙珏。統兵將，董周。吏兵，七

千人。

戊日將，秦志。統兵將，仲文。吏兵，九

千人。

己日將，蓬惠。統兵將，耕太。吏兵，一

萬人。

庚日將，則周。統兵將，賈忠。吏兵，四

千三百人。

辛日將，細道。統兵將，杜方。吏兵，一

千人。

壬日將，田崑。統兵將，彭玘。吏兵，三

千人。

癸日將，王昌。統兵將，蘭嗣。吏兵，一

萬人。

此十干將，各隨直日使用，勅水解穢，鎮宅驅邪。或以文割，差令前去

治事。

十干將訣


甲日寅。乙日卯。丙戊日巳。丁巳日午。

庚日申。辛日酉。壬日亥。癸日子。

治病符勅筆呪

結空成梵，真炁自生。《赤書》玉字，八威龍文。保制劫運，使天長存。治病斬邪，萬生安寧。急急如高上神霄玉清真王律令。

總治病符



第一符呪

第一上丹明堂，白帝除凶。六宮明淨，道化長生。百病速去，使汝長生。

第二符呪

第二中丹赤子，黃帝元仙。預曉吉咎，淨肅心元。丹晶一液，保命延年。

第三符呪

第三下府神君，赤帝黑王。六府流液，百病不傷。金液保命，永符吉昌。

上元符呪

上元赤子，守於黃房。攝神皈命，保子永昌。

中元符呪

中元太乙，坐鎮玉堂。招魂衛身，得見真王。

下元符呪

下元元主，列在神庭。制魂成陽，面昇玉堂。

法曰：此三符，管三宮升降，百病悉去，真炁長存。掐辰文，取巽炁，朱書，燒灰，用乳香湯調下。小兒，心前佩之。面東南服了，當念太乙救苦天尊三百聲。

勅符呪

東華元君，韓君降臨。玉府真命，保熱生靈。真炁到處，永保長生。急急如高上神霄玉清真王律令。

呪水治病法

凡人請符水，具事由。祝神了，安水。右手依法取東南炁，用丁甲訣，左手大指壓倒中指，掐子文，却倒四指壓大指，餘一二五指皆直。

呪曰：

乾元亨利貞，六甲與吾并。靈泉入五臟，六腑保安寧。急急如高上神霄玉清真王律令。呪盡，挑訣入水，再掐玉清訣。

次念呪曰：

七政八靈，日月同生。本因道德，我得真名。北方辰星，是我真形。能蕩萬穢，能潤萬真。能終守一，保人長生。百邪蕩穢，五臟安寧。壬癸壬癸，付與天丁。急急如高上神霄玉清真王律令。再飛子午斗。

入水呪曰：

熒熒煌煌，七星仰昂。生為北斗，星為天罡。乾亨利貞，明俱帝鄉。急急如高上神霄玉清真王律令。

遣符呪

天雷隱隱，龍虎交并。日月星斗，照耀分明。某日功曹，直符而行。去病伐惡，不得隱停，速去速來。明彰報應，勿煞汝身。疾。呪畢，存將隨符而去。

高上神霄玉清真王紫書大法卷之九

高上神霄玉清真王紫書大法卷之十


霹靂摧魔部

總召霹靂將吏呪


天陽陽，地陰陰。五方五雷，十方風神。雨師雷長，掌水真君。雷光童子，霹靂將軍。隨勅所命，集聖濟生。吾奉玉清真王律令，謹召某將，火急降臨。疾。

右法，掐辰文，取巽炁，吹壇前。任意役用，當用後符遣之。

左領軍將軍，王佐，一百二十人。



右領軍將軍，馮雄，一百二十人。




召呪

神霄玉勅，出身上清。飛雷迅電，龍虎


前奔。左右領軍，急速降臨。搜精斷怪，斬邪除蹤。急急如高上神霄玉清真王律令。

右法，掐中指上節為訣，取巽炁，存此二符將，並皂衣，統領雷部神吏。斬邪怪用之。

左車使者，留炎，一百二十人。



右車使者，王可久，一千人。




召呪

神霄御闕，掌部天龍。真王勅命，火急前衝。左有雷陣，右有電君。左車使者，右車天丁。一召無違，千里赴程。剪妖除鬼，打考分明。急急如高上神霄玉清真王律令。

右法，掐辰文，取巽炁，存神皂衣，駕雷車，性猛烈，打考鬼神用之。

神霄擲火大將軍，陳用真，一百二

十人。



流金火鈴大將軍，周達，一百二十人。



召呪


南昌火府，神霄之天。丈人令旨，急下九天。玉京力士，擲火將軍。流金叱魔，交換不衝。魔鬼為灰，火鈴將軍。天紅地赤，萬里離明。神霄一勅，鬼無逃形。急急如高上神霄玉清真王律令。

右法，掐午文，取南炁。燒剪妖怪，盡為灰塵，能淨天獄。

擲光童子，蘭英，一百二十人。



電光玉女□□，一百二十人。




召呪

太一十精，白旗招搖。百邪拱手，六天無妖。龍宮水池，斬殺天妖。神府曆勅，下告天曹。擲光童子，焰遍滔滔，喪邪雙目。電光玉女，普用焚燒。八方邪怪，入骨皆焦。急急如高上神霄玉清真王律令。

右法，掐巽上，取黑火炁，吹遍天地火。掐邪目，罩壇心。掐邪目，乃中指掐手心為訣。


散雲歷黑使者，轟洞靈，一百二十人。



呪曰：

青帝保身，黑帝虎晶。陽水炁騰，號雲逞霧。雷火交馳，霜天遶速。左轉天昏，右罩地閉。凝結一身，萬神離位。急急如高上神霄玉清真王律令。

右法，掐辰文、邪目，巽上取黑火炁，以蒼黑書，帶、燒。想黑霧罩之，萬邪不見形影。凶惡之神，盡皆滅絕。貌若直符，皂衣，黃巾，執斧。邀後撲殺將軍，馬昇，一百二十人。




召呪

玉清仙律，神霄勅命。召者立至，不得延停。撲殺將軍，撲邪碎形。倒提摧拉，殺邪推形。凶妖蕩盡，大道安寧。急急如高上神霄玉清真王律令。

右法，掐辰文，取巽炁。治凶邪惡鬼。存將金甲，大眼，如將軍狀。左手叉腰，右手索縛一祟。

倒提摧拉使者，莊思文，一百二十人。



召呪

洞淵神霄，號令四維。兵排百萬，不祥

須追。摧拉使者，不得延遲。急急如高上神霄玉清真王律令。

右法，掐辰文，取巽炁。其符，可同致雨符燒之，祈禱雨澤，立降。亦能伏猛惡精怪。其將，貌若直符，青巾，黑衣，左手執刀，垂下右手握拳。

追風布雲虎吏，馬天佐，一千人。



召呪

蒼梧風神，太上勅去。九天雲營，神霄勅送。大風猛起，疾如驟雨。催風令下，追風迅復。布雲鬢鬢，乾坤黑黑。急急如高上神霄玉清真王律令。

右法，掐卯，辰文，取巽炁，書之。乃行司役神，布雲追風。

縛魂監送使者，丁謹，一千人。




召呪

紫府玉闕，金光神府。御苑真王，降威九天。搜精剪鬼，猛虎為先。玉科治

罪，速入西田。縛魂使者，監鬼吾前。送沉海內，勿違命言。急急如高上神霄玉清真王律令。

右法，掐辰文，取巽炁，書符。治邪精鬼祟。其將，黃巾，緋衣，索縛一鬼，左手把其鬼頭，右手提索。

龍隊監催使者，謝大明，一千人。




召呪

洞淵神霄，號令四維。兵排十萬，不祥須追。監催使者，不得延遲。急急如高上神霄玉清真王律令。

右法，掐巳文，取巽炁，吹。催神勾將，四維遣魂，燒崇勘錄精邪。其將，青巾，黃衣，手把龍幢。

典錄考禁使者，龔固，一千人。




呪曰：

九壘土皇，洞神天尊。神霄大帝，暘谷神君。一攝千里，再勅九圍。速召司

禁，典錄五雷。考禁使者，細勘精推。不遵元命，斬戮為泥。借人尸體，付來言非。若敢違命，收送天機。急急如高上神霄玉清真王律令。

右法，掐卯，辰文，取巽炁，吹之。斬邪迷魂，燒東方邪怪。用之吹體，勘錄精邪。其將，緋抹額，緋衣，兩手把簿籍。

嘯黑大將軍，錢雄飛，一百二十人。



呪曰：

神霄天庭，內外神獄。龍圈啖毒，斬妖鬼哭。散雲歷黑，遍徹幽府。號黑將軍，使者疾送。一到吾壇，火令急速。急急如高上神霄玉清真王律令。

右法，掐辰文，取巽炁，墨書青紙上，燒之。病人見，天昏地暗，不分神鬼晝夜。然後，勘鬼神用之。其將，如將軍狀，金甲，朱衣，手執火輪。

迷魂昏遁使者，龐安和，一百二十

人。



火車腥烟使者，向敵，一百二十人。



召呪

韓司勅下，降付洞淵。雷公電母，迅風三天。霹靂邪惡，鬼迷魂在。壇前凶妖，如失室潛。鬼遁重泉，火車袞天，車腥煙變。山川使者，須聽命追，慎勿遲延。急急如高上神霄玉清真王律令。

右法，掐辰文，取巽炁，吹。斬邪迷鬼，燒崇烈怪用之。迷昏使者，青包巾，皂衣，手執刀。火車使者，青包巾，黃衣，左手執火炬，右手握拳。

殺伐大將軍，混康，一百二十人。




呪曰：

玉清真令，神霄祕文。代天行化，助國救民。誅邪伐鬼，滅怪斬龍。煞伐將軍，飛刃奔傾。捉邪刀斧，斫腦分形。吞精取髓，骨化為塵。急急如高上神霄玉清真王律令。

右法，掐辰文，取巽炁，吹之。存其將，金甲，身長百丈，大面，大眼，面青紫色，手執幢，乘黑雲。凡用時，祝之曰：速急前往某家，收捉三界之內、四維上下邪精，押赴雷府，依律治罪。急急如上帝律令。

奔雲催風使者，霍澤，一千人。




呪曰：

蒼梧風神，太上勅去。九天雲營，神霄勅送。大風猛起，疾如驟雨。催風令下，追風迅復。布雲變變，乾坤黑黑。急急如高上神霄玉清真王律令。


右法，掐辰文，取巽炁。此將主行司，役神布雲追風用之。其將，皂

衣，金甲，青結巾，面赤色，左手持刀於跨下，右手指前行之。

迸火焚炎使者，耿中庸，一百二十人。



火猪黑犬使者，賈公謹，一百二十人。



召呪

霹靂伐凶惡，斬鬼煞怪神。迸火焚妖邪，炎炎達上清。使者飛真火，燒鬼化成塵。火猪啖山鬼，黑犬吞魔精。分骨成血汁，微藏不留停。食盡六洞鬼，又滄八方神。邪聞爲營血，鬼見光滅形。一召奔來至，與吾却邪神。急急如高上神霄玉清真王律令。

右法，掐辰文，取巽炁，書之。能啖鬼吞神燒邪，滅六天妖魔。迸火使者，黃結巾，黃衣，左手提刀，右手握

拳於胸前，回顧。長十丈，乘火雲，四邊皆迸出火光。火猪使者，紅包巾，緋衣，兩手各牽黑犬。並捕捉崇搜龍。勿妄用之。

四望使者，喬松，一千人。



聽察使者，紀宗彝，一千人。




召呪

高上玉帝，神霄密文。四望使者，聽察天丁。號令布天，搜龍將軍。潛伏小鬼，搜龍現形。姦害魍魎，聽察邪凶。如有此者，搜付人身。急急如高上神霄玉清真王律令。

右法，掐辰文，取巽炁，書。察邪搜鬼用之。四望使者，青包巾，黃衣，左手握拳，右手把旗，捲之。聽察使者，黃包巾，緋衣，雙手持捧。發聽察使者符呪

高上神霄，聽察使者。聞今呼召，火急降臨。察人善惡，審聽邪精。急急如高上神霄玉清真王律令。

搜龍使者，沃發，一云陳寧。一千人。




召呪


扶桑大帝君，真炁急降臨。書符下九天，霹靂興雷電，天丁降縛龍。急急如高上神霄玉清真王律令。

右法，掐辰文，取巽炁，書之。可祈雨用之。當同致雨符一處燒之，其效不可述也。其將，青包巾，緋衣，乘龍。

典籍功曹，胥儒，一百二十人。



覆勘功曹，柴仙，一百二十人。



記名書過功曹，管中立，一百二十人。




召呪

南宮丈人，救護生魂。神霄天帝，太一慈尊。書名記過，覆勘奸凶。典籍定曆，上奏三清。有功言來，有過急呈。若命有違，覆勘書名。急急如高上神霄玉清真王律令。

右法，掐辰文，取巽炁，書之。校覆功曹，定紀文章，能知生死，皆為天地水、九江、四海、四瀆、溝洫、陂河龍神。若有祈求，只用雷火印印之，投水，立有感應，聖力最大。典籍功曹，捧簿書。覆勘功曹，左手握拳於胸前，右手指後，回顧。記名功曹，右手把筆，左手執籍。

回車使者，蘇中孚，一千人。



召呪

九天勅命，洞淵玉文。到即回車，使者

審聽。大風即止，大雨不行。更車歸洞，更不前往。於上有迴，一雲過。飛奏上清。急急如高上神霄玉清真王律令。


右法，掐辰文，取巽炁，書之。存神紅包巾，緋衣，雙手捧一符。回車用之。

雷陣勅符呪

吾稟真王，勅令玉帝，金符告天。立壇法象，驅神遣鬼。左契龍文豁落，右佩神霄玉律，口誦玉清羽章，朝謁大帝。下統山川洞淵水陸神祇，上列神霄真卿，誦詠大洞玄機。一，勅召九天司命；二，勅召九天真仙。吾為仙王太上丈人，五嶽主者，受事在吾心。呼風吸雨，步電興雷。大怒雷部前往，威震霹靂崩摧。元天有令，風火四維。天下萬神，並令知委。錄中金甲將吏，雷霆猛烈天丁。一召遍下壇前，不得於令有違。急急如高上神霄玉清真王律令。

法曰：念訖放訣，取神霄炁，吹之。次念法，仗劍，噴水。遣之如式。

流金火鈴殺伐將符



呪曰：

晶炁靈靈，迅雷烈風。炎火猛烈，燒鬼滅形。急急如高上神霄玉清真王律令。

右符，念炎帝火鈴呪，存雷火、火車二神，各着烈火緋衣，乘火。同後符於患人家燒，殺不正鬼神。

神霄雷火符散形




天火神君急



地火神君急



神火神君急



燒邪魔糜灰



神霄真王勅




雷火擲萬里



雷火布四維




病者急安康



邪魔煉成汁

聚形符



呪曰：

炎帝火鈴，雷火將軍。炎火速降，燒透

鬼心。急急如高上神霄玉清真王律令。

右符，掐午文，取南炁，朱書黃紙上。燒邪、治病、下鬼胎、鬼食，止小兒夜啼及治夢遺。用乳香湯下，更加前火輪符一處燒之。當存前將服色。大治山魃、惡鬼、下邪等祟，其功不可盡述也。

護身戴符散形

九

九天伏邪
護身將

司

神霄金甲
紫府將

功

玉清
仙兵

圍甲

乙

上清仙兵
左庚辛

一

太清仙兵
遵陵光

二

四聖三合
衛鬼門

呪曰：

玉帝通靈，統攝萬神。邪魔拱手，八極具名。敢衝真節，碎影滅形。急急如高上神霄玉清真王律令。

右符，如法師神弱，當朱書黃紙上，盛以絳紗袋，戴之，佩以鳳羅，慎勿

穢觸。掐辰文，取巽炁，吹之。或丹書青上，絳袋盛之，或吞亦得。

又符散形

彌

神霄玉清
大帝勅

圓

神霄三十六
天大帝勅

木

急差天丁
八百萬

去

鬼邪山魃五酉喚尸
精送上天獄永不回

鬼

急急如

高上神霄王勅

聚形

呪曰：

癸宿真晶，金炁煥明。攝伏邪惡，永向天真。急急如高上神霄玉清真王律令。右法，掐辰文，取巽炁，面東南，朱書。鎮伏尸、古怪、井竈、壇物、自動釜鳴、井溢、引弄鷄犬。用栢木板，八寸方，長七寸，背書總監二將軍。於本家八方釘之，更用磚一片，上書符，埋在中庭。又用黃紙書追捉功曹符，於土坑中燒之。下符時，坑令

深七寸。常黃繒掛堂中，則鎮一切凶魔也。

保胎宜男符

凡婦人諸產厄，及胎炁不穩，保之，吞宜男符也。入月吞之，去邪，使子母皆全，保胎。童子佩，去驚弔之疾，長大異養。呪曰：

六甲六符，從卿將吏。保胎童命，尸邪亡墜。旃檀使者，收魔護衛。男筭天祿，女壽青簡。符到奉行，百鬼潛避。急急如高上神霄玉清真王律令。

保胎吞符

呪曰：

大羅靈官，真炁合形。復化生炁，永保長生。急急如高上神霄玉清真王律令。


斷兒注呪

赫居燕盧，混漠靈真。太素雲芽，三景披分。九天太一，守護胎門。胎神八史，二十四真。炁戶開徹，神煙興雲。邪害小鬼，速詣北尊。東極送名，大居

捕形。太一把斧，斬伐萬精。敢有干者，北斗驛程。保真長生，保命無傾。急急如九天太一真君律令。

右法，掐辰文，取巽炁，吹之。其符，當入月服之，並申奏神霄九天降生司，必解此厄也。

救產難符




呪曰：

南昌黃華，玉眸鍊身。十月滿足，骨格已成。好生使者，韓君丈人。司馬司籙，衛房聖母。九天持符，監真度生。符下五臟，急離母身。急急如高上神霄玉清真王律令。

衛房玉女，監生大神。保守生籍，子母分形，急急如律令。

右符，掐辰文，取巽炁，書之。用順流水送下，大治產難。

度厄消灾符



呪曰：

南極長生，解厄化生。一云太一化生。三台伏筆，萬善咸臻。急急如高上神霄玉清真王律令。

右法，先念呪三遍，取炁三口，吹筆，書之。再呪三遍，三口吹符上。令燒灰，倒流水下。掐辰訣，取巽炁。若遇官灾、口舌、刀兵、虎狼、惡人呪詛、大灾、水火劫運，悉皆朱書，祈禱吞帶，其厄立退。服了，念消灾解厄天尊三百聲，立解也。

度厄呪

吾奉天勅，玉京賜力。天丁乘衛，八史佐力。日月五星，神光赫奕。二十八宿，五嶽四瀆，看吾喘息。上有華蓋，下有天乙。左導風伯，右從雨師。凶妖小鬼，口舌水火。惡人盜賊，斬口截舌。面赤目黑，死亡之時，到汝之刻。急急如玉清消魔王律令。

右法，如水火、刀兵、刑獄之厄，命值灾星，面東念太一長生保命消灾天尊、神霄玉清真王聖號，各一百聲，佩符念呪，存四直在身，一切厄難，

皆不得近。

去官灾口舌法


凡有此灾，上下不和，並有灾厄，當入靖治，焚香啓白所事之因。先念存斗呪：

吾奉真王勅，與五斗俱行，千萬凶殃，莫敢當吾前後。前開後閉，萬鬼不敵。急急如律令。

伏斗呪

我生斗罡，起斗行罡。三台在前，辟除不祥。天一在後，辟除邪兵。日在吾左，陽明耀耀。月在吾右，變景陰精。華蓋覆頭，足履七星。二十八宿四張，為吾城郭，方圓三十里，周匝下營排陣。境界千邪萬害、惡鬼凶神，伏吾魁罡之下，無動無作。急急如高上神霄玉清真王律令。


伏灾斗



變灾呪

吾是天尊真王三天師君弟子，昔受太上神方殺鬼之文。夜行遊尸，七惡妖魂。九醜鬼賊，萬魔成群。赫奕圖兵，巨獸羅千。揮割萬妖，當我即殘。龍降七燭，逐邪無奸。玉帝神師，揮劍斬凶。滅摧萬魔，惡人盜賊。官事口舌，遊師禁戒。厭倒呪詛，三天正法。斬殺惡人，枷鎖白刃。凶灾摧落離身，破散消滅。欲起惡意，向吾之者，流鈴拔舌，北斗截頭。書不成字，語不成章。急急如高上神霄玉清真王律令。

右法，有凶灾惡人謀害，被人厭倒種種灾事，家門不和。先掐辰文，取斗，炁吹兩肩，念斗呪三次，三吹，藏身斗中。師立中央，存五斗，皆有光芒射人。次念伏斗呪了，默禱所事，念變灾呪。直出，不得反顧，大驗。出斗時，閉炁而出，其灾自滅也。




去伏連符

呪曰：

雷公電母，擲火流金。霹靂尸怪，斷鬼除兇。投水自縊，尸冤炁傳。神霄一勅，令汝生天。不聽吾命，斬汝罪愆。急急如高上神霄玉清真王律令。

右法，掐辰文，取巽炁，吹之。如有投水伏連，冤枉相替，朱書板上，埋之。人有病，吞服可解。

斷注符



呪曰：

勅吒吒吒，吽吽吽吽。注射遷鬼，傳尸勞魂。八萬天丁，九百正申，吏兵三千。收邪斷注，送往北天。剪斷鬼蹤，後截尸冤。人民安樂，上昇九天。急急如高上神霄玉清真王律令。

右法，掐辰文，取巽炁。凡世人被尸勞鬼注，伏連世代，以致滅族者，朱書黃上，背書鬼名，左裂丁釘之。三時同黑紙，鬼辟人去，夢中報知，可斷後根。吞之三道。

又呪曰：

天獄靈官，司命促生。真炁到處，破獄生天。急急如高上神霄玉清真王律令。

凡治家親為祟，不得受生，念呪書之，並功德牒同燒三道。又三道，於本命上供養。念呪蓋形，於本命上卧，其虫自出。三更後服，少頃，再服前符一道。二符並燒服，其虫立出。

厭遊尸破射符




呪曰：

天有五星，地有九梁。五行運動，出陰入陽。飛尸鬼注，邪注滅亡。山壇遊尸，破射伏梁。先斬尸祖，後斷鬼王。汝若不去，送向魁罡。急急如高上神霄玉清真王律令。

右法，掐辰文，取巽炁，朱書黃紙上。如人卒中飛尸，不省人事，或厭南川射獵之人，以桃枝湯吞下，立安。仍

以前湯一斗，洒之為妙。

除怪符



呪曰：

玉清天皇，斬殺天精。上清地皇，斬却地妖。太清人皇，辟除不祥。七代酉角，送去天丁。元皇稽首，鬼帝滅形。千妖萬怪，不得留停。急急如神霄玉清滅魔王律令。

右法，掐辰文，取巽炁。凡引弄鷄犬、敲門打戶、失財虛耗、六畜自食，一切怪異。中庭，以方磚埋之八方，其灾怪自除矣。

斷呪詛口舌符



呪曰：

青帝靈靈，應化隨方。橫斷灾厄，以逐狂風。急急如高上神霄玉清真王律令。

又呪曰：

天喉北斗，氣舌南辰。能斬人冤，能斷人憎。非非是是，說我姓名。青龍孟章，飲汝身血。白虎監兵，咬汝喉嚨。赤齒大刀，白舌天人。今日上告，收汝奸身。急急如高上神霄消魔王律令。

右法，掐辰文，取巽炁，於正旦端午，書桐木上，釘門堂中。若口舌呪詛，朱書黃紙上，吞帶，念消灾解厄天尊聖號三百聲。

通目符散形

元始 太上 太上 東西南北
天尊 道君 老君 上下懸照

上合清

炁為天

下合濁

炁為地

太離天尊
追攝鬼魂

日月通靈

盡見鬼神

布金

引鬼

天帝勅
天神妖

邪盡 地祇勅地神
現形 精邪盡皆通

天轟

地攝

天勅 鬼

地勅 鬼

人煞 鬼

天罡太
一勝光

小吉傳送從魁河魁登
明神后大吉功曹太克

聚形



呪曰：

玉清上帝，洞視天尊。真光徘徊，混合目睛。急急如玉帝勅。

再呪：

清冷元君，神通萬里。徹見鬼神，洞曉邪源。符水拭目，衆神齊臨。急急如玉帝勅。

次念通目呪

天目大神，地目神君。百眼魔王，洞觀天尊。照徹八極，上見三清。八十一壘，深見微塵。鬼神吏兵，見在吾形。急急如神霄玉清真王勅。

右法，三九夜，人靜，以東井水調，念呪，掐辰文，取炁七口入水中，淨耳目、面，餘水飲之。百日徹視鬼神也。

變獄符



呪曰：


東方風雷，南方火獄。西方裂形，北方冥水。中央普掠，囚勘鬼神。牛頭掾吏，罪鬼天丁。神府一勅，萬變天神。八方大獄，炁到成形。急急如高上神霄天獄天王律令。

再呪：

六首山翁，生存幽谷。朝泛庚申，暮還甲乙。晚積丙丁，大海四目。三十六將，速建水火獄。急急如高上神霄玉清真王律令。

右法，臨壇遣邪囚鬼，書畫四方，圈放符中。念法，任意作用。牢頭印符，燒灰吹。變獄用之也。

召天丁符



呪曰：

神霄勅命，徑往九天。所召天丁，速至壇前。符命一下，無輒稽延。急急如高上神霄玉清真王律令。
右法，掐辰文，取巽炁，書召之。

召六丁玉女符



呪曰：

神霄勅命，徑往九天。所召玉女，速至壇前。符命一下，無輒稽延。急急如神霄玉清真王律令。

召真致神符




呪曰：

神霄勅命，徑往九天。所統兵馬，萬萬千千。符命到處，急發令行。急急如神霄玉清真王律令。

右法，掐辰文，取巽炁，書召之。

召泰山兵馬符



呪曰：

五方主宰，來到泰山。甲吏一萬，速降玉司。承受命令，火急遵行。急急如


高上神霄玉清真王律令。

勅符呪

青華帝勅，徑赴東峰。蒿里老卒，符到交兵。急急如高上神霄玉清真王律令。

右法，掐辰文，取巽炁，符以朱書，用板長一尺二寸，闊三寸四分。凡關借泰山兵馬，牒其所司，令衛護。壇靖及醮筵，或借兵馬狀，同燒之。

召五嶽掾吏符



呪曰：

玉清勅命，下降遵承。掾吏兵卒，火急奉行。急急如高上神霄玉清真王律令。

右法，當用寫牒，關掾吏攝召亡魂。

牒內再用符一道，同燒之。

召里社符



呪曰：

奉命玉清，統領土兵。里社神界，隨吾

令行。天符一給，九合一成。急急如高上神霄玉清真王律令。

右法，寫事由作牒。攝召亡魂，用符一道，於內召之。如治崇時，當可用後呪。呪曰：

東華勅命，速召正神。里社廟貌，咸遵令行。符到急至，無輒違時。急急如高上神霄玉清真王律令。

右符呪，召里社正神，遣崇，并捉山魃等崇。

召神霄兵馬符



呪曰：

神霄勅命，徑御九天。所統兵馬，萬萬千千。符命到處，急速令行。急急如高上神霄玉清真王律令。

右法，掐辰文，取巽炁，書之。或行壇召令衛護，朱書黃紙上，燒召。

召神霄功曹主者符




呪曰：

玄曹玉文，立功之官。主治玉清，奏報三天。上帝有勅，速下神光。謹請某將，依律奉行。急急如高上神霄玉清真王律令。

右法，掐辰文，取巽炁，朱書黃上，召之。

召神霄直符




呪曰：

玉清王勅，速召真符。關告所請，顯應靈都。急急如高上神霄玉清真王律令。

右法，掐辰文，取巽炁，書之黃上。即用關引，上書一道，召之。

召六甲神將符



呪曰：

六甲直符，直日使者。玉清有勅，火急速化。關告所禱，一一投下。急急如

高上神霄玉清真王律令。

右法，掐辰文，取巽炁，書之黃上。即用關引，上書一道，召之。

召日辰直符




呪曰：

六甲直符，直日使者。玉清有勅，火急速化。關告所禱，一一投下。急急如高上神霄玉清真王律令。

右法，掐辰文，取巽炁，書之黃上。即用關引，上書一道，召之。

召直日功曹符



呪曰：

直日功曹，直日將吏。神霄法召，一如速至。急急如高上神霄玉清真王律令。

右法，掐辰文，取巽炁，書之黃上。即用關引，上書一道，召之。

請雷神法

法曰：凡請雷神，當先淨穢，誠心啓白：具位姓某，千載萬幸，遭逢大道，獲遇師資，冒叨大法。凡有皈投，敢忘關告。今者，伏爲某事，謹召某神。依《高上元律太極隱書》，齋告祈御，仰乞靈神，下臨壇所，顯示威靈。呪曰：天地日月星，風雲雷電神，吾奉九天聖仙部董真人勅，急召五雷神將，火速降臨。急急如上清律令。

右法，掐五雷訣，向天門，叩齒七通，呪七遍，存神來，香煙散爲報。然後，祝之某事畢，送曰：仰啓已周，關盟告罷。人世塵寰，難留雲馭。復還神府，流恩某身。後有所告，一如故事。

神霄玉清五雷祕訣

凡人被凶惡鬼神妖邪爲禍，未能驅遣者，法須志誠齋戒沐浴，着法衣，入法院，上香啓白三清上聖雷霆真宰。然後，立壇祭雷，虔誠禱祝。步斗，掐五雷印，閉目想四海龍王兵衆，從雷神出。噴水放訣，口作怒聲，喝：雷神速

去誅伐。想神去約萬里，一刻當有風來，却是回歸。其夜，再祭謝之。天雷火大將軍，劉忠。

左掐乾文，丁步面北，想所受雷炁，取一口，納在丹田，取炁一口，吹訣上，叩齒九通。再取雷炁一口，想腹內雷鳴。北黑炁，吹患人。

地雷火大將軍，李用之。

左掐卯文，丁步面東，想所受雷炁，取一口，納在丹田，取一口，吹訣上，叩齒九通。再取雷炁一口，想腹內雷鳴。東青炁，吹患人。

水雷火大將軍，宋守寧。

左掐丑文，丁步面南，想所受雷炁，取一口，納在丹田，取一口，吹訣上，叩齒九通。再取雷炁一口，想雷聲起來，面上赤煖，口中如火出，吹患人。

神雷火大將軍，周文慶。

左掐大煞文，丁步面北，想所受雷炁，取一口，納在丹田，取一口，吹訣上，叩齒九通。再取雷炁，運炁，起腹內雷聲，吹於患人。

人雷火大將軍，朱永安。

左掐未文，丁步面人門，想所受雷炁，取一口，納在丹田，取一口，吹訣上，叩齒九通。再取雷炁，運炁，腹內雷鳴聲，吹患人。

召風法

天丁隨吾步風蹤，急急行助吾之兵，折魔之凶。急急如律令。

右法，兩手掐巳文，誦十二遍，巨風立至。

收風法

天一太一，下充玄一。浩浩大風，靈罡令集。隨聲來息，不得停留。急急如律令。

右法，兩手掐天罡訣，喝：疾止。風息。

召雲呪

山川之炁，百秀之精。結爲華蓋，洞吐成雲。驅雲使者，結炁靈君。奉命急召，無輒稽停。急急如律令。

右法，兩手掐子文，誦二十遍，黑雲從來。

收雲呪


名山五嶽，華蓋之炁。結而為雲，散而為炁。却歸山谷，復入神鄉。候吾有召，速速奔奔。急急如高上神霄玉清真王律令。

右法，掐本師訣，兩手俱訣，喝：速散。其雲立散矣。

收雷訣

師傅上道，奉勅太玄。行令已畢，驅滅邪源。復歸本位，毋敢稽延。有召還到，號令元元。急急如玄都律令勅。

封雷符



右，此符念前呪，兩手掐取雷訣，誦一百遍，吸雷炁，收入淨瓶，以符扎瓶口。如治病伏魔，立有響報應也。

高上神霄玉清真王紫書大法卷之十

高上神霄玉清真王紫書大法卷之十一

神府祈雨祕法

凡祈雨，築壇時，不得僧尼、婦人、孝子、雜穢、屠殺之輩遊，築壇夫力，亦令素飯尤佳。如要疾速感應，須從州守禁戢，禁城郭內，不得鳴鍾鼓鐃。三日，其雨立降。又夜半時發符，須用錢馬酒果祭發雷神，祝祭之意。

開天門

凡行用時，法師須著皂衣，披髮，肩皂旗，含淨水，面東北一嘔，叱一聲，念開天門呪曰：

萬神助雲，天丁助力。鬼涉江湖，為吾保日。三將換宮，諸神急出。天地粟栗，日月晃晃。流星趕退，群魔真見。吾文直日，急急如上帝律令。


右，用左手亥訣，念七遍，將皂旗向天門搖動擺撼，立下劍尖劃地，噴酒七噴。次結天門印，直上朝天門吹

一聲，然後念開天門呪。要風雨，上可各念七遍。

興雲布雨報應例

春雷寅卯中宮起，夏雷震巽巳午間。秋時申酉歸元位，冬從亥子到頭攀。四季起雲興布雨，辰戌丑未起天關。此乃訣也，並登明起將。

興雲布雨符



呪曰：

五方五帝，五龍之君。上方行令，布雨興雲。天魔李靖，地魔楊卿，五丁都部，天元應龍，同共行雲。急急如上帝律令。

春行雲神，何元明。布雨神，劉元達。

雷神，天漢明。電母，徐懷娘。

夏行雲神，宋元用。布雨神，張元伯。

雷神，天智明。電母，金頭娘。

秋行雲神，楊元濤。布雨神，馮夷。


雷神，天御明。電母，江顏娘。

冬行雲神，元祥明。布雨神，唐元明。雷神，天濤明。電母，積毒娘。

四季行雲神，辜成明。布雨神，水波利。雷神，天府明。電母，懷害娘。

凡祈雨，須依科式發文字，然後入靖，布神功在志心，明合天地，獲時報應。天道非遙，昭昭有驗矣。

倒海符



右符，用生鐵打板，長一尺九寸，厚三寸三分，闊七寸。二道符內，取次朱書一道，或兩面書，投河源有龍所在。如無龍處，須畫一龍，先沉水中，良久，投符。依法步罡行持，少頃，大雨立至矣。

遣符呪

六丁六甲，五雷將吏。風伯雨師，雷部聖衆。久愆雨澤，願賜救護。天符一到，普濟焦枯。急急如上帝律令。右，掐五雷訣，誦四十九遍，投其符，使雨立至。

鎮海符



呪曰：

五帝雷公，四聖風伯。三光星斗，二龍同格，一元其皇，九出雲炁。我是風伯，奉命帝勅。急急如火光雷師勅。

右，掐辰文。想三景三台出雨，雷師火光，驅龍行雨。誦八十一遍，投之立應。

九龍符

法曰：如久旱，於流水龍潭處，左手辰文，右手執筆，想本師在前，祖師在後，以筆於水，書九龍符一道，用後呪寫之。



呪曰：

東方龍君，南方龍君，西方龍君，北方龍君，吾奉上帝勅命，佐天行化，救度群生。今來某處，亢星金火相尅，某今書篆符籙，攝召雲龍，速逞威靈。使雨

澤霑足，立甦苗稻。吐穗結實，保歲元亨。急急如上帝律令。

右，掐辰文，誦呪四十九遍，書符三次，立應。

呪曰：

玄天蕩蕩，玄元靈清。清靈妙運，安鎮年齡。元始開真，正道流明。營天勅地，十天駭驚。神功攝召，萬魔束形。周蓋四象，風火敢停。威震六天，野道不生。玄符勅到，役使剛兵。收斬妖魔，邪鬼盡傾。流金激電，風火摧明。急急如律令。

勅版二十四通呪

上帝符命，摧滅十方。天地奉勅，策召神王。三界司命，莫得來刑。九土真官，以某合并。遊山涉海，山神水帝，皆來送迎。傳告五帝，保某年齡。諸天列宿，自來輔榮。急急如律令。

投下二十四通呪

太上碧津三炁生，流液元天三五靈。五炁化神河，珠丹涌出，天罡耀四維。玄靈九炁月水飛，二十四神各有威力。炁所示鬱峨嵬，三罡所攝鎮九微。靈

生逐水自開機，營神保炁防外非，歷劫常存常追思。急急如律令。

策二十四通呪

玄映流耀，五方神公。策山之摧，策水之竭。策龍火滅，策神神尊。策鬼鬼裂，策妖妖亡。四維十方，萬靈保當。佩策之後，任遍十常。形神鎮守，萬劫無傷。急急如律令。


投符驅丁甲呪

上帝有命，受任禹經。急召天丁，召丁言丁，召甲言甲。速逞威靈。來赴壇所，部領天丁。吾今指陳，立便降陞。急急如上清玄都律令。

右法，陽日，驅六甲用。陽斗陰日，驅六丁用。陰斗，禹步爲之。次收呪曰：

元元靈靈，降召已明。所陳既畢，復歸本興。復召如故，速降威靈。急急如上清玄都律令。


陽斗



步斗呪

白炁混沌灌我形，禹步相催登陽明。天回地轉步七星，躡罡履斗齊九靈。衆神助我斬邪精，一切邪魔皆滅形。萬災消散我長生，我得長生朝上清。急急如上帝律令勅。

陰斗



右，取罡炁，陽日，左手本師訣，自陽出陰斗。陰日，自陰斗向陽斗。

祈雨投龍簡式

凡祈雨，須擇潭洞靈跡聖地，投符起龍。用法中鐵符，書于鐵版。潭洞前，先步九迹，至九位龍跡罡，百發百中。從一交脚至九，勅水投簡，立有風雨至矣。

祈雨壇召四角大神呪

金闕降聖，玉帝上符，受太上乾坤炁，告天法象，救護群生。衛靈之神將，防禦之龍神，疾速赴行。急急如上清律令。

投四角大神呪

召四方之天丁，天丁之力士，疾速與吾降靈，速速照照降降。急急如上清律令。右，用本師訣。

送四角大神呪


冥冥天丁，雷部之神。告召已畢，受吾叮嚀。却歸本所，後召降靈。急急如上清律令。

右法，玉皇印。

召龍符



致雨符



呪曰：

六丁六甲，雷電降陰。縛龍將軍，扶桑真君。符命到處，萬神從行。急急如高上神霄玉清真王律令。

右法，掐辰文，取巽炁，念呪書符。

致雨符誥文

高上神霄真王勅命，上帝元旨救護群生。雷部統兵，霹靂將吏。六丁六甲，上元太一。召龍行雨，普濟焦枯。一如告命，火急奉行。

太歲 年 月 朔 日 時告下。

具位 臣姓某承誥奉行。

依法存神，步斗，篆符，書誥。投入水中，立應。

收雨祈晴呪

太一元君，會聚風雨。膏澤已足，苗稼如生。今日大吉，永保利貞。急急如上清律令。

右法，掐三指根，思本師披頭髮。誦呪一百二十遍，霖雨立至。

祭雷

凡祭雷，一年十二月內，須擇六丙日，乃雷會之日。預前三日齋戒，嚴潔，著新淨衣，入靖，焚香啓告祖師，奏申天省，備牒雷部官衆、本屬城隍、社令、壇靖土地，咸祈證應。次伸啓請上聖師真、雷霆將吏、雷師皓翁、雷公、電母、風伯、雨師神君、欵

火大仙、蒼牙猛吏、雷令天神、震威大神、雷車雷火神君、雷部判官、雷光使者、執幢童子、直印紫光童子、五方五雷神兵、當司神將、五雷使者、六甲將軍、六丁符使、龍王部衆、江河使者、行風布雨吐霧興雲雷神、城隍、社令、直日功曹、直壇土地等神，普賜降臨。同時祭獻，羅列供物。三奠酒，禱祝白意。伏乞降靈，護助行持。爲國救民，祈禱雨暘。願賜感應，丕闡玄風。祭畢，化錢。凡祭雷神，切須志誠。向後，凡有祈禱，無不感應也。

五雷訣

天雷訣，兩手掐寅，五指俱藏於甲○。神雷訣，二指、三指弓，大指掐定子，四指、五指壓定大指○。斗雷訣，大斗訣是也○。龍雷訣，二指、三指、四指弓，大指弓，掐定亥，五指掐定大指，藏甲○。水雷訣，二指弓，大指掐丑，三指、四指、五指押定大指○。妖雷訣，二、三、四指弓，大指掐定，並不見甲，是名社令雷也。

神霄攝召大法儀式


法曰：未攝召之前，先於九日前祭之，用參苓湯、清酒、淨果、臘茶。多燒本形符，祝於幾日，攝召事云。燒錢馬等，於攝召日。先於淨地立攝靈之幡，用青幡一首，長九尺，闊九寸。安攝召畢，同紙燒之。

總召功曹呪

神霄玉清王，今日勅下，降自九霄。命神召神，攝掌功曹。玉文敷告，依應天條。吾行真錄，逐我參調。急急如高上神霄玉清真王律令。謹請神霄某道功曹主者，急赴壇所。

右法，掐辰文，先想真形，書符燒灰。念呪，巽炁，吹病人，入境自報。吞之百日，其應如響。

召天道功曹符



天道功曹，將光輔，一百二十人。

呪曰：

九天之勅，大道祖君。造象昊境，三十二清。奉命隨法，入上玄真。

右法，於香爐內，燒召祝之。用牒差功曹，請命天道，合降真靈，牒書齋意。再用符一道，同燒之。此功曹，上知天宮紫府祕禁、日月交蝕、星辰盈闕、風雨吉祥，掌管神府天道災變。欲問召攝，皆得知之。

召地道功曹符




地道功曹，劉罡，一百二十人。

呪曰：

洞玄品品，壘壘化形。五陽徹應，十極幽冥。天符成象，地道達靈。

右法，於香爐內，燒召祝之。用牒差功曹，請命地道，牒書齋意。再用符一道，同燒之。此功曹，掌九壘水土、禾苗、虫蝗、水澇風害、塚穴、伏藏寶珍、古壇、泉窟。欲問召攝之事，皆得知之。

召人道功曹符




人道功曹，周正陽，一百二十人。

呪曰：六合成品，三一化生。共成周體，迭正元根。道力一降，萬成一靈。

右法，於香爐內，燒召祝之。用牒功曹，請命人道，牒書齋意。再用符一道，同燒之。此功曹，管人間善惡、貧富、奸害、逆孝、生死、吉凶、壽祿、病患，常在人間。欲問召攝，皆得知之。

召仙道功曹符




仙道功曹，孟安，一百二十人。

呪曰：

主宰職權，分別上仙。諸真判運，八極成筌。上天保攝，共得為先。

右法，於香爐內，燒召祝之。用牒差功曹，請命仙道，牒書齋意。再用符一道，同燒之。此功曹，掌天仙、神仙、飛仙、鬼仙、真仙、洞府所居仙真姓名數目。欲問攝召，皆得知之。

召神道功曹符



神道功曹，高罡德，一百二十人。

呪曰：上元八極，運化天光。三元五運，八極九祥。造化萬變，結聚成章。

右法，於香爐內，燒召祝之。用牒差功曹，請命神道，牒書齋意。再用符一道，同燒之。此功曹，掌天地神祇、五嶽鬼神、九州社令、天下城隍、一切正神姓名高下數目。欲問攝召，皆得知之。

召鬼道功曹符



鬼道功曹，郭大有，一百二十人。

呪曰：

冥陰極類，陰結成真。果章九有，通發九形。一數成七，為達金真。

右法，於香爐內，燒召祝之。用牒差功曹，請命鬼道，牒書齋意。再用符一道，同燒之。此功曹，掌三界鬼妖精魅、六洞九宮邪魂名字數目、鬼營二十八治。欲問召攝，皆得知之。

召業道功曹符

業還功曹，張道一，一百二十人。

呪曰：

正化品格，周流十方。道德慈善，普濟業行。真光符命，永得利昌。

右法，於香爐內，燒召祝之。用牒差功曹，請命業道，牒書齋意。再用符一道，同燒之。此功曹，掌真仙、士民、百姓功過善惡，正定業緣，宿契冤債，生死。欲問召攝，皆得知之。

召五道功曹符

五道功曹，李正光，一百二十人。

呪曰：

四生五道，十類有情。萬化若所，一切成章。天光一攝，符命得昌。

右法，於香爐內，燒召祝之。用牒差功曹，請命五道，牒書齋意。再用符一道，同燒之。此功曹，能知五道四生孤魂滯魄。

總召功曹呪

玄曹玉文，立功之官。主治玉清，奏報三天。上帝有勅，速下神光。謹請某功曹主者，依律奉行。急急如高上神霄玉清真王律令

右法，掐辰文，取巽炁，召之。

斬邪功曹，一百二十人。

追捉功曹，一百二十人。

縛送功曹，一百二十人。

定名功曹，一百二十人。

玉曆功曹，一百二十人。

已上功曹，並包巾，緋衣大袖，皂綠帶。書符召之。每日直壇，勾兵馬從，各有主職。或上章表，勘會仙

籍，追捉邪祟，治病斬邪，皆可用之。

功曹引式

高上神霄玉清王府門下行司：當司今為某事，今召治病功曹一百二十人，火急前去某處，救治某人所患，限幾日，如何施行。

謹勅治病功曹，奉九天扁鵲官吏，天醫神仙。尚藥童子，神應保玄。丹芝療病，玉晶延年。百痾急除，萬病莫干。傳尸鬼債，邪尸伏連。忤注速滅，病者安然。神霄勅注，百脉得痊。急急如律令。

太歲 年 月 日 時，奉神霄律令差行。

具位 姓名 押。又式

高上神霄玉清王府門下行司：

當司今為某事，今召斬邪功曹一百二十人，火急前去某處，救治某人所患，限幾日，如何施行。

謹勅斬邪功曹，承奉九霄太一兵吏玉府神君。主煞使者，斷邪將軍，手仗神鋒，誅斬不停。逢鬼寸斬，遇祟除蹤。

千千截首，萬萬剪形。天魔地怪，速化為塵。普告魍魅，不得違命。神刀一下，萬鬼潛氓。急急如律令。

太歲 年 月 日 時，奉神霄律令差行。

具位 姓某 押。

又式

高上神霄玉清王府門下行司：

當司今為某事，今召追捉功曹一百二十人，火急前去某處，救治某人所患，限幾日，如何施行。

謹勅追捉功曹，承奉九清，追捉八方邪鬼。四冥功曹，上升天界，下入幽冥。邪鬼潛穴，急捉付身。山川河海，急速付身。不令走透，救護生身。急急如律令。

太歲 年 月 日 時，奉神霄律令差行。

具位 姓某 押。

又式

高上神霄玉清王府門下行司：

當司今為某事，今召縛送功曹一百二十人，火急前去某處，救治某人所


患，限幾日，如何施行。

謹勅縛送功曹，承奉九真，上達神府。縛索龍巾，遣送神龍。長天廣地，生追付神府。縛邪擒鬼，上達天獄。弔手執足，不得停苦。急急如律令。

太歲 年 月 日 時，奉神霄律令差行。


具位 姓某 押。

結界行持斗罡



步斗行雷，天地相合。雷鼓將軍，叱炁噴火。吞魔食鬼，手執鐵索。泛泛惡鬼，空中自縛。不正家殤，鉗入火鑊。敢有小鬼，現形戲謔。犯吾斗罡，萬邪頭落。急急如律令。

追魂攝魄降靈符



呪曰：

九九成數，造化先天。五行運轉，一切有生。大道所養，萬物俱全。急急如高上神霄玉清真王律令。

右法，書此符於攝召幡上。用白幡，長三尺三寸，一邊書亡人姓名。次，法師執魂幡，香爐內，燒返魂攝魄降靈符一道。其幡漸重，至亡位供養處，即見現形矣。

催現呪

追魂攝魄，速降靈幡。北斗精蓋，玄武開關。朱雀守衛，青龍化轉。白虎見狀，萬神安全。靈儀一到，速現目前。急急如高上神霄玉清真王律令。右法，掐辰文，取巽炁，吹筆。用前法未現，當念此呪催之，即立現形也。

神霄拔度幽魂符勅筆呪

玉清有命，普拔幽魂。天光一照，罪源蕩清。急急如高上神霄玉清真王律令勅。

散形



元始符命 總炁上元



普告三界 歷關諸天



風澤 洞虛

萬炁 元洞玉曆
齊仙 死魂受生
九泉幽爽
斬絕地根

廻骸起死 三官九署
時刻升迁 落滅惡根
拔出地戶
九祖升仙

急急如靈寶天尊
無量度人律令

聚形

天洞思靈
玉曆律令

呪曰：

玉清符命，普拔幽魂。天光一照，罪業消冰。急急如高上神霄玉清真王律令。

又符

戒 匪 爪 爪 典 記 居 盟
氣 止 危 十 斬 龍 心 向

勅符呪

幽魂多悲，苦當思神。霄君玉清，真金符煥。赫破泉扃，釋汝解幽。閉拔度出，沉淪上升。刀利天煉，化登丹庭。

急急如高上神霄玉清真王天尊律令。
神霄破地獄符勅筆呪

玉清天尊，告下玉清。元始勅命，火急奉行。九幽冥府，酆都大神。名山考校，水府職庭。十方合屬，一切有形。亡魂罪犯，天命赦行。急急奉高上神霄玉清真王天尊律令。

右法，掐辰文，取巽炁，吹筆書。

散形

九泉寒夜 幽陰寒壑 照破
期卻淪塗 急視光輝 九壘

何敢 稟遵帝令 風雷消散
不隨 金剛折摧 火醫化池

溼冷溫和 火車息焰 銅柱摧毀
普掠無施 饒湯罷吹 屠割停摧

元始有勅 魂離酆俗 有罪
符到速迫 魄出鐵圍 無罪

急救無違三界
侍衛萬神敬依

急急如高上神霄玉清真王天尊律令

勅符呪

神霄玉清，照破幽扃。寒泉苦爽，重泉咸傾。酆都神王，符召皆停。獄主卒吏，宣奉天靈。真經道化，摧毀地關。靈光宣告，遊精易形。靈光一照，神霄攝魂。承天光下，普度幽靈。玉清宸命，摧破不停。開扃大將，奉命太皇。開明速形，萬鬼出形。北帝真光，照徹幽冥。幽魂幽魂，齊得光明。玉清符誥，勅下三官。九府四司，五嶽九幽。六洞十宮，泉曲之府。酆都主者，準今符命。普釋亡魂，出離地獄。急急如律令。

總勅二符呪

神霄符命，勅下九幽。諸天卒吏，符到奉行。一切罪魂，赦之生天。急急如高上神霄玉清真王天尊律令。

右二符，上帝訣勅。先取神霄炁吹之，勅呪。並同天門炁，吹之。


法曰：凡告二符，先於三寶前跪奏。宣告符命畢，當關神霄地道功曹，齋持前去，或詣五嶽名山、羅酆北府、泉溟水扃，廣行宣告。取索亡人，以此二符之功也。

玉清三天君上元玉簡真符

三炁 明炁 億曾萬祖
劫煙 四毒 幽魂苦爽

運應滅度身經太陰 罪福禁戒宿命
記日鍊度便得神仙 因緣普受開度

死魂生身身得
受生上聞諸天



勅呪

太乙尊神，務猶收真炁。

太乙保命，固神定生。爲我上招玉真之炁，下布紫戶之庭。玉經仰徹，泥丸朗明。七祖同權，俱升上清。惟願身入無形。


簡文

三天白簡，玉清玉符。告聞高上之天，左右獄卒、案掾尊神、天獄主者，拔度某，消滅大罪，塞遏邪源。形神升度，謁帝天關。福智自生，驂侍龍輶。道遙無碍，真道長存。一如告命，風火驛傳。

太歲年日，簡於道場，吉時告下。

右簡，以栢木造，長七寸，闊四寸，厚三分。資薦升度古代帝后用之。如超度亡魂，自有告文別載。

九天內音寶誥中元金書丹篆



勅符呪

帝君逢陵梵真炁。

帝君度符籍，正炁招萬神。上招玉真炁，充布兩眉間。混元生帝景，三素成我仙。飈餐乘飛蓋，徑升高上軒。惟願道炁長存。

簡文

上帝符命，宣告三官。天牢地獄，主司大神。拔度古代，將相大臣。九功七德，賢士靈魂。咸領符命，部衛形魂。上朝帝庭，罪仇和釋。冤債沉沒，與道合并。神登玉闕，受鍊長存。一如告命，風火驛傳。
太歲年 月 日，簡於道場，吉時告下。

右簡，以栢木造，長九寸九分，闊三寸九分，厚三分，簡文作五行書。超度古代將相、九功七德賢士、大夫。如超亡魂，有告文別載。

斗中度命出離生死靈符

赤文命靈 三天赦宥 咸濟苦魂 出離
度命幽冥 咸濟苦魂 生死

度脫 斬根斷死束非煉形 三台
迷津 天慈玉勅赦宥幽靈 炳耀

照徹 九幽陰翳 得轉五道
泉扃 盡觀光明 風火無停

超登天堂 得證仙真



勅符呪

左，無英公子玄充叔真炁。

無英神真生紫皇，三炁混合成宮商。招引真炁鎮膀胱，通流三田會洞房。爲我致仙變容光，飛升雲館入金堂。惟願與道合真當。

簡文

赤書玉文，上通紫庭。天慈赦宥，三界溟冷。九幽罪魂，億曾萬祖。苦爽遊精，削除罪錄。落滅惡根，速赴生方。炁識咸寧，神登玉闕。澄神煉質，真心洞明。蕩除陰翳，得道升真。一如告命，風火驛傳。

太歲 年 月 日，簡於道場，吉時告下。

右簡，以栢木造，長九寸九分，闊三寸九分，厚三分，簡文作五行書。拔度民庶用之。此符，能令北陰府長夜亡魂受度，可升朱陵，度入南宮。上士得之此符，飛升金闕。中士得此真符，上生青華。下士得此真符，飛度煉魂，得道登真，永消惡趣。或處世修真，得居於仙職者，更得昇遷也。

本治天堂玉簡真符

五文 普植神靈永度 疾除
開廓 三塗禍消九冥 罪簿

落滅 上無復色 死魂受煉
惡根 總炁上元 仙化成人

身度我界 傾光廻駕 神識洞明
體人自然 監真度生 身乘紫雲



勅符呪

右，白元洞陽君鬱靈標真炁。

洞陽鬱靈，魂生金光，耀耀炁中。精招真固，神令長生。拔出地戶，根返胎嬰。參乘御炁，上升玉清，惟願身飛上仙。

簡文

高上玉簡，三天符命。上開八門，三十六獄。執法治官，遠詣帝軒。解宥夙罪，超度亡過某，上升高上玉闕之天。復還治職，炁入玄玄。一如告命，風火驛傳。


太歲 年 月 日，簡於道場，吉時告下。

玉清金簡真符

明梵玄景 陰陽炁成 大帝
開度罪魂 火煉成人 陽光

號八 魂生攝炁 九開
靈君 九轉成仙 祿道

天炁 六合 明道
歸身 百神 回輪



勅呪

中央司命丈人君理明初真炁。

司命定年丈人，保仙度名書南宮，上奏帝君前。太一度靈符，杖度世業根。福報無窮已，皆受玉京言。惟願永得長生。

簡文

玉清金簡，神度符命。告宣獄官、司禁侍郎、執罰典錄刑司，開度亡過某，煉魄澄神，升入玄關。削落罪書，道備功圓，上生九清高上之天，真境無爲。一如告命，風火驛傳。

太歲 年 月 日，簡於道場，吉時告下。

右簡，栢木造，長九寸九分，闊三寸


九分，厚三分，簡文作五行書。朱篆符，掐辰文，取神霄炁，巽方吹之。

鍊度法

火鍊法，用卓子十八隻，作一行排。每一卓上，用香爐一箇，烈火焚香。自腦鍊至命符，一十八道。掐玉清訣，每道隨符念呪，焚之於烈火香爐內。

水鍊法，用水池九寸或九尺，皆要九九之數，金石木磚，皆可用之。用水九數，四角用香爐，烈火焚香，翳霧罩水池。法師祝文，投鍊身符於內，令齋主見所薦亡魂。如未見，再行用催見。如煉得不成人形，或成畜類，成從火煉。如煉成人形，即隨齋法行用，依式度法橋，至生天臺。隨事行用也。

鍊身符



書頭呪曰：

亡魂首相，具體全人。是男是女，骸變通神。

散形呪

神水瑤池，流火朱陵。玉眸鍊質，黃華蕩形。我身上告，十萬神兵。飛騰玉府，昇入帝庭。急急如高上神霄玉清真王律令。

十干呪

六甲六天，符應明明。六乙雙耀，六丙八焚。六丁七晃，戊己中呈。六庚三茁，六辛四升。六壬九炁，六癸一成。真王受命，聚成一成。金身九訣，水火雙肩。急急如高上神霄真王律令。

勅符呪

上元一真，守固泥丸。中元一真，安神絳宮。下元一真，守衛命門。三元齊景，保命長存。招真致炁，升降自然。變化鍊髓，骨化成仙。毛羽飛騰，翱翔帝君。急急如高上神霄真王律令。右法三呪，取東南炁三口，如法煉身。吞符同此，更念都呪，吞之。

法師自煉身呪

天地造化，結炁為人。左眼為日，右眼為月。耳鼻喉舌，音聲上徹。脾肝膽神，常居五穴。五行分主，保衛形軀。

甲乙丙丁，戊己庚辛。壬癸神將，速衛速守。急急如太上帝君律令。

右，法師本祖訣，天門炁，自服。此符，為鍊身之法。

鍊身水濟符呪

子丑寅卯，辰巳午未。申酉戌亥，神君甲乙。丙丁戊己，庚辛壬癸。神君十二，真炁成十。數全炁結，變化五行。降通灌十，全攝真成。承紫雲速，赴玉清闕。吾奉玉清勅，速降元炁成。右，掐玉清訣。

催見呪

天陽地陰，五通成真。道炁一變，疾現真形。吾奉玉清勅，速降元炁成。右，掐玉清訣。

又一法鍊身符呪

甲乙丙丁，却穢生神。戊己庚辛，正炁聚形。壬癸生精，復如真形。元始符命，上升朱陵。急急如律令。

鍊度內祝白文

衆神集會，各有司存。鍊形清淨之法，身，度脫苦幽之滯魄。捨此有情有慾，有漏之幻身，達茲無象無却無碍之玄。

門。反爾精魂，復歸淨界。死如不死，滅除地獄之愆尤。生即由生，受用人天之快樂。

神霄無上黃籙真符延生寶誥

無上黃籙真符延生寶誥：

今據鄉貫，奉道弟子某投誠，伏爲自身本命某建生。上屬北斗某星君注照，言念受生以來，至于今日，家俗世務，寧免愆非。三業六根，豈無過咎。欽聞太上，演盟真之寶籙，實預修之津梁，是以虔心皈投大道，願傳寶誥見世，保命修行。若當身謝，唯憑拔度。謹按經云：

玉清聖境，大羅元始天尊，昔在香林園內，大福堂中，爲諸天仙聖、三界主司，演說生死因緣。是時，即有救苦真人，上白天尊言：「臣睹九幽地獄之內，羅酆北府之中，皆見十方救苦天尊，入於九幽，拔度諸苦。天尊普告四衆：汝等若能授持金籙白簡、九真妙戒、長生靈符、救苦真符，當消九幽大罪，標名九宮。察命童子、護戒威神、五帝直符、六宮掾吏，自當隨逐簡文，覆護受

戒。弟子某，預修冥福，依科開是道場，修設三界高真黃籙大醮，拜請度師某，籙法師某君，傳授無上盟真黃籙寶誥一階。惟願受持之後，爲見世之津梁，作過去之舟楫，護身保命，度厄消災。不得泄慢聖文，遵稟奉行，一如告命。天尊告曰：

- 一者，克勤，忠於君主。
- 二者，敬讓，孝養父母。
- 三者，不殺，慈救衆生。
- 四者，不淫，正身處物。
- 五者，不盜，推義損己。
- 六者，不嗔，兇怒凌人。
- 七者，不詐，諂賊害善。
- 八者，不驕，傲忽至真。
- 九者，不二奉。

上件戒言，並是元始天尊金口演說，至心授持，功德無邊。救難濟苦，神力難思。伏聽勅命，遵承奉行。



太一保命延生呪

玄天大誥，普濟群愚。真符煥發，列籍清都。標名金籙，宿孽咸除。飛神碧落，超登太无。玄科律令。

通靈延壽護身呪


元天上真，雙景一去。左抱七魄，右拘三魂。令我神明，與我長生。太一真一，寶章律令。



上皇玉虛君呪

太一尊神，務猷收真炁。太一保命，固神定生。爲我上招真之炁，下布紫戶之庭。玉經朗徹，泥丸朗明。七祖同懽，俱升上清。惟願身入無形。


上元玉簡真符



上帝玉帝君呪

帝君逢陵梵真炁。
帝君度符，籍正炁招萬神。上招玉真炁，光布兩眉間。混元生帝景，三素成我仙。飈餐乘飛蓋，徑升高上軒。惟願萬炁長存。

九天內音寶誥



一皇紫晨君呪

左，無英公子玄充叔真炁。
無英神真生紫皇，三炁混合成宮商。招引真炁鎮膀胱，通流三田會洞房。爲我致仙變容光，飛升雲館入金堂。惟願與我合真常。

斗中登真度命出離生死符



太微天帝君呪

右，白元洞陽君鬱靈標真炁。

洞陽鬱靈，魂生金光，耀耀炁中。精招真固，神令長生。拔出地戶，根反胎嬰。參乘御炁，升玉清，惟願身飛上仙。

本治天堂玉簡真符



三元紫精君呪

中央司命丈人君理明初真炁。
司命定年丈人，保仙度命，書南宮，奏帝君前。太一度靈符，拔出世業根。福報無窮已，皆受玉經言，惟願永得長生。


玉清金簡




真符寶籙，發生善根。注福祿於青篇，削罪名於黑簿。冤仇解釋，萬罪蕩除。永爲生死之津梁，不隨輪迴之惡趣。恭惟元始符命，時刻昇遷，一如告命。

太歲 年 月 日，大齋壇傳授。
度師 小兆臣姓某誥行。


四季投簡真符




右符，立春，甲寅日書之。



右符，立夏，甲午日書之。



右符，立秋，甲申日書之。



右符，立冬，甲子日書之。

簡內誥文

元始符命玉清真文告下：諸天丞相、南昌上宮度人之神、長生大君、司馬大

神、韓君丈人、南斗六司、樞機省署、太
 玄神庭，嚴校三界無極神鄉、泉曲之
 府、北都羅酆、三官九府、十二河源。
 普度苦爽，億萬幽魂。疾除罪簿，落滅
 惡根。不得拘留，部衛形魂。速滅三
 惡，斬絕地根。飛度五戶，太玄錄名。
 諸魔保形，度上南宮。朱陵受煉，仙化
 成人。永度三塗，五苦八難。超度三
 界，無拘天門。五帝衛形，逍遙上清。
 元始符命，時刻升遷。不得容隱，萬神
 咸聽，一如告命。

太歲 年 月 日 時，簡於齋壇
 告下。

清醮寶誥

東方

練 山 非 心 引
 兵 巳

南方

百 廣 炎 旨 池
 丙 巳 心 山

西方

巳 山 靈 心 兵
 三

北方

遂 非 言 三 心
 靈 共

中央

非 心 爪 心 百
 心 巳 止 壽

右法，並掐辰文，巽炁書。遇設醮，
 鎮壇用之。

神霄真王簡篆天篆

神霄真王簡篆天篆

高上神霄玉清王勅，天地鬼神奉行律
 令。

右篆成文，三十道。

神霄北斗玉簡真符

神霄北斗玉簡真符

神霄北斗玉簡真符

右符，巽訣，辰炁，吹之。


神霄北斗玉簡去灾真符

神霄北斗玉簡去灾真符

神霄北斗玉簡去病真符

神霄北斗玉簡去病真符

神霄辟火真符



高上神霄玉清真王紫書大法卷之十一

高上神霄玉清真王紫書大法卷之十一

神霄保仙消魔護正說戒儀

真王言：賢哲處世，當信道，欽天心，合神靈。忠孝爲務，不造諸惡，種大善根。凡所施爲，濟度一切。非憑教戒，何以執持。昔，祖陽大赤高垣太極紫清之宮，真元神寶大慈天尊，授我至道，下教學仙之士。夫道法基漸，戒爲首。寶範瓊科，祕紫府經，列七品戒，分九等經。則雲篆雙羅，瓊緘藥笈。睿臺玉闕，九仞諸天，無幽不明，無所不度。戒者，戒於初地，遣制情慾，遏塞愆非，漸登仙聖。今者，至學之士，按法行科，仰對聖前。爲任法職，先當顯說八景九霄天尊之九戒，以明齋功。衆官皈誠，當宜諦聽。

智慧頌

一者，神霄統天長生元聖至德天尊說消魔戒。當思虛皇妙道，生育二儀。三景元功，造化萬物。神靈仙聖，佐

理生成。勿惑夷狄寂滅。妄自尊大，墮諸魔景。若能持此戒者，獲飛昇果。

二者，丹霄太平應化道主天尊說制邪戒。當思帝王國主，受符治民。道化十方，仁育四海。勿信妖惡，生違戾心。自縱狂奸，墮諸惡趣。若能持此戒者，獲富貴果。

三者，青霄好生元真寶曜天尊說開性戒。當思父母劬勞，長育之恩。常存孝儉，順恭甘旨。不得悖逆，墮諸地獄。若能持此戒者，獲長命果。

四者，碧霄總生開雲傳道天尊說修身戒。當思天生萬物，滋養一切。暫貸於我，不得鄙吝。常將財寶，施惠貧乏。若恣貪求，墮諸沈溺。若能持此戒者，獲豐足果。

五者，玉霄皓元威德耀晶天尊說持心戒。當思一切群生，皆稟元炁。因緣流運，成結異形。勿慾滋味，輒起殺害。及恃豪勢，欺凌下賤。懷惡毒念，墮諸輪轉。若能持此戒者，獲智慧果。

六者，太霄輝明流光素景天尊說靜念戒。當思馳聘榮華，傷生損性。姪慾邪僻，敗氣亂真。世法不容，陰譴亦重。須臾虛假，永無出期。想念縈纏，墮諸煩惱。若能持此戒者，獲清淨果。

七者，琅霄飛青元關溥濟天尊說保慎戒。當思萬彙營營，咸有明智。勿謂愚癡，便懷憎嫉。嗔恚罵辱，悉爲惡業。而沉毀謗賢哲，讒譖良善。犯天大禁，墮諸躁忿。若能持此戒者，獲安泰果。

八者，紫霄合景雙闕化身天尊說衛護戒。當思威神守護，身有光明。若入寶山，凝神不動。勿謂非類之人，交遊共處。干涉邪道，墮諸懈怠。若能持此戒者，獲堅固果。

九者，景霄中極至妙空變天尊說利益戒。當思塵世之內，一切含生，隨業受報，受諸苦惱。即起大慈悲心，方便救拔。至於小善，亦當積累，不得因循，隨於縱怠。若能持此戒者，獲成就真元果。

真王言：已上太極九戒，若能終始奉戒，終身不怠，內制魔魅，外集真靈，長齋淨念，進修上道，一切凶橫，不能近身。役使六丁，辟除衆惡。功圓果滿，白日飛仙。可不戒哉，可不勉哉。道士登齋起居，皆當對聖關白。監齋禮師，三拜而出，還亦如之。犯者，對師糾彈，必罰無貸。

玉府行用

凡人投狀，乞治狂邪，仍須子細推問，委有鬼賊相附。判狀畢，上香，口奏祖師、宗師、真師，乞布告神府吏兵，聽候差使。畢，寫劄子，差左右都統二將軍部兵一萬人，先次差去患人家，圍繞屋宇，飛符二道。指揮二將軍，監勒司命等神，火急收下某人身中爲禍鬼賊，不得放令逃走，候當司行遣。如或邪人在外，立便計會里社，火急押入本家。法師勾神將部兵前去，令投狀人歸去，備置香火。到人家，仍掐發兵訣，乃本師訣。存去人，爲本司捉殺大將軍。便燒本符一道，領兵吏百千萬衆，金鼓齊鳴，前後四圍，上下收攝邪鬼。步禹

步，至患人居所，直至天門。把天丁訣，想從人皆爲天丁力士。望見邪人，便發斗訣，雷火訣、霹靂搜邪符一道，存火燒至門下。又步禹步，兩手剔寅卯午訣入屋。存二斗在頭，懸罡星指前。至廳上，師便背魁向罡方立定，上香，指揮神將吏兵速勾邪祟出來，聽吾指揮。便令扶出，依法用天丁訣，存前項並天丁力士前去搜捉。一見病人，左手掐天丁局邪訣，右手斗訣，以左手訣，築脇下。存左手拳爲罡星，右手肘爲魁星，左肩爲魑，心爲魑，右肩爲魍，右肘爲魑，右拳爲魍星。星斗光芒存心胸，便以左手掐辰文，高聲問：汝是何邪鬼侵害王民？吾奉上帝勅命，前來勘汝，對吾真說，稍有違者，便行拷訊。指揮畢，急將右手拳、左手肘緊局之，存天丁拷問。如未伏，急掐天丁印局之，以金剛杵刺其口。又不通，以枷之，發雷火霹靂本符，即叫通說。再三審問，事委是的實，即便令神將收下鬼賊，立要病人安樂，便與符吞之。一日不住上香，祝將速與盡底收攝，解押赴

所屬施行。

捉兇惡鬼神

應有投狀，有兇惡鬼神，累經行持不去，仍於受狀內具錄事由，飛奏上帝三師，申五嶽，牒城隍，或就近神祠，尅日會合，前去某家，收戮鬼賊，立獄推勘行遣。至日早，召八方追捉將楊順，發行作先鋒將，出步交乾斗，飛神朝天請兵。次一把本府神將靈官發行，遣遠單，並同前法。入門，左手局邪訣，披斗，如前伏邪法，步地紀斗，直入廳上，背魁向罡，高聲一一召本府吏兵，火急部領兵馬，監勒某家，五道土地，干係等神，盡數收捉，立赴壇所伺候。當府立獄，推勘指揮了，剔兩訣，握墜邪印，乃是陰斗。存將吏皆列左右。捉邪行持，如崇不見聲響。已被捉下，仍用結枷印照之，使用感應枷鬼將符燒之，便掐紫微印，交乾布斗，高聲念紫微呪乾家坤靈。禁之。如未伏，即用金刀靈官制之，把天丁印，誦天丁呪，存十方天丁力士飛空束縛。如不見形影，便將治病符吞之，仍與符用鎮惡符鎮之，大

驗。

伐邪破廟

應有人投狀，稱有非祀典神廟，或山林木崇頻頻興妖，惑人家婦人，侵害田宅，妄求祭祀。子細具狀聞奏，乞請本府兵馬、十方天丁力士，並所屬祀典等神，會合前去。至日早，用書鎮惡符，用板四片，各長七寸，闊三寸。書訖上香，交乾布斗，變神飛奏上件為禍因依，再步地紀斗，遣兵帥帶人持符，直入廟中。把本命訣，辰。召神吏，存在左。右手北帝印訣，存三師並北極大帝，同領兵馬、天丁力士、六甲六丁、摧魔雷部，在吾領後雲中。剔訣，仍握紫微印，心存北極大帝、三台、北斗自然覆頭。又飛斗訣，存七星交橫，罩下廟貌。便行至廟前，飛天罡，躡地紀，都監訣，高聲逐一呼名，上件兵將，火急與吾盡底收捉。便燒命魔前驅煞鬼符一道，喝：應是鬼賊，指揮捉。發雷火符，發雷火盡底燒。師存閃電，霹靂震動，火滿長空，吏兵舉噉聲，存捉下。次將鐵符釘在廟內四方地內，把天關

地軸訣，存四方遞相耕動，鬼賊並無入處。便賞吏兵，大妙。不可常用。

亢陽請雨法

密室一所，洒掃令淨。酒十二分，雄鷄一隻，供摧魔部中將帥。仗劍向巽方。劃壇三層，上列酒盞、香燈、茶果。科式，向巽戶步斗，變神將，劍指巽方，高聲曰：吾奉上帝勅，急摧魔部，一一呼名，並召五方蠻雷使者，尅取今月某日，與吾火急搜起，溪源潭洞之中，應有龍神，速至某處，救一切萬姓焦枯。吾今依法備血酒、皂錢，犒賞雷部。至日尅時，須管大布雨澤，莫違吾律。呪訖，傾酒，將劍刺鷄，血入酒中，以劍尖攪勻。存雷部各在五方，臨壇受祭。設了，就巽方掘一地，埋皂錢、鷄血酒。卓劍埋之，方出室，依法將致雨符，使人投於有龍去處。至期，雷雨大作，救濟旱傷，即謝天恩。

祈晴

凡飛天罡，可以制天神。躡地紀，可以伏地祇。治三界鬼神，不得飛罡躡地紀之道，安能興功立德，盡是空用心

力。治虛無惡鬼、狂風暴雨，過海登山，在危難之中，但配。如伏狂邪法，左右手是順倒，返步之。次飛罡躡紀，以右指其禍方，則鬼神撲落、雲雨收藏，妖魔盡滅，霖雨不能損壞苗稼及人物。或暴風折木，法師變神配衣，順列返。誦飛罡躡地紀呪三遍，以右指雲中，高聲曰：吾奉上帝勅，令速止暴風霖雨。汝等龍神主者，速稟勅令，收雲止雨。即止。如未止，再行法，用縛龍靈官制之，大妙。次奏上帝三師，牒行雨龍王，速令禁止。

投壇傳度誓狀式

某鄉貫，居職位，姓某，年甲，建生。上屬北斗某星君，重念某下土功微，仰慕道化，躬發丹誠，謹齋質信，捧詣某君門下，求乞傳授高上神霄長生護命保仙祕法，一宗符圖印訣，誓願佐天行化，助國救民，保命修真，剪邪皈正。佩法之後，永為身寶，不敢不遵依師旨，妄傳非人，漏泄靈文。一旦有違，自甘以身謝三官，風刀考形，殃累玄祖，萬劫不原，不敢怨道咎師。謹具狀

告聞，伏望法慈，特賜敷奏，開壇傳度，未敢自專。伏候 法旨。

太歲 年 月 日具法位姓某押狀。

奏取旨報應。

具位，小兆臣姓某。

右，臣某，今據入前投詞。既見來誓至懇，不敢拒違，臣謹昧死具狀，飛奏祖師高上神霄玉清真王長生大帝几前，伏望恩慈，頒降勅命，告下紫府真司，契勘上件，傳法弟子。某有無過犯，合與不與傳授，恭乞宸慈下。臣及傳法弟子某，夢寢之間，明彰報應，以憑傳度施行。臣誠惶誠恐，稽首頓首，謹具奏聞，伏候勅旨。謹狀。

太歲 年 月 日具位臣姓某狀奏。

新授法誥

勅三天門下：

據某官某人乞，保奏某人，稟性純素，守志堅真。每欽奉於高真，常皈依於大道。頗有助國救民之心，願欲傳授高上神霄保仙祕法，保命護

身，佐天行化，馘除邪祟，利濟生民。某本命年甲建生。上屬北斗某星君注照，恭候昭報者。

保舉師具位，臣姓某。

監度師具位，臣姓某。

度師具法位，臣姓某。

惟神霄大法，萬道同皈。矧吾言之易行，豈汝心之難勉。宜補高上神霄太平輔化弟子，奉行神霄大法，行右殿軍同僉書府事，準式以聞。右牒，奉三清玉帝，勅到奉行。

度師具法位，臣姓某誥行。

真師九天益算司命好生韓君丈人真君。

宗師青華大帝君。

祖師長生大帝君。

戒牒式

玉清神霄大法司，牒弟子某人。

據弟子某，露飢渴之心，操金石之志，願嗣正法，乞授祕詮。顧茲勤拳，良可嘉尚。除已奏聞於帝闕，及申牒於真司，依按玄科，奉傳奧旨，莫不諸天監度，衆聖證明，神將贊

扶，吏兵翊衛。俾充職任，以證仙階。可依簡券，跪受職名。所有戒文，理宜信奉。具列如後。

先授三遵戒：

- 一，不得負違天地。
- 二，不得悖逆父母師友。
- 三，不得違師所行教令。

次授五戒行：

- 一，戒非色非財。
- 二，戒殺物傷情。
- 三，戒慳貪嫉妬。
- 四，戒諂曲邪佞。
- 五，戒喜怒變常。

次授七正直：

- 一，以正信為善根。
- 二，以正真留意，上應天心。
- 三，以忠利於國，孝穆於親。
- 四，以正信從師訓。
- 五，以正直和穆六親眷屬。
- 六，以正絕聽是非，邪不干正。
- 七，以市價斗稱，平直交易。

次授六不聽曲詞：

- 一，察有嗔妬奸濫不明者，不得受狀。
- 二，凡人欺詐奸盜，事屬暗昧，不得

受狀。

三，假以財物，求禱妄動吏兵，害物傷命，不得受狀。

四，為冤憎嫉妬，欲求報對者，不得受理。

五，財物不明，亡者往來追攝，似乎機變者，不得受理。

六，民有冤枉，已經明斷，妄訟官吏，欲求讐報者，不得受理。

牒具如前。

仰遵科式，毋失規儀。精進修持，功勤香火。味三光之煥景，佩六甲之符章。保命護身，佐天助國。或螟蝗為害，或水旱不調。或精魅為妖，或生靈疾苦。事無巨細，按律誅禳。毋殖貨財，毋私諂曲。勿背盟約，泄慢樞機。使教法以興行，俾衆生而向信。天鑒不遠，汝宜勉之。故牒。

太歲 年 月 日 時牒。

保舉師具位，姓某押。

監度師具位，姓某押。

度師具法位，姓某押。

補帖

玉清神霄大法司：

當司據鄉貫某，齋質信詣某君門下，傳授高上神霄保仙祕法。除已申奏三師外，補充高上神霄太平輔化弟子，奉行神霄大法，行右殿軍同僉書府事法職，須至出帖照會者。

右牒，給付某收執。切以神霄玉文，瓊臺祕訣，無所不該，無所不攝。若能自寶以奉持，則坐衆妙，立至萬神。寂然不動，感而遂通。可不勉勵精誠，上祈真貺。若初勤終怠，口是心非，法中靈官，記人功過，毫分無失。當令五帝言功，毋使三官鼓筆。無怨師言，切宜勉之。準此奉行。

太歲 年 月 日帖。

保舉師具位，姓某。

監度師具位，姓某。

度師具法位，姓某。

轉官告式

勅三天門下：

據玉闕奏下，有元修真之士某官，依科奉行。於某年某月某日，佐天行化，助國救民。□到□保明，乞依科

遷，補佩某品仙階，施行者。

右，本官品稟性謙和，精修奉戒。普救人民，功德甚重，諸天稱慶。宜依擬補某官，奉上帝勅命指揮，奉如右。符到奉行，一如高上神霄玉清真王律令勅。

太歲 年 月 日。

保舉師具位，姓某。

監度師具位，姓某。

度師具法位，姓某。

申泰山借兵馬式

玉清神霄大法司：

本司已於今月某日某時，告下神霄玉清府勅命符文一道，關借泰山兵馬若干，就某處，爲某人染患日久，服藥無效。本司看詳委，是有邪神通同爲禍。同共本司兵將，搜捉邪祟，根治施行。須至申 聞者。

右謹具狀，申

泰山東嶽府，伏乞指揮。選差得力兵馬，雄將猛帥，火急前至地頭，同共救應。善功畢日，即便回申，依法祇應。干冒威聽，伏候照報。謹狀。

太歲 年 月 日，具位姓某狀申。

繳回兵馬狀

玉清神霄大法司：

本司昨於某月某日某時，告下神霄玉清王府勅命符文，關借泰山兵馬若干，於某處某家，已蒙嶽府應時發到本府。今已事畢，各賞功勳，合行發回原差兵馬，須至申聞者。

右，謹具狀，申

泰山東嶽府，伏乞指揮下有司，交收元差兵馬。干冒威聽，伏候昭格。謹狀。

太歲 年 月 日具位姓某狀申。

保生牒式

玉清神霄大法司，牒

南斗降生司。

當司據鄉貫，奉

道女弟子某狀投，伏爲見今身懷六甲，產卧在即，切慮宿業仇讎積生冤債，亂成報對，間阻生產，及所生男女，多被一十五種無道兇魔、不正鬼祟，侵害夭亡性命。當司爲見下元甲子生人，有此枉橫，須至牒者。牒候到，請立便差撥仙官監生大神，前

至監勒本人家司命土地等，及地分神

祇，同共守護產母某，於吉時，令其分娩，子母團圓，無致疏虞。仍祈聖力，保守孩童。當司務在

皇民安泰，勿致稽緩。謹牒。

太歲 年 月 日牒。

具法師位，姓某押。

保胎宜男斷注奏式

具位，小兆，臣某。

右，臣輒冒威嚴，仰干大化。退思僭越，甘俟天憲。切念臣受道之日約，願體道化民，救治病苦。凡有請祈，敢不奏聞。臣謹據某，投臣壇下，乞行止遏。臣看詳來詞，委有兒注，相呼分明。謹昧罪錄狀，上奏

祖師高上神霄玉清真王長生大帝、

宗師高上神霄玉清王青華大帝、

真師九天益算司命好生可韓司丈人真君。

伏望天慈允覽微臣所奏，頒九天太一九仙真君曲賜，赦宥某人並妻某氏所作故違，誤犯罪愆，特與注上花男花女胎孕，下副民望。仍乞差降九天太一

保胎却邪官吏，一合來下，特爲某却除
北斗胎殺將軍、胎注胎厭神君，並九種
邪類，斷絕兒注相呼，免致日後絕其種
裔。恩惟太上好生，許從所欲。果蒙
奏請，仰荷威嚴。罪當萬死，謹具奏
聞，伏候
勅旨。謹狀。

太歲 年 月 日具位姓某狀奏。

又奏九天丈人
具位，臣姓某。

右，臣輒伸丹悃，仰干清化，入意，使
永免虞厄，令遠無傳注男女之苦。
臣除已具奏高上神霄玉清真王外，
謹錄狀上奏：

九天太一丈人真君。
九天太一萬福真君。
九天太一司命真君。
九天太一掌籍真君。
九天太一掌筭真君。
九天太一却邪真君。
九天太一定籍真君。
九天太一注善真君。
九天太一護生真君。

伏望真慈允覽臣

奏，特賜勅命，差降九天太一却邪官將
吏兵，一合下赴某家內，卻除北斗殺胎
將軍、胎注胎厭神君，並花公花母黃河
橋難，青龍、白虎、天狗、弗魔、山鬼、飛
天九種邪類。斷絕兒注相呼，免致日
後絕其種裔。仍乞降賜九天正真之
炁，灌注某人，並妻某氏身中，向去胎
孕成結，永無男女傳注之憂。果蒙奏
請，仰荷玄恩。臣干冒真威，罪當萬
死，伏候真旨。謹狀。

太歲 年 月 日具位姓某狀。

祈雨奏狀

具位，小兆，臣姓某。

右，臣恭聞，道本自然，教開方便。
凡有虔告，必遂感通。謹據鄉貫，奉
道弟子某等詞偈，伏爲今歲某時以
來，亢陽爲虐，雨澤愆期。苗稼焦
枯，人心惶懼。卒歲，恐衣食之不
給。後時，慮糧稅之欠輸。非仗禱
祈，曷臻豐稔。狀投司治，匍爲施
行。臣領來詞至切，不敢拒逆，謹謹
錄狀，昧死上奏

祖師玉清上帝元始天尊。恭望

天慈特降勅旨，頒下所屬。乞差霹靂
興雲致雨將軍、六丁六甲、五雷使者、
雷部官屬、風伯雨師、行雨龍王等衆，
赴臣所建祈雨壇所雲集，大布霽霑，以
救焦枯，庶甦禾稼。臣冒瀆
天威，罪當萬死。臣誠惶誠恐，稽首頓
首，謹具奏聞，伏候道旨。謹狀。

太歲 年 月 日具位臣姓某狀奏。

治病牒城隍

玉清神霄大法司，牒

某府州城隍都主者司。

當司據某人乞行救治，除已一面給
付天符符水與患人吞服外，尚未見
效，照得委是上件邪祟兇頑，須至專
牒者。

牒到請

詳事理，立便權借心力威猛將吏，前至
某家，收攝邪祟，速離某家界分。如或
不遵牒內事理，定行錄奏
神霄帝師，例行典憲，守待報應。謹
牒。

太歲 年 月 日牒。

具位，姓某押。

帖摧魔部

玉清神霄大法司：

當司據某入意，至今未見安痊，委有下界不道邪神，結集群黨，妄求血食，不畏道法，頑猾奸狡，枉陷生人，止占生人屋宅，事干切害，須至行遣者。

右帖，雷陣流金火鈴大將軍、霹靂殺伐大將軍、雷火大將軍、霹靂號黑、歷黑二大將軍等衆，火急將帶本部兵馬雄帥，只今前去患家，不問遠近家先，並爲禍不正邪神，仰盡數擒捉，出離境界，遠去他方。仍勒下某家司命等神，日逐不住，竭力護持，毋致再行災患。如或稽滯，例行究治。謹帖。

太歲 年 月 日帖。

具位，姓某押。

申左玄真人

玉清神霄大法司：

本司於今月某日某時，據入意，除已於某日，行劄某家司命等神，祛遣爲禍邪祟出離境界，以致日久，全無報應，須至申聞者。

右，謹具狀，申

真師左玄真人，伏乞指揮，差霹靂靈官天丁前去某家，根究前項事由，收捕邪祟，須管明彰昭報，庶使皇民免遭橫夭。伏候昭格，謹狀。

太歲 年 月 日，具位姓某狀。

符告本府官屬

玉清神霄大法司：

當司據入意，乞行救治符下。本府總監壇統兵二大將軍、靈官將吏，前去患人家，先行一面，不問高低遠近家先兇頑等神，並須執縛，押出境界外。仍須監勒某家司命等神，各令知委，自此已後，不得容情，故縱邪祟，依前作禍。仍爲追攝患人身中病氣，令俾患身服藥通靈，精神附體，魂魄安和。不得有違，符到奉行。

太歲 年 月 日 時下。

具位，姓某押。

拔幽魂符檄

玉清神霄大法司：

當司據入意，恪備信儀，請行齋事，依典告行玉清寶籙拔幽魂真符，須

至告下者。

空符

高上神霄玉清寶籙拔幽魂真符告下：十方三界，無極神鄉，三官九府，百二十曹，水火罪錄，五帝考官，酆都內外宮洞，五獄九幽泉曲，九壘十二河源，九州社令地府萬神，拔度亡過某靈魂，疾除罪簿，落滅惡根。不得拘留，時刻升遷。萬神護送，徑詣人天。隨品受化，更生福鄉。一如告命，風火驛傳。

太歲 年 月 日，吉時告下。

具法位，姓某。

破地獄符檄

玉清神霄太法司：

當司據入意，恪備信儀。請行齋事，依典告行玉清寶籙破地獄真符，須至告下者。

空符

高上真王玉清寶籙破地獄真符告下：北陰酆都、內外六洞天宮、三十六獄、無間地獄、九幽地獄、泉曲水獄、大小鐵圍山地獄、長夜拷掠陰關冥司主職萬神，咸聽符命真文、煥發照耀。陰冥

塗炭罷對，拷掠俱停。炎火息焰，冰雪消凝。刀化玉樹，劍變騫林。疾除亡過某形魂罪簿，落滅惡根。不得拘留，囚苦罪魂。乘此真符，救苦功德。速令出離，睹見光明。上升南宮，受化更生。一如告命，風火驛傳。

太歲 年 月 日 時告下。

具法位，姓某。

發二符文關

玉清神霄大法司：

當司據入意，依典告行玉清神霄破地獄拔幽魂真符，須至關發者。

右關，神霄地道功曹神君齋持符命，徑詣十方三界、無極神鄉、北陰酆都諸獄主者，拔度亡過某，靈魂出離長夜，獲詣玄壇，領露功德，充遂生方。故關。

太歲 年 月 日關。

具法位，姓某押。

牒地府九幽都司

玉清神霄大法司：

當司奉為某追薦。某切恐拘魂地府九幽之境，準此符命，拔度某速得超生，罷對寒庭，削除惡簿。一如神霄

真王律令。

牒候到，仰準前符命，告下地獄三官、九府、百二十曹、五帝考官、九幽地獄執罰神兵、牛頭獄卒、三界大魔、地府一切冥官主者，承此符命，地府停苦，符到奉行。故牒。

太歲 年 月 日 時牒。

具法位，姓某押。

投簡表式

具位，小兆，臣姓某，誠惶誠恐，稽首頓首，再拜

上言：臣據入意，建生。上屬

北斗某星君。某先有願心，朝禮五嶽、四瀆洞天福地。獻投簡文，上報大道、天地、父母養育之恩，三光鑒照，國王、水土、師友傳度之恩。上祝

當今 壽同天地，永鎮山河。又願

拔臣九祖之愆於既往，貸臣三世之罪於將來。臣幸逢聖代，得慕真風。俗骨凡胎，夙多尤悔。道行聞淺，莫悟至真。未足以通幽而洞徹，則無以積功而圖報。恭聞五嶽四瀆，洞天福地。紫府真都，惟神仙降祐之鄉。乃學道

祈求之士，伏乞真靈，俯垂洞鑒。赦諸過咎，雪釋愆尤。令法錄斬邪，以歸正仙。兵佐助，以隨行。慕道修真，超凡入聖。臣無任激切，屏營之至。謹言。太歲 年 月 日，具位，小兆臣某表奏。

奏聖母式

具位小兆臣姓某。

臣不避斧越之誅，仰瀆重玄之聽。

臣昨於某年內蒙度師某君傳授玉清神霄大法一階神將符印等，誓願佐助

天真宣揚正化，救民疾苦，治病除邪，修煉身心，願升玉府。伏念臣濁世行尸，凡間穢質，幸因宿運獲在人倫，叨遇真筌得傳大法，仰賴高真俯垂濟世。臣功微道淺，德薄行衰，濫進仙階，無功可記行藏。致犯動靜成愆。口掌心身有違科禁，千愆萬罪陽過陰誅，夙夜兢惶無門懺謝。幸因吉日朝禮元君，特希哀祐愍以愚蒙。臣謹錄狀奏聞者。

右臣謹錄狀上奏

元始開天道祖聖母元君御前，伏望道慈允臣所奏，乞賜勅命赦宥臣某，罪冤消釋，得獲清寧，庶使臣奉法求真速蒙靈應，允臣虔禱立獲感通。仰荷大道罔極之恩，臣無任激切屏營之至，謹具以聞。謹奏。

太歲 年 月 日具位小兆臣姓某狀。

立獄奏三師

具位，小兆，臣姓某。

臣謹據某，昨於某年月日，得何病證，忽被山魃鬼神侵擾，日夜顛狂，作亂言語呼喚，口稱邪祟不一。累經師巫醫藥，制伏不下，委是頑猾奸狡。尚慮性命難存，骨肉懷憂，不能得止。具狀投臣，乞行救治。臣切見本人投詞懇切，不敢抑絕，敢今月某日，就某家東南方上，建置神霄水火獄，乞降三司五雷將吏，詣地頭，收捉某身中為禍山魃等祟，赴獄考治，救濟生人。須至奏聞者。

右，臣謹錄狀，上奏

祖師高上神霄玉清真王長生大帝、

宗師高上神霄玉清王東華大帝、真師九天益算司命好生韓司丈人真君，伏望天慈俞允，特降勅命，告下三司五雷，部領威猛神將、精兵獄吏，徑詣地頭，收捉上件山魃、邪妖等祟、伏屍、蛇精、五通，赴獄考治，顯現踪跡。轉憑解送，佐助行持。救濟疾苦，治病驅邪。咸賜感通，以彰上帝好生之德。臣冒瀆

天威，罪當萬死。伏候勅旨。

太歲 年 月 日。具位，臣姓某狀奏。

牒城隍

玉清神霄大法司，牒某府州城隍司之神。

當司據某事，乞行救治。除已給付天符，差撥天將吏兵收捉外，須至行遣者。

牒候到，請

詳前件事理火急差撥威猛有心力神將，部領吏兵，前至地頭，會合本司天將，於患家祛捉為禍邪祟鬼神，毋令走

透，須要捕獲，收赴天獄施行。如稍有違，不依前件的當具奏

上帝，重行典憲，立俟報應。謹牒。

太歲 年 月 日牒。具位，姓某押。

關式

玉清神霄大法司：

當司據某入意遂投本司救治。尋驗得，委有不止邪祟分明，須至行遣者。

右，關準

真王勅命，令差總監大將軍、統兵大將軍、嘯黑大將軍、歷黑大將軍，會合命魔，前驅殺鬼。符中將吏、功曹、符使，疾速前去地頭，搜捉患人身中一切為禍鬼邪，不問高下親疏，即仰應時攝赴患體，借口通傳。如或不伏，仰一面緝吊考問，不得慢易。切待本司到來，結絕解送。倘不遵依法律，罪無輕恕。火急奉行。故關。

太歲 年 月 日關。

具位，姓某押。

召吏兵告文

高上神霄玉清王，勅召某神兵。

符

勅召某將吏多少，來赴某處靈壇，爲某事急來。

高上神霄王，勅召某神，究問元因，誥到奉行。代天行道，除邪滅精。千千截首，萬萬來呈。一人不到，碎腦殞身。真王勅令，龍虎交奔。神兵主者，符到速行。若有抗拒，上奏帝君。一如告命，風火驛傳。

太歲 年月日時，某處靈壇告。具位，姓某。

高上神霄玉清真王紫書大法卷之十二

(陳秀峰點校)

009 無上九霄玉清大梵

紫微玄都雷霆玉經

經名：無上九霄玉清大梵紫微
玄都雷霆玉經。撰者不詳。一
卷。底本出處：《正統道藏》洞
真部本文類。

爾時，元始天尊在龍漢元年，是歲攝提格。太極肇開，三才已立。天尊居皓庭霄度天中，與天主及十方諸天，說讚混沌，演颺太空，靈風流鳴，琪林脩脩，慶雲漫天，萬象靜默。時有玉宸大道君、無上老君侍，無上老君口與心言：我昔無始劫來，種何善根，修何善果而得我身超凌三界，上賓玉清，爲人天師，三界所式，上以裨大羅元始之化，下以贊上清靈寶之風，億劫遭逢，千生慶幸，老君未形於言。

天尊曰：卿勿多謙，玉宸大道君

能爲開陳，卿但諦聽。玉宸大道君受天尊敕，乃於皓庭先拜天尊，次揖天主。天尊坐九瓊飛霞翠虛靈光之輿，天主侍坐，亦有八景大霞丹晨之輦。道君侍天尊右，亦坐玉雲羽霄綺霞太碧之輿。而十方諸天各有青林羽空浮蓋之輦，亦有大丹飛仙五雲散景之輦，雜以霄靈流映玉眸大仙之車，紫琅金曜陽明羽翮之車，建九節舞仙之干，胎靈玉幽八素之旛，九霞之旆，三雲之旂。八鳳吟空，九鸞歌梵。左仙賓雲，右仙賓霞。鈞天廣樂，左右羅陳。羽衣霓裳，前後迭奏。天樂禮畢，十華朗清，四氣澄霽。道君乃自昇玉華九仙素元之輿，舉圭揖仙，綿顧萬天，歷覽群真，蕭然自適，憮然自噫，徐及老君，曰：卿妙恢太清之境，尊居大有之庭，人天所瞻，龍神所畏，五帝羅拜，萬仙侍迎，不自爲榮，仍乃自貶，上勤玄覽，何至朕言？朕爲卿陳，卿合開悟。老君降輿，前玉宸而拜曰：朕以元始爲父，而以玉宸兄之，是不言而悟，不譯而知，第自謙勤，上溷省覽。請霽天

威，朕當自敷。老君復還所座，乃舉金光六素明霞之如意，面向天尊，復對道君，遂大震威。爾時，天地震動，黑雲瀾漫，神風鼓天，飛山走嶽，萬龍飛躍，電火交飛，雲師前呼，雨騎後嘯，大磬天鼓，萬蟄震驚。時有衆中太陽九龍皇君，往昔爲玄都九疑九夷滄水使者，亦分身爲南上受鍊真人，今受天尊符命，爲九天採訪使者。越班秉圭，翔雲而出，飛乾旋巽，端圭再拜，拜已長跪於天尊前，乃說呪曰：吾是九老仙都君，敕汝五方雷部神。五方雷神速到壇，敢有後至先滅形。急急如律令。

九天採訪使者，乃步九龍捲水驅雲飛飄之罡，而遂就座。爾時，於天尊之右，忽有九斗陽芒流金火鈴大將軍，與火鈴大仙、蒼牙霹靂大仙、天丁力士、六丁玉女、六甲將軍、九天嘯命風雷使者、九天蒼龍監兵飛雲吏、九天流金烈電火鈴吏、雷令使者，領諸麒麟虎豹獬豸白澤兵馬部衆，至皓庭所，倏於九天採訪使者之前，環階列序，羅拜與

下，使者告言：爾等知否？吾昔於混沌無始以前，大樸以先，亦有三才，亦分三界。吾於彼時，是爲五雷君，是所部所屬，又隸於無上元君。無上元君即今老君是，其五雷君今即吾是。諸神等咸啓是言：臣等隔陰，實昧夙因，今奉至言，罔不遵奉，得悟玄旨，用懋祇焉。臣聞雷霆者，天地之樞機。天樞地機，陽雷陰霆。樞陰機陽，雷善霆惡。夫謂萬物，厥有至符。至符陰

玄，乃職生滅。東三南二，北一西四，此大數之祖，而中央五焉。雷霆得天地之中炁，故曰五雷無上元君，往得九五之道。蓋東方自壬子而歸庚九數，北方自丙子而歸庚五數，其餘庚子歸庚而一，戊子歸庚而三，甲子歸庚而七，所以得九五之道者，而帝雷霆也。壬子爲東方之根，丙子爲北方之源。甲爲雷，庚爲霆，甲庚爲雷霆之號令。壬爲雷霆之局，丙爲雷霆之會，子爲雷霆之宗。甲中有巳，壬中有丁，丙中有辛，庚中有乙，是故甲庚丙壬雷主之，乙辛丁巳霆主之。惟戊癸化火，以虛

其中，是爲雷霆之主。若夫九五之道者，雷霆自北而東，自子而已，皆陽也。得九五雷霆之道，所以統天威，乃可以榮枯萬物，起滅四時。今吾五雷君，乃得三一雷霆之道。三乃東之祖數，一乃北之生數，是蓋北鄉子爲雷局，東鄉卯爲雷門。其得三一，亦無殊於九五，皆雷霆之道也。臣等職蒞雷霆，天地杖直，幸知古始，敢不敷陳，上瀆真慈，不勝昧死。九天採訪使者於是默然。

老君曰：卿等沃朕，丹心可嘉可敬，審如卿語，朕有宿勳。今五雷君茂領採訪，實朕所慕，卿等當知。昔在劫初，玉清神母元君是浮黎元始天尊之后，長子爲玉清元始天尊，其第九子位爲高上神霄玉清真王長生大帝，專制九霄三十六天。三十六天尊爲大帝統領，元象主握陰陽，以故雷霆之政咸隸焉。雷局於北，雷門於東，雷火於南，雷令於西。甲庚丙壬爲陽雷，乙辛丁巳爲陰霆，戊癸以爲雷火之司，則是九天採訪使者總御四序，控制五行，彼使者則真王是是。諸鬼神咸作善言：臣

等夙生慶幸，乃今方知。元始天尊聞是語，竟復還大羅，玉宸道君亦還真境，太上老君尋復太清。於是九天採訪使者亦返紫玄景曜之府。皓庭霄度天君尋白太皇萬福真君曰：我等十方諸天與諸龍神，各領部屬，趣駕九霄，往謁真王，當以天尊之慈言，上簡真王之夙命，以慰三界萬靈之觀聽焉。曰：然時天君及十方諸天，同詣九霄，初立九霄玉清門下，次有玉樞舍人領所官曹出立門下，九虎森立，六虬橫前，舍人出迎，久乃得入。復入九霄玉府門。門內有瑤光玉書之扁，扁曰高上神霄之天。天中有五殿，東曰青華，南曰凝神，西曰碧玉，北曰藥珠，中曰長生。又有東西華臺，四曹四局，外有大梵紫微之閣，仙都火雷之館。復有玉樞院，五雷院，氏陽院，仙都火雷院，及雷霆都司，太乙雷霆司，北帝雷霆司，蓬萊都水司，及諸曹院子司億萬兵騎，各分將校。上有雷霆泰省、玄省、都省，三省六部，八寺四司，諸司館閣，各有官僚，東西華臺咸隸其所。時十

方諸天咸謁王所，王遣侍香玉童、侍軒玉女各一員，致誠天君前，乃啓天君言：真王大帝以三界事繁，悔不早令車輪分形散影，相延別殿，當以建午之月其月五日，闢南宮火鈴玉眸飛霞之宅，咸希見集。是諸天人徘徊不返，復告玉女，使復王曰：十方諸天是承天尊言大帝，大帝真王，天有玄經，經有妙旨。昔在无始劫前，會亦演說，名爲《無上九霄玉清大梵紫微玄都雷霆玉經》，我等聞斯語已，樂欲即聞，玉女還奏。奏已，大帝敕允。大帝敕北斗征伐司大帥，北斗防衛司大帥，使前語曰：十方諸天欲朕說經，朕所祕藏，天尊有敕，卿等可同太尉，黃鈇絳節雷霆大使、尚父、尚書大宰雷霆，令會判府、知府、同知領事僉書，與尚書侍郎、卿監郎中、校籍以下官，最干政務官，同侍瓊輿，上登三天。有頃，二帥還奏，百辟已集於三省，三省已辦，都省已集，大帝昇元皇洞真總虛大雲之輦，三省五府六部八寺百辟隨侍。白鶴歌，青鸞吟，麒麟舞雲，白澤嘯風。大帝輦

行，百辟車隨，火輪火宮，四衛左右，玉虎前翼，金龍後禦，詣三天門下。首謁太上玉京太極左宮仙、翁於天機省，次謁九州都仙太史高明大使於天樞省，後謁三天扶教輔元大法師於泰玄都省，復謁玉清元始法師玉堂大教主於鳳凰閣。次登太上無極大道、太上丈人、太上道君、太上老君、天帝君、天帝丈人、九老仙都君、九炁丈人、百千萬重道炁千二百官君，太清玉陛下訖大帝，復以大丹玉符，下付罡風浩炁界主者黃道黑道典官，次則天地之間諸部雷霆干係，鬼神齊集大帝之後。大帝上朝三清，三清玉女，飛散玉華，徧飄罡風，神煙玉雲，灑渺紫都。大帝端圭肅服，立於陛右。大梵明晨侍郎呼云：尊太上上天至尊天帝無極無上皇帝坐殿，此即元始天尊也。天尊曰：朕弟爾來，朕有三萬六千宮，宮有三萬六千主宮女，主三萬六千世界事，朕猶不屑。卿朕弟也，何庸爾勤？大帝拜興奏曰：朕言《無上九霄玉清大梵紫微玄都雷霆玉經》，萬劫一傳，混沌判

久，此寶宜泄，朕不敢私取自聖訓。天尊曰：可。大帝辭，天尊敕大羅無極神公同三天大丞相於玉梵明皇之館，會昊天玉皇上帝及后土皇地祇。大帝在天帝下坐，地祇在大帝下坐，神公對大帝坐，大丞相在神公下坐。天尊敕以玉醴，用太微金液以次，用八麟爲脯，九鳳爲腊，三龍爲炙，四虎爲膾，久之飲罷，神公丞相同辭。大帝復覲玉清大帝，敕長生殿四局左右司錄事，即日膳剡，奏謝三天，天帝地皇同之。大帝還坐長生殿，天帝地皇同坐玉輿，十方諸天悉有瓊輦，諸天龍神各立陛階。大帝默坐，良久呪曰：雷大雷二雷三雷四雷五，唵吽吽三檀那嘔嘻唯咄呷唎吒。急急召汝。名天下知，速至速至。急急如律令。唵吽吽韓難延乾夷攝。

復謂天帝地皇曰：是此十方諸天，欲爲演說真詮。天帝地皇啓大帝言：十方諸天懸徯斯久，大帝慈愍，當無所靳。大帝曰：朕適呪已，姑少俟之。少頃，五帥部衆，龍兵虎騎，呼風

嘯雨，飛雷激電，散雲霹靂，喧轟震動，閃爍霹靂。大帝敕五雷使者，擊五雷號令牌一聲，天地肅然，大帝於是說經。

大帝曰：朕爲浮黎元始天尊之子，玉清神母元君之男，玉清元始天尊之弟，太上老君之叔，兒婦日月，眷屬星辰，奴卑風霆，車馬雲霧，出無入有，隱聖顯凡，策空駕晨，乘空躡梵，三官颺舉，五帝景從。朕胡爲尊，敢不自效，是故效心三界，戮力五行，凡爾天龍鬼神，孰不知焉。時有雷神火師，挺班端簡，立大帝前，稽首長跪而言曰：憫哉。棄賢世界，一切衆生，君臣父子，夫婦兄弟，主客朋友，親戚奴僕，羽毛鱗甲，飛走動植，根荑甲坼，情與無情，往昔劫中至今，有生以來億劫塵勞，今身業垢。貪嗔癡愛，萌於立身行己之間。殺盜邪淫，形於舉心動念之際。心三口四，人百己千，有漏幻軀，無邊罪障，是非海闊，人我山高，不審若爲，能免雷令。

大帝曰：未有天地，先有吾身，未

有吾身，先有根本。生根死本，乃天宮地法之門。生死輪轉，如螳旋磨。如以生死爲無，則天地有晝夜焉，晝夜有日月焉。是生死不可無，而罪福、壽夭、榮枯、寵辱、是非、人我、名利、財祿、實附隸於生死之間，性命係焉。所以東北方有風雷地獄，此特雷令之怒耳。其罪之微，太乙簡閱。其罪之著，三尸上奏。其罪之尤，三官鼓筆，風刀立至。其罪尤甚，事涉雷霆。陽有鞭尸之刑，陰有裂體之憲。人間私語，天聞若雷，暗室欺心，神目如電，可不慎之。若夫士農工商，僧尼道俗，上自天子，下及庶人，命遭彗孛之臨，身爲魘魅之擾，皆我雷霆之政實臨之。

大帝曰：雷霆者，主天之灾福，持物之權衡。掌物掌人，司生司殺，檢押啓閉，管籥生成。上自天皇，下自地帝，非雷霆無以行其令。大而生死，小而榮枯，非雷霆無以主其政。雷霆政令，有所隸焉。隸雷霆之政令者，各有攸君。今皆爲爾一一解說，咸用遵奉，以敬以寅。

大帝曰：三清上聖，所以雷霆之祖也。十極至尊，所以雷霆之本也。昊天玉皇上帝，所以號令雷霆也。后土皇地祇，所以節制雷霆也。

大帝曰：吾爲高上神霄玉清真王長生大帝，其次則有東極青華大帝，九天應元雷聲普化天尊，九天雷祖大帝，上清紫微碧玉宮太乙大天帝，六天洞淵大帝，六波天主帝君，可韓司丈人真君，九天採訪真君，是爲神霄九宸。

大帝曰：爾等十方諸天會亦知乎，故凡下界有禳謝水火，斬星伐廟，斷蛟卻虎，驅瘟辟邪，上解天羅，下解地厄，與夫年灾月禍，星厄命妖，三世冤憎，七生凶會，鬼神注射，魘魅陷殃，有死有生，有己有不已，並用奏牘九宸，次申諸司。

大帝曰：玉府判府真君，玉府左右侍中，左右僕射，天雷上相，玉樞使相，斗樞上相，上清司命，玉府右卿，五雷院使君，雷霆都司，元命真君，此皆雷霆之樞要，故謂之九司，並用申之。別有五方雷王，五方雷霆大帝君，亦申

之。大帝曰：日宮太陽帝君，雷霆賴以威。月府太陰皇君，雷霆賴以神。北斗九皇真君，雷霆賴以樞轄。在昔元始天尊敕太清無上元君，令九州都仙太史高明大使判雷霆泰省事，太上玉京太極左宮仙翁判雷霆玄省事，三天扶教輔元大法師判雷霆都省事，復以浮丘大仙僉書雷霆三省事，自餘以次，官曹並領所治。或曰兼司，或曰分司，其所出治，或巡察官司，則曰行司。四官闕員，皆應選人。往昔劫中，曾已選遷，是此四官，復當降世，領戶化民，功成復還所治。

大帝曰：十方諸天，爾等當知此經玄妙，不宣下土。吾昔承天尊敕，使吾九霄玉清之府，出給符簡，宣傳告命，付授錄誥，開度生死，生身受度，死魂受鍊，出離地獄，登真度命。所是元始符命，並聽九霄奉行。吾此九霄玉清之天，內攝朱陵火府，南昌上宮受鍊司，南昌下宮受度司，上清黃籙之院，太清黃籙普光之館。元始有命，佐官三員，以司符命，隸吾本天。命大羅無

極神公，判上清黃籙院事，號爲鬱羅翹真人一也。復命玉清元始法師，充上清黃籙院使，號爲真定光真人二也。次命玉堂大教主，充上清黃籙院副使，號爲光妙音真人三也。用是三佐，以領本天濟生度死之事。凡爾鍊度等事，並須奏九宸，申九司，然後啓告三佐，上關三省，徧聞日月宮曹，北斗府署。故得歷關諸天，敕制地祇，普告三界。苟或不爾，千符百簡，天地渺茫。

大帝曰：人世帝皇，若於保鎮國祚，撫安黎元，變調四時，節度二炁，能以錦繪織此經理，飾以金匱，裹以石函，藏諸海嶽，即得人民安堵，風雨順時，百穀以穰，萬物以康，國無兵戈，俗皆富壽。是經在處，即有飛天神王、十方丈人、天丁力士、狼吏虎賁、天驪甲卒、察姦鉤騎、都官僕射、驛亭今驛、亭丞罡風、騎置吏驛、馬上章吏、飛符破廟吏、陰神決吏、陽神決吏、飛龍騎吏，隨所護持。大帝復告十方諸天丈人曰：吾昔於浮黎碧落之天，與十方無極大聖，同侍元始於空歌寶黍之中，元

始說始青大靈之章。吾於爾時，發大願言，五百劫後，數否運蹇，元元被殃，疊屍高山，流血曠野，無復如今，萬象太平，陰陽無恙矣。雷霆者，執天地之中炁，理天地之中政，綜劾禍福，佐理之主，當以身先之，即合代彼，一切衆生受諸魔惱，然則以是功勤。未若元始，說是靈章，爲是玄妙，人可開悟。今吾此經，無殊厥旨，亦從是經，啓吾玄會。是諸衆生，得聞此經，玉樓氣斷，銀海花殘，即得超度，不經地獄。爾時，十方諸天同時稽首稱善，天帝地皇亦曰善哉。天龍鬼神生大歡悅，金童舞香，玉娥散花。

大帝曰：世人起心動念，動行不善。唐突天地，穢褻日月，毀呵風雨，裸觸星辰，背負君師，逆辱父母，欺心朋舊，傲睨親鄰，殺害孳生，拋撒米穀，大秤小斗，欺罔聖賢，酷法殘形，傷滅禽畜，私淫暗盜，誨毒助兇，貪諸所榮，嗔諸所弱。天嗔地怒，鬼妬神憎，有能命九霄諸曹官吏上元一品仙官，或正

一道士，就於樓觀靖廬，或於家庭建壇告盟，請誦玉經。或一日三日，或五日，或七日，皆當啓白上靈，首謝愆過，祈以本命魂神，乞藏玉宮仰關，天丁爲行。匱蓋是故，三官罷對，黑簿停追，免爲雷嗔，不受天譴，回心向善，即得吉祥。

大帝曰：若或有人爲天矯地魑、山精石怪，五行妖祟、三界魔凶，及諸社廟傷亡。冤屍執對，驚魂喪亂，五內違和，人鬼交心，無復常態。吾即遣命魔前驅大將軍，與九天捉鬼雲路無面目大神，金刀功曹，領諸天丁，區別人鬼，違者斬屍。

大帝曰：禳水之法，申聞水府扶桑大君、水府馮夷君、波神玄冥君，徧牒五湖大神、四海龍王、九江水帝、四瀆源公、九河主者、崑崙河源君、河魁大神，及蓬萊都水使者。可令速除水怪，障回狂瀾，馘滅妖殘，勿爲民害。

大帝曰：謝火之法，申聞南方熒惑君，火神祝融君、雷火闕伯君、火部回祿君、火鈴將軍，徧牒南方火部主火

大神、五方飛火擲火流火大神、掌火書金經大仙，火部判官、丙丁童子、勝火大將、騰光大神。可令拔除火孽，清靜民區，無使赫炎流毒。萬姓禳水謝火，亦須牒太歲某甲君，水屬月府，火屬日宮。

大帝曰：凶星見於人國，惡曜照於人身，此元始有移星易宿之道。至於妖星逆宿，不係五星、十一曜、二十八宿及紫微垣內星者，皆聽斬之。先次奏九宸，申九司，次乃奏北極紫微大帝，申北斗七王宮，聽其自然斬落之矣。伐廟則不然，凡有廟神不正，皆當先牒本屬城隍，次申奏。凡遇丙日，許得奏聞，當有檢校，官司無不奉行。

大帝曰：若復有人，病篤不救，四肢失衛，皆當奏請天醫使者、尚藥靈官、治病使者、法灸金童前來救治。奏乞，玉炁化流，神丹下甦皇民，使復神觀。如被崇害，亦復如然。

大帝曰：定蛟如禳水法。卻虎，即號令當路土地主者、神虎玉女、玉女攝虎者也。斷瘟之法，移牒五瘟使者、

太歲尊神，皆當移文雷霆都司。

大帝曰：鬼神託爲家先，勒求祭祀，變幻百怪，使就供承。拋甌擲瓦，搥門擊戶，撒沙放火，驚雞弄狗，懸蛇掛鼠，送影傳聲。凡曰害人，悉以罪論。

大帝曰：九霄玉清府，有東靈上相、瑞光仙師、六華玉靈使者、散花玉女、主雪將軍、回風結雲使者，所以掌雪雹事，分隸月府太陰皇君。大帝曰：國土亢旱，人民焦熬，魚鳥驚煩，草木脆萎，妖魅爲殃，烈燄焚空，火傘四張，赤地千里，皆當上啓東井箕星使者、天門東壁使者、金關畢宿使者、三山太乙木郎大神、四溟四丁大神，即使驅龍捲水，興雲致雨。

大帝曰：久雨淋淫，宜於所在城隍、社稷、里域之司，稱是籬落崩圯，溝渠淫溢。上告太陽九龍皇君，祈遣九斗陽芒流金火鈴大將軍，封潭鎖海，止雨禁龍，捲霧收雲，開天耀日。

大帝曰：爾等雷神火師，知吾種種方便，垂示教科。今說是經，難可得

遇。若或有人得之不祕，輕泄漏慢，當知是人，名紊三元，罪移八籍。其受持者，可以昭靈，是有五方雷霆神吏主之，今當爲爾一一解說。雷神火師曰：臣知之矣，臣請宣示。雷神火師對大帝前，稽首長跪，乃自致辭：臣聞五方雷霆神吏，夙受元始天尊懸記，輔贊真王，統理雷政臣久矣。欲示世人，今非得旨，臣竟祕之，臣謂云：

東方雷霆風雨雲電之神，

呼風亞，咄遮黎，義鳩羅。

南方雷霆風雨雲電之神，

冰鳩鷗，煖炎寮，石阿雄。

西方雷霆風雨雲電之神，

榮耀靈，朗重延，閃鳩陀。

北方雷霆風雨雲電之神，

盧刑猛，橫天霸，劍振鳩。

中央雷霆風雨雲電之神，

孫真耳，多伯言，旭執圭。

臣謂此諸神吏，威靈氣燄，消燦風雲，廣大神通，凌磨日月。可以動搖海嶽，而能舞簸乾坤，是爲天帝之所使，雷部之最靈。凡課誦此經之時，諸多

神吏領所部隸，聞呼其名，皆悉降壇。

大帝曰：然東方青陽神，青帝青龍，聖光威靈，震動，霹靂猛烈，大將軍瞿亨。南方火車火炬，正陽雷電，噉吼霹靂，大將軍孔光。西方白電君，電光閃爍霹靂，雷公電母，八靈八猖，邵陽雷公，大將軍衛真。北方烜赫，電光霹靂，黑雲奔霧，六波捲水，震雷閃爍，大將軍尾青。中央震電，驅雷飛雲，噉吼威猛，勇烈正直，霹靂大洞，統領八方雷車，大將軍吟靈。東方五雷神君，紫庭真人，各各部領欵火大神，雷公電母，駕車持斧，浮空而至。西方五雷神君，巨雷毒神，羅列左右，飛印天丁，五雷使者，兩部尊神，駕車持斧，浮空而至。南方五雷神君，木郎大神，各各部領流鈴將軍，風伯雨師，駕車持斧，浮空而至。北方五雷神君，都水大神，各各部領霹靂大神，五雷使者，合部威靈，駕車持斧，浮空而至。中央五雷神君，黃衣使者，蠻雷之神，羅列左右，六甲六丁，興雲致雨，江河淮濟，嶽瀆之神，駕車持斧，浮空而至。六波天主帝

君，玉府上卿，五雷使，玉樞院真君，雷霆都司元命真君，蓬萊都水使者，中央黃帝，東方青帝，南方赤帝。西方白帝。北方黑帝。雷伯青帝，上清赤天大法君，上清玉府元命左文君，玉樞院副使元君，雨師元君，雨師丈人，雷令青君，火伯風霆君，風火元明君，龍雷君，電光元聖君，捲水龍君，東靈上相元君，斗中真人，天雷真宰，神雷真宰，龍雷仙宰，水雷仙真，雷令主者，天雷上相，五雷院副使，掌火書金經大仙，霹靂大仙，火鈴大仙，蒼牙大仙，主雷大神，欵火大神，負光仙吏，震威大神，典雷大神，引領大神，火目電光大將，衆目大神，執節領軍將軍，雷火闕伯神，負光猛將，瑞光仙師，掌風火龍騎士，震山沸海大神，掌霹靂火光銀牙耀目威神，上清玉府元天大法師，斗中樞相，雷令天師，玉真耀靈仙師，雷師皓翁，玉雷皓師，禁師趙侯，治病伐惡法師，上清司命，玉府右卿，四明公賓元君，侯雷公，火車元帥，洞陽幽靈君，火光流精君，金精清思仙娘，虛皇大華天

雷風領君，斗中都水左使者，斗中都水右使者，斗中六通使者，五雷左大判官，五雷右大判官，五雷左判官，五雷右判官，伏雷博士，掌善簿判官，三五鐵面火車大將軍，太歲大將軍，三五邵陽主帥，流金火鈴大將軍，霹靂典籍功曹，霹靂復勘功曹，霹靂記名書過功曹，掌惡簿判官，掣雷揮斧上命使者，火鈴威天公吏，日晃陽光太極吏，掌苗稼五穀上吏，玉光金精上吏，吹海揚波馳役吏，陳雪華猛吏，斬木伐妖開山火令神，追雹擊電神吏，掌水潦分野灾殃上吏，掌山林曠野溪谷主吏，雷城主吏，雷威猛吏，執節都吏，風雷神吏，掌書判官，雷車判官，五雷直符吏，黑面神荼，雷車左領將軍，雷車右領將軍，主籍吏，神決風雲上吏，飛雲走電大神吏，掌雷車黑炁神吏，吞魔啖妖天甲神吏，擒龍捉孽撼山大神，掌火輅金車上吏，丹元掌罪刑部正真吏，勘覈妖魔校正善惡主吏，察善惡孝逆忠和都吏，掌雷鼓鬼帥都部吏，掌罡風天漢起雨興雲吏，威劍震靈吏，天雷掌火令，掌四

季風雨吏，掌霹靂火吏，負天擔石太微令，掌天書文籍令，掌車令，福元將吏，掌霹靂火光吏，掌鬼政龍書吏，西臺雷雨龍圈治水吏，追風布雲虎吏，掌兵騎甲卒吏，掌雷風雪雹電火猛將，龍隊監兵使者，霹靂搜龍使者，律令使者，蒼牙使者，五雷使者，南宮火鈴使者，雷陣左右車使者，散雲歷黑使者，縛魂監送使者，霹靂火車腥煙使者，霹靂禁炎迸火使者，霹靂四望使者，霹靂火猪黑犬使者，霹靂倒提摧拉使者，霹靂回車使者，掣電轟雷奔雲使者，掌兵甲橫身飛雲使者，驅風雷電雹斧斤使者，移山翻海鐵甲使者，雲中使者，洞風鼓震天威赤文使者，江河使者，三十六雷鼓力士，降雹力士，摧邪力士，左持幢真人，右持幢真人，紫光童子，玉光童子。掌籙童子，捧劍童子，雷光玉女童子，雷師童子，雹師童子，執幢童子，三五邵陽將軍，邵陽雷公，火車將軍，起罡將軍，六龍將軍，黃帝雷公將軍，青帝雷公將軍，赤帝雷公將軍，白帝雷公將軍，黑帝雷公將軍，天雷晃光將軍，

水雷電光將軍，邀後撲殺擲火將軍，霹靂號黑將軍，霹靂殺伐將軍，玉樞殿下左神將，玉樞殿下右神將，蓬萊殿下左神將，蓬萊殿下右神將，北極殿下左神將，北極殿下右神將，各領部衆，浮空而至。

大帝曰：黑龍赤馬，炎炎昌運，當出霄吏，無隱祕要。大帝復曰：是諸神吏，能消灾厄，能衛身形，解釋冤憎，翻攘盟詛，芟邪立正，滅惡揚清，伐廟誅邪，斷瘟辟蠱，療民疾病，使人吉康。昔元始天尊用此神吏，時有呪曰：綠水清波湛湛清，千鈞斧刃背頭輕，傍河柳樹風吹倒，報著嫦娥也不驚。輕時輕似空中塵，重時重似千秤鐵，白時白似天上雪，紅時紅似猩猩血。織女四哥，勾婁吉利，登僧得色。急急如律令。

雷神火師，及諸天人，聞說呪已，天昏地黑，風動雷飛，雷雹喧轟，霧雨奔裂，山河震響，宇宙昏昏。

大帝曰：火師火師，如是靈，如是神，不自我，不自爾，不自神，不自鬼，

一念所至，夫復自然。


大帝曰：北極紫微大帝，統臨三界，掌握五雷。天蓬君，天猷君，翊聖君，玄武君，分司領治。天罡神，河魁神，是為召雷檄霆之司。九天流金火鈴大將軍，天丁力士，六丁玉女，六甲將軍，是為節度雷霆之使。九天嘯命風雷使者，雷令使者，火令大仙，火伯，風令，火令，風伯，四目皓翁，蒼牙霹靂大仙，是為攝轄雷霆之神。火伯風霆君，風火元明君，電光元聖君，雨師丈人仙君，是為雷霆風雨之主。中有三五邵陽雷公，火車鐵面之神。中有負風猛吏，銀牙耀目欵火律令大神，狼牙猛吏，大判官，五雷飛捷使者，五方雷公將軍，八方雲雷大將，五方蠻雷使者，三界蠻雷使者，九社蠻雷使者，實司其令，用贊其權。

大帝曰：昊天玉皇上帝，統天無為，萬化所始。后土皇地祇，承天稟命，主執陰陽。夫人頂天履地，得此神書，並當知感。每於清旦，立東南向，祝曰：臣凡胎濁質，走骨行尸，歷劫


迨今，罪如山海。伏望太上無極大道，無上至真三寶，慈父聖母，十方諸天丈人，九霄雷霆帝真，金后玉妃，卿師使相，法界真靈，溥運慈悲，曲垂原赦，賜臣太上十方五雷金光火雲，正一真炁流注臣身中三焦九宮五臟六腑之內，使得名籍太霄，身騰玉府，謝世返質，遊行太空。

大帝說經將竟，天帝地皇先還玉闕，十方天主各舉，仙飛雷神火師趣辭而返，雷霆主宰咸侍真王。大地雲翔。虛空霧灑，雲慶五彩，露飛八甘。甘露慶雲，薰蒸宇宙，滿國和樂，萬俗太平。大帝領仙巡幸皓庭，大帝復謂雷霆執事、侍宸仙監、仙卿、仙郎、玉郎等，曰：吾有九霄玉清大梵紫微仙都九符，併用傳宣，卿等諦聽。


玉清大梵呼風玉符




玉清大梵召雷玉符




玉清大梵起雲玉符




玉清大梵致雨玉符




玉清大梵興電玉符




玉清大梵禱雪玉符




玉清大梵借潮玉符



玉清大梵摧魔玉符



玉清大梵請晴玉符



爾時，大帝真王付授九符，以與雷霆主宰盟曰：玉經皆內天隱文中皇太玉之書，固所當祕，一如寶符，猶當聽受。卿等威烈，聞此符命，火急施行。雷霆主宰，列班王前，咸拜且曰：敢不公勤，敬遵聖訓。大帝遂召北斗征伐司帥臣、北斗防禦司帥臣、北斗行臺烏衣皂旗使者，承受玉軒，復歸九霄，長揖皓庭，即昇瑤輦。五雲翼輅，九煙衛

轅，前鳴八鸞，後舞萬鶴，瓊花載道，璇露霏霏，雷霆衆真，驂隨後乘。大帝復坐藥珠之殿，十方天人雷霆主宰羅拜，露章稱謝。雷神火師恭對帝所，稽首而前，即獻洞章曰：

大帝臨皓庭，身飛玉霞輿。天人擁五雲，聽演紫仙書。寶語騰瑤梵，金樞度玉符，復還藥珠殿，鸞鶴飛仙都。

是時，藥珠殿頭領仙舍人，引領羣真退辭帝所，咸相謂曰：信受奉行。

無上九霄玉清大梵紫微玄都雷霆

玉經

(王育成點校)

010 九天應元雷聲普化 天尊玉樞寶經

經名：九天應元雷聲普化天尊
玉樞寶經。撰者不詳。一卷。
底本出處：《正統道藏》洞真部
本文類。

爾時，九天應元雷聲普化天尊在玉清天中，與十方諸天帝君，會於玉虛九光之殿，鬱蕭彌羅之館，紫極曲密之房，閱太幽碧瑤之笈，考洞微明晨之書，交頭接耳，細議重玄，諸多陪臣，左右踖躅。天尊宴坐朗誦洞章，諸天帝君長吟步虛，綵女仙姝散花旋繞，復相引領，遊戲翠宮。群仙導前，先節後鉞，龍旂鸞輅，飄飄太空，並集於玉梵七寶層臺。時有雷師皓翁，於仙衆中越班而出，面天尊前，頰音府，顙音信。作禮，勃變長跪，上白天尊言：天尊大

慈，天尊大聖，為羣生父，為萬靈師。今者諸天咸此良覲，音敵。適見天尊閱寶笈，考瓊書於中祕蹟，不可縷計。唯有玉霄一府所統三十六天内院中司、東西華臺、玄館妙閣、四府六院及諸有司，各分曹局，所以總司五雷天臨三界者也。天尊至皇，心親庶政，此等小兆，以何因緣得以趨服，願告欲聞。

天尊言：雷師皓翁，爾等仙卿，儲勳夙世，累行昨生，故得玉府登庸，瓊宮簡錄。今茲勳行，視夙昨多，爾其悉力，雷司委心火部。日復日，歲復歲，勳崇行著，性霽神融，克證高真，即階妙道。惟是雷部鬼神，晝勞夕役，動有捶楚，大則考戮屑雲雕雪，無有已時，檄龍命鴉，此息彼作，彼所因故爾其耳焉。雷師皓翁及諸天諸仙，聳耳而默。天尊所坐九鳳丹霞之宸，音倚。手舉金光明之如意，琅風清微，綺雲郁麗，天尊寂然良久。

天尊言：吾昔於千五百劫，以先心縫此道，遂位上真，意釀此功，遂權大化。嘗於大羅元始天尊前，以清淨

心發廣大願，願於未來世，一切衆生，天龍鬼神，一稱吾名，悉使超渙。如所否者，吾當以身身之。爾等洗心，為爾宣說。

天尊言：爾諸天人，欲聞至道。至道深窈，不在其他。爾既欲聞，無聞者是無聞，有見即是真道，開見亦泯，惟爾而已。爾尚非有，何況於道，不聞而聞，何道可談？

天尊言：道者，以誠而入，以默而守，以柔而用。用誠似愚，用默似訥，用柔似拙。夫如是則可與忘形，可與忘我，可與忘忘。入道者知止，守道者知謹，用道者知微。能知微則慧光生，能知謹則聖智全，能知止則泰定安。泰定安則聖智全，聖智全則慧光生，慧光生則與道為一，是名真忘。惟其忘而不忘，忘無可忘，無可忘者即是至道。道在天地，天地不知，有情無情，惟一無二。

天尊言：吾今於世，何以利生？為諸天人演此妙寶。得悟之者，俾躋仙阼。學道之士，信有氣數。夫風土

不同，則稟受自異，故謂之氣。智愚不同，則清濁自異，故謂之數。數繫乎命，氣繫乎天，氣數所囿，天命所梏，不得真道。愚可以智，濁可以清，惟命俾之。愚昏昏，濁冥冥，亦風土稟受之移之。天地神其機，使人不知，則曰自然。使其不知，則亦曰自然。自然之妙，雖妙於知，而所以妙，則自乎不知。然於道則未始，有以愚之濁之。諸天聞已，四衆咸悅。

天尊言：吾今所說，即是玉樞寶經。若未來世，有諸衆生，得聞吾名，但冥心默想作是念，言九天應元雷聲普化天尊，或一聲，或五七聲，或千百聲，吾即化形十方，運心三界，使稱名者，咸得如意。十方三界，諸天諸地，日月星辰，山河草木，飛走蠢動，若有知若無知，天龍鬼神，聞諸衆生一稱吾名，如有不順者，馘首剗心，化爲微塵。

天尊言：吾是九天貞明大聖，每月初六及旬中辛日，監觀萬天，浮遊三界。若或有人欲學道，欲希仙，欲遁九玄，欲釋三灾，當命正一道士，或自同

親友於樓觀、於家庭，於里社，灑水饋花，課誦此經，或一過，三五過，乃至數十百過，即得神清氣爽，心廣體胖。音盤。凡所希求，悉應其感。

天尊言：身中九靈，何不召之？一曰天生，二曰無英，三曰玄珠，四曰正中，五曰子丹，六曰回回，七曰丹元，八曰太淵，九曰靈童，召之則吉。身中三精，何不呼之，一曰台光，二曰爽靈，三曰幽精，呼之則慶。五心煩懣，音悶。六脉搶攘，四肢失寧，百節告急，宜誦此經。

天尊言：若或有人五行奇蹇，九曜欽熾，年逢刑衝，運值尅戰，孤辰寡宿，羊刃劍鋒，劫煞亡神，鬼門鈎絞，祿遭破敗，馬落空亡，動用凶危，行藏坎壈，即誦此經。上請天官解天厄，地官解地厄，水官解水厄，五帝解五方厄，四聖解四時厄，南辰解本命厄，北斗解一切厄。

天尊言：沈痾伏枕，痼疾壓身，積時弗瘳，求醫罔效，五神無主，四大不收。或是五帝三官之前，泰山五道之

前，日月星辰之前，山林草木之前，靈壇古跡之前，城隍社廟之前，里巷井竈之前，寺觀塔樓之前，或地府三十六獄冥官七十二司有諸冤枉，致此牽纏。或盟詛呪誓之所招，或債塚負債之所致。三世結讐，累劫興仇，埒其咎尤，庫其執對，皆當首謝，即誦此經。

天尊言：天官符，地官符。年月日時，各有官符。方隅向背，各有官符。大則官符，小則口舌，是有赤口白舌之神以主之。凡諸動作興舉，出入起居，不知避忌。如遇官符口舌，則使人擊聒。曉夜煎燭音炒。多招唇吻。面是背非，動致口牙。盟神詛佛，始於謗讟，音瀆終於詬詆。由是獄訟生焉，刑憲存焉。若欲脫之，即誦此經，遂得口舌潛消，官符永息。

天尊言：土皇九壘，其司千二百神，土侯土伯，土公土母，土子土孫，土家眷屬。若太歲，若將軍，若鶴神，若太白，若九良，若劍鋒，若雌雄，若金神，若火血，若身黃，若撞命，若三煞，若七煞，若黃旛豹尾，若飛廉刀碓，如

是等土家神煞。若人興修卜築，一或犯之，即致病患，以迄喪亡。纔誦此經，則萬神皆起，天無忌，地無忌，陰陽無忌，百無禁忌。

天尊言：世人夫婦，其於婚合，或犯咸池，或犯天狗，三刑六害，隔角交加，孤陰寡陽，天羅地網，艱於嗣息，多是孤獨。若欲求男，即誦此經，當有九天監生大神，招神攝風，遂生賢子。於其生產之時，太乙在門，司命在庭。或有冤愆，或有鬼魅，或有禁忌，或有凶戾，致令難產。請誦此經，即得九天衛房，聖母默與抱送，故能臨盆有慶，坐草無虞。凡有嬰孩，在於襁褓，為梅檀神王座下一十五種鬼，加諸惱害，因多驚癇，音閑。宜誦此經。

天尊言：若人居止，鳥鼠送妖，蛇蟲嫁孽，拋磚擲瓦，驚雞弄狗，邀求祭祀，以至影脅夢逼，及於姦盜。而敢據其所居，以為巢穴，遂使生人被惑。庭戶不清，夜嘯於梁，晝瞰其室，牛馬犬豕亦遭瘟疫。禍連骨肉，灾及孳生，淫祠妖社，黨芘神姦，弔客頻仍，喪車疊

出。若誦此經，即使鬼精滅爽，人物咸寧。

天尊言：九天雷公將軍，五方雷公將軍，八方雲雷將軍，五方蠻雷使者，雷部總兵使者，莫賺判官，發號施令，疾如風火。有廟可伐，有壇可擊，有妖可除，有祟可遣。季世末法，多諸巫覡，邪法流行，陰肆魘禱。是故上清乃有天延禁鬼錄姦之庭，帝由束妖考邪之房。能誦此經，其應如響。

天尊言：天瘟地瘟，二十五瘟。天蠱地蠱，二十四蠱。天瘵地瘵，三十六瘵。能誦此經，即使瘟瘴清淨，蠱毒消除，勞瘵平復。亦有其由，或者先亡復連，或者伏屍故氣，或者塚訟墓注，或者死魂染惹，或者尸氣感招。凡此鬼神，或悲思，或恚恨，牽連執證，並緣注射乘隙伺間，乃得其便。故此經者，上通三天，下徹九泉，可以追薦魂爽，超度祖玄，太上遣素車白馬大將軍以監之。

天尊言：若或有人治裝遠行，賊盜騁姦，五兵加害。陸行則虎狼魍魎

磨其牙，水行則蛟龍鼉鼉張其頤。或灘瀨有幽枉之魂，或風濤有劫數之會。前亡後化，捉生代死，能於此經歸命投誠，故得水陸平康，行藏協吉。

天尊言：亢陽為虐，雨澤愆期，稽顙此經，應時甘澍。積陰為厲，雨水浸淫，稽顙此經，應時朗霽。祝融扇禍，飛火民居，赤鼠遊城，驚蕪黎庶，此經可以禳之。海若失經，魚鼈妄行，洪水稽天，民生墊溺，此經可以止之。

天尊言：世人欲免三灾九橫之戾，即於靜夜稽首北辰。北辰之上，上有三台，其星並躔，形如雙目，豐為三級，以覆斗魁，是名天階。若人見之，生前無刑囚之憂，身後不淪沒之苦。斗中復有尊帝，二星大如車輪，若人見之，留形住世，長生神仙。歸命此經，投心北極，即有冥感。斗為天樞，中有天罡，在內則為廉貞，在外則為破軍。雷城十二門，並隨天罡之所指。罡星指丑，其身未，所指者吉，所在者凶，餘位皆然。若人見之，壽可千歲。

天尊言：世衰道微，人無德行。

不忠君王，不孝父母，不敬師長，不友兄弟，不誠夫婦，不義朋友，不畏天地，不懼神明，不禮三光，不重五穀，身三口四，大秤小斗，殺生害命，人百己千，姦私邪淫，妖巫叛逆。從微至著，三官鼓筆，太乙移文，即付五雷斬勘之司。先斬其神，後勘其形，斬神誅魂，使之顛倒。人所鄙賤，人所嫌害，人所怨惡，以至勘形震屍，使之崩裂。驅其捲水，役其驅車，月覈音核。旬校，復有考掠。一聞此經，其罪即滅。若或有人爲雷所噴，其屍不舉，水火不受，即稱九天應元雷聲，普化天尊，作是念言，萬神稽首，咸聽吾命。

天尊言：此經功德，不可思議。往昔劫中神霄玉清真王長生大帝所曾宣說。至士授經，皆當割金置幣，盟天以傳。雷師皓翁，長跪拜興，重白。

天尊言：是經在處，當令土地司命，隨所守護，雷部按臨，以時稽審。若人家有此經，至誠安奉，即得祥煙滿庭，慶雲蔭軒，禍亂不萌，吉福來萃，於其亡歿，不經地獄。所以者何？死即

往生，生歸善道，承天尊力，有此靈通。出入起居，佩帶此經，衆人所欽，鬼神所畏。遇諸險難，一心稱名九天應元雷聲普化天尊，悉得解脫。於是，雷師皓翁對天尊前，而說偈曰：

無上玉清王，統天三十六。九天普化君，化形十方界。披髮騎麒麟，赤脚躡層冰。手把九天炁，嘯風鞭雷霆。能以智慧力，攝伏諸魔精。濟度長夜魂，利益於衆生。如彼銀河水，千眼千月輪。誓於未來世，永颺天尊教。

時雷師皓翁說是偈已。

天尊言：此經傳世，世人未知。吾今所治九天應元府，府有九天雷門使者，以糾錄典者、廉訪與者佐之。復有四司：一曰掠剩司，二曰積逮司，三曰幽枉司，四曰報應司，各有大夫以掌其事。吾之所理，卿師使相，咸贊元化。

天尊說是經畢，玉梵七寶層臺天花繽紛，瓊香繚繞。十方諸天帝君，咸稱善哉。天龍鬼神，雷部官衆，三界萬靈，皆大歡喜，信受奉行。

唵吽吒唎嚩嚩囉。

九天應元雷聲普化天尊玉樞寶經

（王育成點校）

011 九天應元雷聲普化天尊玉樞寶經集注

經名：九天應元雷聲普化天尊玉樞寶經集注。海瓊白真人注、祖天師張真君解義、五雷使者張天君釋、純陽子孚佑帝君讚。二卷。底本出處：《正統道藏》洞真部玉訣類。

九天應元雷聲普化天尊玉樞寶經集注上

海瓊白真人注
祖天師張真君解義
五雷使者張天君釋
純陽孚佑帝君讚

註曰：九者，陽數也，乃天道也。主於震宮，故東南有九炁之說也，即雷師出入之地也。天者，至大至聖無

極無為之炁也。應者，無物不承天命而生也。元者，至大也。又曰萬善之長也，乃四時之首也，五行之先也。雷者，乃天令也。掌生生殺殺之權，動靜人莫可測萬神之奉行也。聲者，生也，萬物得雷震聲而萌也。又曰天不言以雷代言也。普者，上天下地四維八荒無形有形也。化者，天道陰陽運行則為化。又自無而有自有而無則為化萬物生息則為化。老子云：我無為而民自化。又云以德化是也。天尊者，至大至貴之稱也。說者，讚揚也，闡教也，解隱釋奧也。玉者，天地日月之精華，陰陽水火之結秀也。潤而溫，寶而貴，萬載之不可朽滅也。樞者，機也，軸也，乃生殺之始由也。寶者，珍重也。經者，徑也，乃修真入道之要路也。

釋曰：天尊發願廣大，化及羣生，其德不可量而機不可測也。故以雷聲代化，玉樞為衡，則善善惡惡殺殺生皆聽於九炁之真王。所以，三界萬靈，十方諸天，莫不皆贊我天尊之元化也。

讚曰：祖炁氤氳滿太虛，九天元是九天居。驅雷役雨飛金篆，活物生人備玉樞。三界有情同得道，十方無路不通車。大哉普化明元始，日月齊光信不誣。

爾時九天應元雷聲普化天尊，

註曰：九天者，乃統三十六天總司也。始因東南九炁而生，正出雷門，所以掌三十六雷之令，受諸司府院之印，生善殺惡，不順人情。蓋以九天之名者，取其陽剛而不泯者之謂也。應元者，仰惟元始祖劫一炁分真，玉清真王應元之體。雷者，陰陽二炁結而成雷，既有雷霆，遂分部隸九天雷祖。因之以剖析為五屬，神霄真王用之，以宰御三界。真王所居神霄玉府，其道在乎巽。巽者，天

中之地也，東南乃九陽之炁。結清朗光，元始父祖，化神霄玉清真王。玉府在碧霄梵炁之中，去雷城二千三百里。雷城高八十一丈，左有玉樞五雷使院，右有玉府五雷使院。天有四方四隅，分為九霄，惟此一霄居於梵炁之中。在心曰神，故曰神霄，乃真王按治之所。天尊臨蒞之都。卿師使相，列職分司，主天之灾福，持物之權衡，掌物掌人，司生司殺，檢押啓閉，管鑰生成。上自天皇，下自地帝，非雷霆無以行其令。大而生死，小而枯榮，非雷霆無以主其政。雷霆政令，其所隸焉，三清上聖雷霆祖也，十極至尊雷霆本也，昊天玉皇上帝號令雷霆也，后土皇地祇節制雷霆也，北極紫微大帝掌握五雷也。五雷者，天雷，地雷，水雷，龍雷，社令雷。又有十雷：一曰玉樞雷，二曰神霄雷，三曰大洞雷，四曰仙都雷，五曰北極雷，六曰太乙雷，七曰紫府雷，八曰玉晨雷，九曰太霄雷，十曰太極雷。又有三十六

雷：一曰玉樞雷，二曰玉府雷，三曰玉柱雷，四曰上清大洞雷，五曰火輪雷，六曰灌斗雷，七曰風火雷，八曰飛捷雷，九曰北極雷，十曰紫微璿樞雷，十一曰神霄雷，十二曰仙都雷，十三曰太乙轟天雷，十四曰紫府雷，十五曰鐵甲雷，十六曰邵陽雷，十七曰欵火雷，十八社令蠻雷，十九曰地祇鳴雷，二十曰三界雷，二十一曰斬擴雷，二十二曰大威雷，二十三曰六波雷，二十四曰青草雷，二十五曰八卦雷，二十六曰混元鷹犬雷，二十七曰嘯命風雷，二十八曰火雲雷，二十九曰禹步大統攝雷，三十曰太極雷，三十一曰劍火雷。三十二曰內鑑雷，三十三曰外鑑雷，三十四曰神府天樞雷，三十五曰大梵斗樞雷，三十六曰玉晨雷。有三十六神曩，嘗陳之於太上之前。雷法有七十二階，天地賞善罰惡發生萬物皆雷也。雖陰陽之激剝，亦由神人之興動，雷鳴則雨降矣。聲者，天地之仁聲也。春分五日，雷乃發聲，可聞百里，震

九天而動九地，驚四海而翻四溟，太上曰：吾不發陰陽之聲，吾之大音無以召，故鼓之以雷霆，以聲召氣也。雷帝之前，有雷鼓三十六面。凡行雷之時，雷帝親擊本部雷鼓一下，即時雷公雷神興發雷聲也。普化天尊者，自浮黎元始天尊生九子，玉清真王化生雷聲普化天尊。天尊以歷劫應化，隨時示號。本元始祖劫一炁分真，乃玉清真王，九霄主宰。一月四辰監觀萬天，浮遊三界九州萬國，賞善錄愆，是為普化至大至貴也。

義曰：九天雖曰乾數，陽剛而不柔實乃九炁之生處也。於是結英聚靈，成我玉清真王之化形也。應元者，天地一炁，陰陽五行，上布下流，無一物不承天命，而得陰陽之炁以所生也。故曰應元，又何疑矣。雷之為雷大矣哉，故三界十方天聖地真各有司焉，惟九天玉清真王總治其令也。聲乃炁之用，炁乃聲之令，明是辯非，震萌起蟄，非雷之令，何

能生也。普化天尊者，天即我，我即天，發願廣大，化形十方凡諸衆生能皈心向道，我當以身身之，非天尊普化而何？

釋曰：是時九炁成形，結為九天，在三十六天之上，十方三界之祖炁也。所以用九之故，其炁元本乎三清之體，而用乎九天之名宜矣。應元者，天陽地陰理之然也。蓋我天尊，生乎陽而居於天，其健而剛也。所以萬物生乎地，莫不皆聽命於天尊，使物物各得其宜。世人不知其故，而本元皆出乎天尊之餘炁也。天尊欲人人皆為天尊者，何故惜其炁而應其本元之妙道也。雷者，類也，是以出萬類而起羣品也。孰不知，雷乃陰陽二炁之激剝，却有所司。誠惡誅邪驅風役雨者何耶？凡俗無知，豈識元始生殺之機玉清真王之妙用也。聲者，令也，聽也。天無聲則雷霆不行，地無聲則草木不萌，人無聲則清濁難明。所以聲為一身之本，乃陰陽之元炁也。天無私，日月垂

明。天有德，人物俱生。是故我天尊代天行道，德施三界，使清者為聖，濁者為賢。凡諸有情有形者，俾躋仙阼，共成一炁。

讚曰：九天九天，玄之又玄。忽爾我後，倏焉我前。右九天。二炁雖分陰與陽，玉清高處化真王。上天下地能相合，闡教分形遍十方。右應元。二炁之正，五行之令。斬鬼誅邪，天人響應。右雷。廣宣帝德起羣生，三界英靈側耳聽。莫道老天無一語，須知司令有雷鳴。右聲。好生之德不能量，闡教諸天及十方。高處玉清治雷府，萬神朝服禮真王。右普化。

在玉清天中，與十方諸天帝君，會於玉虛九光之殿，鬱蕭彌羅之館，紫極曲密之房。閱太幽碧瑤之笈，考洞微明晨之書，交頭接耳，細議重玄，諸多陪臣左右踞踏。天尊宴坐，朗誦洞章。諸天帝君，長吟步虛。綵女仙姝，散花旋繞，復相引領，遊戲翠宮。羣仙導前，先節後鉞，龍旂鸞輅，飄飄太空，並集於玉梵七寶層臺。

註曰：在者其時也，天尊遊於玉清天中，與十方諸天帝君，宴會於玉虛殿館紫極之房。是時，天尊檢觀太幽碧瑤之箱，稽考洞微明晨之紀。交頭接耳者，蓋諸天帝君列坐有次，聖聖相傳，共聽微密玄玄之言。彼時諸天帝君，亦各有衆多家臣，左右踞踏，恭謹侍焉。天尊安然高座，朗誦洞章。諸天帝君深有所悟，各各起座長吟，步虛讚詠天尊之教。綵女仙姝，散花盤繞於天尊之座，復請天尊往詣翠宮之七寶層臺，欲望天尊大演妙法也。層臺即龍鳳之座，有七級，皆珍寶飾之，故名七寶層臺。天尊駕輿，白鶴師子，威儀節仗，引導其前。青龍白虎，六甲六丁，侍衛左右。九天仙女，十二溪真，陳奏仙樂。諸天大帝，神君神王，太極真人，副從鳳輦龍輿，經遊翠宮。仙仗節鉞，龍旂鸞輅，飄飄太空，集聚寶臺。

義曰：是時，遊玉清，駐寶臺，大闡玄文，廣宣要語。天人左右，皆得開

心受化，而功行又崇也。

釋曰：是時，我天尊在自居之闕，闕中有九光之殿，館閣房位，閱法考書，欲化十方天真帝君，明其大道。於是天真帝君被德服膺，不知舞蹈。天尊大悅，欲遊外宮，諸天羣仙，左右前後，仗鉞排旗，引我天尊駐鸞輅於翠宮。翠宮者，玉清之行宮也。雷師心懷奏，疑無由以陳。幸值我天尊登寶臺，手舉金光明之如意，俯察萬類。

讚曰：故把玄玄一竅開，十方三界應時來。瓊書細閱存元炁，寶笈重宣養本胎。侍女交頭心自會，陪臣踧踖意能裁。須臾演教天花舞，鸞鳳飄飄七寶臺。

時有雷師皓翁，於仙衆中越班而出，面天尊前，頰頰作禮，勃變長跪，上白天尊言：天尊大慈，天尊大聖，爲羣生父，爲萬靈師。今者諸天，咸此良覲，適見天尊閱寶笈，考瓊書，於中祕頤，不可縷計。唯有玉霄一府所統三十六天内院中司、東西華臺、玄館妙閣、四

府六院，及諸有司，各分曹局，所以總司五雷天臨三界者也。天尊至皇，心親庶政，此等小兆，以何因緣得以趨服，願告欲聞。

註曰：雷師皓翁，乃帝臣元老，卿師重臣也。玉霄府，即高上神霄天中玉清真王府，居三十六天之上天中。有五殿，東曰藥珠，西曰碧玉，北曰青華，南曰凝神，中曰長生。又有太一内院，可韓中司，東西二臺，四曹四局，外有大梵紫微之閣，仙都火雷之館。皆有玉府，左玄右玄，金闕侍中，僕射上相，真仙真伯，卿監侍宸，仙郎玉郎，玉童玉女，左右司麾，諸部雷神，官君將吏，上統三十六天。東方八天謂高上道寂天，高上陽岐天，高上洞光天，高上紫冲天，高上玉靈天，高上清虛天，高上微果天，高上正心天。南方八天，高上道元天，高上太皇天，高上玄冲天，高上極真天，高上梵炁天，高上輔帝天，高上玄宗天，高上歷變天。西方八天：高上左罡天，高上主化天，高上

符臨天，高上保華天，高上定精天，高上青華天，高上景琅天，高上丹精天。北方八天：高上安壇天，高上廣宗天，高上浩帝天，高上希玄天，高上慶舍天，高上天婁天，高上變仙天，高上昇玄天。東北方高上敬皇天，東南方高上移神天，西南方高上瓊靈天，西北方高上昇極天。下鎮三十六壘，每方有九陽梵炁，以應一年三十六炁，每十日一炁上應。天有一帝，統治一炁，天仙神鬼功過，付與本天校勘。功者列名本天，過者囚於本天天獄。凡善惡事，三十六壘皇君，奏上神霄玉府而糾察也。每天各有龍神興雷，生殺伐暴誅邪，罔不由之。四府者，九霄玉清府，東極青玄府，九天應元府，洞淵玉府。六院者，太一内院，玉樞院，五雷院，斗樞院，氏陽院，仙都火雷院。諸有司者，天部霆司，蓬萊都水司，太一雷霆司，北帝雷霆司，北斗征伐司，北斗防衛司，玉府雷霆九司，及諸曹院子司。凡世間亢陽為雪，風雨不

時，干戈妄動，饑饉荐臻，皆請命玉府，經由玉樞，大布分野。兼判三司將兵三界鬼神功過，匡濟黎民，應雷霆諸司院府並佐玉樞之令，稟聽施行。至於雷霆斧鉞，慶賞刑威，有條不紊，悉有分司。或曰兼司、行司、巡察官司，皆設曹局官僚任職。是以玉霄一府，總司五雷天臨三界者也。

義曰：天尊以瓊書瑤笈，故化天真。雷師默會天尊之旨，上請方便之門。一時君臣體異心同無非，活羣生之徑路也。誦經君子至此，當以雷師之心為心，其功有自歸矣。

釋曰：時我天尊登寶臺察羣品，似言不語。適雷師皓翁，職專雷府，班越天真，以己心而識上心，故白之於天尊之前。我天尊德化無邊，真元有自，其玄書祕錄，不可條請。故啓三十六天東西二臺府院諸司之政，莫不皆總之於玉霄一府。其雷師皓翁以此舉，而發我天尊之未宣者。雷師啓天尊至大至聖心及萬品，臣

以微陋之材，以何緣由得侍玉宸，願告天尊，明我前劫，以贊元化並玉霄一府之事，當屏氣而恭聽之。

讚曰：勃然長跪，上啓真宗。諸司院府，臺閣，尊崇。三十六所。雲雷雨風。何神不備何聖不從。職專生殺，事在吉凶。欲聞至說，必啓丹衷。仁哉仁哉，雷師皓翁。

天尊言：雷師皓翁，爾等仙卿，儲勳夙世，累行昨生，故得玉府登庸，瓊宮簡錄。今茲勳行，視夙昨多。爾其悉力雷司，委心火部。日復日，歲復歲，勳崇行著，性霽神融，克證高真，即階妙道。惟是雷部鬼神，晝勞夕役，動有捶楚。大則考戮。屑雲雕雪，無有已時，檄龍命鴉，此息彼作，彼所因故，爾其耳焉。雷師皓翁，及諸天諸仙，聳耳而默。天尊所坐九鳳丹霞之宸，手舉金光明之如意，琅風清微，綺雲郁麗。天尊寂然良久。

註曰：雷司布令行事，疾如風火，不可留停。降澤之處有方，震雷之聲有數，可旱即旱，可雨即雨，必奉帝

勅。其雷司所行，鬼神何以致也？蓋此等之人，居塵世之上，不忠不孝，不仁不義，不禮三寶，不修五常，不惜五穀。所以身沒之後，聽我雷司之驅役，實此等罪報也。聞天尊所說善惡因緣，雷師皓翁及諸天諸仙啓耳悚懼。天尊所坐之時，其神風琅琅然而清微，彩雲鬱鬱然而華麗，沉靜良久，欲對仙衆再演玄文也。

義曰：善根宜種，惡業莫生，天真尚然，累功積行，何況後學君子可不盡心乎。

釋曰：雷師皓翁，與天地同體，日月齊明。是以天尊言儲勳夙世有大功，於初始之先行，既累著而得精炁，遂化成形，故得玉府進用瓊宮有名矣。今又掌善司惡，分化濟人，其功不少。所以盡心於火部者，乃雷師皓翁之本情也。加之日積月增，名高行顯，以全元炁，則性霽神融之，不虛言也。以是能與高上真王為明證之臣，遂列大道之階。天尊以善

惡兩途論諸天真，復引雷部鬼神晝勞夕役周而復始無有休息。所言屑雲，謂其奔走四方搏雲作陣之勞。雕雪者，其冒凍乘風凝雨作花之苦也。至於入海檄其龍，走林命其鴉，東作西止，東伏西興，無有息時，此善惡之因故明矣。天尊是時語雷師曰：吾得權大化位上真，蓋心先縫此道，故得如是也。爾等欲昇仙階，讚化玄文，以吾之功為功，則道自成矣，爾今聽焉。諸天帝君聞如是說，皆聳耳而敬聽也。天尊之威儀，不可宣說，即有神風綺雲清朗郁麗，天尊與九炁復合為一，寂然而不動也。讚曰：善惡兩途，特如影響。善為天真，惡為魍魎。

天尊言：吾昔於千五百劫，以先心縫此道，遂位上真，意釀此功，遂權大化。嘗於大羅元始天尊前，以清淨心，發廣大願，願於未來世，一切衆生，天龍鬼神，一稱吾名，悉使超換。如所否者，吾當以身身之。爾等洗心，為爾宣說。

註曰：心縫，此道者謂如裁段布帛，

若不縫就，焉能為衣。且天地一點元炁，散遍太虛六合，人稟父母一點元炁在身，即是祖宗之遺體也。若修之智慧，定觀清淨之心，收聚七寶，結成還丹，是謂以心縫合成其大道而位證上真。又以天地化醇之炁，大道混合冲和之妙，釀成巨功，遂權大化，提挈天地，隱顯莫測。天尊於大羅元始天尊前，發廣大願，願一切衆生，天龍鬼神，一稱名者，悉使超換。如所否者，天尊當以身身之。此足見天尊普護人天，發弘誓願也。

義曰：幸得人身，不可蹉過，當守是道，而誦是經，日就月將，與道合體，非小補哉。

釋曰：得道之難，合道之不易也。我天尊昔於五百劫之初，心先合此道，即九炁之生形也。故稱曰真王，遂掌大化。我天尊曾向大羅元始天尊前，以九天不雜之真，發三界無邊之願，期在未來之世，但受九炁之物，有能歸吾化稱吾名者，皆能起死

回生。或不信從者，我當以元始一炁化成九炁，以復其初也。天尊謂諸天帝君曰：爾等當淨其心，吾今為汝等開大道之密緒也。讚曰：道乃天地心，愚癡不解尋。破衣要縫補，須用水磨針。

天尊言：爾諸天人，欲聞至道。至道深窈，不在其他。爾既欲聞，無聞者是無聞，有見即是真道，聞見亦泯，惟爾而已。爾尚非有，何況於道？不聞而聞，何道可談？

註曰：至道者不在其他，在自己也。爾既欲聞，若明自己之道，即是不必聞也。是云無聞者是無聞，有見即是真道。若聞他人之說自己，有見即是真道，聞見亦泯皆不必聞見矣。若謂非有，既不聞道而欲聞，不可與談道矣。

義曰：大道無形，無我無彼，有無無有，即是真道也。有為有形，道在何處？入道之士，當於無無處著脚。

讚曰：道道道道，說著可笑。天地我人，一家一竅。

天尊言：道者，以誠而入，以默而守，以柔而用。用誠似愚，用默似訥，用柔似拙。夫如是則可與忘形，可與忘我，可與忘忘。入道者知止，守道者知謹，用道者知微。能知微則慧光生，能知謹則聖智全，能知止則泰定安。泰定安則聖智全，聖智全則慧光生，慧光生則與道爲一，是名真忘。惟其忘而不忘，忘無可忘，無可忘者即是至道。道在天地，天地不知，有情無情，惟一無二。

註曰：道者，乃三界所由之路也。然入則有由，守必有方，其用固有理也。蓋道乃天地無爲之稱，即人之真常也。誠者，端恪不移，無妄之理也。故惟以無妄之誠，而入於真常之道。然真常之道，悟者自得，故默識心融而後能守，雍容不迫而後能用。夫入不能守則非所謂入，守不能用則非所謂守。故用真實者，如愚而默，雍和而不剛暴，是亦如拙者何異焉。然其為愚訥拙也，特如之而已亦，豈真愚訥拙哉。人能入之

守之用之，如是者則不特可與忘物，而亦可以忘我，至於物我俱忘，亦忘其所謂忘矣。何言乎忘形，我者心不之動，湛然常寂，無彼此之間也。知者識之，明者見之，真之謂也。入道而知止，守道而知謹，則固循於道而不離。用道而知微，則能反約，而不惑於遠大。此其道體之本原，在是而一心之妙用所由生也。則凡所謂無所不通，無所不知，乃本性之具者，至此亦復全於我矣。原其所自，則又皆本諸知止。知止而後有定，定而後能靜。靜定日久，聽明日全。天光內燭，心純乎道，與道合真。抑不知孰為道，孰為我，但覺其道即我，我即道，彼此相忘於無忘可忘之中，此所謂至道也。至道在乎天地之間，而反不知其道之所在。要知道者，則凡有情之物我蠢動，無情之山河草木，豈出於至純而不雜之外耶？其惟抱一為天下式者知此。凡人修真鍊道，惟守一而不雜，則進德無魔，昇舉有日也。

義曰：此章乃玉清真王入道守道體道之端緒也。奉玉樞大教之志士，於此再三研窮，自有所得，則玉清真王之語不虛設矣。釋曰：大道無言，有言非道，是故我天尊言前章至道深窈不可得聞也。若此之論，後人皆不被天尊之化，其道有起有止，無見無聞，起止見聞皆由心造。昔我天尊九炁生而九炁成，有何見耶？有何聞耶？此章乃天尊教學道修真之士用功守成之路，必以己誠而合天地之誠也。蓋誠者，一也。夫道一而生二，二生三，三生萬物，莫不自誠一而來者。人能入誠而入，用默而守，用柔而用。然後得誠者似愚，得默者似訥，得柔者似拙。誠默柔為體為用，愚訥拙為道為玄，如是方可與道混然，忘形忘我忘忘，此乃道之實而真之妙也。入必要知止，守必要知謹，用必要知微，知微者則九炁之光足矣。能知謹者，則萬靈之聖全矣。能知止者，則三元之神安矣。神安則智

必備，智備則靈光生，靈光生則本元之炁合矣。故名之曰真忘，惟其忘而不忘，忘無可忘者，即是真一之大道也。

讚曰：守一守一，當用謹默。無我無人，却有一賊。若還捉住，湛然凝碧。

天尊言：吾今於世，何以利生？為諸天人演此妙寶。得悟之者，俾躋仙阼。學道之士，信有氣數。夫風土不同，則稟受自異，故謂之氣。智愚不同，則清濁自異，故謂之數。數繫乎命，氣繫乎天，氣數所囿，天命所梏，不得真道。愚可以智，濁可以清，惟命俾之。愚昏昏，濁冥冥，亦風土稟受之移之。天地神其機，使人不知，則曰自然。使知其不知，則亦曰自然。自然之妙，雖妙於知，而所以妙，則自乎不知。然於道則未始，有以愚之濁之。諸天聞已，四衆咸悅。

註曰：凡人生處，若土厚水深，地氣多寒，萬物晚成，造化之功厚，故多壽也。若土薄水淺，地氣多熱，萬物

速成，造化之功薄，故多天也。此風土不同，稟受之異也。若人稟胎氣清者，為人慈善，端正忠孝，智慧聰明，樂仙慕道之人也。稟氣濁者，為人兇惡，邪佞狠毒，愚癡悖逆無道，不仁不義之人也。智愚不同，清濁之異也。氣數所囿，如花木之開發，亦各有時，皆稟示地之氣。天命所梏，乃天令施於桎梏。不善之人，長淪惡趣，不得真道也。愚者，可以智慧門化之。濁者，可以清淨門化之。愚者常自昏昏，濁者常自冥冥，此乃自然而然也，皆風土稟受之分配定矣。蓋天地之生殺萬物，亦隨其四時之氣候也。若智人，得五行之氣，陰陽之精，修之鍊之，以保固其身命，便與天地同久日月齊明。愚人只知聲色滋味，而不知反以害其命也。是以學道之人，當默而思之。義曰：天之生物，皆得二氣之威形，清氣多而賢淑，濁氣重而姦惡。豈非風土之不齊，稟受之自異者也。釋曰：夫風土之不齊，實氣數之所

繫也。是故，我天尊舉此一章。列大道之後者，何也？蓋世人失於調養，肆意輕生。孰不知輕清之氣為天，重濁之氣為地。凡為人身，得天氣成精成津成液，得地氣成骨成肉成筋者也。既稟二氣而生，何故有修短賢愚之分耶？豈非風土之厚薄陰陽之偏塞耶？蓋天之命如梏，氣之數如囿，言人人不可逃天命而越氣數。惟我學道之士，能崇此經，則出於天命而拔氣數之外也。我天尊說是言畢，兩班卿師使相諸天帝君雷師皓翁，踴躍讚歎，至於天龍鬼神，亦皆不知手舞足蹈之悅也。讚曰：風土所宜，亦由氣血。水各有源，人皆有劫。輕清還玄，重濁不白。道本無二，此心似月。

天尊言：吾今所說，即是玉樞寶經。若未來世，有諸衆生，得聞吾名，但冥心默想，作是念，言九天應元雷聲普化天尊，或一聲，或五七聲，或千百聲，吾即化形十方，運心三界，使稱名者咸得如意。十方三界，諸天諸地，日月星

辰，山河草木，飛走蠢動，若有知若無知，天龍鬼神，聞諸衆生一稱吾名，如有不順者，馘首刳心，化爲微塵。

註曰：夫玉樞者，即玉清之氣也。玉為至尊至貴，故元始天尊稱玉清，昊天上帝稱玉皇，太上道君稱玉晨，太上老君稱高上玉帝也，三清之都號玉京神霄真王稱玉清。玉者，寶中之尊貴也。樞者，天之樞紐也。雷霆者，天地之樞機。天樞地機，樞陰機陽。天本陽，曰樞者，乃顛倒之理也。雖曰天陽地陰，蓋天一生水也。北斗貪狼星，號樞星，貪狼配天元乃七政之首也。如樞密院，亦朝綱之樞機也。總國之機密政務，掌殺伐之目也。玉樞之經，乃天府之雷文也。如有不順之人，當刳心斬首，皆在雷司之主令也。

義曰：天尊以好生之心為心，化形十方，不使一物不被其澤也。如有毀謗之者，雷司馘首刳心宜矣。

釋曰：此章，天尊發廣大之願明矣。天尊念念生生，無文可明，故垂玉樞

之靈文，以化衆生。其或衆生得化成真之後，一稱我天尊之號，篆天尊之符，至於世間山河草木飛走蠢動，但稟二氣之物，即當悚爾而聽，毋敢少逆。如不順者，雷司不容，則碎為微塵也。

讚曰：天尊天尊，發願廣大。毀謗玄文，雷司有害。

天尊言：吾是九天貞明大聖，每月初六及旬中辛日，監觀萬天，浮遊三界。若或有人欲學道，欲希仙，欲道九玄，欲釋三灾，當命正一道士，或自同親友於樓觀，於家庭，於里社，酌水饋花，課誦此經。或一過，三五過，乃至數十百過，即得神清氣爽，心廣體胖。凡所希求，悉應其感。

註曰：天尊號貞明大聖。夫貞者，貞觀其天地，貞勝其吉凶。而乃天地變化，聖人效之。吉凶垂象，聖人則之。夫易乾元亨利貞。貞者，四時為冬，四方為北，令亦屬北。天一生水，玉清之祖氣也。天尊每月初六及辛日下降。初六者，六陽降而

生乾，六陰勝而生坤，消息升降，周流六虛，以為道極。聖功生焉，神明出焉。蓋天地生數一，成數六。天地得之，潤澤濟世。六辛者，天之水數天數，當先號六辛。辛數，乾天也。天一生水，皆先天一氣之義。萬天者，自大羅清微禹餘大赤王境之天。周遍諸天，無不監觀其天人功過。至于三界，無不浮遊察錄其萬靈功過也。若人誦此經者，凡所希求，悉應其感。

義曰：天尊言：有情無情，有知無知，咸得成真，以宣大化。自見其功德不可稱量也，叩之必應。奉道之人，可不勉哉。

釋曰：天尊降監之日，恐世人不知，誤犯天律，天尊惜羣生之念至於如此。如或學道希仙之士，酌水獻花，或親友，或道士，一誦此經，其得仙班有位，天府標名。或有一等下愚，忽起誠心，課誦此經，使之心廣體胖。或有孝子順孫，齋心滌慮，建置壇場，請誦此經，即得超昇。所以釋

三灾道九玄，皆得如願，無不感應。讚曰：誠不用物，以氣相臻。一稱尊號，天地回春。

天尊言：身中九靈，何不召之？一曰天生，二曰無英，三曰玄珠，四曰正中，五曰子丹，六曰回回，七曰丹元，八曰太淵，九曰靈童，召之則吉。身中三精，何不呼之？一曰台光，二曰爽靈，三曰幽精，呼之則慶。五心煩懣，六脉搶攘，四肢失寧，百節告急，宜誦此經。

註曰：九靈者，人身中之本神也。天生者，玄牝也。無英者，嬰兒也。玄珠者，谷神也，正中者，泥丸。夫人子丹者，靈臺神也。回回者，貴券神也。丹元者，心神也。太淵者，腎官列女，水府神也。靈童者，主制五臟神也。臺光者，男女構精，胞胎始榮。爽靈者，魂也。幽精者，魄也。凡為人，既知身中有此神靈，何不時時呼召，鍊成一家，則學道希仙無諸障礙也。若五心煩懣，六脉搶攘，誦此經則身中諸神咸得以寧，則使人安逸也。

義曰：三精九靈，非外物也。住我本家，慎勿放出。當令常侍左右，朝真禮聖，則易見而易得也。乃天尊恐人不知大道所在，故以此指之也。

釋曰：天有九曜，人有九靈。天有三臺，人有三魂。天之九曜失度，三台遷位，則水旱陰晦。人之九靈失守，三魂妄行，則灾害生矣。如有此三者，至心誦經焚符，則三魂安九靈息，五心靜六脉和，四肢泰百節無恙也。

讚曰：九靈九靈，是我之精。時時呼召，永保長生。

天尊言：若或有人五行奇蹇，九曜嶽嶽，年逢刑衝，運值剋戰，孤辰寡宿，羊刃劍鋒，劫煞亡神，鬼門鉤絞，祿遭破敗，馬落空亡，動用凶危，行藏坎壈，即誦此經。上請天官解天厄，地官解地厄，水官解水厄，五帝解五方厄，四聖解四時厄，南辰解本命厄，北斗解一切厄。

註曰：凡人五行不通，九曜失度，又值刑衝及諸神煞，動用行藏皆不順

利，大則天譴地責喪身隕命，皆由三官五帝四聖二斗以主之。歸命此經，誦呪焚香告符，則一切厄難，皆能解釋。

義曰：三界之中，為人最靈，不知向上一步，致使星辰戰剋，行止輓軻，急宜歸奉真文，則三元五帝以消其罪也。此章，天尊令人知忌避而欲禳之。

釋曰：此言人之五行不利，九曜作撓是也。所以諸多神殺，皆聽我天尊之勅。如或有人遭此禍患，誦此經，則天尊命本人之家司命六神，上請天官解天厄，地官解地厄，水官解水厄，五帝解五方厄，四聖解四時厄，南辰解本命厄，北斗解一切厄。蓋緣此三官五帝四聖南辰北斗，亦乃天尊之有司也。故云上請者，欲人知天尊之所司之廣設也。

讚曰：地網天羅不可逃，凶星臨併若為消。誠心誦取天尊號，玉篆金符急急燒。

天尊言：沉痾伏枕，痼疾壓身，積時弗

瘳，求醫罔效，五神無主，四大不收。或是五帝三官之前，泰山五道之前，日月星辰之前，山林草木之前，靈壇古跡之前，城隍社廟之前，里巷井竈之前，寺觀塔樓之前，或地府三十六獄，冥官七十二司，有諸冤枉，致此牽纏。或盟詛呪誓之所招，或債塚負債之所致。三世結釁，異劫興仇，埒其咎尤，庫其執對，皆當首謝，即誦此經。

註曰：沉痾痼疾，伏枕牀蓐，醫禱無效。蓋三官五帝，泰山岱嶽，日月星辰，城隍社廟，里巷井竈，靈壇古跡，寺觀塔樓，五道諸司，地府冥官，至於山川草木皆有神祇，故誤冒犯。或夙有冤牽，負財致命，或被人呪詛，或自設誓違盟，累劫以來興仇結釁，皆當悔過，發露罪尤，請誦經呪焚此篆符，而悉得消愈也。

義曰：此章專言人之積病，及禁忌相刑，當稱天尊之號，則禍去而福來，何必疑也。

釋曰：凡人病染沉痾，痼疾弗瘳，世藥無功，陰神作撓，或自呪，或他詛，

或積塚，或私愆，則冥府欲問究由，欲追執對，何以赦免？即誦寶經焚靈符，即時安逸也。

讚曰：陰譴陽罪，沉痾是報。禁忌犯之，經符是禱。

天尊言：天官符，地官符，年月日時，各有官符。方隅向背，各有官符。大則官符，小則口舌，是有赤口白舌之神以主之。凡諸動作興舉，出入起居，不知避忌。如遇官符口舌，則使人擊聒。曉夜煎燭，多招唇吻。面是背非，動致口牙。盟神詛佛，始於謗讟，終於詬詆。由是獄訟生焉，刑憲存焉。若欲脫之，即誦此經，遂得口舌潛消，官符永息。

註曰：此章，天尊言諸官符赤口白舌之神者，乃天省下之惡曜也。蓋因世人，不修正道，不畏公法，瀆雷褻雨，故遣此神以撓之。若人犯者，急誦此經，焚諸符篆，即得應時消滅矣。

義曰：人之行藏，各有可否，但自不能識其機而造其理也。如或犯之，

此經能免也。

釋曰：天尊發願廣大，施化無方。此章專言諸官符者，蓋此神易犯難釋，以致庶人一或干之，則赤口白舌乘勢而生也。而世人何不預誦寶經焚玉篆，則此禍自滅矣。

讚曰：天符地符，人不可觸。欲釋訟凶，經篆三告。

九天應元雷聲普化天尊玉樞寶經集注上

九天應元雷聲普化天尊玉 樞寶經集注下

海瓊白真人註

祖天師張真君解義

五雷使者張天君釋

純陽孚佑帝君讚

天尊言：土皇九壘，其司千二百神，土侯土伯，土公土母，土子土孫，土家眷屬。若太歲，若將軍，若鶴神，若太白，若九良，若劍鋒，若雌雄，若金神，若火血，若身黃，若撞命，若三煞，若七煞，若黃旛豹尾，若飛廉刀砧，如是等土家神煞。若人興修卜築，一或犯之，即致病患，以迄喪亡。纔誦此經，則萬神皆起，天無忌，地無忌，陰陽無忌，百無禁忌。

註曰：凡人動作興工，不無有犯神煞，其禍立至。大則喪命，小則官非，可不慎歟。依儀書篆行持，誦經祈禱，則百無所忌也。

義曰：天尊惜羣生，至於如斯也。

亦云生亦土，而死亦土。殊不知土之為害，大尤甚也。蓋土宜靜，不宜動之謂也。

釋曰：天覆其地，人孰不知。蓋我天尊，為九天之尊，統制三界。而九壘皇君眷屬家臣諸多惡煞，害人不輕，天尊用玉文寶篆以鎮禳之，使世間上士下愚凡動作之時，百無禁忌也。

讚曰：萬物皆從戊己來，偶然相犯即為災。若非普化真文力，處處皆為白骨堆。

天尊言：世人夫婦，其於婚合，或犯咸池，或犯天狗，三刑六害，隔角交加，孤陰寡陽，天羅地網，艱於嗣息，多是孤獨。若欲求男，即誦此經，當有九天監生大神，招神攝風，遂生賢子。於其生產之時，太一在門，司命在庭。或有冤愆，或有鬼魅，或有禁忌，或有凶厄，致令難產。請誦此經，即得九天衛房，聖母默與抱送，故能臨盆有慶，坐草無虞。凡有嬰孩，在於襁褓，為梅檀神王座下一十五種鬼，加諸惱害，因多驚

癩，宜誦此經。

註曰：世人婚合產育，皆有神煞。不知方向，不避太歲，偶爾犯之，其禍不淺。急宜誦經焚符以禳之，則自安榮也。

義曰：凶吉兩途，互相齒之。如或不諧不育，天尊之號宜誦之，必自然而釋矣。

釋曰：此章為人間婚姻子嗣，係於天尊所屬。凡嗣息聘嫁養育，非小事也。世俗罔知，而窒於勘合之私，其誤多矣。如或犯之，夫北妻南，子息艱得。宜誦寶經焚靈符以釋之，則自然夫妻和睦，子孫昌泰也。

讚曰：夫婦人倫事，兒男骨肉恩。要令家道睦，歸敬玉樞文。

天尊言：若人居止，鳥鼠送妖，蛇蟲嫁孽，拋磚擲瓦，驚鷄弄狗，邀求祭祀，以至影脅夢逼，及於姦盜。而敢據其所居，以為巢穴，遂使生人被惑。庭戶不清，夜嘯於梁，晝瞰其室，牛馬犬豕，亦遭瘟疫。禍連骨肉，災及孳生，淫祠祆社，黨庇神姦，弔客頻仍，喪車疊出。

若誦此經，即使鬼精滅爽，人物咸寧。

註曰：蓋此等之家，不崇綱常理道，不畏天地神明。口味厭穢葷羶，身履邪淫殺道。不遵公法，惟務私榮。肆毒逞兇，恣行不善。是致鬼妬神憎，妖邪競起。若能悔過首謝，誦經焚符，即得禍亂不生，人物安寧也。

義曰：壁壞盜入，業重鬼來，致使六畜興災，家神不利。天尊不以小故，亦垂大恩，多誦經文，其禍止矣。

釋曰：正氣如天，邪魔敢犯。蓋因世人治家不理，干瀆神聰，以致六神不居，則邪氣乘間而入。或鼠精蛇魍，拋擲驚弄，血陰無時，甚至染昧家人，其禍不測。或盜人家財物，移東易西，皆此類也。致使弔客喪門，挾靈肆志。即誦寶經焚玉符，則人物俱得以安寧也。

讚曰：自作惡時邪亦作，我行善處即天行。世人忽有如斯難，宜篆靈符誦寶經。

天尊曰：九天雷公將軍，五方雷公將軍，八方雲雷將軍，五方蠻雷使者，雷

部總兵使者，莫賺判官，發號施令，疾如風火。有廟可伐，有壇可擊，有妖可除，有祟可遣。季世末法，多諸巫覡，邪法流行，陰肆魘禱。是故上清，乃有天延禁鬼錄姦之庭，帝由束妖考邪之房。能誦此經，其應如響。

註曰：經中凡二十一段，皆天尊言，惟此章云天尊曰。蓋稱揚雷公將軍使者判官，發號施令，應響威德，故不直言也。巫覡之徒，務行邪術，妄構妖言，魘禱夫婦分離，蠱媚女流苟合。值此妖巫，誦寶經焚符篆，則雷司勦除，應報如響，人得安寧。

義曰：天地無私，惟德是輔，善惡之報，動如景響。學道之士，體天心而明己心，則禍患蠲消而福祿臻矣。

釋曰：此章，乃天尊自贊雷司之聖也。如此所以，誅鬼斬邪，興雲降雨，皆我天尊勅下方行，今世道俗難分。或以不正之術，壞人倫而犯天律。誦此寶經焚符，則立應如響，豈不敬乎畏乎。

讚曰：雷司明善惡，善拔惡，常誅邪

法相侵害，惟多誦玉樞。

天尊言：天瘟地瘟，二十五瘟。天蠱地蠱，二十四蠱。天瘵地瘵，三十六瘵。能誦此經，即使瘟瘵清淨，蠱毒消除，勞瘵平復。亦有其由，或者先亡復連，或者伏屍故氣，或者塚訟墓注，或者死魂染惹，或者屍氣感招。凡此鬼神，或悲思，或恚恨牽連執證，並緣注射，並音傍射音石。乘隙伺間，間音諫。乃得其便。故此經者，上通三天，下徹九泉，可以追薦魂爽，超度祖玄，太上遣素車白馬大將軍以監之。

註曰：凡人患瘟蠱瘵疾者，皆有所致，甚至絕滅一門，牽連六親。若能誠心誦經，焚燒符篆，則雷司差素車白馬之將以拔之，使人不陷此苦也。

義曰：瘟蠱瘵疾，有自來矣。但能誠心潔己，誦真文，禮天尊，則不罹此苦也。

釋曰：瘟乃不正之氣，蠱乃無影之蟲，瘵乃難愈之疾。蓋此三者，我天尊之言，有自來矣。祇緣復連相染，屍氣相薰，塚訟相呼之所致也。復

連者，乃人之大厄也，世人不知禳解，故有絕門亡沒者也。塚訟者，七祖冤牽之所致也。屍氣者，地上原有遠年棺柩，化成小蟲，或飛入飲食之中，或落在器皿之內食之，令人作蠱。凡人遷居，當誦經焚符，以勦絕之。

讚曰：天地瘟蠱瘵疾大苦，禍有其由，亦人自取。若誦玄文，可拔七祖，白馬將軍能為作主。

天尊言：若或有人治裝遠行，賊盜騁姦，五兵加害。陸行則虎狼魍魎磨其牙，水行則蛟龍龜鼉張其頤。或難賴有幽枉之魂，或風濤有劫數之會。前亡後化，捉生代死，能於此經歸命投誠，故得水陸平康，行藏協吉。

註曰：凡人出陸遇賊迎兵，或逢蛇虎惡虺山魃。水行或值蛟龍龜鼉作浪興風，滯魄沉魂，求生捉替。或遭劫會，或飄墮他方。常預備符篆防之，可水可火化去，亦急誦寶號，立免諸厄也。

義曰：出入動靜，宜慎宜謹，若能平

昔奉持此經，則此患何由而至也。

釋曰：動靜行藏，須當慎之。所以吉凶晦吝生乎動，是故一動只一吉字，其三字皆非美也。出入可不謹乎。凡欲遠行，必須先誦寶經佩符命，則吉無不利。

讚曰：水陸行藏世不無，鬼神作耗暗潛圖。一稱普化天尊號，佩帶真王玉篆符。

天尊言：亢陽為虐，雨澤愆期，稽顙此經，應時甘澍。積陰為厲，雨水浸淫，稽顙此經，應時朗霽。祝融扇禍，飛火民居，赤鼠遊城，驚熱黎庶，此經可以禳之。海若失經，魚鼈妄行，洪水稽天，民生墊溺，此經可以止之。

註曰：此章，天尊愛羣生之心切切。久旱久陰，實天地之氣不和，乃人民之業難釋。以致三界震怒，水滂山崩，祝融扇禍，赤鼠興妖，黎庶不安。若人遭此歲時，宜誦此經，焚此符篆，晴雨得宜，人民自安也。

義曰：陰陽失律，如旱暵勢，莫非出入於天司之令。蓋惡業之氣不消，

正真之道不崇也。天尊斡旋造化，以生生之心長養羣品，其不可讚歎耶。

釋曰：陰晴晦明，非細事也。上繫天庭，下關洞府，亦由二氣之不和故也。凡遇此水旱之時，志士嚴置道場，誦靈文而焚玉篆，則旱可雨而雨可晴矣。

讚曰：水旱為災，可關天地。誠心誦經，晴明甘露。

天尊言：世人欲免三災九橫之厄，即於靜夜稽首北辰。北辰之上，上有三台，其星並躔，形如雙目，疊為三級，以覆斗魁，是名天階。若人見之，生前無刑囚之憂，身後不淪沒之苦。斗中復有尊帝，二星大如車輪，若人見之，留形住世，長生神仙。歸命此經，投心北極，即有冥感。斗為天樞，中有天罡，在內則為廉貞，在外則為破軍。雷城十二門，並隨天罡之所指。罡星指丑，其身未，所指者吉，所在者凶，餘位皆然。若人見之，壽可千歲。

註曰：北辰者，北極星也。辰星五

位，乃帝座星也。居常不動，而衆星皆共之也。此北斗居天之中，為天之樞紐，幹運四時。凡天地、日月、五星、列曜、六甲、二十八宿諸仙衆真及下元生人，上自天子，下及黎庶，壽祿、貧富、生死、禍福幽冥之事，無不屬於北斗之總統也。太上授以天師張真君北斗經訣，若有危厄，急告北斗，禮誦本命真君，方獲安泰。又得三台生，三台養，三台護也。三台星有六座，上中下台。名天階者，太上昇降之道也，其勢橫亘北斗第二魁星。上台虛精，中台六淳，下台曲生，乃星君內諱。知星名者，衆惡消除，諸善備至。見星象者，生無刑憂，死無諸苦。凡於靜房端坐，思三台覆頭。次思兩腎氣從胸出，與三台相連。久久思畢，啄齒二七，鼻微微出氣，閉口滿咽而畢。乃呪曰：節節榮榮，願乞長生，太玄三台，常覆我形，出入往來，萬神携榮。步之五年，仙骨自成。步之七年，合藥皆精。步之十年，上昇天

庭。急急如律令。可叩頭瞻仰拜禮，則百事皆遂。又北斗乃陰陽之精神也。精曜九道，光蔭十天，七現二隱。世人惟見七星，不見尊帝二星。此二星即輔弼帝皇太尊晨君，乃天地魂魄之威神。輔星主天，曰常。弼星主地，曰空。空者，九天之魂精。常者，九地之魄靈。天休地泰，空常隱藏。天否地激，空常煥明。變化萬氣，改易陰陽，四時代謝，莫不由焉。二星尊貴，隱伏華晨，九天亦祕其靈音，不行於世。諸得道高仙貴真，乃得見之。其營名逐利流俗穢濁之人，星光所不臨照，難可得見也。曩亦有誤見之者，今俗人脫有誤見者，切不可言，泄則身被兵火，卒形獲考地獄，生死父母皆受罪於三官。瞻禮之法，常以每月初三日、二十七日夜，勿令人知，陰下中庭，燒香禮誦，呪曰：尊帝二星，北極之靈。願臣早見，見即長生。福慶無窮，天與長齡。誠心更念此經，默有感通，久久自當見也。

亦不可泄其天罡名，在斗樞之內，星形與破軍星相對，此星紅色稍大，每一時辰，隨斗杓照臨地支一方位，時時運轉，無有停息。經云：天罡所指，晝夜常輪是也。雷城按地支有十二門，雷欲發聲，却隨天罡，其時所指方位之門，乃發聲也。且如天罡坐於未，對指丑宮，何故却有吉凶？蓋天罡正氣，能生能殺，若所指向之處，即是生方，故有生氣，取之則可以治病補虛，安神旺氣，却禍消災，延生度厄也。所在之處，則有殺氣，用之可以斬鬼驅邪，夷凶禁暴，馘毒制魔。故曰所指者吉，所在者凶也。義曰：九曜三台，乃一身之主宰，為萬象之樞機也。學者當依法而朝奏之，無不應響。釋曰：三台之星，尊之大之。其斗中二尊帝之星者，何也？乃天地之魂魄，造化之樞機也。夫學道之士，徒知朝真禮斗之誠，而不解瞻仰尊帝二星之捷徑也。又有天罡之星，

在北斗之後，隨雷門開處，而指雷門十二者，乃十二時。經旨明言，所指者吉，所在者凶，即是雷門也。學者欲朝斗瞻星，則法見於註內，見之則人壽永而福厚也。

讚曰：玄門之妙，人言深奧。功行成時，當朝九曜。

天尊言：世衰道微，人無德行。不忠君王，不孝父母，不敬師長，不友兄弟，不誠夫婦，不義朋友，不畏天地，不懼神明，不禮三光，不重五穀，身三口四，大秤小斗，殺生害命，人百已千，姦私邪淫，妖誣叛逆。從微至著，三官鼓筆，太一移文，即付五雷斬勘之司。先斬其神，後勘其形，斬神誅魂，使之顛倒。人所鄙賤，人所嫌害，人所怨惡，以至勘形震屍，使之崩裂。驅其捲水，役其驅車，月覈旬校，復有考掠。一聞此經，其罪即滅。若或有人為雷所瞋，其屍不舉，水火不受，即稱九天應元雷聲普化天尊，作是念言，萬神稽首，咸聽吾命。

註曰：人一有犯，理應誅滅，豈雷司

天府一一轟之？即今伏法遭刑，刀兵水火，但死於非命者，皆是也。蓋人始以小惡，為之不改，日積月增，遂成大咎。罪已彰著，又不悔悟，三官太一考覈，文移五雷之司，先斬神魂。伺其時至，然後施行，其死魂却聽雷司驅役捶考也。若人改過遷善，歸命此經，其罪即滅。凡有男女為雷所瞋，冠幘鬚髮不被燎去，亦可歸告天尊，取自聖裁，萬神皆聽其命令也。

義曰：三綱五常，乃萬古不易之理，豈容悖逆而妄行耶？穀乃民之命國之寶，豈可不珍惜而愛護耶？近世淺薄，不忠不孝，不義不仁，崇奢侈而惡清淡，賤道德而習姦詐，致使橫禍疊至。何不思之，天尊幸開大路，宜履之行之，則諸惡不生矣。

釋曰：人生天地之間，稟二氣備五常，履仁義而守忠孝，何故恣意輕生為諸不道之事？大則雷司震怒暴屍於市，小則官府加刑於身，是故善可為而惡不可作也。雷司以不仁之人

驅役，作善之士自當保拔也。如有稱天尊之號者，則萬神無有不拱聽者也。

讚曰：忠孝當為本，陰陽即我家。要消諸惡業，不必誦南華。

天尊言：此經功德，不可思議。往昔劫中，神霄玉清真王長生大帝所曾宣說。至士授經，皆當割金置幣，盟天以傳。雷師皓翁，長跪拜興，重白天尊言：是經在處，當令土地司命，隨所守護，雷部按臨，以時稽審。若人家有此經，至誠安奉，即得祥煙滿庭，慶雲蔭軒，禍亂不萌，吉福來萃，於其亡沒，不經地獄。所以者何？死即往生，生歸善道，承天尊力，有此靈通。出入起居，佩帶此經，衆人所欽，鬼神所畏。遇諸險難，一心稱名九天應元雷聲普化天尊，悉得解脫。

註曰：天尊發大慈悲，說是寶經，上利諸天，下濟羣品。至士受經，必用金帛為信，以質其心，告盟十天，然後傳付。其金帛者，但欲質心盟天，豈較多寡。金帛雖微，盟約實重。

大聖非吝惜而不普及，恐人輕慢，故諄切以諭。雷師宜令土地司命，在處守護也。若人侍奉天尊，持誦經號，致感聖真降庭，故祥雲繚繞。生奉真詮，則死歸善道。更能依式篆符，書寫此經，至誠佩帶，諸難不生，人神敬畏也。

義曰：此章之意，令人誠信不欺。後學君子，當依經而行，則庶幾其不差也。

釋曰：雷師皓翁，拱聽天尊至化，喜不自勝。於是長跪，再白天尊曰：自今而後，至士受經，當以金帛盟心，以傳其文。是經在處，宜令土地司命隨所守護，雷部按臨以時稽審。如此奉誦，則門庭有慶，宗祖超昇。佩帶之者，人所欽敬，鬼神畏服，遇難則稱誦天尊之號，悉得解脫。故此經功德，則不可思議也。

讚曰：不貴黃金貴赤心，初真學道外魔侵。至誠肯與盟天地，剋日教君聽玉音。

於是雷師皓翁對天尊前，而說偈曰：

無上玉清王，統天三十六。九天普化君，化形十方界。披髮騎麒麟，赤脚躡層冰。手把九天炁，嘯風鞭雷霆。能以智慧力，攝伏諸魔精。濟度長夜魂，利益於衆生。如彼銀河水，千眼千月輪。誓於未來世，永揚天尊敬。時雷師皓翁說是偈已。

註曰：此章，雷師皓翁頓有所得，故說是偈，以稱揚天尊好生大德之萬一。所以文義溜亮，語言華澤，其功德力可勝言哉。

義曰：天尊之德，無可以體，雷師皓翁故以銀河喻之。乃言其天尊之元氣，至清至貴，至聖至明者也。

釋曰：雷師皓翁心服神通，無以贊歎，遂作此偈。然我天尊，所統三十六天之尊，化十方世界之廣。遊諸天時，披紺髮而騎麒麟。破九泉時，赤其足而躡層冰。手把九天炁者，即金光明之如意也。嘯風鞭霆，乃天尊之號令也。斬鬼除妖，濟物利人，此乃天尊利益於衆生也。銀河之水，人不可見，不可測之，玄玄也。

千眼千月輪者，使諸有情歸教之士，猶如天尊之在目前也。發願廣大，永闡天尊之教。

讚曰：贊歎天尊，誠哉是偈。普化無邊，祖劫一氣。天尊言：此經傳世，世人未知。吾今所治九天應元府，府有九天雷門使者，以糾錄典者、廉訪典者佐之。復有四司：一曰掠剩司，二曰積逮司，三曰幽枉司，四曰報應司，各有大夫以掌其事。吾之所理，卿師使相咸贊元化。

註曰：天尊自言所治之司官兵將吏善惡，各付其職。所以生殺之樞，皆由天尊之命令，三界萬靈，莫不皆奉行也。

義曰：此章天尊自言善惡功業，各有所司，皆贊成元化也。

釋曰：此章經問已畢，慮後學之士不知所治之屬，所以列言。凡所祈求，諸司官吏將兵聞吾之號令，咸贊元化也。

讚曰：設司分屬掌雷霆，風火飛廉號令明。善賞惡誅如影響，九天元

不順人情。

天尊說是經畢，玉梵七寶層臺，天花繽紛，瓊香繚繞。十方諸天帝君，咸稱善哉。天龍鬼神，雷部官衆，三界萬靈，皆大歡喜，信受奉行。

註曰：說經已矣，諸天帝君、雷部鬼神悉皆贊歎，踴躍而去。凡我同志，信士善人，得遇寶經，當洗心滌慮，至誠朗誦真文，則禍難不萌，永保長生者也。

義曰：宣經贊化，三界十方皆得如意。夫學者，得遇寶經玉篆，可齋心滌慮，酌水獻花，如法誦之篆之，則諸禍不生，衆善駢集也。今至士體天心而洗己心，閱真文而造玄文，豈可不盡力奉持，以廣大其化也哉。

釋曰：寶經玉篆，非奉三清上境之勅、玉清真王之令，則不能垂示於世而化諸有情者也。今經旨校正，註釋分明，玉篆金章，燦然燦目。凡祈請之士，可不齋心潔滌以閱玄文也耶。至士道齡，職守都功，位居左院，用己神元，結之英成。天尊普化

之德，是日文成，忝列聖真之左。而誦經者，不可褻瀆，大則天誅，小則禍及也。

讚曰：寶經圓滿，咸稱善哉。消灾赦罪，禍去福來。

九天應元雷聲普化天尊玉樞寶經集
注下


圓滿吉祥靈章

向來誦經，念念存誠。千真拱聽，萬聖通靈。應元合無，普化分形。九天有命，三界遵行。消灾謝過，請福延生。功圓行滿，大道證明。

符篆


凡書一篆，當焚香起大敬心，至誠課誦，自正經首至於三章，并所祈本章畢。然後心存天尊寶相，口誦天皇神呪書之。常時仍用黃紙貼護篆文，用則展啓。以後符文，一體如之。

學道希仙第一章




召九靈三精第二章


遇本命生辰，嚴修齋戒，誦經稱號，書篆焚之。




解五行九曜尅戰刑衝第三章




沉痾痼疾呪詛冤牽第四章




消口舌唇吻第五章




禳土皇神煞禁忌第六章




求嗣息衛產難保嬰孩第七章




滅鳥妖蛇孽第八章




遣祟除妖滅邪巫魘禱第九章




消除蠱瘵超度祖玄第十章




水陸行藏第十一章




禱雨祈晴止禳水火第十二章




瞻星禮斗第十三章



聞經滅罪第十四章



佩奉萃福人欽鬼畏第十五章



續婚合章

凡有嬰孩在於襁褓，為梅檀神王座下一十五種鬼加諸惱害，因多驚癩，宜誦此經。

謹按《釋藏護諸童子經》中載，梅檀神王座下一十五種鬼形，常遊行世間，恐怖嬰孩及小兒，作諸怖畏之相。人能誠心誦經焚符，則免此禍也。

第一名彌洲迦鬼，形如牛，著諸小兒，眼睛回轉。

第二名彌迦王鬼，形如師子，著諸小兒數數嘔吐。

第三名騫陀，形如鳩摩羅天，怖諸小兒，其兩肩動。

第四名阿波悉魔羅，形中野狐，著諸小兒，口中沫出。

第五名牟致迦，形如獼猴，著諸小兒，把拳不展。

第六名魔致迦，形如羅刹女，著諸小兒，自嚙其舌。

第七名閻彌迦，其形如馬，著諸小兒，喜啼喜笑。

第八名迦彌尼，形如婦女，著諸小兒，樂著女人。

第九名黎波坻，其形如狗，著諸小兒，現種種雜相。

第十名富多那，其形如猪，著諸小兒，眠中驚怖啼哭。

第十一名曼多難提，形如猫兒，著諸小兒，眠中喜啼喜笑。

第十二名舍究尼，其形如鳥，著諸

小兒，不肯飲乳。

第十三名犍吒波尼，其形如雞，著諸小兒，咽喉聲塞。

第十四名目佉曼荼，形如熏狐，著諸小兒，時氣熱病下痢。

第十五名藍婆，其形如蛇，著諸小兒，數噫數噦。

玄陽子所遇雷霆玉經，本末如是，如是其必有自來矣。不以自祕，方將梓而廣之，其所以與人爲善之志甚薦。予雖未識其爲人，固已先識其爲心，知其非尋常人也。雖然至道無言，至言無跡，神而明之，存乎其人，子既有得於言語文字中矣。推致其功，乃復有得於言語文字外。無寧使人謂子爲泥象執文者，是則予之至望也子其勉之。至順癸酉上元日，嗣三十九代天師太玄子書。

(王育成點校)

012 九天應元雷聲普化

天尊玉樞寶懺

經名：九天應元雷聲普化天尊玉樞寶懺。撰人不詳。二懺同卷。底本出處：《正統道藏》洞真部威儀類。

法事如儀

具職臣姓某，誠惶誠恐稽首頓首再拜奏啓：三清上帝，十極高真，高上神霄，八宸上帝，九天應元雷聲普化天尊，九天應元府卿師使相一切聖真，玉霄內院中司東西華臺玄館妙閣四府六院分曹列局贊化掌事一切聖真神仙，九天雷門使者，糾錄典者，廉訪典者，掠剩司大夫主者，積逮司大夫主者，幽枉司大夫主者，報應司大夫主者，雷師皓翁真君，莫賺判官典者，雷部官衆，三界真靈。恭望洪慈，洞回昭鑑。入意臣

聞赤書玉字，昔元始開碧落以度人。鳳篆龍章，我祖師由神霄而闡化。恭惟九天貞明之大聖，玉清真王之化身，分形十方，運心三界，拯衆生之苦惱，挈下土之沉淪。三十六天，天天歸主宰之權。千五百劫，劫劫運慈悲之化。苟致寸忱而稱念，悉令萬願以從心。重念某等億劫塵勞，多生業垢，貪嗔癡愛萌於立身行己之間，殺盜邪淫形於舉心動念之際。身三口四，人百己千，有漏幻軀，無邊罪障，是非海闊，人我山高，非仗懺揚，曷叨恩宥。恭惟九天應元雷聲普化天尊，爲群生父，爲萬靈師。矜念迷途，鑒觀歸嚮，不忘大羅之誓願，特允小兆之讚揚。遙駐浮空曲，垂省錄。臣干冒天威，下情無任激切俟。恩之至虔，運一誠志心朝禮。

金容玉相天尊

志心皈命禮

玉清聖境，清微天宮，鬱羅蕭臺之中，森羅淨靈之上。現有爲之梵相，具無極之神通。敷演真玄，破無有色空之礙。拯提趣類，絕智愚高下之分。妙

用難窺，靈機罔測。大悲大願，大聖大慈，無量度人，元始天尊。

志心皈命禮

上清真境，禹餘天宮，紫微瓊臺之中，玄都玉京之上。接元始虛皇之統系，超西那玉國之根苗。入黍米珠，盡挹真玄之精粹。在香林苑，屢談祕要之筌蹄。妙德難思，神通莫議。大悲大願，大聖大慈，無量度人，靈寶天尊。

志心皈命禮

太清仙境，大赤天宮，巍巍金闕之高，渺渺重霄之上。降生於無量數劫，說法於萬二千天。五千祕言，融三才之妙道。八十餘度，接六趣之衆生。聖德崇高，玄功廣博。大悲大願，大聖大慈，無量度人，降生天尊。

按人各恭信

志心歸依十方道寶，當願衆生起心回向，一切信禮。
志心歸依十方經寶，當願衆生心開悟解，受持念誦。
志心歸依十方師寶，當願衆生普上法橋，元有障礙。

道場衆等人各運心禮懺如法

爾時，九天應元雷聲普化天尊在玉清天中，與十方諸天帝君，集於玉梵七寶層臺。時有雷師皓翁，越班上白，請宣道要。於是，天尊坐九鳳丹霞之宸，手舉金光明之如意，爲說玉樞寶經。已時，天尊言：若未來世，有諸衆生，得聞吾名，但冥心默想作是念，言九天應元雷聲普化天尊，或一聲，或五七聲，或千百聲，吾即化形。十方運心三界，使稱名者咸得如意。十方三界，諸天諸地，日月星辰，山河草木，飛走蠢動，若有知若無知，天龍鬼神，聞諸衆生。一稱吾名，如有不順者，馘首刳心，化爲微塵。以今弟子某等，曠劫受恩，累生蒙化，恨以愚迷之性，積成深重之愆，敢不懺陳。以干原赦，爰遵教典，力致悔思，祈滅罪以消愆，冀禳灾而集福。隨心應念，證聖成真。仰惟天尊大慈，天尊大聖，爲羣生父，爲萬靈師，俯賜恩光。鑒今懺悔，庶令所禱，克遂感通。臣等虔恭，志心朝禮。

志心皈命禮

九天應元府，無上玉清王，化形而滿十方，談道而跌九鳳。三十六天之上，閱寶笈，考瓊書。千五百劫之先，位上真，權大化。手舉金光如意，宣說玉樞寶經。不順化作微塵，發號疾如風火。以清靜心而弘大願，以智慧力而伏諸魔。總司五雷，運心三界。羣生父，萬靈師，大聖大慈，至皇至道，九天應元雷聲普化天尊。

畢各一拜

臣法衆等，志心皈身皈神皈命神霄，投誠玉府。重念弟子某等，凡胎濁質，走肉行屍，歷劫迄今，罪如山海。心三惡業，貪嗔愚癡。身三惡業，殺盜邪淫。口四惡業，綺語妄言，兩舌惡罵。或起念動心，恣行不善，搪突天地，穢褻日月，毀呵風雨，裸觸星辰，背負君師，逆辱父母，欺心朋舊，傲睨親鄰，殺害孳生，拋擲米穀，大秤小斗，欺罔聖賢，酷法殘刑，傷戕禽畜，私淫暗盜，逞毒助兇，貪諸所榮，欺諸所弱，天嗔地怒，鬼妬神憎。從今懺謝，永誓歸依。恭願普運慈悲，曲垂原赦，綏之庇覆，錫以

生全。臣等志心稽首，禮謝無上正真三寶。

衆諱九天誥畢各一拜。

志心皈命禮

九天應元雷聲普化天尊，九聲九拜。臣法衆等志心，皈身皈神皈命神霄，投誠玉府。重念弟子某等，凡胎濁質，走肉行屍，歷劫迄今，罪如山海。或慮五行奇蹇，九曜欽欺，年逢刑衝，運值剋戰，行藏坎壈，動用兇危。或沉痾伏枕，痼疾壓身。或盟詛呪誓之所招，或債塚負債之所致。三世結釁，異劫興仇。或自己興修，他人改卜，有犯九壘土皇。身黃命煞，官符赤口，劍鋒飛廉，二十四位，千二百神，動致口牙，易生獄訟。從今懺謝，永誓歸依。恭願普運慈悲，曲垂原赦，綏之庇覆，錫以生全。臣等志心稽首，禮謝無上正真三寶。

衆諱九天誥畢各一拜。

志心皈命禮

九天應元雷聲普化天尊，九聲九拜。臣法衆等，志心皈身皈神皈命。神霄，投

誠玉府。重念弟子某等，凡胎濁質，走肉行屍，歷劫迨今，罪如山海。或盧天妖地魑，山精石怪，五行妖祟，三界魔兇，及廟社傷亡冤讎執對。鳥鼠送妖，蛇蟲嫁孽，拋磚擲瓦，送影傳聲。或瘟癘傳染，蠱瘴纏綿，故氣伏屍，塚訟墓注。或婚姻不順，嗣息難招，水陸經從，劫數難追。或兵戈殺戮，水火漂焚，盜賊侵凌，饑荒流蕩。從今懺謝，永誓皈依。恭願普運慈悲，曲垂原赦，綏之庇覆，錫以生全。臣等志心稽首，禮謝無上正真三寶。

衆誦九天誥畢各一拜

志心皈命禮

九天應元雷聲普化天尊，九聲九拜。臣法衆等，志心皈身皈神皈命神霄，投誠玉府。重念弟子某等，凡胎濁質，走肉行屍，歷劫迨今，罪如山海。罪福壽夭，寵辱榮枯，財祿利名，是非人我。或希仙學道，或利物濟民，各有所求，咸令至遂，毋使願違。切慮悞犯，故爲千愆萬過，日深月遠，曾未披陳。或損害有情，侵傷物類。或迷真背道，犯戒

違科。既附隸於生死之書，實慘舒於簡閱之筆。從今懺謝，永誓皈依。恭願普運慈悲，曲垂原赦，綏之庇覆，錫以生全。臣等志心稽首，禮謝無上正真三寶。

步虛 每一禮一拜

志心皈命禮

南極長生大帝統天元聖天尊，東極青華大帝太一救苦天尊，九天可韓丈人朱陵度命天尊，九天雷祖大帝除災濟物天尊，碧玉宮太一天帝保制劫運天尊，六天洞淵大帝伏魔上上太乙天尊，六波天主帝君普施法潤天尊，九天採訪使真君應元保運妙化天尊，神霄玉府判府天尊，玉府侍中僕射上相右卿，五雷使院真君，雷師皓翁天君，雷伯青帝天君，玉樞舍人官曹仙衆，九天應元府卿師使相一切仙真，九天雷公將軍，

五方雷公將軍，八方雲雷將軍，九天雷門使者，五方蠻雷使者，雷部總兵使者，糾錄廉訪典者，掠剩司積逮司大夫，幽枉司報應司大夫，莫賺判官雷部官衆，雷部真仙諸司官屬。

禮足各長跪皈命懺悔

臣法衆等，志心皈身皈神皈命神霄，投誠玉府。仰惟九宸御極，諸司贊元化之尊，三界浮游，列部佐貞明之聖。是爲雷霆之樞要，乃持人物之權衡。重念某等，凡茲下愚，寄于浮世。或貪嗔癡之未斷，或心口意之相違，任性所爲，不知慚愧。或見聞而自作，或想念以教他，種種罪根，一一懺謝。恭願九天洞鑒，列聖垂慈。元綱流汗漫之恩，法雨沛汪洋之澤，罪無大小，咸乞蕩除。冀三業以蠲消，俾六根而清淨，福資萬有，恩被十方。臣等志心稽首，禮

謝無上正真三寶。

誦無上玉清王偈 聞經

聞經已後，當願衆生深入法門，歸依信禮。

聞經已後，當願衆生萬罪蕩除，善芽增長。

聞經已後，當願衆生永斷執迷，常歸正道。

臣聞道包天地，人稟陰陽，生成仰賴於慈悲，

過咎許容於省悟。臣等向來朝禮

天尊，稱揚聖號，一念祈

天而請命，五體投地以皈依。恭望

天尊大聖，天尊大慈，赦千生萬劫之愆，賜五雷正一之炁。臣等隨心所祝，

應念而成。所求者遂，所感者通，所欲者從，所禳者却。此世他生，常遇正

因。有識無情，同登道岸。稽首皈依無極大道。

向來

九天應元雷聲普化天尊玉樞寶懺

（王育成點校）

013 雷霆玉樞宥罪法懺

經名：雷霆玉樞宥罪法懺。撰人不詳。二懺同卷。底本出處：《正統道藏》洞真部威儀類。

恭聞高上神霄之天，九天應元之府，遼邈豈惟於劫初，感通端自於一心。恭燃道德之真香，仰叩虛無之聖境，謹憑一炷徧達萬靈。以今臣等皈命投誠，啓告供養

無上至真道經師寶三境高尊，九天應元雷聲普化天尊，九霄雷霆帝真卿師使相，十方諸天帝君，三十六天上聖，玉樞啓教雷師皓翁真君，雷部官衆，三界萬靈。恭望洪慈，俯垂降格，普仗真香，悉同供養。

臣聞赤書玉字昔

元始開碧落以度人，鳳笈龍章由雷師自神霄而闡化。恭惟九天應元雷聲普

化天尊，道前號應九天貞明之大聖，寔乃

玉清真王之化身。恩被十方，德沾萬彙。統天三十六，天天歸宰制之權。歷劫千五百，劫劫軫慈悲之念。苟運寸誠而稱誦，當令萬願以克從。凡所希求，悉應其感。臣等以今，謹爲入事意向來誠意，已具敷宣，諒沐高真，俯垂省覽。伏惟

九天應元雷聲普化天尊，大聖大慈，至皇至道，爲羣生父，爲萬靈師。若人稱名，咸得如意。

以今臣法衆等，謹與某恭對道前，志心皈依，虔誠朝禮

九天應元雷聲普化天尊。睿號自一天至三十六天，由一拜至三十六拜，聲聲不息，拜拜無停。恭望道慈流光寶座，俯鑑由中之悃，曲垂從欲之仁。臣等下情無任，瞻望

恩光激切，屏營之至。謹啓。

次讚曰

祖炁氤氳滿太虛，九天元是九天居。驅雷役雨飛金篆，活物生人備玉樞。

三界有情皆得度，十方無路不通車。大哉普化明元始，日月齊光信不誣。

衆和：皈命禮大哉普化天尊

臣聞一炷分真，九天布化，至皇至道，爲羣生父，爲萬靈師。亘古亘今，運三界心，總五雷令，調和陰陽而陶冶萬物，經緯天地而作成四時。身坐玉梵層臺，手舉金光如意，說玉樞妙旨，傳授雷師皓翁，普利益於衆生，遂流通於下士。如先覺，如後覺，皆知奉於真宗。若有知，若無知，悉超悟於至道。臣等欽承

寶訓，得閱琅書，洪惟

普化天尊，抑乃長生大帝，主治九天應元之府，總制五雷斬勘之司。鑑觀萬天，浮游三界，掌雷部鬼神之錄，握人間善惡之權。賞罰無私，毫分罔失，儲勳累行者則登庸簡錄，邪心不孝者則斬神誅魂。是故皈命

神霄，投誠王府。切念某等，凡胎濁質，走肉行尸，歷劫迨今，罪如山積。心三惡業，貪嗔愚癡。身三惡業，殺盜邪淫。口四惡業，兩舌惡罵。綺語妄

言，起心動念，恣意妄行，褻瀆聖真，冒觸天地，呵毀風雨，裸露星辰，違背君師，忤逆父母，欺凌孤弱，傲睨親朋，殺害群生，拋撒五穀大秤小斗，人百已千，酷法嚴刑，強侵冒占，奸私邪姪，妖巫叛逆。從微至著，日積月深，遂至鬼妬神憎天嗔地怒。諸如罪犯，無路首陳。今對道前，求哀懺悔。伏願雷聲普化，帝德好生。赦前生今世之愆，悉同冰泮。襁三衰九橫之厄，咸似雪消。俾身位之安寧，冀門庭之清肅。見存眷屬，舉臻覆護而享康榮。過往祖先，俱沐超凌而登快樂。臣等稱揚名號，著想尊容。遙瞻三十六天，傾心皈敬。求懺百千，萬罪隨念解除。各運恭虔，先伸讚詠：

天尊千五百劫先，清淨心發廣大願。
 普願未來一切衆，諸天諸地十方界。
 若或有人聞吾名，皈命一聲悉超渙。
 今日臣等皈命禮，九光殿中曲密房。
 玉梵七寶層臺上，九天貞明大聖尊。
 惟願不捨當來誓，盱蠻垂光濁道場。
 龍旂鸞輅倏飄颻，三十六天同下盼。

臣等小兆多生幸，一心皈向普化君。

志心朝禮，每一天下，稱和禮拜聖號一聲。

高上道寂天，

高上陽岐天。

志心朝禮，九天應元雷聲普化天尊，

高上洞光天，

高上紫冲天，

高上玉靈天，

高上清虛天。

志心朝禮，九天應元雷聲普化天尊，

高上微果天，

高上正心天，

高上道元天，

高上太皇天。

志心朝禮，九天應元雷聲普化天尊，

高上玄冲天，

高上極真天，

高上梵炁天，

高上輔帝天。

志心朝禮，九天應元雷聲普化天尊，

高上玄宗天，

高上歷偏天，

高上左罡天，

高上主化天。

志心朝禮，九天應元雷聲普化天尊，

高上符臨天，

高上保華天，

高上定精天，

高上青華天。

志心朝禮，九天應元雷聲普化天尊，

高上景琅天，

高上丹精天，

高上安墀天，

高上廣宗天。

志心朝禮，九天應元雷聲普化天尊，

高上浩帝天，

高上希玄天，

高上慶舍天，

高上天婁天。

志心朝禮，九天應元雷聲普化天尊，

高上變仙天，

高上昇玄天，

高上敬皇天，

高上移神天。

志心朝禮，九天應元雷聲普化天尊，

高上瓊靈天，

高上昇極天。

圍繞讚曰

無上玉清王，統天三十六。九天普化君，化形十方界。披髮騎麒麟，赤脚躡層冰。手把九天炁，嘯風鞭雷霆。能以智慧力，攝伏諸魔精。濟度長夜魂，利益於衆生。如彼銀河水，千眼千月輪。誓於未來世，永敷天尊教。

禮足各長跪懺悔

臣法衆等，志心皈身皈神皈命：

無上三寶高尊，九天應元雷聲普化天尊，雷霆列聖，在會群真。伏望大慈，同垂巨澤，普降洪恩。以今臣等，皈命投誠，一心懺悔。切念某，爰從曩劫，乃至今生，故犯誤違，千愆萬罪，日深月積，曾未披陳。殺盜邪淫，貪嗔癡愛，是非海闊，人我山高。或損害有情，侵傷物命。或迷真背道，犯戒違科，釁結幽司，名拘陰籍。或在七元曹局之內，或在三官府署之中，或下鬼之訴誣，或上天之譴責。未蒙原赦，恐致纏綿，兼慮九曜欻歛，五行奇蹇，陰陽交運，甲子分元。或逢六害七傷，或值孤辰寡

宿，流年衝併，本命衰微，劫殺亡神，天羅地網。或土木方隅之有犯，或水火囚獄之爲災，呪詛侵凌，冤讎報對，菑凶罔測，迤滯多端。非賴懺陳，曷由解釋。仰祈上聖，俯鑑愚衷，祈臣澤於方來，赦多愆於已往。災隨電掃，福逐雲生，行藏消非橫之虞，視履納泰和之慶。星辰順度，運限開通，一切時中，永依道蔭。志心稽首，禮謝

無上至真三寶。

三啓頌

三禮謝

誦經

回向

向來禮懺，誦經功德，已遂周匝，恭對道前，特伸回向。伏願

三寶高尊，九天上聖，雷部官衆，三界萬靈，同賜鑑明，普垂福佑。降九霄五雷之炁，敷錫其人。赦千生萬劫之愆，消除諸障。恭望

天尊大慈，天尊大聖，隨心葉禱，應念而成。俾令某身命永堅，室家胥慶。所求者遂，所感者通，所欲者從，所禳者却。此生他世，常遇正因，一切有情，同登

道岸。爲上因緣，稽首稱念

三清三境天尊，
雷聲普化天尊，
玄恩赦罪天尊，
福生無量天尊，不可思議功德。

雷霆玉樞宥罪法懺

(王育成點校)

014 太上說朝天謝雷真經

經名：太上說朝天謝雷真經。
撰者不詳。一卷。底本出處：
《正統道藏》洞真部本文類。

昔天尊於龍漢元年，在浮羅世界中，觀衆生有不信三寶及五悖之人，身謝之後，沉沒三塗，永墮地獄爲鬼。或犯天條，檢責下鬼所誣，一切衆生，有諸苦楚，不知解謝之門。果熟之時，致招重病雷擊，身沒之後，永墮餓鬼畜生。致使魂神被考，禍患來鍾，深可悲哉。無由解脫，不知上天檢舉有犯天條，至招雷擊三十六條，世人莫能知之。天尊爲說三十六條朝天謝雷真經，令人祈謝，罪惡庶知，果報昭然，明所報也。如此果報，豈不痛哉。爲說天條，令使敬重天地日月神靈，忠孝君親。令知宿命善惡因緣延生之路，朝

天謝罪必獲感通之理。請正一道士，或於觀宇，或在家庭，隨力章醮，請行法事解謝，祈延生筭。虛空採訪使者。隨即奏告，上達天司，罪惡消除，福祿增崇，善功圓滿，以降吉祥。世人罪福，皆屬天曹所管，爲人豈不知之。此經乃上天所寶，不傳下世，天人敬仰，萬聖衛之，金闕靈章。有不信之者，永墮艷都。

天尊爲說報應靈符及天書篆，明世人有犯天條被雷擊之者，以將此符篆較之，庶凡人則知太上感應，如此立教也。天雷十二條者：不忠君主，不孝父母，不敬三寶，拋擲五穀，訶風罵雨，裸露三光，揚惡掩善，不遵正道，心昧天地，信巫魘祝，滅人福果，毀壞經教。犯此天條，則天雷檢察。爲說此十二條，以示下民，庶知解謝。地雷十二條者：穢污水漿，將溷江河，毀罵尊長，疑真不信，輕師忘本，曬露褻衣，淫人妻女，惟惡是增，對聖毀願，怨恨宗親，不賑貧困，對天妄語。此十二條屬地雷所管，以示下民，俾曉懺謝之路。

人雷十二條者。糜爛五穀，大秤小斗，荒年起價，米中添水，欺曲昧人，穢語兩舌，寸尺長短，剋剝害人，欺善懼惡，久債不還，謀人女妾，酒肉殺生。此十二條人雷主之，世人莫能知之，以示下民，庶知解謝。

天雷十二者：神霄雷公，五方雷公，行雨雷公，行風雷公，行雲雷公，布澤雷公，行雲雷公，行冰雷公，飛砂雷公，食崇雷公，吞鬼雷公，伏魔雷公。此十二雷公係屬天分，犯天令則穰此十二雷公，以免擊罪。

地雷十二者：糾善雷公，罰惡雷公，社令雷公，發稻雷公，四序雷公，却灾雷公，收毒雷公，救病雷公，扶危雷公，太昇雷公，巡天雷公，察地雷公。此十二雷乃屬地分，凡人犯地罪，則燒香祈天請罪，以免灾苦之因，禱無不應也。

人雷十二者：收瘟雷公，攝毒雷公，除害雷公，却禍雷公，封山雷公，破廟雷公，打鬼雷公，伏虎雷公，破瘴雷公，滅尸雷公，蕩怪雷公，管魄雷公。

此十二雷乃屬人分，凡人犯人罪，可燒香告斗，隨心禱祝，以免此苦厄，乃大道好生之德也。

道言：此三十六雷，則能輕重善惡。敬之則不犯條律，以降吉祥。不遵敬禮，故犯條律，則示重罪。陽責貧窮，困苦滿足，轉轉不信，墮落地獄為鬼，復出受生身，遇雷擊之後，北酆為鬼，難求出離苦楚，豈不痛哉。北酆有一百二十獄，其獄各有獄主、獄吏、毒虎、毒蛇、毒犬、刀刃峰山。獄吏以杖逐其罪人，登山履刃，毒蛇纏身，罪人身體皆參刀刃，血流滿身，毒獸食飲其血，萬死萬生，無有晝夜。此皆罪人生前致招，墮于北酆，難可盡述，言不可泄。略垂九種大道，開演此經，令使世上凡人知畏，若有此獲罪之因，獲報陽責，可以隨力燒香，虔心告懇天地，祈謝原愆，以免獲報。若有男女在世貧窮，亦可修心整行，轉誦此經，得謝身惡，以禳困苦，自然天佑之矣。大道立言，凡人不可以為常耳，亦不可輕泄，此文乃上天隱祕之書，凡人可能敬重。


此經在處，有衛經元帥六人，靈官一十四人，天兵一萬五百人，土地社令當所管城隍，主宰九州風伯城境天神。護持此經，誦轉此經，魔精滅形。生人受之，身宮康泰。死者得之，度上南宮。及有帝主、國王、后妃、臣宰，為國焚祈豐稔，亦可開轉此經，能禳域境民物盡泰，四序清平，永無劫敵。

道言：凡有上士，欲修仙法，採尋藥圃，遇毒蛇虎狼之獸，速誦此經，惡類返歸其元，不能傷害，自然回退。得遇真劑。學道駁進，有會本源，故獲善士同志，心達玄妙，無不應也。亢陽不雨，亦可轉誦此經，以禳缺澤之厄。蟲蝗傷稼，燒香誦持，則滅其類，以消蟲毒。境域水泛不退，浸崩地土，故當速轉真經，其水自退，不能滄陷。其所及有一切瘟瘧瘴疫之者，連年不瘥，鬼祟伏尸，魔魅在所為禍，不能除却，可以燒香轉誦真經，其祟消滅，不能傷害，自然安愈。此經到處，萬神侍衛，精魔潛走，不敢仰視，如此威靈。凡人有昧律法，故當以天篆垂報之，後有獲雷擊

之人，天書或在背胸、前脅下、手足之上，將此經中天篆參究，庶知太上之感應，然後焚香，請正一道士轉誦此經。方移其尸，祈天雷宥罪，方可將棺槨盛之以板閉，上留一孔露，天雷不復擊以厝去處，牛馬亦如此乎。敬禮此經，不犯律件，世世為人，衣祿永滋，壽命延長。不敬之者，掠善仙官、錄惡使臣奏呈天府，積業過多，滿足條令，上命一行告下，城隍主者隨即行事，既滅之後，身經北酆，永無出離。當為書篆，以示陽民，可虔心遵信，凡人不可不知也。


米中用水

荒年起價




業通三世

毀罵三寶




不孝


果報




因果不修




卜者術誤



乃是九幽



元惡過多




罪足




九世之惡




惡果滿矣




裸露三光




身口問丸




果非禮上



前世果報



天譴之罪



非言非示




州非果將




非道




天露



九真惡過



罪至




癸非




天責



罪及




報應




四世




貪求不足




八嗔




獲罪




罪




上天檢察




前緣惡業




天令報應




宿緣惡報




惡報前緣




九業之罪




業通具足



諸事滿律





天責其報




非理所爲

罪盈足




用且非道

曲直非正





九業具足

非理亂真





罪滿自受

九惡之報





九七之罪

天察其過





九九之罪

口業之罪



五悖之罪

五世之惡



四思之惡



道言：凡有陽世之人，身被雷擊，

可將此符篆證之以知，此立乎報應之驗也。可以燒香誦轉此經，以解尸滯，可以燒其天書解之。身著地上，乃用硃砂併銀硃，以黃紙盛授其筆，仍安棺槨之上，載書其篆，以對天文。及念九天應元雷聲普化天尊聖號一萬音，方翻其尸，則動便入棺槨，循葬去處，如此感應，爲人豈不知，其明有天律之嚴也。可以常誦此經，能消諸苦。及大病死亡，不經地獄。官灾口舌，連年困苦負本，遠出路途，或遇賊惡蟲蛇虎狼之地，但念誦斯經，自然不能損害。凡有患難，可以誦持，門庭清肅，人眷安寧。及有起造動土，架扇屋宇，併修築墻圍，有犯神煞。及行喪葬，有犯墓龍

殺神，一應去止。但燒好香，誦此真經

以謝，各神自然迴避，不能侵害生人。師巫或埋名魔禱，翦雞滴血；或在廟祀之處，及在邪壇，將生人名諱；或因服法不加，及因田園財物口舌紛爭，將其名諱，在諸去處魔禱。知其源者，可以燒香，誦轉此經，却除差來索命邪鬼。重則隨經使者官吏，不待上天律下，即以滅形，輕則以戒之。其神能滅諸邪，山魃鬼怪，魍魎伏尸，及枉死孤魂之鬼，并精靈百魔之鬼，侵害生人，起禍損人命魂，久病不瘥連年，及求血食山壇冷社，將後起疫，不能除却。但以好香，燒告神霄雷主將帥及兵官吏，護經靈官將帥，將此經轉誦，魘魅潛形，不能侵損人命。或遇夜行，將此真經，以帕袋服。此經却除水陸邪鬼，魘魎之神亦不敢侵損魂命，使其鬼神潛形，永不復害也。上天之書，以度下民，令識宿根，知太上之立教。凡有萬億之厄，轉誦真經，無不應護，萬邪歸正，道法開祥，無量神通。昔雷霆鄧元帥，於玉笥山修行五十二年，奏呈玉

帝，陳說承天開化，扶教度人，發大誓願，滅天下不忠不孝之人，及斷鬼魔侵害人物，一勿爲禍妖邪，救生度死。忽功行圓滿，蒙上帝詔命，召赴陛前，賜金丹一粒吞服，變成鳳背形翼，仍封爲欵火律令大神，以金鎚鑿各一付之。身長一丈，赤髮藍身，手足皆爲鳳爪，受令行事，斷天下不忠不孝之人、鬼祟之魅、一切害民之類。以五月五日午時爲赴召昇仙之日，其功果成就，敬守于今，已化有劫矣。世人不信此神，故犯天條，致罪滿足，獲其神而戮誅，身屬北酆，永爲鬼趣，墮於其中萬萬億劫，不復出離，如此之報，因果昭然。世人尤乃故犯條律，既犯之後，獲報其中，悔何得也，深可痛哉。世人在世，不敬三寶，天地君親師友正道之人，但檢閱此經，靜默安神，燒香禮拜天地，安坐去處，看誦此經，深詳自悔，大有身畏。爲人豈不染諸緣，惡之愆自省人身之本以解。日積所爲，若有果獲雷擊，身經北酆受苦，何人爲汝解釋，負受如此，果報昭明。凡人在世，自宜

保愛其身。凡或有婦人懷娠孕經，過月不能分娩。或恐非人，受胎鬼祟冤家，及山壇冷社之鬼，假爲人形，前來託化，害其母命，痛苦難忍。識此因由，可燒香，望東念救苦天尊聖號四十九音，方開誦此經，即時人脫其胎，即與萬神監生，其子福慧雙全，女亦如此。或是鬼怪冤家，則隨經帥將攝下，押赴北酆，遂誕死尸，其死尸得下之時，將栗木數束，書大神名字，告天仍祝曰：從今釋冤，不得害人魂命。及有官符口舌連年，不解困苦，將終誦此真經，以禳厄難，無不應驗。門戶方隅，改修動土，不時有犯，殺神興災，令人疾病，未安如是。一切有犯之處，請道士延真祈天請命，書大聖七元真君名號，以黃紙，用硃明書其上，奉安所犯方位，轉誦此經，無不應驗，清康庭戶，大有光輝，神之所佑也。道出乎太玄之初，未判兩儀之先。萬物之中，惟人第一。蟲禽潛蟄，尚知時候，四時之物，豈有異也。天地垂明，以示人也。應期發生，流潤人間。在世爲人，何可

以謝穹壤之恩？凡人在世，可尊敬天地君親師友正道佛僧羅漢，功果善緣，奉揚科教，開誘人天。從善周始則善神應佑，後爲惡，獲因劫，劫墮落地獄，經劫受苦，人道遠矣。縱得人道出生，貧窮下賤，復不修禮，轉轉遠乎。聖證無可得遇，無上法橋度拔苦趣，經世不悟，墮落傍生，六道輪迴，一入沈淪，難期解釋。

道言：得遇此經，乃宿有善功，積劫以來，幸會天文。如有志學之士，見此真經，一聞便悟。若有世人，見此真經，不信毀謗，生生墮落傍類，與大道遠矣。如或修誦始終，既死之後，不經地府，魂神執此經，念念正覺，上昇南宮朱陵火府，時刻受鍊，決無宿對。世人在世，生身快樂，歌酒取歡，不知樂是苦根。貪求取利，不知喜是悲目。負販南北，而不知冬有嚴霜，如木凋也。根本若實，則有春時。不循人道之本，死之道矣。

天尊說此真經，令使世人受悟，歸向正道，以識源本，免滯輪迴。在世長

年，人中殊勝，轉轉歸勤。仙都記籍。善功緣行具足，則萬神擁護。尸解仙去，超度天程，昇遷仙位，命職帝前。此經深重，不可思議，謹而敬之。或慢無極之科，自生不信，仍不奉持。身謝之後，永處北酆，後悔難及。保之受用，福不輕矣。是時，天尊說經將畢，龍鶴天仙、萬聖千真來迎。御坐起席之時，諸天魔王及諸人鬼神，受法戒旨。此經流教下民，庶曉歸宗，知本達生榮路，不生無道之鄉，釋宿命塵輪苦楚。見而奉之，不可輕泄。罪照玄科，明有其報，戒慎之焉。

太上說朝天謝雷真經

元皇帝君垂讚曰

人天居敬，福不輕之。造化合德，運度俯睇。雷霆隨已，誓救生滋。除滅惡腐，輔化乾基。週榮萬法，變忖莫思。敬則從順，興道保規。逆則烈誓，後憶難追。笥山修應，扶化天隨。誅戮惡蟲，滅却勃軀。發生萬物，長決幽爲。千狀萬類，總領在歸。人莫不信，輕重訊驟。人身一滅，何復再葺。求仙樂理，常誦其書。先修古葯，方自度梯。推山新匠，一出鑄錐。普化敬順，無量以藹。

玉堂



金闕化身天尊親製詩

吾爲教主，威鎮北天。分別人鬼，將吏當先。雷部聖衆，總掌其權。誅滅兇惡，化作塵煙。

武當



三茅妙行圓滿天君親製詩

天令行威顯小民，小存正直保其身。禳灾解厄看經驗，鎚鑿專誅五逆人。

三茅



九天元皇梓潼靈應天君親製頌曰

天道福善而禍淫，雷霆殺伐警人心。吾今顯化令知畏，咸使生靈免罪深。


又頌曰：

顯化訓民歸正教，開揚帝德好生心。朝英虔奉刊于梓，印施雷經發玉音。

又頌曰：

天行號令，警戒凡民。不知畏懼，徒積禍因。條法昭示，以滅身軀。能省己過。神明監于。度人諸厄，經訓敷具。朝英刊施，福祿眷聚。

玉堂親書



青帝天君：

吾號雷霆猛吏，賞善罰惡，無情讒佞不忠不孝，歛發雷火，皆焚奸邪，怨怒天地，奏聞上帝滅形。既有謝雷經呪，諸人展誦來因，傳生道義，好道捨財，刊此真經。若依不犯天律，衣食飽煖安寧。雷泓召。吾讚經附於，誠真靖筆。

（王育成點校）

015 冲虚通妙侍宸王先生家話

經名：冲虚通妙侍宸王先生家話。宋王文卿撰。一卷。底本出處：《正統道藏》正一部。

侍宸曰：昔遊名山二百餘所，一到金陵清真洞，乃唐葉天師修真之地。抵暮，四無人煙可依，遠望山中忽有燈光，以此投奔燈光，到草舍間，寂然無人，予心大驚。於燈下桌上，有一文字，啓而視之，名曰：《嘘呵風雨之文》。予意其必雷宅也，心方安，取筆墨以木葉錄之。錄將畢，忽聞雞鳴之聲，須臾一老姥出來。予問其姓氏，老姥曰：予無姓氏，此乃雷霆所居之地，不可久留。予問：雞鳴者何以有此？姥曰：乃地中金鷄鳴。予覺而出，不數步回望，不見草屋不久一里許，已到洞天。

予得雷書自清洞天始。

門人袁庭植問曰：師得雷書於洞天，想師仙風道骨，天假其緣，適其逢耳。弟古者非師不度，若無師亦可行。

侍宸曰：予未得雷文之前，已遇汪君於楊子江，授予飛神謁帝之道，後遊清真洞天得此文。經三載之久，又遇汪君於軍山店中，後過禪寺語余，所修飛神謁帝之道何如？余答汪君曰：三年前弟子到清真洞天，偶昏暮不知其所，荒落草舍之中，孤燈獨按之上，得《嘘呵風雨之文》遂於身中取簡呈之。汪君曰：子真宿仙也，昔老姥乃電母也。子既得其文，予當語汝於此方蒙指授。授畢，乃召使者當空分付。此余遇汪君點化。

問曰：動雷激霆，其要如何？答曰：雷霆者，天之號令，非緊切事務不可妄舉。譬如樞密院發一號令至某處制司，奉承者必須依號令而行。今之人既無宿骨，不遇明師，以訛傳訛，按圖索驥，不問事之輕重。或沽名買譽，或逐利貪財輕率行持，貪天之功以爲

已有，臨事無成畢矣。夫雷者有的然之機，霆者有截然之法。得師指授，如響斯答。

問曰：且如使者，的確玄妙，在於何處？答曰：雷霆變化，無遠無邇。神動天隨，氣至將靈。子於內玄杳冥恍惚之中，作霹靂激博之化。一生二，二生三，三生萬物，發爲妙用，上窮碧落，下至黃泉，無所往而不可。昔禪宗有云：千江有水千江月，萬里無雲萬里天。即此是也。

問曰：弟子事師門，已荷發越愚鈍，但千江有水千江月，萬里無雲萬里天，其旨如何？答曰：此乃發揮使者之妙，且如千江有水千江月。人之初性，譬猶明月，一點圓明，湛然不動，靈光徧照，今人但知有雷之名，而不究雷之體性元神也。水，止水也。世人但見月之形，而不知月之妙，蓋得水以映之，其性即止矣。萬里無雲萬里天者，人性地本善，汨於七情六慾，倘能清心寡欲，諸障消除，其天隨處可見矣。

問曰：玄中玄已，荷指迷用中，用

何以取驗？答曰：子之問是矣。且如召雷行事之時，先召使者尋之。蓋雷霆風雨之處，惟使者知之，所以法要使者爲先鋒銳將。

問曰：使者之捷固已神矣。且如祖宮一出，隨方可以發用，第杳冥空寂，何以驗使者之至否？答曰：法當靜嘿，叩齒握雷局，依法召之，默念呪音，含光默默，眉間痒時，使者即至矣。

問曰：弟子昔蒙師指教，授以法訣，因在宜黃陳子寔家救病，亦冥冥召使者，誅其禍祟。坐定，忽然冷風襲兩足，後以符與病者，見使者現形。此驗何爲與師眉間之說頗異？答曰：念頭起於一點，報應驗於一身。頭圓象天，足方象地。眉間之驗，使者從天門而來。足下之驗，使者從地戶而至。蓋崇之形影聲響，在於陽間，止於地矣。此乃使者破地戶搜祟而至，然動雷之驗訣，於眉間以至五臟之內。

問曰：先生之說是矣。弟子一日在家，給符救一產母，召將之間，心大冲冲，左目疊跳，發符遣使者，余心意

不悅，意使者未至，是以如此。次早產家謝云，產母見一青面鬼使，三日，眼中出火繞產母，身覺身如火熱，未幾產一死胎。其意如何？答曰：此即明驗，子何如是之愚？心中冲冲，乃汝祖宮使者一出，便傳於心，所以急也。青面三日，乃汝神隨符變化。左目跳者，火歸木鄉。所以生者，母所損厥子也。此理照然，何必多疑多問？

問曰：起雷之捷，不過使者，然法中程雍五將何用哉？答曰：乃先天不壞之元神，即今所尊元始也。程雍乃日月也，五將乃五星也，於人身使者乃元神也。程雍乃元炁元精也，五臟之炁爲五將也，在地使者爲后土真皇。程雍即酆都九壘，五將即嶽也。蓋人居天地之中，借斗運轉三才，此謂一竅通萬竅通，一將靈百將靈是也。大抵使者罡步，獨稱湧泉者何也？蓋天生水，二三四五八宮之間，天地水火雷風山澤，無所往而不備矣，樞機者，魁罡之位，斡旋天地造化者矣。五將所以爲使者，所役耳。經云：通於一，萬事

畢。內外之奧，實由此也。

問曰：樞機號日月，何以位居辰戌？答曰：不然，戌爲日之樞，辰爲月之機，陰陽關鍵實係乎此。天地日月星辰運行，關鍵不通，天地之道閉矣。學者不知關鍵，則雷霆何由而激？雨暘何由而祈？蓋人身斗樞，一轉萬化隨之。經云：試將斗柄輕輕撥，瀉下銀河萬斛珠。即此妙也。

問曰：程雍既爲日月，五將隸金木水火土，土使者如何斡運？答曰：使者意也。又爲中央大魁總監星也。蓋貪狼號爲總監之星，使者稟此氣而化生總監，即元始之真炁天樞一轉。何患天機不隨？所以使者符用辛寅二諱者，蓋有說也。

問曰：師之說詳矣，而弟子尚未解答。曰夫在天之斗隨杓指建，一建之間有二炁六候，人能於一時一刻之中攢簇一歲之炁，運則一年艷凶雨暘之事，其數盡在是矣。蓋魁爲斗之首，爲天之樞，以此而推則三百八十四爻之變，動實基于此。子宜隨斗而行之，

且四方二十八宿，各方自有木火土金水，斗居中央以齊七政，蓋三十六之炁數，魁居其首而斡運焉。

問曰：師之說明矣。何以今之學者，亦無修積，亦無實學。偶然行持，亦得感應，此又何也？答曰：一則出於僥倖，二則斯人時運際遇偶然，符合取效一時。子行吾法，端的須透內，用以決外應無疑。雷神之不時，法訣一真，何施不可。

問曰：弟子見同壇游平二友，均是法也。何以行事之時，十應六七，此機不可曉？答曰：游平二友道緣淺薄，法行未純熟，疑信之心介乎方寸，以此故十應六七。

問曰：又如後學，明發坐遣，約定時日，以俟報應。何以登壇之際，不合所符，其義又如何？答曰：坐遣者，不過雷神為符節。今人有事，奏帝一說也，申師一說也，牒將一說也。以至訂期約，不能立定一時。或以未申時，或以亥子時，故自為顛倒錯亂，所以不能如期者此也。約以申時則申，約以未

時則未，譬如驪山之火約以一時。因為不然，所以失信。行雷法者，當痛思之。

問曰：或謂奏帝之說，有誤行持，如何？答曰：奏帝之說，要能飛自己神以言奏則可，必其允否若止，憑筆墨待，師省類聚，奏呈之時，卒皆誤也。

問曰：真王有便宜行事之教。則不必奏矣。答曰：雖有便宜行事，亦有兩說。大崇惑人魂命，孽蛟妄興雷雨，損人害物，以及不當聞奏者，許令便宜行事。若事涉天數，必當飛神入奏，請旨施行。

問曰：經中或有泥天機雷機者，此說如何？答曰：有之然隨所用天機者，斗星旋轉二十八宿之循，直三十六曜之激，薄二十四氣之罡煞，相衝相射，方能激動雷霆，此天機也。至如雷機者，乃掌中造化，尋神雷飛伏出沒之所，看風雲雷雨電所泊之宮，飛罡輪訣，役使雷神。

問曰：鍊將之法，其要如何？答曰：將者，一炁也。出吾之炁，以合天

之炁。一炁而生諸炁，蓋人身所有濁炁也。吸在天之清炁，混合既畢，必須鍊之。夫鍊炁之炁，專憑運用五水五火之功。蓋雷不得受鍊，其氣不神也。

問曰：役雷電風雨之屬，坐功之內，必須明驗方可取效。答曰：當於呼吸上運功夫，靜定上驗報應，雲之出也。其氣蒸，雨之至也。其溺急，雨之未至也。其氣炎，而膀胱之氣急，電之動也。其目痒眼光，忽然閃爍，雷之動也。三田瀝瀝而響，五臟倏忽而鳴。行持之士，又當急心火以激之，湧動腎水以沖之，先閉五戶內驗五行，此其訣也。

問曰：弟子每見先生行持，狂風大作，雷電方至，何也？答曰：凝目閉氣望巽方，手剔旋風罡猛，咽三轉身，足剔風輪，過巽至酉出丑，其風大作矣。蓋雷無風不厲，雨無風不作，雲無風不起，電無風不動。第祈雨一節，止憑北風亂起，方覺雨至，乃至妙也。

問曰：先生常在宮中，降雪之時乃炎天，何以如此？答曰：此造化乃

老夫二十年所修，蓋夏至陰生於內，以此汞虎交姤，乃頤指氣，使之妙並不舛，離虛之玄也。

問曰：祈雪之妙，世以爲難。弟子謂冬凝寒，一凍即雪，而何以言其難也？答曰：冬至後一陽生造化之機肇於陽，人身陽氣一泄，所以感召之非易耳。法當運動心火，激動腎水，却猛運肺氣生之，然後起風穴閉離氣，以爲醞釀。

問曰：殺伐之機實難的當。答曰：何難之事，但能運自家之殺氣，役天上之罡星，筭人間之虎射，三者既合神，威即震伐矣。

問曰：常見今人祈禱，每遇臨夜，見電光閃爍，意於行壇之際必合符節，何以多誤者何也？答曰：無他，無實修耳。不思某方電動，某方雷雨，某方清明，何可以此爲標的？所以自誤者宜矣。

問曰：祈雨之法，門類最多，何以有是符無是應？答曰：祈雨之法，在夏爲緊。古先聖賢，春秋冬皆不祈雨。

孟夏月純陰，主事陰，陽偶愆便至荒旱，所以立祈雨之法，以救禾稻爾。今之學者，不知方法，徒咎符章之不驗也。

問曰：七八月屬秋，何以亦缺雨暘，此又何也？答曰：秋屬金，夏之餘火西流，以爲難禁，況火之與金相尅，偶值分野，當旱氣運，不齊即乖舛矣。

問曰：若如此，又何以感動？答曰：法當默朝之法，以決有無之應驗。

余昔入觀時，再遇火師曰：子行朝堂有重委，故來報汝，但今歲天數當示旱灾，非子之可以祈也。遂叩火師，何以見教。師曰：天下龍潭泉源，皆爲玉帝封閉，雖有符法，其數未滿，亦難祈也。余再問師何以教我？曰：子此行，惟黃河不曾鎖閉，惟宜檄使者，黃河借水甦旱而已。余依訓到京，朝廷果命祈雨。余檄雷神，於黃河內借水三尺救旱，後京畿奏上，所降之雨皆泥水也。以此見火師之言的也。

問曰：先生則有仙風道骨，於余特凡夫耳。於先生則有火師奇遇，余

他日倘有疑難將何恃哉？答曰：仙風道骨之說故是，然天人之接亦同。子既無德感召師尊，則當入室端坐以驗自己之造化足矣。且如祈雨一節，天數如此，氣數亦如此。難驗一身之機括，亦隨法當看便溺之有無。以舌拄上腭，嚙津激動膽水。蓋膽爲天一之水，至清至貴之物。此水一動，激起膀胱之火。火升水降，即天氣下降地氣上升之義也。陰陽升降，雨澤調順。膽龍在膀胱之大淵，倒取水澤，應時便動，即雨之至。若不作綿綿，若存以膽水激膀胱之火，便以溺通驗，非惟無驗，亦且貽笑也。

問曰：升降調變之妙，固已妙矣。但綿綿若存，何以取其效也？答曰：子依吾言，靜坐端默三日，以試其驗也。

問曰：謹授教歸家，靜坐三日，萬念放下，一事不干。坐滿三日，再訪座下。師曰：子所受教，曾行之否？曰：敬此請教師前。師曰：子之所坐之驗，得何受用？曰：依訓而行，不過

身體輕鬆，情意清快而矣。師曰：子如是之愚也，此即是矣。初習之時，已覺如此，自此三日至九日，至二十七日，至八十一日，至一百二十日，至二百一十日，久久行之，日積月累，神氣精自然混凝。上可脫殼朝元，次可長生久視，又其次可以興雲致雨，役電鞭霆，濟人利物，何所往而不可也。

問曰：且如致雨一節，何以發用綿綿若存之妙？答曰：昏昏默默之際，即如蟄龍養道之時。蓋人能坐持真積力久，性天自澄，止水自定。汞龍藏於其中，纔感鉛虎則陰陽調和。祖氣一發，即升大淵，身中之龍亦從而奮發。以此感彼，欲雨之時，即可隨念而滂沱矣。第恐行持之際，不能存養，猶陸地生蓮以茂縛空，豈不難哉。

問曰：天數高亢，雖持內修何以斡旋？答曰：數在天，固已定斡旋之念，又在臨機應變。如昔日未趨京時，郡治欲余祈雨。未行持已前，郡家遍行祈禱不應。一日靜定，忽空中使者默報云：天數當旱，非法可治。今郡

近五十里有雷澤潭，在建昌秀源之地，此中雷神雖奉命封潭，於道法中亦能用力，宜以符命起之。余覺，遂以符命就，命使者追之。再入坐，恍見一老子忽到壇上，以口吸盂中蔽太陽墨水一呷而去。未幾，天地晦冥，下微雨一霎而止。覺不及，復旱。後問使者，乃謂：老子者，不過所起龍神耳。彼已違命出洞，所下一霎微雨，是壇上一呷淨水爾，不過爲法中一報應。於是，再遣章奏，飛告真王請旨，後得帝旨，降雨三日，方得復旱。

問曰：以師可以如是，且如今之法官道士，滿前盡是，何以屢奏疊章不一，其爲報應，並無效驗，此又何也？答曰：大抵奏章所上，徑詣一處，不可繁冗。且如今人有事，便至登聞鼓院。上以天數而示旱，汝以私意而妄奏，必至行下臺部遞至州縣，究竟如何，方爲施行。若待上命，竟於是日而降雨，豈不悞哉。是以火師教余飛神謁帝之道，所以祈雨一事，隸錄波天主治之，單單只奏天主，請恩轉告玉帝，得旨竟

下后土真宮，開潭放水以救焦枯。

問曰：雷震百里，何以不能遍及以至甲里有，乙里無，丙里無，至于丁里滂沱而復旱也。答曰：行持之時，先檄當坊里社迎接，緣爲方里人民至誠，加以里社迎接，奏報其雨必驟。若此方人民，造惡稔成旱劫，決無涓滴，社令亦不迎接。此理譬如陽間遣官，到所在優恤，州邑如意則優恤必至，若吏牧不職，亦不過文具爾。

問曰：上古宗師，以祈晴難於祈雨，今行此法果如何哉？答曰：造化則不過翻覆內玄，造化雨潦浸淫，亦有數說。一則節候氣數，二則蛟蜃孽龍妄興雲雨，三則調變者失職，以至水潦直旬。所以如此，不可一槩論也。

問曰：如師見教，其法當如何？答曰：身中之驗，極爲緊切。當從戊己運轉一番，使元氣一周再暮，後而靜定，看內鍊如何。如是覺而有報，則心火上炎，膽水瀝下，遍身煩蒸，喉中微痒，則天道必晴霽矣。

問曰：身中之應固已知矣。然干

氣數變理失職，或潦星直旬，此又何以知之矣？答曰：變調者，上至宰相，下至守令，觀其所治之政，所行之事，即可見也。昔聞匹婦啣冤，六月飛霜，一夫有屈，水潦九年。以此推之，皆可見矣。至於水潦直旬，當遣皇甫鑿天以縛之，蛟蜃以法律治之。

問曰：蛟蜃興風致雨，何以亦能如是之淫浸？法家以書篆符章，告行符檄，千門萬藝，不能役雷神便興雲雨。何以此等，即能如是？答曰：蛟蜃藏於劣潦山之中，亦有社令。忠義之士居民失祭祀，便於鄉坊興起雲雨，損人田疇，害人禾稼，法當遣命魔錢大將軍以戮之。

問曰：內驗外治，固已聞之。但行持法度，其要如何？答曰：祈晴之法，當於火煞方上建壇，立治安卓召雷，行事先開雲捲霧，起火穴塞雨穴而矣。

問曰：開雲捲霧，起火穴塞雨穴，其法如何？答曰：開雲捲霧於內玄，皆斂而歸墓。閉氣三七息，略嚙津起

火穴。以雙手握固，仰面猛呼二七呵，乃起火穴也。雨則閉氣，以舌拄上腭，時嚙津三口，直下丹田。

問曰：內用固如此，外用如何？答曰：其法於日干字上起內用生將，於日家地支字上起外將，克到南方即住。又看月皇是何五行，如日皇尅星，便可用事，但以五行生尅驗之。

師曰：如前子所問余，皆切於事而應於人之妙，子宜依吾法度而行之。所有符中之奧，法中之妙，皆盡已矣。但精心而修，端意而行，百發百中，無施不可，真所謂法海之驪珠也。言訖，復以二十八字爲吾婿，他日囑仲和書付悔隱袁庭植。

吾法元來不妄傳，信知道法妙玄玄。君家自是神仙種，管取兒孫代代賢。

法用

混沌鴻濛未判，無年無月無時，但憑消息報君知，便是人間冬至。

冲虛通妙侍宸王先生家話

（王育成點校）

016 雷法議玄篇

元盧真人萬宗師撰

經名：雷法議玄篇。宋萬宗師等撰。一卷。底本出處：《正統道藏》正一部。

余昔遇度師於龍山之上，秀水之濱。得聞混元太一之道，五雷禦邪之文。總局二十四部，分上中下三卷。其間符圖印訣，密呪符式，約二百餘篇。飛罡躡斗，結印掐文，奚可具其品目。三復之竟，遂告師曰：此所謂法海淵源也。伏聞至道不繁，至法最簡。今此靈文，雖禿干毫未能盡錄耳。師曰：子可盟天立誓，方授子捷妙之法。弟子告曰：倘蒙師慈，授我以元玄之奧微妙之機，即割肉爲香，剪髮爲誓，何可憚歟？果真師於囊隱之中，出視一小冊，對天盟授。其間符印呪訣，不

出三十餘章，法式罡訣皆可心記。師曰：至玄至簡，妙在斯文。且夫天上三十六者，子得聞乎？以至道言之。乾元真一之數，乾者陽也，是丹靈真一之炁。元始布化之初，彌羅凝結，渺漠難窮。或爲軒爲蓋，爲闕爲宮，以三十六炁而爲天。天爲萬物之祖，故天與之形，道與之貌。況脩真之士，欲求長生不死，與天齊年，非得三十六炁之妙，豈可與道合真而驅龍掣電者哉。予聞此言，方明道之造化，法之斡旋，其理歸一揆耳。至於二十八宿，列於四維，真皇大帝羅布。黃庭內座帝宮，合六六之數，故中斗大魁總監衆靈是也。輔佐天皇至化，掌持劫運，總覽要權。其中靈官將吏，列職分司，稟聽真皇號令而行。且如箕星主風，壁星主雨，昴星主晴，虛星危星主雪，軫宿主雷，其風晴雨雪，電電霹靂，各有所主。威星大耀，猛將毒雷，皆居三十六梵炁之中，悉在一七九星之下，此星迺衆星總領。大梵之要權，威烈當先，何神不伏？雷神雖猛，咸聽令行，與夫諸星大

曜、捷將猛神，隨炁斡旋，晝夜不息。蓋行之有度，止之有方，不知方度，何爲克應？自非洞達幽冥之士，識該天機至奧之人，豈能知威星大曜行止者乎？且甲乙日午時祈雨，其壁星居止何方，縱知方位分明，不知以何勅驅役邪。故兵家《遁甲論》曰：先明太一真數，以觀星曜吉凶之象。臨陣之間，必以開休生門以要道。如丙丁日未時行軍，其開休生在於何方？悟之者決勝千里，迷之者寸步難移。如陰陽風水之士，選年月修造。高人知吉凶則無災無咎，察善曜則有禧有祥。此者密識星機，通神妙用如斯。知奧總歸一掌之中，豈在虛侈繁文矣。故我師王公侍宸之掌中風雨，曾動明君。此非掌中之妙，何言此也？蓋屢取效歟。大抵行持之士，須明陰陽星殺、合炁衝擊，當先究聞上帝親機、元皇玉札，方能效應。

是以雷機至化，冠于古今。歷代謫仙，但口口相傳，亦不能記文字而已。所以太上祕訣云：披髮步罡尋煞

炁，劍尖燃火爇真文。此謂真文也。乃真王上帝於溟滓未分之前，在飛玄真境之上，布梵炁於碧霄紫漢之間，結成龍章鳳篆，光映十方，震動六合。即命天皇真人，依規按筆，乃書成章。元始上帝於龍陽明宮，授付真王，其餘結賜龍宮海藏，永鎮寰宇。所謂法旨不知幾階，惟雷居其捷焉。但後學之士，心高炁銳，行短言輕，雖遇真師，孰能究其玄妙。故掌中機要，不曾聞，劍上真文未嘗見。蓋功微效寡，觸事不靈，中道而廢，怨道咎師者多矣。乃是錯授斯法，悞我後學。殊不思，參究法源未徹，不過真師付度。

具世傳欵火真形、雷公真相，乖訛萬狀，繁亂元真。不惟無效於目前，抑且貽笑於人神。與夫木郎大呪，法家得其全備者亦妙爾。縱得其備，將此法篆，如何造化符中祕要？又未明機首一句：乾天曜輝玉池東。此一句書在雷公頂踵之間，下筆如何安篆？至於雷公聖像，欵火真形，跨龍坐下，執槌手中，句句造化，字字分明，生成有

格。其餘符篆，大槩如斯。且立壇祈雨，如龍潭相去法壇百里之遠，必用倒海符，親詣投之。縱有靈驗，已落第二機矣。如我真師則不然，先於玄壇之上，以一符召功曹，功曹至，捧一符召某處雷公，雷公至，持一符召某處龍神，龍神至，則風生雲合、電掣雷轟，依法使之，立喝雨至。此法皆曰至妙，我師猶謂此為繁文，未為目前應驗。吾遇祈雨之際，止書一符于鐵簡之上，擊投於畢宿之方，論訣飛罡，一喝雨至，可謂至玄至妙。

自下令擊伐邪廟之法，應在須臾。我師條曰：凡遇崇累害生命，罪當誅伐。先於掌中尋金虎大煞，流火凶星在二十四位之中，今月今日今時落在何處。指方既定，以雷火符激之。彼星屬金，此符屬火，金火相尅，應時辟伐繼，即邪廟破矣。嗚呼，天寶玄誥，琳瑯祕文。苟非異士親傳真師口訣，將見皓首窮，終無所得。

且如尋常起雷之士，必須先奏上帝，次取報應，然後方行。大抵驅邪治

病，馘毒除妖，正謂如救頭燃。若待上帝勅下，何如和聲求援，緩步救焚，豈可立待已。故真王垂教云：雷霆玉府，乃五雷部轄也。奉上帝命，賞善罰惡，便宜行事。故我師王君太素，得真王便宜行事之要，非其靈骨之人，豈能遇也。又非猛烈忠孝之者，孰能持也。且持法之一端，實修真之捷徑。非神全者，豈能驅策鬼神以救沉痾。是故祖師以元一之真炁，化無量大將軍，滅六天魔鬼，積功累行，上朝金闕。故行持之士，不造妙旨形還壞滅，不積陰功難達玄境，不煉精華神不清悅，不濟疾苦道果難成。凡欲求仙學道之者，不出乎為國救民，興利除害，正直聰明，精勤香火，攘九玄七祖之罪，釋千劫百世之愆。夙緣有幸，得遇師友，毋背盟言，飛昇可待。輒犯玄律，苦海沉淪。精心行之，其應如響。後學之士，毋耳忽諸。

雷法淵海正演數

夫古者行持之士，以心感物，以正禦邪，心正則百神效靈，身正則萬邪遁

跡。去古逾遠，降本流末，遂立教法以禦鬼，用符術以感神。爲雷之爲物，乃上天之號令，合二炁之陰陽，復則靜，豫則奮，生於軫宿，起於巽戶，非時不發，有神攸司。而道家者流，有以法行雷者，有以法借雷者，殆不幾爲驚世駭俗之論乎。今夫正演之說果何自而立邪，吁我知之矣。正心誠意，與天爲徒，淵深莫測，忽兮若海，恢弘正道，流演無窮。然此未造玄元之妙達微妙之機，未足以語此也。今有人焉，久參上法，普濟下民，遇度師傳至當之理，代上天行真教之風，得古人正心神會之旨趣，加以飛罡躡斗，結印掐文。心香一焚，心符一爇，號令之鳴，萬神聽命，會捷雷宿之方，窮弄雨師之柄，一檄雷轟，一喝雨至，此喝彼隨其應響。回視行雷泛泛之士，不究斡旋之妙，不知感召之由，每窮古人之糠粃，妄談吾道之淵微。言與行違，心與物汨，瞪眉豎目，虛喝張惶，欲望報應，寂然無聞者，相去蓋千萬里也。若乃火師汪若谷，得真王便宜行事，叱咤雷霆，號令風

雨，處統真機，內全太素，以齋戒事上帝，以至誠感鬼神，號令精明，賞罰必信，動容周旋，默與道會，佐天行化，輔國救民，子謂無愧矣，今欲發揮正演之化，必先傳授正演之文，非徒目前之美觀，將爲後學之矜式，僕不敢自祕，用工鉞梓，以廣其傳，願我同志，毋耳忽諸。時宋淳祐八年二月真元節，谷隱作以法行雷，舉世皆是，然得傳識其奧者，或寡矣。且夫正演之作，豈淺淺者所能哉。然匪徒其能言之，又且能用之，此予不緘也。敬述以贊，補於將來，非小補哉。

大樸未散，陰陽以萌。兩儀既奠，八卦乃成。維震維巽，主風主霆。繇水而化，觸火而明。自復而壯，俾枯者榮。上驅天號，下付物形。孰司此柄，以時而鳴。出乎地戶，達于帝庭。樞臺主轄，梵炁結成。一九而三，數肇玉清。皆隸神霄，具載禹經。以法而運，其無匪輕。粵然古者，相承迨今。惟詞至玄，可復幽冥。世降俗薄，僞私始生。自稱宗壇，妄攝仙卿。問其行事，

亡實其名。以訛受訛，召將役兵。所謂微妙，如聾聽聲。間有知者，他心營營。天恐斯道，湮沒欲傾。俾續其傳，純白田君。深悟其詮，嘿修黃庭。先覺之徒，後進之英。紫皇祕訣，得以直行。洞究原本，弗徇利名。濟俗爲念，持習研精。俯按五方，仰參列星。宏綱要括，斡旋不停。祈晴響應，考治患寧。不肯獨善，誘掖同盟。著作正演，可想達靈。運雷之法，豁開愚盲。當與王薛，班列瑤京。能求旨趣，虛者必盈。余觀其文，三歎甚驚。叙其辦洽，譽豈至情。補於將來，百世芳馨。與法偕流，如丹如青。言不盡意，讚而勒銘。

玉霄吟贈識庵先生

玉霄一派何人曉，元機隱奧難尋討。妙法心傳存幾階，八乘學士知音少。赤天都雷隸真王，欵火大將居舍房。丑未二宮些兒妙，未牛二將侍師傍。此法流傳世罕知，天恐斯道將傾摧。玉府謫仙鄭真士，親付何君造化機。何君既明闡大法，不離周天一十八。

祈晴禱雨應聲生，收拾歸來翫明月。
坐令滿室光輝生，元珠直透公崑崙。
中有嬰兒握神化，駕箇火龍謁帝君。

欵火真形詳論

宗師玄虛萬君《議玄篇》曰：世傳欵火真形，雷公丹篆，實爲乖訛萬狀，繁亂無規。不惟無效於目前，深有取笑於神鬼。如木郎大呪，法家得其全備亦妙矣。縱得其備，將此呪以何爲造化，首句曰：乾晶流輝玉池東。此一句於雷公頂踵之間，下筆生成。何爲雷公聖相，欵火真形，以致跨龍座下，執鎚手中。句句造化分明，字字生成有裕，其他真篆大槩如斯云云。余從冠年，因觀《議玄篇》之奧論，遂孜孜參訪，苦志尋求，雖累蒙師友指教，終未合先賢之宗旨。余於癸丑寓金陵，忽有異遇，乃元豐年間宗師曾君之祕典也。其家藏三世，不敢妄動，或誤拂其塵則災絆隨至，蓋有所待而然也。余受之，焚香開卷，首言欵火真形雷公聖相生成變化之道，平生所疑，頓然冰釋，行之果有奇驗。後授一二嗣法，皆

未得人。余今將老矣，不傳恐祕天道，傳之則難於擇人。詳論之書既成，併露真機一二，以示將來，庶可尋流知源，免湮沉於祕典也。凡欲行持，先服先天祖炁，點化一身凡胎之炁。蓋此先天祖炁，乃鴻濛大道之根，當於混沌未分已前求之，萬法千門皆始於此也。即非父母媾精已後穢濁之炁，前篇詳論之矣。既得祖炁入身點化凡濁，然後可以行持。凡書符先推生旺，次入靖室勅召雷霆，萬神屯駐，充塞宇宙，自然天昏地黑。二炁昇降，方乃藏形變體。五炁相生，一生一而聖胎結就，行十轉迴靈之上道，合九天生神之玄機，次布祖炁於三景太空之中，生玄牝於先天真土之位，運命元玄一黃演之炁九重，纏其胞命，解結回根。次運命元洞冥紫戶之炁九重，纏其胎命。次運命元長靈明仙之炁九重，纏其魂命。次運命元碭尸冥演由之炁九重，纏其魄命。次運命元五仙中靈之炁九重，纏其臟腑。次運命元高真冲融之炁九重，纏其靈府。次運命元高仙洞笈之


炁九重，纏其元府。次運命元真靈化凝之炁九重，纏其華府。次運命元自然玄照之炁九重，纏其嶽府。以成九九八十一數，生成五臟六腑、三關九宮，百神內備。運乾晶於兩目下，筆曰：乾晶流輝玉池東。鼻爲山嶽，故曰：木郎太一三山雄。手執斧曰：金鎚玉斧爍天宮。一手執雷鑽，故曰：霹靂破石泉源通。書兩足，欲其廣運神力，撼山捲海，昇降陰陽，故曰：闕伯撼動崑崙峰，幽靈翻海玄冥同。書其爪欲銳，故曰：黃利持劍斬螭虺。然後召起天雷、神雷、龍雷、水雷、社令雷，鼓動奮發而爲兩翅，故曰：雙搏飛行遊太空。書圓光欲先鋒照耀，則曰：太一捷疾先禦兇。圓光炬燄，洞燭聖容，故曰：朱髮巨翅雙目形。圓光之上書三昧火光，則曰：雷光迸空烈火紅。與夫座下飛龍，竅妙亦然，自頭至尾，句句深有造化。且如四足，則召起五嶽及四令蠻雷、先天五將等，分布真威，以佐先鋒，豈可以小小符籙淺淺造化，同日而語哉。書符既成，即運

真水真火，脫胎化生，分形變化，攝入符中。即見火神奮翅，神龍哮吼，飛騰宇宙，翻動海嶽，一切雷神悉皆隨從，便宜治事。余當卓劍壇前，斡運造化，催督號令，須臾則風生雲合，電掣雷轟，甘雨降隨。若行祈晴禱雪，誠崇降魔，種種行持，皆不可缺此聖相真符，乃先天大法中之玄機骨也。木郎大呪共有九十七句造化，句句分明。若得其妙，則諸家雷法皆可役用，何所往而不可也。學者深研之。


太極雷壇祭四維神法

五月五日，用黃羅一尺二寸，如法寫下赤雞紫鵝符，焚香誦木郎呪百遍，將符沉東北水中。次歸淨室，設四位血食，供養酌酒，召玉雷皓師等四神，獻酒即見雞鵝之形。次又見神形，任意所禱，化紙旱涸之年，有禱即應。《五雷經》云：此四神，乃太初混芒之時水精也。禹王治水，令鎮四維。亦云八卦之精，主雲雨，年年祀之，可立致雲雨。

念木郎呪書




赤雞紫鵝符




玉雷皓師君乃東南之神人首龜身春



洞陽幽靈君乃東北之神人首蛇身夏



虛皇太華君乃西北之神人首魚身冬



火光流精君乃西南之神人首龍身秋



東海神阿明。南海神祝融。西海神巨乘。北海神愚強。

雷法議玄篇

(王育成點校)

017 道法心傳

經名：道法心傳。元王惟一撰。
一卷。底本出處：《正統道藏》
正一部。

道法心傳述^①

余自幼酷好行道法，不惜勞苦，拜師傳授，不知其幾人矣。世問玄關一竅，玄牝之要。但即兩腎中間，臍下一寸三分，以為玄關，明堂六合，丹田口鼻，以為玄牝。世問五行生剋，水火激剝之妙。乃曰：書金木土水火，交錯於井字之中，以為生剋；煅磚符投於水中，作駢馭之聲，以為激剝。余思此說，恐未造玄。是以用心三十餘年，觀風雲聚散，氣候之變通，默會其心，喜不自知。宿生多幸，又遇至人，一言之下，即證無疑。蓋天地之動靜，日月之

運行，四時之成序，萬物之發生，皆出乎太極流行之妙。聖人莫能形容，強名曰神。其神非青非白，非紅非黑，非火非水，非方非圓，亘古亘今，在乎人心，清靜則存，穢濁則亡。故精住則氣住，氣住則神住。三者既住，則道法備。散而為風雲，聚而有雷霆，出則為將吏，納則為金丹。惜乎後之學者，濫游於邪徑，昏迷於慾海，斷喪本真，却認紙上之文，以為祕寶。可謂捨真求妄，騎牛而尋牛。所以薩真人曰：一點靈光便是符，時人錯認墨和硃。精神不散元陽定，萬怪千妖一掃除。虛靖天師曰：神若出，便收來，神返身中氣自迴，如此朝朝還暮暮，自然赤子產真胎。何況人人有分，皆可為也。豈可自棄，甘心赴為九泉之下，深可嘆哉。余故作心傳，以明後學。如先達之士試覽之，心點頭也。至元甲午上元日，松江後學雷霆散吏景陽王惟一述。

①「述」字原缺，據文義補。

道法心傳

先天祖炁

耳目口鼻身，精神魂魄意。
攢簇在中宮，化作先天炁。

自己元神

空劫之前自我身，無形無象亦無名。
貫金透石俱無礙，一點靈光到處明。

神通

一人各有一乾坤，中有巍巍一至尊。
統御萬靈三界伏，不知徒爾弄精魂。

妙用

昇天入地即須臾，火不能燒水不濡。
彌滿太虛包萬象，視之不見聽而無。

玄牝

一竅虛無天地根，綿綿密密不通風。
恍惚杳冥包有象，真人出現寶珠中。

真土

離合作黃婆，天地無奈何。
終朝常厮守，不識被他磨。

真種子

先天一物號真鉛，坤位生時種在乾。

溫養三年成熟後，浪遊蓬島作神仙。

真爐鼎

煉丹自有真爐鼎，何必區區向外求。
心若靜時身自定，身心靜定見丹頭。

真藥物

上藥三品非凡物，產在乾坤未判中。
火候足時丹始熟，蛇吞一粒化為龍。

龍虎假名

心念不專難制伏，猶如龍虎勢難當。
若知無念無心處，常守元神在洞房。

鉛汞何物

精神二物有鉛汞，用之不見見無用。
移將坎實點離虛，神運其中不見縫。

一陽下手

下手工夫在一陽，一陽初動合玄黃。
先天一炁從中得，煉就金丹是藥王。

大道不遠

道應不遠在人心，不必千山萬水尋。
道欲正心方始得，純陽不染一些陰。

後天成形

陰陽交姤始成胎，十月玄黃閉不開。
好笑愚人忘却本，不思昔日箇中來。

兩箇一般

先天生我後天存，六賊交攻曉夜昏。
認得一般無二樣，養來跨鶴上天門。

身無價寶

身中無價寶，精炁與元神。
保養長醒覺，無漏作真人。

長生祕訣

性來歸命可成仙，神去身亡實可憐。
要得此身長不死，安心混沌未分前。

性命本一

命即性兮性即命，性命須臾不可離。
喜怒哀樂未發前，行到中和天地位。

心死神活

一念未起是真心，思慮纔興即妄心。
心死方知神始活，逍遙物外鬼神欽。

物空在我

萬物皆空性不空，念頭隱在太虛中。
不來不去無拘束，一任鳥飛兔出東。

亥木為核

巽木秋來種亥宮，這些生意化無窮。
要知剝復皈根處，却在乾坤未判中。

子亥成孩

離坎相交結聖胎，子來會亥始成孩。

孩兒分付黃婆養，成就神全上九垓。

人錯用心

腐草為螢魚化龍，鳴蟬螬變飲清風。
神通廣大惟人聚，可惜迷徒錯用工。

忘本逐末

父母精血合成人，本來面目不曾親。
貪名逐利消磨盡，死後甘心受苦辛。

愛慾牽纏

人人有不做神仙，愛慾牽纏不向前。
大限到來君自去，總成一夢入黃泉。

恩愛相連

恩中生害害生恩，恩害相連生死門。
事到極時方始悔，不如復命去歸根。

煩惱妄想

煩惱妄想為貪癡，念起由渠怕覺遲。
順化逆來心自淨，邪麼永不敢相隨。

繫縛身心

擔柴運水歲月週，繫縛身心不自由。
惟有達人知此理，簪花酌酒自風流。

色即是空

色即是空人不識，百般裝點粉骷髏。
常開道眼如無物，莫把明珠去暗投。

煩惱損神

勸君歡喜休煩惱，煩惱須知損了神。
混俗和光隨分過，滿懷常是四時春。

事總虛華

世事紛紛亂似麻，算來到底盡虛華。
不如及早抽身去，認取蓬萊是我家。

自得自樂

常將無孔笛來吹，引得青鸞白鶴嬉。
暢飲數盃留令酒，辭歸洞府訪希夷。

輪迴生死

愛河水闊無邊際，欲海波深無盡頭。
多少世人沉在內，輪迴生死幾時休。

覺悟早修

拽耙牽犁好箇牛，驅馳鞭叱不知羞。
忽然一日歸屠宰，悔不當初及早修。

身爲大患

我來生死一物真，祇因妄動有其身。
若諸大患生諸苦，返本還元出世塵。

六賊惱害

六賊居身惱煞人，不趨平善惡相親。
日消月化俱無跡，滿色金光是本真。

思做人難

靜思在世做人難，歷盡人間事萬般。

行到水窮山盡處，此時方始得身安。

礦盡見金

人心常要合天心，鐵杵成針功要深。
直待火烟燒滅後，那時礦盡是真金。

念差便行

心猿意馬兩交馳，十二時中莫妄爲。
一念纔差隨後打，縱令些子便昏迷。

凡事去疑

張狐見豕負塗泥，載鬼盈車展亂離。
天下本來無一事，何須特地自生疑。

身非長久

假合四大非我有，暫寄塵寰非長久。
或歡或喜或悲愁，莫待臨時弄場醜。

會安身法

會翻筋斗上高竿，掘地尋天天一般。
萬彙寂然真境界，人間生死不相干。

泥神擒龍

泥神入水收光明，擒捉獰龍上玉京。
不打一拳爲粉碎，海中月上正潮平。

鐵牛種蓮

鐵牛耕地種金蓮，不用工夫不費錢。
自有天河水澆溉，花開香噴地連天。

弄線傀儡

人生如線牽傀儡，攬掇向前不敢避。
忽然線斷起不來，滿眼兒孫濟何事。

人爲財使

人生碌碌爲財使，失時煩惱得時喜。
鬼面人頭弄幾般，仔細看來都是你。

學無先後

晦跡難明不可欺，學無先後有高低。
未曾探蹟鉤深遠，便向人前恣品題。

人別賢愚

吾儂爲學作心傳，不顧天機太直言。
仁者見之方默會，以心相印別愚賢。

無處參求

師拜百來箇，來箇會誇大。
問東却道西，琴瑟不相和。

自下苦志

酷好行雷法，江湖無處求。
用工三十載，心下始無憂。

行持甚麼

先行戒行爲根本，次守天條莫妄爲。
要得雷神來拱伏，雷轟電掣剖心窺。

功行爲先

行法做神仙，功行要爲先。

濟民并救苦，白日可昇天。

說得行得

說得便行得，何須言再諄。
今生若蹉過，永劫墮迷津。

體用兩全

道乃法之體，法乃道之用。
體用兩全行，三界歸一統。

以正制邪

祖師立法在心中，心法纔通萬法通。
以正制邪邪自伏，方知花月懼梁公。

法何靈驗

法何靈驗將何靈，不離身中精炁神。
精炁聚時神必住，千妖萬怪化爲塵。

窮理無病

窮理盡性方知命，道理不明爲大病。
鳶飛魚躍鶴鳴陰，會得超凡便入聖。

會合陰陽

觀天之道執天行，會合陰陽始見長。
今日與君都說破，此言實莫作尋常。

人不如物

人爲萬物靈，物反勝如人。
試看蛇含石，伏藏直到春。

隨雷伏藏

若要行雷法，常隨雷伏藏。
成全真造化，方可去施揚。

印訣文具

符圖印訣皆文具，運用存思添念慮。
寂然不動見天心，有感必通知妙處。

祭將召邪

殺生害命祭雷將，反召邪魔來見狀。
端人正士則不然，至誠一應通天上。

符水自靈

書符朱墨豈能靈，其所靈兮元炁靈。
可變可動方知法，泥丸治病亦安寧。

舉起便是

養得神靈將自靈，何勞閉目去存神。
舉心動念洋乎在，一點靈光不離身。

陰陽消長

常看斗柄運中天，陰消陽長兩相傳。
變作四時成八節，生來藥物妙難宣。

剝復上下

造化包藏太極中，自從剝復下神工。
六陽數足歸坤位，激博雷霆起坎龍。

雷乃發聲

天氣陰時日漸明，巽風扇煖北潮生。

一陽到震神雷出，雷在坤中乃發聲。

火旺雷行

木逢火旺熱方生，鬱勃南風亂五行。
鼓動雷霆還一變，陰寒隨後率難明。

何爲雷霆

陽一爲雷陰二霆，陰陽二炁有虧盈。
陰含陽極須當泄，激起轟天震地聲。

要識雷竅

風雲雷雨藏乎一，這箇孔竅多不識。
激剝遍天龍陣亂，煞風煞雨轟霹靂。

風是何物

天動炁運化爲風，必分南北與西東。
能生能殺能晴雨，祈禱之機立奏功。

雲是何物

地炁升騰有異分，散時爲炁聚成雲。
雨晴還出山川內，起看時方要所聞。

雷是何物

碩果剝落生有方，這些道理要推詳。
鬱蒸地上生潮濕，激剝陰陽亂一場。

雨是何物

燥則成風濕爲雨，變化其間不離土。
但看蒸飯氣分時，火到自然成道理。

電是何物

陰升陽降不通徹，水火烹煎成電掣。
金光一發應神機，霹靂隨後炁方泄。

河明炁候

祈晴祈雨要君知，河明炁候識天時。
五方相克風雲合，叱咤雷神逐令馳。

通曉風雲

山風通炁興雲雨，天關才動便生風。
曉得這些關捩子，自然雷雨遍虛空。

一炁徧勝

一炁運來運去，後見陰陽勝處。
還他一變和平，此理與誰共語。

清濁不均

一氣循環有濁清，清升濁降要均平。
陰多陽少生霪雨，陽盛陰衰主久晴。

五行生尅

一三三四五，中間土爲主。會得生煞
機，叱咤興雷雨。

明晦相反

明時生晦晦生明，明晦分明應雨晴。
原本陰陽從太極，細詳遠近察其情。

水火要平

火自日中聚，水向月中生。

水火要均平，才勝便無情。

陰陽盛衰

炁運周天有盛衰，黃鍾應候管吹灰。
莫交錯亂陰陽理，六月飛霜十月雷。

月生晴雨

月出于庚見側平，前弦必雨後弦晴。
更知造化幽微處，鵲噪鴉鳴預見晴。

日變寒炁

日變熱兮熱變寒，南風還作北風看。
陰陽反覆誰通曉，通曉陰陽不被瞞。

五嶽通天

在天成象地成形，一炁循環不暫停。
五嶽藏神通造化，甲庚和會炁雷霆。

四海應竅

四海有竅直通霄，天應星兮地應潮。
一呼一吸成妙理，屯蒙兩卦合昏朝。

仰觀天文

觀天不語四時行，斡運森羅晝夜忙。
才有吉凶垂象告，緣何人不去參詳。

俯察地理

天一生兮地二成，閑花野草應天星。
山川海嶽藏應秀，旺炁之中各有形。

造化周流

五日爲候二爲炁，三炁爲節必有謂。
陰陽分布應周天，細嚼其間深有味。

妙理難言

日到乾方應未申，夜從坎轉出爲寅。
火蒸水用水兇火，龍起隨神便有神。

天地動靜

動極復靜靜復動，動靜中間成妙用。
有晴有雨有風雲，斗柄天心皆總統。

晴雨後前

陽動陰生各有時，陰陽反對不相離。
若知晴雨知前後，祈禱神通必應期。

激剝陰陽

風雲雷雨皆從起，激剝陰陽其可畏。
莫爲紙上用工夫，窮究天時方得味。

調燮旱澇

氣候應時無旱澇，纔有爭差便顛倒。
踏翻斗柄轉天關，調燮陰陽行大道。

雷出地中

天地日爲主，雷本生乎土。
鬱蒸便出來，輾起風雲雨。

龍藏潭洞

龍藏潭洞中，鬱蒸便躍起。

龍方爲日時，誰敢輕識此。

霧炁化雲

霧炁晨生不應時，連綿陰雨定無疑。
無邊或見水雲起，若道時來未有期。

火雲望晴

風起天高四氣清，火雲生處主晴明。
日行旺地無虧損，徒有陰時雨未成。

觀風調弄

觀風調弄幾多般，雨變晴兮熱變寒。
消長陰陽成節序，天關不許等閑看。

雷乃收聲

斗運周天柄指西，金生潮旺應刀圭。
陽消陰長將當剝，雷乃收聲蟄應時。

用牛祈雪

欲求瑞雪用泥牛，先風後雨察其由。
當知雷起動中變，六出呈祥應數酬。

雲合預知

夜觀龍弄珠，日看雲起合。
祈禱應時靈，天機都漏泄。

拜問玄關一竅

萬法只一竅，世人都不知。
我欲便說破，尚恐你生疑。

拜問先天一炁

若問先天一事無，後天便自有工夫。
誠於午夜清心坐，此炁方知出太虛。



夫五雷者，本陰陽二炁之所生，五行之所成，陰節炁而降升，應斗柄之運轉。有生有旺，有收有藏。自冬至復卦一陽生，臨卦二陽生，泰卦三陽生，大壯四陽生。當此時也，節炁春分，巽風鼓動，地潮鬱蒸，前弦之後，雷乃發聲。夬卦五陽生，乾卦六陽數足，神炁必合，必待震動，以施號令。若非水火激剝，則不能發，故陽極則陰生。自夏至姤卦一陰生，遁卦二陰生，否卦三陰生，觀卦四陰生。當此時也，節炁秋分，金風肅煞，萬木飄零，後弦之前，雷乃收聲。剝卦五陰生，坤卦六陰數足，皈根復命，保炁養神。陰極則陽生，周而復始，生生化化之道，未嘗間斷。行雷之士，須是洞曉陰陽，深達造化，明

天地動靜之機，識風雷炁候之變，知風雷雨是何物也。因何而生，爲何而起，起於何方，應於何月日時，動何部之雷，則有狂風驟雨轟天霹靂之威。然起必有伏，伏必有起，起伏之理，誰之使然？余嘗記伊川先生問邵堯夫曰：今年雷風甚處起？只此一句，括造化之妙，可精思熟味。若知此一竅通則萬竅皆通，一神動而萬神皆動。東南巽方，非召雷之所，用之則徒弄精神耳。但此一竅，無象無形，無前無後，無長無短，無闊狹之可量，無東西南北之可別，正在乎天地交界之中，陰陽混合之處。雖鬼神妙用，亦莫能窺。惜乎後學之人，不明此理，却認臭尸肉孔，留心於丹田之中，著意於兩腎之間。或運炁於臍下，或目視於泥丸，胡思亂想，便爲明了。與余說一竅，不亦遠乎。故前有言云：風雲雷雨藏乎一，這箇孔竅多不識，激剝遍天龍陣亂，煞風煞雨轟霹靂。人能觀天之道，執天之行，自知之矣。如是陰陽不調，炁候失節。或陽盛陰衰，遂成亢旱。

或陰盛陽衰，變成水滂。要在行雷之事，調燮陰陽而和暢，斡族造化以流通。踏翻斗柄，召雷雨以救焦枯；撥轉天關，起風霆而掃陰翳。但今之學者紛紛，多不得明師傳授，往往道聽途說，竊學漏法。不尋心中之至寶，但求紙上之玄文。談玄說妙，誇己非他。言清行濁，不顧天條，以致三官鼓筆，五帝列言，身謝之後，魂墮酆都，受諸苦趣。嗟乎，行法如此之難也。可不畏哉，可不畏哉。後學之士，切宜勉之。至元甲午上元日，松江後學雷霆散吏景陽王惟一述。

余一介愚蒙，濫參道法，曾遇至人傳授，頗知法中一二。嘗思祖師之言，法行先天一炁，將用自己元神。可謂直指玄微，開明後學。奈何學者識見淺膚，自悟不及，却留心於運想之中，以為玄妙。殊不知忘本而逐末，捨真而求妄也。余始亦未明此理，博訪明師所傳紙上之文。或用唵字嚙下於丹田，以嚙字而提出，想金光，行先天一炁。或存心火賢水，交姤於元海之中，

結成嬰兒，以為自己元神。余則不然，多下苦志，幸遇真師，傳授雷霆一竅，說破這些道理，使余如醉方醒，前學皆妄。後又得月鼎莫先生使者一法，歷說先天之妙。乃曰：道言天地之間，其猶橐籥乎，虛而不屈，動而愈出。只這些子，便是造化樞機。橐者，猶我腹也。籥者，猶我口鼻也。虛而不屈者，乃中黃先天混元之祖炁也。釋氏曰慧日寶燈摩尼珠，儒家號曰浩然之氣，禪宗號曰安身立命處，修真之士號曰金丹，其實一也。又曰神室丹谷，又曰天地之根、萬炁之宗、太極之帶。其所浩浩渺渺，恍恍惚惚，無內無外，無著無所，亦無四圍。動而不屈者，橐籥則籥自鳴也。愚昨奉度師鐵壁先生鄒君傳授口訣：拒塞天河，掀翻斗柄，取水滄溟，撥動九州，將乾補坤，以離塞坎，開眼仰視為否，閉目府觀為泰。多不知捷徑路頭，皆為先聖玄機，強立異端者，豈不謬乎？余平生參盡雷法，未有若月鼎莫君先生之說如此之明也。使余朝夕思慕先生之學，不復再見，唯悒

悒耳。先生在世，學者紛紛，多不得其傳，蓋謂不知道之故也。余今老矣，欲留祕訣於人間，無箇知音可語，故作數圖，名之曰道法精微。用留於世，倘遇達人，必當具眼。

行持戒行圖



行持道法戒行爲先
始終如一指日可仙

夫行持道法，先當受持十戒。日用常行，無所虧欠。更能濟貧救苦，積功累行，自然感動天地。神欽鬼伏，坐役雷霆，呼風召雨。今有一等後學，不持戒律，不辨邪正，執文泥象，胡思亂想。偶然一時之靈，便已自滿。更不究竟所靈者是箇甚麼，以致以邪召邪，以鬼召鬼。故薩真人云：道法於身不閑，思量戒行徹心寒，千年鐵樹開花易，一入酆都出世難。又云：言清行濁休談道，不顧天條法謾行。保一真人曰：有問制邪之道如何？答曰：修己以正。子不聞花月之妖，不敢見梁

公。正人君子，鬼神之懼猶且如此，何況行道法之士乎？余《心傳錄》云：先持戒行為根本，次守天條莫妄為，要得雷神來拱伏，雷轟電掣剖心窺。

萬法歸心圖

萬法從心起

萬法從心滅

曉得起滅處

生死事方決



夫心者，一身之主，萬法之根。其大無內，其小無外。大則包羅天地，小則隱在毫芒。修之則作佛成仙，縱之則披毛帶角。存之於內則為性，施之於外則為情。千變萬化，無有定時。故聖人教之修心，即修道也。教之修道，即修心也。孟子曰：養心莫善於寡欲。堯夫曰：天向一中分造化，人於心上起經綸。虛靜天師曰：一念萌動於內，六識流轉於外，不趨乎善，則趨乎惡，故有天堂地獄因果之報。大道歌云：莫向靈臺留一物，物在中心神不清，耗散真精損筋骨。三茅真君曰：靈臺皎潔似冰壺，只許元神裏面

居，若向箇中留一物，平生便是不清虛。保一真人曰：法有出於同門者，其符同，其訣同，用之輒不靈者，誠不至也。誠之不至，則自信不及，則疑二之心生，中無所主矣。中既無主，何以感通？故曰：法法皆心法，心通法亦通。余《明道》云：人間萬事從心出，心知無形何處尋？一念未生前會得，那時方始見其心。

先天元精圖

杳杳冥冥 先天真種

用之不見 見之不聞



夫精者，乃先天之元精，為萬物之母。得之則生，失之則死。故精住則炁住，炁住則神住，三者既住，我命在我，不在於天。《玉皇心印經》云：人各有精，精合其神。洞賓真人云：精養靈根炁養神，此真真外更無真。紫陽真人云：竹破須將竹補宜，覆雞須用卵為之。萬般作用徒勞力，爭得真鉛合聖機。行雷之士，須當斷淫絕欲，保養元神，鍊成金丹，驅役雷霆，禱雨祈晴，治病降邪，無施不可。若曰抱炭

之徒，安敢與其同語也。故薩真人云：一點靈光便是符，時人錯認墨和朱。元精不散元陽定，萬怪千妖一掃除。保一真人曰：符者，陰陽契合之具，惟天下至誠能用之。誠苟不至，自然不靈。故曰：以我之精，合天地萬物之精。以我之神，合天地萬物之神。精精相博，神神相依。所以假尺寸之紙，關召鬼神，不得不誠。余《心傳錄》云：法何靈驗將何靈，不離身中精炁神，精炁聚時神必在，千妖萬怪化為塵。

先天元炁圖

符無正形是炁靈泥丸治病亦安寧

呼吸風雲生瞬息施行號令鬼神驚



夫炁者，乃先天之炁，元炁為萬物之宗也。虛而不屈，動而愈出。夫子《繫辭》曰：天地氤氳，萬物化醇。蓋人之元炁，與天地之炁相似。一吸而天炁下降，一呼而地炁上升。一呼一吸之間，化生金液鍊形。形神俱妙，與道合真。《玉皇心印經》云：人各有炁，炁合體真，不能持其真，皆是強名。

《莊子》曰：凡人之息在喉，真人之息在踵。《素問》云：清虛恬淡，真炁從之。人能知白守黑，節食謹言。常鼓巽風於元海之中，則受無窮之妙用。故孟子雞鳴而起，孳孳於善，以養浩然之炁。保一真人曰：通三才者，一炁耳。天以炁而運行，地以炁而發生。陰陽以炁而慘舒，風雷以炁而生。炁由人主，外想不入，內想不出，一意沖和，皈根復命，行住坐卧，綿綿若存，以養其浩然者。施之於法，則以我之真炁合天地之造化。故噓為雲，嘻為雷霆，用將則元神自靈，制邪則鬼妖自伏。通天徹地，千變萬化，何者敢干我哉。余《心傳錄》云：先天一炁作丹臺，寂寞無為則自知，閉戶垂簾常寂寂，時將無孔笛來吹。

先天元神圖



同行同坐 不離這箇
祇在面前 切莫蹉過

夫神者，乃先天之元神，為太極之祖也。虛無自然，包含萬象。視之不見，聽之不聞，變化無方，去來無礙。

清淨則存，濁躁則亡。故《玉皇心印經》云：神能入石，神能飛形。太上曰：大道不可以言傳口受，而得之當虛心靜神，道自來矣。愚者不知，乃勞其形，苦其心，役其志，躁其神，而道愈遠。道德云：谷神不死，是謂玄牝。玄牝之門，是謂天地之根。虛靜天師曰：神若出，便收來，神返身中炁自迴，如此朝朝還暮暮，自然赤子產真胎。保一真人曰：世間閉目存神，想某將自某方來者。又有按筆搐縮，運內炁而合外炁者。噫，妄矣。若得神，靈將自靈。說則平居，暇日養神，以靜而神自靈。沖炁以和，而炁自真。用之行持，自然神合。神炁合炁，一舉心，一動念，神將吏兵洋洋乎，如在左右矣。余《心傳錄》云：靈臺清淨纔方見，略有纖塵便不見，出離生死永長存，爭奈凡夫不識面。

玄關一竅圖




此竅通天竅法中真奧妙
得遇至人傳教君須大笑

夫玄關一竅，內藏天地陰陽，日月

星宿，三元八卦，四象五行，二十四炁，七十二候，風雲雷電雨，皆在其中矣。保一真人曰：書符不知竅，却使鬼神笑。今之行持道法者，不得道法之根源，妄於紙上作用，以為符竅。殊不知，此竅非凡竅，乾坤共合成，名為神炁穴，內有坎離精，當於自中求之，不可求之於他也。玉蟾真人云：此竅實居中，居中復一中。萬神從此出，直上與天通。紫陽真人曰：身中一竅名玄牝，此竅非心非腎，非口非鼻，非脾非胃，非谷道，非膀胱，非丹田，非泥丸也。能知此竅則冬至在此矣，藥物在此矣，火候在此矣，沐浴在此矣，結胎在此矣。余《心傳錄》云：一竅虛無天地根，綿綿密密不通風，恍惚杳冥包萬象，真人出現寶珠中。

法行先天一炁圖




月到天心處 風來水面時
要知端的意 斗柄指虛危

夫先天一炁，在太極未判已前，萬物未生之始，浩浩渺渺，淡淡蕩蕩，無形無象，無着無所，寂然不動，塞乎太

虛之中，不可以知識，不可以言傳。妙哉，黃雷函云：混成一物本先天，至道虛無理自然，若向未生前得見，阿誰不是大羅仙？王先生行盪兌詩云：學道修真要識真，先天一炁稟吾身，守則有道用則法，法應虛無只我神。保一真人曰：或問先天後天之說如何？師曰：若問先天，一也，無道亦強名耳。何謂之諸呪？一應纔動，便屬後天。符圖印訣，抑亦末矣。余《心傳錄》云：先天之道本無言，舉口才言屬後天，學者紛紛來見否，誰人悟得未生前。

將用自己元神圖




道是你兮還是我
不卦一絲祇自箇
千般變化被他瞞
三十年來方識破

夫自己元神，即先天一炁之體。

先天一炁，即自己元神之用。故神不離於炁，炁不離於神。神乃炁之子，炁乃神之母，子母相親，如磁吸鐵，不可須臾離也。納則為金丹，出則為將吏，

故鍾真人曰：萬語千言勸後人，休尋物外妄求真，鑽天入地憑誰力，妙用神通須是神。披雲真人云：吾身動則有神仙，不在勞心運想。王侍宸云：損神終日去談空，不如皈息在胎中。綿綿不絕道自通，三元五老即此功。我真不西亦不東，常教體內生微風。時人見一不識一，一回存想一回空。玉蟾真人曰：意動人隨瞬息間，何勞想起艱難。明得五行生剋理，掌中雷雨契金丹。劉真人云：非法非空非色，無形無相無情，道本一物冷清清，有甚閑名雜姓。動則鬼神潛伏，靜則天地交并。視之不見，聽之不聞，默用須還相應。余《心傳錄》云：一人各有一乾坤，中有巍巍一至尊。統御萬靈三界伏，不知徒爾弄精魂。


攢簇五行圖



夫一二三四者，乃天之五行生數，六七八九十乃地之成數。人稟天地五行生成之數成之，故天有五星，地有五嶽，人有五藏。五藏之中，有精神魂魄意，聚成五雷。五雷之中，以土為尊，蓋得中黃先天混元之祖炁也。故保一真人曰：法妙合乎陰陽，方圓動靜是以道貫乎。三才天地人物，是水火木金土應之以五行，東西南北中運之於五方，天地水火雷風山澤配之於八卦。泥於衍數者曰：我書符時應於某事，你作用某竅，如是而接造化，如是而論生剋，如是起筆，如此衝發，鬼神之機我得之矣。殊不知，太極未判以前，孰為陰陽？孰為三才？孰為五行？孰為八卦？故有道士，撒手行持符篆矣。余《心傳錄》云：一二三四五，中間土為主。會得生煞機，叱咤起雷雨。

歸根復命圖

群陰剥盡復皈根 一畫陽生天地心



會得箇中真造化 驅雷役電鬼神欽

夫東三之木生南二之火，西四之金生北一之水，中央之土合戊己之造化。若非金木相剋、水火相剝，則風雲雷電雨不能發也。故保一真人云：莊子曰尸居而龍見淵，默而雷聲。知此道者，可以言動靜之機。邵子曰：一動一靜之間，乃天地人至妙。蓋動靜之際以陰陽極處為用。《易》曰：極則變，變則通。非力學者，孰能曉此。余《心傳錄》云：一炁運來運去，須見陰陽勝處。還他一遍和平，此理與誰共語。

雷霆得中圖



雷霆造化得其中
天地三才則一同
學者若能通得此
祈晴禱雨達蒼穹

夫八卦範圍天地之間，縱橫十五，數不離乎中宮之五，所以雷霆得天地之中炁，故號五雷。要在行雷之士，虛其心而實其腹，凝其神而守其中。幹

旋造化。策役雷霆，遍施甘雨，以救兆民，功達于天，豈曰小補哉。余《心傳錄》云：造化包含太極中，自從剝復下神功。六陽數足歸坤位，激博雷霆起坎龍。

水火激博圖



水火激剝其要妙不用書符行祕號
學人曉得這機關呼召雷雨立便到

夫日月一坎離也，坎離一水火也，水火即一炁也，一炁即物也。在南曰火，在北曰水，火炁太盛而旱，水炁太旺成澇。水來剋火，晴變為雨，火來生水，雨變為晴。水火激剝成雷電，水火和平天清炁朗。然火之盛，水之旺，不可調均。故余《心傳錄》云：火到離宮旺，水在坎方生。水火要均平，才勝便無情。

陰陽變化圖



動靜不息
還歸太極
不下工夫
如何曉得

夫一炁運動，有清有濁。清升為

陽，濁降為陰。陰陽變化，其理不一。故陰陽升降而成雨，陰陽激博而成雷，陰陽凝流而為電，陰陽舒和而為雪，陰弱陽盛而為風，陰盛陽弱而為雲，陰泰陽散而為露，陰否陽凝而為霜，陰陽不暢而為雹，升降不能而為霧，煞炁不能而為瘟，乖炁犯正而為煞，淫水變而為霓，淫火變而為魃。行雷之士，不可不明此理。故余《心傳錄》云：一炁循環有濁清，清升濁降要均平。陰多陽少生淫雨，陽盛陰衰主久晴。

王真《滿庭芳》

決烈修真，慤勤辦道，萬緣識破皆空。太虛鼎內，養就玉芙蓉。化作靈珠一顆，光燦燦輝射千峰。長春景，五雲臺上，朱橘照天紅。這些妙理有緣，端的千里相逢，纖塵不染，清淨顯真功。日用頭，頭不昧，超生滅，三界難籠，能如此逍遙自在，處處是仙宮。

一點陽精，配居陰位，五行四象俱全，忽兮有象，晃耀照無邊。神水頻頻灌溉，三田內，溫火烹煎。明知道，入門體用，心靜息綿綿。內有金蛇玉篆，

驅雷雨發在心田，君知否？神仙有准，功行滿三千。

法在先天玄妙處，無言可說，但要在乎中正。靈臺瑩徹，寂然不動，感而通，憑剛烈，運風雷，祈雨雪，役鬼神驅妖孽，只此是，非呪非符非罡訣。太極神居元谷裏，先天炁在玄關穴。謹在存神虛寂處，功成自有仙班列。看太虛，穩穩駕祥雲，朝金闕。

道法心傳

（王育成點校）

018 明道篇

經名：明道篇。元王惟一撰。
一卷。底本出處：《正統道藏》
洞真部衆術類。

明道篇序

原夫道本常明，非人不足以明乎道。人能明道，非道不足以成乎人。是故，明哲之士，莫不立言以著道，以道而全身也。余少業儒，粗通六經，而知仁義禮樂教化之道，天地人物變化之理。竊怪夫三才既同此道而立，何天地之運如是其久，而人之數如是其短耶。及觀《老子》之言，憮然曰：天地之所以能長且久者，以其不自生，故能長生。人之所以夭且速者，以其厚於求生，是以輕死。遠觀諸物，則走飛動植皆能變化，糞蟲變蟬，腐草化螢，

雀入水而化蛤，雉入海而化蜃，田鼠化爲鴛錦，鱗化爲龍。況人爲萬物之靈，豈不能全其所固有，而爲長生不死之仙乎。蓋其六慾七情所盜者衆，名韁利鎖所賊者深。斲喪既多，夭亡不免。是徒自好生，而無延生之術。莫不惡死，而無遠死之方。惟一既生人世，獲處中華，可不念生死大事，以求萬劫一傳之方。於是徧遊方外，求金丹之學，上乘之道。雖三教經書，行雷、祈禱、醫卜、星數，無不備攷，賢愚師友，莫不參求，卒不能一蹴。是道之至，旦暮勤奉，積憂成疾，誠達于天，得遇至人親授無上至真妙道，一言之下，直指真詮。退而閱之易之，道初無怪異，要在至心誠意，格物致知。去人欲之私，存天理之公，自然見心中無限藥材，身中無限火符，藥愈探而不窮，火愈鍊而不息矣。惟一既得此道，不敢自私，謹以所學，著詩八十一首，以按純陽九九之數。內七言四韻一十六首，以按二八之數，內絕句六十四首，以按六十四卦。五言一首，以象太一之奇。西江

月一十二闋，以周十二律呂。名之曰：《明道篇》。所謂藥物火候斤兩法度，諸丹經所未盡者，莫不敷露，所以率循。先哲立言著道，以道全真之事，然天意祕密，寧無輕泄漏慢之愆。但惟一誓願天下學者，皆臻乎。至道用心，既溥矣。奚暇爲禍福，而躑跋哉。同志之士，苟能尋文解意，忘象從真，一得永得，惟一之願也。時大德甲辰歲中秋，淞江後學景陽子王惟一謹序。

明道篇

淞江後學王景陽撰

律詩一十六首按二八之門

人生如夢度光陰，枉自培財與積金。
聲色既戕天地性，精神又逐利名心。
愛河飄浪頭難出，火宅煎熬業漸深。
只恁一生虛過了，改頭換面不如今。
學道先明精氣神，成全三物道方親。
說無話有皆爲妄，究本窮源始得真。
中正不偏存一念，圓明自在絕纖塵。
君還達此玄中妙，三教都歸我一身。
自然之道本無爲，若執無爲便有爲。
得意忘言方了徹，泥形執象轉昏迷。
身心靜定包天地，神氣沖和會坎離。
料想這些真妙訣，幾人會得幾人知。
玄關一竅最難明，不得心傳莫妄行。
若識念從何處起，方知道在箇中生。
陰陽未判元無象，日月相交豈有情。
君更要知端的意，中天日午正三更。
萬物同生造化中，纔分彼我道難通。

春回谷口家家暖，月到天心户户同。
魚躍鳶飛皆此理，鶴鳴子和本由衷。
浩然吾道包天地，若說無心又是空。
離坎包藏共一家，鐵牛晝夜運河車。
性歸元海生金液，命復虛無產玉葩。
四象合和歸一土，五行攢簇結三花。
如如默運周天火，迸出金花滿九華。
陰陽動靜不能推，枉費精神去妄爲。
道在目前多自達，珠藏腹內少人知。
顏居陋巷心常樂，舜處深山志不移。
天下渾然無二理，強分宗教轉支離。
道在身中自有苗，何須尋草及燒茅。
乾坤日月隨心轉，魂魄精神遂意交。
知命常觀乾未畫，樂天時玩復初爻。
吉凶悔吝生乎動，終日如愚樂聖胞。
至道從來不易傳，一中造化達真詮。
鑿開混沌分天地，擘破洪濛採汞鉛。
慾念未除空學道，貪心不斷謾求仙。
要知返本還源處，免走烏飛不離天。
得意忘言誨爾諄，學人執著轉荆榛。
天清氣朗中秋月，柳綠花紅二月春。

何必補陀求見佛，不須洞府去尋真。
若知○這箇真消息，便是逍遙物外人。
不必留心擒地魄，如何著意制天魂。
非心妄念難成道，絕意忘機是返源。
豈在推爻兼布卦，直饒得一始逢元。
與君說破神仙理，不在三千六百門。
萬象森羅總在坤，目前無法可談論。
澄心遣欲神方活，養性忘形道自存。
常使金烏歸月窟，莫交玉兔離天根。
大都片餉工夫到，一粒金丹入口吞。
先天一物○分爲二，無象無形逐念生。
百姓不知爲日用，聖人能究與時行。
不增不減居中道，無去無來守一誠。
萬境目前皆幻化，從教紅紫亂縱橫。
橐籥吹噓藉巽風，一陽纔動用神功。
黃婆騎虎歸金闕，赤子乘龍下玉宮。
日會月文明○晦朔，水升火降應屯☵☶蒙。
璇璣運轉全三五，立見靈丹滿鼎紅。
不窮父母未生身，却去迷修受苦辛。
閉目存思皆是妄，死心枯坐盡非真。
要知動靜參天地，須識浮沉定主賓。

性命混然成一片，此時無我亦無人。
學人謾說幾千般，不遇真仙只自瞞。
沙裏淘金非易得，水中捉月轉艱難。
斷除六賊心方靜，消盡三尸神始安。
體性湛然無一物，了知生死不相干。

絕句六十四首按六十四卦

先天妙理本無言，舉口纔開屬後天。
學者紛然成異見，不窮父母未生前。
本來一物甚幽微，無死無生誰得知。
動念舉頭常見面，起居坐卧鎮相隨。
天氣分靈降氣生，至玄至妙絕思量。
要降六賊常清靜，須是掀天煅一場。
鍊丹先要鍊元精，鍊得元精氣便真。
氣若聚時神必住，保全無漏作真人。
神哉至道在人心，亘古長存直至今。
塵俗昏迷渾不識，達觀須向谷中尋。
涕唾精津氣血液，學人莫執作丹基。
心中自有天然藥，日用常行要得知。
鍊丹只用水中金，須向先天根蒂尋。
待得一陽初動處，急須下手莫沉吟。

不識陰晶莫妄修，徒勞神思謾推求。
但存天理無私曲，不必騎牛更覓牛。
欲鍊還丹先用鉛，抽添火候要精專。
兔雞沐浴須防險，不動如何合自然。
學道當明受氣初，混然一息母胎居。
依坤生體歸乾種，一點靈光徹太虛。
天上金烏海底紅，陰魔遯跡好施功。
莫教氣濁神昏散，汞走鉛飛丹鼎空。
凝神靜坐水晶宮，徹骨清涼心地空。
水火木金歸一處，更無南北與西東。
閑來潭底撈明月，時到高峰縛住雲。
靜定頓開天地鑰，森羅萬象總無聞。
欲鍊朱砂活水銀，須知銀即是砂神。
大都一物休疑二，主是沉兮浮是賓。
生育三才只此真，強名曰道曰心神。
同行同坐長相守，可惜愚迷不肯親。
鍊丹須識大還心，休向旁門小術尋。
三萬刻中無間斷，盡教瓦礫變成金。
藥採先天真一炁，火尋太一混元晶。
要知藥火工夫處，炁足神全丹始成。

月中有兔爲陽體，日裏藏雞却是陰。
會得兔雞歸戊己，何須修道入山林。
道本無形強立名，視之不見聽無聲。
包羅天地無窮妙，福薄緣微豈易成。
神愛生人人損神，勞心費氣喪其身。
痛哉世上皆如此，達道通神有幾人。
生死皆因有十三，誰能覺悟樂清閑。
本無一物常虛寂，念滅心空出世間。
惜精惜氣養元神，苦志勞形使不親。
寂寞無爲無所著，真人出現離凡身。
道生天地分離坎，離坎生成萬類身。
歲久年深俱化土，忘形方見本來真。
處世人爲萬物靈，盡隨物化不曾停。
能知萬物歸根處，方見寒凝水結冰。
欲求魚兔必蹄筌，不假蹄筌恐未然。
莫執蹄筌爲實用，始明混沌未分前。
藥產西南路不通，路通須問主人公。
綠楊堤畔乘風去，滿地黃芽採不窮。
大藥無過天地精，採來密意鍊方成。
只緣還返功非淺，頃刻差違禍便生。

採藥應須待癸生，休將天癸論紅妝。
若言呼吸爲修鍊，他物如何做藥王。
下手功夫罕得知，得之鉗口恐人迷。
如今漏泄天機興，坤復爻中子細推。
結胎須結本來真，不離身中精氣神。
漸結漸凝休斷續，工夫十月產真人。
用了真鉛便棄損，如雞覆卵氣綿綿。
玉爐溫養三年足，誰道凡身不化仙。
始復終乾陽火周，陰符邁旺到坤求。
寥寥萬古無窮意，須向其中常起頭。
十二時中只一時，一時辰內罕人知。
鴻濛纔肇乾初畫，進火工夫豈在遲。
百刻常如一刻推，要須藥火不相違。
純清絕點渾無染，方信無中養就兒。
縱識身中汞與鉛，不知真土也徒然。
若言土釜黃房是，安得飛昇上九天。
真土知時得正傳，不明火候亦徒然。
執爲卦象行爻象，枉費精神不作仙。
火候無爲合自然，自然之外別無仙。
常存一念居中道，莫問先天與後天。

脫胎莫作等閑看，此段工夫要的端。
時節到來牢把捉，歸根復命上天壇。
了命不如先了性，性明了命始無魔。
要知性命安身處，意未萌時合太和。
命雖可授性難傳，愚暗盲修實可憐。
不得至人親口訣，精魂弄盡反招愆。
吾道精微在一誠，不誠無物道難親。
寂然不動無聲臭，恍惚之中見本真。
聖人無欲惟精一，靜則虛明動則公。
纔有絲毫相間斷，陰邪昏蔽不能通。
須臾不離方爲道，十二時中豈不然。
保守中和無間雜，參天贊化妙難先。
人欲未萌天理在，念頭纔動鬼神知。
勿欺微隱嚴加畏，日用常行不可違。
善惡皆生一念間，苟差一念隔千關。
若知無善還無惡，安靜巍然若太山。
天性生來本自然，只因物誘被情牽。
若明乾卦爻中理，常似潛龍見在田。
人心危兮道心微，君子時時合聖機。
暗室勿欺如白日，常當謹獨莫相違。

人能寡欲止於安，一念澄虛在內觀。
非禮非仁休妄動，自然悔吝不相干。
道在常行日用中，休談高妙與虛空。
但行人道心無愧，盡性方知天地同。
觀乾未畫是何形，一畫纔成萬象生。
悔吝吉凶皆主動，乾乾終日不離誠。
人間萬事從心出，心本無形何處尋。
一念未生前會得，那時方始見真心。
學道須窮天地心，罕聞世上有知音。
都緣此理難輕泄，盡向旁蹊曲徑尋。
坤復之間理極微，鬼神雖妙也難窺。
要知這箇真消息，熟讀堯夫冬至詩。
天地相交萬物生，精神念後道方亨。
常觀太極流行妙，無物無誠不至成。
一中造化得心傳，渴飲飢食困便眠。
觸處遇緣皆妙用，了知誠命不由天。
念頭纔妄成煩惱，直到心空境自空。
空不空兮能照了，洞觀無礙太虛中。
未識真空莫說空，執空易失主人翁。
欲知空裏真消息，盡在鴻濛未判中。

萬物皆空性不虛，虛空裏面下工夫。
空到一塵無立處，金光滿室見玄珠。
學道要知生死事，不知生死謾求仙。
能知生處方知死，去住無拘任自然。
本來無死亦無生，一念纔差見萬形。
若識念頭生滅處，一輪明月照中庭。
目前無法可參求，山自青兮水自流。
十二時中存一念，念中無念是真修。
打破虛空不用拳，死心空坐謾徒然。
師傳妙術無多語，只是教人鍊汞鉛。
修行要識主人公，不識修行盡落空。
能悟真常方得道，出離三界顯神通。
萬法皆空一也無，猶如片雪點紅爐。
乾坤離坎皆無用，大道元來是坦途。

律詩一首

妙合真常體，渾無一點陰。杳冥存至寶，恍惚產真金。言道已非道，澄心始見心。先天真造化，只向一中尋。

西江月 十二闕

太極未分混沌，兩儀已非其中。
一陽纔動破鴻濛，造化從茲運用。水

火升沉南北，木金間隔西東。略移斗柄指坤宮，盡把五行錯綜。

日月相交晦朔，龜蛇產在虛危。巽風長向坎中吹，火燥必資神水。動靜皆由心意，與天合德無違。洞然妙理更何疑，說甚短長生死。

一點真陽在坎，移來點化離陰。這些造化義幽深，須是明心見性。妙在一塵不染，自然對境無心。可憐世上少知音，會得超凡入聖。

大道古今一脉，聖人口口相傳。奈何百姓不知焉，盡逐色聲迷戀。在邇不須求遠，何消更遇神仙。分明只在眼睛前，日用常行不見。

吾道至尊至貴，若非宿骨難知。直須克己至無爲，方見本然天理。萬化皆從中起，古今無剩無虧。若能動靜不相違，可與神仙何異。

學道須當猛烈，始終確守初心。纖毫物欲不相侵，方得神凝氣定。動靜不離中正，陽生剝盡群陰。龍降虎伏鬼神欽，行滿便登仙境。

得一金丹事畢，休尋白虎青龍。

泥文執象理難通，妙處非鉛非汞。溫養身心不動，滿懷和氣春風。頓然罔念又無功，還藉黃婆提董。

看盡丹經萬卷，不明真汞真鉛。那堪火候不曾傳，都是盲修瞎鍊。一句真詮妙顯，得知心地昭然。神歸氣伏不欹偏，刻刻打成一片。

大藥元無斤兩，誰知愈採無窮。西南幽遠路難通，意到不勞神用。坤癸結成真種，移來栽在乾宮。山頭雨打任狂風，吹撼根深不動。

真火本來無候，休拘日月時年。試思混沌未分前，招甚時年證驗。跳出五行外面，絲毫不染塵緣。方知這箇妙中玄，一粒寶珠出現。

沐浴即非卯酉，子時冬至休求。但行中道本無修，方信無中生有。宇宙在乎吾手，常騎鐵馬閑遊。無拘無束且優游，日夜簪花酌酒。

離坎不分南北，木金豈問西東。但誠一念守其中，勿使心神恣縱。要識前身真種，洞觀物我皆空。寂然安靜到鴻濛，四象五行無用。

金丹造微論

夫道也者。本於無聲無臭之中，著於日用常行之際。天地至大不能外此道，人心至微莫不具此道。道在人心，千古一日，相忘於無言之表可也。自夫樸散淳漓，人心昧道，聖人不言，後世何述。於是儒釋道之聖人，因時而出，隨時設教，其智皆率天下而歸於道也。奈何教門一分，學者各執其說，互相高尚，私意橫生，公道浸失。抑不思先聖立教濟時，殊途同軌，變化方圓，非若子貢之所謂器也。故自世人，不明吾夫子母意、母必、母固、母我之道，而釋氏性宗之教不得、不行，即夫子四母之旨也。性宗，又非放心雞犬者所能造，而老子金丹之道行焉。莫不相與救時之弊也。嗚呼，金丹之道行，其世之衰乎。後之修金丹者，非惟不能窮究厥旨，其於紫陽悟真之書，火候不用時，冬至不在子，及其沐浴法卯酉，誠虛比之語與。夫海南白先生，採藥物於不動之中，行火候於無爲之內，之言能誦，言而曉其義者，吾未見其人

矣。往往執鉛汞爲藥材，年月日時而運用子午卯酉，而抽添行節氣爲火候者，是故未至其道也。或者知鉛汞爲藥物之異名，文武爲火候之依，約年月日時子午卯酉，又皆混沌之餘事，是亦可謂絕無而僅有矣。至於生藥物爲火候者，果何異父母未生以前，此身果何在一炁之先，天地果何有或乃昧而不通焉。亦豈足以盡道哉，是未之思也，是不觀之造化乎。日月麗乎天，草木麗乎土，風霆之流形，雨露之潤澤，固非適然，抑何使之而然耶。蓋必有物，物而不物於物，形形而不形於形者，存嗟乎。其真土乎，其斗柄乎。真土者，藥物之主。斗柄者，火候之樞。至哉。夫子《繫辭》曰：精氣爲物，遊魂爲變，仁哉。《平叔丹經》曰：真土擒真鉛，真鉛制真汞，斗柄運周天，要人解攢簇盡矣哉。海瓊先生《上悟真書》曰：形中以神爲君，神乃形之命，神中以性爲極，性乃神之命，自形中之神，以入神中之性，此謂歸根復命。學者當於言外求之可也，未能於言外求之而徒，爾

曰藥物者，火候也。金丹之道是何，異於按圖而索驥、膠柱而調瑟者乎。大抵金丹之要，必也遠聲色，克己私，屏人我，全忠孝，正心誠意，如顏之愚，如參之魯。以太虛爲鼎器，以烏兔爲藥材，以無爲自然爲火候，以清靜沖和爲溫養，以身外有身爲脫胎，以打破虛空爲了當，而後可以合。海南先生所謂，會萬化而歸一道，則天下皆自化，而萬化皆自如。會百爲於一心，則聖人自無爲而百爲，自無著之奧矣。由是知無極而太極、太極本無極者，濂溪先生之道也。一靈妙有法界圓通者，紫陽最上一乘之妙也。至此則所謂真土斗柄，又皆筌蹄爾。吾將以斯道覺斯人也，非敢舞文而亂正也。一毫悞人，皇天在上。若夫旁門詭術而惑人者，又在學者當知所擇焉。同志之士，勤而行之，真積力久，豈惟獨善一身。或將兼善天下，參天地，贊化育，夫豈二道哉。

得道歌

道難入，道難覓，說之容易誰行

得，旁門惑世幾千般，得道萬中難選一。近有一等學道者，不肯低頭真可惜，瞞天瞞地又瞞人，未得一而誇更十。要做神仙固不難，神仙須是神仙質，不是神仙莫亂爲，動有陰魔做冤隙。這箇事，非小術，全憑德行施陰德，斷除妄念息貪心，步步行行腳根實，若明本性與心同，方敢與君說端的。學金丹，容易入，熟味《中庸》與《周易》，有爲有作總皆非，說龍話虎終無益，元從情動有其身。若更迷修轉荆棘，常思混沌未分前，妙理難言心自然，一身上下皆屬陰，一物陽精人不識，圓陀陀地鎮相隨，空不空兮色非色，散爲萬物遍乾坤，一物之中一太極，退藏於密一性中，視之不見尋不得。我丹訣，自各別，不用日時與年月，也無火候與抽添，亦無人我分妍拙。亦無生，亦不滅，亦無所修無所說，飢來喫飯困來眠，閑時打坐懶來歇，逢物便滄逢酒飲，不持齋戒心常澈，榮華富貴不關心，名利是非皆杜絕，凝然靜定養元神，一念不生真境

別。真境界，自懽悅，晝夜見箇中秋月，不來不往正當中，洞然八荒皆皎潔。也無盈，也不缺，猶如紅鱸一片雪，雖然得到箇工夫，打破虛空方了徹，逍遙快樂且優游，人間煩惱不相涉。學道人，趁時節，百歲光陰如電掣，遇之不鍊大愚癡，莫待老來神氣竭。急回頭，當猛烈，一刀兩段須見血，欲脫凡身換法身，精修一念當如鐵。說此言，太心切，盡把天機都漏泄，學人若作等閑看，祇恐臨終悔不迭。

明道篇

(王育成點校)

019 道法宗旨圖衍義

經名：道法宗旨圖衍義。元鄧
柎纂圖，元章希賢衍義。二卷。
底本出處：《正統道藏》正一部。

道法宗旨圖衍義序

養吾會三家爲一家者，雖然道不可圖，苟求其故，道非遠人，是能親禮，非揣籥聞鐘以爲日也。學者勉之。至大第二春，三十八代天師廣微子書。

道言：吾不知其名，強名曰道。道既無名，何以述之？苟求其故，雖萬八千篇，未爲過也。鐵崖子傷大道之不行，憫流俗之傍見，纂集諸象，爲《道法宗旨圖》。噫，大哉其心也。龍虎刊行，觀之若望洋焉。希賢不愧凡愚，嘗有志於三家微言，爲之術義。後因深

省，若杳冥中有所警者，得遂初志。且夫太古以來，真機未泄，雖有其象，然性與天道不可得而聞也。蘇子所謂：道不可言，可言皆其似者也。是書，亦似者也。故達者，因似以識其真。昧者，執似以陷於僞。願與同志，因似以識其真。明道之士，不必觀也。若夫眼看空花，手撈水月，又非予之願也。大德己亥至日，臨川章希賢書于養吾堂。

道之廣大，大且無邊。道之精微，微且蘊妙。是以道之以法，法之以圖，圖之以景，景之以玄，玄之又玄，空妙貫一。養吾章君，以風月典刑之外，煙霞涉趣之間，取與自新，變化莫極。豈不以造化歸之，功行疇著而爾然耶。今索叙言，盡取大藏一決，案贊明高道之妙。甲辰秋，空玄子謹書。


空玄子者，姓汪氏，諱萬頃，字清伯，臨川人也。生長巨室，出家爲黃冠，號藥山。與道山徐先生順孫交遊，遍走名山，歸隱林下。或坐高松之上，

或處小室之中，人密窺之，口中自語，人去則已。或求其文，橫說豎說，千言立成。大德間，道山於龍興樵舍萬家坐化。玉筋下垂，先生至大戊申十一月十四日示疾化去。其徒以其寫真喚之，作頌却去，復活起坐，書曰：居藥博施之，效高山仰企之神。先生之道如此。凌煙所記非真咄，道在吾身，一天風月，擲筆大笑復化去。至順庚午秋，臨川張霖叔云：佃僕入閩見之。邵武道中盱江蔡志夫亦云：瓢笠人來說見之武夷。嘉禾聶敬安云：龍虎見金陀頭問之，云在武夷不久見之。故孟子謂：所過者化，所存者神，即此道也。噫，非大丈夫孰能與於此哉。臨川參學章希賢述。

道法宗旨圖衍義卷上

鐵崖鄧柟以正纂圖
養吾章希賢師亮衍義

元始祖劫圖



元始祖劫，
化生諸天。
開明三景，
是為天根。

衍義

《太上度人經》云：元始祖劫，化生諸天，開明三景，是為天根，上無復祖，唯道為身。

道書云：一炁分為三炁，三炁各結一宮。龍漢之初，玄炁結而為玉清之宮。赤明之初，元炁結而為上清之宮。上皇之初，始炁結而為太清之宮。玉清統十二天，九聖居之。上清統十二天，九真居之。太清統十二天，九仙居之。三清所統三十六天，謂之大羅天。三十六天分居四極，每極九天。大羅之下，為大梵天。凡四，又為之四

種民天。自大梵而上為大羅，大羅而上為三清，此諸天皆前劫修真。與道合真，聚則成形，散則成炁，合散自然，無有名貌，窮無盡劫，不復退墮。自大梵而下為無色界，無色界之下為色界，色界之下為欲界。欲界凡六天，色界凡十八天，無色界凡四天，是為三界二十八天。人積善功，得生欲界天，或為天主，或為天人，或為天眾。欲界天人，猶有欲想，無欲想則昇色界。色界天人，猶有色想，無色想則昇無色界。無色界天人，猶有覺想，無覺想則昇大梵天，而出三界之外矣。三界二十八天，分居四方，方各七天，謂之八圓，又謂之四梵小羅天也。凡夫有善行高功，得昇三界天而止。天福盡而不增修，則有退墮，故各有壽量。六道中之天道，蓋三界天也。三界天人，一念不真，自上仙降為下仙，下仙不能加功，則復還人趣，所謂退墮。

無盡居士張商英，撰《廬陵道藏記》。今玄妙觀道藏是也。空洞之先，炁母混成，不妄為真，不二為精，不昧為覺，

不測為神。孰清孰濁，孰凡孰聖，孰短孰脩，孰魔孰正。輕極重生，上下乃形，下騰上降，水火傳精，故有日月，晝夜司明。一二成三，三微成炁，三炁成候，三候成節。大明終始，五六循環。日從左運，辰以右合，周流六虛。故新相易，剛柔交發，三才奠體。杳冥太空，三清所都。莫知其先，強目曰元。莫知其初，強目曰始。莫知其大，強目曰太。莫知其頂，強目曰上。高而無至，名之曰尊。寄而無我，主之曰君。能虛能盈，能一能萬。化生諸天，成就世界。中有妙山，名曰玉京。四方既正，八方既分，三十二帝，分住寶城。斗箕角軫，井參奎壁，魁承罡建，五合造運。杪毫忽釐，與道同流。劫運悠曠，太少格塞。邪氣失元，散入羣生。因其九竅，發生情識。情流識蔽，宛轉顛倒。因流起愛，蔽愛生憎。憎愛交攻，前伏後起。棄明趨昧，積昧為陰。結陰為幽，入幽為鬼。伸為人形，傍為異趣。啖食凌暴，更相強弱。性不得靜，命不得延。黑炁慘霾，干犯霄極。

三清化主，三天帝君，鑒觀在下，一念慈悲。自然妙炁，絡繹成文。靈風鼓奏，自成音聲。至慈度厄，至仁好生。至正摧邪，至明破冥。上列宮曹，下設嶽瀆。衆真分職，列仙分統。真機既漏，玉字乃出。火鍊洞陽，筆著空青。玉檢金版，符錄呪訣。教授仙衆，威制魔群。鍊度魂魄，役召萬靈。

混元化身之圖



宋仁宗御讚曰：大哉至道，無爲自然。劫終劫始，先地先天。含光默默，永劫綿綿。東訓尼父，西現金仙。百王取則，累聖攸傳。衆教之祖，玄之又玄。

《如如顏居士語錄》讚曰：生從無始，代屬周王。化身復現，釋迦問禮，猶聞夫子，八十一天之教主，百千萬劫

之導師。

《太玄經》曰：太上老君，萬億化身，隨方設教，應機立號，普濟天人，朝朝降蹟，代代帝師。希賢以《法華經》云：諸佛世尊，唯以一大事因緣故，出現於世，同一道也。

《家語》曰：孔子謂南宮敬叔曰：吾聞老聃博古知今，通禮樂之原，明道德之歸，則吾師也。今將往矣。敬叔與俱至周，問禮於老聃，自周反魯，道彌尊矣。遠方弟子之進，蓋三千焉。

葛仙翁序《道德經》曰：老子體自然而然，生乎太无之先，起乎無因，經歷天地終始，不可稱載，終乎無終，窮乎無窮，極乎無極，故無極也。明教嵩禪師《鐔津集》曰：夫老子所言者，大道也。故孔子於禮則曰：吾聞諸老聃。《禮運》曰：大道之行，與三代之英。丘之未逮也，而有志焉。《繫辭》曰：天下之動，貞夫一者也。而《老子》曰：王侯得一，以爲天下正。考其無思無爲之理，陰陽變化之說，二書豈不皆然必以老氏爲非，則《易》與《禮

運》可燔矣。夫先儒之好辯者，孰與孟子。孟子之時，老子之書出已百有餘年矣。而莊子復與孟子並世，如其可排，則孟氏已排之矣。豈待後世儒者辯之耶？司馬氏謂：老子之道，約而易，操事少而功多。儒者或不然，譏其先黃老而後六經，是亦不其意也。太史公之書，孔子即爲之世家，老子即爲之列傳，此豈尊老氏之謂耶？蓋以老氏之道，乃儒之本，所以先之者，正欲尊其本也。

《史記》曰：老子之道，約而易，操事少而功多。又曰：道家使人精神專一，動合無形，澹足萬物。《西漢書》曰：道家秉要執本，清虛以自守，卑弱以自持，此人君南面之術也。


了翁陳先生《權史評》曰：漢武帝黜黃老而用儒術，興大學修郊祀，改正朔定曆數，協音律作詩樂，建封禪禮百神，號令文章煥焉。可述此用儒之效也。然天下多故，主心不靜，專務改作，百姓厭苦。用好事之臣，以開三方海內虛耗，戶口減半，兵不戢而自焚，

恩虧於父子之間。其發於命令者，未嘗不本於仁義。而觀其效，則不異於始皇者幾希。當此之時，天下不一日無事，思慕文景不可復得。然則黃老之清靜，亦何負於天下哉？吾儒之論，必曰彼非此是，與其是孝武而非文景，孰若兩取而兼其善哉。

昌黎韓文公愈《進士策問》曰：孔子亦有師，問禮於老聃。今之人不及孔子遠矣，而且無師。然其不聞，有業不通而道德不成者何也？出文集第十四卷。

疊山謝氏曰：《道德經》者，能發明上天之心，於世道未嘗無益。

雷霆互用圖



上下往來，陰陽相應。


《金誥》曰：天地清濁，其質如卵，乃太空之中一物而已。陽升到天，太極而生陰，以窈冥抱陽而下降。陰降到地，太極而生陽，以恍惚負陰而上

升。一升一降，與天地行而萬物生成也。濂溪周子曰：无極而太極，太極動而生陽。動極而靜，靜極而生陰，靜極復動。一動一靜，互為其根。

晦庵朱子曰：陰以陽為質，陽以陰為質。水內明而外暗，火內暗而外明。橫渠曰：陰陽之精，互藏其宅，正此意也。

《真原》曰：陰陽升降在天地之內，比心腎交媾之法。《玉書》曰：陽負陰而上升，陰抱陽而下降。一升一降運於道，所以天長地久。

雷霆之圖



為天之樞，其性善，其主生，其體陽，其象陰，故甲丙庚壬為陽雷。
為地之機，其性惡，其主殺，其體陰，其象陽，故乙辛丁癸為陰雷。

《莊子》曰：陰陽錯行，天地大駭，有雷有霆，水中有火，乃焚大塊。

《淮南子》曰：陰陽相剝，感而為雷，激而為霆。《金誥》曰：陰中伏陽，

陽炁不降，擊搏而生雷霆。橫渠張子曰：陰炁凝聚，陽在內者不得出，則奮擊而為霆。陽炁伏於陰炁之內不得出，爆開而為雷也。

環溪吳氏《璣衡內篇》曰：洊雷為震，固也。而雷何以有聲？蓋下四爻離象也，互離之上則坎也。火入水中則激烈有聲，以物之小者推之。火鍛金石，使之透徹，持以入水，其聲尚奮，況坎離之大炁乎？渾天之象包於地，日東升西沒，明入地中，而天一生水則水在地中。越宿復升于東，明出地上也。日出扶桑，實騰于海，故曉日清潤。及其沒也，其聲震厲如雷。故崦嵫之圖擊金鼓以雜之，否則稚耄駭懼。此火入水而有聲之驗也。故知水火之怒氣，激而成雷，而況坎為雨，離為電，復相因乎。

《子朱子》曰：雷雖是炁，但有炁便有形。如蝦蟇，本只薄雨為日所照成影，然亦有形，能吸水吸酒。

《爾雅》曰：疾雷為霆。

宿曜玄機之圖



希賢曰：天道左旋，日月五星順行於四七之間，為天之經緯。所以起滅四時，生成萬物，皆因梵炁之功，為天地常行之道。《度人經》云：周迴十方，旋斗歷箕，迴度五常是也。

《混元三清經》云：陽精之炁為日，陰精之炁為月，日月之餘炁，散為星辰，分布二十八宿。

《黃帝素問太始天元玉冊文》曰：太虛寥廓，肇基化先。萬物資始，五運終天。布炁真靈，總統坤元。九星懸朗，七曜周旋。日陰曰陽，日柔曰剛。幽顯既位，寒暑弛張。生生化化，品物咸亨。

雷霆三關圖




《黃庭玉經》曰：口為天關精神機，手為人關把盛衰，足為地關生命扉。

希賢曰：孟子謂：所過者化所存者神。道書云：身雖死，陽神存。

呂洞賓《尸解復現詩》云：昔曾錦水留遺蛻，又到蓬萊別姓名。

斗柄周天之圖




希賢曰：天以斗為機，經歷十二辰之上，順五星於四七之間，而化生萬物也。若斗柄不運，緯候參差，則吉凶生於爻象，符火失於晨昏，星辰錯亂，日月差殊，四季不調，萬物不產。故曰：乾坤日月本不運，皆因斗柄旋其

機。故斗之正二三月，運寅卯辰之位，生育萬物也。四五月，運巳午未之位，長養萬物也。七八九月，運申酉戌之位，成熟萬物也。十月十一月十二月，運亥子丑之位，收藏萬物也。斗柄周天，歲功成矣。大哉，無為之化也。經云：天以斗為機，人以心為機，故天機運於陰陽，人機成於大道。斗柄之機，不可不察也。

邵康節云：天渾渾於上而不測也，故觀斗數占天也。斗之所建，天之行也。魁建子，杓建寅，為晝是也。

楊子雲《太元經》曰：斗之南，左行而右旋。

四象歸真圖



希賢曰：經云：口之於味也，目之於色也，耳之於聲也，鼻之於臭也，則是窮人欲滅天理，皆心之所動也。《莊子》曰：嗜慾深者天機淺，故聖人

無爲。緘舌氣，含眼光，凝耳韻，調鼻息。四象合和，歸於虛无寂然不動之中，真我也。顏子如愚，達麼面壁，夫子默識一貫，老子抱一守樸。《孟子》曰：養心莫善於寡慾。道言：常能遣其慾而心靜。《四十二章經》佛言：遠離嗜慾，心意清靜，同一境界也。

《莊子》曰：天機不張，五官乃備。

《中庸》曰：視而不見，聽而不聞，食而不知其味。此謂修身，在正其心。

《荀子》曰：目不欲綦其色，耳不欲綦其聲，口不欲綦其味，鼻不欲綦其臭。又曰：心居中虛，以治五官，是之謂天君。

註曰：五官者，耳目鼻口形也。

《度人經》云：神風靜默，山海藏雲。天無浮翳，四炁朗清。

混一三才圖




《金碧古文龍虎上經》曰：雞子爲形容，參合應三才。又曰：徑寸之珠，混合三才。

《文中子》曰：天者，統元炁焉，非止蕩蕩倉蒼之謂也。地者，統元形焉，非正山川丘陵之謂也。人者，統元識焉，非止圖首方足之謂也。


《列子》曰：元炁輕清者爲天，重濁者爲地，沖和之氣爲人。

五雷攢簇圖



希賢曰：五氣朝元，一塵不染，能清能靜，是曰無漏。肝爲東魂之木，肺爲西魄之金，心乃南神之火，腎是北精之水，脾主中宮之土。是以聖人，眼不視而魂歸於肝，耳不聞精在於腎，舌不聲而神在於心，鼻不香而魄在於肺，四肢不動而意在於脾。故曰：攢簇五雷，《玉樞》曰：東方風雷在肝宮，南方火雷在心宮，西方山雷在肺宮，北方水雷在腎宮，中央土雷在脾宮。斬除五漏。寂然不動，爲道之體。感而遂通，爲道之用。斯五雷之妙也。

雷霆吞啖圖



希賢曰：天動地靜，天圓地方。動者必圓，靜者必方。圓則變通，方則凝定。方如車，圓如輪，輪轉則車鳴，內運則外應。是以雷霆之妙，在於坐運也。

《黃庭內景玉經》曰：外方內圓神在中。

《文中子》曰：圓者動，方者靜，其見天地之心乎。


《孫子》曰：圓則動，方則止。

道法宗旨圖衍義卷上

道法宗旨圖衍義卷下

鐵崖鄧栴以正纂圖
養吾章希賢師亮衍義

法行先天大道之圖




昏昏默默。
杳杳冥冥。

《廣成子》曰：至道之精，杳杳冥冥，至道之極，昏昏默默。無視無聽，抱神以靜，形將自正。必清必靜，無勞汝形，無挫汝精，可以長生。

《元始生天得道經》曰：心目內觀，真氣所有。清靜光明，虛白晃曜。杳杳冥冥，內外無事。昏昏默默，正達無爲。古今常存，總持靜念。《老子》曰：有物混成先天地生。傅大士曰：有物先天地，無形隱寂寥。能爲萬象主，不逐四時凋。

將用自己元神之圖



念
不似我，不似爾。
不似神，不似鬼。

《禮記》曰：清明在躬，氣志如神。

《悟真篇》曰：恍惚裏相逢，杳冥中出變。一霎火焰飛，真人自出現。

虛靜天師曰：六根清靜，方寸澄徹。久而行之，可以坐役鬼神，呼召風雨，豈可忽哉。如居士讚之曰：六根方寸絕塵埃，久久行之一念灰。不

是鑿池專待月，池成明月自然來。康節邵子曰：人積善而陽多，鬼益畏之。積惡而陰多，鬼弗畏之。大人者，與鬼神合其吉凶。

《中庸》曰：鬼神之爲德也，其盛矣乎。視之而弗見，聽之而弗聞，洋洋乎。如在其上，如在其左右。

楊子《法言》曰：心神恍惚，經緯萬方。

五雷胎息圖




侍宸王真人胎息詩損神終日談虛空，不如歸命於胎中。綿綿不息神自通，煙昇雲降雨濛濛。七元三老即此功，我身不西亦不東。但當終歸莫今窮，常教體內生微風。世人見一不識一，一迴存想一迴空。

希賢曰：此詩唐劉義詩集中有

之，鐵崖鄧子誤以爲侍宸之詩。按《唐書》云：劉義，一節士。少放肆爲俠行，因酒殺人，亡命會赦，出更折節讀書。能爲歌詩，不能俛仰貴人，常穿破衣。歸齊魯，不知所終。蓋又亦有道者，故能知此。世傳仙去云。

《太上中黃真經》：內含胎仙道自成，胎息真仙食氣得，却閉真氣成胎息。

雷霆一竅圖



抱朴子云：玄牝一竅，非心賢鼻口、肝肺、穀道、膀胱、泥丸。知此一竅，則冬至藥物，火候沐浴，脫胎結體，皆在此矣。此竅雷霆之竅，得之則雷霆之樞機不必外求也。至人用此，所以冲舉。

希賢曰：○佛仙修行徑路，大道不二法門。☵坎爲命宗，陰中有陽，真空交妙有也。妙有爲體，真空爲用焉。☲離爲性宗，陽中有陰，妙有交真空也。真空爲體，妙有爲用焉。佛中有命脉，道中有性源。性命交參，空有攝无。老子即釋迦，釋迦即老子。生於空劫

之先，為性命之祖。自後語言一立，各成異教。故偏於命者，必落空亡。偏於性者，必墮陰向。致使大道殊途，異端競起，而不能究竟於性命本源矣。吾夫子曰：窮理盡性，乃至於命。是以天下無二道，聖人無兩心。性之與命，不可須臾離也。

玉谿真人曰：前真有云：只明真性不修丹，萬劫應知變化難。不明真性只究命，此是修行第一病。既到此處，不妨進步。如道光禪師欲訪張紫陽，却遇石杏林，始得玄宗一家，二妙了了，遂作《復命篇》行于世矣。昔有僧問智門，如何是般若體？門云：蚌含秋月。如何般若用？門云：兔子懷胎。後雪竇有頌云：一片虛凝絕蝟情，人天從此見空生。蚌含玄兔深深意，曾與禪家作戰爭。

寒山詩曰：心月自精明，萬象何能比？欲知仙丹術，身內元神是。

寒山詩曰：益者益其精，可名為有益。易者易其形，是名之有易。能益復能易，當得上仙籍。無益復無易，

終不免死厄。

毗陵禪師《復命篇》曰：余幼年學道，所親無非理性之士，若禪宗之上乘，一悟直超佛地。如其習漏未盡，則尚循於生死。至於坐脫立亡，投胎奪舍，未見一朝而長往。常思仲尼窮理盡性以至於命，釋氏不生不滅，老氏昇騰飛舉，由是聖人之意，不可一途而取之。僕之得遇至人口訣曰：大道之祖，不出一炁而成變化。僕一聞不疑，依法行之，果躋聖位。

穎濱蘇氏曰：命者，性之妙也。性猶可言，至於命則不可言矣。《易》曰：窮理盡性以至於命。聖人之學道，必始於窮理，中於盡性，終於復命矣。

晦庵朱子讀道書，作：巖谷秉貞操，所慕在玄虛。清夜眠齋宇，終朝觀道書，形忘氣自冲，性達理不餘。於道雖未已，庶超名跡拘，至樂在襟懷，山水非所娛，寄語狂馳子，營營竟焉如。又誦經，作：坐厭塵累積，脫灑味幽玄。靜披笈中素，流詠東華篇。朝昏

一俯仰，歲月如奔川。世紛未云遣，仗此息諸緣。又久雨齋居誦經，作：端居獨無事，聊披釋氏書。暫釋塵累牽，超然與道俱。門掩竹林幽，禽鳴山雨餘。了此無為法，身心同晏如。

右三詩，並見晦庵《朱文公大全文集》。先生扶綱常，益世教，則指為異端，至於窮理盡性則非矣。夫三聖之道，體同而用殊。夫子毋意毋必毋固毋我，釋氏無二無盡，老氏無思無為，同一理也。先生之詩，殊途而同歸，是故天下無二道也。知我罪我，其唯先生之詩乎。

雷霆九宮圖



中五橫縱
五十一

希夷陳先生《龍圖》曰：戴九履一，左三右七，二四為肩，六八為足。

希賢曰：雷霆九宮，乃縱橫十五之數。伏羲氏觀河圖而畫卦，即其數也。震三兌七，中宮五十五數也。艮

八坤二，中宮五十五數也。乾六巽四，中宮五十五數也。坎一離九，中宮五十五數也。縱橫妙用，皆成十五，乃得陰陽之備數。故《乾鑿》云：老陽之策九，老陰之策六，九六亦十五之數。雷字亦十五畫而成之，故曰陰陽擊搏之謂雷。


戊癸玄化之圖

甲	庚	爲	之	號令
丙	爲	之	會	
壬	爲	之	局	
卯	爲	之	門	
子	爲	之	局	
惟	戈	癸	化火	

希賢曰：東方甲木屬震，震爲春爲雷，生化萬物也。西方庚金屬兌，爲秋爲霆，肅殺萬物也。故雷霆司號令之權，春生秋殺終，始萬物者也。《易》曰：天不言而品物亨，歲功成矣。丙屬離，離爲火，火旺於丙午，故爲雷火之會。離中虛，恍恍惚惚，杳杳冥冥。經云：恍惚裏相逢，杳冥中出變，一霎火焰飛，真人自出現。壬隸乾，乾乃雷

之所，伏而爲雷之局也。《玉樞雷書》曰：伏乾出巽，體元工是也。卯爲震，木震爲雷，生於亥，旺於卯，卯爲雷之門，雷至卯月方有聲。《月令》曰：仲春之月，雷乃發聲是也。子爲十一月之支，冬至在焉。爲地雷復卦☱☵，上坤下震，一陽初生於五陰之下，陽炁尚微，故閉局安靜以養陽也。《易》曰：先王於至日，閉關是也。戊癸化火者，非五行書所謂也。坎乃天一真精之水，坎中有戊有癸而化生真火。虛中爲雷火之司，總御四序，控制五行，是雷霆之主也。

雷霆運用之圖



《莊子》曰：有雷有霆，水中有火是也。


運雷之法，人咸知其握固掩耳耳矣。不知所以握固掩耳爲何？要得一點雷霆之根，騰騰運動，得其門戶而出風雨，雷電自此而發，非假乎噓呵。叩閃可合先天大道之用。即此運審，與父母朱生前無以異也。豈宜以尋常平易之說而忽之。

楊子《法言》曰：聖人有以擬天地而參諸身。

康節邵子曰：吹噴噓呵，呼風雨雲霧，雷言相類也。又曰：雲行雨施，電開雷震，亦各從其類也。

《內經素問》曰：風炁通於肝，雷炁通於心，雨炁通於腎。清陽爲天，濁陰爲地。地炁上爲雲，天炁下爲雨。雨出地炁，雲出天炁。


五子歸庚圖



无上元君得九五之道，而帝雷霆九五之道者，自北而東，目子而已，皆陽道也。所以統天，榮枯萬物，起滅四時，五雷君得三五之道，亦無殊於九五，皆雷霆道也。

希賢曰：五子歸庚者，一二五七九，皆陽數也，合而爲二十有五，故《易》曰天數二十有五。夫五子歸庚，所以爲萬物之主宰。東方自壬子而歸庚，乃九數也。北方丙子歸庚，五數也。南方戊子歸庚，三數也。西方甲子歸庚，七數也。中央庚子歸庚，一數也。得天數之正焉，乃雷霆之道也。

大衍之數圖



雷霆得天地之中炁，故號五雷。道書云：東三南二同成五，北一西方四共之。戊己還歸本生數，三家相見結嬰兒。既成聖胎，即五雷君也。

一三五七九，陽奇數也。《易》曰：天數二十有五，是焉。二四六八十，陰偶數也，地數三十是焉。天地之數，總成五十有五，陰陽之數備矣。太衍之數五十者，去五為五行之本。其用四十九者，又去一以象太極不動之義。

劉牧《鈎隱》曰：一與五合而為六，二與五合而為七，三與五合而為八，四與五合而為九，五與五合而為十。一六為水，二七為火，三八為木，四九為金，五十為土，即五五也。

楊雄《太玄》曰：一與六共宗，二與七為朋，三與八成友，四與九同道，五與十相守。

陳希夷曰：大衍之數，其用四十九，掛一而不用之義。學者徒知一為太極不動之義，而不知義實落處也。

何則一者，數之本宗也。凡物之理，無宗本則亂，有宗本則不當用，用則復亂矣。且如輪之運，而中則止。如輅之行而大者，復如網之有綱，而綱則提之。如器之有柄，而柄則執之。如元首之在上，而手足為之舉。如大將居中，而士卒為之役。如君無為，而臣有為。如賢者尊，而能者使是知。凡得一者，宗也，本也，主也。皆有不動之理一，苟動焉，其餘則錯亂也。

伊川程子曰：大衍之數五十。數始於一備於五，小衍之而成十，大衍之則為五十，五十數之成也。成則不動，故損一以為用。天地之數五十，有五成變化，而行鬼神者也。變化言功，鬼神言用。

《京房易》云：五十者，謂十日、十二辰、二十八宿也。凡五十，其一不用者，天之生炁。


鄭康成曰：天地之數，以五行炁通。凡五行減五，大衍又減一，故用四十九。五行炁通者，蓋謂十日、十二律、二十八宿者，五行之炁通焉。為五

十五，減五之數為大衍，又減一為四十九。其說本於《乾鑿度》，與京房為一說，而五行炁通，其說尤善。

《關氏易》曰：張彝問曰：凡衍天地之數，五十有五，今云五十，又去其一，何謂也？關子曰：著不止法天地而已，必五行運於中焉。

趙蕤曰：其用四十有九，大衍不窮。其數去一者，所以示其不窮也。

五行顛倒圖



五行不順生，虎向水中行。五行顛倒術，龍從火裏出。

紫陽張真人曰：五行逆兮，丹體常靈。

侍宸王真人曰：連環迭運理相生，顛倒無過是五行。會得箇中顛倒意，青天白日起雷霆。逆者，顛倒五行，和合四象，採混元未判之炁，奪龍虎始媾之精，入于黃房，產成至寶，可謂無質生質，身外生身，暨乎功德滿

就，而證上仙焉。順者，人之大倫，分精氣以成人，精氣爲物，遊魂爲變，有身則有患，煩惱從此起也。

《悟真篇》曰：能將日用顛倒求，大地塵砂盡爲寶。

雷霆玄化之圖

雷 陰陽擊搏，發而爲雷。
電 陰陽凝流，激而爲電。
風 陰弱陽盛，起而爲風。
雲 陰盛陽弱，聚而爲雲。
雨 陰陽升降，蒸而爲雨。
雪 陰陽舒和，降而爲雪。
霜 陰否陽潰，飛而爲霜。
露 陽泰陰散，布而爲露。
霧 升降不能，化而爲霧。

電 陰陽不暢，結而爲電。

霓 淫水爲霓。

魃 淫火爲魃。

雷霆體用歌

天地虛中一竅常，纔分動靜曰陰陽。
殺生開闔并顛倒，斗柄常輪定紀綱。
激搏雷聲從地發，凝流電曜激金光。
風飄弱盛隨時起，盛弱成雲聚短長。
升降薰蒸霖雨下，舒和瑞雪降銀堂。
飛霜否潰連天白，泰散陽陰露四方。
升降不能化爲霧，結陰不暢電非陽。
淫水爲蜺火爲魃，調暢融和萬物彰。
靜默神風天炁朗，欲升不降反真常。
狂風驟雨陰陽舞，冬暖如炎夏伏涼。
久雨長晴洪水泛，轟雷十月夏飛霜。
自身造化通天地，不識樞機謾度量。

陽不合，而生閃電。陰陽不匹配，龍變而爲虹。

康節邵子曰：陽得陰而爲雨，陰得陽而爲風，剛得柔而爲雲，柔得剛而爲雷。無陰則不能爲雨，無陽則不能爲雷。雨柔也，而屬陰，陰不能獨立，故待陽而後興。雷剛也，屬陽，陽不能自用，必待陰而後發也。

《天地神交論》曰：積陰，陰過則露爲霜，而雨爲雪。積陽，陽過則霧爲煙，而雲爲霞。陰中伏陽，而生雷霆。陽中伏陰，堅固而生雹子、霰。陰陽不正，亂交而變虹。

《莊子》曰：大塊噫氣，其名爲風，是爲無作，作則萬號竅怒。

希夷曰：震得乾初爻，故雷自天之下而發，觀兌畫則知雨自地出。又曰：天炁下爲雨。又曰：坎，乾也，水也，氣也。坎井是也。兌，坤水也，形也，今雨是也。一陽陷二陰爲坎，坎之氣潛行於萬物之中，爲受命之根本。故曰：潤物者，莫潤乎水。

橫渠張子曰：陽炁正升，忽遇陰

炁，則相持而下爲雨。蓋陽炁輕，陰炁重，故陽炁爲陰炁壓墜而下也。陰炁正升，忽遇陽炁，則助之飛騰，而上爲雲也。陰炁凝聚，陽在內者不得出，則奮擊而爲雷霆。陽炁伏於陰炁之內不得出，故爆開而爲雷也。陽在外不得入，則周旋不舍而爲風。陰炁凝結於內，陽炁欲入而不得，故旋繞於其外不已，而爲風至，吹散陰炁，盡乃已也。和而散，則爲霜雪雨露。不和而散，則爲戾氣疔霾。戾氣飛雹之類，疔霾黃霧之屬，皆陰陽邪惡不正之炁，所以雹水穢濁或青黑色。

晦庵朱子曰：雪花所以六出者，只是霰子被猛風拍開成稜瓣也。又曰：六者陰數，太陰玄精石亦六稜，蓋天自然之數。又曰：龍水物也，其出而與陽炁交蒸，故能成雨。但尋常雨，自是陰陽炁蒸鬱而成，非必能龍爲之。只是下炁上升，未能爲雨。必是上炁蔽蓋，無發洩處，方能成雨。

環溪吳氏曰：隨風爲巽，固也。而風何以有炁？蓋下四爻，坎象也。

五體之上，則離也。水入火中，則相鼓而有氣。以物之小者推之，勺水以熄火，則火奮而氣騰。況坎離之大氣乎？火之喜也，其聲微，其氣烈。而瀑流激湍之傍，其聲滄瀟則氣淒冷，積微成著則水火之爲風也。信矣。溫風生於丙丁之月，而颶風生於海露，是不獨雷怒而有聲，彼萬竅怒號，惟風亦然。蘊極而蟄，蟄久而泄則爲雷。常泄則不極，不極則爲風。凡物之怒者，永有非水使之者也。

道法宗旨圖衍義卷下

（王育成點校）

020 雨暘氣候親機

經名：雨暘氣候親機。撰者不詳。一卷。底本出處：《正統道藏》正一部。

太陽

日未出，先拂晨於東方日出處，驗之。黑雲如雞卵，如旗山，陣烏里思，龍頭蛇魚，靈芝牡丹，並應當日未申時有雷雨。或紫黑雲穿貫日，及在日上，並應當日。若黑雲如魚鱗，主有風，三日後方應雷雨。

太陰

月色紅明日大雷雨，色青赤，應明日有圓光，大如車輪者。明日大風，三日後方應，外有白雲結成圓光，不甚明，日亦大風。

天罡

罡星，紅色搖動，雷雨。青色搖動，明日大煞伐。星上若起白雲，明日

大雷。星上若起黃雲，炁貫文曲星，大雷雨。雲炁罩上，或有白雲自斗中出，明日大雷雨，應未時。白光恬靜，明日決無。

北斗

白雲遮斗，明日大變，應未申。或斗上下有雲，如魚鱗，明日亦變。白雲罩二星三星，明日大雷雨。斗中有雲炁如水波，白色，明日大風。斗中上有雲如亂絮，止有風。斗下有黑雲擁上者，當夜風雨生。斗下斗口有紫黑炁，三日後有雷雨。青色，應木日。紅赤色，應火日，餘日雲霞同。如黃雲貫斗，不過三日大雨。白雲炁貫斗，亦在三日內雨。黑雲炁貫斗，立有風雨。斗下有閃電，過斗及斗口，當夜有雨。

龍炁

拂晨東方，看有五色炁如線，過西者，當日風雨，致雲興霧。在中天而止者，三日應。晚日没，有五色炁，界過東方者，三日應。

白虎

早起，東方有白炁，近太陽不甚


遠，此乃自寅出，申巳時隨日，則未申時隨日，應酉戌時有雷雨。

河炁

有黑雲成塊大者，有風。其形如猪，渡河黑雲如爛絮、枯木，若霞，或遮太陰，或在月下上，應明日雷雨。白雲如綿絮，小雨。鱗而自南至北者，明日南風，至別方，同在日落後，驗之。

雷牌

拂晨看南方，有黑雲最高者，是謂之雷信。明日巳午時，至中天而散去，應未申時，東方。雲頭高，東方，至餘皆同。




欸火出神霄發號令，當日酉時，烈風震雷，大雨如注，風沙拔木。



欸火下水府開旗發號令，申酉現，當夜子時發，次日雷雨霧霏，陸地波流。



欸火出司日初昇，黑雲如鷄頭，如旗山，陣烏里思，龍頭蛇魚，靈芝牡丹，未申時雷雨。如魚鱗，止有風。




欵火駕衝，巳午時出，未時雷雨。未時見，申酉時應。




欵火會金虎，帶雷殺出遊，來日未申時大風雷雨，誅人畜伐廟，天昏地黑，飛沙拔木。掩日不開，當日雷雨。



欵火會金虎出遊，巳出午應，申出酉應，狂風驟雨。乾上出，有誅伐。巽艮坤入，無震。坎，雷電雨可畏。離兌入，善。




欵火出遊，未申時，雷雨大作，陸地波流。



欵火帶白虎出遊，來日早，申時，雷雨大作。





欵火會雷霆大煞，名赤鷄紫鵝，未初雷電大作，折木誅人，驟雨傾盆。



雷司化水，頃刻雷電大作，霖雨傾盆。



欵火號令雷部諸煞聽命，未申時，狂風飛沙走石，雷電大作，大雨，伐廟邪，拔樹，天昏地黑。欵火遣金虎傳令，巳午日有暈，外有雲形如龍蛇，三日內雷雨大作，東南方必伐廟邪，誅兇惡之人。



欵火與太乙交會今，日現，來日狂風驟雨，誅人伐廟，拔樹。



欵火躔舍，或成段，或如布幕，去千萬丈，大旱狂風。如此後閉日，未申雷雨。掩日，雲帶望巽方，擊人伐精。




微鳥現迹，又名赤鼠遊城，五六日，南方，如此夜天河中無雲，久旱極，不可祈禱，天數也。



金火大殺會戰，未時，雷雨大作，大震誅妖，折木狂風，冬月大雪，無雲有雷聲。



北斗都水使者出遊，風雨大作，遍濟通流。但有北斗在近，或天河近，二更時，前後應。



九斗陽芒，火鈴將軍擲火，同赤鼠，五六七月壬子至丁巳六日內，有雲烝如此，旱，類不可祈禱。



乾精大煞黑龍，如雲，魚雙行度巽，三日內風雨大作，轟雷掣電，誅妖惡，伐畜人。



冬雪，雷神出遊申酉戌亥子丑方，現朔風大雪，四方現形多，則有雷電。



辛君出遊，金虎大煞，四方無雲。而忽有黑雲，如龍蛇，或閉月，來日未申時，雷雨。三處來掩月，伐廟誅人。




子丑，夜現掩月，雪凍。夏秋，風雲雷雨電，蟲蝗，人遭劫。春三月，如電蛇多者，六七月風雨多。



辛君與使者出遊，來日未申時，雷震霹靂風雨大作，誅邪伐木。




辛君會雷霆大煞遊官，黑雲如龍蛇入月，自艮來，狂風驟雨，伐木誅妖，此方人民多災。



金虎大煞至宮，春當時風雨。夏秋，明日未申時，雷雨。暈多，擊伐。




辛君遊月宮，黑雲如蛇，自兑入，三日大雨。




使者領大雷五雷使者出遊，即使者與五炁雷公也。來日未申時，雷雨大作。



使者會北斗都水使者，來日未申戌亥時，大雷，伐樹誅邪，擊人畜殺伐。




使者令天罡趕煞，一二日雷雨大作。



白炁風伯朝斗，來日，刮地狂風，飛沙走石，雷雨。




使者會雷師出遊，來日，狂風大雨，霹靂誅妖。




使者會都水水晶，來日，必主雷雨。



都水使者出遊，來日未申時，大雨作。




紫微察訪人，三日內，必主有雨。




天罡會太乙，七日內大雨，陸地成河，霹靂，伐廟誅精，擊人畜。



太乙交宮，黑炁如雲，遍來朝斗，黑雲蔽斗，當夜雨。開了，來日未申時，雨，大風雷。如霧冲斗口，亦同。



青色光芒，九九，早數，不可祈禱，蟲蝗大發，光長。



使者如黑猪，過河或成陣，來日未申時，大雷雨。如天河中聲如風響，名使者捲水，來日大雨，平地波流。



欸火展翅，當日申酉時，雷雨大作。

諸雷炁候

天雷巽上起，鬼門上震。又其聲隱，霹靂雷惟一聲入地，此是天雷發撼。

欸火降其雲，如鳳翅，或鱗，並現青雲之上，至中天方黑，或申日落山時，現雲。

神雷降則鳴于東。

巽雷降，其雲自東，或巽，或南，平如一字。或光，或黑，至中天則風雨大作。或黑在中天一字，白雲在巽，則不雨。

水雷降，其雲向上，出黑雲，或青雲出，水波樣，如此則風雨立至。

太歲雷降，其雲一色極黑，一邊略些白雲，光彩如筆鋒。移時暴雷迅風作也。

社令雷降，其雲黯黑似淡黑，雲中出粉白雲如畫，若值天晴雨，此雲現，或雨陰現，皆有大風雨，作七日，來復定局。

虛宿甲子，庚子胃，庚辰翌，壬午角，癸未亢，乙酉房，庚寅畢，癸卯井，癸亥璧。

奎宿甲子，癸未尾，庚寅室，壬辰奎，庚子鬼，庚戌心，壬子箕，癸丑斗，乙卯女。

畢宿甲子，庚午星，壬申翌，癸酉軫，乙亥亢，庚寅胃，癸丑危，庚申畢，壬戌參。

鬼宿甲子，癸酉房，庚辰虛，壬午室，

庚寅參，庚子氏，壬寅心，癸卯尾，
庚申奎。

翌宿甲子，乙丑軫，庚辰奎，癸未昴，
癸卯女，庚戌胃，壬子畢，癸亥張。

氏宿甲子，庚午斗，壬辰虛，庚辰畢，
庚寅角，壬辰氏，癸巳房，乙未尾，庚
戌參，癸丑柳。

箕宿甲子，庚午室，癸巳斗，庚子奎，
壬寅胃，庚戌星，庚申箕，壬戌斗，癸
丑女。

寅乙波濤庚午火，辰寅興浪己庚同。
已如逢癸炎光發，午未陽壬癸在通。
申上過庚陰半古，房星觜室四番紅。
傾河畢觜奎婁壁，翌軫亢箕斗化龍。

妙洞引

妙洞隱顯運龍韜，且會東來黑炁高。
雲陣開來開復合，晚西重隱閭籠袍。
須知淡色相同晚，水炁重更始見遭。
陽炁鬪機開合顯，如箕如首氣雄豪。
或男或女兼牛畜，不免加兵碎莫逃。
怒氣黑紅兼叱咤，細明此理便堅牢。
北斗自上烏飛下，三沒餘存四示曹。
妙甚二存蒙彩上，上存下沒小風騷。

陽家纔退西鄰北，未二條三或二操。
直上中衢斯是敵，東西輪逼脚迢迢。
雲仍如堵高來半，暗合乾坤也遇淘。
包了畢箕名吐舌，年方癸丑黑猿號。
黑猿頭上逢雙品，西南東行又戰鏖。
先著緋黃後披皂，宣龍子字曰班鰲。
初初真學纔斯記，更把靈樞辨唧嘈。

先天一炁雷霆玉章

夫天稟星象，地推五行，列二十八
宿之縱橫，有三百六雷之造化。高明
上覆日月星辰，潛沉下載風雨龍神。
歲君之早，各有分野。天炁下降，地炁
未升，而先有雨天之至早。六九之旬，
日光未升，日炁未動，而先有雨號曰旱
魃之神，故乃天主旱也。非運動身中
之造化而合天地之造化，何得而雨也。
太陽者，乃欵火之神也。太陰者，乃都
督猛吏之神也。又有都水炎司者，亦
存其章矣。若非斡旋，不得報應。

雷首欵火律令君，號曰白虎大煞神。
有日若或此煞現，金剛犯著也成塵。
日傍黑炁如龍現，定是須臾風雨興。
東升西入雲貫日，戌亥未申雨作霖。

赤鷄紫鵝在其中，重則當日雷電冲。
狂風折木誅精怪，霹靂威聲遍太空。
天旱之年看雨師，雨師立脚重如山。
頃刻之間雷雨作，黑雲未雨密虹生。
未申風雨定誅怪，伐壇破廟震雷轟。
烏猪吐火有電神，未申風雨及誅精。
重則雷霆轟霹靂，冬九十月雪霜凝。
夏月南方雲似火，嵯峨耿耿直冲天。
又無雲炁入天河，九九之旱天數然。
甲申丙子陰霜現，到此方知小雨天。
亥子之間肅靜觀，黑牛半夜把河穿。
更看烏雲貫斗月，此時風雨遍山川。
六甲晴空天主旱，壬子丁巳赤龍現。
仰看天河星斗稀，旱數當時雨難見。
清晨若被烏雲蔽，黑翻皂纛不堪聲。
未申風雨雷霆霹靂，伐壇破廟更誅精。
巳午日暈龍蛇現，第三風雨迅雷鳴。
東南方上誅人鬼，古木惡廟不留停。
太陰西沒度巽方，獨行明日生風雨。
雷電飛空定伐人，更誅六畜妖邪鬼。
或是雙行度巽方，號曰乾精大煞神。
定主第三風雨至，轟雷殺伐震乾坤。
烏衣如霞日不光，或如幙布千萬丈。

號曰闕伯天地驚，未申雷雨及風狂。日在青天雲又侵，龍行紅暈照乾坤。忽然離去數十丈，又有一輪紅日明。二人相併一同行，號曰雷霆前煞神。未日見時申日雨，狂風拔樹鬼遭刑。早數之年看木郎，樞機神煞要推詳。忽然兩脚隨山走，數定今年旱數常。列日青天數點翳，三朝風雨未申霖。猛風折樹誅精怪，牛馬遭刑不孝人。雲似亂壞大風作，霧起遮天日月昏。頃刻青天轟霹靂，風雲雨澤遍山川。霧炁遮天如龍現，現則第三應未申。寅日遶時辰日雨，妖邪六畜受天刑。清早東西雲似火，猪牛形狀未申傾。西北晚有雲遮日，月蒙雲急雨當旬。東南雲起如龍馬，當日之間風雨隨。西北有雲如鵝撲，三朝申酉雨來期。黑雲煙霧分輕重，重則風雲霹靂聲。烏潤如山形似獸，先雷後雨不須疑。霧露下山天欲雨，重則三朝雷雨聲。輕則七日傾盆雨，霧炁遮天七日霖。日將晚雨旗脚現，不然水炁過天津。定主未申風雨至，滿空霹靂更誅精。

雲如鷓鴣歸大嶺，任是真仙雨也無。更有一般堪笑處，不知玄妙却書符。太陰之宿猛吏神，掌善伐惡定吉凶。更號名爲金虎煞，祈晴禱雨最通靈。四望無雲日朗朗，忽然雲罩似龍形。定主未申發報應，有雨無雷分重輕。黑雲未密月虹暈，虹號流金大煞神。破廟伐壇誅妖孽，春宵風雨當時傾。秋則未申當報應，夏冬定主有淋淫。月躔尾宿如龍現，疾病灾危驟雨傾。狂風折樹飛沙石，迅雷伐惡并誅人。月圍星度天主旱，春冬戌亥加子丑。出則寒凝并雪凍，雨雷電雹及嚴霜。疾病蟲蝗人受苦，東西南北細推詳。月躔畢宿多風雨，月黑兮爲天一精。春正三四多龍現，定主六七風雨頻。日月昏暗多風雨，月圍箕畢作狂風。未申風雨震霹靂，伐壇破石馬牛人。月生霧炁如龍現，子丑見時丑日霖。不然寅卯成湖海，未申戌亥伐妖精。火雷之神北斗君，掌握樞機定吉凶。主管人民中統攝，號曰陰陽大煞神。陰陽大煞不堪說，掌善伐惡不留停。

忽然興雲貫斗內，戌亥未申風雨興。古木惡廟遭霹靂，羊人牛馬受天刑。黑雲炁貫廉貞雨，三日之間雷劈人。白雲貫貪并巨曜，大風無雨赤天晴。黑雲炁貫祿存星，來日未申風雨驚。雷聲風雨震天地，伐廟誅邪除惡鬼。天威神煞更誅人，雲似黑龜冲破軍。破軍使見未申風，雨興七日不能晴。七日之間成湖海，雷誅人畜石山精。赤炁來朝貫斗中，輕則未申風雨興。重則雷霆施號令，追精伐崇逞天刑。白炁如飛冲北斗，堪看雷雨定誅人。二十四炁皆如此，七十二候細推明。雲炁雜興風雨作，黑雲貫斗亦爲霖。白雲如霧來冲射，未申風雨返雷霆。明月清風無點翳，四岸無雲射斗星。陰陽不動殺不現，便是符靈也不靈。南辰北斗推詳細，尺寸高低分野分。深辨吉凶星煞處，定知方所莫差論。五星若有清光色，禿帚長拖十所旬。畢勢炎炎攘不得，灾厄蟲蝗人受迍。冬至前三并後四，若也雷鳴并雪霖。此處雷鳴此不吉，東西南北一般論。

火星一宿出南方，萬物生涯總枯瘁。此處星紅此處旱，紅暈光射定吉凶。火星箕畢多風雨，餘者躔之主旱侵。六甲風雲頻著眼，知斯消息自心明。早晚中秋勤著看，天上無星旱數侵。石潤水流天欲雨，炎炁蒸薰近雨淋。水炁升而魚躍淵，螻蟻封穴雨時行。蜈蚣晝現路上走，來朝風雨未申轟。虹霓西見當日雨，未申誅伐樹妖精。若還東見高低看，有雲無雨旱魃精。地炁升天三日雨，天炁下降四時淋。地不至天天不雨，天不至地旱將侵。夏見則秋無雨至，春見六七雨淋淫。夏月北方天作雨，秋月南方雨後淋。冬月南風天有雪，久雨西風又放晴。是章者，乃元始玉書，非凡俗之祕典。得知者，乃道根深重，夙有因緣。傳仁傳義，傳德傳仙，雷霆誓重，不可輕傳。運雷霆於掌上，呼風雨於目前。代天宣化。濟物利人，永爲身寶，戒慎之焉。

雨暘氣候親機

(王育成點校)

021 元始洞真慈善孝子 報恩成道經

經名：元始洞真慈善孝子報恩成道經。撰人不詳，約出於唐初。係隋唐孝道派經書。現存兩種文本：一、《元始洞真慈善孝子報恩成道經》，收入《正統道藏》洞真部本文類。二、《洞玄靈寶八仙王教誡經》，收入《正統道藏》太平部。今以前件為底本，後件為參校本。

道言：左右中真結形之始，分於元始无上大道應化之氣，孕靈瓊胎，九萬大劫，幽閑寥寂。九萬劫後，法當應世，結形理氣，出於瓊胎。出胎之時，九天雷震，九地開裂。舉步之初，登天寶華，身出金光，猶如初日。二晨挾照，晶彩朗耀，眸有斗心，星前日象^①。

綠髮駢齒，紫氣連霄。所在之處，七素之雲，晨夕蔭蓋，隱龍負蓮^②。以為牀座。天燈天燭，照明雲路，天樂天梵，萬音齊鼓。龍鳳撫節，謠歌太平。邕邕和雅，非可名目^③。甘泉甘井，飲之愈疾，形如金玉，无有衰老。无為和化，經九萬劫。

爾時三真化作嬰童，託附真母，已^④漸長大，隨世成立。无上大道元始天尊，授此三真號曰至孝真王。治化中國，傍攝四夷，有生之類，咸來受事，教其慈孝，敬天順地，守一寶形，憐憫萬物。三千三^⑤百年後，又更改新，所謂淘汰滓穢，水火冶鍊。是時三真孝王，一治日中，二治月中，三治斗中。上持三晨，晶曜幽夜，玄治三氣，冥適空有。應變倏忽，不待呼召，如形出影。不由憶想。雖處上界，道適下土。无上无下，无边无际。隨方設教，拔^⑥諸異類。與其同好，心无疑悞。孝心高遠，神力无比，迴天轉地，制御陰陽。賒促運度，驅役千靈，感動祥瑞，无翼而飛。瞬息九萬，屈伸之頃，已周萬

天，皆由至孝。慈順二親，憐愍一切，動植之類。孝道慈悲，好生惡殺。食肉飲酒，非孝道也。男女穢慢，非孝道也。胎產屍敗，非孝道也。毀傷流血，非孝道也。偷劫竊盜，非孝道也。好習不善，講論惡事，非孝道也。樂處穢賤，内外流汗。心形疏懶，不修生道。信心不篤，輕浮彼好^⑦，隨事放逐，守一不專，心氣離散，生老病死，種種煩惱。死入地獄，窮劫受苦，永无出期，无善因緣^⑧，失吾孝道，得種種苦。下世男女，修吾孝道，與道同德。既同德已，與道同光，既同光已，與道同真。既同真已，與道同身。既同身已，與道同神。既同神已，與道同變。既同變已，與道同壽。既同壽已，與道同有。既同有已，與道同无。既同无已，无處不无。无處不无，亦无處不有。无處不有，寂寥虚豁。无處不无，隨心應變。^⑨或為帝王，或為忠臣，或為賢人，或為孝子，或為道士，或為國師，或棲寒林，清齋苦行，誦經念道，立功立德。或為良將，不戰而勝。或積穀帛，濟惠飢

寒。或作明師，除諸疾疫，種種利益，一切生有。或下^①燈燭，照明積夜。或促萬劫，以爲一劫。或延一劫，以爲百劫。或一毫端，而勝大地。或一毛孔，盛九大河，及以四海，不撓物性，不覺不知。或引十方世界，勝一針鋒，來對目前。有生之類，皆見三真光氣法身，種種說法，各得悟解。奉吾孝道，能入不可思議處，能爲不可思議事。失吾孝道，救苦不暇，生死相續，不可思議。奉吾孝道，得无畏果。第一離生死怖畏，得不生死果^①。第二離暗障怖畏，得光明果，晝明神光，夜照天燈，久則身光，无晝无夜。第三離飢寒怖畏，得天厨天衣果。第四離衆試怖畏，一切魔王，及諸猛獸，皆來受事，而爲侍衛。第五離有形怖畏，得入无形果。入无形果者，非滅非生，而无形相^②。即此凡身，得成道身，身同光氣，昇入无形，同於虚空，是故謂之得无形果。高下自任，聚散隨心，有无在意，不待身心而所爲也。孝治天下，不勞法令。孝治其身，志性堅正。孝治百病，天爲醫

之。孝治萬物，衆毒不害。孝治山川，草木不枯。孝營生業，田蠶萬倍。孝至於天，風雨以時。孝至於地，萬類安靜，神芝靈術，處處呈瑞。孝至禽獸，龍麟鸞鳳，翔集境內。孝至淵澤，河侯獻珠，魚龍踴躍，靜息波浪。但孝二親，元元大恩。天地萬靈，晨夕侍衛。行道守一，自然得道。孝道至大，與无並生，治於三光，照曜幽夜，有生之類，侍賴无窮。

爾時，靈童稽首，敢問天尊：下世世人^③，多有不幸，早喪二親，孝心何申？於是天尊答曰：敬天順地，朝禮三光，如孝父母，無有異也。成道益速，所願從心。又順地者，順於王氣。朝禮五嶽大小便利。不忤太歲，順於四時。修日新道，期於八節。請生謝罪，內外芳潔。披心露膽，心香自熏，洗滌荒穢，精而復精，猶嫌不精，真而彌真，猶嫌不真，不真爲真，求吾真道。邪魅應之，卒至退敗。生入邪道，魂魄被熱，顛狂惑亂，自製一法，敗黷道要，以求利用。賊滿罪積，生身被考，種種

苦惱，死入地獄，遍遭湯炭，永无出期。縱得出世，生墮六畜，不如意中。或生下賤，盲聾瘖瘂，手足不具，永不見道，永不聞法，爲諸人畜之所擯役。^④飢寒困苦，性命危脆。一失大道，長淪惡趣，不可思議。

道言：有德之人，孝心高遠，道合天地，故天不能殺，道不可滅，故地不能埋。如理瓊霜，終成金寶^⑤，不可毀壞。上天入地，无所滯礙。往昔有人，不識大道，貪生畏死，晨夕正念，朝禮枯樹，以求不死，積四十年。大道愍之，勤苦不懈，救^⑥其道氣，如是枯樹，一旦榮華，此人歡喜，彌加精進，採服其華，身遂得道。修道之士，取於不懈。積功累德，心行日新。神燈神香，神光神通，是道之信。其志^⑦不已，道來降之，教其真要，定不虚也。

道言：下世邪俗，睹道幽驗，因以求用。規他施財，入己私費。爲邪所中，終不得道。慳貪不捨，失慈悲道，无孝順心。爲利奉道，益其詐僞。詐僞之罪，天地不赦。學道之士，莫與共

處。應須訶責，舉其過咎。擯出治罪，勿許詐悔。更次道流，收其贓賄，以給貧病，不得穢財，以營神功。

道言：孝治堂宇，粧嚴精舍，无令穿敗。流俗士女，卑賤熏臭，瘡疣垢穢，酒色喪產，食啖魚肉，茹葷辛者，永絕彼往，勿相親近，勿履齋厨。

道言：復有十惡，五逆不孝，陰賊誹謗，毀訾破敗善道。嫉妬傲慢，貪淫嗜酒，好啖魚肉，田獵捕殺，偷盜劫賊，遵奉邪道，心无慈孝，志不平等，捨貧親富，喜好嘲調，情愛戰鬪，習蓄器仗，无忍辱心，利己傷物，孝道所忌，人畜所畏，不合聞道。應須遠避，勿相親近。

無上大道說此教戒，爲下世明王孝治天下，爲諸孝子報父母恩。軌則家國，使天下太平，八表歸一。咸遵至孝，有得之者，晨夕誦持，不揀男女，无論貴賤，皆令習誦，以答二親元元大恩。說此經時，天現神燈，處處明朗。天鐘天磬，天歌^⑮天樂，空中自鼓。天香天華，隨風流轉。家國人人，供養是

經，思其義趣，奉行其事，傍勸木聞。有用之者，應精紙筆，疏潔澡沐，焚香抄寫，百卷千卷，流通供養，香燈不絕，心无懈倦，必得成道，不可思議。

元始洞真慈善孝子報恩成道經

① 晶彩朗耀，眸有斗心，星前日象：《八仙王教誡經》作「晶彩曜眸，背有闕星，心前日像」。於義爲長。

② 負蓮：《八仙王教誡經》作「圓蓮」。

③ 非可名目：《八仙王經》作「晃曜耳目」。

④ 已：原作「以」，據《八仙王經》改。

⑤ 「三」字據《八仙王經》補。

⑥ 拔：原作「友」，據《八仙王經》改。

⑦ 彼好：《八仙王經》作「頗好」。

⑧ 无善因緣：《八仙王經》作「原乎因緣」。

⑨ 既同无已，无處不无；无處不无，亦无處不有。无處不有，寂寥虚豁；无處不无，隨心應變：按以上八句，《八仙王經》作「既同无已，无處不無；无處不有，亦无處不有；无處不无，寂寥虚豁；无處不有，隨心應變」。

⑩ 下：原作「不」，據《八仙王經》改。

⑪ 不生死果：《八仙王經》作「不生不死果」。

⑫ 非滅非生，而无形相：《八仙王經》作「非滅生而无形耶」。

⑬ 下世世人：《八仙王經》作「下世生人」。

⑭ 擯役：《八仙王經》作「擯觸」。

⑮ 金寶：《八仙王經》作「舍利」。

⑯ 救：原作「求」，據《八仙王經》改。
⑰ 其志：《八仙王經》作「建志」。
⑱ 天歌：《八仙王經》作「天梵」。

(王育成點校)

022 洞玄靈寶八仙王教 誡經

經名：洞玄靈寶八仙王教誡經。
撰人不詳。二經同卷。底本出處：《正統道藏》太平部。參見《慈善孝子報恩成道經》

道言：左右中真結形之始，分於元始无上大道應化之氣，孕靈瓊胎，九萬大劫，幽閑寥寂。九萬劫後，法當應世結形理炁，出於瓊胎。出胎之時，九天雷震，九地開裂。舉步之初登天寶，花身出金光，猶如初日二晨映照，晶彩曜眸，背有斗星，心前日像，綠髮駢齒，紫氣連霄。所在之處，七素之雲晨夕蔭蓋，隱龍圓蓮以爲牀座。天燈天燭，照明雲路，天樂天梵萬音齊鼓。龍鳳撫節，謠歌太平，邕邕和雅，晃曜耳目。甘泉甘井，飲之愈疾，形如金玉，无有

衰老，无爲和化，經九萬劫。

爾時，三真化作嬰童，託附真母，已漸長大，隨世成立。无上大道元始天尊，授此三真號曰至孝真王。治化中國，傍攝四夷，有生之類，咸來受事，教其慈孝，敬天順地，守一寶形，憐愍萬物。三千三百年後，又更改新，所謂淘汰滓穢，水火冶鍊。是時三真孝王，一治日中，二治月中，三治斗中。上持三辰，晶曜幽夜，玄治三氣，冥適空有。應變倏忽，不待呼召。如形出影，不由憶想。雖處上界，道適下土，無上無下，無邊無際。隨方設教，拔諸異類，與其同好，心無疑悞。孝心高遠，神力無比，回天轉地，制御陰陽。賒促運度，驅役千靈，感動祥瑞，無翼而飛。瞬息九萬，屈伸之頃，已周萬天，皆由至孝。慈順二親。憐愍一切種植之類。孝道慈悲，好生惡殺，食肉飲酒，非孝道也。男女穢慢，非孝道也，胎產尸敗，非孝道也。毀傷流血，非孝道也。偷劫竊盜，非孝道也。好習不善，講論惡事，非孝道也。樂處穢賤，內外

流汗。心形疏懶，不修生道。信心不篤，輕浮頗好。隨事放逐，守一不慧。心氣離散，生老病死，種種煩惱。死入地獄，窮劫受苦，永無出期。原乎因緣，失吾孝道，得種種苦。下世男女，修吾孝道，與道同德。既同德已，與道同光。既同光已，與道同真。既同真已，與道同身。既同身已，與道同神。既同神已，與道同變。既同變已，與道同壽。既同壽已，與道同有。既同有已，與道同无。既同无已，无處不无。无處不有，亦无處不有。无處不无，寂寥虛豁。无處不有，隨心應變。或爲帝王，或爲忠臣，或爲賢人，或爲孝子，或爲道士，或爲國師，或棲寒林，清齋苦行，誦經念道，建功立德。或爲良將，不戰而勝。或積穀帛，濟惠饑寒。或作明師，決諸疾疫種種，利益一切有生。或下燈燭，照明積夜。或促萬劫，以爲一劫。或延一劫，以爲百劫。或一毫端，而昇大地。或一毛孔，盛九大河，及已四海，不撓物性，不覺不知。或引十方，世界昇一，針鋒來對。目前

有生之類，皆見三真光氣法身，種種說法，各得悟解，奉吾孝道。能入不思議處，能爲不思議事，失吾孝道。救苦不暇，生死相續，不可思議。奉吾孝道，得无畏果。第一離生死怖畏，得不生不死果。第二離暗障怖畏，得光明果，晝明神光，夜照天燈，久則身光，光无晝夜。第三離飢寒怖畏，得天厨天衣果。第四離衆試怖畏，一切魔王，及諸猛獸，皆來受事而爲侍衛。第五離有形怖畏，得入无形果。入无形果者，非滅生而无形耶。即此凡身，得成道身，身同光氣，昇入无形，同於虚空，故謂之得无形果。高下自任，聚散隨心，有无在意，不待身心而所爲也。孝治天下，不勞法令。孝治其身，志性堅正。孝治百病，天爲醫之。孝治萬物，衆毒不害。孝治山川，草木不枯。孝營生業，田蠶萬倍。孝至於天，風雨以時。孝至於地，萬類安靜。神芝靈木，處處呈瑞。孝至禽獸，龍麟鸞鳳，翔集境内。孝至淵澤，河侯獻珠，魚龍涌躍，静息波浪。但孝二親，元元大恩。

天地萬靈，晨夕侍衛。行道守一，自然得道。孝道至大，與元並生，治於三光，照耀幽夜，有生之類，恃賴无窮。

爾時靈童稽首，敢問天尊：下世生人又有不幸早喪二親孝心何申？答曰：敬天順地，朝禮三光，如孝父母，无有異也。成道益速，所願從心。又順地者，順於王氣，朝禮五嶽，大小便利。不忤太歲，順於四時，修日新道，期於八節，請生謝罪，内外芳潔，披心露膽，誠香自熏，洗滌流穢，精而復精，猶嫌不精。真而彌真，猶嫌不真。不真爲真，求吾真道，邪魅應之，卒至退敗。生入邪道，魂魄被執，癡狂惑亂，自製一法，敗賣道要，以求利用。賊滿罪積，生身被考，種種苦惱，死入地獄，遍遭湯炭，永无出期。縱得出世，生墮六畜，不如意中。或生下賤，盲聾瘖瘂，手足不具。永不見道，永不聞法，爲諸人畜之所擯觸。飢寒困苦，性命危脆。一失大道，長淪惡趣，不可思議。

道言：有德之人，孝心高遠，道合

天地，故天不能殺，道不可滅。故地不能埋，如埋瓊霜，終成舍利，不可毀壞。上天入地，无所滯礙。往昔有人不識大道，貪生畏死，晨夕正念，朝禮枯樹，以求不死，積四十年。大道愍之勤苦不懈，救其道氣。如是枯樹，一旦榮華，此人歡喜，彌加精進，採服其華，身遂得道。修道之士，取於不懈，積功累德，心行日新。神燈神香，神光神通，是道之信。建志不已，道來降之，教其真要，定不虚也。

道言：下世邪俗，睹道幽驗，因以求用。規他施財，入己私費。爲邪所中，終不得道。慳貪不捨，失慈悲道，无孝順心，爲利奉道，益其詐僞。詐僞之罪，天地不赦。學道之士，莫與共處，應須訶責，舉其過咎，擯出治罪，勿許詐悔，更次道流，收其贓賄，以給貧病，不得穢財，以營神功。

道言：孝治堂宇，裝嚴精舍，无令穿敗。流俗士女，卑賤熏臭，瘡疣垢穢，酒色喪產，食啖魚肉，茹葷辛者，永絕攸往，勿相親近，勿理齋厨。

道言：後有十惡，五逆不孝，陰賊誹謗，毀訾破敗善道，嫉妬驕慢，貪婬嗜酒，好啖魚肉，田獵捕殺，偷盜劫賊，遵奉邪道，心无慈孝，志不平等，捨貧親富，喜好嘲調，情愛戰鬥，習畜器仗，无忍辱心，利己傷物。孝道所忌，人畜所畏，不合聞道，應須遠避，勿相親近。

无上大道說此教誡，爲下世明王孝治天下，爲諸孝子報父母恩。軌則家國，使天下太平，八表歸一，咸遵至孝，有得之者，晨夕誦持，不簡男女，無論貴賤，皆令尋誦，以答二親元元大恩。說此經時，天現神燈，處處明朗。天鍾天磬，天梵天樂，空中自鼓。天香天花，隨風流轉。家國人人，供養是經。思其義趣，奉行其事，傍勸未聞。有用之者，應精紙筆，疏潔沐浴，爇香抄寫，千卷百卷，流通供養，香燈不絕，心无懈倦，必得成道，不可思議。

洞玄靈寶八仙王教誡經

（王育成點校）

023 洞玄靈寶道要經

經名：洞玄靈寶道要經。撰人不詳，約出於隋唐之際。原係孝道派經書《慈善孝子報恩成道經》中一篇，後分出單行。底本出處：《正統道藏》洞玄部本文類。參校本：敦煌P.582《慈善孝子報恩成道經·道要品》抄本。

道言：大道幽虛。寂寥無名。孝出於無乘无^①受生。生形法孝，無名曰道。處於無上，玄應無下。名行高遠，利益弘大，神通無礙，不終不始，故名孝道。有形之類，非道不生，非孝不成。故大道生元氣，元氣生太極，太極生天地，天地生萬物。萬物之類，人居其長。萬靈之中，大道最尊。仁孝尊道，故名孝道。道為萬物父，亦名萬物母。又曰：道生一，一生二，二生三，

三生萬物^②。萬物得道則昌，失道則亡。精微柔弱，忍辱慈孝。進修中道，心無懈倦^③。以孝自牧，上報元恩。玄^④父玄^⑤母，二親大恩。二親大恩，故名行孝，行孝道也。心出於虛，道入於無。虛無相感，不動而應。應則道成，成孝道也。故虛心以待物，物亦虛心以待之。彼此相待，然後神交。先通其神，後通其身。身神俱通，則孝道成矣。出有入無，分形百億，無所不宅。在天為天靈，在地為地祇。天靈地祇，二景之根精也。晨夕輪照，養育含生。在東主九夷，在南主八蠻，在西主六戎，在北主五狄，在中主三秦。雖邊邦雜類之種，水陸行藏之族，悉皆賴道而得受生。母以慈養，子以孝生。生成之日，定有反哺。蟲鳥之心，猶知報恩。五逆之人，不如禽獸。不行孝道，背叛元恩，是名凶人，非君子也。不名道士，是真罪鬼。凡百人倫，不行孝道，見善不從，聞道不信。道猶慈恩，元元不捨。方便示現，種種神變，與其幽驗。不能用之，是名蠹^⑥尸。蠹敗之

尸，亦如妬媿^⑦。守尸之精，住其身中。爾時，高明真王而作頌曰：勿言孝不真，勿言道不神。行孝光天下，明然^⑧照爾心。心迷暗不悟，躊躇失生路。吉會考勳名，無功終不度。天堂寂不歡，地獄多寒沍^⑨。語汝儀堂^⑩子，勤建仙真步。莫學蠹死羣。灰身螻蟻聚。一墮浮遊鬼，萬劫忘生路。湯炭罪未窮。茫茫守丘墓。爾時真王作此頌已。俛而彈指，聲聞十八湯炭地獄、六宮罪門。又作苦頌曰：天堂永不閉，地獄未曾開。受苦無休息，罪鬼合羣來。渴則飲鑊湯，飢則食熱灰。由何失孝道，財色受殃媒。強壯不行道，臨終始欲迴。聞孝翻譏笑，湯火長悲哀。於是真王^⑪作此頌已。放^⑫心孝光，洞朗天下，光變成燈，照耀十八大地積夜之獄。真王慈氣，化成仙雲五色^⑬，徧覆十方無極世界。是諸罪鬼，一時放赦。洗沐玄津，升於鳳階。禮悔首過，歡喜慶泰，而作歌曰：

六宮除罪目，九幽無對魂。天燈朗暗室，稽首禮玄門。三官不受事，長歸帝一尊。

爾時罪鬼作此歌已。未得受生，復歸丘墓。夕夕通夢，語其子孫曰：欲得存亡如願，急然九幽神香，建立精舍，盛施牀座。精心行道，慈救萬物。香燈願念，報二親恩，報大道恩，轉誦經教，助國扶命。救濟孤危，療治疾疫。守一立功，勸人作善。是時，凡人感通此夢，睡中驚悟。各見庭中，天燈照明，光芒射心，皆悉冥悟。行孝奉道，一十八年，得六通果。是其先亡，南宮受化，皆生福地，見道聞法，並登仙位。

道言：道德弘大，孝攝幽明。罪鬼蒙赦而行道，子孫冥悟而行孝。奉吾道者，先當行孝，而後行道，故名孝道。往昔有人先行道而後行孝。道無生滅，人有始終。行道道行未成，欲孝而親不待。為不待故，則有伏哀之慟。傷和損氣，不名益易。年過四十，衰相表現。守一遂廢，心喪不終。

及年六十，伏尸塚間。積經三年，形神不散。靈禽翼覆，猛獸衛護。以七月七日立秋之節，太一天尊，俯而愍之。後至秋分，遣一仙使，齎持瓊丹，下而救之。入口便活，猶如睡覺。西宮八王，給其鸞輪。上升天府，號曰孝仙。于今壽九萬大劫，形如金玉，氣色似雲。出死入生，長存無窮。孝仙初始，備嬰塗炭，風霜不改，飢惱無變。道貴丹成，高尚其志。懷貞抱節，然後獲果。坐命雲車，飛浮上界。于今行孝，憶想二親，元元大恩，使我成道，不可思議。往昔劫中有二人，先行至孝。二親俱壽一百三十七歲，子年已登一百五歲。善明方藥，常餌丹光。父母并子，筋力不衰，於是孝子被服綵衣。又善音樂，一日二時，歌舞作樂。是時，父母一旦終亡，如人睡卧。身不痛惱，心志不亂。孝子結塋，舉殯二親。鳥獸雲集，助其銜土。積經三年墳高百尺。於是，孝子結廬九載，行孝修道。天下神燭，以明其心。香官墳嬰，以為道信。天地父母，感其精志，

賜其交梨，升入西宮，錫號金光孝子明玉真童。老而成道，于今反嬰。雖得道真，不忘孝道。況於凡夫，忘恩背義，仁德不行，與尸何別？反逆天地，耽淫嗜酒。貪財無義，利己害物。生啖魚肉，膏血滂口。通體膾腥，信用邪魅。或為利出家，詐云奉道。毀損功德，竊取法財。貿易酒色，不知厭足。臨死求哀，罪目已定，生神不居。志意悶亂，氣冷色變。徒有悔心，道不原赦。魂魄離散，處處受苦。肉食螻蟻，骨肉和土。五內糜爛，無復人形。語汝來生，欲奉孝道。勤誦經誡，諦觀身心，斷諸貪著。既斷貪著，即無煩惱。煩惱因緣，因貪慾生。若斷貪慾，生死攀緣。永絕無餘，身心快樂。道心弘廣，七祖介福，何但一身而成道耶？孝道神力，譬如天地。天地所生，無種所有。唯有二親，不可假作。應當行孝，以報大恩。應當修道，齋戒拔度，燒香然燈，以濟苦厄。七祖在難，希望子姪，請道神力，冀得解脫。如人囚禁，枷鎖繫縛，望逢恩赦，蕩除罪咎，

快樂自在，心無憂慮。冥陽罪目，大同小異。有罪逢赦，不如無罪。有罪雖免，其目猶在。既失一行，終身無信^④。故生不可失，道不可忘。忘道失生，是名罪鬼，不名人也。忘道失生，隨境而舍。展轉無窮。如汎大海。不識邊際，思歸舊島。風浪所漂，永失來路。失^⑤生道者，亦復如是。及其強健難事已辦。何不行孝，修無上道，永斷生死煩惱因緣。

道言：聞吾道者為賢人，行吾道者為真人。爾時仙王，而作頌曰：欲知孝道隆，滿堂皆女僮^⑥。窈窕西宮室，承運補王公。此時吾道行，天燈處處明。神香迴朗識，山野慶雲生。敵國罷鬪戰，四海不交兵。能修孝道誠^⑦，斯須見太平^⑧。

道言：道不修人，人須修道。道本自然，不修人道^⑨。人非自然，故應精進。修自然道，三萬六千道要，要以孝道為宗。未有不慈不孝，反逆父母、殺害君主，而得成道。不忠不孝，名十惡人。生犯王法，死入地獄。生死受

考，無有出期。得餓鬼道。

道言：至孝修道，修孝道也。道在至孝，不孝非道也。何以故？孝能慈悲，孝能忍辱，孝能精進，孝能勤苦，孝能堅正，孝能降伏一切魔事。財色酒肉，名聞榮位。傾奪爭競，交兵殺害。至孝之士，泯然無心。守一不動，一切魔事自然消伏。孝堅金關，閉捷死道，是諸魔奸津梁斷絕。內外寂靜，專行孝道。內無交兵，外無伏賊。孝道無形，不可取相。孝道弘大，不可捨相。取捨無相，真應動用，如無盡藏。無盡藏故無取無捨，有取有捨則有窮有怠。窮則非道，怠則非孝。不窮不怠，是名孝道。孝如嘘吸，氣不可停。停氣則身^⑩滅，停孝則道敗。喘息繼念，行住憶想，故念念在心，不可放捨。放捨則道敗，故不可捨也。

道言：來生男女，欲求孝道。莫為利求，莫為色求。利生癡貪，癡貪非道。色生嫉妬，一切苦緣，因色滋長。嫉妬非德，苦緣非道。色心求道，道不可得。道非祭祀，不可以酒肉。求道

本清潔，不可以穢慢。求孝道無心，不可以智慧。求大道無形，不可以色相求。夫求道者，應以無得心求。亦不前心求，亦不後心求。應以不起不滅心求，應以祕密心求，應以廣大心求，應以質直心求，應以忍辱精進心求，應以寂靜柔弱心求，應以慈悲至孝心求。略舉道要，以類推之，久自明矣。

爾時，真王為諸來生略說道要，流通供養。有得之者，晨夕誦念，精修其事，心^⑪得成道，不可思議。

洞玄靈寶道要經

- ① 无：原作「元」，依敦煌本改。
- ② 敦煌本无「又曰」至「萬物」十五字。
- ③ 倦：敦煌本作「倦」。
- ④ 玄：敦煌本作「元」。
- ⑤ 玄：敦煌本作「元」。
- ⑥ 蠶：敦煌本作「靈」。
- ⑦ 如妬媿：敦煌本作「有妒魅」。
- ⑧ 然：敦煌本作「靈」。
- ⑨ 寒沍：敦煌本作「號呼」。
- ⑩ 儀堂：敦煌本作「善男」。
- ⑪ 於是真王：敦煌本作「是時六門」。

- ⑫放：敦煌本在「放」字前有「於是真王」四字。
⑬五色：敦煌本作「七色五色」。
⑭室：敦煌本作識。
⑮然：敦煌本作「傳」。
⑯悟：敦煌本作「寤」。
⑰而：敦煌本作「孝」。
⑱待：敦煌本作「守」。
⑲爲不待故，則有伏哀之慟：敦煌本作「是故則有伏哀」。
⑳益：敦煌本作「變」。
㉑尸：敦煌本作「死」。
㉒塗：敦煌本作「荼」。
㉓成：敦煌本作「誠」。
㉔中有：敦煌本作「時中州」。
㉕墳嬰：敦煌本作「獻嬰」。
㉖交：敦煌本作「文」。
㉗洿：敦煌本作「污」。
㉘信：原作「言」，依敦煌本本改。
㉙失：原作「央」，依敦煌本本改。
㉚女僮：敦煌本作「玉童」。
㉛誠：敦煌本作「戒」。
㉜太：敦煌本作「泰」。
㉝不修人道：敦煌本作「故不修人」。
㉞身：敦煌本作「死」。
㉟心：敦煌本作「必」。

(王育成點校)

024 太上靈寶淨明法序

經名：太上靈寶淨明法序。撰人不詳。三篇同卷。底本出處：《正統道藏》洞玄部方法類。

淨明法者，乃上清玄都玉京之隱書。昔太陽真君孝道明王，以孝道著明，照臨下土，成無上道。於是，上清上帝降於扶桑洞神之堂，召明王，而說法證之，以爲最上弟子，號靈寶大真人玉清詔命使，以救度于時。故真人發大誓願，願居東極，用救羣品，是謂靈寶救苦天尊，乃赤明元年八月十五日也。謂之淨明，淨明者，無幽不燭，纖塵不汙，愚智皆仰之，爲開度之門，昇真之路，以孝悌爲之準式，修鍊爲之方術，行持之秘要。積累相資，磨礪智慧，而後道炁堅完，神人伏役，一瞬息間，可達玄理。余昔慕道風，徧求師

旨，心存目識，志切意堅。自受法具君，後學謀姆，功行已就。復遇上聖，傳以此書，其術乃成。至於蒙恩超舉，神妙之跡，不可具言。得吾書者，慎無自棄，皆十世積累，將有飛昇之漸。吾嘗著其末，淺作《道經》三十五篇，行于人世，得者猶鮮。況此樞機，皆上聖秘錄，行之詎可忽乎。謹序。

（王育成點校）

025 太上靈寶淨明入道品

經名：太上靈寶淨明入道品。
撰人不詳。三篇同卷。底本出處：《正統道藏》洞玄部方法類。

太上靈寶淨明秘院，在太上帝清玄都玉京山之西，乃道君修法之院，兼三景之法而統之，以和天地，以奉君親，以役鬼神，以度人物，以逐邪魔。自號太上靈寶法錄忠孝弟子，主淨明秘院同管法事。有遼職遙勳，即於此下稱之。當至心行持，一孝悌，二鍊形，三救度。逐日燒香朝禮，禮拜諸天，爲國王父母資崇福壽。次爲一切有情，方乃依次呼召神明，有事委問之，無事即遣其速歸。局分心中，常務正直孝友，不得邪淫諂曲、輕道慢法。如欲降未來之愆，即當置一小冊，日錄所爲。其有欺心，自不可形於紙者是

也。凡有似此，即速改之，則法術自靈；如或違之，則灾咎立至。但能依此，則遙勳正授，超舉凡塵。天書秘法，忽然而至，問弟子能行否？

凡得淨明法者，當自畏懼，逐日恭敬君上，孝悌六親，克苦修行，勤誠濟拔，心中常如負人不可報之恩，思有必可報之意，則怡聲下氣，無恚無怒，正得淨明之體。坐卧處，常置一鑑、一盂水，則自知吾立法之意。

凡得淨明法者，皆上帝記錄，委任不輕，罪消北府，記名南宮，吏十二在前，吏十二在後，無論汙潔，行止必隨。今人出入，有左右使令，尚不敢輕爲淫僻。況此天神，名在仙錄，護衛於子，子可忽諸？

凡得淨明法者，金骨玉肉，已與神通。手判幽陰，言接靈妙。若懷淫僻，則正如以金玉棄之土壤，慎無搖蕩，損動炁血。炁血堅完，則妖邪不入，自得正真，不致夭折。飛昇超舉，長生之本，在於不貪淫欲，切宜記之。

凡得淨明法者，在世暫以塵劫未

足，不即超昇。如能積行累功，計必離凡入聖。恩生於害，無嫌棄妻子於等閑。害生於恩，莫羨慕妻子，而淪喪閨門之內。以義斷恩，割愛捨情，同歸霄漢。若夫貪求聚物，克意無厭；損物陷人，以遺兒女；勞形竭髓，以悅婦人；則此皆可已。如能化之以道，同學修行，可謂知本。設或不從，則於成道之日，彼亦大蒙福蔭，何必區區眼目之事。

凡得淨明法者，務在濟物。見他人之父，見他人之母，如我父母。矜老恤孤，憐貧憫病，如病危急，若在己身。如此用心，可得吾理，當念之。凡得淨明法者，務在廉平。居官者，無恃富貴。居貧者，莫羞貧賤。天公受分，毫髮無私。我見諸弟子得吾法之後，妄意行持，居多害物，擅自斬伐考戮鬼神，叱咤雲雷，如使奴僕。富貴者，逢召不至。貧賤者，見利即往。或因怒罵，使役鬼神，使之報怨殺讎。曲用天憲，拆破條文，增添字劃，皆吾所甚病也。


凡得淨明法者，雖不昇真，亦能尸解。雖未明中役鬼，亦且暗處伏從。即不得便生憤躁，要在堅切。我諸弟子，多有受法之後，不量己之積累，便即咎怨父師。無寸功，而便欲飛升。神未明達，而便欲堅求玄奧。則又可以爲戒也。

凡得淨明法者，不得妄以付人，且自爲度師。直候見聞，位在陰官，當遇緣合之人，望東燒香，以問於我，我許即傳。即我是度師，汝爲傳教之師。日宮太陽孝道明王，乃祖師也。吳君爲籍師，諶姆爲經師，日直，元君張公，即監度師。如數十弟子成道，則他日昇真，當如我矣。凡得淨明法者，以緣合、忠孝、炁血完實、直諒可受之人而傳之。即不得以貧而不授，富而則傳。違之，罪及三世。

凡得淨明法者，將欲傳度，即具表，奏祖師太陽上帝，依常式醮設三界。證明謝恩，務在量力，不得舉債破費財物，失所吾一時旨喻，不限定儀也。

凡得淨明法者，遇人傳付之時，即表奏之後，於表奏內，保明弟子九代。加昇仙職，便補爲四字仙佐。其夜書符九道，結草人九箇，望天門燒，則此草人化爲九直符。執符以往，不論地獄六道，即此符到處，便得解釋。以此符文，於天樞院請領文字，便是仙官。如有仙職者，後昇階次。書符之時，戴日履斗，口傳心受，望天門書之。

符朱書



書符呪曰

淨明秘典昇入仙官。忠孝之子，福及其親。九世蒙秩，受命升仙。寶籙行處，無不奉以周旋。急急如律令。


然後，方付上件文字，輿之行持。掐子文步斗，想日在頭上。

太上靈寶淨明入道品

(王育成點校)

026 太上靈寶淨明法印式

經名：太上靈寶淨明法印式。
撰人不詳。三篇同卷。底本出處：《正統道藏》洞玄部方法類。



凡得淨明法者，雕印二顆，各二寸四分，一曰太上淨明之印，一曰淨明法主之印。淨明之印，奏牘即用之。法主之印，即遣呼召鬼神等用之。又有職稱者，印雕職印。

太上靈寶淨明法印式

(王育成點校)

027 太上靈寶淨明洞神
上品經

經名：太上靈寶淨明洞神上品
經。撰人不詳。二卷。底本出
處：《正統道藏》太平部。

目錄

卷上

无上始青篇第一
天官列次篇第二
入道真品篇第三
入道修己篇第四
修己奉教篇第五
奉教修真篇第六
昇真識神篇第七
行淺屍假篇第八
列班昇籍篇第九
列班入等篇第十

卷下

成道志學篇第十一
天道祕書篇第十二
靈書上品篇第十三
靈書下品篇第十四
靈書釋梵篇第十五
圖書可入篇第十六
妙有寶圖篇第十七
佩服寶籙篇第十八
天地戶呪篇第十九
召神品篇第二十
三五飛步篇第二十一
朝天見帝篇第二十二
修功成實篇第二十三
褒崇秘格篇第二十四
玉律真機篇第二十五
洞識生前篇第二十六
迴生起死篇第二十七
幽都考形篇第二十八
淨明正印篇第二十九
淨明靈寶符篇第三十
度脫六親篇第三十一
服鍊身形篇第三十二

救治百病篇第三十三
束縛百邪篇第三十四
安鎮呼召篇第三十五

太上靈寶淨明洞神上品經

卷上

无上始青篇第一

太極无上，大羅始青。中有真人，不死不生。天中之尊，是名三清。玉清宮中，元始天尊。上清宮中，靈寶天尊。太清宮中，道德天尊。是爲三景，各有真人。爲之典丞，左右丞相。玉童玉女，典經典吏。掌籍學士，釋文騰籍。法官御史，中丞總領。宇宙主宰之君，是爲玉皇。承三清之命，察紫微之庭。侍衛之官，承受三清。紫微之庭，樞紐百靈。小事專掌，大事申呈。玉皇之官，以定章程。執事之臣，上應三清。外有加貲，一一有名。南北二斗，生殺之君。左有太微，右少微君。玄都主判，天樞紀綱。七十四司，喉舌之官。都錄錄事，糾察善良。名曰會府，尚書五部。太微少微，玄都宰主。是爲三省，是爲六曹。行壇判官，亦如前數。知其名位，可以覺悟。修吾道

者，可應負數。參侍玉宸，三五飛步。

天官列次篇第二

大道統御，森列天官。天官之星，朝迎帝鄉。修吾道者，上達玉皇。名位若此，超俗離常。或以文品，或以武官。左右朝列，金佩珠璫。參玉帝之輿，侍紫微之傍。或以官署，諸天丞相。左日右月之曹屬，二十八宿之掾官。皆名真人，得步流綱。黃白黑道，必識其機。知吾道者，可平步雲飛。何名金公，何名木妻。修真鍊炁，以得玄微。倬倬孝弟，忠義不虧。雖无大藥，亦可以悟。法名列巍巍，或行符呪水給藥度危，是爲下品。皆未若吾，以孝弟而服炁，事雙親，養一身，不尸解，即超真，此孝道服鍊，所以列次於天人。天人非難，人自難之。爲仙之非難，則不危其身，不忤其親，所以善濟於人。不治身，不事親，是曰貧而欲黃金。天官列次，不易書名，不難書名。不難不易，至道之精。若夫朝禮求神，此未易明，而皆出於鍊形。

入道真品篇第三

人之初生，父母遺體。知其所養，知其所貴。知其所事，父母之身，天尊之身。能事父母，天尊降靈。欲拜星辰，友恭弟兄，兄弟之身，諸天真人。凡知此者，可以燒丹篆符，百鬼畏名。不能此者，未可入道以奉三清，夜叉食其肉，魔刹戮其神。雖有丹書萬卷，未可以昇真。符篆萬篋，未可以役鬼神。百魔萬怪，一切妖精，皆笑而欲吞噬之。及其死也，酆都考戮，百斷千刑，刑之又刑。安有魂神，南宮上仙，惡聞其名，掩鼻塞耳，切齒不聽。唯知忠孝，可以學道，道甚易知，不爲難也。悔悟學道，是爲上善。不孝爲孝，可全至孝。至孝非難，過而即改。前日犯親，不敢再犯。今日之後，誓以不犯。如此，則上帝遣真人降於世，授之真訣，修身濟物，積行以爲仙。不悟此，則是无筏而欲濟，永劫輪轉，沈於下鬼者也。

入道修己篇第四

夫道甚夷，未嘗不易。迷於向背，

遂隔流網。爰有入道之序，茲爲棄俗之門。固有父母同升，夫妻同列。憂身行孝，惟以爲忠。本自性根，固於山岳。凡夫搖蕩，遂此顛危。輕於養炁，昧於事親。元炁淪亡，大恩泯絕，又安能事於君上，而自棄於帝衷。所以罪積如江河，冥官考覈者也。凡我赤子，願聽我言。我如欺君，使我雙目盲，兩耳聾，鼻塞口暗，手足不仁，不履帝庭，不上昇雲，億千萬世，艷都考形。但願我赤子，孝順長在心，居家奉父母，在朝忠於君。不爲貪淫行泄散精，與神福來如流泉，派派自然。明日夜念此經，魂炁自然靈。或有骨肉灾病者，自然平。或薦諸魂爽滯魄，脫幽冥。念天尊力，天尊度世人。世人昧生理，五逆存於心，心既存五逆，天尊淚如傾，天尊非棄汝，汝可察我誠。

修己奉教篇第五

糾察三界，五岳三官。日遊神君，十天魔王。總簿罪福，天樞都錄。佐有七人，統七十四負之曹屬，无大不載，無細不遺。三元三會，申呈南北之

司，南北定其輕重，以上紫微。其小者，送于二十八宿、十二宮辰、三十二天，同爲別明。大則玉皇專達，或處斷于三清，如鏡之明，如水之平。修吾道者，持戒而成。既以事親爲骨髓，鍊形爲皮肉，救度如毛髮，功德爲衣服。如有貪財、貪色、陰險、巨毒，推而下之，心貪食肉。他人之財，如君王之粟，汝不可私蓄。他人之妻女，如己之母女，汝不可淫欲。他人之善，汝敬事而不可慘毒。下至百獸，與夫六畜，各念之如子，忍食其肉。是以我願學仙，真童十善具足，全茲五福。生爲陸地仙，死入黃金屋。不食煙火，不食五穀。魂在朱陵，受煉停蓄，履茲玉虛，神仙爲屬。

奉教修真篇第六

學道有基，昇仙有梯。必知祕訣，方達玄微。身乃无所愧，心則无所疑。无爲寂寞，夜冥靜思，五臟神君，一一騰飛。上造天樞，會要之司。過既无有，功亦可知。晝服日精，夜餐月液，魂魄澄鍊，自然有益。飛神三五，上朝

天極，自然名達天魁。南北之君，以子之名，以子之身，引見于宸庭。天門不敢逆，天樞百僚迎。以此上蒙巨福，而後下積元功。書符召雨，叱咤雲風。生則遙授真職，死則正入仙宗。不墜惡道，不係幽司。身爲上天真宰，管勾下界攸司。上光九祖，亦登無倪。下廕九孫，皆有仙資。不受凍餒，自然福隨。無以吾言祕，不使人知。教我赤子，各改是以去非。念誦此經，以上昇真。或爲國王帝主，上消兵戈。或爲父母、兄弟、親屬，預種宿緣。或爲死者，以度尸形。皆得如意，以從爾心。爾心不退，可以學道。學道之子，謹奉吾教。

昇真識神篇第七

學道昇真，乘雲飛昇。天書來降，仙官奉迎。仙官爲誰，諸位真人。雙龍御車，力士捧節。前呵後衛，大力天丁。玉童玉女，執綬執印。銀璫小臣，口傳帝命。於此无悻，於此无驚。自然魂魄，受鍊朱陵。朱陵大將，流金火鈴。入天之界，天有四門。東華之門，

門管之司。中有主宰，日直元君。中有主判，錄事尊神。中有主閻，金剛力士。三位真仙，問子名字，考汝罪犯，第汝功績。不謬不錯，子方可入。錄事二人，引子上昇。南斗北斗，各有真君。錄事既退，真君奉迎。次第奏達，紫微之庭。於此之時，仙道已成。稽首大羅，元始玉清，昊天玉皇，三景天尊。不可以見，唯睹祥雲。玉童傳勅，彷彿可聽。賜汝丹藥，金珮珠纓。汝如得之，禮拜舞抃。自有真仙，教汝朝見。此經真妙，故說其略。心宜存思，慎无乖錯。念念真經，神官賜藥，上受天爵。

行淺屍解篇第八

末學道淺，屍解昇仙，於未死時，必有善緣。塵劫已盡，東岳落籍，西岳落名。社令神君，中有二使，追引魂神。汝於此時，長記汝因，既見冥官。冥關之庭，中有刑獄，可畏可驚。汝无畏懼，直述汝情，道其緣由，无隱實誠。惡簿无姓，善簿有名。中有東極救苦真人，問汝好辭，歡喜而迎，同上玉輿，

輜駟四輪，左右之神，一如昇真。當識其姓，當識其名，送汝神魂，受鍊朱陵。次第階列，逍遙上昇，登天之門，入紫微庭。或有丹藥，或有真經，玉童傳詔，一似飛昇。汝之骸骨，塊然遺形，如蛇蟬之蛻，臭腐而馨。日子曰孫，葬以盡誠，蓋遺恩愛，未易離人，習氣尚爾。時歸一臨，子孫啼哭，不見子形。子於此時，未能忘情，當以塵寰是念，不入幽冥，不受埃塵。割情捨愛，立汝道基。爾子爾孫，或得賴之。仙超蒙廕，亦昇仙梯。仙梯在目，而人不知。

列班升籍篇第九

屍解雲昇，同道異路，皆曰超凡，名書真簿。或有在生遙授，或因死後超注。遙授而不超注者有矣，未有超注而无遙授者也。有在天樞吏職，有在天樞鋪陳。各有入等，出无上始青。中有所載，中有所名。上品以孝，中品鍊形，下品救度，皆出世塵。元綱流演，自然列班。昇籍記名，簡而不繁。左右二司，太妙禁壇。中有近禁，紫微青壇。中有要地，金闕赤壇。三清侍

臣，左右之丞。三十二天，亦有上相。為有寰局，文武之官，文武之勳。大使微使，使名雜使。真人統軍，六職十二。上帝加恩，各有秘字。以少為貴，其言不華。切當爾心，不能疵瑕。雲車雲馬，三清之家。如玉就琢，如金去鑿。可以陶成，器類不就。毀斥者也。諸名上仙，仙位之列。文武有籍，自然分別。太上簡易，不必紙墨。念念真經，心不生惑。魂神既熟，自然有得。

列班入等篇第十

人有先後，上學通真，中學積行，下學著功。或為九宮清職，或作下位吏員。補任以力，名在諸軍。三天河源，六府吏兵。不論強劣，男子女人。念念隨緣，得此勝因。玉童光顯，上等女人。其在下者，亦作女兵。有自然藝，有自然靈。善因學起，學以戒成。初修戒慎，无為力役。習此文藝，積其諸德。在生所學，死後之力。雲路列班，幽冥授職。各遂其長，自然无惑。其上有善，不能而能，不識而識，不知而知，十善之力。是以或虛，淡然自

養，名在散官。上帝符下，委事看詳。或列禁近，或作冗官。或爲玉童，晨極帝房。或爲典者，奔走殿廊。有作力士，甲盾生光。上將軍位，統兵作行。或作將軍主掌，或作卒伍之鄉。八九福地，六六洞天。河海山岳，皆有其名。隨功而受，毫髮无私。天樞典籍，都錄主事，稽考出入，百事不違。

成道志學篇第十一

成道之人，亦當志學。不私不曲，不犯邪欲。有一念之，冥官考戮。天憲神機，本自幽微。堅固其形，无蕩无遺。保其長命，不墮塵世。塵世之人，帝王之身，百僚貴戚，以及農人。凡在下界，亦各有因。隨業以受，或貴或貧，或賤或富，不出于心。諸天之神，亦即世人。世人學道，即爲天神。天神失學，復責世塵。學以不墮，守戒能循。五十萬劫，天蓬尊神。二十四劫，真武將軍。一千萬劫，救苦真人。一十五劫，日直元君。此非化身，世上之人。死而爲神，仙而上昇。天官記姓，地官錄名，水官記功。天樞都府，錄其

官爵。有功无過，經劫不落。三元考第，名在異等。玉皇之命，高其德行。如此大仙，多不可記。略舉一二，以述吾意。凡我後學，志學无替。天中有文，天中有籍。可以興功，可以贖罪。幸有磁基，母或自棄。餓鬼畜生，各非其異類。亦各本人，罪犯而致。地獄天獄，不可輕視。

天道祕書篇第十二

凡學上仙，必知所止。天中隱名，天中隱字。太上三清，空同赤耳。玉皇紫微，致遠仲智。南北二斗，三台所記。子辛子寅，庚戊丁壬，子癸之神。孟叔孟良，仲寶仲卿，季玉季乾，是乃二庭。三台之中，雲育齊景，奉良請乞，四聖神君。太陽太陰，日月尊星，其名眩胸，五行之神。是亦別稱，水星名衍，火星名熒，木星名苗，金星名堅，土星名鎮。重領諸權，二十八宿，三十二天。恭華搖伯，楊瑄倘玄。目局紫臺，阿那洞玄。宣法長駕，職後袞騰。砂劫那醜，回貧陽遭。此其隱名，字載度人。諸宗立鞠，傳統魁輪。喬資美

禁，首善特靈。岳什寶駕，逢慮注延。稗捧德淑，此其經星。五星緯列，有其化身。天樞之主，是謂道陵。該括地象，皆是主首。五岳四瀆，皆有其機。具列靈書，念之消灾，百鬼所畏。沙河人名，不出其紀。

靈書上品篇第十三

但他蘇伽俱知瑟尼勃地鞞弊娑合囉婆迦喃盧雞波那羯唎陀彌底提離瑟勃赦悉多毗地奴抄訶帝野拏盤遮三慕般刺悉泥毗俱茶輸西那曳都翳曇揚岐囉跋囉比計叱陀你利般唎耶憚菟嚙懺囉都嚙虛遮瞻婆那它麼稅稅多罔迦毗刺那槃遮摩地扇遮波刹那囉補稚視多拏虎許嚙雍波瑟悉地騰崩伽梵阿弊跋夜茶余闍夜檐訖埤彌泮吒弊又演吉合曳乾曳乾質閉隸藥又烏什伐羅輸藍質多地栗刺吒瑟質夜那夜波沙提甕莎尼鈿那俱只他嚙呼嗚唵句底那羅刀底刹那雲風居那合蘇嚙那曇迦青那彌嚙合耶青莫嚙牯伴居訶耶悉但賴耆彌唎婆訶

靈書下品篇第十四

軌糜享鈔踳揭毖棘刺飄噉吒赭傳
嘔菟掘舛嬰粹蒿堙呢辦樺詛磔天刳蠢
蠕蛻蝦梟塊胤缺累鑽陷涎復殺濫攪忤
悃鶴鉞搗戮促擁蠅慈餒稍潰士魃愁磔
魘蠱佞誣殫熠樞紐灣夔綴秉岐妓霰禡
驅邪割暴忿坦毳涎靴揖詈誅咄怛吽嘯
密羅婆訶唵戶盧尾引摩怛他刀唎本覘
魁鬼歆呵飄籠稍那謹謹沙那銅蛇蝎那
風輪火車帝居怛訶風火交加梵翳微銷
九梁橫梟揖卮泄誅靴該弦訶詈奸吽嘯
只知那怛唎拏加三炁陀羅帝利蛇闍雲
目帝那吠伽婆帝翳婆伽多只岐囉過毗
只知他翳帝夷帝羅义底南喝喝刹娑雞
利女訶風輪火車

靈書釋梵篇第十五

太上混沌，中有神仙。神仙之中，
諸位大仙。森羅列宿，四象周負。本
在人世，修習真詮。赫然成功，忽爾飛
騰。天帝命官，賜之几筵。上帝賜名，
靈書隱玄。靈書之紀，仙之主司。怛
他蘇伽，是爲其先。念之一篇，解釋惡
緣。聞汝呼召，一時至前。或乃雲衣

彷彿，或即玉佩鏗然。或有道士，或有
官貧。或作力士，或作虎賁。護爾念
經，經義甚玄。玄之又玄，閉目靜思。
三十二天，昇真識神。魂魄既熟，自然
入局。我有寶圖，後有寶錄。有能行
此，自然道足。鍊形之方，修真之術。
救人之藥，教人之福。本乎孝弟，以至
輔翼。天中之光，天中之精。天中之
丹，天中之英。行此而後，汝可得之。
誦之萬遍，身在南宮，名聞上帝。乘風
馭空，翛然往來，或西或東。有諸後
學，願聽而從。

圖書可入篇第十六

諸學仙童，必知凝神。凝神謂何，
變化身形。可以鍊養，自然昇真。昇
真謂何，必乃識神。何以識神，得我寶
圖。元炁之本，流演之綱。昇仙之藥，
昇仙之方。得之云何，何爲之因。何
爲之因，孝弟六親。能孝弟者，可行吾
書。吾書非常，上帝之符。帶符步圖，
忽然乘虛。日月之華，五星之精。合
而爲丹，以養汝形。日月之銳，五星之
鋒。鑄而爲劍，以保汝身。身形既固，

以安性命。復有靈符，可以辟鬼。鬼
邪不侵，道已成矣。用救下民，用超生
死。天中之官，天中之職。天中之衣，
天中之食。耳有仙藥，目有仙花。逍
遙上天，三清之家。中有定官，中有近
臣。天中之尊，天中之神。天中之職，
得而列名。諸學仙童，无敗吾教，謹而
行之，修吾至道。如有善人，學以質
心，盟書黃金，祝於神明，无妄付人。

妙有寶圖篇第十七

何爲寶圖，昇真機關。背南面北，
存作星壇。壇高爲何，九尺有二，日月
左右，一斗前後，華蓋在上，復有朱雀，
白虎青龍，玄武同一，乾坤艮巽，列位
无差。存神馭炁，搯彼卯文，身衣法
服，如所度錄。直詣人門，丁罡而入，
丁罡三步，升一級壇。自壇左行，念吾
神呪，直向地戶。復亦左行，念吾神
呪，直入天門，入天之門，如有仙人。
仙人二人，玉童玉女，侍香傳言，以度
於汝。長跪閉目，若有神人，乘五色
雲，服衣上清，傳玉帝符，呼子之名。
復有一人，執彼瑶爵，瑶爵之中，有玉

霞漿。北斗之中，有一黑炁。南斗之中，有一赤炁。日月之中，有彼紅炁，有彼白炁。華蓋之中，有五色炁。流入杯中，汝能受之，再拜而飲。放訣下壇，右旋而出，出念吾呪，自然有益。庚申甲子，三元三會，勤而行之，則元綱流演之括祕也。

太上靈寶淨明洞神上品經卷上

太上靈寶淨明洞神上品經
卷下

佩服寶籙篇第十八

天尊救世人，佩籙行流綱。昇壇三級後，得復飲霞漿。下壇右轉出，步斗成魁纒。六星覆其頭，迴身入斗口。行行步无色，歷箕旋斗罡。迴度五常訖，悠然之帝鄉。遂見金闕尊，吾已遊十方。去天受天爵，魂魄自然安。欲知吾寶圖，一篇故可見。欲知吾寶籙，寶籙有真訣。取彼玉皇文，望斗書丹砂。每於甲子日，篆之於其家。一日服一道，自然生津華。佩之不可捨，可以成仙家。仙家固非遙，元綱可昇遐。

天地戶呪篇第十九

誰能學仙，學仙有方。仙方非難，在吾寶圖。佩籙行圖，自有神護。前有寶籙，可以吞服。佩之云何，依彼法術。燒香存壇，壇高巍巍。上壇請神，下壇步罡。凡人之魂，必有祕呪。呪之云何，日存地戶。念彼呪曰：

仙道渺莽，元始之家。我欲升壇，清神變慮。願得太上，賜我流霞。流霞之漿，布炁芬芳。我得服之，可以步罡。五藏神君，直日香官。聞吾祕呪，亦各以安。

後入天門，亦有祕呪：

无上大羅，大羅玉清。玉清之宮，度法真人。聞吾祕呪，度我尸形。取彼玉霞，以淨我神。我今步罡，行之帝鄉。行之帝鄉，上謁玉皇。後念祕呪，以下星壇。其呪有在，二篇靈書。靈書之中，百神之名。三十二天，二十五分。主宰之神，皆來奉迎。引子之神，以周以旋。上到金闕，乃无上玄。

召神品篇第二十

淨明之經，諸法之宗。行之有道，役使鬼神。去病除禍，召雨行雲。以出生死，以救萬民。行持寶圖，佩籙行罡。道滿功成，名在帝鄉。何神不從，何鬼不藏。有都元帥，有都使者。有曰外壇，有曰內壇。內外之壇，統三十六將。捉鬼枷鬼，縛鬼考鬼。蓬頭藥叉，牢頭黃頭。有曰火輪，四方威德。

靈官五郎，十二藥叉。有曰遊奕，有曰照捉。有曰急促，有曰追魂。如此之將，各有副將。乾元亨利，圖又郭天。召彼生魂，及彼死魂。迴有雷車，又有雷部。各有天樞之節制，有在天罡之所部。用之之法，各有呼召。各有呼召，聲隨炁至。炁與神交，自然見前。可以役使，天將吏兵。各有負數，夢寢報應，不失時刻。此所謂三五飛步，洞神役使鬼神之要術也。

三五飛步篇第二十一

三五飛步，流綱之總。天英天任，天柱天心。天禽天輔，天衝天內。達于天蓬，是爲七變。上應於天，如彼元綱，亦其至妙。三台六步，出自斗口。七七之數，左環成火，是謂正真。東行九九，以成太陽。八八西行，是謂太陰。右旋復左，左復右行，凡及七反。左行向東，以歷十方。十方之星，二十八宿。每宿丁罡，一十有二。自箕旋斗，旋斗入箕，直望大魁。左旋南向，四十九步。是謂交鋒重犯火星。經於太陰，六六之步，成於水宿。由水東

行，至於太陽之側。左行成木，六十四步。再迴而行，是爲无英。公子犯水，借罡復出月傍。以爲金星，白元尊神。細行而至中，達于斗口。三十五步，成于土。由土總炁，借金之罡。還于水宿，入于木辰。凡望于北，八步八景，以朝天闕。而三五之法，特其要略。推而大之，則其記數不過于三五之數。如是，則可召諸神而使之矣。

朝天見帝篇第二十二

天英八景，皆曰朝天。三清上帝，紫微昊天。叩齒五通，咸在目前。无所不白，无所不言。此所謂之，以步斗朝天。可以治病救禍，可以養真修行，可以全吾至孝，可以役使鬼神。天蓬四聖，諸位真人，莫不奉迎。於此之時，天有靈丹。左得七縛，以爲日君。右得七煞，以爲月君。吞嚙呼吸，是爲真丹。有奇有耦，有陽有陰。陰陽之丹，服之長生。或得長命，尸解成真。或能洞視，細考百靈。天中之訣，天中之經。天中之官，天中之職。各得於身，非必師授，出於天成。天成云何，

朝天之法。可以妙入無上，而自達於始青。於此之時，十天魔王，長生大神，五方真帝，衛護身形。如彼日月，久而愈明。如彼五行，輪轉不停。或得父母昇天，子孫福蔭。實所謂炁，入玄玄者也。

修功成實篇第二十三

孰不欲得仙，學仙於少年。少年事忠孝，積久成善根。復以炁血完，升降在丹田。持符救人病，陰德可超然。修行用吾法，何憂不昇天。吾有淨明經，誦之學忠孝，兼以鍊形質。神明來贊助，遂可治百病。於此興元功，可以致仙域。脫彼煩惱門，入于清明界。乘彼玄鶴雲，自然飛凌空。其欲使鬼神，乃如童僕從。六甲與六丁，此法出其宗。修功但成實，以此相磨礪。自然得吾法，百日見鬼神。何以助上帝，遣以來助汝。汝善能奉道，其或諸妖魔，亦欲朝於汝。蓋由忠孝質，仍以真炁全。有功在群品，位列于仙班。不能行此道，得法必須難。縱然得吾法，此術必不靈。忠孝匪在心，炁血因利

喪。仙道日愈遠，得法如蒸砂。蒸砂以作飯，勞力不可熟。既有火炁熱，熱以不可食。南宮諸上仙，未聞一不孝。行孝以學仙，學仙當易成。

褒崇秘格篇第二十四

上帝列職，諸天之官。天官真職，各有其妙。由其所學，故獎以祕字，合爲佳稱，用成上道。順事二親之謂孝。敬事君主之謂忠。和于兄友之謂弟。睦于親族之謂和。養于性命之謂真。達于教典之謂道。勤於正心之謂德。役使鬼神之謂聖。克於至聖之謂神。明于見聞之謂慧。慧而發揚之謂靈。德行不變之謂定。定而不變之謂應。勤奉道法之謂恭。守於戒律之謂行。德足發揚之謂顯。顯而不渝之謂光。光輝甚盛之謂詰。魂魄受鍊之謂白。役使無私之謂毅。多收靈書之謂會。質而可用之謂文。德行不邪之謂微。兼愛不倦之謂仁。美而可嘉之謂休。有諸善緣之謂果。欽敬不倦之謂肅。凡此之類，或以千千，或以萬萬，具在典籍。諸學道者，勤而行之，則褒崇秘

格，有自而入也。

玉律真機篇第二十五

玉律真要，紫庭鬼青。有自然義，有自然明。勤修正教，大道乃成。昧而顛迷，惡貫自盈。清淨不污之謂潔。戒慎憂懼之謂勤。欲而未得之謂真。欲貪而未得之謂真貪。取不取，盜非盜，淫非淫，逆非逆，順非順。順逆逆順，善惡惡善。悔悟學道，謂之上善。矯情非道，謂之大惡。生非其生，殺非其殺。掩善爲弊，隱惡爲欺。殺欲其生，此其好生。見之欲殺，此名好殺。怨父母者，不可得生，雖生可殺。故真孝者不死，至孝者得仙。仙道易，鬼道難。善人之常，惡人之僞。善本善習，使成惡，惡非惡改即爲善。故泄慢受賞，祕收蒙戮。以僞勸善曰信，以誠文過爲欺。陰過大，陽過小。發於內而不露者，罪已重。爲於外而有愧者，罪已釋。無抑人善，抑人善者背道。雖奪人好，奪人好者向道。天光發地，火照人光，鑒可以知也。

洞識生前篇第二十六

明真不昧，洞識生前。得其宿習，以成善根。無舛無錯，以學神仙。仙道云何，靈性所至。惟可洞識，乃臻玄科。玄科甚明，見吾舊學。與彼舊學，既可再犯，既可再致，自然成真。成真非難，學而後至。永劫不易，真識不迷，是爲洞識。由彼洞識，達于洞神。由彼洞神，故能洞視。謂之洞者，幽明悉察，明闇罔移，是謂上智。飛神三五，遊宴諸天。諸天之上，各有真人。真人之術，其義甚明。滌其臟腑，養其精神。自然之藥，符呪甚靈。有彼天鼓，擊之甚鳴。有彼玉泉，取之而盈。玉泉之來，華池之津，其旨如蜜，其味最真。咽漱鳴鼓，六六而畢。以存吾神，浴月洗日。日月既朗，天地以明。萬象開闢，神魂超然。此明洞視，以察鬼神。可以燭萬里，可以照一身。鬼神所護，達於微冥。

迴生起死篇第二十七

唾易修摩，撫炁合神。五天大魔，萬神之宗。召之以還，中有真人。保

命生根，收引魂神。還其宅宇，不蕩不搖。制之不散，枯木再華。混沌冥合，總於泥丸。泥丸之中，通於絳宮。絳宮之神，還即返真。是以枯骨，可以更生，皆起而成人。方是之時，有曰魔泥，有曰法宗，有曰還真，有曰懺悔，有曰鬱羅。爲五天之使，是爲趙孟吳。使飛魂騰魄之鬼，召之有訣，使之有方。爲一身之總領，而度死之法王。又有正炁，布于內外。內外既浹，達于關節。不蕩不搖，忽然自得。即說呪曰：

迴生真人，救苦真人。唾易修摩，總炁合神。魂魄再返，死錄脫名。五天大魔，度其尸形。使某甲再生，急急如律令。

若夫訣目關節存在祕書，復遇緣合之人，即得受持也。

幽都考形篇第二十八

酆都之山，有牢有獄。有大帝君，主判其獄。萬千羅魔，考伐邪鬼。百千萬死，死而又生。經劫輪轉，方作六畜。問其何因，皆以不孝。不孝五逆，

上根於心。心愚不悛，旋以不弟。不弟不孝，變爲不忠。貪財貪色，貪酒貪淫。以是因緣，變生多故。干犯陰陽，觸忤天地。十二時辰，錄其罪犯。上達天庭，天庭行下。付于天樞，繫其魂神，死後入于酆都。有能念此經，罪惡自消除。念經行孝弟，改行悔終初。得爲神仙人，自然昇天衢。天衢自難昇，行之有祕法。祕法不難求，行孝自然至。當會明達人，悟汝以法意。會曉勉力行，即脫酆都行。不持釋舊犯，可贖祖考魂。順心行孝弟，不必念此經。此經悔愚昧，用以度沈淪。願我諸仙童，孝弟不離心。

淨明正印篇第二十九

淨明諸法總，終始四十篇。以孝爲祖，以身爲宗。唯孝可以學，於此昇天宮。天宮本在目，由我法不行。念此淨明經，兼行淨明法。法可消千災，兼治萬魔精。功滿自圓成，千劫不喪身。堂有百年翁，家內無偏親。仍有白髮孫，戲笑於中庭。此總元炁，入于玄玄。玄中之科，三十五分。復有妙

說，靈書二篇。可以壽千百，可以見鬼神，可以鑄金玉，可以召風雨，可以救亡魂，可以消兵革。唯以堅守吾教，念吾此經，自有神仙，以此三篇，教汝誦讀之，即能成上真也。真人非難學，學之先以孝。孝弟非難行，順事父母心。父母本天尊，汝其悟於心。

淨明靈寶符篇第三十

念我淨明經，復行淨明法。可以先行孝，次學鍊身形。身形既以安，正炁攝百鬼。救護諸衆生，可以成功勳。功勳非難積，善學淨明經。淨明有寶符，訣目甚分明。中有靈寶尊，靈寶大真人。天樞都錄事，日直太元君。掌法行祕科，行之自然靈。復有大神將，十天大魔王。四聖大將軍，內外十六將。四直直符吏，爲子行靈符，爲子興功藝。不孝行此法，如彼雪投湯，罪犯自消釋，不孝變孝誠。孝誠成第一，復能救世人。功積著上天，仙道自然成。欲知行孝人，復念淨明經。行此淨明法，如龍足生雲。龍足既生雲，風雷皆汝御，淨明寶符靈。

度脫六親篇第三十一

前一道符，如有人能受持，於父母六親。本命之日，用朱砂書符，恰訣存身，爲孝道明王。念呪書符，與其人吞服，自然父母六親長壽。後一道符，如有人能受持，於父母六親。身死之日，用朱砂書符，恰訣存身，爲孝道明王。念呪書符，燒化和泥，置於亡者心上，即亡者託此法力，迴生起死，魂魄受生，自然超度。已上二符，能至力行持，即道果有基，方可修鍊服炁。又逐日書符各一道，燒則生者蒙福，死者得仙矣。永爲生死解脫之本也。

服鍊身形篇第三十二

前一道符，可以飛昇天耳。第二道符，可以開明天目。天目天耳，達乎泥丸，則服鍊身形之要法，所謂化生諸天。有能恰訣念呪，書符二道，每日朱砂寫而吞之，則日月五星之真炁注身也。服之不飢，自然長生。寫時存爲孝道明王、靈寶淨明天尊，則天尊降真炁，存于汝身也。

救治百病篇第三十三

前一道迴死爲生，後一道保命生根。凡有疾病者，閉目靜思，取朱砂恰訣念呪，存身爲孝道明王、靈寶淨明救苦天尊，丸符呪水以服之，則病者自安。救治疾病，謂之道力。以力行道，謂之細積。以法行道，謂之達道。以孝行道，謂之上道。道有上中下三品，此其下也。然救治百病，愈人疾苦，亦可得仙。諸行孝服炁，功已圓矣。得此，則行孝鍊炁之羽翼也。

束縛百邪篇第三十四

右符束縛百邪。凡有壇廟五通作怪之物，爲民害，如門戶開闔、塘池破壞，皆急取此符念呪恰訣，朱書鎮貼，即自消散。書呪符篆之時，面北存身爲孝道明王、靈寶淨明天尊，四聖執符而行。

安鎮呼召篇第三十五

凡一切呼召風雷、社令、天地一切鬼神，書符燒之，七日即至。如欲禳謝，用大石書符埋之。此太上孝道明王、靈寶淨明天尊祕篆。凡書符，存身

爲其本像。自有靈書三卷，得遇至人傳授。

太上靈寶淨明洞神上品經卷下

（王育成點校）

028 太上靈寶淨明秘法篇

經名：太上靈寶淨明秘法篇。
撰人不詳，約出於南宋。係淨明
派道書之一。二卷。底本出
處：《正統道藏》洞玄部方法類。

太上靈寶淨明秘法篇上


逐日燒香行持法

每日子時起燒香，存道院向西，法
師面東立，叩齒三十六通，垂兩手掐
寅。放訣收手再拜，一拜存一光，圓數
丈，直照面。又拜二拜，叩齒九通，呪
曰：


道香德香，無為清淨自然香，靈寶
淨明真香，供養淨明靈寶天尊等六位
都法主，一切靈寶君、帝君及天君神
王、諸宰主，願我所行法，速行遂我心。
上報君父母，下救衆生苦。真炁常滿

體，役使諸百靈，百靈盡皈依。急急如
律令。念呪畢，吸炁一口吞。

度脫六親符




前一道，於父母六親本命之日用。
朱砂書符，掐寅訣，存身為孝道明王。
念呪一徧。書符，或吞或佩，存二帝君
執符而行。




後一道，於父母六親身死之日用。
朱砂書符，掐卯訣，存身為孝道明王。
念呪一徧，書符燒灰，和泥塗於心上。
即亡者託此法力，自然迴生。和泥時，
二帝君執符，以引亡人。

右此二道，不限道數，日燒各一
道，以為存亡作福。即二帝君執符以
往，或往益筭，或往薦送，即孝道之本
也。行此有功，方能服鍊身形。

服鍊身形符




掐坎訣，朱書。



掐離訣，朱書

前二符，於甲子日面東念呪掐訣，
各誦法一徧，書符六十道。日服之，則
自然真炁滿足，長生不死，可以役使鬼
神。書符時，存身為孝道明王、靈寶天
尊，二帝君立于左右。行此有功，方可
行靈書散形符。


救治百病符



前二符，各面北念法一徧。依前

存想。丸符呪水，以服病者，則病者即安。如未安，即用後二道符，各以意使之，則直符帝君自然而往。行之既久，救治既多，則呼召自至也。念法書符，只念一徧，不住書之。每住，則再念，不限道數。發符時，只念一徧。

束縛百邪符



右，凡有壇廟等爲人害者，面北書之，念呪五徧，取五方真炁各一口，掐玉皇訣書之。書符時，存身爲孝道明王、靈寶淨明天尊，二帝君直符，四聖衛護以行。當慎所用，不可妄行。此符行之既靈，則久而不必使人送於所，自有帝君執之以往。


安鎮呼召符



右書此符時，念呪掐玉皇訣，取五

方炁各一口。凡欲召雨雪用，朱書於鐵板上，長五寸，置於有龍處。或欲擊物，則置其上，七日自至此。未行靈書散符時，須依此。如散符既熟，則又可自然而知。凡發符即念呪，取本院符使炁。

元綱飛步法寶錄



每於甲子日，向東，掐玉皇訣望斗，口取北斗炁一口，復取東方炁一口，閉炁書符六十道訖，念呪七徧，呪曰：

司權除殺籍，東極上生名。寶籙可佩服，用之超魂神。靈靈天門開，閉目念真法。身外有吾身，此是超凡格。急急如律令。

一日服一道，用呪水吞之。餘者，以青袋佩之。每於三元、三會、庚申、甲子夜，於靜室內，佩甲子日所篆寶籙。以兩手掐卯文，閉目靜思，以閉炁不動，舌挂上腭，咽炁一口。覺身外有

身，衣服形制，如其本身在前。前有星壇，高九尺二寸，左日右月，南斗在後，北斗在前，即有左右青龍、白虎，前後朱雀、玄武翼之。覺飄飄然，直詣壇前，丁罡三步，上壇一級，巡壇左行，念呪曰：

仙道渺莽，元始之家。我欲升壇，清神變慮。願得太上，賜我流霞。流霞之漿，布炁芬芳。我得服之，可以步罡。五臟神君，直日香官。聞吾秘呪，亦各以安。急急如律令。

念呪訖，閉炁入地戶。又復左行，念呪曰：

无上大羅，大羅玉清。玉清之宮度法真人。聞吾秘呪，度我尸形。取彼玉霞，以淨我神。我今步罡，行之帝鄉，上謁玉皇。急急如律令。

念呪訖，閉炁入天門，即第三重壇。既入天門，如有仙人二人、玉童、玉女、侍香、傳言共六人。次長跪閉目，若有神人乘五色雲，服以上清衣，傳玉帝符，金書照耀，呼召子之名。復有童子一人，執彼瑤爵之中，有玉霞

漿。北斗之中，有一黑炁。南斗之中，有一赤炁。日中有紅炁，月中有白炁，三台中有五色雜炁，各一道流入盃中。汝能受之，再拜而飲。閉炁放訣下壇，念二篇靈書，騰空如到天上，飛入北斗之中。三台之星，蓋頂而行，乃自魁星步，而至鸞迴。身入斗六步而出，作三台之形，乃出斗口。左環七七步，犯火。又東行，自鸞迴中過，凡九九步至太陽，朝祖師上帝。復乃右行，自北斗入西斗，八八步至太陰，朝祖師仙皇君。右旋而出，出即右行，復左，凡七反如環，此无色界也。定眼，見无色界中，諸仙來迎。於是周歷十方，謁三十二天帝、二十八宿。見一宿，即丁罡十二，以迴生于斗宿，即借箕宿之綱以行直。還望北斗太鸞之次，乃交鋒之山右旋，南向四十九步而過，重入火星宮。經於太陰，六六之後，而謁水星。由水東行，計六十四步，再迴而行，犯水。借綱復出宮，經於太陰之旁，八十一，以成金星。細行達于斗口，三十五步而入土辰。由土返行，再入金星、

水、木之宿。而後直望北方，金闕巍峨，即三清上帝之所在也。乃八步而進，長跪再拜。呪曰：

地行賤臣某甲，幸因宿世，得遇聖師，傳度祕訣，使朝天闕。凝神入靜，九炁澄明，身外之身，得飛天闕。臣無任瞻天仰聖，頓首再拜。

又呪曰：


幸膺玄貺，遂遇聖師。午夜飛神，一心謁帝。伏為凡骨堅頑，理難超舉。精心孝悌，以冀蒙恩。果遂精求，得承宸眷。庶使道心堅固，神思清明。役使諸神，咸遵旨喻。伏願天恩，允臣所奏。

又頓首再拜，而出門外，乃見本形就頂門。呪曰：

蛇蟬蛇蟬，脫壳離塵。吾今朝真，上謁青雲。欲使神人，閉債封形。舉爾以去，秘訣靈靈。

忽自頂門而入，則方乃是步罡了也。若小可行持，則不過三五步足矣。欲專意求飛舉之法，則莫大於此。今有行綱黃、白、黑道之圖，特具于後。

元綱飛步之圖



太上靈寶淨明秘法篇上

太上靈寶淨明秘法篇下

靈書上篇

恒他蘇伽。他音邪。伽音加。如此召四天門下，謂之四明功曹，掌行靈書之符。凡欲告召鬼神指使，必閉目，望東方取炁四口，掐訣，先書此符。然後，方召諸神，而書召神符。

俱知。俱音具。知音至。召開目童子也。

瑟泥勃地。泥音爾。勃音鼻。地音計。召開耳童子也。凡欲見鬼神形，共鬼神言，必閉目，取南方赤炁一口，又取北方黑炁一口，掐訣，書此二符，用香水吞之。

鞞匱弊。鞞音皮。弊音譬。召開頂童子也。凡欲分形遊行，取東方炁一口，書符念呪掐訣。書了閉炁，將身一踴，使所往如意。

娑合囉。娑音莎。合音甲。召三魂也。

婆迦。召七魄也。

喃盧。盧音盧。召六腑也。

雞波那。召五臟也。

羯喇。召九竅也。

陀彌底提。召四肢也。

凡欲脫殼，必先書此符六道，望東取青炁六口，掐訣書符六道，吞之，則衆神守護，无散蕩也。

離瑟。召天官也。

教赦。教音鼻。召地官也。

悉多。召水官也。

凡欲召問，即望天罡取炁三口，掐訣念呪書之，以置案上，即至。

毗地奴抄。毗音皮。召四獸也。凡

行神布炁，即以手望空，掐訣念呪書符，以吹於身之四傍，即至也。

訶帝。召雲雷也。凡祈雨，即望

畢星，取炁一口，掐訣念呪書之，置有龍處，即至也。

野拏遮擊。召天地衆神。凡設醮

請召，望天門、地戶、鬼門各取炁一口，書符念呪七徧。焚之即至。

三慕。召陽界神也。

般刺。般音撥。召陰界神也。凡有

追薦、攝召用此。掐訣念呪，召問其所

在。

悉泥毗俱。召北斗諸法神將也。凡欲召，即子上取炁七口，掐訣念呪書之。

茶輸西那。召南斗諸法神將也。

凡欲召，即午上取炁六口，掐訣念呪書之。

曳都翳曇。召淨明元帥使者也。

如有大事召問之，望東取炁三口，掐訣念呪書符，握之。

揚岐囉。召淨明諸帝君神王也。

如有差使者，上卷八符合用者，即召之。望東取炁九口，掐訣念呪書符，置於坐下。

比地叱陁。召淨明使者、典者、騰

籍、判官也。如召之問事，即至。望東取炁一口，掐訣念呪，置符於坐下。

你喇盤喇。召淨明靈官等也。如

有救治召之。望東取炁一口，掐訣書符，念呪燒之。耶儻。召六丁也。

菟嚙懺囉。召六甲也。

如有追捉尋覓，召之。召六丁，則

以左手按鼻右孔，吸炁一口，念呪書符。召六甲，則以右手按鼻左孔，吸炁一口，念呪書之。以符褫碎，即至。

都噓。噓即胡。召納真神也。凡破壇，伐廟，請雨，驅雷，即召之，使護衛。用青紙書符，掐訣念呪，取其神炁一口，佩之。

虛庶瞻婆那。召三甲也。凡行報應秘法，用以使之。望西取太白炁一口，掐訣念呪耆符，以褫之，即至也。

它麼。召通耳目騎吏，乃天策神也。凡攝召地獄、天獄主，用之。如禁勘，即以舌挂上腭，默念呪書之，置於結獄處，即禁鬼。

麼稅多。召譯語神也。凡欲攝到精怪，言語不通，即召問之。召時閉炁，存見肺白吐炁，以手望空，隨炁書之，掐訣默念神呪。

罔迦陀。陀音禍。召主簿也。主簿，架閣神。如有公案理會照證，吐炁一口，掐訣念呪書之，燒化即至。

刺那。召天庫神也。凡爲官將請俸給，即召之時，掐玉皇訣，念呪書符，

即至。

擊遮摩。召行厨也。如欲絕火食，即召之。召時，掐訣念呪，書符一道。吞之，即送天厨食也。

地扇遮波利那。召天驥神也。嘔補稚視多。嘔音屈，召天馬神也。拏虎鉞。鉞音庵。召雲車、風馬也。

此三符出神而有往，既召之。召之，皆取五方炁一口，念呪掐訣書之。以符置坐下，即至。

噓雍波。召三甲都總吏秘，即使之。書符，掐訣念呪，望西取炁一口，書之。符成吞之。却於用時，吹炁一口。

瑟悉地。地音計。召淨明執符三界功曹。凡燒文字，即用。書時，望東取炁一口，掐訣念呪書符。所發文字，燒之。

騰崩伽。召移山吏。凡移山，用之。書符時，望北斗取炁七口，掐訣念呪書之。

梵阿弊。凡移江海，用之。書符時，閉炁，念呪七徧，掐訣書之。以投

水中，即易流也。

跋夜荼。召龍也。召時，辰上取炁九口，書之。念呪九徧，送有龍處。凡江海龍爲害，即呼以戒之。

余闇。余音蛇。召山神、凡神。凡有事召之，即艮上取炁三口，虛空以手書符，念呪三徧。吹之。夜檐。召金玉珠寶神也。凡見有伏藏，即召之，使守也。掐訣念呪，以捉之。

訖埤彌泮吒。凡有事係五岳，召五岳吏使之。書符時，掐訣，念呪七徧。如召城隍、社令神、應干、土地、典者，皆用此。於其下，先書名，次以書符。召者，昔嘗召南昌社公用之也。

弊叉演吉。召弓弩神也。合曳舍曳。舍音式。召刀劍神也。乾質閉。召戈神也。嚇藥义。召戟神也。

烏什伐囉。召旗神也。凡有差使諸處兵將，誅斬鬼神，及秘用此五符，各於北方取炁，掐訣念呪書之。符成，以火燒之，即兵將皆手執兵器也。

輸藍。召火神也，召使梵燒。以手掐寅，於午上取炁七口，念呪書之。以符置火中。

質多。召水神也，召使灌浸。以手掐申，於子上取炁一口，念呪書之。以符置水中。

地栗刺吒。召藥神也。以此用藥救治。掐寅，東方取炁三口，書符念呪，和藥用也。

瑟質夜那夜那夜波。召霹靂大將。凡欲召五雷，必先召之。以手掐大煞文，念呪七徧，書以置於所擊處，以招雷也。

舍提。召鎗神也。召靈官五郎、郭天大將，使以行秘法也。掐大煞文，念呪七徧，望北斗取炁，以左手書符，望空吹之。

雍莎。召食毒等吏。

尼鈇那。召五雷也。

俱只他。召八卦神君也。

凡欲結壇奉迎三界，先以手掐中指念呪，書此佩之。

噓呼鳴。召神行事，問其事之當

否。以手向空，念云：唵。即近。於問事之後用也。

刃唵底那羅刀底刹那雲風居那舍蘇嚕那曇迦青那。舍音舍。召五雷，使擊物也。凡召時，屈五指，以大指押之。掐寅，取寅上五色炁五口，書於桐木上，針釘於所擊處也。

彌噓合耶。召陰啞無聲之雷也。

青莫。召莫悞使。

噓拈伴。召欵火大神。

已上皆書於五雷符上，疊書之。

訣節使用如前也。

居訶耶。用劍秘法也。掐金刀

訣，指以吹符也。

悉怛。又使劍自匣中躍也。

賴耆。使劍歸也。皆以手，念呪

書之。

彌喇。劍入匣也。使人勞其神，

想符形，吹劍入也。

娑訶。書此，以與鬼神，執以去

也。

靈書下篇

軌糜享鈇。軌音歸。糜音米。享音亨。

鈇音劍。召淨明院布炁日精月液帝君。召時，吸東方炁一口，北方炁七口，虛空中，以右手指書符。念呪吹病人。

踳揭。踳音齒。召淨明呪水神。凡呪水自服、吞符，及治病，皆取東方炁九口，吹水中。次以心想符一道，直入水中。

毖赫鞞。召淨明行針神。召時，取茅九寸為針，心想其符在上。念呪九徧。針痛處。

刺。召劍神。以右手中旨，望所用方書符一道，吹之。又每日望西，取劍炁一口，望中旨上吹之。此淨明炁劍也。

瓢□叱赭。瓢音標。召亡過祖先。凡追薦用之。書符時，寅上取生炁書之。

儻標。召死魄也。凡救危病用之，可以展限再生。用時，東方取炁九口，朱書，與之吞。

菟掘鉞。上徒中窟下唵中旨中。召宅神也。

嬰粹蒿堙。坤文。召土地也。

呢辯樺。召司命也。

凡救疾病、摧鬼監生用之。書符時，閉炁一口，默念呪書之。

詛磻天。磻音慘。凡為人解呪鬼

也。用時，取北方炁一口，書符召之訓教，以符與之。

剗蠱蠕。解殺傷鬼也。凡有人曾

殺傷被冤魂，以此解之。用時，取北方炁一口，書符召之，使之託生，不得為冤對也。

蛻蝦。為人解縊鬼也。凡有縊鬼未經託生者，念一徧，掐訣書符，貼之。

梟塊。凡有溺鬼處，以此符與之

託化。念呪一徧，掐訣書之。

胤缺。解病鬼。凡有復連蠱症者用之，以此符與疾者吞帶。取東方炁三口，念呪三徧書之。

累鑽。解藥蠱毒，或有飛蠱毒害

人處，以此解之。用時，以符燒，並掐訣念呪五徧。

陷涎。去不忠也。

複毅。去諛諂也。

濫攪。去貪也。

凡此者，皆君民之大害也。遇此，

書符召以變其心，則皆改過，為忠廉正直之士。皆掐訣念呪，望其人，以手書符，吹之。

忤悃鶴鉞。召鬼神行事也。凡所在壇廟，抽借兵將用之。如篆此符，則掐四指第二節，念呪五徧書之。

過戮蹙撫。去不孝也。此等正害

於大法，情理重者，以此誅之，召符神并劍，夜戮其神。此王法之所棄也，宜慎用之，無悞。用時，望其所在，書符一道，吹之。掐玉皇文，念呪三徧。

扇愁。攻蠻夷也。蠻夷，父不慈，子不孝，侵于中國。以此魔之，當效順也。用時，以戲望其所在書之，置其所經之路。用時，望天罡取正炁一口，念呪書之。

餒稍潰割。稍音稍。割音土。賞公廉

也。凡有此者，用符吹之，即其人自然福至。書符掐訣，念呪五徧，書五道，吹。

魃愁磴魘。呼旱鬼也。

蠱佞誣殫熠樞紐灣簍綴秉岐妓

吹。

魃愁磴魘。呼旱鬼也。

蠱佞誣殫熠樞紐灣簍綴秉岐妓

霰。

禡之二十。書符時掐訣，念呪十徧，以符燒之。

驅邪割暴。召魁罡也。凡斬伐邪

魔，掐訣念呪書之。

忿垣毳涎。解人害也。靴揖罽

誅。厭橫逆也。

凡自護身，即用之。念呪五徧。掐訣書符，佩之。或為人，亦用此。咄怛吽。去殭毒也，遣殭，即用之。用時，取北炁七口，念呪一徧，書符七道，於殭家燒之。

嘯密囉娑訶。嘯音焉。厭百精也。

如用，則占至考入十，念呪掐訣，書符鎮之。

鎮之。

唵戶噓。召閉息神也。如行炁，言閉息，即用之。用時，以手摩鼻，念呪書之，吞下。

尾引摩。解厭穢也。凡遇此，乃

見戶之類，即書此符燒之。書符時，存想符有大火燒身。掐寅，呪七徧，而後

燒。

燒。

怛他。去淫心也。

刀利。除淫鬼也。

如遇心動，即以朱書下利，吞之即滅。書符時，呵炁五口，掐訣念呪書之。

本蜺魁鬼。去尸蟲也。

嗽呵。護炁也。

如願身鍊，即先篆，吞五日。念呪七徧，掐寅上，望東取炁三口，吹之。

飄籠稍那謹謹沙那銅蛇蝎那。

召酆都百鬼也。以正月十六日召至，告戒之，使不得害人。書符時，掐四指二節，不住手，書以燒之。即至事訖，遣用娑訶符。

風輪火車。凡召到酆都鬼、有罪鬼，搏殺之。如篆時，念呪七徧，望天罡取炁，吹之。以手書符。

帝居怛訶。入天門也。

風火交加。去身中惡也。

梵翳徵銷。召貪罡力士也。

凡昇真入天門用之也。用時，先得詔便書，以備要用。

九梁橫梟揖卮泄誅靴詔詔訶籠罣姦咩。凡昇真已，入天門，即以此符付

貪罡力士。乃錄事神祇應，恐入天樞不知次第。

縛只知那。凡見錄事，又須召賞善判官也。

怛唎拏伽。又召掌惡判官也。

三慕陀羅。又召天門七十四司判官也。

既召至判官，即以下二符與之。

帝利。此符云吾行美也。

蛇開。言一家盡良善也。如此驗證，有此二符，即諸判官同錄事，給付券矣。

雲目帝那。召合符吏也。

吠伽婆帝。合符了，遣之去也。

既得符券，即以此符召吏，合而後遣。

翳婆伽多。四天門下，持所賜丹

藥、文字先到也。

只岐囉。召天王，合上帝所賜登

殿券也。

搥毗只知他。召送天書，便交謝表也。

翳帝夷帝。召三清左右丞，問朝

謝之禮。

羅又底南。召三清傳言玉女也。

喝喝刹婆。召主吏也。

雞唎女訶。召副吏也。

風輪火車。所賜丹至，以此符謝也。

凡此符，自召錄事以後，不書訣節，當自知之也。

太上靈寶淨明秘法篇下

(王育成點校)

029 高上月宮太陰元君

孝道仙王靈寶淨明

黃素書

紫微右典者少微都錄靈寶淨明院司察右演教使傅飛卿解

經名：高上月宮太陰元君孝道仙王靈寶淨明黃素書。簡稱《淨明黃素書》。撰人不詳，係宋元間淨明派道經之一。元人傅飛卿注。十卷。底本出處：《正統道藏》洞玄部方法類。

高上月宮太陰元君孝道仙

王靈寶淨明黃素書序例

序曰：太極無上始青之天，去日月之宮五千里，其有神機之道，分闢昭彰，未易區別。

天道復乎？此杳冥昏默，不可得而

名也。帝出震，是謂始青之天。天造草昧，未周五行之數，不可得而見也。故曰：去日月之宮五千里。至陽之精為日，至陰之精為月，一陰一陽之謂道。其明晦有時，其遲速有度。神機之運，有陰陽不測者司之。故曰：分闢昭彰，未易區別。

上帝憫生靈之夭折，故召日月二宮天尊，為說靈寶大法、黃素法、淨明法、度人法各一也。

天地網緼，萬物化醇。男女構精，萬物化生。莫非陰陽之冲炁也。唯內傷於七精，外賊於六炁，於是陰陽之沴，致生靈有夭折之苦。故上帝召日月二宮天尊，謂非陰陽至精之炁，不足以回生起死，興仆植僵，使之終年，而終壽域焉。然靈寶大法者，道之宗也。黃素法者，命之府也。淨明法者，性之本也。度人法者，入道之門也。道降而出其序，如此。

說法之時，衆真群聚。道君宗王上帝，登洞神之室，坐玉局之座，敬授此書。

或於妄幻，以偽喪真。還其本元，則

真常存，故衆真群聚。然有真君存焉，道君宗王上帝是也。洞如水之洞，無所不達。神如火之傳，無所不應。登洞神之室，坐則道法之變化為无方。坐玉局之座，則據陽精之純而有體。敬授此書，則奉而行之，其可忽乎。

其文皆廣一丈，而此書，有黃素交光，垂芒照耀，映於月宮。遂以此付之，故號月宮太陰元君孝道仙王靈寶淨明黃素天尊。而淨明靈寶法，以付日宮太陽上帝孝道明王靈寶淨明天尊。

《易》曰：物相雜，故曰文。陰陽剛柔之炁交錯而成文，則天地數周。故其文，皆廣長一丈，黃土之色，脾實主之。素，金水之色，腎則主之。受命之初，脾、腎為元炁、冲炁之本。而胞胎孕育，寄於母身。故黃素文交光，則映於月宮。至於稟性受成，寔以父體故。淨明寶法，則以日宮太陽焉。

二書微妙，深不可曉。可以報君父，可以成大藥，可以伏灾魅。見之者消屯，

聞之者已疾，佩之者長生。

《淨明黃素書》，其理微，其道要，其義深而難知。蓋內者，外之符也。一身者，天地之總欽。其天君順其神，心推之於外，則忠孝可以報君父。採取鉛汞，抽添水火，驗之於外，烹鍊可以成。藥以火者，炁之反也。而此導其常魅者，氣之邪也。而此復其正屯者，氣之鬱也。故見通炁則消疾者，炁之淫也，故聞中炁則已。至於能守統炁而不失，則雖與天地相為長久，可也。故曰：佩之者，長生。

曉其義者得仙。括陰陽造化之宜，明星辰交合之道。南北之斗四旋，東西之分統制。炁候交感，早晏分離。自非已得淨明寶法者，未易能知也。

已得淨明寶法，未易能知也。

黃帝素書人道品

凡學《黃素書》者，以五炁朝元，三陽聚項，或可飛昇入聖，或可脫質升仙。少年向慕千日，可以大成。中年修持千日，亦可俯就。晚年加進千日，尚可以立功。諸弟子得法之後，以日月寸陰之借為性命，久長之計，莫先於此也。

人之初生，元氣在臍。而五行之氣，散於五臟。統以三宮，則丹田、絳宮、泥丸是也。世之人，汨於嗜慾，收拾失宜，是以五炁散蕩，而元炁淪亡。升降乖離，而三宮阻絕。馴致耗散，則天折隨之矣。學《黃素書》，務使五臟之炁，則朝於元，而金丹成就。三宮之陽，皆聚於頂，而髓海充盈。或飛舉升真，神用無方，而入於聖焉。或脫殼尸解，超離塵網，而升於仙焉。少年炁血堅完，安而行之，可以大成。中年炁血減耗，利而行之，亦故可以俯就。晚年血炁既衰，

強而行之，故尚可以立功。必待千日之久者，蓋數始於一，立於兩，成於三。積之三年，則歷時而得數備，所以能成功也。學者悟日月之跳，丸知寸陰之過隙者，宜致力於斯焉。

凡學《黃素書》者，要在忠孝。忠孝之人，持心直諒，秉炁溫恭，是非不能搖，淫邪不可入，十善具備，五逆咸消，一心之中，外物不汨，自然成就，畢竟有成。則黃素之士，以忠孝為本也。況忠孝之人，內之事親，外之事君，既無愧悚，可達幽明。姓名已記，丹臺功行，皆存紫籍。兼之學道，可謂良金遇鍛美玉，向鑄鮮有不為令器者也。

忠孝之名，因君親而立也，皆責於持心、直諒、秉炁、溫恭。然事公，以直諒為主。事親，以溫恭為主。直諒，則生明，故是非不能搖。溫恭，則生謹，故淫邪不可入。由忠孝而推之，於臨財，則為廉。形之於言，動，則為慎。居之以寬裕，終之以容忍。禮以節之，信以誠之。則十善具備矣。君臣有義，勿逆其經。父子有

親，勿逆其分。夫婦有別，勿逆其和睦之情。長幼有序，勿逆其先後之禮。朋友有信，勿逆其交際之心。則五逆咸消矣。一心湛然，如水澄淨，外物塵垢，何由汨之？則學道，其有不成乎。《度人經》曰：諸天記人功過，毫分无失。十善具備，五逆咸消矣。則惡簿无姓，善簿有名。丹臺紫籍之所存記，復何疑也。《禮》曰：玉不琢，不成器。人不學，不知道。《傳》曰：若金在鎔，唯冶者之所鑄。內行修明，而加之以學道，豈不猶良金美玉。鍛之，以致利用，鑄之，以文其美質。干將、瑚璉，豈謂難成矣哉。

今弟子有在公入仕者，有在仕爲民者，有父母具慶者，有二親喪亡者，有獨養偏親者，即當回思往昔，曲意追尋。在仕路者，必須省其所以爲仕。在民力者，必須知其所以爲民。有父母者，知不報之恩而報。有偏親者，念死者而憂。唯二親喪亡，情不可堪。回想昔時之有忤，當知今日之涕淚，報之不

可，眩之不可。唯能知向道者有成，超脫塵錄，名位出凡。以此教人，人无不從。推之天下，无不可也。

忠者欽之極，孝者順之極，體欽順而不失。故在仕路者，夙夜匪懈，以事其上。寬慈惠和，以撫其下。則知所以爲仕矣。用天之道，分地之利，謹身節用，以念君親。則知所以爲民矣。身體髮膚，受之父母，欲報之德，昊天罔極。孝子所以愛日者，思不報之恩而報故也。無父何怙？無母何恃？出則御卹，入則靡至，既喜而懼繼之者，念死者而憂故也。《孝經》曰：立身行道，揚名於後世，以顯父母，孝之終也。永感之後，恩既不可報，死既不可眩。若能向道有成，超脫塵錄，而離乎數，名位出凡，而列於仙，則孝道之終，孰大於是。凡學《黃素》者，要在廉慎。廉慎之人，無所貪慾，有所持守。既無貪慾，乃有持守。有持守，即无汗辱。无忿躁，斯无煩惱。无煩惱，斯可修持。既修持，則自然寬裕容忍。以逸，以靜，以虛，

以安，以長久，以不變，然後有成也。廉者，見得而思義，故无貪欲。慎者，言行不妄發，故有持守。貪慾者，誘於外也。持守者，立於內也。與接為搆，日以心鬪，未有能執神而固也。故曰：既無貪慾，乃有持守。惡醉而強酒者，不逃乎沉湎。惡濕而居下者，未免乎沾濡。故有持守，即無汗辱。三呼不聞，則必以惡聲隨之。刻核太至，則必有不肖之心應之。故无汗辱，斯无忿躁。利害相摩，生火甚多，衆人焚和。故无忿躁，斯无煩惱。恬憺無為者，道德之本也。

凡學《黃素書》者，務在調其心性。心性之用，象於鑑水，如彼應接，無嫌妍醜，不碍方圓。可住即住，可行即行，自然而已，則深得其妙也。凡學《黃素書》者，既知立行，必學守持。守持之術，當思一身何所從來？復何所從去？於來去之中，識其所以，自然通神，則仙道成矣。

凡學《黃素書》者，既知來去，必在勉

力。勉力非難，而所保之不變爲難。何謂保其不變之爲難？衣食逼迫，貪心即隨之，一也；尊長約束，世事旋集，二也；妻兒牽連，復憂過計，三也；名利牽絆，不肯自己，四也；疾病相煎，功未圓就，五也；不慎擇師，旋服未服，六也；議論差別，又即生疑，不能專一，七也；志意懈怠，始勤終忘，八也；日月差互，不能成功，九也。如此，皆令人中變。凡遇此景，便須勉力向前，不求目前之事，則可以成矣。凡學《黃素書》者，既得不變之道，而所以成就之者，亦有法。何謂成就，知天地，知四時，知日月，知五行，辯水火，交龍虎，明丹砂藥物，曉鉛汞，會抽添，轉河車。然後，鍊形之術，朝元之方，魔難之試，證驗之悟，無不周矣。凡學《黃素書》者，知成就者天地，而未知天地之妙。何謂天地之妙？父母始生是也。天炁下降，如父之精。感地炁上騰，如母血之化。感化之中，以有此身。天地既長且久，則以運動、以靜處有法，知靜處運動，則知天地矣。

凡學《黃素書》者，知四時，而未知四時之機。何謂四時之機？人壽百歲，自幼至壯，乃幼弱之時。自壯至下壽六十，乃老耄至歲，乃衰敗之時。則一人之身，乃天地之時也。故一身之時爲難得，而日中之時又可惜。知其機，則少年用功，知一身之時也。寸陰不放，知日中之時也。身中有年，年中用月，月中用日，日中用時，然後合於大道也。

凡學《黃素書》者，既知日月，必曉日月之數。《清靜經》曰：大道無形，生育天地。大道無名，運行日月。默記二儀，陰陽交合，助行晝夜之功。故混沌初分，玄黃辨位。天地之形，如合盂。六合之中，如一卵。日月之宮，隨數上下，如人之魄魄。故學者，以魂制魄，不可不知日月生沒焉。

凡學《黃素書》者，既知五行。而不知五行之宜。相生相尅，以爲父子，以爲夫婦，以爲君臣、以爲男女。而人之五臟六腑，各以類推，而人之身，五行具焉。

凡學《黃素書》者，於五行之中，知水火矣。而水火何以辨之，蓋人之心、腎，相去八寸四分，乃水火定位之比也。氣液太源相合，乃水火交合之比也。心生液，自肺液降於心。液乃婦，有家也。腎生氣，自腎氣行於心。氣乃男，有室也。或自上而下，或自下而上，二炁相合，故曰真火、真水也。

凡學《黃素書》者，於水火之中，識龍虎之交。何謂也？龍者，心也。虎者，腎也。腎炁易耗散，而真虎難得。心液難積聚，而真龍易失。要在知交合之時。採取之法，有自火中出，有自水中生，而顛倒之術在也。

凡學《黃素書》者，既交合於龍虎，而丹藥未易明也。蓋丹有內外，內丹者，其藥材出於心腎，是人皆有，而必期於聖胎，就而真炁生。炁中有炁，如龍之珠，如牛之黃，本於黃芽生。內丹既成，則呵呼之間，可貯外藥，則鉛汞之合砂銀之精是也。

凡學《黃素書》者，既交龍虎，辨藥材，而於鉛汞必有說焉。砂中有汞，比於

陽龍。鉛中之銀，比於陰虎。鉛乃銀之母，汞乃砂之子，鉛汞相合，煅鍊自成。置之鼎器，配之藥餌，溫養無虧，則金丹可就矣。

凡學《黃素書》者，既知鉛汞，必有抽添之法。抽，則寫之。添，則補之。補寫之說，乃造化之本也。是以天地，陰陽升降，而變六炁；日月往復，而變九六。如不達天地之機，則真鉛一時飛散矣，當切記之。

凡學《黃素書》者，既審抽添之訣，必知河車之運。何謂河車？有大河車，有小河車，有紫河車。蓋河車，北方之正炁，運轉不已，而包含陰陽始之，匹配奇耦次也。內則聚精神，然後採自然之藥，進真炁之火，添汞抽鉛，則小河車之事一也。及夫一撞三關，直超內院，起收後前補鍊上下，而黃庭大藥漸成者，大河車之事也。大小既運，功既圓就，形炁不虧，道既配合，則所謂紫河車。足此三車，皆取意於運用而矣。如此，則鍊形，即元內觀之術，皆在我也。

凡學《黃素書》者，既聞規戒，務在守持。年光易如流，丸炁形消，如焚火流丸。既落焚火，必滅。各宜早下工夫，則便六親和合，一人升陟，九族蒙恩。凡自炁脉之原，必得亨通之路。仙書在邇，各宜勉之。


高上月宮太陰元君孝道仙 王靈寶淨明黃素書卷之一

紫微右典者少微都錄靈寶淨
明院司察右演教使傅飛卿解

心腎相配，而夫婦成，以其有常也。津液相交，而鉛汞生，以無窮也。其交結有終始、早晏、奇耦、盈虛，原之以至理，考之以至數，而一身之中，無不備焉。

是以陰陽相邁分上下，而升降有時。心腎感通運精炁，而流通有數。時數之定，出乎自然，故載於真經。同而不異，推以達其機，窮以通其妙，不出乎一身之中。故腎屬水，於時為冬，其數一。心屬火，於時為夏，其數二。肝屬木，於時為春，其數三。肺屬金，於時為秋，其數四。脾屬土其數五。而每季旺於四，藏盛有時數也。腎，北方子之位也。子時，陽生之初，一陽數也，故腎屬水。心，南方午之位也。午時，陰生之初，二陰數也，故心屬火。

由自推測，則五藏配乎天地之陰陽也。人受天地之正炁以生，一若調，則壽與天地等矣。始生之初，木受形於水，故太一者，水之尊號。先天，元炁之母。後天，五藏之元。以其胎胞而驗之，於草木之未就，發而視之，皆水也。故人之生，就水以成形。及其成形，莫不備精神之炁。故次而生心，次而生脾，次而生肝，次而生肺。爰以水有所主，火有所藏，木有所生，金有所斂，莫不因土，而脾於是在中。水素也，脾黃也，黃素之道此矣。



五藏各有神，神各有形，形各有炁。炁者，神之本也。形者，炁之體。而脾之形，寓於四者之中，此人所以未達其理也。欲理五藏，先在知其神，知其神者長生。使之亦有道，想之亦有

法。今著于後：

自斗建亥，至丑之中，天度至此。腎炁之浴乃行於右目。以意想符，則神可見，衣黑衣，冠玄冠，執劍，可使守丹爐而具水。其法以手自左足心担循而上，閉炁一口取之。

自斗建丑，至卯之中，天度至此。肝炁乃行於耳。以意想符，則神可見，衣青衣，冠青冠，執斧。可使守丹爐而具炭。其法，以兩手按耳，閉炁三口，取之。

自斗建卯，至巳之中，天度至此。腎炁之王，乃行於左目。以意想符，其神可見，衣紫衣，冠朱冠，執銳。可使守丹爐而益火。其法，以兩手捉按，次攀右足，閉炁二口，取之。

自斗建巳，至未之中，天度至此。心炁乃行於中宮。以意想符，其神可見，衣赤衣，冠朱冠，執銳。可使守丹爐而具火。其法張口，取炁二口吞之。自斗建未，至酉之中，太陰濕土之位。故脾炁乃行於丹田。以意想符，其神可見，衣黃衣，冠黃冠，執如意。

可使守統四神。其法，按腹，取炁五口，吞之。則以水、火、木、金，皆資乎土也，取炁五口，土之數也。

自斗建酉，至亥之中，天度至此。肺炁乃行於鼻。以意想符，其神可見，衣白衣，冠素冠，執刀。可使鼓鞞。其法，以兩手按鼻梁，左右取炁，各二口，吞之。


一體之盈虛消息，皆合於天地，應於物類。觀乎春夏秋冬，生長收藏，則四時、五藏之炁脉，皆可知矣。

春氣溫和，萬物發生，未有枝葉，則其炁脉舒長。夏氣暑熱，萬物長盛，垂枝布葉，則其炁脉盛大。秋氣清涼，萬物收斂，葉皆凋落，則其炁脉輕浮。冬氣寒凝，萬物伏藏，各歸其根，則其炁脉沉重。邪炁盛，則實，故為病在外。精炁奪，則虛，故為病在內。是以善養生者，呼以捐其邪，吸以固其精，精氣之運，不出乎四時之要。今有實訣在乎後。

以兩手上交左右，努力各三徧。以兩手下交左右，努力各七徧。以兩

手屈擡，左右手各七徧。以兩手叉腰，左右努力七徧。以兩手抱頸，以兩肩左右努力，各七徧。

右件法，無時行之，則氣和。氣和，則神和。黃素之道何也？黃者，土也。素者，水也。以土和水，甄陶而治，大器可成。人之初生，本有脾、腎榮衛之，道路由之。今有寶圖，置之於後，可熟識之。



左右太衝，氣榮血衛，皆以二陰之炁，交生於左右腎。先纏脾交之而入肝，入肝而之心，心而之肺。由肺下降，入於二大母指。由二大母指，回達於鼻。鼻引清炁，入於二目。目回真炁，達於兩耳。耳，水之門也。兩耳回聽，入於大海。大海，口也，脾之吐納在焉。

凡天地之正炁，本乎陰陽。陰陽之正體，分爲五行。五行之妙用，散爲萬物。一人之身，同乎天地。故黃素

之道，得乎氣之交變。何謂交變？吐納是也。吐納之法，有當納而吐，當吐而納，補瀉之義也。如腎克於心，宜吐。而納者，鬱其火炁也。火鬱而生煙，煙焚而焰起，是也。

太上曰：在地成形，在天爲炁。形炁之妙，謂之標本。黃素之本在脾、腎，標在口、耳。

高上月宮太陰元君孝道仙王靈寶淨明黃素書卷之一

高上月宮太陰元君孝道仙王靈寶淨明黃素書卷之二

紫微右典者少微都錄靈寶淨明院司察右演教使傅飛卿解

人之一身有神，神有炁，炁有門，門有關鍵。啓閉有時，知時而啓，則不泥而着。知時而閉，則能達而行。故順之，使上達。如彼炎火，宿之而明，如彼積水，決之而流。關通天，天通穴，穴通溝，溝通連，連通樓。樓膾，使耳欲聰，使目欲明，使炁欲通，使液欲行，是謂明明。

太上曰：炁生湧泉關，派流朝天宮。天宮有至門，關鎖不可開。有欲啓其鍵，可以朝丹階。莫認天宮是汝家，汝家本住凌煙霞。風飄飄兮，衣錦衣，左右導從如雲飛。出天門，入天門，天門孰是真仙路，黃素真經有覺悟。鳴天鼓，奏天歌，天鼓、天歌有至和。歌鼓筵中得真酒，真酒如泉流玉波。如此，皆深其義而見其機也。神

機之運，補中。補中之法，咽炁。咽炁之法，吞津。吞津之理，漱鍊。如酥之白，如蜜之甘，如乳之香。凡咽炁者，可以止飢。而食三一之法，存三元，而歸於一。會上无腦中，中元脾，下元丹田，理其中，而養其下，推之使上。

耳目之用，貴其聰明。善聽者不聰，善視者不明。聽於无聲，視於无形，无聲无形，莫甚於鬼神而能察者。神光所鑑，神谷所受。鑑之，不能逃其形；受之，不能默其言者，是也。

黄素之說，妙而難。總中炁以養之，故以土貯水，不能決。以水養精，精全神旺，達於耳目，耳目之用在矣。

怡神聚精，洗耳拭目。蒸雲雲出岫，雲出山夾中。靈關開闔，百山在焉。地氣相感，衆木生焉。淨故明，明故能燭。坐而不倚，思而不邪。神聚而怡，精全無虧。山出雲，雲无心而有之。或作膏雨，雨罷而歸。面欲常澤，髮欲常理，手足欲常摩洗。无久坐，无久起，无久寢睡。

常學《黄素書》說，使心自知之。

學吞《黄素》文，使炁全而滿。

學佩《黄素》文，可以朝於天。黄素在人身，人不自知見。不知《黄素》義，未可通於神仙，入於幽方矣。

黄素真人


凡欲學仙，必知真文。真文者，天地梵炁也。元始得之，以先天地；道君得之，以行道法；老君得之，以度人。世人之身，不得《黄素》真文不生。皆天寶、靈寶、神寶之祖炁也。祖炁結而成字，合而成人。司命下，而披黄素。黄素具，而後生。則黄素本内也，非外也。失之者，不可以生。不知者，亦不可以修行。

𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎

𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎
𠄎𠄎𠄎𠄎𠄎𠄎

右真文八十一字者，脾、腎中炁也；天地五行，土、水中炁也；得之故能生。如學道之士，能逐日燒香，觀之真文，則知脾、腎吐納之炁形也。自一至八十一，吐之，則見其出；咽之，則見其入。各長三寸，闊三寸也。

黃素合炁



右合炁，共二丈四尺三寸，皆五色光。如閉炁止息，即存此炁。存丹田，入于脾，彌羅不散。而視之，雖備五色，而莫不出於黃素也。

高上月宮太陰元君孝道仙王靈寶淨明黃素書卷之二


高上月宮太陰元君孝道仙王靈寶淨明黃素書卷之三

紫微右典者少微都錄靈寶淨明院司察右演教使傅飛卿解

黃生素，素生青，青生赤，赤生黃。

素與黑同用，故素者又屬肺，此一定之主氣也。及夫二炁交而成夫婦，則黃炁合中，素炁成女，而赤炁成男，男女之別，在是也。且一人之身，先有腎，腎獨陰也，所以有易，心以赤配，非黃不足也。其想見一黃婆，引一赤衣男子，與素衣女子合，女因媒嫁，所以謂之黃素。赤炁有求，非素先媒，終不能合，黃炁交合之義也。今以一身上下五藏之炁，通而為一，而黃素畢。


黃素交炁



右，黃素始相媒也，故脾炁、腎炁

合，而赤炁生其中矣。

赤遇素合之炁




右，黃赤之合，即心腎因脾，內相結也。於此，通乎肝肺，而青白之炁理矣，是謂中理五炁。炁之混合，達乎五天。五天之宮，元炁之祖。元炁之祖，萬神之宗。萬神之宗，仙都之宮。合至妙而生真矣。

五炁中理之文



六腑之元炁祖




六腑之元，生於真文。


五炁中理，然後變化。化生六腑，

五陽、六陰，陰陽之總炁。一人之身，而五臟六府之真炁行于頂門。頂中起祥雲，則陰陽之慶會也。

陰陽慶會元炁之祖




陰陽之慶，交而下際，生而成雲。上下相合，起于兩足，則兩足發乎陰陽，左右交變，彌羅於一身。



右，一身之中常存，其上下相接，則神與炁合熟，自然可以飛聲。天耳聞，明天目，耳目既淨，明燭玄微，則天地交泰，可入玄玄，達于虛空，朝于真聖，列名朝元。

朝元括要之炁



高上月宮太陰元君孝道仙王靈寶淨明黃素書卷之三

高上月宮太陰元君孝道仙王靈寶淨明黃素書卷之四

紫微右典者少微都錄靈寶淨明院司察右演教使傅飛卿解

黃素之運，莫先耳目。耳目之證，發於黃中，本於素炁，即脾腎之正體。脾腎既正，而觀聽審焉。素者養於下，黃者運於上，上下交際，真丹孕焉。

黃素篇第一

落落二明開後彰，青山石下長隱藏。中有玉童號瑤光，左縛右煞相披揚。但須識取生扶桑，與夫清海生勾芒。二炁交姤代復照，黃素之書可得要。

黃素篇第二

日本無形月與規，月本無明日照之。兩炁相合不可捨，自有道路相交輝。休言亭亭照中景，且說洞視知幾微。山藏美玉石生輝，精神旺處皆無迷。

黃素篇第三

一月周天何太速，一歲周天何太遲。速遲認取黃素書，黃白道中見甚微。

自然可以知迎隨，不犯綱纏得良時。
噓吸自想心存思，此法未可速致之。

黃素篇第四

欲識黃素道中機，黃素書中藏細微。
子午相合得其時，自有真炁如煙飛。
十二樓前路最危，崑崙山頂與天齊。
借問行行路已知，黃素之中有深機。

黃素篇第五

漏下百刻坐巍巍，腹內聊將黃素披。
中有日光紅赫輝，月影相對如夫妻。
面南背北事可知，日月之炁兩无虧。
或上或下中分之，運動莫令數相違。

黃素篇第六

欲知寶鼎藏何物，黃素真經具魂魄。
中有寶符靈若神，可以佩往崑崙北。
崑崙之北有仙梯，飛上玉晨人不知。
飛上任教人不知，愚人知了漏天機。

黃素篇第七

日月中有烏兔兒，取向金鼎慢烹之。
早晚下火无停遲，時將法水一澆之。
香熟美味充吾飢，此事不可愚人知。
烏是雄兮兔是雌，度數之中作夫妻。

黃素篇第八

愚人只說見鬼神，不是奸人是婦人。
不知此輩是精神，精神運動心相迎。
自然交感同君臣，雖有惡魅難隱形。
暗合黃素洞視訣，此是金丹日月明。

黃素篇第九

欲知童子心性明，一念中間見鬼神。
童子真精與精神，兩者旺相能欲靈。
欲學兒童須養精，莫將容易散而傾。
黃素之訣可返真，不學而能飛玉晨。

黃素篇第十

丹中有丹鉛有鉛，丹鉛本是日月根。
日月兩輪相對行，時時交偶向中田。
熟念真經識自然，一噓一吸生靈煙。
同學高人何以仙，要在識於日月躔。

黃素篇第十一


兩目按時日月明，日月生光無停雲。
閉炁鼻嚙耳中鳴，兩耳然後能通聞。
靜不亂而動可聽，無非盡與天地言。
孰能元綱交會鋒，自然魂魄不西東。

黃素篇第十二

好將心去腎中推，心腎相關有密機。
開明耳目人不知，能使鬼神判陰司。

忠孝八事更無虧，此事必可立致之。
玄中真趣太上眉，此事存神高兩眉。

黃素十二符



明靈寶淨明

黃素書卷之五

王靈寶淨明

黃素書卷之五

黃素書卷之五

右十二符，行持前說，乃拔宅之階級，而超騰之要術，黃素之樞紐也。

高上月宮太陰元君孝道仙王靈寶淨明黃素書卷之四

高上月宮太陰元君孝道仙王靈寶淨明黃素書卷之五

紫微右典者少微都錄靈寶淨

明院司察右演教使傅飛卿解

《黃素》曰：落落二明開後彰，青山石下長隱藏者，兩目不妄視也。中有玉童號瑤光者，目中瞳人也。左縛右煞相披揚者，運其睛也，左右各七也。清海扶桑者，兩腎氣運而上行也。二炁交代相照者，子千時移易也。

日本无形月與規者，左目升於右腎也。月本无明日照之者，右目升於左腎也。自有道路相交輝者，言二炁升降，禁制呼吸之絡脉也，休言者，須言之也。亭亭照中景，想也。且說洞視者，想之成也。

遲速，炁之行也。陽升於午，而降於子。陰升於子，而降於午。陽舒陰疾，子午之數以定之。黃白道，即左右之路。陰陽之炁，行於中而不迎，隨之，則噓吸不應也。黃白道者，子午運

之，其白道短，黃道長，行之有先後。自然炁，於喉中飛入頂中，即崑崙山頂也。

漏下百刻坐巍巍者，子午是百漏之刻，中分足也，一陽於此生於子也。腹內聊將黃素披者，取腎炁自脾中出，行黃道朝於心，兩炁打合也。日中有月，月中有日，陰陽交道也。面南背北，行持之理。兩相交接，无所疑惑。中分者，午時也。運動，言其出納多少之數也。

欲知寶鼎藏何物，《黃素之書》具魂魄者，陰陽之本也。中有寶符者，左右目之真形，腎之正炁。可以佩往崑崙者，腎炁上交於脾，脾腎之鼎也。交合朝心，而升於左右目，入自頂門。崑崙之北有天梯，舌也。舌拄上腭，而津液通也。

日月之中有烏兔者，陽三陰四也，陽奇陰耦也。取向金鼎慢烹之者，炁之數，嚙漱入脾中丹田之宮。早晚下火，以水澆之者，津炁也。度數之中，可見其法。

不知此輩足精神，則少思寡慾也。精神運動心相迎者，心想，故目見耳聞也。自然交感如君臣，如臣朝君，君必應之。以人朝神，神復如是。雖有惡魅難隱形者，其人精神旺，邪不干正。邪為正炁所攝，故住，暗合黃素洞視訣。此是金丹日月明者，其人內丹將就也。暗合未嘗有法，平生不失其性，非師授也。

童子者，不泄也。不泄，故精旺也。不思想，不神聚也。精神成者，養之也。養之之法者，胎息炁也。胎息者，出納也，以左手捧頭，右手捧足也。莫將容易散而傾者，亦不淫也。人有上、中、下田也，散傾者，中田不固，而引水斷之也。

丹中有丹，鉛中有鉛者，心腎之液也。以一取腎，以二取心，心腎奇耦，相交合也。兩耳本是兩腎之門也。兩目是一心之門也。以水合火，水中有丹也。水中有丹，則鼻息出納之炁。鼻金也，肺屬金，故鼻之出納，以此名金丹也。

孰能元綱交會鋒者，北斗之正真炁。自然魂魄不西東者，守南北之正位，以運日月也。

好將心去腎中推者，心腎之炁相通也。心腎者，精全神旺，兩相媾也。心腎交媾不錯，則日月自然明也。開明耳目，則心腎之炁通也。忠者，不妄也。孝者，不喪也。如推而行之，則事君，事父也。守而用之，則心君，腎父是也。

右此十一篇之正論，當思其義，自然心志明朗，意解神釋，仙道成矣。

行持適神論梵正文

𑖀𑖄𑖅𑖆𑖇𑖈𑖉𑖊𑖋𑖌𑖍𑖎
𑖏𑖐𑖑𑖒𑖓𑖔𑖕𑖖𑖗𑖘𑖙𑖚
𑖛𑖜𑖝𑖞𑖟𑖠𑖡𑖢𑖣𑖤𑖥
𑖦𑖧𑖨𑖩𑖪𑖫𑖬𑖭𑖮𑖯𑖰

中黃生正色，定位本无偏。四炁各會合，保我升玄玄。

𑖀𑖄𑖅𑖆𑖇𑖈𑖉𑖊𑖋𑖌𑖍𑖎
𑖏𑖐𑖑𑖒𑖓𑖔𑖕𑖖𑖗𑖘𑖙𑖚
𑖛𑖜𑖝𑖞𑖟𑖠𑖡𑖢𑖣𑖤𑖥
𑖦𑖧𑖨𑖩𑖪𑖫𑖬𑖭𑖮𑖯𑖰

素輝保丹室，關藏无妄發。靈靈真影存，道此長生訣。

𑖀𑖄𑖅𑖆𑖇𑖈𑖉𑖊𑖋𑖌𑖍𑖎
𑖏𑖐𑖑𑖒𑖓𑖔𑖕𑖖𑖗𑖘𑖙𑖚
𑖛𑖜𑖝𑖞𑖟𑖠𑖡𑖢𑖣𑖤𑖥
𑖦𑖧𑖨𑖩𑖪𑖫𑖬𑖭𑖮𑖯𑖰

心元中君王，能放赫靈光。下交黃素合，得遇正中央。

𑖀𑖄𑖅𑖆𑖇𑖈𑖉𑖊𑖋𑖌𑖍𑖎
𑖏𑖐𑖑𑖒𑖓𑖔𑖕𑖖𑖗𑖘𑖙𑖚
𑖛𑖜𑖝𑖞𑖟𑖠𑖡𑖢𑖣𑖤𑖥
𑖦𑖧𑖨𑖩𑖪𑖫𑖬𑖭𑖮𑖯𑖰

高上月宮太陰元君孝道仙王靈寶淨明黃素書卷之六

青白二炁本，和平安黃素。願今行寶法，以入升仙路。

右此四篇靈章，即五藏真神之正處。行黃素者，當先以此文雕鏤，或寫於睡處，則自然見五神之炁，聲歌如是。

高上月宮太陰元君孝道仙王靈寶淨明黃素書卷之五

高上月宮太陰元君孝道仙王靈寶淨明黃素書卷之六

紫微右典者少微都錄靈寶淨明院司察右演教使傅飛卿解

學黃素者，調適節宣之理，要在和平。不使淫邪情慾，思想必正，動止不欺。蓋其魂未嘗不清，魄未嘗不濁，清濁相揉，則魂魄交戰。魂不受正，魄不受制。淫慾妄念，耗其內。飲食好色，傷其外。精神血氣在體，而微哭泣，此人不可不知也。

或曰仙道難，而未必真有。地獄之說，亦空言。且逐生前，寧論既往。此真愚夫也。君不見，一草木之無知，一蟲豸之至微，桂得葱而成水，鼠得巴豆能肥，未有不滋養而能變。今人修鍊服食，以成於仙，固其理也。又有董君，以四句呪偈：使姜不辛，而鹽不鹹。亦以呪而感於物也。又有澤生者，能噓炁以止水，使水逆流；噓火，使火不然。而炁亦能禁物也。今人朝

念真經，暮行呪炁，服食有方，而冀於長生，烏有不可。今有節食之法，具之於後。

早起梳頭法

凡梳頭，必須面東，以存青炁。先用左手握髮，右手執梳，存想如在青雲之中有玄絲。念呪：

太華散靈，髮成青雲。我今梳髮，以保長生。

右梳頭，不可離睡處，一處便梳之。東方生炁所在，木主敷榮。人之有毛髮，如草木之有枝葉，故其法面東，而存青雲。

着衣法

着衣須向建方。呪曰：天賜金縷衣，金衣合時宜。溫暖有節制，服之有病離。

右着衣法，存如五色雲覆身。月建乃杓星所指之方。初起着衣，必隨月建之所在。存五色雲，蓋取五行之炁周徧四體。

召身形法

凡睡起梳頭着衣了，且靜坐一時

間，思身中萬神歸集，乃出外就盥漱。呪曰：

三魂七魄歸正宮，六五藏府神居中。各相守衛不克惱，一切妖魅不得從。

右召神訖，出戶盥漱。人之睡寐，則精神魂魄飛揚四散，故覺召而歸之。

盥漱洗面法

四時取井花水洗面，存日月交光之氣，五色滿中，乃洗面。呪曰：瓊漿變容質，却老成少年。吉祥常駢集，使我勝童顏。

陰陽五行，萬物得之者生，失之者死。故存思日月交光之炁。五色滿中者，謂其不可須臾離故也。

次服藥法

凡服藥，各隨本方。然有先食而後藥者，亦有先入靜祈神者，皆從其常，在簡易不煩，无使炁血勞弊。服藥呪曰：

蓬萊仙藥定長生，日月醫王佐我行。服之可以千百年，一切邪炁皆脫退，脫退之時如塵煙。

物皆有情，可以養人。然精聚，則

神隨之，故存日月醫王。精神相符，則正炁旺，邪炁消，故如煙塵之脫退矣。

次入靖

凡入靖，或念經，服炁，禮神，各依其常。而人之魂神，交於陰炁，或至驚懼，故先以呪安之。乃呪曰：

五藏香官直日君，同吾此去去朝真。

道我精神識至明，願無畏懼相飛驚。

誦經，服炁，禮神，皆以己之神，朝彼之神，以陽交陰，故當先安其神，而後朝禮。

飲食法

凡飲食五味，當有調理，不使失時，自然安樂。若夫修養斷穀，亦當斷穀，未得大藥金丹，未可輕爲也。飲食須在未申時前，過此，雖多無益也。呪曰：天厨神聖，遺我蘇陀。天厨神聖，遺我蘇陀。

飲食後調炁法

飲食了，即連汗以手揩面，面自光澤。然後以手摩腹，循廊緩行，五七里乃止。呪曰：

天中正真集吾身，百邪不得近相侵。吾行行處鬼神驚，却除妖魅無灾迍。

登廁法

登廁，即有穢炁，恐傷神炁，必以手振衣。念呪畢，又念呪曰：我以五藏，五穀養精。泄其腐餘，恐傷于神。其知事畢。

右登廁，不得於日月星宿之下，及面東北。臭腐與神祇相反，故當念呪，去穢而存神。

卧法

凡欲卧，須東首或南，存二斗交合覆身。呪曰：天罡神五覆吾身，夢魂之中魄神寧。東與南，陽炁所在。學道者，鍊陰歸陽，故卧當若孔子之東首，廣成子之南首。又存南北二斗，以取陰陽之正真，而藏其身焉。

高上月宮太陰元君孝道仙王靈寶淨明黃素書卷之六

高上月宮太陰元君孝道仙
王靈寶淨明黃素書卷之七

紫微右典者少微都錄靈寶淨

明院司察右演教使傅飛卿解

脾爲中主，主五藏之正炁。肺爲將軍，主五炁之呼吸。一息不至則病，一炁不生則死。故肺上覆，脾下承，是爲黃素之本經。每於子午之時，想一小兒，持黃旛在脾中、肺中。有白炁，如風吹旛。閉息靜思，則百念息矣。

五藏皆養精炁，五藏之正，心爲君宰，而此言脾肺。心之與腎，夫婦也。脾之與肺，則子母也。自子母相養，而後有父子故，於是生肝，肝生心。心，君也，則此即君臣之道，先後存焉。天高地下，三陰三陽行於中，一人之身，陰陽之炁通焉。和則安，不和則爲病。故寒熱兩勝者，瘡瘡偏陽，而陰侵之。爲癘癘偏陽，而陰承之。爲瘟，食炁不行，則爲疽。血炁不行，則癢瘡。爲熊之狀，皆所以賊害性命。知疾病之能

害，不知修養而能長生。見其千里之外，不察於目睫。今夫蓋一目，則不可以視。捏一耳，則不可以聽。閉息，則內氣不出。噴嚏，則外氣不入。審其如是，則安知其不可以存思呼召，而致和平也。知存思呼召，而後知淨明之正體。何謂正體？一切皆非正也。目之於色，耳之於聲，鼻之於香，口之於味，衣服、錢帛之欲，淫污、奸濫之惑，亦以想起而想之。正則其所得者亦易，是仙道易於目色、耳聲、鼻香、口味之事也。得此道，則是吾淨明之道易於此等，得者勝矣。何謂得者勝？人莫不欲壽，而此可使長生；莫不欲神聖，而此可致神仙。即此，則長生之與神仙之道，不離於想以正真也。

夫道，无思无爲也。无思也，而未嘗不思。思之者，正性也。无爲也，而未嘗不爲。爲之者，正理也。如必曰无思也，是犬豕而已。必曰無爲也，是木石而已。認犬豕木石以爲道，曰：我无思也，我无爲也。非也。今有人於此，塊然遺形，處於巨室，火自上起，

亦必走也；水自下溢，亦必走也。如其不走，則是正念是非正念。如能正念，必曰：水火將至，害我身命，固當走也。如謂道以无思无爲，而兼又於存想呼召爲矛盾，自非也。則心有所感，神有所凝，氣有所交，誠有所達。何謂感？感聲而應。何謂凝？凝一而靜。何謂交？靜故能交。何謂達？交故能達。凡默朝上奏通章法，用此，則魂魄不蕩，奏對不失也。如於此時，令童子在側，擊磬或步虛，隨聲飛身，及其還也，亦尋聲歸，最上法也。此訣法多不同，而於訣法之外，不可不知也。

今人修真識神，皆止於鍊陰神，如元綱飛步是也。而元綱之中，又有陽神之法。直於形軀，存而步之利，有鍊陰十年之後，未易也。如日月潔輪膏本之法，乃陽法也，想貴熟不熟，則着他物。人之修真，能升騰者少，而蛻骨者多。方蛻骨之時，要有熟識，熟識綱步、宮殿朝謁、陛對之法。昧此，則羅刹百鬼，於中界僞設穿陷。唯識其目方者是；目圓者，即惡鬼也。吾心知，

則鬼神亦怖死矣。

聞見鬼神，要在審察。清靈之鬼，僞作真仙，指迷爲正，說是爲非，最誤後學。唯想識正直，則可以辯。鬢髮青紺，面紅眼方，真神人高真也。一有缺之，未爲是也。當此時，有正念，則邪魔退伏矣。

高上月宮太陰元君孝道仙王靈寶淨明黃素書卷之七

高上月宮太陰元君孝道仙王靈寶淨明黃素書卷之八

紫微右典者少微都錄靈寶淨明院司察右演教使傅飛卿解

黃素內經上

神宮巍巍崑崙上，崑崙山下雙連灣。清濁之炁分玄黃，玄黃之炁定圓方。二炁交感生陰陽，陰陽魂魄照中堂。採之有術在心王，想之既熟爲膏粱。不必五穀藏府安，食之既久可安康。龍車鳳輦入圓光，一一圖訣宮中安。陽帝陰童稽首尊，七七之炁精神通。復上車輪還本宮，自然道備飛虛空。

黃素內經中

夫婦之妙有元功，一吸一噓生炁濃。合口細咽如雲風，甘如酥乳羅心胸。自然飽滿精神雄，兼以大藥相扶養。養就炁血兩臉紅，不食五穀吞雲風。五穀本是養炁血，七日不食人道窮。先生絕之必有道，以之頓漸相磨礪。松栢胡麻炁味融，山朮餘糧能守中。

必日食炁炁虛空，大丹可以成元功。

黃素內經下

人道大丹非可致，欲成大丹以功智。五藏不在无滓穢，要在神完精炁秘。精全神旺保百世，自然心與神明契。一切學者會以意，非在絕食而吞炁。絕食吞炁早成仙，成仙慎欲有大緣。不然自是能長命，長命之藥堪延年。山木細滌以水煎，蜂密百鍊以爲丸。如得之要助炁全，絕食可以形超然。

黃素外經上

園桂導達五味師，可理五炁生英資。禦除穢沫除蛟螭，却老延年最爲奇。出水入火甚稀奇，細嚼嚙津兼入馳。五雲相合更相宜，飲啄自絕且不飢。長得飽滿無傾危，更能栢葉傳使之。全勝取津向華池，添得元精歸四肢。

黃素外經中

心神妄念曷止之，道書靈藥固相宜。細嚼胡麻細嚙之，可以薰潤除三尸。心不生妄尸不歸，自然魂魄無東西。久則念絕渾忘之，或以茯苓消作糜。或以麥芡咀其脂，可使神永嚙華池。

不令貪涎生禍基，服餌之術須尋披。大丹之力須扶持。

黃素外經下

不學斷穀不飛昇，斷穀之中炁最靈。且無粳稻邪魔腥，自有正味歸中庭。十年之中天厨靈，早暮絡繹送饑珍。況復省欲可固精，不慕三厭與五辛。太上之藥著前經，更有祭法須葷腥。用以辟除九等神，九等之神如蟲形。以葷和藥消其形，茯苓胡麻二物精。和作淡麵向清晨，每以一劑向一旬。一劑九等皆消冰。

黃素曰：斷穀不能長生，而可以通神得仙。得仙須欲有功，有功須欲有年，是以餌藥期長生，斷穀冀升仙。功能在雙積，行藝須兩全。忠孝藏心知，服鍊以全行。修持無懈怠，一躍歸青天。升法實有法，不在身飛騰。飛騰捧丹詔，方名爲大仙。如只善升舉，此名空行仙。乘矯與乘假，此察吾之功。

黃素曰：正真之道，本由心想。諸色邪見，亦自心生。只如絕食，累年

不飢。七日不食，得疾便死。人可以累年不飢，亦可以七日致死。生死雖異，其法本同。不飢不想，出自正真。神符呪水，亦由念慮。精神配合，自然充盈。致死之思，出乎邪見。五味馨香，貪涎流溢。精神蕩散，使之飢渴。

蓋人之動止，有妄有真，不可不慎。譬之以手作拳，手發勞想，自然有汗。以汗本自手出，則未握時，本無有汗。以汗非手，則汗從何來？則汗出於心，邪出乎手，心手相應，自然汗出。又馨香之味，見之則嘔。汗穢之飲，聞之則吐。嘔吐本自馨香、穢汗生，則馨香、穢汗，二者未嘗，自以爲不相入，以爲自吐嘔中生。則馨香不吐，汗穢不嘔，則馨香、汗穢，亦出於心想。既知想之出心，必戒心之妄想，所謂想者，如是。

高上月宮太陰元君孝道仙王靈寶淨明黃素書卷之八

高上月宮太陰元君孝道仙王靈寶淨明黃素書卷之九

紫微右典者少微都錄靈寶淨明院司察右演教使傅飛卿解

黃素曰：天宮在身，即非身也；地獄在身，即非身也。天宮在外，即不在外；地獄在外，即不在外。既不在身，復不在外，即在何處？萬緣生想，想實由心，因心所起，即境在外。只如密室，本无他物。室外之花，室中不見。細想前花，花境在目。則天宮、地獄，妄想而入明矣。

黃素曰：男女之慾，生於陰陽。陰陽之中，遂生牝牡。美夫醜婦，決不相好；婦美夫醜亦復如是。美醜之異，牝牡一也。或以相好，或不相好，則牝牡之欲，猶美醜也。美醜之見，不緣牝牡。昔有盲人，交于醜婦，美如美婦。則美醜之見，猶牝牡也。則所謂牝牡非關。美好心生於慾，慾生於淫，淫液交通，本乎妄想。制於妄想，朱有

不真，是爲淨明。

黃素曰：液生心，心生液，心液之想，所自起也。涕淚之液，骨肉之親。其親之死，未見先悲。其疏之死，掩鼻而過。涕淚本一，而親疏在心故。心想生液，液變涕淚。

黃素曰：能定能應。定者，一也。應者，想也。一於所想，是爲正真。心中之炁，本乎无形。頂中之骨，有形故堅。想身之炁，破此堅骨。骨實炁虛，骨緣炁達。炁本无形，想而能通。如以想妄，骨何能開。以手捏頂，頂固已開。以手捉炁，炁未嘗有。想之所觸，遂有骨之開合。炁之攻擊，則一身之堅，一炁之全，曷爲而不可以。道引生炁，炁生津液，津液生精神，而致長生久視也。

黃素曰：天堂在頂，實不在頂。頂中有宮，名曰天堂。重樓在肺，本不在肺。玄都在腎，本不在腎。黃庭在脾，本不在脾。赤懸在心，本不在心。青都在肝，本不在肝。既本不在，果在何處？五思之中，實出想。藏天在天，

天中有天。潛地在地，地中有地。天地正形，復何形體？則天地正形，亦想所生。想之所生，本自完實。則心之正念，果有天地。

黃素曰：一切群品從未生，天北有種種恩愛、貪慾，故有天堂、地獄。卵生，胎生，濕生，化生，皆因淫起。當知纏縛，愛爲根原。猶有諸妄，助發安愛，是故生死纏縛。欲因愛生，命因欲着。由於慾想，起諸逆順境。背愛心，而生憎恚。造種種惡，是有地獄。知欲厭生，捨樂去惡，想之以善，是以淨明。正印於清明界，便得成道。諸法子由本貪欲，發揮妄見，即生煩惱，由彼煩惱，故墮死生，而現天地之獄。是故有酆都羅刹噉食身體，皆緣妄合，積彼業。但能悟入淨明，正印入極之緣，先當發願，成於八極，得於淨明，是爲正真，入大道路。

黃素曰：精忠是淨明義。以殺身至孝，是淨明仁。以成名廉潔，是淨明；以不貪利名，法忍是淨明；以不妄怒嗔，克慎是淨明；以行而恭謹，克

寬是淨明；以大而廓明，克裕是淨明；樂於分故，克容是淨明。藏於疾故，則淨明之中，其想正矣。想之以正，未有不仙。故甲冑者，有不可犯之色；哭泣者，有不可聞之聲；祭祀而見鬼神者，亦由是也。

黃素曰：以想爲妄，孰爲无想？无想爲正，孰是有想？如以有妄，子安知。无則是无，非有。如以无妄，子安知。有則是有，知无无。无既无，則是淨明之法。鑒有鏡，水即彼鏡，水可見淨明。

黃素曰：鑑水在前，本只照我，非我正形，是以有安鑑。水既設有吾真形眉目耳鼻，何以知真？汝不見形，安知是汝？如以手捏面，鑑中之影、水中之影，亦手捏面。他人不捏，不見有手。則手本在我，不在他人。手在於我，即知此面本實我面，由手面知八極。在我非八極，在他如在於他，即非淨明。

黃素曰：淨明之祖，出於正性。性中有用，本在真想。想中有妄，故失

其淨明。譬如鑿水，塵垢汙漫，不能照物，以物汙性，想之不真，亦失其淨明也。

高上月宮太陰元君孝道仙王靈寶淨明黃素書卷之九

高上月宮太陰元君孝道仙王靈寶淨明黃素書卷之十

紫微右典者少微都錄靈寶淨明院司察右演教使傅飛卿解

黃素曰：父母，天地氣也。君上，日月也。未有先天地、日月，而可以行於世者也。故孝道之本，散而為忠孝。忠孝之節，成於大道，超於仙域，故其宜也。人之一身，如有天地。天地父母，如有元氣。日月君主，如有心腎耳目。未聞无此而可長生也，要在堅持忠孝。生為八極，八極既備，如有棟梁，孰得而傾之也。

黃素曰：信，氣也。夫人一氣流通，如天四時，呼吸息數，乖則為病。寒暑陰雨而變，則為災。人之无信，灾病生焉。則八極之外，又有信也。陽氣萌於黃鐘之宮，信生於其中。

黃素曰：黃素之景，有內有外。內景清明，外景瑩徹，如琉璃珠，亦能照耀。又如冰之瑩潔，即冰消釋。

黃素曰：知淨明者，如投名字於琉璃瓶中，內外可見。

黃素曰：學道欲廣博，廣博欲精詳。既能精詳，必知條理。知其條理，務在要約。既得其要，道甚易知。

黃素曰：天下同歸一，致百慮。道本致一，無他致。跋如彼東西南北之道，會于中央。江河沼沚，皆歸於海。

黃素曰：正性為性，非性為習。一者淫習。二者貪習。三者慢習。四者嗔習。五者詐習。六者誑習。七者怨習。八者見習。九者枉習。十者訟習。十習交磨，則淨明之道。所想不到，即失其真。失其所真，正性汨沒，則淨明之理隨失，生諸妄見也。

黃素曰：道本虛空，會於實。何謂虛？以無所依據者為虛。有所依據者為實。天之實在高。地之實在廣。鬼神之實在靈。黃素之實在淨明，即淨明之為實。則名真實外，此者皆虛幻也。何謂虛幻？女以智數為實。淨明之道，非智數可以依據也。以言語

爲實。淨明之道，非言語可以依據也。以巧僞爲實。淨明之道，非巧僞可以爲依據也。所以依據，以所行於正真者爲實。

黃素曰：何謂守？守於一。一者不變，唯不變，故其變無窮；一變而七，七變爲九，九復變也。

黃素曰：道本不遠，在眉睫。道在內，在胸臆。

黃素曰：道貴要，要在簡，簡在詳，詳在條理。故黃素者，淨明之綱紀也。如舉其衣領而求其衿襯順可知也。

黃素曰：靈書三篇，其法有統。上帝之統要，有一言而可以當靈書之三篇者焉。持之不已，則功用等焉。可以息慮而攝召，凝神而養真者，要而詳也。呪曰：唵嘛囉那嘛嚕嚕莎縛訶。至學之士，如以輪珠，名曰戒珠，終始而誦，則百神護而五氣寧，內絕邪想，外迎正真，是名總玄。

黃素曰：淨明之術，有戒曰：輪珠輪珠，無故不釋手。守其正念，而歸

於正想。未視寶印，先見輪珠。輪珠無窮，是淨明法，故可以當吾鑑水。鑑水爲坐，而輪珠行止隨之。

黃素曰：以鑑照形，形中有神。以神合水，水中有真。以久而用之，可以見靈神，而辟妖精。

黃素曰：元綱飛神，必識天之道路也。陽神識路，所以朝元而不誤。

黃素曰：元剛罡路，交罡之炁。其堅如剛，久而蹈之，身飛虛空。但以正想，踴其雙肩，則神變自爾也。

黃素曰：天地動真，日月動明，四時動序，陰陽動和。天發殺機，地發殺機，日月迭照四時，不忒陰陽之氣迭爲塵。

黃素曰：吉凶者，所以懲善，否也。悔吝者，所以明動，止也。禍福者，所以報君子，小人也。

黃素曰：靈響者，心所生也。心至，則神明應之。心不至，未有能達其靈響也。

黃素曰：日月在空，其精有以得而咀嚼。陰陽无形，其炁有以得而呼

吸。鬼神至幽，則情狀有以得而呼召。此心至，而神明應者也。

黃素曰：道有始終，而始窮不可窮。唯其不可窮，故始始而終終。

高上月宮太陰元君孝道仙王靈寶淨明黃素書卷之十

（王育成點校）

030 靈寶淨明黃素書釋

義秘訣

經名：靈寶淨明黃素書釋義秘訣。撰人不詳。一卷。底本出處：《正統道藏》洞玄部方法類。

弟子方文，謹稽首真師，敢問黃素書數事，伏望玉旨，真指根源，分明垂教。

書曰：五炁朝元，三陽聚頂。

方文伏睹鐘離真仙與呂真仙，作《傳道集》，說鍊大藥金丹事有曰：五炁朝元，三花聚頂。五炁不離五行，或曰五藏也。此曰三陽，彼曰三花。陽亦炁也，且人之生諸陽聚於首，五藏之炁自是朝於泥丸，故目能明，耳能聽，鼻能嗅，舌能味。而鍊金丹曰五炁朝元，三花聚頂。只恐別有造化。伏乞分明指示。

五炁，五藏之炁，合而朝於元宮。元宮謂下元。守下元之既固，然後達於中元。達於中元，故朝於上元，名曰三陽。花者，三陽之異名也。此元陽之運動，凝結爲五，運用爲三，如此之時，丹已成矣。慶雲生於頂門，而頂之炁已開，如日月明，耳聽鼻嗅，則非正朝而聚也。

書曰：當思一身何所從來。

方文以謂，今世之人不知所以死。身之從來，乃從天地之一炁，兩半相合，父母之炁，造化之本始也。知從此來，當從此修，即合根究造化之本始。若從此孤陰而修，未合厥旨。伏乞密賜垂教。

人之初生，本乎一。一與言爲二，又一二之說。一二相化，故有真水、真火，而精神具。既識真水、真火，斯能知所從來。

書曰：日月差互，不能成功。

方文詳觀《丹經》，全以日月垂象爲，則此真法象也。能法象日月，則能奪天地陰陽造化。而差互不成功

者，《周易·參同契》云：日月相揮，持陽雄旛。陰施陰，雌變黃色。又曰：纖芥不正，悔吝爲賊陰。《真君丹經》云：採有日，取有時。又張真人詩云：毫髮差殊不作丹。所以差殊如何？何道得不差互？此是火候，願賜口訣。

日月之象，本乎精神。精神之生，存於一二。一二，火候之正數也。水火有抽添之用。然於年中選月，月中選日，日中選時，故無差互。此語載在火候。書曰：辨水火，交龍虎，明丹藥，曉鉛汞，會抽添，轉河車。

方文窮究丹經，丹經不離陰陽而生異名，凡數十種，如水火、龍虎、鉛汞、河車，皆一也。而此曰辨水火，交龍虎，明丹藥，曉鉛汞，轉河車，何也？識水火，即識龍虎。識龍虎，即識鉛汞矣。此便是丹藥之材也。如何曰辨，曰交，曰明，曰曉，曰轉？若抽添之數，又自是火候，若不識藥材，如何會抽添也？望指其要，使不相妨，以圖後學易曉。

水火、龍虎，同名也。水火言性，故曰辨。未有用也。龍虎言情，故曰交，已有用也。鉛汞言其形，則知其為藥之材，斯可曉。會抽添，即能轉河車。

書曰：以魂制魄，則知日月之生沒焉。

日月生沒，天之道，陰陽之至數也。

魂魄者，人之神，可以知之。乃欲以魂制魄，然後可知何也？

此謂兩腎也。右為命門，屬陽，為魂。陰右，陽左，而乃在右，制魄之義也。右腎之炁，夜半升於左目。左腎之炁，日午生於右目。則知日月之生沒也。子午之時，日月生炁之至數。

書曰：心腎二炁相交，故曰真水、真火。

心腎為坎離，為水為火，人人有之。然丹經謂採有日，取有時，不在心、腎。張儀甫丹經乃云：妄指心腎為坎離。此曰真水、真火何也？

心、腎相交，斯可言真。不交不足以成真。蓋相交乃能有子。

書曰：龍，心也。虎，腎也。腎炁易耗，心液難積，要在知交合之時。採取

之法，有自火中生水，水中生火，顛倒之術在也。

虎龍，即水火之異名也。又曰：龍，木也。虎，金也。既屬金、木，何故以心為龍，腎為虎？腎炁何以易耗？心液何以難積？交合之時，是下功時，龍虎交合，日月炁合也。心、腎炁自交合有時也。採取者，採取何物？從何物採？所採之物，可見不可見？可名不可名？火中生水，水中生火，固為顛倒。而人身之中，如何得便火中生水，水中生火？一一望為詳示。

此語與前說，相互換也。火生於木，金生於水，即子從於父，得真性矣。然火水未濟，不交變，不能以有用，此火中生水，水中生火之至術也。火運用，可便生水，此口訣，不可紙筆道。

書曰：內丹者，藥材，出於心、腎，是人皆有。靈胎就真炁生，於如龍有珠、牛有黃，本於黃芽生，內丹成。

方文以《丹經》考之，并自《古修錄》高真所著述，所謂藥材者，非在心腎

之間。若在心腎之間，即是人皆可以結靈胎也。孤陰寡陽，不能成造化，龍以何道而有珠？牛以何修而有黃？黃芽者，不知是何物也，可得見否？何故謂之黃芽？黃芽，大丹頭也。得黃芽，即又要行火候修持，然後內丹可成。以何道而得黃芽生？

藥材不在心腎，復歸何處？心腎之用，自有根本。龍不以耳聽，而以口聽，善於內視。牛能鼓嘯，而人不能。所以，心腎之藥，不能成真。

書曰：交龍虎，辨丹藥。砂中有汞，鉛中有銀。鉛汞相合，煅鍊自成。

交龍虎，辨丹藥，且丹藥未辨，如何得交龍虎？龍虎，便是丹藥也，辨得丹藥，然後可使龍虎交。砂中有汞，鉛中有銀。此便是丹藥，但非是凡汞。經云：凡汞、凡鉛，不勞弄。正為此也。煅鍊者，此乃火候。如何下火候，書中都不說，但云煅鍊，何以下火？願詳指示。

此謂火候，又魂制魄之說。知魂制魄，

即見火候。火候可以用時易月，以刻易日，不在乎年深也。

書曰：鉛汞抽添之法，要達天地之機。

大凡抽添，已是得藥在爐。抽添者，火候抽添也。達天地之機者，合日月之進退。經云：萬論千經講至真，不將火候著於文。要知口訣通玄處，須共神仙子細論。自古火候不傳文字，願賜夢授口訣，或親蒙聖訓。方文雖已知，恐失真實。及至下功，却有差互。可惜今日幸得遭遇，虔切叩請，以考正所學，不勝幸甚。方文呈覆。

截法中有火候，當以面授。

方文伏見真師，昔日豫章與衆仙唱和詩曰：刃鋒頭兩角，飛起金丹便落。更候八月中秋，專記勿令忘却。又一刃鋒頭，兩角生金丹，只向上頭成。此皆言上品大丹。方文雖已得知，未知合與不合？真師昔日修行事，乞賜訓誨。方文伏見真師行三五飛步事，莫便是隱書？太微帝君鎮天英，守延期存元輔事否？方文

見行之，乞賜批示。又伏睹真師得下義神方事，莫是老君金口要訣事、六丁玉女事否？欲望批示。方文呈覆。

此乃修丹之截法也。後人多恃其聰明，僞爲謬說，以誤後學，終不能成功。不知一刀鋒頭者，水中有金也。兩角者，火中有木也。以木巽火，然後能水沸。八月中秋者，十五之數也。十五，河圖之數。八月者，金也。引脾之說，非直指八月十五日。三五飛步，不言三六、四五，而曰三五，真人星也。真人星者，虛一己，以爲用存身爲真人，守三三數之成。真人星，三星也。能存真人，然後能變化，此非金口要訣、六丁玉女事。丁義。是一人，常言金丹之術，本不姓丁名義，隱其名以丁義。丁者，火也。義者，亦火也。此火中火，以真火合凡火，此正火候之法，亦不曾以授人，當別以相示。

方文伏睹真師與靈寶淨明教法。而靈寶妙道，在《度人經》中，教法甚多，方文嘗探蹟一二，伏望真師大演

度人經教，以爲教法之祖，又行持符法，在於積行累功。伏睹九老帝君《迴屍起死之經》本出《度人真經》，亦是靈寶法門。伏乞真師頒示真本，以教在壇之士。方文呈覆。

《度人經》者，太上始授之於道君，道君授之於我。我未全其妙，故道君直指淨明之教，以爲度人之喉襟。如彼元綱，亦其至妙，勤而行之，不在多閱。所謂一撞三關門，直出九衢路。汝知之乎？又曰九天，又曰三天，又曰三九，此其要妙，想所未知。何謂三九者，十二之數也。捨三以爲九，則九鼎也。存三以爲三，即三關也。此正三一之法。一生三，二生四，即金木之用。昔《迴屍起死之經》爲度人法教之術，今則真本訛舛，無復可辨。好事者易之，故《炁鏡》之篇，誤人多矣。近作《丹井緣事》乃以時數未定，然此經更數日方可出，終以相授。

方文：赫赤金丹一日成，古仙此語實堪聽。若言九載三年者，總是拖延款日程。又云：都來片餉工夫，

永保無窮逸樂。不知何道如此之速，又云：以汞投鉛，以鉛投汞，而造化成，亦片時間爾。又云：真鉛是汞中金。古仙詩云：世人不識水中金。又云：識者便是真仙子。是知一點真金便作仙。呂公詩云：捉得金精作命基。又云：須得真鉛鍊甲庚，火取南方赤鳳髓，水求北海黑龜精。於此見水火自是水火，水火乃在心腎也。真鉛自是真鉛，非在心腎之水火。鍊此真鉛，乃是大道。望真師慈悲不隱，的當密示。方文呈覆。

一日之間，取黃素之炁而吞之，乃八十一文也。何謂八十一文，九九黃素之總炁。欲知欲取清和濁，仍留濁去清工夫。別無事，一刻也能成。又汞投鉛，鉛投汞，則造化之法。心交腎，腎交心，兩炁相假合。不離於一二金，鉛中之子也，知其母，識其子矣。此左腎之炁升於肝，以達於肺，而入於頂，由頂而還中。所謂上下五分，總炁上玄。從此可知，真鉛之金，甲庚之義也。

方文受太上五雷神法，乃真師遇華岳，向玉洞靈安汪真君所傳，今惟有五印真文，其餘醮祭四維神法不全，並赤鵝等符文，未見應干訣目，恐未真的。更乞真師特賜頒示。方文呈覆。終不及今之正一五雷法，徒費心力。前日監度真師五雷，乃其要也。

方文自癸酉年，年始二十，見一西川李道人，說汞事，拜採取之法。至庚子年，又見東京一陳道士，傳方文丹經鉛汞事。至癸卯年，又見河朔一王先生，及京師庶道人，拜鄉人王學士，參同丹竈鉛汞事及火候。去年任官崇仁，遇王絳州先生高弟，傳火丹之法甚詳，已奏知太上，同結丹友，及講論火候子細，緣火候不立文字，止存口訣。今告真師，決其是非端的。令方文無疑，欲擇庚戌年下功，成就大藥，伏望真師輔佐教誨。方文今默問火候事乞，報應詳示。方文呈覆。

未得門庭，空多差路。事非奇異，未欲盡言。只如採取之法，須問採何藥？

可見不可見？可聞不可聞？或不見聞，或須見聞，只在一二。火候之法，周天火候。鍊形之訣，不足以成金丹。如欲成丹，須辨丹中之火候，下手亦有術。要知心上事，須向腎中推。腎中有真火，鉛鼎生金液。何謂鉛鼎生金液？木生火，金生水。水火，夫婦之用。金木，父子之用也。有父子，然後有家。何謂有家，脾中之丹也。然求夫婦，必能相尅。非相尅，不能相治。非相治，不能相生。欲知其術，只在二。一二之說，更細思之。可且講此一端，其中未有曉者，無惜以喻。

方文稟問下項：

一、劍訣中如何是金木相尅日起乎？此後日日存想，不知在甚時？或無時候？或只遇金火日存想，夜間如何？

一、金水相生日起手鑄。惟復日日鑄，有無時候，夜間如何？

一、如何養一年？

一、如何磨劍？

一、金水水相生日，如何是？

一、訣尾有心授之語。

相尅相生，謂之支干相生相尅之日。心授，乃隱訣。用之，從師所指，秘術也。

方文行丹景道精隱地八術，內玉皇道君正諱、隱名不同，及不識天篆。欲問下項：

一八宮玉皇正諱。

艮宮曰太嚳。震宮曰幽窅。或曰幽寥。

巽宮曰無英。離宮曰伯史。坤宮曰

運珠。兌宮曰二儀。或曰二義。乾宮

曰元輔。坎宮曰陰精。

一紫清帝君。

齋

眞

音明

齋

眞

音靈

實名雖不同，然八宮，皆北斗玉皇君之隱諱，各隨其所在而用之，如金在石爲礦，在鎔爲之丹。

方文欲問，召使玉女有何捷法？六

丁玉女名字，與符多不同，欲乞教

誨。

玉女之法，皆出一宗，然誠者易感。今法之無訛謬者，莫先於《白猿經》。

靈寶淨明黃素書釋義秘訣

(王育成點校)

031 太上洞玄靈寶飛仙度人經法

經名：太上洞玄靈寶飛仙度人經法。撰人不詳，約出於南宋。係宋元淨明派重要經書之一。假託淨明祖師許遜真君注釋《靈寶度人經》，演述淨明道法。原書正文五卷，並目錄一卷、釋例一卷。底本出處：《正統道藏》洞玄部方法類。

目錄

卷一

叙微是初學入事，訣法，下手行功，并十戒，三等受職。

啓運章付祕傳口訣，行功，看法文，上開龍漢劫，三十二天書，玉老赤字傳，念碧落空歌，書符。

真應章道君受法之初，見衆真皆會此時中

令弟子看法文未開時，冥目定觀，閉息良久，念元始天尊當說是經，至師子上住。

識神章師曰：此靈寶一切法中行事之神，宜逐日燒香，朝禮，行持法具于后。

昭應章此道君受法之初，有此昭應用說經。十遍一歸，爲普召十方真文。有金書玉篆之字，書於法圖中。經內有訣法，另有召神呪可看。

洞界章天尊傳法了，見弟子法身中有此變化。用呪呪黍米，隱身存神，拘魂制魄之術。另有存思呪訣在內，可看爲用。

護身章見弟子得法行功，恐有宿業，一切鬼神、奸人、詭賊欲來害者。行三步丁罡法，令弟子照此行持，以護身，一切鬼神、奸人不能害。

傳受章師於此戒，諭弟子，此法尊妙，德難可勝。經中所言，並是諸天上帝內名隱韻之音，亦是魔王內諱，百靈之隱名，非世上人間之常辭。與善因緣行之，萬災不干，爲萬道之宗。

說戒科目章師曰：此法行功，有薦拔祖考，超出幽夜之苦。於此演說十戒，制燒草人券，以追億劫稽親。此篇中又有七事，至用明功中，大略七事，令弟子授戒付職，給牒在此。職品章法師於此教行歷關諸天，普告三界，元始符命等文。再叮嚀弟子知，此經功不小，

此是上士行之，以至飛昇。又有三等加職。存思章行功到此，有存思呪法，凡日行，只依此念。本章以爲崇修之功德，永作定制。

卷二

叙經

開化章師見弟子得傳，行功三年，身中靈圖，有顯現出元始祖炁。化生諸天，開明三景，是爲天根。上無復祖，唯道爲身。今爲佩服行持法。

化生章此章叙前章，見五文開廓，現出五老五帝赤文五芽玉字，出示於人。有靈書之炁，化爲赤書。赤書化爲文物。凡書符存思，念上文之爲呪。

建立章見祖炁化生諸天，內有玉清之境，在中，爲天中之天。又顯三境，於此序思；以爲日用之法。有三華離便符，書于三丹田中。

度世章大行梵炁，周迴十方，顯中有度人不死之神等。五帝，又名五老。衆聖臨軒，見有此景，是無上真空，不壞不滅，長生神仙之化身。

保生章到此，已見神功、法身造化。傾光回駕，衆真執符犯錄，齊到帝前，隨所應用，以救人之生死，劫劫長存。

普告章天尊於此，出三界真文，立券篆符，以度弟子億劫種親，超出幽戶，作普告三界券。

符命章天尊出元始符命篆金書，以超生度死。今為弟子度無量億劫種親，削減惡籍，證入仙宗，以為大仙。

立券章顯法圖中，有三十二天之聖化，立法昇天券，弟子得法行功。日功於此，考驗聖功。日生惡業，日消化身，在此出。今天尊作為昇天券符真文，度弟子自身，并億劫種親昇天。

製券章天尊於此，立券法符文，四方三十二天金書玉篆真文并券式，合同券符，超出幽戶。

歷關諸天章天尊於此，立諸天真符，關告諸天，斬滅三惡根。一能為延年益壽，一能為去病除禍；一能為超度先祖。

卷三

運化章師於此示，普告無窮之主，領天地之中，四方鬼神聽命，奉行法事。

隱化章師於經中，釋出元洞玉曆。天地未判，本無形影，因大梵之炁立，始生。玉曆是罡炁生，今授法拘制，隨罡步而隱，後命歸根，以為存思隱身呪。呪行，自然隱也。

靈圖章師於此，明出中篇內，混沌之後，始制文字。前功所說，化生赤書。赤書非功夫造化之文，是浩劫之初。今天尊示教，赤明開圖，於玉皇本行經中，以為法。今聖師編入參用，始全飛仙之道。

赤文章此章，接赤書，玉訣真文呪，說古文。後來學者難施用。今出玉訣真要，開演古文元始中篇。雖有文物化生，無制伏之法，止有四方，按三十二天。靈書玉字，妙體自然。其炁分出於九梵，其開明玉訣、八威龍文，咸制九天，羣魔始伏。上天設禮，神魔才於真文玉篆之內授制。以比相參，以為法。

玉訣章師於此，出教幾行赤書真文。先須開告、安鎮五嶽。奏章疏通，呈者為佳。便為之，無所益，故今出開告、奏章、法式、行用作一章，今學者於此悟行持。五帝策文，隨經在前；八威龍文，隨經在後。直述五篇於于后，以為用。

五方赤書真文有二用，全用五書。內有祕訣行移式：一告水府；一告土府；一告嶽府。拆用五書，一投靈山之嶽，按八節、甲子、本命日書；一攝召法，凡行，光攝伏魔精。一安鎮星度，以禳天災。一召龍天、水神止水法。

卷四

龍策章師於此授，學道之士。佩此靈文施於神呪。長修善事，精誠通達，則神靈交會。所在施召，舉向立到。千變萬奇，任意所從。出入行藏，位推太極。今有法式，明白在此。

元綱章歸於此，明元綱者，昇仙之要路，天階之絕景。明教人，知元綱即元炁。人得法行功，元炁逆而上行，開通一身骨脉筋絡。人

受元炁而生，生成人體。一身上下皆屬陰，只有這物是陽精。人不識，故於此一明指變化神靈，令學者遵而行之。再有洞房修真法在此。

靈芽章師於此，明開前章。得萬範開張，化生赤書玉字，結為五芽。五芽之化，在天，則為五帝之精；在人，則為五官之秀。中理五炁，故自修洞房。行元綱布炁，而服五芽，以為修煉之法。眼五芽法，五方呪，王方真文。

仁濟章師於此，知受學道之士，得法行功，知身中無量之地能度人。上開八門，有飛天法輪。人身注定罪福，禁戒是宿命因緣。令次普受開度，身又得受生。諸天之上，各有生門。中有空洞，謠歌之音，及魔王靈篇，故令將靈篇之辭在後，今學士詳其義而為之。另有按摩符，出淨明經也。本章今別，以為救世之符，禁制之術。此分出三界符文真篆。第一欲界有斷百邪符，真文玉篆，治精怪作禍。第二色界有三道：一道鎮家宅不寧；一道解復連冤滯；一道鎮顛邪。第三無色界有符二道：一道禳公私災患；一道是遣鬼符。祖先為三界之上。飛空之中，魔王之音。此符一道，簡上書此符，歷關諸天，內亦用。

卷五

祕藏章師曰：此教弟子知聖功不小，是上天祕寶。今換手下功，以為法文呪。

著例章師於此，明著二章。一章明天地運

度；一章明天地運終。此二章，並是諸天上帝及至靈魔王之隱祕之音，非世上之常辭，故謂玄奧難可尋。詳上天所寶，祕於玄都紫微上宮，依科四萬劫一傳，要擇至人，告盟十天，然後可付，不可輕傳。

內音章師曰：此明元始靈書中篇內，有三十天隱韻之音。於此，顯修真之士功效。有赤明開圖，現真空不壞，化身出圖。又現五文開廓，皆是大梵之炁凝結。却用天書玉篆，真文應身，應玄譜要。度九祖億劫種親，立法名，昇天券。上分四方，每方八天，正文元始，中篇指教隱名。有能以黃繒爲地，書其真文佩帶，身應玄譜，九祖昇天，成仙也。下士無德，勿以輕傳。

玉字章師曰：靈書玉字，妙體自然。其炁分出於九梵，其開明見於後。所以，取之者有義。別之者有體。服之者，皆以炁之所受。其用度，在於意義。玉字真文，出昇天券。

真符章師於此，出書二十五符文。
服字章師於此集，出終歲之用字體、方向、月日，令學道之士勤玩味讀，不爲造次之間乎。兼以行持、服芽、守中，各有日子。則一歲之間，不過數日。今雖示教是凡間字樣，真書真文天篆於昇天券中。照此字理而取用之。

字訣章師於此章，明出制字之因，皆梵炁開明，隨其所宜而受持。今逐一開明于此，計二

百五十六字，出自靈書中篇。

自然章師曰：道之微妙，大無不包，小無不遺。或以文縱橫倒置，或離或散，無不當其用。元始中篇玉字，出乎大梵之炁。分之而爲字，合之而爲聲；妙之而爲符，約之而爲呪。則有飛篆散殊之體，皆因經言，所以濟用。今編入，以爲法。

復命章師於此，破盡此經中微奧微妙法。前編法教中間，盡是諸天隱語，無量音。此音字並文，人人雖有，萬箇中，無一人能知此音字。聖師故於北再三說破，此諸天中大梵隱語，無量之音。有能知其音字，便是生天、生地、生人、生物之道本。知音，便知道。知道，便知自身中性命。知性命，故知有造化。造化在此經中，方全修鍊之功。

釋例

自然玉字章師於此，明破先天祖炁。一投爲人身，只言大梵之炁。教人以有形數，發自然之和，闡自然之妙，立修煉有爲之妙法，超出於混沌之初，出於布夷之表。聖人以文運化，文以聖立教。以是而出法，依形數而名出。自玄關明三便，皆以制形數而定期運。則所謂炁者，道之全體。道之敷落，其精華顯。古聖人教觀天文，以察時變；觀地理，以察山勢。所謂文者，非今所爲，而有始制文字。此一句，爲人不可不明，莫將爲世俗之常論。若人知此一句，可逃生死，不入輪迴。

今出教文字兩事，編二章。此章筆明文理。文者，皆昔同傳聖意，垂言音與人省。一念失科，流浪輪轉。今已生爲人，誠能知身之貴，道之難，文之妙，而明之，可謂靈炁回元宮，真人歸舊隱者也。凡修真學道者，於此篇中，留心細詳，甚有妙處，味之，味之。

自然真理章師於此篇，明字之出處。字者，炁所結也。符者，字之精也。呪者，字之理也。含者，字之音也。以丹染紙，字之。與符托此，而形容也。原夫字者，出乎大梵之炁，有萬一之化。真理有三用焉，吾今開明萬一三用。萬一者，天地人物，蠢動含靈，一切有形有數，皆不離萬一之造化。造化，有三用，大抵總而言之，乃大梵之炁，遂有清濁之分。清者爲天，濁者爲地，中和之炁爲人。天一字，地二字，中者爲人，三字也。人之形體，而後於此。一爲凡夫，省事入濁穢之炁中，俱不明此身是萬一上修來。上件聖傳，妙法文字，皆不能明於此出處，多有得遇此經，亦不明此經法，皆是聖意，隱音義理。上求冥冥於幽暗之中，度日又如夢中人。皓首不遇此經，亦不能明。上件聖傳，止度得宿有善根，肯信之人。本乎爲人，合明此文字，推道理修身，而全終天年之壽，是本等道路。有等凡夫濁子，遇道人談道，大笑。詳之，非怪，不由他，他本受人形爲人，無道炁所養，累劫至今，止結得畜生業緣，故所以大笑。文字，體中所生，無有汝等。靜看度人經中一篇，無文不

光，無文不明，無文不立，無文不成，無文不度，無文不生。九天生神章，而無此文。九戶關塞，體不生神，則胞胎結滯死。炁固根真，景不守生，炁無津，徒受一形。又有一等肯信法之人，宿有善緣，今世又受父母之清炁，仍習善念，好道，敬天地，重神明，勤香火，還不離舊性。雖被宿業冤親障蔽昧，若遇磨鏡之師，點化一言，而便信。又有一等，自小齋戒，男女不願婚配，一念修行者，亦不由他，此子身中有三元，宮中宿有金名，紫字刻書，來生應為三清神仙之人。當應此文，有此數等之緣會，故上聖垂此法，教留傳隱語、隱音、文字，顯發造化修真之義理。由是而推，萬範陶冶，孰不出乎大梵者哉。原人之有生則有道，有道則有法。聖於此立，神於此行，道於此興。神因此而成聖，故顯道法以化人。道因人而有，明道，則出字文為教。教設而道著，道成而教神矣。非天下之至神至精，其孰能與於此。若非累劫之薰修，豈得見聞此教。誠哉，是言也。

自然成真章師於此，釋出自然成真真理。自然二字，釋之無盡，非世人常俗之言。聽其自然，是為此。事不及，便開言說聽其自然。世俗之人，不知此二字出處。吾今明汝等省。自然是汝天性之小名。未有此幻身，先有此名，故稱自然。自然是天生，汝等為人，是他來投胎。他是汝歷劫生身親父母，他能注汝一生，衣祿、貧賤、壽夭、富貴、行藏，悉由他

生，以為此人已有此主張，故叫名。聽其自，然，諸事由他。今安修行，又要尋見識得他，他又能生汝為神仙。運陰陽，降魔，皆憑此主人公。以此經萬卷，不離此二字為頭。今汝修行見他，他便作自然而，然，學而第一聖。師於此，明天地、人物、一切有形，皆憑道生。道生是自然，自然生成。為人法，名大梵之炁。炁能運行，若只言自然，不能見運行生化之理，大梵二字，又不可輕易而言。釋氏門中，稱梵言為西番番人之言，非也。人身中有七寶華林，自然主人投胎為人，他在七寶林中安身立命為凡夫。故將此理，稱大梵之炁，能生萬物。前二章，先明始制文字，生產之源出處了。此一章，革明大梵之炁，修行人得法，制起大梵之炁，返本還元。一身炁炁周流，與大天地中日月運行，同貫穿五臟六腑，九竅四肢，變化成真。大率飛仙度人寶法無他，革明自然成真之用，故能變化，飛昇作天仙。經後有備，悉變化之用可照。又明與大眾，省自然二字。世之人，口頭常不離此二字。但凡見人扭捏巧篇，一件事後不成，便說天生自然。端正扭捏，自然歪斜。可將此語詳之，便省此二字不小可。只是做一箇凡夫不省，只憑說得出便了。

太上洞玄靈寶飛仙度人經法目錄

太上靈寶淨明飛仙度人經法卷一

高明大使神功妙濟真君許旌陽釋


叙微

言其道包含，所以彰微者，此也。終而釋之，謂之釋例。所謂叙微者，以明例象天。

啓運章第一

道言：昔於始青天中，碧落空歌大浮黎土，受元始度人無量上品。

師曰：此道君叙，受法之初，用為看法之呪符。



右面，東再拜燒香，掐子，勒至辰，書符一道。次念碧落空歌呪符，左手掐午，歌曰：

妙哉元始道，大梵敷真文。上開龍漢劫，煥爛光彩分。三十二天書，五老赤字傳。垂慈度生死，鬱勃吐祥雲。中

有長命訣，植芽鍊飛仙。開函發玄奧，稽首生精勤。仰思高靈降，乘氣歸三清。

真應章第二

元始天尊當說是經，周迴十過，以召十方。始當詣座，天真大神、上聖高尊、妙行真人、無鞅數衆乘空而來。飛雲丹霄，綠輿瓊輪，羽蓋垂蔭，流精玉光，五色鬱勃，洞煥太空，七日七夜。諸天日月星宿，璇璣玉衡，一時停輪，神風靜默，山海藏雲，天無浮翳，四炁朗清。一國地土，山川林木，緬平一等，無復高下，土皆作碧玉，無有異色。衆真侍座，元始天尊玄座空浮五色獅子之上。

師曰：此道君受法之初，衆真皆會。此時始有淨明二篇靈書。明王因之造法著經，用之淨身。看法文時，存思呪^①。

右弟子看法文。淨身了，未開法文時，再拜，以兩手掐中指上節，閉息良久，瞑目定觀，念呪。見衆真皆會，再拜放訣。看法文念呪時，先云：我聞元始天尊至獅子之上。則

又曰：弟子慶幸，今日願受度

識神章第三

祖師太陽上帝孝道仙王靈寶淨明天尊，祖師太陰元君孝道明王靈寶淨明黃素天尊，經師至孝恭順仙王，籍師玄都御史真君，監度師三天扶教輔元大法天師正一冲玄靜應真君，度師九州都仙太史高明大使至道玄應神功妙濟真君，靈寶淨明玄中傳教聖師，靈寶淨明下教仙鄉，靈寶淨明飛天度人大元帥帝君，靈寶淨明飛天度人大使者帝君，靈寶淨明飛天度人三十六位帝君，靈寶淨明飛天度人十方神王，靈寶淨明飛天度人三百六十萬神王，靈寶淨明飛天度人十方長生大神，靈寶淨明飛天度人三部祕法羽衣騰籍判官，靈寶淨明飛天度人繡衣玉童玉女，靈寶淨明飛天度人侍經五帝直符，靈寶淨明飛天度人侍經五炁功曹，靈寶淨明飛天度人周天傳言、傳香、傳文、典籍使，靈寶淨明飛天度人護身、傳真、衛真、監真吏，靈寶淨明飛天度人前後二

十四史吏，靈寶淨明飛天度人直事傳言飛龍騎吏，靈寶淨明飛天度人八萬四千靈官寨主將，靈寶淨明飛天度人八萬四千寨節員甲馬，靈寶淨明飛天度人八萬四千受事，靈寶淨明飛天度人三界直符，靈寶淨明飛天度人怛他蘇伽功曹。

師曰：此靈寶一切法中行事之神，宜於每日遂燒香朝禮。行持法具于後：

每日子時起，燒香，存法院向西，法師向東立，垂兩手掐寅，叩齒三十六通。放訣，收手一拜，如見日光，圓數丈，直照面。又兩拜，叩齒九通。

呪曰：道香德香，無爲清淨香，靈寶淨明香。供養靈寶淨明尊，六位都法主，一切靈寶君、帝君及天君神王、諸主宰。願我所行法，速得遂我心。上報君父母，下救衆生苦。真炁常滿體，役使諸萬靈，萬靈盡歸依。急急如律令。呪畢，吸太陽一口吞。

凡遇每月朔望，即子時出庭，下掐寅，叩齒三十六通，存想十方無極飛

天神王侍立四方，青龍、白虎、朱雀、玄武衛身。放訣收手，心拜三過，叩齒三通，後呪：

道香德香，無為清淨香，靈寶淨明香。供養太上三境尊、八極諸天帝、淨明靈寶上聖，三界五帝大魔，七政五斗諸星辰，十方無極無量品神王官將，一切威靈。今日欣慶，修行至經，惟願安鎮國家，濟度天人，九祖昇遷，萬神侍衛，稽首歸依無極大道。又叩齒三通，咽液三過，再拜二過。

師曰：於此述識神章。一者，所以叙行道受法之人，上真護衛，貴在崇奉。逐日清旦行香誦持，知其衣服儀衛之像，存念不失於生時。因奉至道，名受遙勳，字載玄譜。神澄氣徹，日作真遊。死則正入仙階，身廁三十六位靈寶真人之下。夫為靈寶真人者，即天真大神妙行真人之果也，如玄中傳教聖師者。如今日淨明設教，則有玄中大法師等降汝身中，輔汝心性，使自達曉。故開一位洞神下教仙卿者。汝等開度人，使

忠孝之道淨明之說，行之不失，有益生齒，必證此位，令洞府神仙管攝之。

昭應章第四

說經一徧，諸天大聖同時稱善，是時一國男女聾病，耳皆開聰。說經二徧，盲者目明。說經三徧，暗者能言。說經四徧，跛痾積逮，皆能起行。說經五徧，久病痼疾，一時復形。說經六徧，髮白返黑，齒落更生。說經七徧，老者返壯，少者皆強。說經八徧，婦人懷娠，鳥獸含胎，已生未生，皆得生成。說經九徧，地藏發泄，金玉露形。說經十徧，枯骨更生，皆起成人。是時一國，是男是女，莫不傾心，皆受護度，咸得長生。

師曰：此道君受法之初，有此昭應用為普召十方真文，有天篆書文一百五十二字：

天 大 聖 同 時
說 經 一 徧 諸
天 大 聖 同 時

稱 善 是 時 一
圓 男 女 聾 病
耳 皆 開 聰
經 一 徧 盲 者
目 明 說 經 二
徧 暗 者 能 言
經 三 徧 跛 痾 積 逮 皆 能 起 行
久 病 痼 疾 一 時 復 形
髮 白 返 黑 齒 落 更 生
老 者 返 壯 少 者 皆 強
婦 人 懷 娠 鳥 獸 含 胎 已 生 未 生 皆 得 生 成
地 藏 發 泄 金 玉 露 形
枯 骨 更 生 皆 起 成 人
是 時 一 國 是 男 是 女 莫 不 傾 心 皆 受 護 度 咸 得 長 生

返黑齒落更
返黑齒落更

生說經七
生說經七

老者返壯少
老者返壯少

者皆強說經
者皆強說經

八編婦人懷
八編婦人懷

娠鳥獸含胎
娠鳥獸含胎

已生未生皆
已生未生皆

得生成說經
得生成說經

九編地藏發
九編地藏發

泄金玉露形
泄金玉露形

說經十編枯
說經十編枯

骨更生皆起
骨更生皆起

成是人時
成是人時

國是男是女
國是男是女

莫不傾心皆
莫不傾心皆

受護度威得
受護度威得

長生
長生

凡奏章等醮儀，皆須用此，請召十方。其文青紙朱書。吸五方炁各一口，念靈書上下品及中篇一徧，閉炁，以左手掐本師訣卯文書之。先具書云：臣某聞，昔時天尊始篆，說經一徧，至畢，咸得長生。又書云：今日欣慶修齋，願得受度。書訖，以白茅向東方，念呪燒之。呪下一段經，自道言至一時同至。乃再拜曰：弟子今日欣慶修齋，伏願十方三界衆真下降臨軒。急急如律令。定須細想聖真自空而來。

召神呪

道言：是時元始天尊說經一徧，東方

無極無量品至真大神無鞅之衆，浮空而至。說經二徧，南方無極無量品至真大神無鞅之衆，浮空而至。說經三徧，西方無極無量品至真大神無鞅之衆，浮空而至。說經四徧，北方無極無量品至真大神無鞅之衆，浮空而至。說經五徧，東北無極無量品至真大神無鞅之衆，浮空而至。說經六徧，東南無極無量品至真大神無鞅之衆，浮空而至。說經七徧，西南無極無量品至真大神無鞅之衆，浮空而至。說經八徧，西北無極無量品至真大神無鞅之衆，浮空而至。說經九徧，上方無極無量品至真大神無鞅之衆，浮空而至。說經十徧，下方無極無量品至真大神無鞅之衆，浮空而至。十徧周竟，十方無極天真大神，一時同至。

師曰：此道君受法之初，諸天皆至，用為燒真文呪。

洞界章第五

一國男女，傾心歸仰。來者有如細雨密霧，無鞅之衆，迓國一半，土皆偏陷，非可禁止。於是元始天尊懸一寶珠，

大如黍米，在空玄之中，去地五丈。元始登引，天真大神、上聖高尊、妙行真人、十方無極至真大神，無鞅數衆，俱入寶珠之中。天人仰看，唯見勃勃從珠口中入。既入珠口，不知所在。國人廓散，地還平正，無復欹陷。元始即於寶珠之內，說經都竟，衆真監度，以授於我。當此之時，喜慶難言。法事粗惡，諸天復位，倏忽之間，寂無遺響。

師曰：此天尊說經之時，有此變化，用為法師呪。黍米隱身存神，拘魂制魄之術。

右取黍米一升，選天德月德日，北向，左手拍本師訣卯文，右手斗訣。先啓白六師真師、北斗真君。取北斗紫炁七口，念呪曰：

吾聞元始天尊度人無量說經既周一國男女至，寂無遺響。吾今呪此黍米，隱身存神，拘魂制魄。變化莫測，運度無邊。急急如太上勅。

次吹炁入黍米，放淨合內供養，每日存思吞服。

存思法

每日早晨入靖，吞淨明寶籙了，取黍米一百二十粒，入室靜坐。存泥丸中有青炁，心中有白炁，臍中有黃炁。三炁俱生，如雲覆身。因變成大火燒身，身色洞徹內外，良久乃止。於是以黍米就服炁，以鼻引青炁，一百二十行嚥之止，次以水吞米。

護身章第六


是時天人遇值經法，普得濟度，全其本年，無有中傷。傾土歸仰，咸行善心。不殺不害，不嫉不妬，不淫不盜，不貪不欲，不憎不妬。言無華綺，口無惡聲，齊同慈愛，異骨成親，國安民豐，欣樂太平。經始出教一國，以道預有至心，崇奉禮敬，皆得度世。

師曰：此元始天尊，為道君說經之際，天人遇值經法，皆生此道心，為法師護身呪。

右每以本命生受胎日，於寅上步罡，七徧念此呪，即一切鬼神、奸人詭賊，欲見害者，皆自消散；十方善

人，皆來欽重。如要見貴人，即隔日步罡，而後往。步罡時，存身為道君，手執道君玉印。

右取受胎日法，謂如甲子月生，以乙卯為受胎月，戊辰日生。戊與癸合，辰與酉合。癸酉日受胎日，於前戊辰日內尋，不前則後。每年於此日，作用不拘。



南斗諱
魁魁魁魁魁
五行
水火木金土

已上自取三步丁罡，入魁至魁。右步水至金，右足起步南斗，從尾至頭，入斗中。以左挑北斗蓋頭，自斗反身出，再丁罡步，入北斗，凡七徧止，思變為七身，七身如一。

傳受章第七

道言：元始天尊說經中所言，並是諸天上帝內名隱韻之音，亦是魔正內諱，百靈之隱名也，非世上之常辭。上聖已成真人，通玄究微，能悉其章。誦之十過，諸天遙唱，萬帝設禮，河海靜默，山嶽藏雲，日月停景，璇璣不行，群魔

束形，鬼精滅爽，迴尸起死，白骨成人。至學之士，誦之十過，則五帝侍衛，三界稽首。魔精喪眼，鬼妖滅爽，濟度垂死，絕而得生。所以爾者，學士穢氣未消，體未洞真。召至十方威，未制天政，德可伏御地祇，束縛魔靈，但却死而已，不能更生。輕誦此章，身則被殃，供養尊禮，門戶興隆，世世昌熾，與善因緣，萬災不干，神明護門。斯經尊妙，獨步玉京，度人無量，為萬道之宗。巍巍大範，德難可勝。

師曰：此是道君授經與靈寶淨明天尊之時，元始所說，尊妙如是，永為傳度之先言。右自道言元始天尊說經中所言，至德難可勝，續之曰：吾今得此祕法以度汝，汝宜克心勉勵，慎守科戒。

說戒具科目章第八

道言凡誦是經十過，諸天齊到。億曾萬祖幽魂苦爽，皆即受度，上昇朱宮，格皆九年受化更生，得為貴人。而好學至經，功滿德就，皆得神仙，飛昇金闕，遊宴玉京也。

師曰：此是道君授經於靈寶淨明天尊之時，具說此經有薦拔祖考，超出幽夜之功用。於說戒之後云：此乃為弟子燒草人券，追資億劫種親。

右自道言凡誦是經，至玉京也，續云：吾今授汝祕法，為汝奉依明科，薦拔先亡億劫眷屬。汝得法之後，切冀榮華，敷揚教風，上報道君之恩。乃為弟子存念燒草人。事見本章具載。

上學之士，修誦是經，皆即受度，飛昇南宮。世人受誦，則延壽長年，後皆得作尸解之道，魂神暫滅，不經地獄，即得返形，遊行太空。此經微妙，普度無窮。一切天人，莫不受度。無量之福，生死蒙惠。

師曰：此是道君傳經與靈寶淨明天尊之時，受記保舉之詞。於拔度弟子先祖魂魄之後，再伸此言，加補弟子仙職，出給文牒。

右燒草人文券了，師就坐說上文。自上學之士，至生死蒙惠，續云：吾今授汝祕法，說超汝玄祖。今更依

科，祈叩上聖高尊，保舉汝姓名書註玄譜，遙補仙階，汝慎無忽。所有度補劄牒文，付弟子，乃以下文勅勵神將度印。

上天所寶，不傳下士，至士齋金寶，效心盟天而傳。輕泄漏慢，殃及九祖，長役鬼官。侍經五帝，玉童玉女，各二十人，營衛神文，保護受經者身。

師曰：此是道君授經之時，差玉童玉女護度弟子，因作是語，今為定格。

右補職弟子了，念上天所寶，至受經者身，續云：凡受仙官，必有將佐，汝宜修檢。

次念勅勵官將呪，勅曰：洞神有約，元帥帝君。司惡司善，史吏精勤。玉童玉女，保衛侍經。一切佐治，不得違盟。

右以左手掐中指玉皇文，一發而出面中山，取炁一口吹弟子。次付法書劍印，付弟子畢，再念下文。

道言：正月長齋，誦詠是經，為上世亡魂，斷地逮役，度上南宮。七月長齋，誦詠是經，身得神仙，諸天書名，黃籙

白簡，削死上生。十月長齋，誦詠是經，與國王帝主、君臣父子，安鎮國祚，保天長存，世世不絕，常爲人君，安鎮其方，民稱太平。八節之日，誦詠是經，得爲九宮真人。本命之日，誦詠是經，魂神澄正，萬炁長存，不經苦惱，身有光明，三界侍衛，五帝司迎，萬神朝禮，名書上天，功滿德就，飛昇上清。

師曰：此是道君傳度之後，重伸勸戒靈寶淨明天尊之詞。謝恩畢，以示叮嚀委曲之意。

師曰：凡傳度，隨力建醮行科，三獻宣詞訖，就六位前，左設香案坐，法師存神戴遠遊冠，衣絳綾文袍，青巾單皂襪，赤舄，衣朱裳，手執玉珪、銅佩，如洞神下教仙卿。先拜祖師衆真畢，就傍立，爲弟子說戒，弟子各長跪。法師先祝香，皈依三寶，爲君王師資禱福。次自道言元始天尊說經中所言，至德難可勝，續云：吾今得此祕法，用以度汝等，汝等宜克心勉勵，慎守戒科。弟子遵聽，法師就坐，演說十戒。

一者，無忘八極。

忠者欽之極，孝都順之極，廉者清之極，謹者戒之極，寬者廣之極，裕者樂之極，容者和之極，忍者智之極。天以斗為極，地以嶽為極。天以有極，則能聚衆炁。地以有極，則能聚衆形。屋以有極，則能聚衆木。人之有八極，亦如是也，故能集善。善立則道備，道備則所聞所見自然廓開，所應所修自然順適。此得靈寶淨明飛仙度人之基也。

二者，無忘鑑水。

鑑者喻心，水者喻性。心明則萬法皆照，性淨則五濁不歸。道之在人圓通，非蒙蔽可了，非操動可達。托鑑水而悟心性，此得靈寶淨明飛仙之體也。

三者，無忘日錄。

日錄者，所以修檢善惡之處。世患不能自知，患不能聞，不能聽言，則無所益。今以日錄，錄日所為，不可下筆處，皆已非也，改之為貴。則日錄者，不教之師也，不說之友也，不

詔之君父，不約之法度，不可忘之。此得靈寶淨明飛仙之相也。

四者，無忘追度安鎮。

人之所親，不過父母，所尊不過君王。上知君王、父祖之德，而思必報者，追度安鎮是也。追者，謂誦經行符，上為父祖六親之過去者，以資冥路。度者，謂誦經行符，上為父祖六親之存者，以資福筭。安鎮者，謂誦經行符，上祝國王帝主聖壽，安鎮四方。召龍行雨，驅妖馘毒，保護民物，禳度星辰，皆其一也。或在家行祖父之志，在官分君主之職，種種利益，有可報稱，皆即為之。凡木之葉落，尚自糞其本根，復命之義也。人之報本，不可不勉。此得靈寶淨明飛仙度人之宜也。

五者，無忘救治。

救治之術，慈憫為先。凡有病者，為其誦經行符，至誠禳却，如己父母。男女凡有方便，種種惠澤，皆盡其心。只如莅官行法，務布陰功。寬平設法，思久而有弊，三省而行。智

勇用兵，思進而有敗，三省而動。其或修治橋梁，當塗種植，有益於世者，皆力行之。夫人之有慈念，如木之有本根。人而不仁，不逮於禽獸。故昔有猩猩活象，義鶻搏蛇。救難除害，有如此者，可不思之。此得靈寶淨明飛仙度人之由也。

六者，無忘服煉。

服煉之術，參同天地，效法陰陽，念正真，存存不缺，則自然超脫，變化無方。今之蟲豸，有能捨陸走而至飛翔，脫川游而遂奔逸。在物既爾，人胡不然。此得靈寶淨明飛仙度人之方也。

七者，無忘剛潔。

剛則有守，而不行非淫。潔則戒污，而不慕非食。不淫，則不損身之精神。戒食，則不殺物之性命。見人妻女，如己尊親。見物性命，如己所生。自然精神全，而冤對少。此得靈寶淨明飛仙度人之實也。

八者，無忘儉約。

凡所衣服食用，當知皆是元始祖炁

化生。灰水蕩穢，不用修飾。粟麥充饑，不用珍庖。此得靈寶淨明飛仙度人之福也。

九者，無忘願約。

願者，從初入道時發心。約者，自初入道後設誓。天地神明司之，無輒中變。洞神有科，不得不慎。此得靈寶淨明飛仙度人之念也。

十者，無忘師友。

師者，所以教。友者，所以勸。教汝者似父，勸汝者似兄，孰謂父兄，而可不欽重，而委棄乎。此得靈寶淨明飛仙度人之宗也。

次明經中大略，區貫七事：載于釋例。

一明元始祖炁從何而生，先化玉字，而後發生造化。二明生育混沌，陶冶萬物。三明靈寶大法，自然生成圖書，總括萬象，為三才機紐，含融於黃素之書，要約於淨明三十五篇之奧，詳悉於飛仙度人之寶法。四明靈寶大法，為三洞之祖教，黃素則蓄其造化，淨明則著其關鍵，飛仙度人寶法貫而詳通，發指樞戶者也。

五明人生體法，元始造立混沌聖胎法身。六明元始祖炁無形之先。作何比擬？降氣成質，是生萬寶，今世作何體狀？採煉此炁，以為寶餌之登真。七明得此法者，上則白日登昇，次則長生度世，或得尸解之道。務在觀心無心，乃是真心，觀形無形，乃是真形，心形都無，自入無形，則太定神光，湛然見玉清境，乃白日上昇法也。

弟子再拜復跪，法師重伸戒言。自道言凡誦是經十過，至玉京也。吾既授法於汝，今再為汝等奉依明科，薦拔先亡，至上報大道之恩。

弟子再拜，起身序立。法師依法宣讀歷關諸天、元始符命等文。次存思，燒草人符券。事見拔亡傳度章。燒訖。次法師復位，弟子再拜謝跪。法師重伸戒言。自上學之士，至飛昇上清。見傳度章。

次法師同弟子起謝醮會高真，依儀送神法事。

師曰：於此出科品二章，以明入道

之儀。

職品章第九

師曰：凡受飛仙度人寶法者，夙名玄譜，已注仙籍，依科補職，序其高下，隨功計遷，以證將來入道之果。故於此立職品。

師曰：凡授飛仙度人寶法，陰注陽報，入職有三等：一曰入天樞局。一曰太玄都省局。又有洞神堂。今依三等，渾其高下，為弟子考課，隨其慶源福基深淺叙次：

一初地學法，與入天樞職制。

一中地學法，與入太玄都省職制。

一上地學法，與洞神堂三景諸天職制。以上三等，隨受法深淺入局。

師曰：凡三等職制之外有階。階者，由仙佐至真公之仙階，凡八等。功力顯著者，入褒榮祕格，凡三等，四字以至二字。

師曰：職有文、武二等。在天樞院，曰文武職。在太玄，曰文林、武林。在洞神，曰文郎、武郎。凡有不識字，未通儒典，義意未知，唯慕道者，

入武林。

師曰：天樞為常選，太玄為重選，洞神三景諸天為密選，凡以此分三等。重選、常選、密選，其預密而階仙佐者，壓重選、常選。內洞神乃三洞之要地，一曰洞神，一曰洞玄，一曰洞真，皆有堂，而洞玄、洞真，自非位在天帝，無因入此堂也。而洞神者，赤明開圖之時，天仙之所貴，官卑而地要。三景之職，而非洞神之職者，在洞神之下。已上並出天樞、太玄二都錄須知，及洞神都總職制律令。

存思章第十

道言：行道之日，皆當香湯沐浴，入淨室，東向叩齒三十二通，上聞三十二天，心拜三十二過。閉目靜思，身坐青、黃、白三色雲氣之中，內外翳冥，有青龍、白虎、朱雀、玄武、獅子、白鶴，羅列左右。日月照明，洞映室內。項生圓象，光映十方，如此分明。密呪曰：貪羅鬱羅，符無蘇陀，太冲太極，陰陽包和。出有入無，入生出死，鬼神莫測，變化自然。元始混氣，玄中之玄，

上干有終，下洞大淵。誦之一徧，沈痾自痊。鍊魂浴魄，真陽自全。齋戒禮誦，萬過飛仙，無上祕呪，受命綿綿。重宣心呪，貪羅洞明。玉清上極，梵氣氤氳。分靈布氣，降注付身，形神俱妙，與道合真。臣身得道，七祖飛昇，一如金格，統攝萬靈。急急如元始玄都律令。

無上玄元太上道君，召出臣身中三五功曹、左右使者、侍香金童、傳言玉女、五帝直符、直日香官，各三十二人，關啓所言：今日吉慶，長齋清堂。修行至經，無量度人，轉經受生。願所啓上徹。逕御無上三十二天，元始上帝至尊幾前。引氣三十二過，東向。

師曰：此諸靈寶真人誦經存思之法。凡行，只念度人本章，以崇修功德者，永作定制。

太上靈寶淨明飛仙度人經法卷一

①案此句後應有呪語，原文缺。

②續云：二字原缺，據前後文例補。

太上靈寶淨明飛仙度人經

法卷二

高明大使神功妙濟真君許旌陽釋

叙經

言其道經有常也，使後之達者，因經觀釋明例。釋例二卷，以象地，合三十二章，以成三十二天。叙經四卷，以象四時。

開化章第一

元始洞玄，靈寶本章，上品妙首，十回度人。百魔隱韻，離合自然，混沌赤文，無無上真。元始祖炁，化生諸天，開明三景，是為天根，上無復祖，唯道為身。

仙師曰：此是元始說本章中篇，是祖炁之先，已有此炁，變結成文，遂有赤書及二篇靈書之符，淨明寶圖，為化生之根本。今書元始靈書中篇，佩服行持，救人治病。於未誦洞章存神以前，先默念上文畢，續云：某今日欣慶會入事，書此玉字，伏願

天恩開度。心拜訖，存思如法。法事具載本章。

化生章第二

五文開廓，普植神靈。無文不光，無文不明，無文不立，無文不成，無文不度，無文不生。是為大梵。

師曰：此是說經叙，述中篇及二品靈書之炁，化為赤書，赤書之炁，化為文物。今書五老赤書，五芽玉字。凡書符，未召神存思之前，先念上文，續云：今日慶會入事，伏願天恩開度。

建立章第三

天中之天，鬱羅蕭臺，玉山上京，上極無上，大羅玉清，渺渺劫仞，若亡若存，三華離便，大有妙庭，金闕玉房，森羅淨靈。

師曰：此是說，玉字之炁，化生諸天。而玉清之境在中，為天中之天。鬱羅蕭臺者，玉清天寶，又重而靈寶、神寶，三丈人之炁，在空懸之中，不見可聞，若亡若存。三華者，炁分為三。金闕玉房，森羅淨靈，炁變而


有形也。今人分大梵祖炁，以有其身，當與天地合。故上文為存思三炁之法。

師曰：行飛仙度人之道者，當以本命太歲，其夜亥時，漏水下七刻，入室朝真。再拜靜坐，存思己身丹田下有池，皆金玉砌岸，上有金闕玉房，樓臺三層。太上老君在下層，太上道君在中層，元始天尊在上層。其臺直向頂門，而三君所坐，正當丹田、絳宮、泥丸三處，有三色雲炁毫光自泥丸出。叩齒九通，呪曰：天中之天至森羅淨靈止。掐都監訣，書三華符各一道。

第一符



第二符



第三符：



右吞一道符，存入丹田，有紅氣上透泥丸。吞第二道符，存入丹田，有紅氣上透絳宮。吞第三道符，存入丹田，有紅氣與前二氣升降交合。凡九次，成青、黃、白三氣，衝頂門，作祥雲，如車蓋。乃微祝曰：金房之內有三君，變化大梵生寶璘。正氣真精入玄玄，結成瓊臺體自然。巍巍凌空高三層，流霞丹霄翼瓊田。上通稜層九重天，下有萬丈幽谷泉。合會洞門造靈根，三華寶耀生明鮮。呪畢，咽氣九口止。

度世章第四

大行梵炁，周迴十方，中有度人不死之神，中有南極長生之君，中有度世司馬大神，中有好生韓君丈人，中有南上司命司錄、延壽益筭度厄尊神。迴骸起死，無量度人。今日校錄，諸天臨軒。

師曰：此言元始化生之初，發揮大

梵，彌羅十方，分炁流光，以有衆聖，救度無量。今為發符呪，凡救治申發章奏，追度安鎮，悉道飛天神王隨方而往。

凡用淨明，須存思呪內衆真及六師臨軒，方遣將念呪。自大行梵炁，至諸天臨軒。呪時，面東，恰卯文，吸五方五色炁五口。發揮時放訣，噓炁一口，出五色。

東方無極飛天神王長生大聖無量度人。

南方無極飛天神王長生大聖無量度人。

西方無極飛天神王長生大聖無量度人。

北方無極飛天神王長生大聖無量度人。

東北方無極飛天神王長生大聖無量度人。

東南方無極飛天神王長生大聖無量度人。

西南方無極飛天神王長生大聖無量度人。

西北方無極飛天神王長生大聖無量度人。

上方無極飛天神王長生大聖無量度人。

下方無極飛天神王長生大聖無量度人。十方至真飛天神王長生度世無量大神，並乘飛雲丹輿綠輦，羽蓋瓊輪，驂駕朱鳳，五色玄龍。建九色之節，十絕靈幡。前嘯九鳳齊唱，後吹八鸞同鳴。獅子、白鶴，嘯歌邕邕，五老啓途，群仙翼轅，億乘萬騎，浮空而來。

師曰：此言遣神王行事存思也。初，天尊遣神王下度億劫萬品之時，其儀衛如此。今法師治事，用關牒如常儀，分明書事，因隨方所遣之。如上方，則關告上天。下方，則關告九地。不歷四方者用之。凡所遣關引上，以朱書神王真篆於其差役處，以淨明法主印印之，仍書淨明怛他蘇伽功曹符。



靈寶天尊 監生 遼大神 聖

凡行用，亦須照此，作兩行書之。

保生章第五

傾光迴駕，監真度生。諸天丞相、南昌上宮、韓司主錄、監生大神，執錄把籍，齊到帝前。隨所應度，嚴校諸天。

師曰：此言靈寶大法天真大神聖衆，會集於上帝之前，救度生死。今裂以為求嗣續之法。

吞符



書日字時，口念鬱儀，取太陽炁，從左日出。書月字時，口念結璘，取太陰炁，從右日出。二炁交合，如後法。

佩符



書明字。左日七縛，右月七殺。存日月紅黃光，交合入符中。取東方


炁一口，西方炁二口發出，念呪拈訣。如要男，以手自寅左轉，至巳出。要女，以手自申右轉，至巳上出。夫婦相望，夫面西，婦面東，以清水日吞一道，百日內有子。吞符，燒入水中服之。佩符，亦用前呪呪之。書符，白素朱書，男左女右帶之。

普告章第六

普告三界，無極神鄉、泉曲之府、北都羅艷、三官九署、十二河源。上解祖考，億劫種親。疾除罪簿，落滅惡根。不得拘留，逼合鬼群。

師曰：此言靈寶天尊道君說經，可以超度生死。今為真文靈符，為弟子億劫種親超出幽戶，作普告三界券。

普告三界符文



靈寶天尊 三官九署

十二河源

解祖 考 億 劫

種 親 疾 除 罪

簿 落 滅 惡 根


不 得 拘 留 逼 合

鬼 群

太歲年月 日下。

上清靈寶大法師名銜。書時，用真文，並申中旨。下節。

普告三界符



右用桐木板，長九寸，闊三寸二分，朱書黃地，貼簡上，太玄都省印印

太安皇崖天帝婆婁阿貪。

顯定極風天帝招真童。

始皇孝芒天帝薩羅婁王。

太皇翁重浮容天帝閔巴狂。

無思江由天帝明梵光。

上揲阮樂天帝勃勃監。

無極曇誓天帝飄弩穹隆。

北方八天

皓庭霄度天帝慧覺昏。

淵通元洞天帝梵行觀生。

太文翰寵妙成天帝那育醜瑛。

太素秀樂禁上天帝龍羅覺長。

太虛無上常容天帝總監鬼神。

太釋玉隆騰勝天帝眇眇行元。

龍變梵度天帝運上玄玄。

太極平育賈奕天帝大擇法門。

三十二天，三十二帝。諸天隱諱，諸天

隱名，天中空洞，自然靈章。諸天隱

韻，天中之音，天中之尊，天中之神，天

中大魔，天中之靈，九和十合，變化上

清。無量之奧，深不可詳，敷落神真，

普度天人。

師曰：此是三十二天上帝魔王內

諱，有能知其靈音者，魔王保舉升仙。故今為弟子自身，及先代億劫種親，給付昇天券。必自東方八天訖，默念至欣慶受度封券畢，再拜，以道君玉印印之。

製券章第九

凡補弟子，及為弟子追薦祖先，並給券文。男為左券，女為右券，佩帶。以黃絹朱書之，各高九寸，長三尺二寸。每月用兩本，書昇天符，合同於上。男留左，女留右。其一本燒，隨家藏天樞門下照應，其一本與之佩帶。追度，則一本燒付亡人，一本送天樞為合契。書券之法，於天門上坐，面對巽方，掐上清訣，存身為道君。默祝事因畢，今魔王歌章，依式寫中篇真文。

魔王歌章曰：


梵行冠太羅，淳風抗玄紀。無形有常存，觀世翻然理。屢踐不終劫，探幽度生死。三乘通便路，清虛無塵滓。長夜對一魂，地獄五苦解。劍樹不搖條，刀山不傷體。門有浩劫

翁，地無天年子。今日慶斯會，諸天並歡喜。不勝情欣悅，高唱稽首禮。念歌章畢，吸炁三十二口，存太黃皇曾天帝，自東北方揖四方天帝皆至，部領玉童玉女、直符吏衆，手執丹筆，候看書券，同為保明弟子九祖六親，拔出地戶，以成大仙。如式染丹書券。

券式

書券內五符及燒券，並戴日履斗，如淨明法口傳心授。東掐寅，南巳，西申，北亥。券文書畢，以道君玉印印之，念淨明靈書二篇封券。

太上靈寶淨明院



用二券合書此符，男留左，女留右。追度亦同此式。

淨明祕典，昇入仙宮。忠孝之子，福及其親。九世蒙秩，受命仙升。靈章下處，諸天送迎。今補弟子某，充某職，須至給券照會。如追度，即云：追度弟子元靈，付天樞院受職者。

天禽地獸族玉文

即元始靈書中篇。靈書中篇，即昇天券。

東方八天

齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋

齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋

譯文

直婁阿耨，無愁觀音。須延明首，法
攬苦曇。稼那阿奕，忽阿流吟。華
都曲麗，鮮菩育臻。答落大梵，散煙
慶雲。飛灑玉都，明魔上門。無行
上首，回蹠流玄。阿陀龍羅，四象吁
員。十六句，計六十四字。

南方八天

齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋

譯文

南閩洞浮，玉牟誦誦。梵形落空，九
靈推前。澤洛菩曇，綠羅大千。眇
莽九醜，韶遙緣遭。雲上九都，飛生
自騫。那育郁馥，摩羅法輪。靈持

齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋
齋	齋	齋	齋	齋	齋	齋	齋	齋	齋

無鏡，攬姿運容。馥朗廓奕，神纓自官。計一十六句，該六十四字。

西方八天

龜	翬	翬	翬	翬	翬	翬	翬	翬
翬	翬	翬	翬	翬	翬	翬	翬	翬
翬	翬	翬	翬	翬	翬	翬	翬	翬
翬	翬	翬	翬	翬	翬	翬	翬	翬

翬	翬	翬	翬	翬	翬	翬	翬
翬	翬	翬	翬	翬	翬	翬	翬
翬	翬	翬	翬	翬	翬	翬	翬
翬	翬	翬	翬	翬	翬	翬	翬

譯文

刀利禪猷，婆泥咎通。宛藪滌色，太眇之堂。流羅梵萌，景蔚蕭嶠。易邈無寂，宛首少都。阿縊育竺，華莫延由。九開自辯，阿那品首。無量抹蓋，浮羅合神。星誕長桑，栢空度仙。計一十六句，共六十四字。

北方八天

翬	翬	翬	翬	翬	翬	翬	翬
翬	翬	翬	翬	翬	翬	翬	翬
翬	翬	翬	翬	翬	翬	翬	翬
翬	翬	翬	翬	翬	翬	翬	翬

翬	翬	翬	翬	翬	翬	翬	翬	翬
翬	翬	翬	翬	翬	翬	翬	翬	翬
翬	翬	翬	翬	翬	翬	翬	翬	翬
翬	翬	翬	翬	翬	翬	翬	翬	翬

譯文

獲無自育，九日導乾。坤母東覆，形攝上玄。陀羅育邈，眇烝合雲。飛天大醜，總監上天。沙陀劫量，龍漢瑛鮮。碧落浮黎，空歌保珍。惡奕無品，洞妙自真。元梵恢漠，幽寂度人。計一十六句，該六十四字。

右給付弟子某甲收執。佩帶以後，五苦咸解，三途並原，長滅惡根，南宮上生，劫劫受度，與天齊年。急急如律令。

太歲某年某月某日某朔，告下具職：

度師九州都仙太史高明大使至道玄應神功妙濟真君。

監度師三天扶教輔元大法天師正一冲玄神化顯佑真君。

籍師玄都御史真君。

經師至孝恭順仙王。

祖師太陰元君孝道仙王靈寶净明黄素天尊。
祖師太陽上帝孝教道明王靈寶净明天尊。

太皇黃曾天尊。


歷關章第十

歷關諸天，請滅某人三惡，斬絕地根，飛度五戶，名列太玄。魔王監舉，無拘天門。東斗主筭，西斗記名，北斗落死，南斗上生，中斗大魁，總監衆靈。青帝護魂，白帝侍魄，赤帝養炁，黑帝通血，黃帝中主，萬神無越。青天魔王，巴元醜伯。赤天魔王，負天擔石。白天魔王，反山六目。黑天魔王，監醜朗馥。黃天魔王，橫天檐力。五帝大魔，萬神之宗。飛行鼓從，總領鬼兵，麾幢鼓節，遊觀太空。自號赫奕，諸天齊功，上天度人，嚴攝北酆。神公受命，普掃不祥，八威吐毒，猛馬四張，天丁前驅，大帥仗旛，擲火萬里，流鈴八衝，敢有干試，拒遏上真，金鉞前戮，巨天後刑，屠割鬼爽，風火無停，千千截首，萬萬剪形，魔無干犯，鬼無妖精，三官北酆，明檢鬼營，不得容隱，金馬驛呈。

師曰：此元始天尊所說之經，一能為延年益筭，一能為去病除禍，一能超度先祖。凡為弟子行事，皆書其

文，歷關諸天。凡行關告，若為弟子延年益筭，自歷關諸天，至總監衆靈，再自神公受命，至金馬驛傳。若為弟子除病去禍，自歷關諸天，至無拘天門，再自青帝護魂，至萬神無越，又自神公受命，至金馬驛呈。若為弟子追度先祖，自歷關諸天，至無拘天門，再自青天魔王，至金馬驛呈。書關畢，用泰玄都省印印之。如延年治病，非章醮不可輕用。

歷關諸天真文



關式

太上靈寶净明院：

今謹據弟子某甲伏為入意，延年治病云。追度先祖云。須至關告者，準。

净明秘典，昇入仙官。忠孝之子，福及其親。九世蒙秩，受命仙升。關告到處，諸天奉行。今補弟子某充某職，須至關告者。


右歷關諸天，朱書四字。請滅弟子追度即關九祖先親等三惡，斬絕地根，至金馬驛呈。太歲某年某月某日關具職。

師曰：關文用青紙，朱書年月日，用淨明法主印印之。如為人延年治病，又須給五斗五帝符。


東斗主筭符卯文 西斗記名符酉文



北斗落死符子文 南斗上生符午文



中斗大魁符中中



右五符書時，依方取炁，掐訣念呪，存想五斗真君在五方。自北方書至中央土放訣。或佩或燒。

師曰：北斗七元君，大聖善通靈。

為吾脫死籍，黑編無姓名。令吾得長壽，特飲沆瀣精。飛仙得逍遙，無量大度人。

師曰：東斗生炁府，天中至尊神。

為吾注遐筭，遂與天地并。令吾得長壽，特賜日華精。飛仙得逍遙，無量大度人。

師曰：南斗朱明宮，丹霞至陽神。

為吾上生錄，瑤記何文明。令吾得長壽，特受丹池精。飛仙得逍遙，無量大度人。

師曰：西斗太素景，素天至光明。

為吾紀仙譜，不遭邪魅侵。肅殺無所及，特與月華精。飛仙得逍遙，無量大度人。

師曰：中央黃庭宮，大魁至貴精。

為吾監衆靈，衛護不死身。令吾得長壽，特與陰陽精。飛仙得逍遙，無量大度人。

師曰：中央黃庭宮，大魁至貴精。

為吾監衆靈，衛護不死身。令吾得長壽，特與陰陽精。飛仙得逍遙，無量大度人。

師曰：中央黃庭宮，大魁至貴精。

為吾監衆靈，衛護不死身。令吾得長壽，特與陰陽精。飛仙得逍遙，無量大度人。

師曰：中央黃庭宮，大魁至貴精。

為吾監衆靈，衛護不死身。令吾得長壽，特與陰陽精。飛仙得逍遙，無量大度人。

師曰：中央黃庭宮，大魁至貴精。

為吾監衆靈，衛護不死身。令吾得長壽，特與陰陽精。飛仙得逍遙，無量大度人。

青帝符卯文




青帝，青龍將軍。九千萬人青兵，騎吏九億萬衆，輔仁之義。

赤帝符午文



赤帝，朱雀將軍。八千萬人赤兵，騎吏八萬億衆，輔禮定智。

白帝符酉文




白帝，白虎將軍。六千萬人白兵，騎吏六億萬衆，輔義定禮。

黑帝符子文



黑帝，玄武將軍。五千萬人黑兵，騎吏五億萬衆，輔智定信。

黃帝符中文



黃帝，麟鳳將軍。三千萬人黃兵，騎吏三億萬衆，輔信定仁。

已上五符書時，先存五帝在五方，念呪：青帝護魂，白帝侍魄，赤帝養炁，黑帝通血，黃帝中主，萬神無越。次依方掐訣書，亦可自佩服。然歷關諸天，則併前說延年為之，復有行持兼神策法。

青帝符

東向叩齒九通，思青氣從口入，注肝中，生九重青華寶光，徹映頂中，書符置前，呪曰：

無上青精，九炁大靈，神光遐散，流映東青，華景鬱勃，觀我身形。宮府安鎮，寶魄自生，洞達八朗，飛昇玉庭。

畢，引氣九咽止。服一佩一。若置杖，則一納其中。

赤帝符

南向叩齒三通，思赤氣從口入，注心中，生三重丹華寶光，徹映胸前，書符置前。呪曰：

丹華流映，寶芝生光，神精徹幽，散靈八方，直符攝炁，嘯命朱童，三精敷煥，注我絳宮，赤神安鎮，五香溢充。洞映形外，表裏發光，身生水火，獨步飛行。

畢，引炁三咽止。一服一佩。若置杖，則一納其中。

黃帝符

向王叩齒十二通，思黃氣從口入，注脾中，生十二重黃華寶光，洞映一身，書符置前。呪曰：

總元高靈，回神四鄉，黃上散華，五帝交芳，流精散漫，十二重光，混合我形，萬神相迎，安脾養炁，中房保齡，度脫億劫，永鎮無窮。

畢，引炁十二口止。服一佩一。若置杖，則一納其中。

白帝符

向西叩齒七通，思白炁從口入，注肺中，生七重素華寶光，洞映丹田，書符置前，呪曰：

金靈七炁，素華流芬，金精童子，首建元巾，帶符攝炁，萬神會門。寶光奕奕，照我命根。安鎮脾華，萬劫長存。

畢，引炁七咽止。服一佩一。若置杖，則一納其中。

黑帝符

向北叩齒五通，思黑炁從口入，注腎中，生五重玄華寶光，洞映背外，書符置前，呪曰：

北上太玄，五炁徘徊，寶華五重，流光煥輝，靈景鬱秀，洞映太微，仰注我身，腎府鮮開，安鎮靈宅，萬神總歸，身生羽服，舉形自飛。

畢，引炁五咽止。服一佩一。若置杖，則一納其中。

置神策杖法

取向陽之竹，長七尺七寸，有七節者，作神策杖，使上下通直，甘竹為佳。書黑帝符，安下第二節中。次白帝符，安第三節中。次黃帝符，安第四節中。次赤帝符，安第五節中。次青帝符，安第六節中。空上一節通天，下一節立地。蠟封上節，節中實以元始之章即靈書中篇也。又封下節，節中實以五帝之章即五老赤書也。皆黃素絳文。作室，長短大小足容杖。卧息坐起，當以自隨行住。可脫衣蓋竹，隱以出入。或不以隨身，當別安潔處，無失之也。受持既久，以杖指天，天神設禮；指地，地祇侍迎；指東北方，萬鬼束形。凡乘杖行住，及欲施為，當叩齒三十六通，思五帝直符吏各一身隨方色衣服，有五色之光，流映杖上。五帝，玉女各一人，共衛杖左右。微呪曰：太陽之山，元始上精，開天張地，甘竹

運變化之靈。以此攷之，則靈書中篇在開圖之初，謂之中者，炁之和融而成書。一生二，二生三，則靈書上下二品，因之以生。貫三為一，則黃素八十一字次之。靈書二篇應於陰，陰中有陽，日宮孝道明王主之。八十一字應於陽，陽中有陰，月宮孝道仙王主之。陰陽之後五行生，五行生而分五位，於是有赤書五老之文。五行分矣，上下顯之，故有三皇內文。內文之合，而為三華，分而有九章，生神之經是也，於是則大有金書。昔元明文舉天答落大梵四字，書三便之門，開大有之關，通龍漢之真是也。九章具，而三才之理分，則三而成質有，二而成地，三而成人，其理著矣。故曰；三華離便，大有妙庭。此又見其文之所以濟生死，保劫運者。如是度人之經，大體本赤書中篇，即以一而生五，生成之終始，原其相參以為用，則不可為易通也。求其文，元始中篇著於末者，取生物首下之義，故赤書先之。今隨

經意，明以為法。

赤文章第四

師曰：按赤書玉訣，真文呪說古文，後來學者難施用。故高上注筆，以解曲滯玉訣真要，開演古文，微解玄妙，諸天所傳，披誦玉音，十方遙唱，上天設禮，神魔降伏。而今後世書道法，以舊文通之，多有謬異。世俗尚同，溺於先見，故文字以先得者為貴。世俗文以常有者為賤，而偶得者為寶。世俗復以難得者為奇，而易得者為庸謬。所以世師有得妙者，多不以及人。而盲師錯說，各立方論，遂誤後人。今審諦，先以仙房參同，務為簡要，直指宗說無疑，乃筆爾。

東方玉篆

一百二十字，正文在後。

東方九炁，始皇青天，碧霞鬱壘，中有
老人，總校圖籙，攝炁舉仙。歲星輔
肝，角亢鎮真，氏房心尾，四景回旋，箕
主七辰，正斗明輪，承炁捕非，掃除灾
群。東山神呪，攝召九天，赤書符命，
制會酆山，束魔送鬼，所誅無蠲，悉詣
木宮，敢有稽延。下制東河，溟海水
神，大劫洪灾，蛟龍負身，水府開道，通
逕百千。上帝赤文，風火無間。

譯文

東方九炁，始皇青天，碧霞鬱壘，中有
老人，總校圖籙，攝炁舉仙。歲星輔
肝，角亢鎮真，氏房心尾，四景回旋，箕
主七辰，正斗明輪，承炁捕非，掃除灾
群。東山神呪，攝召九天，赤書符命，
制會酆山，束魔送鬼，所誅無蠲，悉詣
木宮，敢有稽延。下制東河，溟海水
神，大劫洪灾，蛟龍負身，水府開道，通
逕百千。上帝赤文，風火無間。

南方玉篆

凡一百五十二字，正文列在後。

第一行篆文：... (transcription of the first line of seal script)

第二行篆文：... (transcription of the second line of seal script)

篆書

譯文

南方丹天，赤書玉堂，中有大神，號曰赤皇，上炎流煙，三炁勃光，神仙受命，應運太陽。熒煬輔心，井鬼守房，柳星張翼，統御四鄉，軫總七宿，迴轉天常，召運促會，正道驛行。赤文命靈，北攝酆山。束送魔宗，斬滅邪根，符教所討，明列罪原。南山神呪，威伏八方，群妖滅爽，萬試摧亡。南河水帝，太伯龍王，神呪流行，普掃不祥，洪水非災，正蛟召龍，開除水逕，千道萬通。敢有干試，攝送火宮。赤書所告，莫有不從。

中央玉篆

凡一百四十四字，正文列在後。

篆書

篆書

篆書

行持記。次呪曰：

無上三天玄元始三炁太上老君，召出臣身中三五功曹、左右官使者、左右捧香、驛龍騎吏、侍香金童、傳言玉女、五帝直符，各三十六人出，關啓此間土地、四面真官：臣今正爾燒香關啓，入意旨，願得十方正真之炁，入臣身中。所啓上聞，徑御無上至真大聖尊神玉帝几前。

師曰：如不用此，即邪魔所干，不得上達。

五方赤書真文第六

全用五書格

師曰：凡投簡，如告水帝削除罪籍，即朱書木簡上，以青紙裹青絲，纏之金龍水簡，以投三河之淵。如告嶽，仍用金紐，埋本命之嶽。告九地土皇，則亦如告嶽之式，埋於所住中宮。於簡上書云：具位年若干，某月生。

於水府則云：願神願仙，長生不死，三元同存，九府水帝，十二河源，江海淮澤，溟泠大神，乞削罪名，上聞

九天，謹詣水府，投簡記名，金紐示信，金龍驛傳。

五嶽則曰：長生度世，飛行上清，五嶽真人，至神至靈，乞削罪籍，上名九天，謹詣靈山，投簡記名，金紐示信，金龍驛傳。

九地則曰：長生度世，飛自上清，中皇九地，戊己黃神，土府五帝，乞削罪錄，勒名太玄，謹詣中宮，投簡記名，金紐示信，金龍驛傳。

太歲某年某月某日某朔，於某處告聞。用總監鬼神印印之。

右簡悉皆背書真文，面書呪文。

水府呪

北向叩齒三通，宣簡畢，告下。召龍天水神內用。

元始五老，赤書高尊。十方至真，太華靈仙。赤文告命，無幽不聞。上御九天，請下玉文。日月五星，北斗七元。中告五嶽，四方靈山。下告河海，十二河源。九府水帝，溟泠大神。今日上告，萬願開陳。謹投玉簡，乞削罪名。千曾萬祖，九族種親。罪相連染，及傳

我身。普蒙削除，絕滅種根。記名水府，言上帝前。七祖父母，去離八難。上登九天，衣食自然。我罪釋散，萬神鬼咸聞。謹以金紐，關盟水官。請如所陳，金馬驛傳。

嶽府呪

東向叩齒九通。

玄上開明，元始監真。上帝五老，赤書丹文。天地本始，總領三元。攝炁合會，催促舉仙。高上符命，普告十方。日月星宿，五嶽靈山。天上天下，冥靈大神。監生主錄，南上三門。開領玉簡，勒名丹書。削落罪篇，土府帝君。千曾萬祖，九族種親。皆蒙解脫，五苦八難。去離三惡，魂昇九天。先亡開度，萬劫長存。今日上告，萬神咸聞。謹以金紐，關盟真官。請如所告，金龍驛傳。

土府呪

中庭叩齒十二通。安鎮星度切用。

天開地張，九炁分靈。三元洞符，十方朗清。五老上帝，開真領生。丹書赤文，元始上清。普告天下，九土皇靈。

今日上告，萬炁定生。我願我仙，謹投玉名。土府太皇，勒除罪刑。奏簡上宮，列簿華清。早得飛騰，天地同靈。九祖種親，腐骸更榮。魂昇南宮，舉化仙庭。今日告命，萬神咸聽。謹以金紐，表名至情。請如所告，金馬驛傳。

又法

凡隱書五方赤書真文，置五方，則五嶽仙官至。長齋百日，精思，則天神下降。但佩此文，亦得尸解。朱書五方五色石上，灾殃自滅，凶逆自消。凡五嶽不必正嶽，只以住居之山分五嶽，以命方為命，皆取像以招靈氣，嶽之神無不住也。凡人一面之上，亦有五嶽備焉。

折用五書訣

師曰：梵炁開廓，出圖度世，無文不立，無文不立，無文不成，無文不度，無文不生。故百魔隱韻，離合自然。因文以治事，因意以立章。凡靈書中篇，上下二品，皆可離合而用，並用總監鬼神印。

投靈山之嶽法呪

每遇本命甲子，遇立春，寫東方赤書，自東方起，至舉仙住，凡二十四字。書於九天元臺。

立夏，則寫南方赤書，自南方起，至太陽住，凡三十二字。書於九天洞陽之館。

二分、二至，則寫中央赤書，自中央起，至萬神住，凡四十字。書於太玄玉寶玄臺。

立秋，則寫西方赤書，自西方起，至上仙住，凡四十八字。書於九人素靈宮北軒之上。

立冬，則寫北方赤書，自北方起，至玉階住，凡四十字。書於玄元紫微臺北軒之內。

天書須依方色，書白刺上，記姓名，日月。如投簡，則九年五方仙官到，使青腰、赤圭、黄素、大素玉女來。皆先叩齒十二通，呪曰：

玄上高靈，元始尊神，大聖徘徊，萬聖臨軒。三景敷暉，慶雲四陳。上投校圖，推筭九天。今日啓願，投刺靈山。丹書赤字，自然真文。上告五帝，記名

玉篇。萬神監映，日月明言。願度願生，願神願仙。天地星宿，互照我身。三官九府，五嶽太神。普告無窮，削除罪根。元始大開，莫不納言。九祖幽魂，受福自然。三途五苦，永離八難。得與三景，同暉紫宸。輪轉不滅，身得飛仙。

畢，讀刺了，投於絕岳，便散香靈山之上。又叩齒三通，向本命呪曰：

元始監映，仙名已書，三官九府，罪莫不除。散香五帝，告監太虛。請如所陳，萬劫長居。

安鎮星度天灾法呪

安鎮五方赤書，主召某方星官，正天文分度，若天灾安鎮，則隨方而息。

東方自歲星起，寫至灾群住，凡三十二字。以青紙朱書，露中庭九日九夜，依法以火燒，散灰於青烟之中。并刻書於青石上，埋之。

南方自熒熒起，寫至命靈住，凡三十六字。以青紙朱書，露中庭三日三夜，依前法燒。並刻書於赤石上，埋之。中央自鎮星起，寫至驛傳住，凡四十

字。以青紙朱書，露中庭十二日十二夜，依前法燒。并刻書於黃石上，埋之。

西方自太白起，寫至北元住，凡二十四字。以青紙朱書，露中庭七日七夜，依前法燒。並刻書於白石上，埋之。

北方自北辰起，寫至動暉住，凡三十二字。以青紙朱書，露中庭五日五夜，依前法燒。并刻於黑石上，埋之。

皆向方面散髮，叩齒十二通。呪曰：

元始上天，三官高明，迴景照曜，四方朗清。運度所衝，激揚流星。三界錯越，三統失寧。五斗總是，七宿明靈。真君大魁，厥諱玉精。夫人皇妃，字曰育嬰。總御玄關，迴轉諸天。今有客灾，玄告不祥。謹以真文，赤書上呈。散髮謝愆，披露丹誠。惟垂玄監，回復天經。炁不橫越，灾不橫生。墳燒靈文，散煙玉庭。上景照監，普告萬靈。炁消三關，灾滅九冥。陰陽調和，國土

太平。謹以金龍，風馳驛呈。

畢，露真文於中庭，以金龍鎮之，隨日而化。又依方色數，用燈照及繒為信。

攝召法呪

凡受上法，宜先攝伏魔鬼。魔精既伏，神明自改。

東方即自東山寫至稽延住，三十二字，朱書青木刺。書東華玄靈之館。

南方即自北攝寫至摧亡住，三十六字，黃書赤木刺。書西南陽正玉闕。

中央即自勅攝寫至當前住，十六字，白書黃木刺。書玄都玉臺。

西方即自赤書寫至帝君住，十六字，黑書白木刺。書九天金闕三圖之館。

北方即自北山寫至滅摧住，二十四字，青書黑木刺。書北方洞陰朔。

凡念呪，北向五次，東九次，南三次，中十二次，西七次。俱叩齒三十六通，閉炁九口，仰面念呪曰：

三元開明，迴轉天常，運推數終，百六上乘。大劫交會，萬妖爭行。北酆不拘，放逸鬼宗。群魔縱肆，妖閉天光。上帝有命，普告十方。演明天度，法教

開張。正道治民，掃除不祥。有何小妖，群聚為傷。赤書玉文，檢攝鬼鄉。北酆三官，明速傳行。千魔束爽，萬鬼送形。流鈴交煥，激炁太陽。金虎四邀，天丁捕亡。大小齊到，不得匿藏。元始所告，列奏上官。

召龍天水神止水度等法呪

天地大劫之灾，洪水四出，此符可以禳止，或使蛟龍，為通路，開水逕，以度身形。

東方，自下制東河，寫至無間止，凡三十二字，黃書青紙，投水中。

南方，自南河，寫至不從止，凡十四八字。

中央，自中山，寫至普聞止，凡十四八字。

西方，自西山，寫至驛傳止，凡十四八字。

北方，自九河，寫至風馳止，凡二十四字。

皆如東方，叩齒五通，閉炁三十五息，存身心中生火，火出頭頂，燒四方山林草木，及己身都盡，形體都成

灰塵，一時飛翔入青煙之上，無所遺。復思大水浩浩蕩蕩，除天下己身化成蛟龍，隨水而流。因又扣齒二十五通，呪曰：

上始迴靈，開明九天。元推地轉，三炁流傳。五行相促，運度機關。陰陽否激，結成災衝。大劫傾記，蕩穢除氛。九河受對，洪流激川。水母徘徊，鳥馬合群。日月冥會，三景停關。上選種臣，推校玉文。棄惡貴善，清水濁分。我參帝簡，名列九天。大災四會，赤書所蠲。是日告命，萬神咸聞。日月五星，照明我魂。五嶽靈光，山浮度我身。九河水府，溟泠大神。開除水逕，通利河津。蛟龍應符，攝山送雲。負我度我，驚回奎張。丹書玉字，元始真文。金龍驛呈，時刻無聞。者須奏御，上對帝尊。

畢，引炁二十五咽。須臾，自當有水神通關道。在山，則山浮在水，則水自開。可謂臨急而濟也。

太上靈寶淨明飛仙度人經法卷三

①此檔題原缺，據前目錄補。

太上靈寶淨明飛仙度人經法卷四


高明大使神功妙濟真君許旌陽釋

龍策章第一


師曰：受學道士佩此靈文，施於神呪，以策文指天，則天神下降，指地則地祇朝禮，三界束帶，指神神敬，指鬼鬼滅，指水水神通道。大劫交運，洪災四會，以策召龍，龍為護身。長修善事，精誠通達，則神靈交會，所在施召，舉向立到，千變萬奇，適意所從，出入行藏，位推太極，前導飛龍，後從鈞天，鳳嘯鸞鳴，十二華光，建九色之節，命靈之旛。精思九年，天儀自備。常朱書三天太上召伏蛟龍虎豹山精文，著一板上。又書記年月、師姓名，著一板上。合二板，內囊裏。又朱書次文，著一板上，凡三板，合封為神策，如簿之狀。板悉用銀木為之，長一尺四寸，廣二寸四分，以絳紋之縉作囊，合長二尺

四寸，衣之封外，又上下封以元始五老之章。

內板格



外板次文洛



題內外板文

以本師諱字及年月日題之，具本貫、法位，弟子本命、年若干，謹以某炁天中，請到太上靈寶八威策文三牒文，太上所傳黃帝，合封為策，以出俯仰之式。右每用，即先告白，次念呪。呪畢，叩齒九通，仰天三肅，引炁三咽，以策之指所告之地，閉炁九息而止。呪曰：

元始太真，五靈高尊，太華皓映，洞朗八門，五老告命，無幽不聞，上御九天，中制艷山，下鎮河海，十二水源。八威

神呪，靈策玉文，召龍負水，收炁聚雲，束魔送鬼，掃蕩妖群，萬精摧落，所誅無蠲。日月五星，北斗七元，諸天諸地，諸水諸山，五真所部，溟冷大神，仙王遊宴，五帝仗旛，天丁前驅，金虎後奔。鑿天猛獸，羅備四門，所呼立到，所召立前。赤書煥落，風火無停。有所攝驗，金龍驛傳。

師曰：靈圖赤書玉訣，龍策曰章，並略叙赤明開圖，至萬範開張，一篇所載，皆赤書煥發，開落為用，以濟含生之一二。其有多門，未能悉記。學者通於一，而萬事畢矣，豈在乎多。如能精專，何施不可。儻一一求之，雖彈紙墨，不足以盡為用，多乎哉？所謂萬範開張也。

元綱章第二

元綱流演，三十二天。輪轉無色，周迴十方。旋斗歷箕，迴度五常。三十五分，總炁上元。八景冥合，炁入玄玄。玄中太皇，上帝高真。汎景太霞，嘯詠洞章。金真朗郁，流響雲營。玉音攝炁，靈風聚煙。紫虛鬱秀，輔翼萬仙。

千和萬合，自然成真。真中有神，長生太君。無英公子，白元尊神。太乙司命，桃康合延。執符把籙，保命生根。上遊上清，出入華房。入冥之內，細微之中。下鎮人身，泥丸絳宮。中理五炁，混合百神。十轉迴靈，萬炁齊仙。

師曰：元綱者，昇仙之要路，天階之絕景。道源既判，神天居空洞之上，非言可盡，非見可聞。悟其真者，因真修真，而外真自應矣。識其妙者，因妙得妙，而外妙自應矣。推神天之象，則元綱之位，其遠其近，舉可知也。人之有元炁，關通骨脉髓穴，上達於頂，一如天上元綱之路。人之魂魄在身，一如人在天中，知出入則長生飛騰，不知則庸愚之夫，不學術業，未知事官聯班之次，而求見君也。夫元炁融聚，魂魄所養，爰有真精。真精所本根，於左腎右腎為命門，在脊骨之窮。其下有太骨，骨中髓透虎骨。其穴多龜尾，其神為王母，面南而治事，因帝所向而言，謂之西龜之山，道家托喻以為名也。

又謂之金闕，以其居西也。右謂為金闕，左為玉房。玉房，言其玉在山而木潤。居東方也。又玉，水之所本，陽精之化，精之所着，名曰淨靈。此元綱之炁，根本所發之地。寶圖之設高壇，起於此。存三之說，鬱羅蕭臺，基於此。臺之中尊，直當於心，所謂靈臺，此上清之景也。太清之上際，則心之下也。心之懸垂，其下為肝。肝之下二分，北斗七星居之。其炁達心，其原上通舌下，名曰涌泉。其炁下達右腎，腎之炁泄者，以涌泉之炁不禁為交鋒。交鋒者，言斗之罡星大魁所照之地，其性肅殺，其神即欲界也。如知道者，以舌柱上腭，直運其炁，循脊而上，以脊通頭。頭者，上清玉京之要路。所謂西龜與玉京為鄰界者，是今人不知，便以為西龜在腦者有之。然龜去玉清之炁四千萬里，則其遼邈可知也。心居中，炁直達在天，則火星最低，炁先及也。又心屬火，命門之炁亦屬火，言上達而相感，天之日月

與火星齊，故日月參之。人身，則兩乳與心齊。兩乳者，兩眼之根原也。人之二乳，藏精以養目也。故年老氣敗目昏，則乳無根，腎無精。其斗在天之東北，為天之關鍵，艮之位也。於人，則右手肩井穴也。人之炁脉，以右為始。天道行，以西北為始，由行西而至牛宿，而天事畢。人之炁，自右手肩井至左手，而人炁周。天事雖畢，而未可發生，故造化於北起焉，言重入火星也。人炁雖一周，而消息係焉，言重入心中也。由火、木、水、金而行者，天度也。由心、肝、腎、肺而行者，炁膺背脊之穴也。取脊穴而觀，則上下左右見矣。求其妙而推其喉環，通頂門，所以為玄玄之妙。妙者，言之不能盡，不可指而名也。無色之界，在心之下，空洞之處，魁之左也。後自斗口，以舌柱上腭也。舌柱上腭者，名上天橋，則超上清矣。如此則玉清之景，頭也，太清之景，丹田也；上清之景，絳宮也。心為靈臺，則靈寶之說可

見矣。於是而守，守之在心。於是而朝，朝之在頭。此三華離便，而見大有之庭也。故天中之天，無英、白元之會於心也。自然成真，則會於頭也。修上道而至此，則事畢矣，不可得而容聲也。故錄為元罡飛步之法，其有細微，出在淨明法中，今具罡圖于後。

師曰：元罡之事，參於身中，則嘯咏洞章之說。以經而論，則云玄中太皇，至自然成真住也。究其義，則玉清之景也。玉清者，天上之天也。仰而視之，則無上也；俯而窺之，則日月五星斗宿之神也，三十二天之帝也。言會而朝高真太皇也。太皇在洞房中，三十二天羅布，二十八宿環之，日月五星侍立於前，峨然大有之庭也。以人身而求之，天則頭者，上天也。兩眉間者，太皇上帝高真所居也。汎景太霞者，兩目中光也。嘯咏洞章，鼻口出入息也。金真者，鼻應金也。流響雲營，玉音攝炁者，口鼻之息，其響韻如此。紫虛者，眉

也。輔翼萬仙，千和萬合者，耳目鼻口不妄為出入，有真人童子存焉。其聲合乎天籟，與洞章參言，中正之和氣分，以其音召和氣出，為布炁呪水之呪。

師曰：長生太君，火之正星，玄中太皇之炁也。無英公子、白元尊神，是金木之神星。太乙司命，是水之尊號。桃康合廷，是土之真帝。以洞房仙法驗之，世書之論不同，今正本法，推窮得旨要之精者，為洞房法。

呪水布炁法

諸呪水布炁，見玄中太皇，身著上青衣，手執青書，坐師子座。左有長生大君，右有太乙司命，亦衣上青衣，執圭侍立。其大如棗，在兩眉間，方闊一寸，如亭殿金闕，照耀有光，如青紅瑠璃照水中。如布炁，則存照病人念呪，自玄中太皇起，至自然成真住，凡九遍，存思耳目口鼻中，有仙樂洞章步虛之聲。呪水時，吹炁於水中九口。布炁吹病人亦九口。布炁未驗，再存吹三次而止。

洞房修真法

諸修真洞房者，亦存三守一之要法也。每日靜坐，不拘時候，存玄中太皇，身著上青衣，手執青圭，坐師子上。長生大君在左，太乙司命在右；無英在左，白元在右；桃康在左；桃孩在右。長生，火也。火傳厨不息，故為長生，心也。太乙，命門之神也，故為司命。無英，肝神。白元，肺神。桃康、合廷，土神。物入土則分析而生，故其神有二。此神居臍中，臍為命之根，土為五行之根。今以為腎神，則非也。腎，水也，得土而知。故存腎者，亦思二桃也。存之，則次第存，自本官出，各衣上清金縷霞衣，侍衛中尊。太皇在眉間，分明了然。眉中一寸，廣和官殿。微呪曰：真中有神至，萬炁齊仙住。凡八十一徧，一徧，取炁一口。又思已魂衣絳綾衣袍，戴遠遊之冠，朝見太皇高尊，與太皇高尊相對坐，衆真侍立如前。復念前呪九徧，咽津八十一過而止。

靈芽章第三

師曰：經自梵炁而分，其言包含萬範，皆明梵炁分布，施生靈秀。於是而知赤書之字，結為五芽。在天則為五帝之精，在人則為五官之秀。中理五炁者，以其下鎮安於一人也。故自修洞房，行元綱，布神炁，而服五芽，存思食生炁之法。

服五芽法

師曰：九炁青天，三炁丹天，中央黃天，七炁素天，五炁玄天，各有五帝五靈之童。東方青靈之童，典清帝之書，諱開陽，長九寸，青羽衣，執青麾，侍文左。南方赤靈之童，典赤帝之書，諱丹珠，長三寸，赤羽衣，執赤節，侍文前。中央黃靈之童，典黃帝之書，諱紅瑛，長一寸二分，黃羽衣，執黃鉞，侍文中央。西方白靈之童，典白帝之書，諱明石，長七寸，素羽衣，執白旗，侍文右。北方黑靈之童，典黑帝之書，諱玉滋，長五寸，黑羽衣，執黑幢，侍文後。學者思此五童，降己身百日，及佩真文百日。其

神居五藏之中，為致五芽之精。常以立春之日，雞鳴入室，東向九拜，平坐，叩齒九通，思青帝字靈威，長九寸，冠青玉冠，衣九炁青羽飛衣，駕蒼龍玉輿，建鵝旗，從甲乙始老之官九十萬人來降。須臾，化生青炁，如雲貫覆己形，從己口直入下肝腑。又思木星煥明在東方，照己身，便開目，念呪九遍，吞東方真文十二字。又常以立夏日，雞鳴入室，南向三拜，平坐，叩齒三通，思赤帝字飄弩，長二寸，冠赤玉冠，衣三炁丹羽飛衣，駕丹龍王輿，建采旗，從丙丁真老之官三十萬人來降。須臾，化生赤炁如火，貫覆己形，從己口入，直下心腑。又思火星煥明在南方，照己身，便開目，念呪三遍，吞南方真文十二字。又常以二分二至四日，雞鳴入室，向王十二拜，平坐，叩齒十二通，思黃帝字含樞紐，長一尺二寸，冠黃玉冠，衣五色羽衣，駕黃龍玉輿，建黃旗，從戊己元老之官十二萬人來降。須臾，化生黃炁如雲，

覆己身，從己口入，直下脾腑。又思土星在天中，照我身，便開目，念呪十二遍，吞中央真文十六字。常以立秋日，雞鳴入室，西向七拜，平坐，叩齒七通，思白帝字曜魄寶，長七寸，冠白玉冠，衣七炁白羽飛衣，駕白龍玉輿，建素旗，從庚辛皇老之官七十萬人來降。須臾，化生白炁如雲，貫覆己身，從己口入直下肺腑。又思金星煥明在西方照己身，便開目，念呪七遍，吞西方真文十二字。又常以立冬日，雞鳴入室，北向五拜，平坐，叩齒五通，思黑帝字隱侯局，長五寸，冠玄玉冠，衣五炁玄羽飛衣，駕黑龍玉輿，建皂旗，從壬癸元老之官五十萬人來降。須臾，化生黑炁如流星之光，貫覆己形，從己口入，直下腎腑。又思水星煥明北方，照覆己身，便開目，念呪五遍，吞北方真文十二字。

東方呪曰

九炁青天，元始上精，皇老尊神，衣服羽青。役御天官，煥明歲星。散輝流

芳，陶溉我形。上餐明霞，服引木精。固養青芽，保鎮朽齡。肝腑充溢，玉芝自生。迴年億劫，色及童嬰。五炁和合，天地長并。

南方呪曰

三炁丹天，朱宮靈童。元始上老，參駕赤龍。丹羽飛衣，錦被明光。驅策靈官，運導陰陽。三炁吐輝，溉我絳宮。赤子但鎮，鍊芽飾容。朝餐朱景，玉芝滿充。迴停劫年，朽骸反童。長齡天地，永享無窮。身生水火，斷絕群凶。

中央呪曰

中黃太山，元炁徘徊。上有皇老，總統四垂。參駕黃龍，五色羽衣。運導九天，輪轉璇璣。煥明七星，流光散輝。玉英芳芝，充溢四飛。陶溉我身，脾臍先開。養芽餐精，萬神總歸。檢魂制魄，仙鍊八威。表裏洞明，長生不衰。通真達靈，升入玄微。

西方呪曰

金靈七門，皓映西華。中有素皇，元始之家。參駕白龍，七炁峨峨。徘徊玉門，散精朱霞。金星吐輝，芳芝霂霂。

玄奧我身，養我素芽。明右鮮光，萬劫不俱。服以流泉，餐以太和。九天上帝，給以玉華。保年駐顏，白景敷羅。長存天地，三光同遐。

北方呪曰

北方玄天，五炁散靈。上有大神，始老元精。駕龍建旗，遊宴上京。是日元吉，慶雲敷榮。飛芝流灑，滂沱四盈。玉女玄奧，溉我身形。腎宮充鎮，朽芽重生。五府納真，上通神明。五老降接，仙道早成。變化水火，衣服羽青。飛行太空，遊造紫庭。壽同三景，萬劫遐齡。

右呪畢，各依方數咽津止，便服字。諸常服字，則以雞鳴陽光始分，東向叩齒如其方數，摩兩掌拭面目如其方數。念呪，自東方起，至北方終，為一周。

東方青芽云：服食青芽，飲以朝華。畢，便以舌撩上齒之裏，舐唇三過，令玉泉滿口，而咽之三過。又引青炁九咽，令鎮肝中。
南方朱丹云：服食朱丹，飲以池華。

以舌撩下齒表，舐唇漱口，令玉芝滿口，而三咽之。又引赤炁三咽，令鎮心中。

中央戊己云：昂昂太山，服食精氣，飲以醴泉。畢，以舌撩上齒，取玉泉，舐唇而三咽之。又引黃炁十二咽，令鎮脾中。

西方明石云：服食明石，飲以靈液。畢，以舌撩上齒，漱口，令玉芝滿口，而三咽之。又引白炁七咽，令鎮肺中。

北方玄滋云：服食玄滋，飲以玉飴。畢，以舌撩下齒內，舐唇漱口，滿而咽之。又引黑炁五咽，令鎮腎中。

右畢，叩齒三十六通，咽炁二十五過止。又都呪曰：白石巖巖，以次行源，泉通湧洞，灌以玉漿，飲之長生，壽命益長。畢，以舌撩口上下中央，令玉芝滿口，而三咽之。其道都畢。

東方真文

東方真文
食 朱 芽 飲 以
方 青 芽 服

朝華

南方真文

南方真文
南 方 朱 丹 服

食 朱 丹 飲 以

池華

中央真文

中央真文
中 央 戊 己 昂

昂 太 山 服 食

精 氣 飲 以 醴

泉

西方真文

西方真文
西 方 明 石 服

食 明 石 飲 以

靈液

北方真文

北
方
靈
液
滋
服

食
玄
滋
飲
以

玉
靈
飴

仁濟章第四


仙道貴生，無量度人。上開八門，飛天法輪。罪福禁戒，宿命因緣。普受開度，死魂生身。身得受生，上聞諸天。諸天之上，各有生門。中有空洞，謠歌之音。魔王靈篇，辭參高真。

師曰：此唾易修摩也。其神常集於泥丸之上，在人頭，常為人呼集魂魄真神，有淪喪數未盡者，皆救。其名為法侖，兄弟三人，手執飛天法輪，此是三天魔王之子也。其靈篇之辭在後，詳其義，而為之洞章。而唾易修摩符，出《淨明經》也。本章今別以為救世符禁之術。

第一欲界飛空之音：人道渺渺，仙道莽莽。鬼道樂兮，當人生門。天道貴生，鬼道貴終。仙道常自吉，鬼道常自凶。

師曰：此歌音可以斷百邪。凡人家素有妖魅，未欲驅捉，只令自此分散，不為禍患，則以此音治之。掐酉文，念呪七遍，書符一道鎮之，其怪永絕。

符文



右件，以五月五日造印之。如有患狐魅，即令帶之，其鬼自去。

高上清靈爽，悲朗太空。唯願仙道成，不欲人道窮。北都泉曲府，中有萬鬼群。但欲遏人筭，斷絕人命門。阿人歌洞章，以攝北羅酆。束送妖魔精，斬馘六鬼鋒。諸天罔蕩蕩，我道日興隆。師曰：此歌音可以驅捉邪魅。凡人家有精怪作禍，遣之不去者，以此音。掐酉，朱書真字一通，付所差官

將擒之。其文先以引劄敘事，用此粘連卷前，或粘投詞前。如有印文，即掐訣，印粘之。

真文玉篆

以	阿	斷	自	中	背	不	唯	悲	高
翽	人	絕	但	有	北	欲	願	歌	高
北	歌	人	欲	萬	都	欲	仙	朗	上
羅	洞	命	遏	鬼	泉	人	道	太	清
酆	章	門	人	群	曲	道	道	空	靈
			筭	萃	府	窮	成		爽

虛^東欲^送務^妖濂^魔謹^精

斬^斬斫^斫元^六鬼^鬼鏘^鏘


諸^諸百^天氣^氣蕩^蕩蕩^蕩

我^我道^道日^日興^興隆^隆

第二色界魔王之章：落落高張，明炁四騫。梵行諸天，周迴十方。無量大神，皆由我身。

師曰：此歌音可以禳鎮。凡人家宅不寧，所謀不遂，身命迍蹇，可以用朱書符，貼佩。書時念此呪七遍，又左手辰文。

符文




我有洞章，萬徧成仙。仙道貴度，鬼道

相連。天地眇莽，穢炁氛氛。三界樂兮，過之長存。身度我界，體入自然。此時樂兮，薄由我恩。

師曰：此歌音，可以解拔冤滯，飛注復連。凡有此者，以桐木書符，念七遍，手掐巽，取東方炁一口，吹之。書畢，却以再書寫此一段，於其上四畔發出。用朱書，亦可佩帶，令人和合，所向如心也。

符文




右書訖，以字蓋之，置於門上。若解塚訟，則釘墓側。

龍漢蕩蕩，何能別真。我界難度，故作洞文。變化飛空，以試爾身。成敗懈退，度者幾人。笑爾不度，故為歌音。

師曰：此歌音可以治顛邪。凡心病，不知所主者，以此呪符五徧，取午炁一口，書符，令患吞佩。左右午文。


符文



第三無色界魔王歌曰：三界之上，眇眇大羅。上無色根，雲層峨峨。唯有元始，浩劫之家。部制我界，統乘玄都。有過我界，身入玉虛。我位上王，匡御衆魔。

師曰：此歌音可以佩帶，百神稽首。公私災患，不及書符，即用此呪之。左手寅文，呪三徧，取東西二方炁各一口。書訖，朱寫文封之，一邊寫，一邊押字。

符文




空中萬變，穢炁紛葩。保真者少，迷惑者多。仙道難固，鬼道易邪。人道者心，諒不由他。仙道貴實，人道貴華。爾不樂仙道，三界那得過。其欲轉五

道，我當復奈何。

師曰：此歌音乃遣鬼呪也。凡有祖先為禍，不可攝罪者，以此音呪符一道，燒之。書符時，再掐酉文。

符文



此三界之上，飛空之中。魔王之音，音參洞章。誦之百遍，名度南宮。誦之千遍，魔王保迎。萬徧道備，飛昇太空。過度三界，位登仙公。有聞靈音，魔王敬形。

師曰：此歌音真書，以封前所燒之符。封符如簡，上書此文。

勅制地祇，侍衛送迎。拔出地戶，五苦八難。七祖昇仙，永離鬼官。魂度朱陵，受鍊更生。

師曰：此章可以救沉滯。凡有幽魂，則先燒遣鬼呪符，次焚符。追度之時，其文當寫如歷關諸天，關子叙事意。凡為弟子追度，則同歷關諸天同為之。以黃紙墨寫符文

符文



太上靈寶淨明飛仙度人經法卷四

太上靈寶淨明飛仙度人經法卷五

高明大使神功妙濟真君許旌陽釋

祕藏章第一

是謂無量，普度無窮。有秘上天文，諸天共所崇。泄慢墮地獄，禍及七祖翁。

師曰：此是元始說經，不可輕易，皆上天祕寶，泄慢則招禍。故神仙學道，以祕之。今為收法文呪，凡收祕文，則以左手恰午，勒入向下，念此呪，則其法通靈，所在神護，鎮宅安家也。

著例章第二

道言：此二章，並是諸天上帝及至靈魔王隱祕之音，皆是大梵之言，非世上常辭。言無韻麗，曲無華宛，故謂玄奧，難可尋詳。上天所寶，祕於玄都紫微上宮。依玄科，四萬劫一傳。若有至人，齎金寶質心，依舊格告盟十天，然後而付焉。

道言：夫天地運度，亦有否終。日月

五星，亦有虧盈。至聖神人，亦有休否。末學之夫，亦有疾傷。凡有此災，同炁皆當齊心修齋，六時行香，十徧轉經。福德立降，消諸不詳。無量之文，普度無窮。

道言：夫末學道淺，或仙品未充，運應滅度，身經太陰。臨過之時，同學至人爲其行香，誦經十過，以度尸形如法，魂神逕上南宮，隨其學功，計日而得更生，轉輪不滅，便得神仙。

道言：夫天地運終，亦當修齋，行香誦經。星宿錯度，日月失昏，亦當修齋，行香誦經。四時失度，陰陽不調，亦當修齋，行香誦經。國主有災，兵革四興，亦當修齋，行香誦經。疫毒流行，兆民死傷，亦當修齋，行香誦經。師友命過，亦當修齋，行香誦經。夫齋戒誦經，功德其重。上消天災，保鎮帝王；下攘毒害，以度兆民。生死受賴，其福難勝。故曰無量，普度天人。

道言：凡有是經，能爲天地、帝主、兆民，行是功德。有災之日，發心修齋燒香，誦經十過，皆諸天記名，萬神侍衛，

右別至人，剋得爲聖君，金闕之臣。諸天記人功過，毫分無失。天中魔王，亦保舉爾身。得道者，乃當洞明是至言也。

師曰：此是元始說經，明其有經者，可以行事。每件舉而用，則表奏狀牒，皆云準經格，言遵奉天尊誨約，推而行之，不敢別立外意。今錄一件以爲式，謂如爲同學滅度，誦經修齋，則其辭文云準經格，道言至便得神仙，右某，伏爲甲乙云云。

內音章第三

諸天中梵隱語無量音元始靈書中篇。

東方八天

亶婁阿耨，無恕觀音。須延明首，法攬菩曇。稼那阿奕，忽訶流吟。華都曲麗，鮮菩育臻。荅落大梵，散煙慶雲。飛灑玉都，明魔上門。無行上首，回蹠流玄。阿陁龍羅，四象吁員。

南方八天

南閻洞浮，玉眸洗洗。梵形落空，九靈推前。澤各菩臺，綠羅大千。眇莽九醜，韶遙緣邇。雲上九都，飛生自騫。

那育郁馥，摩羅法輪。靈持無鏡，攬姿運容。馥朗廓奕，神纓自宮。

西方八天

刀利禪猷，婆泥咎通。宛藪滌色，太眇之堂。流羅梵萌，景蔚蕭嶠。易邈無寂，宛首少都。阿縵郁竺，華莫延由。九開自辨，阿那品首。無量扶蓋，浮羅合神。玉誕長桑，栢空度仙。

北方八天

獲無自育，九日導乾。坤母東覆，形攝上玄。陀羅育邈，眇炁合雲。飛天大醜，總監上天。沙陀劫量，龍漢瑛鮮。碧落浮黎，空歌保珍。惡奕無品，洞妙自真。元梵恢漠，幽寂度人。

師曰：天書玉字，凝飛玄之炁，啓運數之期，八會而成音，五合而成章，煥乎諸天，曜於太幽，與龍漢、赤明而俱化，鍊水火於五行之終，合金木於五行之始，兆開三景，分判二儀，立五嶽，超生死，而振潛伏者，自然之文也。如能以每月初三日，初五日，初九、十五、二十五日，各清齋誦詠龜山丹皇飛玄紫文，以次而思存

誦詠，則當名書九天，魔王保舉，九玄七祖，皆被福蔭。誦詠之妙法詳矣。今再取其便而易行，使當思詠而不忘者，著于後。

東方

常當叩齒九通，思九色之龍居左，青雲九重，覆匝身形。密呪曰：

赤明開圖，九炁迴真。總統玄關，青帝大神。流化九外，纏綿我身。靈音八書，六十四篇。洞明天地，與我合仙。運致龍駕，上昇帝轅。畢，引炁九咽止。

南方

常當叩齒三通，存朱雀、鳳凰翔于前，絳雲三重，覆匝身形。呪曰：

三炁徘徊，靈鳳來飛。玉音八字，煥爛紫微。吉日大慶，我道洞開。朱丹哺飴，仰吸靈暉。身生水火，絳帔羽衣。登空步虛，足躡丹梯。周旋八天，七祖相隨。畢，引炁三咽止。

西方

常當叩齒七通，存白虎、獅子居右，素雲七重，覆匝身形。密呪曰：

七炁金靈，八天尊神。白虎策輦，獅子捧轅。七炁纏綿，煉我成仙。身發金

光，映明素靈。內外變化，昇入金門。七祖出夜，九幽開魂。三塗五業，長斬惡根。同灌福舍，受慶自然。億劫開度，隨運長存。畢，引炁七咽止。

北方

常當叩齒五通，思羽蓋，玄武從于後，玄雲五重，覆匝身形。呪曰：

元天徘徊，流景上清。大道啓運，八字開明。飛天澄空，洞音日生。五炁纏綿，灌我身形。冠帶北單，今日受煉。洞靈腎府，內外光精。飛行三界，遊宴紫庭。七祖同慶，歡樂劫齡。七寶林中，反胎更形。長夜出離，南宮紀名。黃籙白簡，削死上生。畢，引炁五咽止。

師曰：有能以黃繒為地，書其真文佩帶，而常存念前章，則身應玄譜，九祖昇仙。其佩文之法，已見於昇天券矣。今有服字等法，叙于後，為玉字章。

玉字章第四

師曰：靈書玉字，妙體自然，其炁分出於九梵，其開明見於後。所以取之者有義，別之者有體。是以服之


者，皆其炁之所受，養之以和，而致仙錄。爰自炁出為字，字散為符，離合出於玄微，旨義本於深奧。天真皇人，記之以為上篆；道君天尊，合之以為歌音；王母譯之，以授漢武。自漢武之後，譯而為道體飛篆，今載於靈寶法者，皆西王母所以示漢武之音字也。若夫用之以為篆符，延生保命，救治弭災，則必取諸舊本。吾今以舊本參於仙房者，得其妙旨而明之。其字其符，其服食之日月，其用度之意義，庶幾有補於高人。玉字真文，出昇天券中，此不復叙。

真符章第五


東方




南方




中央



西方



北方



右符，為他人，則用符；自服，則服字。訣節，各隨方取炁用之。

服字章第六

師曰：凡學道之士，務在得其旨，得其義，得其叙。何謂得其旨？見而不迷，用而有應，信而行之。何謂得其義？所本不誤，求而有理。通而悟之。何謂得其叙？所用有倫，簡而不繁，安而習之，則自然有成。況有如玉之姿，如金之志，勤玩味讀，不為造次之間乎。今因其日月，集為終歲之用，而服字之功畢矣。兼以行遣、修持、服芽、守中，各有日子。則一歲之間，不過數日，兼以行之。其初學壯行，致君澤民，事親治

家，本之以行，而佐之以功，輔之以神明，其超脫，不可勝計哉。

本命日服九計二十八字

明首向本命。飛灑向本命。無行向本命。九靈推前向木歲。澤洛菩臺向南。神纓自宮向太歲。婆泥向本命。易邈無寂向本命。阿那品首向本命。

正月旦日服七計一十九字

靈向本命。無量向東。獲無向東。自育九日向東。龍漢瑛鮮向東。惡奔向壬。元梵恢漠。向東。

每月初三日服二計四字

流羅向月建。陀羅向月建。

每月十五日三十日服二計六字

蒼無月終，向日。宛首少都十五日，向月。

每月弦望日服二計六字

無恕觀音向日。綠羅向日。

八節日服十六計五十三字

阿奔向北。華都曲麗向王。阿陀龍羅向王育邈。向王。韶謠向天門。雲上九都向玉京九層之臺。那育郁馥向王。馥朗廓奔向王。滌色同王。梵萌向西北。九開自辯向王。眇炁合雲向王。總監上天向王。碧落

浮黎三時，向王。空歌保珍正中，向王。羅合神向王。

立冬服三計八字

摩羅向東北。幽寂度人向北。九醜向東北。

冬至日服一計二字

流玄向北。

立夏日服一計二字

流羅向北。

夏至日服一計二字

運容向北。

立春日服三計七字

梵形落空向東。持向東。咎通向東北。

春分日服一計二字

眇莽向東。

立秋日服一計二字

鮮菩向西。

秋分日服一計二字

菩曇向王。

甲子日服三計一十字

法攬向北。坤母東覆向北。形攝上玄佩向北。

戊辰戊戌日服三計二十字

須延向西北。忽訶流冷向西北。苔落大梵

向西北。

庚申甲申日服一計二字

玉都向西北。

五月五日服七計二十二字

刀魔向南。四象向北。南閻洞浮向南。緣

遭向王。飛生自騫向南。無鏡攬姿向南。

刀利禪猷向南。

七月七日服十四計四十七字

稼那向王。上門向本命。吁員向南。玉眸

洗洗向太歲。綠遭向王。飛生自騫向南。

法輪向本命。無鏡攬姿向南。刀利禪猷向

西。太渺之堂向南。扶蓋浮向北，子時。飛

天大醜向本命。沙陀劫量向王。無品洞

妙自真向南。

九月九日服六計一十八字

權無向東恰卯。自育九日向東恰辰。龍漢

瑛鮮。向西，恰本師訣。惡奔向王，恰午。元

梵恢漠向東，恰午。導乾向西北，恰寅。

太歲日服五計一十二字

慶雲向南，恰離。回蹠向太歲，恰乾。大千向

太歲，恰中指中。宛藪向東，恰卯。景蔚蕭嶠

向本命，恰生辰。

行年日服一計二字

上首向地戶，恰坤。

日日誦經時服三計一十字

郁竺向東，恰艮。玉誕長桑栢空向正，恰寅。

度仙雞鳴時服，恰寅。

有惡夢時服一計四字

華莫延由向東，恰艮。

每月十齋日服四計九字

亶婁阿向王，恰本師訣。育臻向王，恰生炁。

散煙向本命，恰本命。阿縊向北，恰子。

自本命日起，至此，計二百七十七字。

字訣章第七

師曰：梵炁開明，各因所出而制字，

隨所宜而受持。或削名於死籍，而

注南昌，或明妙法之宗，而求玄奧，

莫不遂其所欲。大哉，自然之化，離

合參同，散殊無方，義歸一體。譬之

江河，昭然可考也。

亶婁阿

出於玄都長樓之上。主以正天地之

度，萬神朝己。恰本師訣。

蒼無，

出於南軒之上。主空無之中，自然

成真。服之，神員平生。恰寅。

恕觀音，

書日月之門。主開長夜之，身有光明，面有金色，生死受度。恰日君訣。

須延，

出於天西北玉闕。主天地劫數。服之，得隨運生死，位齊飛天。恰乾。

明首，

出於天三界之門。主始開之分度。服之，地官削死，三界保仙。恰乾。

法攬，

出於紫微上館。主罪福之場。服之，三官削死，罪簿消名。恰子。

菩曇，

出於北元玄斗之中。主服之，則玄斗記名；佩之，則九幽罷對。恰本師訣。

稼那，

出於金華之上官。主生死圖錄。服之，則九府削罪，玄都記生。恰午。

阿弈，

出於玉京七寶玄臺。主萬仙朝禮之儀。服之，神真來朝已形，生死逍遙。恰紫庭。

忽訶，

題九靈之館。主天地大期。服之，能愈大疾。恰戌。

流吟，

出於北元玄關。主天地之炁。服之，凡大灾，皆過度。恰辰。

華都曲麗，

出於太極上官青華之闕。主衆真玉女誦詠。服之，玉女遊戲其房。向王，恰生炁。

鮮菩，

出於洞元之臺。主天慶會。存白雲、白日，面有玉光，神仙變通。恰春寅。

育臻，

出於洞靈上館。主御帝君，遊觀八極，制天魔王。服之，則生死同昇，遊觀八極。恰生炁。

荅落大梵，

出於三便之門。主天元數之炁，開大有之關，通龍漢之真。服之，生死皆度，消陽九百六之灾。恰乾。

散煙，

出於三便之門。主天元數之炁，開大有之關，通龍漢之真。服之，生死皆度，消陽九百六之灾。恰乾。

出融生之臺，是南極上元之遊臺。

主真人玉女。服之，玉女下降。恰本命。

慶雲，

出紫陽館。主靈風之炁，起慶雲之輪。服之，生玉光，有自然之香。恰離。

飛灑，

出玄都玉闕。主飛天，開大有之光。服之，生死皆與飛天齊功，不經地獄。恰乾。

玉都，

出紫微臺。主開九幽長夜之魂。服之，七祖皆仙，上登朱陵。恰乾。

明魔，

出北靈館。主開八書於空洞，制萬魔於帝庭。服之，召集群靈，攝伏百魅。恰離。

上門，

出北極。主生死善惡。服之百日，北帝削死錄，南宮上生籍，生死受仙。恰本命。

無行

無行

出元始玄臺。主天地開閉。服之，制身神，運生死。恰本命。

上首，

出北上玄闕之門。主運度之炁。服之，制神炁精，與運生死，長居南宮。恰坤。

回蹠，

出天門。主玉篇真文隱明之運，開生死之期。服之，五臟出光，萬神並煉，生死成仙。恰乾。

流玄，

出九夜之臺。主列魂歸靈，受生還人。服之，九祖皆離幽夜，上昇南宮。恰坤。

阿陀龍羅，

出龍山九折之河。主帝君遊觀，俯仰之儀。服之，帝君下降，上真來迎。恰旺方生炁。

四象，

出北斗玄臺。主死生命籍。服之，北斗削落死籍，度生南宮。恰子。

吁員，

出南斗長生宮。主死魂度人南宮，

制受煉之神。服之，南斗拔取神魂受煉，更主體入自然。恰子。

南閻洞浮，

出洞陽之館。主受煉之因。服之，身神澄正，內外光明。恰本命。

玉眸誦誦，

出南極上宮。主受煉之名。服之，五內結仙，項生圓象。恰寅。

梵形落空，

出玉京山玄臺。主天兀開運。服之，萬神真形，變化群方。恰寅。

九靈推前，

出南極上元宮。主生死功過。服之，南宮開生，放九幽長夜之魂。恰寅。

澤洛菩臺，

出天西南龍澤。主開明日月。服之，得過陽九之灾。恰離。

綠羅，

出日月上館。主三光分度。服之，身有光明。生死不滯。恰辰。

大千，

出玄關之上。主四方無極分度之

期。服之，得周旋無極世界，不拘五苦之難。恰中指中。

杪莽，

出紫微上宮。主天文開明。服之，得度朱陵，受號為仙。恰寅。

九醜，

出北帝寒靈之窗。主魔精。服之，萬鬼潛伏。恰艮。

韶謠，

出三便之門。主雲中謠歌之鬼。服之，萬魔降伏。恰卯。

綠遭，

出南北二斗之門。主生死功過。服之，北斗削咎，南斗書仙。恰王生炁。

雲上九都，

出玉京九層之臺。主飛天真人朝真之禮。服之，成仙。恰本命生炁。

飛生自騫，

出洞陽上館。主諸學者受度之品。服之，則魂神受鍊。恰寅。

那，

出天關之上。主四時之炁。服之，形神安灾，障不干。恰生炁。

育郁馥，

出玄關之中。主衆真朝宴之儀。服之，萬神朝禮。怡生炁。

摩羅，

出金闕北壁。主學者應度，制伏天魔。服之，萬魔伏降。怡良。

法輪，

出三便之門。主應度之人。服之，名上南宮，九祖受鍊。怡本命生炁。

靈，

出紫微之宮。主領萬神。服之，萬神侍衛，威制十方。怡寅。

持，

出東華宮。主制神龍典儀。服之，神龍為使。怡辰。

無鏡攬姿，

出三便之門。主生死圖錄。服之，北帝削死，三界度仙。怡寅。

運容，

出南宮。主五炁鍊度儀典。服之，面有玉光，萬神安鎮。怡離。

馥朗廓弈，

出玉京山七寶臺。主諸天真人遊

行。服之，修齋，衆真下降。怡中指中。

神纓自宮，

出太微上館。主洗鍊神舍。服之，百靈混合，身體光明，己身常居絳府。怡離。

刀利禪猷，

出南極玄窗之上。主得道之人，受鍊品目。服之，身胃納律，萬靈鎮體。怡準。

婆泥，

出南極洞陽之館。主得道之人，受鍊加進仙品。服之，三官削咎，南極登名。怡離。

咎通，

出南上北窗。主制萬魔。服之，鬼精滅爽，神真總歸，身飛太清。怡良。

宛藪，

書金闕。主寺穢之炁。服之，萬穢蕩清。怡卯。

滌色，

出真房。主諸飛仙道人。服之，蕩穢清神，祥光自生。怡寅。

太眇之堂，

出南宮福堂。主品秩。服之，九靈記福，生死受天厨。怡寅。

流羅，

出月宮。主天王遊宴。服之，面貌有光，金容玉質。怡日君。

梵萌，

出玄都紫房。主天地劫會。服之，過陽九之灾。怡乾。

景蔚蕭嶠，

出玉京亥臺。主生死錄。服之，三官除罪籍，南宮記仙名。怡生辰。

易邈無寂，

出朱陵之闕。主生死開度。服之，蒙解釋，九幽削愆。怡寅。

宛首少都，

出日宮。主得度之人。服之，則日童下降，面生光彩。滅度，則受鍊。怡日君。

阿縊，

出玄都長樓。主兆天中之魔。服之，萬邪不干，真靈即降。怡子。

郁竺，

出三便之門。主制天中之魔。服

之，心神澄正，誦詠朗徹，上天遙唱。
怡良。

華莫延由，

出北靈上館。主治萬鬼之牢。服之，群魔束形，精怪自滅，三官明檢鬼營。怡良。

九開自辯，

書玉闕九天之上。主四時之炁。服之，四時俱生旺，不患時疾。怡寅。

阿那品首，

出明真之堂。主滅度之籍。服之，九幽錄福及先。怡寅。

無量，

出紫微北軒之上。主得道者昇品。服之，東華記名。怡寅。

扶蓋浮，

出南陽之臺。主校幽錄。服之，北都削對，南宮記名，九祖超度。怡乾。

羅合神，

書大羅始陽之臺。主上品之人得度。服之，九祖超脫，身得神仙。怡寅。

玉誕長桑栢空，

書東華青林之樹。主天中自然之音。服之，聲參太極，炁入神霄。怡寅。

度仙，

出玄都玉臺。主真人服御。服之，面有玉光，九祖同慶。怡寅。

獲無，

出玄都長臺之上。主天地開閉，自然之真。服之，則隨輪運轉，不失本形。怡卯。

自育九日，

出神樓之上。主天地劫會。服之，滅度得受太和之炁，而入真。怡辰。

道乾，

亦出。主一同。服之，與九祖同昇。怡寅。

坤母，

出扶桑司靈館。并

東覆，

出東井華林。並主洪水四出，盈縮之度。服之，水行不傷，神龍護度。怡子。

形攝上玄，

出太極宮中。主大水。佩之，亦可

止水。朱書佩。怡子。

陀羅，

出月上之館。主明天地之陰陽。服之，身有光明，照見五內。怡月君。

育邈，

出三便之門。主死生之籍。服之，則度大災，會位為仙王。怡本生炁。

眇炁合雲，

出紫微雲宮。主生死。服之，生死得詣朱陵。怡生炁。

飛天，

出玉臺之上。主空洞自然。服之，身與四時節候相應，誦經上達。怡本師訣。

大醜，

出三便之門，主生死圖錄。服之，生死得通，魔王保舉。怡本師階屬。

總監上天，

出紫微長樓。主總監諸天之炁。服之，七祖昇超。怡寅。

沙陀劫量，

出紫微上官。主功德事。服之，三界書其功，上朱陵之府。怡生炁。

龍漢瑛鮮，

出玄斗之中。主度得道之身。服之，九幽之魂，昇之無極。恰本師訣。碧落浮黎，

出玉清雲宮。主衆真之儀。服之，萬神朝已。恰中指中。

空歌保珍，

出紫微上官。主自歌音。服之，則能知諸天之音也。恰西。

惡弈，

出紫微太虛之館。主度得仙之人。服之，朱官書名，飛天同功。恰午。

無品洞妙自真，

出南陽上官紫軒。主動。服之，識前身，生死超度。恰午。

元梵恢漠，

出玉清上官太極之臺。主虛無自然，生真識，知微之幾。服之，則慧智。恰午。

幽寂度人，

出北闕玄牝之戶。主六府受真體，生光明。服之，則上遊大羅。恰乾。

自然章第八

師曰：道之為妙，大無不包，小無或遺。以文縱橫倒直，或離或散，無不當其用。元始中篇玉字，出乎大梵之炁。分之而為字，合之而為聲，妙之而為符，約之而為呪。於西漢靈寶之書，則有飛篆散殊之體，皆因經言，所以濟用。吾今飛仙度人之法，本於舊載，參於仙房，以增以除，以證靈寶之法，貫通不遺。今略取靈寶一二所載，以辯其為同。

一者，五帝大魔，本以薦幽滯。而靈寶則為破壇伐廟，治狂邪武勇之神，可召而任，以護助微劣法子流浪之義。

二者，東方八天，本以四篇皆為昇天券。而靈寶，止取一天者，取東方生炁也。

三者，南方八天，本止可以祈晴於至陽之地。而靈寶又以祈雨用之，又以持字為使龍之符也。

四者，華莫延由，本治惡夢。而靈寶取以止盜鬼賊，與之為性一也。

五者，形攝上玄，本禁水之符也。而靈寶取以止怪獸與水怪，皆陰類也。六者，總監上天，本主炁之字也。而靈寶取以止怪、養子難，以貼於堂奧，來生炁也。凡六者，皆靈寶法與度人有異處。求其離合之自然，則一也。

復命章第九

道言：此諸天中大梵隱語無量之音，舊文字皆廣長一丈。天真皇人昔書其文，以為正音。有知其音，能齋而誦之者，諸天皆遣飛天神王，下觀其身，書其功勤，上奏諸天，萬神朝禮，地祇侍門，大勳魔王，保舉上仙。道備尅得遊行三界，昇入金門。

師曰：此乃本經，叙書所出之因也。如能觀此而悟，則勉而不忘也。

此音無所不辟，無所不禳，無所不度，無所不成，天真自然之音也。故誦之致飛天下觀，上帝遙唱，萬神朝禮，三界侍軒，群妖束首，鬼精自亡。琳琅振響，十方肅清，河海靜默，山嶽吞煙，萬靈振伏，招集群仙。天無氛穢，地無妖

塵，冥慧洞清，大量玄玄也。

師曰：此乃誦洞章法也。夫存思之道，貴乎絕念。誠知天中自然之音，能使飛天下觀，則必以真而應，則不妄觀。唯知琳琅振響，而誦詠味之，十方肅清，無外濁也，河海靜默，無妄動也，山嶽吞煙，無妄泄也，萬靈振伏，無妄害也，招集群仙，無妄專也。如此則天地性心，廓然而已。所以能冥慧洞清，大量玄玄也。

太上靈寶淨明飛仙度人經法卷五

太上靈寶淨明飛仙度人經法釋例

高明大使神功妙濟真君許旌陽釋

自然玉字章

大梵之炁，本乎無形，而能生有形，無數而御有數，發自然之和，闡自然之妙，超於混沌之初，出於希夷之表，以闢乾坤之蘊，以生天地之儀，以斡陰陽之運，以開日月之光，輪轉四時之機，生尅五行之炁，育中和而孕聖，煥秀麗而成文。聖人以文運化，以聖立教，以是而出於玄關，明三便，皆以制形數而定期運。則所謂炁者，道之全體也。道之敷落，其精華顯照者，如是也。昔者龍圖龜書，承象效法，黃帝、伏羲，得之以濟天下，蓋其緒餘土苴而已。原夫古之聖人，觀天文以察時變，觀山勢以察地理，觀草木鳥獸之文以制宜。則所謂文者，本自然之文，非人爲也。得自然之文，故能通造化，故能出形數，而了性命大道。倉頡以

鳥跡制字，致於鬼哭龍藏。況於希夷自然，流落世人，以度群品者哉。誠能本茲道以辯其理，則天雖高，而可躋其域，地雖廣，可遊其方；日月雖運而不停，可乘其光；星斗雖轉而不常，可躡其罡。則所謂大梵者，誰能知其一二者哉。爰我道君，遭遇運數，元始敷教，道有攸歸。故靈寶大洞之文，於是出焉，而陶鑄群黎也。得斯文者，皆昔同傳聖意，與聽瑤音，一念失科，流浪輪轉，以生爲人。誠能知身之貴，道之難，而明之，可謂靈炁迴元宮，真人歸舊隱者也。故《太上靈寶淨明飛仙度人經法》者，元始說之，道君述之。雖有其經，尚祕其法。日月二宮天子，因之以法述經意，因經明法理，自非救濟時事，運極數移，莫有昭示時也。吾今屬以洞神宰括，憫棄葛藟，眷細微之無知，皆大梵之赤子，是以冒昧明真，失口發隱，作《飛仙度人經法》，原舊意也。故因經叙法，尊師旨也。以經爲呪，本師令也。因法述事，廣師志也。首曰叙微，言其道包含，所以彰微者此

也。次日叙經，言其道經而有常也。終而釋之，謂之釋例，使後之高達者，因經觀釋，因釋明例。叙微一卷以象天，釋例二卷以象地，合三十二章，以象三十二天。叙經四卷，以象四時。將使學者優游於其間，神閑精一，與天爲徒，則無不本也。

自然真理章

字者，炁所結也。符者，字之精也。呪者，字之理也。含者，字之音也。以丹染紙，字之與符，托此而形容也。以口念呪，由此而感召鬼神，炁之靈也，炁之和也。以人召神，以神召炁，鍊炁成神，神與炁合也。存神布炁，神與炁合也。以我身本至和，感天地之英炁，則服字、服符之法起也。以天地之正理，悟之爲一身，則存思變易，自此起也。非天下之至精，其孰能與於此。何則？道本混成，無形無數，道散爲文，形散寓焉。方其無形無數，則湛然一炁。及其散殊開明，大梵乃有。清者爲天，濁者爲地。天一字也。地，二字也。中者爲人，人三字也。由

人而後於此，則天之一散，星辰交錯而光明。地之二散，草木山河之結殖。人之三散，鳥獸蟲魚之生育。凡有炁，皆一也；有形者，皆二也；有名炁者，皆三也。則發造化之理，由是而推，則

萬範陶冶，孰不生於大梵者哉。原人之有生，聖於此立，神於此行，道於此興。神因此聖而托道，因人而有明，則自然字出而爲教。教設而道著，道成而教神矣。非天下之至神，其孰能與於此。明道者體祖教，而知身亦大梵之炁，凝而成寶者也。性心之明，亦大梵之純潔瑩徹，而光明者也。於是參而天地，則元始造化立，天地煥然在我。天地無言，和聲自生。人本無言，天籟自鳴。四時無心而行，則吾之元炁在我，本無所動也。本無所動，則天地有至珍至寶，無所發泄，隨炁而生精聚神者也。吾停匱而蘊藏之，豈不綽綽然有餘裕哉。於是以我之珍，合天地之珍，則鉛汞之名，此其名也；符字之狀，此其體狀也；炁津之出，此其味也；洞章之發，此其聲也。知聲名形

味，而餌寶之說著。寶具而室富，室富而意遂，所以能真通也。非天下之至士，孰能與於此。得至精，造至神，守至一，而真理明矣。

自然成真章

天地者，炁也。人之身，亦炁也。天地有日月，人身有眼目；天地有江山嶽，人身有氣脉骨肉；天地有五臟，人身有五臟；又有五行之運而運四時，人亦以五臟而運四肢。得其理則生，不得其理則死。故順天地之正性，而合一身之正炁，惟正則無所妄。則存思呼召，朝元之體也。大率飛仙，度其本宗。既明大梵之炁，則大梵在我矣。吾能以炁召炁，故能以和致和。而存思誦經，則有三炁之彌室，師子、白鶴之滿前。青炁者心火，托木而盛發，白炁者腎水，托金而煥明，黃得其正理。故青出自頭，白出自足，黃出自臍。師子義獸，肺之餘也。白鶴仁禽，肝之餘也。蹲者盛其威，飛者揚其美，威美具而神明應矣。於發爲精，誠無不感也。出爲靈音，無不通也。何

則？內備而外應。何謂內備？腎之紫炁，合水火而飛；肺之生炁，結玉虛而懸；懸故鬱勃而發，有稜層十二重玉樓之喻也。樓者，喉也。紫闕，口也。金軒瓊堂者，亦腎之本根也。八竈，八景也。所能動以致用，由元炁使之也。丹房，母脾之位也。脾腎立，肺之聲應。師之應而后，心之精，肝之液，皆合爲用也。於是而日月可咀嚼，於此而心府開通，肺庭端正，紫炁右回，與斗連歷，而腎之元本立矣。出入金門，而脾通神矣。仙君降駕，而肝元正矣。此皆由一而至，至一而神，內通乎身，外感乎天地。如是而思存，則呼吸定息，可召風雲，可致神階，謁聖超昇，如暮夜歸室，則三十二天之炁色，可以悟通矣。何謂三十二天之炁？九炁是也。九炁者，五行之炁也。三十二天，應人頭骨，骨有三十二關節；應於頂，頂有三十二竅。則所謂三十二天者，乃吾身也。曰黃者，土也。白者，金也。赤者，火也。青者，木也。黑者，水也。黃與青合而成綠，黑與青合而

成蒼，青與白合而成碧，黑與赤合而成紫。皆因腠穴交互，玄炁相通也。在人則如此矣。在天則東方主生，南方主長，西方主收，北方主藏。生長收藏之職，或同也。皇曾之天，東北之位，本青黑而蒼，而反黃者，黃鍾之宮，炁之始也，萬物非土不生。和陽之天，東方之位，本青本赤，而反白者，萬物入文明之位，白而受采之時也。孔昇之天，西南之位，本於赤白相揉，而一於紫者，白與黑同其體則白其用則黑白相聚而反碧者，水以白爲用之而死；交會，其名曰碧三十二天，三十二帝所司之職，或綜生而判死，或掌文而決獄。其職其位，融自然之炁，煥自然之色。人之五藏，宮室羅布，亦應乎天，故五臟不專用，五炁不專理，相生相伐，本末互使。根柔爲水，水潤生木，木直生火，火炎生土，土質生金，金剛極反，子轉乎水。人能調奕運用，施爲節宣，以補養呼吸之義。行之，以反惡爲善之理。和順義，而合於理，則如五行，周而復始，宣通無己也。資陶五

行，以治五炁。由爲五炁，合於五善。五善既立，則爲神仙，縱而不修，死敗爲鬼。鬼者歸幽而受苦，仙者昇明而受樂。此皆以行立道，以功致仙，則吾之飛仙度人之法者，乃達人之所筌蹄而已矣。

太上靈寶淨明飛仙度人經法釋例

（王育成點校）

032 太上淨明院補奏職

局太玄都省須知

高明大使神功妙濟真君許旌陽釋

經名：太上淨明院補奏職局太玄都省須知。原題高明大使神功妙濟真君許旌陽釋。一卷。底本出處：《正統道藏》洞玄部方法類。

太玄都省者，乃玉皇上帝專達之府。府有文林、武林二品官。文林掌文章、簿書、禮儀之事；武林掌誅邪殺伐之事；並以行道法人，依功績叙遷。生曰遙勳，死為正授，此常格也。如生有奇能異績，名係玄譜，真聖叙用者，常以正授。或以福履叙用者，魂神寄階，夢判天法。其有宿在鬼神科籍，陰掌天憲，聞聰見明，心與天齊，神與陰會者，正授委任，

各有品第。歲有稽考，一歲則入於洞神文堂。

一文林

知太玄都省使。太玄都省節察使。

太玄副統使。太玄使。

知太玄都省事。太玄都省令。

太玄都省判令。

已上七階，以上元一品仙官，充受都統大主使。

太玄都錄。太玄總計。

太玄史令。太玄左右典史令。

同會太玄都史。同僉太玄左右史。

太玄典左史。太玄節檢。

太玄典司主計。太玄典司佐計。

已上十階，以中元一品仙官，充受省使節令。

太玄都主吏。太玄司主吏。

太玄直吏。太玄判吏。

太玄典司吏。太玄典吏佐。

太玄典司佐吏。太玄都典佐。

太玄典司通吏。同僉太玄典吏。

太玄稽幹。太玄都省膳籍。

太玄左右司典計最。太玄都太判官。

太玄左右判官。

已上十五階，以下元一品仙官，充受都錄十司節使。

僉書太玄都省事。

同僉書太玄都省事。

已上二階，謂新入局。

一武林

太玄都省大總監。太玄都省少總監。

太玄都省監副。太玄都省上勾功。

太玄都省節制局長。

太玄都省大察姦騎吏。

太玄都省少察姦騎吏。

太玄都省中勾功。太玄都省下勾功。

已上十階，以上元一品仙官充。

太玄都省上監功。太玄都省下監功。

太玄都省上直。太玄都省下直。

太玄都省大靈官。

太玄都省靈官衛郎。

太玄都省靈官佐郎。

太玄都省管轄中郎。

太玄省管衛中郎。

太玄省羽林司衛中郎。

已上十階，以中元一品仙官充。

太玄省都幹。

太玄省幹局。

太玄省指使。

太玄省總文。

太玄省總使。

太玄省祇應。

太玄省門下指使。

太玄宣毅衛郎。

太玄贊宣丞事。

太玄宣毅衛佐。

太玄贊宣丞佐。

太玄都虞候。

已上十二階，以下元一品仙官，充右

武林，並隸都錄。

差使文林，自主吏而下，每司一員。

差使武林，自上監功而下，每司一

員。

太玄司局

太玄都錄。玉清宮內，掌管天下奏事，通呈奏

牘、諸仙出身文籍，兼都刑，掌犯死刑籍事。

祿筭院。掌人物生死事。

延生院。掌人壽筭事。

治職院。掌天下法官考第事。

天道院。掌天下修行人事。

陽德院。掌天下德事。

陰禍院。掌天下惡事。

仙鬼院。掌鬼神昇遷事。

天兵院。掌三界兵馬事。

糧料院。掌人物受用事。

罰壽院。掌人枉死事。

黑獄院。掌法官罪犯事。

仙籍院。掌諸總籍事。

通呈院。掌天下奏名事。

磨勘院。掌四天磨勘司事。

宮廟院。掌天下祭祀事。

天雷院。掌天符事。

天雨院。掌天下雨澤事。

散仙院。掌諸法子出身事。

兵局院。掌兵符死亡事。

檢察院。掌上界神仙功過事。

天仙院。掌諸天奏牘事。

諸法院。掌十洲三島事。

招文院。掌上降到法律事。

刑制院。掌犯死罪刑籍事。

延祚院。掌國祚君王名姓事。

陽官院。掌陽界人世官事。

陰官院。掌陰界地府官事。

義成院。掌錄天下行孝事。

清節院。掌錄清節事。

照臨院。掌五星諸文事。

都刑院。掌陽間刑獄事。

司命院。掌人物註生事。

天樞院都省官格須知

一文職

此職以行道術、奏牘、行法有功人充。

真公。真伯。真人。真官。

真佐。仙伯。仙官。仙佐。

已上謂之上六職，各有祕字。

金鑾殿。五神殿。定光殿。太微殿。

紫微殿。

已上謂之三帶勳，有曰學士，有曰

釋文，有曰騰籍。又有祕字使。如

曰仁毅之類。

乾靈閣。坤成閣。天使閣。會文閣。

中和堂。

已上謂之三閣職，有曰學士，有曰

騰籍，有曰釋文。

明節堂。明樂園。會仙園。瑤池。

已上謂之三聖符，有曰差使，有曰

指揮。從此止，謂之破格，並係天符

特賜。又有格外，如三清、左右承旨

使、大使、玄都官、太微官、紫微官諸

壇等。

尚書、學士、釋文、膳籍、判官之類。此係

上天出誥。

三都御史。玄都、清都、神都。

三十二天上相。

五部尚書。

三十二天判官行壇。

五部判官行壇。

諸司錄事。如七十四司小判官。

諸院判官。如驅邪院判官。

諸司僉書。如同管右判官。

押司一百二十階。如考照押司。

已上謂之入調，以年勞有功還轉，並係都司注擬奏名，取旨出誥。

一武職

此職捉殺有功，如伐壇、破廟之類，及生為人
名將充，或係文職於文字有過人降入。

將軍。統軍。領軍。使者，將。

已上謂之上品五職，各有祕字。如六
階六職。

五童君。五童。十方部署。轉牒使。

已上謂之四等親兵，又有祕字使，如
日控鶴使之類。

直劍。直印。直符。直節。直旌。

已上謂之五等帶宣，皆上有九天字。

如文階聖符。從此止，謂之破格，並係

天符特賜。又有格外，如三清、大力

君、大力、天丁之類，係上天出誥。

四聖指使。三天指使。如五童男已下指使。

四聖總文。三天總文。

四聖總領。三天門下祇候。

三天門下指使。五嶽宣毅。

城隍贊宣。五嶽虞候。

城隍管界使。散員一百二十階。

太清考照院散員。

已上謂之軍將，以年勞有功還轉，並係都司注擬奏名，取旨出帖。

右在前天職文武等，在生有功，轉職

遙授，死後正差，供職三等。攷功生

死，各依次補入。

天樞都司諸科律格

入官格

孝悌忠節，精修行持，陰功陽德，有大勳
勞在天地人三界者，隨出身，入文武資
格。次第昇，有見在遙授，有死後超注。

祕字格

一文職共三品：四字、三字、二字。

一武職共三品：六字、四字、三字。

已上各以字少為上等，多為下等。

祕字驗出

忠勇才謀孝宣慈惠廉正等平節威義文
應妙德武華幽皓素明白清潔肅恭溫靖
保康交會輝照赫隆寂靈秀爽。

已上四十四字，謂之正功。外有破
格褒稱萬萬餘字，係天上祕字書。

死後超度免入獄格

一孝行有稱。一奉道有常。一秉心直
諒。一陰功無敵。一陽德彰明。一好
生惡殺。一慈勇溫慎。

死後入獄沉滯格

欺隱負匿。惡行潛密。晦幽罔知。

人神莫見。十惡五逆。

紫庭真律格

清淨不污之謂潔。戒慎憂懼之謂勤。
欲而未得之謂真欲。貪而未得之謂真
貪。取非取，盜非盜，淫非淫，逆非逆，
順非順，順逆逆順，善惡惡善，悔悟學
道，謂之上善。矯情非道，謂之大惡。
生非其生，殺非其殺。掩善為蔽，隱惡
為欺。殺而欲之生者，謂之好生。見
而欲之死者，謂之好殺。怨父母者，不

可以生；雖生之，亦可以殺。故真孝者不死，至孝者得仙。仙道易，鬼道難。善人之常惡人之偽善，本善。習使之惡，惡非惡，改斯爲善。

鬼格

祕收受上賞，泄慢蒙顯戮。以偽勸善曰信，以誠文過曰非。陰禍大，陽禍小。發於心而不露者，罪已彰。爲於外而有愧者，罪可恕。無抑人抑人者，必不可以從道。雖奪人奪人者，尚可以行道。

天樞都司局

天樞都錄，係在世活人，管提舉僉書錄事七人。有曹掾七人，承受發放七錄事司公事。管元會管兵一萬人，召天攝軍。

第一錄事司，相提真人沈佺。
第二錄事司，茂全真人汪洋。
第三錄事司，陽明仙佐傳受。
第四錄事司，明救治續真人封休。
第五錄事司，守分未有仙職胡注。
第六錄事司，守分未有仙職孔文。
第七錄事司，守分未有仙職方整。
七錄事，掌僉書七十四公事外，錄算

司係節員，附第一錄司，通七十四司僉錄。七錄事亦係在世活人，名屬都司，隱祕不傳。

第一錄事司

名會府連錄算司節員二十七司

錄算司，掌人物主生死都數宜樞關鍵真人蔡援。
延生案，掌增崇壽筭玄絳丹霞真人王自。
紀功院，掌天下人功德輝騰真人盧藏用。
職事司，掌天下法官放第休應真人賈益。
天道院，掌天下修行人籍妙德真人吳忱。
陰績寺，掌天下陰德陰禍無爲治道真人朱黻。
鬼仙案，掌鬼中昇仙籍糾察崇靈真人蕭史。
兵馬司，掌三界兵馬數日休上元真人歐陽立。
糧料司，掌人物受用數靈輝子華真人歐陽度。
司命案，掌人物注而未生符命保功真人傅元。
枉死案，掌人物枉死罰壽罰筭龍光真人白敏中。
黑獄簿，掌仙官罪犯風樂莊重真人匡休。
崇真院，詳定紀功院事黃官真人廖立。
仙籍院，掌諸仙總籍丹霞真人吳權。
詳定司，掌膳錄天下奏牘西華真人吳采。
奏事局，掌通呈奏牘北洞真人王喬年。
都刑院，掌人間刑獄明分真人臯陶。
天樞院，掌陰獄諸處天地獄申呈幽關真人葛。

磨勘司，掌四天磨勘事八開真人姜惟。

宮廟籍，掌祭祀入典鬼神袞常真人趙奉侯。

雷雨案，掌雷雨仙官節府朗野真人蕭莊。

散仙案，掌諸仙出身文籍寶靜真人蹇常。

檢察院，掌法駕天文及仙女治具最仙真人傅興。

差兵案，掌三界兵符死亡勝敗靈德真人郭茂先。

檢察司，掌上界判官功過清景真人劉真。

諸天奏院，掌諸天仙官奏牘文崇治至真人甄善濟。

諸天奏案，掌三島十洲奏牘妙應無上真人蔡符。

第二錄事司

名左八司都局

檢察右司，掌中下界判官籍杜庭真人江真。
檢察左司，掌五嶽奏牘文字陽華真人梁竦。
招文院，掌上天降到法律等妙真人裴言。
刑制院，掌犯罪死刑籍華陽真人馮垣。
延祚司，掌國祚君王名姓素廣真人崔紀。
陽官院，掌陽界人世官僚清謙真人殷覺。
陰官院，掌陰界地府官僚赫曦真人伍奇。
祇候典，掌鄴都罪死文字瑤康真人黃恍。

第三錄事

名右六司都局

義成院，掌錄天下忠孝廣明真人仇覽。
清節院，掌錄清節之士符會真人黃定。

照臨寺，掌四夷人物同僚真人歐陽免。

廣照寺，掌四夷運祚保康真人廖忻。

日月司，掌日月奏牘恭和真人仇香。

五星院，掌諸星文交光真人士曜。

第四第五第六第七錄事

掌四方二十八宿行到事，名八同承受。七司是正案，一司是節員，共封為真人號。

東方第四錄事，判官八人，共封清輝真人：

人：

羊其。王吉。奉朗。汪覺。張亮。

侯甫。牛慶。牛度。

南方第五錄事，判官八人，共封赫華真人：

人：

寶建。萬勝。封言。□□。

茂中。封真。華簡。至相。

西方第六錄事，判官八人，共封素寂真人：

人：

黃文。蕭宗。關子明。胡干。

胡注。黃萬勝。劉知幾。劉璋。

北方第七錄事，判官八人，共封幽靈真人：

人：

盧吉光。郭援。王治道。李允中。

李黃。曹洪。胡江。胡真。

天樞轉牒使，掌轉送文字付諸司，屬都司：

總官左控鶴使崔隆。

曹司右馭龍使胡德。

節員右赤童寶升。

洞神職制律格

洞神堂，謂之三堂，在中山玄關三便門之東。道君靈寶天尊，受元始天尊之法，既成上道，於此闢堂，為太上老君說法。於諸選之清奇者，實知之有得其位者，須曾為太上發大誓願，救度群生。如是成道之後，方及己身。有大善惠在於人世，應上帝之心者，名定官。定官，言其官卑而名重。至此者，不再有升黜也。

一洞神文郎九品

洞神真卿。大學士等。

洞神真文。小學士等。

洞神真翁。剛定官、修撰官等。

右上一三品自真翁而上，凡俗不可多得。雖六位真師，稱洞神真卿。

洞神仙卿。編修官、檢討官等。

洞神仙僚。箋翰、節錄、抄註、校正、節檢。詳對已上定官。

洞神參議。三都御史、五部尚書、諸天三景、典音等。

右中三品諸參議等，入洞神格局，須帶洞神參議字。

洞神參佐已上自紫微以下司局官，入此局。

洞神典事。

洞神亞卿已上自參議以下，為喪崇僚帶，出下三品也。

右下三品

一洞神武郎九品

洞神總副。洞神侍衛。洞神侍郎。

洞神總副。洞神侍衛。洞神侍郎。

洞神總副。洞神侍衛。洞神侍郎。

洞神總副。洞神侍衛。洞神侍郎。

洞神總副。洞神侍衛。洞神侍郎。

洞神總副。洞神侍衛。洞神侍郎。

洞神總副。洞神侍衛。洞神侍郎。

洞神總副。洞神侍衛。洞神侍郎。

洞神總副。洞神侍衛。洞神侍郎。

洞神總副。洞神侍衛。洞神侍郎。

洞神總副。洞神侍衛。洞神侍郎。

一行遣奏格。如表奏、行移，並如常式。

凡奏狀前封面，以黃紙帖事，仍於狀前批申發日時。應奏請事，於年月日旁貼乞降付某處。后借印者，亦於此開說。差出者仍貼

云：臣今見在某處某月日發向某處。已上用表奏者，亦各准此封面具位臣姓名，狀奏謹實封，即謹實封。即摺角也。兩端用印，無印者，具名書字。封面不貼黃。在外奏者，止貼係機密或急速字。其用劄字者，前不具位，不用名，不用年。改狀爲劄字，事末云：取進止。即直詣通落，不經司屬。急速文字，其用榜子，唯不用年，不全幅，不封。如狀小書，於默奏時，則面北行事，爐前焚化。

保奏如保奏官將傳法用

具官姓名，臣准令或格，略具合舉條例。右臣某，伏睹某官姓名，入意旨。今保舉，堪充行云云。如後異同例，依天憲，謹具錄奏聞，伏候勅旨。如保人於他處即稱仙旨，年月日狀奏。

單狀

某司自申狀，則具位某事。若無事因者。於此使云右云，謹具申如前，列數事云云。右件狀如前云云。某司謹狀。若取處分，即云伏候指揮。年月日，具位狀。

凡有所統攝者，皆用此式。如申東嶽之類，仍於狀前，貼出申發日時。某司牒某司，某官，某事云云。牒件如前，列數事云云。謹牒。太歲年月日牒。具官書押。

凡不相統攝者，行移用此式。諸神牒准此，改某司作某人姓名，不空字。雖統攝，而無申狀例及相等，皆用上式。於所轄，而無符貼例者，則曰牒某處或某官，並不空字，年月日，具銜書押。

凡同所隸，而別職局者，用如天道院關仙籍案之類天樞也。

符式

某司某事云云。右符某處主者云云。符到奉行。年月日符。具官書押。凡所屬用此式，如付社令之類。

帖式

某司某事云云。右帖某處某官云云。如前列事則之。右件帖云云。年月日帖。具位押。凡差撥神將、治病行事用此，如用引

曰引。


曉示

某司某事云云。右告下云云。者別事則云右件云云。年月日曉示。具位押。

合用印

奏上帝表狀用淨明院印、上箋詞職印。上天行移用太玄省印。九地行移用淨明法主印。祈禳超度用道君印。救治差將書符攝召用總監鬼神印。

印式



太上淨明院補奏職局太玄都省須知

(王育成點校)

033 天樞院都司須知格

經名：天樞院都司須知格。撰人不詳。四篇同卷。底本出處：《正統道藏》洞玄部方法類。

天樞院都司黔法格式

一都錄事，掾七人，承受七錄事申到文字。其有非泛，係七錄事。輪日管勾，並屬都司判押，爲定也。

一七十四司，判官節員奏文遲滯，文案不明，以輕重罪之；稍重，申奏取旨。

一轉牒，轉送三界文字，違一刻，降一職；一時削兩官；一日取勘任狀；二日勒停；三日明白取勘。

一非泛定驗，分下諸行法官及名山大川，事畢申奏。

一都司置鐵鞭五尺七寸，責罰陰陽法官，小事科教。

一都司置小獄，斷決陰陽小事，不合入

天獄者，及承受制勘百神。

一都司印文云：天樞都錄之印，闊二寸五分。

一糾察不當，都司責充右職；再犯落籍。

一糾察當，已赴正授，加遙勳住世者，即加筭，授祖考六親仙職。

天樞院都司官格

一文職，以孝行、道術、奏牘、行法有功人充。真君、天君、元君、真人、仙佐、仙人。

已上謂之上品六職，各有祕字。

上元九品

金鑾殿、五神殿、定光殿、太微殿、紫微殿。

已上謂之三等帶勳，有曰學士，有曰釋文，有曰膳籍。又有祕字使如曰仁毅使之類。

中元九品

乾靈閣、坤成閣、天史閣、會文閣、中和堂

已上謂之三等閣職，有曰學士，有曰

膳籍，有曰釋文。

明節堂、明樂園、會仙園、瑤池。

已上謂之二等聖符，有曰差使，有曰指揮。從此斷，謂之破格，並係天符特賜。又有格外，如三清左右丞徵使大使，玄都官、太微官、少微官、諸壇等，尚書、學士、釋文、膳籍、判官之類，係上天出誥。

下元九品

二都御史、玄都、清都、神都、三十二天上相、五部尚書、三十二天判官行壇、五部判官行壇。諸司錄事如七十四司小判官。諸院判官，如驅邪院判官。諸司僉書，如同管右判官。押司一百二十階。如考召院神司初入官者。

已上謂之入調，以年勞有功遷轉，並係都司注擬奏名，取旨出誥。

一武職，以捉殺有功，如伐壇、破廟之類，及在生爲名將人充。或係文職，於文字有過人降入。將軍、統軍、領軍、使者、將。

已上謂之上品五職各有祕字，如文，皆是六職。

上元九品

五童君、五童、十方部署、轉牒使。

已上謂之四等親兵，又有祕字使，如曰控鶴使之類，文階閣職。

中元九品

直劍、直印、直符、直節、直旌。

已上謂之五等帶宣，皆上有九天字，如：文階、聖。從此斷，謂之破格，並係天符特賜。又有格外，如三清大力君、大力、天力之類，係上天出誥。

下元九品

四聖指使、三天指使如五童君已下措使。四聖總文、三天總文、四聖總領、三天門下、祇候、三天門下指使、五嶽宣毅、城隍宣贊、五嶽虞候、城隍管界使、散員，一員二十階。如太清考召院散員。

已上謂之軍將，以年勞有功遷轉，並係都司注擬奏名，取旨給帖。

右天職文武等，在生十功，轉職遙授，死後正差供職。三元考功，生死各依次補入。

天樞都司科律格

入官格

孝悌、忠節、修行、行持、陰功、陽德，有大功勞在天地人三界者，隨出身，入文武資格。次等升入，有在世遙授，有死後超注。

祕字格

一文職，共三品：

四字、三字、二字。

一武職，共三品：

六字、四字、三字。

已止各以字少為上等，多為下等。

祕字黔字

忠勇才謀孝宣慈惠妙茂等平節威儀亦作毅。文應德武華幽皓素明白清潔肅恭温靖保康會輝照赫隆寂靈爽秀正廉。已上四十四字，謂之正印。外有破格褒崇萬餘字，係上天祕法書。

死後超度免入獄格

一行孝有稱。一奉道有常。一秉心正諒。一陰功無敵。一陽德彰名。一好生惡殺。一慈勇温慎。

死後入獄沉滯格

欺隱、負匿、惡行、潛密、晦幽、罔知、人

神莫見、十惡五逆。

紫庭真律格

清淨不污，之謂潔。戒慎憂懼，之謂勤。欲而未得，之謂真欲。貪而未得，之謂真貪。取不取，盜非盜，淫非淫，逆非逆，順逆逆順，善惡惡善，悔悟學道，謂之上善。矯情非道，謂之大惡。生非其生，殺非其殺，掩善為蔽，隱惡為欺，殺而欲之生者，謂之好生。見而欲之死者，謂之好殺。怨父母者，不可生，雖生之亦可以殺。故真孝者不死，至孝者得仙。仙道易，死道難。善人之常，惡人之偽，善習使之惡，惡非惡，改斯為善。

鬼青真律格

泄慢受上賞，祕受蒙顯戮。以為勤善，曰信。以誠文過，曰不信。陰禍大，陽禍小。發於心，而不露者罪。已彰為於外，而心有愧者，罪可恕。無抑人無抑人者，必不可以從道。雖奪人奪人者，可以行道。

天樞院都司須知格

(王育成點校)

034 天樞院都司須知令

經名：天樞院都司須知令。撰人不詳。四篇同卷。底本出處：《正統道藏》洞玄部方法類。

天樞都錄，係在世活人，管提舉簽書錄事七人，有曹掾七人，承受發放。七錄事管元會營，兵一萬人，名天攝軍。承受：

- 第一錄事司，捫提真人沈佺。
 - 第二錄事司，茂全真人汪洋。
 - 第三錄事司，陽明仙佐傅受。
 - 第四錄事司，明救治債真人封休。
 - 第五錄事司，手分未有仙職胡注。
 - 第六錄事司，手分未有仙職孔又。
 - 第七錄事司，手分未有仙職方整。
- 七錄事掌簽書七十四司公事外，祿筭司係節員，附第一錄事司，通七十四司簽書。七錄事亦係在世活人，名

屬都司，隱秘不傳。

第一錄事司，名會府，連祿筭司節員，共二十七司：

祿筭司，玄絳丹霞真人王自。

記功院，掌天下功德，輝騰真人盧

藏。

用職治司，掌天下法官孜弟，休應

真人賈益。

天道院，掌天下修行人籍，妙德真

人吳忱。

陰績寺，掌人陰德陰禍，无為治道

真人林黻。

鬼仙案，掌鬼中升仙籍，糾察靈真

人蕭史。

兵馬司，掌三界兵馬數目，自休上

元真人歐陽立。

糧料司，掌人物受用數，靈輝子華

真人歐陽度。

司命案，掌物注而未生符命，保功

真人傅元。

枉死案，掌人物死、罰壽、罰筭，龍

光真人白敏中。

黑獄簿，掌仙官罪犯等案，風藥莊

真人匡休。

崇真院，掌詳定紀功院事，黃官真人廖立。

仙籍院，掌諸仙總籍，丹霞真人吳

致權。

詳定司，掌謄錄天下奏牘，西華真

人吳采。

奏事局，掌通呈奏牘，北洞真人王

喬年。

都刑院，掌陽間刑獄，明分真人臯

陶。

天樞獄，掌陰獄，諸處天地獄申呈。幽

關真人葛洪。

磨勘司，掌四天魔司事，八開真人

姜惟。

官廟籍，掌祭入典鬼神，袞常真人

趙奉侯。

雷雨案，掌雷雨仙官符，郎野真人

蕭莊。

散仙案，掌諸仙出身文籍，寶靜真

人寶靜。

檢院，仗法駕天仗，及仙女治具，

最先真人傅興。

差兵案，掌三界兵符，死亡勝敗，虛德真人郭茂先。

檢察司，掌上界判官，清景真人劉真。

諸天奏院，掌諸仙官奏牘文崇，治至真人甄善濟。

諸司案，掌奏三島十洲奏牘，妙應无上真人蔡符。

第二錄事司，名左八司都局：檢察右司，掌申下界判官籍，杜庭真人江真。

檢察左司，掌五嶽奏牘文字，陽華真人梁疏。

昭文院，掌上天門到法律，等妙真人裴言。

刑制院，掌犯罪死刑，華陽真人馮坦。

延祚司，國祚君王名姓，素曠真人崔紀。

陽官院，掌陽界人世官僚，清讜真人殷覺。

陰官院，掌陰界地府官僚，赫儀真人五奇。

祇候典，掌酆都罪鬼文字，瑤康真人黃悅。

第三錄事司，名右六司都局：義成院，掌錄天下忠孝人，廣明真人仇覽。

清節院，掌錄清節之士，符會真人黃定。

照臨寺，常四夷人物，同條真人歐陽允。

廣昭寺，掌四夷運祚，保康真人廖忻。

日月司，掌日月奏牘，恭和真人仇香。

五星院，掌諸星文符，交光真人士曜。

第四錄事，第五錄事，第六錄事，第七錄事，掌四方二十八宿行到事，名八司。承受七司是正案，一司是節員，共封爲真人，同號。

東方屬第四錄事。判官八人，共封青輝真人：王吉、秦郎、汪覺、羊其、張毫、侯甫、牛慶、牛度。

南方屬第五錄事，判官八人，共封

赫華真人：寶建、萬勝、封言、明鐸、茂中、封真、華間、至相。

西方屬第六錄事，判官八人，共封素寂真人：黃文、蕭宗、關子門、胡千、胡注、黃萬勝、劉知幾、劉章。

北方屬第七錄事，判官八人，共封玄靈真人：盧吉先、郭援、王治道、李允中、李蕢、曹洪、胡注、胡真。

北樞轉牒使，掌送文字，付諸司屬都司：

總管左控鶴使崔隆。

曹司右馭龍使胡德。

節員右赤童寶升。

天樞院都司須知令

(王育成點校)

035 天樞院都司須知行遣式

經名：天樞院都司須知行遣式。
二篇同卷。底本出處：《正統道藏》洞玄部表奏類。

表格

臣某，二人已上則云臣某等。言云云。臣某誠惶誠懼，賀即云誠歡誠抃，辭末亦准此。頓首頓首。辭云云。謹奉表稱。稱甜，若賀式辭免陳乞，不用狀者各隨。以聞臣某誠惶誠懼，頓首頓首，謹言。

年 月 日。具位臣姓名上表。

凡上表陳事皆用此式，箋亦倣此，但易頓首曰叩頭，不稱臣。如南斗北斗已下用箋。

奏狀式

某司，自奏事即具官。某事云云。自奏而無事用者，於此便云右臣。右臣某云云。如列數

事，即云右件如前云。謹錄奏，不列事尾便稱聞。謹奏。

年 月 日。具官姓名狀奏。

凡狀前及封面，以黃紙貼事。仍於狀前批申發日時。應奏請事於年月日旁，貼乞降付某處。若借印者，亦於此處開說。差出者仍貼云，臣今見在某處，某月日發向某處。已上用表奏者，亦各准此。封面具官臣姓名狀奏謹封。實封云謹實封。實封者摺角，重封兩端用印，無印者，具臣名書字。封面不貼黃。在外奏者，止貼係機密及急速字。其用劄子者，前不具官，不用右，不用年。改狀為劄子事，末云取進止此，即直詣通落，不經司屬。急速文字，其用榜子者，唯不年，不全幅，不封，如狀小書。若於默奏時，則面北默奏，面前燒化。

保奏式

如保奏官將傳法用
具官姓名准令或格。略具合舉條例。
右臣某伏睹某官，姓名入辭入事。今保舉堪充行，云云入事。如後異，同例依天憲。謹具錄奏 聞，伏候 勅旨。如保人於他處，即稱仙旨。

年 月 日。具位臣姓名狀奏。

單狀式

某司，自申狀則真位。某事云云。自申狀而事因者，於此便云右云。右云云。謹具申。如前列數事云，右件狀如前云云。某司謹狀。取處分即云伏候指揮。

年 月 日。具位姓名狀。

單狀凡所統攝，皆用此式。如申東嶽之類，仍於狀前貼出申發日時。

牒式

某司牒 某司，或某官某事云云，牒云云。如前列數事，則云牒件如前云云。謹牒。

年 月 日 時牒。

具位銜姓某押。

凡非相統攝，後用此式。諸補牒式准此，改唯某司作某人姓名，不缺字辭，末云故牒。雖統攝而無申狀例，及相等同用上。於所轄而無符貼例者，則曰牒某處或某官，並不空字也。

符式

某司某事云云，某處主者云云，符到奉行。
年 月 日符。
具官銜姓名押。

關式

某司某事云云，右開某司故關。

年 月 日關。

具官銜姓名押。

凡所隸而別職局者，用如天道院關
仙籍案之類，同隸天樞也。

帖式

某司某事云云，右貼某處或某人云云。如
前列數字，云右件帖云云。

年 月 日帖。

具官銜 押。

凡差撥神將，治病行下用此。如引，
則曰引。

曉示式

年 月 日曉示。

具官 押。

如有凡榜者，准此。唯年月日下書
榜字，及列位依牒件。

天樞院都司須知行遣式

(王育成點校)

036 靈寶淨明天樞都司 法院須知法文

經名：靈寶淨明天樞都司法院須知法文。撰人不詳。四篇同卷。底本出處：《正統道藏》洞玄部方法類。

天樞都錄行持法

天樞都司者，天門司院上天喉舌之官，總領七十三司、七錄事司，謂之七十四司，稽考三界陰陽善惡。文字經法，上下無不關膺如緣，合係都錄七錄事之選者。事至自知，此不具說，要在慎守，不得輕泄天機。如有清信弟子，微發露以誘之，則不為漏。如遇之而不勸，問而不答，則為《祕收鬼青律文》。律文曰：泄慢受上賞，祕受蒙顯戮。是也。

天樞都錄養神法

早起日出時，望東披衣起坐，存日照頂門，有赤炁自頂門入懷中。有月一輪，白炁自懷出，與赤炁合而為丹。其月內赤外黃，如彈子大。以左手執丹，右手恰訣，訣不傳。取湧泉一點雪嚙之，覺直下丹田，中熱是也。

又閉炁，存西王母。取銀漢之水，以玉甌闊七寸，深八寸，洗耳洗目，兩手恰訣。訣不傳。

又閉炁，存九州高明大使在右，日直元君在左，靈寶孝道明王乘雲在上，以柳枝呪水一玉盃，飲之，味若黃連者是也。此雷炁也。雷炁通心，服之，覺口中一吐，即成雷電飛騰，兩手有印。不傳。

如初覺見諸種龍神，切宜定其志意，待之如熟，則天尊父母，將吏如友契，自然有得；其或自主驚疑，則魂飛蕩矣。

天樞都錄糾察法

如遇陽界、陰界官員，掌法不正，即時錄奏，仍先縛其神，執其犯罪，事

訖放還。合死者。不得過一歲。


如遇人物、妖鬼，有為十善王民之害者，驅雷火以擊之。其有後嗣，斷絕乏祭，須求托化得其實，而王法不及者。

如遇仙官、鬼神，有申奏違忤天法，即時申奏，不得容隱。

雷符




縛神符



玉皇文

追神符



時辰

已上訣目心傳，不泄非人，若說，禍及九祖九孫。

天樞都錄心存默呪

呪曰：天樞糾察喉舌官，吾是神司第一郎。存神服食日月光，王母賜

我銀漢漿。明王飲吾玉盃水，服之心志自安康。記語諸司糾察王，不違召請急忙忙。輔佐天法莫疏狂，謹密文字如星霜。如有違戾及私語，吾以汝名奏玉皇。

天樞都錄傳奏法

都錄職任，如有功已滿，即擬三清左右丞。此急宜選擇忠孝有道之士，於三十年內奏名，自代奏之得人，即有昇真尸解之報，則上受天爵，正入仙宗矣。

靈寶淨明天樞都司法院須知法文

(王育成點校)

037 靈寶淨明院行遣式

淨明院嗣演教師周真人編

經名：靈寶淨明院行遣式。淨明院嗣演教師周真人編。二篇同卷。底本出處：《正統道藏》洞玄部表奏類。

淨明符券式

靈寶淨明院外壇：

本院今有某月分帝君、神王、宮將，及諸法院神將吏兵等，合給料錢符券，赴

天樞院請領。開具下項：

- 一 淨明院三十六帝君及神王官將八萬四千，寨主節負甲馬等衆。

如受別院神將，依例盡一開具。

右今給符券，付淨明三十六帝君，及諸神王官將，寨主節負甲馬，及諸法院神將吏兵等。請執符券，詣

天樞院請領照會，仍子細開具神將吏兵合請料錢數目，不管漏落。神名依高下分明，勻行俵散，不請減少增多。急急如太上洞神堂誓律令施行故券。

太歲某甲子 年 月 日券。

院 押。

券頭用刺那符一道，滿券亦用淨明法印，印二十四印。

發券幫申 天樞院式

靈寶淨明院外壇：

本院今有今月某日帝君、神王及諸法院神將吏兵，合給符券，詣

天樞院請領料錢。須至申 聞者。

右本院除已依

淨明經法出給符券，付帝君、神王官將，及諸法院神將吏兵收執，前去請領外，謹具狀申天樞院。伏乞

照會支給施行。謹狀。

太歲 年 月 日。具位 狀。

發申狀券幫引式

靈寶淨明院外壇：

今差天庫大神，賫申狀一道并符券。上詣天樞院投下，須至旨揮。

右仰天庫大神，前去分明投下，依數請領料錢。均行俵散，不得住滯時刻。如違，罪有所歸。急急如太上洞神堂誓律令。

年 月 日引。

朱批天庫大神。

院 押。

病人投狀式

某道某府某縣某鄉某坊巷，居住奉大道第子姓某。

右某伏為本家某人，年紀月日時生。於甚年月日得患甚病，醫藥無效。切慮邪祟纏逐在身，枉傷性命。或夢中交往

男女神鬼，或因卜出，子細於狀內稱說。謹具狀，

投

靈寶淨明院外壇。伏望

法慈，救治施行。謹狀。

年 月 日。具位姓 某 押。

第一判狀差神將式

於狀後批判押。

差淨明神王官將押兵若干。仰詳本人所陳狀內事理火急。押兵前去本人家，監勒住宅土地、司命六神，子細於

患人身中及住家四圍上下，搜捉在身爲禍作病邪神鬼祟，男傷女亡，土木山精，倚草附木等神鬼。牢固擒縛，送東嶽，依

天條施行。如有內外男女家親，即仰發元來去處，所屬收管，不得再來，在身爲禍，及不得走透。須要患人日下痊安。仍入夜，分明顯現，排拽兵馬於本人家報應，不得有違。急急如太上洞神堂誓律令施行。

年 月 日 時遣押。
此一狀於本壇發兵時燒。

第二判狀式

付本人家土地司命六神，仰詳狀內所陳，事理火急，不移時刻。子細於患人身中及四圍上下，搜捉爲禍作病邪神鬼祟，男傷女亡，倚草附木等精怪。分明收捉，付差去神將吏兵。押赴東嶽，依

天津施行。如是內外家親，仰押赴元來去處收管，不得再來爲禍。仍不得客情蓋庇，致令走透。須管患人日下痊安，入夜分明，於本家報應，不得違

滯。如違，申奏

上天，乞依

太上洞神堂誓律令施行。

年 月 日 時遣押。

此一狀，燒於病人家竈前。

第三判狀式

差神將吏兵前去救治，仍給符水治病。

落日 押。

如病勢大，即備本狀。調如法，用好紙寫牒。如患人邪炁稍重，似昏重，只便令寫狀一紙。後判請本州或本縣城隍主者。請詳本人狀內事理，火急差撥本廟得力了事判官，管押本廟神將吏兵。子細於患人身中搜捉。云云同前判語。

三狀，如患人家獻紙馬等，於後批云：本人家今隨狀獻錢馬若干，請分明受領。如治病，須將本壇應干神將，輪次差撥。

牒神王治病式

靈寶淨明院外壇， 牒 神王官將主者：

本院今據某人狀，云云。須至公文者。

牒請前項本人所陳事理，疾速部押本寨兵馬前去。某處城隍，催本廟火急差得力了事判官、勇猛神將吏兵，監勒本家土地、司命六神。須要子細於病人身中，搜捉在身爲禍作病邪神鬼祟，男傷女亡，牢固枷縛，擒赴天獄，依脩治罪施行。日下須管病人痊安，使邪炁離體，真炁集身。不得容情蓋庇，致令閃避走透鬼祟。切慮枉傷性命，不便除已別作施行外，不請將同常事。切在依稟

淨明元降

指揮，無輒有違。故牒。

太歲某甲子年 月 日 時牒。

朱批 神王官將主者。

具法位姓 押。

申帝君式

或申三十六神王。

具法位姓某，

今據某州某縣某人狀某事，爲此須至申上者。

右所據某人前項陳述，謹具申

束縛百邪帝君、救治百病帝君聖前。伏望聖慈，差撥神兵將吏，前去某人家。同與本州城隍，監勒本人家土地、司命六神，子細搜捉於某人身中為禍作病邪神鬼祟。不問親疏，一例擒赴 天獄，依

天條治罪施行。仍乞放，令某人日下痊安分明，於本人家報應。謹狀。

太歲某甲子年 月 日具位姓 某 狀。

獻淨明院神將符水錢馬狀

靈寶淨明院外壇：

本院今據某州某縣某人投狀，為某人見患甚病，投院乞行救治，并乞行符水救治。本人自燒獻金錢雲馬若干，須至指揮。

右本院除已差神將吏兵外，今給符水，付本人先次服食。所有本人燒獻錢馬，請

淨明院束縛百邪，救治百病，行符呪水。符神符吏，分明受此本人所獻錢馬，疾速降臨真炁，入於符水之中。使令病人服食符水入腹之後，應有一切

病炁邪炁，及諸疼痛，或寒或熱，瘟疫時疾等氣即便消散。令病人真炁集身，邪炁離體，速獲痊安，不致違誤。

太歲某甲子年 月 日引。

朱批 淨明神將等。

院 押。

獻錢馬申狀式

上七三九八節日用此式。

具法位。

金錢若干。雲馬若干。

香茶酒果。善供素食等。

右伏遇今月某日謹獻上

淨明院三十六帝君，伏望 聖慈，俯賜鑒納。扶教某，行持符法，治病驅邪，呼召神將，立有應驗。仍保扶闔家眷等，大小安寧。尋常無事。只乞保護壇場，守衛入口。謹具甲

聞，謹狀。

太歲 年 月 日具位姓 某 狀。

獻錢馬牒式

靈寶淨明院外壇：

當院某，遇某日，燒獻金錢雲馬，弄供養素食、酒果、香茶等。普伸陳

獻，各開具錢馬下項：

一淨明院神王官將，靈官主宰、判官典者、膳籍典籍使者等衆，及節貢甲馬吏兵。共化金錢若干，雲馬若干。

餘院神將，依例列位，各獻錢馬若干。

右各請分明受領，如遇本院行持符法，治病驅邪，呼神捉鬼，並仰疾速前來報應。須要病人日下痊安，如押引判狀差使，即時前去，不得誤事。尋常仰在院保護壇場，守衛入口。不得放令邪神鬼祟，侵犯壇場，纏繞生人。各仰遵依施行，故牒。

太歲 年 月 日 時牒。

朱批 淨明神將等。

具法位姓。

捕弟子帖式

靈寶淨明院外壇：

據狀云云，當院所據激切，不欲抑絕。除於某月某日之辰，開具法職叩樣，飛奏 師尊。乞頒下 三界，應干所屬去

處，修設醮筵對，高真御前。依科傳度，訖准律關報，淨明法部中帝君、抑王等泉。并給付天印，及補受法職。開具下項，須至指揮。

一補受某人具所受某職。

一太上靈寶淨明經法語錄共三冊。

一淨明法主之印一顆。

一淨明之印一顆。

一法劍一口。

一法鏡一面。

一淨明心印寶牌。

一淨明記功過簿 面。

一淨明法籙中帝君神王。

一淨明法部中八萬四千靈官主將。

一淨明法部中八萬四千節負甲馬。

一淨明法部中功曹直符受事判官。

右帖給付受法弟子某，印準律交割上件職事，掌行天印，合屬帝君神王等在院輔助行持 道法，救治王民疾苦。精勤香火，恪志修崇，無犯 科條。有違 天憲，每事正慈，不得慢易。

太歲 年 月 日帖。

保舉傳教師具位 姓名。

度師九州都仙太史高明大使神功妙濟真君許在天。

監度師三天扶教輔元大法天師張在天。

籍師玄都御史吳在天。

經師至孝恭順仙王諶在天。

祖師孝道仙王靈寶淨明黃素天尊太陰元君在天。

在天。

祖師孝道明王靈寶淨明天尊太陽上帝

在天。

戒牒文

上清靈寶十戒，牒某人。

凡受 靈寶大法，先明十戒。

一執心平等，不得自欺。

二忠事君師，孝敬天地父母。

三仁慈及物，貧儉節身。

四清淨端直，不得阿黨。

五敬遵上法，深信修行。

六敬重鬼神，不得輕侮。

七凡所衣食，皆是 元始祖炁，不

生外想。

八灰水蕩穢，不得修飾。

九口誦心拜，無使形勞。

十七日大定，神光湛然，見 玉清

境。

右件戒文，仰遵依奉行，故牒。

太歲 年 月 日牒。

度師已下，同前列之。

奏度人經法補帖

靈寶淨明院外壇：

據某人狀，恭聞

靈寶淨明宗王上帝，降洞神堂，昇玉

局座，演說靈寶大法、淨明經法、黃

素法。流傳下界，濟度天人。今來

復見歐陽教師等，奉

真旨，編到 靈寶大法四卷，乞傳授

行持。本壇除已保舉，繳奏 真師，

乞告下天省關，牒靈寶法內、天真外

合給帖者。

一靈寶戒牒一道。

一靈寶大法四卷。

一道君法印一顆。

一泰玄都省印一顆。

一總監鬼神印一顆。

一准。

格初階，先具所授錄職，補充參

受

上清靈寶大法。統攝三界，邪魔皈正。

管太玄都局事，及請降靈寶神王靈官玉女吏兵等，贊助行持。

右帖某人，仰遵 玄範，克守誓言，濟度天人，超拔苦爽。有功之日，進職泰玄。無或乖違，自取譴咎。故帖。

年 月 日帖。

保舉師具位姓名。

度師九州都仙太史神功妙濟真君許在天。

傳度付法物下項

呪印曰：呪畢東方取炁一口。

神印真文，上帝之符。三界之信，百靈是護。守而用之，與道相合。有負道者，罰其九祖。

呪鏡曰：呪畢南方取炁一口。

神鏡靈靈，如法子心。照天天清，照地地平，照人人誠。願我法子，長如鏡明。

呪水曰：呪畢北方取炁一口。

神水湛湛，如孝子性。流上則逆，流下則順。居炁不盈，自然而定。願我法

子，長如水淨。

呪簿曰：呪畢取東方炁一口。

簿書凡物，可見真情。出即事君上，入即事父兄。非貧非淫，唯真唯誠。舉動書之，無隱實情。有違此誓，如師此盟。

呪法書曰：呪畢西方取炁一口。

太上靈法，度爾生死。九祖飛天，三尸棄體。有能專心，百祥來至。仙階必昇，雲天可企。有違科律，如師此誓。

呪丹書曰：呪畢東方取炁一口。

太上靈丹，方存旨教。九篇真文，可以理顯。去汝妄心，慎汝聞見。想之以成，丹之九轉。一年而生，九年而變。一飛凌空，三年朝現。有違此約，灾患立至，如師此願。

呪劍曰：呪畢西方取炁一口。

神劍非鐵，化炁於身。取彼日月，鍊以丙丁。三年劍成，斬邪戮人。不殺無罪，不伐忠臣。有違此而妄用者，如師此盟。

次取炁一口，吞之吹之。如迴授父師尊屬，即拜長跪，捧法物面東，向

師前云：

某得靈法，法物具備。親遇 聖師，得此玄意。今得至此，恩實有自。願我師父，憫某愚意。勉力共行，志學無替。如違此科，某受鄴都考戮，及於九世。師於此時，慎無自棄。

師授即再拜，次同跪祖師，次謝上帝。吹炁一口。如傳弟子，即逐一如上法，方逐 度。過法物呪曰：

願我學法子，無失初學心。上敬天地恩，次敬君父情。學之如有功，與子皆飛昇。設或慢師教，永劫入沉淪。吹炁一口。跪謝如前。

戴日履斗法

用逐日，日出時恰定，剔起存象在頭。履斗者，步斗也。轉七返寅發，自丑左行。

本壇逐月發旁券諸院神將下項

一淨明院三十六帝君，及神王官將八萬四千，主者節貧甲馬等衆。

一天樞院四神八將，靈寶判官童子吏兵，及考召神將等。

一驅邪院神將，及斗下考召三十六大神將，四直使者及吏兵等衆。

一東嶽統軍神將、助法神將，並亞副大

將、兵頭部伍長、防禦龍神、九獄主
吏、直壇威儀使者、兵府從事、兵厨
主吏、四直功曹、直壇土地獄兵一千
衆。

一天寶靈書法部中神將吏兵、天仙兵
馬。

一三五大都功錄中符使符吏、功曹神
將、天仙兵馬及吏兵等衆。

保舉傳法奏狀式

具法位，臣姓某。

右臣據求法某錄弟子，狀投臣壇，乞傳
受靈寶淨明經法。臣伏睹某人，云云，
誓願代天行化，助國救民。臣今保舉，
堪充本院法官，堪行淨明經法事。如
後異，同例依堂誓。所有某人投狀，連
粘在前。謹具狀，奏

靈寶淨明度師九州高明大使神功妙濟
真君道前。伏望 聖慈，允臣所請，早
賜

報應。別具奏 聞，依格付度，謹錄奏
聞。伏候 仙旨，謹奏。

太歲某甲子年月日。具位臣姓某狀

奏。

報應訖補職狀式

具法位，臣姓某。

右臣據求法某錄弟子，某人狀投臣壇
下，乞傳受 靈寶淨明經法。臣於今
月某日，連狀保奏訖，已蒙 報應，許
賜傳度。今補某人太上某法錄忠孝法
師，行靈寶淨明經法，充淨明院典籍仙
佐外。取會到某人，合用

太上淨明之印、淨明法主之印，及押字
二箇。連粘在前，謹具狀，奏

靈寶淨明度師九州高明大使神功妙濟
真君道前。伏望 聖慈，允臣所請。
奏聞

三境帝關師尊，及頒降下 三界應干
合屬去處，照會施行。仍告下淨明院，
依格差撥帝君神王、元帥使者、主宰官
將、節負甲馬等衆，前來某人壇下，同
共拯救生靈疾苦，於日下明彰 報應，
以憑收管。謹錄奏 聞，謹奏。

太歲甲子年月日。具法位臣姓
某，狀奏

仁正威靈朱，

孝廉茲惠張，

忠慎慈惠張，

清正廉慎宮。

太上靈寶淨明院

當院今補弟子某，充本院法官，依例出

券文，付本人超昇。仰收執，前去

天樞院請領出身文字。急急如

太上律令。

太歲 年 月 日 時券。

院 押。

靈寶淨明院行遣式

(王育成點校)

038 靈寶淨明院教師周真公起請畫一

經名：靈寶淨明院教師周真公起請畫一。撰人不詳。一卷。底本出處：《正統道藏》洞玄部方法類。

方文上荷六位真師，既授以《淨明真經》，經有奧義，合叩問玄微，庶幾得承演教之意，一一詳細批教，幸甚。方文拜問：

一、經云：修吾道者，可膺員數參侍。《玉晨三五飛步篇》云：三五之法，特其要略。推而大之，其記數不過三五十，已問之矣。不知步三五時，畫綱圖步之，或只地上視地形為綱步之？此須以足步，或以玄綱流演存想而步之。

玄綱即想至飛步，則為圖步之。

一、能事父母，天尊降靈。居家事父母，在朝忠於君。方文父母俱亡，止有一弟，又在遠處，懷終天永感之戚，如何應得經法行孝之事。柰何為臣孤遠，雖有赤忠，不得施設，為之奈何？

立身揚名，斯為孝矣。不尸祿位，斯為忠矣。隨宜施設，孝悌在也。

一、畫服日精，夜食月液。如何是服日精與食月液之法，乞賜指教。

此日月高奔之道。

一、流金火鈴，此是符名，唯復是神名，是兵將之名，乞賜指示。

南斗鍊丹火候使者之名，所謂相火。

一、天樞之主，是謂道陵。乞問如何是道陵？

道陵天師，張監度真諱。

一、該括地象，皆其主首。如何是地象？如何該括？望賜詳誨。

地象八卦之位，卦各有官分。

一、五岳四海，各有其機。如何是五岳四海之機？乞賜詳誨。

此二節，言夫血炁躔度，如心包合

漳之義。

一、經云：內外之壇，統十六將，云各有天樞之節制，有在天罡之所部，用之之法，各有呼召。聲隨炁至，炁與神交，自然見前，可以役使。如何呼召，便肯立至？呼召不至時，如何？十六將，雖有考召、枷鬼、黃頭之稱，恐是所職神號，未是甚姓名。又云：各有副將，敢問副將之名？如何役使呼召，使其必至？詳乞批誨。

經中有召淨明神將符。未見，引上書。既見，則任意坐以使之。

一、仙梯在目，而人不知。如何是仙梯在目？何以不在於心而在目？乞賜旨教。

仙梯，舌也。舌不可見，而言。在目，謂內視五臟，先見其舌。

一、太上三清，空同赤耳。

空同，元始隱諱。赤，則道君耳，則老君。

一、玉皇紫微，致遠仲智。致遠仲智四字，莫便是玉皇紫微隱名隱字否？不知是名或是字？上二字是甚

位？下二字是甚位？

致遠，玉皇名。仲智，紫微名。

一、南北二斗、三臺所記子辛、子寅、庚戌、丁壬、子癸之神，方文所收《斗樞秘要·金鑰流珠經》云：太一真人，其妻可氏，夜夢七色之光，生子七人。後入白玉洞修行，立七名曰：可辛、可寅、可惠、可真、可憐、可戊、可庚。今《淨明經》曰：子辛、子寅、子癸，而庚、戌、丁、壬不言子言，恐是皆合連子字，莫便是北斗之神否？不知北斗之神衣着服色，男子女子，乞賜詳誨。

其下皆稱子。衣服有定格，如披髮衣白，用兵役使神將，冠冕，則朝真；甲冑，則衛上帝。而二斗皆或男，或化現。

一、孟叔、孟良、仲寶、仲卿、季王、季乾，莫是南斗之神否？或名或字，乞詳旨誨端的，并男子女人，衣着裳服。

是其隱名。上清之衣而變化各有，男女無定。

一、三台之中，雲育、齊京、奉良、清乞，

四聖神君。既言三台，合有三名，今却是四聖，又名四聖神君，不知如何？恐脫三台之名。四聖者，不知是何四聖，是北極、天蓬、真武等四聖否？并乞詳批。

雲育，上台名也。四聖，即天蓬已下四聖。

一、太陰太陽，日月尊星，其名烜胸。其名只兩字，莫是太陽名烜，太陰名胸否？

是。

一、五行之辰，是以別稱。水星名衍，火星名熒，木星名苗，金星名堅，土星名鎮。方文得五星真皇君秘名曰：北方辰星，名啓暄，字精原。東方歲星，名澄瀾，字清凝。南方熒惑星，名維停，字散融。西方太白星，名寥陵，字振尋。中央鎮星，名藏陸，字耽延。與不同何也？

有真名、隱名、內名、道號各不同，隨其文字呼召，不必一一生疑

一、三十二天，自恭華搖伯以下八句，乃三十二字，莫是三十二天否？經

云：此其隱名，字載，度人不知度人。經中何句乃是其字？如太黃皇曾天，鬱繼玉名。上句是字，下句是字，恐天自是天名，帝自是帝名。又《度人經》，每天帝句，有五字或七字、八字者，如太釋玉隆騰勝天之類。伏乞明賜開析，以曉後學之愚昧。

三十二天，此其名；如亶婁阿蒼，是內名。則鬱繼玉名，是字也。

一、二十八宿自清宗立鞠以下，共七字，二十八字，必是二十八宿之名。不知清宗立鞠，合從甚宿，為名字起頭？經云：此其經是二十八宿，為經星。五星為緯否？

二十八宿不動，以為經。五星周行，灾福係焉。如織有緯，文章出焉。

一、五星列照，有時化身。乞問如何化身？

化身者，為人下降人間，如金星之為太白。

一、經云：三五飛步，流綱之總，天英云云。是為七變。又云：三五飛步，乃其要略。今云：三五飛步却為

流綱之總。元綱流演，大與三五不同。又方文收《九宮三五之步》，有陽斗、陰斗，自天英步入天蓬，爲陰斗；自天蓬步入天英，爲陽斗；不知是否？呪云：斗要妙子，十二辰。乘光明兮，威武陳。云云。此自天英出天蓬也。又有是斗呪曰：日月明，乾坤配。斗道光，鬼道廢。吾從天蓬入天內，略過衝輔退，反歸却向天禽與心對。逢着柱任去英會。人道通，鬼道礙。此自天蓬出天英，爲陽斗也。又云：陰斗夏至，陽斗冬至。今學三五飛步，不知用甚呪甚斗？人多念得斗要妙兮十二辰一呪。或云臨寢步陰斗方上寢牀，是夜步陰斗，嗽不知是否？若出門出行皆便步，只以足步爲綱，不用圖。又云有圖。不知如何。今經云：三五飛步。不知如何步，乞詳以批誨，庶正舛誤闕失，望賜明旨。

道生一，一生二，二生三。三自三之後，不可得而同矣。三五飛步，乃元綱之要略也。陰陽二呪，出入起卧皆用之。以足爲綱，不用圖。

一、經云：三甲與六丁，此出其宗。不知使三甲、六丁，如何用訣？何謂出其宗？世有《三甲經》不真，用之不驗。六丁亦然。望賜詳諭以教後學。

三甲、六丁，經中有法，役使之道久。故可見，用意不勤，則神不應，非法之罪。

一、淨明法云：當遇緣合之人，望東燒香以問我，我許即傳。即我是度師，汝爲保舉之師。今有緣合之人，八行俱全，至誠好道，忠孝可傳之人。東向燒香，以問真師，如何知其許傳？如何報應也？乞賜批教，以爲准的。未敢具表申奏祖師，當先以投名狀并保舉狀繳燒，以求報應，或乞夢，或乞四直功曹，傳仙旨也。

此謂已聞見人道成時用。如未見，則燒保舉狀，望東燒香，祈夢寐而已。

一、帝君諸位神明，逐日供養，合係皈依。上依常式供養帝君，逐日合與不合拜禮？又有神王、直符、功曹之

類，相夾雜在一壇供養。莫自帝君、神王、真官已上合拜，傳香、使者已下只合皈依頂禮？乞賜分別指教。

經法中自有逐日燒香法曰云云。

一、法云：菟掘餅符，飛治急病。不知如何訣目使飛治急病？飛者，是以火燒飛之。如何使符能飛去？用何直符持去？乞賜詳諭。

菟掘餅，即符神名也。是火燒之。

一、自度脫六親救治百病符，皆可雕印子印否？印時存想，如書符時，如度脫六親符，服鍊身形符，日日服食。恐事奪，每日書寫，不辦救治百病。已下三符，不日用遇，使時旋書，莫不須雕印。若遇時灾瘟疫，散施符水，請給多時，還可用印印否？乞一一批誨。

雕印便於修行養炁者。凡淨明符，除唾易修摩不可用，其他皆可用。

一靈書中，散符名下云：念呪或一徧，或三徧者，唯後只是念散符呪，是念《靈書》三徧呪，書揚岐囉吱囉。符云：恰訣念呪。不知是念靈書三徧，或只書念揚岐囉吱囉一句？又諸

符多有不說徧數者，云念呪書符。乞一一批誨。

只念散符一句。在符下者，此符是也。如有無徧數者，皆七徧。看作何用者，皆燒。

方文伏睹真師批誨，慈悲一一遭遇之。幸庶使演其真教，不爲人所難曉。然後可以教人，不辱方文拜問。

靈寶淨明院教師周真公起請畫一

(王育成點校)

039 靈寶淨明院真師密誥

經名：靈寶淨明院真師密誥。
撰人不詳。三篇同卷。底本出處：《正統道藏》洞玄部方法類。

天樞院錄事羅照先，奉真師玉旨，判下淨明院周演教真公等，九祖六親仙職下落，今具本司契勘到下項：

- 祖諱賢，紫微殿善簿判官。
- 祖諱遵禮，酆都左大判官。
- 祖諱伯通，保命真人。玉皇殿。
- 祖諱瓌，妙應真人。玉清宮。
- 祖諱哲，志孝真人。
- 祖諱敬述，詳光真人。
- 祖諱嘉正，志道真人。上清宮。
- 祖諱彥先，普惠真人。上清宮。
- 祖諱濤，太微西度元君。玉清宮。
- 父諱秩，東極保壽元君。玉清宮。
- 鄧氏，紫微殿第十一傳言。

金氏，玉皇殿注生童子。

郝氏，淨至仙童。

蔡氏，運修仙童。

盧氏，度厄仙童。

錢氏，道君左傳言。

盛氏，丹霞會睦元君。

王氏，廉肅廣修元君。

錢氏，忠養華元君。

史氏，顯道元君。


已上並係淨明院法師三人恩及者。尚必法師二代及六親，未有定奪，謹具呈。

太歲己酉三月十五日司記關，昨奉教師位關傳到，楊文卿真童，治顛邪瘟癘已安就，平靈應真，依奉祖師真旨，傳付後學者，用深黃者染背心，一面書一道，面東取炁三口。

呪曰：

日出靈光，月映西方。南北二斗，統臨紀綱，保我法子，百病消亡。邪魔犯者，立受其殃。

符式朱書，掐寅。



日存日，月存月，斗口相對，斗罡相對。

右取炁，念呪書符。存身為玉皇紫微侍側。書訖，掐寅，再念七徧勅符。當兩乳用二印，當領用一印，象三台背後，左起印七印，象斗罡星，當花字上。

神仙辟穀服栢葉方

金毛狗脊去毛，白朮，天麻，荆芥，蒼朮洗淨，茯苓各等分。

右件搗羅為末，用井花水為丸彈子大。如服時，用一丸，黑豆一升，用水三升三合，將豆并藥一處煮，令水乾為度。服時，將豆一撮栢葉，同入口嚼下。如喫盡藥豆，則單喫栢葉也。服

之一年，身上生毛，長一寸；服二年，身上毛退；服三年，不飢不渴，不寒不熱，日行五百里，水上自浮，長生不死也。服時，忌食漆葉、葶麻葉、胡桃葉。

靈寶淨明院真師密誥


（王育成點校）

040 上清天樞院回車畢道正法

經名：上清天樞院回車畢道正法。撰人不詳。三卷。底本出處：《正統道藏》洞玄部方法類。

上清天樞院回車畢道正法卷上

上清九老仙都之印



夫上清九老仙都印者，佩之入山，狼虎精怪自伏；遇過江河，風雨順濟。可管天下洞府仙官。若佩其印，兵不能害，虎不能傷，水不能溺，臨大危難，必有善生。常人佩之，壽命延長，伏諸邪鬼，百惡不侵。及治小兒夜啼、驚


風，及大人諸般疾患，並燒灰，用乳香湯調下，立效。催生下死胎，此印佩之安胎。婦人無子，佩之有孕。及解呪咀冤枉，令人聰明，用之皆應。印闊二寸二分，方正，厚八分，印文分八字，作二行疊篆。

治都總攝之印




夫治都總攝之印者，為之兵印。有此印者，能管天下三界鬼神、仙官、分野、城隍、社廟、吏兵，皆得差使，不論高下。此印佩之如上帝命，凶惡鬼神皆伏。若行法，職官不得此印者，難用鬼兵。印行兵將行，印住兵將住，動印如動兵。若用此印，兵將不行，不論高下，並皆處斬，自有鬼神直之云。斬了，便可具狀奏聞上帝。故兵隨印轉，將逐令行，違命之罪皆，須重焉。印闊二寸二分，方正，厚八分，印文分六字，作二行疊篆。

都天大雷火印



夫都天大雷火印者，治天下山川、林木、廟宇、神壇、龍蜃，並皆起之，印動雷動。此印不可與他印相雜使用，只是求甘雨，於有龍處用鐵版一面，用紙封上押字，用此印印之，令人送於水中，龍神立起。如水有怪，林木為妖，古廟興災，皆行文於內押字，用此印印之，其水內有怪自死，廟宇自壞，林木自枯，或被天火雷電所燒。印闊二寸二分，方正，厚八分，印文分六字，作二行疊篆。

提舉城隍司印



夫提舉城隍司印者，受提舉城隍之職，代天行化。凡受此職者，須得此印，無此印不行天下。城隍神所行去


處，陰官自報，皆有鬼神迎接佐送。亦差助法兵吏所直，經過山林廟宇，或渡江河海。次日夜常有本屬兵吏侍右。凡牒城隍，只用此印，即時報應。或城隍兵不至，爲之不從，便可具狀聞奏上帝，依法移居并位。印闊二寸二分，方正，厚八分，印文分六字，作二行疊天文篆。

上清天樞院印



夫上清天樞院印者，爲上清三天門下進奏之司。凡於人世爲民行法，申奏天曹，關牒中界、下界鬼神之事，皆須此印。除天界上帝，可具狀奏聞。中界五嶽名山大川，下至酆都之神，不論高下，並用關牒。及佩之除邪，服之治病。有此印隨行，天下鬼神皆伏，所行之處，鬼神侍右。印闊一寸八分，長一寸九分，印文分六字，作二行疊篆。

都天大法主印




夫都天大法主印者，管天下邪精、六洞魔王。凡有精邪作孽，龍蜃興妖，與民爲患，所行符籙，皆須此印。及人有冤枉呪咀，宿世冤靈負命欠財，一切疾苦，佩此印，冤靈不能近，惡業不能侵。及除夜夢，和合萬事。常服除宿疾，令人延壽，不患蠱毒，不生九蟲。及下死胎，催生，並皆燒灰吞服。印闊一寸八分，長一寸九分，印文分六字，作二行疊篆。

上清朱明神符

散形

聚形



夫上清朱明神符者，是北斗七元聖君之真炁自然而成形也，係上清天樞院使行，可以破廟、除邪、入瘟、辟疫。常佩護身，萬惡不侵，鬼神見之，如大火山。常服令人聰明，不生惡疾，毒藥不害，不懼刀刃。及治諸般惡疾，能止疼痛。及治顛邪，小兒夜啼、驚風，婦人安胎、催生、下死胎，及鬼氣、鬼胎，去三尸，剪鬼交，皆換湯液服之，無不應驗。右篆此符，用左手掐午上爲訣，念呪書之。

呪曰：


北斗七真，天中大神。上朝金闕，下覆崑崙。調理綱紀，統制乾坤。貪狼巨門，祿存文曲。廉貞武曲，破軍輔星。大周天界，細入微塵。何灾不滅，何福不臻。元皇正炁，來合我身。天罡所指，晝夜常輪，隔居小人，好道求真。常見尊儀，願賜長生。高上玉皇，紫微帝君。三台生我來，三台養我來，三台護我來，魁魁魑魍魎魍魎。

又呪曰：

乾元亨利貞，日月是吾兵。神符入五

臟，永保得安寧。急急如上清律令勅。

上清九獄神符



夫上清九獄神符者，治人間精邪

為害，惡毒興祲。開門閉戶，井泉湧沸，屋宅鍋釜虛響，蟲鼠作怪，諸般變現形影，使人顛狂，令人久病，困痾牀枕，服藥無效。宅舍之下，腥羶之鬼，穢觸之精，無由斷絕。即令具狀，經本院投押。用鐵版生砂，依法書篆，鎮所居之地埋之。凡置酆都獄，用黃絹一尺二寸，闊七寸，書之，黏於獄內。如水怪作孽，投於水中。鐵版大者長二尺四寸，闊一尺二寸；小者長一尺二寸，闊七寸，書之。凡書此符，須六戊日可篆，餘日不可篆。及篆符時，脚分丁字，無令人見。用左手大指搯中指中節為訣，誦呪書之。

呪曰：

九獄靈君，酆都大神。張馬四毒，擒伏

鬼神。金羅鐵網，收罩邪精。三天帝勅，法令嚴行。九州土地，社伯行兵。風火雷電，有鬼粉形。百千萬卒，黑風火鈴。獄名大火，無劫更生。鐵師銅狗，傷食汝形。一筆天地，二筆滅精。三筆風伯，四筆獄成。神符下鎮，萬鬼摧傾。急急如上清律令勅。


右誦呪七遍書成。

又呪曰：

酆都九獄神，上帝勅奉行。敢有不伏者，罪在五獄兵。六丁六甲捉，步罡斗無情。勅付魁罡下，萬鬼不存形。急急如上清律令勅。

右誦呪七遍，嚥水七口於符上，了放訣。

上清雷公符



夫上清雷公神符者，治瘟邪疫炁、

山嵐瘴疠、五般蠱炁、傳屍勞瘵、山精鬼魅、猖狂客死、伏屍古怪、投河自縊、

兵亡、藥死、產亡、林木遊神作犯宅土、及他人承事之神被遣不去、墳墓興災者。並仰具狀，經本院投押，付所居之神後，方可用鐵版上書。此符五道，於五方埋之。其鬼神只見雷火燒宅，皆無入處，或是他人家自夢被火所燒。瘟疫之家得此符，患人皆見大火，心如發狂時，即涼汗立安。若是古廟興祲，林木成器，為民患者，亦書此符一道，埋於廟中林木之下，其廟自壞，其林自枯，不然有天火燒之。如水中怪，書此符一道，投於水中，其怪自滅，其鬼自驅，有龍自起。鐵版須得水日打，火日書。鐵版長一尺四寸，闊八寸。入淨室內書時，丁罡三步，左手搯火日宮，辰為訣，誦呪書之。

呪曰：

都天雷公，呼雲震風。青雷赤炁，洞按九宮。赤雷白炁，上游上穹。白雷黑炁，北遊元酆。黑雷黃炁，太極元衝。黃雷青炁，遍滿虛空。周天火界，炎炎赤風。何神不伏，何鬼不從。逆我者死，從我者封。北雲黑歷，九醜紫童。

風伯雨師，驅電飲風。神符至處，邪鬼無蹤。急急如上清律令勅。


右誦呪一十四遍書成，鎮所居之地。

又呪曰：

都天大雷公，霹靂變虛空。刀兵三十萬，炎散紫洞中。如有不伏者，嚴令輒不容。攝付魁罡下，永爲清淨風。急急如上清律令勅。

右誦八十一遍，嚥水九口於符上，了放訣。

上清火鈴神符



夫上清火鈴神符者，治婦人無子、懷孕不安，有孕不過三五月間自然落下，或養子不成，不過一二歲而死，多方作福而無應驗。能治如此之事，非尋常也。或因門戶風水，或是墳塚所招，或是宅有伏屍，或是井竈不利，或因作犯，或是星神，或夫妻二命相刑，或祖宗有過，或前世不欽子孫，或自高

曾辜負父母，或室戶不明。大凡若要子息壽命堅牢，切須戒忌，朔望弦晦，四時八節，甲子庚申，大風大雨，大寒大暑，大飽大饑大醉，星月之下，井竈神祇之前，雷電震響，天有祥雲，日月交蝕，切慎行房。如能依此，方子息受胎安穩，相貌十全，福壽延遠；若不依此，假使長子長壽，必須醜惡貧薄，及令短壽。凡有此事，並仰具狀，經本院投押，依式書此神符，夫妻佩帶，不過月日之間，便有吉夢受胎，必生貴子。長下亦須令佩此符，永無疾患，具福長壽，百鬼不侵，萬邪不害。若用鐵版或木板，不拘大小，書篆焚香供養，大辟瘟疫，治火災。並用朱書，左手大指摺寅上爲訣，誦呪書之。若人佩帶供養，天使靈官祐之。

呪曰：

大火鈴空，監生上穹。執籙掌籍，好生韓公。五帝破魂，三台祿封。七元助魄，神元負宗。屍鬼辟合，不欲鬼窮。但受人命，殺邪却蹤。上天勅賜，永受仙宮。虛無大神，斷惡除凶。九天司

命，令元祖公。注命生根，度人靈通。絕却逆鬼，斬除邪蹤。神符覆護，紫雲真容。急急如上清律令勅。


右誦呪二十一遍書成。

又呪曰：

周天大火鈴，保命受延齡。三屍俱辟合，靈寶守長生。不欲不道窮，但欲仙道成。遏人三黃章，五嶽碧靈空。急急如上清律令勅。

右誦呪三十六遍，嚥水一口於符上，了放訣。

上清丁甲神符



夫上清丁甲神符者，治人間作犯太歲，土符神殺。又他人家造作，飛土臨宅。及葬犯山神，風水不順，多生灾咎。婦人陰小生瘡，頻被湯火傷害。久病牀枕，有藥不效。或命屬凶星，運限相併，令人矇昧，作事遲延，夜多亂夢，人口不安。及雌雄殺，喪車句連。

及命屬他人呪咀，常多疾病，心神不寧，家中常令人顛狂。宅有伏屍怪物，自傷刑害之鬼，夜出現形，打燈放火，驚嚇婦女小兒，財物虛耗。並仰具狀，經本院投押，書此靈符。或供養，或佩帶，可立應驗。若有造作，亦書此符二十四道，於宅上周而貼之。不須歇宅，自有吉神衛護，凶星惡殺不敢為害。書此神符，並用生砂，用左手大指掐午上為訣，誦呪書之，用無不驗也。

呪曰：

丁甲將軍，天蓬尊神。三台仰助，六甲六丁。前驅九醜，後滅山精。泉靈通濟，上帝勅行。九州土地，山澤河源。二十八宿，六神平安。童子行令，八卦尊乾。朱雀祐助，玄武當千。青龍正主，白虎伏連。上通金闕，下合乾元。總管鬼兵，袞同上天。符主魁罡，萬祿摧遷。急急如上清律令勅。

右誦呪二十一遍書成。

又呪曰：

丁甲大將軍，六十上陽神。太上高上道，勅賜魁罡君。收擒山澤鬼，下捉土

黃神。若有不正者，乾元亨利貞。急急如上清律令勅。

右誦呪八十一遍，嚥水一口於符上，了放訣。

上清北斗七元符



夫上清北斗七元聖君符者，治人間宿造惡業。祖宗之崇，傳成瘵疾，遞

互相感，無藥可治，遂乾枯四肢形狀。如命未終，先傳宗裔，如此之狀，求無盡歇。於是上帝哀愍，降此靈符。令各書篆燒灰。用柳木剋人子七箇，用無灰酒煎調下，日服三道，不經十日其蟲自死，其形漸生。有此狀者，並仰具狀，經本院投押，錄本人情狀，聞奏上帝。及牒嶽瀆，謝過解釋，然後可篆此符，給付患人依式吞服。及篆此符二十一道，於屋下四周安貼，并篆佩帶，立有吉夢，亦感上真降真炁護身。此符常帶，保命護身，不招橫禍，鎮宅大

吉。此符並用生砂書篆，用左手大指搯子上為訣，誦呪書之。

呪曰：

北斗七星，玉真仙靈。貪狼巨門，保命長榮。祿存文曲，使臣聰明。廉貞武曲，衛臣安寧。破軍輔星，護臣身形。常居吉慶，永處福齡。注上生籍，勾落死名。神清氣爽，洞達幽冥。禦邪攝鬼，群祿摧傾。學道修真，伏願遂成。七元覆護，飛昇紫庭。五臟神君，各保安寧。急急如上清律令勅。


右誦呪一十四遍書成。

又呪曰：

大聖七元君，天中至尊神。願保永長生，三尸辟合群。擎羊大神將，絕却死命門。陀羅為散花，常得延壽年。急急如上清律令勅。

右誦七遍，嚥水一口於符上，了放訣。

上清三台神符



夫上清三台符者，大寧吉慶之宿，
曩蓋萬事。凡人命值星宿，運限不通，
惡曜纏照，頻招官事，宅發瘟黃，長子
多生疾患，及婦人難產，有三世冤家債
主負命欠財，無由解脫。並仰具狀，經
本院投押，用黃綾書此真符，戴於頭
上，即時凶星不照，冤鬼不侵。此符爲
天中曩蓋，至真之寶。用左手大指摺
辰上爲訣，誦呪書之。

呪曰：

三台星君，護我身形。用天覆護，紫炁
順成。九元辟合，斬攝威靈。太乙伏
我，《河圖》六經。高上神王，飛天自
肩。無愁元始，照胄元精。猛馬四張，
幢鼓金鈴。巨天甲卒，六甲六丁。遊
行天下，曩蓋身形。何灾敢現，何鬼怒
睛。灾視者滅，怒睛者傾。神符一單，
天不視形。急急如上清律令勅。

右誦呪一十四遍書成。


又呪曰：

三台生我來，本命得長生。三台養我
來，上帝保護持。三台護我來，永壽得
安寧。勅付魁罡下，元亨大利貞。急

急如上清律令勅。

右誦呪四十九遍，噴水一口於符上，
了放訣。

上清黑殺神符



夫上清黑殺神符者，治水怪、江河
龍蜃作孽，興風作浪，陷沒舟航，曲求
祭祀，損害人命之事。並仰具狀，經本
院投押，用鐵版一片，長一尺二寸，闊
七寸，朱書此符，下鎮興祿之地，其龍
蜃即時移居。若黑殺真君聞龍蜃觸
符，即親下伏之。若渡江海，用紙書佩
之，不受水厄，大辟水怪。亦能鎮宅，
除灾驗怪。用左手大指摺亥上訣，誦
呪書之，並用生砂。

呪曰：

黑殺真君，光化日月，威鎮乾坤。行符
攝籙，斷絕鬼門。遊行天下，收捉鬼
神。行神布炁，掃除五瘟。左右吏兵，
三五將軍。雷公霹靂，電掣雲奔。刀

劍如雨，隊仗如雲。吐牙努力，破碎其
形。九州社令，血食之兵。神符降令，
法到奉行。果不從命，殺不容情。夔
龍赫奕，紅霞紫庭。急急如上清律令
勅。


右誦呪十八遍書成

又呪曰：

黑殺大力神，無邊濟法界。擒魔束邪
精，遍遊周天界。驅龍入江海，動達苦
幽濟。金劍斬祿兇，鬼邪當自弭。急
急如上清律令勅。

右誦呪二十一遍，噴水一口於符上，
了放訣。

上清五嶽真形符



夫上清五嶽真形符者，入山能伏
狼虎，入水能伏龍蜃。佩之吉祥，不遭
患難。及蟲蟻損害屋宇，飛鳥入屋作
怪、蟲蛇出現，並仰具狀，經本院投押，
用梓木板，長二尺四寸，闊一尺二寸，

朱書此符，釘於宅上，其怪自壞，蟲蟻自去，永不為害也。若佩之，保身護命，辟諸危難。修行之士，切須佩之，免有魔障。此符用左手大指搯已上為訣，誦呪書之。

呪曰：

五嶽真形，受天禹經。大洞魔王，九醜元靈。戰魔捉鬼，降伏妖精。天丁力士，吐馬雲增、速送冤靈。甲乙戊己，壬癸庚辛。丙丁攝炎，六羅大千。元罡九網，合元歸神。總廣上曜，太虛太清。上帝蓋護，土地安寧。太微六甲，混合乾元。八九神符，下鎮山川，勅至奉行。急急如上清律令勅。

右誦呪一十四遍書成。

又呪曰：

五嶽大靈符，收擒滅惡趣。若有犯我者，天車袞地車。風雷行火電，猛將伏魔誅。勅付魁罡下，騎鬼奉天驅。急急如上清律令勅。

右誦呪一十八遍，嚥水一口於符上，了放訣。

上清天罡神符



夫上清天罡神符者，治人間精邪、

惡毒蠱氣、鬼胎鬼炁傳行人道，損害人命。及諸為妖，一切邪神，在人宅舍非理執占不去。及牛瘟，六畜瘟災。並仰具狀，經本院投押，皆用朱書此符安鎮，立獲吉祥。及書佩帶，延壽辟惡，除三尸，去九蟲，不受瘟禍，剪鬼交，并治小兒夜啼驚叫。顛邪、山嵐瘴氣、五般疴疾、諸般疾苦，皆能辟伏。用左手大指搯子上為訣，誦呪書之。

呪曰：

天罡大神，九九七真。元命太乙，殺鬼氛氳。九州分野，太白尊星。周行六合，炎炎火鈴。八威吐毒，伏鬼不刑。三十五萬，食鬼吞精。幽冥大赫，降魔伏靈。大千世界，總氣上兵。何神不祐，何鬼敢停。泰山丈人，揚揚虛靈。訐惡之鬼，盡使刀兵。神符永鎮。萬

鬼不寧。急急如上清律令勅。

右誦呪八遍書成。

又呪曰：

三十六天罡，天中大神王。炎帝烈我血，賜我為上黃。七總太元君，為吾驅禍殃。真炁受雷火，老公伏火光。急急如上清律令勅。

右誦呪二十一遍，嚥水一口於符上，了放訣。

上清天樞院回車畢道正法卷上

上清天樞院回車畢道正法 卷中

布氣法

至誠到處，向日焚香，仰祝曰：具職位某，仰告太陽帝君：臣某行天樞院天心正正法，救治萬民疾苦，布氣安神。今乞特賜慈悲，願降真氣，入臣身中。泥丸百節，五臟六腑，浩然充滿。凡治生靈，願無不效。畢，志心唯一，鳴天鼓七下，開日向日，兩手各掐中指第三節，便向日取氣一口吞之。念呪七遍，然後吞此第二口也。再掐右手，念呪七遍。又取一口氣吞之，便將兩手交對口上，呪七遍。又取真氣一口，吹兩訣上。周而復始，如此爲之者三。呪曰：風疼風裏去，氣痛隨氣滅。

凡有患人，令在東南方，西北向。師在西北，東南向，對面坐。令患人按定痛處，不得放。先嗽一聲，便取氣一口，未得吞下，便安兩手如前訣，呪七遍。令再嗽聲，取氣吞下，再呪如前。

輕者三五次，重五七次，必效。

呪水法

淨心淨意，兩手中指按掌心文，請五方二十八宿：

謹請東方角亢之星精真形，仗劍持符，護吾身形。

謹請南方井鬼之星精真形，仗劍持符，護吾身形。

謹請西方奎婁之星精真形，仗劍持符，護吾身形。

謹請北方斗牛之星精真形，仗劍持符，護吾身形。

謹請中央七星之精黃之真形，仗劍持符，護吾身形。

五方真氣入吾此水。此水非常之水，上清無極大道自然之水，能除疾病，能救苦厄。吾此水一點落處，皆成清淨。若是正神，著此水者，廣大神通。若是妖怪，著此水者，身如大火所燒。此水皆是上天真人降真氣所成，何邪不伏，何鬼敢形。當吾者死，背吾者亡。神水到處，萬鬼伏藏。呪曰：魁元乾元，利貞璇貞。太虛請勅，崑崙


天戶。急急如上清律令。三七遍。

右用灑淨，則蕩諸邪穢，吞符，則莫不立應。時行瘟疫，可灑宅舍內外。及有病，煎煮湯散，其效乃信，無所不用也。

取勞蟲法

凡人患傳屍疾，未及一百二十日者，則先虔請正一道士作醮三日，書符三道，依後法與患人服之。至第四日，預備鑊一隻，煎油五斤以上，用白絹一疋，縛患人於柱上。用生絲左線三條，各長四尺四寸，每條桃木上縛符一道，令患人以人參湯吞下。一道令人把定，候符收線，入腹中繫，用尺斡開口，急拔出符，蟲在上。如此三度，取蟲三條，皆作聲入油煎了，乃安。一條兩條，斷必死。

第一符




用絹半寸方，以朱書。左手午上

為訣，念呪書，以蠟丸之。於第一日丑時服之，乳香湯下。念呪三遍書成。

呪曰：

天靈三光神，令我受賜命。令受勅斬汝，勅至法奉行。

第二符




用絹半寸方，以朱書，左手申上為訣，念呪書之，以蠟為丸。於第二日午時服之，乳香湯下。念呪三遍乃書成。

呪曰：

本為汝我損，我今辟合汝。如是諸飛天，流浪飲屍鬼。

第三符



用絹半寸方，以朱書。左手亥上為訣，念呪書，以蠟為丸。至第三日亥時服，乳香湯下。念呪三遍書成。

呪曰：

太上大道君，受我保身形。吉慶降天符，太一合元真。


治疔法

發至七日了可治。發時，兩手中指掐掌中心，看患人，持呪七遍。令嗽一聲，取氣一口在壁，三度呪之。令患人忌五辛、毒物各七日。


呪曰：

殺殺縛，勅斬滅。

安蠶神符貼蠶室內



鎮宅神符



移腫毒

腫毒雖七八分者，亦可治。訣在左手午上，按定痛處，呪曰：

汝是毒，何損人肉，吾今送汝上刀岡。

急急如律令勅。

呪七遍移訣，令嗽一聲。取氣一口吹在地上，乃以脚滅之。

治瘟說

治瘟自有法中常儀。初入門，仍先用兩手中指掐掌心呪曰：閉天目，一切鬼神不見。此是為患人布氣之法。到患人牀前曰：行疫年王、行病使者：此子行不善道，天令汝等巡歷。此子今改過，歸奉大道。吾已奏聞上帝，牒城隍訖。如不係天符勾取，可急收藥毒、氣毒前去，不得少停，恐天赦將至，如違，的不容情，急急奉行。

治鬼邪法

患人身，須得實年月日時。右手仗劍，先掐訣，掐年上，呪四十九遍，噴水一口於患人身上。若輕便住；如未住，則掐生月上，呪四十九遍，噴水一口於患人身。或尚未全退，則生日生時，並同前法為之，周而復始，待報應乃已。呪曰：

天勅上赦，急令絕惡，急煞急縛。

右恐不得月日時，只如子生，便用子

上。此乃天中四刺縛邪法也。更以乳香湯下北斗七元符三台符也。

治心邪血邪草靈丹方

神桃七箇，乳香半兩，辰砂半兩，酸棗仁半兩，當歸半兩，地黃半兩，雄黃半兩。

右七味為末，以蠟為丸，如梧桐子大。每服二十一丸，并符七道。臨時看甚符，亦作丸。子、丈夫，燈心湯下；婦人，紅花湯下。

治顛邪行持及斷鬼神祕法

下元生人，行諸不善。發驕慢心，恣縱姪殺。常生輕謗，行不孝道。慳貪不足，而生妄心。既有妄心，即驚其神。煩惱妄想，憂苦身心。是以邪魅乘虛而來，以投其隙。精邪下鬼，百怪千妖。侵剋形魂，叫笑不常。喜怒不定，精神恍惚。或歌或舞，或悲或啼。飲食太過，不識尊卑，千條萬紀。或因塚墓不安，祭祀不謹。居處凶地，伐樹成災。不可不知也。試論其狀，即辯其源矣。

心病屬火，乃面赤，叫笑聲高，多

嗔少喜。

肝病屬木，乃面青，飲酒太過，悲憂不止。

肺病屬金，乃面白，持刃行兇，常言鬪殺。

脾病屬土，色黃，飲食太過，而常稱不絕。

腎病屬水，憂悲不常，多拆衣服，低頭咬齒狀，若怕羞是也。

此乃五臟受邪之證，先須行持，以符服之。然後隨其本臟，用藥攻之，無不效矣。

識鬼邪

睜目咬牙凶橫，自刑之鬼也。

歌舞叫笑，山魃之鬼也。

呼神喚鬼，咬器物者，客亡之鬼也。

也。

或嗔或喜，社廟之鬼也。

咬牙叫喚，聲如忍痛，落水之鬼也。

也。

恐懼生人，精物之鬼也。

怕日羞明，血死產難之鬼也。

多好遊走，樹木之鬼也。

自刑覓死，冤債之鬼也。

多好眠睡，獄死之鬼也。

至於持誦看經，而輕慢經典；嘆氣呻吟，心氣有憂，多言虛詐，失志歌舞，嗔喜不定，亦邪鬼之候矣。

凡驗鬼祟，即依此式，無有不實。若欲知其有病無病，即驗其眼目；上視或青或白，鮮淨者，無患如常者，並虛詐也。

凡欲治顛邪，即先令投狀。次關住處靈祇，牒本屬城隍，差借吏兵去防護。然後入斗存身，行持具威儀，前去看驗。依科行法，不得任性。見患人須和柔訓化，勿傷神氣，乃使不生狂惡，故全其理也。

入斗存身行持祕法

凡治顛邪凶惡之鬼，切須齋心沐浴，先行持而往。至彼，亦不可散心，恐頑愚下鬼無所知識，敢有不從，致失威儀，贖上帝之命。雖久而終就擒捉，亦忤行持。若是每行持，面東焚香，正身端立，用兩手大指各掐上清訣，從腦後轉至眉心，分直從胸前下，又腰，默

呪曰：

吾身中功曹使者，當召出吾身中十二時辰、陽平二十四氣、七十二候、左三魂、右七魄、一萬二千精光神、二萬二千形影神、三萬三千毛竅神、心神、脾神、肺神、肝神、腎神，各具威儀，與吾吉慶，賜吾大道，令吾身形化爲上清玄都三十六洞天伏魔法師，頂遠遊冠，身披絳綃服，執圭朱履，身坐玉局。汝等靈神衛吾左右，上使紅光蓋吾，下使祥雲圍遶，前至某處某人家，考察邪鬼，治病除祿，使令邪魔萬鬼自誅，凶惡不見，疾病消除。南靈覆護，變形玉虛。急急如上清律令勅。

呪畢，面東嚥水一口，乘於身上。次再焚香，面南叩齒，具位姓名，稽首：

南極天府星君。南極天相星君。
南極天梁星君。南極天同星君。
南極天樞星君。南極天機星君。
南極萬壽星君。南極三明夫人。
南極火鈴將軍。

臣某今日吉慶長齋，修行無量，度

人濟世，除祿破邪立正。伏望南府星君。特賜神光，衛護身形。使者三千人，火鈴將軍，下護臣身，令得長生。急急如上清律令。

呪畢叩齒，依儀式步罡，一步念一星君丁罡：

天府星君。天相星君。天機星君。
天同星君。天樞星君。天梁星君。

步畢，執劍呪曰：

某日功曹使者，吾遣汝上天，速至天門。遣汝入地，速至地戶。遣汝入水，速至水府。吾今不遣汝上天，不遣汝入地，不遣汝入水，遣汝速至某處某家，告示某人住處司命土地、干係等神祇，并本屬城隍，差來兵將，仰防禦本所，前來看驗某人疾患。須管精嚴，無令穢觸，有失威儀。次念天靈地靈，天地交并。功曹神將，不得留停。速去速來，吾在壇前卓劍相待。急急如上清律令。

呪畢，便將劍卓在地，二手十指相叉，喝一聲：去。凡入患人家，纔入門，見人便收却頭巾，直上廳上正

坐。纔坐時，便用二手中指掐掌心為訣，布氣一口於四方，便呪曰：

吾是元皇之孫，太上之子。北斗與我爲所使，周行禹步，天吏所使。左侍青龍，右侍白虎。三清上帝，密布真炁。敢有祿氣惡逆之鬼，當不伏者，金羅鐵網，艷都處死。急急如律令勅。

呪七遍了，便於周回收氣一口，吹在二手內。便重掐訣，令痛。呪曰：

天爲我父，地爲我母，日月爲我兄弟，七星爲我朋友。六甲將軍，手執鉞斧。地甲將軍，嚴持鍾鼓。三台前行，禽宿後使。吾與天爲臣，受天所使。斬邪吞魔，縛祿攝鬼。指呼爲命，調理剛氣。上天符命，土地皆至，急急奉行。

東方

東方青帝青童君，執鍾擊鼓，速縛興祿之鬼，入金羅之獄，受罪無情，急成公案。併令如前，受天符命。目視東方，喝云：去。

南方

南方赤帝赤童君，手執雷電，速縛興祿之鬼，入無了之獄，重罪無情，急

成公案。併令如前，受天符命。目視南方，喝云：去。

西方

西方白帝白童君，手執鉞斧，速縛興祆之鬼，入陷海之獄，受罪無情，急成公案。併令如前，受天符命。目視西方，喝云：去。

北方

北方黑帝黑童君，手執帝鍾，速縛興祆之鬼，入無牽之獄，受罪無情，急成公案。併令如前，受天符命。目視北方，喝云：去。

中央

中央黃帝黃童君，手執金槌，速縛興祆之鬼，入長停之獄，受罪無情，急成公案。併令如前，受天符命。目視天，喝云：去。

其顛邪人必自叫喚，便云：左右統兵助法神將，為吾擒出。便令其家人引患人至廳下，其患人即伏。便呪曰：患人纔出，用玉清訣：

天靈地靈，天地交并。受差將吏，無輒容情。擒捉鬼賊，速至階前。急急如

律令。

呪七遍，患人至階下，便云：直日獄卒，為吾擒捉鬼賊。便呪曰：

上天勅令，速縛魔精。隨行獄卒，無輒容情。急依天命，勘伏招情。當吾步下，元亨利貞。急急如律令。

呪三遍，患人自坐。纔坐便問，令說因依。如不伏，便喝云：為枷。却便呪七遍。上清訣。

呪曰：

上天奉命，玉帝魁榮。枷下邪鬼，有逆上清。九天玄籍，無輒容情。急急如律令。

患人自如檐枷矣。再問不伏，兩手並作玉皇訣，喝云：為吾綁。却用紫微印呪七遍。呪曰：

天靈天榮，吾奉上清勅。綁却鬼賊，抵拒有刑。魁罡躡斗，無輒容情。急急如律令。

患人只自立如綁，再問令說。不伏便云：為吾打脚，兩脚一同。便呪曰：勘鬼訣。

上天勅命，枷禁邪精。行刑獄卒，不得

容情。併天符命，依勅奉行。急急如律令。

患人只自叫，問因依不伏，便使黃蜂之呪三遍：勘鬼訣。

太魔太靈，魁光七星。九氣真元，永了上疇。奉命如命，火急奉行。急急如律令。

患人如又不伏，便云：為吾縛上銅柱，銅汁鐵丸灌之。呪七遍：勘鬼訣。

太微太微，赤鍊銅汁。九天永辜，受罪無劫。再生再死，上帝勅攝。併令獄卒，食鬼飲血。急急如律令。

患人叫苦，便問因依。

斬鬼法

用滅妖鬼訣，兩手並作。

如斬鬼便將律驗法云：汝今得此罪，罪當斬。便云：當院劊子，為吾斬鬼。呪曰：

天帝嚴勅，受命劊官。領天符命，無輒容情。神鋒兩刃，誠惡去除。領赴壇下，一劍去誅。急急如律令。

呪七遍了，便云：推出凌遲。鬼呪曰：七遍。

天帝勅行，天甲天丁。鬼犯重罪，粉骨碎形。奉天勅命，法到奉行。急急如律令。

斷鬼呪用勘鬼訣

天帝勅行，立法無情。三天符下，受罪當刑。奉天勅命，法到奉行。急急如律令。

配鬼呪用配鬼訣

鬼犯惡罪，心受無情。當行律令，配赴海營。上天勅命，依法奉行。輒有不伏，粉骨碎形。急急如律令。七遍。

自擒坐鬼賊呪至此，呪每念了，即喫水一口云：滅也。

遙治顛邪心法

凡是室女、婦人不欲見者，呪水了，令取一盞，洗手面了，與患人洗手面。自洗手時，用兩手搯玉皇訣，呪七遍，七吹入水內也。呪曰：神天龍手，千魔自去。設位大羅，嘯詠洞歌。急急如上清律令。

呪畢，剔訣於水中。

訣目

太清訣二指上 勘鬼訣二指中。

玉清訣中指上 玉皇訣中指中。

卓劍訣中指下 上清訣四指中。

紫微訣四指中 配鬼訣小指中。

滅鬼訣小指下。

欲往治邪，先燒關引及帖榜，與本家土地司命門前，五道干係等神祇候，仍牒城隍借兵，收擒看守。用了，即用牒交還。收管訖，通明報應。

布氣呪

乾元天靈，甲乙丙丁。戊己太一，壬癸守形。朱雀覆護，壽命長生。身中功曹，三五將軍。左右神人，今日吉慶。得道至妙，使我通靈。蕩除穢氣，凶惡不寧。神清氣爽，得道修貞。急急如上清律令。

上清天樞院回車畢道正法卷中

上清天樞院回車畢道正法卷下

勘竈經驗狀式

若有人投狀，先焚香，用二手指各搯亥上爲訣，又定二腰，叩齒三通，望地吹氣一口，再叩齒三通，望中取氣一口吞之，便呪曰：天靈地靈，天地差兵。吾奉玉皇，糾察邪精。王民投狀，事有懇情。當院功曹，輒敢久停。速追司命，勾禍鬼名。速去速來，吾在壇前卓劍相待。急急如律令。喝一聲：去。呪了，便將投狀看於甚字上，便認有無鬼崇爲禍。度事理，依天津勅條施行。如些小事，只送所屬，或付本家承事之神。凡若應差鬼神兵將，即寫某廟差來兵將。於後押字上，使都天法主印印之，令用香酒茶果供養。候病安，用香紙送於本廟燒化。投狀用金錢六貼、馬十二疋、香燭等。本院神將如見凶者，切莫與給，雖安

樂，壽不永也。切須子細，慎勿容易損人功行。此乃龍漢元年，上清真境太上道君，召天官追攝人間竈君司命勘鞠令，通說災禍邪鬼之由，判屬天樞院救治施行也。

投狀式

具州縣鄉里保社坊巷居住，弟子姓某。

右某，伏爲某人，見年若干歲，月日時生。自從某年月已來，某疾不安，累經醫治，並未痊安。切慮有禍祟事入于此，多被阻隔，致令藥餌無靈。今則無可投告，謹具狀，申

上清天樞院，伏乞指揮，依法救治施行。謹狀。

年月日同前，姓某狀。

驗狀法

州字與軍字同

如無州字，則天樞院二字同用。

點汙是三代，家先有願，門前五道不安。東南方古墓神，家收圓明之物。及三七日內，曾將血物歸，倡鬼爲災。

犯重

是中房內戶下，有女伏屍骨，深七

尺。及七年內，至親血死傷亡，宅土不安，及此房飛屍女殃鬼。

挑起

南方樹木五通之鬼，因陪於食物而來，兼西方飛土神。

注失

五通香火山魃，三代家先客亡，自刑女鬼，河道歿亡，城隍社伯之神。

縣字

點汙是宅神不安，城隍有願，星辰臨命此方。山神陰土不安，外人驚動之也。

犯重

是南方游土，十年內作犯太歲。家先有願，及緋紫之神爲禍，因在外飲食而病。

挑起

門前客死，男傷亡，及陰陽構不明，竈君不安。觀寺淨願動，及客中落胎鬼。

注失

緋紫之神，傳屍勞鬼，父母呪咀，北方親友之鬼。門神宅土不安，竈神

有願。

鄉字

點汙五廟有願，東北方親知。藥毒之鬼，血蠱，血屍，飛勞之鬼。

犯重

門下東方，十步伏屍石精，及家神有宗祖傳病之鬼。

挑起

至親人呪咀於南方廟堂，命犯星殺，作犯宅土。

注失

伏屍古塚之鬼，古畫功德，異物爲精，家收勞死疰瘵之鬼衣物等。

保字

點汙舊廟之神，功德願動，及血屍女鬼，二七日東方食物，承鬼傷入宅。

犯重

竈第三口下，有男枯骨，及自刑女鬼。北方河道傷亡，古墓之神。

注失

西方舊廟神，作犯宅土井竈，驚動門前自刑鬼，女傷亡。

里字

點汙河道男傷亡之鬼，北方樹木五通之神，北方銅象之精，竈神有願。

犯重

遊神五通，西方浮土，喪車之神，

鬼家物，銅鐵之物，命犯必死。不在治。

挑起

是山魃木客之鬼，宅有願，土府不

安，客死女傷亡之鬼。

注失

南方瘵症疾之鬼，外入僧寺，呪咀

星辰臨命，五道不安，父母之鬼。

投狀

如姓與名忘記不書者，西方古墓，五通客亡鬼，并犯土藥毒鬼。

點汙父母之鬼，家行暗昧，不存父

母，上天所賜之禍。

犯重

宗祖有願，星殺為災。叔伯父祖

之鬼，堂下伏屍，古物石精。

挑起

宗祖呪咀廟神，口有諛謾謗易之

過。主必死，不治。

注失

土黃，土箭，土瘟，山魃，社伯，河道女亡，東北方蠱氣之鬼。

名

婦人氏弟同。

點汙父母兄弟，傳屍之鬼，山魃為

禍，客堂伏屍。家不積善，有過父母，

至親呪咀，北方樹木神，古銅鐵之精，

必死不洽。

犯重

外祖之鬼，觀寺親友呪咀，死氣入

宅，北方債主之鬼，客亡，家收兵器，山

魃、瓦之祟，鼓響之聲，魚鼈之精，南

方自傷之鬼，井泉女鬼。

患人名字

婦女氏弟同。

點汙南方，飲食受患，西北方舊廟，神

堂後，西方伏屍，女殍之鬼。

犯重

先祖有願，朋友鬼客死傷亡，星辰

正照，宿世冤家債主取命。死不在治，

必死三人。

注失

星辰有臨有願，命犯短命。北方

喪車鬼，五道勾起西南蠱鬼。死不治也。

患年月日時

點汙星宿照命，宅有伏屍，山精古

怪，丘陵古墓，井泉之鬼。

犯重

山神為祟，坑穢之神，厨下冤死

鬼，藥毒傷亡，竈土不安。

挑起

五通伏屍鬼，西南方傳屍，親友、

僧尼呪詛，家收銅鐵之物成精。

注失

東一房下有古兵器，水精之怪，竹

木青黃之兆為笑，及自刑鬼女人。

神字

神字在上者，一行中，在上第一字是。

客亡女殍鬼自傷，山魃、古廟神，五道

有願，土府不安。

在下

一行中，在下第一字是。

暗死女鬼，神寺呪咀之鬼，西方祖

墓神，二年內打煞物命。

點汙

五通宗祖承事之鬼，他人祖父母之鬼，在宅執占地業爲災。

犯重

夜魘之鬼，東方飲食受患，家收古器之物爲妖，產死之鬼。

挑起

傳屍之鬼，衣物飛蟲入宅，南方花果之神。死不在治。

注失

水陸神願動，父母呪咀山精、青黃之精也。丘陵古墓墳之神。

鬼字

在上，東南廟神，正廳中，下有男伏屍。三七日內，主見怪物爲災。

在下

百里廟神，呪咀有願，西北方河道傷亡宗祖之鬼。

點汗

星辰有願，兄弟之鬼，南方屍鬼、木神，客死傷亡，自刑枉死之祟。

犯重

五通香火之神，西南方作犯土府，太歲爲災，驚動司命。

挑起

是魘死鬼，兵死，囚禁傷亡，家收古物，下逆於上。

注失

西方親人送物，有女殃，蠱毒鬼，水怪，河潭龍蜃之妖。

禍字

在上，南方自傷女鬼，花木之精，井竈不明，家先有願。

在下

兄弟、祖父母鬼，自生呪咀，用心之過，天神收攝。必死不治。

點汗

南北方呪咀，神祇之願，親人發動、邪道爲災，及暗死女鬼。

犯重

祖先親人傳屍鬼，宿世冤家債主負命，執占之鬼，五通徇亡傷神。

挑起

因將血物，引東方倡鬼入宅爲禍，司命家先不安。

注失

犯山神，陰土不安，惡星臨命，五

通古廟有願。

崇字

在上，有他人香火混雜房中，內有自刑女鬼，井泉之神。

在下

有外人承事香火，古墓伏屍，傳勞之鬼，先亡有願，宅土不安。

點汗

叔伯、外祖神，山鬼，樹木精，門前五道。

犯重

客死女鬼，籬下西四尺，有暗昧之精，刀劍之鬼。死不治。

挑起

西方花果遊戲之神，宅土不安，衆神有願，百日內曾見怪物。

注失

是作犯宅土，傷死之鬼，淨神有願，觸犯大神。

邪字

在上，五方古墓神，先亡爲禍，嶽神有願，司命不安。

在下

水陸有願，三界淨神不安，心口無憑，乃天為患。死不治。

點汗

天神有願，北方呪咀，山魃及父母為災。

犯重

兵死鬼，南方路死、傷亡、惡死女鬼，及東方遊戲五通鬼。

挑起

門神，五通，樹木緋紫神，城隍有願為禍。

注失

獄死鬼，女屍血亡，山精猛烈之神，五神不安。

妖字

在上者，傳屍病，祖父鬼，宅見惡怪，星辰有願，牀下伏屍女鬼。

在下

河道傷亡，出狷鬼，北方毒蠱女屍之鬼，藥物之精。

點汗

堂前伏屍，父母親墓宅不利，古物書畫之怪。死不可治。

犯重

因買患人衣物得病，女殃暴敗死之鬼。西南蠱毒精。

挑起

石精，銅鐵獸象之怪，墓神，山神，河神，客狷鬼，古塚崇。

注失

獄神有願，兄弟呪咀，邪道鬼吏，五狷山石之神。

怪字

在上者，三代家先客亡女鬼，土地不安，河道狷殤鬼，血蠱神。

在下

山魃、火殃死鬼，血死傷亡伏屍，緋紫之神，東北方飲食得患。

點汗

幽暗鬼，西方水精，北方槐樹、皂木之神。死不治。

犯重

兵死陣亡鬼，五道相句，宅土有願，北方呪咀，飛屍鬼。

挑起

厨廁自刑女鬼，東西方古廟神，溝

井不明之鬼。

注失

二年内打死物命，七世冤債，星辰暗煞臨命也。

魍字勞字同。

在上者，先世不孝父母之罪，東南毒山精之鬼，客死傷亡。

在下

五方蠱毒氣，樹木遊神，山魃，石精，水魅，河道惡死之鬼。

點汗

十年作犯太歲，陰宅不安，父母宗祖之鬼，門神不安。

犯重

血屍五通山魃為禍，狐狸之精，井竈不明。

挑起

魘死鬼，傳屍勞鬼，南方飲食，北方祖母古墓之神。

注失

父母祖先崇，山魃古塚之神，新死之鬼，北方古墓土鬼。

魍字

在上，山魃、猴精之鬼，同司命，猖傷、客亡、自縊之鬼，傳屍勞瘵。

在下

舊宅下承事之神，東西遊戲花果之鬼，釘鐵之精。

點汙

一年內，買道僧衣物，淨神有願，星辰照命，掃帚之精。

犯重

橫死鬼伏屍，祖先傳病鬼，五道山神爲禍。

挑起

外祖父母入宅，同先祖父母司命，爲灾受患。

上清天樞院回車畢道正法卷下

(陳秀峰點校)

041 靈寶淨明新修九老神印伏魔秘法

翼真壇副演教師何守澄撰

經名：靈寶淨明新修九老神印伏魔秘法。宋何守澄撰。一卷。底本出處：《正統道藏》洞玄部方法類。

三洞真經，列聖所寶，秘於上宮，約以科禁，自非天地一開，其文不出。有遇之者，皆金名玉字，夙著仙譜之人也。粵惟上清伏魔印章受鍊形神秘法，乃九老帝君，龍漢劫初，親得元尊之旨，下教學仙之士，實為靈寶之樞要。歷古以來，成功證為列真者，未易詳述。昔高明大使許君，受法於道君諶姆大仙，吏隱東晉，攝邪誅怪，標江呪水，以極生民之灾病，積功累德，而後舉全家於霄漢者。逮諸弟子繼踵仙

去，雖嗣法者代不乏人，然文字傳習之久，例多謬誤，無以取證。炎宋中興，歲在作噩，六真降神於渝水，出示靈寶淨明秘法，化民以忠孝廉慎之教，乃命洞神仙卿為訓導學者師。越二年，秋八月，高明大使親歛臨于遊帷故地，即今之江西玉隆萬壽宮也。於是肇建仙壇，名曰翼真，以延善知識。凡經典疑難，悉聽扣問。時新學九老法弟子，因以其書請益焉。果蒙真慈，發明道要，說氣鏡、神印二篇，證諸闕誤。繼委門人，悉以符呪訣法釐正之。書成，以呈真鑒，賜可。又命何守澄序，具重修之意，以久其傳。守澄自愧肉質地行，聞見隘塞，有何補於宗教。然誤蒙真師收錄，充靈壇下弟子，今已三年矣，謹直序其事於篇首。顧唯龍沙已合，五陵之內，應地仙者八百人。而師出於豫章，此言載於方冊。今黃童白叟，皆熟誦之，信不誣也。凡游於真師之門，得此法者，宜精進焉。時紹興辛亥歲重陽日，謹序。

靈寶淨明新修九老神印伏魔秘法


洞神抄注奉真旨編修
洞神節錄奉真旨同修
太元判令奉真旨校勘

九老帝君神印總論

丹陽子曰：道本炁也。合炁以為體，散炁以為用。大道，炁之溟漠也，生乎天地之先，散乎有無之表。字因炁而結，文因炁而成，形因炁而聚，聲因炁而合。道本炁也。上士以炁合道，故不暴其炁，炁止於一。一者真一，神合於心，心與神交，神由炁合。磁石吸鐵，翡翠碎金者，性也。性一合道，道果炁也。夫以真精，精者一也。一者道也。以真精故召正炁，以合道故成大仙。仙鍊精合炁，以炁合道，神景淨明，不役外物。陽燧向日，火隨而生。方諸感月，水旋而至。水大，自然之炁也。道合自然，得陰陽之正，適陰陽之中，純朴不散，精粹無雜，所以日

有光明，月有輝耀。人稟乎靜則性達，得乎明則心通。性達心通，故交感於日月之宮。道本圓虛。圓者氣之體，虛者氣之用。得圓虛之道，故謂之淨明。淨明，則適正得中，合於有情。至道非情求也，而此言情，誠實生情，情起而道自生。以道者炁也，以心合炁，心動而情遂生，情本生於中也。上士學道，不執一物，不廢一物。謂道可以情求，則非也，有假以爲用也。道不在呼吸採取也，呼吸採取，外也，而道在內也。道在內，故可因呼吸採取，而知亦在外。道彌滿太虛，貫該總屬，得道之意。而知所謂情，則神印者，可易曉也。上士以印爲道，道託印以行之爾。印者，如燧珠之艾炷耳。

伏魔神印



印釋
上清九老帝君，迴屍起死治病，伏魔糾察。



別本
此印

三界鬼神皈正法事章文
章文三十五字，於背正雕白字，真楷書之。



右印用金銀玉石，或雷震棗木，堅硬之木，皆可。印式，闊二寸四分，以應二十四炁；長二寸八分，以應二十八宿；厚一寸二分，以應一十二辰。以三元八節、甲子庚申，或丁甲納音水火之日，齋其工匠，面東造之。印成，請度師保奏，呈泰玄都省。自授度之夕，於露天置案設印，以香花淨水祭其神印，達旦即收入。勿令雞犬歸人見之。如是三夜，祭訖，方可用行。

受持印章法

每日清旦燒香，掐日君訣，視印祝曰：

嗣法某，謹以信香，告于天印神靈侍衛官將曰：元始開圖，必自乎震。九炁帝君，獲此神印。赤書玉字，天地安鎮。隱音內名，鬼神符信。我佩印章，攝行天命。護身濟人，伏魔皈正。無往不通，有感皆應。

即望東取太陽炁，吹入印中，放訣。

用印訣

凡行救治，先焚香，據來人事意，啓白上清九老帝君，法中一切靈神，乞賜救護。次用印時，左手握訣，屈中指掐掌心中也。右手持印，存變爲九老帝君身，御上清冠服，左右官將侍衛。方用印，即望東取太陽真炁，吹於所印文字上。若專給印救治，即就印上，再書印到速安四字。又押字訖，再取太陽真炁，吹印上，發訣，想神將隨印前去也。

發印訣

如驅邪伐祟，依常式印其來狀，令

燒付本家司命土地行遣。如辟除妖怪，書事用印，貼本處安鎮。如肢體傷折者，貼印於疼痛處。時瘟瘧疾者，貼於前後心。瘡瘍癰疽者，燒灰，或塗或洗。鬼忤惡夢者，或佩或吞。目疾者，淨水浸印，洗之。各獲安愈也。


法印式



右印不拘木植，雕造訖，隨前印奏呈了。法師遇申，發奏狀行移，上下通用此印。使印時，掐天罡訣。

每日服鍊法

上元解穢黃庭真符




右符朱書。每日清晨，面東掐午念呪，以淨水吞服一道，解穢淨身，招集生炁。呪曰：

五帝大魔，總領鬼兵。金鉞前戮，魔王束形。猛馬四張，保命生根。急急如

上清九老帝君律令勅。

每日服鍊法

上元延生守一真符



右符朱書。每日午時，面東掐子念呪，以淨水吞服一道，安神守一，保命延生。呪曰：

延壽益筭，度厄尊神，迴骸起死，無量度人。執籙把籍，齊到帝前。急急如上清九老帝君律令勅。

淨明氣鏡篇

丹陽子曰：炁者，虛而善應也，神之帥也，身之主也。天以炁，故穹窿而高，高故能下濟。地以炁，故磅礴而厚，厚故能上行。日月星辰以炁清而照臨，江海山岳以炁聚而融結。人以炁則頭圓，法天之炁也；足方，法地之炁也。眼髮象於日月星辰也，毛竅象於山岳河海也。一炁之運，陰陽奇偶，與天地流通。天地所以能長久者，以其運而流通。而人多夭折，何哉？以

能用與不能用而已。是故炁以運動潛伏有道，謂之淨明。淨明故盈成，盈成則周徧，而達於命之情。此天地之妙理，陰陽之交變，升降之早晏，生物之謂也。而人之一身，可以上稽於天，下法於地，取天地之正而參於身，可以移精而變化，出沒於死生，故能神神而靈，謂之內營。內營則丹鼎成，黃芽生，慶雲興。斯可噓吸雲風而噫唾雷霆，能役夏冬而使秋春，變暘為雨，以雨為霖，而天地之正炁，在我而不在人。死者可以生，生者可以死。人道正，邪炁干者，逢吾之炁而安。鬼道邪，而凌於人者，逢吾道之炁而攝善。學道者得之，而為炁鏡之訣曰：運行補養，必達其機。達其機者，必明其說。

每日服氣法

每日早晨，面東焚香，兩手掐日君訣，叩齒九通，存想九老帝君、太陽上帝在日輪中。日色紫赤，九芒霞光，暉映太空，如日初出之狀。即放訣收手，心拜祝曰：

嗣法某甲，焚香供養九老帝君、太陽上帝。以今清旦燒香，齋心滌意。朝禮日宮，吞納正炁。伏願太陽上帝，降賜光輝，燦茲冥滯，生育正真，蕩彼邪穢，百神既寧，萬魔自退，耳聰目明，心通性慧，與道合真，長生久視。

又扣齒三通，想見太陽紫赤之光照面，即鼻引而咽納之，如下文服四炁，共三十六口也。

初之炁呪曰：
中理五炁，混合百神。

凡服初炁，垂兩手，掐應病訣，念呪七徧，放左手訣，換掐喉訣。又腰取炁一口，咽之。隨炁重掐訣，又念呪七徧，放右手訣，換掐喉訣。又腰取炁一口，咽之。隨炁重掐訣，次舉兩手，喉訣相交對口，左手在上，右手在下。又念呪七徧，張口取炁一口，吹在訣上，即放訣。此是一徧。如此爲之三徧，共服九口炁也。

二之炁呪曰：
无英公子，白元尊神，太一司命，桃康合延。

凡服第二炁，垂兩手，掐北辰訣念呪。取炁如服初炁法同，只更訣目。亦三徧爲之，共服九口炁也。

三之炁呪曰：
束送妖魔精，斬馘六鬼鋒。諸天炁蕩蕩，我道日興隆。

凡服第三炁，垂兩手，掐紫庭訣念呪。取炁如服初炁法同，只更訣目。亦三徧爲之，共服九口炁也。

四之炁呪曰：
魔無干犯，鬼無妖精。三官北酆，明檢鬼營。

凡服第四炁，垂兩手，掐日君訣念呪。取炁如服初炁法同，只更訣目。亦三徧爲之，共服九口炁也。

訣目掌圓



靈寶淨明新修九老神印伏魔秘法

(王育成點校)

042 許真君受鍊形神上 清畢道法要節文

經名：許真君受鍊形神上清畢道法要節文。宋何守澄撰。四篇同卷。底本出處：《正統道藏》洞玄部方法類。

太上曰：靈寶本章，迴骸起死，治病伏魔，馘毒伐惡，皆有大帥、擲火之神常來護衛。大神即人之心，擲火之神即人之魂。心與魂分，鍊為上真。上真已成，出入腦門為泥丸。內包至真，合成元始玉文。全印神章，自然大道，是謂無量玄玄。

第一法養神鍊形護魂歸一之章

中理五炁，混合百神，和合自然調神之章。九和十合，變化上清。千和萬合，自然成真。

氣合元靈神處生之章。

中有度人不死之神，長生大君。

鍊神德就出入自在神章。

泥丸絳宮。

第二法玉清佩符受命神章

執符把籙，齊到帝前。

玉清受神助氣神章。

赤書玉字八威龍文。

玉清形神得備神章。

青帝護魂，白帝侍魄。

玉清合神自然神章。

元始符命，時刻昇遷。

第三法捍邪操惡之炁

魔無干犯，鬼無妖精。仙道難固，鬼道易邪。

攝正自然群魔稟伏之炁。

三官北酆，明檢鬼營。金鉞前戮，巨天

後刑。

伐惡除邪之氣。

千千截首萬萬剪形。魔無干犯，鬼無妖精。

治病養生之氣。

無英公子，白元尊神。太一司命，桃康

合延。

還元治病之氣。

風疼風裏去，氣痛隨氣滅。

許真君受鍊形神上清畢道法要節文

(王育成點校)

043 靈寶淨明大法萬道

玉章秘訣

經名：靈寶淨明大法萬道玉章秘訣。撰人不詳。一卷。底本出處：《正統道藏》洞玄部方法類。

夫神玄未肇，化空獨輪，渺靄三炁之先，混淪二儀之始，元炁挺運，無色無形，晦曜凝虛，乍亡乍存。中有象帝，元始至尊，啓劫開圖，明廓秀梵。文華昭粹，流雲結芳於太初。回霞鬱煙，玄紀沓景於碧落。字方一丈，八角垂芒。召洞陽之融精，爲郁瑛之流火。飛丹炁浩，冶鍊變章，名曰赤書，呈祥孕字。皇人按筆，昔書其文，散布諸天，安鎮萬國。三境由茲以朗耀，五緯因此以生成。普植神靈，萬範開麗。至始青之大會，傳上品於玉晨。昭明

黍珠，廣示道體，神變十回，恢洪妙用。而有敢宣傳三千道境，無量度人。演說五億諸天，品秩莫測。三十六部，秘在玄宮。萬八千篇，流芳塵地。上該帝一混合之道，則大定歷劫以無傾。中明五法育初之法，則造化萬彙以長存。下說人身三宮之妙，則體道含真，而功用在我。其緒餘也，以濟生度死，開宥九幽，超涉玄津。僕昔在太陽玄宮，掌紫閣圖籍，嘗侍無上三真，說璇網清炁，採取玄範之圖，注練百開生成玉字之經，一身三聖萬道同體之書，神動天隨念動化移之法，洞觀三界徹視萬靈之妙。先被宸命，承左仙公之代，以功德未備，尚猶困辱塵世。粗訖萬分彷彿之一，以傳吾門同志，受者毋忽焉。太陽玄宮昌明閣掌圖籍小兆謹序。


謹按天真皇人八明訓解，一者明元始祖炁，何先化成玉字？二者明元始祖炁，無形之先作何比擬，降質成炁，化生萬寶，今世作何體狀，採鍊此炁，餌之登真。玄訓曰：自三炁之先，

溟滓之後，其中真精歛火，挺生元炁。元炁之內有神人，曰元始天尊。其炁混凝，與神同生，流化結芳，非相非色，或卷或舒，不可致詰，不可名象。至延康開劫，一炁分形，而爲二炁，名曰虛無。二炁交絡，凝相太空，乍存乍亡，彌覆無際。二炁混包，掩靄光華，中有文章，八角垂芒，莫辨文理。至一劫之後，龍漢元年，開劫顯明，分隸二炁，以成玄黃之色。是時啓判鴻濛，分析混沌，清炁澄高，積陽成天，濁炁降凝，積滯成地。一炁分形，玉字兆相，字方一丈，八角成文，名曰雲篆光明之章。二炁升降，或離或合，中化冲和之炁，又曰始青之炁；又曰大梵之炁。化真陽之精，而洞陽之火流冶十方。天尊運洞陽神火，冶鍊天文於太空之際。三炁混合，飛霞結質，光瑩萬天，照徹無極，混會自象，而成赤書。因而劫號赤明之劫，文號赤書玉字。因字化生三景，照煥三光矣，玉字以此而化生也。所謂今世作何體狀，復採鍊此炁爲寶，餌之登真者。玄訓曰：謂神降爲靈


炁，聚為寶蚌，吸月華而孕珠犀，觀星輝而秀象形，采照珉以生丹皓虹映，石產璧玕。蓋靈寶之炁，禽飲生鳳，獸嘯產麟，人服成仙，魚飲化龍。又曰：聖母靈父元炁，炁來入身，謂之道生。生道合一，謂之得道。經云：引炁三十二徧。又曰：流精玉光。又曰：炁入玄玄。蓋言此也。

謹按元始赤書五篇真文，生於太空之中。天地未光，開圖赤明，潛結元根，三景成立，五炁行焉。五色分彩，洞煥五方，置以五常，導以陰陽，輪轉九天之紐，運明五星之光。植五岳而安鎮，澳人五府以養神。是以至真之人，嘗依陽光之始明，上導元始之炁，下引玉泉之流芳，致元精於太極，招五炁於靈宮。所為靈寶妙訣，萬聖之根宗也。謹按圖如左：

太皇黃曾天梵炁黃炁，中斗綱清炁。
太明玉完天綠炁，壁宿綱清炁。
清明何童天青炁，室宿綱清炁。
玄胎平育天赤炁，危宿綱清炁。
元明文舉天蒼炁，虛宿綱清炁。



上明七曜天黑炁，女宿綱清炁。
虛無越衡天碧炁，牛宿綱清炁。
太極濛翳天紫炁，斗宿綱清炁。
赤明和陽天梵炁白炁，中斗綱清炁。
玄明恭華天黃炁，箕宿綱清炁。
曜明宗飄天綠炁，尾宿綱清炁。
竺落皇笏天青炁，心宿綱清炁。
虛明堂曜天赤炁，房宿綱清炁。
觀明端靖天蒼炁，氏宿綱清炁。
玄明恭慶天黑炁，亢宿綱清炁。
太煥極瑤天碧炁，角宿綱清炁。
元載孔昇天紫炁梵炁，中斗綱清炁。
太安皇崖天白炁，軫宿綱清炁。
顯定極風天黃炁，翼宿綱清炁。
始皇孝芒天綠炁，張宿綱清炁。
太皇翁重天青炁，星宿綱清炁。
無思江由天赤炁，柳宿綱清炁。
上樛阮樂天蒼炁，鬼宿綱清炁。
無極曇誓天黑炁，井宿綱清炁。
皓庭霄度天碧炁，梵炁，中斗綱清炁。
淵通元洞天紫炁，參宿綱清炁。
太文翰寵天白炁，觜宿綱清炁。



太素秀樂天黃炁，畢宿綱清炁。
太虛無上天綠炁，昴宿綱清炁。
太釋玉隆天青炁，胃宿綱清炁。
龍變梵度天赤炁，婁宿綱清炁。
太極平育天蒼炁，奎宿綱清炁。
太皇黃曾天帝君，諱觀覺。
主長生錄，居紫極宮，治在北方亥之西。
玉完天帝君，諱攬覺。
主度魂更生，居紫房宮，治在北方亥之東。
何童天帝君，諱大覺。
主敷教度人，居九晨宮，治在北方壬之西。
平育天帝君，諱育元。
主召元舉仙，居元景宮，治在北方壬之東。
文舉天帝君，諱梵雲。
主通行元炁，居廣寒宮，治在北方癸之西。
七曜天帝君，諱玉真。
主開玄度難，居太陰宮，治在北方癸之東。

越衡天帝君，無上。

主明無上道，居太玄宮，治在北方丑之西。

濛翳天帝君，諱吁員。

主鍊度亡魂，居玄都宮，治在北方丑之東。

和陽天帝君，諱煥明。

主鍊成真仙，居長明宮，治在東方寅之北。

恭華天帝君，諱世元。

主應化一切，居東華宮，治在東方寅之南。

宗飄天帝君，諱洛覺劫終。

納學仙之人，居昊元宮，治在東方甲之北。

皇笏天帝君，諱韶。

主魔試學仙之人，居青玄宮，治在東方甲之南。

堂曜天帝君，諱雲上。

主開度天地之人，居重華宮，治在東方乙之北。

端靖天帝君，諱靜生。

主度學者之身，居光華宮，治在東方

乙之南。

恭慶天帝君，諱鏡。

主度得道之人，居開合宮，治在東方辰之北。

極瑤天帝君，諱廓奕。

主教學仙之人，居帝康宮，治在東方辰之南。

孔昇天帝君，諱猷。

主錄度死魂更生，居延命宮，治在南方巳之東。

皇崖天帝君，諱宛。

主開度善人，居開明宮，治在南方巳之西。

極風天帝君，諱流。

主度有善功之魂，居太赫宮，治在南方丙之東。

孝亡天帝君，諱易邈。

主拔易開幽，居太丹宮，治在南方丙之西。

翁重天帝君，諱阿繼。

主召魔集真，居華蓋宮，治在南方丁之東。

江由天帝君，諱阿丘。

主開度善魂，居明堂宮，治在南方丁之西。

阮樂天帝君，諱無量。

主品類天人等級，居靈連宮，治在南方未之東。

曇誓天帝君，諱曇。

主度一切仙人，居中元宮，治在西方未之西。

霄度天帝君，諱育。

主救度學人，居瓊瑤宮，治在西方申之南。

元洞天帝君，諱上。

主度學仙人，居真元宮，治在西方申之北。

妙成天帝君，諱陔。

主統攝魔王神，居靈幽宮，治在西方庚之南。

禁上天帝君，諱隗。

主領南魔王，居化靈宮，治在西方庚之北。

常融天帝君，諱極。

主校學者之功，居萬福宮，治在西方辛之南。

騰勝天帝君，諱浮黎。

主召集仙聖，居白蓋宮，治在西方辛之北。

梵度天帝君，諱惡奕。

主進仙成聖，居雲保宮，治在西方戌之南。

賈奕天帝君，諱精上。

主度學者之身，居天寶宮，治在西方戌之北。

諸天開圖卦爻甲子

亶婁阿耨，豫卦，丁丑。

太皇黃曾天

無愁觀音，隨卦，戊寅。須延明首，

蠱卦，己卯。

太明玉完天

法攬菩曇，臨卦，庚辰。稼那阿奕，

觀卦，辛巳。

清明何童天

忽訶流吟，噬嗑，壬午。華都曲麗，

賁卦，癸未。

玄胎平育天

鮮菩育臻，剝卦，甲申。答洛大梵，復卦，乙酉。

元明文舉天

散煙慶雲，無妄，丙戌。飛洒玉都，大畜，丁亥。

上明七曜天

明魔上門，順卦，戊子。無行上首，大過，己丑。

虛無越衡天

迴蹠流玄，坎卦。阿陀龍羅，離卦。

太極濛翳天

四象吁員，咸卦，庚寅。南閻洞浮，

恒卦，辛卯。

赤明和陽天

玉眸洗洗，遯卦，壬辰。梵形落空，

大壯，癸巳。

玄明恭華天

九靈推前，晉卦，甲午。澤洛菩臺，

明夷，乙未。

曜明宗飄天

綠羅大千，家人，丙申。眇莽九醜，

睽卦，丁酉。

竺落皇茹天

韶遙緣壇，蹇卦，戊戌。雲上九都，解卦，己亥。

虛明堂曜天

飛生自騫，損卦，庚子。那育鬱馥，益卦，辛丑。

觀明端靖天

摩羅法輪，夬卦，壬寅。靈持無鏡，姤卦，癸卯。

玄明恭慶天

攬姿運容，萃卦，甲辰。馥朗廓奕，

升卦，乙巳。

太煥極瑤天

神纓自宮，困卦，丙午。刀利禪猷，

井卦，丁未。

元載孔昇天

婆泥咎通，章卦，戊申。宛藪滌色，

鼎卦，己酉。

太安皇崖夫

太眇之堂，震卦，庚戌。流羅梵萌，

艮卦，辛亥。

顯定極風天

景蔚蕭嶠，漸卦，壬子。易邈無寂，

歸妹，癸丑。

始皇孝芒天

宛首少都，豐卦，甲寅。阿縊鬱竺，

旅卦，乙卯。

太皇翁重天

華莫延由，巽卦，丙辰。九開自便，兌卦，丁巳。

無思江由天

阿那品首，渙卦，戊午。無量扶蓋，節卦，己未。

上樸阮樂天

浮羅合神，中妥，庚申。玉誕長桑，小過，辛酉。

無極曇誓天

栢空度仙，既濟，壬戌。獲無自育，未濟，癸亥。

皓庭霄度天

九日導乾，乾卦。坤母東覆，坤卦。淵通元洞天

形攝上玄，屯卦，甲子。陀羅育邈，蒙卦，乙丑。

翰寵妙成天

眇炁合雲，需卦，丙寅。飛天大醜，訟卦，丁卯。

秀樂禁上天

總監上天，師卦，戊辰。沙陀劫量，

比卦，己巳。

無上常融天

龍漢瑛鮮，小畜，庚午。碧落浮黎，履卦，辛未。

玉隆騰勝天

空歌保珍，泰卦，壬申。惡奕無品，否卦，癸酉。

龍變梵度天

洞妙自真，同人，甲戌。元梵恢漠，大有，乙亥。

平育賈奕天

幽寂度人，謙卦，丙子。諸天炁數卦息數下應人身

九億萬炁，豫三十九。

太皇黃曾天

下屬聚真府，在脾。隨四十五。八億萬炁，蠱四十五。

大明玉完天

下屬炁會府，在咽喉。臨四十二。七億萬炁，觀四十二。

清明何童天

下屬青靈府，在肝。噬嗑四十五。六億萬炁，賁四十五。

玄胎平育天

下屬天督府，在胞囊。剝三十九。五億萬炁，復三十九。

元明文舉天

下屬冰陽府，在勢中。無妄四十八。四億萬炁，大畜四十八。

七曜摩夷天

下屬陰陽府，在慾孔。頤四十二。三億萬炁，大過四十八。

虛無越衡天

下屬合真府，在腎中。坎四十二。二億萬炁，離四十八。

太極濛翳天

下屬順陽府，在下丹田。咸四十五。九千萬炁，恒四十五。

赤明和陽天

下屬太元府，在心中。遯四十八。八千萬炁，大壯四十八。

玄明恭慶天

下屬通靈府，在膽。晉四十二。七千萬炁，明夷四十二。

曜明宗飄天

下屬天寧府，在小腸。家人四十八。

六千萬炁，睽四十八。

竺落皇笏天

下屬天河府，在大腸。蹇四十二，五千萬炁，解四十二。

虛明堂耀天

下屬華蓋府，在肺。損四十五，四千萬炁，益四十五。

觀明端靖天：

下屬太和府，在十二重樓。夬五十一，三千萬炁，姤五十一。

玄明恭慶天

下屬玄林府，在髮根。萃四十二，二千萬炁，升四十二。

太煥極瑤天

下屬玄陰府，在項。困四十五，九百萬炁，井四十五。

元載孔昇天

下屬玄陸府，在兩目後。革四十八，八百萬炁，鼎四十八。

太安皇崖天

下屬玄苑府，在兩眼目頭。震四十二，七百萬炁，艮四十二。

顯定極風天

下屬玄禮府，在舌下。漸四十五，六百萬炁，歸妹四十五。

始皇孝芒天

下屬玄澤府，在心中。豐四十五，五百萬炁，旅四十五。

翁重浮容天

下屬，巽四十五，四百萬炁，兌四十五。

无思江由天

下屬玄庭府，在臍中。渙四十五，三百萬炁，節四十五。

上樸阮樂天

下屬玄通府，在口中。中孚四十八，二百萬炁，小過四十二。

無極曇誓天

下屬玄伺府，在右耳。既濟四十五，九萬九千炁，未濟四十五。

皓庭霄度天

下屬玄虛府，在左耳。乾五十四，八萬八千炁，坤三十六。

淵通元洞天

下屬玄元府，在右目。屯四十二，七萬七千炁，蒙四十二。

翰寵妙成天

下屬玄明府，在左目。需四十八，六萬六千炁，訟四十八。

秀樂禁上天

下屬玄微府，在右鼻孔。師三十九，五萬五千炁，比三十九。

無上常融天

下屬玄妙府，在左鼻孔。小畜五十一，四萬四千炁，履五十一。

玉隆騰勝天

下屬玄陽府，在鼻中。泰四十五，三萬三千炁，否四十五。

龍變梵度天：

下屬玄極府，在玉枕。同人五十一，二萬二千炁，大有五十一。

平育賈奕天

下屬玄都府，在頂頭。謙三十九。

修用假令法式

玄旨曰：步三十二天元綱，西龜轉輪無色局，步至九萬里，到赤明和陽天，令踏局令天，想炁入口吞丹。例謂如《內解道德經》，內甲子屬某府。又看《靈寶大法》隱語，所開圖文屬何甲

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

能 能 能 能 能

勞龍驤鬚鬚
 垂垂鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚

鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚
 鬚鬚鬚鬚鬚

下映人身主諸吉凶

上壇

頭為上清宮，頭頂骨是也。動主遇貴善賢人。急動，君恩赦到。痛，主父母師友災。

泥丸宮為太清宮，顙骨是也。動，遇出世神仙文藝。頂前急動，有雨至。腦後動，主晴。痛，主自身災。痒，主風。

雲藏宮，印堂是也。動，主印信喜事。動慢，主逢信善人。額上至印堂，主印信來。痒，主小喜至，及微風。痛，主失官壞印。

天涯宮，髮際是也。動，主陰雨。痒，主陰雲散。春夏痒動急，有風雷雨電。痛，主外服及外親有凶事。

右右雲涯宮，額角是也。動，主見君子賢善人。冷如水滴，主有陰雨。神門急動，恍惚痛，名死門開，主壽終。

左右日月宮，太陰、太陽穴是也。左動，主東南風。右動，主西南風。腦後左，東北風。腦後右，西北風。額前動，主見善人。痛，主父母大災。

左右雲門宮，兩眉是也。動，主得藝術文書。冷痒，左主乾、坎、艮、震有陰雲。右主巽、離、坤、兌陰雲。兩眉頭相牽連動，主有相連事。眉下眼上動，主酒食賓客。動痛，主大風。痛急，主因酒食相爭。

陽聚宮，左目是。陰聚宮，右目是。跳動淚出，主猛雨至。眼上動，有人美喜事。動急，主親眷至。眼下臉動，主見他哭泣。痛如針刺淚出，主自已有悲泣事，以左陽右陰占之。

左右勾陳宮，兩目上下臉是也。左上臉動，主陽人說美羨事。右上臉動，主陰人說美羨事。左下臉，主陽人破美羨事。右下臉，主陰人破美羨事。如左右下臉痛，主兒女子孫有災。魔王宮，鼻梁是也。動，主見眾死事，又主鬼行陰暗事。若鼻攢痒，人送物來。如鼻酸痛，主有人謀計，宜慎之。

左龍遊宮，左鼻孔是也。動，主猛雨。痛，主水災，右虎遊宮，右鼻孔是也。動，主猛風。痛，主風災。日顴宮，左顴頰骨是也。月顴宮，右顴頰骨

是也。左動，主陽人毀謗。右動，主陰人毀謗。兩頰赤痒動，有人來面問口舌事。如兩頰熱及面熱，身心恍惚，主毀罵、是非，宜鬧，宜慎之。

左陽宮，左耳竅是也。七殺宮，右耳竅是也。左動，聞美喜事。耳輪動急或痛，主州邑有反逆賊至。如右動，主聞驚惡事。痛，主不測災，宜回靜地避之。耳後動，如熱氣迫，主火發。耳前動，主水災。

上瓊林宮，人中髭是也。下瓊林宮，鬚承漿是也。動主滋益延納喜美事。承漿動，主酒食需索事。痛，主行動艱難辛苦事。兩顴動，主交友死亡，左文右武，左男右女。

五陽門，上唇是。五陰門，下唇是也。上動，主陽人君子褒美事。下動，主陰人小人謗說事。如唇痒動，主美食。如稍痛痒，主飲食殘缺。如唇畔動，主飲食。唇吻動，主憂。口、舌、牙、頰動，亦主口舌。

萬物帶，舌是也。動，主食中有毒。痒，主酒食。痛，主卒病。痛急，

主口舌。如痛痒不止，有蠱螞等毒物。俛合宮，頰頤是也。動，主近次人毀罵事。動痒，主借貸財物事。痛，主大病喪財物事。

息膻環，喉嚨是也。動，主遇高人談清高事。咽上喉下痛動，主大不祥事。兩邊動，主見哭泣。

金鎖宮，項窩是也。動，主天地祥異，雷霆大震。骨動，憂枷鎖。急動痛，主血光。項上痛，主憂官災。兩邊動，主飲食。

中壇白虎宮，胸前是也。動，主凶惡人、凶惡事相尋。痒，主上智君子人至。痛，主凶禍事。

朱雀門，正尻尾下是也。動，主惡人相謀。正心攢痒，有人相憶。心兩畔動，主有人慾心相望。心痛徹內，主自己死亡。

左承重宮，左肩是也。右承重宮，右肩是也。左動，主齊肩朋友至。右動，主僧尼至。左又是道人。痛，主負重向遠。

左兵門，左胛子骨是也。右兵門，右胛子骨是也。動，主見人爭說語言。血盆骨動，主血光立至。背上近胛骨動，主兵甲負重事。後背心動，主下人背己惡逆相害。脊骨動，主登高。脊脊下動，主見貧下相求。夾脊兩邊俱動，主有人背己鬪謀，所求不成。

左掖道，左腋脇是也。右掖道，右腋脅是也。動，主見人說相潤事，左男右女。脇動，有人協己短長。右動，无害。腋下動，主閑人至。兩脇動，主見文武官員議事。

左蟾宮，左膊蝦蟆兒是也。右蟾宮，右膊蝦蟆兒是也。左動，主青龍喜慶事。動痒，主有雨至。右動，主白虎凶憂事。動痒，主有風。左外，有勝友至。右外，主小人來。

左力士宮，左臂肘是也。右力士宮，右臂肘是也。膊外動，左主九流人至。曲肘裏動，主有陰人曲倖，隱蔽不相見。肘後動，有女伎藝來。臂內動，有技術人來。臂上動，空門人來。臂下動，主虛妄人來。

左聚脉宮，左手腕是也。右聚脉宮，右手腕是也。動痛，主陰人刑禁事。右主打磕損傷事。腕痒，左主持財入。右主持財出。右腕痛動，主破失財物。

左衆應宮，左手是也。右衆應宮，右手是也。左手掌痒，主大得財。右手掌痒，主財散。左大指動，主禮樂。右大指動，主婚禮。虎口痛動，主毒蟲傷，山居被虎狼傷。左手背動，主爭競。痛，主歐打。左手背痒，有微財。右手主虛詐。左手動痒，主高人指訣事。無名小指動，有美酒食。左手大指痛，憂父。右拇二指痛，憂兄。中指痛，憂己身。四指、小指，憂子弟；左憂母姊妻妹女。

扶桑宮，左乳是也。龜臺宮，右乳是也。兩乳動，有人相念；左主子孫喜。痒，主得喜奴婢。痛，主恩義人身亡。

下壇

福聚宮，腹是也。慾門，臍下是也。太淵宮，臍心是也。車軸關，腰是

也。腹動，有福祿人至。肚動，有暗人嫉妬事。臍下動，有染着事。臍四向中動，主弟兄至。腰間動，有邀譽人至。連生處動，近上憂。六畜臍下擗龜動，主婦女交往，宜迴避之。

承重宮，臀是也。臀內動，主與高上人同坐。痒痛、急動不止，見人受刑責。臀上動，主有爭鬪。左臀痛，主人爭競毀罵；右主陰人謗毀。

左大力宮，左腿是也。右大力宮，右腿是也。大腿股內動，主清高人至。近上動，主外人至。近下動，主卑小至，又主僧尼至。大腿動，主見人集會事；右主陰人集會。

左蓋宮，左膝是也。右蓋宮，右膝是也。左動，主拜人。右動，主受人拜。痒，主禮拜高人。痛，主卑下人拜。

左轉以宮，左腿肚賺是也。右轉以宮，右腿肚賺是也。腿肚子動，主教藝業人至；左乃道士道人至；右乃陰人小人至。賺外動，主縛繫事。賺眼脾骨動，主小人誑惑虛妄事。曲睞

動，主卑小謀害；右是陰人。賺肋骨痛動，主有血傷事。

左車宮，左脚踝是也。右車宮，右脚踝是也。動，主逢六畜驚；右主猛獸驚。脚根筋動，主逢惡人。脚面動，主久別親至；右主陰人也。

左繫鞋宮，左脚面是也。右繫鞋宮，右脚面是也。繫鞋文動，主劫賊。脚面動，有驚恐差異事。

左龍轉宮，左脚是也。右龍轉宮，右脚是也。左脚小指遠掌動，主見盜賊；右主鬪爭。掌心痛，主死哀。脚掌四面動，主八方人來，以中指爲正南也。痛，主惡人來；右脚，主防奴婢小人。脫賺痛，主旱。脚根痛動，主被人根尋。脚腕動，主打傷事。脚心痒動，左主遠行。

右三壇，上應諸天，應是三界內外，自身骨肉交朋動靜吉凶。天氣一降，隨氣應之，分其三候：痒則主喜；潤則主動；痛則主凶。候其輕重緊慢，以五日候之。如潤動沉重疼緊，則敦刻應之；先重後輕，多虛傳謾語。

其帝命天恩，風雨水火，及命中一動一潤，主一日。三跳已上，主十日。仍須於受氣之時望諸天，於星月下燒香再拜，密奏曰：

具位臣某，至心仰告三清玉皇上帝、諸天上帝：臣受之炁，下應臣身，敢不精心滌慮，思真感神。念臣以凡俗昏迷，困在塵世，罔知世間一切吉凶，不能洞曉未來禍福。仰告天尊上帝，憫臣凡愚，允納奏請，假借威光，正真道炁降流臣身，令能聰明智慧，上應諸天，至誠感神，照知臣身世間動靜吉凶，預報臣知委。臣無任祈恩，望聖激切，屏營之至，臣言再四。

拜畢，再取天炁三口，吹於身中。凡動靜、疼痒，依法占之，無不預曉。不得亂思疑惑，慎之慎之。

受元始萬炁之祖

凡修其道，常以正月、二月、三月、四月、五月、六月、七月、八月、九月、十月、十一月、十二月，月三日、月五日、月七日、月九日、月十五日，一月五遇，清齋誦詠玄文一遍。以夜半之後，露

出中庭，仰思北斗華蓋之中，有紫雲之炁，以斗中罡左迴，曆度二十八宿，竟還金門之上。若在人中天陰无光，當於室內默念內思如法，每令分明。思畢，當以拜紫雲四通，叩齒三通，仰祝曰：

天夜朗清，幽虛啓真。流雲徘徊，金華四騫。丹皇敷暉，霞飛紫輶。是夕開陳，青金授化。成我上願，體應自然。結命丹華，保命日根。三靈合景，永停龍山。密夜清披，請如所言。

呪畢，便口引紫炁，二十八咽止。行此三年，剋有神降兆席也，身有紫炁，映終一形，九天書名，必獲上仙也。天有紫炁之雲，干於日月五星之分，在其方圓，皆有合道之人，得仙之君也。如此之候，其象自見。得見紫雲，便依文禮祝，不必須其常日也。勤如在意，刻得雲降，昇騰有會也。止可勤之於己，不得輕以示人。道泄則靈散，仙炁無成也。

洞章玄文

飛玄紫炁凝靈根，綱維玉靈總萬神。

其中鬱勃結自然，上有稜層十二傳。
玉樓峨峨耀景雲，華精紫闕帶金軒。
瓊臺玳瑁繞八鸞，中有青金九靈仙。
丹皇真母號精延，飛青羽櫺晨嬰冠。
左執玉節握靈幡，五色命魔對帝尊。
把持符籙當生門，咀日嚼月吸玉泉。
離羅吐暉鍊五魂，內充外溢絳府妍。
金光煥煥形正圓，圓以朔朔金色沌。
唯有開明曉此言，日五月十精北元。
刻見華蓋領仙君，紫炁左迴與斗連。
歷度四七入金門，正是丹皇降萬仙。
有明此訣加精勤，被形密思每令分。
妙景感會得要文，三年當審保長存。
九年乘空致羽裙，鳳衣輕翔昇龍山。
俯仰九靈謁玉宸。

靈寶淨明大法萬道玉章秘訣

(王育成點校)

044 太上靈寶淨明玉真 樞真經

經名：太上靈寶淨明玉真樞真經。撰人不詳。四經同卷。底本出處：《正統道藏》太平部。

丹陽子學道於扶桑之宮，悟真于瓊樓之城，受豐隆之正炁，飲沆瀣之至精，回盼太空，接待玉清，登洞神之庭，得玉真之經。其言淵澄，了性達心，足以鍊炁，足以飛神。唯神悠悠，三界內外，皆可平步而升。孰謂道不可學，唯不倦思微而後至。仙不可求，唯不疑定性而後能。真聖不可見聞，唯誠恪淑潔而後接。虛空不可游泳，唯虛恬端靖而後悟。得玉真之樞者，元綱正。元綱正，則步趨言辯之間，可以參對天真皇人也。

夜坐淨明心性靈，騰空飛飛上三清。

存想星壇在中庭，忽然乘虛身外身。真人傳呼金詔明，勅吏瑤爵有玉精。清風飄飄雲凝凝，直步大魁入七星。迴旋出於熒惑庭，朝東暮西見吾君。輪轉无色見仙人，億兆真仙相送迎。重犯火兮度箕斗，三十二天皆謁了。不知妙理在玄玄，此見寶圖在魁躔。更有至微非言傳，常思頂上五色煙。煙雲溶溶合自然，忽變忽化无停更。或相鶴舞雙龍翔，或思天賜玉霞漿。玉真之香真膚肉，骸骨可使歸天堂。玉真之炁搖空洞，厨舍可使到上方。玉真之液變異味，百好可使朝天王。上有九玄下七孫，立地可使乘雲屯。元綱飛步不可闕，行之既久可轉功。元綱不是正西東，或高或低鳶舞風。鳶舞風兮觀太空，太空險處是罡風。中有魔王大神通，手携雙簡腰角弓。不問賢否攝羅酆，須得清淨正炁攝。苟不佩籙遭磨礪，弟子記之佩吾戒。八極修爲不可怠，苟虧忠孝神不護。送下洞神千萬數，莫說淨明无寸功。方奏名字升仙公，不知仙公係仙籙，

足可步武到神宮。汝不樂道墮五濁，我當奈何爲汝哭。分明勤讀玉樞經，无使神魂自淪逐。玉真本在想中立，想意要在有端靜。是知淨明常了了，便是玉真樞要境。

太上靈寶淨明玉真樞真經

（王育成點校）

045 太上靈寶淨明道元

正印經

經名：太上靈寶淨明道元正印經。撰人不詳。四經同卷。底本出處：《正統道藏》太平部。

道本无物，唯集於虛。內外開廓，不與物俱。擾擾在前，至道湛如。昭曠獨觀，與道盈虛。消息往來，如淵之魚。由水不知，道若是歟。能知道者，精不自枯，血如流川，炁如輪珠，身如枯木，意如飛鳧。不知所止，不知所居，自然而已。性心恬如，知所以否，不知知乎，爲而不爲，淡然清都。清都之宮，神解意釋，情定精一。一之爲道，一而不執。不執不僻，不膠不急。唯緩乃致，泰定虛室。此爲道本，想正合理。不想之想，想亦不想。不想之明，想而定形。長生久視，道之一名。

何爲長生，何爲喪傾。道本常在，心了性明。了了既了，明明既明。了了非了，明明非明。非了是了，非明乃明。明明了了，識吾本形。形中有神，神有所伸。伸而不屈，超達飛昇。何爲風馬，何爲雲車。不出於中，於中是真。真本冥妄，妄則非真。以真冥妄，真妄同肩。不執不著，不與不併。視乎无形，聽乎无聲。孰爲符篆，孰爲真經。心定神慧，是爲淨明。淨明三界，外有玉京。玉京神都，游宴三清。此名道元正印无。

太上靈寶淨明道元正印經

（王育成點校）

046 太上靈寶淨明天尊 說禦殭經

經名：太上靈寶淨明天尊說禦殭經。撰人不詳。四經同卷。底本出處：《正統道藏》太平部。

爾時太上靈寶淨明天尊，於己酉歲六月庚戌清旦，大會衆真，演說无上淨明祕法。時新學弟子惠文真人，侍立於前，面有憂色，神思悲酸，心情舛錯，若有所失。天尊深知惠文真人尚牽多憂，猶住凡世，不脫邪見，未契真理，不知所以存神御炁、含養恬和、救護群品之法。而曰：惠文真人，子何面有憂色，得无有不可意。惠文真人稽首頓首再拜，號泣而言：弟子幸生人世，獲遇真師演興大教，以弟子爲法會首領，尚此不免災危，法會弟子俱同其苦，切聞凡佩寶籙之人，皆得離脫一

切災橫。今弟子所住鄉里，疫毒流行，不論善惡，均被其害。忝在天尊勝會，同諸弟子習學仙法，不曾敢怠，而家有小弟小女與衆弟子，各中瘡疹，痛苦難忍。凡諸投法向善，欲求免災。今既不能免，是以有憂。方欲俟間發此大問，乃蒙天尊下問，弟子不覺流涕。天尊先以大教付弟子等與行，而各身自不脫災禍，十惡之人，剛強心志，毀道敗法，不可教化。願天尊特以開度，以禦弟子等四時瘟病之災。

於是天尊陞座，含悲爲惠文真人等演說上法曰：天地无私，陶鑄萬物，本无善惡。世間人者自私，故生災禍。上帝憫斯民之墜，敗其靈性。於是立太上靈寶法，教其長生。有時瘟疫癘之災，責其違背。各有鬼神，主掌其中。爲善者可以歡，而爲惡者可以懼。譬如有人設一大路，花磚砌結，坦然可行。一人於旁，設其檻穽，以捕虎兇。行者不顧大道，望望而行，誤觸其機，乃言設路者非正路。汝既行路，非可觸機，機不爲人而設，人誤觸之。設路

設機，善惡本異。今弟子或違慢教法，存想不真，服鍊不時，飲食不忌，則護衛正神悉皆退散。善既已掩，過則有聞，司罰之神得而窺測，布此毒炁。一級成疾，成疾之後，不悟愆尤，又怨道咎師，不能保護，甚其疾苦。又有家中之人，不能同道協心、修行覺悟，多行非道，背主所修，則鬼神亦伺其間，陰有誅責，非无公道，亦以惡勸善。既蒙罪戾，尚懷二心，乃曰其主修道行法，不保妻子。行其淫邪，祠設淫鬼，則吾豈佑之。大凡四時調養，務在適中，佩籙傳經，以旌上善，服藥吐納，以生正炁。我有寶籙，使日夜佩服，令百鬼畏懼，善神隨守。又有仙方，使其服炁，吐納存想百般，以救其苦。如寶籙救治之符，赤散雄丹之劑。春宣、夏補、秋斂、冬收之意，不爲不多。而汝等曾不究其理，乃亟藏之，謂我今爲太上弟子，合免斯難是。何異不耕而欲穰，不蠶而欲衣。吾今復有禦瘟神符祕篆、赤散雄丹，一切佩受服食之法，擇日授汝。兼有祕呪。

呪曰：

唵旃烏可切。暮祗音只混嘯音馬。囉音履。咩。音歆。

右每日能齋而誦之，即帝君神將，日夜護衛。殞毒百神，皆知其爲太上弟子，而畏敬之。誦經百遍，百鬼頭破腦裂。其或不能行之，吾无汝何也。於是，惠文真人再拜稽首。九州高明大使，丹筆書之，將擇日以方術，教弟子信受奉行，九天高明大使神功妙濟真君驅殞遺疫消灾真符。



呪曰：

洞天赤文，丹靈耀虛，驅殞攝毒。奉命天書，金錄玉簡，鬼悉驅。太上有勅，元君安居。急急如太清紫虛勅令攝。

太上靈寶淨明天尊說禦殞經

(王育成點校)

047 太上靈寶淨明九仙水經


經名：太上靈寶淨明九仙水經。
撰人不詳。二經同卷。底本出處：《正統道藏》太平部。

通乎一身而周行於四肢者，血也。合乎陰陽之理，適乎高下之宜。調暢則理，窒礙則壅，譬之水焉。水之爲物，行乎地中，貫於江河沼沚，入乎海。而所以流通者，以如是也。善養生者，因炁以運之而已。且以水能載舟，亦能沈舟。血脉之用，亦可以生，亦可以死。上士體血炁，而求之於水，得手足陰陽，知所起，知所止。而觀水之妙宜，有曲有折，有伏有沈，有弱有強，有分而爲派，有聚而爲淵，蒸以爲雲，澤以爲雨，善得血脉之理者，亦如是也。故血起乎臍，行乎四肢。本乎心，歸乎

頭，聚乎腎，各有所合也。如小腸大腸，合於江淮。心與心包，合於漳滙。推其妙而行之於圖，則其絡脉交通之義，散聚運通之術，道所本矣。仙人葛仲卿曰：人之有血，如地之有水，自川流而爲江漢，達於大海。海者，善變化諸水也。尾閭泄而通乎天，元炁運之也。血脉之運用，周乎四肢，自手足之指而行乎心，經要其所生。生乎臍也，朝乎肝也，主乎心之正宮，闔闢發散乎肺之正位，脾爲之本，今謂之血母。血母者，脾主藏下合湖故也。腎者，海也。海類衆血，血於此化，化爲真精，發而元炁。元炁運血，以爲流通，故朝於頭。頭之青髮，天之雲也。散之爲汗，天之雨也。汗之爲雨，適其和則正，過不及則爲害。養生之道，知天之所爲者，一取於日月之行，不知水亦幾道也。傅處士曰：子不觀於炊爨乎，觀炊爨而鼎飪之事畢矣。火者，元炁也。水者，血也。蒸之物，生之爲熟，五藏之變也。其炁上達，朝天宮也。其欲熟未熟之間，有水流而下，則今黃

芽、白雪也。慎子曰：吾其冷者爲火滅，不熟者爲甑泄，有不應炁而釜水竭，有擊搏而鳴，此自然之義也。隱玄子通乎經水之所造，以道生一，一生二，二生三，三生萬物之數，隨五行而變遷之得水經之標本。凡曰父母生，炁有厚薄，時有早晏，得水脉盈虛之數，於是而配之五藏，參之以地中之水有所證。以謂腎水合海，脾水合湖，肺水合江，肝水合濟，各有正道。其分枝有道，其發源有歸，於是而制圖，而經水之理得矣。炁之運者，元綱也。血之運者，水經也。知血之道路，周於身，會於五藏，所起所歸，則知河通天，天通海，海會於崑崙，而黃河逆流矣。

元降圖



雉子曰：夫人生於父母之早晏，厚薄之不同者，皆以筭定之，而大丹啓矣。筭者，年月日時也。凡以父母所

生受胎時日，先下本生積年，次下乾坤二篇之策，次下大衍之數，以三百六十二除之，其不盡者以四時除之，得其餘數以知水經之所起。起五藏而循之，則知所始也。知所始而後生之，天地之機也。袁知機曰：人之流於身者，血也。血運而潤於四肢，父母之孕得其勝者，先之所起。故有髮盛至老，不待服餌修養而墨黑鬚髯，垂鬚陰藏陽藏年。未壯而早衰者，知筭所起，知筭所窮，乃能安所用。疏而別之，運而行之，以治以塞，如禹治水，則吾之水經，可以意會而理推也。扶風吳夫人曰：水之道紀，自海積之派而生河，通乎天，天自河而取之海，其潮應有地理，各有紀。且勿言之，則以血之周身，其數三萬六千五百丈，如絲之在筐也者，爲不覆有條理綱紀。吾常以水一、火二、木三、金四、土五，述其盈數，以其成數，論其窮數。每數起一尺以至一分，推而究之，自夏至而潮應退，冬至而潮應來，各有相脗合也。今夫地形之高下，觀海潮而知所在各不同。人

炁之厚薄，舉父母生年月日時，而所起不同也。達士由數以悟道，道之融於一身，豈間內外哉。胡安公常爲弄潮者，知潮之早晏、進退、勇猛、疾徐之妙，蹈水而不畏也。劉延卿就學弄潮之法，安公對以手足陰陽之論，授之五藏銅人龜鑑，九年而蹈水，出入去來之勢不差也。

丹陽許子曰：大哉，海水之潮。於是，取潮應之妙，究心三十年，得水經之道，述水經云耳。

太上靈寶淨明九仙水經

（王育成點校）

048 太上靈寶首入淨明

四規明鑑經

經名：太上靈寶首入淨明四規明鑑經。撰人不詳。四經同卷。底本出處：《正統道藏》太平部。

章本章第一

道者性所有，固非外而鑠。孝弟道之本，固非強而爲。得孝弟而推之忠，故積而成行。行備而道日充，是以尚士學道，忠孝以立本也，本立而道日生矣。道混乎其同，同於愚智，愚智不謂道而分也。愚者昧，智者巧，昧則不明，巧則不真，不明不真，去道所以遠也。知道則廓愚，以爲明去智，以成真明，真而信於道，道則爲汝有矣。學道以致仙，仙非難也，忠孝者先之。不忠不孝，而求乎道，而冀乎仙，未之有也。比于殺身以成忠，生者人之所甚愛，比

于不愛其身，而捨生以求道，信道有備，知其不誤，其爲仙也。大舜終身以成孝，勞者人所甚畏，大舜不憚其勞，而服勞以求道，信道有備，知其不誤，其爲信也。忠孝之道，非必長生，而長生之性，存死而不昧，列於仙班，謂之

者特，未得其一二爾。君子之致乎道，八八極是也。故善卷殺身以成廉，南容復圭以成慎，榮期安貧以成寬，顏回簞瓢以爲裕。如是之人，皆冠於仙卿，是豈山澤之癯者哉。後世失道之人，不忠不孝，以亂其國家。國家敗，乃无所容其身，乃入山以學道。是猶捨厦屋，而入炎火也。子不見，民之不忠，天生聚斂之臣。子之不孝，婦生敗宗之孫。兵戈旱蝗，非國之罪也。君不忠不孝於上，臣民不忠不孝於下，烝感而生，天生兵戈。爲亂者，釁積於己，惡心盈而罪貫積，逆亂萌於心。天以此正其罪，假手於其人殺之爾。而曰民之无辜，豈知言哉。吾爲弟子，說忠孝爲本，立本以成仙，則天下之仙舉可

數矣。未有不忠不孝，而參天庭奉宸極也。

修身章第二

忠孝則无罪戾，去禍遠矣。服鍊則无妄僞，无妄僞則身安矣。服鍊者，以心達心，以性達性，心性洞達，其光煥發。回丹田之炁，而歸天宮，還元精之炁，而歸大海。不以外物累，而形骸不能拘也，榮華不能誘也。知足常足，煩惱遠矣。知和而和，是非消矣。身不自有，何有於物。外物不染，何有於妄。其心性真，其精神足，晝則无妄覺，所爲者真也。夜則无妄夢，所安者固也。攝意歸于身，攝想得乎正。其炁蒸然，其神廓然，其見飛飛然。以神交神，神者自神。以炁奪炁，炁出太空。太空之中，其神卓然。卓然不蕩也，不蕩之心性也，不蕩之性心也。心性調，而符藥爲筌蹄，而可棄也。上士非必入山，絕人事，去妻子，入曠野，捨榮華，而謂之服鍊。服鍊心性，心明炁達，孝弟不虧，與山澤之臞童者異矣。知吾道者，不難行矣。以心達心，以性

化性。性止於一，心止於神。心性圓融，而自長生。得長生而自變化，上道不難知，上道則甚易也。小人捨易以求難。初入淨明忠孝之道，當求其易，得其易則不患其難也。可則心性之明徹，洞達人所固有，非偽爲也。得真常之道，道斯在也。

建功章第三

天下有妙道，聖功生焉，神明出焉。神明者，心出爲神，性出爲明。有功以達，夫道不昧吾之心性也。无功以失乎道，則去心性之道，心不明而性不神也。上士得道之妙，在心性即真，而妄者遠矣。遠於妄，所以成功也。一思而鉛汞生，再想而黃芽茁，三想而虎龍交，寶鼎安矣，慶雲生矣，心性之了辯故也。於此，而積所習，知所尚。何謂所尚，尚乎仁義忠孝。忠孝備而成本，可以立功。立功之道，无陽福，无陰愆，无物累，无人非，无鬼責。所以上合於三元，下合於萬物也。下士呼符水，治藥餌已。人之一疾，救人之病，而謂之功，非功也。此道家之

事，方便法門爾。吾之忠孝淨明者，以之爲相。舉天下之民躋於壽，措四海而歸太平。使君上安，民自阜，萬物莫不自然以之。將舉三軍之衆，而神於不戰，以屈人之兵。則吾之兵，常勝之兵也。以吾之忠使不忠之人盡變以爲忠，以吾之孝使不孝之人盡變以爲孝，其功可勝計哉。何則有妄有真，惟天下之至真，可以攝天下之人妄。忠者盡忠殺身不畏，孝者盡孝雖勞不惡，則天下之甚真也。上士以真冥妄，妄自清矣。則天下之功成，況於人乎，況於鬼神乎。

成終章第四

學貴乎始，必有乎終。天事始乎春，至冬而歲成。地事始乎東，至北而化成仙。學始乎孝，至道而學成。上士以文立忠孝，中士以志立忠孝，下士以力致忠孝。昧道者反此，不有於忠孝。何謂上士以文立忠孝，以言爲天下唱。何謂中士以志立忠孝，以行爲天下先。何謂下士以力致忠孝，以身爲衆人率。如此者，南昌上宮著名，昇

籍入仙，而忠孝之道終矣。昧者反之，不孝不忠，故不成乎道。生則犯禁，死則犯科。犯禁者治於官，有典刑。犯科者治於幽，有反報。不忠者有臣禍，不孝者有子禍。不廉者辱，不慎者橫逆，不寬者惱，不裕者貪而常不足。不容者多所觸，不忍者自罹其毒。故生而不廉死之魂，爲人則倡優，爲鬼則順，爲物則牛馬。生而不怯死之魂，爲人則士卒，爲鬼則戮，爲物則六畜。凡即此，可以類推也。是以知道者畏之，謹心誠八極。立八極以爲基，立基以明立性。心性明，則不期於神，而神自神，謂之淨明。淨明之習，忠孝以爲習，積忠孝之道備矣。何謂淨，不染物。何謂明，不觸物。不染不觸，忠孝自得。生乎由是，死乎由是。忠孝立，而心性得矣。

太上靈寶首入淨明四規明鑑經

（王育成點校）

049 太上靈寶淨明中黃八柱經

經名：太上靈寶淨明中黃八柱經。撰人不詳，約出於宋元間。係淨明派經書之一。一卷。底本出處：《正統道藏》太平部。

目錄

- | | |
|---------|---------|
| 中黃之道章第一 | 黃庭之景章第二 |
| 虛四谷章第三 | 塞二兑章第四 |
| 開二洞章第五 | 立八柱章第六 |
| 正位章第七 | 正性章第八 |
| 渾含章第九 | |

太上靈寶淨明中黃八柱經

中黃之道章第一

人生受正，委和以生。含純一之炁，保至真之元。陰陽和，而後疾疢不生。形骸堅固，而後丹元可守。不虧元炁，故得大全。是以中黃之道，適正為本。知本者，不反不側，不乖不偏。理上下得四隅，知所以在，達所以存。知所在，故不失其方。達所存，故不遺其想。辨方知想，是謂正道。深於道者能之苟，不深於道則忘本務末、不歸正中，而中黃之道乖矣。中言其位，黃言其色。知位不失，識色不膠。非位非色，得其所得。今黃天之炁，橫于胸臆，明其本真，不迷不忒，此之謂信。何謂至信，信在其中，黃鍾之宮。中炁所兆，年穀以豐。人生如是，可以守一。守一既脩，八柱以立。八柱既立，金丹赫奕。三千功成，步虛昇陟。

黃庭之景章第二

渾淪闢，而神洲之理明。形骸生，

而五官之用著。天地立，乾坤成。如立蜂房，如生蟻壤。乾坤之外，亦有乾坤。六合之內，豈无六合。惟乾坤之理，六合之義。求之於身，則一身之中天地既位。則青華之都，肝之正宮。赤明之府，心之正室。素輝之景，肺之正位。黑玄之郡，腎之正樓。脾位乎中，名曰黃庭。以金為屋，以玉為門，門玉如穀，色如蒸粟。有真人馬，金縷之衣。如童子坐金蓮，名蕊珠，字瑶仙。識其面者，可使與天齊年。守其宮闕，念之常存，故能入於玄玄。

虛四谷章第三

眼為神光之谷，耳為和聲之谷，口為靈泉之谷，鼻為真香之谷。知中黃之道者，使眼无非視而神光熒熒，使耳无非聽而和聲殷殷，口无妄食而靈泉清，鼻无妄聞而真香馨，自然而已。惡欲不至則正炁明，正炁明謂之虛恬。虛恬者，如橐籥，可上可下，而正炁交錯，不忤於中。中肩廣漠，洞然開闢。不流於妄，即是真作。既曰即真，可以得道。道非他求，本自我身。四谷不

虛，所以失道。虛以爲用，中肩圓融。光照內反，發乎泰定。如有巨室，四窗高明，於中居止，可謂明白。故正中黃，中黃者，虛四谷也。

塞二兌章第四

二兌者，炁精泄之門戶也。人之所以夭折易衰者，前兌傷其精，後兌傷其炁。傷精而精不固，則妄淫，是名橫流之兌。喪炁則炁易耗，而妄發，是名賊流之兌。善養精炁者，以精出乎思。思本乎脾，於是絕思，以炁出乎食。食本乎脾，於是絕食。絕思則真精內固，不以好色而蕩搖。絕食則真炁內全，不以美味而敗散。識二兌之正理，則中田固而有養。中田固矣，所以長壽。故正中黃者，必塞二兌。

開二洞章第五

二洞者，神宮之正位也。仙藥之本原，炁液之道路。頂爲乾靈之洞，能開之，則炁出入之門戶也。上腭爲玉神之洞，能開之，則精液出入之關鍵也。能中黃者，既四谷虛，而外邪不侵。二兌塞，而內正不發，則无思絕

食。舉炁而向上，則慶雲出入於乾靈之門，可以飛神。取液而漱口，則靈液出於玉神之泉，可以灌溉。金鼎於此，而嘉禾植善。得中黃開洞訣方，始名爲大列仙。比其要，知其要，得道之本也。

立八柱章第六

身者，神之舍也。以形言之，謂之眉宇。以炁言之，謂之炁宇。以性言之，謂之泰定之宇。故身者，神之所舍。欲神舍之長存者，莫善於立柱。柱者，屋室之主也。元炁者，礎也。元炁爲礎，而八柱立。何謂八柱，虛四谷謂之五明之柱，塞二兌謂之兩極，開二洞謂之輔棟。以元炁爲基，以精神爲覆，幃而後居焉。以安吾之性，以全吾之道。道者，大而無外也。不沉不浮，得所住，知所生。知所定，適所安，正所正，而寶主之道立矣。寶猶鉛汞也，主猶心腎也。心腎正，鉛汞生，而後可以安金鼎，爲大烹也。故善學者，以身爲安宅，以見聞覺知爲風雨。立八柱，安垣墉，而風雨之患消矣。所以先識

其道，次明其景。立基定方，如王建国。面南背北，響明而治，此其道也。

正位章第七

道者，適乎正中。得正中之道，則洞然而已。何謂洞然，如彼卜宅。各安其居，宜前堂後室。各適其居，左青龍，右白虎，前朱雀，後玄武，各守其方。於是布八卦，定三田，知升降，審節候，明自然也。而吾以不明，明白自白也。而吾以不染，染則不明。明則莫大，之明不染。染物不得，而染以之。識正果，全正真，超正路，出正途。泰然圓融，怡然不動。此名正位之本，識鼎之所。既識鼎所，還丹可取。

正性章第八

有正性，有妄性，性本一也。未嘗有二守一，去二得其正性。如性之正，不失所正。正而不泥，何事於正。正者，正也。正所不正，不正乃正。隨其所正，合乎正真，是名正性。性自恬和，以和故通。以通故達，以達故明。明明之性，是謂正性也。

渾含章第九

中黃本非意立，唯渾含斯識。中黃八柱，本非精思，唯中黃斯有八柱。柱立而宅成，礎堅而柱穩。推渾含，而天地之理得矣。天地之理得，而成立乎中正矣。故不知中黃，未可以言人也。一飲食之肥瘦，亦中黃也。一是非之絕累，亦中黃也。知中黃，而大道彰矣。

太上靈寶淨明中黃八柱經

（王育成點校）

050 净明忠孝全書

書名：净明忠孝全書。元·黄元吉等編撰。六卷。底本出處：《正統道藏》太平部。

净明忠孝全書序

世謂仙道者，遺世絕物，豈其然乎。西山玉真劉先生，繼旌陽仙翁净明之道，必本於忠孝，匪忠無君，匪孝無親，八百之仙率是道矣。噫，非忠非孝，人且不可為，況於仙乎。維孝維忠，仙猶可以為，況於人乎。古人云：欲脩仙道，先脩人道，舍是何以哉。光祿大夫蔡國公知經筵事張珪序。

余嘗待罪集賢，洪都黄冠師黄中黄，袖一編書來請曰：此吾師玉真子，受都仙太史净明忠孝之筌要也。敢丐一言，壽吾道脉。異哉，設教名義，得

無類吾儒明明德，修天爵之謂歟。夫

臣職忠，子職孝，萬古良知，有不可泯者，五常根於人心也。仁包四德而配春，故行仁必本之孝焉。四時行於天也，土旺四季而配信，故履信必主乎忠焉。然則綱三綱，常五常者，其惟忠孝乎。嗚呼，堯舜之道，孝弟而已矣。夫子之道，忠恕而已矣。是知大道至德之要，其在茲乎。太史憤世，高驚虛玄，徒事清談，未能力踐，去大道愈闊也。於是即秉彝之固有，開簡易進脩之徑，以化民範俗。言近指遠，厥惟休哉。竊惟大哉乾也，至哉坤也，先儒特以誠敬釋之。凡一意弗誠則非忠，一念不敬則非孝。學者能出忠入孝，由存誠持敬為入道之門，服膺拳拳，無斯須之不在焉。一旦工夫至到，人欲淨盡，天理昭融，虛靈瑩徹。自得資深之妙，于以合天地，于以通神明，莫知其然而然，造夫大道之奧也，又何難矣。道家鍊神養性，吾斯未臻歆艷，導民忠孝，有膺乎大中至正之道。故為之書。榮祿大夫江南諸道行御史臺御史中丞

趙世延序。

古昔帝王之設教，未有不以明人倫為事者。自天屬而言，必本於父子，而兄弟長幼其分也。自義合而言，莫嚴於君臣，而朋友夫婦其目也。故舉其總者，每曰忠孝。云治平之世，君君臣臣，父父子子，人盡其分，以脩其常職，泯然無表異之名。老子曰：六親不和，有孝子。國家昏亂，有忠臣者。蓋生乎周末，目睹乎倫隳法斁，庶幾見一二於千萬焉。其閔世憂俗之心，殆與吾夫子不異哉。然而道家之說，既專門於養生，又旁出於祈禱。而世人徒以為邈然，無意於斯世，非要論也。至治三年夏，有方外之士謂予言：豫章之境有古仙人，曰許公旌陽，其教人亦以忠孝為說。蓋其生在吳赤烏中，至晉太康，年百三十六歲而去世。豈其觀於人事，察乎世變，而為此論哉。養生祈禱之家，傳之且千歲，而莫之察也。又從西山道士黄中黄，得玉真劉君與許公神交事甚異。於是以許公忠孝之說，本之儒家，以謹其正，推之道

家，以道其神。其書之出，又數年矣，世亦莫悟其所以然也。撫今懷昔，盡然深有感於予衷者，殆不可勝言也。仙人道士之所爲，豈偶然哉。噫，天理民彝，歷千萬古，無可泯滅之理，一息不存，人之類絕矣。神仙之學，豈有出於此之外者乎。知乎此，則長生久視在此矣，無爲之化在此矣。善讀者，尚以心會之。泰定初元四月十日國子司業虞集拜手謹書。

神仙之說，上古所傳，軒轅鼎湖，周穆瑤池，皆是也。後世立言著書，超騰隱化，時有其人。惟都仙許君，以忠孝自脩得仙道，入以救世。余嘗謂，其功不在禹下，不但獨善其身也。龍沙應期，仙真復出，玉真之奇遇，見於其書中黃之正傳蓋昔聞而今識之。語錄首篇，謂世儒習聞是語，此間却務真實，一物不欺，一體皆愛，一念之欺即不忠，一念之孝印於天。此數則者，民彝世教之大綱大領歟。噫，方外之士，守其師之言而不畔，傳之世世，如金玉

而藏諸，正心脩身之學，躬行踐履之間，凜然如在左右。吾黨之士，當泚頰而深愧之矣。中黃貌和而心正，論直而行方。《易》曰：黃裳元吉，文在中也。又曰：黃中通理，正位居體。中黃之義，有取於此。正其心，脩其身者，如是矣。推而行之，上以續都仙忠孝之傳，下以達天下後世，莫不爲忠臣孝子。此君之師，與君之教多矣，則其師出於豫章，信矣夫。於戲盛哉。文林郎江西等處儒學提舉前應奉翰林文字同知制誥兼國史院編脩滕賓題辭。

宇宙間形氣互相依附，而其中運行不息者，有理存焉。故得氣之清，而能明其理者，兼善則爲聖神，爲上智，獨善則爲隱君子，爲列仙。得氣之濁而昧于理者，反是。雖其爲品萬有不齊，而上知不常見也。若吾洪都西山都仙許公是已。公在晉嘗令旌陽，邑人懷其政。後得道來江西，從學者多所成，西江之人相傳其誅虜等事，至于今神而宗之不敢忘。此誠非獨善而止

者。道家者流，又有冲舉拔宅之說，縉紳之士所不敢質。然其以真忠至孝爲教，則萬萬不可誣也。其傳言許公受教於日月二君，及謀姆蘭公傳忠孝之道。比二十年前，玉真劉先生隱西山，復得是傳。其徒黃君元吉，彙所聞平時語，爲書刻布之。至治癸亥，巽申官太史，繇黃君獲觀焉，乃歎曰：此書行世，將人人知懲忿窒慾，明理充其忠孝之實，則聖賢闔域，可躋而跂也，豈徒曰列仙隱者之事乎？夫玉真之心，都仙之心也。都仙之心，天地之心也。同志之士，苟毋忽其書，能深味切省，則庶乎其有契焉。應奉翰林文字將仕郎同知制誥兼國史院編脩廬陵曾巽申拜手謹題。

《易·坤卦·文言》曰：君子黃中通理，黃中央色也。夫子於坤卦取中正爲本，而能通達天下之道理，上天下地之宇，往古來今之宙，顧不可斯盡泯滅者，此中正之理耳。蠹蝕於春秋，相戕相靡，理幾晦矣。夫子繫周易，作文

言，發爲黃中通理之論，正以救當時頹風敗俗，律天下爲中正之歸。夫子豈得已，而作斯言耶。使幸生堯舜之時，歌呼爲擊壤之民，又何必盡洩斯道之祕乎。比年龍沙叶識，建壇於鸞翔鶴峙之地，都仙親降壇記，又專發黃中之理，授於玉真先生。都仙之心，夫子救世之心也。蓋欲惟忠惟孝，不乖不偏，盡叶中正之理，以躋聖世於隆平之盛。中黃黃先生，出示《玉真先生語錄》，亟覽之，又首發正心誠意，扶植綱常之語。又曰：大忠者一物不欺，大孝者一體皆愛。又曰：萬法皆空，一誠爲實。斯言也，是真能體認都仙之旨，以爲教矣。抑豈特都仙之旨，正吾夫子之旨也，亦堯舜以來精一執中之旨也。最後，又發明都仙道劍鐵柱之說，皆足以破千古之惑。雖然，都仙、玉真之互相發明，亦豈得已，而盡洩斯道之祕乎。載覽之餘，再拜稽首，序而歸之。將仕佐郎建昌路儒學教授彭埜序。

癸亥夏五月，余與盛兄熙明，同拜

中黃先生于京師澄清坊之東，時高朋滿座，先生顧余曰：夜夢子，今子來，似有夙契。遂授淨明忠孝書，并玉真語錄。余讀未終集，平生諸疑，渙若冰釋。越數日，先生復問曰：前讀語錄何如。余應曰：萬法皆空，一誠爲實，盡矣。先生首肯之，良久復謂曰：子資質頗近道，當宏吾教，勉旃勉旃。復出語錄數段，云：此尚未刊，異時當併刻之。余以泰定甲子春南歸，而先生以乙丑臘，解化於京師矣。丙寅之秋，余詣玉隆，謁仙塋，會先生高弟雲隱陳兄，于清逸堂，出示所藏先生遺墨，并所集先生平昔答問諸善言，皆余嘗聞諸先生者。雖先生之言，實皆祖述玉真之傳也。已而復於隱真壇，得蒼崖熊先生所藏玉真語錄數段，即向來先生示余者。因錄于別集，并以元所傳靈寶壇記、道說、法說、忠孝諸書，皆鈔梓而流傳之，總名曰《淨明忠孝全書》。同志之士讀之者，當守律勿失，敬之如神明，畏之如雷霆，奉而行之。回後天而先天，復有名而無名。殆猶日月晦

而明，天地夜而旦，四時冬而春。則豈但騎鶴玉府，烹鳳瑤池，獨善其身而已矣。又將見忠孝之化，周流八荒。綱常正而天理明，雨陽若而民不疵癘。上以極聖君賢相雍熙和平之治，下以使昆蟲草木同躋仁壽之域。寧不偉與，寧不盛與。泰定四年歲在丁卯十二月乙未朔，淨明靈寶忠孝弟子丹旂道人廬陵徐慧子奇焚香再拜謹書。

淨明忠孝全書卷之一

淨明傳教法師黃元吉編集
嗣法弟子徐慧校正

淨明道師旌陽許真君傳

真君姓許氏，名遜，字敬之。曾祖琰，祖玉，父肅，世爲許昌人，高節不仕，潁陽由之後也。父漢末避地於豫章之南昌，因家焉。吳赤烏二年己未，母夫人夢金鳳銜珠墜於掌中，因是有娠而生真君焉。生而穎悟，姿容秀偉，少小通疏，與物無忤。嘗從獵，射一鹿鹿中之，子墮，鹿母猶顧舐之，未竟而斃。因感悟，即折棄弓矢，刻意爲學。博通經史，明天文、地理、律曆、五行、讖緯之書，尤嗜神仙修鍊之術，頗臻其妙。聞西安吳猛得至人丁義神方，乃往師之，悉傳其祕。遂與郭璞，訪名山，求善地，爲栖真之所。得逍遙山金氏宅，遂徙居之。日以修鍊爲事，不求聞達。鄉黨化其孝友，交游服其德義。

嘗有售鐵燈檠者，因見漆剝處，視之金也，翌日訪其主還之。

朝廷屢加禮命，不得已，乃於太康元年起爲蜀旌陽縣令，時年四十一。視事之初，誠吏胥，去貪鄙，除煩細，脫囚繫，悉開諭以道，教以忠孝慈仁，忍慎勤儉，吏民悅服，咸願自新。先是歲飢，民無以輸租，郡邑繩以法，率多流移。真君乃以神丹，點瓦礫爲金，令人潛瘞于縣圃，籍民之未輸者，使服役于圃，民鑿地獲金，得以輸納。屬歲大疫，死者十七八，真君以所授神方拯治之，符呪所及，登時而愈，至於沈痾，無不痊者。他郡病而至者，日以千計，於是標竹於郭外十里之江，置符水於其中，俾就竹下飲之，其不能自至者，汲歸飲之亦安。蜀民爲之謠曰：人無竊盜，吏無奸欺，我君活人，病無能爲。真君知晉室將亂，乃棄官東歸，民感惠，贏糧而送者蔽野，有至千里始還者，有隨至其家，願服役不返者。乃於宅東之隙地，結茭以居，狀如營壘，多改氏族以從真君之姓，故號許家營焉。

真君嘗至新吳，憩于栢樹林，有女童五人，各持寶劍來獻，真君識其劍仙也，異而受之，故獲神劍之用。乃於丹陽縣黃堂靖，問道於謚母，毋以所受孝道明王之法，併蘭公所付孝悌王銅符鐵券、金丹寶經授之。且謂吳君曰：君昔以神方爲許君之師，今孝道明王之道，獨許君得傳，君當返師之。二君辭謝，方心期每歲必來謁姆，姆覺之，曰：子勿來，吾即還帝鄉矣。因取香茅一根，南望擲之，曰：子歸認茅落處，立吾祠，歲秋一至足矣。二君還於所居之南，尋訪其茅，已叢生矣。遂建祠，亦以黃堂名之。厥後復遇日月二帝君，授以淨明靈寶忠孝之道。真君嘗過黃堂，見鄉民烹宰祀神，且相詫曰：祭不腆則神怒降禍矣。真君曰：怪崇敢爾耶。夜宿逆旅，召風雷伐之。又見民有遠汲者滿道，乃以杖刺社前涸澤，出泉以濟之，雖旱不竭。因渡江抵朱氏之肆，主人雖貧，迎接甚敬，真君戲畫一松于其壁而去，其家即日利市加倍。嘗鍊神丹于艾城之黃龍山，

有蛟魅輒作洪水，欲漂丹室，真君遣神兵擒之，針于石壁。丹成祭于幕阜葛仙石室，然後服之。至修川，愛其湍急味堅，遂磨神劍於澗傍之石。過西安縣，分寧縣也。杜伯出謁，真君詰其地分有妖物害民者，其神匿之。過一小廟，廟神迎告曰：此有蛟孽，害民，知仙君來，故往鄂渚，後將復還。真君躡跡追至橋側，勅吏兵驅出誅之。怒西安社伯之不職，錮其祠門，止其祭祀，今分寧城隍廟常閉，開有火災。今祀小廟。今封協佑侯。真君聞新吳有蛟爲孽，因往捕之，蛟懼入溪穴，乃以巨石書符以禁之。

時海昏之上遼，有巨蛇據山爲穴，吐氣成雲，亘四十里，人觸在其氣中者，即被吸吞，江湖舟船亦遭覆溺，大爲民害。真君乃集弟子，將往誅之。初入其界，遠近居民競來告懇。真君曰：世運周流，當斯厄會，吾之此來，當爲汝曹除之，誓不與此蛇俱生也。於是，卓劍于地，默禱于天，良久飛泉湧出，有赤鳥飛過，遂前至蛇所，蛇懼入穴。乃飛符，召海昏社伯驅之不能

出，復召南昌社公助之。蛇出舉頭，高十餘丈，目若火炬，吐毒衝天。乃嘯命風雷，指呼兵吏，以攝伏之。吳君乃飛步踏其首，以劍劈其額。施君、甘君引劍裂其腹，有小蛇自腹中出，長數丈，奔行六七里，聞鼓譟聲，猶返顧母。弟子請追戮之，真君曰：彼未爲害，不可妄誅，五百年後若爲民害，吾當復出誅之，以吾壇前松栢爲驗，其枝拂地乃其時也。又預讖云：吾仙去後一千二百四十年間，五陵之內當出弟子八百人，其師出於豫章，大揚吾教。郡江心忽生淵，掩過沙井口者，是其時也。若此時小蛇爲害，彼八百人自當誅之。苟無害於物，亦不可誅也。蛇子遂入江。今新建縣吳城山是也。大蛇既死，其骨成洲。今號蛇骨洲。真君於經行之處，立七靖以鎮之，時晉懷帝永嘉六年壬申歲也。真君道術高妙，求爲弟子者數百人，却之不可，乃化炭爲美婦人以試之，其不爲所染污者，唯十人耳，凡周游江湖，無不從焉。

真君歸郡，周覽城邑，有一少年美

風度，衣冠甚偉，通謁自稱姓慎，禮貌甚恭，應對敏給，遽告去。真君謂弟子曰：適者非人，老蛟之精來見試也。吾故愚之，庶盡得其醜類耳。迹其所之，乃化爲黃牛，卧于砂磧之上。真君乃剪紙，化黑牛往鬥之。令施岑持劍，俟其鬥酣，即揮之，中其股。牛奔入城南井中，真君遣符吏尋其蹤乃知，直至長沙。於賈誼井中出化爲人，即入賈玉史君之家。先是蛟精慕玉之女美，化爲一少年謁之，玉愛其才，以女妻之，居數歲，生二子。常以春夏之交子然而出，至秋則重載寶貨而歸，蓋覆舟所獲也。是秋陡還，詣玉云：爲盜所劫，且傷左股。真君乃爲醫士謁玉，至其堂叱曰：江湖蛟精，害物非一，吾尋蹤至此，豈容逃遁，速出速出。蛟精計窮，乃見本形，爲吏兵所誅。二子亦皆爲小蛟，併誅之。賈女亦幾變形，真君給以符，故得不變。真君謂玉曰：蛟精所居，其下即水，可速徙居。玉從之，其地果陷爲潭，深不可測。真君復還豫章，蛟之餘黨心不自安，乃化爲

人，訪真君弟子曰：聞賢師有神劍，願聞其功。弟子曰：吾師神劍，指天天裂，指地地拆，指星辰則失度，指江湖則逆流，萬邪莫敢當，神聖之寶也。曰：亦有不能傷者乎。弟子戲之曰：惟不能傷冬瓜葫蘆耳。蛟以爲誠然，盡化其屬爲冬瓜葫蘆，浮泛滿江，妖氣甚盛。乃使施岑履水斬之。真君曰：此地蛟螭所居，不有鎮之，後且爲患。乃役鬼神於城南井，鑄鐵爲柱，下施八索，鈎鎖地脉，祝之曰：鐵柱若亞，其妖再興，吾當復出。由是水妖屏斥，城邑無虞。岿嶢山頂有蛟湖三所，其孔穴透大江，通饒信。真君誅其蛟，立玉陽靖以鎮之。又鑄鐵符鎮鄱陽湖口，杜絕蛟魅出入之路。鑄鐵蓋，覆廬陵元潭，制其淵藪，仍以鐵符鎮之，留一劍在焉。明年，復遊長沙郴衡諸郡，所至爲民除害，凡立靖七十餘所。

明帝太寧二年，將軍王敦舉兵內向，次于湖。真君與吳君往謁，冀說止之。時郭璞先在幕府，乃因璞見之，處仲延飲而問曰：予夢以一木破天君，

等以爲如何。吳君曰：木上破天，乃未字也，公其未可妄動。處仲已變，令璞筮之，璞曰：無成。仲曰：予壽幾何？璞曰：公若舉事，禍將不久。仲怒曰：君壽幾？何璞曰：壽盡在今日中。仲大怒，令武士擒璞斬之。真君舉杯擲起，化爲白鴿，飛繞梁間。仲一舉目，已失二君。處仲竟敗。二君還至金陵，召龍挾舟，從廬山紫霄峰金闕洞還。至天寶洞，遂歸舊隱。日與弟子講究真詮，數十年間，不復以時事關意。平時出處，不異常人，但所居鳴鶴飛翔景雲旋繞而已。至孝武帝寧康二年甲戌八月朔旦，有雲仗自天而下，二仙降庭宣玉皇詔，曰：上詔學仙童子許遜卿，在多劫之前，積修至道勤苦備悉，經緯逾深，萬法千門，罔不斯歷。救災拔難，除害蕩妖，功濟生民，名高玉曆，衆真推仰，宜有甄昇，可授九州都仙太史兼高明大使，賜紫綵羽袍瓊旌寶節玉膏金丹各一合。詔至奉行。真君再拜，登階受詔。一仙曰：余乃玉真上公崔子文。一仙曰：余乃元真

上卿瑕丘仲。告真君以冲舉之期遂去。真君乃召門弟子與鄉曲耆老，諭以行期，設飲宴以叙別。又與十一弟子，各爲五言一韻，勸誡詩十首。是月聖日，大營齋會，少長畢至，日中遙聞音樂之聲，祥雲四布，羽蓋龍車，從官兵衛，仙童綵女，前後導從。二詔使又至，復宣詔曰：上詔學仙童子許遜，脫子前世貪殺匿不祀先祖之罪錄。子今生行符呪水、治病罰惡、馘毒之功已仰。潛山司命官傳金丹於下界，閉債封形，迴子身及家口厨宅百好歸三天。子急淨穢，背土凌空，左大力天丁與流金火鈴，照辟中黃，無或散漫。仍封遠祖由玉虛僕射，曾祖琰太微兵衛大夫，先祖玉太極把業錄籍典者，父肅中嶽仙官。賜所居宅，曰仙曹左府。玉真上公曰：卿門弟子雖衆，惟六人合從行，餘各自有超舉之日。乃揖真君昇龍駕命，陳勳時荷持册前導，周廣曾享驂御，黃仁覽與其父族侍從，盱烈與其母部從，仙眷四十二口同時昇舉，雞犬亦隨逐飛騰。留下修行鐘并一石函

曰：世變時遷，即爲陳迹，聊以爲記。有僕許大者，與其妻市米於西嶺，聞真君飛昇，即奔馳而歸，車覆遺米於地，米皆復生。比至哀泣，求從行。真君乃授以地仙之術，夫婦皆隱于山中。仙仗既舉，有頃墜下藥臼車轂各一，又墜一雞籠并鼠數枚，墮地雖拖腸而不死，意其嘗竊食丹藥也。後人見之，必爲瑞應焉。初真君回自旌陽，奉蜀錦於謀姆，製以爲殿帷，至是忽飛來旋繞於故宅之上，復入雲霄。真君生於吳大帝赤烏二年己未正月二十八日，住世一百三十六年。凡參學淨明弟子，皆尊之曰道師君。

真君既飛昇之後，里人與其族孫簡，就其地立祠，以所遺詩一百二十首寫之竹簡，令人採取以卜吉凶，名曰聖籤。其鐘車函曰，並藏于祠。隋煬帝時，焚脩中輟。唐永淳中，天師胡惠超重興建立，明皇尤加寅奉。宋朝太宗、真宗、仁宗皆賜御書，改賜額曰玉隆，仍禁名山樵采，蠲租賦。政和二年，徽宗降玉冊，上尊號曰神功妙濟真君。

政和六年，改觀爲宮，仍加萬壽二字。五月一日，旨付禮部云：朕因看書于崇政殿，恍然似夢，見東華門北一道士，戴九華冠，披絳章服，左右童子持劍紼，皆衣青，後有二使者綵衣道裝，捧印杖前至丹墀，起簡揖朕，攀左龍尾上殿。朕疑非人間道士，因問：卿何人，不詔而至。對曰：吾爲許旌陽，權掌九天司職，上帝詔往按察西瞿耶國，經由故國，觀見妖氣，故來相訪。朕請坐而問曰：此患爲何？答曰：湖南湖北三十六萬絹綱入水，此實小龍爲害，蓋先朝不合封此子爲王，當永嘉之戮，自拆母腹而奔走，未及害人，因而赦之。今乃輒爲國家之患俟，吾還當有處分，不令住於江淮間矣。朕夢中謝之，復問曰：朕患安息瘡，諸藥不能愈，真君有藥否？即取小瓢傾藥一粒，如菽豆大，呵呪抹於瘡上，覺如流酥灌體，入骨清涼。遂揖而去，行數步復回顧曰：吾弊舍久矣寥落，願聖皇舉目一看爲幸。朕豁然而覺。不數日，有司奏到，果然絹綱被風濤覆沒，即取圖

經考之，見分寧縣梅山有許氏磨劍池，詔畫像如夢中所見者，賜上清儲祥宮，以係省官錢新換。數月後，復夢真君回如初，謝上曰：分寧乃昔經行之處，重勞建造，吾卜地西山遺跡俱存，但屋宇隘陋，不足副四方瞻視，幸陛下一修整之耳。上寤，即詔洪州改修玉隆萬壽宮。建炎中，金人寇江左，欲火宮庭，俄而水自楹桷間出，火不爇。虜酋大驚，乃書壁云：金國龍虎上將軍來獻忠，被授元帥府上畔都統，大軍毀茲，遍觀聖像，裝嚴華麗，不敢焚燬。時天會八年正月初二日記。主觀想知，悉戢兵而去。

凡真君所遺物，皆有神守護，不可觸犯。殿前手植栢，其榮悴常兆宮之盛衰，剪以煎湯，無疾不療。丹井舊有神龍出沒，後胡洞真以符石，鎮之鐵柱。唐嚴譔作州牧，心頗不信，嘗令發掘，俄迅雷烈風，江波泛溢，城郭震動，譔懼叩頭悔謝，久而後止。又強取修行鐘，置之僧寺，擊之聲如土木，乃送還宮。車轂州牧徐登，令取至府，猶未

及觀，即夕飛還。石函雖有竅縫，而不可開。唐張善安竊據洪州，強鑿開之，其蓋內丹書云：五百年狂賊張善安開之。善安懼，磨洗其字，終不能滅，遂藏其蓋。凡真君遺迹，有異處。如龍沙側之磨劍池，其沙壁立略不湮塞。新建縣之嘆早湖，水蛭至多，以藥投之，永絕，松湖市之旅邸，至今無蚊蚋。豐城縣杪針洞，蛟入其中，以杉木楔之，至今不朽。奉新縣之藏溪，蛟藏其中，以劍劈裂溪傍巨石，書符鎮之。如此等類，莫可殫舉。元成宗皇帝加封號曰：至道玄應神功妙濟真君。

淨明經師洪崖先生傳

經師姓張，名氤，號洪崖。又名蘊，字藏真。世代皆莫詳，與赤松子俱爲神農師。《真誥》云：洪崖先生，今爲青城仙伯是也。隋時，復出現於晉陽之姑射山，又現於豫章之西山，讀書釣魚於城西河岸之石磯，今釣魚臺是也。開皇九年，改豫章爲洪州，以先生故也。先生身長七尺五寸，眉目疏秀，語音如鐘，善琴書，喜長嘯。嘗遇日月

二君，授以淨明靈寶忠孝之道。時戴烏帽，或時角巾，或櫛榛巾，被鹿裘，或衣紅焦葛衫，烏犀帶短鞞靴。每行則乘一白驪，曰雪精。從五童子，名狀並怪，曰橘、栗、木、葛、枳。負六角扇，垂雲笠，又曰白藤笠。方木鐙，二玄書，木如意、筇竹杖、長生瓢、魏惠壺、不柱杓。又曰長盈壺、長滿杯，自然流酌。出入城郭，朝來暮去，人莫測其蹤。唐武后聖曆中，召不赴。玄宗開元中，復召見於湛露殿。上從容問曰：聞先生善長嘯，可得聞乎。於是應聲而發，音韻清絕。上曰：朕何如堯舜？先生何似許由？先生對曰：陛下道超堯舜，臣德謝許由。昔堯召許由而不至，今陛下召臣而臣來。上嘉之，拜太常卿，累至司徒，皆不受。一日奏曰：陛下何惜一山一水，不令臣追蹤巢由。乃詔還山，遂絕粒服氣，時時出沒往來於西山姑射二山，多遊終南太華青城王屋山中，與東羅二大師爲侶，每述金丹華池之事，易形鍊化之術，人莫究其微妙焉。又每旦，乘白驪，領僕從，由西

山渡章江入洪城，人未有見其返者。一日章江舟人心切疑之，遂戒其子躡踪觀其所以。乃賣藥周遊市中，卒之晉尚書潛惠武陽彭仙故宅，宗華福地，今彭真觀是也。與其學仙之徒，掃石焚香，談玄閱祕，圍棋握槊，諷詠逾時。已而乘白驪與僕從，俱入彭仙舊鍊丹井中而去。舟人子復躡其後，而先生未之知。其中道塗坦坦，行未久忽聞櫓聲，舟人子曰：此我舟中櫓聲也。先生始覺問之，乃實告其故，復問曰：汝願偕往否？曰：不願。於是令其瞑目，以手摩其頂，舟人子即在舟中矣。自是不復入城。如此者九十三年，後隱去不知所終。今西山有洪崖井，與烏晶源爲鄰，深不可測。無冬夏飛流奔瀉，若雷殷地中，人雖對語，亦莫能聽，三伏炎蒸，寒氣襲人，毛髮森豎，古傳與彭仙丹井通焉。井畔多楓樹，先生丹成，跨雪精從楓樹升雲鄉，至今樹上有雪精遺跡。井之西有紫清宮，舊爲應聖宮，即先生栖真所也。有三詩刻于石，其一曰：去歲無田種，今春乏

酒材。從他花鳥笑，佯醉卧樓臺。其二曰：下調無人采，高心又被嗔。不知時俗意，教我若爲人。其三曰：入市非求利，過朝不爲名。有時陪俗物，相伴且營營。嘗注《老子》《周易》《三禮》《穀梁傳》行于世。凡參學淨明者，尊爲經師君。

淨明法師洞真先生傳

先生姓胡，名慧超，一名化俗，字拔俗。不知何許人，亦莫詳其年，人問之則曰今年五十二歲，後數十載問之，亦復云。然容貌雄偉，氣宇魁岸，獨處則無異於常人，在衆中則獨出人一頭，故時人稱之曰胡長仙。逢人不執手板，擊拳而已。嘗遇日月二君，授以淨明靈寶忠孝之道，神妙無方，人莫能測。唐初，隱于洪州西山之洪井，時往來洪城。一日散步市中，見一民家悲戚，先生問之，答曰：城側有廟神，歲擇女子以配，吾女明日當行，是以悲也。先生曰：吾當爲汝除之。於是，嘯命風雷，焚擊神廟，併廟側一巨樟，根下白骨無數，拔其根擲于江中，逆流

而上，至清江境，今樟樹鎮即其地也。州人感激，於廟所立觀，今豫章玄妙觀是也。唐貞觀中，太宗皇帝聞風召之，不赴。高宗即位，復召先生，乃赴，館于禁中。時宮中有妖，夜出傷人。上曰：禁中有妖，師能除之否？先生曰：諾。乃徧行宮中，至西掖垣下，指曰：妖在此。命武士掘之，入地數尺，得老狐十數隻，併白骨甚多，殺之妖乃絕。上大悅，賞賜皆不受，力求還山，上許之，詔百官祖餞，御製詩爲別，乃還居西山游幃觀。時觀荒廢，先生因問主觀，胡不修葺，答以乏財力。先生徑往，不逾月，以木椳至高安樟木，江口距九十里，命筏人繫繫縛，各就宿江岸，臨暮飛墨符一道，中夜烈風雷雨，比明筏已在壇下矣。凌抹嶺谷所當之路，林木披靡。又於山下發一窖，出錢三百千，爲工役之所需應。殿宇非人所爲者，皆夜役鬼神爲之。門外鑿七井，以禁火災。則天復召見於武成殿，問神仙事。先生止陳道德帝王治化之源，即辭乞還山，勅遣使齎金璧送歸。

行次，單父賜書曰：先生道德高尚，早出塵俗，如軒曆之廣成，漢朝之河上。遂能不遠千里，來赴三川。日御先開，望霓裳之漸遠。天津後渡，瞻鶴蓋以方遙。空睇風雲，惆悵無已。還於洪崖先生古壇鍊丹，首尾三年，詔趣詣闕，館于禁中，一朝遁去。上歎恨久之，遣使齎贈甚厚，還居西山盱母靖。曰：吾昔到此，客于盱母，今已數百年。長安三年，命弟子於游幃觀之西北伏龍，造磚墳，藏太玄真符一，七星劍、靈寶策杖各一，三日而訖。先生正衣冠，坐繩床，空中雲鶴旋繞，墻外人馬之聲不絕，而先生已化矣。州具以聞朝，命賜謚曰洞真先生。凡參學淨明弟子，皆尊之曰法師君。

淨明監度師郭先生傳

先生姓郭，名璞，字景純，河東人也。好經術，博學，有奇才，而訥於言論。善詞賦，爲東晉之冠。好古文奇字，妙於陰陽術數。有郭公者，客河東，精於卜筮，先生往師之。公以《青囊書》九卷授之，由是洞達五行天文地

理卜筮之術。爲人禳災轉禍，妙用無方。惠懷之際，先生知中原將亂，乃避地東南。抵將軍趙固，會固所乘良馬死，固惜之，不接賓客。先生曰：吾能活馬。吏入白，固出求教。先生曰：今健夫二三十輩，皆持長竿，東行三十

里有丘林社廟，便以竿拍之，當得一物，急持以歸，得此活馬矣。固如其言，果得一物如猴，持以歸。此物見死馬，即噓吸其鼻，頃之，馬起如常，物忽不見。元帝渡江後，王導辟爲參軍。先生事母至孝，母死自卜葬地於暨陽，去水纔百步，人以近水爲言，先生曰：即爲陸矣。未幾沙漲，去墓數十里，皆爲桑田。明帝大明二年甲申，王敦舉兵反，次于湖。先生往見之，敦曰：吾夢以一木破天，此何祥也？先生曰：一木破天，乃未字也。明公舉事，必敗無成。因極言忠孝之大義。敦怒曰：吾壽幾何？先生曰：若恪守臣節，壽未可量。若改之不速，禍將不久。敦曰：君壽幾何？先生曰：吾命盡今日日中。敦愈怒，命斬之。即有見先生

於丹陽市者，世以爲兵解云。所著詩賦誄頌數萬言，《洞林經》六十卷，《新林》十卷，《卜韻》一篇，註《爾雅》、《三蒼》、《方言》、《穆天子傳》、《山海經》皆傳于世。凡參學淨明弟子，皆尊曰監度師君。

西山隱士玉真劉先生傳

先生姓劉，諱玉，字頤真，玉真子，其號也。其先番易石門人，高祖宗翰，遷南康建昌，名所居里曰石門，示不忘本也。宋紹興中擢第，授滁州來安簿，世傳詩禮。父剛，母鄔氏，以寶祐丁巳八月二十日生先生。是早，紅霞覆屋，鄰曲駭異，其父再遷隆興新建忠孝鄉。先生夙有卓識，五歲就學讀書，務通大義，弱冠父母繼亡，居喪盡禮，家貧力耕而食，視塵世事不足爲，篤志於神仙之學。

初，都仙太史許真君，以晉寧康甲戌歲，於豫章西山昇仙，嘗留識記云：吾仙去後一千二百四十年間，五陵之內當出弟子今作地仙誤也八百人，師出豫章河西岸，大揚吾教，郡江心忽生沙

洲，掩過沙井口者，是其時也。至建炎戊申，僅七百年，兵禍煽結，民物塗炭。何真公等致禱真君，丐垂救度，既而降神渝川，諭以辛亥八月望，當降玉隆宮。至期迎俟，日中雲霧鬱勃，自天而下，由殿西徑升玉册殿，降授《飛仙度人經淨明忠孝大法》。真公得之，建翼真壇，傳度弟子五百餘人，消穰厄會，民賴以安。迨今二百餘年，其法寢微。

至元壬午，朝命改隆興路爲龍興。其年五月，章江門外一洲。是秋，先生經行西山瀉油岡，遇洞真天師胡君，告以姓字，先生拜問曰：天師胡爲在此？曰：龍沙已生，淨明大教將興，當出八百弟子，汝爲之師。歲在丙申臘月庚申，真君下降子家，子際遇如何真公，時今在子夜，故來告子。言訖不見。先生心竊自喜。明年春，復於玉隆禁山遇之，即下拜。胡君曰：吾今再來，實傳真君之旨，可尋西山中黃堂山烏晶原，建玉真壇以栖隱。當知真君即太陽帝君化生，仙傳謂生身有金鳳，銜珠夢兆者，非也。乃日中金烏流

精，在天爲氣，在地成形，鴻濛開闢，降於洪井，却至海藏。至真君降世，乃由扶桑之墟，下貫崑崙之頂，乃從風輪水淵，由地中行，騰出洪崖之井，以應西山之氣，故其地名曰烏晶原。蓋日月二君屬記真君，以爲後代傳道之信，其所在之處，萬靈護持，出沒變化，非容人力。真君降於吳赤烏己未歲正月二十八日戊午。己未爲火，在天上初元戊午表太陽也，二年己未表餘氣化生也，正月表人道始於寅也，二十八日表近晦而續明也。天啓仙運，年符赤烏，其後海昏誅蛇，有赤烏飛過，亦應此耳。今仙運將周，烏晶出現，其在青羊之歲上元之辰紫清宮中，子得以鎮靖廬，大教興矣。因與言淨明之旨，踰時而別。及出山，已越兩日。

先生自是益加精進，又於孝行里立騰勝道院，以善道勸化，遠近聞知，仰嚮從游者衆。甲午十一月甲子，遇水府仙伯郭君，教以經山緯水之術。遂遊黃堂山烏晶原尋訪，果得魏道人故居，乃昔日真君修真之所，而又洪崖

先生張君舊隱地，隸紫清。以田易之而卜築，且定居焉。靈官鄧君貽詩有曰：洪崖尋舊跡，合讖於松沙者，謂此也。元貞己未正月甲寅，先生神遊玉真府，遇真君與張君、胡君、玉真朝元回。先生作禮，真君顧令先生，求見陽烏，張君袖出三足烏示之。上元庚申，先生往紫清，與弟子王真定、方公成，登拍洪樓，焚香默禱，聞硫氣郁烈，倚闌候望，倏有流光飛墜鑪間，俯視則烏晶在焉。大如椰子，非鐵非石，而黑潤沈重，受而藏之。是夕，胡君授以大

漫，非煙非霧，擁升堂上，降授《玉真靈寶壇記》，紙尾署云：弟子劉玉真，丁酉正月甲子朔旦，登山巔授至道。頃之，光景豁散。既而，郭君授以壇疏。除夕寒雪陰霾，先生清齋以待，夜過半，山堂門開，介冑神人至前曰：真君召子。乃篝燈躋攀而上，仰視天星朗然。少焉仙駕降，先生瞻禮，以栢葉藉棗橘以進。真君告曰：茲山前俯鸞岡，後據鶴嶺，吾昔修真時，於此朝禮太上，太上命日月二君降此，授吾至道，是名靈寶朝天壇。吾今亦於此授此中黃大道八極真詮，子當敬受。吾八百弟子，汝爲首英，名氏悉在華林八百洞天久矣，刻書青琅，高揭丹崖。更當勉勵弟子，不昧心君，不戕性命，忠孝存心，方便濟物，異日功成果滿，胥會洞中，顧不樂歟。此外精心奉教，隨所修積，各享其報，終不沈墮。若有不自提策，勤始怠終，則有風刀之考。子今恢演教法，積累功勳，再世三生，鍊消陰滓，登晨白日，如吾無異。勉之勉之。言畢高舉，先生拜送，瞻望極日而

還。十月甲午，寓玉隆清逸堂。丙申，胡君復來授以道法，說及三五飛步正一斬邪之旨。

由是開闡大教，誘誨後學。其法以忠孝爲本，敬天崇道，濟生度死爲事，簡而不繁。諸弟子問曰：昔何真公所傳稍繁，今先生所授極簡，何其不同？先生曰：昔紹興之時，仙期懸隔，權以救世，以法弘教，故繁。今龍沙已生，仙期迫近，急於度人，以道宏教，故約。此所以異，然其至則一，無庸疑。因謂曰：吾與若輩，幸以宿因，遭逢大教，喜慶難言。今靖廬粗備，相與首致華封之祝，以寓吾忠，次伸追遠之誠，以昭吾孝。修身慎行，植德行道，可無愧矣。今爲若輩懇師君，請降日精月華，鍊度先亡，以除冥累。十月望，乃登朝天壇，露香敷奏，席地存神，置二陶器於壇上。俄東西布飛光二道，如金線，自天際注器中，左液如丹，右津如汞，用以書符，訖事無餘。越七日，弟子咸夢先亡，言感真君拯拔陶鑄，返陰生陽，已升仙階矣。明年十月庚申，

郭君復至，授以法說，而鄧君數來談《易》，故先生於《易》尤邃。方公成嘗言爻象，夜分風動燭滅。先生一噓，而燭復然。公成驚問，先生徐曰：子言紙上之《易》，而未知身中之《易》。如知之，則已滅者可復明，又何所怪。公成下拜，願卒爲弟子。居常與群仙接對，而張、胡、郭、鄧爲密。張君嘗招之過洪井，擲扇水中，命之浮渡。又與如意丹方，令采洪井石蒲爲藥，以施病者。郭君嘗引遊水府，見門下鎖一巨青猴，指曰：此神禹所禁巫支祁也。

先生雖道行日隆，而益自韜晦，間爲人祈禱禳解，無不出奇。隱真洞真靖廬次第興建，諸品祕要相繼授受。至大戊申正月丁卯，投烏晶於洪井，曰：緣重者得之。即以傳教之任付黃元吉，謂曰：吾此生爲大教初機而來，異時再出，當與八百弟子俱會。今陽數將終，身謝之後，以吾遺體靜夜火之，復骨於招賢之原，三年將遷瘞海島。二月癸巳，如紫清宮翠岩寺告別。甲午示疾，弟子畢集。丙申，晨興端坐

榻上，日正中，舉手拱揖，就榻側卧而逝。春秋五十有二。弟子遵遺旨而送終，後三年啓窆視之，唯存空函。先生之學，本於正心誠意，而見於真踐實履。不矯亢以爲高，不詭隨以爲順，不妄語不多言，言必關於天理世教於三教之旨了然解悟而以老氏爲宗。有《玉真語錄》、《淨明秘旨》，凡一百三十七品云。

中黃先生碑銘

黃君元吉，字希文，豫章豐城名族。父良俊，母吳氏。年十二入玉隆萬壽宮，事清逸堂朱尊師。朱歿，其師王月航尊師，愛而教之。王尊師嚴潔清儉，有古人之意，善醫藥，施謝之積粗瞻，即閉戶絕來求醫者。希文請授其術以爲業，王尊師不可，曰：吾非有靳於子也。顧醫道甚精微，識慮稍不至，則人由我而死，非易事也。將以此爲利益不宜，吾幸得舍此，不爲冀寡過耳。誠慮返累子，不如歸求清靜，以自致也。王尊師沒。久之，西山中有劉玉真先生者，本質行老儒，隱居深僻，

有神明之遇，曰：晉旌陽許君千年龍沙之記，今及其時，而劉則八百仙人之首云。獨重希文，以爲可托，及去世以其傳囑焉。蓋其說以本心淨明爲要，而制行必以忠孝爲貴而已。希文事劉先生如父，事其夫人如母，苟遠去飲食必祝之。而後嘗奉其言，如臨天地鬼神，乃即其山擇地立玉真隱真洞真之壇，以授弟子。至治三年，又以其說游京師，公卿大夫士多禮問之，莫不歎異。明年太定改元，嗣漢三十九代張天師朝京，廷臣薦希文者曰：中黃先生剛介堅鸞，長於幹裁響。嘗都監其宮，治衆嚴甚，人或不樂，而土田之入廬舍之完，公而成功。昔爲忤者，更交譽之親之，其後從玉真先生得旌陽忠孝之教。蓋折節就冲，澹爲達人，鉅公前席宜表異之。乃爲書，請希文爲淨明崇德弘道法師教門高士。玉隆萬壽宮焚，修提點未行，玄教大宗師留之崇真萬壽宮。期年，將以其名上聞奏，且上有爾書之賜，而希文儵然高居，唯以發明其師說爲己事。有所謂清虛日來

滓穢盡淨者，蓋庶幾焉。十二月十一日，爲書寄別其弟子陳天和等，而命從者曰：今夜子時，當報我及期。從者以告，希文曰：吾返玉真之墟矣。明日，用火淨吾骨於城東門外，薪盡火絕有風南來者，吾報汝也。已而果然，從者負其遺劍，將歸藏西山。希文在世五十五年，爲道士四十年，度弟子陳天和、劉真傳、熊玄暉、劉思復、黃通理，授淨明忠孝之教者，人衆不可備列。中山趙先生，有道之士也。嘗與希文俱來，爲之言曰：子爲銘，其藏予。重趙君之請，故爲之銘曰：西山之墟古仙宅，奇蹤一隱兩五百。陽精發輝表靈赫，我與受書繼玄德。長生不死爲世則，忽焉去之不可測。鏘金爲音玉爲畫，表歸真土填無極。

丹扃道人事實

丹扃子姓徐氏，名異，一名慧，字子奇。至元辛卯八月二十七日寅時生，娶劉氏，生子師晉。其先爲豐城望族，仕廬陵，因家焉。其大父愚谷先生，典刑博雅，前宋試場屋有聲，二子

俱早世。子奇幼孤即穎異，恥與俗子友，閉戶讀書，危坐竟日，養吾劉先生，爲須溪家嫡，時稱爲文章司命人物權衡得其許可者，如登龍門。始八月旦，子奇嘗侍大父往謁之，一見問所學，即令以詩題，子奇援筆立就。先生大加賞歎，因取少陵徐卿二子生絕奇之語，改字子奇。且爲序其所作詩集，稱其五言，高處春容淡泊，頗近古意，至於近體亦變化流麗，蓋其天分之高而學所致也。其推許之意，槩可見矣。戊午春，慨然爲金臺遊，首以文墨見知于御史李一飛、典瑞院使馬九臯、右丞齊峰、平章大慈都，由是鈞樞臺閣名公鉅卿多所接禮。癸亥春，英廟詔書金經試，字中書者數百人，子奇首中前列，未幾經事竟寢。子奇聞中黃先生得都仙淨明之道，駐于崇真宮，遂往師焉。中黃一見曰：夜夢子，今子來，似有夙契，當宏吾教。自是盡得中黃八極之妙，又參藍真人于長春宮得全真無爲之旨，賜號淨明配道格神昭效法師。由是，人爵無復介其心胸，雖中朝貴人

交剋互辟，恬不能動其心矣。甲子春，以母老竟歸，圖爲色養，計其所以，婉容娛侍，曲意順承，無所不用。其極如是者，二十餘年迨終，喪葬盡禮。初歸之日，家適病疫，或曰：未可歸。子奇曰：安有及門而不升堂拜母者乎？竟歸。其所謂神明憑依者，皆辟易解散若未病，然自非道高德重安能殄息若此其速也。是歲大旱，鄉人請禱于里之吉安橋旋慰霓望。自是弟子益衆，及其門者，皆文學特達之士。雖六七十翁，皆願從焉，曰：吾師道也。子奇倜儻，尚氣節慷慨，尚然諾導悟。學者剖決玄微，海竭河傾，源窮派析，犁然有當於人心。數十年間，千百里內，水旱豐凶，請禱即往，神動天隨，雷電隨應，其所以化赤地爲豐年掃積陰爲霽景者，不知其幾焉。至如來病，士庶是以爲瘡，豕人之啼泣，木客之憑凌，雲篆一飛，陰怪旋屏，若此者尤衆也。是其操存持守之不息，故光輝昭著之，自然有諸中形諸外也。士君子常稱奇峰先生，又稱丹扃道人。蓋其爲室也，清

虛明淨，扁以丹扃。留國張公，書而記之，詩集曰《盃水玉霄》滕公序之。所傳淨明忠孝諸書，先以刊行。至於手撰科文，正大雅潔，凡若干卷傳于世。庚寅春，寄內師府羅文奎詩云：憶昔長廊聽雨時，黃金染筆寫烏絲。百年似夢我先覺，萬事如雲子尚癡。天上故人天上老，里中野客里中嬉。臨風聊致拳拳意，老病無才懶賦詩。又寄臺使盛熙明詩云：向來風雨意，俛仰十年餘。雖有千山隔，寧無數字書。栖遲吾分耳，富貴易交乎。珍重平生學，風雲展壯圖。又寄別弟子鍾彥文詩云：花甲今年恰一周，安心安分更何求。夢回池草春生筆，吟到江梅月滿樓。生數又從今日始，老懷不及少年遊。還丹鍊就身如葉，洞府名山任去留。又自贊其像曰：生前我即汝，死後汝即我。於是二中間，誰曾識真我。我。月輪元不在波心，四海五湖無不可。至。五月望日，命弟子蕭尚賢代謝師仙將吏，爲酒食以召鄉黨朋友話別，對坐客云：天香繞屋家肥潤，玉

宇開基仕顯超明。旦日中，索紙筆留頌云：這箇臭皮袋，撇了無窒礙。烈焰紅爐中，明月清風外。擲筆端坐，鼻流玉筋尺餘，移時視之，則已去矣。留形住世六十年，度弟子數百人。

淨明忠孝全書卷之一

淨明忠孝全書卷之二

淨明傳教法師黃元吉編集

嗣派弟子徐慧校正

玉真靈寶壇記

許遜撰

鍾陵之靈，鍾大寶於西山。厥維西山萃古今精氣，實上下神仙一大區宅。有道之士，率由是出。自吾得太上淨明，吾與張洪崖、胡拔俗等，其人也。龍沙有識，松沙有記，一皆爲是西山中靈寶祕。前鸞翔，後鶴峙，奠烏晶，紹仙裔。斯靈伊何，太素始名。太極判精，靈寶現形，故此一寶靈也。在天爲黃中，在地爲烏晶，在人爲丹扃。惟寶斯靈，弗寶弗靈。有道之士克寶斯靈者，自有重重樓閣，內景黃庭，三五飛步，神奏玉京。符千年之嘉運，備八百之仙數。騎鶴玉府，烹鳳瑤池。其視塵世寶珠，直天地間一瓦礫耳。吾有弟子玉真子，受吾記囑，來尋舊迹。克寶斯靈，克靈厥晶。八百群真，一曰玉真，二曰隱真，三曰洞真。靈真

寶真，一真萬真。真真聚神，金烏誕靈。靈寶聚精，玉兔誕形。天降斯道，地升斯寶。珍之作之，天地爲一。率是群真，克紹吾勳。有道之士，無累俗紛。式克輔之，斬蛇馘鯨。窮曰宇宙，功超玉清，顧不偉歟。乃繫之以銘曰：

不脩鍊，力忠孝，不求道，道自備。下則豺狼有父子，螻蟻有君臣。物且尚能忠孝，況於人乎？況於法子乎？淨明大道同理，同源不同形。同理者，誰能出不由戶，何莫由斯道也。同源不同形者，是道生，一生二，二生三，三生萬物。萬物之中，惟人最貴。不忠不孝，不如豺狼螻蟻乎。不能淨明者，不如蜣螂飲露乎。物得忠孝大道體，法子夫豈不知。吾奉太上，設忠孝大道之門，甚易知，甚易行，勉而宏之。人能弘道，非道弘人，要不在參禪問道，入山鍊形，貴在乎忠孝立本，方寸淨明。四美俱備，神漸通靈，不用脩鍊，自然道成，信斯言也。直至淨明。

淨明大道說

胡化俗述

淨明者，無形大道，先天之宗本也。在上爲無上清虛，在天爲中黃八極，在人爲丹元絳宮。此三者同出而異名，同謂之玄，玄之又玄，衆妙之門。明此理者，淨明也。清則淨，虛而明，無上清虛之境，謂之淨明。中黃八極天心也，丹元絳宮人心也。故天立中黃八極而報無上之本，人當忠孝而答君親之恩。忠孝，大道之本也。是以君子務本，本立而道生。孝弟也者，其爲仁之本與。有不務本而脩鍊者，若太匠無材，縱巧何成？惟有大舜比干，

淨明道法說

胡化俗述

無極無形大道，道生一，一生兩儀，兩儀生四象，四象生八卦，曰中黃八極九宮也。道立其中黃，法布於八極。一陰一陽，一動一靜，相爲表裏者也。正道在於內，布法治其外。一正八治，天清地寧。釋曰：

無極清虛曰淨明，道在其中曰中黃。

法布八方爲八極，會四象，朝三天，曰三五飛步。正其內，治其外，曰正一斬邪。法子欲治其外，先正其內。欲正其內，先去其欲。無欲而心自正一，正心而道法備矣。

淨明法說 郭璞述

無極而太極，無極者淨明之謂也。經云：無名天地之始，有名萬物之母。故自太極判，兩儀立，人斯生，而人於天地間爲最秀，此所以並天地曰三才。然後天地以好生爲心，則人體天地心爲心。先天之世，人心與天地一，清靜而無爲。中天以來，無者不能，不顯於有，而淨明之教猶未甚泯也。後天之後，有爲者葛殊千致，與夫無名天地之始者異矣。太上推好生之德，憫人生之不齊，不得不彰其法則，垂慈立教。夫法者，律也。律不善以歸於善，律不仁以歸於仁，律不忠不孝而歸於忠孝。淨明者，太上授之於日月二君，二君授之於許太史，許太史復宣布而流傳之。凡吾法子，行積莫大，方遇至教，其當守律勿失，仰之如神明，畏之如雷霆，

奉而行之。回後天而先天，復有名而無名。殆猶日月晦而明，天地夜而旦，四時冬而春，道在其中。淨明之教，周流八荒。雖許太史道尊德貴，功蓋九州。而吾法子，功成行滿，洞隱玉真，備符淨明，無爲一也。

玉真立壇疏 郭璞撰

天靈地寶成，大道藏玉真，其生也無名，其出也有數。今就黃堂山，立壇奉道，祝國壽，報親恩，如是道在其中矣。師仙君立記銘，予具疏而成之。疏曰：

龍沙讖，仙八百，始自玉真。烏晶麗景三千，中藏靈寶。將周氣運，用立壇場。須教白水真人，大家從更。便看黃山處士，特地功成。籍桂名香，即日均書玉府，蟠桃性熟，他時共宴瓊宮。

淨明忠孝全書卷之二

淨明忠孝全書卷之三

淨明傳教法師黃元吉編集
嗣派弟子徐慧校正

玉真先生語錄內集

或問：古今之法門多矣，何以此教獨名淨明忠孝。

先生曰：別無他說。淨明只是正心誠意，忠孝只是扶植綱常。但世儒習聞此語爛熟了，多是忽略過去，此間却務真踐實履。

先生曰：大忠者，一物不欺。大孝者，一體皆愛。

先生曰：何謂淨，不染物。何謂明，不觸物。不染不觸，忠孝自得。

又曰：忠者，忠於君也。心君爲萬神之主宰，一念欺心，即不忠也。

先生曰：人子事其親，自謂能竭其力者，未也。須是一念之孝，能致父母心中印可，則天心亦印可矣。如此方可謂之孝道格天。

或問曰：去古日遠，文籍浩繁，末學之夫，莫知正略。今淨明教中，正心修身之學，真忠至孝之道，緊要處乞示一二語。

先生曰：某自初年修學以來，只是履踐三十字，年來受用，甚覺得力，今以奉告。所謂三十字者：懲忿窒慾，明理不昧，心天纖毫失度，即招黑暗之愆。霎頃邪言，必犯禁空之醜。

曰：敢問其詳。

先生曰：人之一性，本自光明，上與天通。但苦多生以來，漸染薰習，縱忿慾欲，曲昧道理，便不得爲人之道，則何以配天地而曰三才？所謂忿者，不只是恚怒嗔恨。但涉嫉妬，小狹褊淺，不能容物，以察察爲明，一些箇放不過之類，總屬忿也。若能深懲痛戒，開廣襟量，則嗔火自然不上炎。所謂欲者，不但是姪邪色欲。但涉溺愛眷戀，滯著事物之間，如心貪一物，綢繆意根，不肯放棄，總屬欲也。若能窒塞其源，源即是愛念初萌處。惺惺做人，則欲水自然不下流。雖是如此，其中却要

明理，明理只是不昧心天。心中有天者，理即是也。謂如人能敬愛父母，便是不昧此道理，不忘來處，知有本源。若頂天立地，戴髮舍齒做箇人，自幼至長，不知愛敬順事其父母者，非病風喪心而何？乃至不知有君，不知有師，兄弟不能友恭，交遊不尚信義等皆然。此外，但是固護己私，不顧道理而行事者，皆謂之昧心天。心天纔昧，恰如一面明鏡，無端却把許多埃墨塗污其上。凡此等累積，一生冥冥，罔覺自己本命元神，蒙在黑暗之鄉，所以一瞑目後，便墮幽關長夜，受苦萬狀，卒乍未有出期，哀哉。靜觀世人，有縱忿者，焚和自傷。有縱欲者，沉墜己靈。曲昧道理者，元神日衰，福德日銷，只是他自不覺。若能翻然醒覺，截日改過者，懲忿則心火下降，窒欲則腎水上升，明理不昧心天，則元神日壯，福德日增。水上火下，精神既濟，中有真土，爲之主宰。真土者即是明黃中之理。只此便是正心修身之學，真忠至孝之道。修持久久，復其本淨元明之性，道在是矣。後二

十字，乃王屋山石鼓天戒，即是此間日用中密行工夫。且如行事，但是一毫一髮不合法度處，自己本命元神，已是暗損却光明了。日積月累，不知改悔，全體歸陰矣。又談話間，須是語覺無傷方出口，但有一言半句不合道理的。又有一種人愛說薄福話的，恣意說出來，無所忌憚，不知虛空却有神明聽著。所謂禁空之醜者，即《度人經》中飛天大醜魔王是也。其類甚衆，上帝委任助佐三官，檢察過惡，常時飛行虛空，鑒觀下界，邪言一出，冒犯其禁。此

只是天高聽畢之言，但人聞者，往往以爲常談而忽之耳。彼纔動念之頃，言者福德自銷。福德既銷，殃禍隨至。如上皆是感召而然。所以經云：自業所招，還自來受。由是觀之，凡人一言一行，可不謹哉。而況有志於道之士乎。

先生曰：大凡世人，被些子嗔火欲水，及與私意，潛伏在肚皮裏，不能降制者，是阻隔了前程萬千好事，可惜他不自覺。若能降制得下者，久久間真陰陽、真五行之妙，自當親見之，道

爲子得矣。

先生曰：淨明大教，大中至正之學也。可以通行天下後世而無弊。緊要處在不欺昧其心，不斲喪其生，謂之真忠至孝。事先奉親，公忠正直，作世間上品好人。旦旦尋思，要仰不愧於天，俯不愧於人，內不作於心。當事會之難，處處以明理之心處之，似庖丁解牛底妙手，處教十分當理著，步步要上合天心。只恁地做將去，夙興夜寐，存著忠孝一念在心者，人不知，天必知之也。亦莫妄想希求福報，日久歲深，自然如所願望。要識得此教門，不是蓬首垢面，滯寂沈空的所爲。所以古人道是：不須求絕俗，作名教罪人。又道是：欲修仙道，先修人道。每見世間，一種號爲學道之士，十二時中，使心用計，奸邪謬僻之不除，險詖傾側之猶在，任是滿口說出黃芽白雪，黑汞紅鉛，到底只成箇妄想去。所以千人萬人學，終無一二成，究竟何以云然？只是不曾先去整理心地故也。古人云：千虛不博一實。要知求仙學道，譬如

做一座好房屋相似。就地面上，先要淨除瓦礫，剪去荆榛，深築礫窠，方成基址。次第建立柱石，位置棟梁，蓋覆齊全，泥飾光淨，工夫圓滿，聳動觀瞻。若是荆榛不除，瓦礫不去，不平基址，不築礫窠，却要就上面立柱架梁，覆丸編壁，莫教一日風雨震凌，洪流漂蕩，欹側傾倒，枉費辛勤。又如江流中做一座石橋相似，先須推窮到底，腳踏實地，却就實地壘木疊石，大做根脚，砌到上頭，平鋪橋面，造屋遮覆，方保不朽根基，直得驚濤驟浪，衝激無由，怪雨顛風，搖撼不動，人人贊歎。非有他也，只是根深脚穩，所以牢固長久。若心地不好，根浮脚淺之士，何可望其有成。惟我都仙真君淨明道法，忠孝雷霆，心地上頓悟本淨元明，性天中力行真忠至孝，爲萬靈之主宰，作後學之範模，行己無虧，用心切到，功圓果滿，德貴道尊，拔宅飛騰，萬年不朽。俯視世間，有諸不崇內行，惟務外求者，不可同日語矣。何以故？人心皆具天理，終是未蒙相肯。前輩有云：待汝心正

道汝是，恁時方表無瑕疵。細細思惟，敦正孰邪，孰真孰僞，吾鞭不可妄得，勉之勉之。

先生曰：萬法皆空，一誠爲實。

先生曰：天立中黃八極，而報無上之本。正謂隔蔽中下界陰濁之氣，不令上衝清虛之境。人之一身，亦有中黃八極，亦是隔蔽下焦穢濁之氣，不令薰蒸心府，所謂隔膜者是也。其世間不忠不孝怨怒諸氣，上至天中黃八極，其氣返而爲水旱疾疫之災，各從氣頻感召，可以類推。禍福無門，唯人自召者，此也。惟有忠孝之氣，徑衝清虛之境，如矢中的，至於惡曜，亦爲之退舍。

先生曰：奉行道法，皆當平居暇日，存守正念，此即正心之學。正則道在其中，儻不正而用以驅邪，則是助桀爲虐，非徒無益，而又害之。

先生曰：世人積善屬陽，陽氣上浮，積惡屬陰，陰氣下墮。今天上星宿，即世人陽氣也。然三界有善有惡，雖爲天星，苟一念不正即屬陰，陰氣自

然復墮爲人，星殞爲石者，所墮之陰滓也。

或問：從古學道求仙，皆言修鍊二字，今淨明教中於此獨略，何耶？

先生曰：吾但聞都仙真君有云，淨明大教是正心修身之學，非區區世俗所謂修鍊精氣之說也。正心修身，是教世人整理性天心地工夫。若上古之世，民生太朴未散，何用整理？何用修鍊？語言動作無不合道。只緣後世衆生，多是詐詐姦姦，愈趨愈下，一動一作，便昧其心，冥冥罔覺，無所不至。間有慕道者，不就本元心地上用克己工夫，妄認修鍊精氣以爲無上真常之妙。所以太上患斯道之不明也，俯告日月帝君，流通此教。帝君復授之都仙真君，必欲後之學者，由真忠至孝復歸本淨元明之境。修鍊之妙，無以易此矣。正是復古之學。所以至胡天師，復申言之曰：貴在忠孝立本，方寸淨明，四美俱備，神漸通靈，不用修鍊，自然道成，信斯言也，直至淨明。要之，都仙真君與胡天師此言不信，何言

可信？世俗於克己工夫，多是忽略，別求修鍊方術。殊不知不整心地，只要飛騰，可謂却行而求前者也。今而斯道大明於世，有識之士能趣此教，可謂一日千里矣。大槩有能忠孝立本，方寸淨明者，自己心天與上天黃中道氣血脉貫通，此感彼應，異時與道合真，如水歸海矣。可不勉旃。

先生曰：天之有文，地之有理，人之有事，三才之道，古今不可誣也。淨明之道，不廢人事，但當正心處物，常應常靜也。

或問：教中有云，天立中黃八極，而報無上之本。八極正據穹霄何所？願聞。

先生曰：所謂報本而後還源是也。無上是道，中黃八極是理，由道而生理，明理以報本，是教中大意。都仙真君昔告我曰：中天九宮之中，黃中太一之景，名曰天心，又稱祖土，乃世間生化之所由，萬理之所都也。其實只是混沌開闢之後，積陽之氣上浮盤亘，其廣八十一萬里，是道理之主宰。

世人身心功過，被此光明之所洞照，纖芥圭黍所不能逃散。在人身中，謂之丹扃。所以曰人心皆具太極，一切善惡因果所不能逃，如影隨形者，蓋於上界實相關繫故也。所以學道者，必先窮理盡性，以至於命。明理之士，自己心天光明洞徹，自是不昧言行，自然不犯於理，絲毫礙理之事斷斷不肯爲，只爲心明故也，心明則知本性下落矣。既知本性，復造命源。當是時，污習悉除，陰滓普消，升入無上清虛之境、極道之墟，水火風災之所不及，方得名爲超出陰陽，易數生死之外。今吾法子，若不自躬行踐履上做起，只講尋常修鍊精氣之術，是謂不明理而學道，却行而求前，縱有小成，亦不能升入清虛之境。所以報盡復來，散入諸趣，可不懼哉。蓋是黃中一關，不曾過得。俗語云：於道理上過不去，何以故？未至天半，諸魔不肯保舉故也。所謂不肯保舉者，只是此人平時念念，愛作昧天理之事，行義不足以服鬼神，私心多，公心少，惡勝善，陰勝陽，終無大成氣

象。若以公忠正直仁孝廉明修學者，則可與道合真，上超種民之天，無不成就者矣。

先生曰：凡人家禍福，鮮不由其平日操修所感召，吾曾赴人家約爲供真，是晚將及門，遙望有黑覆其屋廬，至則供具已辦。吾告之曰：天真不歆子之供矣。其人驚問何故？吾曰：世間凶殃惡逆之氣，上衝于天，不能度中黃八極之境，復下爲人之殃。今子屋上有黑氣，必因感召而至。其人遂首陳，早起家中有闖牆之事，吾曰是矣。然橫逆非久當至，縱爲勉強作供，徒勞而已。因命徹供具，已而數日，果有意外之禍。所以曰和氣致祥，乖氣致沴，無非此感彼應。吾又曾見方冊中有一句云：多用恕心無烈禍，若萌姦巧有奇窮。亦不外是理。

先生曰：《道藏》經云，修學真常之道，玄功成就時，身所行事是十聖智，口所出言是太上旨，卷舒造化，移易陰陽，無施不可，豈小事哉。然則修學之事，一舉足頃，一出言間，不合道

理，不合天心，敢望至此地位乎？

先生曰：《道藏》諸經，無非教人捨惡歸善，棄邪順正。所以曰經者，徑也，是入道之徑路。每見世人，不肯力除惡習，克去私己，却於晨昏誦念不輟，此等聖賢不取，譬能言之猩猩也。我諸法子，要得此心如鏡之明，如水之淨，纖毫洞照，日以改過崇行爲第一義，積種種方便，去道不遠矣，勝如念千百卷經也。若不務修德而求道，前程難望有成。所以曰：德是道之基址，道是德之華實。靜心端坐，試目思之。

先生曰：吾初學淨明大道時，不甚誦道經，亦只是將舊記儒書在做工夫，謂如崇德尚行。每念到：戒慎乎其所以不賭，恐懼乎其所以不聞；言悖而出者，亦悖而入；貨悖而入者，亦悖而出。此等言語，發深信心，不敢須臾違背了。至於用心道妙，每到人有雞犬，放則知求之，有放心而不知求；及夜氣不足以存，則其違禽獸不遠處，便自然知耻。一時感激，不啻如湯火芒刺

之在身心。便思惟道是：我若悠悠上去，不了此道，未免做先覺之罪人，直是寢食不遑安處。後來庶幾有進矣，感格穹霄，得些樂處，靜而思之，實由當時知耻之力也。

先生曰：吾有三則古語，學者可以佩受。志節要高，毋習卑污，務圖近效。器量要大，毋局棼淺，不能容物。操履要正，毋殉己私，隨邪逐物。

先生曰：世間粗心學道之人，常說自己無有不是處。豈有此理。但是未嘗靜定思惟。若將細細比較他古人成就者，是爭多少階級。所以某常說，人不能自謙，何可望其有進。

先生曰：昔蘭公真君有云，孝至於天，日月爲之明；孝至於地，萬物爲之生；孝至於民，人道爲之成。大哉孝乎。世人但能以孝道二字，常蘊在方寸內，則言必忠信，行必篤敬，忿亦漸消，欲亦漸寡，過亦能改，善亦能遷。人道備矣，然後可以配天地，曰三才。若不能以孝道自牧者，俗語謂之不做人，又曰爲人不了。

或問：正心之學，審能行之足矣，奚用道法爲哉？

先生曰：此語中古之世則可行也。若去古既遠，人心澆漓，如魯論一書，先聖所言多未曾行，獨以子不語神藉口，其流弊至於無所忌憚、不知罪福、謗無因果者多矣。又以天理作門庭，人欲爲行徑，適足爲本教之累。人心受病既深，道法乃其針砭。所以古人道是：無口過易，無身過難，無身過易，無心過難。言之於口，人得而聞之。行之於身，人得而見之。思之於心，神得而知之。人之聰明，猶不可欺，況神之聰明乎。由是觀之，治人心過，非神不可，道法豈容廢哉。

先生曰：忠孝居百行之先，中黃爲大道之祕。凡我弟子，皆當修身慎行，然後推以濟物。不然，驅役鬼神，徒增罪戾耳。

先生曰：天下道理最大，此前朝賢相之言也。以愚見觀之，世間至甚靈驗，亦無如道理，以理由道生故也。順之則吉，背之則凶。每見曲昧道理

之人，或大言無當以尚氣，或陰險私邪以求勝，亦何所不極其至哉，人力莫之能敵矣。但造物者好生地，不放過他，縱被刑辟，難免鬼誅。豈造物者不仁邪？良由彼輩自作自受之耳。

或問：淨明法中，驅治尚殺伐否？

先生曰：大凡行法之士，未消得峻責鬼神，且要先淨除了自己胸腹間幾種魑魅魍魎，則外邪自然息滅矣。所謂魑魅魍魎者，只是十二時中貪財好色，邪僻姦狡，胡思亂量的念頭便是也。勦除此祟，先要勇猛決烈。無上之道，因此成就，況行法哉。所以道是：能治內祟，方可降伏外邪。若是不能清蕩內祟的人，縱有些來小去靈驗，天心終是未印可。更思異時身謝之後，却有執對的事來也。

或問：淨除邪念，有何法度？

先生曰：這箇却在念頭幾微上工夫。如何是幾微？譬如惡木萌蘗，初生時便要根剷却。若待它成長起來，枝葉延蔓，除之較難了。《易》曰：

履霜，堅冰至。言履霜之初，要防備後地有堅冰陰氣轉盛時。所以又曰：君子見幾，而作不俟終日。

先生曰：此教法大槩，只是學爲人之道。淨明忠孝，人人分內有也，但要人自肯承當。入此教者，或仕宦，或隱遯，無往不可。所貴忠君孝親，奉先淑後。至於夏葛冬裘，渴飲飢食，與世人略無少異，只就方寸中用些整治工夫。非比世俗所謂修行，殊形異服，廢絕人事，沒溺空無。所以此學，不至潔身亂倫，害義傷教。

或問：道法舊用奏申文字，今只上家書，無乃太簡乎？

先生曰：古者忠臣孝子，只是一念精誠，感而遂通。近代行法之士，多不修己以求感動，只靠燒化文字，所以往往不應。蓋惟德動天，無遠弗届。今此大教之行學者，真箇平日能懲忿窒欲，不昧心天，則一旦有求於天，舉念便是。若平時恣忿縱欲，違天背理，一旦有求，便寫奏申之詞，百十紙燒化，也濟不得事。異時法子，行持精熟

時，但是默奏，自有感通。家書不須亦可。自迄今以來，仙家化人，多尚經章符呪之屬。今淨明大教之興，劈初頭便是壇記壇銘，道說法說，高文大論，總名淨明忠孝之書。每用儒家文字開化，何邪？此是教法變通處。經章符呪開化亦久矣，儒家往往視爲虛無荒唐之論。今此都仙真君，以實理正學更新教法，緣仙材法器，貴得明理之士，相與拯世度生，仰贊化育，所以示此也。

淨明忠孝全書卷之三

淨明忠孝全書卷之四

淨明傳教法師黃元吉編集

嗣派弟子徐慧校正

玉真先生語錄外集

先生曰：入吾忠孝大道之門者，皆當祝國壽報親恩爲第一事。次願雨暘順序，年穀豐登，普天率土，咸慶昇平。

先生曰：龍沙記，都仙言之千年之前，具載豫章職方乘，流傳至今，三尺童子莫不知之，非駕空無根之論也。龍沙自至元壬午生洲，綿亘豫章江心，非荒唐無驗之說也。本淨元明，心學之妙，課忠責孝。大教之典，不離日用常行之道，非幻譎怪誕之術也。真是千載一時不可逢之嘉會，學者勉乎哉。或問：都仙真君化生之事，可得聞乎？

先生曰：都仙於開闢之後，實稟太陽餘氣而生，猶木星之有紫炁。其三生之前，降神母胎，所以母夫人夢吞

赤鳥之精而孕，後世誤傳金鳳銜珠也。生而不凡，長而學道，內鍊已成，陽數告終，是名曰死。及再現世間，則不假父母遺體矣。積修至道，內鍊益明，又復蛻形者，示民有終也。暨三生出現，則正當吳赤鳥二年，建元改號，有開必先，仙身住世，內鍊轉轉明淨，及上昇之後，在天爲星，所謂本體圓明，形而上者。又曰：傳說騎箕尾者，即此之義也。

或問曰：昨承師教，以都仙真君三生出現，不假父母遺體，審如此，緣何又有仙眷？

先生曰：都仙三生出現時，內鍊已成，不比凡夫中陰之身投胎。中陰投胎者，全假父母精血而成。仙身托胎者，純陽之體，聚成形，散成炁，借寓而已，所以不同常人假父母遺體也。出胎之後，依然冠婚仕宦。蓋借此示現，以明人倫，以行忠孝。所以有父母妻子之屬，孝廉之舉，縣令之除，仙身示現凡身，焉得而無眷聚哉。

或問：都仙真君拔宅飛昇之事，

有之乎？

先生曰：非謂血肉之軀，厨宅雞犬，高入九霄也。蓋得道之士，鍊之又鍊，內鍊既精，陰滓消盡，通體純陽，聚則成形，散則成氣，飄然上征，輕清者歸于天，無可疑者。若論厨宅雞犬，則主人道果既圓，自有神物挾之而去，止在海外諸洲島間耳。

先生曰：雷霆者，陰陽二氣耳，却有善惡二神主之。陽氣爲雷，陰氣爲霆。雷有聲，霆無聲。雷性善，霆性惡。雷好生，霆主殺。凡令陰霆擊物者，非必一一出於上帝諄諄然命之也。蓋世間惡類不善之氣，自然感召。如人之不忠不孝，物之蠹害元氣者，肅殺之機，不能容隱。其陰氣既降，渣滓不能復升者，在地成形，謂之雷斧者是也。蓋陽雷之動，專主發生啓蟄，陰霆之動，專主傷殺焚擊，亦各從其類耳。所以霆擊之所，雷必給水，愈人之疾，亦是神物將功補過，不失好生之德。凡霆擊物，本處不覺，而遠聞霹靂一聲，乃是陽雷攝上陰霆之氣，緣此二氣

不可須臾離故耳。如鍊靈砂，其硫黃稟太陽餘氣，水銀稟太陰餘氣，二物凝結而成，凡鼎之爆裂者，實硫黃爲之也。硫黃一動，水銀即隨之，亦陰從陽之義，與陽雷攝陰霆之意等耳。

或問曰：先儒言雷霆，只是陰陽二氣凝聚，奮擊而然，言亦不及雷車、石斧之屬。何以道教中却有雷神姓名，服色不一，果有之耶？果無之耶？願釋其疑。

先生曰：皆是也。吾聞大道之全，有渾然，有粲然。今夫雷霆，一陰一陽，其原實出先天之道，所謂渾然者是也。朱子有云：未發之前，氣不用事。若誅擊世間不孝惡物之類，則實有雷神奉行，所謂粲然者是也。若帝武乙，慢天獵河謂之間，而遭震死，則見之史矣。今天動威，必彰周公之德，則見經矣。渾然者，先天之道。粲然者，後天之氣。譬如王命征討不庭，穆清所出，此乃氣才用事之時。祇是綸音，初未見行陣之類，比似渾然之道一般。綸音纔發出去，則將帥、旌旗、士馬、戈甲，頗臨彼境矣，非粲然乎。又如發蟄

行春，驅龍降雨，推此亦可知大概。真儒抱先天之學，只認著渾然之道，談多不及後天之詳。非不知也，特不言耳。後天法家，只認著雷霆天將之屬，無非粲然之氣，有時開佗，雷霆起處，多是漫不加省，箇中惟有曾踏上頭，關的親見過來也。先天後天，渾然粲然，無有不是。又曰：乾爲天，降而爲露。坤爲地，升而爲霧。一升一降爲甘露。艮爲山，山藏雲。震爲雷，震動發生萬物。巽爲風，風生巽位。離爲火，故有雷。坎屬水，出霆而行殺伐。兌爲澤，金生水，兩部屬之。

或問：陰陽二氣化形之理？

先生曰：陰搏陽激，發而爲雷。陰凝陽流，走而爲電。陰弱陽盛，起而爲風。陰盛陽弱，聚而爲雲。陰陽升降，蒸而爲雨。陰陽舒和，降而爲雪。陰否陽潰，飛而爲霜。陰散陽泰，布而爲露。升降不能，化而爲霧。陰陽不暢，結而爲雹。淫水爲霓，淫火爲魃。或問：世間有一種不務德行之士，行道法則符將顯驗，此理如何？

先生曰：此輩是宿生曾於道教香火中積累功緣來，故今生受此報答。雖然，若更能崇行而知道，方謂之不朽功能。若不理道德，則不過一期適意耳。異時身後冥冥中，事緒亦不少矣。

或問：淨明法中符命，何其簡而又簡也？

先生曰：符者，契合之義。先天符命，下筆多尚輕清，又不須執泥篆文糾結者方謂之符，此中作用契合於道便謂之符。所以符同，不過直書四字而已。用至圓象時，所謂元炁歸根，神力最重。凡所到處，陽道勝陰，如日消冰。所撻者摧，所觸者破，視生意露在芒端者有間矣。

或問：周程朱張諸儒，先著書立言，多是力闢虛无寂滅之教，何邪？

先生曰：彼皆天人也，皆自仙佛中來，以公心爲道，故生於儒中救世偏弊耳。大概三家之學，皆是化人歸善，世間皆闕不得。但二氏之教若過盛，則於綱常之教未免有所傷。如乘舟之偏重，則須移身而正之，舟平始可，行

道亦猶是也。又二氏真人真僧，則皆是人欲淨盡，純然天性。奈何如此者少，末流之弊每多。真儒於是乎出以實理正學，而振飾之。既振飾已，儻然而逝，復歸天人境中矣。

又問：何以見得是天人？

曰：但看他剖析太極之妙處，便是學有所得的人，非天人而何？若道諸先儒，就裏無自得之妙，周子如何作出太極圖與《通書》？程子如何註《易》？恁地合道？至如邵子《皇極經世書》，全是百原深山中靜坐工夫發現出來。晦庵南軒之註《四書》，皆是退有所據的人。象山若無所得，如何做得一代宗師？臨終祈雪一事，尤爲奇特。若是杜撰漢，如何服得天下後世人心？要知真儒都是戒慎恐懼中做將出來，親見道體後說出話來，真是俯仰無愧。

據？

又問：今說諸儒是天人，有何所

曰：謹按蜀本青元真人所註《度人經》云：三界之上，四種民天，多是歷代聖君賢臣居之，如羲文周孔之徒

是也。浩劫交周，鴻濛開闢，此諸天人降生人間，開物成務以教民，庶爲民之種，故稱種民。舊見《林侍宸傳》，一日入朝，見元祐姦黨碑，司馬光、程頤等諸名賢姓名皆在上。林公向之稽首，上怪，問卿何故作禮？林曰：時相輩捐爲奸黨，臣等見之多是星宿之名。又如康節臨終時言，吾夢旌旗鶴鴈，導吾行萬山中，吾神逝矣。晦庵亦自是武夷洞天神仙，出來扶儒教一遍，晚節盤桓山中，文墨可見。紫清白玉蟾亦甚加敬，贊其遺像有云：皇極墜地，公歸于天，武夷松竹，落日鳴蟬。又云：兩楹之夢既往，一唯之妙不傳。晦庵亦曾註《周易參同契》，來多與鐵柱宮道士傅雲庵談道，有詩贈云：到處逢人說傅顛，相看知是幾生前，直携北斗傾天漢，去作龍宮第二仙。至今手澤遺像留本宮種德堂。然諸先儒語言文字中，止塞抑遏之辭，隱然是世道之福，一教之福。時人不覺，爾靜思方見得這道理出。

又問：世間止存儒教，可乎？

曰：是何言歟？若二氏之教可滅，則天滅之久矣，何至今日？後之學者，凡見先儒言語文字，要體認得大意，是振飾世教，不必膠柱鼓瑟，泥其文辭可也。且宜泯默自修爲是。間有未量己之德行，望見先儒言語，於是極口舐排，何如貼身且看自己生平，於事先奉親分上，無欠缺否？能自拔於利欲之中，實如古人冰蘖自處否？能不愧暗室屋漏否？若踐履事事是得先儒了，又須念周程張朱輩，皆是再來的人，皆是有福的人。我未能然，不可更添言語也。大凡人自己本來福積不厚，肆口又無忌憚，愈見薄福去。要見薄福的證驗，平生數奇多忤，不如意事十常八九處便是也。福薄後業愈重矣，業重則再出頭來，面目又別了。大概仙佛自是累劫修積大福大德之人，於救世護生不可謂之無功，未庸輕議之也。其實世間聰明之士，無惜自修，其本進進不已，到得聖賢地位時，點頭一笑，方知吾言之不妄。

先生曰：釋氏警策有云，父母不

供甘旨，六親固已棄離。不能安國治邦，家業頓捐繼嗣。如此看來，出家之士甚有濟河焚舟氣象矣。當作如是思惟，退步則其舟已焚，進前自應努力。所謂努力者，精持戒行，一心在道。或勤勞材幹，香火功緣，他時自然有好收因結果。若不能思惟策中四句，猶且耽酒嗜肉，好色貪財，與下俗無少異，熙熙度日，悠悠一生，不覺不知，尖檐兩頭脫也。何況不耕而食，不蠶而衣，日受人天供養，全無慚愧，不知補報。却是樂中受了，苦中還佗，惡境臨身，悔之何及。細細思之。

或問：祈禱亦有卒無感應者，何耶？

先生曰：雨陽關係天地間生意，至誠求請烏得不應。若平日操修涵養不能上合天心，一旦欲求其應，不亦難乎？人事盡時，天理自見。

或問：諸家鍊度，動是百十道符，完形續體。今淨明只是鍊度一符，無乃太簡乎？

先生曰：至道不煩，只是以善化

惡，以陽制陰，收萬歸三，收三歸一，鍊消陰滓，身淨自然化生。每見後天之法，不曾究竟得一箇大本領，搬出許多枝梢花葉，徒爲已墮之魂，重添許多妄想。淨明先天之學，只要了得核中有箇仁，仁中有一點生意，藏之土中，春氣纔動，根生幹長，都出自然，豈曾見天公親刻枝葉也哉。又曰：夜靜則陰靈易達，日陽則地祇難通。事關幽冥，須用靜夜。

又問：教中鍊度之法，簡切之妙，既聞命矣。但一暘之義，可得聞乎？

曰：混沌之初，譬如一滿甕中，純是濁水相似。澄湛既久，輕清上浮，重濁下沉，天地分矣。上下纔分，便有一點真陽生於其中，名之爲日者是也。據某看來，自古及今，天地之中只是一點陽光爲之主宰，足以鎮世。所謂陰者，不是別有一物，只是陽之影耳。所以道是陰從陽，又道是陰陽不須與離。經云：太陽真精，爲萬物祖。又云：月本無光，望如黑鑑，日滉水光，映以爲明。又經云：月待日明。亦是此義。

也。又云：九陽之精為日，十陰之精為月，日月之精，和合為星辰。以此觀之，星月皆受日之光，見得天地間分明，只是一點陽光為萬物主宰。但舉一陽二字，則星月之光皆在其中。若說三光，則涉支離分散。若舉一陽，則是歸併底說話。木本水源，歸根復命。元氣聚一，豈不妙哉。

又問：何不只寫陰陽之陽字，今寫日傍陽字，是取何義？

曰：按韻註，陽是日出，又是日氣。蓋為一切幽亡魂類，當初眼光落地時，全體歸陰。所以曰幽關，又曰長夜，受諸苦惱，不睹光明。故今而受鍊者，仰承陽光照射，譬如更闌昏黑，忽睹海角光生，萬物精神相照。又如積雨開霽，人情自然舒暢和悅。所謂日出者，此也。若頻頻受鍊者，積陽自生溫暖之氣，一如寒谷回春，雪消冰解，草木群品萌芽迸發，生意盎然矣。所謂日氣者此也，一陽鍊度其義如此。

或問：前云陰是陽之影，果爾陰中有主宰之神也無？

先生曰：陽有陽之至神，太陽上帝是也。陰有陰之至神，太陰皇君是也。烏得而無主宰聖人，尊陽貴陰，蓋以此義。

又曰：但是人身之影，亦有神道。書言人影益炬，可數至九。數九影之神，亦各有名。古者有相人影濃淡，知貴賤壽夭，有艾灸人影療病者。又如蠱蟻之類，皆射人影而肆毒者，烏得無神。

又問：兩曜中間，日烏月兔，是取何義？

曰：日體外陽而內陰，月質外陰而內陽。日中金烏實表陽中之陰，月中玉兔實表陰中之陽。所以曰坎離之精，互藏其宅。余昔面受都仙之旨，教令作鍊度火符，先於圓象中心著一墨點，水符，先於圓象中心著一朱點，正取水陰根陽、火陽根陰之義。所以經云：玄烏縞兔，交以天精。蓋表陰陽生生不窮之妙理也。

或問：淨明告斗之法，何為不設斗燈？何為符命絕少？

先生曰：汝知星斗之所出乎，太極一真之源也。由太極而生陰陽五行，天賦人受，謂之建順五常。經云：日月五星，謂之三光，其配屬者，謂之大魁七元，陽明貪狼，陰精巨門，即是日月，其餘五星，即屬五行。七曜大明，彰示萬方者，只是天地中間二五之精，却皆屬後天，返真還元，同歸太極，而歸無形，是為淨明大道，先天之宗本也。所以通真達靈，貴在得氣之先。今向淨明二曜，九氣之燈，焚符所告者。昔都仙真君有旨云：此名先天之斗，蓋指太極而言也。譬如尋流溯源，著衣舉領。先天之法，貴乎簡者，就發端處用工，故不疾而速，不行而至。雖然，若不知自己身中中黃太乙之妙，又焉能感動天心北極也哉。若只靠存想之繁，符篆之多，吾但見其神離氣散耳。一真之妙，竟復何在？以是觀之，若無本領之士，此法亦未易行也。

或問：都仙真君斬蛟之劍，可得聞乎？

先生曰：道劍也，智鏢慧鋒，實出

一氣。未發之先，寂然不動，所謂形而上者謂之道。既發之後，形而下者謂之器。如星殞於地而爲石，霆所擊處有遺斧，即陰氣之渣滓。今廬陵玄潭觀所藏之劍，非鐵非石，長不踰尺，寶智鏗慧鋒之渣滓也。

或問：世傳都仙真君役鬼工鑄鐵柱之說，有之乎？

先生曰：神道設教，普化下根，其實只是地之精華融結成形。其出現也，有應驗，有時節。當時都仙道果圓成，天地之氣無不應驗。此柱非假鎔鑄，自然出現，以鎮壓一境耳。如魏青龍年，張掖柳谷口水溢湧寶石者，爲晉世之開先。唐貞觀中，源州松昌鴻池谷中，忽湧五石青質白文者，昭李氏之靈祚也。

先生曰：參學之士，親書誓詞，投吾爲師，吾爲奏聞都仙，轉奏上天，普告三界，依法付度。不須申奏文字，醮謝不限定儀，不得舉債泛費。

淨明忠孝全書卷之四

淨明忠孝全書卷之五

淨明傳教法師黃元吉編集

嗣派弟子徐慧校正

玉真先生語錄別集

或問：太上未形口訣，群仙未著丹經以前，昆蟲草木皆知變化，若墮言詮，轉沒交涉。切聞教中有所謂淨明忠孝之書，毋乃支于說而費于辭乎？

先生曰：吾教中有大中至正之道、千聖不傳之祕、出於言語文字之外者，子亦嘗得聞乎？夫書之行也，乃權法也，非實法也。實法者，一而已矣。何謂一？太上之淨明，夫子之忠恕，瞿曇之大乘，同此一也。推而論之，帝嚳之執中，堯之允執厥中，舜之精一，禹之洪範，湯之聖敬日躋，文王之純亦不已，伊尹之一德，孟子之養氣，子思之中庸，皆此一也。立言雖殊，其道則一。聖人知道之不可言，而因言以顯道，知道之不可傳，而因心以契道。其

曰抱元守一，窮理盡性，明心見性，爲未忘心法者，言也。唯吾淨明大教，先聖後聖，以神合真，以心契道，不墮言詮，不落法塵。其所以流演密義，以言爲倡者，亦豈得己而爲之，政欲使學者，從博而約，從修而證，回後天而先天，復有名而無名，符淨明無爲一也。到此時，則聖人之權法，亦猶經者徑之義也。

先生曰：人心之動，因物有遷，當於物接之初，返觀以遏其源，所謂復也。凡物之理，動無不復，雷轟風動，興行萬變，終歸於寂，乃其本也。

先生曰：無極者，即太上所謂谷神，言其體也。太極者，即玄牝，蓋言其用也。谷虛而善應，神靈而無方，以至靈之物，藏至虛之所。能如是矣，則乾道變化，各正性命，此玄牝之所以爲天地根也。

先生曰：大道生我於無，置我於虛，確然一靈，根於太始。故視而可見者，色也。而求其所以見色者，不可得。聽而可聞者，聲也。而求其所以

聞聲者，不可得。夫人之耳目手足，皆形之於有，必藉其中無形者運之，猶虛空無形，以萬物之形爲形是也。惟無也，故能包萬有而無餘，以成大道之體。惟有也，故能顯一無之妙，用以成大道之功。

先生曰：道寓於物，混成無間，此常道也。道散於物，辯物制名，非常道也。無極而太極，太極而兩儀，兩儀而五行，自無而之有，一本萬殊也。五行一陰陽，陰陽一太極，太極本無極，自有而之無，萬殊一本也。唯反身而誠，復歸於一，則萬物皆備於我矣。

先生曰：淨明先天大道，原於一炁。一炁運行，晝夜不息，周流升降，物資以始，此形而上者，天也。大塊流形，盤礴厚載，洪纖高下，物資以生，此形而下者，地也。道立其中，黃，法布於八極，一正八治，天清地寧，此中立於兩間者，人也。天地萬化，人民品物，自生自化，自存自亡，昭然一理，孰爲主宰。向非淨明以忠孝立教，扶植綱常，則彝倫斁而生理息矣。雖然，志學

之士大忠大孝，根於天性，安而行之，不勉而中，則我淨明之教，無一字可傳。迨乎時丁叔運，世鼓澆風，有爲者萬殊千致，故太上推好生之德，憫人生之不齊，不得不彰其法耳。都仙真君曰：上士以文立忠孝，以言爲天下倡。所謂文，所謂言，乃縛律也。使中人以下守此律，以不失爲君子，而中人以上，自是以上達也。果能如是，又當以斯道參贊化育，推以及人，故有祈晴禱雨，治病驅邪之法。凡法中一符一印，皆陰陽之靈文，天地神明之信也。體之則一字不立，用之則萬法皆通。凡我法子，臻精真之極者，當於未舉筆以先體究，一念纔動，便屬後天。蓋天人相與，靡間一息，至誠所感，如矢中的，所謂至誠一念未動以先是也。凡有投詞，當屏除衆務，澄湛一真，則行事之時，縱橫妙用，無所不通，符印云乎哉？所謂斂之方寸，太極在躬，施之萬事，妙用無窮也。

先生曰：都仙玉真教主先生，於宋紹興辛亥間，授經於何真公等。有

曰：下士呼符水，治藥餌，己人之一疾，救人之一病，謂之功，非功也，道家方便法門耳。吾之忠孝淨明者，以之爲相，舉天下之民躋於仁壽，措四海而歸於大平，使君上安而民自阜，萬物莫不自然。以之爲將，舉三軍之衆，而歸於不戰以屈人之兵，則吾之兵常勝之兵也。以吾之忠，教不忠之人盡變爲忠，以吾之孝，教不孝之人盡變爲孝，其功可勝計哉。

又曰：上士非必入山，絕人事，去妻、入閒曠、捨榮華，而謂之服鍊。當服鍊其心性。心明性達，孝悌不虧，與山澤之癯童者異矣。忠孝之道，非必長生，而長生之性存，死而不昧，列於仙班，謂之長生。有曰養炁延年者，特未得其一二耳。君子之致乎道者，八寶是也。比干死諫謂之忠，大舜終身謂之孝，善卷殺身謂之廉，南容復圭謂之慎；榮期安貧謂之寬，顏回簞瓢謂之裕，叔度洪量謂之容，公藝忍己謂之忍。如是之人，位列仙班。後世失道之人，不忠不孝，以亂其國家，國家

敗，無所容身，乃假名入山學道，是捨厦屋而入炎火也。子不見乎，民之不忠，天生聚斂之臣，子之不孝，婦產敗家之孫。又有曰：上士以文立忠孝，以言爲天下倡。中士以志立忠孝，以行爲天下先。下士以力致忠孝，以身爲衆人率。如此則淨明院注籍昇仙，而忠孝之道終矣。

先生曰：塊桴土鼓，汙尊壞飲，禮樂存焉。故有無聲之樂，無體之禮，樂之鐘磬，金聲而玉振之也。修齋設醮，必擊磬以格天神，鳴鐘以召地祇。始終調理，貴在和澹。和而躁心釋，淡而欲念平。如是則心正意誠，合乎無爲，故與天地一。今人未明此理，叩擊音聲，務求宏厲，惛埋心耳，令人欲動情勝，宜其天人間隔矣。又化財設供，不過表誠，貧士志誠，酌水亦可。所謂東鄰殺牛，不如西鄰之禴祭，故曰大音希聲，大禮必簡。

先生曰：科法中建齋行道，只是積誠，以期醮祭之時，天人響答。每見朝醮行事太煩，及至祭享，則齋主法衆

誠意已怠。修齋之士，可不審之。

先生曰：道不可名，所可名者物而已矣。道不可傳，所可傳者教而已矣。雖然，道在天下未嘗無名，未嘗無傳。道之有名，如殘朴以爲器，凡器之中，有形而上者存焉。道之有傳，如大鈞元氣行於四時，萬物各遂其生，凡物之生，有執其機者焉。吾淨明大教，推本太上，究其言詮，則精一執中之旨。正一斬邪，三五飛步，先天五雷，一陽鍊度，皆可名可傳之大者也。求道之方，雖不在是，亦不外是。

先生曰：今人無德有道，未戒先齋，可謂抱薪救火。

先生曰：性猶日也，身猶月也。星家以人所生之時，推日出之時爲立命，即我之性也。以月之所在爲安身，即我之身也。身命稟炁，自相依附，何也？日之所寓爲月，性之所寓爲身，人性之靈明知覺，非父母之靈，乃自性之靈也。其未生以前，精爽遊揚太空，去來無碍。纔出母胎，則此性欻然感附，而身命不相離者，亦猶月之生魄，必先

與日相會，謂之合璧，此欻然感附之時也。月本無光，附日以明。日之光明，即我性之靈明也。以日之遠近，爲月之盈虧。月之盈虧，即我之生死。

先生曰：天命流行，化育萬物，無非道也。日月星辰，昭布森列，無非經也。雷轟霆擊，霜清雪明，無非法也。細而幽林鳥噪，碧澗魚跳，雲片翕張，瀑聲嗚咽，如是景象，無非示人入處。故復卦以動之端，爲見天地之心處。

先生曰：上古之時，陰陽和暢，風雨順調，民物阜康，鬼神不擾，皆是太和之氣感召，亦大人過化存神之效也。

先生曰：忠孝者，臣子之良知良能，人人具此天理，非分外事也。若以爲有德於君父，而鈞名邀譽，是亦華士元、少正卯之流耳。

先生曰：處臣子最難之地，而能通乎權變，以成天下之大經，立天下之大本，大舜比干是也。故申生之待烹，以成其恭，非不孝者，而獨稱舜，不陷父於不慈也。微子之去殷以存宗祀，非不忠者，而獨稱比干，能全臣之大節

也。臣子之忠孝，而身不免乎戮，有幸與不幸也。大舜、申生、微子、比干，易地則皆然。

先生曰：物理之相感，有不疾而速，不行而至者，燧諸水火，穹壤匪遙，磁石引鍼，隔碍潛通，知法家之符印爲燧諸，而一己之靈爲真水火，則可與語道法矣。非惟物理爲然，人亦有之，其母鬻指，其子心動，此氣類之相感也。

或問：儒家是有爲之學，道家是無爲之學，儒家之用是範圍天地之內，道家之用是超越天地之外，此說可得聞與？

曰：子未知有爲之學，又安能知無爲之學哉。

或問：淨明大教，始於忠孝立本，中於去欲正心，終於真至淨明。然息心甚難，況日月之間，天理人心互爲雄長，爲之奈何？

曰：前念爲念，後念爲照。念起不著，淨心守一。但滅動心，不滅照心。但凝空心，不凝住心。湛然常寂，是名空心。止動歸止，是名照心。寂

照兩全，洞合道源。淨極明生，玄之又玄。

先生曰：寂然不動是無極，感而遂通是太極。無極者，淨明之謂三界上者也。然天黃大陽，即天界之無極，昊天上帝爲太極。地黃太陰，即地界之無極，后土氏爲太極。人黃丹扃，即人界之無極，盤古王爲太極。又萬物之中，各具太極，非知道之深，不可語此。

先生曰：喜怒哀樂不失於正，於道無傷，但須發之各有攸當，不致乖戾耳。

先生曰：雷祖者，神霄九宸之無極也。九宸者，雷霆之九炁。九司者，九宸之餘炁耳。

先生曰：今奉新縣浮雲山華林八百洞，政爲龍沙八百弟子而設，即八百群真之總會洞也。洞主乃太上老君，今稱李真人，又稱李八百。又云：日行八百里，壽至八百歲，其說皆非。自天地開闢以來即有此洞，以待後之列仙也。

先生曰：世傳《石函記》、《金鎖記》及《醉思仙歌》等類，皆非真君所作。真君之文，無非發明忠孝之道，學者審之。

先生曰：弟子授受之後，當秉孝誠，具列上世亡名，投師超度。或自行鍊法，是亦報本也。詳見一陽鍊度法中。

先生曰：吾淨明大教，示人以簡易之理，而人猶難之。甚矣，道之不明也。學道之士，當篤信心，萬一懷疑，便有窒碍。己且昏惑，何以明人？夫天與之而不能守，守之而不能行，是棄天也。自卑以求幸其言，自鬻以求售其學，是褻天也。棄天褻天，是謂背道。凡我法子，戒之慎之。

淨明忠孝全書卷之五

淨明忠孝全書卷之六

淨明法子玉隆陳天和編集

廬陵徐慧校正

中黃先生問答

或問：奉道之士，居處端莊，齋戒沐浴，以崇香火，可得謂之淨乎？

答：愚聞之師曰：淨不染物。如上所問，是謂外貌之淨。然就裏必索要淨，方謂之內外交養。大概無別說，只要除去欲念便是淨。就裏除去邪惡之念，外面便無不好的行。檢前輩云：通身要得無枝葉，先向根頭下一刀。其次要懲忿。據愚見觀之，忿亦只是欲，以其有意必固我，非欲而何？淘汰到無的田地，却是公心也。公能生明，所以曰欲淨則理明。但靜觀人，被一私纏繞的，則胸次之理頓昏矣。尚且對人爭辨曰，我是公心，殊不知衆心以為不公矣。只我自己道是公心，怎濟得

事？夫心如何肯印可？又有人雖自信是公心，行事往往發揚有過當處，言語有不節省處，俗語謂之無良，公道名稱便不中聽了，以其縱不貪利亦是貪名。又有是假公行私的，皆不合聖賢之道，不合天心。用得多了，積得久了，後地却有不美的招感上身來。何如遇事觸物時，平心定氣說出公道話來，則人心自然畏服，不肯為非矣。但涉忒做作處，便是不美。若能方便，以理化導，是省多少氣，亦且上合天心，無欲故淨，於此尤可信。學到此時，方得謂之能淨。

又問：遇事接物，必洞燭善惡邪正，是非曲直，可得謂之明乎？

答：愚聞之師曰，明不觸物，此言極有味。如前所問明矣，未極明也。若為己之學，洞燭此理，但行善的正的，是的直的，道子固是不差池了。若待他人之道，洞燭其惡的邪的，非的曲的，不隨他轉為是。此外，不宜發明太盡，惡訐為直是也。但當生

大慈憐憫的心，方便譬喻，引之歸於正道，不可則止，毋自辱焉。若忿嫉于頑，極口攻之，則是與之脩怨矣，何取其為明哉。先覺有言曰，聰明深察而近於死者，好譏議人者也。博辯大言而危其身者，好發人之惡者也。豈是明哲保身之道？似此固能洞燭眼前，而未能洞燭未來也。故曰聰明睿智，守之以愚。學到此時，方得謂之能明。

又問：生平未嘗仕宦，無致君澤民之事，雖有忠心，將何所施？

答曰：是何言歟？如此，則人人必仕宦而後用心於忠乎？師曰：人之忠也。大概仕宦之人，固當以致君澤民行事。不仕宦者，亦合念念在於不欺心、不昧理，緊要處先自不妄語，始能如前哲所言，方免為不忠之人。為學至此，方謂之能忠。

又問：事親之禮，冬溫夏清，昏定晨省，口體之養，無不盡心，可得謂之孝乎？

答曰：此是孝道中一事耳，當知有就裏的孝道，不可不行持。大概吾身是父母遺體，但向行住坐卧十二時中，善自崇護，不獲罪於五藏，方可謂之至孝。有一種人心，不尋思公忠正直、仁孝廉明的所為，每朝每日，念念憂奸邪刁譎、澆薄險惡、千鬼萬怪，惟務坑陷虧負他人，這是獲罪於心藏。蓋是邪穢奸狡之念，自洩靈臺多矣。若能醒覺，急忙盪滌，與之更始可也。又有立心雖稍良善，卻不肯講究衛生之道，飲酒無算，廣殺物命，滋味求奇，不知節約，遂致病生，這是獲罪於脾藏。又有色欲偏重，亡精滅神，至於殞軀，這是獲罪於腎藏。又有立心雖然公正，情欲亦自澹泊，然而嗔念獨重，動不動是使血氣，多不中節，甚至一朝之忿，忘其身教。《藏》有云：嗔怒無節，令人心昏目亂。醫書云：盛怒傷肝，謂肺主氣，使肺金剋肝木，令肝不攝血，疾病生焉。這是獲罪於肝肺二藏。大概恣忿、縱欲、昧

理，三者於五藏皆有所傷，而於本藏為尤甚。凡獲罪於五藏的人，皆是破裂元氣，作撻身己，不行孝道的所為。靜思父母全而生之，子全而歸之，言語有忝多矣。所以曰，不得罪於五藏，是名能孝。此外却要理會得收放，心存夜氣，方謂之反身而誠，樂莫大焉。即是窮取生身受氣初的工夫，脩學至此時，却是最上品的孝道。然不能養親，不能正心，不能惜身，但對人言我能窮取生身受氣初，便是孝道了，是謂不修人道而脩仙道，後地成就未可必，而先獲罪於所天矣。當知九霄之上，豈有不淨不明，不忠不孝的神仙也無？如上能淨能明、能忠能孝四事，學者努力進脩，得到這地步，又當知向上有真淨真明，真忠真孝，不可不知，不可不行。若能深明性地，不染一塵，動靜俱定，應酬無傷，是名真淨。澄湛心源，冰壺水月，映徹萬象，寤寐恒一，是名真明。不黍稷犧牲，惟不欺為用，小心翼翼昭祀上帝，是謂真

忠。珍畜元氣，深知天命，長養道胎，繼續正脉，是謂真孝。如上行持無忝，庶幾踐形惟肖，方謂之真人。敢問真人之義云何？

答曰：真者，一真無偽。人者，異於禽獸。淨明教中所謂真人者，非謂吐納按摩、休糧辟穀而成真也。只是懲忿窒欲，改過遷善，明理復性，配天地而為三極，無愧人道，謂之真人。

問曰：踐形惟肖，此不過儒家之說，是脩人道之工夫，至於脩仙道之要，是同是異？

答曰：吾當為詳言之。大凡人生天地間，恰如印下一箇模子相似。又如蓮房有子，中含藕根荷葉，具體而微。今夫人頭圓象天，天一也，乾陽之數奇，人皆一首。足方象地，地二也，坤陰之數偶，人皆雙足。須彌山為天地骨，人有脊梁骨象之。泥丸居頂，象大羅天宮，兩眼象日月，三焦象三界，五藏象五嶽，大小腸象江河，心有七竅象七星。中天北斗七星，是二氣五行之總會，賦予人身，

為健順五常之性。臍居下，表風輪水淵之境。小水出乎前，表水歸東南海。大腑居其後，表艷都牢門向北。按經云：艷都在下方癸地，處穢濁腥黑海中，所以人間獄門皆作圓扉。古人制獄者，蓋有所祖。又曰艷都之山，日月光所不照，人兩眼亦不及見其後。人身如此，可謂稟質陰陽，肖貌天地者矣，可不自重乎？姑以形軀言之。人當靜坐時，正其衣冠，不動聲色，首體端直，坐如矻石，則一身鎮靜，肖象乾坤，是有多少尊貴處。若輕浮躁動，偃仆欹側，動股搖身，坐不安席，是有多少寒賤處。是豈有志踐形惟肖者哉。形軀既能嚴整，行正坐正，睡卧亦端然。又當思惟一身之中，有無極之真，二五之精，妙合而凝，實不離乎中黃丹局也。能默悟此道而篤行之，即是能充其形矣。凡能如此為人者，云為中不昧本性，議論中皆有元氣。

問如何是不昧本性？

一舉一動作有義事。如何是皆有元氣？

口不忘大中至正之理。

問：亦有人不理前語者，如何？

法子讀書明理，聞見此語而不自重自愛者，可謂不紹家業，又謂之自外。造化却怎弄人。康節云：還知虛過死萬遍，恰似不曾生一般。然造化實未嘗相外，何以故？但看順理而行者，自有無量福德。背理而行者，自有無盡憂苦。由是觀之，立身穹壤間，父乾母坤，豈可不思踐形克肖也哉。

或問曰：孟子有云，不孝有三，無後為大。窒欲之義，願聞何如？

答曰：道書云，人生十六歲為春，十六歲為夏，十六歲為秋，十六歲為冬，通成六十四歲，以配六十四卦。當春夏之年，體春元夏亨之義。元者始也，元氣渾淪，宜善保護。亨者通也，元氣宣通，以淑其後。此蓋花開葉發，比人朱顏青鬢時也。然雖如此，切忌過分，庶幾免病矣。所以

前賢有云，少而寡慾顏常好，孝不求名語亦真。此兩句甚有味。又要理會得宜爾室家者，是名正欲。此外有犯，是名邪淫，又名非道行淫。儒家謂之踰禮越禁，冒犯憲章。仙佛書中謂之極重惡業，墮落輪迴。正慾者，只是嗣續人道，繼承胄系，作有義事。若犯邪淫，則是作無義事。認苦為樂，或疾病，或夭折，皆是不重遺體，於孝道有虧。且使神識日墮幽陰穢濁之境，而不自覺，良可哀憫。前輩曰：作有義事是明悟心，作無義事是狂亂心。明悟不昏者得人道之正，狂亂不改者殆非人類矣。若珍護元氣，至秋時宜漸收斂。《傳》曰：秋者，擎也。擎斂之象，草木黃落，比如人身鬚髮漸白。草木當此，乃歸根復命之時。元氣歸宿于根本，所以逢春生意勃然。至十六歲冬時，尤宜深藏秘固，如霜降水涸，河冰地凍，故謂之秋收冬藏。何

以人而不如物乎？大概古先聖賢，體天法道，與四時合其序，於宇宙

問：俯仰無愧。今之學者，自當依而行之，去道不遠。更有年華雖老，自漏不止，元氣不復歸根，遂至自己神識，隨流傾墮寒庭幽境，冥冥長夜，未見其有生意，良可惜也。

問：亦有人當夏秋之時，嗣續未立，則如之何？

曰：固有不獲已，於秋冬之時，方有嗣息，然亦貴自搏節，念念以景迫桑榆為懼，免致放肆而無忌憚。

問：四時後猶餘年歲，屬之春乎冬乎？

曰：道書云，卦數已滿，精神有限，惟安穀氣而生，但名者壽。六十五後，至于瞑目之際，無非窮冬臘盡之時。若此生中恣忿縱欲，曲昧道理，則精神魂魄意五者，皆歸于陰，受諸苦報，未能托胎更生人間。譬如無根之草木，雖以臘盡春回，而斬無生意。若此生中忿懲欲窒，天理不昧，則精神魂魄意五者，俱在陽光之中，生意盎然，身謝之後，隨其福業，或生天上，或生人間，恰如臘盡而春即回也。

或問曰：今有學者久別父母，求仕於千里之外，自以立身揚名顯親藉口，果可謂之孝乎？

答曰：唐陽城為國子司業，一旦引諸生告之曰：學者所以學為忠孝也，諸生有久不省親者乎？明日還養者二十輩。有三年不歸侍者，斥之。觀前輩此等教法，誠可為準的。由是觀之，但知仕宦不顧父母之養者，烏得謂之孝道。

或問：如何謂之三界保舉？

答曰：學者常以忠孝二字貼在額頭上，要念不妄動，身不妄為，言不妄發，律已須索嚴正，待人却合寬厚，所謂和而不同，和而不流。積日久久間，則上品中品下品的人，便自然心悅誠服。語言之間，不待思惟，說出來便相信了。詰其根源，只是就誠字上做出。世人三等既相信，天地鬼神亦相與矣，何患不成仙也。因告之曰，學道之士，若行得三十分工夫時，天心方印可，行法則法有靈驗，辨道則道有成就。第一要踐履

十分端正，第二要守道十分靜工，第三要臨事十分誠敬，無有不應。若無此三者，縱是參到天涯海角，見了無數宗師，只恐虛老歲月。又曰：胸中不可無明鏡一面，以其能洞照事理，云為不昧。又不可無利劍一張，以其見事能斷制，無復狐疑猶豫之情。又不可無官稱一枝，以其知輕識重，不差分毫。具此三物，方可保其學至聖賢神仙地位也。

或問：淨明之道，尚神奇變化否？

答曰：大道無名無形無情，所以曰平常心是道。又曰：萬般祥瑞不如無，平常安穩却合道。學者但當行持，能淨能明，能忠能孝，久久至於真淨真明，真忠真孝，感格霄穹，自有成就，成變化，行鬼神，雖舉意皆如然，而終不失正念，其道莫大焉。世俗所謂神怪之事，實非所尚也。

或問：罪福因果之事有之乎？

答曰：未須廣引仙經佛教，但以儒書言之。作善降之百祥，作不善降之百殃。積善之家必有餘慶，積不

善之家必有餘殃。言悖而出者亦悖而入，貨悖而入者亦悖而出。戒之戒之，出乎爾者反乎爾者也。即此便是罪福因果。所以先儒有云：天地間只是一箇此感彼應。又曰：逼塞虛空，無非此理，如此則感應之道昭昭矣。大凡人作善者，譬如下五穀種子，分明是春種秋收。作惡者，譬如彎弓入陣，決定有報箭來。但上品之士決不肯犯，中根之人喫拳後，方省記打拳時。愚暗者全然不省。

問：亦有作善作惡無報者乎？

曰：果熟然後蒂落，未熟時勿訝其不落也。前賢詩云：冬去冰須泮，春來草自生。請公觀此理，天道甚分明。

或問：許吳十二真君，向來修仙道，皆是出家高士否？

答曰：謹按仙傳云，都仙許真君，少時刻意為學，博通經史，不求聞達，鄉黨化其孝友，交游服其德義。郡舉孝廉不就，晉朝屢加禮命，乃以太

康元年起為蜀郡旌陽縣令。吳君仕吳為西安縣令，今分寧是也。天性至孝。陳君、周君皆世族儒生。甘君乃草澤布衣。施君初為鄉壯士，弓劍絕倫。彭君舉孝廉，仕晉累遷尚書左丞。盱君、鍾離君、鍾離君皆都仙姊妹之子。黃君實都仙之婿，任青州從事。如上皆坐家脩行之士也。此外惟有曾君、時君，從少為黃冠上士，然皆慕孝道之教而成真焉。由是觀之，道由心悟，玄由密證。得其傳者，初不拘在家出家，但有志節，無不成就。何況日月二君，元傳淨明忠孝之道，不必廢人倫，外名教，絕俗離群。而吾師玉真先生遇都仙，亦以在俗之身焉。學者無間道俗，勉之勉之。

或問：都仙真君既是太陽上帝化生，而於晉朝仕不顯融，止舉孝廉除縣令，何哉？

答曰：大凡得道至人，皆神靈變化，隱顯莫測，不以官職崇卑為拘也。所以葛稚川《神仙傳》云：老子乃天之

精魂，無世不出，如上三皇時為玄中法師，黃帝時為廣成子，周文王時為守藏史，武王時遷柱下史之類。又如梓潼帝君，生周宣王時，為大夫張仲孝友是也。又如玄天上帝，出現宋朝，為狄招討馬前，曾現示龜蛇之形，則化身為將軍矣。又如純陽真君生唐時，不過一進士，道成之後，自稱前生乃九天御史。蓋諸聖賢往往皆如藏教中所云，道果已成，迴入塵勞，退位度生。豈凡夫所能測度哉。

或問：玉真語錄所載鐵柱之事，云是地之精華涌出。何以今古相傳圖畫，明明作役使鬼神，用工下手之狀？亦必有所據。

答曰：世間此等事，說來煞有曲折，但須探造道妙，智周萬物，無所不通者，可與語此。按藏教中有云：譬如一種飲食現前，天人鬼畜四類，所見自是不同，謂各隨其福業故耳。天神見是酥醃妙饌，世人見是平日飲食，餓鬼享之為吞火食炭，禽獸食之則止充饑而無味。所以一切山林屋舍，舟

船車輦等，彼四類見之種種各別。又云：恒河中水，人見則分明是波浪，業重之鬼見之顛倒，以為煙焰矣。又舊記雷書有三種鬼囚，皆是凡夫所犯，歿後料揀罪狀，當入此數。一是輓運雨澤，謂運水逆升虛空，助龍行雨。二者撻汲溟波，俗謂之推潮鬼。三者伐薪煮泉，諸處湯泉是也。以人觀之，則云雨自天降，潮是海涌，湯泉是土地所出，那有許多事？而冥冥中所見如此。今夫鐵柱當湧出地時，都仙宴息真淨妙明境中，不過微作念耳。蓋成道護生時節，因緣應如是也。此即關尹子所謂道無鬼神，獨往獨來的境界。今此教中謂之深造真淨妙明之心學。若凡夫肉眼，當時自見有許多鬼工現前，鈴槌鑪鞴，靡所不有。若業龍蛟蜃之類，則當時自見有鐵柱鐵鎖制伏拘束，彌密牢固，畏懼退縮，略不敢動作矣。無他，只是有道之士，心境虛明微妙，所見自然輕清，無許多繁擾粗重。縱有所作，皆神動天隨，不過性海中一浮漚發

耳。若凡夫蛟蜃輩，業力濃厚，所見自然粗重惡濁，便有許多境界現前。所以上聖高真，往往指此輩為妄見妄聽之徒。如此則人間相傳，安得而不為圖畫哉。

淨明忠孝全書卷之六

（王育成點校）

051 靈劍子

經名：靈劍子。原題旌陽許真君述。一卷。底本出處：《正統道藏》洞玄部衆術類。

序第一

夫欲學道長生，服氣爲先。處俗求利名，名彰則利益，名成則利生，氣成則延齡。是君子之抱命，豈小人之矜智。及文武俱備，可爲佐國之忠臣。精氣雙全，乃是真仙之子。夫子稱予不知道本根由，乃問老子，方知道之是氣，形神不足，虛受辛勤。心願若偏，終無所得，心正則神調，神調則道氣足矣。

學問第二

凡守妙道，皆異形儀，非可造次求之，無不夙緣積德，盡有出世之相。或學問而舉動輕狂，或堅貞而一志淳直。

不以眉出長毫、眼瞳倒側、耳目赤白，異於面額。齒三十六至四十二，當腹黑子，舌里通長，手垂過膝，耳與項齊，脚掌文通至根，手文川字相離。或額有乾坤之文，或胸文吉字、容儀豐麗。或毀汗身衣，或在衆人之內，蘊潔固之心，跡渾塵泥，垢膩不洗，日月燈前而無影。常行德惠於人，食速糞遲，尿珠毛孔。口方而項峰如角，日月之狀，或如麒麟龍虎之角，玉枕通犀而稜利。如此之人，亦易成道。志士貞信不退，盡獲超升，皆出世之真人，亦乃功成而拔宅冲天。智量高深，輕財重法，不爾官班仙府，雖無神通變異，終懷德而崇深，只候陰德功成，盡皆得道之儔矣。如無此相，虛役迷心，縱能飲冰食栢之勤，終沉下鬼。余又尋諸子，實痛於心，若伸之悟人，不退志行，有此相者，則易成仙道，亦數世於道中有大利益。方志心慕道，深有希生之意，急於玄牝當修者，皆於道門廣行施惠，有此異相功成者，皆積世勤心，至此生而得度矣。今生樂道修生切者，是積修之慶也。

服氣第三

形之所依者，氣也。氣之所因者，形也。形氣因依而成身體，魂魄跬而往來，降注爲神，而生五藏焉。氣之爲母，血之爲子。血之爲母，精之爲子。精之爲母，神之爲子。神之爲母，形之爲子，未有無氣而自成形者也。氣因形有，乃魂魄偕之。神者，氣之母也。胎息者，想嬰兒而成焉，而號冲和，冲和則元和矣。出入呼吸之間，三元之內，毛髮之中，無不通透。皆了心君意，臣，調制節之。無爲事心，主安之。有慮有思，便失自然之理。心者，猛獐之猿火，巳午屬之。腎者，陰女之容儀，亥子窈窕之元根，故青龍白虎一飛一伏之能氣。日心之火爲雲津，月濕之水爲雲雨，相隨北坎，而行歸子亥腎海氣宮。向巳心之氣，上通泥丸宮，下補八屍百關，毛髮悉能應徹，故無礙元和理療千瘵萬病。心君發火，亘天地無有不焚，明然百穀五味，久行自漸稀之。初可三十六嚙，一乾一濕，存心中之氣，以意送之，歸臍下氣海之中，夾

之日月。左腎爲日，右腎爲月，此乃兩畔同昇合爲一。即先存思右腎爲月，白氣入氣海中，從脊右邊，上至頂泥丸宮，眉間入三寸是也。却存歷洞房宮；又歷明堂宮，守寸雙田下，歷十二重樓，歷絳宮，入氣海金室，日月照兩畔。又存左腎爲日，黃氣從脊左邊骨縫上，直入泥丸宮存，出歷洞房宮、明堂宮，守寸雙田下，歷十二重樓，歷絳宮，入氣海中心，日月左右照。又存白氣爲裏，黃氣爲表，團圓爲珠爾。外黃內白，懸在氣海之中，黃光燦爛，圓如彈丸，黃如橘，久久行之光門日月，此爲玄珠爾，玄牝子腎宮爾，珠則珠爾。亦曰兩物合成一體，一陰一陽而成，俱黃者爲表，黃表却白裏爾。赤水則血爾，玄珠若成，津血自盈。若欲知驗，苦酒和精露，一宿却還血爾。九年行之，筋骨變換，輕舉通神爲地仙。未可修大藥，先須氣成，憑氣補形精，大藥方始靈。初服氣之士，未可便思玄珠，但且三年淡食，未可便絕糧，色慾須頓絕，不爾，反夭身命。五更三十六嗽，

津氣相連，漸漸少食，所食淡食去鹽醋冷熱之物，日中飽餐，日暮少食，三年日暮行之，漸覺淡食有味，不可便頓絕糧，極有所損爾。如覺有味，不思俗味，則五藏堅實，如若五藏衰弱，以藥補充盛壯也，故淡食諸物有味也。如此後，可日漸減五味五穀，三日淡食粥、菜汁、胡麻葉莖、枸杞、黃精、棗之類，將助之，方可絕粒。亦當自飽無飢渴，忽聞穀氣蒸煮之氣觸修服，食之氣久久，亦自知自不欲食。經三日或七日，飢困，更以淡麵菓子餈飴放冷食之。如遇飢渴，想中心內氣，不以早晚，但依前法服之，當能代食能飽，一如餐物。了來如要餐物，亦得則可芋頭、薯藥、何首烏之類，茶少食，若入鹽，立便飢矣。五味爲五賊，又爲五毒，鹽、醋、水、豉、辛物。是時，以好酒及椒黃丸、糯米、生椒食之。糯能吁榮胃氣，椒能引氣歸下元，淡煮糟芋、冬瓜、薯藥、薤羹，亦得切須放冷食之。酒能助氣，酒糟作羹，盡能引元氣易成，酒後氣當易通。美酒不須多，及醉

吐則有所損矣。時復一盃，止飢代食，酒能濤蕩陰滓，得道之人無不好於酒也。酒能鍊真養氣，不須服人參湯，人參湯能開胃，故易飢也。茯苓、棗子甚益，瓜桃助氣，橘亦得不須，喫皮便飢也。大栗、桃子、雞頭蓮藕亦得菱，少食，冷能動氣。若經時，當精神聿壯，夜自不困，眼中神光時出如電，漸夜黑見物如此之兆，急守閉精髓，道欲成也，而有此矣。乃天發地應，爾不能急守，亂起奸姪，死之致也。神光魂神彰出時，則神欲離散於身形，神光去也，亦乃出之。故急守精閉室制伏，則是神光見，陽魂盛，陰滓欲盡之狀。如不能急守，徒忍飢絕味，非入神仙之格爾。如未能便斷嗜慾，則須房中將息節服之，則施而不泄不瀉，精髓一出，永爲涕瀉，如此則非上真之士，渾濁精漏之夫。房中之事，稍難擒制，皆返神退智。須假俗味，方度朝昏，肉麵助之，不爾，立沈下鬼。如房中得擒制之理，深達洞微，乃知究竟。及遇少女，採翫精氣，嚙而服之，可謂如虎戴角、

文武全備，此皆福德之人所行，而非常流之見矣。夫精失位，似海竭山崩，百瀆失緒，千域傾敗，莫能救治，百病俱臻，業鬼相親。再修難成，千中無一。如修前氣灰心絕，想百病不侵，瘟瘴疫毒莫能爲患。若腦中髓耗，瘟疫從頂而入。若腦實精充，鬼神莫能爲害。凡有諸疾早起，但調氣辟之，以氣通之，逼逐五藏六府，百關毛髮中出覺熱汗如膠，則是效矣。未退，依前調氣，存身上內外百神，嚙閉。或於帳中衣被裏伏，遂爲之服氣應。有是風、是氣、是瘴、是勞、是毒諸疾，皆用前法驅逐之，從筋骨髓中而出矣，千萬藥功皆不及矣。二百二病，是熱爲風，二百二病，是冷爲氣，悉能療之，故曰四百四病也。《黃庭經》云：仙人道士非有神，積精累氣結成真，非大藥能先成也。自古得道之人，竺乾風后，七元三老，皆從氣中而全真，非先大藥之能。諸得道神仙、聖賢、上士，初成道皆從氣也，別無徑路可超出三界之外。飛雲走霧，神變通靈，遨遊日月之上陽界

之中，觀行三島十洲水府陰山之境洞，跨鶴乘龍上魚皆浮龜行，蜂飯擲杯透壁種花飛符入柱，皆是氣之因依。而一日一夜，一萬三千五百通息出入氣腕，一萬七千氣一神一氣，皆能指用。是故氣成之後，變寒暄於呼吸之間，視六合於毫芒之內，海水用氣吹之可以逆流千里，皆從凡入神也。初服氣之士，靜去於鼻中毫，鼻中能通徹五藏六腑，出入氣息之溝也。微微鼻吸，清氣嚙之，口吐濁氣；微微出之。凡諸熱疾，大開口呵之爲瀉，不必六氣也。有疾冷，即吹以補之，則調理上焦之疾，往來微，自求安之道也。二段者，上元一段，從心中元並下元爲一段，號曰二段。上段理上焦諸疾用之，下段服氣心中之內氣。凡服氣調嚙用內氣，號曰內丹。心中意氣，存之綿綿，不得用上段外氣引，外風損人五藏，故曰兩段分理之者。不能分之兩段，玄珠赤水莫能知之。凡服氣，曾服者有師，則氣熟易行，不曾服者無師，則炁生難服之。久久能行之，犯了自訣之，亦乃自

知矣。

道海喻第四

道海者，如大海茫茫之闊，深溺不異風濤。如不曾自往，經遊涉歷嶮阻，憂危之內豈得知之？但聞衆庶惑之，而莫能採摘，求奇無過，自涉鯨波盡知爾。喻曾游幽青滑魏之州後，而更游則關津、渡鎮、鄉坊、觀院、道舍、靈壇、神廟、洞府，名山，皆能知之，直徑而行，必無阻滯，意往便往，得達彼中。謂曾游，諳知熟爾，故曰易也。服內氣之人，亦乃如然，不曾自涉經游者，意欲往之，豈得直到彼中，又無人指引，終乃辛勤能究問而求之，心堅不退，亦達彼處，則辛勤而遲矣。仙洞幽深，或退堅心宜之，信智迷而不曾游爾，不行徑路，故修奉之難矣。氣委若熟，放任撝謙賜福，或連年休絕，或一日三餐，或食或不食，或三日一餐，或時一日一粥，如斯飢渴，得之擒制，五藏安和則是氣成熟爾。草石等藥，及符水、紫芝、南燭、黃精、白荆、松脂、仄栢、茯苓、蒼朮、白朮、枸杞、何首烏、金櫻、雞

頭、蠟、膩粉、朱砂、乳香、皂角子、黑豆、白膠香，並宜服之。道氣雖然服藥，不服沖和之氣，開食休絕，腹腸枯竭，血脉乾焦，比望於長生自由，不如獨服元氣，開絕自在，見食而食，要休即休，可謂氣之成焉。氣若功成，筋骨和柔，百關調暢，胎津日盛，血脉壯強，手脚盤頂，上成物丸，隨意努氣，出如毬子。或純筋而無骨，精實血充，故如之爾，髮毛俱換。豈不聞《道德經》云：天下莫能知莫能行。至於夫子伯夷叔齊比干屈原之士，尚不能知之，若為庶俗縈迫，實難知之爾。痛哉，但縱貪奢色慾，及至衰敗，齒焦髮白，自相承老耄，甘散形魂，而埋荒跽土。又作嬰兒牛馬猪羊之屬，雞犬魚蟲之類，自苦形魂。其業力大者，身漂流浪，愛河冤業。力小者，身作蚊蛆之屬。大道之力，而不能及也，不知此理多也。豈知其道若大海，接應力成山川，魚龍虬蜃，皆能興雲布雨，猛勇驚人。故大道抱微貫細，若海幽深，莫能採覓。故《陰符經》謂之：天發殺機，萬物果草、

蟲魚、蚊蛆、螻蟻之屬，皆含道氣。道在其中，如魚在水，魚不知水之養其形，道在人中，如風之莫能見其形也。故《黃庭經》云：象龜引氣到靈根。此謂龜之得氣，長年不死矣。蛇冬藏含石而不食，乃石化為蛇黃，得氣之效。鳳鶴得氣之妙，游飛仙洞三島十洲，大仙乘跨，此乃鳳鶴得氣之妙。蟬含秋月光而成珠，獼猴學禪入定，白鹿善能伸舒關節，永壽九千年。唯人不知導引成仙矣。鼈冬服氣沙中，鱒魚跽於乾土之中，鯉魚食其水沫，鯉魚能化龍興雲布雨。人之處世，不修道法，於身外求生，豈得再獲人身？痛哉悲哉，故經曰：若存若亡。道存則成之，亡則失之，故知人失道者亡，魚失水者死。嗟吁，世人入山求道，如上樹求魚。遠涉而尋師，如旱天求雨。故《陰符經》云：三返晝夜用師萬倍矣。萬物能盜人，人能盜萬物，但虚心實腹，道炁自來，布德施功，甘澤時降矣。道之賊也，凡食五穀地之所生者，精氣是土，終久害人，人遭土埋。有食太和陰陽

氣之士，不食有限之物，永既在天厨。故天不能殺，地不能埋，我命在我，不在天地爾。故金母言：三關已定生死。何來道氣喻於蟾影？家家光彩潔明，至於拔宅冲天，人人盡懷道氣。津生滿口嚙而服，是為之瓊液，此乃仙人之糧矣。一年修之藏腑全，二年修之病身痊，三年修之血脉堅，四年修之筋骨遷，五年修之眼目皎然，六年修之命永延，七年修之骨髓如綿，八年修之作地仙，九年修之髮黑玄。九年修之後，時輕舉百十丈高，時往游諸名山洞府，無滯無礙，兵馬不能害，水火不能災，鬼神不能撓，龍自降虎自伏，神通自在，號曰真人。更修上昇之法，詠洞講玄，高奔陽界偃息，優游日月之上，號曰天仙。或管主仙洞，或掌領仙籍，或主張修道之士名歷，以次推遷，還如人間官職，各有主執。如不修上昇之法術，遁隱洞府，長作地仙矣，修習功果成焉。凡修學之人，須假陰鷲，助之三千，善功修滿，玉帝自然詔上玄都受職爾。若不修陰功，名不得上昇玄都，雖

錄修學道之名，且無陰鷲之簿，上命無功而不召遷。故修上法，陰鷲爲先，方度他人而自身功全。自古得道，皆復如然。道以信爲合，德以智爲先。吾道若海，謂之道海，不信不修，吾亦盡言。智淺德薄，勿輕泄傳，然及先祖譴累連延入，格之侶肘，步師前授，以金寶質，盟十天清齋，沐浴叩頭，拜受方始授焉。愚者，萃財千萬，收禦百般草石之藥，少有治病之能，且無延命之效。若學神仙，須憑氣術，存左牙爲金鐘，右牙爲玉磬，上下當門齒爲玉版。又爲天鼓，聚神啓奏，逕御表章，乞除灾厄禍崇，當動天鼓三十六通，飛符誅魅返禍除灾，皆動金鐘二十四通，施藥服食動於玉磬十二通矣。

暗銘註第五

學道養聖胎，長生久視之道，人人盡有。

希生之心亦，少學者也。聖胎者，胎息也。想嬰兒赤子，即長生不死之道也。存亡不存來。有信道氣之者，不惜身命，始堅學道之心，深采玄微，方知究竟，則存亡而不存來。學之道氣，通流以得，玄趣爲期，不畏亡而成之也。泥丸通百節，泥丸，眉間入三寸是也。中有路入，通頂後背脊，兼通達脚

骨中，入氣海，大小利門出，似醍醐之效也。丹闕脉三才。丹闕中宮，心所治丹者，赤色也。爲絳宮心君治之，管百城千國皆心君，血脉通焉。脉者，調攝和淨也。三才者三焦，上焦象天，中焦象人，下焦象地，法取，元和之氣也。去作三周計，不知

玄道是氣，罔測遠近寬進程途，亦恐不逢，堅志往游，且若探討學之周也。還時七日迴。探討得氣之術，妙不能己身，不在他人，故不用多時迴也。玄珠求海闊，玄珠前章已解，如海內求珠，向來曾求，則求無不得也。但思之能成若不曾求，即如海闊也。赤水路無媒。赤水者，血也。玄珠來得，津血不成，無媒路也。善惡懷中秀，長生之術，善修之則易到。惡者，不達之玄妙。修到氣海，懷生光彩，一如秀影也。尿阿兩畔催。唯思蕙白之氣於背脊，兩畔去來，催者急也。而成玄珠，前章釋也。其中無一物，氣在其中，元無一物。道氣已成，用心已到無心之境，行住合無爲之理，自然之鄉也。搔首坐瑶臺。首者頭也，搔者動也，去之貌也。瑶臺瓊室，則日月之宮也。此爲陽界三魂受事之府，人神所居之宮也。

松沙記第六

余自修道，方明氣術爲先，陰功爲首，頃獲靈劍，蕩妖精。蛇虺之毒，傷害於民，滋潭之上，鑄鐵纂以封虺穴，夜使鬼神鑄二鐵柱，暗鎖豫章一柱在

于南。又於西嶺，恐虺奔衝，陷溺庶民，立一柱在西山，東面雙嶺之前。斬大蛇於西平建昌之界，有子從腹而出，走投入海，遂飛神劍逐之，緣此蛇子無過，致神劍不誅。上足吳猛云：蛇子五百年後，當准前害於人民，但當以松壇爲記，松枝低覆於壇拂地，合當五百年矣。吾當自下觀之，若下傷害於民，吾之靈劍亦不能誅之。今來豫章之境，五陵之內，相次已去，前後有八百人，皆於此得道，而獲地仙。當此之時，自有後賢而降伏之。吳君云：將何物爲記？答曰：豫章大江中心，忽生沙洲，漸長延下，掩過沙市口，與龍沙相對，遮掩是也。是其道漸修之，各自成功，相次超升金闕。及爲洞府名山主者，道首人師當出豫章之地，大揚吾道。吾著《氣法醫言郡》五十卷，流傳於世，子請不憂爾。上足迴劍斬南湖石獸，飛劍入獸眼中，其獸雖吐氣如雲，祇引出其面受誅，獸不動眼，如此獸無過，劍不誅之。妝劍而迴。以此之功，故號靈劍子，而傳授後來得仙之

士。豫章河西城，尋獲魏夫人洪傳先生舊跡，入府內得金錢丹藥，亦重宣氣術陰功。學道之士，初廣布陰鷲，先行氣攻，持內丹長生久視之法，前章語畢，不勞重說。氣成之後，方修大藥矣。自十得道超昇之士，尸解之徒，皆以陰鷲爲先，濟貧拔難，或暗行施惠，將救飢寒，種種方便，以添三千功滿自然矣。司命，司錄言奏於上玄，大藥可修矣。

道誠第七

道以清淨爲本，德以陰鷲爲先，切斷嗜慾于足而成焉。絕穀味以爲實腹，腹實無滯而易行，則腹實矣。清虛心腹，是道之常。初修之人，目不視色慾，耳不聽哀聲，口不納珍味，鼻不取異香，身不染穢濁，是上真俱惡此也。謂之六根不漏矣，能如此依誠斷絕，則爲大仙矣。凡初學之士，勿便頓絕，但將淡食爲之。俗食俗務，兼廢人事，亦漸希之。恐人覺悟之人，乃動衆驚恐，常流禍來逼，身致太陰之下，白骨作堆，此則學道禍刑滅身也。佯顛佯狂，毀改衣裝，外從垢膩，此並渾世清蕩陰

滓，保惜於命，深了玄趣，洞達幽微，道氣成矣。欲傳後學，依格付之。出度一人，立減氣功一年。授一人更度一久，減功二年，二人不行此法。得此法不信，不修疑惑，師減氣功三年，三人得趣。道氣成功，傳此文理，增得靜紀。汎欲傳度，先觀前人行，行心有慈悲，口常談道德，孝敬中外，信義忠良，仁和禮善，卑遜德行，聰明英秀，異智高見，有此之功，方可傳授本訣，與之爲弟子。如不入此格付之，減壽奪功矣。更有慈悲愍念敬道之心，真人可同共之。此道授之，或未能修奉，但業俗務縈牽時，將此文於日月之下，星斗分明之時，香燈鮮果好花好酒供養，心祝曰：某自傳妙法，未能修奉，乞不減折本師氣功，皆託玄穹鑒察，則師不減氣功也。如不依此法告祝星辰，則當有不測之疾刑害身命。覺有此疾，藥力治療不退，還告上穹，了以道氣，依前調習驅逐，當見神功。不得用藥攻之，立沉幽府。唯道氣可憑信，至於鬼神，豈可憑焉。其如飢飽勞逸，寒暑濕

風，吐酒及醉房室，久行久立，久坐久卧，久聲久笑，久悲久樂，久喜久哭，並減氣功，諸子書並載，余不錄之。此書久隨仙駕，已在天宮，未傳於下世，因吳猛女彩鸞執吾沉海溺之籍，因中秋遊吾仙府舊宅之所睹，求恩十方，男女相把手唱詞調美，便入詞場爾，唱仙凡之語，聆聆又樂。忽睹文簫，詞華無滯，出語捷機，二人各有心相慕，詞中相接，有似宿緣，詞罷秉燭，引到仙居之地，夜之琴瑟和鳴。晨有仙童來呈文簿，而文簫問之，爲泄天機，上帝罰爲民妻一紀。恐文簫不修道氣，取此教之。簫修行一紀，道氣成而昇上玄都矣。

導引勢第八

凡欲胎息服氣，導引爲先，開舒筋骨，調理血脉，引氣臻圓，使氣存至極力後見焉。摩拭手脚，偃亞毬拳，伸展拏搦，任氣出旋，諸疾退散，是病能痊，五藏六腑，神氣通玄，來往自熟，道氣成焉。或存至泥丸頂髮，或下至脚板湧泉。久久修之，後知自然。魂魄聿

盛，精髓充堅。行此法者，皆作神仙。五藏有勢，逐時補元。春夏秋冬，以意通宣。老子學道，亦乃如然。豈悟衆聖，造次流傳。子書之內，盡著佳篇，今引諸勢，一十六端。

補肝藏三勢春用之

一勢。以兩手掩口，取熱汗及津液摩面，上下三五十遍。食後爲之，令人華潤。又以兩手摩拭面，使極熱，令人光澤不皺。行之三年，色如少女，兼明目，散諸故疾。從肝藏中出肩背，然引元和，補肝藏入下元。行導引之法，皆閉氣爲之。先使血脉通流，從徧身中出，百病皆痊。慎勿開口，舒氣爲之。用力之際，勿以外邪氣所入於藏腑中，返招禍害，慎護之。

二勢。平身正坐，兩手相叉，爭力爲之。治肝中風，掩項後，使面仰視之。使項與手爭力，去熱毒、肩疼痛、目視不明。積聚風氣，不散元和，心氣焚之，令出散。然調冲和之氣補肝，下氣海，添內珠爾。

三勢。以兩手相重，按脛拔去左

右，極力去腰間風毒之氣及胸膈，補肝兼能明目。

補脾藏一勢季春用之

四勢。左右射鵬，去胸脇及胸膈，結聚風氣脾藏，諸疾來去，用力爲之，閉口使內氣趁散之爾。

補心藏三勢夏用之

五勢。大坐斜身，用力偏敵如排山勢，極力去腰脊風冷，宣通五藏六腑，散脚氣，左右同，補心益智。

六勢。以一手按脛，一手向上，極力如托石，去兩脇間風毒，治心藏，通和血脉。左右同，閉氣爲之，十二月俱依此爾。第一勢後，便行此法。

七勢。常以兩手合掌，向前築去臂腕，淘心藏風勞，宣散關節。左右同，皆須依春法爾。

補脾藏一勢季夏用之

八勢。端身正坐，舒手指，直上反拘，三舉，前屈，去腰脊脚膝痺風，散膀胱氣。前後同，至六月十四日已後用之。

補肺藏三勢秋用之

九勢。以兩手抱頭項，宛轉迴旋俯仰，去脇胸筋背間風氣，肺藏諸疾宣通，項脉左右同，依正月法。

十勢。以兩手相叉於頭上，過去左右伸曳之，十徧，去關節中風氣，治肺藏諸疾。

十一勢。以兩手拳脚脛十餘徧，此是開胸膈，去脇中氣，治肺藏諸疾，並依正月閉氣爲之。仍叩齒三十六通應之。

補脾藏一勢季秋用之

十二勢。九月十二日已後用，補脾。以兩手相叉於頭上，與手爭力。左右同，治脾藏四肢，去脇下積滯風氣，使人能食，閉氣爲之。

補腎藏三勢冬用之

十三勢。以兩手相叉，一脚踏之，去腰脚拘急腎氣諸疾、冷痺脚手風毒氣膝中疼痛之疾。

十四勢。大坐伸手指，緩拘脚指，治脚痺諸風注氣、腎藏諸毒氣、遠行脚痛不安，並可常爲最妙矣。

十五勢。以一手托膝反折，一手

抱頭，前後左右爲之，去骨節間風，宣通血脉、膀胱、腎氣、腎藏諸疾。

補脾藏一勢季冬用之

十六勢。以兩手聳上，極力，三徧，去脾臟諸疾不安，依春法用之。

右已前一十六勢，並閉氣爲之則妙也。此導引後一千年中，有道首大揚道氣，於宮商角徵羽，唱閱後多士矣，共八百衆，於二鍊後四元內，相次飛昇矣。一鍊五百年，二鍊一千年。俗以十二年爲一周，道以十二年爲一紀，一元六十年，四元二百四十年，道爲世矣。

靈劍子

(王育成點校)

052 靈劍子引導子午記

許旌陽述

經名：靈劍子引導子午記。原題許旌陽述。一卷。底本出處：《正統道藏》洞玄部衆術類。

夜半子少陽之氣，生於陰分，紆伸轉掣。

《混元經》：戌亥子三時，陰氣生而人寐。既寐即氣滯於百節，養生家睡不厭縮，覺不厭伸轉掣，務令榮衛周流。

鼓腹淘氣。

《淘氣訣》：閉目仰面，停兩手於乳間，側立兩膝，舉腰背，鼓氣海中氣，使內外轉，呵而去之，不使耳聞，一九二九止。凡欲服氣，須淘轉呵出，獨令宿食消化，故氣出盡，然後始可調而服之。服氣人睡覺，口乾舌澀，

是五臟熱，即大開口，微呵數十遍，候喉中津液出，是熱退而五臟涼矣。

踴身令起，平身正坐，兩手叉項。後仰視舉首，左右招搖，使項與手爭。次以手攀脚，稍閉氣，取太衝之氣。

太衝二穴，在大指本節後二寸，骨罅間陷者是。

在挽如引弓狀，右挽亦如之。

《大洞真經·按摩篇》：又兩手乃度，以掩項後，仰面視上舉首，使項與手爭，為之三四。令人精和血通，風氣不入，能久行之無病。畢，又屈動身體，伸手四極，反張側掣，宣搖百關，為之各三。《華陀別傳》云：人身欲得勞動，但不當自極爾。體常動搖，穀氣得血脉流通。戶樞不蠹，流水不腐，形體亦然。真人導引，蓋取諸此。《元道經》云：元氣難積而易散，關節易閉而難通。故修生之士，以導引為先。

氣息平定，內視神宮。

眉間一寸為明堂，深三寸為洞房，上入三寸為上丹田泥丸宮，中丹田為

絳宮，下丹田為氣宮，各有神人，故曰神宮。

叩齒及牙，

先叩齒當門，小鳴。後叩大牙，大鳴。《真誥》云：叩齒所以警身中諸神，神不得散，則鬼氣不得侵。

捏目四眚。

《太上三關經》：常欲以手，按目近鼻之兩眚。閉氣為之，氣通即止，終而復始。常行之，眼能洞見。又云：導引畢，以手按目四眚，三九過，令見光明。是檢眼神之道，久為之，得見靈也。

摩手熨目，

用兩手掌側立，摩掌如火，有硫黃氣乃止，開目熨睛數次。

對修常居。

《內經》云：常以兩手，按眉後小穴中，二九。一年可夜書。亦可於人中密行之，勿語其狀。眉後小穴為上元，六合之府，主化眼生暈，和營精光，長珠徹瞳，保鍊目瞳，是真人坐起之上道，一名真人常居。真諺

云：子欲夜書，當修常居，真人所以能旁觀四達八遐照燭者，實常居之數明也。《紫微夫人誥》仰和天真，俯按山源。天真是兩眉之角，山源是鼻下人中也。兩眉之角是徹視之津梁，天真是引靈之上房。

灌溉中岳，

《消魔經》鼻欲得按其左右，唯令無數。令人氣平。所謂灌溉中岳，名書帝錄。

俯按山源，

紫微夫人云：俯按山源，是鼻下人中之本；側在鼻下小谷中也。楚莊公時，市長宋來子常洒掃一市，常歌曰：天庭發雙華，山源障陰邪。清晨按天馬，來詣太清家。真人無那隱，又以滅百邪，常歌此乞食，一市無人解其歌者。乞食公，西岳真人馮延壽也，周宣王時史官也。手為天馬，鼻為山源。每經危險之路，廟貌之間，心中有疑忌之意者，乃先反舌內向，咽津一二過畢，以左手第二第三指，撮兩鼻孔下人中之本，鼻中

隔孔之內際。鼻中隔之際曰山源，一名鬼井，一名神池一名魂臺。手按山源則鬼井閉門，手薄神池則邪根散分，手臨魂臺則玉真守關。於是感激靈根，天獸來衛，千精震伏，莫干我罔，此自然之理使然也。鼻下山源，是一身之武津、真邪之通府。守真者所以遏萬邪，在我運攝之耳。

營治城廓。

《消魔經》云：耳欲得數，按抑左右，令無數，使人聰徹。所謂營治城廓，名書皇籍。

擊探天鼓，

天鼓者，耳中聲也。以兩手心緊按耳門，以指擊其腦戶，常欲其聲壯盛，相續不散。一日三探，有益於下丹田。或聲散不續無壯盛者，即元氣不集，宜整之。

拭摩神庭。

《真誥》云：面者，神之庭。髮者，腦之華。心悲即面焦，腦減則髮素。《太素丹經》云：一面之上，常欲得

兩手摩拭之，使熱高下隨形，皆使極匝。令人面有光澤，皴斑不生。行之五年，色如少女。所謂山澤通氣，常盈不沒。又云：勤而行之，手不離面乃佳。

上朝三元，

《真誥》云：順手摩髮，如理櫛之狀，使髮不白。以兩手乘額上，謂之手朝三元，固腦堅髮之道也。頭四面，以手乘之，順髮就結，唯令多也。《黃庭經》云：一面之神宗泥丸，泥丸九真皆有房，方圓一寸處其中。

下摩生門。

《黃庭經》云：兩部水王對生門。生門者，臍也。閉內氣，鼓小腹，令滿，以手摩一周天。

山巔取水，

此在口訣。氣海與腎相連，屬壬癸水，性就下水，歸於海。不能獨升，必以陽配。陽既下臨，陰即上報。故化為雲霧，蒸為甘雨，潤澤枯槁，百骸九竅，無所不達。煙蘿子所謂：火逼水雲，濛濛五行，相運會成

功。啓玄子亦云：無出則不入，無降則無升。

海底覓火。

此在口訣。世人不蒙師授，多將心火為火。火屬神，且內中鑪鼎在心下，得心火為火，其火在鼎上。千經萬論言：火從下發，未聞火從上來。《周易》卦有水火既濟。是上水下火，火自臍下起，水在鼎中生，故曰上水下火。訣云：但從山頭取水，海底起火，重陽中取汞，重陰中取鉛，故行有路，取有時。世人竊用其道，不受口訣，反受其病。《通真子歌》云：解接無根木，能挑海底燈。古歌亦曰：還丹修煉本無形，元火烹來即漸成。須信神仙路咫尺，朗然飛步上青冥。

養虎咽氣，

此在口訣。陰真人云：若欲長生，當服內氣。《素問》云：聖人傳精，神服天氣，而通神明。天氣者，內氣也。《陰符經》云：天生天煞，食元和之氣。天不能煞，地不能埋，名之

曰真人。故修行之士，飢食元和之氣，渴飲華池之水，老子所謂實其腹者，此也。若未絕粒，人欲服氣，當須少食，務要腹中曠然虛淨，然亦無早晚，腹空則咽之。然而所以要口訣者，服氣須分內外，辨清濁，別咽喉。不分內外則吸邪氣，不辨清濁則無分兩，不別咽喉則不入胃脘。

偷龍咽津。

此在口訣。人之得體，始於北極元泉之下。元泉者，真一也。自丹田上朝舌下二竅，謂之神水、華池。咀嚼至濃，養生家名曰鍊精含虛。鼓漱攪成大藥，其數一周天，赤龍不能勝載，方為鉛汞重寶。內想神宮，微出氣作意咽之，直令喉中作聲，下入丹田中凝結，如雞子潔白狀。《紫河車歌》曰：左為日兮右為月，兩半同升合為一。出彼玉池入金室，大如彈丸黃如橘。中有佳味甘如蜜，子若得之慎勿失，審能修之仙道畢。《內景經》亦云：舌下玄膺生妃岸。又曰：玉池清水灌靈根，審能修之

命長存。《赤城長生記》人身上之津液，非漱咽則無以灌溉於五臟，發其光澤也。

離卦用九三，坎卦用六三。

太白真人云：五行顛倒術，龍從火裏出。五行不順行，虎向水中生。又曰：欲知顛倒術，相尅乃相生。又曰：欲知顛倒由離坎，須識浮沉定主賓。《草堂歌》曰：若欲學長生，先須筭五行。五行不顛倒，還丹不解成。會得五行顛倒，方知利中有害，害却成利。珞瑜子云：每見凶中有吉，吉乃先凶。《陰符經》所謂：天有五賊，見之者昌。且以天地萬物觀之，無有不顛倒者。然須識真五行，方解顛倒術。曹真人云：五行處處有，豈是真人惜。欲識五行真，一水還一石。鄭真人云：一陰一陽之謂道，一水一石之謂丹。又歌曰：為得鉛中金，兼得石中水。蓋水中出金，石中出液。所謂天地設位，而易行乎其中矣。日南午，太陰之氣，乘於餘陽，燕坐。

燕坐者，儒家所謂潛神，釋氏所謂坐禪。左玄真人云：夫欲修生，放捨外事，無令干心，然後安坐內觀於心，若覺一念起即除滅。其法，要於淨室，寬衣疊足，蟠坐閉目安穩，一切善惡都莫思量，則元氣自復，兀然而住矣。

調息，

太白真人授冲和子云：神廬者，鼻也。夫欲安元和之氣，先淨室中調，令氣微微然。小則生之門，大則死之路，故生死之機在此矣。啓之又不可，閉之又難為，但令微之。又微不得令奔而口吐。故《老子》云：綿綿若存，用之不勤。容成子吐故納新，察鼻之出入。內觀經云：元氣入鼻，灌泥丸也。《保神經》云：欲得延年壽，無過治髓門，髓門者，玄牝之門也。

心無外緣，

《黃庭經》云：臍下一寸，名曰下丹田。《劉真君歌》曰：欲得不死長在天，須將元氣守丹田。大抵心無外

緣，是真人初修道法。所謂收視反聽其法要，喘息不出於鼻內，思惟不離於身中。《老子》云：雖有榮觀，燕處超然。君子終日，行不離輜重，皆此義也。

以神馭氣。

尹真人曰：若神能馭氣，即鼻不失於息。真人以神為車，以氣為馬，終日行而不失。上至泥丸，下至命門，二境相通，可救老殘。若呼不得神宰，一息不全。若吸不得神宰，一息不全。若能息息之中，神氣相合，子母不相離，即當內結，求死不得。功成之後，男子關元無聚精，女子臍下不結嬰。若神氣各馳，情為慾牽，元氣下降，自不能制，遂有呖澮之憂。若息息之中，神氣相持，子母不離，雖有會合，常味於無味，乃於得術矣。西竺迦葉留形，馬明龍樹並得此，密傳於世。得聞此者，皆累世積福，於仙錄有緣，乃可遇之。古歌曰：若欲長生學伏心，莫觀他事去來今。但向定中神氣合，何憂不至

大仙林。
閉神廬以定火候，

《草衣子歌》曰：採鍊鉛汞在午前，一陰生即破其乾。所以修生之士，陽時則服氣，午後只閉息而已，所以鍊陰也。《赤城記》所謂：鍊氣者，閉息也。閉息千日，則五臟不交，六腑不傳，百脉不行，百關自湊，神氣自御，萬化自定。天地不能盜其體，陰陽不能衰其形。從一至十，從十至百，從百至千。閉息一百二十為小乘，閉息一千二百為中乘，閉息一萬二千為大乘。晝夜計一萬三千五百息，呼吸計五百四十動為一息，去仙不遠矣。其術湛然，無思澄心，燕坐昂頭，瞑目閉息。以右手第二指第三節，謂之生死門。受神之所，乃以數珠按之，心默數之。息急即右轉咽喉，不可令大急，急則微出外氣，復吸則止。此在口訣。

開生門而復嬰兒。

胎息者，抱一守中之法也。嬰兒在腹中，取氣於臍管。十月脫胎，即取

氣於神廬。真人鼻無出入，其息深。《老子》所謂復歸於嬰兒者，胎息之謂也。《胎息歌》云：鼻口非呼吸，方為胎息功。雖居宇宙內，如在胞胎中。世人為生門有膻，蓋閉塞所以氣出不得。膻虛之後求息，則息自然氣從此處出，鼻中無息也。蟠足正坐，兩手交在膻上者，為膻虛存一之後，應從此處出也。

聖胎內結，握固凝然，衛生之經，思過半矣。自子至午為鍊陽，自午至酉為鍊陰。陽主乎動，陰主乎靜。陽不欲溢，陰不欲覆。陰平陽秘，精神乃治。然而知之非難，持之在久無間斷，與道相應，則內外俱進，而還丹之事可議矣。

《谷神論》含津鍊炁，吐故納新，上入泥丸，下注丹田，謂之內丹。陽龍陰虎，木液金精，二炁交會，烹鍊而成，謂之外丹。修道之人，先成內丹，後鍊外藥，內外相應，即致神仙。煙蘿子云：真外應丹自來金。華山人云：只修真氣不修丹，到了多應變

化難。定機子亦云：雖是長生客，未為拔宅仙。更須修大藥，方始得飛仙。

引導訣

並閉息，為之息滿，急則微微吐放。

仰托一度理三焦，

雙手極力向上，如擎天狀托之，左右各三次。

左肝右肺如射鵰。

先左引，次右引，極力為之如前。

東肝單托西通腎，

右手握固，柱右腎堂，左手極力托之。左手握固，柱左腎堂，右手極力托之。左右各三次。

五勞回顧七傷調。

右手抱左肘則左顧，左手抱右肘則右顧，皆極力三作。

游魚擺尾通心臟，

雙展兩臂擺之，數多為妙。

手攀雙足理於腰。

正坐舒展雙足，以雙手取足心，極力三攀之。

次鳴天鼓三十六，兩手掩耳後頭敲。

雙手緊掩兩耳，叩齒三十六下，以第二指敲耳後骨。

靈劍子引導子午記

（王育成點校）

053 靈寶歸空訣

崇文廣道純德法師教門
高士原陽子趙宜真編述

經名：靈寶歸空訣。原題原陽子趙宜真，編述。一卷。底本出處：《正統道藏》洞玄部方法類。

歌括

胎圓神化英雄漢，脫體自由無忌憚。

學人精進了無生，行時點檢休撩亂。

上士丹成道備，來去自由，我命在我，不在天矣。中士而下，雖能進道，當歸空之際，必先覺察，不至昏迷。

頂門天鼓若雷轟，此是天崩地陷聲。

三聲二聲三二載，一聲一載也須行。

歲除夜或每夜半，靜坐攝念，觀頂門謂之大明關。忽聞聲如腦裂，歷歷然，如霹靂狀，計其聲數，以定年限。

掩耳指擊樓頭鼓，恰似鐘聲三載數。磬聲一載蟬百日，蚯蚓七日身當故。

歲除夜或每夜半，兩手掩兩耳，以二指於腦後擊三十六下，如鼓聲則安樂，如鐘磬、蚯蚓、蟬聲，則知歸期遠近。

樓頭天鼓俱不鳴，天柱崑崙亦已傾。

燈前額間看臂大，叩齒無聲總去程。

樓頭鼓即腦後，天鼓即頂門，天柱傾即頭頸弱不能舉，一曰崑崙倒，又曰須彌倒。每夜燈前豎起左手，按自己額間，看臂小則吉，大則凶。前齒為法鼓，叩之不鳴，皆是去證。

暗中挑眼虧光耀，耳前脉住收竿釣。

曹溪水竭華池乾，拜燈失影皆歸兆。

夜半於極暗處，以手指挑眼，上下無光，謂之日月無光，是歸候。太陽耳前脉不動，謂之釣客罷竿，是一日候。舌下大牙齦後為華池，閉口津液乾燥，謂之曹溪水竭，是七日候。夜半焚香，點燈禮拜，回顧身後左右全無影，謂之影不隨形，是此日候。

左腎入腹在明朝，右入復來待七宵。

臨行又入緊繫住，遺骸不死魂神超。

外腎子左曰陰母，右曰陽公。左入小腹去復來，則是二朝，或對周一日候。右入小腹去腹來，則是七日候。左右俱入，則半日身亡。臨行又復入，謂之陰陽催促，又曰磬巖。當以絹帶或綿繩，緊緊住於腿上，不令入腹，令屍不死。五臟中動，便是歸寂之時，其時性從足下而生，從頂門而起，即動屍，則正心望天門去。

便尿之際連雙腎，縮痛如錐不堪忍。

男左女右脚刺疼，半日去程心按緊。

雙腎名玉女畫娥眉，當便尿之時，其腎縮，刺痛不可忍，謂之地獄關動於忽然。男左女右脚刺痛，謂之命門絕，皆當正坐，把定精神，牢捉心印，不可放逸。以手緊緊按心，勿令昏亂，良久痛止，即半日去也。

徧體如同走螻蝻，忽然又似一蛇游。

頻來報應到心上，骨節皆疼世事休。

偏身或脚板，如有螻子走，或如蛇行，行到心中，即骨節疼致昏悶。如此三五回，謂之諸慾離身，又曰諸神

不在，定是不祥。須要凝神定心，或一念差錯，即墮業道，不可不謹。

點檢燒香當夜靜，有三兩件歸空證。

桃湯沐浴便更衣，一盞白茶還靜定。

遇夜洗手、浣漱、衣冠畢，燒夜香依前，逐一檢，如有三兩件。報應之時，便沐浴更衣入室，靜坐喫白茶，或淨水。又有何境界可去，則去未可去，再喫淨水一二口，又定了。

諸般人物境界來，引歸業道受輪回。

堅持心印休貪著，斧劈母懼母嫌猜。

臨命終時，眼化為無名鬼，耳化為阿誰鬼，鼻化為死樹鬼，舌化為快軍鬼，身化為思惟鬼，心化為雌雄鬼。一切鬼神盡從心起，即非外來，先須識破。

逢諸色佛、菩薩、師儒等，或隊仗迎引，皆是天魔外道境。逢冤家眷屬，或黃赤白路，亦是業道魔境。逢燈光處，是內魔眷屬。逢曠野處，是人間胎卵。逢親戚姊妹，是入輪迴胎無胎入野。逢籬輦黑白車，是牛馬等胎。逢殿宇，是猪羊胎。逢黃衣

白服，是猫犬胎。逢黃旛豹尾，是走獸胎。逢象，是狐胎。逢吹簫處，是蚯蚓蟬類胎。逢鼓樂處，是鳥雀蟲螳胎。逢花街柳巷，是蛇胎。逢市井關闌人物往來之地，或黑白青紫，並是畜生道。逢酒肉飲食之類，是餓鬼道。聞妙香，是天人胎。逢父母眷屬處，是六慾天發做里社廟神。逢金甲神人教請，是人天大福血食神。

如前諸色神人境物，並是自家神識誘引外魔，即非正道，不得亂捨去來，不怕不嫌，不取不愛，若差一念，便落他胎。氣斷之際，或如斧劈也，莫驚恐。正昏默時，不得逃竄，務要牢捉心印，如如不動，良久自定。

只見雷火電光路，日光毫光千丈度。將身猛去不動心，即證人天歸淨土。唯此四境可行，必歸善道。

逢著陰人過茶湯，迷魂之藥不可嘗。此境若還牢記得，能通宿命永無忘。逢婦人過茶湯，或施或賣，若受而食之，便墮惡道，決定不食而竊傾棄

之，則當來通宿命矣。

四輩高人學仙佛，迅速無常莫輕忽。

輪迴百劫萬苦辛，六賊三屍恣顛踣。

四輩者，謂道教中有出家男官道士，有出家女官道士，有在家男官道士，有在家女官道士。釋教中，則出家者男曰比丘，女曰比丘尼，在家者男曰優婆塞，女曰優婆夷。昔天尊世尊說法時，會中皆有此四輩人聽法也。無常者，謂幻假色身，未免敗壞不長久也。六賊，即六慾之謂也。真性如如，非動非靜，感物而應。在眼根能視，則貪慾色塵。在耳根能聽，則貪慾聲塵。在鼻根能嗅，則貪慾香塵。在舌根能言能食，則貪慾滋味。在身根能運動，則貪慾非為，在意根能出謀應事，則貪慾顛倒夢想。如是六塵，既入於六根，六慾因而熾盛，障迷自性，故以賊名。情慾盛，則精魄結而為三屍蟲，致人貪愛無厭，顛倒夢想，流浪死生，展轉輪迴，受諸苦惱，無有已時。直須勇猛賽關張，不動干戈已伏降。

四海清平歸有道，聽命無生大法王。

自性法身，本無生滅。迎之不見其首，隨之不見其後。輝今耀古，卓然獨存。唯其汨於根塵，引入諸趣，迷惑本來。若能奮勇猛大智慧力，勘破根塵，則情慾頓消，法身自見。從他四大敗壞，於我了不相干，此所謂無生大法王也。

後序

夫人生受形，既有成住，不免壞空，百歲光陰，過眼如夢，命終之際，情識昏迷，則隨其業習，淪入諸趣，無有出期。此所謂無常迅速，生死事大，而歸空之法，有自來矣。恪傳以爲達摩禪師之作，予觀其文義，訛舛不倫，不類大乘菩薩語句，況達摩西來不立文字，得非後人所撰，假大名以取信乎？今因舊本，參以異聞，正誤刪繁，序爲七言歌括一篇，凡十四章，章四句，以便記憶，仍就每章附注，務得其詳。有緣遇者，寶而祕之，毋成輕泄。急宜猛省，識破幼緣，對境忘境，廣行方便，多種善根。於十二時中，四威儀內，堅持

戒定，勿助勿忘，真積力行，則本來慧性一旦開明，直下承當，自作主宰，時節到來，把定玄關，驗其消息，撒乎便行，斯乃大丈夫能事，而歸空之法，不爲無所濟矣。抑嘗見仙佛中或有不幸者，如景純郭真人，既悟真常之道，而不免枉遭刑戮，直道中義，竟以凶終。大慧禪師，既明正法眼藏，而不免疽發於背，洞見五臟，竟以苦終。人海中或有僥倖者，愚夫愚婦，汨沒塵勞，素無修習，而能先知去候，脫然令終。是皆宿令定業，各隨緣分順償。凡俗罔知，寧不以彼此令終凶終爲口實，而竊議之，多見其不智。須知明眼高人，性天已徹，縱遇風刀常坦坦，假饒毒藥也。閑閑自性，法身逍遙世外。設或塵情未滌，道眼未明，運應滅時，還如夢中，不知是夢，難忘熟境，隨順冥行，畢竟迷悟，不同聖凡有間。惟學仙學佛四輩高人，撫幻景之倏遷，脫苦輪之未易，回頭在早，覺岸同登，不亦善哉。是故爲之序，併說偈曰：

生死無常本不干，只因貪著致多端。

歸空有法原非法，日向東西一樣團。

靈寶歸空訣

（王育成點校）

054 神功妙濟真君禮文

經名：神功妙濟真君禮文。一卷。編者不詳。出于元末明初。底本出處：《正統道藏》。洞玄部威儀類。

法事如式

伏聞神仙可格，貴在精誠，齋戒既莊，自然獲福。幸大道潛藩於故里，而下民賴庇於微生。恭惟九州都仙太史高明大使至道玄應神功妙濟真君，心融妙道，躬握元圖，素精天文、律呂之書，洞達元真、陰陽之理。除妖蕩孽而保安家國，書符施藥而起死迴骸。棄弓折矢悟傷生，點石化金憂返本。不習惑人之幻術，務存濟物之慈心。巍巍盛德天可齊，皜皜厥功言莫盡。以今某虔依仙格，謹運精誠，爇鬢鬣之龍涎，迓翩翻之鶴駕。伏願神功特達，聖化

須臾，步彩霧、戴朱旂，暫別西山之勝境，乘清風，來白屋，監觀北面之投誠。衆等皈依，志心讚禮。

舉淨明普寶天尊

志心歸命禮，天寶、靈寶、神寶，玉清、上清、太清，一炁流形，三尊應世，含光默默不言而令行四時，指色空空無爲而化生三景。和大羅天上金闕宮中，虛無自然三清三境天尊。志心歸命禮，渺渺紫金闕，巍巍碧玉宮。掌紫微七政之星，作皇派一朝之主。三華鬱秀，五緯凝精。運造化機，握生殺柄。和大羅天上金闕宮中，昊天至尊金闕四天上帝。

志心歸命禮，冲和素稟，淑行至全。不求聞達而晦迹韜光，務積功勳而存心養性。誓產嬰兒而佐世，果符仙嗣之挺生。至聖至靈，克岐克嶷。和仙父中嶽仙官、仙母符瑞元君高上玉真天尊。志心歸命禮，鐵柱延真福地，玉隆騰勝洞天。有東晉之仙君，顯南昌之故郡。金鳳銜珠而吐瑞，赤烏寄質以呈祥。

令德化民，出群拔萃。和九天仙主萬法宗師至道玄應神功妙濟真君。

西山福地逍遙境，督府延真道德宮。玉隆紀號宋朝頒，鐵柱斬妖洪都福。果識物華天寶語，更符人傑地靈言。聰明睿智冠群倫，民到于今受其賜。謹按修真第一戒云：不得陰盜潛謀，害物利己。切念某多生以來，曾犯此戒，今禮真君，求哀懺悔。

臣等自從無量劫，潛謀陰賊害於人。以今運誠悉歸依，朝禮真君求懺悔。志心歸命禮，訓留八寶，名鏤九州。忠孝廉謹以示人，寬裕容忍而接物，美教化而移風俗。玄之又玄，垂憲言以正人倫，道非常道和九天仙主萬法宗師至道玄應神功妙濟真君。

八寶訓留彰教化，懦夫立志薄夫敦。移風易俗厚人倫，亘古從今遵聖教。玄之又玄何可擬，道非常道更難名。端如麗日耀中天，澤被萬方咸拱仰。謹按仙科第二戒云：不得殺害衆生，以充滋味。切念某多生以來，曾犯此戒。今禮真君，求哀懺悔。

臣等自從無量劫，犯於殺戮虐衆生。以今運誠悉歸依，朝禮真君求懺悔。志心歸命禮，沉符水滸，標竹江濱。救下民疾苦之憂，助上帝好生之德。無一夫不被其化，使萬物常以如春。病者自瘳，夭者使壽。和九天仙主萬法宗師至道玄應神功妙濟真君。

哀憫群氓多疾苦，沉符標竹向江濱。助施上帝好生心，務救下民多厄難。貴使萬方皆被化，毋令一物不常春。夭者壽而病者瘳，咸處無為清靜地。謹按仙科第三戒云：不得淫邪敗真，穢慢靈炁。切念某多生以來，曾犯此戒。今禮真仙，求哀懺悔。

臣等自從無量劫，淫邪穢濁敗真元。以今運誠悉歸依，朝禮真君求懺悔。志心歸命禮，官居令尹職，署旌陽。值歲饑而民不聊生，供天租而計從何出。揆錢安得，俾治圃以服勤。瘞金令鋤，將貨粟而轉納。和九天仙主萬法宗師至道玄應神功妙濟真君。

官居令尹旌陽縣，不忍人心自樂推。適逢歲旱敢違安，每慮天租何所出。

民不料生烏有粟，瘞金向土役鋤園。令其獲寶貨諸人，應物自期來送納。謹按仙科第四戒云：不得敗人成功，離交析親。切念某多生以來，曾犯此戒，今禮真仙，求哀懺悔。

臣等自從無量劫，敗人成功析離親。以今運誠悉歸依，朝禮真君求懺悔。志心歸命禮，掛冠赤縣，訪跡丹陽。厭名利以汨人，傳道術而濟世。師投謀母，乃製錦以通誠。教授明王，即築壇而度法。和九天仙主萬法宗師至道玄應神功妙濟真君。

赤縣掛冠應不仕，故傳道法濟斯民。師投謀母錦通誠，教授明王言預譜。寶誥金丹併妙訣，銅符鐵券暨靈文。大阿三尺併親承，誓斷妖邪無噍類。謹按仙科第五戒云：不得讒毀賢良，露才揚己。伏念某多生以來，曾犯此戒，今禮真君，求哀懺悔。

臣等自從無量劫，露才揚己毀賢良。以今運誠悉歸依，朝禮真君求懺悔。志心歸命禮，班高太史，位冠都仙。皆云三千行之積求，孰識七百年之修鍊。

是宜玉帝擢入金門，密運樞機，同扶造化。和九天仙主萬法宗師至道玄應神功妙濟真君。

七百餘年修妙行，全家拔宅上三天。玉皇飛詔賜都仙，金闕宣恩兼大使。幹運樞機承密旨，權行造化轉陰陽。保家安國利無窮，草木昆蟲咸鼓舞。謹按仙科第六戒云：不得飲酒過多，食葷違禁。伏念某多生以來曾犯此戒，今禮真君，求哀懺悔。

臣等自從無量劫，食葷飲酒戒常違。以今運誠悉歸依，朝禮真君求懺悔。志心歸命禮，神功莫測，聖化無窮。剪紙作牛，驅除水孽。化炭為婦，歷試門人。呼龍挾舫過金陵，擒蛟釘丁懸石壁。和九天仙主萬法宗師至道玄應神功妙濟真君。

廣大神通難比喻，億千變化更無窮。化炭為婦選門人，剪紙作牛驅水孽。以鐵釘蛟懸石壁，召龍挾舫過金陵。舟人駭遇獲長生，亦使紫霄峰愈盛。謹按仙科第七戒云：不得貪求無厭，積財不施。伏念某多生以來，曾犯此

戒，今禮真君，求哀懺悔。

臣等自從無量劫，慳貪鄙吝不施恩。以今運誠悉歸依，朝禮真君求懺悔。志心歸命禮，真常德性，妙用隨機。鑄鐵柱以鎮妖，齋金檠而還主。栢垂倒葉，松壓潰堤。七靖沿存，八荒永賴。和九天仙主萬法宗師至道玄應神功妙濟真君。

真常德性澄如水，妙用隨機疾若風。齋檠還主示其廉，鑄鐵釘蛟思弭患。松壓潰堤猶在壁，栢垂倒葉正當庭。立斯七靖向修川，亦使官榮民益盛。謹按仙科第八戒云：不得交友非賢，居處穢雜。伏念某多生以來，曾犯此戒，今禮真仙，求哀懺悔。

臣等自從無量劫，居處不潔友非賢。以今運誠悉歸依，朝禮真君求懺悔。志心歸命禮，祭丹幕阜，淬劍梅山。正巨蛇，吐氣以冲天，憐群氓惜身而無地。指揮兵吏，探巢穴以搜邏。嘯命雷霆，運火風而擊伐。和九天仙主萬法宗師至道玄應神功妙濟真君。幕阜祭丹酬帝德，梅山淬劍礪英鋒。

巨蛇吐毒氣冲天，百姓求哀聲動地。嘯命雷霆驅出穴，指揮兵吏滅其蹤。至今骸骨積成洲，端為萬民除毒害。謹按仙科第九戒云：不得不忠不孝，不義不仁。伏念某多生以來，曾犯此戒，今禮真君，求哀懺悔。

臣等自從無量劫，不忠不孝背君親。以今運誠悉歸依，朝禮真君求懺悔。志心歸命禮，時逢歲旱，仙憫生靈。即飛南浦之雲，立降西山之雨。俾五穀以登廩，使萬國以歡心。時和歲豐，家給人足。和九天仙主萬法宗師至道玄應神功妙濟真君。

水旱凶荒雖數定，大仙多憫故鄉人。纔聞默禱一爐香，立降靄靄三日雨。年穀遂令臻上熟，黎元於此盡歡心。含舖鼓舞樂堯天，孰不謳歌真聖化。謹按仙科第十戒云：不得輕忽言笑，舉動乖真。伏念某多生以來，曾犯此戒，今禮真君，求哀懺悔。臣等自從無量劫，言辭輕慢舉乖真。以今運誠悉皈依，朝禮真君求懺悔。志心歸命禮，仙門高弟，真眷華宗。諶

母導師，蘭公上聖。日、月、斗三宮真宰。風、雷、電五百靈官。延真福地衆真仙，大釋洞天諸主宰。劍印玉女，左右金童。或執節以導前，或御車而在後。珂珮珊珊而步武，旌旗閃閃以排空。各生歡喜之心，同賜護持之力。普增威德，共證希夷。度諸有情，證無上道。

舉十方靈寶天尊

稽首皈依無上道，玉京山上大慈尊，臣今朝禮對真仙，身業無邊求懺悔。稽首皈依正真教，三十六部大乘經，臣今朝禮對真君，口業無邊求懺悔。稽首皈依師友衆，十方得道大神仙，臣今朝禮對真君，意業無邊求懺悔。稽首皈依三寶已，朝禮真君悉周圓。臣今願共諸衆生，同證希夷無上道。

舉志心發願

願眼常觀三界聖，願耳常聞妙法音，願鼻常聞道德香，願口不餐辛厭味，願身精進行真道，願意休攀有想緣。臣今發願大仙前，異日他時臻聖果。發願已歸命禮，無上證真三寶。

向來禮讚真君，儀範悉已周圓，三沐三熏，曲盡齊莊之敬。一瞻一禮，必蒙感格之私。俾罪花凋落而福果圓成，致善芽增長而惡根斷絕。今則瓊科捲軸，金磬停敲，鸞輿漸返於玉京，鶴駕將還於金闕。一心奉送，九章歌聲遏浮雲。再拜致辭億萬年，願依化日，稽首皈依無極大道。

諷經 回向

神功妙濟真君禮文

(王育成點校)

055 靈寶天尊說洪恩靈

濟真君妙經

經名：靈寶天尊說洪恩靈濟真君妙經。撰者不詳。一卷。底本出處：《正統道藏》洞玄部本文類。

御製靈寶天尊說洪恩靈濟真君妙經序

朕惟道之爲教，闡鴻濛虛玄之祕，具無極自然之妙。窈窈冥冥，昏昏默默，視之而不見其形，聽之而不聞其聲。上以陰翊皇度，下以利濟羣品。功德之大，不可名言。有若九天金闕明道達德大仙顯靈溥濟清微洞玄冲虛妙感慈惠護國庇民洪恩真君江王，九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君饒

王。萃靈鍾秀，天挺人豪，寬惠慈祥，仁民愛物，忠君孝親，崇信三寶，篤志好善，精勤不二，功成行滿，遂感天封，昭錫徽號，序列仙品，弼亮化機，出幽入明，禦災捍患，驅疹致祥，敷祐下土，利濟羣生。乃者，弘闡靈貺，翊衛朕躬，扶持保庇，載底平寧。已而示以符藥，廣施寰宇，期在使人蠲除疾疢，蕃育子孫。大德深恩，同於天地。朕感神之惠，夙夜弗忘，萬幾之暇，因閱《靈寶天尊說洪恩靈濟真君妙經》顯微玄奧，神化莫測，方便利益，拔濟曠劫，誠燭幽之日月，而濟海之舟航也。乃以鍍梓，用廣流傳，以報神休。善信之士，果能洗滌懺悔，崇信三寶，盡忠盡孝，行仁行義，弘發誓願，受持諷誦，則身家吉慶，命運亨通，子孫蕃衍，消灾度厄，增福延壽，延及九祖，咸獲超躋。苟或訾毀輕慢，凌忽三寶，不忠不孝，不仁不義，不能敬信奉持，則身罹惡業，門戶衰替，子孫微弱，壽年夭促，累及九祖，永墮淪冥。歷觀已往，具有明徵。於乎吉凶善惡，皆由心造。爲善

獲福，爲惡受殃，此自然之理。故曰：積善之家，必有餘慶，積不善之家，必有餘殃。又曰：惟上帝不常，作善降之百祥，作不善降之百殃。然則觀於此者，可不知所勉哉，可不知所勉哉。

永樂十八年正月初一日

靈寶天尊說洪恩靈濟真君 妙經

爾時，靈寶天尊在大羅天上五明宮中，憑几而坐，鐘磬自鳴，宴集諸天星衆五斗大神，宣演太上無極至真妙道。時有斗中都水二使者，左執青節，右仗黃鉞，侍立帝前，稽首再拜，長跪而進言：臣等宿生慶幸，得預天人。下觀慾界衆生，不忠不孝，不義不仁，多作惡業，全無慚愧，歷數已終。今生末劫，丑口失圖，綱維折裂，兵火肆興，玉石焚喪。或遭洪水，或遇凶年，刑賦苛虐，灾毒流行，罹諸苦惱，不知解悟，生意幾息，人道將窮，作何因緣可以救度？願垂憐憫，開方便門。

天尊曰：善哉，善哉。末劫衆生，一如赤子。發汝如是心成，汝如是願，依吾教法，廣爲衆生說諸因緣，令開悟性，勿生疑慮。曰忠與孝，曰仁與義，四者修持，常居吉慶。臣等既承斯語，敢不奉行。乃於甲辰之歲丙午之年下

降人間，分身教化，成功東海，顯跡南邦。甲子一週，復還職任。香火一方，歷年彌久，載逢滅度，復誓如初，躡進仙階，真君錫號，蒙天尊嗟憫之。仁體太上好生之德，使一切善男善女知身性命，皆憑道生忠孝仁義，了悟此因。能於三元八節、三會五臘、庚申甲子、本命之日，焚香修齋，如法供養，冥心向北，稽首禮念：

九天金闕明道達德大仙顯靈溥濟清微洞玄冲虚妙感慈惠護國庇民洪恩真君江王，九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君饒王。恭對聖慈，依經懺悔，不違真君之誓願，各以忠孝仁義而立身。內可以增福延年，外可以消灾度厄。上可以使祖彌之魂神超度，下可以使家宅之眷屬乂寧，普願衆生同霑利樂。於是天尊重爲真君演說而作偈曰：

靈濟真君，修真得道。遊宴仙都，天尊錫號。北斗降神，洋洋于左。下臨三界，上朝五老。福國寧家，其功浩浩。無願不從，默符所禱。

忠孝仁義，永爲身寶。用作因緣，不違誓好。一切善惡，皆由心造。爲善者福，爲惡者禍。急急如天尊律令勅。

靈寶天尊說洪恩靈濟真君妙經

（韓志遠點校）

056 洪恩靈濟真君事實

經名：洪恩靈濟真君事實。朱棣等撰。一卷。底本出處：《正統道藏》洞玄部威儀類。

御製靈濟宮碑

朕惟自古英賢，生爲名臣，著芘民之功，沒爲明神，贊天地之化。鼓動流盪，行乎兩間，以蔭福斯民，禦灾捍患。欽枯吹生，濯濯洋洋，如在其上，如其左右者，非智慮所可得而測也。《詩》曰：神之格思，不可度思，矧可射思。其此之謂歟。惟九天金闕明道達德大仙顯靈溥濟真人江王，九天玉闕宣化扶教上仙昭靈博濟真人饒王，其功德充溢，蓋若是已。神南唐之胄，生有民社之勳，沒錄仙班之籍，伯仲齊美，華萼聯芳。領職上天，耀靈下土，呼吸感應，電邁風行。下民是冒，父母

其依，慈祥仁愛，物賴以寧。乃者，朕躬弗豫，用藥百計，罔底于效。神默運精靈，翊衛朕躬，頃刻弗違，隨叩隨應，屢顯明徵，施以靈符，天醫妙藥，使殆而復安，仆而復起，有回生之功，恩惠博矣盛矣。朕揆德涼薄，何由獲茲，永懷神德，曷其能忘，海深嶽峻，其焉有極。蓋有功必報，國之恒典，是用祝冊，加封神號。伯曰清微洞玄冲虚妙感慈惠護國庇民洪恩真君，仲曰高明弘靜冲湛妙應仁惠輔國祐民洪恩真君，舊號俱如故。大新廟宇，亢爽軒豁，稱神所棲。爰勅有司，虔潔香火，春秋祭祀，歲易時衣，給灑掃五戶，表朕悃悃，答神鴻休。雖然神功之厚，而報賚之薄，神固無責於報否，在朕心有不能已矣。夫天地之德曰生，神體天地之道，弼亮化機，出幽入明，翕張歛忽，遨遊太清，監觀四方，濟利群生，功在霄壤。昭昭若此，固有不可得而名言者。乃彰神績，勒于貞石，樹之于廟，垂示無窮，並系以詩曰：

天產英靈爲世傑，出入幽明猶一覩。生著勳勞保甌粵，沒爲明神崇偉烈。芒芒海甸倚芘樾，雨暘寒燠調以制。冬無凌兢夏無暍，沴氣遠殄靡颺颺。下稔高黍歲穰桀，驅拂不祥走沃蠹。晨鍾暮鼓樂髻耄，卓彼鰲峰峻且截。蜿蜒回抱天造設，春蘭薦芳秋鞠翳。寒泉白石漱清潔，神之遊兮羽葆翳。飛雲翩翩導幢節，歛來忽往靈僊僊。呼吸響應速以偈，濟利溥博無時恟。四時報享繁獻醮，衛朕之功疇與埒。惟矢銘心與刻骨，書恩著德勒堅碣。垂示萬古昭日月。

永樂十五年五月初一日

二真成仙傳

徐知證系出偃王之後，五代時南唐人，與其弟知諤，並英邁絕倫，寬仁愛物，忠君孝親，崇信三寶，同心好善，精勤至道，修齋設醮，日常持誦玉皇真經並寶號。兄弟俱事吳，其後知證封江王，知諤封饒王，鎮金陵，戰守有備，撫輯流亡，控扼二十餘州，氓征就寬，軍給以饒，林蠻洞蠻，守條死要，稚耄

嬉遊，連手歌謳，上無所怨，下無所讎，江南之民，舉賴以安。後奉命帥師攻閩，恐良善荼毒，乃發至願，每五更望北拜斗，早膳恒素食，祈殄兵革，所至勞來。百姓諸郡，望風以城降，父老簞食壺漿，擁道迎之。次峽江，有潰卒數百，阻山爲亂，立命殲其渠魁，餘卒棄甲呼舞，不戰而收。民皆安堵，雖田園蔬稻，一無所犯，乃相謀曰：此吾復生之父母也。立祠於鼇峰以祀之。

未幾，兄弟相繼仙去，遂爲斗中都水使者，出入天宮，積行累功，默佑下民。俾人皆盡忠行孝，崇信三寶。遇歲旱，民禱祠下，祠前潭水深不可測，俄有靈蛇出，蜿蜒于几案間，色如丹砂，雲起潭面，竟日不收，詰旦果雨，歲大熟。一日，潢溪霖潦暴溢，田稼墊溺，衆方狼顧失色，忽見有役夫千群，競操畚鍤，疏其源，決其流，水竟不爲民害，已而俱失所在，乃神兵也。滄峽灘石峻嶮，舟船上下失勢，水工叫呼祈佑，感雲中有黃旗隱隱，即帖然無虞。凡民居有不戒于火者，有蝗蝻傷其稼

者，叩之，則反風滅火蝗輒飛去。又爲符藥以施人，凡嬰疾弗愈者服之，無不立效，祈子息者服之，即得嗣續蕃昌。由是民安物阜，田里晏然。閩人劉彝守桂州交趾，蠻賊寇邊，陷欽連等州。彝震懼，莫知所爲，齋戒默禱，賊果潰去。其後韓世忠戰大儀鎮，吳玠戰和尚原，俱遣將士衛國，效八公山草木之靈，使敵遙見旗纛旌麾飛揚，山谷鐵騎百萬，行陣嚴肅，鉦鼓之聲震動原野，不待交兵，而已敗北。靈蹟顯異，不可備述。

一日，黃籙齋進，忽聞天樂鳴空，祥雲環遶，仙官導從，甚都乃感，天帝遣神人頒誥：封江王爲九天金闕明道達德大仙顯靈溥濟真人，主管上清天文院，便宜行事，行文昌司祿上宰僉書天機省事。妻涇國夫人許氏，順助仁惠仙姑，兼管太乙延生右真司事。饒王爲九天玉闕宣化扶教上仙昭靈博濟真人，主管下元地府諸司，便宜行事，權南極注生上相僉書雷霆玄省事。妻衛國夫人陶氏，善助慈懿仙姑，兼管元

皇北陰注生司事。仍封父忠武真人，母仁壽仙妃。

比者，朕躬邁疾，默運化機，大闡靈貺，翊衛左右，頃刻不離，施以靈符，濟以天醫妙藥，隨言隨效，感應如響。使困敝之體，既危而即安。沉痾之疾，盡脫而復舊。斡旋之力，同於更生。感神之惠，銘刻不忘。是用祝冊，加封伯曰清微洞玄冲虛妙感慈惠護國庇民洪恩真君，涇國夫人加封貞應仙妃，仲曰高明弘靜冲湛妙應仁惠輔國佑民洪恩真君，衛國夫人加封恭靜仙妃，神父曰翊亮真君，神母曰淑善仙妃，舊號俱如故。大新闢地祠宇，又於京都建立行祠以安神棲。特勅所司，嚴奉祀焉。夫爲人臣，而功施社稷澤被生民者，必生爲英傑，死爲明神，雖百世之下，福佑生靈，陰翊皇化。觀知證、知諤，以世胄之裔，事主季世，乃能靖難一方，保全其民，既攻闔中，按甲入境，首除亂兵，脫民鋒鏑之慘，措之衽席之安，是以人心感激，靡克報稱，乃立生祠以祀之。逮其仙去，禦大災，捍大

患，使民無凶荒疵癘之憂，遂休養生息之樂，功成行滿，上感天心，錫號真人，叙列仙品。比者，幹運化機，大闡靈貺，愈疾朕躬，是用加以徽號，新其祠宇，虔奉享祀，以答神休，斯皆累積陰功之所致，故昭昭不朽，與天地相爲悠久，夫豈偶然而已哉。

詩曰

事親盡孝事君忠，華萼聯芳孰與同。更復精勤修至道，並分茅土受王封。

又

當年駐節向金陵，萬里江南不識兵。師入七閩人按堵，幾多福澤在生靈。

又

歲旱靈潭起蟄龍，大施霖雨作年豐。潢溪水落民無患，滄峽舟船險更通。

又

蝗無傷稼火無過，田野均蒙惠澤多。徧給靈符蕃子息，更能愈疾起沈痾。

又

桂郡揚靈却寇蠻，現奇更效八公山。神兵百萬填山谷，頓解重圍頃刻間。

又

靈符妙藥出天醫，翊衛微躬不甞離。起疾神功難報稱，再生感惠此心知。

又

隨聲應感不移時，幹運功參造化機。馭氣乘風遊八極，天宮陟降闡靈威。

又

生爲名將建高勳，行滿成仙福有因。京國鼇峰長廟食，丹書錫號證天真。

又

威靈濯濯更洋洋，衛國安民績愈彰。不獨聲名昭日月，永同地久與天長。

保奏真君文

金闕侍中行九靈飛步章奏節制雷

霆臣王謹奏：臣切謂道在無極之始，冥冥杳杳，不識不知，非心思計慮之所能也。自天真皇人紫筆定書，然後學道者，得以探其源洩其流，撰成科典靈文耳。目斯世今有神焉，以修齋執戒爲功，以度死濟生爲誓，發爲文辭，合於科典。凡曰長材秀民者，莫不交口誦之，其可稽於徹聞乎。切見九天金闕真人徐知證、九天玉闕真人徐知諤，聲名冠世，功德在民。內察其行，外觀其

跡，委是骨像合仙、有心積善建功、篤好三寶之士，若非宿幸因緣窮神而知化者，孰能如此，所著九真妙戒化文，九嶽神燈科格，三界科保馬。科並出於太上玄言，究微摘實，自然成章，靈音嘯咏，可以爲浩劫津梁，所謂閉門造車者，不計其歲月矣。外有靈濟醮科、本願儀文、七政燈科，自非敢以爲己功，從民請也。臣性識疏愚，爲言輕賤，考事察能，詮補職任，躋進仙階。今欲望聖慈允俞所奏，再將臣徐知證等所撰科典翻行，三界合屬去處，各請遵稟，照驗施行。不惟顯靈濟濟度之功，亦足以張吾軍而慰民心之所望也。伏候，指揮。

洪恩靈濟真君事實

(韓志遠點校)

057 洪恩靈濟真君自然 行道儀

經名：洪恩靈濟真君自然行道儀。撰人不詳。一卷。底本出處《正統道藏》洞玄部威儀類。

法事如式

各禮師存念如法

金真綠霞，煥映三天。飛雲丹霄，諸天控輶。晨暉啓旦，陰翳俱捐。九微震空，五星迴旋。萬仙應感，自然妙玄。杳冥散體，分形百千。玄珠光耀，瑞降壇乾。顯幽蒙惠，合景三田。和：與道合真。

鳴法鼓二十四通

太上玄元五靈老君，召出臣等身中三五功曹，左右香宮使者，侍香金童，傳言玉女，直日香官，功曹使者，三炁正神，速上關啓查邊魏趙刁五大元帥，岳許

二元帥，天丁力士，左右神官。臣今陞壇法事，欽奉聖旨，崇修齋醮，祈謝洪恩，其諸丹悃，已錄告聞，願得正真生炁，下降流入臣等身中，令臣所啓之言，速建九天金闕洪恩真君、九天玉闕洪恩真君聖前。

請稱法位

具位臣某，與臨壇官衆等，謹同誠上啓：九天金闕洪恩真君，九天玉闕洪恩真君，聖父忠武翌亮真君，聖母仁壽淑善仙妃，聖妃涇國夫人順助仁惠貞應仙妃，衛國夫人善助慈懿恭靜仙妃，聖兄、聖嫂、聖舅、聖婿、聖子、聖女、聖姪、聖孫，列位夫人，合殿聖眷，查邊魏趙刁五大元帥，岳許二元帥，太歲之神，城隍主者，本宮土地，法籙神員，醮筵列聖，應感威靈，恭望聖慈，俯垂洞鑒。

臣聞劫初混沌，包道妙以無形，氣清高澄，謂天根而立極。自一元之塊圪，致萬範以開張，日月著明，亘古今而赫赫；神祇昭布，儼上下以洋洋。流謙損滿以無差，福善禍淫而不謬。按瓊文之粲麗，開寶笈以披宣。目擊而存，引朝儀而肆覲；心無有二，乘旦氣以澄明。珮響清風，振琅音於八表；煙騰香霧，結瑞氣於層霄。丹輿輦之繽紛，金節羽衣之婀娜。百神受職，三界臨軒，以今朝修，陞壇行道，請法衆等運茲，初捻上香，和：香至靈濟宮，遍九天金闕成華蓋，供養顯靈溥濟洪恩真君。願此香煙，供養九天金闕洪恩真君，靈濟宮真仙聖衆。臣等歸身歸命，仰依真君衆聖，以是捻香功德，洪惟九天金闕洪恩真君、九天玉闕洪恩真君，德合乾坤，功參造化。神通妙用，施靈應於八紘；正直聰明，翊皇圖於億載。文章炳煥，雨露霑濡。今故燒香，自皈依真君大聖衆至真之德，得道之後，保天長存，和：與道合真。

大明生東，小心事上，燦光華而駕景，拯幽顯以乘晨，以今朝修，陞壇行道，請法衆等，運茲二捻上香，和：香至靈濟宮，遍九天玉闕成寶蓋，供養昭靈傳

濟洪恩真君。願此香煙，供養九天玉闕洪恩真君、靈濟宮真仙聖衆。臣等歸身歸命，仰依真君衆聖，以是捻香功德，上祝皇帝陛下，恭願壽永萬年，明齊二景，同文同軌，車書遠被於八紘；乃聖乃神，禮樂永隆於千古。四鄙之干戈復息，萬方之耕稼豐盈，福佑青宮，介千秋之睿筭；祚隆皇極，綿萬載之不基。臣鄰襄贊於雍熙，藩屏咸膺於嘉慶，三時不害，四海永清。今故燒香，自皈依真君大聖衆至真之德，得道之後，保天長存，和：與道合真。

清明在旦，對越于天，晨暉煥發於朝班，陽景光開於夜壑，以今朝修，陞壇行道，運茲三捻上香，和：香至靈濟宮，遍九天堂闕成雲蓋，供養靈濟宮真仙聖衆，願此香煙，供養九天金闕洪恩真君、九天玉闕洪恩真君、靈濟宮內真仙聖衆。臣等皈依真君衆聖，願以是捻香功德，歸流儲宮藩屏、宰輔臣僚，天下人民、寰中庶類。伏願昭回象緯，灾星立退於宮垣。瑞應璣衡，吉曜加臨於命位。咸仰熙熙之化，常瞻

穆穆之容。人民慈愛以齊同，家國太平而有象。教科流演，道化光揚。今故燒香，自皈依真君大聖衆至真之德，得道之後，永保長生，和：與道合真。

唱方

懺方

三啓頌

三禮

重稱法位

具位臣某，與臨壇官衆等，謹重誠上啓聖位。臣聞輔萬仙而鬱秀，妙合淵微；作一善以降祥，應同影響。道化之昭垂赫赫，神靈之降鑒洋洋，有感斯通，無求不應。欽奉聖旨，崇修金籙，昭謝神功。某等俯揆夙心之素，仰酬道力之扶。若木大明，散朝班之旭日；松花克享，飄醮席之香風。拳拳祀上之誠，翼翼由中之敬，班聯帝陛，妙演仙科。三業六塵，未滌多生之咎；九華十極，徒瞻列聖之光。惟肆赦於愆尤，庶旁流於惠澤。上願皇圖鞏固，聖壽綿長。萬方歌泰運之隆，四海樂無爲之治。兵戈復息，年穀豐登，以致動植飛潛，

洪纖高下，均沐乾坤之發育，咸資造化以生成。弁斗簪星，喜遂林泉之修習。耕田鑿井，欣聞衢壤之歌謠。教法興行，經錄流演，則上明真君大慈之化，下副臣等皈依之誠。謹啓以聞。

發願

復鑪

香官使者、左右神君、侍香諸靈官，當令向來早朝之所，自然生金液丹碧芝英，百靈衆真，交會在此香火鑪前。當願精誠上達，家國安寧，十方仙童玉女，接待香煙，傳臣向來所啓之言，速達徑詣九天金闕洪恩真君、九天玉闕洪恩真君聖前。

洪恩靈濟真君自然行道儀

（韓志遠點校）

058 洪恩靈濟真君集福

宿啓儀

經名：洪恩靈濟真君集福宿啓儀。撰人不詳。一卷。底本出處：《正統道藏》洞玄部威儀類。

法事如式

各禮師存念如法

請宣神呪

東方

東方九炁，始皇青天。碧霞鬱壘，中有老人。總校圖錄，攝炁舉仙。

南方

南方丹天，赤帝玉堂。中有大神，號曰赤皇。上炎流煙，三炁勃光。神仙受命，應會太陽。

西方

西方素天，白帝七門。金靈皓映，太華流氛。白石峨峨，七炁氤氳。上有始

生，皇老大神。總領肺氣，主校九天。檢定圖錄，制召上仙。

北方

北方玄天，五炁徘徊。中有黑帝，雙皇太微。總領符命，仙鍊八威。青裙羽襪，龍文鳳衣。上帝所舉，制到玉階。

中央

中央總靈，黃上天元。始生五老，中皇高尊。攝炁監真，總領羣仙。典錄玄圖，宿簡玉文。催運上炁，普告萬神。

鳴法鼓二十四通

太上玄元五靈老君，召出臣等身中三五功曹、左右香官使者、侍香金童、傳言玉女、直日香官、功曹使者、三炁正神，速上關啓查邊魏趙刁五大元帥、岳許二元帥、天丁力士、左右神官，以今肅啓告齋，建壇闡事。臣等欽奉聖旨，其諸意旨已錄上聞，願得正真生炁，下降流入臣等身中，令今所啓之言，速達九天金闕洪恩真君、九天玉闕洪恩真君聖前。

請稱法位

具位臣某等，今故燒香，願以是功德，洪

惟九天金闕洪恩真君、九天玉闕洪恩真君，華萼聯輝，簪纓冠世。潛天潛地，獨專造化之功；日兩日暘，莫測威靈之妙。洋洋如在，濯濯厥靈。願洞賜於鑒觀，特俯歆於崇謝。臣等先用上祝皇圖鞏固，聖壽綿長，廓施化育之仁，垂拱大平之治。次為儲宮藩屏、宰輔公卿官屬，下及臣等三師五友，異代學真，谷隱巖栖，門徒祭酒，以至寰中庶類、天下人民、動植飛潛，無邊含識。臣等皈身皈神皈命九天金闕玉闕洪恩真君。特乞消除三業六根，無邊覺咎，得免離三灾五苦，八難九厄之中。身得真道，歌詠太平，同躋仁壽，逍遙無為，永與道合。所祈玄感應聲，上詣九天金闕洪恩真君、九天玉闕洪恩真君聖前。

唱方

禮足，各長跪皈命懺悔

臣法衆等，志心皈身皈神皈命九天金闕洪恩真君、九天玉闕洪恩真君，恭望大慈，同垂巨澤，普降洪恩。臣聞玉字開光，鳳篆昭回於碧落。金科演妙，龍章

輝煥於赤明。修之則駕景騰霄，用之則安人利物。重念臣等，五神蕩越，六府昏迷，身口意之業塵，流吹罔息；精炁神之妙用，混結未凝。宣祈澡雪於襟靈，庶使澄清於諸障，消融五累，證妙三元。端一念於黃中，對揚有翼；望九霄於玄上，應感無方。臣等志心稽首，禮謝九天金闕洪恩真君、九天玉闕洪恩真君聖前。

三啓頌

三禮謝

重稱法位

具位臣某，與臨壇法衆、代禮官等，謹同誠上啓：

九天金闕洪恩真君，
九天玉闕洪恩真君，
聖父翊亮真君，
聖母仁壽淑善仙妃，
聖妃涇國夫人順助仁惠貞應仙妃，
衛國夫人善助慈懿恭靜仙妃，
聖兄、聖嫂、聖舅、聖婿、聖子、聖女、聖姪、聖孫，列位仙眷，合殿威靈，查邊魏趙刁五大元帥，岳許二元帥，今年太歲

之神，京都城隍，本宮土地之神，靈壇感降一切祇靈，咸望洪慈，俯垂洞鑒。臣等草芥微生，醜陋陋質，幸依昌運，獲奉玄宗。主典祠宮。功無及於分寸，周流塵俗，過有積於丘山。尚祈善貸之仁，克副禱祈之請。凡有關告，敢不上聞。臣欽奉聖旨，崇修清醮，延奉真旂，潔己齋心。推誠秉悫，恭依瓊範，崇建瑤壇，列羽葆之，繽紛扣琳，琅而振響，金華散彩，玉燭騰輝，謝過殫誠，祈恩請命。仰惟九天金闕玉闕洪恩真君，降差官屬五帥神員，協力同心，肅清內外，蕩除兇穢，遠隔妖氛，使臣等五氣安熙，百關調泰。操存達詣，合神景於丹元，啓告感通，注靈光於紫禁。善功克備，齋福周圓，一切含靈，同沾勝善，明晨行道，別具啓聞。

發願

存神燒香

謹攝香官使者、左右神君、侍香諸靈官，當令宿建之所，自然生金液丹碧芝英，百靈衆真，交會在此香火爐前。當願精誠上達，家國安寧，十方仙童玉

女，接待香煙，傳臣向來所啓之言，速達九天金闕洪恩真君、九天玉闕洪恩真君聖前

洪恩靈濟真君集福宿啓儀

（韓志遠點校）

059 洪恩靈濟真君集福 早朝儀

經名：洪恩靈濟真君集福早朝儀。撰人不詳。一卷。底本出處：《正統道藏》洞玄部威儀類。

法事如式

各禮師存念如法

金真綠霞，煥映三天。飛雲丹霄，諸天控輶。晨暉啓旦，陰翳俱捐。九微震空，五星回旋。萬仙應感，自然妙玄。杳冥散體，分形百千。玄珠光耀，瑞降壇乾。顯幽蒙惠，合景三田。和：與道合真。

鳴法鼓二十四通

太上玄元五靈老君，召出臣身中三五功曹，左右香官使者，侍香金童，傳言玉女，直日香官，功曹使者，三炁正神。速上關啓查邊魏趙刁五大元帥，岳許

二元帥，天丁力士，左右神官。臣今陞壇法事，欽奉聖旨，崇修齋醮，集福邦家，其諸丹悃，已錄告聞。願得正真生炁，下降流入臣等身中，令臣所啓之言，速達九天金闕洪恩真君、九天玉闕洪恩真君聖前。

請稱法位

具位臣某，與臨壇官衆等，謹同誠上啓：九天金闕明道達德大仙顯靈溥濟清微洞玄冲虚妙感慈惠護國庇民洪恩真君，

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君，
聖父齊王忠武翊亮真君，
聖母仁壽淑善仙妃，
聖妃涇國夫人順助仁惠貞應仙妃，
衛國夫人善助慈懿恭靜仙妃，
聖兄唐王、洪王、鄂王、廣陵王，聖舅護國公、奉國公，聖婿武安侯、寧國侯，聖子保大侯、彰信侯、保信侯、保寧侯、武寧公，聖姪昭德侯、安定侯、太寧侯，聖孫武昌侯、南昌侯，聖子聖孫聖姪列位

公侯，唐王后明肅仙妃，洪王后仁慈仙妃，鄂王后順懿仙妃，廣陵王后善慶仙妃，聖女冲懿仙姬、明懿仙姬，聖婦善懿夫人、仁柔夫人、惠順夫人，昭懿夫人、順恭夫人、明哲夫人、恭懿夫人、靖懿夫人、昭穆夫人、慈孝夫人、聖婦列位夫人。上清大洞籙天機院雷霆省天文院地府諸司承行官將，驅邪捉祟、傳符勅法、消灾度厄、逐凶辟怪、監壇護法、觀察巡捕將軍，太歲尊神十二月將，本命元辰星官，風雷雨部仙衆，左右丞相太宰少宰，六部尚侍內府公卿，左右注生注壽上宰，左右司祿司福上宰，左右侍從通事舍人，百官庶司所屬曹僚列位公卿，左右福祿司所屬二十四司曹官典，左右引進仙官，內侍順成夫人、昭華夫人、容華夫人、修容夫人、修儀夫人、昭儀夫人、內典婦功夫人、絲枲夫人、筦庫夫人、帳籍夫人、度支夫人，女府女史列位才人，女祝女御列位貴人，內殿內侍內典列位聖眷夫人，燕喜堂內注生司天乙注生神后、太乙監生神后，司祿司命上相夫人，守胎衛

房夫人，保胎護命夫人，左右慈訓夫人，保傳夫人，左右掌籍夫人，掌印夫人，諸宮乳哺夫人、抱送夫人、撫育夫人、托生化婆神，永安留守查元帥，武安留守邊元帥，節度使左監門魏元帥，都統軍使右監門趙元帥，都監軍使先鋒刁元帥，五帥部下精兵猛將，左右岳、許二元帥，左右行宮侍御從官，司祿、司勳、司士、司書列位曹僚，司農、司稼、典絲、掌葛列位曹僚，司市、掌貨、考工、飭材列位曹僚，厨官、優官、伶官，天捷、神捷、人捷、掌上、掌籤、掌杯、掌鸞，傳夢童子，神局節級，直殿直符香官使者，靈濟宮土地合屬威靈。恭望聖慈，俯垂洞鑒。

臣聞生天生地，混成一炁之宗。司陰司陽，妙散萬殊之象。列日月星辰於乾造，奠山川海嶽於坤維。品物流形，惟人爲貴。凡囿生成之類，悉依化育之仁。臣某韋際夙緣，獲親正教。簪星服羽，霑濡雨露之深恩。領職行科，黼黻玄元之妙化。凡有祈告，願賜感通。臣等欽奉聖旨，崇修清醮，集福邦家。以

今清旦行道，請法衆等，運茲初捻上香，和：香至靈濟宮，遍九天金闕成華蓋，供養顯靈溥濟洪恩真君。願此香煙，供養九天金闕洪恩真君，靈濟宮真仙聖衆。臣等歸身歸神歸命真君衆聖，以是捻香功德，上祝皇帝陛下。恭願道契唐虞，功侔軒昊。垂衣御極，車書昭文軌之同。負宸朝元，玉帛來梯航之遠。福壽永臻於聖體，忠良克贊於皇猷。今故燒香，自皈依真君大聖衆至真之德，得道之後，保天長存，和：與道合真。

以今清旦行道，請法衆等，運茲二捻上香，和：香至靈濟宮，遍九天玉闕成寶蓋，供養昭靈博濟洪恩真君。願此香煙，供養九天玉闕洪恩真君、靈濟宮真仙聖衆。臣等歸身歸神歸命真君聖衆，願以是捻香功德，歸流四嶽九牧，庶尹百寮，彬彬佐運，秩秩同仁，寅亮而弼一人，獻納而毗庶政。恭惟真君，協贊玄功，主張聖化。輔皇朝之弘大，億萬斯年。顯神道之昭明，二五合德。今故燒香，自皈依真君大聖衆至真之德，

得道之後，永保長寧，和：與道合真。

以今清旦行道，請法衆等，運茲三捻上香，和：香至靈濟宮，遍九天堂闕成雲蓋，供養靈濟宮真仙聖衆。願此香煙，供養聖父聖母、仙妃眷屬，靈濟宮真仙聖衆。臣等皈身皈神皈命真君聖衆，願以是捻香功德，歸流九州四海，天下蒼生，百室盈而婦子寧，五穀熟而人民育。恭惟聖父聖母、仙妃眷屬，注生堂一切聖衆。九天稱慶，五帝監生。周圓三炁之英華，混合二儀之精粹。生根育秀，鑒黎民伸精祈懇禱之誠。招神攝風，使比屋獲嗣續蟬聯之美。凡伸皈向，悉遂感通。今故燒香，自皈依真君大聖衆至真之德，得道之後，永保長生，和：與道合真。

唱方

懺悔

三啓

三禮

重稱法位

具位某與臨壇官衆等，謹重誠上啓聖位。伏聞九炁網緼，結生根於紫戶。

三元育養，凝命蒂於黃房，故胞胎魂魄，命之周圓，藉赤白青黃黑之混合。敬諾敬順，符驚天駭地之祥。唱奉唱恭，契負陰抱陽之妙。雖賦形於中土，實受炁於一玄。臣等欽承上命，溥爲下民，修齋誦經，燒香行道。昭靈庥於遐邇，集景福於邦家。伏冀廣沛洪恩，誕敷玄造。凡庶情之有懇，惟大德之無私。生身蒙嗣續之榮，上世免若敖之嘆。上願三光煥耀，四炁朗清，風雨均調，生民樂育。則上明真君大慈之化，下副臣等皈命之誠。謹啓以聞。

十二願

存神燒香

香官使者、左右神君、侍香諸靈官，當令向來早朝之所，自然生金液丹碧芝英，百靈衆真，交會在此香火爐前。當願精誠上達，家國安寧，十方仙童玉女，接待香煙，傳臣向來所啓之言，速達徑詣九天金闕洪恩真君，九天玉闕洪恩真君聖前。

出堂頌

出戶

洪恩靈濟真君集福早朝儀

(韓志遠點校)

060 洪恩靈濟真君集福

午朝儀

經名：洪恩靈濟真君集福午朝儀。撰人不詳。一卷。底本出處：《正統道藏》洞玄部威儀類。

法事如式

各禮師存念如法

請宣神呪

丹華流映，寶芝生光。神精徹幽，散靈八方。真符攝炁，嘯命朱童。三光敷煥，注我絳宮。赤神安鎮，玉香溢充。洞映形外，表裏發光。身生水火，獨步飛行。和：與道合真。

鳴法鼓二十四通

太上玄元五靈老君，召出臣身中三五功曹，左右香官使者，侍香金童，傳言玉女，直日香官，功曹使者，三炁正神。速上關啓查邊魏趙刁五大元帥，岳許

二元帥，天丁力士，左右神官。臣今陞壇法事，欽奉聖旨，崇修齋醮，集福邦家，其諸丹愆，已錄告聞。願得正真生炁，下降流入臣等身中，令臣所啓之言，速達九天金闕洪恩真君、九天玉闕洪恩真君聖前。

請稱法位

具位臣某，與臨壇官衆等，謹同誠上啓：

九天金闕明道達德大仙顯靈溥濟清微洞玄冲虚妙感慈惠護國庇民洪恩真君，

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君，

聖父齊王忠武翊亮真君，

聖母仁壽淑善仙妃，

聖妃涇國夫人順助仁惠真應仙妃，

衛國夫人善助慈懿恭靜仙妃，

聖兄唐王、洪王、鄂王、廣陵王，聖舅護國公；奉國公，聖婿武安侯、寧國侯，聖子保大侯、彰信侯、保信侯、保寧侯、武寧公，聖姪昭德侯、安定侯、太寧侯、

聖孫武昌侯、南昌侯，聖子聖孫聖姪列位公侯，唐王后明肅仙妃，洪王后仁慈仙妃，鄂王后順懿仙妃，廣陵王后善慶仙妃，聖女冲懿仙姬、明懿仙姬，聖婦善懿夫人、仁柔夫人、惠順夫人、昭懿夫人、順恭夫人、明哲夫人、恭懿夫人、靖懿夫人、昭穆夫人、慈孝夫人、聖婦列位夫人。上清大洞籙天機院雷霆省天文院地府諸司承行官將，驅邪捉祟，傳符勅法、消灾度厄、逐凶辟怪、監壇護法、觀察巡捕將軍、太歲尊神十二月將，本命元辰星官，風雷雨部仙衆，左右丞相太宰少宰，六部尚侍內府公卿，左右注生注壽上宰，左右司祿司福上宰，左右侍從通事舍人，在官庶司所屬曹僚列位公卿，左右福祿司所屬二十四司曹官典，左右引進仙官，內侍順成夫人、昭華夫人、容華夫人、修容夫人、修儀夫人、昭儀夫人、內典婦功夫人、絲臬夫人、筦庫夫人、帳籍夫人、度支夫人，女府女史列位才人，女祝女御列位貴人，內殿內侍內典列位聖眷夫人，燕喜堂內注生司天乙注生神后、太乙

監生神后，司祿司命上相夫人，守胎衛房夫人，保胎護命夫人，左右慈訓夫人，保傅夫人，左右掌籍夫人，掌印夫人，諸宮乳哺夫人，抱送夫人，撫育夫人，托生化婆神，永安留守查元帥，武安留守邊元帥，節度使左監門魏元帥，都統軍使右監門趙元帥，都監軍使先鋒刁元帥，五帥部下精兵猛將，左右岳、許二元帥，左右行宮侍御從官，司祿、司勳、司士、司書列位曹僚，司農、司稼、典絲、掌葛列位曹僚，司市、掌貨、考工飭材列位曹僚，厨官、優官、伶官，天捷、神捷、人捷，掌卜、掌籤、掌杯、掌鸞，傳夢童子，神局節級，直殿直符香官使者，靈濟宮土地合屬威靈。恭望聖慈，俯垂洞鑒。

臣聞洞陽赤炁，光芒瑩發於靈圖。飛雲丹霄，垂蔭仰瞻於羽蓋。玄奧深窺於蘊妙，至真儼睹於光臨。希陽景以融春，彤墀霧暖，遵朝儀而接晝，紫極風清。感通造化之機，流演仙真之教。瑞彩交飛於日表，琅音響徹於雲層。拳拳演教之誠，耿耿對揚之志，顧瞻如

在，降鑒非遙。具有丹誠，已伸敷告，按如詞旨，備切精虔。惟感恩答，既以兼顙，致祝國延禧而並切。班催鷺序，迢迢晝漏之聞，香暖螭頭，穆穆光風之轉。顧聖真之鑒享，極幽顯以交孚。以今午朝，陞壇行道，請法衆等，運茲初捻上香，和：香至靈濟宮，徧九天金闕成華蓋，供養九天金闕洪恩真君。願此香煙，供養九天金闕洪恩真君、靈濟宮真仙聖衆。臣等皈依洪恩靈濟宮

真仙聖衆，願以是捻香功德，洪惟九天金闕洪恩真君，九天玉闕洪恩真君，五嶽儲靈九天品位。文牽錦繡，燦然星斗之垂芒；雨露恩光，妙矣樞機之斡運。翊扶皇極，澤潤群生。今故燒香，自皈依真君大聖衆至真之德，得道之後，保天長存，和：與道合真。

晝刻傳呼，天顏有喜，揆宿心而寅事，因朝謁以申祈。以今午朝，陞壇行道，請法衆等，運茲二捻上香，和：香至靈濟宮，徧九天玉闕成寶蓋，供養九天玉闕洪恩真君。願此香煙，供養九天玉闕洪恩真君、靈濟宮真仙聖衆。臣等皈

依洪恩靈濟宮真仙聖衆，願以是捻香功德，上祝皇帝陛下，恭願尊居大寶，永庇寰區。地久天長，躋萬年之聖壽；海涵春育，啓兆姓之歡心。邊陲無兵革之塵，田野遂耕桑之業，腎良光輔，海宇清寧，隆至治之嘉徵，綿太平之景運。今故燒香，自皈依真君大聖衆至真之德，得道之後，保天長存，和：與道合真。

萬聖同明，一光溥及，惠日弘開於丹景，慈光仰睹於靈宮。以今午朝，陞壇行道，請法衆等，運茲三捻上香，和：香至靈濟宮，徧九天堂闕成雲蓋，供養靈濟宮真仙聖衆。願此香煙，供養九天金闕洪恩真君、九天玉闕洪恩真君、靈濟宮真仙聖衆。臣等皈依洪恩靈濟宮真仙聖衆，願以是捻香功德，歸流儲宮藩屏、宰輔臣僚、天下人民、寰中庶類。伏願茂隆三善，協輔萬機。緝熙光明，德業日新於聖學。體信達順，修治上契於天心。百福駢蕃，千祥咸集。未兆之憂虞永息，方來之喜慶駢臻。克躋仁壽之祺，茂協和平之福。今故燒

香，自皈依真君大聖衆至真之德，得道之後，永保長生，和：與道合真。

唱方

懺方

三啓

三禮

重稱法位

具位臣某，與臨壇官衆等，謹重誠上啓聖位。臣聞大鈞播物，溥生意以周流。至誠感神，冀誠心之仰格。當羲御正中之際，肅駕行事上之朝。象存九色之光，十方交映。響應八鸞之唱，萬範開張。臣等欽奉旨命以皈酬，奉醮科而敬事。蘋藻有嚴於禮意，顧享非遙；香花煥肅於壇儀，對揚惟謹。光瞻玉陛，班列瑶階。縱萬劫之無明，業緣未洗。昧三乘之諦義，道念徒勤。首希寬貸之仁，庶竭懇祈之至。上願皇圖廣大，寶祚尊安。萬年之宗社靈長，四海之車書永久。儲宮隆溫文之德，光輔萬機。宗藩同夾輔之勤，延祥百世。更冀五行順序，六氣迎和，人同齊愛之慈，物遂生成之性。教科光顯，道化興

行，一切含靈，同圓種智。則上明真君大慈之化，下副臣等皈命之誠。謹啓以聞。

十二願

存神燒香

香官使者、左右龍虎君、侍香諸靈官，當令臣向來午朝陞壇行道之所，自然生金液丹碧芝英，百靈衆真，交會在此香火爐前。當願精誠孚感，福祿來崇，神明永賜於匡扶，家國咸臻於清淨。十方仙童玉女，接待蘭煙，傳臣向來所啓之詞，速達徑御九天金闕洪恩真君、九天玉闕洪恩真君聖前。

出堂頌

出戶

洪恩靈濟真君集福午朝儀

(韓志遠點校)

061 洪恩靈濟真君集福

晚朝儀

經名：洪恩靈濟真君集福晚朝儀。撰人不詳。一卷。底本出處：《正統道藏》洞玄部威儀類。

法事如式

各禮師存念如法

請宣神呪

神光朗照，瑞氣匝旋。箕斗澄輝，芝宇晏然。玉眸金真，寶壇純乾。變夜作晝，回子午前。太華流彩，丹鳳飛玄。息魔滅奸，高步祥煙。天真普集，齊到帝前。

鳴法鼓二十四通

太上玄元五靈老君，召出臣身中三五功曹、左右官使者、侍香金童，傳言玉女，直日香官，功曹使者，三炁正神。速上關啓查邊魏趙刁五大元帥，岳許

二元帥，天丁力士，左右神官。以今晚朝，陞壇闡事。臣等欽奉聖旨，其諸意旨，已錄上聞。願得正真生炁，下降流入臣等身中，令今所啓之言，速達九天金闕洪恩真君、九天玉闕洪恩真君聖前。

請稱法位

具位臣某，與臨壇官衆等，謹同誠上啓：九天金闕明道達德大仙顯靈溥濟清微洞玄冲虚妙感慈惠護國庇民洪恩真君，

九天玉闕宣化扶教上仙昭靈博濟高明弘靜冲湛應仁惠輔國佑民洪恩真君，

聖父齊王忠武翊亮真君，

聖母仁壽淑善仙妃，

聖妃涇國夫人順助仁惠貞應仙妃，

衛國夫人善助慈懿恭靜仙妃，

聖兄唐王、洪王、鄂王、廣陵王，聖舅護

國公、奉國公，聖婿武安侯、寧國侯，聖

子保大侯、彰信侯、保信侯、保寧侯、武

寧公，聖姪昭德侯、安定侯、太寧侯，聖

孫武昌侯、南昌侯，聖子聖孫聖姪列位

公侯，唐王后明肅仙妃，洪王后仁慈仙

妃，鄂王后順懿仙妃，廣陵王后善慶仙

妃，聖女冲懿仙姬、明懿仙姬，聖婦善懿夫人、仁柔夫人、惠順夫人、昭懿夫人、順恭夫人、明哲夫人、恭懿夫人、靖懿夫人、昭穆夫人、慈孝夫人、聖婦列位夫人。上清大洞錄天機院雷霆省天

文院地府諸司承行官將，驅邪捉祟，傳符勅法，消灾度厄，逐凶辟怪，監壇護法，觀察巡捕將軍，太歲尊神十二月將，本命元辰星官，風雷雨部仙衆，左右丞相太宰少宰，六部尚侍內府公卿，左右注生注壽上宰，左右司祿司福上宰，左右侍從通事舍人，百官庶司所屬曹僚列位公卿，左右福祿司所屬二十四司曹官典，左右引進仙官，內侍順成夫人，昭華夫人、容華夫人、修容夫人，修儀夫人，昭儀夫人，內典婦功夫人，絲泉夫人，筦庫夫人，帳籍夫人，度支夫人，女府女史列位才人，女祝女御列位貴人，內殿內侍內典列位聖眷夫人，燕喜堂內注生司天一注生神后、太乙監生神后，司祿司命上相夫人，守胎衛房夫人，保胎護命夫人，左右慈訓夫人，保傳夫人，左右掌籍夫人，掌印夫

人，諸宮乳哺夫人、抱送夫人、撫育夫人、托生化婆神，永安留守查元帥，武安留守邊元帥，節度使左監門魏元帥，都統軍使右監門趙元帥，都監軍使先鋒刁元帥，五帥部下精兵猛將，左右岳、許二元帥，左右行宮侍御從官，司祿、司勳、司士、司書、列位曹僚，司農、司稼、典絲、掌葛列位曹僚，司市、掌貨、考工、飭材列位曹僚，厨官、優官、伶官，天捷、神捷、人捷，掌卜，掌籤，掌杯、掌鸞，傳夢童子，神局節級，直殿直符香官使者，靈濟宮土地合屬威靈。咸望洪慈，俯垂洞鑒。

臣聞動生陽，靜生陰，道妙密生於太極。禮言恭，德音盛，典儀備載於齋科。運行不息之機，丕顯好生之德。龍文鳳篆，粲星日之輝煌。鸞車羽輪，儼雲霄而陟降。肅朝儀而肆覲，奉醮悃以敷言，恩光儼格於宸旂，香炁濃飄於夕殿。鑒臨有赫，顧饗無遺。拳拳夙志之顛，耿耿初心之素。百靈衆真之交會，十方三界以齊臨。齋以事天，睹威顏之孔邇；暮焉日夕，喜光耀以騰輝。

絳霞丹霧之飛揚，景星慶雲之燁煜。踏踏濟濟，穆穆皇皇，鑒醮享之精誠，介駢蕃之景福。以今晚朝，陞壇行道，請法衆等，運茲初捻上香，和：香至靈濟宮，遍九天金闕成華蓋，供養顯靈溥濟洪恩真君。願此香煙，供養九天金闕洪恩真君、九天玉闕洪恩真君。臣等皈身皈神皈命靈濟宮真仙衆聖，願以是捻香功德，洪惟九天金闕洪恩真君、九天玉闕洪恩真君，明道達德，博濟昭靈。煥文彩於天機，光芒星斗；震聲威於雷部，幹運陰陽。華萼聯輝，填篋迭奏，神功難紀，聖化無方。今故燒香，自皈依真君大聖衆至真之德，得道之後，保天長存，和：與道合真。

臣聞香霧浮空，暮雲凝碧。耿耿朝趨之志，拳拳夕惕之心，以今晚朝，陞壇行道，運茲二捻上香，和：香至靈濟宮，遍九天玉闕成寶蓋，供養昭靈博濟洪恩真君。願此香煙，供養九天金闕洪恩真君，九天玉闕洪恩真君、靈濟宮真仙聖衆。臣等皈身皈神皈命靈濟宮真仙衆聖，願以是捻香功德，上祝皇帝陛

下，恭願道合乾坤，明同日月。萬載之瑤圖鞏固，九重之玉食尊安。雨順風調，民康物阜，百僚忠謹，庶位公廉。邊鄙塵清，戢干戈而偃武。閭閻德化，力耕稼以歸農。至治無爲，太平有象。今故燒香，自皈依真君大聖衆至真之德，得道之後，保天長存，和：與道合真。

臣聞天維顯思，日入而息。散香風於合殿，懸慧月於中天。以今晚朝，陞壇行道，請法衆等，運茲三捻上香，和：香至靈濟宮，遍九天堂闕成雲蓋，供養靈濟宮真仙聖衆。願此香煙，供養九天金闕洪恩真君、九天玉闕洪恩真君、靈濟宮真仙聖衆。臣等皈身皈神皈命靈濟宮真仙衆聖，願以是捻香功德，歸流儲宮藩屏、宰輔臣僚，天下人民，寰中庶類。伏願一善春融，六塵雲散，無障緣之結習，增行願以薰修。二曜五行，煥祥光而朗照；六宮百辟，轉瑞氣以和融。玉體清調，金枝茂衍。今故燒香，自皈依真君大聖衆至真之德，得道之後，永保長生，和：與道合真。

唱方

懺悔

三啓頌

三禮

重稱法位

具位某，與臨壇官衆等，謹重誠上啓：
九天金闕洪恩真君，九天玉闕洪恩真君，靈濟宮真仙聖衆，醮筵設像一切威靈。臣聞道之尊，德之貴，希微妙合於無言。大而化，聖而神，應響潛通於有翼。天九重而密勿，日三接以虔祈，洞洞乎中，洋洋在上。臣等欽奉綸音而昭事，恪遵玄範以朝修。醮松花蘊藻以齋明，馳心太漠。瞻絳節瓊輪之縹緲，注目層霄。臣等敬仰清都，翹勤靈濟。顧六塵之障染，倍切冰兢。味三洞之淵微，久依雲覆。丐汲提之有造，庶懇禱以無遺。上願聖壽齊天，皇明並日。玉帛遠來於海島，甲兵永洗於邊陲。福及儲宮，茂介康寧之祉，恩流藩屏，同臻清淨之榮。弼謨益著於忠良，民庶咸躋於仁壽。宮闈寧謐，道化光揚，則上明真君大慈之化，下副臣等皈命之

誠。謹啓以聞。

十二願

存神燒香

香官使者、左右神君、侍香諸靈官，當令臣向來晚朝之所，自然生金液丹碧芝英，百靈衆真，交會在此香火爐前。當願誠心昭徹，醮款圓成，十方仙童玉女，接待蘭煙，傳臣向來所啓之言，速達徑詣九天金闕洪恩真君、九天玉闕洪恩真君聖前。

出堂頌

出戶

洪恩靈濟真君集福晚朝儀

(韓志遠點校)

062 洪恩靈濟真君祈謝

設醮科

經名：洪恩靈濟真君祈謝設醮科。撰人不詳。一卷。底本出處：《正統道藏》洞玄部威儀類。

法事

各禮師存念如法

請宣神呪

五星列照，煥明五方。水星却災，木德致昌。熒惑消禍，太白辟兵。鎮星四據，家國利亨。名刊玉簡，字錄帝房。乘鸞散景，飛騰太空。出入冥無，遊宴十方。五雲浮蓋，招神攝風。役使萬靈，上衛仙翁。

鳴法鼓二十四通

太上玄元五靈老君，召出臣等身中三五功曹，左右香官使者，侍香金童，傳言散花玉女，直日香官，功曹使者，三炁

正神。速上關啓查邊魏趙刁五大元帥，岳許二元帥，天丁力士，左右神官。以今嚴陳醮禮，謹欽奉聖旨，其諸意旨，已錄上聞。願得正真生炁，下降流入臣等身中，令今所啓之言，速達九天金闕明道達德大仙顯靈溥濟清微洞玄冲虚妙感慈惠護國庇民洪恩真君、九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君道前。

請稱法位

具位臣某，與臨壇官衆等，謹同誠上啓：九天金闕明道達德大仙顯靈溥濟清微洞玄冲虚妙感慈惠護國庇民洪恩真君，九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君，聖父齊王忠武翊亮真君，聖母仁壽淑善仙妃，聖妃涇國夫人順助仁惠貞應仙妃，衛國夫人善助慈懿恭静仙妃，聖兄唐王、洪王、鄂王、廣陵王，聖舅護

國公、奉國公，聖婿武安侯，寧國侯，聖子保大侯、彰信侯、保信侯、保寧侯、武寧公，聖姪昭德侯、安定侯、太寧侯，聖孫武昌侯、南昌侯，聖子聖孫聖姪列位公侯，唐王后明肅仙妃，洪王后仁慈仙妃，鄂王后順懿仙妃，廣陵王后善慶仙妃，聖女冲懿仙姬、明懿仙姬，聖婦善懿夫人、仁柔夫人、惠順夫人、昭懿夫人、順恭夫人、明哲夫人、恭懿夫人、靖懿夫人、昭穆夫人、慈孝夫人，聖婦列位夫人。上清大洞籙天機院雷霆省天文院地府諸司承行官將，驅邪捉祟，傳符勅法、消災度厄、逐凶辟怪、監壇護法，觀察巡捕將軍，太歲尊神十二月將，本命元辰星官，風雷雨部仙衆，左右丞相太宰少宰，六部尚侍內府公卿，左右注生注壽上宰，左右司祿司福上宰，左右侍從通事舍人，百官庶司所屬曹僚列位公卿，左右福祿司所屬二十四司曹官典，左右引進仙官內侍順成夫人、昭華夫人、容華夫人、修容夫人、修儀夫人、昭儀夫人、內典婦功夫人、絲枲夫人、筦庫夫人、帳籍夫人、度支

夫人、女府女史列位才人，女祝女御列位貴人，內殿內侍內典列位聖眷夫人，燕喜堂內注生司天一注生神后、太一監生神后，司祿司命上相夫人，守胎衛房夫人，保胎護命夫人，左右慈訓夫人，保傳夫人，左右掌籍夫人，掌印夫人，諸宮乳哺夫人、抱送夫人、撫育夫人、托生化婆神，永安留守查元帥，武安留守邊元帥，節度使左監門魏元帥，都統軍使右監門趙元帥，都監軍使先鋒刁元帥，五帥部下精兵猛將，左右岳、許二元帥，左右行宮侍御從官，司祿、司勳、司士、司書、列位曹僚、司農、司稼、典絲、掌葛列位曹僚，司市、掌貨、考功、飭材列位曹僚，厨官、優官、伶官，天捷、神捷、人捷，掌卜、掌籤、掌杯、掌鸞、傳夢童子，神局節級，直殿直符香官使者，靈濟宮土地合屬威靈。恭望洪慈，俯垂昭格。

明，乃入於聖。恭惟九天金闕明道達德大仙顯靈溥濟清微洞玄冲虚妙感慈惠護國庇民洪恩真君、九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君，正直爲德，禍福動人。潛地而地，潛天而天，莫測威靈之妙。曰暘而暘，曰雨而雨，獨專造化之權。赫赫厥聲，洋洋如在。上佐斗真於北極，默叅玄學於東華，與道合真，惟神是守。名登金闕榮頒三十二字之封。道契丹臺，深得五千餘言之旨。隨機赴感，發誓度人。既蒙覆育之恩，敢昧謝祈之典。恭迎法駕，來降道場。或服仙珮之踴躍，八鸞後唱。或衣朝衣之濟濟，百騎前迎。上下之仙眷森羅，左右之靈官擁衛。酒陳菲禮，德鑒芹誠。衆等無任勤拳，奉迎真馭。

請兩班

請聖

鶴駕臨軒，請陞醮座，官衆上香，酒陳初獻。

磬舉散花

恭聞仁義著稱，枝葉分偃王之裔；忠武不屈，簪纓襲齊國之封。仁聲肇著於閩中，德譽遠聞於海內。勒名鍾鼎，立傳史書。出戍於峽江之南，吏兵之安堵如故。立幟於鼇峰之上，盜賊之餘黨勦除。頓今福地之安，均荷堯天之賜。恩敢忘於結草，詩可詠於甘棠。死廟食，生封王，可謂至矣。德施民，勞定國，于今稱之。昔焉草木效公山之靈，今也田疇息洪水之害。民船激石，果聞黃旗救援之聲。鄰火返風，永無曲突焦爛之患。嘉定之蝗蟲不入境，寶慶之旱魃不爲災。紅蛇見而雨沛九天，神龍起而雷轟萬里。無跡可見，夜何見於天燈。無聲可聞，日何聞於絲竹。事跡千年留石碣，王封累代侈金書。致士民千里以來歸，宜香火四時而寅奉。惟德是輔，豈圖黍稷之馨。非類不歆，特重粢盛之潔。建功積善，執戒清齋，若非上格於天心，何以超陞於仙秩。欽承帝命，仰沐玄風，特書金闕玉闕之名，頒降大仙上仙之號。道吾道也，德吾德也。化神化之，

教神教之。不惟誇一時而榮一身，抑亦光乃前而振乃後。親睦是教，燕喜有堂，上瞻聖父聖母之尊嚴，下列聖子聖孫之富貴。聖舅名登於紫府，聖兄廟食於金陵。神后夫人，專掌注生之籍。聖妃仙眷，環居內侍之班。或分福祿之司，或任公卿之職，權尊五帥，勇冠三軍，乃武乃文，在左在右。廟鎮七閩之地，其甚盛蔑以加諸。德參五嶽之靈，非至聖孰能與此。某等席神之庇，遺我以安。一飲一啄，初不敢忘。三沐三薰，敬之如在。祇迎寶馭，少鑒邕人齋事之勤。爰集羽流，敢獻碧落空歌之瑞。臣等百拜，恭祝當今皇帝，億載萬年，爲父母保子姓以安全，千祿百福，宜君王昇皇圖而永久。某等欽承惟謹，敢怠宣行，所有誠詞，謹當宣奏。

宣詞

按如詞旨，已具敷宣。伏冀仙慈，俯垂省覽。恭聞捍患禦災，禮特嚴於祀典。報功崇德，職宜進於仙階。荐膺金闕之緹書，榮侍玉皇之香案。二氣吐納，深究出青入玄之方。七液周流，有得

回紫抱黃之妙。在身爲獨善之美，於人施兼濟之功。所感必通，無求不應。救民疾苦，何須扁鵲之方。卜地陰陽，默授景純之學。問婚者，宜家宜室。祈嗣者，生子生孫。求仕者，勸之以忠孝立身。行商者，告之以仁義爲利。農力於穡，工精其能。近者悅而遠者來，顯諸仁而藏諸用。皈心嚮道，皆蒙啓迪之恩。戴髮垂髻，俱托帡幪之庇。以今臣等，欽承聖旨，用建醮因，答謝真麻，祈敷景貺。伏願聖德凝純，神功丕著。九天錫慶，來浩浩之福源，二景齊明，開巍巍之壽域。百昌均被，庶績咸熙。衆等設拜，上香酒，陳亞獻。

知磬舉散花

伏聞一片羅池碑，終古難磨其英氣。千年東華洞，至今孰紹於真風。洪惟守土神，積此彌天之行。骨像合仙於廣惠，文章並駕於柳侯。若非星宿之儲精，必也山川之孕秀。有詩歌賦頌之可述，須嚴大書特書至於屢書。言吉凶禍福以無差，未免初瀆再瀆煩于三瀆。灼見顯幽之理，預明倚伏之機。

貌重而威，畏之如嚴霜烈日。道高且遠，仰之如北斗泰山。盛德昭昭，皇靈刻刻。以今臣等欽承聖旨，崇建寶齋，昭答靈麻，祈敷景貺。伏願皇圖鞏固，並山嶽以同堅。聖體裕安，等乾坤而齊永。六宮恒吉，萬國咸寧。衆等設拜，上香酒，陳終獻。

宣狀

送聖

伏聞鼇峰聳傑，可攀天上之星辰。龍首軒昂，沛作人間之雨露。良以感恩於平日，將何酬報於今時。清供載陳，愧乏玉饗金醴。仙家所茹，無非火棗交梨。今則寶篆香殘，銀釭焰冷。星冠羽服，步虛遠徹於瑤宮。霧輦雲軒，隊仗將旋於金闕。徒切馳情於戀戀，更祈降福以穰穰。衆等虔誠，再拜奉送。

送神

復爐

香官使者、左右神君、侍香諸靈官，當今設醮之所，自然生金液丹碧芝英，百靈衆真慶會，在此香火爐前。當願宸

衷孚達，真鑒無遺。十方仙童玉女，接侍香煙，傳臣向來所啓之言，速達徑御九天金闕明道達德大仙顯靈溥濟清微洞玄冲虛妙感慈惠護國庇民洪恩真君、九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君聖前。

洪恩靈濟真君祈謝設醮科

(韓志遠點校)

063 洪恩靈濟真君七政

星燈儀

經名：洪恩靈濟真君七政星燈儀。撰人不詳。一卷。底本出處：《正統道藏》洞玄部威儀類。

法事如式

大道昭昭，不言善應。小心翼翼，有禱必通。恭炷真香，虔誠供養：

九天金闕明道達德大仙顯靈溥濟清微洞玄冲虚妙感慈惠護國庇民洪恩真君，
九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君，
靈濟宮中神仙諸靈官普同供養。
恭聞龍漢開圖，而玄元始之炁分。鼇極初化，而天地人之位定。夫人也，大道難遇，中土難生。況抱以陽，負以

陰，四肢既正。必貴其形，保其命，萬氣長存。惟恐老死病苦之爲憂，各以長大美好而自悅。人有所欲，天無私親。何賜也富，而憲也貧？何彭之壽，而顏之夭？毋誘之數，盍求諸身。爾

時靈濟真君，遊宴玉清聖境，熙帝之載，則天之明，作大因緣，爲衆演說。五辰我撫，或盈或縮之不常。兩曜我經，二暑一寒之有序。順之則爲吉隆之喜，逆之則爲凶危之憂。惟玉誠可以感神，故積善必有餘慶。既沐照臨之下，敢忘昭謝之私。今辰謹有奉道某，恭啓靈壇，具陳菲供。依元陽之玉曆，行香誦經。按靈寶之金科，修齋奉戒。發明章典，然點神燈。仰觀經緯之文，遐想璣衡之象。蘭炷熱火，見其盛未見其微。鐵盆盛膏，見其增未見其減。上照三十二天，光明廓落。下使百千萬人，瞻仰皈依。衆善自光中生，衆惡自光中滅。一作禮而再作禮，精意感孚。初上香至三上香，玉音嘹亮。仰惟洞鑒，俯賜恩光。更冀三界齊臨，萬神恭諾。凶星退舍，在四時則

無害無灾。吉曜臨軒，錫五福以曰富曰壽。稽首皈依至真妙道德光常曜天尊。

臣法衆等，志心皈命：

九天金闕明道達德大仙顯靈溥濟清微洞玄冲虚妙感慈惠護國庇民洪恩真君，
九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君，
靈濟宮中神仙諸靈官。謹然璣衡七政神燈，上布日曜太陽之象。

恭聞道在太極之始，莫見乎隱，莫顯乎微。日者衆陽所宗，無願不成，無幽不察。莫測其妙，所存者神。赫赫厥靈，人可畏之如趙盾。明明在上，民皆仰之若周公。輝光其德，盛矣乎。潔白其節，皎如也。烏輪肅備，朝覲鬱儀之宮。羲駕莊嚴，燕享洞陽之殿。放出毫光萬丈，普照世界三千。入吾門也，無葑屋之疑。遵吾道也，滅索塗之病。伏念一切衆生，塵埃汨沒，徒窮逐影之

勞；電露虛華，惟有過隙之歎。自今反照，與道常明。伏願中爲市者，獲行商坐賈之財。出而作之，安耕田鑿井之業。藝之巧者，以圭測影。工之勤者，繼晷焚膏。爲儒者，賦誇五色文章。入仕者，名號八磚學士。桑榆殘照，爭同松栢。以長青螢燐增輝，願與昆蟲而被澤。少竭葵傾之敬，願垂藻鑑之光。請法衆等，敬依太上所說太陽帝君神呪，稽首皈依，虔誠讚詠。

志心皈命信禮

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命信禮

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君。

呪捻午文，吸午氣，遙想洞陽鬱儀宮真君如在。

東望扶桑宮，稽首朝鬱儀。太陽洞明景，寥寥何所思。令我拜金色，候天望英姿。皇華將玉女，臨軒降此時。

和：願此燈光回向真君。

散花

大明圓極天尊。

臣法衆等，志心皈命：

九天金闕明道達德大仙顯靈溥濟清微洞玄冲虚妙感慈惠護國庇民洪恩真君，

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君，

靈濟宮中神仙諸靈官。謹然璣衡七政神燈，上布月曜太陰之象。

恭聞祖氣在太空之中，無色無緒。月魄泛十華之彩，有性有情。經於箕而

起風，離於畢而作雨，天之工也，神而明之。步蟾宮八萬三千門，清光可挹。眺鶴臺一千五百載，聖迹猶存。劉越

石之却虜圍，果遂登樓之興。曹孟德之成霸業，何妨鼓瑟而歌。或淪精而授漢之符。或委照而應吳之瑞。其名清亮，厥績彰明。伏念一切衆生，穴影偷光，塵籠養晦。將長護短，豈無玷缺

之愆。文過飾非，未免朦朧之罪。謹當昭謝，幸睹光明。伏願鴻集澤中，安有烏飛之恐。雞鳴境內，永無牛喘之憂。搗兔藥者可以長生，採蚌珠者可以獲富。入仕者早中嫦娥之選，定婚者果符老人之言。瑤光現而孕產佳兒，玉斧修而工精藝巧。拱俟織阿而按晷，自慚太白之舉杯。請法衆等，謹依太上所說太陰皇君神呪，稽首皈依，虔誠讚詠。

志心皈依信禮

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈依信禮

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君。

呪捻未文，吸未氣，想洞陰結璘之宮真君如在。

仰望顧八表，惟月孕陰精。中有太素皇，夫人駕綠輶。耀華光二極，混明照三清。殷勤求至道，五色下來迎。

和：願此燈光回向真君。

散花

圓鑒洞照天尊。

臣法衆等，志心皈命：

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君，

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君，

靈濟宮中神仙諸靈官。謹然璣衡七政
神燈，上布東方木德歲星之象。

恭聞道心惟一，昏昏嘿嘿以難名。木
神則仁，化化生生之爲妙。在時爲春，
而春風長養。於德爲元，而元氣胚胎。
均蒙扶植之功，猶賴剗裁之力。高山
仰止，易地皆然。謝石得之，以顯八公
之靈。周公得之，以釋金滕之謗。調
梅用說，則夢求諸野。採桑得尹，則神
降於莘。功卓立於一時，名流芳於萬
世。伏念一切衆生，守株安分，托蔭過
情。雖樗櫟之才，槌魯無文。然杞柳

其性，杯棬可用。從繩則正，非矩不
成。伏願能官者，械樸其章。聽訟者，

甘棠其政。觀橋梓之道，而父慈子孝。
歌華萼之詩，而兄友弟恭。生子願爲

聖小兒，挺挺五枝之桂。結交須作忘
年友，森森千歲之松。桃灼其華，宜其

家，宜其室。果秋以薦，尊爾祖，敬爾
宗。少伸實棗之儀，非擬燔柴之典。

請法衆等，敬依太上所說木德星君神
呪，稽首皈依，虔誠讚詠。

志心皈依信禮

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈依信禮

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

呪捻寅亥文，取寅亥氣，想青華青天
之宮真君如在。

歲星乘木德，展輔耀東鄉。凌天姿潤
澤，正色混明皇。尋花歌浩漾，擲水詠
芝房。經時頻禱禮，獲福自然長。

和：願此燈光回向真君。

散花

妙智圓明天尊。

臣法衆等，志心皈命：

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君，

靈濟宮中神仙諸靈官。謹然璣衡七政
神燈，上布南方火德熒惑星之象。

恭聞火秉南方之德，炎帝行權。神爲
東海之君，真人錫號。玉精鑄魄，金液
煉形。學參方外之書，善似光中之影。
隨機應化，發誓度人。挈塗炭之民，而
置諸衽席之安。憫焦熬之俗，而轉爲
謳歌之樂。以勞定國，則流烏呈瑞。
捍難禦災，則回祿反風。聲迹熒煌，威
靈烜赫。伏念一切衆生，慾心未滅，道
學不明。其狗勢，則未免阿佞以趨炎。
其措謀，則豈敢險奸而煽毒。揚湯止

沸，何其愚也。收燼之餘，不幾晚乎。幸曲突徙薪，猶有豫防之戒。然紅爐點雪，會知解悟之機。憂甚如熏，誰能執熱。曾謂燎原而可撲，豈宜與玉以俱焚。伏願戢我干戈，永絕狼烽之警。救民疾苦，何勞艾灸之功。烹炊者，得養其生。樵爨者，各安其業。惟天鑒于一德，故曰誠則明，明則誠。作善降之百祥，俾爾熾而昌，昌而熾。心香一炷，可通於碧落。神光三燭，載顯於靈壇。請法衆等，敬依太上所說火德星君神呪，稽首皈依，虔誠讚詠。

志心皈命信禮
九天金闕明道達德大仙顯靈溥濟清微
洞玄冲虚妙感慈惠護國庇民洪恩真君。

志心皈命信禮
九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真君。

之官真君如在。
芒角生龍鳳，威光叱十方。丹剛耀五

夜，朱火焰三邊。晶明符正氣，劍戟煥兵權。攙搶應滅迹，孛彗敢當前。和。願此燈光回向真君。

散花

智炬赫奕天尊。

臣法衆等，志心皈命：

九天金闕明道達德大仙顯靈溥濟清微
洞玄冲虚妙感慈惠護國庇民洪恩真君，
九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真君，
靈濟宮中神仙諸靈官。謹然璣衡七政
神燈，上布西方金德太白之象。
恭聞金孕太白之精，西方有象。神位
上清之列，北斗化形。文章久著於天
台，源派其來於麗水。歌詩雅頌，有鏗
鏘之美。勒銘鍾鼎，負剛介之才。李
少君因此以成丹，商傳說用之而作礪。
其爲寶也誠可貴，其爲器也寧可輕。
仰之彌高，鑽之彌堅。截然有條，渾然
有理。伏念一切衆生，四知有愧，素欽

楊震之賢，三致無能，空羨陶朱之富。過自今而湔改，誠有賴於陶鎔。伏願經果不焚，喜得滿籛之教；文如未喪，猶聞擲地之聲。言可行，名可言，楚人之諾皆如季布。聖希天，賢希聖，孔子之鑄豈特顏回。愧無鴻寶之陳，略具彝樽之獻。請法衆等，敬依太上所說金德星君神呪，稽首皈依，虔誠讚詠。

志心皈依信禮

九天金闕明道達德大仙顯靈溥濟清微
洞玄冲虚妙感慈惠護國庇民洪恩真君。

志心皈依信禮

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真君。

呪捻辰酉文，取辰酉氣，想金天素靈之官真君如在。

太白凌清漢，騰霜耀素英。亭亭浮瑞彩，皎皎盛長庚。鋒高能禦寇，色潤每降兵。推窮符曆數，合道與長生。和。願此燈光回向真君。

散花

明真養皓天尊。

臣法衆等，志心皈命：

九天金闕明道達德大仙顯靈溥濟清微
洞玄冲虚妙感慈惠護國庇民洪恩真君
九天玉闕宣化扶教上仙昭靈博濟高明
弘静冲湛妙應仁惠輔國佑民洪恩真
君，

靈濟宮中神仙諸靈官。謹然璣衡七政
神燈，上布北方水德辰星之象。

恭聞水之神故曰玄冥，其源也深，其流
也遠。神如水之在地下，何所不至，何
往不通。蕩蕩乎，吾無能名。淵淵乎，
誠不可測。言其仁，則魚鱉得其所。
言其威，則蛟龍神其靈。飛沙怒濤，曾
顯三山之夢。興雲致雨，具瞻四瀆之
祠。冰渡滹沱，王霸之言，何其神也。
雪平淮蔡，李愬之功，豈非天平。均蒙
潤下之仁，敢有朝東之請。伏念一切
衆生，盜泉止渴，何饕餮之不才；濁涓
常流，使穢污而自臭。謹當洗濯，毋即
悖淫。伏願官府昇平，珠果還於合浦。
人才泰長，舟可濟於巨川。泮林之桑

熟，而蠶乃登。潢池之劍賣，而牛可
畜。財利之願淵積，既庶何加，又曰富
之。子孫之派流長，盛德之後，必有興
者。恩波洋溢，福海弘深。少伸行潦
之儀，深愧蹄涔之陋。請法衆等，敬依
太上所說水德星君神呪，稽首皈依，虔
誠讚詠。

臣法衆等，志心皈命：
九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君，
九天玉闕宣化扶教上仙昭靈博濟高明
弘静冲湛妙應仁惠輔國佑民洪恩真
君，

志心皈依信禮
九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

靈濟宮中神仙諸靈官。謹然璣衡七政
神燈，上布中央土德鎮星之象。

志心皈依信禮
九天玉闕宣化扶教上仙昭靈博濟高明
弘静冲湛妙應仁惠輔國佑民洪恩真
君。

恭聞社而祭土，配地之宜。神之爲德，
合天之道。石文薦瑞，陰克相於唐家。
野塊呈祥，神有扶於晋室。秦如得蜀，
則褒谷之妖不足爲怪。劉既吞桓，則
鮮卑之夢夫豈偶然。宗孝子以此葬
父，而顯陰功。鐵輪王以此施佛，而成
因果。洪規之船，可以借重。盧江德

呪捻已申文，取已申氣，想玄靈大德
之官真君如在。

政，萬古流傳。雷煥之劍，可以增光。
華陰聖迹，千年如在。以沙漬酒，曾授
高府君療病之方。取塵爲圓，嘗得葛
仙翁活人之劑。以黃尚德，有赫厥靈。

妙哉符五氣，髣髴見真門。嵯峨當丑
位，壬癸洞靈君。分輝凝皎潔，舂蠻赴
思存。仙歌將舞道，良久下金天。
和願此燈光回向真君。

伏念一切衆生，穴蟻偷生，壁蟲守拙。
惡多善少，豈無一簣之虧。彰往知來，

散花

龍德普照天尊。

未免百昌之托。靖惟糞壤，無所用也。或者泥塗，其可棄乎。從今正道以由行，敢不立墻而起敬。伏願華嶽儲精，為士者生而穎悟。黃金同價，為商者富而貿遷。墁藝精，而工食其功。膏脉動，而農力於穡。編鍾擊磬，略陳桴鼓之儀。酌水獻花，愧乏青藜之貢。請法眾等，敬依太上所說土德星君神呪，稽首皈依，虔誠讚詠。

志心皈依信禮

九天金闕明道達德大仙顯靈溥濟清微洞玄冲虛妙感慈惠護國庇民洪恩真君。

志心皈依信禮

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君。

呪捻子丑文，取子丑氣，想黃中元氣之官真君如在。

高穹符戊己，藏陸起重霄。五行尊暗曜，九土見光昭。甘石推留伏，陶巫筭沉寥。上仙垂雨露，伏地禮空謠。

和：願此燈光回向真君。

散花

靈光炳曜天尊。

誦詠經呪

上來然燈功德，並已周圓。恭聞睹天文而察人事，可以前知。修人事以應天文，吉無不利。須仗神燈而點照，特憑科典以宣揚。回向真君，仰祈景貺。自今已後，丕闡厥靈。伏願星聚於奎，再睹文明之治。光含於璧，復還淳古之風。上體天心，下孚民望。更冀然燈之後，五星順度，兩曜增輝，寒暑不愆，躋兆民於仁壽。雨暘時若，祈百穀之豐登。蠢動含靈，咸資化育。仰憑法眾，為上良緣。念：三清三境天尊，九天錫慶天尊，十方靈寶天尊，不可思議功德。

洪恩靈濟真君七政星燈儀

(韓志遠點校)

064 洪恩靈濟真君禮願文

經名：洪恩靈濟真君禮願文。
撰人不詳。一卷。底本出處：

《正統道藏》洞玄部威儀類。

洪恩靈濟真君願文序

願者，真人之願也，亦人之所願也。一跪一拜，心之專也。心之專，善之至也。人性之善，猶水就下也。不善不改，是吾憂也。此願所以爲善者設是，豈徒願文乎哉。仰觀於天，得數二十五。俯法於地，得數三十。合而言，得數五十五。蓋因此數得以成其願，若非與天地同功，安能至此。善人天地之紀也。苟有一毫矯僞慢怠之意，非吾之所謂願也。其可與善者同日語耶？《傳》曰：善無常主，協于克一。此無他，始於是，終於是，不以半

塗而自畫，斯爲盡善而盡美也。善者，福之基。福者，善之積。唐高郢有言：積善以致福，不費財以求福，福既可以不費財而求，則爲善者可曰費財乎。見善以相示，聞善以相告，凡吾同志，當以此自相勉勵。庶無愧於天地，亦無愧於真君，此又真君之大願也。

洪恩靈濟真君禮願文

以今恭焚寶香，虔誠供養：

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君，

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君，
靈濟宮中神仙諸靈官普同供養。

恭聞神之顯德，曰正直而曰聰明。人所常情，欲安逸而顧富貴。祭之必受福也，禮其無太簡乎。廟食餘四百年，香火如彼其盛。碑銘凡一千字，文章可得而聞。昭昭不朽之名，凜凜如生之義。功全社稷，德在生靈。農力於耕，有黍稷稻粱之慶。工精其藝，合準繩規矩之程。士以忠孝立身，商以仁義爲利。問婚者，宜家宜室。祈嗣者，生子生孫。風風人，雨雨人，均遂生成之願。衣衣我，食食我，俱沾温飽之仁。施之萬物得其宜，措之四時得其

序。仰之如太山北斗，厥光大矣。不我遐遺，現則爲景，星慶雲爭，先睹之以爲快樂。宜受大禮，以宣厥靈。昔膺勅額之榮，今荷天恩之寵。位既登於金闕玉闕，名乃進於大仙上仙。徽號褒崇，威儀赫奕，祀延百世，表正萬神。與大造以爲徒，長上古而不老。伏念某心雖慕道，才不如人。少伸昭謝之私，略致涓埃之敬。具嚴法會，干冒真聰。伏願鳴玉鸞兮啾啾，駕八龍兮蜿蜿，率雲霓兮來迓，令閭闔兮開關，先使豐隆兮前驅，後使飛廉兮奔屬，委厥美兮從容，蹇將澹兮壽光，桂酒奠兮椒漿，蕙肴蒸兮蘭籍，逍遙兮容與，低回兮顧懷。某下情無任勤拳，顒俟之至所；有真君本願神呪，謹當持誦：

真君真君，北斗大神。天地贊化，日月並明。下主艷都，上朝帝庭。奉行正法，斬伐邪精。靈濟徽號，福及萬民。有求必應，如谷隨聲。有感必通，如影隨形。逆我者死，順我者生。唵昭靈昭靈，普濟生靈。乾元亨利貞，急急如律令。

靈濟真君，速降來臨。好生之德，洽于民心。存吾二氣，火陽水陰。消灾度厄，福善禍淫。急急如律令。

真君真君，北斗降生。代天行化，助國救民。流傳正法，斬伐邪精。魔王拱衛，真氣常存。急急如律令。

向來神呪，已具敷宣。奉請：

聖父齊王忠武翊亮真君，聖母仁壽淑善仙妃，靈濟二位真君、二位仙妃，法駕降臨預會衆真，列班朝禮。朝禮既周，各升法座。虔誠設拜上香。

歎香

伏以明德以薦，非黍稷之能馨，爲善之徒，與芝蘭而俱臭。是香也，玉爐獻瑞，金鼎呈祥。郁郁紛紛，結爲雲煙之氣。融融靄靄，陶成宇宙之春。捧之，則有使者立吾前。侍之，則有童子立吾後。有醮云：稽首虔誠供養。無醮云：酒陳初獻，奉此侑樽，法衆運心，虔誠供養。

吟香偈

天上雲阿種，剛風落四溟。深沉祕龍

宮，海神獻仙衆。今爇薦誠懇，氤氳上紫宸。洞達入杳冥，所求皆如願。

和：衆等一心供養。散花。洞案爐煙起。散花林。無爲道德香。散滿道場。真君前供養。

歎水

伏以潢汙可薦於王公，惟有忠信以爲質。源水不舍於晝夜，自慚聲聞之過情。是水也，不濁不昏，常清常淨。天上爲雨露，承之以銅柱金莖。地下爲醴泉，餐之如瓊漿玉液。知者行其所無事，上善若此而不爭。無水不朝東，其源來自北。有醮云：稽首虔誠供養。無醮云：酒陳亞獻，奉此侑樽，法衆運心，虔誠供養。

吟水偈

天上銀河溢，泓澄映十方。變成雨露來，覃恩遍天地。潤下滋枯槁，涵濡澤萬生。酌水表丹衷，身心悉清淨。

和：衆等一心供養。散花。源流非地脉。散花林。灌溉自天河。散滿道場。真君前供養。

歎花

伏以翠葉重重，以停蔭於清泠之渚。玉葩鬱鬱，乃生神於大有之庭。是花也，香本自香，色無定色。池蓮紅者，忽變爲碧。牡丹白者，可染爲黃。廣寒宮中桂一枝，影拖秋月。武陵洞裏桃千樹，靨笑春風。欲傾葵藿之情，少寓頻繁之禮。有醮云：稽首虔誠供養。無醮云：酒陳終獻，奉此侑樽，法衆運心，虔誠供養。

吟花偈

玄圃珍葩盛，盤根蔓十方。挺秀八百年，垂芳及塵世。燁燁光明界，繽紛雨寶花。採得最清英，我今興供養。

和：衆等一心供養。散花。萬花興供養。散花林。飛舞自天來。散滿道場。真君前供養。

伏以游神於道，視不見，聽不聞。守道以神，瞻在前，忽在後。隱無終隱，名豈強名。自赤明開圖，天書之所由降。及天真按筆，人文之所以興。帝譽受之於牧德臺前，黃帝傳之於峨眉山上。或得於勾曲，符闔閭之願。或降於鍾山，成夏禹之功。矧茲經教之流傳，使

我衆生而解悟。茲蓋伏遇

九天金闕明道達德大仙顯靈溥濟清微洞玄冲虚妙感慈惠護國庇民洪恩真君，

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君，

上佐斗真於北極，內參玄學於東華。百萬億劫，劫劫修來，五十五願，願願得度。煉金成鳳篆，揉玉寫龍章。願共諸有情，同成無上道。道場衆等，稽首皈依，志心讚詠。

唱詠真君本願贊同聲

上朝帝座，身進天階。光依日月，職掌三台。列宿拱衛，雲漢昭回。東方龍角，獨占斗魁。華蓋房駟，輔弼嚴明。羽林將軍，左導右迎。填篋迭奏，律呂合聲。榮歸天府，萬里雲程。

舉道場衆等人，各虔誠讚禮如法。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微

洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君。

大道巍巍不可名，九天旺氣屬真君。古往今來無紀極，百千變化妙通神。

和：今將聖德虔誠讚，願賜威光鑒此忱。願共諸有情，同皈無上道。

志心皈命，禮德配乾坤。功參日月，神通妙用，正直聰明。大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明

弘靜冲湛妙應仁惠輔國佑民洪恩真君。

鼻祖開基國始徐，朱弓赤矢降祥符。子孫枝葉昌而大，魁士名人載史書。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆。澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君。

紛紛五代霸爭雄，獨起淮南立大功。忠武盛名垂竹帛，千年齊國襲王封。

和：今將聖德虔誠讚，願賜威光鑒此忱。願共諸有情，同歸無上

道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君。

義舉王師下七閩，七閩效順不交兵。吏民按堵皆如故，簞食臺漿喜出迎。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真

君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君。

盛儀如舊喜東迎，赤子潢池敢弄兵。生長鼇峰真福地，頓令雞犬復聞聲。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人，

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真

君。

斬茅伐木建祠堂，祝壽朝朝夜夜香。
廟食王封男子願，皇靈剡剡降威光。

和：今將聖德虔誠讚，願賜威光鑒

此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

占斷鼇峰一洞天，祠前景物尚依然。
藤蘿交翠青雲外，更有龍湫瀑布泉。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

五色雲開現紫旗，木爐不壞瑞何奇。
天降雙龍來擁衛，果然神物有憑依。

和：今將聖德虔誠讚，願賜威光鑒
此忱。

願共諸有情，同皈無上道。

志心皈命禮，德配乾坤。功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

一朝雷雨起雙龍，直泝溪流抵嶼中。
化作木爐呈聖瑞，鄉人因此立祠堂。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

古來風俗樸而淳，時號雍熙世太平。
曰雨曰暘常感應，請將兩字上徽稱。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

昔日潢溪遷廟祀，溪邊一帶小坡山。
桑田滄海時更變，父老于今號社壇。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神

通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真君
政和祠宇大規模，龍首軒昂門地多。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大

願，隨機赴感，發誓度人

願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

無臭無聲事杳冥，至和之德感神明。
重光夜現星燈瑞，九奏時聞天樂聲。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，天直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

旗龍顯迹因名地，祈雨王宮再立祠。
事載碑文人口誦，秋冬以報祭維時。

和：今將聖行虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直總明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

四方香火立群祠，派別支分不計時。
功德昭昭垂日月，質之父老口如碑。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

廟食于今四百年，蕙肴桂酒禮精專。
榮零之卜如符契，德在人心感二天。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

曾效公山草木靈，嘉熙聖詔寵恩新。
勅封靈濟金書侈，廟貌千年冠七閩。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤。功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

岩堯石塔與雲連，行滿功成託舊緣。
惟願法身常不滅，光明普照遍三千。

和：今將聖德虔誠讚，願賜威光鑒

此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。

定應禪師盤古佛，我曾參得此中禪。任教直入真如境，一點靈臺自豁然。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤。功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微

洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。

嘉定妖蟲飛滿野，詣祠禳謝即南遷。是年夢占維魚兆，黍稷倉箱積萬年。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明。大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明

弘静冲湛妙應仁惠輔國佑民洪恩真君。

光澤鹽船遇惡風，中宵纜斷失西東。心香一瓣神如在，頓使船移水路通。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。

無知蠢蠢是愚民，曲突胡為不徙薪。現出救焚旗閃閃，反風陰助賴神靈。

和：今將聖德虔誠讚，願賜威光鑒此忱。願共諸有情，同皈無上

道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高弘静冲湛妙應仁惠輔國佑民洪恩真君。

曾聞寶慶早如焚，圭璧精誠神我聞。

几上紅蛇形化現，聲雷一鼓雨傾盆。

和：今將聖德虔誠讚，願賜威光鑒

此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。

嶮峽民舩打石灘，中流失楫已心寒。

急呼神號黃旗現，救援聲聞頃刻間。

和：今將聖德虔誠讚，願賜威光鑒

此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。

紹定潢溪瀑水流，田疇墊溺不堪憂。時聞開港神兵出，又喜三登歲有收。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。

人道淳熙風俗美，彗星胡乃出西方。弭灾銷變神明力，何必祆祥責保章。

和：今將聖德虔誠讚，願賜威光鑒此忱。願共諸有情，同皈無上道。志心皈命禮，德配乾坤，功參日月，神

通妙用，正直聰明，大慈大悲，大聖大願，隨極赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。

自古文章可立身，紹興符讖泄神靈。兩家太守輝相映，一榜于今賀得人。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神

通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。

朱衣夢報兩書生，嘉定聲名繼紹興。甲子一周天數驗，叔孫衣鉢世相承。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。

丈夫慷慨志功名，況是郎官應列星。

夢起傳巖終大用，此中祖廟顯精靈。

和：今將聖德虔誠讚，願賜威光鑒此忱。願共諸有情，同皈無上道。

志心皈命，禮德配乾坤，功參日月，神通妙用，正直聰明，大慈大悲，大聖大願，隨機赴感，發誓度人

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人

九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。

璧水衣冠人物盛，兩家生子賀人賢。嘉熙混試天機巧，吉夢為傳賦樂天。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大

願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘静冲湛妙應仁惠輔國佑民洪恩真
君。

咸淳聖詔行鄉舉，主宰科名自有神。
兩月月中符吉識，天機漏泄筆端春。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大

願，隨機赴感，發誓度人

九天玉闕宣化扶教上仙昭靈博濟高明
弘静冲湛妙應仁惠輔國佑民洪恩真
君。

好施輕財稱長者，謾言陰隲不相扶。
祠堂姓字傳千古，六世登科五大夫。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘静冲湛妙應仁惠輔國佑民洪恩真
君。

典刑如在燕山寶，丹桂連芳發五枝。
繼有人焉家積善，夢傳吉夢產佳兒。

和：今將聖德虔誠讚，願賜威光鑒

此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘静冲湛妙應仁惠輔國佑民洪恩真
君。

青布成羅羅織翠，紅塵化錦錦添華。
古來符識呈祥瑞，願泄神靈福萬家。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

道原溥博出於天，河洛圖書世所傳。
天相斯文文未喪，爭傳靈寶是文仙。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

恬淡虚中自有神，積功累行乃成真。
黃庭默授長生訣，任我飛昇駕玉輪。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

名登金闕字輝煌，學授東華祖正陽。
上掌天文行院事，職分司祿佐文昌。

和：今將聖德虔誠讚，願賜威光鑒

此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微
洞玄冲虚妙感慈惠護國庇民洪恩真
君。

志心皈命禮，威震雷霆，澤垂雨露，神
通自在，福德無邊，大慈大悲，大聖大
願，隨機赴感，發誓度人

九天玉闕宣化扶教上仙昭靈博濟高明
弘靜冲湛妙應仁惠輔國佑民洪恩真
君。

默參玄學東華洞，玉闕朝班拜紫微。
南極注生權上相，職兼地府領諸司。

和：今將聖德虔誠讚，願賜威光鑒
此忱。願共諸有情，同皈無上
道。

志心皈命禮，德配乾坤，功參日月，神
通妙用，正直聰明，大慈大悲，大聖大
願，隨機赴感，發誓度人

九天金闕明道達德大仙顯靈溥濟清微

洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人。

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君。

九月時當延壽節，雲開金闕上青天。我今虎拜長生殿，共祝堯雲百萬年。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，德配乾坤，功參日月，神通妙用，正直聰明，大慈大悲，大聖大願，隨機赴感，發誓度人。

九天金闕明道達德大仙顯靈溥濟清微洞玄冲虚妙感慈惠護國庇民洪恩真君。

志心皈命禮，威震雷霆，澤垂雨露，神通自在，福德無邊，大慈大悲，大聖大願，隨機赴感，發誓度人。

九天玉闕宣化扶教上仙昭靈博濟高明

弘靜冲湛妙應仁惠輔國佑民洪恩真君。

喜逢大慶中元節，神降崧高泄地靈。玉闕金爐香裊裊，綵雲捧出老人星。

和：今將聖德虔誠讚，願賜威光鑒此忱。願共諸有情，同皈無上道。

志心皈命禮，靈濟殿內，燕喜堂中，性稟謙柔，利同坤厚，執勤后德，內助陰功，羽蓋霓裳，刻紫字於緱氏女仙之列，金房玉室，授黃庭於南嶽夫人之前，澤及群生，祀延百世，至聖至靈，至柔至靜涇國夫人順助仁惠貞應仙妃。

頭上金冠戴七星，七龍五鳳紛相迎。願將玉醴金漿水，灑作人間雨露仁。

志心皈命禮，靈濟宮中，燕喜堂內，躬持節儉，政在憂勤，乃資后德之良，俾式坤儀之助，關雎之求淑女，以無險詖私謁之心，雞鳴之得賢妃，蓋有儆戒相成之道，功成內輔，德被群生，至聖至靈，至柔至靜衛國夫人善助慈懿恭靜仙妃。

特憑玉女爲通傳，位正宮闈四教全。

萬物資生無不利，至柔至靜配坤元。

志心皈命禮，靈濟宮中，親睦堂內，莫嚴於父，所配者天，須知莫報之恩，自有尊歸之道，況御王册命，荅揚文武之光，開國成家，獨任伊周之寄，功全社稷，福及子孫，至聖至靈，至尊至嚴神父齊王忠武翊亮真君。

詩禮諄諄過鯉庭，內助家法最嚴明。堂前且學萊衣戲，壽祝千春獻兕觥。

志心皈命禮，靈濟宮內，親睦堂中，聖善明誓，柔閑靜專，位正中宮，功成內助，儉德著而下化，盛烈載於聲詩，陰禮修而教行，芳名光於史册，既念親慈之愛，敢伸家慶之儀，至聖至靈，至慈至愛神母仁壽淑善仙妃。

母氏劬勞不敢忘，至哉坤德合無疆。永遵慈訓傳家法，載詠思齊詩四章。

志心皈命禮，靈濟宮中，親睦堂內，填箎迭奏，羽翼相成，兼乃文乃武之才，得宜兄宜弟之義，列茅分土，守藩加食邑之榮，崇德報功，同日拜王封之侈，親親不怨，綽綽有餘，至聖至靈，至友至愛神兄列位郡王。

華萼樓前積善鄉，昔年同日侈封王。

一門孝友旌高節，遺愛千年親陸堂。

志心皈命禮，靈濟宮中，燕喜堂內，惟裳整肅，綾帳森嚴，家有家婦之尊，禮鍾夫人之愛，以文辭著，素聞謝氏女之才，以德行稱，兼有鍾夫人之美，躬持四教，福錫庶民，至聖至靈，至柔至靜神兄列位聖眷夫人。

上奉慈顏喜友于，滿堂和氣笑愉愉。

尊卑有分傳家法，稍似巾冠不入廬。

志心皈命禮，靈濟宮中，親睦堂內，後昆垂裕，百世傳芳，子姪名賢，宜芝蘭之毓秀，祖孫盛事，喜簪笏之尚存，載歌葛藟之詩，爰詠螽斯之德，至聖至靈，至順至敬神子神孫列位公侯。

清白遺風教尚存，聲名高顯大于門。

公侯自有公侯種，陰鷲元來在子孫。

志心皈命禮，靈濟殿內，親睦堂中，教有大倫。陸親三族，受天之祿食千鍾，以至萬鍾，列地而封，先同姓而後異姓，既辱劉將軍弘深之愛，還知富鄭公修謹之賢，名重于時，賞延于世，至聖至靈，至親至仁神舅神婿列位公侯。

渭陽舅氏母之親，曾知珠玉朗然明。

更爲編序昌黎集，李漢文章播盛名。

志心皈命禮，靈濟宮中，燕喜堂內，闔闈整肅，法度嚴明，爲俗爲締，志在女工之事，采蘋采藻，教以婦德爲先，禮宜奉於舅姑，孝不忘於父母，至聖至靈，至敬至順神女神婦列位仙妃。

七篇女戒曲相從，惟舅惟姑父母同。

佩悅芭蘭如所賜，執勤婦德肅而雍。

志心皈命禮，靈濟殿內，燕喜堂中，雲幕逍遙，月宮富貴，其服濟濟，振繡衣而被桂裳，其狀峨峨，綴明珠而戴金翠，美矣麗矣，溫乎燁乎。願泄巫山之靈，永爲福地之相，至聖至靈，自由自在合殿列位聖眷夫人。

珠履金釵滿掖庭，態穠意遠淑而貞。

采蘋于沼公侯事，不比椒房號與秦。

志心皈命禮，靈濟殿內，燕喜堂中，日曜爲魂，月曜爲魄，太一有監生之典，天一有注生之司，星宿儲精感長庚而入夢，山川孕秀喜崧嶽之降神，抱來天上之麒麟，並作人間之鸞鷲，至聖至靈，隨感隨應太一監生神后，天一注生

神后，列位合屬夫人。

吉夢維何喜弄璋，鼇峰秀氣發祥光。

子生孫兮孫生子，本支萬世熾而昌。

志心皈命禮，龍首廟庭，鼇峰聖境，職分百辟，位列九卿，司祿乃文昌之權衡，司福乃注生之主宰，訓遵洪範，曰壽曰富曰康寧，頌獻闕宮，俾熾俾昌俾耆艾，人人胥慶，在在蒙恩，至聖至靈，如響如答，左右福祿列位真司主宰。

福祿雙星現斗樞，職分左右進賢書。

世家積善稱君子，子子孫孫慶有餘。

志心皈命禮，龍首廟庭，鼇峰聖境，電光閃閃，雲氣高高，天何言哉，聲雷霆而震怒，地之利也，資雨露以相生，神機運於不測之中，妙化斡於無形之境，恩沾九有，澤被群生，至聖至靈，則變則化，雷公電母風伯雨師，本宮昭靈，孚濟龍王，及五方社令，行雨龍神等衆。

龍乘雲氣固能靈，聲動雷霆萬里驚。

天下蒼生霖雨願，頓令頭角起崢嶸。

志心皈命禮，鼇峰聖境，龍首廟庭，乃聖乃神，在左在右，或獻優旃之技，或

精管輅之能，掌膳者物用八珍，典樂者聲諧六律，兵十六衛，舉皆出將之才，騎三百人，各有封侯之相，威靈顯赫，圖像生輝，至聖至靈，有嚴有翼，合殿合屬一切威靈。

以勞定國法施民，香火因緣配廟庭。將相聲名長在世，千年圖像贊麒麟。

舉。禮足各長跪，虔誠懺悔。

志心皈身皈神皈命九天靈濟真君、合殿威靈仙衆。伏望聖慈，同垂巨澤，普降洪恩。以今齋恪，虔誠皈投懺悔。伏聞禍福無門，惟人自召，吉凶有兆，如影隨形。善者惡之符，惡者善之信。爲善者，五行扶我，司命與我。爲惡者，凶氣覆之，惡星照之。雖天網之難逃，在人心之知覺。今辰伏念，一切衆生，歸心向道，至誠感神。躬禮真聰，首陳自責，爰從曩劫，迨至今生。恥過作非，去順效逆，變情徇勢，挾詐抵讎。以幽陰詭側而行其奸，以毒酷殘忍而肆其害。顛倒夢想，昏迷乎利名智之場。殺盜邪淫，沉汨於貪嗔癡之境。大則欺於天地，幽則負於神明。咨暑

怨寒，呵風罵雨。或對星辰而便利，或對日月而裸裎。或指虹霓，或盟山海。破壞廟社，觸穢道場。不知身心口意之非，不安士農工賈之分。不崇三寶，不習五常。爲人謀而不忠，與朋交而不信。事親非孝，背主忘恩。爲富不仁，重財不義。謂祭無益，謂暴無傷。謂敬不足行，謂言不足畏。犯上作亂，好勇疾貧，斥陷忠良，欺凌孤弱。欺公滅私，薄人厚己。教唆詞訟，結構冤讎。侮慢自賢，傲虐自作。不明乎善，不誠乎身。小弁作而或父子之恩虧，常鄂廢而或兄弟之情缺。國俗敗而興谷風之刺，骨肉怨而歌角弓之詩。既知罪惡之貫盈，恭對慈悲而懺悔。人誰無過，過而能改，每懷戰戰慄慄之憂。神無常享，享于克誠，少致切切拳拳之悃。伏願至仁孚佑，大道垂憐，赦其已往之愆，錫以方來之祉。群方胥慶，率土蒙恩。當今之日太平，災不生，禍不作。諸福之物畢至，老者壯，少者強。久欽靈德之威光，用作濟民之事業。臣等至心稽首，再拜禮謝靈濟

二位真君。

舉三禮謝

弟子一心稽首禮謝

九天金闕真君。

弟子一心稽首禮謝

九天玉闕真君。

弟子一心稽首禮謝

聖父翊亮真君。

禮謝已周，懺情畢露，恭依妙典，干冒威聰。謹按丹誠，披陳素願。伏願聖慈俯賜鑒臨。

一願當今皇帝壽，和壽與天齊萬萬春。
二願臣僚資祿位，和風雲千載慶嘉亨。
三願儒冠多富貴，和名登天府作公卿。
四願農民勤稼穡，和自今歲歲喜三登。
五願百工精技藝，和待詔金門聽玉音。
六願生財有大道，和千戶封君可比倫。
七願風調並雨順，和普天率土賀昇平。
八願香火常隆盛，和千年廟貌顯威靈。
九願九天加錫命，和玉珮鏘趨拜紫宸。
十願十方諸信善，和皈依三寶各虔誠。
上來恭禮贊文，功德已周。道場衆等
人，各虔誠再伸啓白：

伏聞兢兢業業，自慚童瀆之再三。赫赫明明，恭睹威顏之咫尺。銘心知感，稽首颺言。德之著者，曰顯靈昭靈，功可推而爲溥濟博濟。津梁衆苦，日月群迷。今辰欽奉聖旨，修設酬恩祈福道場。臣等恭對真聰，宣揚妙範。少伸三沐三薰之敬，敢殫一瞻一禮之恭。神聽無私，情由可鑒。用滌曩劫今生之罪業，願作見在未來之果因。有始有終，無惡無斃。知可及，愚不可及；神化之，民使宜之。行滿功圓，可以進於玉室丹臺之上。氣存神正，可以開於紫陽雲錦之囊。信女善男，咸得長生。億曾萬祖，皆即受度。遍及幽冥之異類，盡歸縹緲之大乘。爲上因緣，志心稱念：

九天錫慶天尊， 萬福護身天尊，
請天證果天尊。和：不可思議功德。

洪恩靈濟真君禮願文

（韓志遠點校）

065 徐仙翰藻

經名：徐仙翰藻。元人陳夢根
編集。十四卷。底本出處：《萬
曆續道藏》

目錄^①

卷一

- 靈濟祖廟記
- 靈濟宮記
- 碑陰辨
- 碑陰
- 存城記
- 親睦堂記二篇
- 燕喜堂記
- 齋堂靈濟宮記
- 代東村公作靈濟宮記
- 餘慶堂道場記
- 來賓亭記

卷二

- 旗龍山神祠記
- 靈濟賢聖王廟記
- 司農社角廟記
- 司稼旗龍山翁廟記

團本堂記

門銘

壽天玉崑道場記

續壽天玉崑道場碑記

修西林寺記

卷三

鰲峰賦

靈濟宮賦

文興庵賦

自辨文

塞謗文

非神賦

莫毀碑辭

卷四

喜雨頌

修東井文

塞井文

修廟難文

卷五

告成序

驅癘鬼文

驅旱魃文

驅暇蟆瘴文

臯殺賦

真人朝天自贊

真人回宮自贊

注福司贊

注錄司贊

五帥贊

雨部贊

集英贊

宮娥獻壽贊

葷厨簿書作慶壽宴集

素厨簿書作聚仙宴集

綵戲嬰童贊

膳部樂府贊

仙樂贊

仙厨贊

奉祠人求壽贊

書燕喜堂東邊掌籍

書燕喜堂西邊掌籍

靈濟廟注福司
靈濟廟注祿司

卷六

友序

畫士傳

芴周壯翁碑跋

跋周壯翁易圖說

效景純遷州記爲誌名

書訓

棋說

琴暢

書讀缺

長明燈說缺

卷七

詩句

上林府判古今詩二首

獲麟歌

絕筆歌

梁父吟

喜雨

謝林府判香信

請林經歷書碑

寄南村居士

代周全擬芙蓉城

贈林東村公

荅問造墳

荅周世遇問事

荅呂先生問馬米事

勉蔡畫士

荅生員問眼疾

托東村公作記

餞君行

偶作可笑

荅問事

荅問生活事

荅陳穉仕問事

贈雕碑者

謝林主簿書碑

別蔡畫士

本宮建壇有四道人現身

贈天王老抄化不遂

荅問事三首

荅梁氏問遷葬

上林府判效曹娥體

寶殿十奇峰

真仙八詠圖

卷八

詞

贈徐南村二首

玉崑十奇峰

東澗

西澗

玉崑

餞陳道興往龍虎山二首

和白雲僧德堅

偶作四首

親睦堂

燕喜堂

贈沈建翁

贈周全

贈周明

贈林椿

贈章桂龍

贈郭泳翁

贈鄭汝顯

贈天一寺郭以立

荅合山僧德潤問緣法

贈越山寺僧石徑二首

修宮裁衣二首

贈蔡畫士

贈長邑人往湖南

贈天王郭東堂之桐城

勉蔡畫士

荅林君舉問事

問蔡畫士墻外事缺

贈龍船匠

賽情詩

贈閩縣宣差

荅林廷玉問事

贈同事五人

卷九

啓玄表真君補職

謝玄表真君補職

謝恩表真君補職

金闕謝受職表

玉闕謝受職表

上天師表

謝天師表真君奏職

上田蕉尾表

賀聖父瑞旦表二道

南宮表代男子祈安作

南宮表代女人預修作

謝師表薦亡功德完滿

煉度表四道

贖罪表

卷十

祈安詞四道

謝恩詞女人預修

預修詞婦人建黃籙誥簡

蹇醮詞五道

建玄都壇詞

禳災詞

保福詞

建普度詞五道

第二朝詞

第三朝詞

建朝拜詞

散朝拜詞

女薦父詞

建血盆疏女薦母

薦夫及女詞

薦夫與子詞

子薦父詞

薦親詞

薦父祖詞

薦祖詞

真人謝過詞

謝加封真人詞二道

保禾詞二道

卷十一

金闕授仙簡建羅天醮榜

玉闕授仙簡建羅天大醮榜

加封敷達上玄門榜

示齋主文代高功作

諭在會善信榜

師堂補職榜二道

建黃籙普度齋

戒監壇榜

戒將吏榜

示查邊魏趙刁五帥榜

散血盆會右語

建血盆道場告諭文

散朝拜門榜

普度功德右語

諭南北廟亡魂榜

諭亡魂榜二道

散朝拜諭下界榜二道

建孟蘭盆會諭下界榜

諭下界榜二道

孤魂榜四道

卷十二

修靈濟宮疏

建神厨疏

建餘慶堂疏

修餘慶堂請僧爲化主疏

修餘慶堂疏

修慈濟宮疏

文興庵抽拈兼賽詩疏

修鰲峰旗龍廟疏

修護境橋疏

修橋立抽拈疏

修路疏

修溪埠疏

建集福道場抄題疏

題祈禳醮疏

迎五顯慶讚佛生日疏

題血盆會疏

題爲真人受封建羅天醮疏

題爲真人受仙簡疏二道

題爲真人奉籙建醮疏

題塑真人歸道扮疏

題青口塑神像疏

題衣服疏二道

題真人衣服被盜重造疏

卷十三

請東村公書

代鄉人請東村公啓

謝東村公書

謝東村公跋

謝東村公啓

代鄉人謝東村公啓

謝張總管啓

上程廉訪求書廟額啓

代鄉人請陳道興奉靈濟公啓二幅

請高功唐宗萬建會

代鄉民請人任都講啓

贈越山奉祠啓

賀鹿山授宣啓

荅周勝公問事啓二幅

幼婚啓白水梁聘祐入黃

上梁文

卷十四

梁燈聯

梁聯

慶賀燈聯

慶元宵燈聯

燈聯

孤魂所燈聯

徐仙翰藻跋

① 按此目錄原有脫誤。今已據正文校正，不復詳注。

徐仙翰藻卷之一

靈濟祖廟記

靈濟祖廟，夫祖者，言其始也。予姓徐，乃偃王之後，世仕唐。及五季亂，奉天子命守金陵。晉開運二年乙巳，閩王王氏鬪墻之藁，兵革肆興，予遂將查、邊等騎萬人，投建州。明年，掇福州，問道西峽，將梯鹿嶺，由南臺縣取漳泉。鄉之胡者，叩馬而前曰：適有潰兵犄亂，爲民之仇不圖。今日復見王師，王若閔其不辜，吹而蘇之，不至跋躓，德莫大焉。軍駐而成列，教子商子搏力，法囑其鋒。賊死咋，民獲喘。汗師還，耆老猶作綈袍戀戀之意。子以李御史常容之數，馬上策之，知與若等從事之期。待來年矣，果脫化於鈎伍間。精魂不爽，降而爲神，于鰲峰之陽。其初未有祠，制草其廬，木其爐。歲時伏、臘，祀事罔缺。宋太平興國八年癸未春不雨，種未入土，嗇夫用虞。二月初，吉戊子卜於予。習吉祠

之前有潭，旁袤四五丈，深不可測。倏有雲氣飛騰，竟日不散。翌日味爽，烈風、雷電、雨雹交至，人大悅。越三日，哉生明詣祠求荅，目其祠，蕩爲洪水之墟。且怪且疑，遂辨香沉諸潭而祝之。忽有木爐捧出水心，香灰不濕，信有神物。須臾雙龍蟠遶，扶翼而西流，直至傳築嶼中，山橫溪而不進。嶼中舊號香爐峰。烏鵲飛呼，將有所迎。紙錢結界，異香襲人。夜現天燈之瑞，日聞金石之音。居民異之，乃因地以成其廟，後產靈芝之瑞，因號曰芝嶼祖廟。雍熙改元春正月丁卯，事告訖工。檀越有河南方氏曰珏董之。至乾道二年丙戌，珏之孫有曰詢，曰感，曰仲，上其事於州牧馮公礪，扁以護境感應四字爲額。熙寧三年庚戌，河間章氏曰管，穎川陳氏曰彭初，濟南林氏曰懷賢，江夏黃氏曰頌，以其事上於光祿卿程師孟，聞奏於朝。適半山王氏當國，百姓困於青苗之役，未遑及此。八年乙卯，郡人劉公彝知桂州，交趾寇邊，陷欽、廉等州。劉公恕，時同秋曹周公汝礪

禱於予，予效公山之靈，寇果退。劉公復具狀以聞。炎紹間，予之陰績最爲顯著，韓忠武大儀鎮之捷，武安和尚原之功。本路安撫使薛公弼，保奏端平。元年甲午，左藏周公說潮守周公燧，具條其事，上於執政李宗勉。三年丙申十月，本路帥臣何公琮入除戶部侍郎，始得旨。嘉熙二年戊戌，命始下，敕封靈濟，徽號有加，神喜人歡，用彰厥德。自國朝以科目取士，予得以宰科名之籍。鄉之擢第者，橫飛捷出，爲諸邑之所斂衽南渡。而後文風大振，臚傳黃甲者有人，南宮高選者有人，聲名翕翕，品秩猶高，或振節秋臺，或具司禁帑，或出宰花封，或教分侯泮，至於一階半級，可以車載斗量矣。繼之，以河南方氏珠曹曰策、王郎曰杰，各以文章取進士，是皆以夢卜於予而獲報。以此功德之在人，甚博詢之道聽塗說，一朝一夕而然也。廟自石晉開運以來，迄今數之，歷甲子凡二千四百有奇。初拆而爲社壇，基於青布之潢溪。再遷而爲巷東，即今靈濟宮是也。合

門環着，獲寵天封：予，知證，九天金闕明道達德大仙顯靈溥濟真人，江王。仲，知諤，九天玉闕宣化扶教上仙昭靈博濟真人，饒王。父，諱溫，齊王，忠武真人。母，田氏，仁壽仙妃。予配陶氏，涇國夫人，順助仁惠仙妃。仲配許氏，衛國夫人，善助慈懿仙妃。將五人：永安留守元帥查文徽，武安留守元帥邊鎬，節度使左監門元帥魏岑，都統使右監門元帥趙鏗，都統軍使先鋒元帥刁彥能。伯氏四人曰知誥，曰知詢，曰知諫，曰知訓，俱封王，廟食金陵。其源流，世閱已備，見於五代史。斯廟是作諸祠所祖，祖言始也，豈可忘其始而昧其所出哉。祖廟創始履歷，具述于前。蓋物久則壞，不修則愈壞。木而堂之，石而室之，將爲百千歲計。其有功，浩費煩，檀越之布施名數，猶可考。是歲在丁亥至元二十四年十一月丁未日也。後一紀，復大門閭，榜其額曰：芝嶼祖廟。因舊碑泯沒，予始降碑而銘之。從河南方氏曰壯猶，曰逢午，曰嗣翁諸君之所請也。銘曰：

水之流，窮其源。木之葉，究其根。源既深，流也分。根既固，葉也蕃。曰祖廟，祠是尊。居此土，百千年。功日月，德乾坤。名與謚，史具存。昔廟號，明而神。今天爵，神而仙。劍厥惠，澤乎民。何以報，薦蘋蘩。歲丁亥，廟復新。後一紀，大吾門。銘于碑，石用鑄。序猶始，祀有傳。效神嶽，聲三聞。萬萬歲，祝聖君。

靈濟宮記

予姓徐，出自嬴姓。栢醫生若木，夏后氏封之於徐，其地下邳僮縣是也。國於夏殷周，咸有大功。徐偃王治國，仁義著稱，有獲朱弓、赤矢之瑞。周天子穆王聞之，伐徐。徐不忍鬥其民，去之彭城武原山之下，名其山曰徐，山居焉。祖孫輩項，三千餘年，名人魁士，載迹青史者，皆本於偃王，王子之祖也。予家世仕唐，俱爲大官。五季之亂，豪傑蝟起，瓜分幅裂，互相漁劫。予奉天子命，留守金陵。所管江南二十餘州，泯征就寬，軍給以饒。林蠻洞蜒，守條死要。釋耒嬉遊，連手歌謳。

上無所怨，下無與讎。江南之民，賴予以生。予之功德，揭若日月。雖世而下，無能磨滅。晉開運之二年，閩王王氏失國，請命於予。予提師萬人，艦步並進。閩之諸郡，各以城降。踰年取福州，克之。師抵峽江之南，道經青布。鄉之父老，壺漿以迎予師，而愬予曰：適有潰兵數百，隱匿於鰲峰之巔。夸謾兇驕，將次爲亂。王師今日不至，顛覆朋鄰，我餘有幾。予乃引師南向，陟其峰，挫其鋒，落其角距，殲厥渠魁，盡得其屬人。卒棄甲呼舞，不戰而收。鄉民無怨，市買不變。田之果谷，下無一跡。故今日，其山之半曰戰鬥，自此始也。師還，父老攀慕顧戀，不忍釋去。剪茅爲屋，於鰲峰龍湫之北，圖予像，奉予祠。晨香夕燈，以祝予壽。予心惻然，而與衆盟曰：予明年當棄世，而寄於此，與若等好也。及期，憑夢於人，以宣其靈。年無凶荒，民無夭癘。榮雩之卜，若響若答。予生不能澤其民，死而廟食尸其土，是亦不敢爾民誣也。歲更月改，屋宇頽頓，上雨旁風，

無所蓋障。倏有雲氣亭亭，神龍蟠護，木爐不壞，像貌屹然，見者異之。鄉人方珏，始立廟於傳岩之野，尚予號曰護境感，今芝嶼之祖廟是也。祥符初，風俗移易，人物繁夥。鄉之父老，詢謀僉同，再立廟祀於青布潢溪之陂。昔溪水漂激，田稼墊溺。予以神兵，疏其源，決其流，竟不爲民害。故今號其地曰社壇，猶有遺跡。桑田滄海，物久則變。時有鄉民，樂施其地。於龍首之東，豐衍端夷，山水俱秀，卜予得吉，而宅之。烏鵲假靈，蜂蛇交集。紙錢結界，異香襲人。夜現天燈之瑞，日聞金石之音。鄉人因之，以成其廟。乃徵土木石工，執器備用，來會祠下。斬板幹礮柱礎，陶甌甃築垣墉。歲在政和之丁酉，工逸事遂。作貌顯嚴，粲然而威。至今故老相傳，尚能記憶其事。闡而闢之，殿宇深邃，則隆興。改元癸未之秋，增而廣之，庖庫廓大。則開禧二年丙寅之春，堂庭建植，階序整齊。巍巍乎其高，炳炳乎其新。規模程度，將多於前功。則歲在壬申咸淳之八年

也，至今檀越姓名，書於梁者，猶未泯沒。我思古人，實獲我心，時我亦不敢寧於厥居，以保其子孫黎民，亦職有利哉。若夫西、南、北等處祠像，皆本於此。拆而分之，歲月久矣。有能質於鮒背齟齒之夫，則見予之靈德入人也深。靖康陽九之厄，予以神兵護國，效公山草木之靈，顯旗纛旄麾之相。孽寇就誅，中原底定。予之功績，聞奏朝廷。已蒙聖恩，南渡不果。嘉熙間，鄉人潮守周公燧，以父老章少白等狀，再請於朝。金書褒獎，勅封靈濟徽號，煥然祝冊於廟，祭式有加。神人俱喜，偉歟盛哉。邇來時異事殊，中澤之鴻甫集。至於廟事，奚暇及此。上冠下履，誰其正之。圮桷腐瓦，誰其易之。墻壁剝剝，圖像默昧，誰其整之。予若不揚其烈，大降顯於四方，歷告於爾有衆，則曰甚。一日墮甑不顧，將安以爲揭虔妥靈之地乎。鄉人各以事卜於予，求其筆以驗其事。予示之以讖曰：籤籤六十有四象，《易》之六十四卦。天地萬物莫出乎《易》。《易》爲卜

筮之書，定之以吉凶，所以斷也。既示之以籤用，敢援筆爲文，以委而任，司爾衆，其惟致告。自今至於後日，各恭爾職，各設中於乃心，經之營之，立定厥功。使弊者復興，故者復新。予亦不敢獨專其美，安生興事，民業有經。俾以壽而富，俾以熾而昌，予之休庇於人者，亦不淺。秋八月吉日庚戌，工告訖功，請記於予。予王父相吳，封齊王，謚曰忠武。伯氏四人：長諱知誥，世襲父爵，改封於唐。次諱知詢、知諫、知訓，俱秉吳政封王，各廟食金陵。予曰知證，封江王。仲氏曰知諤，封饒王。事載之史，所有陰績，著於《尚書·祠部》廟。食茲土，已四百餘年，將以至于千千年，未可計也。恭遇聖朝一統，率土稱臣。天地鬼神，克享其德。仰冀聖恩，俯頒宣命。嘉茲榮寵，式副所期，猷畝不忘。三呼皇帝萬歲，萬歲，萬萬歲。辭曰：

婉婉偃王，孝孫有慶。維德不爽，居此一方。蜿蜒鰲峰，龍首之東。靈濟褒封，於民有功。新廟奕奕，

厥聲赫赫。肩髑胛髀，來享來格。爾民不訖，降福既多。矢辭以歌，紀石不磨。

碑陰辨

或謂碑記，有陰無陰。吾不知記爲何，碑爲何。所謂無陰之記，則樂記、學記、史記、喪記、傳記是也。既刻於而，則謂之碑。如碑用詞用銘，皆傷悲之文，記則無之。昔柳宗元爲父作石表，猶有陰書其弟子、門人姓名。表陰自柳侯始，記陰自徐江王始，誰敢議耶。

碑陰

天之未喪斯文，故假手於我，用德以彰厥善，惟爾之能予其懋簡相爾。今林東村公所舉周君壯翁之言曰：今將生申乎，將生尹乎。旨哉斯言也，以代予言者也。刻之座右，使爲士者登斯堂，讀斯記，其尚知所勉焉，毋作神羞。

又

生爲人，死爲神。有功於國，有德於民者，宜有廟祀。有廟祀而有勅命

者，必有碑碣以記其事。昔柳侯降爲羅池之神，有韓文公爲記。予雖效柳侯之萬一，愧無柳侯之才，不得韓文公記之，何以示來者。予敢自序履歷，後文公者，記之可矣。

存誠記

靈濟之庭，字其額曰存誠。此神筆也。一日客自遠方來，而有假靈之請，樞衣而進於堂上，得神之所作碑銘記贊，熟而讀之，儼然若思。趨而退曰：何獨存誠二字，缺其文，毋乃有之而未之刻耶。請質於予。予神也，不能以口論，姑假筆舌爲言，而復之曰：夫誠者，真實無妄之謂也。人之常性，未始不誠，不誠無以立身。君臣之間，此誠也。父子之間，此誠也。昆弟、夫婦、朋友之間，此誠也。誠一而已，盍求諸身而誠者存。初非所謂誠之道也，人能於此勉力爲之，雖雷霆於上而不之懼，淵谷于下而不之恐，此無他誠存故也。夫苟一言之不真，一語之不實，曰妄也，非誠也。甚矣、暗室之中，視如無人，手指目視，洞見肺腑。誠之

存者幾希，其曰妄者滔滔皆是。臣如是以事其君，而君疑。子如是以□其父，而父疑。至於昆弟、朋友、夫婦如是以相從事，則無往而不之疑。機心一萌，鷗鳥飛而不下，況於人乎，況於鬼神乎。子不以自欺，真實而無妄者也，雖不言誠，而誠自存。何文之有，《易》曰：閑邪存誠。二字之義，其始於此，子知之乎耳，盍記諸。

親睦堂記

親睦堂記，所以明人倫也。人之大倫，親親爲大。親親者也，父父也，子子也，兄兄也，弟弟也，夫夫也，婦婦也。故周官太宰以八統詔王馭萬民，其一曰親親。誠以父父，子子，兄兄，弟弟，夫夫，婦婦，其爲人倫也大。此太宰之馭萬民，必先以親親言之。親親者，教民之本也。三代盛時，人倫明於上，小民親於下，孝、慈、友、悌，輯睦和遜。不待其習與性成，是亦聖人之教，不肅而成者也。自秦、漢而下，其治，一切出於便利，而不耻無禮。古先聖人所謂教民相親睦者，悉置而不講。

此綱常所以不立，禮義所以不明，而天下所以日趨於姦行，不可制其弊。至於父子不同居，兄弟不相容，教化離絕，國俗傷敗，而天下無復知有親之義矣。是以古之民也醇，今之民也詐；

古之民也厚，今之民也薄。是豈今之民不如古之民哉。必有聖人者出，如堯、舜，如禹、湯，如文、武、周公、孔子，承其厚而維之，使爲父子、兄弟、夫婦者，知其所以爲父子、兄弟、夫婦之義，庶幾上古之風，吾於今日復見之矣。茲者伏遇聖朝一統，以仁率下。聖言宣布，首以孝順爲民勸，許令鄉里申舉以聞。神靈歡喜，踴躍嘆呀。四方聞風，靡然自化。或有以貞節稱，或有以節婦着。義門孝坊，在在有人。柰此拜若罔聞，知汚俗未變，爲神之羞。神於此時，不容嘿嘿。乃命鄉人，修葺斯堂。於殿東，以奉神之族屬焉，親其所親，故榜之曰親睦堂。使有事於廟者，登斯堂，瞻斯像，親睦之心，可以油然而生矣。堂成而爲之記，所以明人倫也。繼自今，爲父者慈而教，爲子者孝

而箴，爲兄者友而恭，爲弟者敬而順，爲夫者和而義，爲婦者柔而正。勉哉，勉哉，庶無愧斯堂之名。至元甲午，惟三月癸丑朔。鰲峰敬仙靈濟真人記。

又

靈濟宮正殿之東有堂，扁其額曰親睦。客有儒其人者，攝齊升堂而請問曰：親睦者，得非坊記所謂睦於父母之黨，曰親者乎。予曰：然。又曰：上至曾祖，下至玄孫，此爲父之黨乎。予復曰：然。又曰：母之兄弟爲舅，母之從兄弟爲從舅，此爲母之黨乎。予復曰：然。客迺嘆曰：人生天地間，爲物之靈，其所以異於禽獸，以其知有父母之黨之親者也。如其知有父母之黨之親，親則睦矣。以親睦二子而聞知於人者，是誠奚心哉。予曰：善哉。子知之乎，今之世俗，以智詐相，尚亡制度，棄禮義，捐廉耻，其知有睦於父母之黨之親，吾斯之未能信。自南陔廢，而孝友之道缺矣。棠棣廢，而兄弟之情絕矣。宜爾子孫蟄蟄兮，誰復詠螽斯之德之子。于歸宜其室

家，誰復歌桃夭之詩。既有肥豜以速諸父，既有肥牡以速諸舅，誰復誦伐木之章。孟子曰：無辭讓之心，非人也。是以吾心汲汲於所欲，爲不容嘿嘿。以秦人視越人之肥瘠，不加憂戚於其心。爲今之說，必寓之於書，宣之於口，以言論之。庶幾人心天理，一脉如線，綿綿延延，猶有可續可救之道。此古人之所謂化。當世莫若言傳，來世莫若書。然觀古人苟得其時而行其道，則無所謂書，亦無所謂言。言之者，蓋有不得已者矣。客曰：誠如是也。今之所言曰聖父，曰聖母，曰聖兄，此神之親也，其得於南陔棠棣之意歟。曰聖子，曰聖姪，曰聖孫，至於曰聖舅，曰聖婿者，亦神之親也，其又得於螽斯、伐木、桃夭之意歟。雖然神之所謂親者，僕固知其爲父母之黨之親，親則神之親也，其如世俗何。予曰：固哉，愚也。子之所舉坊記爲問，予以爲子之好學通於記者，所有《大學》格言，曾之學乎。復坐，吾語汝《大學》曰，欲治其國，先齊其家。又曰：一家

仁，則一國興。仁仁者，所以親親其親也。親親以睦，其爲仁之本歟。故君子篤於親，則民興於仁，未有仁而遺其親者也。客曰：唯。而起請記之。

燕喜堂記

含章貞一者，夫人之德也。從容和緩者，夫人之言也。旦夕憂勤爲締爲給者，夫人之功也。環姿律態盛矣，麗矣，視之儼然不可勝贊者，夫人之容也。此四教者，美夫人也，配食廟庭者宜也。廟庭之西，有堂翼然，而臨於上者，燕喜堂也。燕喜堂者，夫人祠也。載瞻其祠，有人如玉，華裾長袖，綺綉文章，綴明珠而載金翠，喜堂人像也。左右森嚴，或行或止，或坐或起者，宜鬢者，開粧鏡者，執巾櫛者，塗脂而抹粉者，侍人也。曰修儀，曰昭儀，曰修容，曰容華，曰昭華，曰順成者，侍人之號也。曰典婦功，曰典系象，曰女府，曰女史，曰女祝，曰女御者，侍人之職也。受藏之府者，內府也。受用之府者，外府也。府者，庫也。乃曰莞庫，曰度支，曰掌帳籍者，侍人之責也。至

若羅幔垂，而香風鼓舞，絲簾捲，而淡月朦朧，憑欄一嘆，更有庭花野草相間而青紅者。堂中之景致，燈燭輝煌，椒蘭芬芳，盃盤狼籍，八珍羅乎其前者，夫人宴也。既宴既醉，滿堂欣欣，相酌相酢，而且笑且語者，六宮聖眷同其樂也。神樂而人亦樂，人樂而神降之福也。歲豈伏、臘，人之祀於此者，荅神麻也。至於求孳者，則有注子孫司，專掌其任也。親抱送者，並是天上之麒麟也。嗚呼，夫人之德，之美、之靈者，凜乎其清，昭昭乎其明，濯濯乎其聲。可敬可畏，可愛可慕，民無得而稱也，必有曹大家者爲之史也，又有衛夫人者爲之書也。予所記者，燕喜堂事也。堂曰燕喜者，取《詩》所謂魯侯燕喜頌也。

齋堂靈濟宮記

自觀察使常公設立鄉學而後，閩之士風始振。曩時，此地有修竹茂松，西圍周密，又有江水之縈回，山坡之拱抱，風土最爲奇特。人之讀書爲士者，因而於此創立小學，命名曰齋。齋之

中有講學焉，非董馬名輩，不敢下帷而施絳帳也。上而接武，下而布武，楫遜之禮，粲然可觀。舊有神祠，在堂之東，序曰：地主非所謂能以禍福動人者，之爲神也。一遭巢寇，再遇閩兵，齋廬隨廢，堂亦無存。加以王政之煩苛，民生幾絕，故人之爲士者，降而爲農，或又降而爲工、商，至今聞者，莫不爲之太息。幸而北主之祠，香火不滅，見者惻然，彷彿而不忍去。遂斬茅爲屋，聊避風雨而已。慶曆年間，鄉人敦岳等，始蓋以瓦，像而木之。後歲甲一週過半，陳知足等乃以石爲柱，其爲規模，宏且遠矣。又得檀越京教周公毅，將仕周世修，周公崇諸人，樂施爾貲，用成厥志。目今石柱題名，猶有可考。工既就，尊其祠曰廟。以其未有徽稱，請予就其位，以爲民主。昔有感應之號，今有靈濟之名，職此之由。然則予之所謂非能以禍福動人者，亦不能免有口者之義也。視其祠制雖侈，過於前人，亦未足以起動乎後觀。於是重新翻蓋，五彩作服，塑成神像，黃簾朱

几，稍稍尊嚴。考之年月，則歲在己巳咸淳之五年也。嗚呼，人爲萬物之靈，孰不知有父母，終身而能慕父母者。至於祖，則易而忽之，况欲知其有高曾者乎。今之所以爲農，爲工、商，或猶能爲士者，亦當考究其上世之所由，以復其業，毋徒以爲曩時，此有書齋之講說而資談柄。雖然凡知讀書識義理者，皆可謂之士。若夫伊尹起於莘野，傳說來於版築，此命世之大賢，故不敢以爲喻。至於炎劉天子，馬上得天下，販繒屠狗之徒，皆得以獻一謀，納一策，紀功鐘鼎，策名史傳，豈有不知讀書識道理之所能爲。愚意遭秦之厄，以此逃名，爲立身計。今國家養士有學，求賢有詔，科目有條，爲農爲工商者，皆可相汲引而爲士矣，輒敢序其事，以爲爲士者勸。或指齋堂爲里可溫齋供之堂，此則齊東野人之語，子勿聽。大德三年，歲在攝提格中秋之翊日，鰲峰山人筆。

代東村公作靈濟宮記

予少年，以豪邁之氣，汲汲於功

名，擔簦裹糧，走數千里。至於天下壯麗奇倬卓絕之處，凡前賢遺跡，靡所不覽。正感慨間，適有士友章桂龍書來，以《靈濟文集》示予曰：閩之青布，有古廟曰靈濟。其神姓徐，一封江王，一封饒王。自石晉開運，迄今四百餘年，其輔國安民，捍災禦難之功，未易枚舉。邇來祠宇頽頓，不稱明靈。歲癸巳之夏，五桂龍與沈建翁、周全、周用、明林椿、郭泳翁、鄭汝顯七人，共謀而葺之，而卜於神。維神顯相，化筆爲文，以委而任，輸奐一新。八月功成，再降之筆，序以履歷，而爲之記。示之以吉凶，而爲之卦。勸之以忠信禮義，而爲之文賦。讀之一言一話，皆以孔孟垂世立教之心爲心。此聰明正直之神也，雖班孟堅西京之筆，左太冲三都之文，楊子雲五祚之手，與夫芝房寶鼎之歌，黃馬碧圭之卜，未可及也。有神如此，烏得而忽。諸章君七人，奉詞惟謹，敬以神所作之記，刻於石焉。里人林波功延年書之，屬予篆其額。十二月，以神所而賜古詩來曰：碑既立矣，

今日之事，君記之，此神之意也。予未暇作筆，再賜以古今詩一篇，六十五通。有曰：記在名俱在，子忘神不忘之句。子不敢辭，爲之記其詞曰：昔有祀兮，今有傳。昔有勅兮，今有宣。言爲文兮，勸以賢。廟重新兮，事已完。曰雨暘兮，感二天。民祈禱兮，心益虔。礪茲銘兮，垂萬年。世不忘兮，德無遷。

餘慶堂道場記

如是我聞。佛有偈曰：萬物本於心，於心何處尋。所以者何，曰：即心是佛。佛也者，釋云：弗，人也。弗是人，則體相無耳。常實，無真，無相，無忍，無妨，無實，無去來，無有罣礙，如是，如是，即無所有安頓。那處是人不解，能於心上究竟到盡，佛無時不在。苟其心不然，徒以口學虛談般若，假名引導，貪利罔功，甚矣。大千俱壞，況於我佛一道場乎。景德祥符而後，佛之功行，著聞天下，在在處處，設立道場，各繪塑佛像，香火而欽奉之。吾鄉餘慶堂，亦一道場也。自開禧丙寅，至

元貞丙申，以義曆策之，其數得九十有奇。年未踰遠，何道場之壞，大不如昔。上漏傍穿，燂溫不除。彼何人斯，有目者莫之顧，有手者莫之指，真所謂越人視祀人之肥瘠，不加憂戚於其心。抑不思古人之所運水搬柴者，豈一朝一夕之所能辯。是故我佛法誓願曰：諸佛興世，皆起於山蘆，膝鵲項不以爲辱。我以浮幻身，不可虛占國，王好地，遂於南安之岩，其有石室，而就居焉。則餘慶堂之興，於佛國無加益。餘慶堂之壞，於佛亦無加損。第以佛智慧，悉如是人。如此也，是人其心，便是夜叉羅刹，奚足以語佛哉。唐誌公和尚，嘗會傳大士，於雲黃山中說法，有嵩山頭陀即從座起，作禮跪問曰：末世衆生，作何業故，墮在娑婆，經劫受苦。如何做箇方便救得。誌公曰：於後末世，造惡者多，結緣者少。傳大士曰：是諸衆生自做得。誠哉言也，誠哉言也。我今廣爲衆生演法，普令開悟。若有善男子、善女人，能發阿耨多羅三藐三菩提心，以滿恒河沙等

世界七寶持用布施，無妄想心，無貪着心，無退轉心，以是因緣，使佛土莊嚴，其福德可稱量耶。我不誑語，是真語者，是實語者，汝今諦聽，各以佛爲心。乃再舉佛偈曰：我有一善根，俱在心头生。會麼故曰：即心是佛。佛於乾道三年，賜定光員應普通慈濟大師菩薩，俗號白衣聖公，又號盤古定光佛。子敢爲佛作餘慶堂記，刻於堂前，以勸世云。

來賓亭記

請韓文公書記，人皆以不見真畫爲惜，子獨喜之。殊不知文公之記，其所以畫人物形狀，曲盡其意。苟因其意而摹之，則真畫瞭然在吾目中，此子喜之得文公立亭之意。且萬物皆弊，文章獨不朽，信夫。靈濟真人之詞，工侈前，盡美矣，又盡善矣。獨有案牆是缺是補，以手板縱橫量之，得笏之數七十有奇。二三君子，殫力就之，復請畫於予。予遠爲之計曰：一壁中天，惇惇孤立。不無震風凌雨之患，其久也須壞。必欲文公記之可也，萬一畫之

不存，猶幸吾記之尚在。後世有述焉，記云，記云，徒記云乎哉。恭遇聖朝一統，輝耀威靈。南海諸蕃，畢獻方物。神人喜躍，復見太平，敢以此圖爲今日賀。圖之中有亭，榜其亭曰來賓。亭之前後，樹之以槐，號爲槐市。亭之東西，植之以坊，一曰悅近，一曰懷遠，是命坊之名也。峰巒奇峭，岩石莽蒼。驛程迢遞，其有往來不絕，而踵相躡於道者。並作南海諸番人物之形狀：騎象者二人，謂之番官。番官之下，主印者各一人。能以金鈎而馴象者四人，謂之象奴，又名象公。一人執捧珍之旗，立於左。一人執獻琛之旗，拱於右。車二乘，而御者四人，傘夫二人，通事二人，其餘族屬，徒跣裸裎。間有以織文五彩之布而腰粧者三十六人。所獻之寶曰元龜、象齒、大賂、南金、通犀、文甲、翠羽、白銀，與夫旃檀沉速之香。又有珍異殊怪、奇靡巧麗、世所貴重者，如和氏之璧，隋侯之珠，石崇珊瑚樹之類。或以金爲盤，銀爲缸，玻璃爲盆，真珠爲簾，七寶爲塔，車裝輦載，

席裹氈包，涉海踰嶂，于于然而來者，業積於亭。磷磷爛爛，彩色瀕汙。交錯亂分，不計其目。致方貢者，必如周官所謂懷方氏中，士八人，府四人，史四人，胥四人，徒四人，各有職，度材而處之。誰謂頭目，主事者獨有二人，從者二人，吾觀其人，不有兼人之材，其可得而專歟。若夫環楮之松，夾道之柳，周蓑數十步地。遠而望之，指畫恍惚，眇兮，忽兮，有雲山萬里之遙。市橋如帶，溪水如練。加以玉楯朱欄，瑀琢之巧。亭亭峙峙，整整齊齊。中間

狀出，查、邊、趙、刁五大元帥出將之圖。武夫導前，騎卒擁後。昭光振耀，風威刺刺。此文神之所以效瀆鬼獄祇之靈，上報國恩，下守此土，而福於民者也。雖然斯畫也，夫豈有一朝一夕之所能運思，爲之亦勞矣。予雖喜之，必欲爲文公之記，以存其大都焉，又何患乎震風凌雨，其久且壞。後之君子，有事於此，必讀斯記。讀斯記，必斯所以存斯畫。存斯畫必斯，所以頌大朝之盛德。如天之高，如地之厚，如日月

之光明。至於九夷、八狄、十戒、六蠻、荒區絕域、寰海之外，盡入版圖。四時職貢，奔走而來賓者，又非此記、此畫之所能記。涖灘之歲，中秋之夜，天朗氣清，月色如晝，有鰲峰山人自記來賓亭之圖之事，刻於靈濟宮。

旗龍山神祠記

旗龍山，鰲峰之肘翼也，有廟曰祈雨王宮，一曰龍門社，即巷東靈濟宮王行宮之祠也。蓋自宋宣和之七年歲乙巳夏，泊秋不雨，嗇夫焦勞，嘉穀用虞。靡神不舉，寧不我聽。於是，耆老舊人，自相告語曰：巷東廟，有神曰護境感應王，捍災禦難，克休於人大矣，乞靈不少。今旱既大甚，牲璧奠瘞之禮，其可後乎。惟七月壬申，哉生明齊潔，致誠奔走，祀事於廟庭，丁惟神憫人之不辜。若響若答，須臾雲霧四塞，雷電皆至，丕降霖雨如注。遠望山之南，忽見神龍閃閃，上有黃旗標揭，大書護境感應王五字。護境感應王，即今之靈濟王舊日之徽號也。越三日，甲戌乃霽。是歲秋大熟，穰稻倍收，甌窶汗

邪，儲峙充羨。田翁墅老，相與北向，蹈舞拜手稽首，莫不忻忻然、衍衍然而踴躍。冬十一月至日，上幸設立壇墀於旗龍山之灣，月祭之，以報其德。後甲子一週作廟，有嚴孔曼且碩，永宅厥靈，以極終古。旗龍名山，蓋諸神以旗龍顯跡，其始如此。曰雨而雨，神不爽其聰明。衆請於有司，故上其號曰祈雨王宮，一曰龍門社。此邑里之長材秀民，有患於功名者之所願頌也。夫山林、川谷、丘陵，能出雲爲風、見怪物者，皆曰神。考之祭法，一在祀典。今神既能以旗龍顯跡時雨，是甘化荒爲穰，易沴爲和。民獲蘇醒，厥猷幾載。廟食於今，餘四百年，爾民報事，夫誰敢忘而且怠。日月遽邁，祠宇頽壞，圖像默昧，不稱靈明。奉祠林椿等，蒙神之福既多，退思古昔，若罔獲承。遂謀及鄉人，作而興之。有禱於神，神享其衷。假鸞作字，篆隸奇怪。初不可曉，乃乞作世俗書。四六駢驪文章，可得而聞，謂有人焉，孰視之若無睹也。時元貞改元正月之吉既成，合東鄰西舍

之民協力，惟和鳩費，命工完，舊益新。冬十有二月二十四癸亥立春，明年節也，若翌日甲子工告成，請記於予。予神也，豈敢自眩鬻，以媚於人。靖惟降依茲土，永享厥祀。壽富安逸，人之所願，予必從之。若夫神之世胄爵里，具載於巷東靈濟宮碑，雖百世可知也。子名刻於石，於予與何言。姑序此，以記旗龍山靈濟行祠，曰祈雨王宮云。鰲峰大仙靈濟真人自序。

靈濟賢聖王廟記

靈濟賢聖王廟碑，碑者，表其功德不忘也。神自祥符以來，祈禳感應，並禱于龍首廟東神，勅封三天瓊闕賢聖。按察高仙威靈廣濟真人，即靈濟之後身也，雖在祀典未有詞制。紹興年間，始分西、南、北之疆。六年甲辰，北廟所作孔曼且碩，鄉人林桌薰其事，凡九十八年。廟宇幾壞，復能振起，檀越姓名尚可考。以歲月計之，今又六十七年矣。大德三年二月，社前八日奉祠，曾琛、傅隆等，領諸同社，持一辨香，奔走執事於廟東之庭，而祝予曰：此廟

久廢，將欲治之，未得吉卜，而不敢爲。予戒之曰：吉。復求文以誌其碑，予不敢辭。祠曰：

聖朝一統，天下太平，仙廬佛舍，百廢俱興。里閭立社，神棲以寧。歲在淵獻，斗柄插寅。將以祀釐，祀事孔明。顧惟圖像，黓昧不燭。瓦毀墻污，風雨飄搖。惕然而懼，若罔獲承。迺稽之衆，乃卜之神。豫筮契龜，長短後先。虛徐莫斷，惟予是信。草昧不處，無聲無形。安敢銜鬻，惑人之聽。念依茲土，唯唯何言。回平作隸，魚頡鳥眴。二月乙丑，吉日良辰。土工木工，是構是經。削類補罅，完故益新。飾以黓聖，繪以丹青。輔弼承疑，上應四星。爾民有爲，福祿是膺。兩階干羽，守衛鄉鄰。六公珠翠，妙舞笙歌。雲門九奏，方丈八珍。優旃百伎，肖貌生獰。觀者戒途，車蓋駢聯。艾嬉遨笑，喜色欣欣。工逸事遂，予誌以文。語言鄙俚，捧心而顰。予其謂誰，靈濟真人。龍首廟東，事紀碑銘。天其賢聖，吾身後托姓於潘，致知其名。承佑之

嫡，固始入閩。衣冠世業，嘗舉孝廉。節使留侯，旌帛蒲輪。累徵不起，富貴浮雲。卜築鰲峰，鑿地爲田。亭亭皎皎，不耻食羹。仙骨不凡，學授倥傯。龍嶠一卷，出青入玄。峽江之西，飛水沸騰。不濡不溺，履空而行。駭俗驚世，事涉杳冥。厭棄囂埃，以道自聞。朝聞夕死，得返吾真。一日羽化，如蛻之蟬。乾德而後，人夢是憑。戾孽既被，榮雩協應。五穀蕃熟，利施於民。民感休喜，秋嘗冬烝。祠制未立，合享大庭。按察舊額，始於紹興。作廟有嚴，濯濯厥聲。紹定紀元，屋壞將顛。恢度舊制，功多如前。惟賢希聖，允獲徽稱。人上其德，有司俱存。神而明之，聽一旦專。繼自今始，聖可希天。伊我靈濟，行滿三千。兼而有之，以配三靈。戊日元吉，精潔椒馨。民亦勞止，實獲我心。刻誌於石，千古有經。靖惟恢怪，非人不因。尚冀宣封，八字輝榮。拜手稽首，天子萬年。

司農社角廟記

予迺者赴天臘會，式遄其歸，倏有

客，腰金袍紫，侍立於堂下，厲聲而呼曰：生爲人，沒爲鬼。爲君子之鬼，必不敢加禍於人。其爲小人之鬼，則不靈。西廟有記，南、北有碑，予其將與草木俱腐矣。予聞其語，責令左右引而進之，乃正直之神，曰社角祠。予下執其手以上曰：子若無語，吾幾失子矣。縫衣章甫，難以適越。維今之時，非姦惡富疆者不可以立身。非纖毫計會者，不可以爲生計。子之職，以農開國。春耕夏耘，秋收冬斂。終歲勤動，靡有寧日。天門萬里，孰爲子之遠慮而乞憐者乎。長房何人，敢爲驅役。鵠之靈，不免填河之畫。龜之靈，不免支牀之苦。鷄何爲不鳴？犬何爲不吠？牛何爲而喘？馬何爲而困？如子之責難矣哉。信欲望豚蹄孟酒之爲私祝者，其可得乎。然雖如是，農必不以水旱而不耕。子司農職也，安得居樂其業，何必沽名釣譽，爲世俗態。自今以始歲其有，則祀事孔明，何止百世，將與天地相爲悠久。予矜子能，榜其額曰司農社角之廟。若夫廟之始自五

福岩而遷於此，亦有年矣。其重修歲月，則題梁可信，故不及贅，攝提格之。天臘節後二日，鰲峰山人作。

司稼旗龍山翁廟記

公姓翁，諱承贊，福唐王融之遺民也。唐乾寧之四年，中宏詞科，官極高品。五季之亂，豪傑分割。國危政亂，風敗俗澆。公廼棄妻子，捨墳墓，埋光鏹，采不效時，趨北遊白鹿，歷高踰險，卜築於鰲峰之半，曰旗龍山，平坦廣衍，得幽水清流，而遂其志。閩王王氏，幣帛以迎，不屈仕之。永隆間，王氏兄弟，鬪墻內變。潰兵星散，奔竄於山林之東，聞公高節，過門不入。晋天福間，唐兵南討。鄉之父老，恐變爲虐，請唐師勦除之。公具唐衣冠，謁見二王，今之靈濟真人也。王復辟，以幕職，公不願祿。鑿山爲田，自畊自種。年豐穀美，春給鄰未之不足者。仁人用心，萬口是碑。天福八年，一日，忽有流星墜於居廬之側。公自知祿滿，得鄉人共祀，公之香煙。以其自耕自種之田，施於合山常住，永爲追修。冀

靈濟二王守此土，公得配食。任司稼之責，主掌雨暘，管護牛畜，蒞事以來，終始惟勤。歷年既久，祠宇傾頽，更而新之，鄉之父老力也。至於風雨順時，五穀豐登，孳畜生聚，鷄犬相聞，此則父老之所以獲麻庇於公者，非一日。若父慈子孝，兄友弟恭，夫良婦貞，其誰使之然而然者，公其鄭子真嚴君平之徒歟。公神也，請記於予。予敢述公之履歷，以示後人。大德二年十有二月曠日，鰲峰老人徐子記。

徐仙翰藻卷之一

徐仙翰藻卷之二

團本堂記

維歲大獻淵修禊之夕，鄉人某持一瓣香，祝於予曰：牛馬走所居先人之敝廬，已七八十年矣。舊有板額，曰延慶堂，塵埃厭棄，未甚光彩。意欲更新之，竟弗克。就於嘉其有此先志，以成其美，乃命左右濃磨川墨一硯，剪茅爲筆，一氣作之。字大如斗，曰團春。夫團春者，大地之間，物物皆春也。蠢者動，蟄者啓，勾者萌，甲者折，自充自盈，自生自成。是誰使其然而然也，子亦知其所以爲春之意否？某曰：唯。退而省其私，如未有所獲，復樞衣而進曰：愚不敏，請事斯語。曰物之所以爲春者，有天地焉。人生天地間，不過一物耳。春之於物，春且不知其所以爲春，況於人乎。吁固哉，子之言惑矣，復坐，吾語汝。夫天地之所以爲春，此春也。人之所以爲春者，亦此春也。豈外物而求春，所謂春耶。何者，

天地之所以爲春者，其爲氣也，融和其爲情也，明媚其爲氣也，含養覆護而已。物之所以得爲春者，職此之由。苟或赫然而有酷烈之氣，是爲夏也，非春也。蕭蕭然有淒清之情，是秋也，非春也。凜凜然有嚴切急迫之意，是冬也，非春也。既非春也，何有於物哉，惟人亦然，子其知之。父父，子子，夫夫，婦婦，兄兄，弟弟，人之大倫也。必先以孝慈、友愛、輯穆、和遜爲根本，惟其本固根深，一旦春風鼓之動之，其爲枝也，修而長；其爲葉也，暢而茂；其爲華也，秀而實。不然，雖有春雨時時灌之，日日溉之，無益也。然則根本之於人，可不加之以封，植之功，任之以培養之勤，庶亦可以冀其有立子章子。能以此意推之，使同室之和一團，是爲不春之春，與天地同乎其春，何患其不充不盈，不生不成也。某既承斯語，頓覺神悟，懷其文而歸，亟索筆書之。指令家人，措置一觴一味，設席於團春之堂，少長團坐，各有次序，相酌相勸，且飲且輟。某將醉未醉之頃，呼童取水

盥漱，以文讀之，且作嘔啞之聲，使家人聽之。復拊蹕而揚言曰：吾雖未醉，幸而諸事不芥蒂，吾心信乎今日之得春也。今日至來日，來日至後日，無日不春。自今歲至來歲，來歲至於千萬，何歲不春。我得此春，汝等亦得此春，庶無愧於斯堂之名。既徹席，家人撫掌，大笑而起。鰲峰老人作。

門銘

言必忠信，行必篤敬，禮必嚴恭，容必端正，處己待人，惟和惟謹。耳目心思，吾日三省，致知力行，賢可希聖。事業伊周，德行顏閔，積善傳家，必有餘慶。書銘於門，子孫其聽。

壽天玉崑道場記

佛心普照大師清琮，號石徑，俗姓畢，莆之遊洋人，世業儒。少從遊於三山郡庠，平日與交接者，特達俊偉之士。適谷陵既易，奎壁無光，遂棄所學，入空門。初受業於東山師衡振文，傳印於愚中師廣智。師之爲人，內朗外融，不假耘鋤，口常誦佛經，至於儒書，未嘗一日釋手。且會鐘王，會此時

輩所譽南宗之白眉者，非師其誰。師自莆入福，始駐錫於閩之應天寺，閱星霜者十有六，常語人，八萬四千法門，須是自行方便。欲另作一道場，展轉莫遂。去應天寺未上牛鳴地，舊有湯承議故宅，遭兵燼後，已爲瓦礫。至元壬辰，其子弟以其地來售於師，師私喜曰：吾之緣法不偶。遂捐衣鉢餘囊，力就之。一日，與其友重林師道煥，共携一行書，縱觀於其間，得山之龍法，俱在法眼中。雙髻起風，南北競秀。雙髻之北，發足而東。針爲乾，再分兩支，支之一結爲石，如品字，三面錯愕，且端且正，或者天育地產，設茲神物，將有所待焉。晉永嘉渡江處士玉其姓者，自太原來結廬於此，因石之品字，自號玉品山人，故今日其山，曰玉品。玉品山，山之總名也。上有一脉，自品中出，蜿蜒而來，如蜂腰，如馬領。及其中也，橫建三峰，卓乎有立，頂員而足峙，其名曰撼奇。前行換步，節節棹轉，其名曰蓮花。至於止處，三支挨地，雄傑峻峭，作仙人大座之形。東有

八龜堂、泗洲橋，西有麒麟窟、真武岩。明堂之上，有山曰壺榭，曰烏石岡，曰古松。環山之間，碧澗雙流，蛇行斗折，尺寸千里，悠悠然莫知所窮。外抽一峰，曰方山，爲之從內建一峰，曰天柱，爲之輔。天柱之下，爲應天寺。逆跳兩峰，關闌水尾，如牛馬之飲於溪，迴巧獻技，有態有情。雙髻之南，發足爲大座峰，爲玉蘂峰，爲雙童峰。雙童而下，爲寶臺峰，爲起雲峰，爲金欄峰，爲三郎峰，爲朝陽峰。嶄然陳列，崢然角抵。外與天際，四望如一。住芝山別山雲公寓遊於此，嘗作十奇峰偈，以寄其情。凡登探者，莫不稱讚。師既得其地，乃大展作具，背西北，面東南，始指異之曰：孰使吾之樂茲土而爲開先者，非道場之緣法歟。師之軌行，震人耳目。雖欲藏身處沒蹤跡，不知沒蹤跡處莫藏身。諸宗長上聞之，不肯放過。辟董越山寺師，來越山疏幾百紙。越山寺在福州治之北，鄰於市井囂埃，出入未免叫鬧，淺學近識處之，必爲執着。師之性，皦皦然，洒洒然，

無色無想無知無得，獨道場之舉念不停，常欲了此，而擔負不行。乙未之歲，的委其徒師龍等董其事，以某月某日某甲子始，僦工荆而疏之。是垣是墜庵於上，而署其額曰壽天玉品道場。壽天與應天，同族類也。曰玉品，則就玉品山字上模做出來。中有堂焉，命曰應機。堂之後，有觀音殿，殿之後，築室爲二師同，一曰東山壽域，一曰愚中歸藏。師不以此自居，而歸之二師，式以見其不忘所宗之趣。堂之下，竈土爲池，旁廣而中深，導泉蓄水，不增不減，蓮花九品，異種同香。合九爲一，莫名其妙，豈非玉品。山之來處，上有三石，中有三峰，下有三支，合爲九數，故品別以九，其義有取於此。蓮花池之得名，是亦得於山之號蓮花而得也。況師之宗派，出於天池，取以天池二字名其池。山之方位，界於乾亥，配乎天地之名，誠爲相應。池之旁有亭，亭之勢有臺。樹花植木，四時芬芳。此遊覽者之所健羨，其可樂乎此耶。若夫鬻田三百畝，以爲香燈之資，

是得金仙所示不滅意。益而廣之者，東山愚中也。又於朝陽山下，營塔一

坵，以爲栖真之穴，亦得金仙所示寂滅法師歟。師歟，金仙之徒歟。大德三

年歲在己亥中秋前六日，師遣道換來示予，以地圖而請記曰：庵之事役，將

次就緒，復買其鄰，得諸哲坊之基，灌莽荒墟，是亦湯承議之遺業也。日即

鉏理，計工度材，建大佛殿，如招提致上，以祝當今皇帝，聖壽萬安。下使鄉

人之信向者，有所歸依焉。外有三門，兩廊法堂、寢堂、療舍、倉廩，去處各留

地步，陸續爲之計，未知何日得以就其功。吁，師之言，似爲當矣。師之規模

如許，志向如許，力量又如許，何患其不就。不患不就，惟患師之不爲也。

予渙然無聞，敢拜師作禮，拈起招賢大師偈曰：百丈竿頭須進步，十方世界

是全身。師聞是偈，不覺開口大笑，曰：如是，如是，吾即成之。成之日，

再能爲吾續記否。予曰：不敢辭。予謂誰，廣陵徐氏子，名謚爵里，具存五

代史齊之世家，自號鰲峰山人。姑撫

其事爲之記，師石徑刻於石，留之以示後人云。

續壽天玉崑道場碑記

佛之字義，釋云：弗人也。既曰

弗人，上無棟，下無宇，十方無壁落，四面亦無門，以三千大千爲世界廣大，誰

知何曾假合。《金剛經》云：即非莊嚴，是名莊嚴。此其所以謂之佛，佛心

普照。大師六祖衣鉢之來，次第行也。初受業於東山振公，住應天寺。再傳

印於愚中智公，住越山寺。晨雞暮鐘，粗可以安閑受用。玉品山之作庵，曰

壽天玉崑道場，豈必搬柴運水，祇欲展神通耶。若夫一椽一瓦，一木一石，皆

出自師一手經書，吾謂師之用心也，勞且拙矣。庵訖功，囑予記其事耶。記

耳從而，作贊助語，故未免世俗態，師胸中之韓馬薛鶴，已全不已。劬勩爲

媿，殿之爲最大者一。堂之爲法、爲寢者二。兼靈會者三。門戶之廊廓，廓

廡之修直。曰倉，曰庫，曰厨，曰寮，方丈困困焉，盤盤焉，色色倘具，其十也

有九。土工，木工，石工將告成者，又

七七八八矣。倒指數之，凡歷涉者四五六載，事始完，可以想其輪換之盛。

吾謂師之用心也，其爲勞且拙者，猶有存焉。續記之命，祇恐記之不得其所

以爲記之意，豈不見岑和尚，道是今時人，須是隱身去。可思量不。師默然

禪坐，一剎那間，復拈起一條拄杖子，大喝一聲云：庵雖小，含法界。放開，

大者無外。收來，小者無內。這般的話，不是達磨公案，汝會麼。予眼裏聞

聲，便覺透徹。以是，知師之作此道場者，不過與佛所作祇園精舍，一樣規模

焉。師之所以作道場者，果在斯乎？不在斯乎，祇在方寸間耳。其爲間架

也，非尺丈所能量。其爲方向也，非盤針所能格。其爲境界也，非品石之莽

蒼所能喻。其巧也，非十峰之峻峭所能名其狀也，非雙澗之淵深所能究其

源。美矣，善矣，諸好侷矣。若能於此了知，便見得盡大地是沙門。一隻眼

放開，隻眼縱橫自在。東去無涯，西去無際，上柱天，下柱地，四通八達無所

罣礙。其光明洞耀，照徹十方。譬如

千日，放大光明。不然，何以謂之佛心普照大師。道場是作，豈得易。爲記哉，記誌也，輒敢門師。借取須彌爲峰、海水爲墨、獅子巖頭大石一片，誌而碑之，使百千萬億劫後，不破不壞，知其所以爲佛心普照大師、壽天玉崑道場記也。庵之履歷已嘗記，故并爲之頌曰：

師琮公，號石徑。家莆人，畢其姓。世業儒，衣冠盛。陵谷易，文星泯。俗瀾趨，不與競。赤洒洒，是本性。學惟精，西方聖。機一悟，非臺鏡。沂源流，派能忍。東山振，親摩頂。愚中智，傳正印。初應天，以才稱。今越山，衆袖領。基道場，卜玉崑。龍得法，宗一行。重林煥，爲正訂。氣結凝，石嶺嶺。澗雙流，峰十陣。面東南，絕奇勝。剗土壤，剪荆梗。陶甌甃，削朶穩。築垣墉，植藩屏。庵既成，禪安靜。名應機，字于頴。異種蓮，池久町。花木亭，峙如鼎。二師祠，事思敬。生者壽，歿者慶。歲淵獻，記予請。居買鄰，力業併。

土木石，工愈勁。殿一之，敞而洞。堂居三，法雲寢。廊翼翼，修且挺。針甲卯，門取正。倉乃積，厨乃淨。寮與房，件件整。田爾田，二三頃。塔一丘，萬事定。師龍等，承指令。五六載，功始竟。開隻眼，子細認。師所住，境非境。方寸間，沒蹤影。一點光，常耿耿。遍法界，長萬仞。佛西來，甚修證。水在瓶，星在秤。嘿時說，忽自省。意云何，生淨信。衣可溥，大庾領。續比燈，燈不盡。心即佛，難比並。曰普照，兩相應。師之微，人諦聽。記誌之，愚瞽瞍。頌無文，愧渙浥。刻茲碑，年有永。

修西林寺記

閩之福州城舊俗，土記之傳者，號爲三山。按郭璞遷州地記曰：前有雙眉童施粉黛。北指烏石山、九仙山、方山而爲言也。又有高蓋山、蓮花山，與方山相應。三山之名，其始於此。三山於其間，獨方山最爲橫絕。州治之南，望之如几案，天造地作，亦巧矣，豈特爲州治設耶。予嘗謂山之靈異者，

其間必有魁奇材德忠信之民，出而當之，又未之見也。一日，縱觀於方山下，行一里，有佛精舍，盤盤焉，困困焉，榜曰西林禪寺。法門廣闊，殿宇宏深，迴廊翼翼，飛閣渠渠。東有天飯香積之厨，西有雲會禪燕之序。至於應真祠、寶華堂、方丈室，靡不侈麗，帑庾、寮舍，無一空闊地。木石椽瓦，粉壁俱新，鐘魚木鼓，色色俱具。若夫鑿池引水，生清淨心。不塵不垢，是名莊嚴。青蓮寶像，紫金白毫光之照徹十方，遍覆三千大千世界。予焚香合掌，如登天堂。四大五蘊，實無所有。迺自嘆曰：此絕俗離世者，之所以爲功名者也。少刻，主僧披袈裟，袖坐具出，而問訊於予。予瞻其人，環瓘特達，無人我相。揖之曰：師其開山歟。延予坐，煎茗爲款，從容而言曰：寺之開山，唐廣明之祖師也。後百年，有宋景德禪師廣而闢之，以成道場。指數于今，又閱春秋三百餘載。咸淳戊辰，老衲自龍江來，住山凡十年。適值兵革，頓爲瓦礫草莽之墟，過者太息。老

衲不揆不謀於衆，不求於人，自傾倒衣鉢，一力幹運，羨積餘藏，如治私產，因其故址，徵工僦功，勞苦服役，踰數年，而克有成。增置田畝，利俗於昔，苟得以瞻徒衆晨香夕燈。上祝聖人壽，下俾鄉人，復有所皈依佛法中，其亦庶乎可以無愧於廣明景德二代之開山也。又於寢堂之內，偏建殿樹塔，列歷代海會于左右。上塑三佛，中卜一穴，是爲靈室，反真歸源，此老衲之願畢矣。今欲伐山石，刻之歲月，使將來眼知作之本始處。稔聞真善，欲識適意空宗種種因緣，輒敢以須彌作筆，海水爲墨，作之數句不異語，予以方便，故不敢辭，應作是言曰：善哉，善哉，師名正榮。其先二山，長樂之古縣人也，俗姓謝，家世爲儒，此所謂魁奇忠信材德之民，能以絕俗離世而取功名者也。記畢，長嘯出門，人不知予之所之。師曰：其神乎。元貞改元菊節前一日，前廣陵尹，東海徐儒子記。

徐仙翰藻卷之二

徐仙翰藻卷之三

鰲峰賦

巍巍乎，高哉，鰲峰之竦傑也。按淮南子之《括象圖》，是以知其宗祖發於崑崙；考赤松子之《青囊經》，是以知其枝葉之分於庾嶺。自南而來也，惘若諸蕃而入，使向北而朝也。效彼崇嵩而祝聖，其勢展雅，其容端正。如覆金甌，如飜洪鼎。如仙人之展具衣，如玉女之開粧鏡。如武夫健卒之頂兜鍪，如王公貴人之執圭珍。外有方山拜於前，而爲之几。崑山侍於後，而爲之屏。鹿山爲之輔而左，支合山爲之弼而右。撐齊齊整整，峙峙亭亭，雖池之九華，歛之黃山，不足以喻此峰之偉觀；括之成都，溫之雁蕩，不能與此峰而齊名；吳之會稽，楚之雲夢，惠之羅浮，朗之武陵，皆不足以形其狀，亦不敢以狀其形。我爲橫笏以量之，其方圓也，何止二三百里。立表以算之，其上下也，不啻四五千丈。去天咫尺，聳

人觀望。御扁楹而歷險，假絙縈而直上。進步可以造紫微之庭，舉手可以掬銀河之浪。藐爾人物小哉，穹壤俱在吾目，如示諸掌。使孟參軍寓此，必爲落帽之權；使謝太守知之，必爲整屐之想。斯人已去，此音誰賞。若夫委委蛇蛇，高高低低，凸凸凹凹，不齊不齊，層層疊疊，爲畝爲畦。朝霧收兮，陽鳥旭於東。暮霞飛兮，白兔魄於西。引清輝兮，皎皎。挹翠影兮，萋萋。至於春風動兮，花卉芳菲。夏雲奇兮，樹林陰翳。秋露晞兮，嵐光淡薄。冬霜隕兮，草木凋瘵。此良辰美景之所難，並有詩人墨客之所睥睨。其間，虎狼狐兔，爲穴爲窟。鳥雀鳩雉，爲壘爲巢。或鳴或噪，或嘯或哮。士張垂天之罩，下布竟野之罟。右挾夏服之箭，左提烏號之弰。或縱或擒，或蒸或炮，以供我祀，以充我庖。所產之木，曰松，曰栢，曰樟，曰樗，曰棟，曰桐，曰楠，曰柠，曰楓，曰杉，曰櫟，曰檉，曰檜，曰檀，曰槐，曰梓，曰柯，曰楝，曰榕，曰椴，曰杉，曰樅，曰榿，曰

杞，曰桃，曰櫻，曰楸，曰榑，小者可以爲店，爲楔，爲椳，爲闌。大者可以爲檣，爲楮，爲杗，爲栢，其用也博，可擇而取。又有紅蕉、白芋、細葛、青麻、山桑、野柘、槐黃、藍青、柘子、橘皮、真紅、紫萸之類，可以爲華身之需。荔枝、龍眼、湄橘、餘柑、林檎、黃彈、朱櫻、白柰、棠橙、鹿湄、楊梅、烏棗之屬，可以爲適口之助。言其藥，則有香薷、牛膝、黃精、薯芋、交騰、馬烏、地黃、鼓子、薄荷、茵陳、紫蘇、香附、茺莢、甘菊、扁豆、香枳、苦蕒、茴香、蒲艾、遂菴、黃蘗、木鱉、鶯粟、羊乳，或生顧渚之紫筍，或產交州之薏苡，靡所不有，未能殫紀。何今昔之不同，嘆日月之雲逝。是以橫笛一聲，或伍牧童而來歸。爛柯一局，或學樵父而偷閑。石罅嶢者，爲方士之室。草蓬蓬者，爲隱人之庵。安禪有座，登真有臺。曾現天燈之瑞，嘗留仙鼎之丹。石鼓之聲猶響，劍石之紋尚癢。窄而險處，號引戰之門。坦而平處，爲息馬之灣。古來遺跡，吾豈虛談。胡爲感慨，尚可覽

觀。峨峨乎，有莫攀之壁。淵淵乎，有無底之潭，各立深淺，分爲二三。芝蘭同芳而馥郁，藤蘿交翠而盤鬚。源泉混混，流聲潺潺。一條瀑布，萬仞垂岩。其白也如練，其青也如藍。其濺也員如珠，其盛也深如盤。金刀剪裁未爲易，玉尺量度誠爲難。時有神龍變化，如恍如惚。或飛或潛，或出或沒。或激而爲雷爲霆，或奮而爲颶爲颯。或沛然而雨勢祁祁，或油然而雲氣淳淳。祠侈褒封，民無怠忽。鴻濛既判，遂古之初，孰爲措置。以麗堪輿，既分秦都，未入漢圖。所治南越，惟君無諸，髻椎汚俗。世守一隅，韜光晦跡，孰敢誰譽。自唐貞觀，冊名上都。風聲壯麗，氣貌魁梧。宛若數里，聳拔一坡。鐘青鋪而闐闐，接潮聲而盤盂。派其墩曰傳築，支其崗曰香爐。維水之白，維石之烏。前洋之爲肘，爲腋，富山之爲趾，爲趺。此上此民，是田是廬。何迺陵遷谷變，時易事殊。五季遭亂，十姓並驅。豈期王氏，自謂黔愚。內溺淫侈，外事科敷。宮室無

度，遊畋自娛。時靡有定，不遑啓居。使鳥驚而獸遁，幾絕生息。使山童而木削，遂成丘墟。毋乃蘇氏疊出，是以眉山一枯。人有常言，事果不誣。始自建隆，至於祥符。朝廷文治，鄉校詩書。迨時厥後，名公鉅儒。相爲汲引，無復躊躇。獨先於諸郡，踏破仕途。朱紫背項，車馬門閭。昔也，此峰之靈，以物之秀。今也，此峰之精，以人之儲。嗚呼，輻南軸北，習來黑往，何此峰之不老。托以神，而是降爵。秩有加，聰明不爽，誘諸人以爲善。慨斯文之未喪，況神藏於密，道隱而微。自知謹怪，恐涉狐疑。大義頗羞於曹植，十年深愧於左思。姑作獲麟之筆，毋貽覆瓿之譏。

靈濟宮賦

龍銜圖龜鬻書，何譎怪而詭異者乎。詰之泰元，泰无嘿嘿，叩將求索於惟象之初。羲姒告叩其故兮，咨矇矓而未察。挾既覺於玄鳥兮，倏以自造而歸之。冥冥睿巧倕之榘正兮，章玄文而志。畫非莛蓀之啓前兆兮，彼靈

氛而莫神。覲幽人之髣髴兮，守以又玄而莫莫。電倏忽而翕赫兮，羌不可兮。彌測迺窮宇宙兮，孰預其終。等堪輿兮，長無極。是以五帝亭亭，三皇繹繹。神囿兮，有制祗堂兮。有式蹴羸踏列以涉今兮，誰復參差而不輒。九天之寥邈兮，安放安屬。何剡剡而來下兮，鰲峰是宅。陟纖窈以挖嘉壇兮，直嶢嶢而造。天眺青臚而下盼兮，蕡土乎丘岳。雲譎波詭基之連蜷蜷兮，肇於東平。原唐之溢而駸駸兮，趾裂鼎而成峰。岌岌然，若馴馱之駟。昂昂然，若赤驅蒼龍。覽樛流於蓮華兮，挹素靈而心爽。靈山之儼岷岷巍兮，襲青氣之豐融。九阡九陌之壇漫兮，井般廬而連局。朝朝夕汐兮，道汪流而濼濼。信矣，夫嶽祗瀆鬼，后媪育靈。其年政和，咨官是營。作噩貞于則壯兮，土木石工之告屹。然砥石之柱華然，雕玉之楹嶄岩兮，飛宇岿峯兮。層薨列焚燎以布翼兮，續續然相以交錯。重析疊拱兮，薨薨增增而復峻。增閱閭闔其朱閉兮，扈則偁岐陽

之石鼓。略垣墉之佳嵬兮，炳炳乎丹青。邃闈密室之巖嶙兮，從延伫於荒忽。東廊西序之崢嶸兮，抱地勢而相嬰。又有麟毫之箔珠翠，甲乙之絡羅孔雀兮，張金鵝。綴黼純兮，敷底篋。受寶符之緱山兮，感黃金曼陀。未足以言瑞兮，間以琉璃而娉媿。彤芝之雲氣騰騰，博山之祥煙鬱馥。杉松歌玉楯之風，槐桂掛文窗之月。或竈土以渚泉兮，雜雷聲而活活。鱗鱗之與鰈歸兮，掉清漪而發發。溶餘慶之嶝宏兮，納大千於一粟。淑龍首而發仞兮，頻霄回於靈塔。日外相屬，前沓後合。殊形異觀，莫能殫述。至於階級之有等差，儀衛之有號令，左低聲，右肅靜。魍魎兮固，扃壘荼兮。呵禁苑魑兮，不敢喘息。獠往兮，束手聽命。將事之夕，齋宿唯謹。顛昂俯僂，或退或進。端容兮，正色。目存誠兮，肅敬儼然。圖像之生獰，氣燄之灼灼番番兮，態態之士。業業兮，貔貅之卒。虎頭兮，燕頤。龍韜兮，豹略。羅弓矢兮，樹旗旄。執瞿戮兮，仗劉鉞。泯其

跡於無聲，藏其機於不測。堅柳營之壁壘，示轅門之整肅。使爾絕黨，殊鄰遐方。疏俗梯山兮，航海畢獻其方物。眡此館兮，來賓有亭。請寫以爲王會兮，賀太平於今日。恭惟皇上，億載萬年，爲父爲母。普天之下，莫非王土。修迺文，偃迺武。忠爲甲兮，信爲冑。禮爲干兮，義爲櫓。蒐詩社兮，獵詞林。遊墨場兮，聘翰國，將迨群於崇璟。追慶雲兮，埒白甫。東壁騰輝，燦然可觀。偉哉，凌煙閣，人物之盛兮，盡腰金而袍紫。又如西涼伎獅子胡，尋撞之都盧。舞紵兮，揮霍。藏橄之要妙兮，梨園之曲聲嗚嗚。楚娃兮，吳豔。秦娥兮，衛姝。粉白兮，黛綠。飾紈綺兮，綴金珠。飽侯精兮，厭鼎肉。八珍絡繹兮，分御厨。衆媵並侈，姁媮何媿之道。子用心之巧也如此，靡敢褻，媿以爲耳目之娛。天門兮，洞洞。無階兮，可犴。名與德之盛兮，日月争光。萬鈞兮，未足以爲重。何迺處之以無爲，惕然而若恐。親親以睦兮，序伐木之章。魯侯燕喜兮，獻闕宮之頌。

名咨堂兮，纈四字以爲規。婉婉寓其意兮，亦庶幾乎能以警衆憂。虞失得徵之易兮，尚以占。文未喪兮，亦顏亦孔。迴平之作籀篆兮，上可板於軒頡。熊經龜息，用以觀其繳兮，即來今之黃任徐董非至。人其孰能與於此兮，敵可拜宣封而受天寵。重曰奔雷公驅警蹕以鳴兮，戒雨師而洗塵兮，飛廉馮呵。勵厥聲兮，神母擲。大先啓行兮，駕龍轉而載。雲旌兮，八鸞五鳳紛紛。其交迎兮，乘清氣以上。征兮，驅閭闔而造紫庭兮，曰出入而靡有停兮，下倒景而上。光耀明兮，百味。旨酒將薦馨兮，藉以芳芷。雖杜衡兮，澹然壽宮。安可寧兮，永永。爾祀何千萬齡兮。

文興庵賦

一日，有好事君子，袖香而叩於予曰：吾鄉之宮與廟各有碑，餘慶堂亦有記。文興庵塔，其為道場，未可以小可目之，何不為措一辭。意非敢後也，蓋為道場將廢，未獲其人，以復其始，坐此慚愧。今因子之問，

姑撫其事，以為有緣者勸。乃賦之曰：

鰲峰萬仞兮，去天一握。蜿蜒而來兮，不知其幾起幾伏。突然為青鋪之三峰兮，爾廬爾宅。揖崗巒之拱護兮，眷西顧而徊徘徊。非驢之能蹴蹋兮，龍象之為穴為窟。奉如來之真舍利兮，粒粒如含桃之銜金碧。氈包席裹兮，載以駱駝，而來於西域。瘞之以為塔兮，削以水沫，而刻其山。骨蕩蕩增增之級有七兮，巍巍其高卓。像千佛之化現兮，運風斤而精鑿。神火青而不熱兮，燭斗牛而上薄。人天鬼神所瞻仰兮，欣予志之相逆而懽悅。晨昏之作禮兮，且拳拳於晦望弦朔。此先祠之故庵主兮，釋修偈之是作。比干之胤曰懷賢兮，實為鄉之檀樾。假木魚以驚衆兮，聲夜鳴之山鶴。功一就於衆香兮，一盂一勺。元符之銘誌於石兮，尚有稽其歲月。言不可既兮，茲特舉其大略。淨慧之號振於古兮，談西天之快樂。文興之名著於今兮，乃儒人之意。有托祠宣聖兮，志于學。

祀元皇兮，干于祿。廣惠之有殿兮，清貞有閣。右叩於玄天兮，左瞻乎東嶽。延導師於安養兮，跌青蓮而焯灼。現千輪慧力之色相兮，不御鉛華而帶纓絡。如員應之衣白衣粲粲兮，或示以朴。如明覺之掛金欄采采兮，或稱其服。慈濟之以醫而活人兮，不假乎參苓桂朮。英列之以孝而致身兮，化世俗之薄惡。命爾堂而曰證會兮，神乎莫莫。樓千門之五鳳翼而飛兮，簷牙高琢。房庫之有次兮，復經營於庖湏。僧繇鬻其功於丹青兮，污或漫於黜聖。百以器之既備兮，靡有堅心而展力。事事之竟有成兮，固非一朝一夕。復其始於宣和兮，如章如吳如郭。繼之以曰徐曰周兮，再經理而為之廣拓。自元符迄于景炎兮，完新修舊之既數。嘉爾志之忠且勤兮，將為河沙億劫之封植。敢舍心而捐廢兮，於俯仰而無怍。燭龍不常耀兮，纁黃忽其湮沒。麝火之燼已滅兮，未能噓之橐籥。大厦之將顛兮，未能支之以一木。慨古人之飈化兮，孰可與而咨度。來者吾

不聞兮，獨憎欷兮，結帽亂曰何。陵谷之交錯兮，何世途之踈踈兮，何營營乎蝸角兮，何舍本而趨末兮，何嗟老羞早而縮慙兮，何恂愁而不之覺兮，何盜車而不遇之伯樂兮，何章畫不得工陲而志墨兮，何前修之有遺跡兮，何壞此路之輒兮，何謂不實而有獲兮，何時蹇修爲理之喋喋兮。

自辨文

予之所作，人皆以爲迂誕。今日之迂誕，異日之受封襲爵。以此爲驗之跡、進身之階，如君者之未知也。昔有《搜神記》《神異誌》《幽怪記》《山海經》《幽冥錄》，當時所作，莫不以爲迂誕。至今讀之，使人感慨而已，誰曰不然。予嘗讀聖人書曰：子不語怪力亂神。及觀《獲麟》一經，《盟誓》之辭，災異之事，屢見而屢書。或者議之，以其言出於公羊、左事、谷梁之口。始作俑者，聖人亦不能諉其任，故曰：知我者，其惟《春秋》乎，罪我者其惟《春秋》乎。甚矣，材之難也如此。夫文章，天下之公器，非則辨是，何辨之有。予有

所作，不知是邪非邪，請爲辨之。段文昌所作平蔡碑，太守陳珣去之，獨有取於韓昌黎之文。昌黎公雖後世之所欽服，殊不知蘇內翰所謂，不知世有段文昌之句，則視段文昌爲何如。子之所作，故無段文昌之材，存之可也，去之不可也。如或去之，雖有此記，誰無此語。夫其必欲存之者，非以爲誇當世，耀方來，簧惑衆聽也。不過，後之有事於廟者，觀吾記，見吾行事，不以暗室而自欺，敬神之心油然而生矣。記既作矣，刻之，書之，必得其人，予故敢用爲請揆君之心，必有其說。東坡公嘗曰：平生不爲人作行狀埋銘墓碑。至於撰司馬溫公、富韓公之行狀，則曰不敢固辭，終非本志。君之所以爲書碑者，是亦以東坡自任歟。雖然蔡邕謂盧植曰：吾之爲碑記多矣，皆有漸色，獨於郭有道碑爲無愧。子敢以此爲請云。

塞謗文

予自領仙職以來，普度而後，未嘗一日與人交接。時雖有片言隻字，無

非誘人之善語也，苟非其人精純所響，徵兆莫報。若夫水旱疫癘，意外之變，是皆子之弗德，惟有恐懼修省，曲盡銷禦之道而已。至公無私，疑問則有籤，杯如響斯答。今之箕筆不可驗者，蓋其間有一等罔象，非賴行巧設奸，假以狐妖鼠怪，闚其戶，閱其無人，而文飾其說，致使垂錯釣誇。奚云是謂人可欺也，而神可欺乎。語曰：可欺也，不可罔也。魚目陷珠，真贗可見。有識君子，毋惑滋甚，反爲神羞。姑作筆爲塞謗之辭云：天其神問，神居冥冥。胡然化筆，剡剡厥靈。編珠綴玉，皎如日星。班張買馬，莫之與京。活人之書，韓康永涸。陰陽宅兆，郭公景純。羸糧景從，車蓋塞門。德鏤人心，何千萬年。今也不然，藏神於天。出無入有，世謂之仙。虛無縹緲，嘿嘿何言。豈期夜鼠，假以狐鳴。顛倒繆錯，使人不平。持神之悅，具男具興。云誰之辜，壟斷賤夫，欺不可罔。或敢侮予，積惡滅身，人禍鬼誅。若等儒冠，肖貌如人。鬼神無常，豈昧之聞。昔日之

靈，汲於經營。今日之晦，廟事已成。自銜自鬻，惟神之耻，絕筆有歌，久屬人耳。譌以訊之，無從詭隨。斯文是作，以塞謗語。

非神賦

女媧氏之斷鰲足兮，渾淪始離嵩泰。衡恒華之嵯峨兮，其神曰祇帝。舜柴而禹巡兮，秦禪而漢祠。遂右之傳而不證兮，誰謂水龍而木夔。予之鼻世兮，基於下邳。發采石之孕靈兮，涓鰲峰之瑰奇。嗟魂燬魄淵之瞬息兮，冥招曹閻以驅馳。哀清廟之荒唐兮，白睨嬰蕪之委蛇。欲毀冠而裂冕兮，視世途之險巖。大厦將顛而不理兮，恐一木之莫支。歲昭陽之大荒落兮，吾剡剡于羅池。假毛錐子以爲言兮，顛倒而妍媸。或讒巧而嚶嚶兮，儼以爲吾欺焰。掉舌而葩葉兮，喋喋乎秦儀。汝悖悖而解兮，寧質質而自持。笳器小而蠶蠓兮，胡井智而管窺。腹便便而螻蚋兮，不若盛酒之鷗夷。枌谷生朝終自滅兮，短狐伺影竟何爲。天地漫漫而無極兮，死生浩浩而誰知。

阮瞻之辯是非兮，骨肉化爲塵泥。謂吾言之不足證兮，巫新麥以爲期亂。曰天道之福善禍淫兮，如表立而影隨。彼譎詭而徂狂兮，羌猶豫而狐疑。敬神如在左右兮，予嘿嘿而何辭。

莫毀碑辭

莫毀碑者，言碑之不可毀也。辭者，聲其罪之辭也。其辭曰：甚矣，時俗之變詐兮，黠鼠智狙。梘貌而蠟言兮，效汝曹之囁嚅。巧畫竟莫壯於犬馬兮，唯鬼魅之是圖。不涉大行而涉魚鳧兮，又熟知其畏途。玄靈之決鬱兮，匪若木之不靈。憐螢之逐暗兮，謂長夜之冥冥。彼獸面而人言兮，不離猩猩。蟒蛇其可以吞鹿兮，乃自狡而穿鱗。以射苧爲養勇兮，羿卒陷於厥軀。黷彼貨而遭兮，崇反對於妻孥。厲之惡將害盈兮，覆以臧而怨書。刻爾石之殄厥宗兮，妣以聆其呱呱。倏曠黃之西沒兮，忽沃焦而東注。觀天網之絃覆兮，孰三面之能去。吹藿於托而羹兮，猶執熱而不悟。亡軌之可鑒兮，故作邯人之踵。步武鼎不可於

潛伺兮，何庸口吻之喋喋。鼓末至於埋沒兮，而日炙中立之聲。燄灼兮，何爲女子之讒說。元戎之精忠耿耿兮，何迴憫人之謀。孽公論之有優劣兮，珣非私而左韓。因鞅鞅而有感慕兮，知造物之好。還典刑具備兮，萬世不刊。彼昏不知兮，縱肆兇頑。焚傳將以淪經兮，邵與盧而孰存。白石之牛不忍其解棘兮，於亮奚冤。或禍福動人兮，儀斃于門。或幽冥異路兮，致責於溫。豈今昔之不同兮，事無果報。抑水火之妄諍兮，不敢漏言於慎竈。黔羸非姚異兮，德潛通於彼。昊是以福善禍淫兮，用天之道。投鼠尚且忌器兮，彼胡不思欲。以一指而掩衆目兮，夫誰與欺天。天是椽兮，咎將執誰。莫毀碑兮，予又奚辭。嗚呼噫嘻，如是諸斯。

徐仙翰藻卷之三

徐仙翰藻卷之四

喜雨頌

靈濟崇建祈雨道場，恭奉鹿苑開山應真菩薩，卓錫聖水，祇奉供養，隨獲感通。敬序其事，以爲喜雨頌，榜于泉亭，垂示將來，用啓歸依之念者。如是我聞。師有偈曰：人皆極目雲霓，我向此時垂雨澤。誓願無邊，其爲慈心利物之意。云何指大眼孔，便把作急時抱佛脚。舉似怎不會得桑林之野，禱于山川，山川寧有神乎。早既大甚，滌滌山川，靡神不宗，毋曰祠神何益。神本非神，抑人心有所感而召致也。惟師之靈，得於如來神力。持戒福德，亦復如是不可思議。鄉民所信向，固非一日。余五百年，蒙師之力者幾何人。自去秋而冬，迨至春三月不兩，種未入土。此誠危亡急迫之時，誰肯蒼鵝而軟血。假信於蛇醫，又恐爲識者長發笑也。亦曰：聞禪師袖中，情龍可驅，以效鞭策，遂禮請于我師。

隨車而雨日，在壬寅後三日，霏微四布，丙午雨既足。黃童皓叟踴躍，喜交相慶。曰：應真開山雨，致香獻頌。

修東井文

東井之創始，見於石刻曰：熙寧八年歲乙卯閏八月十三乙巳，迄今二百二十有四。熙寧以前，方其井磚，其甃欄尚存，具載章瑑捨東井闌六字。瑑，五代間德望之士，考其時，爲石晉天福八年，即閩天德之元年也，合而筭之，上下三百六十有七載。蓋物久則壞，數也。壞而修之，亦數也。井湮而圯，于茲四十年餘，鄉間蚩蚩莫之指，視非慢也。下如浚谷，上如懸崖，欲斷未絕，其險若恐，無所容其力焉。至大改元歲戊申蒲節之前二日，日將西，倏有風雨發作，卒然而成一墟，泥石俱陷此。天將以假手於人而欲修之，所謂數也，信乎。有土此有民。民，天之民也。蒙天之福，順天之時，承天之心，謀卜協吉。越四日，乙丑鳩工，運石而搬泥無計。上之鰲峰之陽，有藤焉，其大徑七八寸，圍其長直，七八丈餘，假

以爲索，何造化之巧，豈非天有以相於爾民者歟。如月七日甲午，石工、土工畢集，迄乙巳告成。與向乙巳日，合數乎？抑天乎？曰：天也。敢記其事爲文，示爾人而祝爾神。其詞曰：天相爾民，風雨是因。曆言協靈，徵工以興。既溲用汲，潛流拾漵。養人濟物，其功用博。八神八方，王戚干將。殷麟軍裝，呵禁不祥。人受其福，年登乎谷。飲泉知脉，蒙天之澤。完舊復新，迄用有成。永保安寧，乾，元亨利貞。

塞井文

井之爲義，大矣哉。在天，則屬二十八宿；在五行，則爲水之精；在人，則爲飲食之用，不可一日費也。井之不可廢者，以其水之能養人濟物而然也。夫苟泥而不潔，舊而不清，則爲廢井也。故聖人作卦必曰：井泥不食，舊井無禽。此正以爲舊廢之井泥不可食。至於禽鳥不來，是不能養人濟物，反爲人物之害也。巷東廟地，其山發於鰲峰，蜿蜒而來，不知其幾起幾伏而歇於此。昔有人焉，鑿山爲井，掘井及

泉，將至九仞，而猶恐廢其功，是亦以養人濟物之心爲心，雖傷於山而無害。

今也，入乎井而不能上乎水，則井之功廢矣。渴者不可得而食，汗者不可得而濯。跳梁之蛙不鳴，涸轍之魚幾死。舍置不用，於茲有年。陰陽家所謂玄武中箭，醫家所謂膏盲痼疾，衆議紛紛，此山之受傷也不淺。爾來習俗更革，里閭憔悴。高材多戚戚之窮君子，無赫赫之光生。意凋殘枯槁沉溺此，日莫之爲甚。將誰尤乎，罪之在井。歲至元癸巳九月吉日丙子，鄉人以塞井之議，禱於子，予荅之曰：塞之吉。故爲文，以告諸井之神：昔有耿恭，鑿井十五丈，整衣拜，井水泉出。又有朱博御史府吏，舍百餘區，井水皆竭。均是井也，何利於耿恭，而不利於朱博，是亦有私耶。惟爾井神俯首聽命，而應予曰：非私也，數也。有水者，數也。無水者，亦數也。有水而開之，無水而塞之，宜也，於神亦何容心哉。然則數之所在，人事係焉，故塞之。議所由興也，塞之。曰：今塞之日，鬼神守

護，呵禁不祥。既塞之後，家富而給人壽而康。

修廟難文

修廟之責難矣乎，吾聞之矣。終歲傭役，工費無已乎。朝斯夕斯莫敢違，寧難矣乎。竭其耳目，力瘁心思，難已乎。梁桶之腐黑者，今已修。蓋瓦之毀缺者，今以完。赤白之漫漶者，今已鮮。誰之功也，謂之自爲之也過多，侶亦可以諉其責而辭其難矣。雖然東池之水文涸，西階之銘未立，內宮外庭憑附之質不稱，爲子之心，將何如。譬如適千里，及門而復，是非男子之所爲也。男子之所爲，以義爲重，見義而不爲，無勇也。古之義者，惟孤竹君之二子，特立獨行，不顧是非，夫豈有求而爲之耶。如子之義，出於天性，其與釣名嗜利之徒，天淵之隔。四方人則既聞而知之，雖不質於鬼神，可以無疑，又何待子言之諄諄。《詩》云：相在爾室，尚不愧於屋漏。其所以神明交者，必有其當也。宮室既修，墻壁既設，百物既備，然後饗而致之，又從

而思之，則畏敬之心油然而生矣。否則，外貌斯須不莊不敬，則慢易之心入於欺神也。不惟欺神，亦欺人。不惟欺於人，人亦自欺。夫何濟濟溱溱之有乎。後之有事於廟者，陟斯堂，讀斯記，必有問焉。八人者，修廟之人也。其始謀者，何如人。其次同謀者，又何如人。始如彼其勤，終如彼其怠，是亦人也，奚心哉。天下之事，靡不有初，鮮克有終。終始俱善，人道畢矣。難矣乎，此吾之所以汲汲焉，是欲斯其始，而成其終也。爲子之說，則曰：今之士，非財不可。天不雨，鬼不輸，抄化之說不可行，樂施之人未多見，其計將安出耶。吾爲子謀之曰：凡衆之動得其宜，要必以義爲利也。不以利爲義，未有好義，其事不終者也。義之一字，子其識之。吾想同事者，蹶然而起，負墻而立曰：弟子敢不承乎。

告成序

天下之事，始非難，而終爲難。《詩》曰：靡不有初，鮮克有終。《易》曰：狐涉水，濡其尾。蓋言始之易，而

終之難也。故君子敬始而慎終，始終如一，夫是之謂大吉。苟始勤而終怠，甘爲小人逼進，無成之謀之徒歟，缺缺然，焉用彼哉。且如本宮修作之事，方其始也，凡八人。及其終也，七人。其有專心一力者，僅三人焉。以此見天下之事，始非難，其終爲難也，信乎。雖然所謂終之難者，於予固無加損，第識者觀人，有以勵其不終之志。况欲以此爲福田，而求利益耶。茲者六七人，明集於庭，用伸告成之禮，功在社稷，刻銘金石，雖千載而下，夫誰敢忘忽之。所有毛牲椒醕，禮過於奢，誠忠爲予之羞。《禮·檀弓》曰：夫祭，與其敬不足，而禮有餘，不若禮不足，而敬有餘。此禮與敬，既以俱足，柰何告成之文，侶有責不足於我者。所謂神之靈，則靈矣，胡爲不少靈於人。斯言也，幾乎隘矣。夫富貴人之所欲也，欲之不得，必有所求焉。維爾六七人，同力王室，既能善始以善終，吾固知其有大有爲之志，天道神明，福我善人。山鳴谷應，隨響隨答，又何律筆舌之諄

諄，以爲予言。子不見，凌煙閣上圖像功臣，凡二十有二人，其所以始終著臣者，曰魏徵，曰蕭瑀，曰段志玄，曰劉弘恭，曰姚思廉，曰虞世南，曰叔寶特，此七人而已。今吾子七人，苟能以終始自期，異日致身於廟堂之上，必能以國家之務爲己任，何患其不爲凌煙閣七人之事業，豈特修廟而已乎。予敢以此爲勉，而序於告成之後云。

驅癘鬼文

《傳》曰：晉侯有疾，夢熊，以爲癘鬼。而後韓退之，劉禹錫諸人，素號聰明特達，世所共欽仰，亦亦有癘鬼之說。或作文以逐之，或賦詩以遣之，於是，始信秋虐冬癘，是名之爲鬼也。夫鬼也，無形無聲，安能而病夫人者乎。况人爲萬物之靈，天之所以覆之，地之所以載之，日月之所以照之，風雨霜露之所以四時而教之，穀粟桑麻衣之，食之，吾觀造化之注意於人也不淺。苟人道不立，其造化之所謂天地日月、風雨霜露，吾亦不知其所以爲天地，爲日月，爲風雨霜露，謂之而然。嗚呼，然

是特塊然之物矣。造化既生斯人於斯世，又何容斯鬼而爲民之病耶。非鬼也，鬼非病也，是皆飲食不節，聲色是耽，甘酸苦辣之煎其腸，腐其胃，喜怒哀樂之亂其性，潰其神。身非木石，攻之者衆，其何不爲病。雖然古人之病者，灌之以湯藥，攻之以針灸，未有不瘳而遂其生者。今之人病者，湯藥不可得而攻針灸，不可得而及，吁信是鬼之冥頑不可化。吾奉上帝命，守此土，治此民，其有爲荼毒而害虐吾民者，按之女青玄律，必在千千斬首，萬萬截形，盡使爲掃穴之兔，無爲漏網之魚。然後可以快吾民之欲。弟以下元頒赦，姑廼歌子美之詩而告之曰：子將鬪髓血模糊，手提擲還崔大夫。鬼其有靈急去，急去，急急去，須臾不去從天斧。宋開寶八年乙亥春二月甲子，鰲峰老人。

驅旱魃文

惟汝之旱名曰魃。吾知汝之先曰炎氏，以火德王天下，有功於民，世尊之爲炎帝。門戶巍巍，未昧于前，何汝

之不肖，不修操行賤薄如此；付形甚醜，秉心不良，畢方之毒，回祿之災，不如汝之甚也。夏后氏象物鑄鼎，汝用

是懼，率其種類徙於雕題黑齒之國，亦有年矣。嘗與夸父氏爭雄一方，反日影而逐之於暘谷之間，道行苦渴，欲食溟渤太澤之水，竟不可得，遂竊生盜飲於人間世川，原河洛一汲幾盡，致有桑林之頌上聞于天，明正典刑，殆生殄滅。周宣王齊景公以仁心待汝，不爲汝責，自後遺種滋蔓延至于今。吾奉上帝命，守此土，治此民。民之終歲勤勤，以食爲天，天心之仁愛吾民。何雲不得化，雨不得施，伊誰之由，惟汝是尤。禾之秀者將實，谷之實者將堅，豈不之思，而爲之荼毒，以至於此極也。况汝且人之形，秉物之性，揆汝之心，其忍乎。草車已具，糗糧已備，酌汝一杯明水，明告汝曰：雕題黑齒之國，汝之故都在海之南，朝發可夕至矣。今與汝約，盡一日，携爾朋，挈爾儔，駕塵纒風，即便啓程。苟不聽吾言，是冥頑不靈，照依女青玄律，凡爲民物害者，

國人皆曰可殺，殺之。上天有紀有綱，罰及爾身，弗可悔，故檄。

驅蝦蟆瘴文

蝗不入境，虎抱子而趨，此守土之靈之責，此當爲民除害也。今番瘴氣，名曰蝦蟆，今作文逐之矣。

予嘗讀《南史》，間有丘傑者，以啖生菜得疾。餘歲，夢其母告之曰：此蝦蟆毒也，吾遺子藥三丸，可餌之。果而下料斗子數升。然則蝦蟆之爲害也，信乎。夫水族之虫，各有三百六十種。類蠢茲蝦蟆，於天地間，最爲棄物。形貌瘁瘁，手脚爬沙。其腹彭亨，其頸蹙慙。色混泥塗，食殘糞壤。跳梁乎井幹之上，入休乎缺甃之崖。所居如彼其污，所見如彼其陋，朝夕唯唯，聿役于鬼。天生德於予，蝦蟆何爲哉。或者又曰：蝦蟆之精，爲物之妖，月于望，則撐腸柱腹，張唇哆嘴，猖狂而得志焉。緣青冥而雀躍，食太陰之精光，俶擾天紀，暴殄天物。如此癡騃，天且不達，况于人乎。今也百姓何辜，罹其疾苦中之者，起于毛端，發于

骨節，其始也。昏潰馮塞，眩瞽熒惑，其少進也。體反筋倦，腰重頭旋，鼻涕流雨，喉咽生烟，喙唾胸嘔，內燥外乾，似渴不渴，而後苦熱作焉。畢方煤毒，回祿嗣災，焦頭爛額，如坐火坑。雖欲騎巨靈，舉斗杓，東取渤海之水，洒而濯之，不足爲快。或徂辰戌，汗出乃止。或苦熱既退，乾嗽復然。連日沉滯，有加而不瘳。我推其端，其誰之由，夫豈秋行夏令，陰陽之不節歟。五味適口，飲食之不節歟。目視玄黃，耳務淫哇，聲色之不節。何醫師不能加以藥劑，何灸師不能施之以艾炷，詛師口牙之霹靂，符師刀筆之縱橫，心勞而目拙，功罔而效遲。衆愬咸至，蝦蟆是尤。吾奉上帝命，守此土，治此民，而蝦蟆悍然不死，溝壑爲鬼，爲魃，爲魍魎，爲魍魎，幽陰跪側，奸險邪癖，傲虐是作，罔有悛心。短狐射影之妖，蝮蛇齧草之毒，亦不如汝爲害之甚也。汝罪滔天，國人皆曰可殺。今與蝦蟆約，盡率一日，其率種類，共徙於崑山湖水之東，偷生寄命，勿爲吾民害。不

然，則是蝦蟆冥頑不靈，若罔聞知，吾專委蠹氏焚壯鞠，以灰洒之。然後斷其首，剝其腹，膾其肉，與國人共裂而食之。必須滅其種類，以快吾民之所欲。蝦蟆聞斯語，驚且懼，各穿綠衣，屈膝庭下，乞貸命于予曰：柳車已備，草舡已裝，自甘黜伏，即日啓程，願王赦其罪。於是作文而促之曰：聰明正直兮，吾所以神。天命有德兮，念此下民。蠢茲蝦蟆兮，物之妖精。幸災樂禍兮，胡爲不仁。上于天憲兮，寒暑錯行。民氣不舒兮，僵踣顛傾。盧扁愴惶兮，功罔參苓。巫覡呪咀兮，事涉冥冥。下民何辜兮，疾苦頻仍。蠢茲蝦蟆兮，罪惡貫盈。衆怨所萃兮，愬汝之名。欲齧汝骨兮，俎醢其身。我怒斯赫兮，如雷如霆。專委蠹氏兮，明正典刑。屈膝于庭兮，情實可憐。哀號乞命兮，萬死一生。蠢茲蝦蟆兮，若果有靈。明聽予言兮，改過自新。藟山峻拔兮，湖水澄清。汝之安宅兮，啓處遑寧。深逝遠伏兮，遁迹潛形。速去速去，急急如律令。

宋開寶八年乙亥春三丁未作。

臯殺賦

越人尚機而信殺，自古然爾，至今風俗不可革。人有疾，且憂也憐。於巫覡之徒，戒之曰參苓，罔功必須殺，以爲命。且有謗訕，惑衆取媚，因作臯殺賦，以自釋。其詞曰：慨堪輿之顛倒兮，員屢方冠。露墮癰而涸養兮，泉飛而潺湲。夜夜遊之滴血兮，山林險隘。射工伺影兮，潛斲側而行奸。奈燕石之間珠璣兮，莫卞真贗。稊稗混黃梁兮，誰復賡乎。載及瓦金雷鳴兮，咸池絕響。誇莫母之姿色兮，妬閭媿子奢而靡顏。野鳥入室何吉凶兮，誼悵恨而自悼。世貪鋪啜其糟醅兮，原餐菊而紉蘭。流俗之抑扼兮，竈蟻燈蛾。六淫生而不節兮，霜露奚感實。沈臺駘爲可證兮，在豈怪而不經。提戟將矢如輅之卜兮，言污而詞誕。龍馬之呈象兮，後焦契而協靈機。殺而求活兮，兢南風而莫挽。寇猖狂而心醉兮，咸木必神。炷以妄而被焚兮，皇其彌早。將吞炭而嚙嚙兮，寧面壁而

續。魚總生何辜而天昏兮，氣墮媚而煩冤。假迴平於驛史兮，眩兮，影於杯蛇。奪造化而律呂，覬冰谷而回春。母附緩以爲尤兮，執幽昏而昧昧。謂昌陽而亦不可以引年兮，又何進乎蓼苓。綸網密則形誥兮，嗟殼鯨而何忍。亦以世溷溷兮，終感厠妖而不醒。徙薪不以爲德兮，客焦頭而爛額。伊誰之由兮，鄙夫貪饜，設奸巧而爲言。惟罪之渠魁兮，人惟而鬼責。借金鉞而剪戮兮，使隕越而就陵亂。曰非是是，非相是非乎。人勝天定不予欺兮，明芻昏黑。爭馳驅兮，贅疣竟潰。誠可悲兮，孰爲彈冠而振衣兮。鼓其贖而燭其迷兮，鬱鬱不昧。寧爲之辭兮，微予則盡。被髮而而侏儻兮。

徐仙翰藻卷之四

徐仙翰藻卷之五

真人朝天自贊

上朝帝座，身進天階。光依日月，職掌三台。列宿拱衛，雲漢昭回。東方龍角，獨占斗魁。

真人回宮自贊

華蓋房駟，輔弼嚴明。羽林將軍，左導右迎。填籙迭奏，律呂合聲。榮歸天府，萬里雲程。

注福司贊

積善之家，家用平康。維爾福星，簡簡襍襍。俾壽而富，俾熾而昌。子孫千億，惠我無疆。

注錄司贊

鰲峰疏傑，龍首軒昂。維爾祿星，杲杲光芒。相爾多士，煥乎文章。摩肩接武，金門玉堂。

永安留守查元帥贊

維查元帥，氣剛而直。繕甲治兵，制賦足食。機速為神，百戰百克。折衝萬里，職在輔國。

武安留守邊元帥贊

維邊元帥，靈運後身。幼穎而秀，性出天真。料敵制勝，兵出有名。有征無戰，職在安民。

魏博節度使左監門魏元帥贊

維爾魏將，邊寄之重。義不以力，仁不以勇。八戰八克，七擒七縱。用則無敵，師不在衆。

都統軍使右監門趙元帥贊

維爾趙將，號令綱紀。信賞必罰，外脩內理。入守虎關，出涪豹尾。運籌帷幄，決勝千里。

都監軍先鋒刁元帥贊

維爾刁將，師出有名。貔貅百萬，分闔外營。動於不意，微乎無聲。赫赫斯怒，號曰神兵。

雨部贊

電光閃閃，雷聲轟轟。震威萬里，龍首崢嶸。用作霖雨，慰我蒼生。風雲慶會，千載太平。

電掣雷掀，雲飛風起。甘雨以時，農夫之喜。迺宣迺畝，黍稷薿薿。有實其積，萬億及秭。

集英贊

飛鉞跳劍，扶弩張弓。雀竿象板，鷹駕鶯籠。盤承仙掌，花探天工。金毬公子，醉賞春風。

宮娥獻壽贊

六宮富貴，月裏嫦娥。金釵珠履，紅粉翠娥。輕輕腰舞，細細聲歌。玉卮獻壽，王母仙桃。

葷厨簿書作慶壽宴集

一行第一盞，鸞脯鳳胎大，族銀絲粉羹。次行王母獻壽，仙韶法曲，祇應在業仗。

素厨簿書作聚仙宴集

一行第一盞，天香七寶異，和玉條粉羹。次行群仙獻壽，雲韶樂，祇應曹文姬。

八物珍饈，五齊寶器，六齋玉食。

綵戲嬰童贊

太平之時，十雨五風。農夫有慶，相賀年豐。管聲嘒嘒，鼓聲逢逢。手舞足蹈，快樂兒童。

膳部樂府贊

膳夫掌食，物用八珍。太師掌樂，

律呂合聲。樂以侑食，食以辨腥。既醉既飽，詩歌太平。

仙樂贊

瓊瑤寶殿，腦麝香飄。楊妃奏曲，弄玉吹簫。小蠻腰舞，越女聲調。金卮獻壽，一部仙韶。

仙厨贊

沈香雀舌，味香而潔。福果仙桃，金盤羅列。若奉甘露，爾供玉屑。若作醴酒，爾維麴蘖。

奉祠人求壽贊

友松沈立甫贊
構厦之材，凌雲之姿。賢哉君子，有以似之。

又

霜標雪操，本來負抱。畫出丹青，人道是我。

友梅周目元贊

骨格清奇，精神富艷。本鐘造化，何須粧點。

友竹周目仁贊

清以立心，直以立身。直哉維清，君子其人。

又

岌岌堂堂，爾貌何怪。自抱貞心，丹青莫繪。

友菊章華伯贊

惟德也馨，惟材也秀。君子人焉，獨有其有。

又

介烈高潔，韻與形別。冷露寒霜，不變其節。

友蘭僧目立贊

千仞巖頭，曾展神通。而今入室，四大俱空。

書燕喜堂東邊掌籍

恭奉慈旨，應公侯之子孫，必復其始。今照勘本人，委是世家盛德之後，合賜子孫衆多，各以功名貴顯，以貽厥後。

書燕喜堂西邊掌籍

恭奉慈旨，應積善之家子孫，必有興者。今照勘本人，委是溫恭克讓，篤實至誠，合賜以子孫千億，本支百世，用彰厥善，陰隙著聞。合賜子生孫，孫又生子，子子孫孫，注錫無疆。出《漢書》。

靈濟廟注福司

恭准三天門下符下，欽奉命：凡厥庶民，汝錫之福。奉此福者，天之福也。惟天陰隲下民，初協厥居，予曷敢有越厥志。告我友邦君越尹氏庶士御，明聽予言：民之所欲，汝念哉，俾熾而昌，昌而大，曰富，曰壽，曰康寧。仰足以事父母，俯足以畜妻子，百福來備，使民宜之。汝則順其職也，合下本司，仰照驗，依准奉行。

本司恭承勅旨頒降該，欽奉帝旨，合行積善之家注福條宜：

- 一曰介以眉壽。
- 二曰以貴馭民。
- 三曰衣食富足。
- 四曰家用平康。
- 五曰父母雙慶。
- 六曰夫婦齊眉。
- 七曰子孫衆多。
- 八曰農桑重積。
- 九曰果蔬擘毓。
- 十曰牧羊蕃阜。
- 十一曰百工巧便。
- 十二曰商旅安貸。

靈濟廟注祿司

恭惟三天門下符下，欽奉帝命：有德尊以爵，有功報以祿。奉此爵祿，天之有也。今天其相，民敢弗于從。凡爲民之秀者，曰士。士之善者，曰君

子。故孟子曰：脩其天爵，而人爵從之。孔子曰：言寡尤，行寡悔，祿在其中矣。此所謂君子之仕，行其義也。一曰爵，以馭其貴。二曰祿，以馭其富。雖曰太宰之權，寔汝之職也。告我友邦君越尹氏庶士御事，咸聽予言：我聞吉人爲善，子孫必有興者繼。自今積善之家，汝則注之爵祿。合下本司，仰照驗，依准奉行。

本司恭承勅旨頒降該，欽奉帝旨，合行積善之家注祿條宜：

- 一曰孫子聰明。
- 二曰人才秀偉。
- 三曰祿受自天。
- 四曰保慶延年。
- 五曰家道殷睦。
- 六曰良配溫和。
- 七曰世代多男。
- 八曰仕途順利。
- 九曰車馬僕從。
- 十曰冠冕輝煌。
- 十一曰祿崇秩顯。
- 十二曰永襲昌隆。

徐仙翰藻卷之五

徐仙翰藻卷之六

友序

同門曰朋，同志曰友。爲朋友之義，不諂，不欺，不奢，不溺，必須得於心，然後謂之同也。夫苟朋而不心，曰面。朋友而不心，曰面友。君子不與焉。今吾子以畫贊求于予，予以五友命名，曰友松，友竹，友梅，此歲寒之三友也。曰友蘭者，此孔子所謂與善人居，如入芝蘭之室，久而不聞香，與香俱化矣。曰友菊者，菊於君子之道誠有臭味哉。此五友之義，信其然乎矣。夫畫莫難於寫真。寫真非難，莫難於寫形。寫形非難，莫難於寫心。人心不同，有如其面。君子小人貌相類，而心不同者，苟捨其心而求其貌，是以小人。爲君子雖有此畫，誰無此畫。今吾子既以五友稱，當以心友爲耐久朋也。故曰：論形不如心。

畫士傳

予嘗讀柳子厚之《梓人傳》韓退之

《朽者王承福傳》而後感焉。夫傳者，傳其名也。既想當時，梓人朽者，滔滔皆是，豈獨楊潛、王承福者乎。太史公嘗謂任安曰：古者富貴而名，磨滅不可勝紀。此二子者，獲名於一公之傳也，幸矣。今有人焉，以畫自鳴，予恐其名之不傳於世也，輒敢效公之故事，而爲之傳曰：閩之積善里，有靈濟王祠，于茲有年矣。丹青之飾，默昧不蠲。墻壁毀墮，幾爲春蚓秋蛇之穴。歲至元之癸巳，鄉人修之，欲更畫而新之。俄有舐筆和墨者，接踵而至，用舍未決，而卜於予。予不允其請，鄉人愕然，以爲異，是豈有解衣槃礴，儻儻然而未至者耶。一日，忽有畫士感夢而來，始信予言之驗。載瞻其人，貞確端懿，雅不羈俗，儒其衣冠，不言其姓名，亦不知其爲何許人也。是曰君子人與，與議正直，則慨然曰：貪夫循利，烈士循名，僕此來爲名也，非爲利也。僕之名，聞於他邦久矣，獨此邦未之聞也。試可迺已，廟之護壁，舊畫不完，乃令作筆成之。趨起然，猶有難色，亦

未見其能也。旁觀者拊掌而笑曰：虛得名矣，此乃依本葫蘆、按圖索驥之技，何足道哉。予復以東西二序，再命之畫，而戒之曰：

夫畫有六法：一曰氣運生動；二曰骨力用筆；三曰應物象形，四曰隨類賦彩；五曰經營置位；六曰傳移模寫；以子之畫者，可以六法參而謀之，出于形骸之外而求之，庶乎。畫士曰：唯。於是研丹，吮粉，淡墨，濃烟，執筆熟視，往回數日而就。所畫介冑之士，一百二十有八人：主將者二人，掌印者二人，持節者二人，執斧鉞者四人，馭馬者二人，傘夫者二人，捧帽小厮二人，劊子二人，傳令而指使者四人，通事者二人，鳴金鼓者四人，擊折者二人，揮韓信刀而進者二人，揮斬馬刀而拱立者八人，手鎗而腰劍者二十人，先鋒排陣者四人，揭名旗者二人，舉號旗者四人，建功旗者一人，八卦八陣旗者共十六人，鷹獵者二人，南國進貢者八人，其餘各執弓矢戈殳矛戟之類，而服役焉。肖貌威儀，行伍整

肅，氣勢聯屬，首尾擊應。井井乎其有條，截截乎其有理，此真得於太公韜書、孫吳兵法之方略也。又有僕御者二班，四十八人，腰金佩紫，恭職用命，前導後迎，左倍右侍，曲盡其妙，恍乎如有人焉。凡有知識者，各爭睹而言曰：子之畫，固工矣，何前日之粗，而今日之精。何前日之劣，而今日之優。古人有言：大功若拙，大智若愚。其斯之謂歟。畫士俛首，徐徐而對曰：僕前日之所畫者，因其象而成其形，備其體而全其用。他人有心，予忖度之未易，心口爭也。所謂若拙若愚，信其然乎。僕今日之所畫者，心存目想，神領意悟，隨機命筆，合乎自然。不知其所以為精為粗，亦不知其所以為優為劣，盡吾藝之所為而為之，非他所用智巧之術而為之也。然則，子之畫之名，可得而議耶。畫畢，書于壁曰：某年月日某人筆。筆之者，記其名耳。嗚呼，彼若爾也，是亦欲以畫而求名於天下後世也。歟，凡人之生，男子七尺軀，於天地間為最靈物，桑弧蓬矢，四方其

志，要必立身行道，揚名于後世，以顯父母，則男子之事畢矣。否則，緘鉗默塞，耗耗室惑，甘心瓶罌，如醢雞然，至老且死，而與草木俱腐者，其視畫士，得無愧乎。畫士謂誰，玉融蔡夢辰也。作蔡夢辰之傳者誰，宣封靈濟王也。

答周莊翁碑跋

予前後所著所述，特自娛戲耳，正所謂野犬食芹，而不知蜚於口，慘於腹者，以味為何如。猥辱高誼清文，有如碩河注水之勢，褒揚雲德，赫乎洗乎。至于山川之靈，人物之盛，意必有瑰奇道藝忠信之民，生其間。如君者，懷材抱器，鬱鬱久矣，苟能奮勵出奇，少答所遇，是亦予之所深望也。予之所謂神者，以聰明正直為德，措之四時得其節，施之萬物得其宜，初非阿曲徼福之所媚者為神也。夫百物朝夕之所見者，人人皆不注目。聞其異者，則共睹而言之。君之所為跋者，是亦望其異者之所作也。曲終人不見，江上數峰青。此非神之詩乎，予敢用此，以為謝云。

跋周莊翁易圖說

靈濟，特廟號耳，何王之見稱聞之者，不無得罪于春秋之筆。圖說之辱我以跋，固不敢辭，第惟《易》之旨義，最爲深奧，其可以管窺蠡測耶。愚欲作筆，又恐爲負苓者笑，姑摭先輩議論，勉強跋之，中間未盡來意，斤而削之，幸甚。經學之不明久矣，我國家崇重學校育人材，先以明經爲第一義。憲司宣明教化，典章經學，每經設經諭一員，其爲訓導之意，甚汲汲焉，勤勤焉。夫學之所以爲經者，惟《易》最爲幽深隱頤，未能易曉而盡識也。學王弼之《易》則高談理致，其弊失於荒唐。學京房之《易》則專守象數，其弊失於拘泥。得於此者失於彼，得於彼者失於此，及其至也，二者胥失之。見心子周子三山周先生，公闢之雲仍行也，家藏《遺誥易紹正傳》，兼理致，象數兩得之，其爲言也，粹然一出於正。《易》有六十四卦，每卦必論主爻。爻各有象，爲之圖。圖各有理，爲之說。其說有得於理致，其圖有得於象數，一以貫

之，並行而不相悖。吾謂子周子之所學精於《易》者，夫豈一朝一夕之所能。良弓之子，必學其爲箕。良冶之子，必學其爲裘。若非所傳之正，安得爲之圖歟說，而盡得《易》之精髓歟。一日，子周子之同舍生，不知其爲何許人也，袖其圖與說，而請質於予。予愚陋無所聞知，睨而讀之，雖未易曉，略識一二。譬諸食物，至於遐方異味，豈有不嗜者哉。累欲作筆爲之跋，使鋟諸梓，以廣其傳，庶亦不負子周子之所學，弟恐予之名氏無聞，不足以稱之耳。子周子名壯翁，字直伯，見心其自號也。平日與結構者，皆有聞之人，必能爲之跋。予其將爲覆瓿也，宜乎。大德三年，大獻淵之重陽節後四日，鰲峰山人跋。

效景純遷州記為誌名

高陵深谷，孰是主張。胡爲封樹，世不義黃。迨及中古，纍纍北邙。赤松仙去，安有《青囊》。後天之學，郭厲黃楊。狂瀾日倒，曠里施粧。虎狗相肖，指認微芒。塵俗眼孔，失之偏傍。

乾坤大化，是紀是綱。誰洩其巧，雲山蒼蒼。益土崇已，枝葉流芳。維星之魁，職典大常。雙雙鹿馬，雨雨雲陽。日出滄海，照耀四方。月臨帝座，西掖文章。天一生水，源深流長。出於天空，入於太乙。勾陳跋乎，騰蛇隱隱。自東徂西，爲淵爲澤。腰金束玉，貴人侍側。誰謂瓜藤，生花結實。考之圖經，盤匏入格。顧祖之龍，勢來形止。回抱有情，必冗其耳。日吉辰良，危茜應瑞。不在其身，在其孫子。豈道明龍，低頭貼尾，所喜天祿，悠悠千里。吹拈扶危，迎神逐鬼。山止爲足，莫墮其轍。錯認牛眠，猶嫌兔缺。陰盛陽微，各操乃節。此是天然，初非人力。心巧目專，何庸針石。古人有言，吉人吉冗。孔墓於今，不荆不棘。卜葬之後，更加陰隲。百世其昌，綿綿瓜瓞。吾非青鳥，周卜之吉。誌而留之，姑銘于碣。銘曰：

有箇老爺，手執鎬鋤。胡床據坐，斥逐青蛇。蛇化爲龍，環繞我家。誰謂瓜藤，結蒂生花。松根蟠結，

枝葉繁。勿須放足，牛角嵯岬。勿須反鏡，呈醜髻斜。對案齊眉，巧飾六珈。腰金束玉，名聚京華。光依日月，翰苑操麻。道逢書生，陰鷲可嘉。歟子鑿之，誠耶僞耶。因銘于石，目者矜誇。祖德之靈，人力莫加。曾元雲仍，連茹拔茅。

書訓

讀書者，教民相親睦之道也。人生八歲，則入小學。十有五歲，而入大學。學者何，學乎書也。書乎，書乎，其務，記覽爲詞章，以釣聲名利祿而已乎。要之心有親睦之道，其爲人倫之大者也。然觀聖賢之所以教民相親睦者，且載于書，有志之士，固當熟講深思，而問辯之。苟知其道之所當然，先於其身而行於家，自於一家而形於鄉，由於一鄉而達天下。化民成俗何，莫非親睦之道，之所以爲教也，是以治天下之道。自親親始讀書者，其教民相親睦之道也歟。

棋說

序曰：一日，有客衣故衣，繫麻

鞋，似不檢之狀，揚聲大呼，難於畫者曰：親睦堂，此神之所以教民之意也。今子之所畫，書有誠，琴有暢，畫有贊，似與親睦之意稍不逮。棋之爲藝，起於戰國，教民戰鬥之事，非以害詐爲心，爭僞爲智，智者之所不爲也，恐非得神之意，以爲親睦之教者矣。畫者無以對，請聿於予，予爲之說：方正爲局，取己乎也。正直爲道，無黨偏也。黑白爲子，有分別也。駢羅布列，定紀綱也。隨機處變，相應援也。一先一後，佯揖讓也。一勝一負，無所爭也。是以學道從政，勤勞罷倦，必以此爲從容，宴息養心，遊神之樂。其與小人蕩而無度，將以自敗者，不可同日語。謝安得之，以授其姪，玄以成將帥之略；王導得之，以學其子，以序瓜葛之歡。然則爲棋之道，是豈特以詐害爲心，爭僞爲智。而爲戰國之事乎。故孔子曰：飽食終日，無所用心，難矣哉。不有博弈者乎，爲之猶賢乎。已有問者，予以此對。

琴暢

今書曰琴暢。《風俗通》云：凡琴曲和樂而作，命之曰暢。此暢爲親睦堂，作暢，即操，憂愁爲操。

歌南風之詩兮，鼓吾之琴，聲音條暢兮，樂而不淫。禁止於邪兮，以正人心。其弦有大小，尊卑明兮。其聲相應和，友悌情兮。其制合尺寸，四時成兮。其音女以樂，世太平兮。^①

徐仙翰藻卷之六

① 本卷末缺文二篇。見目錄。

徐仙翰藻卷之七

詩句

上林府判古今詩

幽沈謝世事，俯默視興亡。昔日
 知爲漢，今朝料有唐。深陵變成谷，滄
 海幾成桑。夸父走千里，涿人僅尺長。
 誰愚復誰智，何壽亦何殤。蠢蠢蟻戀
 釜，游游蛾撲光。喜心先辟蝎，憂害去
 田蝗。鷹以不明死，魚亦貪餌傷。人
 情掌反覆，特俗面炎涼。灑灑水三峽，
 崎嶇路太行。不辰漢牛斗，無分背參
 商。彈指恨千古，回頭夢一場。富哉
 誇晉楚，詐也鬥蘇張。紵臂奪兄食，直
 躬證父羊。能言猩呢呢，相噬虎彊彊。
 禮鼠拱而立，駮牛躅且狂。白鷹攫狡
 兔，黃雀捕螳螂。舉世俱禽戰，傷時歌
 鳳凰。詩書閣高束，仁義路猶荒。紅
 粉醉坊市，朱門習管簧。誰知殺青簡，
 空自死黃腸。亥讀直爲豕，璋書錯作
 麀。色難分皂白，術乃尚緇黃。入粟

拜都尉，納貲爲騎郎。人材滯遼水，豪
 傑隱芒碭。窘窘爭名版，孳孳絆利韁。
 峨冠嗤魯俗，左衽效胡粧。缺舌人人
 粵，文身在在光。惡聲常入耳，剜肉莫
 醫瘡。刻木法何酷，種瓜政不良。天
 行多失度，陰氣上千陽。日月如旋磨，
 乾坤似泛航。浮雲常浩浩，下土太茫
 茫。四海塵零鬣，中原兵擾攘。群雄
 爭霸業，五季失王綱。寄閩臨閩郡，分
 藩守建康。英名冠東海，仁德席南鄉。
 血食傳千祀，精魂居一方。舊祠將毀
 頓，古廟恐頽僵。鴻澤今方集，燕巢猶
 未光。不妨卜雞骨，重整葺睨堂。畫
 絕長康壁，泥新孔氏墻。公輸就規矩，
 司服飾衣裳。工逸事已遂，碑成誠所
 望。中山拔毛穎，震澤伐蒼筤。魚繭
 淘沙淨，鸞篋附翼翔。托言徒莽浪，作
 事甚乖忙。玄學知吉凶，金科發秘藏。
 文欽韓吏部，句羨段文昌。橫草功何
 有，撞廷力不量。豕談傳陸氏，閣記夢
 滕王。詩讚神生岳，文非鬼嘯梁。古
 書言可證，祀事禮宜莊。繼聖猶專孟，
 知天豈畏匡。斯文如未喪，吾道豈能

彰。仰慕先生操，爭傳君子芳。挺生
 文豹蔚，舊厲步龍驤。碧玉珊瑚樹，黃
 金貂尾璫。隸精稱子敬，書健抗元常。
 倒水繹光耀，摩空氣慨慷。獲麟將絕
 筆，獻綺望投章。靈德慚孤陋，高材爲
 發揚。如君稱令譽，積善有餘祥。記
 在名俱在，子忘神不忘。愧無縑以賻，
 介以福襁襁。
 陟降散仙三島客，縹緲虛無不可
 測。魂魄毅然爲鬼雄，惟爾聰明兼正
 直。荆人尚鬼越尚機，春秋以來舊風
 俗。我今處世何皇皇，獨駕窮途多感
 泣。本無鬥心弄鈇槩，誰肯婣然自塞
 默。學尊孔孟進韓柳，力排佛老斥楊
 墨。將崇孝悌去奇褻，欲反驕奢尚敦
 實。咄咄書空真怪事，果信洛陽人不
 識。吁嗟蜀棧高巉巖，岐首於菟互吞
 嚙。木中水上事不聞，祇見鄉原德之
 賊。誰知暗室有神明，甘與小人爲鬼
 魅。剥剥啄啄門外聲，孤鳴梟噪爭饒
 舌。利觜長距跨壇場，怪辭駭衆多詭
 譎。誰鼎不卞膺與真，捧心豈料爲人
 疾。黎丘丈人醉且狂，安得扶奇不掌

拍。為謀不忠交不信，遠舉雲中沒聲跡。琬琰不可焚崑岡，芝蘭莫使混荆棘。善善惡惡郭公墟，來事冥冥黑如漆。天生明翼不偶然，只恐文章遠斷絕。東村先生何許人，前輩典刑推第一。豐城紫氣射斗牛，少年聲燄猶赫赫。江山千里月平分，正好秋光涵水碧。世情反掌苦不常，中流汹汹波浪激。貞觀丘壑謝塵物，寄飯牛車歌白石。危冠長佩鶴縷衣，高揖群公追甫、

力。青玉明珠不足報，願言壽比南山栢。公侯子孫復其始，好將此事作陰隲。

獲麟歌

歌獲麟，歌獲麟，麟之為名配乎仁。牛尾馬足屬其身，犛然一角不觸人。聲清音濁合律呂，行步折旋中規矩。不履生蟲不旅行，不折生草居擇土。仁哉麟哉獸之靈，此獸一出時太平。滿謂太平當今日，不圖今日不如昔。不如昔，異物殊形常間出。章義

麟兮時不遇，絕筆之說吾道窮。孔丘已死數千載，世道不古誰感慨。吉人凶人吾不知，褒貶幸有春秋在。斯文未喪求諸神，托言垂世猶丁寧。吉人為善善是勸，凶人為惡惡是懲。孔丘聖人莫與衡，姑且絕筆歌獲麟。

絕筆歌

文章捷敏得我驚，斧鑿無痕地礪裂。蛟龍海底弄角牙，紅旗閃閃青紅色。鴻都碑文今已成，車乘千輛填街陌。魚琴、馬瑟會知音，一臺二妙爭磨刻。我慚藜莧慘腸胃，敢向屠門誇肉食。商丘之未不可棄，落以斤刀引徽纏。人言一字直千金，愧無饋謝右軍筆。石磯老人何貪悭，十萬陰錢大需索。關西夫子不復生，暮夜無能謝王密。嗇夫喋喋人所嫌，頽顏汗背徒慄慄。侯門如海了不聞，豈是閭人多限截。敢使客卿作通使，大開太倉發一粒。倘令祠宇甲天下，萬口一辭公之

之山鳥如鶴，名曰畢方生一足。見則譌火焚人屋，朝不敢爨夜不燭。又有鬼車號夜遊，十頭十口連一喉。翅如車輪聲啞嘔，血滴人家家凶憂。天地生物付其質，何此為凶不為吉。世情變態多好惡，聞吉則喜凶則怒。吾聞凶人作禍殃，尤甚鬼車與畢方。仁哉麟哉不復見，安有吉人日為善。吉人獲福凶獲禍，禍淫福善天之道。武孫車馬遇大商，獲麟於野為不祥。賜之虞人問孔丘，孔丘感麟作春秋。春秋之教以為中，胡為絕筆以為終。仁哉

人生栩栩夢華胥，憧憧往來為利趨。孔、孟已死不復甦，仁義之道為何如。斷蛇帝子握乾符，隨何食其罵腐儒。平生不讀半行書，朱輪華轂大門閭。爭誇馳斛富金珠，一擲百萬喝梟廬。月智耗耗莫睚眦，重譯呶嗚言朱朱。覆醢不食謀何疏，魍魎責影見何愚。謾行作賦比子虛，着視滌器自當爐。投關幾死楊大夫，滑稽落魄無廉隅。文乎，文乎，何無之喪乎，安得窮鬼不拍手而揶揄。吾故知夫伯鯨之沉於羽水兮，化為玄魚。叔之虎目豕喙兮，死於貪污。楊食我之為羊舌氏之禍兮，母聆其孤。神乎，神乎，深為世道之憂者乎。設卦以斷吉凶兮，何須箠竹來庭除。正直以為德兮，何須椒

桂擊構櫨。文章以爲言兮，何須三寸掉張蘇。嗚呼，知變化之道哉，其知神之所爲乎。君不見，文潞公之修江瀆廟兮，夢有感於成都。種世衡之致廣梁於澠池兮，用搏手者爲前驅。又不見，于寶之撰《搜神記》兮，號爲董狐。彼何人歟，彼何人歟，輒敢論鬼爲虛無。豫章太守之談春秋兮，喪其軀。牛渚磯之燃犀兮，幽明異途。已矣乎，已矣乎，獲麟之筆絕矣，吾不復言乎唐虞。

梁父吟

青布變成羅，古識人皆曰。星纏應斗牛，分野屬問粵。左揖巨靈鰲，峰巒聳硤。右揖方山巖，石壁高崛岉。潮水出天河，盈虛取松月。一日一來朝，回環江刻屈。黃氏撥沙經，沙形象魚鱗。又有麗伯韶，圖經作桴筏。三峰聯鼎峙，平地起一突。郭公《青囊書》，此爲鳳亢窟。風水真奇絕，精神多發越。人人堯舜民，古朴尚吁咈。士以詩書顯，槐階走車軌。百姓安於農，田毛兔科率。待詔金馬門，百藝精

其術。商貨日中市，大書泉府揭。行樂太平年，春風多快活。邇來不如昔，往事夢恍惚。造物真鬼狡，烏兔更黑留。不聞擊壤歌，中結愁鬱鬱。不聞鄉友助，蟲蛇互吞齧。不聞忠與信，鬪訟相告訐。不聞仁與義，詐力爭疆倨。不聞飄飄精，雷腹食糠粃。不聞機杼聲，卒歲無衣褐，夷齊死首陽，不復採薇蕨。房杜家聲墜，不復誇閥閱。孔、孟老儒迂，清談多老、佛。漢楚信讒諛，憔悴歎賈、屈。問之何因爾，風水氣已歇。昔有山環合，今則風路闕。昔有潮水平，今則潮水竭。昔有夾衛松，今則是剪伐。昔有井泉湧，今則井泉汜。莫道時使然，陰陽不可忽。風水非人爲，獨有井已掘。汝口何其愚，吾口不容訥。有廢必有興，有敗必有發。山水自山水，人物自人物。文章豈不貴，君子終豹蔚。農事須及時，雨苗興也勃。陶、朱富天下，孳孳利毫髮。薄藝勝良田，窮年須矻矻。勸汝莫好閑，如馬失銜轂。勸汝莫非爲，官典有剝削。勸汝莫貪荒，激射傷面目。

勸汝莫飲酒，酒醉因詭詭。勸汝莫欺心，欺心天禍罰。勸汝行好事，好事芝蘭藉。汝看靈濟宮，姓字書檀越。一鄉稱善士，萬古名不沒。吾言真苦口，銘心作碑碣。

喜雨

九輪照燭熱如火，山川滌滌田苗稿。穡夫汗背苦焦勞，望極雲霓眼枯燥。剪瓜斷髮事不聞，誰肯桑林爲民禱。燃頂灼臂辦心香，尚冀天心作悔禍。江湖之封令太嚴，六丁不敢開金鎖。旗龍聖跡碑猶在，謾說鰲峰龍老耄。奈何時俗巧追曲，外貌斯須心已隨。烏岡鼉屨插天山，壁路險滑人希到。此時此水亦偶然，居鄰豈不求之早。乘除有數數有天，惟象無形高浩浩。東海上人赫厥靈，已泄天機明汝告。日落西山作偈言，酉戌之讖何深奧。斯言契券不我誣，瞻仰明靈如在左。果令社令起豐降，馬鬣一滴天瓢倒。既優既渥富田疇，白叟黃童齊舞蹈。腰鎌刈熟喜年豐，殺雞擬準嘗新稻。爾民報事終不忘，薦以溪毛蘋與藻。

惟神敢自有其功，上答天恩爲雨賀。

謝林府判香信

鬼神之說竟何有，無聲無影本虛空。土木憑寓未爲聖，問之略杓識西東。剝琢門外聲，那知有客來。孔融坐視神骨紫玉珂，胸中磊落氣吞虹。傳示先生巧駢珠，清光照破睡驪龍。得之瑰怪愕且喜，頷頷咄咄憂慄慄。子期已死不復生，好音誰辨商與宮。彊欲綴緝失蹊步，寧甘默塞等盲聾。吾知此來意有謂，數紙豈是答鵝籠。面頰背汗奚敢去，達觀眼孔海川容。先生喬出伸蒙後，五經、子史頗精通。憶昔長安少年日，金章星綬珮玲瓏。回首世事如浮響，空教獨駕歡途窮。章甫縫掖掖難適越，今人什九競南風。幾多豪富反顛倒，五陵土俗昔不同。羲娥馳逐莫能閑，皤然鬚髮雪飛蓬。何以行樂山水間，袖出青囊訪鄭公。認取當來方寸地，付與兒孫學老農。

請林經歷書碑

丑口失其政，五季爭雄豪。四海煎鼎沸，中原生蓬蒿。十五學書史，二

十持干戈。貔貅數百萬，躍馬渡淮河。冊府榮公命，留守持麾旄。淮人迎笑語，男耕復女繅。開運入南閩，不敢犯秋毫。峽南道青布，高峰聳巨鰲。祠堂像侔真，屹屹立山阿。龍首更廟祀，其年號政和。爾民勤報事，薦以溪沼毛。閱歷四百載，伊途難風波。剡剡揚厥靈，序事何其多。談舌久不掉，字字舛且訛。畫虎反類狗，衆口徒嗷嗷。詩書束高閣，後學失丘、軻。聞公義之材，數紙博白鵝。文章冠當世，出口如懸河。筆陣掃千軍，籀篆穎與科。銀鈎鳳翼飛，鐵畫龍委蛇。鑿石作碑碣，著手爲滌掌。予事與公名，萬古終不磨。

寄南村居士

南村居士，以詩名於江海，亦有年矣。倏起來歸之詠，蓋爲母死未葬，故不忍忽然而去魯，寄跡鹿山，薄營葬事。一日，袖香有叩於予，予竊古人句爲一絕，以勉之。又辱示我以狐白裘《魚鴈集》，粲然滿目。敬就集中，因衆韻以和。正慙呈醜，豈宜

鉞梓。毋迺以紫亂朱耶，况敢欲知於奇人魁士之流。獲序與跋，褒獎過多，未免效顰，綴緝草堂先生語體古律二十二韻，輒附狐白裘序後，少伸謝臆，呵呵。

萱草久已死，荒蕪孟母鄰。嗚呼就窀穸，寂寞洒衣巾。行李千金贈，征求異俗貧。既今蓬鬢改，滅燭翠眉頰。畫地來所歷，無家任老身。高天意悽側，爲汝鼻酸辛。本自依迦葉，行歌非隱淪。號山無定鹿，倚杖更隨人。瓦士傳神語，門庭畏客頻。浮世有定分，况我墮胡塵。掛席上南斗，危樓望北辰。薰風行應律，滄海闊無津。交熊遭輕薄，虛懷任屈伸。勸君休歎恨，遇我宿心親。磨滅余篇翰，逢迎念席珍。吾甘雜龜臚，雙羨畫麒麟。望帝傳應實，褚公書絕倫。高岑殊緩步，耿賈亦宗臣。密竹復冬筍，微馨借渚蘋。清談見滋味，側望苦傷神。鑒徹勞懸鏡，思波起涸鱗。晚看作者意，復以物爲春。衰氣歛有托，知余懶是真。禮加徐孺子，相見幾回新。

代周全擬芙蓉城

羲娥馳逐何逡巡，祇謂絳老不知年。
公廼厭世而上仙，孤之不幸孰爲憐。
仰天大呼泣漣漣，形僵神喪幾若瘳。
蓋棺事定倦欲眠，遽遽非夢目所眈。
宛然容貌笑嗎嗎，屋梁倒照月嬋娟。
鷓冠鶴氅駕龍駟，前有驪駟後駟駟。
左幢右節舞蹁躑，空歌廣樂聲喧闐。
松柳門巷鬧市塵，迤邐岐分南北阡。
石壁碑銘誰所鑄，螭鸞鈎畫跳復翾。
直道西東殿兩邊，金星斗字應星躔。
西曰靖善居之偏，東曰真一屬太玄。
殿上星燈萬斛蓮，異香馥郁奪龍涎。
問之傍人事可研，指視此處曰鈎天。
舊有主者偃與佺，今當舉代非具員。
僉曰公也稱世賢，千劫相遇善因緣。
嘗從緱氏授瓊編，索窮隱頤獲真詮。
雨澤霑濡及九泉，復以齋法明且蠲。
功行之數滿三千，名書玉簡粲珠璣。
未肯就位尚遷延，帝言此事有經權。
天上差樂亦所便，何必反顧更連蜷。
人人珠履冠貂蟬，紺緞仙服美更鮮。
東廂西廡序班聯，來來往往飄風煙。

上揖下授禮致虔，聲名文物盛四筵。
公生不與物爭妍，未死時刻便昇遷。
厥子服□將執鞭，天階壁立峻極顛。
六十力士身披堅，可搗氣燄狂也獫。
祇見毛寒栗起肩，魂夢如飛去復返。
蕉鹿之說信有然，幽明一隔甚天淵。
往者如斯若逝川，隱若陴側徒憂煎。
未能終養效粥饘，固當致毀軀是捐。
芙蓉城事世所傳，欲追坡老續遺編。
吊廬人事百冗纏，笑聲啞啞難儼駢。
我非好弄事譏譏，欲示來者知其然。
公之寸地坦而平，種以瓜瓞欲綿綿。
詎信天道直如弦，乃蒙帝眷寵且專。
嗜欲將至聞必先，欲昌厥後顯厥前。
汝家簪綬藹門填，會將舊物復青氈。
惟汝之賢慕參騫，母貞先志自作愆。
業精書史力勉旃，切勿他學尚管絃。
公之盛事真福田，世澤之流非涓涓。
大厦何止八百椽，席公之庇樂安全。
時思奠享進豆籩，以永世事必勤拳。
子之爲夢情是牽，伊人所見非倒顛。
符合有若根株蓮，事事徵兆葉筵筭。
造物無言妙斡旋，示公之德爲汝宣。

姑述之事表之牋，旁觀縮手惡亦悛。

贈林東村公

殷辛荼毒壁有蘇，東海上人伏牛漁。
祖龍煽怒火其書，劓谷之慘禍可辜。
正則彷徨遠女類，願與彭咸日康娛。
鴟夷子皮號陶朱，奚事扁舟浮五湖。
精氣沈溺膏液枯，盲聾啞啞甘自愚。
批捩之跡常次且，咬哇之聲何嗚嗚。
九包不復托高梧，夜鳴晝伏爲馴狐。
吁嗟時俗紉秋莢，草下江籬與揭車。
天梯石棧名畏途，若比世途猶崎嶇。
渤海大壑號歸墟，若比愛河猶貪污。
向時學富盜穿窬，孳孳爲利跖之徒。
坦坦爲詐諂吁吁，能鄙相籠甚智徂。
皇帝王霸時事殊，不閑揖遜如唐虞。
上宇下宙一籛篠，古往今來即須臾。
萬熒碁布屬太虛，幽且繆纏過隙駒。
誰測鴻靈有太初，汪芒之國守封嶠。
黃龍負出五彩圖，神龜八卦洩天樞。
古書陳跡真不誣，休談莊老似虛無。
廟食經年四百餘，昔曾持節守江都。
嘉熙聖詔雨露濡，靈濟褒封耀里閭。
邇來祠宇歡荒蕪，重新創立大規模。

自作碑文投暗珠，伊誰持重借各譽。
如公魁略稱大儒，節概耿耿彌九區。
詞鋒筆陳爲前驅，三軍褫魄走係吳。
玉篆熒煌爲發舒，乞銘求記何躊躇。
兩書不報竟何如，作語猶嫌口囁嚅。
惟以靈德配堪輿，序事爲言予姓徐。

荅問造墳

北邙舊墓何纍纍，城都富貴千年期。
碑刻姓名大如斗，問之孫子今有誰。
吉凶當年非不卜，造物反覆竟何爲。
禍福無門人自召，方寸心中是福基。
吁嗟世人愚且癡，大家何必隔藩籬。
不思自有同宗鬼，況是連理又連枝。
興始王陵今何在，葬母寧甘號孝兒。
君不見，金陵王氣旺，秦人曾厭之。
後宮生武后，高宗非不知。國家尚如此，人事夫何疑。
掘塚焚屍非盛德，已所不欲人勿施。
兩家各存陰隲事，上有神明不可欺。

荅周世遇問事

南走越，北走胡，西入秦，東入吳，
總是英雄大丈夫。迤邐出門去，手持蓬矢佩桑弧。
河陽花富貴，任我自騎

驢。人生交結無老少，情意若葭莩。
昔有陳與雷，今有黃與蘇。君心我自會，何須卜越巫。
今也一向是亨衢，一飯飽嘉蔬。
平安兩字喜家書。

荅呂先生問馬米事

葛川老人王方平，偶過東吳訪蔡經。
時人不見仙人形，只聞空中車馬聲。
金盤玉盞羅八珍，酒闌一奏雲和笙。
須臾乘風仙佩舉，虎駕龍車奔紫清。
遺我一卷名《黃庭》，丹砂本是米化成。
五色耀人光且明，仙中日月不留停。
滄海水淺復揚塵，却咲巴縣橘中人。
何爲世俗爭抗衡，女髮額黃爲何物，
愴忙快賭輸與贏。君不見，冥海有棗大如瓜，瀛山有李大如瓶。
橘中樂何如，棗與李餐之，可以保長生。

勉蔡畫士

人言蔡氏善丹青，虎頭將軍身後身。
精粗善惡有標的，風神氣韻得其真。
前年九日來相訪，畫出精兵鬼神狀。
猛士腰間大羽箭，毛髮森森聳人望。
東西兩序福祿星，一點一畫猶精神。
文章朱紫滿朝廷，始信儒冠不誤人。

上畫真人朝帝闕，光依日月位星辰。
下布雨澤驅雷霆，親承帝旨福生靈。
歸來洞府奏仙樂，袖惹御爐香薄薄。
兩邊間出玉闌干，銀鈎高掛朱簾幕。
曲破六么細腰舞，百戲談諧名意思。
獨有寢殿畫未成，知君好手重毫素。
不可去兮不可去，畫者如君亦可數。
一年一年復一年，俱道心堅石也穿。
本來風月不論錢，一飲一啄皆前緣。
却說只教許氏子，不知桃桂是神仙。
舊年傳曲意未盡，今作古詩也勉旃。

荅生員問眼疾

人言五蘊俱是賊，豈謂天公嗔眼白。
寧甘剝剔掛吾門，誰肯效顰誇紫石。
伏生書債猶未償，詎信共王留孔宅。
祇因憂道非憂貧，何爲珠淚隕睚睫。
一舫疾癢莫能搔，邇來赤爛且昏泚。
自愧聰明不及前，精神枯槁越沈溺。
燈前燄燄暈生花，髣髴青黃間綠碧。
指認歸鴻歸那處，幸識東西及南北。
明月朏胸罪蟾蜍，臺鏡塵埃誰拂拭。
折肱前後幾華陀，金篦點藥針芒麥。
莫是痼疾沈膏肓，奚事皮膚頑不

入。滿七除二言何污，笑殺符師弄刀筆。巫咸已死不復生，吉凶禍福謀叵測。料想君心常坦坦，莫道丈人多命薄。推詰其由誰是尤，自號書淫兼傳癖。懸髻刺肉何不悛，窮年九九竭思力。青衣童失厥守，一夜西風動旁礫。木葉凋瘵烈於冬，山林之志夢已缺。問之叔和何因爾，指下尋之曰關脉。微弱浮散那能知，六淫不節氣交逆。吾非於陵爲朋儔，安識李膺三可咽。聞知神火幹洪鈞，宋陽里子有妙訣。茫茫昧昧本無言，且學團辭試提挈。熊膽膏盲出肘後，付與先生聊塞責。先生聲譽馳四海，願求一字爲口實。

托東村公作記

維神有記，既蒙篆蓋，欲求一記，發揚其美，以成其志。必須得孫綽之文，然後刻石，謾爲古體三十八句，自一至十，十復至一。

碑，誌。維神，頗異。非要名，姑序事。雖喜推評，尤幸不棄。血食居一方，名聞傳五季。始於開運甲辰，今則至元癸巳。八千精騎慰閩人，四百

餘年立廟地。聰明正直惟德是馨，禍福吉凶由人所致。吁嗟世途蜀道難於天，安事詩書漢王門其智。販繒屠狗滔滔樊噲灌嬰，獻册賦鵬碌碌仲舒賈誼。徂詐相尚鄰里如結讎，狼貪太酷上下交征利。世無常賢贏金一經，誰辨曹娥碑陰八字。伸蒙先生學有傳，簡肅侍郎公其享。既承鐵畫銀鈎，須得絺章錦思。祠撰江濱文，廟作羅池記。材果無雙，篆成絕四。假人爲，發己意。有求，托庇，忱，愧。

錢君行

錯錯錯，何須歌齷齪。錯錯未是錯，無奈世情多薄惡。君莫說，荔子枝頭紅閃爍，赤虬吐卵金鳥啄。千戶封君良可誇，甕中起舞笑自樂。豐城劍，崑山璞，此語于今空摸捺。豈詹尹之不我靈，抑壺公愚，我以朽索。錯錯錯，何須歌齷齪；錯錯未是錯，今歲在涓灘，明年名作噩。雷聲隱隱天鼓鳴，卧龍奮起生頭角。四海蒼生霖雨望，直上天池身跳躍。君莫說，年來苦屯剥，鳥驚曲木魚傷餌，又似寒龜頭入

殼。不見老農勤且辛，春耕夏種望秋穫。世事皆如此，心堅石可鑿。錯錯錯，何須歌齷齪；錯錯未是錯，寄言東墅子，林子非是蕉覆鹿。桓譚極論識不經，誰知一箭果然中秋鶚。今日是何朝，指教人過七月朔。後朝是何日，十月二日葉吉卜。風瀟瀟兮，馬躑躅。路遙遙兮，車陵轆。擔簦仍躡屨借問，清源此去更幾里。風土復，何若地闊海冥冥，此有峰巒高卓。舉人煙虛，閑處是古夾城廓。縣令弩矢作前驅，越賈胡商相屬托。明月珠水，倉玉滿缸，珍異金絲絡。珊瑚碧樹二尺許，更有胡椒八百斛。關市有條章，公征復私權。所得何多多，氈包席裹載驢駱。祝君勿忘鄰家翁，歸來分我一勺。錯錯錯，何須歌齷齪。而今也要牢把捉，彈碁局面最不平，這回一着是一着。勿作踐君行，此篇爲君作。先覺覺後覺，二三子，陳一略。弧矢四方志，誰肯填溝壑。富貴不在天，自立還自卓。殷勤相勉旃，錯不是錯。

偶作可笑

可笑可笑，莫睹其微。格物致知，大學之要。自然而然，神明之妙。不識不知，冥冥杳杳。言不吾證，事亦可誚。禍福無門，惟人自召。如子之才，聲名顯耀。如子之志，山林咏嘯。題相如柱，修城都廟。彼何人斯，志亦不小。希顏亦顏，誰日不肖。今子之謀，目何其眇。今而不爲，日月旋遶。老之將至，勿謂年少。自暴自棄，甘牛馬走。吾言書冲，子性自曉。聊集俚語，真是可笑。

答問事

門重重，松鎖不開封。借問主人翁，却在西頭不在東。任君且住，消息謾在通。明朝鵲噪喜情濃，此日再相逢。我髮未蓬鬆，平安兩字，是我家風。那堪月色朦朧，又見嫦娥喚女童。雙成姓董，王母騰空。而今好事，眉開點紅。

答問生活事

用貧求富，請問其維。□伯販脂，張氏賣漿。郢氏濁氏，猗頓周楊。如

此數輩，各取其長。熙熙壤壤，財利之場。古人有言，工不如商。

答陳癯仕問事

魚化龍，禹門消息近。雷聲震動驚百里，此時雨足農務起。借問前村深雪裏，聞道布谷聲聲急。早着工夫龍可喜，龍可喜，又見一番桃李。雲開雨霽，燕子銜泥。對語富貴王孫公子，賞春歸去。爭鬥綺襦純褲，那更有黃金滿塢。金滿塢，陶朱是本塢夷子，改名易姓歸故里。齊門鼓瑟時不遇，回視相印如敝屣。如敝屣，人生周蝶夢栩栩，倏君時光只如許。但存方寸地，分付子孫作主。五、六、七爲數，此是前程好處。

贈雕碑者

維神正直未爲妖，暗室荒蕪愧坐邀。雖有真材爲大用，自慚朽木不堪雕。慇懃束帛知存禮，慷慨詩囊會奪標。百世其昌皆祖德，異時管取鳳鳴朝。

謝林主簿書碑

古原荒廟歎丘墟，自派源流序姓徐。老却英雄如土苴，誰諳經訓乃菑畬。

記雖不得韓公記，書喜猶能柳子書。潤筆愧無金五百，維神陰相子知予。

別蔡畫士

妙手丹青出自然，愷之，立本得其傳。工夫子重筆如拙，膠粉濃深色更鮮。壁上留題名萬古，人情熟分客三千。于今告別多惆悵。薄酒三杯詩一篇。

本宮建壇有四道人現身

四仙化現降明壇，可惜時人別眼看。身披葫蘆開口笑，手持蝙蝠出門寬。一片雲心輕去住，千年鐵柱老攔珊。汝來問我在何處，我在蓬萊山外山。

贈天王老抄化不遂

能鄙相籠勢使然，靈兮既降謾連蜷。已知秦越藩籬隔，安有陳雷膠漆堅。四六虛文封醬瓿，再三吉卜費筵筵。勞心休作思君想，且向山中飲石泉。

答問事三首

乞靈微福有其人，辦力輸財未有因。奉佛捨身嗤武帝，詭情尚詐習蠻閩。莫言植福元無種，祇恐浮軀死化塵。倏忽人生駒過隙，堪嗟趙孟老諄諄。

靜中笑殺世間人，莫識前生後世因。

都是業祠來石晉，誰知昔日屬王閩。
萬千富貴渾如夢，多少英雄已化塵。
好好力行方便事，不須作語再諄諄。
維神顯德在於人，或者非人天不因。
一點英魂吞宇宙，千千古廟壯甌閩。
西碑未立空留記，內壁而今尚染塵。
成始成終君子事，何須化筆語諄諄。

答梁氏問遷葬

牛眠已卜陶公穴，白鶴仙人暫降凡。
心地允符陰地好，人天敢道我天寬。
果然宗祖靈如在，相爾兒孫達大官。
投以木桃報瓊瑰，都來造物亦知還。

上林府判效曹娥體

未蒙君命字書全，袖識曾知涉巨川。
里詠塗歌留駟駒，甘棠兩樹憶名賢。

寶殿十奇峰

金鰲峰

曾戴方蓬海上來，盤踞此地不知回。
千年卜得鐘神秀，愧乏擎天八柱材。

文筆峰

孤標直上杳鴻濛，遠勢祇疑插架同。
此地由來多宦達，扶輿佳氣產文雄。

貪狼峰

斗中七宿煥文明，那得茲山蠹地生。
我欲飛騰最高頂，永同地舌佐昇平。

蓮花峰

瓊花獻巧遠亭亭，髣髴幽香散窈冥。
那得天風飄一葉，也同太乙泛東溟。

方巖峰

石扇嵌空天際開，此中風景勝蓬萊。
有時碧落朝元下，暫駐鸞輪坐綠苔。

白鹿峰

白鹿來時今幾年，危峰依舊倚青天。
閑中不獨談真訣，也覓林僧一問禪。

古城峰

層巔秀色碧籠葱，古壘無基望不窮。
夜半月明天籟響，祇疑一鶴返遼東。

飛蓬峰

蓬島飛從海上來，丹崖翠壁遠崔嵬。
吹笙仙子知何在，猶有碧桃千樹開。

紫臺峰

臺峰突出粵江東，鳥道斜分紫翠中。
幾度月明仙子降，珊珊環珮振天風。

太平峰

昭世仁風播太平，茲山何幸得佳名。

幾回飛上峰頭望，六合悠悠天地清。

真仙八詠圖

鰲嶠真宮

海嶠湧金鰲，玄宮結構牢。英靈
常不替，地位自清高。夜月沈丹井，春
風綻碧桃。一忠扶社稷，丹詔會榮褒。

龍湫飛瀑

千仞龍湫不可梯，飛流直下絳虹霓。
群仙採秀歸來晚，閑弄潺湲漱藥泥。

竹巖霽雪

靈巖留瑞雪，曙色况開晴。積素
涵初旭，凝華耀太清。低埋深竹偃，高
壓老松傾。我欲飛危頂，閑披鶴氅行。

仙嶼靈芝

燁燁煌煌三秀繁，太和風氣產靈
根。冥棲此地無由報，採入虞延獻至
尊。

青浦歸潮

極浦寒潮落，縈紆一望賒。草根
餘亂石，江口露平沙。鳥蹴青泥破，舟
維古柳斜。須臾還復至，從此泛仙槎。

南塘過客

走轂奔蹄競往還，路通南北出閩山。

可憐擾擾紅塵者，何似仙宮日月閑。

木嶺樵歌

木嶺樵音返，崦嵫日已沈。悠揚
逾曲澗，款迺出重林。低雜金蜩奏，高
隨白鶴吟。琳宮無俗韻，聞此豁中襟。

鍾山鴈塔

日出鍾山氣候新，浮圖七級湧嶙峋。
古來福地生賢俊，聖代題名不乏人。

贈徐南村二首

土木假形真可笑，謾將俚語續詩篇。
先生不是龐居士，那得燈光徹大千。
自愧調羹無手段，戲將衆物和來香。
屠門大嚼知多味，休笑山人藿菹腸。

玉崑十奇峰

金仙峰

丹竈千年燼已灰，祇留品字石崔嵬。
等閑試上山頭望，雲外推青是五臺。

天柱峰

行行行未到山前，忽聽鍾聲破曉煙。
突起一峰如壁立，看來力量足擎天。

朝陽峰

岩嶢石壁插雲端，溜滴泉聲夜氣寒。
祇想猿啼天未曉，開門日上已三竿。

三郎峰

釣魚溪上釣魚舟，借問傍人識姓否。
笑指此山多雅興，野花啼鳥足追遊。

金爛峰

遠看如畫奪天機，靄靄嵐光映夕暉。
領上松杉千古意，那知半夜已傳衣。

起雲峰

迢迢數里轉山隈，曉色朦朧撥未開。
搔首青煙迷去路，祇聞山下一聲雷。

寶臺峰

層層疊疊勢崑崖，閣道如天不可階。
一點清光常照面，杉風桂月好生涯。

大座峰

雨過嵐光黛染青，石頭路滑少人行。
伽跢自得參禪法，何處寒鍾扣曉聲。

玉芷峰

天花一朵未曾開，摘去誰人不送來。
直向高峰峰頂坐，時聞香氣透天台。

雙童峰

掛臺明鏡轉清光，玉女當時試曉粧。
常似丫頭年少日，青春不老髮蒼蒼。

東澗

溪聲如水潺潺，一向東流去不還。

無限世情盡如此，何如沙上白鷗閑。

西澗

山中無事客相過，借問西來意若何。
不減不增無罣礙，順流此去透天河。

玉崑

愛山祇愛石巖嶮，玉品山來作玉崑。
雙澗交流分白鷺，十峰回抱半青枯。
輕雲白裏茶多味，殘月燈前經一函。
偶到上方問禪話，料應知我亦非凡。

錢陳道興往龍虎山二首

終南山裏多佳景，無奈功名志未灰。
龍虎榜中新姓字，梅花先占百花魁。
薦藁推評屬古靈，成人好事是前程。
鵲聲爲報平安信，聊作篇詩贈子行。

和白雲僧德堅

休說秦隋晉漢唐，三門茅屋白雲鄉。
水牛不去瀉山老，試問當年燒得香。

偶作四首

靜裏乾坤不計春，非非是是任紛紛。
醒原醉白今何在，雲外青山山外雲。
憶昔曾聞歌獲麟，祇言告子好爲人。
荷花欲語多情態，何似無言花日春。

明月清風何處尋，詩人苦思謾沈吟。
忘機不管人知會，自有沙鷗信此心。
與子相忘已兩秋，此情不語子知不。
青山門外多情態，留與詩人作話頭。

徐仙翰藻卷之七

徐仙翰藻卷之八

詞

親睦堂

調臨江仙

書畫琴棋行樂也，一家和氣團團，
兒孫戲綵滿堂前。共傾一壺酒，同祝
大椿年。心想黃庭妙訣，芽內養丹田，
蓬萊富貴總神仙。名登金字格，袖惹
御爐煙。

燕喜堂

調千秋歲

鰲峰勝地，山水多奇異。成羅舊
識君須記，麒麟天上種，鸞鷲人間瑞。
而今也，男兒果遂棄弧志，年少登科
第。猶喜雙親在，長祝願，千千歲。老
萊爛戲綵，王母瑤池會，同宴樂，滿堂
笑調金樽醉。

贈沈建翁

調相思引

山嶽精靈發玉融，飛起作鰲峰。
山清水秀，喜事頗怱怱。若問前程事
與利，但存方寸積陰功。植槐有識，管
取作三公。

贈周全

調清平樂

坐堂清秀，得意相携手。霽月光
風隨處有，最好吟詩酌酒，秋來寒露淒
涼，何妨淡抹濃粧。更有籬邊黃菊，看
看晚節猶香。

調周明

調更漏子

恬淡家風最好，得意池蓮窗草。
憑几案，倚闌干，清芳總一舫。一堆半
輪月，不覺五更時節。燈報喜鵲傳聲
來，朝霽晴。

贈林椿

調浣溪沙

是是非非滿世間，不如學道煉仙
丹，依然長嘯入深山。三徑就荒誰作
主，菊松爲友華門關，安身隱處白雲
閑。

贈章桂龍

調相見懽

風和日暖二三春，雨晴天紅紫。
百花如錦柳如綿，高樓上，珠簾捲。主
人家，舊看重來雙燕，任踰躓。

贈郭詠翁

調謁金門即喜遷鶯

雲意薄，雨情濃，二月百花紅。來
往客，任西東，牛馬不同風。山又青，
水又綠，路遠羊腸九曲。好將心事付

來人，五五是前程。

贈鄭汝顯

調應天長

燕子鶯兒相對舞，賴有東君長作主。雨又晴，晴又雨，笑問桃花嬌不語。日西山，雲薄暮，鳥鵲倦飛歸去。欲問前程好處，團圓月三五。

贈天一寺郭以立

調山花子

獨鎖柴門事不關，世間何物等雲閑。莫道無心常出岫，也知還我非烟非霧。無中有襄王巫夢，錦衣寒。一瓣心香，此是住名山。

苔合山僧德潤問緣法

調霜天曉角

虛空飛錫，百丈傳衣鉢。靜聽朝鍾暮鼓聲，火向心頭滅。香滿金爐爇，高峰頂上坐。借問釋迦夫子，如何是阿屎窟。

贈越山寺僧石徑

調點絳唇

一代因緣，學宗興化，聞知法寶聲無價。真實初非假，臨際祖師還，我曾參假。而今也，聞鍾便打，放了鉗槌下。

又

調玉樓春

清淨都來是法，花藥欄中做生活。雲門老子大驚人，好把話頭相問答。這箇因緣無縫塔，還我德山一棒喝。此去西天一萬餘，走去走來要要匝。

修宮裁衣

調滿宮春

脩東墻，補西壁，事事參差不一。人心堅處石能穿，大家同出氣力。繡羅衣，刺羅裳，費盡千針萬線。工夫多處值錢多，管取聲名高顯。

又

調喜遷鶯

視無影，聽無聲，暗室有神靈。朝非香，夕非燈，方寸可留誠。翻為雲，覆為雨，世事環回如許。蒼藤古木幾經春，今又一番新。

贈蔡畫士

調浣溪沙

好手丹青世共稱，我曾曲贈畫堂春，誰知妙處會傳神。四體妍媸本無闕，眼睛不點要存真，長康元豈是癡人。

又

調畫堂春

清風明月不論錢，筆頭氣韻天然。解衣槃礴號真仙，也是機緣。狀出神

鬼并百怪，濃烟淡墨鮮妍，人人都道賽吾賢。

贈長邑人往湖南

調上平西

好孩兒，四方志。丈夫心，騎白馬。偶到花陰情人，對語話懷，杯酒重斟。相思何處，為情郎再整衣襟。心中曲，手中帕，枕中笛，袋中琴，起來唱作越吟。床錦字，勸郎須是學蘇秦，好事如人意，佩印囊金。

贈天王郭東堂之桐城

調菩薩蠻

桐城自有祇陀樹，着衣持鉢修行處。猛省問前程，前程路坦平。莫辭千里遠，須發菩提願。好事喜完成，真人為保明。

勉蔡畫士

調歸自遙

君不見，三島蓬萊仙，獨占雲中，擁出琉璃殿。籬墻門外白如練，為粧點，時時莫使塵埃染。

苔林君舉問事

調西江月

謾說襄城居士，且言賈島仙材。文章進取有梯媒，都是功名在。拾芥自有兒孫福分，曾知王氏三槐。三郎果是三魁，萬古聲名如在。

贈龍船匠

調西江月

知道攀龍手段，敢呈作揖規模。
中秋月夜到天河，平地人皆看我。做
出千年聲價，共誇一代風流。錦標送
汝作纏頭，也勝豚蹄孟酒。

賽情詩

綺羅香風三月節，一片芳心遊漾。
難禁得、起動少年情，發越何妨。按拍
調舌，切莫負春光。空六六、總是風
流，花市中人物。既是賞花高處立，不
須推出門前。

贈閩縣宣差

列宿名流，七閩上宰筆頭。造化
陽秋，昔年建邵，父老喜攀留。果是官
清如水，甘棠樹蔭雲浮。又聞道南安
德政，里詠與塗謳。今來花滿縣，潘君
愛惜，且毋綢繆。吾儂行樂也，市井嬉
遊。見說郵亭風月好景，意思試問，知
不真有箇錦堤千段，聲價滿皇州。

苔林廷玉問事

調山花子

身後身前不可猜，何妨削髮學如
來。如來那處，往天台。大庾嶺頭緣
未到，鏡臺何事拂塵埃。且向高高上

頂坐，做生涯。

贈同事五人

聞道江村昨夜雪，又見梅花白。
南枝消息報春來，雪與梅花一梯開，好
情懷。折梅對雪渾無語，梅雪真如畫，
更添月照樓臺。梅花雪月意難猜，兩
三盃。①

徐仙翰藻卷之八

①本卷有缺詞。見目錄。

徐仙翰藻卷之九

啓玄表 真君補職

伏以天門咫尺，初無折檻之忠。
師省嚴明，敢有臨軒之請。跼蹐罔措，
踴躍不寧。臣某，申謝恭惟元師天師
聖位，法授先天道尊，百世宣示盟真之
典，永爲未學之傳。伏念臣某，領職行
科，盟心執戒，豈敢私謀而獨任，必須
先奏而後行。自有典刑，當拱左右手
以聽，罔失法度。必分東、西頭之班，
無二爾心，各齊乃位。卜涓穀旦，醮謝
羅天，爲靈濟真人略表謝忱。恐同壇
法衆未遵妙訓，齊心行道，不敢爲再三
瀆之。謀罰簡有科，深恐犯千條之峻。

謝玄表 真君補職

臣誠恐誠惶，頓首頓首。恭惟元
帥大法師聖位，功參化育，道達玄微。
惟川澤之所汪洋，莫不朝宗於海。然
日月之所臨照，誰敢戴盆。望天報效，
莫能精純徒竭。罪恐丘山之積，功減
塵埃之微。幸下耳而曲從，於聲言而

無棄。伏念某，洞真未達，老耄無能，靖惟薦章，自謂得人。輒加進用於仙階，豈敢貪功而竊位。今徐某等蒙陞品秩，錫以恩庥。含齒食毛，均拜生成之德。舞手蹈足，同傾懽慶之誠，輒敢重言，深虞獲戾。

謝恩表 真君奏職

切以捍患禦災，禮既嚴於祀典。建功積善，名宜進於仙階。神雖不可度，思言固當爲之敷奏。臣誠恐誠惶，頓首頓首。恭聞軒轅皇帝，請問於廣成子，願聞至道之精。散關令尹，從事於李老君，欲究又玄之妙。茫茫乎莫之所在，蕩蕩然吾無能名於太，不終於小。不遺其敦莫樸，其廣若谷，萬物備。廣與時偕行此，爲超凡入聖之機，有得守中抱一之學。元陽玉曆，應當採擇其人，太上寶章，凝成自然之氣。世人誦之，則延壽。鬼靈聞之，以昇仙。各存宿命因緣，故不可思議功德。伏念臣心雖慕道，材弗踰人，未能明金丹出鉛入汞之方，輒敢任皂囊奏事封章之責。重念醮首某等，托神之庇，遺

我以安里，稱靈濟之祠。性稟聰明之德，義時暘，肅時雨，允符卜筮之占。勳在國，澤在民，猶記豐碑之彌絜盛，可薦黍稷非馨。每遇三元集福之晨，常素一日致齋之戒。仰荷天師之福蔭，俯膺帝命之寵榮，徽號褒崇，大名赫奕，事蔑聞于古，昔美獨備於方今。茲蓋伏遇昊天玉皇上帝玉陛下。穹窿者天，主宰者帝，均囿照臨之下，夙稱覆燾之仁。臣自慚地下蟻蝨之臣，愚而且蠢。恭睹天日龍鳳之表時，然後言，雖神之所依者，有才可以當其職，豈敢素餐而具位，必無生事以希功。揣分過多，感恩不少，猶有緜袍戀戀之意，自知履冰戰戰之虞。伏願雖離在宮，盛德之祀千百世。襁襁降福，皇極之錫我庶民。臣無任瞻天望聖，激切屏營之至，謹奉表稱謝以聞。

金闕謝受職表

臣某，伏奉三月朔日，制授臣九天金闕明道達德大仙顯靈溥濟真人，主管上清天文院，任宜行事。臣伏以望瞻金闕，伏膺帝命之新名在丹臺，躡進

仙班之列，恩光甚寵，驚懼愈隆。臣誠恐誠惶，頓首頓首。恭以高上玉清宮，逍遙快樂。外有玄真境，朗落光明。象昭日月之重暈，瑞結煙霞之五色。萬神朝禮，三界齊臨。左龍右虎之森羅，前鳳後鸞之鳴唱。此天上之所爲樂，非臣下可得而聞。滅度轉輪千機會，悟自合脩齋行道，庶幾證聖成真。伏念神怪茫茫，塵居汨汨，牲牲以祭，徒知肉食之謀。黍稷非馨，甘受素餐之列，惟有依草附木。初無顯迹之功，誤蒙不次之恩，遽屬無靈之鬼。紫微宣詔，帝座臨軒。光近七星，所照凡九千里。位同列宿，其數百十八名，掌司祿於三台，佐文昌於六府。德聚，則賢人慶會。斗覆，則年穀豐登。老人現南極之中天，下協泰階之象，皆帝之力，於臣何功。茲蓋伏遇昊天玉皇上帝玉陛下。大德曰生，蓋高在上，雖是無聲無臭，實則有象有形。鼓節麾幢，曾發度人之願。執符御曆，獨開體道之元。丹書泄溫洽之精英，綠字薦榮河之祥瑞。雷霆發號，雲漢爲章。赫

然有臨下之威，付我以右文之選。臣某，劍履上殿，喜君子之得，興袞黼來朝。效諸侯之薦璧，蒙恩不淺，蒞事惟勤。臣無任瞻天望聖，激切屏營之至，謹奉表稱謝以聞。

玉闕謝受職表

臣某，伏奉三月朔日，制臣九天玉闕宣化扶教上仙昭靈博濟真人，主管下元地府諸院，便宜行事。臣伏以玉闕森嚴，伏拜天墀之近，金書褒獎，特榮地府之除，祇受寵私，不遑啓處，恭列寓步，億萬千里。合四海以同風，周天二十八星，配九州之分壘，三千世界一切衆生，屬星辰日月之所照臨，無林木山川之有高下，均是人也，真爲樂哉。願開紫陽雲錦之囊，得度玉室丹臺之內。雖太上不輕授受，幸賤臣所可參聞，夙夜祇塵，精神對越。伏念臣非鬼爲謫，依人而行念，欲盡齋戒事帝之心，終未免饕餮不材之誚。石田無用，塵俗未離，誤蒙制誥詔冊之榮，特任社稷人民之寄。勸善懲惡，罰過賞功，有德者名紀南宮，有罪者魂拘北

府。掌三島名山之仙籍，領五嶽四瀆之真司。欽奉載嚴，兢凌罔措。鼯鼠自當量力，巨鰲不足負恩。茲蓋伏遇昊天玉皇上帝玉陛下。萬象流形，寵御極逆。陰慘陽舒之化擅，春生秋殺之權。帝駕翩翻，衆星拱衛。玄都渺渺，七寶莊嚴。瑞開碧落之空歌，仰贊玉皇之眷號。累蒙休命，遂越等夷。自憾何功過，膺抽擢澡身潔，已致蘋蘩蘊藻之誠。卜稼祈年，有黍稷稻粱之慶。下符民願，上答天心。臣無任感恩荷聖，激切屏凌之至，謹奉表稱謝以聞，作禮謹言。

上天師表

伏似德隱南閩，久席雲天之庇。望恩北闕，再瞻日月之光。冊命寵臨，汗顏自訟。臣誠恐誠惶，頓首頓首。臣聞祠山曾現形於河瀆，薦膺大帝之封梓，謹嘗降筆於岷峨，侈拜元皇之賀。英烈以孝誠得道，慈濟以樵冶成功，若非發願以度人，何以超凡而入聖，蓋有之矣，豈偶然哉。顧我所行，惟道爲大。况自太極之既判，有民人

焉，有社稷焉。迨至五劫之云終，孰主張，是孰綱維。是茲蓋伏遇正一冲應神化靜應顯佑真君，心能靜應道達，冲玄神而化之，則嘿嘿無爲；顯而佑之，則洋洋如在。以輔國安民爲念，以垂科立教爲心，紫字金名，標記藥珠之籍。琅函玉檢，譯書鳳篆之文。道法先天，學傳後世。百靈是衛，萬物所宗。太玄十五，天下臨於鬼谷。陽平第一治，上應於角星。靈著古今，事留史傳，非臣下可得思議，此師道所以獨尊。伏念臣某，依人而行，惟神是守。腐草同類，朽木無文。碑銘重辱於柳侯，名謚僅存於晉史。藥石不辨，那知馬淳、牛溲；爐鼎未全，安識龍鈿、虎汞。雖有救物之志，初無經世之材。卜學君平習吉者，姑告之以忠、孝、仁、義，訓遵尼父。尚譏者以戒之，怪力亂神，以此自謀。莫知所效，常謂妄作之罪，無地可逃。豈意不次之恩自天而墜，榮加官秩，躡進仙班，受此以爲泰乎，得之誠若驚耳。泛大鯨之海，魄逝魂搖；戴巨鰲之山，德隆恩重。蒞職

而後，慎事如初。載揚懺戒之科，自知狂悖，不識經文之旨，尚冀開明，是皆出自師傅，豈敢以爲己力。欽崇聖化，宣布仁風。上祝聖壽，效嵩嶽之三呼。下使吾民膺箕疇之，五福符籙之傳也久，惟願孫生子，子生孫。椒蘭之禮不恭，獨有道即心，心即道。雖犬馬猶知戀主，豈螻蟻不能致情。臣下情無任望恩，惶悚之至。謹令臣某，錄表陳謝以聞。

謝天師表真君奏職

臣聞道疆，名曰大，自虛靜恬淡，而至於無爲。神得一以靈，知進退存亡，而不失其正。發而皆中，誰使之然，毋乃夙幸之因緣，可以乘機而會悟。臣申謝：切見九天靈濟真人，人惟正直，神則聰明。非徒爲封土立社之謀，蓋嘗發代天行化之誓。脩齋執戒，素堅金石之心。救物度人，尤甚參苓之效。功烈如彼其盛，文章可得而聞果。承天寵之榮，獲進仙班之上錄，迺參於大洞簡，宜稱於文憑，誰敢謂今受之是，前受之非。喜有得一命而僂，

再命而僂。訓辭播告，瞻西去而莫違。父老驚嗟，謂南中之罕見。謹當昭謝，豈曰具文。臣領詞意之勤，拳望師尊而拜跪。伏念臣某，忝居末學，濫宰玄科。老而無能，深愧扶杖，作龍鐘之狀。審而後奏，尚虞投匭，非切至之辭。仰賴仁慈，俯垂恩寵。茲蓋伏遇三天扶教大法師几前，廣宣大化，普度群倫，爲萬世之宗師，作衆生之父母。分別人鬼，黜陟幽明。既取諸公論以得人，必不敢素餐而具位，蓋官占惟先，蔽志龜筮。從卿士，從庶民，從非私昵，必惟其能左右。可大夫，可國人，可罪上干於黃鉞。言輕甚於鴻毛，臣謹具。

上田焦尾表

上言臣所部鄉民，老於農者陳某等連名狀稱：終歲勤勞，民食所仰。豈謂田禾，茂上蝨賊，內外心實憂惶。禮當禳謝，不堪恣怨，敢弗奏聞。臣誠惶誠懼，頓首頓首。臣聞去歲冬間，南雪到地。今年春首，好雨知時。此爲隴臾田父之所歎呀，皆曰：豐年美瑞，

其有證應。東作之民，亦既勞止。南畝之苗，勃然而興。尚冀秋成，乃祈穀實。胡爲焦尾蠹心之禍，誰無救焚拯溺之憂。若不告於上天，猶恐甚於今日。或者臣之守此土也，全無陰功，是致斯民之失所職歟。莫能自責，跼蹐知懼，懺謝未遑。恭惟昊天玉皇上帝玉陛下，念及黎元，甚於赤子。苟一穀不升，則謂之歉然。一夫不獲，曰予之辜。實可哀憐，無所告訴。徒作嗷嗷之狀，莫知善善之因。伏念臣地下之蟻蝨不如爲言也，僭田中之螟螣未去，謂爲何求。靖惟帝怒可回，天心可格。秉蠹投火，先爲去害之謀。履霜堅冰，略識防微之意。伏願消災肆赦，推恩及人，使愁歎而爲謳歌，化妖殄而作祥瑞。實堅、實好、實穎、實粟，有大田多稼之可期。或春、或揄、或簸、或蹂，俾吾民一飯而受賜。臣無任望恩瞻闕，懇切彷徨之至。除已將蝨賊焚瘞外，謹令盟威。臣呂某，錄表陳乞以聞。臣誠恐誠惶，頓首頓首。

賀聖父瑞旦表

正月初二日代鄉人賀

恭以父者，子之所天，其尊可敬，其嚴可畏。王之神也，如水無時不在，無往不通，千載揚靈，一誠歸美。恭惟聖父齊王忠武真人殿下，以忠報國，用武立功。擇戶授封，常拜碧圭之寵。御王策命，曾開金匱之書。威震淮江，福臨衛郡。昨日獻椒花之頌，紫氣盈庭。今朝獲蓬矢之祥，赤光照室，伏念某等，叨居馬足，欠沐鴻恩。瞻北闕以投情，指南山而祝壽。更冀一堂燕笑，人人存親睦之心。四境升平，在在享神麻之庇。奉表稱賀以聞。

又

正月始和，吉允符於翌旦。九天稱慶，喜共讚於生神。瑞氣雲浮，歡聲雷動。臣某誠懼誠忭，頓首頓首申賀，恭惟聖父齊王忠武真人殿下，好是正直，運乃武文。昔聞江左之名，今闡閩中之跡，四方冠冕。開日月之重華，千載香燈，等乾坤而不老。稽首拜陳於召虎，奉觴敬舉於倪寬。爰習野儀，用伸鄉飲。有尊有卑，有長有幼，莫敢相

踰。欲壽欲富，欲逸欲安，各符所禱。謹具表申賀以聞。臣某誠忭誠忭，頓首頓首。下情無任極切勤拳，勤拳謹言。

南宮表

代男子祈安作

臣聞大道無爲，孰究玄玄之衆妙。生身受度，庶期劫劫以長存。非凡夫可得而聞，惟善人常與之福。切見某，持身儉讓，處性直溫。偶磨礪之不辰，致寶沈之作孽。遂伸懇切，果獲安痊。自惟耳順之年，適逢初度，深謂頭童之狀，不及前時。雖老耄以無能，幸明真之有格。經開玉局，無非解厄之文。教演黍珠，盡是度人之典。如是功德，可作津梁。伏念臣濫忝道流，僭行科事。何補元工之萬一，敢陳愚瀆之再三。恭惟南宮上帝聖位，仁廣大慈，功凝不辜。分治九陽之妙，梵結成三洞之靈。文橐籥群生胚胎衆類，既付之形與貌，必保其命，愛其神，使靈根灌溉，枝暢而葉繁；使玄液結凝，源深而流遠。無喜怒哀樂以亂吾性，無是非利害以惑我心。飛度上玄，斷除邪障。刻名丹簡，錄字青篇。上推太乙之恩，

下慰斯民之望。伏願髮可轉白而爲黑，外傳不老之方；氣乃回紫而抱黃，內得長生之訣。更冀闔門昌泰，後裔興隆。

又代女人預修作

伏以《黃庭》一經，出於扶桑宮，願聽魏夫人之演說。靈書三卷，降於承華殿，喜得西王母之親傳。可以益筭延年，用以垂科立教。伏念臣年踰耳順，學未足稱，不明離坎於自身，安識乾坤之大化。叨依真蔭，隱宰玄科，重念預修女弟子某，以五漏身，居凡塵世，徒作嘻嘻之笑，幾成善善之墟。功容言德，四教無全。喜怒哀樂，六情有累。歲逢己亥，適當七夕之初。事錄庚申，猶恐三尸之譖。恭對上天而代奏，截從今日以自新。預作福因，尚祈陰相。恭惟南昌朱陵上帝、南極長生大帝、好生韓君丈人，化生八景，道貫三靈，說經十過以度人，分治九陽而成氣，巍巍大範，寂寂無宗。伏乞三界齊臨，錄爾功，削爾過，衆真濫度，保其命，貴其形，使制劫以長存。敢乘機而悟

會，望恩北闕，紀籍南宮，受持黃籙白簡之文侈，有紫字金名之刻。降年有永，八千之歲，爲春爲秋。惠我無疆，百世而昌，又孫又子。上體太上好生之德，下鑒臣下致請之情。

謝師表 薦亡功德完滿

聞喜得西昇，經於李老君，依科盟受黃帝問陰符，說於廣成子，信受奉行。若非宿命因緣，安有合仙骨像。臣誠恐誠惶，頓首頓首。伏念臣犬馬之年，已踰八十，今雖老矣，尚堪一行。龍鳳之章，學近二三。自謂愚者，必得千慮。領職而後，衛道以嚴。何以律人，先當責己。論材必試，有功者賞，有罪者誅，使人以心庸德之行，庸言之謹。恭惟正一靜應顯佑真君，法傳正一，道達玄微，爲萬世之君師，作群生之父母。垂科立教，都天大法師，指迷濟度之方，救苦拔亡，發願慈悲之念。切慮所荐之靈，浮生汨汨，豈無故爲誤作之愆。長夜冥冥，莫識出有入無之妙。特憑功德，用作津梁。伏願大道開明，地絕妖氛。天無浮翳，魂神澄

正。煙塞死戶，雲開生門。冀及幽陰，俱蒙玄澤。

煉度表

伏以始青天中，宣演《度人經》之法。上皇劫後，盟受生神之章。大運將期，靈文始出。臣誠恐誠恐，伏念臣心猶役物，體未洞真，莫聞熊經龜息之方，深愧鶴髮龍鍾之狀，領詞虔切，勉力奉行。切慮所薦亡靈，汨沒塵浮，牽纏情累，故爲誤作，豈無心口意之非。返本還原，莫識精氣神之妙。自取死壞，孰是生方。恭惟九天生神大帝，道貫三靈，化流二景。在東，則有大慈大悲之號。於南昌，則分受度、受煉之司。陰爲魄，陽爲魂，必陰陽爲之淘鑄。火屬心，水屬腎，非水火何以生成。伏乞大造包容，真光洞照，腥膻了然而無滯，枯朽聞之以發煙。骨肉同飛，形神俱足，內想不入，外想不入，永除煩惱之源。箕氣既立，順氣既生，別有空洞之體。冀諸苦爽，均沐洪恩。

又

度人經典，誦之十過，枯骨更生。

生神品目，別以九章，幽魂開度。太上得之，以垂科立教。後學因之，救苦拔亡。恭惟聖位，七紀齊并，三靈共貫，上體乾坤之造化，陰用偶而陽用奇，內明離坎之工夫。水就濕而火就燥，津梁衆苦，日月群迷，誓願逾深，功德無量。伏念臣年來老耄，學甚荒疏；虎汞龍鉛，莫究九轉九成之訣。熊經龜息，未知一呼一吸之方。向領投詞，備充負數。重見孝情之虔切，勉爲科事以主行。重念所荐亡魂，昨得生身，今歸死錄，下招魂魄，久爲泉曲之遊。叩問髑髏，近得首丘之樂。不經陶鈺，何以超昇。伏乞三界齊臨衆真降，度俾死魂而受煉，使仙化以成人。妙合而疑，獲遂消貌，播形之類。劫數之週，復歸其一。須憑乘元，逢梵之功。

又

碧落浮黎，演十回度人之法。元陽玉曆，出九炁生神之章。自從經教之流傳，迨及宗師而授受。伏念臣恭居後學，繼宰玄科，不明離坎於自身，未識乾坤之造化，領詞虔切，勉力奉

行。切慮亡魂，死後生前故爲誤作。或者背疽之不救，以爲陰譴之有由。魄何所之，孰爲護魂而持魄。形非其有，誰能蕩質而鍊形。不仗薰修，何由超度。恭惟聖位，虛極無象，變化自然。洞觀八景之開明，默契七玄而披敬。幽冥得度，擔願逾深。伏乞呼以陰，召以陽，使死魂而受鍊。散以風，潤以雨，俾枯骨以更生。

又

太上垂科，自有度人之典。臣僚散職，初非進表之才。跼蹐奚云，驚惶罔措。某申謝，恭惟聖位，行天之紀，象帝之光。徒謂其杳杳冥冥，豈知其生生化化。稟氣者，悉回於囊籥。付貌者，皆出於陶鈞。吹朽噓枯，默契陰陽之妙。上炎下潤，仰參水火之功。無形，能播於有形。真宰，自同於不宰。光明偉績，濟度無邊。伏念齋主哀婦某人，疾首痛心，含冤引淚，深嗟其女之殤。未尚八日，復憚其夫之喪，永訣終天。此恨此情，莫伸莫懇。諒惟文王之澤，可及於枯骨。深愧煉師

之學，未卜於靈丹玄科。乃依按於淨明，真魄可庶幾而超度。乾道成男，坤道成女，原其始，友其終。月耀爲魄，日耀爲魂，注爾生，削爾死。

贖罪表

爵不瀆，刑不試。人皆慕爵，何以畏刑。功惟重，罪惟輕。孰爲考功而贖罪，是皆自鞠自。若夫豈不識不知，苟非太上好生，終使爾民遏絕。於是開紫陽之雲錦，懸黍米之寶珠，與之以謝過首愆，爲之以拔亡救苦，合符發赦，使三官九署，明檢鬼營說。法聞經使億，曾萬祖飛昇。金闕憑茲功，德作是津梁。伏念臣齒豁頭童，可厭龍鐘之狀。位卑職小，深虞駑蹇之材。領職主行，以言敷奏。夜動之鼠，祇有畏人，大僂之以慚不敬。隕越無地，僥倖自天。敬蠲臣下忠懇之私，爲見人子孝情之重，今日奉爲孝女某，痛念亡考某，自經一死，竟覺三週，累欲追脩，莫符願望。切見亡靈，背疽不救，終爲二豎之所迷。心術毋欺，何迺三彭之是潛向者。淳言胥動，謂之陰隲有虧，竟

墮冥途，莫知解悟。無奈人鬼之阻間隔，初非耳目之所聞知。在於縲紲之中，公治長非其罪也。受以董公足辱司馬遷，豈無悔哉。重念臣忝厠陽官，莫知陰憲。爲人湔洗，顧已憂惶。聲觸雷霆，有似能鳴之鴈。望窮江海，豈無漏網之魚。蓋呂命嘗審於五罰五刑，而周官亦有此三宥三赦。無以效木蘭之孝，輒敢上緹縈之書。普普如燈焰之蛾，生何所托。纍纍若喪家之狗，情實可憐。恭惟聖位，發誓慈悲，尋聲赴感，號獨尊於太乙。光普照於三千東極，妙嚴宮曾現紫金之相。太玄無邊際，嘗聞大洞之經。願作衆生緣，能救一切苦。伏乞疾除罪簿，遷神於北府之中。選叙仙僚，飛寫於南宮之上。

徐仙翰藻卷之九

徐仙翰藻卷之十

祈安詞四道

伏以仲春二月，厥民祈度彙咸新，昊天上帝不我遺，一心可格，情同衆懇，聽徹九重。伏念某等螻蟻偷生，蛭蝨知感。林林搵搵，雖托居覆載之間。擾擾忽忽，未免有是非之累。反之於心，知過者鮮。稽之於事，作孽者多。常懷恐懼之私，敢賴熏修之力。伏願上下神祇鑒厥德，左之右之。士農工賈樂其生，庶矣富矣。

又

伏以小民無知，常有微福假靈之請。上帝臨汝，必無賞功罰禍之私。苟不我欺，所助者順。伏念□等依山築室，鑿隴爲田。鳥星畢見於仲春，始勤東作。犬吠相聞於四境，願見太平。自知食力之艱難，敢弗罄誠而醮謝。雖坐井之蛙，難語以大，然戀釜之蟻，可憐其生。伏願或籽或耘，自今以始歲其有。曰安曰富，凡情所欲天必從。

更冀牛畜之生成，實荷鴻恩而覆育。

又

伏以民情可見，視聽近而自民。帝命不違，齋沐可以祀帝。拳拳有請，赫赫如臨。伏念□等釜蟻貪饕，井蛙寡陋。托生中土，未能人事以稱心。適逢上元，尚冀天官而賜福。特憑羽士，宣演真科。上干斧鉞之嚴，下及葛藟之聽。維今時尚不知昔，幸汚俗可與惟新。伏願申之伯，甫之侯，後有興者。彭之壽，陶之富，諒必從之。凡諸動履之間，實荷生成之德。

又年六十遇生日建

伏以道常與善，須明善善之因。情所欲安，已遂安安之願。敬憑羽士，騰進墨詞。伏念某言無足稱，年方耳順。昨有采薪之疾，今蒙勿藥之功。况當十月之交，恰逢初度。實荷維天之命，敢負前盟。冀晚節而康莊，罄誠心而昭謝。功德可稱量也，少儀寅畏之恭。祖考既安樂之，不昧追修之敬。仰祈輔佑，俯賜證明。

謝恩詞 女人預修

伏以禮煩則亂，惟至誠可以感神。天誘其衷，曰積善必有餘慶。仰干穹聽，俯露柔情。伏念妾某，四德不全，多言何益。字未明於三豕，適當逾六望七之年。聲可謂於一蠅，誠恐自再至於三之瀆。脫簪待罪，斂衽陳詞，懺除已往之愆，修作方來之福。更冀億曾受度，名隸韓君之司。三壽作朋，願得魯侯之頌。

預修詞 婦人建黃籙誥簡

伏以性有進善進惡，婦之愚可以與知。情所欲壽欲安，天之祐吉無不利。俯慙長吉，仰瀆威顏。伏念妻某，慾界牽纏，塵凡汨沒。色聲五漏，豈無獲戾之由。髦髮半斑，幸遇始生之歲。兢惶罔措，懺謝未能。敬涓二月初吉之辰，祇奉三界盟真之典，預修福果，冀沐恩庥。薦及主君，少篤抱衾之愛。光延老景，更祈戲綵之娛。

賽醮詞

伏以歲逢初度，適當六十之期。情難上通，未免再三之瀆。禮不可闕，

時然後言。伏念某老耄無能，昏迷未悟。適有馬牛之賤疾，實切呼天。今如螻蟻之偷生，豈勝感地。雖善念既形諸口，幸明神爲鑒此心。俯伸昭謝之私，仰瀆高明之聽。功德滿就，榮書金錄白簡之名。富壽康寧，用錫洪範箕疇之福。更祈後代，有光前人。

又爲父賽許保安祖母

伏以知恩必知報，皇天后土，實聞期言。事死如事生，孝子順孫，當竭其力。特憑清醮，僭瀆真旂。伏念某四歲而孤，三遷有教。昔因祖母，得膏盲難療之疾；惟我先君，深焚溺莫救之憂。雖屢禱于神祇，何返罹於禍變，不幸短命死矣，則已垂涕道之，有願未償，莫知所以。幸數年而使我不之覺，平吾心而勿累于其初。逝者如斯，早諧韓君好生之業。終焉有養，願歌魯侯壽母之詩。

又爲妻

伏以病則呼天，誠有不得已者。夢兮爲厲，亦求其所以然。俯瀝丹忱，仰干蒼聽。伏念某，命纏中斗，事作參

商。慨門戶之艱難，何人口之坎呵。獸不失麗，豈無俗往之情。膠可續絃，未免從新之好。雖有粉黛畫眉之醜，胡爲兮箭射胸之妖。或者綿蘆之憎愛不同，是致藥石之攻理少效。遂許以太靈濟真人，宣演九真之懺。願得此太乙天尊，廣發大慈之心。用釋冤愆，以度苦厄。嗟爾前室，早成忝尾之因。保我後人，永奉採繫之職。

又

伏以天明畏明，威於視聽，豈無耳目。事有非有，是毋盟詛，要之鬼神。豈其然乎，可謂愚也。伏念某，嘻嘻失節，蠢蠢何知。寇禦重關，聲不可聞於吠犬。婦言長舌，誠可誚於牝雞。醮所當還，理宜自責。或者患生所忽，莫謂不平則鳴。福善禍淫，甚如影響之速。解冤釋結，幸存懺悔之科。

又

伏以天不可欺，高其目而下其耳。人有所忿，發諸心而形諸言。豈得已哉，求其故也。伏念某爲人者，以時思之，念我先君，素得守株之拙。豈期陰

賊，反罹下石之憂。愬于上帝，以決是非，果然官司，幸然明白。自慚褻瀆，敢負誓盟。愧惟弊止之卑污，敬就清堂而醮謝。勉強之情，未償萬一。因循而後，又恐二三。過可自新，有如日月既食之復；明將何益，庶無春秋直筆之譏。

建玄都壇詞

伏以壬戌之秋七月既望，恭迎地官，校錄之辰。天之命，下民有嚴。先盡人事齋明之敬，具陳芳蓆，少寓菲誠。伏念某等血氣，均生髮膚，遺體果能犬馬之養，敢忘烏鵲之情。逝者如斯，訛作招魂之些。過而能解，常聞反掌之間。恭按玄科，肅延羽士，修諸功德，作此因緣。伏願三官北酆，明檢鬼營，疾除罪簿。億曾萬祖，飛昇金闕，各有生門。普及沉迷，俱登快樂。

禳災詞

伏以和氣祥，乖氣異，天難測而靡常。福道長，陰道消，日可期於來復。俯輸卑陋，仰瀆高明。伏念某等幸獲安全，莫能守助。雖衆命有禳災之請，

在小人知耻過之非。莫我敢葵，徒有淵水之恐。云如何里，少涓沼沚之恭。爰集道流，具嚴法事。念民情之易見，幸帝怒之可回。伏乞化沴爲和，罔有祀寒之恐。俾壽而富，尚祈降福之多。

保福詞

伏以天道不言而善，應嘗輸懇禱之誠。人心所欲，則必從果獲感通之意。銘心知愧，仰德殊深。伏念某，惟神是依，無功可述，重獲天恩之侈，荐膺師寵之榮。昨托陳道興爲龍虎之行，果蒙巨庇。今與郭泳翁效□蛩之報，不食前言。雖是民望之所歸，敢謂帝力而何有。更冀錫以圭瓚，上而待詔於紫微，饗以粢盛，下可妥靈於清廟。

建普度詞

伏以天尊說教，指明濟度之方。人子思親，首嚴孝敬之道。俯陳丹懇，仰瀆蒼穹。伏念某，托在塵。凡幸逢末劫，念我生我，鞠尤深覆之恩。然若存若亡，可恨幽明之隔，特憑羽士，爰舉真科。今則宿啓於玄壇，欲以上通

於帝闕，少憐懇切，大作證明。吉慶難言，十方數衆之來監度生死，蒙惠千九百人之共傾心，遍及冥塗，俱登道岸。

又

伏以天聽無私，少鑒愚衷之萬一。禮煩則亂，深虞重瀆之再三，毋迺自獲戾乎，誠有不容己者。伏念某，虻蚊處性，螻蟻偷生。各具人心，豈無善念。適遇中元節，預先八日以修齋，願結衆生緣。爰舉九朝之普度，仰蒙聖力，俯賜恩光。敢輸昭謝之私，式見始終之敬。更冀五臟清涼，六府調泰。老反壯，少皆強。三界侍衛，五帝司迎。魄昇遷，魂開度。

又

伏以謂天蓋高，實不離於方寸。惟人慎始，猶當戒於亡齋。按黃籙以行科，遡紫情而啓聖。深仗洪蒙之造，大開濟度之方。燭陰暗於幽都下，辭長夜、睹光明於暘谷，人各回春。

第二朝詞

伏以道本難名，即此天之謂道。齋可致，敬涓次日以修齋。傾心罄葵

藿之誠降，氣感薰蒿之慘。願垂濟度，普利幽明。逝者如斯，魂歸天，魄歸地。生焉有養，福如海，壽如山。

第三朝詞

伏以事死事生，兩盡尊親之孝。謹終謹始，一尊謹戒之嚴。恩仰荷於九天，禮特修於三日。迄備九朝之道，願開八景之明，生身長存。早刻石室丹臺之字，死魂受煉有憑。金籙白簡之功，遍及幽明，俱蒙薦拔。

建朝拜詞

伏以天聽不遠，常懷方寸之私。人事有終，未免再三之瀆，驚惶罔措，愚昧無知。伏念某幸得人身，常蒙帝眷，洋乎在左，洋乎在右。知所事死，知所事生。特賴薰修，用成朝拜。伏愿東長樂界、西那王國，俱放光明。北泉曲府、南昌上宮，兩全濟度。凡諸情識，俱獲超昇。

散朝拜詞

伏以天道難名，其有聰明。自我人倫攸叙，必以孝敬爲先。俯竭哀衷，仰干蒼聽。伏念某托居中土，均其私

懷。一蠲齋戒之誠，兩盡尊親之道，念生而有養，莫全溫清之儀。嗟逝者如斯，未免幽明之隔。特憑朝拜之功德，用作出世之津梁。帝聽冒聞，紀爾功，削爾罪，民情可見。推其亡，因其存，爰及幽關，俱登道岸。

又

伏以上帝臨汝，毋貳爾心，如在左右。烝民秉彝，好是懿德，莫不尊親。俯瀝丹忱，仰干穹聽。

伏念某等均爲人子，常竭心思念：逝者有如斯乎，而生者未能養也。一步一拜，共瞻泰岳以投誠。三沐三薰，仰賴尊師而奏告。頓使幽明之境，俱蒙濟度之功。人道貴華，少者強，老者壯。死魂受煉，形以立，神以存。遍及冥塗，俱登法果。

女薦父詞

伏以冥冥夜府，深嗟九獄之沉淪。嶢嶢昕庭，後睹五明之朗落。俯據衷悃，仰瀆員清。伏念妾父，死肉未寒，余音猶響，維人子盡事親之道，何日敢忘。幸天尊發救苦之心，尋聲降感。

須仗熏修之力，特伸昭謝之私。伏願五十三年之浮障多艱，悉從蠲，拔百千萬氣於太空無象。願得生成，遍及有情，同登大道。

又

伏以道也難言，千萬億劫，莫名其妙。父兮焉往，五十三年，過隙之駒。靖而思之，誰能已者。伏念妾父遭逢沒世，汨沒浮塵。雖衣食粗，足以舒眉，柰疾病遽嬰於發背。天高地迴，誰爲續魄以招魂；月冷霜寒，誰不傷心而潸淚。憑茲功德，作是津梁。既荷超昇，敢忘昭謝。伏願三官鼓筆，疾除罪簿，落滅惡根。五帝司迎遊玉京，飛昇金闕。

又

伏以父恩未報，輒憑薦拔之功，帝怒可回。願發慈悲之念，既蒙垂憫，誰敢忘原。伏念妾罪積厥躬，禍延所怙，雖有私情而莫愬，尚祈法相以受持。濯質煉形，已拜朱陵之表，披肝瀝膽，載陳翠剡之詞。覬望逾深，兢惶罔措。伏願耳也，聲也，目也，色也，想知解悟。

之機；手之，舞之，足之，蹈之，獲遂逍遙之樂。冀諸幽苦，用此超昇。

又

伏以女子有行，嘗致歸安之請。昊天罔極，曷勝何怙之憂。俯瀝愚衷，仰干威咫尺。伏念妾父語言若魯，文學稍通。揆諸人事以無虧，胡爲造化之見棄。六年居廢，四體如囚，致令二豎之夢於膏肓，或者三彭之禍，生於昏睡。疾之革矣，誰知反席之謀。哭於斯乎，略盡蓋高之責。痛而含恨，直以陳情。幸延康劫後，科教流傳，使閻羅殿下，冤仇釋縛。或憑妙力，用薦生方。伏願相好莊嚴，自緣宿命。拔除衆罪，跛痾積速。即得反形，遊行太虛。遍及幽明，俱蒙解脫。

又

伏以上帝不蠲，盍致小心之敬。無父何怙，莫堪季女之憂。俯瀝卑忱，仰干高聽。伏念妾父潰疽不救，死肉未寒，或者現於光中，謂有戚戚之容，誰能棄之度外，能無切切之懇。治長非罪，幸公論之難。逝曾參殺人，柰猜

疑之莫釋。罹憂三載，含恨九泉，若非盡敬以事，天孰謂沉冤之可雪。伏乞赦多生之業，不得拘留迫合鬼群。釋累世之仇，從茲解悟，皆資道力。

又

伏以父嗟彼怙，可堪忍死之憂。女嫁比鄰，不克歸安之願。俯輸丹悃，仰瀆蒼穹。伏念妾父蒞事惟勤，持家以儉。田疇稍闢，廣推吾祖之心。門戶多難，略償諸子之債。知恩莫報，我心孔懷。尚祈晚福，可保頭顱。宜謂半生，祇如泡影。兩旬卧病，癰未潰而膽已亡。四七屆期，魂可招而神不昧。欲拜朱陵而度命，須憑羽士以陳詞。幸沐洪床，永蠲宿業，出離泉曲，會知解悟之機。既有天堂，宜在逍遙之境。

又

伏以五內分崩，忍割先君之愛。百身莫報，不堪少女之憂。俯瀝卑忱，仰干高聽。伏念妾父，婚嫁雖了，勤苦如斯。擔未弛於息肩，疾遽嬰於發背。露晞星殞，傷心一夢之蘊蘊。日居月諸，轉眼六旬之冉冉。欲歌宋玉招魂

之些，敢上緹縈贖罪之書。伏願黑簿除名，早親承於金籙白簡。朱陵拜表，宜受度於火沼水池。遍及沉淪，俱登快樂。

建血盆疏 女薦母

伏以羽州八萬四千旬，茫茫無岸。血盆凡五十三佛，願願度人。苟能作是因緣，不可思議功德。伏念妾生為女子，嘗奉母儀。徒懷烏鵲之情，莫效鉅邛之報。四十有九年，音容何在。一百六日，歲月如流，豈不我思。須憑佛力，喚醒槐庭之夢。頓悟前因，好赴蒲盞之筵。用成後果，恭迎三界。遍及十方，照破十八重獄，獄獄皆開。不經百萬億劫，劫劫得度。使真身清淨，何須蘭水以濯纓。使法眼開明，何用金篦而刮膜。自今以始，咸與維新。即拜生成，永無苦惱。閻羅殿下，果蒙地藏菩薩之推恩。兜率宮中，拱聽摩耶夫人之說法。

薦夫及女詞

伏以太上好生，何生也不得其壽。自古有死，此死也，誰憫其魂。扣地莫

聞，呼天致請。伏念妾早知薄命，終不適人。念女兒乳臭之口無知，而夫子髮結之恩未久，胡為一疾之莫救，纔經八日，以淪亡，未如之何，徒有終身之恨。魂兮焉往，永為長夜之歸。謹當瀝血以投誠，尚冀察情而贖罪。想功德至重，傳符以金籙白簡之文。諒父子同昇，刻字於玉室丹臺之上。冀諸善趣，均此恩庥。

薦夫與子詞

伏以地迴天長，莫訴冤民之苦。霜寒月冷，誰知嫠婦之悲。未免多言，深虞再瀆。伏念妾生於累劫，遭此兩喪。門楣之喜，竟落虛花藁砧之望。空懷破鏡。既曰修短之數，吾末如之何。未知善惡之由，使我至此極。雖人鬼相為間隔，幸功德可以超昇。少伸愛子之情，式表惜鄉之意。音容如在，徒為想像於空宇之庭，魂魄何之。更冀度命於朱陵之府，應有幽陰之異類，同歸縹渺之大乘。

子薦父詞

伏以臨下有赫，昊天上帝不我遺。

事死如生，孝子順孫願自竭。深慚丹瀆，是謂足恭。伏念某幸處人倫，粗承世業。飲泉知脉，盍伸報本之誠。觸景傷情，式表追思之念。雖先人之骨殖安於窀穸，皆神物之指示。獲此機緣，既荷超昇，敢忘昭謝。魄不顧返，遊神於昏昏嘿嘿之鄉。德難可稱錫，我以簡簡穰穰之福，仰憑大道，俯及冥塗。

薦親詞

伏以彼蒼者天如何，贖敢竭以忠孩提之童愛其親，誰無此孝。自慚再瀆，已具初詞。伏念某等遠慮深思，常懷事死生之難盡。待人處己，初無有孝有德之可稱。乃朝岳帝，至于泰山，願與衆生，同皈大道。伏願男女莫不傾心，皆護度，咸得長生。鬼神聞此隱語，以昇遷，不經苦惱。

薦父祖詞

伏以天地恩深，實拜覆載生成之德。霜露氣肅，誰無焄蒿悽愴之情。俯瀝丹忱，拜于蒼聽。伏念某塵凡自累，血氣有知。眷念乃父祖母之勤勞，

聿懷若考叔氏之訓誨。生事死葬，可謂之孝，盍竭其誠。夙興夜寐，無忝所生。將何以報，乃於去冬臘月，許以黃籙大齋，用伸賽設之儀，式表追修之敬。伏願黃華蕩形，玉眸煉質，真科依按於淨明。南宮飛鳥，北府遷神，符命竟通於□。

薦祖詞

伏以人倫攸叙，益蠲孝敬之心。天道有常，實荷生成之德。具嚴法席，俯屈真旂。伏念某等塵役世間，生為人後。祖功宗德，保我子孫亦有利哉。心正意誠，質諸鬼神而無疑矣。少致陳情之請，略伸特醮之儀。自慚瀆告之再三，尚覬以私之萬一。伏願九幽開度，持黃籙之文。八景洞明，獲拜紫金之相。更祈福垂後裔，惠及見存。

真人謝過詞

臣聞人爲物之靈，知其過必改其過。神無跡可議，謂之非。何爲之非，惟是依人而行，莫免非鬼之謫。重念臣九天金闕聖位，自開運以來，祠尊血食。迨開熙而後，廟顯勅封。雖有依

草附木之靈，未知登聖登真之妙。於是修齋執戒，積善建功，躡進仙班。濫除陰職，署事惟謹，慙德何如。尚慮以藥石救人，莫辨烏、附、木、苓之性。以文章勸世，莫知魯、愚、亥、承之訛。或龜筮，不克以告。猶或鴻鴈，未能而安集。或祈晴而反雨，稼禍爲夏暑之咨。或禱雨而反晴，貽咎作風伯之訟。或曰善惡之有報，何善不能善，惡不能惡，如郭公墟。或謂禍福而動人，何福而不福，禍而不禍，如塞翁馬。或有夭枉而非命者，惑巫言而生謗。或有貧難而不立者，咎鬼渝而無能。或時祭微惠之徒，莫革其葷腥。或鄉飲假厨於此，有觸其齋戒。使魑魅魍魎之讚乘其夤，使饕餮檮杌之罪無所逃。誠切憂惶，不勝戰慄。幸太上發慈悲之誓，而大道有懺悔之科，恭對聖前，首陳自責。伏乞鼎新革故，肆赦眚災。贖其狂聲之往愆，責其驅驅之來效，以鎮靜。爲政不敢生事，而希功以勤苦。律身不敢素餐而具位。濟生度死，輔正除邪，勉力奉行，盡忠以報。更冀身

入寶珠之內，行必滿於三千。德非黍稷之馨，祀可延於百世。臣下情不勝勤拳極切之至。

謝加封真人詞

伏以巍巍大道之宗，一心歸仰。渺渺大羅之上，三界齊臨。何帝命之眷顧也深，亦神物之聰明不爽。伏念臣歡聲動地，感德自天。爵各有差，已知一十六字之踰越。禮繁則亂，深虞千二百分之過。多詢謀僉，同洵美且好。爰舉齋修之敬，用伸昭謝之私。伏乞受祿宜民人，再俾陽功之著。示我顯德行，重加陰職之榮。

又

伏以天常命有德，非德無以動天。聖不知謂神，惟神可入於聖。俯輸丹悃，仰瀆蒼穹。伏念某桑梓連陰，枌榆同社。念靈濟之號，迨今四百餘年，而溥博之仁于尔，萬方百姓惟足，民思之罔極。所以師寵之有加，爰集羽流，具嚴菲禮，告盟三界，豈敢負前日之恩。醮謝羅天，庶可表此誠之敬。更冀光臨法席，福錫庶民。

保禾詞

伏以天不言善應，日雨而雨知時。人有欲必從，祈福而福畢至。俯輸丹懇，仰瀆倉穹。伏念某席庇鴻鈞，偷巢燕幕。其或不恭，自當改過。非外有求，止在弭災。念既渥優，尚祈既足。既沾之澤，然將安將樂，常懷將恐將懼之憂。乞賜垂憐，敢忘報德。伏願少者皆強老者壯，男女俱得以生成。下無若濕，高無乾杭，稌可期充羨。

又

伏以民以食爲天，深恐天心之致譴。夏祈谷千帝，尚期帝怒之可回。下率輿情，上干穹聽。伏念某等仰事俯育謹，然食指之繁，東作西成，甚矣。歲功之垂滿，謂大田多稼之有望。吾意草蟲微孽之間生，賴薰修何由懺謝。況去害迺能興利，然作善必獲降祥。釋之叟叟，烝之浮浮，式表菜咸之薦。穫之恡恡，積之栗栗，預期黍稷之宜。

徐仙翰藻卷之十

徐仙翰藻卷之十一

金闕授仙簡建羅天醮榜

三天門下金闕真人宮照得職，任天機省副之權，一任文昌司祿上宰之職，輝騰天上，瑞應人間。況人爲萬物之靈，性具五常之體，父慈而教喻，豈在於斲輪。子孝而箴，仰益嚴於喬木。伯仲之篋墳，迭奏室家之琴瑟。允諧友，必心交，則如蕭、朱、王、貢族稱。義重則若邗、晉、應、韓。此風教之所係焉，於人倫不可數也。毋強凌弱，衆凌寡。毋疎踰戚，卑踰尊。使上冠下履，名分俱存，則斗折衡，太平可覲，將見聲名文物盛於此，是豈玉帛鐘鼓云乎哉。宣化承流，體天道而福。善觀風察俗，在人事以用功。至於黜陟幽明，信必賞罰，其有城隍典者。社令正神，或能使水火而弭災，或能使雨暘而應節，或能使鴻鴈而安集，或能使龜筮而告。猶有德之可稱，有功之有錄，合公舉選，即與遷除。苟冥頑不靈，非鬼

爲諂。舊染污俗，時謂淫風，穢跡彰聞，知過不改，是汝自生毒，宜灾于厥身。當職體察得知，當日盡行厘革。除已具申三界真司牒城隍外，合行告諭者。

玉闕授仙簡建羅天大醮榜

三天門下玉闕真人當職，一任雷霆玄省簽書，一任南極注生上相。雍和萬化，撫料蒼生。風風人，雨雨人，使寒暑陰陽而變理。衣衣我，食食我，使桑麻穀粟以富殷。結形，則男唱恭，女唱奉。降神，則月爲魄，日爲魂。各有司存，別分官守，幸因緣之滅度。體道德而垂光，使楊震能以清白而傳家。則畢亦必有公侯而復始，智可及，非愚可及，人與之，亦天與之。至於祈雨祈暘，可以潛天潛地。司農司稼，典絲掌葛，既當其人。司市司貨，考工飾材，不式其業。其有信從邪道，不省本原，致使妖魔間生傷害，是汝自作孽也，雖悔，其可追乎。或魑魅魍魎之精恣行荼毒，或饕餮檮杌之醜崇尚奸回。當職斷不隱容，依律奉行，必使陽有鞭尸

之憲，陰有磔體之形，剪之以風刀，鼓之以雷斧，人皆由可殺，天之所加誅。其誰之由，非予有咎。況當職以輔正除邪爲誓，以濟生度死爲功。今有孝子順孫，發心皈向。先令億曾萬祖，隨願超昇。又有五古三塗孤魂滯魄，雖是沉淪日久，咸與沾沐天恩。除已具申三界真司牒城隍外，合行告諭者。

加封敷達上玄門榜

伏以九氣在洞玄之中，惟神是守。十方有無鞅之衆，乘空而來。侍衛我軒，證明大道。香襲雲烟而鬱勃，燈交星月之光輝。遙御九天，特嚴三醮，小心翼翼，以事帝往，惟欽哉。有神洋洋可格，思述所職也。功滿德就，皆即受度。國安民豐，欣樂太平。凡爾有司，各恭乃職。勅太上之靈水，誦元始之玉文。五帝朝真，臟腑清涼。熙夷養素，羣魔潛形。鬼精滅爽，凶惡潛寧。專此論聞，想宜知悉。故榜。

示齋主文代高功作

切謂有生亦有死，生死殊途。事死如事生，死生一致。凡爲人後，豈無

人心。況此身此體，又非產於桑中。而乃父乃母，未嘗棄於水上。如或知此，可不思乎。着綵戲於堂前，今之所謂老菜者，何可勝數。被禍哭於道左，今之所謂皋魚者，豈無其人。亦須啜菽飲水，以盡爲養之歡。何必枯魚銜索，而致不切之恨。與其椎牛重葬，不如春酒一盃。或憂風木之不停，幸喜天人之有會。如是修齋奉戒，可以起死回骸，其有甘分。而祖有抱孫之愛，豈無知原，而孫無思祖之心。伯見稱焉，何待採蠟珠之日。叔非癡也，奚須騎從馬之時，撫育其孤。曾念兄之先世，憐哉其嗣，嘗憫弟之早亡。或合盃之歡，或鼓盆之憂，或髡髻之誓，或齊眉之喜，曰夫曰婦，夙世有因。一死一生，交情乃見。此人倫之爲大者，而風教之所係焉。雖曰孩提，莫不愛其親。所恃上帝，有好生之德。弘開濟度，兩利存亡。茲遇中元續玄都之故事，謹同大衆結普度之因緣。使善男善女，各發善心。使無遠無近，本然無礙。功德非常，功德思議，不可思議。仰辱

齋官，俯臨法席。雖是皈依道，亦有孝順心。地非有獄，天果有堂，相去不離於咫尺。善積如山，惡深如海，少差異間於高厘。不知我者何求，亦須汝自究竟。伏念某天居末學，濫宰玄科，若非對聖粘鬪，安敢署名具位。雖無度人之量，亦惟遵道而行。同壇稍不叶忠，明科自有罰簡。無增無愛，公非使心正而意誠，庶功滿而德就。如是，如是。知之，知之。億曾萬祖，名叙仙曹，凡五劫乘機之會。六親九族，名登壽域，八千歲為春與秋。特此稟聞，伏惟僉悉。故諭。

諭在會善信榜

茲遇孟秋屆期中元紀節，白帝乘時之運，地官校集之辰，釋氏以此日供盂蘭盆，道家以此日設玄都醮。門同戶異，理一事殊，各以化民成俗為心，各以奉先思孝為念，于期時也，不有思乎。天泱泱兮，氣清清。草蒼蒼兮，人寂寂。仰洞庭之月明兮，何悲愁而鬱鬱。歌赤壁之風清兮，何泣訴而嗚之。顧影兮，興懷。傷心兮，太息。身體髮

膚，吾父母之遺體也，何以報。吾父母田廬衣食，吾祖宗之積德也，何以報。吾祖宗謝太傅叔也，戒約之言，何日敢忘。薛侍中伯也，分張之財，為恩不少。池塘生草之句，此謝臨川所以夢其弟；《春秋》薦蘋之文，此韓昌黎所以憶其兄。抑員外之娣有喪，刻石何恨。黃太史之妹既死，毀壁何冤。鼓盆而歌，難割漆園之愛。汎舟為誓，不爽共姜之盟。此心哉，果何心哉。彼人也，我亦人也。睠言及此，云如之何。長夜悠悠，詐作續魄招魂之些。大羅渺渺，幸有迴尸起死之方。爾若而人，當發是願，修諸善果，作此良因。況劫數終窮，當別舉一十二萬人，以充神仙職。今功德滿足，願開度七百有餘名，在會男女，靈魂升入無為，轉輪不滅。其有內懷詭詐，外假精純，背義忘恩，傷俗敗教，不崇三寶，不習五常，如彼等人豈無果報。或先貧而後富者，恥言其舊。或先富而後貧者，反怨其先。至於乃祖，乃宗，乃父，乃母，乃叔，乃伯，乃婦，乃夫，乃娣，乃妹，故違

制服，視如塗人，若罔聞知，甚至馬牛之風不相及，全無憂戚，甘與鹿豕之畜以為群，致使羊吉若敖之宗，無所托也，其視馬醫夏畦之子，得無愧乎。惟我開方便門，為汝作平等會。無有障礙，與善因緣。使已生、未生，不捨慈悲，隨機應化。使有主、無主，齊同慈愛，異骨成親，共赴齋筵，俱登法界。伏願心開悟解，無貪心、嗔心與夫癡心。道合自然，自鬼道、人道，歸于仙道。斯言不妄，毋視泛常。故榜。

師堂補職榜

伏以小心事帝，須知齋戒沐浴之嚴。主善為師，各盡出入起居之敬。洋洋如在，赫赫厥靈。視不見，聽不聞，無名可議。願而恭，亂而敬，顧我所行謹。按金錄簡章，自有玉條。品格分職之法，有六學。爾所知考課之等有三，誠可乃已。耕當問奴，織當問婢。不及私賂，惟其能行者同輿，涉者同舟。各恭爾事，齊乃位。茲告于汝左右，此亦自己工夫。須是整我形像，可以使人讚嘆。惟慎之者，則享祚。

故聞之者，以昇□。達使一德，苟或一虧。合舉糾彈之責，必三言而後三拜。敬遵禁戒之文，受簡還像。斷功續過，無賞太輕，無罰太重。弗慮胡獲，弗爲胡成。傲無虞，出乎爾，反乎爾。功德至重，始於斯，終於斯。預此聞知，各宜遵體。故榜。

又

伏以立教垂科，所以耳目。斯世設官分職，賴有腹心其人。雖舉爾之所知，必論才於己試。兼收並畜，銖銅不可棄寸鐵，不可遺任賢。去邪鏖鋤，知爲銛，鉛刀知爲鈍。咨示六人六職，須是同德同心，毋錮既往之私讎，毋蹈以前之故步。人誰無過，必能改過。邦有尚刑，亦常贖刑。傲戒無虞，始終如是。出必告，反必面，甚如父母之親。奏以功，試以言，自有君臣之分。故榜。

建黃籙普度齋

伏以冥冥罔測，之謂聖，之謂神。剡剡揚靈，如在左，如在右。既以正直爲德，合以濟度爲功。仰体太上之慈

悲，俯聽本司之關告。益嚴修奉，大作證明。久瞻孔子之墻，暫假陳蕃之榻。鬼言歸也，願入修門。齋以齊之，特爲單席。想有欣欣之喜色，必無疊疊之偪人。招而來之，與其進也，使接踵而至，審容膝之，安見如故識如新，乃千載一時之會。遠者來，近者悅，何此強彼界之方。或講時令之寒暄，或叙親戚之情話，滿堂笑語，連手歌謳。何謂鬼哉，均是人也。班荆而食，脫粟無嫌。間挾私讎，當爲傳諭。若不知其所舍，毋乃曠於厥居。賓有禮則擇之，深荷東道聖人之愛。魂應選而度者，同爲西那王國之遊。

戒監壇榜

伏目三級以象三才，登降剝施。八方而取八卦，排布森嚴。星爲緯，宿爲經，天有門，地有戶。絳繩七十二丈，月氣候之流行圖。纂八十一竿，合陽奇之通變。顯額之字大如斗，浮枉之制高如室。光徹閭闔而閱閭，香擊構廬而芬菲。雷公駟警蹕，風伯執洪頤。神漠漠而扶傾，帝洋洋而在上。

敢有夔魑猖狂之魍，魑魅魍魎之妖，輒縱詭隨，自起穢臭，仰依玄律不與赦。原捉影捕聲，如一網之盡兔。窟剪形截，首如齊斧之就蜂腰。殲厥渠魁，勦除餘類毋嚴。霜夜肅蕭蘭共盡，毋狂風火烈，蓬芝俱焚。必使沙礫化作南金，必使瓦石變爲和玉。號經的之中，非使獸不爲虛兮。然偃僂之神，豈掇蜩自嫌薄術。有官守，有言責，無偏愛，無私讎。衛道以嚴，明壇以現。鬼自凶，仙自吉，素聞欲界之飛空。天無氛，地無塵，載舉大梵之隱語。修齋行道，無邊功德。濟生度死，作大因緣。應有赴會信女善男，亦各致恭盡禮。或有故意犯齋觸戒，是自作孽。奚云母曰掛壁之具文，此乃監壇之本職。如是，如是。欽哉，欽哉。故榜。

戒將吏榜

竊聞朝拜功德，推原其由，始於都統康舍人。以此上報父母劬勞之恩，由是得道，其爲孝義，可勝言也哉。後人因之以立存亡之科，考之功德，此爲第一義。况人生各有知識，誰無父母，

誰無叔伯，誰無兄弟，誰無夫婦，誰無子姪，誰不以身體髮膚爲重。生者莫不欲全其天年，無有中傷。死者莫不欲迴生起死，枯骨成人。非此功德，莫能濟度。今之日，奉爲某爲衆滿散，日前沿路朝拜，啓設黃籙告簡，濟度幽明，齋醮一永夜，於中修崇功德。條具不一，非汝將吏，孰爲證明。傳符轉檄，非汝將吏，孰爲奔走。進表上詞，非汝將吏，孰爲騰達。招魂續魄，非汝將吏，孰爲追攝。汝等將師，既是駐劄壇前，若彼爲御，則此爲左。若此爲御，則彼爲右。同功一體，各恭爾職，無伐善，無施勞，使生者各遂其生，同躋仁壽之域；死者各得其死，同遊快樂之天。生死蒙惠，莫不舉手加額，皆曰汝等將吏之功也。有功之日，名書上清。此太上秘語，必無妄語。其有不吉、不迪、顛越、不恭、不義、姦宄、儉相之徒，故意觸犯，使穢德登聞于天，汝其上依玄律，盡行殄滅無遺。育咨爾將吏，齊焉勗哉。故榜。

又

本宮啓建中元玄都齋醮，合委承行將吏，低聲肅靜，依戒奉行，所有告文，合行出給者。

伏目道在太空無象，妙矣難名。將出自己元辰，召之則至。明真有禁，非法不行。靈寶符命，普告九天。元始《赤書》，開張萬範。布五龍神水之五氣，結而爲靈。風聚烟召四靈火馬於四方，來者如細雨密霧。城隍拱聽：吾命魔王侍衛我軒，舉太乙之洪頤象，攬槍於燦闕。悒魍魎而潛，魑魅捎夔魑而扶獠狂。巫峽之女，無所眺其情矚。蚩尤之徒，終必化爲枯骨。凡爾衆，其惟致告，無起穢以自連辜。一有如此，未或不亡。三而思也，雖悔何及。仰遵玄律，攝付魁罡。剪首截形，俱作龍烹之的。捕聲捉影，斷無漏網之魚。聞之者，膽喪毛寒。見之者，股慄懼伏。食言非信，衛道以嚴。使十玄披散，八景開明。庶三界齊臨，衆真監度。左攻于左，右攻于右。汝作護法正直將軍。後非敢後，先非敢先。

汝作監齋平等使者，各恭爾事，尚一乃心，終始惟初，功德最重，上可以薦元府於七廟，下可以超羣力於三途。更冀天得一以清，地得一以寧。與神俱契，鬼道常自凶，仙道常自吉。使我長存，須至指揮，毋得違錯。故榜。

又

三天門下金闕、玉闕真人宮當職，欽拜玉封，荐膺師寵。羣瞻皆愕，孤跡罕驚。雖蒞事以惟勤，必論才於已誠。十目所視，十手所指，莫能逃正邪賢否之公。獨步難行，獨掌難鳴，必有賴文武施張之略。次爾諸階將吏，洋洋左右，赫赫聲靈，出於有，入於無，瞻在前，忽在後，昔盛名載之青史，文章可得而聞。今英魄竭其精忠，天地所恃以立聞。符即至，聽命無譁。工就規矩，醫辨參苓。先取其長，後取其短。奴執耕稼，婢典爨炊。彼效其力，此效其勞。各懷食椹之好音，豈謂傳餐而無補。在列如黃鍾之應物，動必有聲。撥煩如游刃之發劂，用皆無滯。毋爲肝膽楚越，有賴腹心良平。殄滅妖魔，

劊城隍而聽令。救度羣品，體太上之好生。敢有幽魅，犯吾禁戒，仰依條律，明示典刑。在外曰奸，虞典有理官之治。負固不服，《周書》行司馬之誅。守衛鄉閭，鎮安社稷，使人人遂欲，逸欲安之願，使家家獲既富既庶之饒。汝無伐善施勞，我乃論功行賞。禮重燦盛之祭，毋作神明羞。時於香火之前，上祝天子壽。各恭爾職，毋曠厥居。故榜。

又 伏目玉札、丹砂、青芝、赤箭、兼爲醫者之收。大梁、小楔、脩榱、短攄，全賴梓人之巧。既精所選，各度其材。咨示直壇將軍、監齋使者，同音相和，同類相求。爾形信直，爾聲信清。侍衛四靈，折衝萬里，使狐狸膽落。奮豺狼當道之威，使狡兔技窮。壯虎豹在山之勢，仁而無敵。用之則行，有事指揮，遵吾禁約。敢有下官，故氣百厭妖魔，妄肆猖狂，故爲觸穢，是剪是伐，如狐鼠之寄旄頭。或縱或擒，如雞雛之在籠內。有輕有重，公是公非，毋神芝

雜以腐茵，毋祥禽混以凡羽。天條至密，露檄以聞。今則關泥丸，敷席祇，迓皇輿之翼翼，恭迎帝駕之翩翩。或前舉洪頤，後樹虎旗。或右秉白旄，左麾黃鉞。無越厥命，各齊乃心，其用力也過多。曰論賞，則不靳。功德滿就，爲書南宮宿將之名。壽富康寧，少荅東道主人之願。故茲告諭，咸使聞知。故榜。

又代掌科作

夫有陰德者，必有陽報。有陽德者，必有昭名。今九天二真人，名登仙品，職列九天，凡爲德之在人心者，可稱量哉。汝等官將，目可得見，耳可得聞，言語可得而交接，決然無惑，晰然無疑。固當一乃心，均乃力，贊成厥功。其有奸險匪人，爲鬼爲魅，不吉不迪，顛越不恭，以穢自臭者，惟予以爾恭行天罰，輕者攝赴魁罡，重者剪形截首。使天得一以清，地得一以寧，神得一以靈。有功之日，當爲汝奏告天庭，獲預仙寮散職之司，豈復爲人耳目之旗鼓哉。苟或左不攻于左，右不攻于

右，汝不恭命，是汝之過也。真人在天之靈將，有辭于汝，是所謂百鍊之剛，日膾千牛，匣而藏之，非我之羞。各宜體悉。故榜。

示查邊魏趙刁五帥榜

伏以明月白露，光陰往來，誰無焄蒿悽愴之念。皇天后土，神祇上下，少致齋莊中正之誠，仗此因緣，修諸功德。今則道場，潔備法事，初陳切慮一等亡靈，墮落三塗苦趣，無由出離，何以超昇。雖有司存，豈無言責。咨爾貔貅之士，各效鷹犬之勞。爲吾關詔，當即來。飛空變化，出無入有，普遍詣幽陰，合屬去處，報括在會所薦亡靈，護送前來，廣爲開諭：虎豹之元，不可以久處。載賡淮南小山《招隱》之詩。江魚之腹，不可以淹留，爰誦長沙大傳《吊魂》之賦。旌儒之頌，吾誰作。使咸陽之枯骨更生戰場之文，吾誰歌。使長平之冤魂釋縛，十九載旃毛已盡。蘇子卿果得鴈乎，一千年華表猶存。丁令威非真鶴也，此張翰之所以動尊鱸之興，此陶潛所以傷松菊之情。魂

兮，魂兮，反故居。時哉，時哉，不可失。繼今而後，咸與維新。仰荷慈悲，俯垂原宥。令設金雞，門外已占。驛馬星流，既無狼子野心。梗化之鄙，夫取責牛頭。獄吏遵稟之文狀。雖縲絏之中，非其罪也。然衣冠之象，使民耻之，毋得拘留，盡行釋放。法門方便，孰肯度關，為狗盜之謀。仙路逍遙，誰復假道，效徂愚之詐。世界如彼其大，魂魄更欲何之。牛秀才失道之迷，薄姬豈得為魅色。丈人中途之醉，扶奇輒敢興妖。毋厄於陳、蔡之圖，毋因於臧、倉之阻。敢有小鬼妄行，邀當仰遵玄律，捉縛來呈。汝往欽哉。與其進也，有功之日，書名于天，三界侍衛，五帝司迎，亦不為陋。九幽旋魂，七祖出夜，普度無窮。須至指揮，毋惹違慢。故榜。

散血盆會右語

伏以羽州池闊八萬四千旬，無邊無際，無涯無岸。普光會上五十三佛，大聖大願，大慈大悲。既弘開濟生渡死之法門，可不作過去未來之因果。

伏念某等，生閻浮世為婦人身，自惟養男育女之時，豈無熏天觸地之穢。未遑懺雪，如履薄冰。誠恐庚申之辰，妄數其罪。始於癸巳之歲，思免厥愆。或報母恩，或修己福，或願生淨土，或預作津梁。幸功德之數周，冀存亡之兩利。况三月三日，金人見曲水之祥，有同號同名釋迦，顯靈山之相，開經說法，發誓度人，端請德士四五員，啓設道場一永夜。業鏡臺前，閻羅殿上，至心頂禮救苦道師。鉢盂庵內，王舍案邊，稽首皈依目連菩薩。供養十方賢聖，答迎八位慈尊，回向法筵聖眾。遍周天地水府，開通道路。召請魂靈，指認白雲。卿呪獻甘露食，蓮燈照破九重獄之黑暗，蘭湯洗出六六骨節之清涼。別置焦面鬼王夜齋，普施阿修羅道等眾，廣及孤魂滯魄、無道五苦三塗。凡爾有情，俱成正覺。授戒而後，給牒為憑。伏願薦亡者，魂為西域之遊，親睹觀音於琉璃苑。預修者，壽比南山之固，侍宴王母於瑤瑤池。佛日增輝，人天快樂。

建血盆道場告諭文

伏以招魂續魄，况當三月三日，泗洲初度之辰，利人濟物，現出千手千眼補陀自在之相，發誓為救苦菩薩化身，作焦面鬼王。諸佛弟子等，欲問前世因。復坐，吾語汝：吞炭漆身，愚也，詐矣。獻璞則足，何以行之。嚼齒而碎者，勇立武功。吞舌而死者，耻言國事。雖名字載諸史冊，無能磨滅，然髮膚受之父母，不敢毀傷。汨羅江上水蒼蒼，首陽山之風凜凜。潮州八千里，流落於蠻烟毒霧之鄉。海上十九年，鬱邑於朔雪漠沙之外，埋冤莫訴，節義為高。魯侯之伯，托夢於燕昭王。槃瓠之種，見名於高辛氏，令威化鶴，良姊為猫，雖曰有人心，不雖畜生道。腰金袍紫於我，何有簞食瓢飲，不堪其憂。趨廝走養，為人之奴；涉經獵史，為士也肆。一貴一賤，孰非。暮行雨，朝行雲，往事想巫山之夢。膏吾車，秣吾馬，情魂從盤谷之遊。隻履嶺頭翻翩兮，何之。玉棺堂前詡詡兮，焉往。單葬於虎，將喪於蛇，若敖之鬼無依。

於陵之子不死，彼何人斯劫劫受苦。而今死矣，色色俱空。八萬四千類，蠕動肖翹。三百六十屬，羽毛鱗甲。曾聞鷓鴣，念彼彌陀佛。又有蛤蜊，托化觀世音。雀會彈經，鵝能聽法。今之夜，齋主某人等，祇就靈濟東宮餘慶堂，啓設道場一永夜，別置斛食，大開法門。凡爾有情無情，何分先覺後覺。既來趨赴，作甚麼生。君子無所爭，仁人無宿怨，無川黨落黨。自爲標榜，無人相、我相。各立藩籬，無嗔，無癡，無好，無惡。親鬼大，故鬼小無窮，鷓蚌之勢互相吞。君海北，我海南，無謂馬牛之風不相及。都來三千大世界，安有七十二等人。善哉，善哉。如是，如是。野無餓莩，佛有慈悲。濁濯足，清濯纓，與其潔也，與其進也。寒爲衣，飢爲食，不亦樂乎，不亦悅乎。跳出鬼門關，認取天堂路，毋爲戒律，反墮迷塗。信受奉行，汝宜謗聽。故榜。

散朝拜門榜

伏目鬼言歸也，既知死，未知生。齋以齊之，弗患寡，患不及。爰修單

席，遍召十方，于于焉而來，洋洋乎如在。若有想，若無想。若非有想，若非無想。若有情，若無情。若非有情，若非無情。若老，若幼，各序尊卑。若貴，若賤，毋分高下。我發慈悲，願汝生清淨心、五色綵雲。夜須聽南宮羽林之說法。八味天厨食，須聽西域王母之講經。何待被薜荔兮，披離。何待餐菊英兮，惟悴。歸依道寶，出離鬼官。均蒙濟度之仁，永絕沉淪之苦。一洒甘露水，既灑，既渥，既足，既沾。同上始青天，毋意，毋必，毋固，毋我。

普度功德 右語

伏目瞻彼岵山，比南山而祝壽。朝于岳府，拜紫府而紀名。三月三日，天朗氣清，六報六識塵除垢淨。種善果於靈山會上，生金蓮於羽州池中。秉草招魂，薦亡靈者，獲睹摩耶之相。蹙花垂鬢，彼美人兮，願從泰國之遊。用作津梁，永爲符券。故牒。

諭南北廟亡魂榜

伏目明爲人，幽爲鬼，惟鬼則靈魄歸地。魂歸天，有天可格。式憑科典，

廣設齋筵，欲結衆生緣，願假方寸地，毋曰井谷之水，不可以濟群魚。幸喜松柏之山，亦足以棲衆鳥，必無我外。特與先容，秉蘭草，以除不祥。散花林，以揚大梵。燈燭交輝於夜月，幡幢鼓舞於曉風。我欲輔之魂兮，何莫由斯道也。食乎稻，衣乎錦，豈無溫飽之心。狝吾馬，膏吾車，以遂倘洋之願，豈忍一夫向隅而泣。如是千里，不遠而來。蛟龍之窟，直送舟航。虎豹之關，大開鎖鑰。各安汝止，亦何疑乎。雖髑髏之夢，非人世之春秋，苟肝膽之失，是自家之楚越。都是鄰里，都是親知，何有藩籬，何有彼此。先行告諭，毋得喧譁。合仰主地明王，權作勸善菩薩。上皇天，下后土，實聞孝子順孫之言。南火沼，北水池，自得濯形煉質之妙。無分貴賤，咸使超昇。故榜。

諭亡魂榜

伏目生非汝有，自今起死以回生。道本無爲，從此歸心而向道。乘機悟會，宿命因緣，功德不可稱量。神仙最爲快樂，東有雲萊之洞，青丘之室；西

有天墉之城，玄圃之臺；南有青都之山，流火之宮；北有太玄之府，紫虛之館。來今往古，不計數千餘年。此界彼疆，相去幾百萬里。凡夫不可得而到，卑俗不可得而聞。十方大聖遊息之鄉，三界高真者會之所。其政悶悶，其民醇醇，衣食自然，形容端正，無貴無賤，無富無貧，無是非，無人無我，無取無與，無愛無憎。生其所生，未嘗終。形其所形，未嘗有。世世不絕，劫劫長存。日月常明，風雨常節。四時常若，五穀常登。奇花甘菓，各異其名。靈芝瑞草，莫形其狀。五色而文者不少，九色之鳳三足。曰賁者，猶多百歲之龜。玉狗夜鳴，金鷄曉唱。雲山渺渺，江水泱泱。設着這箇乾坤，又是一般風景。杳杳冥冥，無涯之際。渾渾淪淪，未判之天。自謂羲皇上人，豈料羸到未劫。若生於此，長於此，不樂矣乎，悅矣乎。汝等亡靈，欲問彼間世界，我聞妙法，可作此處津梁，好結衆生緣。啓設玄都醮，道場肅靜溟漠。開通召天醫牒，神虎演童子。科行混

元扎，朝方懺悔，受戒傳符。普獻十王，昭謝三界。宣說像文，開誦經典。燈光照破黑暗界，斛食普施無礙齋。沐浴華池，洗却舊年浮翳。開通冥路，且辨今日行程。切勿回頭，穩宜着步。地去五丈，青一黍米珠懸在空玄之中。天開九重，由大浮黎土逕，上始青之。上言斯信矣，汝其聽之。故榜。

又

維持金神按節，少皞行權。中元爲校籍之辰，七日乃慶生之會。按荆楚歲時，有此遺事。使人物風景，觸然興懷。庭葉落兮，嘆日月之幾何。露氣肅兮，願形影而自悼。往者不能返，逝者何可追。擬作宋玉招魂之歌，猶恐來兮不可以托。欲效賈誼吊魂之賦，吁嗟已矣，其不吾知。今欲問生方，先入普度會。太上有救苦拔亡之曲典，《靈寶》有迴生起死之科，此爲出世之要津，可以乘機而悟道，方其始也。何謂之生，何謂之死，及其至也，亦無其死，亦無其生。今有齋主某，發如是念，願開方便之門。爾若有靈，可

躡皈依。徑峴山垂涕，魂當登此。右社封還，魂無不之既降。齋筵毋拘塵世，東有罔罟之野，西有沉默之鄉，南有崑崙之庭，北有玄元之府。看來只在方寸地，直去便是始青天。自去自來，無罣無礙。集無鞅數衆身，入黍米於虛空。召童子五方，手執蓮花而引路。故茲戒諭，相爾聞知。故榜。

散朝拜諭下界榜

李道官焚簡，此爲張姬解觥之緣由。功曹說經時，乃莫毋超昇之徑。事形傳記，靈播古今。嗟爾六道幽關，三塗苦趣，冥冥長夜，莫瞻日月之光中。劫劫多生，安識烟霞之物表。今夜今時，來趨法會，于左于右，各整容儀。自有尊卑，初無貴賤。越南、胡北，何分汝人、戎人。朝四暮三，寧有新鬼舊鬼。既然傾蓋以序陳雷之好，不須隨幟以分牛厚之朋。我有真言，你宜諦聽，採薇爲食者，何如食天厨之食。製荷爲衣者，何如衣雲絲之衣。雖蘇內翰之才，猶切飢寒。豈王狀元之志，不在溫飽。且將一點清魂水，遍

作大千甘露門，浮黎直遶始青天，自有色界至無色界。泰山便是東岳府，由小天門入大天門。毋墮迷途，同皈大道。

又

嗟爾孤魂，生兮若浮，死兮若休，又何必以口體爲累哉。毋乃魂魄未有所歸，故爲此想。一飲瓊漿百感生，玄霜搗盡見雲英。吾觀此詩之旨，是豈肥甘不足於口歟。織成雲霧紫絹衣，辛苦無歡容不理。吾味此之旨，是豈輕暖不足於體歟。天仙之事，吾固不敢議。若夫神道，未免依人而行，必以粢盛而供祭祀，必以幣帛而充莫瘞。然則粢盛、幣帛，其爲神之所資者乎。故孔子曰：飯蔬食飲水，曲肱而枕之，樂亦在其中矣。子路曰：願車馬衣輕裘，與朋友共敝之而無憾。孟子曰：五畝之宅，樹之以桑，五十者可以衣帛矣。又曰：百畝之田，勿奪其時，八口之家可以無飢矣。此大聖大賢所以形於言，著於書，蓋爲人類設也。翳桑之餓，願爲介士。緋袍之戀，幾失主人。

縷履辟纊，何其廉。製荷餐菊，何其清。蓋衣食於人之所仰，不容一朝闕也。甚矣，平沙無恨，黯然慘淡。寄身

鋒鏑，天地爲愁。骨爲異鄉之土，魂爲鄰國之鬼，吊祭不至，將如之何。衛成公之夢康叔，曰：相奪予享。若敖之鬼，不其餒而祀，命不常將，如之何。又况螳螂捕蟬，韓盧攫狡兔，雞啄虫蟻，鷹鷂搏鼠雀，抵爲食忙，初無惡念。金衣公子、烏衣主人、文成新錦之機、重傳秦臺之粉，雖曰無知，亦各欲致身於榮貴。蜂之藹，蠅之營管，蚊之啜，喝，蝨之咀嚼，蟻之戀釜，蛾之赴火，胎卵濕化，莫生貪生，無他焉，各以性命爲重。既知性命，必有知識，何不回心向道。今之夜，食我法食，衣我法衣，聽我法言，使三千大千法界之內，一切有主無主、有想無想、有形無形十類孤魂，毋起貪著念，毋生疑忌意，無作人我相，如是，如是，盡爲超度，徑往生方。南遊罔罟之野，北息沉默之鄉，西家冥冥之域，東貫鴻濛之光。上無天，下無地，逍遙自在，豈不樂哉。故茲告

諭，咸使通知。故榜。

建孟蘭盆會諭下界榜

伏目子生孫，孫又生子，敢忘世世養育之恩。人爲鬼，鬼復爲人，未免劫劫輪迴之苦。惟此功德，最爲第一。都來世界。自有三千。今有齋主某等，恭遇地官大赦之辰，啓建天尊玄都之會。既謹終追遠之是念，豈舉斯加彼之不能。遍召十類孤魂，爲度一切苦厄，雖寒者爲衣，飢者爲食，然也若浮，死也若休，胡爲來哉。各安汝止，毋恃強凌弱，遽興晉楚之兵。毋挾怨報讎，常蓄吳越之恨。毋舟中敵國，毋室內操戈，毋兩虎共鬪，勢不供，毋效昆蟲相嚙，自罹厥害。與其爾自爾我，何如大家剖破藩籬。說着色非色，空非空，便見彼岸全無風浪。惟孝子乃能錫類，而仁人不憚設施。始雖及於我曹，終忍遺於爾衆。黑暗界中，翻作一筋斗，便得起身鬱蕭臺上。認取百丈階，穩宜着脚迎。遵玄律，毋墮迷途。

諭下界榜

伏目食可適於口，則有膏粱之精，

芻豢之羸。衣以華其身，則有麻苴之賤，狐貉之貴。惟人焉，不容闕此。於鬼也，豈得聞歟。嗟爾蠢蠢，四生茫茫。六道聽之無聲，無聲則無口，雖有食，烏得而食之。視之無形，無形則無身，雖有衣何從而衣也。胡乃墮沉淪之苦，是皆起貪着之心。晉公之托聲爲牛，蓋有聲則有口，所仰者食。夫生之化形爲豕，蓋有形則有身，莫去者衣。夫苟迫於饑寒，奚暇治乎禮義。既來這裏，當作麼生，毋特鈍槌捶利錐。夫人各有所短，毋厭老拳飽毒乎。君子亦何所爭，毋韓盧、東郭相困於前，毋黃雀、螳螂互吞于後。必如陸抗、羊祜，使吳晉而釋冤讎。必如由余、子□使胡越而結昆弟。何妨傾蓋，可與班荆步亦趨，亦趨必後長者。來者來，去者去，各問生方。我推溫飽之仁，汝滅凍餒之狀。神燈遍照如日，天上共睹光明。法水普沾如雨，空中咸蒙潤澤。營諸功德，作此津梁。携手玉階，與其絜，與其進。刻石金錄，孰爲後，孰爲先。且作平等王，來赴無遮

會。合行告諭，毋至喧譁。故榜。

又

伏目漠漠重扃，冥冥長夜，未說千般浩浩，且言六道茫茫。四空無色，未色荒唐。三界有情，不離幻化。橘中戲象，豈無變詐之欺。蓮內留環，難絕恩情之想。應諸法界，名曰天仙，猶有人心，而況神道。山川古跡，壇社靈祠，鍾動猿鳴，廟素尊於南岳。石鏤馬鐵夢，果應於黃牛。縱號神通，猶存血食。至於有目有耳者，誰甘爲之視聽。有口有體者，孰肯困於饑寒。豈不步思，必無所欲。捧壁歸者，壁今安在。獻國死者，國亦何愚。潮陽之馬不前，動有八千里路。海上之瓶不乳，筭來一十九年。戈未枕，而亡其戈。楫未擊，而失其楫。雖魂魄不同朽木，然功名總是虛花。或不以富貴而關心，或不以是非而入耳，漱流枕石，釣月耕雲。丹鼎雖存，而爐烟已成灰燼。禪龕雖在，而骨像已化塵埃。更有九流醫卜之徒，百伎優伶之輩，以侏儒爲戲，莫逃孔子之誅。以巫覡爲妖，莫免

穆公之慕。險竿躍劍，以危致命。鑽龜打瓦，何不自靈。機穽行奸弄，何須於力。筆貨泉爭利美，何及於舟車。雖曰同生，那知死異。其有臨軍受敵，報國捐軀，舌可斷而目猶噴，肉可啗而身不屈。炎上山之火焰焰，非豈獨於一蛇。汨羅江之水茫茫，居不群於衆。鳥不知去，就此由所之被醢。莫別嫌疑，此衡之所就烹。效顰之聲者，其計已窮。捕蛇之役者，其存無幾。財多害己，謾誇金名之饒。色久傷身，徒有蛾眉之恨。滔滔皆是，啞啞何言。嗟爾曹不遂生方，何無罪而就死地。若夫張頤待哺，可羞承腹之膨脗。露體赤身，深愧鶉衣之藍縷。口之削者，甚於鳥啄。項之長者，幾似鶴形。峽山之女，常悟爲猿。涪村之民，奚變成虎。或含胎卵而生濕化，或披鱗甲而帶羽毛。雖無人心，亦有向道心，是謂鬼道及爾畜生道。凡爾有名無名之類，至於有主無主之魂，胡爲來哉，亦有以也。毋卑踰尊，疏踰戚。毋強欺弱，衆欺孤。必如魚以沫相濡，勿效獸

之窮則搏。南海、北海，豈曰俗之有殊風。秦人、越人，豈其心之不加戚。班荆而言，傾蓋如新。且作平等王，來赴普度會。足衣飽食，不亦悅乎，不亦樂乎。澡德浴身，與其潔也，與其進也。舉身道岸，携手仙階。的不虛文，各宜諦聽。故榜。

孤魂榜

人生之所以靈萬物者，知其有天地覆育之功，必有霜露悽愴之念。造化之所以成庶類者，雖曰無日月照臨之私，豈無雷霆震怒之威。今之日，謹有奉道梁某，聿懷乃考作室之勞，眷念乃祖分甘之愛，祖母撫育之恩猶未報，叔公獎訓之言不敢忘。昨就白水之原，用決青鳥之卜，營求葬事，曲致孝情，許以追修，冀其利澤。不圖至於今日，誠恐負是前盟，謹涓橙黃橘綠之辰，略獻袒鬯粢盛之敬。仰承行官將，各整肅威儀，先爲洒淨靈壇，次爲招諭下界。其桀犬梗戾猥狗猖，包藏逆謀，參會凶德，侵氛其氣，豺武其心。鼠牙竊瞰於崇墉，螳臂僭窺於隆隧，不知

去，就如彼痴駘。衆怒靡容，神靈斯赫，仰依玄律，攝付魁罡。若夫可閔之孤魂，無告之滯魄，既來赴會，堂作麼生。好結歡喜緣，毋生人我相。昔日之冤連，盡行解釋。今朝之情話，略叙綢繆。或曾爲故舊之交，或托在比鄰之契，臭與芝蘭而俱化，堅同金石以不渝。以此自謀其身，吾亦不辜所望。饑者，當爲之食，豈常枯瘦而自知。寒者，當爲之衣，不復裸裎於我側。以滄浪之水，爲汝濯足。以潔徹之泉，爲汝滌心。庶幾悟會以超昇，萬物執迷以顛倒。接武玉階之上，雲層峨峨，遙瞻金闕之光。仙源渺渺，與其進也，不亦樂乎。須至指揮，各宜體悉。

又

陽形、陰憲，初無異律，本自一般。天堂、地獄，相去幾何，不爭方寸。道家者流，嘗謂有此。君子之論，必曰無之。今之日，奉道女弟子某，痛念老君某生死有期，無奈背疽之不治，幽冥異路，未免心惑於浮言。不仗熏修，何由超度。咨示監齋使者、直價將軍、走

狗、飛鷹，屬我發蹤而指示。妖狐、惡鳥，使之遠舉而高飛，霽月開明，氛侵須息，上通三界，下達九泉，應有幽囚，仰遵赦令。取責文狀於牛頭獄卒，毋生毒害，如狼子野心。剉確湯火之刑，出何刑典。火床鐵冊之法，有甚法書。叩頭無地以稱冤，仰口籲天而無路。合行疏放，不得拘留。其有滯魄、孤魂、四生、六道，同赴法會，共結良因。毋以卑踰尊，毋特強凌弱，毋爾自爾我，自我焉能免哉。毋北自北，南自南，不相及也。欣欣有喜，近者悅，遠者依。于于而來，前者呼，後者應。駢肩笑語，連手歌謳。各起慈悲是曰平等。清濯纓，濁濯足，誰能語世混爲泥塗。飢爲食，寒爲衣，平生立志豈在溫飽。既歸大道，可問生方。出離鬼門，得度我界。時哉，弗可失，其可不乘天人慶會之機。魂兮，歸去來，此去便是道德虛無之說。

又

嗚呼，死之爲言歸也。歸也者，歸於道也。道者，身以無形爲主。昏昏

嘿嘿，杳杳冥冥，吾固不得而強名亡靈。三十七年春秋，未知何歸歟之興，遽止於斯乎。載詰其由，亦有以也。昨因女子之疾弗瘳，或於妖妄之言狂妄，心煩而意亂，惘惘忽忽，如夢如醉，如炎風之扇毒，如蠻霧之塵埋。逡巡

而反，豈期一二豎之崇，竊發於膏肓。加以女子之夭喪，怨慕泣訴，愈深沉溺，是以緩和不治。象繇不靈，黃墟山外，竟不知其所歸。闔晦開明，瞬目之五日。日又日，月又月，愈去愈遠。不虧道力，孰指迷之，而由是道之歸也。霜寒月冷，孤鳥悲鳴，此時此情，汝等將變。雖有豪傑精悍之氣，木石其心，豈可愬然不爲孤兒寡婦長太息哉。固當發慈悲心，證明修奉，守護呵禁，毋縱邪道，以生穢濁。使亡靈獲歸於道，功莫大焉。若夫天道、人道、神道、地獄道、鬼道、畜生道，寥寂杳邈，與道相拘，視之不見其形，聽之不聞其聲，又向必起貪嗔癡之想，爲人間世之營營。既來這裏，當作麼生。衣而汝衣，無復號寒。食爲汝食，無復啼饑。而今而

後，當聞解悟。東方不可以托，南方不可以止，西方流沙，北方飛雪，不可以久居，可不回心向道。汝等亡靈，同登道岸，雖風乎，舞雩之樂，不能過也。知之。故榜。

又

伏目生死者，晝夜之常，既往古來今之何極。鬼神者，陰陽之道，嘆要終原始之無窮。蓋因善惡一念之殊，遂致苦樂兩途之異。冥心昧理，逐影迷真。幸逢聖世，建普度之科，啓玄教導揚之典，式展尊親之敬，弘推利濟之仁。大德如茲，良緣難遇。汝孤魂等，流浪冥蹤，棲遲長夜，未說千般浩浩，要知六道茫茫。論彼執迷，則逐物而累物。觀其纏繞，則以形而負形。沉淪幽暗之途，零落淒涼之境。或叫號於星月之下，或嘯吟於風雨之中。既吊祭之不聞，且葬埋之無所。天涯海角，望親故以何依。芳草斜陽，悵鄉關其不返。興言及此，良切哀矜。賴明裡修金錄之齋，而太上啓丹陵之府，開汝等往生之妙法，濟汝等以出死之良

因。滌汝慮，洗汝心，咸聽九真之戒。煖汝衣，飽汝食，俱離五苦之煩，永遂逍遙，更無掛礙。故榜。

徐仙翰藻卷之十一

徐仙翰藻卷之十二

修靈濟宮疏

竊見本宮修造，經行六載。邇來東池，水更竭矣，不作神人臨美之樂。屋上甌瓦，闕少萬餘。遠近乞靈，言苦不少，豈無樂施之心。

伏以築室三年，難塞道傍之議。爲山九仞，不容一簣之虧。惟我真人，既明且靈。凡爾同志，謹終如始。斯宮是作，厥功告成。柰東池復有水涸之虞，於西銘豈無屋漏之愧。滿眼十方，都是施主。舉頭三尺，便有神明。毋曰醴酒不設於茅明，既灌之餘，或者木桂可補於藥籠。尚虛之數，適所用矣，迺有請焉。數米一二而炊，自嫌我輩眼孔。輸財百萬之計，好發長者心腸。既是乞靈，何妨喜捨。

建神厨疏

伏以石相許立民間祠，何啻千年德政。陳侯願宰里中社，揭作萬古聲名。此志不在於割烹，是禮欲嚴於祭

祀。具瞻新廟，山川壯觀於一方。回視舊厨，風雨飄搖乎四壁。雖興廢之有數，然創立之在人。昔也築室道傍，今則架緣，至士謀謨，神厨事則完成。免美哉，輪美哉，行看規模之弘。遠飲於是，食於是，庶幾廟宇之森嚴。

建餘慶堂疏

伏目五蘊俱空，誰識三千大世界。一切諸佛，都從方寸做工夫。積善，便是餘慶堂勸人也。著修福地，好箇淨土。曾見興隆元年，建這明樓，少得中統寶鈔。隨心喜捨，我佛證明。今世且結今世因緣，一錢自有一錢功德。斧彼鋸彼，亦須毀瓦畫墁。經之營之，伫看磨磚成鏡。敬修短疏，遍叩高門。

修餘慶堂請僧為化主疏

伏目千百億化身，剎剎塵塵，俱成佛果。十方諸國土，在在處處，總是道場。毋忽所見重所聞，必移於彼就於此。有生皆得度，故土不可忘。我大師本是鰲峰上人。餘慶堂自有虎岩香火，有相無相。況遇菩提果之緣，勸緣募緣，喜得緊那羅之助。曾既掛燈煉

臂，何妨割肉捨身。完修東壁西墻，毋令旁風上雨。規模壯麗，輪奐鼎新。成始成終，好箇無邊福德。而今而後，了此一項因緣。

修餘慶堂疏

伏目十方抄化，南洲頭走到北洲頭，幾載修行。東土住移來西土住，本是佛種子。莫咲老比丘不辭開口告人難，須信堅心做事易。長者布金，號阿蘭若大家。積善堂、餘慶堂，此爲定光員應道場。須作見在未來因果，自餘而後，惟新是圖。頂鶴膝蘆，誓願弘深。棟鳳簷翬，規模壯麗。積土三萬擔，所費乎多。募緣數千餘人，其功浩大。多拋寶鈔，打破慳囊。不爲風雨所飄搖，益見龍天皆讚嘆。敬憑短疏，遍叩豪門，發菩提心，大慈大悲，大喜大捨，有德福相無數、無億、無量、無邊。自百至尾得完成，舉手加額長瞻仰。

修慈濟宮疏

伏目渤海儲精，現觀音菩薩三十二相。桐城顯跡，有慈濟香火二百餘

年。在處各立道場，總是一般名號。這箇堂殿破也，墮也，興諸土木難乎，易乎。仰千檀越證明，不違衲子誓願，須有片瓦隻椽之助。幸無此疆彼界之殊，好結萬人緣。逢千里合大家喜捨，即日完成。鳳翥翬飛，管取規模壯麗。鷄鳴犬吠，廣將經教流傳。是名青布之變羅，復睹白焦之祥瑞。以此供養，爲累津梁，福德不可稱量，果報亦難思議。布金滿地，曾聞須達多成佛之因。焚香告天，願傲華封人祝聖之謂。敬憑短疏，遍叩高門。

文興庵抽拈兼賽詩疏

伏目文興庵擬欲架椽，興廢之數已定。草堂會難成畫餅，行止非人不能。比辱光臨，未遑款待。皇天后土，此心可鑒。良辰美景，自古難并好。將舊店重開，要與大家一笑。諒惟四遠，總皆主故。莫道再來，不直文錢。今之是，前之非，事既往則不咎。彼無惡，此無數，願相見以如新。更不食言，尚所進步。

修鰲峰旗龍廟疏

伏目旗籠山得真龍穴，路轉峰回。釣鰲首須占鰲頭，地靈人傑。雖曰樹林陰翳，自有古廟森嚴。血食尸此一方，香火傳於千載。荒蕪之日久矣，興廢之數定焉。惟新是圖，協卜之吉。翬飛鳳彩，不求過侈之功。鷄鳴犬吠，伏睹太平之象。神人俱喜，里社相安。謀則僉同，力須與共。念欲片椽之重建，初非一木之可支。凡皆桑梓之陰，豈無采楠之助。上戶、中戶、下戶，各辦肯心。大書、特書，屢書，何妨真筆。多把至元顯寫，佇看天福康寧。

修護境橋疏

伏目橋僅三百年，基址壞，數極難逃。歲在十一月，徒杠成，民未病，涉發肯心。須憑長者立大願，實賴比丘輸餘粟，捨餘財，用之恒足。積善根，崇善果，理也可圖。不曰成功，乘時微利。往來客旅，永無險阻之餘。裔及子孫，廣有綿延之慶。

修橋立抽拈疏

伏目補西壁，修東墻，工夫浩大。

先小人，後君子，財義分明。看來空口難言也，着將本求利。巧婦無麵，莫作饑飢行家相。你曾喫鵝梨，況遇太平年，何靳通行鈔。三十籌，不傷懷袖，買鬪隨即對鬪。第一名真箇風流，賽采都道喝采。信手拈來，有些巴庇。六親睹視，不敢糊塗。眼前事，沒澆沒欺。世上錢，常使常有。千字文打千字號，彼此合同。萬人中結萬人緣，功德完滿。偶撰鄉談話，起動子弟心。

修路疏

伏目驛路往來，此萬里通衢之便。塔橋咫尺，迺二鄉要害之衝。近因洪水漲流，是致坦途幾險。發心都要好，獨步恐難行。捨今不圖，桑田還復爲海，其積也漸拳。石可以爲山，況遇太平年，何靳通行鈔。賴有築堤之乎，應無假道之虞。結衆因緣，修此大家方寸地。進身穩當，這是朝京第一程。

修溪埠疏

伏目水有隄防，何汎濫之爲害。田無旱潦，須豐稔之，可期陵谷更遷。歷年既久，陰陽愆伏，遺患茲多。茲欲

仍築新堤，務使復由故道。萬牛充石，方可遮攔。積篋崇墉，則能捍禦。雖曰順勢而運智，必也輸財而致勤。毋分主佃高低，共計子孫長久。敢請揮毫落紙，便見舉插如雲。決諸東者，則流諸西。行於上者，必效於下。引涇注渭，莫辭乎勞。淪濟排淮，亦必有道。成功可必千斯倉、萬斯箱。得福頗多，一曰富，二曰壽。

建集福道場抄題疏

伏目天啓大明永紀萬年，洪武人惟積善，咸膺五福平安。矧今闐闐鄉閭，履此昇平世道，同成善果，各發肯心。濟濟衣冠，各請大揮椽筆。襪襪福德，必祈誕錫。士民值茲三月懺懺，永集四時吉慶，曰耆，曰艾，俾熾，俾昌。

題祈禳醮疏

伏目乖氣異，祥氣和，是必消災而彌難。天道遠，人道邇，故有要惠以乞靈。蓋舉念便有神明，然作事豈或無責。名香、異香，初非土產之土宜。蠟燭、華燈，未免借光於鄰壁友助。盍舉

鄉井之義安樂，願聞治世之音。是故君子思患而預防，勿以小惡無傷而不去祈禳。在我，陰隲自天。伏願鷄鳴狗吠之聲達乎四境，鴻範龜疇之福錫厥庶民，豈不綽乎有餘裕哉。苟或善之，有弗爲也。

迎五顯慶讚佛生日疏

伏目一佛出世，實爲萬代所宗。三界具靈，俱赴五通之會，萬神歡洽，四海瞻依。恭惟佛位，行煉三祇，因修十世。維時四月八，開莫蕘之祥，錫慶九天，再睹曇花之瑞，分手指天指地，發誓度聖度凡。伏念某等，感德何多，知恩有自。或爲編戶，或借水居，六情六欲之未除，一年一度而報謝。中修淨供，上請世尊，大作證明，同乘悟會。伏願如來現相，不垢，不淨，不滅，不生。諸福及人，俾壽，俾昌，俾艾，俾熾。

題血盆會疏

伏目婦人以五漏體，若養男育女，未免艱辛。母氏有十重恩，雖粉身碎骨，亦難酬報。或見存者尚虧奉養，或

已往者未獲追修，豈不有所思乎，盍亦反其本矣。既爲入子，須識天倫。幸真人之喜聰明，體太上而方便，爰建血盆大會，依安懺悔，玄科兩利存忘，廣爲濟度。救苦天尊，即是慈悲施主，謾言僧道元不相關。釋迦如來既曰：老子後身，其爲功德，不可思議。蓋在彼無惡，在此無斃。然弗慮胡獲，弗慮胡成，可不如此，作是津梁，庶此得之，以爲證印。俾人人皈仰，使會會周完。浮黎土現出黍米珠，相去不離五丈地。羽州池變作蓮花座，從來只在方寸間。欲表誠，請書事意

題為真人受封建羅天醮疏

伏目玉封一扎，荐膺師寵之榮。銀印兩臺，喜拜國恩之侈。自古未嘗有此，于今不圖見之。雖是心堅石穿，未免身輕脚重，自覺再來，半錢不直。聞道好事重疊，何妨祇願如開元鑄鐘。休靳許中統文鈔，常使常有，成始成終。我也勉強進步上竿頭，汝也不須打鐵做門限。來來往往二千里路，這因緣非偶因緣。上上下下七、八年間，

此福德勝前福德。若有善念，便發喜心。

題為真人授仙簡疏

伏睹靈濟真人，抵受天師省牒恩光，寵厚徽號，闡揚香信。雖曰浩繁，禮數不容欠闕。敬憑短疏，遍叩高門，願成此項機緣，便是無邊福德。

伏目廟食已四百年，鰲峰顯相，天封凡十六字，鳳篆成章。黃童白叟所嘆呀，大夫君子之瞻仰，欣欣有喜，千千而來。輒伸致請之忱，曾謂乞靈之驗。半面總皆相識，開口自覺難言，這箇緣豈無糜費。龍虎福地，此去何啻二十程。腦麝名香，想也不是一捻土。欲求天外事，須用世間財。已發心，未發心，各把真心看待。將展手，便展手，咲他縮手趨趨。非敢外額需求，亦是前頭放過。伏願題名登佛塔，便教一層一層高一層。視聖效神嵩，連呼萬歲，萬歲，又萬歲，下修人事，上報國恩。深慚俚語不文，勿以他辭為拒。

又

伏目作事於其初，人皆為之蹤踴。

臨財毋苟免口，將言而囁嚅。剡茲簡據之榮煌，欽若神明於左右。誰無歡喜意，各有捨施心。謂前後所入非不多，亦悖而出。若抄化之說弗可再，夫誰與謀，胡為而來哉，迫斯可見矣。昔未勾者，毋負前約。今再題者，不必後言。好事完成，諸福必至。寥道士所結交於韓愈，取善於人。孟嘗君不見責於馮驩，必無負債。

題為真人奉籙建醮疏

伏目捍災禦患，神之責不爽者。正直聰明，乞靈要福，人人常所欲者。壽富安逸，造物雖無聲跡，道法自有機緣。恭為靈濟真人祇授大洞寶籙，上以告天祝聖，下以護國安民。須憑消魔護正之科，用作得道登真之徑，盛德蔑以加矣，黎民亦有利哉。龍媒騶裊，不失其馳。聊拆長蘆，十萬之費。烏犍、黃犢，各安爾業。俾膺洪範，九五之庥。各請傾心，共成好事。

題塑真人歸道扮疏

恭睹靈濟真人，既登仙品，合具仙粧。昔之袍笏，國之寵也。今之靴

笠，時之宜也。二者俱不容出，姑存之。俱不容舊也，別就內殿。塑玄聖像，唯道為身。壻碧雲冠，飛光羽扇，混合真模，非人力莫能就緒，應有檀越能發布施心，愛而助之，為福德不可思議。

伏以元明中現出真身，共睹紫金色相。倏忽際，寂無遺響。何消泥土形骸，惟是粧神似神，也着應格。昔焉仕於晉，衣籠涼之服。今也祠於魯，冠章甫之冠。雖效時粧，難逃外議。既蒙天寵，體式合用九章。須假人為價直，豈無一貫。應有檀越施主，各資金寶，質心共謀而成之，為美亦多矣。則恭敬在此，豈咲貌為哉。恭祝當今皇帝與天齊壽。願同萬國而拜冕旒，率土稱籙，將見百蠻而衣冠帶。

題青口塑神像疏

伏以兩闕森嚴，舊占鰲峰六地，四方瞻仰。新來青口一墩，謾言祠宇卑污。自有神通廣大，真身不壞，特憑泥土合成。空口難言，可着鈔兩備辦。想你四行人物，莫比一樣工夫。既已

出頭，便當展手。伏侍香火，都是弟子，休說大家、細家。恰着稻米上熟時年，管取七富八富。這箇俚語粗魯，祇要好事完成。

題衣服疏

伏目神爲民之主，豈不爾思。衣乃身之章，必稱其服。况靈濟廟稱正直神，結鶉未甚好。子夏之羞縫掖，深有味仲尼之聖。歲月已久，何妨靴笠更新。事勢使然，毋謂冠履倒置。軍旅未遑狙豆，貂蟬出自兜鍪，隨時施宜，誰曰不可。我有子弟，可相與語，大作檀越，發歡喜心。百費未易支吾，一錢也是布施。穿針用線，件件都着工夫。聚毛成裘，人人同出氣力。五彩既彰於五色，多福爰及於多才。

又

伏目朱履星冠，啓拜漢神。天師之寵，章甫縫掖。初非越人地土所宜，欲效胡粧，恐爲褻服。自愧緼袍之衣敝，擬作錦被以都遮。何必待寒而索裘，任你逢場而作戲。雖百孔千穿，未能補綻。然千針萬線，也用工夫。你

道再來，不直一文。這番一運，豈爲多費。既非鬼輸天雨，且得神喜人歡。况遇樂歲豐年，何必傾以茵，倒以廩，豈謂隨波逐浪也。須彈其冠，整其衣，福不厭脩，言無後議。

題真人衣服被盜重造疏

伏目五代侯王之胄，以直爲神，千年父母。吾鄉無端被冠，緣貧民不顧非義，使盛德乃至失容。剥座位之衣裳，竊香火之器具，敢欺暗室不戒，禍於覆車。雖云暮夜無知，未免一朝之患。凡我祠事，無着神羞。共協都遮之謀，莫惜解爲之費。庶幾衆望，如都舊章。下筆如雲，成功不日。有威可畏，有儀可像，瞻仰不忘。積善有慶，積惡有殃，報應不爽。

徐仙翰藻卷之十二

徐仙翰藻卷之十三

請東村公書

維神顯相，以文自鳴。不能爲相靈鼓瑟之詩，安敢效塚中談易之事。漏屋有愧，坐井無聞。自惟一得之愚，未免三書之上。茲見評於月旦，毋罪我以春秋。靈濟徽號四百餘年，相傳已久。通真先生九十四化，孰敢與知。名利雖曰殊，文章自合公論。惟天不愛道，地不愛寶故。河乃出圖，洛乃出書，知神所爲，因幾而作。聖人本不語怪，君子質諸無疑，視之不見，聽之弗聞，無聲與臭。大莫能載，小莫能破，則變則通。總明正直依乎人，吉凶悔吝指其掌。古人風靡，惟爲緝穆和遜之民。世俗日趨，安有禮義廉耻之士。此亦憂道者也，吾豈徒文乎哉。既當理，何必求人，蓋空言不如行道。若非鬼而祭之，則爲諂，所謂成其意者毋自欺。恭惟執事閣下顯幽闡微，探頤索隱。岩岩之瞻，壁立千仞。浩浩其氣，

筆掃千軍。久欽滕王閣之才，輒易羅池碑之請，恐伯皆猶有慙色。幸子瞻不敢固辭，仰恃大人長者之用心，辱惠幼婦外孫之雅句。業祠改觀，頌石寵榮，作萬世之表儀，聳四方之冠冕。書不盡言，言不盡意，略寓此情。大而謂聖，聖而謂神。必報其德，尚祈斤削，切勿墻麾不宣。

代鄉人請東村公啓

古廟凡四百年之塵埃，久矣。新碑一千八十字，氣象渾然。雖文章可得而聞，然山斗徒庠，所向不遠。千里尚堪一行，豈意參商，數經歲月。弗圖今日，反食前言。昨有籠鵝，非謝右軍之筆。今無燔肉，莫來夫子之車。未晤藥言，徒深芒背。靖想高明之德，不忘貧賤之交。北辱好辭，不比嫌青配白。自慚俗語，無乃以紫亂朱。借問潤河，銘恩衷臆。恭惟光生，精窮造化。學貫人天，橫驚汪洋，如唐退之弘深，雄雅過漢司馬，知名已久，獲賞尤多。石磯老人，初非索債。山中木客，只會吟詩。既遺尺素之勤，不能無綈

袍之戀。惠而如我，誰敢忘原。伏念某晚學無知，童心殘智，似涉虛無漂渺之說，初無光明俊偉之才。仰荷吹枯，已嘗席庇。敬修雁字，略陳私意之再三。敢屈駟車，少慰此心之萬一。

謝東村公書

或問曰：靈濟王記，自記矣。王既自記，而猶汲汲有求於人者，奚心哉。天地間，物之最靈者莫如龍，呼吸變化，神妙莫測。其所以依憑而不能使為之靈者，雲也。龍不得雲，則不能神其靈矣。今求於公者，此意也。敬以書謝。

入關張祿即已死之。應侯當室，

陶朱乃隱身之。范蠡雖曰姓名不一，本來面目自然皐夔。契不知所讀何書，堯、舜、禹、湯，自古相傳此道。造次顛沛，必於是危。微精一執厥中，蓋以垂世立教為心。必盡尊親事上之禮數，千百年莫測其妙。九十四化，可得而聞。無影無聲，未敢對鬼神之間。以義為利，初非循盜跖之徒。自惟碌碌之才，輒有戀戀之意。雖三瀆則不

告，而片辭可以知，胡為來哉，亦有以也。一女貞，衆女蕩，則蕩咲而貞羞。九人鬢，一人冠，則冠愧而鬢勝。雖曰世道然矣，有人心者乎。不明《大學》之生財，重辱《春秋》之直筆。當今之世，捨公其誰。雖夫非人，而人非天。必行顧言，而言顧行。恭惟東村先生，德參隱顯，道貫幽明。紙上雲煙，有得柳骨、顏肌之製。胸中溟渤，無非周情、孔思之文。迺覺今之是，昨之非。未有甲曰可，乙曰否。一言而決，衆論所推。何須形迹之求，是亦陰隲之事。北山公，有子生孫孫。

謝東村公跋

辱惠佳作，以為叢祠之光。讀之三復，頓覺神悟。真所謂有智無智，較三十里。若竊比於潼川先生，則非予之所敢。道銘之座右，使來者陟斯堂，觀斯文，想其人，如觀虎皮，知其嘯於山林而百獸也。

謝東村公啓

言念袖詩而來，曾與少儀半面。作記所托，再瞻五勃不凡。雖欲擁篲

以迎門，未獲。執鞭而參乘，高山仰止。我心孔懷，欲識荊州，適所願兮。不遇魯侯，是亦天也。恭惟府判先生，即鄉閣下，年高得邵，陰相神扶，經明行修，皆周公子之業。財裕國富，陋晏嬰、管仲之功。學術有以過人，冠冕特其余事。自得東村之樂，何妨別野之遊。敢再拜于下風，幸見知於今日。祠堂有誌，典雅何啻千言。人口是使流頌，不知幾載，皆出胸中。全馬初非紙上雕蟲，自慙疏魯之才，莫識吹揚之力。靈明感格，里社輝煌。君子恕以待人，禮物將其微，意鴻毛千里。謾陳雙鯉之勤，義字千金，輒有白鵝之謝。深慙草略，幸賜斥留。敬敕墨卿，仰千籤史。謹啓。

代鄉人謝東村公啓

韓子華見稱於持國，此爲縉紳當制之榮。謝靈運不夢於惠連，安得池塘佳句之妙。有是兄必有是弟，敬其人復敬其神。重辱高材，肯爲逮下。久懷謙德，不敢忘恩。皆曰伯氏之權衡，實出門下之操縱。三年而投，十牒

自憐。餌食之疏，一言而重。千金敢借，齒牙之譽，伏念某苟安閭里，退隱山林。雖貧，自謂不改顏。瓢所至，未嘗妄投稱刺。久沐江河之餘潤，實因瓜葛之連枝。捨是無求，莫知所措。恭惟某人，知名望族，問世奇材，胸中之志氣慷慨，筆下之文章浩蕩。深愧圭門華寶，莫容駟馬高車。敬修尺素之恭，未免金錢之愧。來困多施，素聞贊軍校尉之名。廟宇一新，全得成郁太守之力。適符願望，聊罄敷陳。

謝張總管啓

伏以抗論朝廷之上，錄進千秋。運籌帷幄之中，侯封萬戶。典刑如在，世代其昌。通刺敢爲，庭謁之先。下問無耻，塗歌之聽。恭惟統管相公，氣充剛大，性尚慈仁。治民以父母之心，斷事有神明之見。冤消叢棘，種滿甘棠。德政廉平，獨冠南閩之七郡。豐姿高越，共瞻北斗之一人。學海淵源，儒林華藻。運筆頭之造化，走紙上之風雲。久聞臺中二妙之才，喜過天下同文之會。法精崔、杜，至今稱之。論

及歐、虞，無所短者。百里之城門壯麗，千年之華表昇新。猗歟休哉，美又善矣。伏念某，互鄉童子，白屋陬生，願觀風月之清光，曾席江河之餘潤。今茲積善里，舊有祈雨官，累獲感通，號曰靈濟。字樣如斗，大書又喜特書。人口是碑，感德猶當頌德。永爲盛事，誰敢原竿。干櫓之虛文，何足爲禮。天相神扶而多福，式慰禱忱。草草懷慙，拳拳具謝。

上程廉訪求書廟額啓

按車八郡，喜增福地之光。肅政一臺，均席使天之庇。銘心知感，沒齒敢忘。恭惟肅政廉訪大使相公，問世宏才，濟時碩德，性淳事謹。久稱成都循吏之家聲。心正意誠，親受伊川先生之道學。朱紫曾誇閱清白，以遺子孫典刑。尚關洛之風，禮義作甌閩之倡。書法獨高萬古，筆陣掃退千軍。盧、洛、王、楊，何足道哉。甌、虞、楮、薛，未可及也。真是比方之燄燄，敬摭衷曲之拳拳。伏念隴畝編民，艸萊下土，見褊而小，身蠢且愚，仰干斧鉞之

誅，輒伸榜額之請。今茲積善里，古有靈濟宮，此士民所共瞻依，曾雨暘之獲感應。榮求三字，重惜千金。早賜發揮，不勝欣扑。相公門大，敢復上光範之書。小子井窺，有再瀆童蒙之筮。幸爲領略，莫究剡裁不宣。

代鄉人請陳道興奉靈濟宮啓

靈濟宮，好一道場，千年香火。青布市，許多人物，累代衣冠。與我同心，爲之潤色。徽號上尊於兩闕，盛名遠播於四方。傳後化今，王、楊、盧、駱之文，不能過也。登真證聖，征、僑、偃、佺之學，可得聞歟。以代天行化立心，以濟物利人爲誓。慈悲化現，功德難量。春祀之儀，尚存其禮。朝夕焚修之責，或闕其人。用是因循，未能採訪。誰與獨處，謀及大同。主善爲師，如先生，齊心戒行之士，有衆請命，非吾冀人情面分之私。倘辱法駕以賁臨，愈見宮門之壯觀。

又

點鐵成金，深賴陶鎔之力。拋磚引玉，重承駢儷之文。昨具疏，頭載嚴

簡，目謹涓穀，且敬掃茅蘆，拱俟法駕以垂光，當備香花而引袖。千年華表，歸捷獨鶴之仙。萬載道場，雄古六鰲之地。四方瞻仰，衆力維持。經之，營之，伊誰之力。始是，終是，雖我之心，鄉人之心。尚慮鬱鬱，非可久居。未免拳拳，而爲致請。人情周至，都道梅花水直千金。好事完成，勝過楊州腰纏十萬。

請高功唐宗萬建會

評惟月旦，辱聲譽之。遶揚度會天人，忽姓名之招出。敬裁柔訥，往候光驅。恭惟某人先生，學廣淵源，道高丘岳。達冲玄之至妙，體虛靜以無爲。心存齋法以嚴明，力爲教門而扶植。始吾於人，而信其行。當今之世，捨公其誰。茲爲靈濟宮衆建普度會，七月望日，特光十日之期。三日致齋，爰舉九朝之典。外爲演教，內誦度人。攀屈尊嚴，主盟科事。倘幽魂之開度，實斯會之有光。仰賴師明，俯慙冒瀆。伏念某僻居也陋，後進何知。雖道不可得而聞，惟賢者樂與爲善。幸獲下

車而就席，即當掃榻以迎門。一筆可航六十里，永爲遠涉辦香致敬。百千人所共皈依，既與同衆，必無我棄。

代鄉民請人任都講啓

久仰高風，固非一日。比參玄論，僭叩丹房。荷辱謙恭，肯爲盼睐。奉別而後，弗替此懷。茲爲靈濟宮建醮，適通簡瀆，攀屈車軒。若論典誥之文，爲衆所舉。當今道德之士，捨公其誰。倘以齋法作自己工夫，使我神靈得合仙骨像，皆庇之，及爲感何如。棟梁之材，椳闐居楔，非所宜也。川海之量，漕渠污澤莫不歸焉。肯辱臨壇，即當擁筭。

贈越山奉祠啓

某應機利物，未開方便之門。撥草叅玄，願睹真空之奧。辱知也，久投刺無由，道西峽之阻長，雲北山而企仰。倏承傳命，敢不效綿弟。神明不可度思，在小子自當應對。若非重珪禪師之戒律，奚以展龐居士之神通。大悲之閣記已成，輒敢露出東坡面目。曹溪之道場不小，何妨拈起六祖話頭。

重林和尚胡爲乎來哉，石徑老子必無我棄也。誠恐金根之錯易，尚求玉斧以修成。倘蒙把作頂衫也，是移來公案錄茲遺藁。只依簇上葫蘆，侑以輕縑，聊當湖州紫筭。大開法眼，小顧私情不宣。

賀鹿山授宣啓

伏以廣順祖師曾赴玉禮朝堂之石，咸通禪寺侈膺金書勅額之榮。克光于前，必復其始。恭惟白鹿禪師，物露法雨，香滿慈岩，是名上人，有福德相。仰沐宸恩之侈，欽承宣命之除。高峰攀萬歲之雲天，聲呼萬歲。大刹壯三山之福地。望重山三山，喝散野外之妖狐。喜遇堂前雙鹿，叢林整肅，鄰里輝煌。伏念某安分無能，交結已久，敢以縹緲虛無之說，敬參神通妙用之禪。雖塔上題名，文章見諸行事。然宰頭進步，力量可以過人。緣法夫豈偶然，道場自然興矣。載伸慶賀，不捨慈悲。既蒙駕象之寵臨，願顯青鳧之聖瑞。千年祠宇，必須得佛證明。一辨心香，應當合掌供養。編摩字短，

皈依意長。聊奉偈曰：雨巖巖頂坐，妙用大神通。喜拜君恩重，名高萬歲峰。

荅周勝公問事啓

序曰：周勝公，乃吾鄉之白眉者。俗語曰文人多薄命，信乎。駢四驪六，欲有所求。非吾三折肱所能，略以數目為報。

切以山林川谷丘陵皆曰神，三望特嚴於祀典。陰陽風雨明晦失其節，六淫已戒於醫書。愧無岳祇之靈，反貽河崇之誚，有口莫辨。獲戾奚云。可以察其是卒，無乃惑於禍福。龜弗我厭，特憑初筮之占。鴈不能鳴，敢作曰平之篆。黃熊托夢，夢生於想。紅蛇化影，影亦可疑。是皆精神念慮之勞，致使手足胼胝之患。疾久罹於霜露，無妄之灾。月既宿於斗牛，伊誰之咎。天其或者，命也柰何。人有常言，子不語怪。乃辱毛錐子之通刺。深暫木居士之少文。四十九年非，略知蘧伯玉之悔。萬二千脉息，不聞王叔和之名。欲起九死於一生之餘，永明七

表與八裏之學。雖百藥皆試，以幸其或中。然一夫不獲，則日子之辜。何須覆而翻雲，自有參天雨地。越尚乎譏，楚尚乎鬼，豈不變其俗耶。衛胃之輒，齊胃之綦，將焉用彼相矣。既不貳過，尚堪一行。常服摩挲員，孰讀和劑訣。

又

四六駢律，自是傑作。再三瀆筮，略見真情。勿藥有期，非筆可既。子之禱也久矣，子亦何所言哉。既辱之勤，不容以拒。

伏以折臂之言雖驗，何傷羊叔之仁。失輒之親不傷，何孤婁師德之譽。哭書再上，辱命多慙。是雖有君子戚戚之窮，奚必爲小人礪礪之狀。不侯不還天也，伯寮其如命何。蓋盛名必遭乎坎壇之變，然幽鬼常作於沉痾之後。鶴之餽也何罪，鸞之鍛也何時。跛龜尚堪一行，榻鷄猷能再接。正恐洗脚失財之誚，反貽引手下石之譏。既承口告以丁寧，緬想足音而喜躍。以德報怨，既無厭於老拳。勉力學行，

幸不忘於故步。憂人之憂，樂人之樂，雖孔孟以爲難言。溺己之溺，饑己之饑，此禹稷之所自誓。善救物，則無棄物。可與言，亦不失言。欲求六尺之藤，須得三年之艾。襦毫作報，尚懷脫之虞。倒屣以迎，少俟下車之間。揚鞭致謝，躡履何疑。

幼婚啓白水梁聘祐入黃

言念兩家生子，巧如同隊之魚。二世聯姻，卜協和鳴之鳳。朱陳有舊齊，鄭維新愛久。托於青山盟，用伸於白水。因緣果在，欣幸猶多。况令孫女德遂遺風，將喜卜琴而得趣。而孫男詩書養志，未能授筆以成文。雖是因親，何妨及幼。可以爲黃之倩，皆曰真梁之妻。時然後言好，奉蘋蘩而盡職。禮其尚質，敬脩榛栗以告處，不腆彝儀。具陳右幅，謹奉啓以聞。伏惟尊慈俯賜，鑒念不宣。

上梁文

伏以三山環會，爭傳福地太平。一脉源流，聞道義門陰隲。今任旨堂之責，迺成作室之功。筮從龜，從既，

葉卦中之吉。人好鳥好果，呈屋上之祥。恭惟某人，繼業箕裘，聞聲絃頌。手中圭出文章刀筆，胸中自有間架規模。事出一家，喜見萼樓之侈。蔭依百里，具稱花縣之榮。一日鼎新，萬年壯麗。自慚小匠，未有高謀。因其所以，經之營之。豈敢是謂，鋸彼斧彼。黃金市上，兢誇范蠡之財。綵衣堂前，願效老萊之戲。聊伸燕雀之賀厦，試上螭螭之高梁。

詩曰：

如君筆量棟梁材，也着工夫爲剗裁。大厦萬間多巨庇，庭間又喜重三槐。

徐仙翰藻卷之十三

徐仙翰藻卷之十四

梁燈聯

梁聯

本宮

聖主萬年道永綏於華夏，明神一德福誕錫於邦家。

鳩祚天長永紀萬年泰運，鰲峰地壯保于四境昇平。

革故鼎新復恢大壯之規，否極泰來感遂同人之志。

定光堂

佛法慈悲遍三千三世界，神靈溥博保萬古之廟堂。

祈雨王廟

聖天子天長地久聖壽無疆，祈雨王雨順風調神靈有感。

慶賀燈聯

皇帝萬年億載海嶽效靈，天下八達四通車書同道。

聖壽萬安南極一星呈瑞，
神光三現東封八字增輝。

惟皇建極天地節四時成，
大德曰生人民育五穀熟。

聖人有大德曰壽曰富曰多男，
天下爲一家于疆于理于四海。

皇都壯麗龍盤虎據勢重萬鈞，
天下太平狗吠鷄鳴聲四海。

國朝混一自北而南天寬地闊，
世道太平復今如古俗美風淳。

昌曆文明太平之期當今日，
嘉禾豐稔東作之民喜有年。

金闕壽旦

金闕化身八十二相同名同號，
玉卮獻壽萬六千歲爲春爲秋。

蓬萊總是神仙客名在丹臺，
南極現出老人星光聯東井。

玉闕壽旦

七月中元大慶日壽獻金卮，
五風十雨太平時祥呈玉燭。

天生上相讓萊公先一日之期，

雷動歡聲效莊子八千秋之祝。

祥雲五色呈嘉瑞，
歲樂三登賀太平。

玉闕雲開天咫尺，
銀河水浸月清光。

天封丹鳳篆，
地壯聳鰲峰。

親睦堂

籩豆俱存周典禮，
衣冠復見漢威儀。

高節全名同皦日，
滿堂和氣一團春。

文章千古事，
忠孝一生心。

聲名垂日月，
道義重丘山。

靈椿長不老，
丹桂喜傳芳。

注生堂

仙妃共赴瑤池宴，
男子須知玉版書。

玄圃千年桃獻瑞，
燕山萬古桂傳芳。

桑梓聯陰同里社，
芝蘭毓秀滿階庭。

箕裘傳世業，
孤矢壯男兒。

慶元宵燈聯

天開鳳曆國家社稷萬千年，
地擁熬峰燈火樓臺三五夜。

元夕燈輝往來車馬三千客，
鰲山綵結富貴東南第一峰。

蓮燈萬斛樓臺夜月影交輝，
斗米三錢里社春風人快活。

蓬萊三島神仙所居樓臺當貴，
東壁二星圖書之府河漢文章。

清廟顯相四百年祀典森嚴，
正月始和三五夜元宵宴樂。

日暎旌旗金姓字，
雲開閭闔玉毫光。

廟祭千年存舊典，

宣封八字侈金書。

燈聯

真君受籙

皇帝壽祝萬年乾坤同久，
天師道尊百世日月常明。

聖主開太平壽比南山福如東海，
仙道常自吉名在丹臺身居赤城。

瑤宮兩闕去天尺許平步雲梯，
金書一扎自日邊來辟瞻星斗。

齋戒沐浴事上帝無二爾心，
聰明正直之謂神克享其德。

紫泥宣詔侈新封神靈光顯，
青布成羅符舊識人物奢華。

普度醮

當今皇帝享國萬年勢安磐石，
元始天尊說經十遍光現寶珠。

泰山岩岩四嶽所宗致齋一日，
大羅渺渺三界之上普度衆生。

神京萬八千里四國來朝，
泰山七十二司衆生受度。

黃雲一朵凝靈府，

甘露三千普濟門。

聖主與天齊壽萬代乾坤，
老子以道爲宗四方日月。

孤魂所燈聯

東妙嚴宮化現十方光呈瑞相，
西那王國彌羅大梵願度衆生。

齊戒沐浴可事上帝毋二乃心，
亡靈超度徑往南宮得叅妙道。

玉京山上去天尺五直透玄都，
恒河沙界遍地大千同乘妙道。

大羅渺渺三界之上九氣氤氳，
泰山岩岩四嶽所宗萬神朝禮。

寶珠一黍米十方世界共睹光明，
玉笈幾函經億祖萬曾普皆受度。

東華淨境西那王國奉戒修齋，
南昌上宮北都寒池濟生度死。

一洒冷冷甘露水，
九玄豐豐上清衢。

八色九章聞妙道，
億曾萬祖上朱宮。

三塗解脫超三界，
八色光明照八方。

聞經聽法共起慈悲，
推食解衣一均溫飽。

血盆會

日連報母恩孝達乾坤神通第一，
地藏作教主法遍河沙世界三千。

徐仙翰藻卷之十四

徐仙翰藻跋

文者，包三材而爲體，散萬有而爲用。鴻濛混而文未生，鰲極判而文漸露。天不愛道，故出圖書於河洛，寄之包犧神禹，封而入之，疇而九之，而人之始顯。既泄於天，而授之人，天上玉樓，亦將假筆，而長吉之手，今又授而之神，神得以聘其能矣。然未有如靈濟之神，下筆數千言，錄而集之，名曰《徐仙翰藻》或曰神之盛，則人之哀。此陸雲玄學，必得於冢中之談《易》。《滕王閣記》，必得於長蘆之效靈。非扶肘擘口，文未必工。取筆還錦，文思頓減。人聽命於神耶，神聽命於人耶。驅瘴除魅等作，惟昌黎公足以當之，如是謂人之文。至於王知遠《易總》，郭公《青囊書》，造物所甚秘者，焉得不求之於神。誦神之文，驗神之靈，信乎言事驗，爲文富也。雖然，驟語《易》者必玩神，神而明之存乎人。神固不可盡洩於人，人亦不可盡諉於神，蓋神無

方，而有知也。文之靈也，固宜。然神之靈也，不可知。不可知，則其謂之怪也，亦宜。苟神矣，何怪乎。怪於神，孔子不語也。是以太公之《陰符經·圯上之老人篇》，苟非人，則不傳。神亦豈易語人哉。愚故謂神之文，非誇奇鬥異也。自述一記，可以考神系之願未撫之。韓昌黎作偃王廟碑，信有證也，無徵不信矣。且其言曰婉婉，偃王惟道之耽。人思王恩，記王之孫，是知鼻祖仁義一脈。世有大功，故其流澤蕃衍，或克至於今日休。識者猶謂：昔廟於衢，今廟於閩。王之不戰，不之彭城之越，斯廟焉，又何有於閩。余曰：此偃王之孫，其在於提師入閩，晉之開運二年乎。神之在天下，如水在地中，無往而不在，獨閩人信之深，思之至，建祠之。余何敢重贊一詞。係之以詩曰：

往古來今千百年，王之徽號至今傳。
天燈獻瑞長爲燭，溪水安流密護田。
跡顯肇於開運始，廣成迄自政和前。
鰲峰懋績垂青史，東壁奎文正麗天。

時大德乙巳仲春，山長陳夢根拜手書。

（陳秀峰點校）

066 徐仙真錄

經名：徐仙真錄。明方文照編。
五卷。底本出處：《萬曆續道藏》。

徐仙真錄序

天生英才，用之於當時，則能忠君保民，榮膺顯爵。歿則廟祀一方，而其陰功靈貺，猶能闡揚於後世者，實非偶然。蓋天將有意於斯世斯民，而使其至於是也。不然何獨異於人哉。若徐二仙者，槩可見矣。神，海州朐山人也。出偃王之後。其父溫，五代時爲吳名將，能建軍功，累遷官至拜相，卒贈齊王，謚忠武。五子皆受王封，曰知證，曰知諤者，即二仙也。天福中，唐主受禪，封知證爲江王，知諤爲饒王，同鎮金陵。威德兼濟，民庶乂安。率

兵入閩，蠻寇迎降，境土寧靜。閩人歸戴，遂立生祠於鰲峰之北，設像以敬事焉。神念其誠，一日，語閩人曰：我明年別汝輩，當默佑茲土。果符前言，於是閩人敬事益虔。而凡旱潦虫蝗之灾，水火寇盜之危，疾病婚葬之請，隨禱隨應，若響若答。至若摛詞揮翰，雲漢昭回，耀人耳目。自宋以來，累受封號。逮至我朝永樂之間，以神有翊衛聖躬弗豫之功，聿新祠廟，御製碑刻，褒封有加，以昭神貺。由此而觀，則神生爲忠臣，歿爲明神，其功德有益於國家生民者。如此，豈非天有意於斯世斯民，而使其至於是歟。其祠官方文照，蓋凡神之世系、行實、靈跡、華翰，與夫前代我朝褒封碑刻，恐歲久湮沒失傳，彙成一編，名曰真錄。閩藩總戎孟城孫公，忠義士也，竊嘗觀之，而有感焉，乃捐俸，命工繡梓，以博其傳，命予序引。予謂神聰明正直，其顯跡著于今昔者，皆不出於隱僻怪誕，而至於惑世誣民之患，莫非忠君孝親，仁民愛物之事，蓋士君子之所當爲也。其近

而耳聞目見者，固不待是編而知，使遐方僻壤未及見聞者，幸獲一覽，其於爲臣爲子之道，脩身慎行之方，亦足爲一助云耳。是爲序。

正統八年，歲在癸亥秋七月吉日，
福建閩縣儒學訓導王用盛序。

重刊徐仙真錄題辭

徐仙真錄者，洪恩靈濟二真君之行實也。內列圖像，與夫前代封贈之由，及我太宗文皇帝勅建宮宇，御製碑文、爲善陰隲之書所載贊頌、累受加封誥命、醮祭、褒揚詞旨，列聖崇祀，賜衣儀典，並真君降筆所爲古賦、記序、詩歌、籤兆，翰藻雲章，天機煥發，照耀古今。其奉祠之官方文照等，彙而集之，麗爲上下之編，凡若干卷，以紀真君幹運神化，福國裕民之功，默衛聖躬，陰翊皇度之德，靈應顯異，莫不具載。是書舊有刊本，年久，漫不可考，且無今日之全備。編訂校讎，繕寫成帙，將鋟棗以廣其傳。積歲累月，顧力有所弗及。適遇鎮國將軍，孟城孫公景康，奉命來鎮福唐都閩。居無何，躬謁真君於鰲峰之祖宮，以嚴祀禮，拜跪酌獻，神人交孚。禮成，公即取是編讀之，忻躍贊歎，樂然損貲，期在必刻，以照靈蹟於不朽。甫庇工，俾予言以識之。

予齋沐焚香，披誦連日，則知真君積功累仁，極忠至孝，慕道成仙，利物濟人之真蹟，悉在是編，靡有遺缺，亘萬古而不能泯也。然予於此，則有感焉，何也？昔者未刻，天下之目無見也，天下之耳無聞也。今既刻之，殆見四海之內，八紘之中，聾病耳開聰，盲者目明，無所不聞，無所不見。斯世斯民，誦斯書，玩斯理，皆知企慕真君之高風遐躅，爲忠爲孝，修德行善，冀得登陟仙階，昇真悟道。是則見真君不惟成己於曩劫之先，尤將度人於浩劫無窮之後也已。抑觀孫公以是存心，可謂好善有誠，知敬天事神之禮，忠君愛親，景仰真君之道之至者耳，豈他人所能及哉。嗚呼，一念之善，尚可以格乎彼蒼，況其善如此其大者乎，實宜書也。真錄詳備，已成全書。其端則有前福建右布政使，鳳陽麻公洎諸文人之序，予不復贅，姑述此以誌其顛末顯晦，與今重刊之歲月云。 昔正統六年歲次辛酉正月上元日，知泉州府同安縣事後學新安朱徽拜手謹書。

徐仙真錄序

閩三山城南九十里許，有金鰲峰，高凌霄漢，傑出世表。峰下，靈濟真君之仙祠也。予授方面，蒞政，一日率僚屬謁祠。階序腴雅，神貌肅然，而不知神之由始也。時有鄉之父老黃恒，年幾八耄，進而言曰：神姓徐，乃偃王之裔。晉開運二年，率師入閩，道經金鰲，駐兵除寇。及歸仙，陰隲顯揚，民賴以生。鄉人方珏，始立祠於芝嶼，即今稱曰祖廟。珏之孫曰詢，曰感，曰仲，白其事於執政。聞于朝，勅命始下。繼世克紹先志，祀事惟謹。宋政和七年分香火，始擇地于今靈濟之宮，創建立祠。後有方渙、方汶，率鄉人增廣明堂，更立門表。神之威靈日盛，顯于聖朝，維新廟宇，而崇祀典，大光於前列矣。遂進《徐仙真錄》，備載神之顯迹。及《徐仙翰藻》一書，皆錄神之筆也。其間碑銘、傳、跋、序、啓、頌、疏，至於鰲峰賦、壁像贊，遇事立言，千

態萬狀，愈出愈奇。復謂於予曰：神之顯靈，揚揚在人耳目，陰隲功行，備存此書。書雖存，未有序其首，願求一言，辭不獲予。惟神生於當世，英邁絕倫，及宗玄學，伯仲聯芳，同登仙籍。因著跡於金鰲峰。山川英氣，復萃於神。榮享廟食，歛惠一方。久隱而弗揚者，何故？風土有盛衰之運，氣數有隱顯之機。惟神得兆朕之先，暫否其德，則泄為文章，使虛空縹緲之筆，燎然而駭俗，粲然而耀衆。或彰其靈，祈禱感應，如響斯答。至於行脩相傳次第，累成編迭，泄傳於世，含靈孕氣四百餘年。伏遇聖朝混一，德溢華夷，感神明，則致洪恩真君，敷揚隱德，大闡威靈，翼輔國家，庇及生民，屢降禎祥，四海咸欽。是以載神之德，大顯榮封，春秋恒祀，彰績立碑，垂示於無窮。故其慶會之際，神人相依，誠非偶然矣。故為序。時大明永樂甲辰仲冬望日，中奉大夫福建等處承宣布政使司左布政麻勉書。

徐仙真錄目錄

徐仙真錄序

重刊徐仙真錄題辭

徐仙真錄序

卷一

徐仙世家

出相傳

廟碑 福建宮

禎祥

真君經序 并經

廟碑 北京宮

真君頌

查元帥呪

祈雨呪

金闕誥文

涇國仙妃誥文

金闕仙簡

加封職帖

持戒濟人

卷二

傳授法印 缺

真君瓊科

廟封本始

二真成仙傳

孝誠感應傳

勅文

誥命

真君呪 三首

祈晴呪

攘虫保禾呪

玉闕誥文

衛國仙妃誥文

玉闕仙簡

五帥職帖

勸行善事

願科

七政星燈

仙妃祕典

堅旛科

真君靈籤譜

注生靈籤譜

卷三

在京靈濟宮

蓋廟立碑

降印符籙

降易時衣

祭祀儀注

香燈

祝文

敷達上玄齋意

設官奉祀

選道燒香

給戶灑掃

卷四

福建靈濟宮

蓋廟立碑

降印符籙 缺

降易時補 缺

樂章 缺

陳樂圖

謝上土真齋意

回向文 三篇

慶讚丹悃

祭祀儀注

設官奉祀

選道燒香

給戶灑掃看守

卷五

祠產各宮田園條段

徐仙真錄目錄畢 ①

①此目錄原有脫誤，已校補。

徐仙真錄卷之一

徐仙世家

徐温，字敦美，海州朐山人也。子五人，曰知詢、知諫、知訓、知證、知諤。養子一人，曰知誥。温初隸楊行密帳下，以功遷右衛指揮使，始預謀議。天佑六年己巳，吳主以温領昇州刺使，治舟師於金陵。十二年乙亥，遷行軍司馬潤州刺史，鎮海軍節度使，同平章事。冬十二月，封齊國公，兼兩浙招討使。始就鎮潤州，以昇、潤、宣、常、黃、池六州，爲齊國城，于昇州建大都督府。十六年己卯，拜爲大丞相，中外都督諸軍事。同光四年丙戌，追爵大丞相。徐温四代祖考，立廟金陵。天成二年丁亥卒，吳主贈爲齊王，謚曰忠武。即今神父齊王忠武翊亮真君是也。

徐知誥，字正倫，後復姓李，更名

曰昇，徐州人也，少孤，流寓濠州，初楊行密得之以乞。徐温爲人温厚有謀，爲吳樓船軍使，以兵屯金陵，後以功拜昇州刺史。天佑十五年戊寅，吳以爲行軍副使輔政，令復拜爲海東郡王。

十六年己卯，以爲左僕射，參知政事，兼知內外諸軍事。天成四年己丑，吳主加知誥兼中書令。長興二年辛卯，吳主以知誥鎮金陵，復以爲鎮海寧國節度使，鎮金陵，總錄朝政。三年壬辰，廣金陵城。四年癸巳，營宮室於金陵。清泰二年乙未，吳主加知誥大元帥，封齊王，備殊禮。天福二年丁酉，知誥建齊國於金陵。秋，吳太子璉，納知誥女爲妃，乃始建太廟社稷，改金陵爲江寧府。秋八月，吳主溥，奉冊禪位於齊王知誥，迺復姓李，更名曰昇，奉徐温爲義祖，徐氏諸子皆封王，女封郡縣主。即今本宮唐王是也。

徐知詢，乾貞元年丁亥，吳主拜爲輔國大將軍金陵尹，後加右統軍，封洪王。

徐知諫，温養子。知誥事吳甚謹，而徐氏諸子頗不能容，常召飲酒，伏劍士，欲殺之。諫以其謀告知誥，乃得解。後封爲鄂王。

徐知訓，天佑二年乙亥，温遣其輔吳主於廣陵。吳以爲都軍使，後封爲廣陵王。

徐知證，天福二年丁酉，知誥受吳禪，乃封爲江王。天福九年甲辰，同饒王統將入閩，著績金鰲，遂立廟祀，即今九天金闕洪恩真君是也。

徐知諤，天佑十九年壬午，吳主拜爲金陵尹。及知誥受禪，乃封爲饒王，即今九天玉闕洪恩真君是也。五元帥，乃祖廟駐劄之將也，當時廟碑封號明白。其岳文昌、許文績、李穀、韓熙載、祖全恩、嚴可求、阮慶、陸齊等帥，雖在真君麾下，封號碑無可考。

查文徽，天福八年癸卯，唐主以爲樞密院使。九年甲辰，閩人連重遇弒其主王延羲，閩大亂。唐遣查文徽屬二王，發兵攻建州，屯於建陽。已而，閩之諸將皆送款而降。秋八月，文徽乘勝克建、汀、漳、泉四州，即今靈濟宮永安留守查元帥是也。

邊鎬，天福八年癸卯，唐主以鎬爲通事舍人，遣破虔州妖賊張遇賢，執以降。九年甲辰，拜鎬信州刺史。秋，楚大亂，唐遣攻楚，破潭州，乃以鎬爲湖南節度使，即今靈濟宮武安留守邊元帥是也。

魏岑，天福九年甲辰，唐主以爲樞密院副使。十二年丁未，岑安撫漳泉，後改爲監軍使，復授太子洗馬，即今靈濟宮節度使左監門魏元帥是也。

趙鏗，字文德。初，唐主拜爲池州刺史，後召委以宣州令，即今靈濟宮都統使右監門趙元帥是也。

刁彥能，天福七年壬寅，唐主拜爲撫國節度使，即今靈濟宮都統軍使先鋒刁元帥是也。

封廟本始

勅卦

宋乾道二年丙戌，方詢、方感、方仲，上其事於州牧，號曰護境感應。熙寧三年庚戌，林懷賢等，上其事於光祿卿程師孟保奏。八年乙卯，劉彝、周汝礪復具狀以聞。紹定元年戊子，安撫使薛弼，保奏於朝。端平元年甲午，左藏周說、潮守周燧，具其事於執政李宗勉保奏。端平三年丙申，宋理宗封：

九天金闕明道達德大仙顯靈溥濟真人，江王。

九天玉闕宣化扶教上仙昭靈博濟真人，饒王。

父，齊王，忠武真人。母田氏，仁壽仙妃。配許氏，順助仙惠仙妃。陶氏，善助慈懿仙妃。

嘉熙元年，勅廟額曰靈濟宮。

大明永樂十四年丙申，郎中王羽、尚書方賓奏神績於朝。次年丁酉，太宗文皇帝加封：

金闕曰清微洞玄冲虛妙感慈惠洪恩真人。

玉闕曰高明弘靜冲湛妙應仁惠洪恩真人。

父，翊亮真人。母，淑善仙妃。

許氏，貞應仙妃。

陶氏，恭靜仙妃。

永樂十六年戊戌加封：

金闕護國庇民洪恩真君。

玉闕輔國佑民洪恩真君。

父，翊亮真君。

加廟額曰洪恩靈濟宮。

宣德十年乙卯，皇上登寶位加

封：

金闕崇福洪恩真君。

玉闕降福洪恩真君。

鰲峰始祠

自晉開運二年乙巳，真君率師入閩駐兵除寇，鄉人立祠於鰲峰。宋太平興國八年癸未，更立祖廟，舊址尚

存，即今佛舍前是也。至大明永樂甲辰，共四百七十九年。

洪恩靈濟祖廟

宋太平興國八年癸未，檀越方珏始立祖廟，以石爲室，諸祠皆本於此，歲時祀禮，方氏主之。至正七年丁亥，方壯猷、方逢午、方嗣翁重建，復立祖廟碑。至永樂三年乙酉，方文照等募緣重建，更坐向子午。至大明永樂甲辰，共四百四十二年。

潢溪社壇

宋祥符元年戊申，立廟於潢溪，分祖廟香火而奉祠焉。至政和七年丁酉，遷于洪恩靈濟宮，遂廢其地，即今稱曰社壇。

洪恩靈濟宮

宋政和七年丁酉，因廢潢溪，遷立宮於此地，坐向甲庚。鄉之父老，每歲奉神，朝于祖廟，牲醴祀事，示不忘本。至正十三年癸巳，沈建翁等重建立碑。後方渙、方汶等，增廣明堂，更立門表。大明永樂八年庚寅，方文照等，募緣重建。永樂十五年丁酉，勅內臣同方面

正官，率領軍夫，增廣地基，從新蓋造，御製碑文。至永樂甲辰，共三百九年。

旗龍仙祠

宋宣和七年乙巳，初立壇墀。後祈雨有應，創祠，因號祈雨王。淳熙十一年甲辰，鄉人郭希聖重建。元貞元年乙未，張豐等重修。至大明永樂甲辰，共二百年。

香火源流

靈濟香火，遍於一方。當時人物繁盛，隨處立廟，如玉水清江桂宮，岳山玉坂，富山旗龍，新安江尾石舍。蓬山青布之西，南北至於白鹿，合山慈氏福藏，護法迦藍，殿廟雖異，香火皆本於祖宮，其實洪恩真君之一源也。各祠將帥不同，乃立廟時，隨真君所遣。

徐仙出相傳

靈濟宮祖祠，廊廡東西，圖像屹然。恒童幼間，聞諸先生言曰：此乃徐二仙靈廟食之事跡，逐節傳文，以紀其實，繫詩于後，以贊其德。初自好

善持經，以至陰功濟人，立廟芝嶼，延蔓香火，節節有序。使登斯堂，而一覽數百年之往事如在。今日來者，莫不欽嘆而加敬畏焉。歷年既久，圖像朽昧，恒慮湮沒，是以備錄於書，垂示無窮。復以大明永樂，彰靈顯應，敬天勤民，以繼其後。此亦神之靈德，復興於永樂年。林丘散人黃恒頓首謹書。

好善修行

二仙乃徐偃王後，南唐徐溫之子，海州朐山人也。自幼好善，篤志侑行。每遇貧窘，樂而施與。平時服御，不尚華侈。一切遊玩，不貴珍奇。寧甘淡泊，每日常素食。自是功行日增，成登道岸。詩曰：良因善果世難尋，誰識修行樂道心。丹火燒空堪愛處，昭彰靈貺古如今。

持經拜斗

自日常素食，持念《玉皇經》、《寶號》、《北斗延生經》。玄科祕典，無不週遍。每夜齋戒沐浴，設香案。惟與弟二人，告天拜斗。期殄兵革，以安生

民。雖國政繁劇，不移志願，恒勤經向道，久而愈篤焉。詩曰：向道誰知日勤，持經拜斗積功勳。修成行滿超三界，仙籍題名萬古存。

封王鎮國

唐主授禪晉天福二年丁酉，卦弟知證為江王，知諤為饒王，鎮守金陵，撫輯流亡，控扼二十餘州。民征就寬，軍給以饒。林蠻洞蜒，守條死要。稚耄嬉遊，連手歌謳，江南之民，舉賴以安焉。詩曰：華萼聯芳立世功，列分茅土受王封。民安國泰謳歌動，守備金陵有盡忠。

父老迎師

晉開運之二年乙巳，閩王王氏闓墻之釁，兵革肆興。玉率查、邊等騎萬人入閩，駐節於峽江之南。道經青布，鄉之父老簞食壺漿，擁道以迎。鄉閩咸賴，民皆按堵。秋毫無患，以遂其生焉。詩曰：惟玉駐節峽江南，父老祇迎賴以安。鷄犬不驚人按堵，秋毫無患吏民歡。

駐兵除寇

父老迎師懇於王曰：適有精兵數百，隱匿於鰲峰之巔，夸慢凶驕，將次為亂。王師今下至閭井，朋鄰深被擾害，弗能安生。王遂憫之，迺引師南向，挫其峰，殲厥巨魁，不戰而收，民皆安堵。詩曰：鰲峰賊寇實堪驚，顛覆朋鄰苦不寧。一駐精兵清掃蕩，萬民生業得經營。

立祠祝壽

賊寇既平，師還。父老攀慕顧戀，不忍釋去。遂剪茅為屋，於鰲峰龍湫之北，圖像奉祀，晨香夕燈，以祝王壽。王心惻然，與眾盟曰：予明年當棄世，而寄於此矣。祠之舊址，即今佛舍前是也。詩曰：感佩深恩自有餘，鰲峰潭北立生祠。于時就與鄉民誓，異日當為血食居。

授都水使

二王居世，篤志脩行。功成行滿，道妙德玄。上達天曹，名揚斗府，是年脫化於鈎伍間。以平時拜斗，兄弟聯名，並得斗中都冰二使者。出入天宮，

左執青節，右仗黃鉞，侍立帝前，默佑下民。詩曰：斗府延生秘不傳，仙人道妙得真詮。初為都水天門使，出入瓊宮侍帝前。

靈寶說經

侑真得道詣五明宮中，參靈寶天尊，長跪而進言：夙生慶幸，得預天。下觀慾界，多作惡業，全無慚愧，不知解悟，作何因緣，何以救度，願垂憐憫。天尊遂說經偈：能自修持，常居吉慶焉。詩曰：玄門立教自垂科，親授玄文得不訛。惟有二仙歸妙道，五明宮裏聽經多。

黃庭秘訣

惟王初生塵土，授封王爵，不以位尊貴榮而自居，惟樂道窮經，清居守淡，雖功行圓滿，名登仙籍。而黃庭先生得其秘訣，久仰慕之。晉開運間，故詣黃庭道士前，授長生秘訣《道德仙經》。詩曰：黃庭道士意如何，秘訣長生世不過。參到諸真棲隱處，許多經教與玄科。

參定光佛

二王自歸仙道，大闡虛玄之秘，具其自然之妙，上佐斗真，下利群品。後參釋氏定光圓應普通慈濟大師菩薩，直入真如之境。契合神機，靈臺內郎惠力，愈彰真空妙有之理，無不自得。詩曰：古佛壇前入定還，真仙皈依扣禪關。了心見性空中有，玄釋由來總一般。

符藥濟人

後周顯得二年乙卯，王始降筆判符藥以濟人。聲聞達于四方，陰隲留人耳目。敬之愛之，不啻父母，而賴保障，自是求神問事，無不感恁。治病更甦，沉痾頓解。神德愈彰，而人心皈依矣。詩曰：顯德靈符散世間，仙方妙濟幾多般。無求不應真神效，老者康莊病者安。

反風滅火

顯德間鄉人不謹，致回祿之災。初發一星，因風而熾。炎炎猛烈，焚蕩閭舍。高梁大厦，頃刻皆除，尚延蔓不止。民皆失色而無措，呼告二王，祈求救護。遂鼓反風一吹，火燼皆滅，民咸

感德。詩曰：炎炎烈火燎人家，大厦高梁一旦賒。神鼓反風吹滅火，民安居止樂生涯。

滄峽救船

溪河通舟楫，閩川最爲險峻，滄峽之水爲尤難。石瀨巉岩，當流曲折，舟人多被阻壞。宋開寶元年戊辰，有攬載商貨船，經幾覆。水工叫呼二王祈佑，遂感雲中有黃旗隱隱，即帖然無虞。詩曰：閩川險峻阻行舟，滄峽猶難不啻憂。失勢叫呼旗隱隱，浪濤湧水平流。

驅掃不祥

宋開寶八年丁亥仲春間，時氣不調，鄉人有患癘疾，舉家連綿。求醫罔效，甚而相染，或曰蝦蟆瘡。鄰里皆不安，拜告祠下，判以靈符天醫妙藥，療治響應。故有《驅癘篇》《驅蝦蟆瘡文》作焉。詩曰：沴氣時行不可當。朋鄰間并舉惶惶。靈威颯颯驅長掃，自是安民績愈彰。

芝嶼立祠

宋興國八年癸未，春不雨。禱王

響應，詣祠求答。忽有木爐捧出水心，雙龍扶異，西流至嶼山，橫溪不進。紙錢結界，異香襲人，夜現天燈之瑞。鄉人方珏，因以成其廟。後產靈芝，號曰芝嶼。詩曰：神爐涌出繞雙龍，扶翼西流止嶼中。夜現天燈諸瑞至，鄉人因此立祠宮。

尊親睦殿

神父諱溫，吳拜爲丞相。天成丁亥卒，贈齊王，溢曰忠武。母田氏諱淑，恭封仁壽仙妃。及二王顯靈立廟，先尊親睦殿，序列唐王、洪王、鄂王、廣陵王，皆神之兄也。公、候、孫、子，皆王之仙眷也。詩曰：二王廟食鎮南閩，別構庭闈奉二親。雍睦衣冠如在日，踴躍戲舞綵衣新。

立注生堂

夫人性稟謙柔質同坤。重執勤后，德內助陰功。江王妃許氏，諱珍，符封涇國夫人，順助仁惠仙妃。饒王妃陶氏，諱環韞，封衛國夫人，善助慈懿仙妃。叅東華法主，同授延生司注生司事。詩曰：內助陰功政最明，一

朝脫化得功成。注生曾向東華授，建立華堂因此名。

天帝頌誥

宋至道元年乙未，鄉人建黃籙會。忽聞天樂鳴空，祥雲環繞，乃天帝遣神人頌誥，封江王為金闕真人，饒王為玉闕真人，各十六字。陶氏、許氏曰：仙妃，神父母俱獲天封。備二真成仙傳。詩曰：筵開黃籙樂鳴空，頌誥神人惠澤隆。雙闕聲名垂萬古，一門珠玉獲天封。

神兵護國

閩人劉彝桂州，賊寇陷邊，彝默禱雙闕，賊果潰去。其後韓世忠戰大儀鎮，吳玠戰和尚原，俱遣神兵翼護國家，遂效公山草木之靈，使敵遙見鐵騎百萬，行陣嚴肅，不待交兵而敗去。詩曰：揚威桂郡却蠻兵，神效公山草木靈。鐵騎陣嚴山谷裏，頓令賊寇自清平。

立龍首宮

宋政和七年丁酉，卜地於龍首，遂立廟。至元癸巳，沈建翁等重修，方

渙、方汶更立門表。歲庚寅，復募緣重建，未就。大明永樂丁酉，奉勅增廣地基，從新起蓋，設奉祀官方文照，而守祠焉。詩曰：閩南地壯接鰲峰，擇此經營龍首宮。功重國家恩寵厚，榮封立廟享無窮。

禱雨瑞應

宋宣和七年乙巳，秋不雨。四野集枯，嘉穀用虞。農夫野叟，連手相呼，告于祠下。須臾雲霧四塞，霖雨如注。遠望山之南，有神龍閃閃，上豎黃旗，大顯金書徽號。歲得收成，而四民樂業焉。詩曰：天時亢旱四郊枯，田稼焦寥水莫圖。拜禱祠前龍霧起，黃旗閃閃慰農夫。

收捕蝗虫

宋嘉定二年己巳夏五月間，田野禾稼，秀而未實，適遇蝗虫遍野，深被傷害，民皆無措。鄉之父老，咸詣祠下，焚香致敬，血陳丹悃，告于一仙。遂驅迅雷、猛雨、烈風，吹落滿地，孽虫皆自死。詩曰：西疇未黍秀離離，輒起蝗虫甚可悽。大作風雷霖雨降，孽

虫吹落死盈畦。

神兵治水

鄉人原立廟于潢溪，久而則廢。宋紹定戊子仲夏，潢溪有霖潦暴溢，曰稼墊溺。衆方狼顧失色，忽有役夫千群，競操畚鍤，疏其源，決其流，水竟不為民害。已而，俱失所在，乃知神兵也。詩曰：潢溪霖潦水濤生，墊溺田禾衆不寧。忽有千夫皆荷鍤，源疏方始覺神兵。

勅命榮封

初二仙獲寵天帝，頌誥榮封，故顯一時，洋洋在人耳目。因廟碑廢，事久言湮。至宋端平三年丙申，鄉人保奏於朝，勅命始下，頒十六字之封，環宮咸獲恩寵。嘉熙元年，金書勅額靈濟宮。詩曰：初獲天卦事已遙，復將神蹟奏於朝。勅封靈濟金書侈，千古聲名不可消。

奉命迎神

大明永樂丙申，尚書方賓，指揮林觀，報神績於朝，特命郎中王羽捧檄至祠下，告于神曰：生爵封王，脫化歸

仙，廟食茲土。今命迎神，愿闡靈威。神荅響應，安然而許。遂同曾陳孫而赴闕。詩曰：朝野皆知素闡靈，名卿捧檄走相迎。願祈神筆當孚應，鶴駕飛騰往上京。

二仙朝見

勅書始下，神之靈貺已顯於朝。

永樂丁酉三月十一日早，二仙領五帥丹墀，祥靄中，顯現真身，則知神之驗矣，愈加敬愛，自是香火日盛。伯仲聯芳，合宮環眷大顯榮封，爰興於祀禮矣。詩曰：祥靄氤氳化現身，明時赴闕見人君。夙緣期會誠非偶，輔國忠勤在敬神。

奏進靈丹

聖躬是歲弗豫，惟神翊衛，頃刻不離左右。乃默運化機，大闡靈貺，施靈符，濟以天醫妙藥。隨言隨效，感應如響，使體即安，沉痾之疾，盡脫而復舊。感神幹旋之力，更生之惠。詩曰：靈符妙藥出天醫，翊衛微躬不暫離。起疾神功難報稱，再生感惠此心知。

京國立祠

神機幹運，翊輔國家，遂於北京建立行祠，為樓神之所。選集名道，專設官曾陳孫而奉祀焉。廟之西，另建注生堂，崇奉涇國、衛國二位仙妃。時現五色祥雲瑞靄，白鶴旋降，禎祥而顯應。詩曰：感德惟神運化機，行祠建立稱神栖。禎祥應感昭靈貺，萬古聲名日月齊。

祝册加封

神功烜赫加封金闕清微洞玄冲虚妙感慈惠護國庇民洪恩真君。玉闕高明弘靜冲湛妙應仁惠輔國佑民洪恩真君。神父翊亮真君。神母淑善仙妃。涇國貞應仙妃。衛國恭靜仙妃。詩曰：玉封已久勅封榮，復睹明朝賀贈新。祝册恩隆藏永久，三十二字古今聞。

孝誠有感

應天府江寧縣鑽珠匠朱觀音保，往北京赴工，久慕親闈。一日，聞母腦後生瘡。痛刺中懷，即詣靈濟宮，設拜三千。果蒙真君現身，降符藥療治，立愈。朝廷復嘉孝行，旌表門閭，而立傳焉。

詩曰：久想親闈入夢勤，聞知冒疾拜真君。孝誠能感神明應，旌表門閭降傳文。

建壇瑞應

大明己亥仲春十五日建齋，朝遣代禮內臣張達掌印，教主真人張宇清，集浙江、湖廣、江西、福建四處道士，預會者七千餘人。七日內，有仙人現身，尋不知所。白鶴降壇，綵雲出現而祥集。詩曰：鰲峰寶殿建齋壇，白鶴祥雲仙降明。環眷寵封敷廷愜，上玄俯聽賜恩寬。

御製二真成仙傳

徐知證，系以偃王之後，五代時南唐人。與其弟知諤，並英邁絕倫，寬仁愛物，忠君孝親。崇信三寶，同心好善。精勤至道，修齋設醮，日常持誦《玉皇真經》并寶號。史弟俱事吳，其後知證封江王，知諤封饒王，鎮金陵。戰守有備，撫輯流亡，控扼一十餘州。垠征就寬，軍給以饒。林蠻洞蜒，守條

死要。稚耄嬉遊，連手歌謳。上無所怨，下無所讎。江南之民，舉賴以安。後奉命帥師攻閩，恐良善荼毒，乃發至願，每更望北拜斗，早膳恒素食，祈殄兵革。所至勞來百姓，諸郡望風以城降。父老簞食壺漿，擁道迎之。次峽江有潰卒數百，阻山爲亂。立命殲其渠魁，餘卒棄甲呼舞，不戰而收。民皆安堵，雖至田園，蔬稻一無所犯。乃相與謀曰：此吾復生之父母也，立祠於鰲峰，以祀之。

未幾，兄弟相繼仙去，遂爲斗中都水使者，出入天宮。積行累功，默佑下民。俾人皆盡忠行孝，崇信三寶。遇歲旱，民禱祠下。祠前潭水，深不可測。俄有靈蛇出，蜿蜒于几案間，色如丹砂。雲起潭面，竟日不收。詰旦果雨，時歲大熟。一日，潢溪霖潦暴溢，田稼墊溺。衆方狼顧失色，忽見有役夫千群，競操畚鍤，疏其源，決其流，水競不爲民害。已而，俱失所在，乃知神兵也。滄峽灘石峻嶮，舟船上下失勢，水工叫呼祈佑，感雲中有旗隱隱，即帖

然無虞。凡民居有不戒于火者，有蝗蝻傷其稼者，叩之，則反風滅火，蝗輒飛去。又爲符藥以施人，凡嬰疾弗愈者，服之，無不立效。祈子息者，服之，即得嗣續蕃昌。由是民安物阜，田里晏然。閩人劉彝守桂州交趾，蠻賊寇邊，陷欽連等州。彝震懼，莫知所爲，齋戒默禱，賊果潰去。其後，韓世忠戰大儀鎮，吳玠戰和尚原，俱遣將士衛國，效八公山草木之靈，使敵兵遙見旗纛旌旆飛揚，山谷鐵騎百萬，行陣嚴肅，鉦鼓之聲震動原野，不待交兵，而已敗北。靈績顯異，不可備述。

一日黃籙齋筵，忽聞天樂鳴空，祥雲環遶，仙官導從其都，乃感天帝遣神人頒誥，封江王爲九天金闕明道達德大仙顯靈溥濟真人，主管上清天文院，便宜行事，行文昌司錄上宰僉書天機省事。妻涇國夫人許氏，順助仁惠仙妃，兼管太乙延生右真司事。饒王爲九天玉闕宣化扶教上仙昭靈博濟其人，主管下地府諸司，便宜行事，權南極注生上相僉書雷霆玄省事。妻衛國

夫人陶氏，善助慈懿仙妃，兼管元皇北陰注生司事。仍封父忠武真人，母仁壽仙妃。

比者，朕躬遘疾，默運化機大闡靈貺，翊衛左右頃刻不離，施以靈符，濟以天醫妙藥，隨言隨效，感應如響，使困弊之體既危而即安，沉痾之疾盡脫而復舊。斡旋之力同於更生，感神之惠銘刻不忘，是用祝冊加封：伯曰清微洞玄冲虚妙應慈惠護國庇民洪恩真君。涇國夫人加封貞應仙妃。仲曰高明弘靜冲湛妙應仁惠輔國佑民洪恩真君。衛國夫人加封恭靜仙妃。神父曰翊亮真君。神母曰淑善仙妃。舊號俱如故。大新聞地祠宇，又於京都建立行祠，以安神栖，特勅有司，嚴奉祀焉。

夫爲人臣，而功施社稷，澤被生民者，必生爲英傑，而死爲明神，雖百世之下，福佑生靈，陰翊皇化。觀知證、知諤，以世胄之裔，事主季世，乃能靖難一方，保全其民。暨攻閩中，按甲入境，苗除亂兵，脫民鋒鏑之慘，措之衽席之安，是以人心感激，靡克報稱，乃

立生祠以祠之。逮其仙去，禦火災、捍大患，使民無凶荒疵癘之憂，遂休養生息之樂。功成行滿，上感天心，錫號真人，叙列仙品。比者默運化機，大闡靈貺，愈疾朕躬，是用加以徽號，新其祠宇，虔奉享祀，以荅神休。斯皆累積陰功之所致，故昭昭不朽，與天地相爲悠久，夫豈偶然而已哉。

詩曰

事親盡孝事君忠，華萼聯芳孰與同。更復精勤修正道，並分茅土受王封。

又

當年駐節向金陵，萬里江南不識兵。師入七閩人按堵，幾多福澤在生靈。

又

歲旱靈潭起蟄龍，大施霖雨作年豐。潢溪水落民無患，滄峽舟船險更通。

又

蝗無傷稼火無過，田野均蒙惠澤多。偏給靈符蕃子息，更能愈疾起沉痾。

又

桂郡揚靈却寇蠻，現奇更效八公山。神兵百萬填山谷，頓解重圍頃刻間。

又

靈符妙藥出天醫，翊衛微躬不暫離。起疾神功難報稱，再生感惠此心知。

又

隨聲感應不移時，幹運功參造化機。馭氣乘風遊八極，天宮陟降闡靈威。

又

生爲名將建高勳，行滿成仙福有因。京國鰲峰長廟食，丹書錫號證天真。

又

威靈濯濯更洋洋，衛國安民績愈彰。不獨聲名昭日月，永同地久與天長。

御製洪恩靈濟宮碑

朕惟自古英賢，生爲名臣，著庇民之功。沒爲明神，贊天地之化。鼓動流盪，行乎兩間，以蔭福斯民，禦災捍患。敏枯吹生，濯濯洋洋，如在其上，如在其左右者，非智慮所得而測也。詩曰：神之格思，不可度思，矧可射思。其此之謂歟。惟九天金闕明道達德大仙顯靈溥濟真人江王，九天玉闕

宣化扶教上仙昭靈博濟真人饒王，其功德充溢，蓋若是已。神南唐之胄，生有民社之勳，汶錄仙班之籍，伯仲齊美，華萼聯芳。領職上天，燿靈下土，呼吸響應，電邁風行。下民是冒，父母其依，慈祥仁愛，物賴以寧。

乃者，朕躬弗豫，用藥百計，罔底于效。神默運精靈，翊衛朕躬，領刻弗違，隨扣隨應，屢顯明徵，施以靈符。天醫妙藥，使殆而復安，仆而復起，有回生之功，恩惠博矣。盛矣。朕揆德涼薄，何由獲茲。永懷神德，曷其能忘，海深嶽峻，其焉有極。蓋有功於報，國之恒典，是用祝冊，加封神號：伯曰清微洞玄冲虛妙感慈惠洪恩真人。仲曰高明弘靜冲湛妙應仁惠洪恩真人。舊號俱如故。大新廟宇，亢爽軒豁，稱神所棲。爰勅有司，虔潔香火，春秋祭祀，歲易時衣，給灑掃五戶，表朕悃悞，荅神鴻庥。雖然神功之厚，而報賚之薄，神固無責於報否，在朕心不能已矣。夫天地之德曰生，神體天地之道，弼亮化機，出幽入冥，翕張欬

忽，遨遊太清，監觀四方，濟利群生，功在霄壤。昭昭若此，固有不可得而名言者。乃彰神績，勒于貞石，樹之于廟，垂示無窮。并系以詩曰：

天產英靈爲世傑，出入幽冥猶一覩。生著勳勞保甌粵，沒爲明神崇偉烈。芒芒海甸倚芑樾，雨暘寒燠調以制。冬無凌競夏無暍，冷氣遠殄靡颺颺。下稔高黍歲穰桀，驅掃不祥走妖蠶。晨鐘暮鼓樂髻耄，卓彼鰲峰峻且巖。蜿蜒迴抱天造設，春蘭薦芳秋鞠秘。寒泉白石漱清潔，神之遊兮羽葆翳。飛雲翩翩道幢節，欵來忽往靈僊僊。呼吸響應速以偈，濟利溥博無時竭。四時報享繁獻醮，衛朕之力疇與埒。維矢銘心與刻骨，書思著德勒堅碣，垂示萬古昭日月。

永樂十五年五月初一日。

孝誠感應傳

應天府江寧縣瓦屑埧第一廂鑽珠

匠朱觀音保，永樂十六年十一月以來，

屢夢見母親在家，或笑或語，觀音保心甚想慕。至十二月二十三日，有熟識張得剛，從南京來到觀音保下處，報說：我來時，你母在家，腦後生一瘡未好。觀音保聞知，惶惶無措，即對天發願詣洪恩靈濟宮禮拜二千拜。一千拜報答天地，一千拜報答國王，一千拜禱求符藥，祈保母平安。至二十五日侵晨，洪恩靈濟宮禮拜，禮至一千拜，於右臂燃香三炷，口誦玉皇寶號一百八遍。將畢，忽見白雲騰湧，彌滿殿內，見一神人，身體極長大，面白如玉，髭鬚甚美，頭戴金如意冠，身穿織金道袍，立於雲內，手招觀音保。觀音保驚駭，隨即匍匐至神前，神人將乾柏葉一枝、黃紙符二道，上有朱書葫蘆符，授觀音保言說：將去與汝母煎湯喫。觀音保捧接，叩頭纔起，而雲中神人寂無所見。觀音保不覺冷汗遍身，昏暈臥地。當得守宮道士扶策始甦，復拜二千拜。至次日圓滿，有守宮道士引領觀音呆報官。蒙禮部引奏，欽賜鈔伍千貫，米十石，優免差徭，旌表門閭復

賜脚力，回還侍奉母親。

謹按世人之行，莫大於忠孝。忠孝之至，克通神明，觀於朱氏之子，可見矣。方其平居一念，惟在於忠孝。及聞母疾，哀痛迫切，即請靈濟宮，稱揚寶號，禮拜真君。恍惚之頃，親睹神降，施以符藥，此非其忠孝所感，曷克致此於乎。神之所以爲神者，呼吸感應，變化莫測。况真君得道昇仙，入神出聖，幹運化機，護國庇民，豐功盛德，昭著兩間，其感應之驗，非可言喻。欽惟皇上，特加封號。創建祠宇。春秋享禮。崇報之禮，古今莫逾茲。因朱氏子所禱，即爲昭應右，此誠所謂匹夫、匹婦之誠，尚足以感動天地，况神明乎。然此不惟朱氏子所能感，凡至誠之所禱者，無不響應。苟心有不誠，不惟不能感神，而譴責之至，亦竟不免，可不慎哉，可不謹哉。

禎祥

初建在京靈濟宮時，大明永樂十

六年戊戌正月十一日，旛竿上現五色瑞光。十二日，旛竿上現五色瑞光。十四日，因上元節建醮，仙鶴三隻，旋遶宮前，又於旛竿上現五色瑞光。十五日，仙鶴四隻，旋遶宮前，又現五色瑞光。本年四月十七日，遇聖節，建壇修齋祝壽，仙鶴四隻，旋遶宮前。次年正月初九日，修建金錄報恩延禧羅天大醮。十一日辰時，正殿、前殿、三門、靈星門，左右旛竿上及斛頂，俱現五色瑞光，并有祥雲如鳳。又結成寶蓋，復現青白瑞光，覆護醮壇，及有青鳥止於右邊旛竿頂上。本日未時至申時，正殿上，并右邊旛竿頂上，俱現五色慶雲，遶護醮壇。十二日辰時左右，旛竿及旛頂寶蓋上，現青白瑞光。十三日辰時左右，旛竿頂上，靈星門、斛頂上，俱現五色寶光。十四日午時左右，旛竿上現青、紅、黃瑞光，及現五色慶雲，結成龍鳳之勢，擁護醮壇。未時，仙鶴四隻，從天門外旋遶醮壇。申時左右，旛竿頂上，并旛頂寶蓋上，現青、紅、黃瑞光。左右寶蓋上，王色小旛二首，俱

結成壽帶。十五日辰時，靈星門左右旛竿，并寶蓋斛頂上，俱現五色瑞光。巳時，現五色慶雲，覆護醮壇。午時，仙鶴旋遶殿前。

行在兵部尚書臣方賓、錦衣衛指揮臣林觀，謹奏為禎祥事。永樂十七年正月初九日，欽承上命，於洪恩靈濟宮修建金錄大齋。自開啓以來，天清氣朗，連日現五色祥光。又有卿雲瑞靄炫采騰輝，如龍翔鳳翥，覆蓋醮壇。復有仙鶴來，青鳥降，及左右旛竿寶蓋上，綵旛自然結成壽帶。斯皆皇上至孝純誠，感於天地神明，致此嘉瑞豐現駢臻，誠國家萬萬年悠久之徵，天下蒼生，仰賴無窮之福。謹率道官、道士，謹具以聞。

勅文

人之一心，可以動天地，感鬼神，貫金石。夫天地至大而難動也，鬼神至幽而難感也，金石至堅而難貫也，所以能感動貫革之者，亦惟一至誠耳。

仰惟九天金闕明道達德大仙顯靈溥濟清微洞玄冲虛感慈惠護國庇民洪恩真君，九天玉闕宣化扶教上仙昭靈博濟高明弘靜冲湛妙應仁惠護國佑民洪恩真君，道德高妙，昭著上下。廣積陰功，利濟顯幽。比者弘發善願，制為靈符，以救人疾苦，無間貴賤高下，弗吝施予。然其應驗，則在人之誠與不誠耳。人果能虔恭齋拔，專謹端確，至誠以求之，感應之速，有如影響。苟為怠慢弗誠，將信將疑，不惟不足以至感通，而神亦弗如庇佑，欲獲乎平康迪吉者鮮矣。善信之士，尚致謹於斯，毋二乃心。毋怠乃志，毋忽於神明，則凡有所禱求者，無不感應。故曰有其誠，則有其神。無其誠，則無其神。可不敬哉，可不慎哉。

永樂十七年三月初十日。

御製靈寶天尊說洪恩靈濟真君妙經序

朕惟道之為教，闡鴻濛虛玄之祕，

具無極自然之妙。窈窈冥冥，昏昏默默，視之而不見其形，聽之而不聞其聲。上以陰翊皇度，下以利濟群品，功德之大，不可名言。有若九天金闕明道達德大仙顯靈溥濟清微洞玄冲虛妙感慈惠護國庇民洪恩真君江王，九天玉闕宣化扶教上仙昭靈博濟高明弘靜冲湛妙應仁惠輔國佑民洪恩直君饒王，萃靈鍾秀，天挺人毫。寬惠慈祥，仁民愛物。忠君孝親，崇信三寶。篤志好善，精勤不二。功成行滿，遂感天封昭，錫徽號，序列仙品。弼亮化機，出幽入冥。禦災捍患，驅疹致祥。敷祐下土，利濟群生。乃者，弘闡靈貺，翊衛朕躬，扶持保庇，載底平寧。已而示以符藥，廣施衆宇。期在使人蠲除疾疢，蕃育子嗣。大德深恩，同於天地。朕感神之惠，夙夜弗忘。萬機之暇，因閱《靈寶天尊說洪恩靈濟真君妙經》，顯微玄奧，神化莫測。方便利益，拔濟曠却，誠燭幽之日月，而濟海之舟航也。乃以銀梓，用廣流傳，以報神庥。善信之士，果能洗滌懺悔，崇信三

寶，盡忠盡孝，行仁行義，弘發誓願，受持諷誦，則身家吉慶，命運亨通，子孫番衍，消災度厄，增福延壽，延及九祖，咸獲超躋。苟或訾毀輕慢，凌忽三寶，不忠不孝，不仁不義，不能敬信奉持，則身罹惡業，門戶衰替，子孫微弱，壽年夭促，累及九祖，永墮淪冥，歷觀已往，具有明徵。於乎吉凶善惡，皆由心造。爲善獲福，爲惡受殃，此自然之理。故曰：積善之家，必有餘慶。積不善之家，必有餘殃。又曰惟上帝不常作善，降之百祥。作不善，降之百殃。然則觀於此者，可不知所勉哉，可不知所勉哉。

永樂十八年正月初一日。

靈寶天尊說洪恩靈濟真君妙經

爾時靈寶天尊在大羅天上五明宮中，憑几而坐，鐘磬自鳴，宴集諸天星衆、五斗大神，宣演太上無極至真妙道。時有斗中都水二使者，左執青節，右仗黃鉞，侍立帝前。稽首再拜，長跪

而進言：臣等宿生慶幸，得遇天人。下觀慾界衆生，不忠不孝，不義不仁，多作惡業，全無慚愧，曆數已終，今生末劫，丑口夫圖，綱維折裂，兵火肆興，玉石焚喪。或遭洪水，或遇凶年。刑賦苛虐，災毒流行。罹諸苦惱，不知解悟。生意幾息，人道將窮。作何因緣，可以救度。願垂憐憫，開方便門。

天尊曰：善哉善哉。末劫衆生，一如赤子，發汝是心，咸願依吾教法，廣爲衆生，說諸因緣，令開悟性，勿生疑慮。忠與孝，曰仁與義，四者修持，常居吉慶。臣等既承斯誥，敢不奉行。乃於甲辰之歲，丙午之年，分身教化，下降人間。成功東海，顯跡南邦。甲子一週，復還職任。香火一方，歷年彌久，載逢滅度，復誓如初。躡進仙階，真君錫號。蒙天尊嗟憫之仁，體太上好生之德，使一切善男善女，知身性命，皆憑道生。忠孝仁義，了悟此因。能於三元、八節、三會、五臘、庚申、甲子、本命之日，焚香修齋，如法供養，冥心向北，稽首禮念：

九天金闕明道達德大僊顯靈溥濟清微洞玄冲虚妙感慈惠護國庇民^①。

九天玉闕宣化扶教上仙昭靈博濟高明弘靜冲湛妙應仁惠輔國佑民^②。

恭對聖慈依經懺悔不違真君之誓願，各以忠孝仁義而立身。內可以增福延年，外可以消灾度厄。上可以使祖禰之魂神超度，下可以使家宅之光屬義寧。普願衆生，同霑利樂。

於是天尊重爲真君演說，而作偈曰：

靈濟真君，修真得道。遊宴仙都，天尊錫號。北斗降神，洋洋于左。下臨三界，上朝五老。福國寧家，其功浩浩。無願不從，默符祈禱。忠孝仁義，永爲身寶。用作因緣，不違誓好，一切善惡，皆由心造。爲善者福，爲惡者禍。急急如天尊律令勅。

靈寶天尊說洪恩靈濟真君妙經

奉天誥命

奉天承運，皇帝制曰：朕膺天命，

嗣守洪圖。惟國典章，祀事爲重。凡有功德被于生民，其神著靈於永久者，既嚴祠祀，其褒崇之禮，亦因時而加焉。九天金闕明道達德大仙顯靈溥濟清微洞玄冲虚妙感慈惠護國庇民洪恩真君，生爲名人，沒爲明神。迨我祖宗之時，弘昭感通之妙，有祈必應，尤顯於今，特加封焉。

九天金闕明道達德大仙顯靈溥濟清微弱洞玄冲虚妙感慈惠護國庇民崇福洪恩真君，祇薦印章，益弘神化，祚我皇明。

宣德十年四月初九日。

奉天承運，皇帝制曰：朕膺天命，嗣守洪圖。惟國典章，祀事爲重。凡有功德被于生民，其神著靈於永久者，既嚴祠祀，其褒崇之禮，亦因時而加焉。九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君，生爲名人，沒爲明神。迨我祖宗之時，弘昭感通之妙。有祈必應，尤顯於時，特加封焉。

九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君，祇薦印章，益弘神化，祚我皇明。

宣德十年四月初九日。

御製洪恩靈濟宮碑

蓋聞天地之大德，曰生。九覆載之間，有生之類，洪纖高下，天地之心，皆欲俾之。遂其性得其養，不失其所，而又生聖智英傑，以裨助大造化之功，故靈神之奇勳偉績，代有著焉。君天下者，體天之心，嘉神之德，列諸祀典，用展祈報，亦代有載焉。我皇曾祖太宗文皇帝臨御，嘗夢二神人，言南處海濱，來輔家國。上異之。明日，適有禮官言閩中靈濟二真君事，正符所夢，遂專使亟香，請迎神像，至于北京，而於宮城之西，作洪恩靈濟宮，以奉祀事。因神舊號，加以徽稱。惟神至仁，有禱輒應。降福弭灾，捷於影響。所協宸衷，不可殫述。歲時薦祭，式豐以嚴。

皇祖仁宗昭皇帝，皇考宣宗章皇帝，率舊循章，咸隆祇禮。朕承天序，統御太寶，上荷聖祖母太皇太后、聖母皇太后恩德之隆，願洪福於萬年。下念四海庶邦，林林總總，屬望之深，願咸躋於庶富。顧菲德其奚能，惟明之允。賴仰體先志，增崇祠宇，以寅奉威靈，導迎祥慶，復加神號曰：

九天金闕明道達德大仙顯靈溥濟清微洞玄冲虚妙感慈惠護國庇民崇福洪恩真君。

九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君。

惟神之先，厥有源本，蓋出顓頊之後，封國於徐，屢有功於夏商周之世。至偃王，脩行仁義，得國人心，致後嗣繁。歷漢暨唐，功德累著。至神伯仲，皆南唐義祖忠武皇帝之子。伯封江王，仲封饒王，並天賦異常，具仁聖之資，全忠孝之行。而潛心大道，精其玄奧。初俱奉命守金陵，勳德兼盛，民咸感悅。後俱奉命率師入閩，愛民之至，

心與天謀，民用慕戴，歸者如雨。閩人建生祠於金鰲峰之北，圖像致敬，如嚴父焉。一日謂衆曰：來歲吾與汝別，然不忍汝違。及期，相繼化去。未幾，神降於人言：並奉上帝命，列職斗宮，以佑下土。於是閩人益虔祀禮，而禱無弗應。祠下有潭，遇旱禱者，潭出赤蛇，而雲氣隨起潭面，甘雨如注，歲則大熟。潢溪霖潦暴溢，民庶惶惶，望祠致懇。忽有役夫如雲，操畚鍤疏濬，水不爲患，而竟失役夫所在。宋熙寧中，閩人劉彝知桂州，禦蠻寇，韓世忠戰大儀鎮，吳玠戰和尚原，皆得神助以捷。若拯民於水火，延民之嗣，績奇效尤，數數悉具紀載，瞭然著明。蓋神儲天地之精，稟五行之秀，故生有至德。沒著明靈，握氣機，贊玄化，爲國家生民殄遏邪沴，茂集祥禧，愈遠而愈盛也。朕因書修祠之成，并書神之世系及其功德之大者，刻諸貞石，以示久遠，而係以詩云：

二儀之精，五緯之英。來爲哲人，往爲神明。並燁聯輝，金昆玉委。篤

孝與忠，惠澤當代。乘飈駕雲，言歸帝鄉。功贊化育，位參魁衡。頽矜下民，顧諟弗已。祛灾捍患，凝祥降祉。金鰲之峰，肇初有祠。靈化昭宣，有祠京師。皇矣三聖，寅奉惟一。惟靈之揚，允若曠日。子承大寶，祇率典常。爰飭禋事，爰迓福祥。寶祚之隆，佑家暨國。至理之興，溥被民物。宮城之西，靈宇歸焉。皇圖神祀，同千萬年。

正統元年正月十五日。

金闕頌

大哉真君，河嶽鍾靈。功參日月，德配乾坤。神通妙用，正直聰明。隨機赴感，發誓度人。

玉闕頌

巍乎上仙，一五儲精。澤垂雨露，威震雷霆。神通自然，福德無邊。有求響應，博施濟人。

真君呪

真君真君，北斗大神。天地贊化，日月並明。下主酆都，上朝帝庭。奉行正法，斬伐魔精。靈濟徽號，福及萬民。有求必應，如谷隨聲。有感必通，

如影隨形，逆吾者死，順吾者生。噫，昭靈昭靈，溥濟生靈。乾，元亨利貞，急急如律令。

靈濟真君，速降來臨。好生之德，洽于民心。存吾二炁，火陽水陰。消灾度厄，福善禍淫。急急如律令。

真君真君，北斗降生。代天行化，助國治民。流傳正法，斬伐魔精。魔王拱衛，真炁常存。急急如律令。

查帥呪

元帥威靈，速降來臨。奉行正法，輔國安民。判斷吉凶，醫藥前程。祈晴禱雨，斬伐邪精。順我者應，逆我者刑。消灾降福，永保利貞。急急如律令。

祈晴呪

甘雨時降，我稷以生。胡爲淫溢，流潦縱橫。下民昏墊，咨怨莫伸。豈人事之不講，抑陰陽之錯行。我今發弘願，普度諸有情。掃雲霧之陰翳，開日月之大明。濕者就燥，腐者使榮。應時知節，愿頌太平。乾，元亨利貞。急急如靈濟真君律令。

祈雨呪

旱魃爲雪，燥石流金。稼穡卒痒，業業兢兢。靡神不舉，不克不臨。惟我真君，上格天心。代天行化，誓願弘深。捍灾禦患，閉陽縱陰。神龍顯跡，三日爲霖。靈濟徽號，以迄于今。急急如靈濟真君律令。

今將聖德虔誠讚，願開天日睹光明，願降甘雨濟生民。

禳虫保禾呪

天之生民，所仰者食。民亦勞止，力用稼穡。何辜于天，生此妖孽。自艾自懲，憂心戰慄。惟我真君，好生爲德。帝怒可回，天心可格。田祖有神，告爾優恤。去其螟螣，及其一何。無害我田，是任是獲。歲今其有，實穎實粟。真君真君，如臨赫奕。既不我遺，執事有格。誦此神呪，律令急急。

金闕誥文

文星墮地，已越三十年矣。仙曹空廢，官僚不允。諸天選事，未得其人。依元陽玉曆，當於三代。更料有積善建功，爲三界所舉，五帝所保，名

在上天者，以充其任。九天金闕明道，達德大仙顯靈溥濟真人，主管天文院，任宜行事。徐知證文章淳實，有稱于時，明試以材與德，稱文昌之選，天人曰可，勿乃固辭。至于入九，當今之世，捨卿其誰。朕命惟允，往其懋哉。可授文昌司錄上宰，兼前職。

玉闕誥文

人身難得，中土難生。朕欲開九天之奧，以濟兆民。承流宣化，恭信奉行，當選擇真人爲仙者，以充其任。九天玉闕宣化扶教上仙昭靈溥濟真人徐知諤，勞心諄諄，視民如子。久試于外，聲績著聞。今南極司屬，尚闕廼職。舉能其官，惟爾之能。使老有所終，壯有所用，幼有所長，鰥寡孤獨，俱有所養。至於婦人懷妊，已生未生，皆得生成。令以相勉之焉。可特授南極注生上相，兼前職。

涇國仙妃誥文

順助仁惠仙妃，逮下爲仁，和平爲惠。兩德兼全，此夫人之美也。是以輔佐君子，而無險陂。私謁之心，朝夕

憂勤。內能順助，稽之禮典。妻以夫榮，可特授仙妃，命字如故。

衛國仙妃誥文

善助慈懿仙妃，曰慈，曰懿，執婦之道。使國君積行累功，以致爵仕，此則夫人善助之德也。茲加顯秩，庸進徽稱。可特授仙妃，命字如故。

金闕授仙簡

骨像合仙，夙值丹臺之刻字。官僚散職，今依玉曆以選人，時惟汝賢。用彰厥善，咨爾參授上清大洞秘錄。臣徐知證，惟道是信，與天爲徒。聲聞著稱，典刑猶在。詩歌棠棣，愛于弟，敬于兄。政誦耳棠，德在人，功在國。去爾民之見，思爵之，誰曰不可。乃登金闕大仙之號，迺進文昌羽祿之稱。生宰文衡，作興士類。斡乾坤而妙用，開日月之太平。行滿三千，既有非常之績。官登一品，何愛不次之褒。往體新休，益堅舊志。特授九天金闕明道達德大仙顯靈溥濟真人，行文昌司錄上宰簽書天機省事。

玉闕授仙簡

大道爲公，誠則形，形則著。諸天選叙，人其官，官其能。既有傅才，庶無虛位。咨示同參授上清大洞秘錄。臣徐知諤，惟神是守，主善爲師，執戒持齋，修真得道。魂爲日，魄爲月，收矚離坎工夫。肅時雨，義時暘，外體乾坤造化。以勞定國，有德在民。論賞寧稽推恩，以及迺登玉闕上仙之號，乃進南極注生之稱。人民品物，並受生成。政事文章，以公核實。國人皆曰可，特加優異之褒。君子不素餐，永奉承流之責。對揚休命，式副至懷。可特授九天玉闕宣化扶教上仙昭靈博濟真人，權南極注生相簽書雷霆玄省事。

加封職帖

伏以藥宮雙闕，宏開閭闔之門。銀印兩臺，侈拜朝廷之命。載加褒獎，增重光輝。維名器不可以假人，然爵祿之所以養德，名當其位。日爾之能，惟精一執中。始是終是，不矜不伐。嘉迺綬鄰哉，故茲逐件于前，是爲匪頒之式。

五帥職帖

伏以出將入相，兩全文武之材。福國寧家，獨賴神明之力。况册名青史，鏤績景鍾。昔膺謚號之榮，今有香烟之盛。兩陽協于里社，民物居于清安。居安清，惟積善以建功，可以同心而輔政。上體真人有顯靈昭靈之德，下體真人推溥濟博濟之仁，我其試哉，汝所長也。責事察實，具陳備奏之詞。溫故知新，再給徽稱之帖。永爲照應，特與受持故帖。

持戒濟人

歲在乙未三月三日，定光菩薩同嶽帝，保奏江王授九天金闕明道達德大仙顯靈溥濟真人，主管天文院便宜行事。夫人許氏，順助仁惠仙妃。饒王授九天玉闕宣化扶教上仙昭靈博濟真人，主管下地府諸司便宜行事，權南極注生上相僉事雷霆玄省事。夫人陶氏，善助慈懿仙妃。仍授天書秘文曰：三部八景，惟精氣神。靜處嘔息，背塵合真。暈腥莫觸，惟此秘文。參之得道登真，誦之延年益筭。三月三

日，即吾下降。可備一淨盂淨水，置于淨几。或人初發瘡節，宜請此水，加一匙鹽，焚香念真人靈呪七遍，以來付疾處，齋戒三日，即愈。

自今以後，每遇三元、八節、庚申、甲子、佛聖生日，不許宰殺求福，吾不歆享。今授天曹補政上仙，汝宜恭信奉行。

奉行善事

- 一敬事天地。天覆地載，化育之功。
- 二信事三寶。敬奉三寶，莫生誹謗。
- 三遠事鬼神。敬而遠之，邪不干正。
- 四念事祖宗。祖功宗德，積累也深。
- 五孝事父母。父母劬勞，其恩莫大。
- 六愛事兄弟。兄友弟恭，手足之愛。
- 七義事天婦。夫婦之道，始終以義。
- 八禮事鄉黨。經日出門，如見大賓。
- 九教事子孫。賢愚本性，教則成人。
- 十勤事詩書。聖賢之書，讀則知理。
- 十一力事農桑。農桑女大，勤則衣食。
- 十二仁事禽獸。自生自長，莫萌殺心。
- 十三修事陰德。陰德維何，方便是也。

徐仙真錄卷之一

①此句末應有「洪恩真君江王」六字。
②此句末應有「洪因真君饒王」六字。

徐仙真錄卷之二

真君瓊科

入壇

人各序立，存神閉氣，叩齒九通，咽液九過，步虛。

太極分高厚，輕清上屬天。人能修正道，身乃作真仙。行溢三千數，時丁四萬年。丹臺開寶笈，金口爲流傳。

祝香

爐焚寶炷，煙散瑤空，結爲雲臺，粧成法界。恭焚道香、德香、無爲香、無爲清淨香、清淨自然香、妙洞真香、靈寶惠香、超三界香、三景真香，滿瓊樓玉殿，遍周天法界。以今恭焚寶香，虔誠供養

九天金闕明道達德大仙顯靈溥濟清微洞玄冲虛紗感慈惠護國庇民崇福洪恩真君，

九天玉闕宣化扶教上仙昭靈博濟高

明弘靜冲湛妙應仁惠輔國佑民隆
福洪恩真君，

聖父齊王，忠武翊亮真君，聖母田氏，仁壽淑善仙妃，聖兄唐王、洪王、鄂王、廣陵王，聖舅護國公、奉國公，聖婿武安侯、寧國侯，聖子保大侯，彰信侯，保信侯，保寧侯、武寧侯，聖姪昭德侯、安定侯、太寧侯，聖孫武昌侯、南昌侯列位公卿。

上清大洞經錄天機院、天樞院、雷霆省天文院、天錄院，地府諸司承行官將，驅邪捉祟傳符勅法，消灾度厄逐凶辟怪監壇護法，觀察巡捕將軍，太歲尊神，十二月將弟子，本命元辰星官，風雷雨部仙衆，左、右丞相太宰，六部尚侍內府公卿，左、右注生注壽上宰，左、右司錄司福上宰，左、右侍從通事舍人，百官庶司所屬曹僚，列位公卿，左、右福錄司所屬二十四曹官，左、右引進仙官，三天貝闕崇仁養正英仙，敷靈弘濟真人，靈威清江尊王，永安留守查元帥，武安

留守邊元帥，節度使左監門魏元帥，都統軍使右監門趙元帥都監軍使先鋒刁元帥，各及部下精兵猛士，左右岳許二元帥，左右行宮侍御從官，司錄、司勳、司士、司書列位曹僚，司農、司稼、典絲、掌葛，列位曹僚，司市、掌貨、考工、飭材列位曹僚，厨官、優官、伶官，天捷、神捷、人捷，掌卜、掌籤、掌杯、掌鸞，傳夢童子，神局節級，直殿、直符，香官，使者諸仙，壇越施主，才德名賢，本宮土地正神，諸里、諸廟，王侯弟子。各人奉祀神祇，靈濟宮合殿威靈，仗此真香，普同供養。香乃玉英散景，紫氣凝煙，香雲密羅，逕充九天。當願金童侍香，傳言散花玉女，上聞真前，所啓所願，咸賜如言。入意。以今開壇啓白：伏願真慈，俯賜昭鑑。稽首皈依，無極大道。

唱道

道場衆等人，各運心皈命三寶，一切念華夏。三匝。

淨壇

至真惟淨，難臨穢濁之鄉。塵境未清，曷啓玄元之範。須洒一枝之法水，頓消萬里之妖氛。九鳳翱翔，吐焰煙而破穢。五龍奮迅，降真炁以除邪。庶俾皈依，悉臻咸應。太上玄言，謹當持誦。

洞中玄虛云云。

攝魔屏穢天尊 舉步虛

曰五帥至帥前上香云云。

伏以大而化之，之謂聖。聖而不可知之，之謂神。至聖無爲，固以虛而善應。敬神如在，凡有感以皆通。既能所存者，誠當知厥鑑不遠。恭惟查、邊、魏、趙、刁五大元帥，位尊五帥，勇冠三軍。舞干羽于兩階，受鉞斧之大柄。出將入相，兼全文武之材。輔國安民，獨任君民之寄。雖離在宮，肅肅在廟，赫赫厥聲，濯濯厥靈。妙矣難言，藏諸不怒。舉皆燕、趙之奇士，當如廉、藺之交歡。惟一惟和，是信是使。梯山航海，不遠千

里而來。駕霧騰空，徑御九天之上。今辰修設酌恩祈福道場，今則壇場潔淨，科典將宣。稽首投誠，一心向道。將欲請迎真駕，必須俯露衷忱，特憑無帥以通傳。恭願至真而降格，大捨慈悲之願。允俞關白之情，虔誠投拜。

舉 按人各恭敬 舉上香

志心初念上香，香至靈濟宮，遍靈濟宮，聖境成雲蓋。 供養

聖父齊王，忠武翊亮真君。

志心二念上香，香至靈濟宮，遍靈濟宮，真境成寶蓋。 供養

九天金闕明道達德大仙顯靈溥濟清微洞玄冲虚妙感慈惠護國庇民崇福洪恩真君。

志心三捻上香，香至靈濟宮，遍靈濟宮，仙境成華蓋。 供養

九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君。

跪爐

道由心學，心假香傳。手執玉爐，

心存九天。真君下盼，仙珮臨軒。所令關啓，徑達九天。

舉 各禮真人存念如法

五星咒

五星列照，煥明五方。水星却灾，木德致昌。熒惑消禍，太白辟兵。鎮星四據，家國利亨。刊名玉簡，錄字帝房。乘飈扇景，飛騰太空。出入冥無，遊宴十方。五雲浮蓋，招神攝風。役使萬靈，和上衛仙翁。

舉 鳴法鼓二十四通

發爐

太上五靈老君，召出臣等，身中三五，功曹左右，香官使者，侍香金童。傳言散花玉女、直日香官、功曹使者、三炁正神，速上關啓查邊魏趙刁五大元帥，岳許二元帥，天丁力士、左右神官：臣今陞壇法事，謹奉爲入意修設酌恩祈福道壇，其諸誠懇，具載詞狀文。以今法事，願得正真生氣，流入臣等身中，令臣所啓之言，速達無上三

寶天君

九天金闕明道達德大仙顯靈溥濟清微洞玄冲虚妙感慈惠護國庇民崇福洪恩真君、

九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君。 聖前一。

具位某，與壇官衆等，同誠上啓

九天金闕。 聖位同前。

伏以勾龍能土，柱能穀，乃興社稷之祠。周人尚臭，商尚聲，以通神明之德。豈犧牲特爲之血食，然蘋蘩可薦於王公。聖而不知，是謂之神。神而能名，乃入於聖。恭惟

九天金闕明道達德大仙顯靈溥濟清微洞玄冲虚妙慈惠護國庇民崇福洪恩真君、

九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君。

正直爲德，禍福動人。潛地而地，潛天而天，莫測威靈之妙。日暘而

暘，曰雨而雨，獨專造化之權。赫赫厥聲，洋洋如在。上佐斗真於北極，默參玄學於東華。與道合真，惟神是守。

名登金闕，榮頒三四字之封。職燦寶御，頗稱三千行之數。隨機赴感，發誓度人。既蒙覆育之恩，敢昧祈禳之典。恭遇

法駕來降道場，或服仙珮之跄跄，八鸞後唱。或衣朝衣之濟濟，百騎前迎上下。仙眷之森羅，左右靈官之擁衛。迎真菲禮，德鑑芹忱。無任勤拳之至，謹稽首再拜，奉迎真馭。

請聖

謹上請

九天金闕明道達德大仙顯靈溥濟清微洞玄冲虛妙感慈惠護國庇民崇福洪恩真君，

九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君。聖位同前

伏望真慈降臨壇所，向來奉請，已

沐降臨，請序仙班，咸分列坐。

醮官虔誠設拜，上香，酒陳初獻，舉散花。

具位某，同誠上啓聖位同前

恭聞仁義著稱，枝葉分偃王之裔。忠武不屈，簪纓襲齊國之封。仁聲肇著於閩中，德譽遠聞於海宇。勒名鐘鼎，立傳史書。出戍於峽江之南，吏民之按堵如故。立幟於鰲峰之上，盜賊之餘黨剿除。頓令福地之安，均荷堯天之賜。恩敢忘於結草，詩可詠於甘棠。死廟食，生可封，可謂至矣。法施民，勞定國，于今稱之。昔焉，草木效公山之靈。今也，田疇息洪水之害。民船激石，果聞黃旗救援之聲。鄰火反風，永無曲突焦爛之患。嘉定之蝗蟲不入境，寶慶之旱魃不爲災。紅蛇現而雨沛，九天神龍出而雷轟。萬里無迹可見，夜何現於天燈。無聲可聞，日何聞於絲竹。事迹千年留石碣，主封累代侈金書。致士民

千里以來歸，宜香火四時而夤奉。惟德是輔，豈徒黍稷之馨。非類不歆，特重粢盛之潔。建功積善，執戒脩齋。若非上格於天心，何以超昇於仙秩。欽承

帝命，仰沐玄風，特書金闕、玉闕之名，頒降大仙、上僊之號。道吾道也，德吾德也。化神化之教，神教之不惟誇一時，而榮一身。抑尔光乃前，而振乃後。親睦有教，燕喜有堂。上瞻聖父、聖母之尊嚴，下列聖子、聖孫之富貴。聖舅名登於紫府，聖兄廟食於金陵。神后夫人，專掌注生之籍。聖妃仙媿，環居內侍之班。或分福錄之司，或任公卿之職。權尊五帥，勇冠三軍。乃武乃文，在左在右。廟鎮七閩之地，其盛蔑以加諸德。參五嶽之靈，非至聖孰能與此。功高名席，德被凡流。賴神之庇，遺我以安。一飲一啄，初不敢忘。三沐三薰，敬之如在。祇迎寶馭，少鑑邕人。齋事之勤，爰集羽流，

敢獻碧落空歌之瑞。臣等百拜，恭祝當今皇帝億載萬年爲父母，保子姓以安全，千祿百福宜君王。卑皇圖而永久，所有疏文，謹當宣獻。

宣疏

按如疏文，已具敷宣，伏冀仙慈，俯垂省覽。捍患禦災，禮特嚴於祀典。報功崇德，職宜進於仙階。薦膺金闕之緹書，榮侍玉皇之香案。二氣吐納，深究出青入玄之方。七液周流，有得抱黃回紫之妙。在身爲獨善之美，於人施兼濟之功。所感必通，有求必應。救民疾苦，何須扁鵲之書。卜地陰陽，默授景純之學。問婚者，宜家宜室。所嗣者，生子生孫。求仕者，勸之以勤孝。立身行商者，告之以仁義爲利。農力於穡，工精其能。遠者悅而近者來，藏諸仁而顯諸用。皈心向道，皆蒙啓迪之恩。戴白垂髻，俱托帡幪之庇。今辰修設酌恩祈福道場。再祝名香，迓真遊之降格。重行清

酌，祈泐駕以來臨。伏願

九天金闕明道達德大仙顯靈溥濟清微洞玄冲虚妙感慈惠護國庇民崇福洪恩真君，

九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君。

福錄來，備享廣食於無窮。華夏肅清，翊皇圖於永久。

虔誠設拜，上香，酒陳亞獻。舉，散花。

具位某，與壇官衆等，同誠上啓聖位如前。

伏聞一片羅池碑，終古難磨其英氣。千年東華洞，至今孰紹其真風。洪惟守土之神，積此彌天之行。骨像合仙於廣惠，文章並駕於柳候。若非星宿之儲精，必也山川之孕秀。有詩、歌、賦誦之可述，須嚴大書特書至於屢書。言吉凶禍福以無差，未免初瀆，再瀆，煩垂三瀆。灼見顯幽之理，預明倚伏之機。貌重而威，畏之如

嚴霜烈日。道高且遠，仰之如北斗泰山。盛德昭昭，神靈剡剡。今辰修設酌恩祈福道場，伏願三光平而寒暑時，五穀熟而人民育。物無疵癘，國有禎祥。凡屬生成，率歸大道。

虔誠設拜，上香，酒陳終獻。散花，諷經，宣疏。

入七政燈 入願 大謝
具位某，與壇官衆等，再炷名香，普同供養。聖位如前。

伏聞鰲峰竦傑，可攀天上之星辰。龍首軒昂，沛作人間之雨露。良以感恩於平日，將何酌報於今時。清供載陳，愧乏玉甕金醴。仙家所茹，無非火棗交梨。今則寶篆香殘，銀缸焰冷。星冠羽服，步虛遠徹於瑤宮。霧輦雲駟，隊仗將旋於金闕。徒切馳情於戀戀，更祈降福之穰穰。云云。

舉十念

一念身心清淨。二念性智圓明。三念道尊德貴。四念行滿功成。

五念魂神澄正。六念魔王保迎。
七念天官賜福。八念地府銷名。
九念陰途不至。十念淨土長生。

復爐

香官使者、左右神君、侍香諸靈官，當令臣設醮之所，自然生金液丹碧芝英。百靈衆真，慶會在此香火爐前。十方仙童玉女，接待香煙，傳臣向來所啓之言，速達逕御

至真無極大道

九天金闕明道達德大仙顯靈溥濟清微洞玄冲虚妙感慈惠護國庇民崇神洪恩真君，
九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君。

奉送

聖父忠武翊亮。修齋事畢，仰荷玄恩。志心稽首，奉送九天金闕洪恩真君、九天玉闕洪恩真君。雲輿不住，鶴駕難留。後有醮修，還當奉請。

回駢頌

回駢五雲輿，騰駕九霄高。倏忽天中遠，道場香炁多。玄恩覃宇宙，福祿遍山河。緬想神仙路，逍遙上大羅。聖德留科教，修齋福壽長。延生依玉簡，請命奏金章。罪名除北府，生籍注南昌。見存皆延壽，諸真降吉祥。向來設醮功德，尚祈真君賜福流恩。同賴善功，證衆上道，一切信禮。

回向

大道無方，善侶光中之影。至城有感，應如谷裏之聲。今有某人，伏願一人居北闕之尊，河清海晏。萬壽等南山之固，地久天長。文武官僚，同增祿位。宮門人物，咸賴康安。海宇樂太平之風，含靈資化育之德。仰憑法衆，爲上良緣。念：三清三境天尊，九天錫慶天尊，十方靈寶天尊，不可思議功德。

真君瓊科畢

真君願科

祝香

以今恭焚寶香，虔誠供養
九天金闕明道達德大仙顯靈溥濟清微洞玄冲虚妙感慈惠護國庇民崇福洪恩真君。

九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君，

宮中神仙、諸靈官，普同供養。

恭聞神之顯德，曰正直而曰聰明。人所常情，欲安逸而願富貴。祭也必受福也，禮乎無太簡乎。廟食餘四百年，香火如彼其盛。碑銘凡一千字，文章可得而聞。昭昭不朽之名，凜凜如生之義。功全社稷，德在生靈。農力於耕，有黍稷稻粱之慶。工精其藝，合準繩規矩之程。士以忠孝立身，商以仁義爲利。問婚者，宜家宜室。祈嗣者，生子生孫。風風人，雨雨人，均遂生成之

願。衣衣我，食食我，俱霑溫飽之仁。施之萬物得其宜，措之四時得其序。仰之如泰山、北斗，厥光大矣，不我遐遺。現則爲景星慶雲，爭先睹之，以爲快樂。宜受大禮，以宣厥靈。昔膺勅額之榮，今荷天恩之寵。位既登於金闕、玉闕，名乃進於大仙、上仙。徽號褒崇，威儀赫奕。祀延百世，表正萬神。與大造以爲徒長，上古而不老。伏念某心雖慕道，材不如人。少伸昭謝之私，略致涓埃之敬。具嚴法會，干瀆真聰。伏願鳴玉鸞兮，啾啾，駕八龍兮，蜿蜿。率雲霓兮來迓，令閭闔兮開關。先使豐降兮前驅，後使飛廉兮奔屬。委厥美兮從容，蹇將澹兮壽光。桂酒奠兮椒漿，蕙肴蒸兮蘭籍。逍遙兮容與，低回兮懷顧。某等下情無任勤拳顙俟之至，白所有真君，本願神咒，謹當持誦真君真君，北斗大神云云。

向來神咒，已具敷宣。奉請聖父齊王忠武翊亮真君、

聖母仁壽淑善仙妃、九天金闕、玉闕二位真君、涇國、衛國二位仙妃。

法駕降臨，預會衆真列班朝禮。朝禮周，各昇法座，虔誠設拜，上香。

嘆香執爐

伏以明德以薦，非黍稷之能馨。爲善之徒，與芝蘭而俱臭。是香也。玉爐獻瑞，金鼎呈祥。郁郁紛紛，結爲雲煙之氣。融融靄靄，陶成宇宙之春。捧之則有使者立吾前，侍之則有童子立于吾後。有醮云：稽首虔誠供養。無醮云：酒陳初獻。奉此侑樽法衆，運心虔誠供養。

吟香偈

天上雲荷種，剛風落四溟。深沈秘龍宮，海神獻仙衆。今爇薦誠懇，氤氳上紫宸。洞達入無爲，所求皆如願。和：衆等一心供養。散花。洞案爐烟起。旋遶。

歎水捧水盂

伏以潢汗可薦於王公，惟有忠信以爲質，源水不舍於晝夜，自慚聲聞之過情。是水也，不濁不昏，常清常淨。天上爲雨露，承之以銅柱金莖。地下爲醴泉，餐之如瓊漿玉液。知者行其所無，以事上善，若此而不爭。無水不朝東，其源來自此。有醮云：稽首虔誠供養。無醮云：酒陳亞獻。奉此侑樽，法衆運心，虔誠供養。

吟水偈

天上銀河溢，泓澄映十方。變成雨露來，覃恩大天地。潤下滋枯槁，涵濡澤萬生。酌水表丹衷，身心悉清淨。和：衆等一心供養。散花。源流非地脉，散花林。灌溉自天河。云云。旋遶。

歎花 獻花

伏以翠葉重重，以停蔭於清冷之緒。玉葩鬱鬱，乃生神於大有之庭。是花也，香本自和，色無定色。池蓮紅者，忽變爲碧。牡丹白者，可染爲黃。廣寒宮中桂一

枝，影施秋月。武陵洞裏桃千樹，
靨笑春風。欲傾葵藿之情，少寓
蘋蘩之禮。有醮云：稽首虔誠供養。
無醮云：酒陳終獻，奉此侑樽，泐衆
運心，虔誠供養。

吟花偈

玄圃珍葩盛，盤根蔓十方。挺秀
八百年，垂芳及塵世。焯焯光明
界，繽紛雨寶花。採得最清英，我
今與共養。和：衆等一心供養。散
花。散花何處香。旋遶

誦真君經聞經云云

伏以遊神於道，視不見，聽不聞。
守道以神，瞻在前，忽在後。隱無
終隱，名起強名。自赤明開圖，天
書之所由降。及天直按筆，人文
之所以興。帝嚳授之於牧德臺
前，黃帝傳之於峨眉山上。或得
於勾曲，符闔閭之願。或降於鐘
山，成夏禹之功。矧茲經教之流
傳，使我衆生而解悟。茲蓋伏遇
九天金闕明道達德大仙顯靈溥濟清
微洞玄冲虚妙感慈惠護國庇民崇

福洪恩真君、

九天玉闕宣化扶教上仙昭靈博濟高
明弘靜冲湛妙應仁惠輔國佑民隆
福洪恩真君，

上佐斗真於北極，內參玄學於東
華。百萬億劫，劫劫修來。五十
五願，願願得度。煉金成鳳篆，揉
玉寫龍章。願共諸有情，同乘無
上道。道場衆等，稽首皈依，志心
讚詠。

唱咏真君本願贊同聲

上朝帝座，身進天階。光依日月，
職掌三台。列宿拱衛，雲漢昭回。
東方龍角，獨占斗魁。華蓋房駟，
輔弼嚴明。羽林將軍，左導右迎。
填篋迭奏，律呂合聲。榮歸天府，
萬里雲程。

舉。道場衆等人，各虔誠讚禮
如法。

志心皈命禮，德配乾坤，功參日月，
神通妙用，正直聰明，大慈大悲，
大聖大願，隨機赴感，發誓度人。

九天金闕明道達德大仙顯靈溥濟清

微洞玄冲虚妙感慈惠護國庇民崇
福洪恩真君。

志心皈命禮，威震雷霆，澤垂雨露，
神通自在，福德無邊，大慈大悲大
聖大願，隨歲赴感，發誓度人

九天玉闕宣化扶教上仙昭靈博濟
高明弘靜冲湛妙應仁惠輔國佑民
隆福洪恩真君。

大道巍巍不可名，九天旺氣屬真
君。古往今來無紀極，百千變化
妙通神。和：今將聖德虔誠讚，願
賜威光鑒此忱。願共諸有情，同
皈無上道。

志心皈命禮，德配乾坤，功參日月云
云。

九天金闕云。
志心皈命禮，威震雷霆，澤垂雨露云
云。

九天玉闕云。
鼻祖開基國始徐，朱弓赤矢降祥
符。子孫枝葉昌而大，魁士名人

載史書。
和：今將聖德虔誠讚云云。

志心皈命禮，德配乾坤，云云。

九天金闕云。

志心皈命禮。威震雷霆，澤垂雨露云云。

九天金闕云。

紛紛五代霸爭雄，獨起淮南立大功。忠武盛名垂竹帛，千年齊國襲王封。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

義舉王師下七閩，七閩效順不交兵。吏民按堵皆如故，簞食壺漿喜出迎。

和：今將聖德虔誠讚云云。

志心皈命禮，德配乾坤。云云。

九天金闕云。

志心皈命禮，威震雷霆云云。

九天玉闕云。

威儀如舊喜東迎，赤子潢池敢弄兵。生長鰲峰長廟食，丹書錫號

證天真。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

斬茅伐木建祠堂，祝壽朝朝夜夜香。廟食王封男子願，皇靈剌剌降威光。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

占斷鰲峰一洞天，祠前景物尚依然。藤蘿交翠青雲外，更有龍湫瀑布泉。

和：今將聖德虔誠讚云云。

志心皈命禮。德配乾坤云云。

九天金闕云。

志心皈命禮，威震雷霆云云。

九天玉闕云。

五色雲開現紫旗，木爐不壞事何

奇。天降雙龍來擁衛，果然神物有憑依。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

一朝雷雨起雙龍，直泝溪流抵嶼無。化作木爐呈聖瑞，鄉人因此立祠官。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

古來風俗樸而淳，時號雍熙世太平。曰雨曰暘常感應，請將兩字上徽稱。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

昔日潢溪遷廟祀，溪邊一帶小坡山。桑田滄海時更變，父老于今號社壇。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

政和祠宇大規模，龍首軒昂門地高。簷外杉風聲爽亮，堂前桂月影婆娑。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

無臭無聲事杳冥，至和之德感神明。重光夜現星燈瑞，九奏時聞天樂聲。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

旗龍顯跡因名地，祈雨王官再立祠。事載碑文人口誦，秋冬以報祭維時。

和：今將聖德虔誠讚云云。

(此處原缺文)

岩嶢石塔與雲連，行滿功成託舊緣。惟願法身常不滅，光明普照遍三千。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

定應禪師盤古伏，我曾參得以中憚。任教直入真如境，一點靈臺自豁然。

和：今將聖德虔誠讚

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

嘉定妖虫遍滿田，詣祠禳謝即南

遷。是年夢叶維魚兆，黍稷倉箱慶有年。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

光澤鹽舡遇惡風，中流纜斷失西東。心香一瓣神如在，頓使舡移水路通。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

四方香火立羣祠，派別分支不計時。功德昭昭垂日月，質之父老口如碑。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

廟食于今四百年，蕙肴桂酒禮精專。榮雲之卜如符契，德在人心威一天。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

曾效公山草木靈，嘉熙聖詔寵恩新。勅封靈濟金書侈，廟貌千年冠八閩。

和：今將聖德乾坤讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

（此處原缺文）

九天金闕云。

志心皈命禮，威震雷霆。

九天玉闕云。

無知蠢蠢是愚民，曲突胡爲不徙薪。現出救焚旗閃閃，反風陰助賴神靈。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

曾聞寶慶早如焚，奎壁精誠神我聞。几上紅蛇形化現，聲雷一鼓兩傾盆。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

滄峽民舡觸石灘，中流失楫已心寒。急呼神虎黃旗現，收援無虞頃刻間。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

昭定潢溪瀑水流，田疇墊溺實堪憂。時聞深港神兵出，又喜三登

歲有收。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

人道淳熙風俗美，彗星胡乃出西方。弭災銷變神明力，何必妖祥責保章。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

自古文章可立身，紹興符讖泄神靈。兩家太守輝相映，一榜于今賀得人。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

朱衣夢報兩書生，嘉定聲名繼紹

與。甲子一週天數驗，叔孫衣鉢世相承。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

丈夫慷慨志功名，況是郎官應列星。夢起傅岩終大用，此中祖廟顯精靈。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

璧水衣冠人物盛，兩家生子賀人賢。嘉熙混試天機巧，吉夢為傳賦樂吾。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

咸淳聖詔行鄉舉，主宰科名自有神。天機漏泄符吉識，天機漏泄筆端春。

和：今將聖德虔誠讚云云。

志心皈命禮，德配乾坤云云。

九天金闕云。

志不皈命禮，威震雷霆云云。

九天玉闕云。

好施輕財稱長者，謾言陰隲不相扶。祠堂名姓傳千古，六世科登五大夫。

和：今將聖德虔誠讚云云。

志心皈命禮，德配乾坤云云。

九天玉闕云。

志心皈命禮，威震雷霆云云。

九天玉闕云。

典刑如在燕山寶，丹桂聯芳發五枝。既有人焉家積善，夢傳吉夢產佳兒。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云

青布成羅羅織翠，紅塵化錦錦添花。夜來符讖呈祥瑞，願泄神靈福萬家。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

道源溥博出於天，河洛圖書世所傳。天相斯文文未喪，爭傳靈寶是文仙。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

恬淡虛中自有神，積功累行乃成真。黃庭默授長生訣，任我飛昇駕玉輪。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

名登金闕字輝煌，學授東華祖正陽。上掌天文行院事，職分司祿佐文昌。

和：今將聖德虔誠讚云云。

志心皈命禮，德配乾坤云云。

九天金闕云。

志不皈命禮，威震雷霆云云。

九天玉闕云。

默叅玄學東華洞，玉闕朝班拜紫微。南極注生權上相，職兼地府領諸司。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

九月時當延壽節，雲開金闕上青天。我今虎拜長生殿，共祝堯雲百萬年。

和：今將聖德虔誠讚云云。

志心皈命禮，德配乾坤云云。

九天金闕云。

志心皈命禮，威震雷霆云云。

九天玉闕云。

喜逢大慶中元節，神降崧高泄地靈。王闕金爐香裊裊，綵雲捧出老人星。

和：今將聖德虔誠讚云云。

志心皈命禮，靈濟殿內，燕喜堂中，性稟謙柔，利同坤厚，執勤后德，內助陰功，羽蓋霓裳，刻紫字於緜氏女仙之列，金房玉室，授黃庭於南嶽夫人之前，澤及群生，祀延百世，至聖至靈，至柔至靜，涇國夫人順助仁惠真應仙妃。

頭上金冠戴七星，七龍五鳳紛相迎。願將玉醴金漿水，洒作人間雨露仁。

志心皈命禮，靈濟宮中，燕喜堂內。

躬持節儉，政在優勤，乃資后德之良，俾式坤儀之助，關雎之求淑女，以無險陂私謁之心，雞鳴之得賢妃，蓋有儆戒相成之道，功成內輔，德被群生，至聖至靈，至柔至

靜，衛國夫人善助慈懿恭靜仙妃。

恃憑玉女為通傳，樂正宮闈四教全。萬物資生無不利，至柔至靜配坤元。

志心皈命禮，靈濟宮中，親睦堂內。

莫嚴於父，所配者，天須知，莫報之恩，自有尊規之道，況御王朋命，荅揚文武之光。開國成家，獨任伊周之寄，功全社稷，福及子孫，至聖至靈，至尊至嚴，神父齊王忠武翊亮真君。

詩禮諄諄過鯉庭，內助家法最嚴明。堂前且學萊衣戲，壽祝千春獻兕觥。

志心皈命禮，靈宮內，親睦堂中，聖

善明哲，柔閑靜專，位正中宮，功成內助，儉德著而下化，盛烈載於聲詩，陰禮修而教化，芳名光於史冊，既念親慈之愛，敢伸家慶之儀，至聖至靈，至慈至愛，神母仁壽淑善仙妃。

母氏劬勞不敢忘，至哉坤德合無疆。永遵慈訓傳家法，載詠思齊

詩四章。

志心皈命禮，濟宮中，親睦堂內，填
箎迭奏，羽翼相成，兼迺文迺武之
材，得宜兄宜弟之義，列茅分土守
藩，加食邑之榮，崇德報功，同日
拜王封之侈，親親不怨，綽綽有
餘，至聖至靈，至友至愛，神兄列
位郡王。

華萼樓前積善鄉，昔年同日侈封
王，一門孝友旌高節，遺愛千年親
睦堂。

志心皈命禮，靈濟宮中，燕喜堂內，
帷裳整肅，綾障森嚴，家有家婦之尊
禮，鐘夫人之愛以文辭著，素聞謝氏
女之材，以德行稱，兼有鐘夫人之
美，躬持四教，福錫庶民，至聖至靈，
至柔至靜。神兄列位聖眷夫人。

上奉慈顏喜友于，滿堂和氣笑愉愉。
尊卑有分傳家法，稍似非冠不入爐。
志心皈命禮，靈濟宮中，親睦堂內，
後昆垂裕，百世傳芳，子姓名賢，宣
芝蘭之毓秀，祖宗盛事，喜簪笏之尚
存，載歌葛藟之詩，爰詠螽斯之德，

至聖至靈，至順至敬。神子神孫列
位公侯。

清白遺風教尚存，聲名高顯大于門。
公侯自有公侯種，陰隲元來在子孫。

志心皈命禮，靈濟殿內，親睦堂中，
教有大倫，睦親三族，受天之祿，
食千鍾以至萬鍾，列地而封，先同
姓而後異姓，既辱劉將軍弘深之
愛，還知富鄭公脩謹之賢，名重于
時，賞延于世，至聖至靈，至親至
仁神舅神婿列位公侯。

渭陽舅氏母之親，曾知珠玉朗然
明。更爲編序昌黎集，李漢文章
播盛名。

志心皈命禮，靈濟宮中，燕喜堂內，
閨闈肅整，法度嚴明，爲綌爲紵，
志在女工之事，采蘋采藻，教以婦
德爲先，禮宜奉於舅姑，孝不忘於
父母，至聖至靈，至敬至順，神女
神婦列位仙妃。

七篇女戒曲相從，惟舅惟姑父母
同。佩帨菑蘭如所賜，執勤婦德
肅而雍。

志心皈命禮，靈濟殿內，燕喜堂中，
雲幙逍遙，月宮富貴，其服濟濟，
振綉衣而披桂裳，其狀峨峨，綴明
珠而載金翠，美矣，麗矣，溫乎，燁
乎。願泄巫山之靈，永爲福地之
相，至聖至靈，自由自在，合殿列
位聖眷夫人。

珠履金釵滿掖庭，態濃意遠淑而
真。采蘋于沼公侯事，不比椒房
號與秦。

志心皈命禮，靈濟殿內，燕喜堂中，
日曜爲魂，月曜爲魄，太乙有監生
之典，天乙有注生之司，星宿儲
精，感長庚而入夢，山川孕秀，喜
帝嶽之降神，抱來天上之麒麟，並
作人間之鸞鷲，至聖至靈，隨感隨
應。太乙監生神后、天乙注生神
后列位合屬夫人。

夢吉維何喜弄璋，鰲峰秀氣發祥
光。子生孫兮孫生子，本支百世
熾而昌。

志心皈命禮，龍首廟庭，鰲峰聖境，
職分百辟，位列九卿，司祿乃文昌

之權衡，司福乃注生之主宰，訓遵洪範，曰壽、曰富、曰康寧。頌獻闕宮，俾熾，俾昌，俾耆艾，人人胥慶，在在蒙恩，至聖至靈，如響如答，左右福祿列位真司主宰。

福祿雙星現斗樞，職分左右進賢書。世家積善稱君子，子子孫孫慶有餘。

志心皈命禮，龍首廟庭，鰲峰聖境，電光閃閃，雲氣高高，天何言哉，聲雷霆而震怒，地之利也，資雨露以相生，神機運於不測之中，妙化斡於無形之境，恩霑九有，澤被群生，至聖至靈，則變則化，雷公電母、風伯雨師，本宮昭靈，孚濟龍王，及五方社令，行雨龍神等衆。龍乘雲氣固能靈，聲動雷霆萬里驚。天下蒼生霖雨願，頓令頭角起崢嶸。

志心皈命禮，鰲峰聖境，龍首廟庭，乃聖乃神，在左在右，或獻優旃之技，或精管輅之能，掌膳者，物用八珍，典樂者，聲諧六律，兵十六

衛，舉皆出將之材，騎三百人，各有封侯之相，威靈赫赫，圖像獰獍，至聖至靈，有嚴有翼，合殿合屬，威靈威靈。

以勞定國，法施民，香火因緣配廟庭。將相聲名長在世，千年圖像贊麒麟。

舉足各長跪，虔誠懺悔。

志心皈身歸神，皈命九天靈濟真君、合殿威靈仙衆。伏望聖慈大垂巨澤，普降洪恩，以今齋恪虔誠，皈投懺悔。伏聞禍福無門，惟人自召。吉凶有兆，如影隨形。善者惡之符，惡者善之信。爲善者，五行扶我，司命與我。爲惡者，凶氣覆之，惡星照之。雖天網之難逃，在人心之知覺。今辰伏念一切衆生，皈心向道，至誠感神，躬禮真聰。首陳自責，爰從曩劫，迨生今生。耻過作非，去順效逆。變情詢執，挾詐抵讖。以幽陰詭側而行其奸，以酷毒殘忍而肆其害。顛倒夢想，昏迷乎利名。志之場

殺盜邪淫，沈汨於貪嗔癡之境。大則欺於天地，幽則負於神明。怒暑怨寒，呵風罵雨。或對星辰而便利，或對日月而裸裎。或指虹霓，或盟山海。破壞廟社，觸穢道場。不知身心口意之非，不安士農工賈之分。不崇三寶，不習五常。爲人謀而不忠，與朋交而不信，事親非孝，背主忘恩。爲富不仁，重財不義。謂祭無益，謂暴無傷。謂敬不足行，謂言不足畏。犯上作亂，好勇疾貧。斥陷忠良，侵陵孤弱。欺公滅私，薄人厚己，教唆詞訟，結構冤讎。侮慢自無，微虐，自作不明乎善，不誠乎身。小弁作，而或父子之恩虧，棠棣廢，而或兄弟之情缺。國俗敗而興谷風之刺。骨肉怨。而歌角弓之詩。既知罪惡之貫盈，恭對慈悲悲而懺悔。人誰無過，過而能改，每懷戰戰栗栗之憂。神無常享，享於克誠。小致切切拳拳之悃。伏願至仁孚佑，大道垂憐。

赦其已往之愆，錫以方來之祉。群方胥慶，率土蒙恩。當今之日太平，災不生，禍不作，諸福之物畢至。老者壯，少者強，久欽靈德之威光，用作濟民之事業。某等至心稽首再拜，禮謝靈濟二位真君。

舉。

弟子一心稽首，禮謝

九天金闕洪恩真君。

弟子一心稽首，禮謝

九天玉闕洪恩真君。

弟子一心稽首，禮謝

聖父忠武翊亮真君。

披陳素願，伏願聖慈俯賜鑒臨。

一願當今皇帝壽，和：壽與天齊萬

萬春。

二願臣僚資祿位，和：風雲千載慶

嘉亨。

三願儒冠多富貴，和：名登天府作

公卿。

四願農民勤稼穡，和：自今歲歲喜

三登。

五願百工精技藝，和：待詔班門聽玉音。

六願生財有大道，和：千戶封君可

比倫。

七願風調并雨順，和：普天率土賀

昇平。

八願香火常隆盛，和：千年廟貌顯

威靈。

九願九天加錫命，和：玉佩踰趨拜

紫宸。

十願十方諸信善，和：皈依三寶各

虔誠。

上來立禮贊文，公德已周。道場

衆等人，各虔誠再伸啓白：

伏聞兢兢業業，自慚重瀆之再三。

赫赫明明，恭觀威顏之咫尺。銘

心知感，稽首颺言。德之著者，曰

顯靈昭靈。功可推，而為溥濟博

濟。津梁衆苦，日月群迷。今辰

修設酌恩祈福道場，臣等恭對真

聰，宣揚妙範。少伸三沐三薰之

敬，莫殫一瞻一禮之恭。神聽無

私，情由可鑒。用滌曩劫今生之

罪業，願作見在未來之果因。有始有終，無惡無斃。知可及，愚不可及。神化之，民使宜之。行滿功圓，可以進於玉室丹臺之上。氣存神正，可以開於紫陽雲錦之囊。信男信女，咸得長生。億曾萬祖，皆即受度。遍及幽冥之異類，盡歸縹緲之大乘。為上因緣，念，舉，天尊號。

真君願科畢

璣衡七政星燈科

以今焚香，供養

九天金闕明道達德大仙顯靈溥濟清

微洞玄冲虚妙感慈惠護國庇民崇

福洪恩真君、

九天玉闕宣化扶教上仙昭靈博濟高

明弘靜冲湛妙應仁惠輔國佑民隆

福洪恩真君、

宮中神仙、諸靈官，普同供養。

恭聞龍漢開圖，而玄元始之炁分。

鰲極物化，而天地人之位定。夫人也，大道難遇，中土難生。况抱以陽，負以陰，四肢既立。必貴其形，保其命，萬烝長存。惟恐老死病。若之爲憂，各以長大美好而自悅。人有所欲，天無私親。何賜也富，何憲也貧，何彭之壽，何顏之夭。母誘之數，盍求諸身。爾時靈濟真君，遊宴玉清聖境，熙帝之載，則天之明。作大因緣，爲衆演說。五辰我撫，或盈或縮之不常。兩曜我經，一暑一寒之有序。順之則爲吉隆之喜，逆之則爲凶危之憂。惟至誠可以感神，故積善必有餘慶。既沐照臨之下，敢忘昭謝之私。今辰謹有奉道某人，恭啓靈壇，具陳菲供。依元陽之玉曆，行香誦經。按靈寶之今科，修齋奉戒。發明章典，燃點神燈。仰觀經緯之文，遐想璣衡之象。蘭炷爇火，見其盛，未見其微。鐵盆盛膏，見其增，未見其減。上照三十二天，光明廓落。

下使百千萬人，瞻仰皈依。衆善自光中生，衆惡自光中滅。一作禮而再作禮，心眼玲瓏。初上香至三上香，歌聲響亮。仰惟洞鑒，俯賜恩光。更冀三界齊臨，萬人恭詣。凶星退舍，在四時則無害無灾。吉曜臨軒，錫五福以曰福曰壽。稽首皈依至真妙道德光常曜天尊。

法衆等志心皈命靈濟宮

九天金闕明道達德大仙顯靈普濟清微洞玄冲虚妙感慈惠護國庇民崇福洪恩真君，

九天玉闕宣化扶教上仙昭靈博濟高明弘靜冲湛妙應仁惠輔國佑民隆福洪恩真君，

宮中神仙、諸靈官。謹燃璣衡七政神燈，上布日曜太陽之象。

恭聞道在太極之始，莫見乎隱，莫顯乎微。日者衆陽所宗，無願不成，無幽不察。莫測其妙，所存者神。赫赫厥靈，人可畏之如趙盾。明明在上，民皆仰之若周公。輝

光其德，盛矣乎。潔白其節，皎如也。烏輪肅備，朝覲鬱儀之宮。羲駕莊嚴。燕享洞陽之殿。放出毫光萬丈，普照世界三千。入吾門也，無葑屋之疑。遵吾道也，滅索塗之病。伏念一切衆生，塵埃汨沒，徒窮遂影之勞。電露虛華，惟有過隙之歎。自今反照，與道常明。伏願中爲市者，獲行商坐賈之財。出而作之，安耕曰鑿井之業。藝之巧者，以圭測影。工之勤者，繼晷焚膏。爲儒者，賦誇五色文章。入仕者，名號磚八學士。桑榆殘照，爭同松栢以長青。螢磷增輝，願與昆虫而被澤。少竭葵傾之敬，願垂藻景之光。請法衆謹依太上所說太陽帝君神咒，稽首皈依，虔誠讚詠。

志心皈命信禮

九天金闕明道達德大仙顯靈溥濟清微洞玄冲虚妙感慈惠護國庇民崇福洪恩真君。
志心皈命信禮

九天玉闕宣化扶教上仙昭靈博濟高
明弘靜沖湛妙應仁惠輔國佑民隆
福洪恩真君。

呪捻午文，吸午氣。遙想洞陽鬱儀
宮真君如在。

東望扶桑宮，稽首朝鬱儀。太陽洞
明景，寥寥何所思。令我拜金色，
候天想英姿。皇華將玉女，臨軒降
此時。和：願此燈光，回向真君。
散花。大明圓極天尊。

法衆等志心皈命靈濟宮

九天金闕明道達德大仙顯靈溥濟清
微洞玄沖虛妙感慈惠護國庇民崇
福洪恩真君、

九天玉闕宣化扶教上仙昭靈博濟高
明弘靜沖湛妙應仁惠輔國佑民隆
福洪恩真君、

宮中神仙、諸靈官。謹燃璣衡七政
神燈，上布月曜太陰之象。

恭聞袒氣在太空之中，無色無緒。
月魄泛下華之采，有性有情。經於
箕而起風，離於畢而作雨。天之工
也。神而明之。步蟾宮八萬三千

門，清光可挹。眺鶴臺一千五百
載，聖迹猶存。劉越石之却虜圍，
果遂登樓之興。曹孟德之成霸業，
何妨鼓瑟而歌。或淪精而授漢之

符，或委照而應吳之瑞。其名清
亮。厥績彰明。伏願一切衆生，冗
影偷光，塵籠養晦。將長護短，豈
無玷缺之愆。文過飾非，未免朦朧

之罪。謹當昭謝，幸睹光明。伏願
鴻集澤中，安有烏飛之恐。雞鳴境
內，永無牛喘之憂。搗兔藥者，可
以長生。採蚌珠者，可以獲富。入

仕者，早中姮娥之選。定婚者，果
待老人之言。瑤光現而孕產佳兒，
玉斧修而工精藝巧，拱俟織阿而按

晷，自慚太白之舉杯。請法衆等，
謹依太上所說大陰皇君神呪，稽首
皈依，虔誠讚詠。志心皈依信禮

九天金闕明道達德大仙顯靈溥濟
清微洞玄沖虛妙感慈惠護國庇民

崇福洪恩真君。
志心皈依信禮

九天玉闕宣化扶教上仙昭靈博濟高

明弘靜沖湛妙應仁惠輔國佑民隆
福洪恩真君。

呪捻未文，吸未氣。想洞陰結璘之
官真君如在。

仰望顧八表，惟月孕陰精。中有太
素皇，夫人駕綠駟。輝華光二極，
混明照三清，殷勤求至道，五色下
參迎。和：願此燈光，回向真君。
散花。圓鑒洞照天尊。

法衆等志心皈命靈濟宮

九天金闕、

九天玉闕、

宮中神仙、諸靈官。謹燃璣衡七
政神燈，上布東方木德歲星之象。

恭聞道心惟一，昏昏嘿嘿以難名。
木神則仁，化化生生之爲妙。在
時爲春，而春風長養。於德爲元，

而元氣胚胎。均蒙扶植之功，猶
賴剗裁之力。高山仰止，易地皆

然。謝石得之，以顯公山之靈。
周公得之，以釋金縢之謗。調梅
用說，則夢來諸野。採桑得尸，則

神降於莘。功卓立於一時，名流

芳於萬世。伏念一切衆生，守株安分，托蔭過情。雖樗櫟之材，槌魯無文。然祀柳其性，杯棬可用。從繩則正，非矩不成。伏願能官者，樸棧其章。聽訟者，甘棠其政。觀橋梓之道，而父慈子孝。歌華萼之詩，而兄友弟恭。生子願爲聖小兒，挺挺五枝之桂。結交須作忘年友，森森千歲之松。桃灼其華，宜其家，宜其室。果爍以薦，尊爾祖，敬爾宗。少伸實棗之儀，非擬燔柴之典。請法衆等，謹依太上所說木德星君神咒，稽首皈依，虔誠讚詠。

志心皈依信禮

九天金闕

志心皈依信禮

九天玉闕

咒捻寅亥文，取寅亥氣。想青華青天之官真君如在。歲星乘木德，展轉耀東鄉。陵天姿潤澤，五色混明皇。尋花歌浩漾，擲水詠芝房。經時頻禱祝，獲

福自然長。和：願此燈光，回向真君。散花。妙智圓明天尊。

法衆等志心皈依命靈濟宮

九天金闕、

九天玉闕、

宮中神仙，諸靈官。謹燃璣衡七政神燈，上布南方火德熒惑星之象。

恭聞火秉南方之德，炎帝行權。神爲東海之君，真君錫號。玉精鑄魄，金液煉形。學叅方外之書，善似光中之影。隨機應化，發誓度人。挈塗炭之民，而置諸衽席之上。憫焦熬之俗，而轉爲謳歌之樂。以勞定國，則流烏呈瑞。捍難禦災，則回祿反風。聲迓熒煌，威靈烜赫。伏念一切衆生，慾心未滅，道學不明。其狗勢，則未免阿佞以趨炎。其措謀，則豈敢險奸而煽毒。揚湯止沸，阿其愚也。收燼之餘，不幾晚乎。幸曲突徙薪猶有，豫防之戒，然紅爐點雪，會知解悟之機。憂甚如薰，誰能執

熱。曾謂燎原而可撲，豈宜與玉以俱焚。伏願戢我干戈，永絕狼烽之警。救民疾苦，何勞艾灸之功。烹飲者，得養其生。樵爨者，各安其業。惟天鑒於一德，故曰誠則明明則誠。作善降之百祥，俾爾熾而昌昌而熾。心香一炷，可通於碧落。神光三燭，載顯於靈壇。請法衆等，謹命太上所說火德星君咒，稽首皈依讚詠。

志心皈依命信禮

九天金闕

志心皈依命信禮

九天玉闕

咒捻卯戌文，取卯戌氣，想朱陵火煉之宮，真君如在。芒角生龍鳳，威光吐十方。

丹剛耀五夜，朱火焰三邊。晶明符正氣，劍戟挨兵權。攬搶應迹滅，孛彗敢當前。和：願此燈光，回向真君。散花。智炬赫奕天尊。法衆等，志心皈依命靈濟宮

九天金闕、

九天玉闕、

宮中神仙、諸靈官。謹燃璣衡七政神燈，上布中央土德鎮星之象。恭聞社而祭土，配地之宜。神之爲德，合天之道。石文薦瑞，陰克相於唐家。野塊呈祥，神有扶於晋室。秦如得蜀，則褒谷之妖不足爲怪。劉既吞桓，則鮮卑之夢夫豈偶然。宗孝子以此，葬父而顯陰功。鐵輪王以此，施而成因果。洪規之舡，可以借重。虛江德政，萬古流傳。雷煥之劍，可以增光。華陰聖迹，千年如在。以沙漬酒，曾授高府君療病之方。取塵爲圓，嘗得仙翁活人之劑。以黃尚德，有赫厥靈。伏念一切衆生，冗蟻偷生，壁虫守拙。惡多善少，豈無一簣之虧。彰往如來，未免百昌之托。靖怪糞壤，無所用也。或者泥塗，其可棄乎。從今正道以由行，敢不立墻而起敬。伏願華嶽儲精，爲士者生而穎悟。黃金同價，爲商者富於貿遷。墁

藝精，而工食其功。膏脉動，而農力於穡。編鐘擊磬，略陳桴鼓之儀。酌水獻花，愧乏青藜之貢。請法衆等，謹依太上所說土德星君神咒，稽首皈依，虔誠讚詠。

志心皈依信禮

九天金闕。

志心皈依信禮

九天玉闕。

咒捻子丑文，取子丑氣。想黃中元氣之宮真君如在。

高穹符戊己，藏陸起重霄。五行尊暗曜，九天見光昭。甘石推留伏，陶巫筭沈寥。上仙垂雨露，伏地禮空搖。和：願此燈光，回向真君。散花。靈光炳曜天尊。

法衆等志心皈依命靈濟宮

九天金闕、

九天玉闕、

宮中神仙、諸靈官。謹燃璣衡七政神燈，上布西方金德太白之象。恭聞金孕太白之精，西方有象。神位上清之列，北斗化形，文章久

著於天台，源派其來於麗水。歌詩雅頌，有鏗鏘之美。勒名鐘鼎，負剛介之材。李少君因此以成丹，商傳說用之而作礪。其爲寶也，誠可貴。其爲器也，寧可輕。仰之彌高，鑽之彌堅。截然有條，渾然有理。伏念一切衆生，四知有愧，素欽楊震之賢。三致無能，空羨陶朱之富。遇自今而煎改，誠有賴於鎔陶。伏願經果不焚，喜得滿籛之教。文如未喪，猶聞擲地之聲。言可行，名可言，楚人之諾皆如季布。聖希天，賢希聖，孔子之儔豈特顏回。愧無鴻寶之陳，略具彝樽之獻。請法衆等，謹依太上所說金德星君神咒，稽首皈依，虔誠讚詠。

志心皈依信禮

九天金闕。

志心皈依信禮

九天玉闕。

咒捻辰酉文，取辰酉氣。想金天素靈之宮真君如在。

太白凌清漢，騰霜耀素英。亭亭浮瑞彩，皎皎盛長庚。鋒高能禦寇，色潤每降兵。推窮符曆數，合道與長生。和：願此燈光，回向真君。散花。明真養皓天尊。

法衆等志心皈命靈濟宮

九天金闕、

九天玉闕、

宮中神仙、諸靈官。謹燃璣衡七政神燈，上布北方水德辰星之象。

恭聞水之神故曰玄冥，其源也深，其流也遠。神如水之在地下，何所不至，何注不通。蕩蕩乎，吾無能名。淵淵乎，誠不可測。言其仁，則魚鱉得其所。言其威，則蛟龍神靈。飛沙怒濤，曾顯三山之夢。興雲致雨，具瞻四瀆之祠。冰渡滹沱，王霸之言何其神也。雪平淮蔡，李愬之功豈非天乎。均蒙潤下之仁，敢有朝東之請。伏念一切衆生，盜泉止渴，何饕餮之不材。濁渭常流，使穢污而自臭。謹當洗濯，毋即恣淫。伏願

官府升平，珠果還於合浦。人材泰長，舟可濟於巨川。泮林之桑熟，而蚕乃登。潢地之劍賣，而牛可畜。財利之源淵積，既庶而何加，又曰富之。子孫之派流長，盛德之後，必有興者。恩波洋溢，福海弘深。少伸行潦之儀，深愧蹄涔之陋。請法衆等，謹依太上所說水德星君神咒，稽首皈依，虔誠讚詠。

志心皈依信禮

九天金闕。

志心皈依信禮

九天玉闕。

咒捻已申文，取已申氣。想玄靈大德之宮真君如在。

妙哉符五氣，髣髴見真門。嵯峨丑位當，壬癸洞靈君。分輝凝皎潔，盼享赴思存。仙歌將舞道，良久下金天。和：願此燈光，回向真君。散花。龍德普照天尊。

諷誦經咒

向來燃燈功德，並已周圓。恭聞

睹天文而察人事，可以前知。修人事而應天文，吉無不利。須仗神燈而點照，特憑科典以宣揚。回向真君，仰祈靈貺。自今以後，丕闡厥靈。伏願星聚於奎，再睹文明之治。光含於璧，復還淳古之風。上體天心，下孚民望。更冀燃燈之後，五星順度，兩曜增輝。寒暑不愆，躋兆民於仁壽。雨暘時若，祈百穀之豐登。蠢動含靈，咸資化育。仰憑法衆，爲上良緣。念：

三清二境天尊，九天錫慶天尊，十方靈寶天尊，不可思議功德。

璣衡七政星燈科畢

仙妃秘典

入壇

步虛

混沌初開啓，陰陽化育生。九天成道化，萬國保安寧。寶座臨金

殿，霞冠耀玉軒。萬真朝帝所，飛曷彩雲根。

祝香

祥煙結篆，瑞氣凝空。瞻碧落以投誠，望紫清而設拜，恭以道香、德香、無爲香、無爲清淨香、清淨自然香、妙洞真香、靈寶惠香、超三界香，滿瓊樓玉殿，遍諸天仙境，虔誠上啓，供養

九天道母無上帝后元君、承天效法后土皇地祇帝后、統法善捨聖母八極帝后、東極保生聖母青衣帝后、南極保育聖母火光帝后，八極糾察聖母金光帝后、大羅大掌集聖母璠真帝后、九天提點按察聖母伏魔帝后、主掌閻浮提世界地主明玉統法聖母六通帝后、九天開化育生仁德妃、汪聖妃、青德妃、宛聖妃、九天開化忠德妃、顏聖妃、涇國夫人順助仁惠貞應仙妃、衛國夫人善助慈懿恭靜仙妃、親睦堂聖母仁壽淑善仙妃、唐王后明蕭仙妃、洪王后仁慈仙妃、鄂

王后順懿仙妃、廣陵王后善慶仙妃、聖女冲懿仙妃、明懿仙妃、聖婦善懿夫人、仁柔夫人、惠順夫人、昭懿夫人、順恭夫人、明哲夫人、恭懿夫人、靖懿夫人、昭穆夫人、慈孝夫人、聖婦列位夫人、內侍順成夫人、昭華夫人、容華夫人、修容夫人、修儀夫人、昭儀夫人、內典婦功夫人、絲枲夫人、筦庫夫人、帳集夫人、度支夫人、女府女史列位夫人、女祝女御列位貴人、內侍內典聖眷夫人、天乙注生神后、太乙監生祥后、司祿司命上相夫人、守胎衛房夫人、保胎護命夫人、左右慈訓夫人、保傅夫人、左右掌集夫人、諸宮掌印夫人、抱送夫人、乳哺夫人、撫育夫人、托生化婆、燕喜堂東西二序列位夫人、汪生注福注錄注壽婆官、主掌判送婆官、守胎衛房婆官、王母宮中七千徒衆臨水宣封，廣福陳十五夫人，三十六宮婆。

又切以聖不可知之謂神，感而則應，民

到乎今受其賜，靡也可忘。式克至今日休，不敢啓上帝命。臣誠惶誠恐，頓首頓首，恭聞無形之表，至道之精。軒轅皇帝，啓鑰抽關。太上老君，傳燈續印。德而不德，清虛怪，寂寂之無宗，玄之又玄，廓落達，生生之有妙。周流六虛而無息，主宰萬物而不遺。巍乎，其有成功，無以稱其威德。伏念臣志求諸道，材下於人。敷奏以言，方寸地之階，願借恪恭乃職，咫尺天之威不違。重念醮首某等，致力於神縷，我以福祠稱靈濟，名被顯封。赫赫厥聲，濯濯厥靈。雖雖在宮，肅肅在廟。雖桑梓必敬，止維蘋蘩可薦之。遇中元集福之晨，是乃上相誕生之旦。乾坤爲瑞，閭里稱歡。是月在中，式播崧岳生申之詠。與天齊壽同伸華封，祝壽之誠。茲蓋伏遇昊天玉皇上帝玉陛下，總元範於十方，建大功於億劫。無有遠邇，均屬照臨。九有血氣，莫不尊用。敷腎腸歷以告：臣塵凡濁贊，夙夜小心。自慚蠢蠢無知，敢曰高高在上，齋戒沐浴以事帝。對越在天，聰明正直之謂

神。虔恭在位，幸披雲而睹日，如臨淵而履冰。伏願不聞，亦式不顯，亦臨有相之道。俾富而昌，俾耆而艾，用錫厥民。臣無任瞻天望聖激切之至。

官三元仙衆、列位婆官、醮筵一切仙衆、府縣城隍夫人、當境夫人、金鰲各廟祈福夫人、本中一切婆官等衆、三界香官、直日典者，仗此真香，普同供養。香迺玉華散景，紫氣凝煙，香雲密羅，逕衝九天。當願侍香金童，傳言散花玉女，爲某關啓，咸賜如言，謹奉爲入意，仰祈慈蔭，福及群黎。今則蘭場開啓法事，關行稽首，皈依無極大道。

唱道

道場衆等，人各運心。皈依三寶，一切念。

淨壇

至真帷淨云云。淨天地咒云云。洞

中玄虛云云。

舉。火光蕩穢元君。

跪爐

道由心學云云。五星咒，五星列照。

發爐 舉鳴法鼓二十四通。

無上三天玄元始三炁太上老君，召出臣等身中三五功曹，左右香官使者，左右捧香驛龍騎吏，侍香金童、傳言散花玉女、五方直符直日官將，各二十六人出。出者嚴莊，關啓此間土地里域真官正神。臣今正以燒香行道，謹奏爲某人某事，其諸丹悃，具載詞文。以今發事，願得太上十方正真生炁下降，流入臣等身中，令臣所啓速達徑御九天道母無上帝后元君御前。

請稱法位

具位上啓

九天道母無上帝元后君：聖位如前。

恭聞三才肇判，立人道於天地之間。列聖分司，爲帝后掌生成之籍。惟人爲貴，所職猶尊。育魄煉形，始自注生於南極。彰善罰惡，次則分隸於天宮。仰惟三十六位之尊，實司萬億兆人之命。富貴貧賤有定，分於胚暉。壽夭

短長，皆悉由於掌握。上領天曹之威命，下副世嗣之祈求。聰明富貴，必生於積善之家。天賤卑微，必報於積愆之後。鑑衡無隱，毫髮非私。但興一念皈依，必獲百神昭鑑。今有事意，致恭盡禮，叩首虔誠。僭陳醮祀之儀，曲盡精虔之懇。皈命天上三十六天帝后，靈濟仙妃內侍真靈。伏望乘雲駕鶴，整法駕以來臨。憑虛御鳳，副凡心之懇禱，法衆虔誠，皈命奉請。

上來迎請，內外諸宮仙衆，俱已來降。各請整肅仙班，祇迎仙駕。臣

謹奏請

主掌閻浮提世界地王、明王、統泐聖母、六通帝后，伏望道慈，降臨御座。

九天提點按察聖母伏魔帝后。

天羅天掌籍聖母瓊真帝后。

八極糾察聖母金光帝后。

南極保育聖母火光帝后。

東極保生聖母青衣帝后。

統法善拾聖母八極帝后。

承天效法后土皇地祇帝后。

九天道母無上帝后元君。

上來奏請，已沐降臨，衆等虔誠，法事供養。

玉殿排龍座，諸天速降臨。

寸誠皈大道，有事自符心。

瓶插花飄麝，爐煙杳裊沈。

懸懃三上祝，願降福恩深。

步虛

寶座臨金殿，霞冠耀玉靜。萬仙

朝帝所，飛鳥綵雲根。

安座頌

九天御座，玉几龍墩。金光照耀，

百寶光明。諸天下降，全正大興。

受此寶座，保兒安寧。交梨火棗，

瓊奈蟠桃。瓊花蠟燭，甘露醍醐。

瓊泉瑞露，鳳茗龍芽。天厨香積，

隨念而供。

伏聞清濁攸分，陰陽定位。乾坤

交而生六子，天地泰而育群生。

矧茲帝后元君。獨持陰教。况乃

下方胎孕，全仗聖恩。凡形流於

三界之中，皆兆象於六陰之始。

積善，則子孫繁衍。儲惡，則枝葉

凋零。有禱必從，無求不應。錫

男，則獲以聰明智慧。注女，則報

以端正形容。救生死於俄頃之

間，除灾患於逡巡之際。禍淫福

善，執一定之。權衡俟正却邪，救

衆生之性命。九神崇奉，必獲感

通。某等忝預人身，幸逢盛世。

奉諸官之道化，闡大法於虛靈。

是以爰潔靈壇，仰延真馭。香疑

寶蓋，瑞騰於瑤殿臺前。花散瓊

英，芬徹於玉京山上。心仗誠而

達祭，以德而馨。仰荅聖恩，次陳

己過。愿扶持於有永，保孕育以

無虞。爰列華筵，用伸景福。伏

□祥光下降，勅聖妃以保生靈。

雲駕俯臨，降醮筵以證功德。仗

芳香而接景，惟至懇以通誠。聖

造無私，洞回明察。以今上祝

當今皇帝、帝后、諸官，壽筭天齊，子

孫日盛。派衍旋源之遠，輝聯玉

葉之光。廣聲教於流沙，息干戈

於漠北。下民樂業，慶五風十雨

之調。醜虜歸仁，息四境三邊之

衆。產璠芝而薦瑞，近紫竹以呈

祥。率土普天，咸歸有道。其等

冒瀆之至，稽首設拜。上香，貢

茶，進酒，謹當初獻。散花云。諸真

前供養。

再稱法位具位上啓聖位同前

伏聞地極之中，莫非生人之聚處。

維坤之上，爰有司命之尊神。掌

生籍於諸宮之時，管狹兒於壽筭

之上。定善惡，而可予可奪。分

陰陽，而爲女爲男。毫髮非私，分

數有定。今有某，祈萬福以來，臻

萃千祥而畢集之，子孫之祿筭，致

門宇之昌隆，世世代代之皆賢，蟄

蟄繩繩之有望。恭惟

九天道母帝后元君、靈濟仙妃，內侍

仙衆，主持生籍，賴衍慶以保生。

救度世人，願安民而濟世。釋罪

愆於已注，保養育以無虞。爰竭

精誠以修功德，仰祈慈蔭俯庇身

田。伏愿九玄七祖往劫親緣，脫

離冥途，超昇福地。注南宮之生籍，消北府之愆尤。錫以瑞桃，以衍三千之壽；賜之火棗，以延十紀之年。遠近親因均蒙庇右。醮主虔誠上香，貢茶，進酒，今當亞獻，丹忱無可獻。

重稱法位

具位上啓位同前

伏聞四瀆大神，實掌攝生之集。五嶽精炁，用抄錄秀於人。雖水宮杳邈之中，乃嬰孩生成之地，無求不應，有感皆從。今有某人實賴慈恩，永符至願，福歸嗣續，慶衍本支。男皆富貴以聰明，女則端正而有相，萬邪不染，百病無侵，均蒙養育之仁，各遂生成之喜。仗一念之虔誠，仰諸慈而昭鑑。恭惟

九天道母無上帝后元君、靈濟仙妃，內侍仙衆。伏願瑤臺殿上，赦曩劫之過尤。忉利天中，錫今生之福祿。本枝百世，富貴多男。綿邈孫枝，廣聯族裔。保安寧而有

慶，俾母子以無虞。萬邪不侵，百靈常衛。某等無任再三冒瀆之至，虔誠稽首再拜。上香，貢茶，進酒，謹當奉獻。散花。舉道場衆等，人各運心，諷誦如法。誦南極注生經畢。

宣疏大謝

向來文疏，已對敷宣。聖造無私，諒垂胎鑑。以今再炷寶香，虔誠上啓

九天道母帝后元君、靈濟仙妃、預醮真宰。

伏聞陰陽交邁，萬物成形。天地氤氳，群靈兆象。自一元而肇判，見二氣之攸分。雖道母爲群陰之宗，而帝后乃萬天之母。握生成之柄，總嗣續之權。保命生，以保嬰兒。令驅瘟而允灾患，慈悲救苦。憫念衆生，誓願護民，流傳大泫。某等幸逢盛世，獲睹人倫，仰荷生成。曲垂陰佑，奉先天之妙道，濟下界之生民。凡殫夤奉之誠，必獲感通之德。某等爰投列

款，恭薦惟馨。聖德無私，陰功不宰。仰祈昭鑑，以錫龐洪。伏願少駐鸞輿，暫留鶴駕。赦之憊過，俾子母以相安。錫以恩庥，使閨門而有慶。今某與合壇官衆等，功慮爰從曩劫，以至今生，或妬害之成愆，或邪淫之結罪，或在日宮月府，或繫天曹地司，並冀赦原，均蒙恩佑。所冀長生簿上，注嗣續之姓名。承天宮中，授聰明之孫子。遠宗近族，苗裔繁昌。內戚外親，本枝榮盛。人世之非禍不染，天時之疫癘無侵。泊乎水陸之飛潛，咸遂生成之性命。上則明帝后保生之德，下則副某等皈命之誠。謹啓上聞。

舉十念

一念一陽闡道。二念二氣相生。三念三官赦罪。四念四府注生。五念五行相順。六念六宮昌榮。七念七星順度。八念八即常寧。九念九玄離苦。十念道化興行。復爐

臣召香官使者、左右龍虎軍、捧香使者、侍香諸靈官當令，臣某正以燒香行道之所，自然生金液、丹碧芝英。百靈衆真，交會在此香爐前，當願諸天垂佑，合家蒙恩。十方金童玉女，接待香煙，傳奏臣某向來所啓之誠速達，徑御九天道母無上帝后元君御前。設醮事畢，仰沐慈恩，虔誠稽首，再拜奉送。

送真頌

九天隊仗，整肅雲衢。金童玉女，寶蓋旛幢。諸宮夫人，位列前行。天香馥郁，燭燦金蓮。黃旛豹尾，玉節龍車。乘雲而去，歸大羅天。臣某瞻仰，香風寂然。

道母流玄教，雲興返洞天。金爐香尚裊，玉燭火猶然。仰望心如在，追攀志莫前。願祈流福慶，醮主永長年。

向來設醮功德，尚祈慈顏，錫福流恩。同賴善功，證無上道。一切信禮。回向。化財。

仙妃秘典畢

本宮暨旛科

安人輔國立玄功，高舉靈旛聳太空。萬姓瞻依咸向道，二仙顯赫赫福增崇。雨露玉宇三途潤，日映龍章九夜通。梵徹金鰲雙闕下，生身受度慶無窮。伏以道由心合，仙科備具於盟真。旛以風揚，靈範將期增福慶。念塵凡之未釋，祈歲序以康安。日魄月魂，莫曉呼吸之際。天堂地獄，當知覺悟之思。識先達於蒼龜，節愈堅於松栢。千鈞寶玉，莫買青春。萬劫長繩，難留白日。污穢欲期而煎雪，罪愆知悔可消除。人世俱空，泉扃有籍。憫先亡而悼故逝，闡今格以求幽魂。蠲宿業以落幻緣，植靈幡而延福慶。幽敢期於不至，福豈得以自求。人修善果，天必福隨。舟行半夜，蹉跎迷萬壑之前。花折先春，結實居群英之首。發心精進，悟道逍遙。

以永終者，願得長生。故製此科，與禳灾厄。不經苦惱，身有光明。法衆虔誠，舉揚聖號。

靈幡赦罪天等

靈幡飛颺，殃孽消亡。天慈開赦，無邊十方。生死蒙惠，俱利無疆。福善有報，修持不忘。真空速證，擺脫無常。百年康寧，控轡天堂。和。願得長生。

旗旛高舉，隨自在之飛騰。深罪盡除，悟從前之愚昧。若罪居旛始，罪可以消。旛在罪前，罪可以赦。

墨如負典刑，能發肯心。將期自悟。明心了了，獲福如如。荷嘉會以敷華，錫長年而用慶。茂膺景福，惟願慈悲。法衆虔誠，舉揚聖號。

寶旛延福天尊

旛之爲度，長短合象。福旛期旛，旛從福向。示之玄妙，締掃業障。長生益齡，度人無量。和。願得長生。

罪誠可赦，福足以延。罪積而未絕，其非安爲盡得。福延而不思，其後詎敢自安。倘妄與過舉之爲，是深矣修崇之義。幽魂繫繫，正居前後之有虧。先魄沈淪，皆以初終之無守。當思覆轍，無咎靈旛。莫空教白髮之百年，因循度世。孰謂勝黃金之一偈，方便教人。是以開發根源，提携首尾。欲存善後，更賴慈尊。法衆虔誠，稱揚聖號。

度生觀空天尊。

生生劫劫，機幻因循。天開以源，洗濯一身。災迤永絕，福祿俱臻。長年不朽，與道合真。

和：願得長生。

伏願植旛之後，皇圖鞏固，帝道遐昌。樂萬姓以昇平，率四夷而從化。澤品類，景貺沾敷，罪業蠲消，福祥駢集，見存獲福，幽壤沾恩。爲上因緣，念：三清三境天尊，九天錫慶天尊，十方靈寶天尊，不可思議功德。

本宮豎禱科畢。

洪恩靈濟宮真君靈籤

第一籤 上吉

龍韜豹略韞奇謀，若遇明時即獻籌。世道風波多勇猛，好從靜處細沈浮。

第二籤

上上

吉夢先爲兆吉祥，細尋稱意可參詳。生男不獲棄孤志，責任還須再弄璋。

第三籤

中

青帝權當正屆時，深紅淺綠映花枝。上林一夜西風起，天際行人知未知。

第四籤

下

蠻觸相傷萬事虛，彼仁我義却還初。鄒陽繫獄沈消息，誰上緹縈女子書。

第五籤

大吉

間步前途慢著鞭，好將舟楫度平川。一輪明月今宵滿，萬里雲衢萬里天。

第六籤

大吉

一派波流勢欲東，時人正在望洋中。西山犬吠聞風月，此去青雲有路通。

第七籤

下

尪羸病症不堪醫，妙藥良方且慢施。遇兔逢羊終獲吉，莫教喜事轉成悲。

第八籤

中下

喪牛失馬不堪憂，世事何思教贅求。若遇春初冬末後，佳人休向道傍謀。

第九籤

下

薄雲殘霧未控門，東西南北未亨通。人從生處且投下，一葉秋來鴈過鴻。

第十籤

盈庭音耗不須多，亦有訛言莫信他。男子婚姻終獲吉，狐疑未判事能蹉。

第十一籤

數行丹詔拆泥封，萬里青雲喜得隆。鸚鵡橫空消息好，山間林下莫留踪。

第十二籤

寒谷陽回奪化工，閒花不用怨春風。淒涼外面傳消息，荳蔻枝頭著意濃。

第十三籤

鱸肥蓴美忽思秋，萬頃波間可下鉤。機露鷗飛空着力，那堪明月滿歸舟。

第十四籤

我強彼弱植降旌，休向行人道不平。

雨霽雲收猶未歇，春風纔到便分明。

第十五籤

測度何須問再三，冲天羽翼欲圖南。
忽然消息相邀阻，事若成時又不堪。

第十六籤

征夫一箇在天涯，虎在寅方望在家。
日斷魂消音信絕，梨花帶雨一枝斜。

第十七籤

朱雀當權屬丙方，不思來問子孫殃。
風波靜處堪移步，蜂蠆傷人莫自傷。

第十八籤

佳客龍門喜氣新，天衢附翼且攀鱗。
等閑借問吹噓路，免使微才歎折薪。

第十九籤

萬變枝頭不肯休，誓兄盟母結冤讎。
好宜急解從前過，拜伏求神始免憂。

第二十籤

朱門桃李已成粧，雨露工夫何艷陽。
一奏風雲彈刻到，休言衣錦早還鄉。

第二十一籤

求財求利意何貪，莫信怡言未盡甘。
務是富商皆利息，津津喜色在東南。

第二十二籤

車馬遊人任往來，閒花冷藥苦相催。

不蒙一點東風力，偷得墻頭半夜開。

第二十三籤

非是難尋一片心，汗牛充棟莫追尋。
因緣到底有明白，誰向林泉會賞音。

第二十四籤

崢嶸頭角在雞群，無奈薰蕕未肯分。
桂子傳香纔有信，日邊姓字一朝聞。

第二十五籤

上食槁壤下黃泉，雙鴈高飛兩處眠。
江水兩流人不見，世情險阻甚山川。

第二十六籤

情歡意合兩諧和，玉燭揚明薦瑞多。
却喜門庭無盜路，一星在戶夕如何。

第二十七籤

命蹇身迍正值秋，鬼神暗裏却相謀。
風前月下逢花酒，只恐歡娛變作憂。

第二十八籤

管見終難奪經機，天工巧處未堪爲。
一場世事真棋局，東辟龍蛇任奮飛。

第二十九籤

涸魚頰尾仰清流，一線微生幾欲休。
須待禹門三汲浪，明珠不向暗中投。

第三十籤

冷暖炎涼厭世人，畫蛇斷鶴送天真。
却令門戶無淹滯，筆下春回奪化鈞。

第三十一籤

憂憾何須問是非，但觀人事見天機。
人從坎處多如意，一簇孤燈再焰輝。

第三十二籤

崑山玉石未分明，瓦釜盆中聒耳鳴。
小注大來時未泰，休將百計苦經營。

第三十三籤

甘苦從前幾曆嘗，一生六度閱星霜。
憂心似醉人間夢，役役營底事忙。

第三十四籤

天上人間幾合離，孤中獨立欲扶危。
折支折足應難免，火自焚身尚不知。

第三十五籤

俄然平地起風波，人事年來襍嗜多。
准擬鹽梅歸大手，均平五味一調和。

第三十六籤

隔阻音書信尚違，春回草木未光輝。
西山日落留殘照，更有行人天外歸。

第三十七籤

水滿舟移等片時，孤歸未判易生疑。

行人有意待明月，相見何須門紫芝。

第三十八籤 中下

舉頭一片黑雲生，天際求名未得名。
須扣黃鐘方大響，好風吹送上蓬瀛。

第三十九籤 中

江水西流欲問舟，等來功績幾時休。
傍人相對傳消息，一箭雲頭看此秋。

第四十籤 下

求財求利意如何，西北風來問渡河。
得價明珠姑少待，人生一夢到南柯。

第四十一籤 下

幾枝紅紫鬥芳菲，片片開花逐水飛。
鶯巢燕子寧無意，休向人間說是非。

第四十二籤 中

菊老秋衰萬物殘，追尋舊恨與前懽。
驪珠出海猶埋彩，直指東門且掛冠。

第四十三籤 中下

入雲青鳥未飛還，信在虛無縹緲間。
日落秦樓三萬里，白雲山外有青山。

第四十四籤 中

一憂一喜兩相扶，萬事臨頭噬欲圖。
時日有如雞翼卵，行看末路有亨衢。

第四十五籤 中

鼎新革故遇陽來，天際行人獲貴財。

回首移公纔咫尺，務緣徒自莫疑猜。

第四十六籤 中

利名機會遇三生，萬里鵬程掌上平。
牛馬殊途猶不及，命如坎處且遲行。

第四十七籤 下

出岫濃雲未得閒，淹今何日見青山。
一蠻一觸空相敵，得惹虛名在世間。

第四十八籤 下下

世態如兒不可論，事窮勢極有歸根。
衣裳在笥先當慎，莫共神交與鬼言。

第四十九籤 上吉

田家無歲不豐年，時變相將問老天。
玉燭陽明魚葉夢，秋來得價利千千。

第五十籤 上上

江頭少立避風波，天意從人奈若何。
直待禹門春流暖，乘槎一直到天河。

第五十一籤 下

人情依舊不如新，五十年來又一句。
是事總由心上斷，道傍築舍不須論。

第五十二籤 中下

孤燈剔盡未成眠，拭淚含情在目前。
音信未逢人萬里，朝來忽見鵲聲傳。

第五十三籤 上吉

時和歲稔世平明，此去鄉間轉泰亨。
神喜人歡終獲吉，百年心事几圓成。

第五十四籤 下

貪財鑿石渾無玉，用意淘沙未見金。
爭奈謀為皆未遂，要防川火與門心。

第五十五籤 上上

南陽久卧草廬中，三顧翻然起蟄龍。
天下蒼生霖雨望，果然造化比天功。

第五十六籤 中

江湖久戀厭馳奔，走得芒鞋幾屨穿。
百鳥栖巢知故道，一輪月缺再團圓。

第五十七籤 下

雨花多襍雪花飛，江上漁郎舉釣時。
夜靜水寒魚不食，滿缸空載月明歸。

第五十八籤 中

角弓澄影映金杯，此日推求喜見猜。
一段狐疑情意解，沈痾痼疾自何來。

第五十九籤 下

皎潔中秋月一輪，十分華彩照乾坤。
無端却被西來雨，一片光明化作昏。

第六十籤 下下

人生那可遇良辰，好事多磨信有因。

待免守珠難再得，空勞心力廢精神。

第六十一籤 中上

風光和暢屬陽春，革故由來復鼎新。
積善之家天降福，滿庭佳氣喜津津。

第六十二籤 下

世態炎涼可奈何，東流西復易蹉跎。
筭來萬事皆前定，計較奔波枉自勞。

第六十三籤 中

林泉隱跡樂餘年，萬事悠悠總在天。
門外有爭須過了，運中財帛免憂煎。

第六十四籤 中下

耕田鑿井隱山林，百事何勞苦用心。
為勸世人休逐利，貪名逐利個相侵。

注生堂感應靈籤

第一籤 上吉

夜來吉夢葉態熊，家慶充間立可期。
孔子釋氏親抱送，定是天上石麒麟。

第二籤 中平

莫言弄瓦不堪誇，吉夢分明葉虺蛇。
異日結縭應貴顯，沈香亭北一叢花。

第三籤 中下

君家瓜瓞遠綿綿，祚徹由來降自天。
只恐臨盆生阻滯，更須作福保安全。

第四籤 下

風雨冥冥花倦開，開花未久點蒼苔。
何須更背宜男草，凡事皆從前定來。

第五籤 大吉

奕業流方世澤長，雙飛玉燕葉休祥。
日來貪聽嗶嗶泣，早掛棗弧射四方。

第六籤 下

璋不純兮瓦不完，更堪平地起波瀾。
若非早扣神明力，爭似孤舟渡險灘。

第七籤 上上

一樹梧桐覆苑墻，枝頭鸞鷲已呈祥。
這回得個超凡物，頭玉硤硤不可量。

第八籤 也平

將信將疑事更遲，陰陽奇偶未能知。
于今報爾分明道，近水芙蓉吐一皮。

第九籤 上吉

六甲蹉跎期已至，晨昏當見充間氣。
臨盆坐草兩知虞，三果犀錢須早備。

第十籤 中下

石上栽蓮難結實，水中種菊怎開花。

假饒求得神明力，夢裏分明見虺蛇。

第十一籤 中平

春入園林雨露偏，海棠先吐一枝鮮。
莫言空帶宜男草，此事悠悠總在天。

第十二籤 大吉

革故由來復鼎新，春風和氣喜津津。
麒麟會掣黃金鎖，來作君家廊廟珍。

第十三籤 下

造物憊尤自不堪，何須贅卜女和男。
午前午後知消息，明月清風一擔擔。

第十四籤 平

萬事悠悠屬大鈞，也須盥濯問神明。
分明說與中秋夜，雲散遙空月一輪。

第十五籤 上上

玉燕分明飛入懷，凡情何必更疑猜。
親朋早辦金錢賀，好個文章冠世林。

第十六籤 上中

鬱葱佳氣溢門庭，吉慶曾符太白星。
異日分明生貴子，莫嫌寒舍又添丁。

第十七籤 下

賦命由來有疾徐，何須計較實和虛。
分明記得先賢語，緣本求魚不得魚。

第十八籤 中平

碧桃紅杏鬥芳菲，丹桂何曾見一枝。
吉事未來休指望，更煩寧耐待秋時。

第十九籤 中

能將陰德積冥冥，玉樹芝蘭漸滿庭。
繼繼承承茲有望，何須螺贏負螟蛉。

第二十籤 下

片雲遮月夜冥冥，花落寒風子不成。
烏鵲共栖仍共噪，吉凶全未見分明。

第二十一籤 中平

年來時運尚乖虞，謾說龍駒與鳳雛。
欲問眼前休咎事，更須作福默相扶。

第二十二籤 中平

欲問胞胎事有因，虺蛇已葉夢中頻。
他時會見魚軒貴，非是尋常箕箒人。

第二十三籤 中上

蘭桂芬芬異衆芳，謝庭從此好風光。
莫言結實成陰晚，造物安排不在忙。

第二十四籤 下

不事耕鋤獨守株，守株待兔兔偏無。
笑他貪看中秋月，失却盤中照乘珠。

第二十五籤 中

果木逢春已發萌，更資雨露遂生成。

枝頭佳實還君採，莫被風吹着一驚。

第二十六籤 上吉

彩鳳生雛日載陽，羽毛漸次備文章。
筭來此事非容易，應是君家世澤長。

第二十七籤 中

笑他連日喜非常，弄瓦由來說弄璋。
但得初生如達易，下筭上簞不驚惶。

第二十八籤 中上

積善之家慶有餘，果然入海得明珠。
但將好事多修阻，力向神天作福扶。

第二十九籤 中下

昨夢紅花插滿身，今朝到此不休真。
分明爲決狐疑意，在蓍由來帚畔人。

第三十籤 下下

晨昏何必太懸懸，只合悠悠信自然。
入海求珠珠未得，更防川火石皮連。

第三十一籤 上吉

冥冥陰德默相扶，行盡崎嶇見坦途。
不久須招田下力，早懸蓬矢與棠弧。

第三十二籤 中下

一輪明月照深閨，欲葉態羆夢轉迷。
莫嘆所求非所願，更須陰力暗提携。

第三十三籤 上中

時若來兮事有緣，焚香何必問神天。
神天自合從人願，早晚能招力上田。

第三十四籤 下下

力穡辛勤望有秋，懸知萸稗滿田疇。
從今莫倦頻看管，作耗仍防二尾牛。

第三十五籤 上中

採山果得連城璞，入水能探照乘珠。
玉果青錢須早備，鬱葱佳慶已充闕。

第三十六籤 中上

運去真金皆失色，時來鐵樹也生花。
于今漸得重重喜，不似從前空怨嗟。

第三十七籤 中下

三十年來運未通，勞心勞力總無功。
等閑一日遊南海，拾得明珠在掌中。

第三十八籤 中平

向人嚙嚼莫能言，口裏銜飴尚未吞。
吉事悠悠那可必，幾回清曉與黃昏。

第三十九籤 下下

三虫食血事多端，陰害相侵未得安。
從使開花能結實，他時採摘不堪餐。

第四十籤 中中

陽鳥展翅正南離，這事分明不用疑。

投燕懸鈴雙應瑞，也須祈禱保憂危。

第四十一籤 中中

嗣續悠悠君莫猜，生來造物早安排。
眼前欲識剛柔理，昨夜陰精飛入懷。

第四十二籤 中上

有意栽花花不發，等閑插柳柳成陰。
于今剩得東風力，插柳栽花兩稱心。

第四十三籤 上中

君家華胃已遥遥，鳳子龍駒信可招。
眼下欲明遲速意，不過兩日與三朝。

第四十四籤 中下

東君取次布陽和，景物芳菲入興多。
須要明神求保庇，免交平地起風波。

第四十五籤 中平

下筮上簞睡朦朧，夢裏分明蛇作龍。
此兆必然生貴女，魚軒大侈淑人封。

第四十六籤 上中

古來陰極復生陽，君子于今喜道長。
夢斷黃龜吟未就，已聞在蓍泣惶惶。

第四十七籤 上吉

此兆由來地澤臨，臨時萬事稱人心。
幾年想像熊羆夢，此日被沙剩得金。

第四十八籤 大吉

好事分明在眼前，安排玉菓與犀錢。
過門誰敢題凡鳥，頭角嶢嶢信可憐。

第四十九籤 中下

消息微茫未有期，却來此處卜狐疑。
分明不是東林桂，月照茶蘼花一枝。

第五十籤 下上

日出三竿春霧收，青山漠漠水悠悠。
漁郎莫道無魚覓，此處無魚別下鉤。

第五十二籤 上中

梨實分明見赤蛇，神靈降瑞到君家。
他肯頭玉嶢嶢長，裕後光前勝可誇。

第五十三籤 上上

荏苒春光尚未過，陰陽交感氣融和。
堂前湯餅多佳客，爭獻徐卿二子歌。

第五十四籤 下

淘沙渾未見黃金，爭奈謀爲不稱心。
去去好求陰力助，石皮川火恐相侵。

第五十五籤 中上

累茵列鼎居華屋，不如子萬事足。
最好崑山一片玉，到頭但看祖宗福。

第五十六籤 下中

心下遲疑喜又驚，一場好事未分明。

後園桃李將成實，只恐風吹結不成。

第五十七籤 下下

長江一望遠悠悠，蘆荻蕭蕭兩斫秋。
夜半水寒魚不食，漁郎空自下金鉤。

第五十八籤 中中

朝來乾鳥噪前楹，報道階前玉樹生。
更賴陰功相護佑，免教坐蓍喜還驚。

第五十九籤 上吉

作善由來降百祥，滿堂權笑弄圭璋。
明朝更有堪誇處，樹穴探環知姓羊。

第六十籤 上中

事在心頭君自知，祖宗陰隲暗相隨。
鳩巢聞說生佳鷄，虎穴寧無產豹兒。

第六十一籤 中下

途路崎嶇未坦平，濛濛煙雨晦前程。
爲言速走多顛躓，何似優游緩步行。

第六十二籤 下

焚香叩齒告神天，何事孳孳種福田。
眼下所求能遂意，果然火裏出紅蓮。

第六十三籤 下下

簾幃高捲迓陽春，爭奈陽春未屬人。
石上載蓮空望藕，枉勞心力枉勞神。

第六十四籤

中平

庭外逢春掃綠苔，好將桃李及時栽。
東君若果從人願，到底還他一度開。

徐仙真錄卷之二

徐仙真錄卷之二

在京靈濟宮

蓋廟立碑

永樂十五年丁酉，勅尚書方賓、指揮林觀，於北京內城西建靈濟行宮。東西蓋親睦注生堂。兩廊將帥兵從，皆依福建祖宮。本年九月十五日工告訖，後值不謹室德。十年乙卯秋，復勅工部同內臣，於原基增廣蓋造，規模輪煥。正統元年丙辰正月十五日，立碑榮封，祭式有加於前。

御製重修洪恩靈濟宮碑

京師之有靈濟宮，朕皇高祖太宗文皇帝所建也。皇高祖功冠古今，澤被天下，治化之盛，蔑以加矣。然在當時，天人協應，百神效靈，其有陰翊顯佑之跡，不容掩者，必祠祀之。故於禁城坤隅遇建茲宮，以奉二徐真君之神。蓋本成周咸秩無文之義，豈徒祈祝云乎哉。惟神五代時南唐之胤，伯諱知

證，仲諱知諤，其世系封爵與其勳業應感之詳，已具載皇考修宮之碑。朕嘗考其巔末而論之：神之天稟，俱英邁絕倫，又同心樂善。自鎮金陵，撫逃亡，寬賦稅，民心固已仰戴。及奉命攻閩，志殄兵革，所至勞來安輯，而人皆望風降附。間有阻山爲亂者，亦誅正渠魁，餘悉釋弗治。民以故皆德之，相率立生祠於金鰲峰下，用展報事之忱，則其恩澤又入人深矣。厥後神雖云逝，而精爽不沒，乃降靈是祠，神筆仙簡，具有奇跡，而民事之益謹。凡遇水旱疾疫、風火之災、蝗蝻之孽，有禱輒應。其有迫險阨、乏嗣續、慶於戰陣，叩神而應者，不可殫紀。蓋自石晉開運，歷宋嘉熙立廟賜額，至元元貞加封，有金闕玉闕之稱，大仙上仙真人之號，固常著靈於一方，然猶未甚顯大也。逮皇高祖臨御之十有五年，適遭疾弗豫，百藥罔效。或有言神靈驗者，竭虔而禱之，果丕形感應，施以靈符妙藥，服之脫然平復，宗社以寧，萬民有賴，神功昭晰。於是爲大而崇報之典，

亦靡所不用其極。既朋加徽號，聯芳疊美，有大新闢地廟宇，春秋祀禮，歲易時衣，給戶灑掃。又於京師，立行祠以祀之，賜額曰洪恩靈濟，即茲宮也。祝號祭式，有隆無二。由是神之威靈，赫赫在天，與日月同明，與風霆並形。而四方萬國，莫不瞻仰而崇奉之。而靈貺之賜，又不可書述矣，猗歟盛哉。自是以來，列聖相承，益崇祀。正統初，皇考英宗睿皇帝，嘗重新宮宇，進號真君，迄今五十有餘年矣。朕嗣祖宗大業，荷神庥庇，深慮崇奉之心，有所未至。迺於成化乙巳秋，命內外重臣，董工鳩材，恢拓故基，增置殿堂廊屋，務極堅縝。越明年丙午落成，琉璃金碧，煥然輝映，冕服供具，秩然齊備。於是上尊號：伯曰九天金闕總督魁神洪恩靈濟慈惠高明上帝，仲曰九天玉闕總督罡神洪恩靈濟仁惠弘靜上帝。蓋本道書，謂初領職斗宮云。神父母及妃，因其故號，悉易穹封。擇日祭告，厥靈有耀，朕志斯愜，咸謂不可無文以示。朕惟天地之氣，至靈而不可

測者爲神。人稟是氣以生，其生也，聰明正直，能樹勳庸垂不朽；其沒也，又能闡靈應，福無窮者，亦謂之神。是誠有以扶天地之元氣，贊天地之化育者。其享大爵，膺徽稱，廟食百世，與天地相爲悠久，孰曰不宜。今神既新厥居，龍輶雲旗，陟降容與，椒漿瑤席，歆享朝夕。必默有以幹乾坤之化機，溥有生之鴻澤。上以佑我聖母萬歲之壽，中以保翼朕躬及儲闈百世之繁，下以敷錫臣民富壽康寧之福。家國萬年垂休，而神亦永饗無窮之報，此朕之至願也。爰勒石而爲詩曰：

天生黃餘復爲神，斡旋造化乘風雲。濟利下至莫比餘，誰其若茲惟二真。生當五季才不群，並領重鎮勞撫巡。首亂誅馘除垢氛，脅從不殺煦以仁。肫肫惠愛遺在民，鰲峰之陽廟貌存。欸忽靈感難具陳，早禱輒雨潦晴臻。驅蝗滅火扶險迤，歷殿百年靈益振。於皇高祖疾弗欣，百藥罔效神是詢。神賜符醫妙無垠，服之灑然疾脫身。迺崇報禮廟制新，迺薦徽號禮秩敦。

列聖繼述祠事頻，晨香夕幣何其塵。朕承大統逾二旬，屢荷神庇致精禋。載垢宮宇飭儀文，巍然煥然位居尊。祥烟瑞氣隨虬論，景福肸蠁來繽紛。佑我茲闈千萬春，輔朕衍慶及後昆。普錫四海壽富均，惟神至靈壽方殷。勒銘垂休永不泯，成化二十二年本。

勅內宮監太監黃順、陳貴，太子太保定西侯蔣琬，太子少保工部尚書劉昭。惟靈濟宮，迺祖宗朝建，以祀金闕、玉闕二真君之所。朕自踐祚迄今，累荷神庥，遣官累賚香幣報祀之。咸言祠宇庫隘弗稱，朕每聞之。竊謂天子爲百神主，祀神，國之大事也。神居若此，心其曷寧。比命太監韋興往視，具如衆所云，即矢心重新修蓋。爰出內帑金帛，發京營官軍，揀監局匠，作勅順爾貴爾琬爾昭，提督經營之。其殿廡廊房墻垣規制，務加於昔。像設供器綵繪，悉付興提調，如式以製，仍次第來聞。爾等於應用物料，須酌量多寡，明白支用，毋致浪費。匠作人等

用工，須勞逸均平，毋致怨嗟。仍嚴束管軍管匠頭目，毋得欺瞞作弊，以致誤事。如違，或量情責罰，或送問懲治，或指實奏聞區處。爾等受茲委託，必協心殫慮，俾人心樂於趨事，一程堅固精好。庶副朕崇奉神明至意，以迓景貺駢集，於國家溥沾，於臣庶無窮期也。爾等其欽承之，毋忽。故勅。

廣運
成化二十一年七月二十四日。
之寶

皇帝勅諭官員軍民諸色人等。朕嗣統以來，凡神明載在祀典者，罔不崇奉之惟謹。矧金闕、玉闕二上帝，我皇高祖太宗文皇帝建祠祀之者，而崇奉之意，何可不尤加謹乎。間因祠宇庫陋，出貲選材諷日，勅內外大臣督工重修之，踰年告成。其規制，正爲玄都紫府前後二殿，中爲穿堂，前爲軒後殿，左右爲無極、通靈二殿。前後東西列威虛、明闡、顯祐、高玄四殿，殿各翼以畫廊。殿之前爲大闡威門，旁東西有

關門二。前列碑亭四，鐘鼓樓二，瑠璃

磚紙樓二。又前爲天樞總門，旁東西亦關門一。又前爲山門，扁曰洪恩靈濟宮。旁東西亦關門，門內列雲板鍾亭二，幡竿二，井亭二，門房二，神庫二，厨一。法堂、道房、方丈，東西以間計，總三百五十有奇。周圍繚以堅垣，以丈計，長八十三又五尺，廣五十七又八尺。山門外，蓬萊、閩苑二牌坊，東西對峙。南蔽高垣，延袤五十七丈許。垣之南爲靈濟桃源堂，堂廡房舍若干楹，亦繚以垣。凡幢幡法器供具，所宜有者，莫不完備。誠足以妥二帝在天明靈，而稱朕上繼皇高祖崇奉至意，特降勅護持之。仍命太監韋興，按時往彼，提督住持人員，責令應役人戶，常川洒掃，務令潔淨，及禁約諸色人等，不許輕肆出入，致有瀆慢，繫放頭畜，致有損壞。敢爲非橫，欺凌道衆，尤須嚴防，抵換竊取器物等項。其城宣德間所賜宛平縣夾河莊地九頃七十四畝，仍付本宮管業，以爲香火之需，亦不許人侵占。如有此等，輕則量情懲

戒，重則奏請拏問，治罪不宥。故諭。

成化二十一年八月十五日。

降印符籙

銀印二顆

上清天樞院印，如意紐銀印，壹顆重捌拾兩柒錢。大紅絲線縑壹條，銀印池壹箇，重捌兩。檀香描金匣，硃紅油外套匣，各壹箇，俱用錦襯裏，銅事件鎖鑰全。小象牙牌壹箇。大紅絨錦印禱壹箇。銷金大紅平羅夾袱貳條。紅綿布表絹裏夾袱壹條。

上清雷霆玄省之印，如意紐銀印，壹顆重捌拾叁兩伍錢。大紅絲線縑壹條。銀印池壹箇，重袱兩。檀香描金匣，硃紅油外套匣，各壹箇，俱用錦襯裏，銅事件鎖鑰全。小象牙牌壹箇。大紅絨錦印禱壹箇。相金大紅平羅夾袱貳條。紅綿布表絹裏夾袱壹條。

銅印肆顆

上清天樞院印壹顆。描金檀香匣壹箇，紅絨錦襯裏，黃銅印池，鎖鑰事件全。硃紅油外套匣壹箇，紅絹軟親裏，黃銅事件鎖鑰全。紅絹夾印禱

壹箇。素紅絹夾袱壹條。紅絹銷金羅夾袱壹條。

上清雷霆玄省之印壹顆。描金檀香匣一箇，紅絨錦襯裏，黃銅印池，鎖鑰事件全。硃紅油外套匣壹箇，紅絹軟襯裏，黃銅事鎖鑰件全。紅絹夾印褥壹箇。紅絹銷金羅夾袱壹條。素紅絹夾袱。

玄真之章印壹顆。描金檀香匣一箇，紅絨襯裏，黃銅印池，鎖鑰事件全。硃紅油外面套匣壹箇，紅絹軟襯裏，黃銅事件鎖鑰全。紅絹夾印褥一箇。素紅絹夾袱一條。紅絹銷金羅夾袱一條。

注生籍印壹顆。描金檀香匣一箇，紅絨錦襯裏，黃銅印池，鎖鑰事件全。硃紅油外套匣壹箇，紅絹軟襯裏，黃銅事件鎖鑰全。紅絹夾印褥一箇。紅絹銷金羅夾袱壹條。素紅絹夾袱壹條。

寶籙

金闕真人。大洞真經一部，八卷。法詞一卷。合同環券九付。蓬萊版策

四面。朝真謁簡十八面。紫白交帶一付。

玉闕真人。大洞真經一部，八卷。法詞一卷。合同環券九付。蓬萊版策四面。朝真謁簡十八面。紫白交帶一付。

涇國夫人。大洞真經一部，八卷。法詞一卷。合同環券九付。蓬萊版策四面。朝真謁簡十八面。紫白交帶一付。

衛國夫人。大洞真經一部，八卷。法詞一卷。合同環券九付。蓬萊版策四面。朝真謁簡十八面。紫白交帶一付。

聖父。正一盟威職籙一部，三卷。法詞一卷。合同環券一付。職簡一付。

聖母。正一盟威職籙一部，三卷。法詞一卷。合同環券一付。職簡一付。

查元帥。都功真經一部，一卷。法詞一卷。合同環券一付。軸頭四十六付。玉軸頭四十四付，檀香軸捍玉

簽全。金軸頭二付，檀香軸捍金簽全。金嵌寶石珍珠玉軸頭一十八付。

降易時衣

朝服二套。每套冠一頂。絹地織朝服七件。香皂縐紗竹涼胎捲雲冠一頂。大紅線縐全。大紅素前後裳。大紅織金升降圓龍朝服。大紅彩粧錦綬。白素中單。大紅彩粧佩帶。大紅織金雲龍蔽膝，五色條全。織大紅金彩粧雲絨錦夾圭袋，把手墊褥全。大紅平羅銷金雲夾包袱四條。硃紅漆餞金雲服匣一座，銅抹金事件鎖鑰。紅絨匾繚扛閣服匣卓全。

時衣

春季二套，每年二月初一日更。每套：香皂縐紗巾一頂。深青織金火燄霞線羅夾鶴氅一件。白素線羅夾直領。白線羅夾道抱。白線羅夾襖兒。白線羅夾裙。白熟絹夾。白御羅寶相花手帕。青絲綿縐。白熟絹襪二雙。青紵絲履一雙。薰衣香十袋。夏季二套，每年五月初一日更。每套：香皂縐紗巾一頂。深青織金火

焰霞雲絹地少鶴氅一件。白暗骨朵雲銀絲紗直領。白生絹道袍。白將樂布襖兒。白將樂布裙。白熟絹單褲。白熟御羅寶相花手帕。青熟絲線縵。白熟絹襪二雙。青素紵絲履一雙。熏衣香十袋。

秋季二套，每年八月初一日更。

每套：香皂縐紗巾一頂。深青織金火焰霞雲線羅夾鶴氅一件。白素線羅夾真領。白素線羅夾道袍。白線羅夾襖兒。白線羅夾裙。白熟絹夾袴。白熟御羅寶相花手帕。青熟絲線縵。白熟絹襪二雙。青素紵絲履一雙。熏衣香十袋。

冬季二套，每年十月初一日更。

每套：香皂縐紗巾一頂。深青織金火焰霞雲紵絲夾鶴氅衣一件。白暗骨朵雲紵絲夾直領。白紵絲綿道袍。白綾綿襖兒。白綾夾裙。白綾綿褲。白熟御羅寶相花手帕。青絲線縵。白絹襪二雙。青紵絲履一雙。熏衣香貼十袋。

祭祀儀注

御祭用牲品

正殿二壇。每壇：

犢一 籩十 笱十大羹一和羹一

黍 稷 稻 粱 帛二

爵三 酒

親睦注生殿共四壇。每壇：

羊一 豕一 籩八 笱八 和羹一

黍 稷 稻 粱 帛二

爵三 酒

元帥七，土地一，科名司二，共十

壇。每壇：

羊一 豕一 籩三 黍 稷

爵二 酒一

衆神二壇。每壇：

羊一 豕一 籩三 笱三 盞十

酒一

御祭用素陳設圖

正殿、親睦注生堂殿共六壇，每

壇：

茶 粉 糕 菓子 茶食

神位茶 麵 粉 糕 菓子 茶食

茶 麵 粉 糕 菓子 茶食

茶 粉 糕 菓子 茶食

元帥七，土地一，科名司二，衆神

二，共十二壇。每壇：

茶 麵 供 菓子

神位茶 麵 供 菓子

茶 麵 供 菓子

贊禮

班齊，詣盥洗所，搢圭，酌水，進巾，出圭，就位。○迎神，鞠躬，拜，興，拜，興，拜，興，拜，興，平身。○獻香，詣前跪，搢圭，獻香，出圭，俯伏，興，跪，搢圭，獻香，出圭，俯伏，興，平身，復位。○獻帛，詣前跪，搢圭，獻帛，出圭，俯伏，興，跪，搢圭，獻帛，出圭，俯伏，興，平身，復位。○獻牲，素祭，曰：獻供，詣前跪，搢圭，獻牲，出圭，俯伏，興，跪，搢圭，獻牲，出圭，俯伏，興，平身，復位。○行初獻禮，詣前跪，

搢圭，獻爵，出圭，俯伏，興，跪，搢圭，獻爵，出圭，俯伏，興，平身，詣讀祝位，跪，衆官皆跪，讀祝，俯伏，興，拜，興，拜，興，拜，興。平身，復位。○行亞獻禮，詣前跪，搢圭，獻爵，出圭，俯伏，興，跪，搢圭，獻爵，出圭，俯伏，興，平身，復位。○行終獻禮，詣前跪，搢圭，獻爵，出圭，俯伏，興，跪，搢圭，獻爵，出圭，俯伏，興，平身，復位。○送神，鞠躬，拜，興，拜，興，拜，興，拜，興，平身，讀祝官捧祝，進帛官捧帛，各詣瘞所。○望瘞，禮畢。

遣官致祭

每歲用牲陳設一次，正月中旬擇日。

正殿、親睦注生殿共六壇。每壇：

神位 饅頭 饅頭 饅頭 饅頭 果子 果子 果子 果子 帛 豕 羊

元帥七，土地一，科名司二，衆神二，共十二壇。每壇：

衆神二，共十二壇。每壇：

神位 粉 粉 粉 酒盞 酒盞 酒盞 酒盞 果子 果子 果子 豕 羊

每歲用素陳設一十四次，惟真君、仙妃瑞旦四次。本壇用帛，元宵、四月八、端午、重陽、中秋、臘八、立春七次，加獻時食。冬至、正旦、聖節三次，只依陳設。

正殿、睦注生殿，共六壇。每壇：

神位 茶 茶 茶 粉糕 饅頭 果子 茶食 麵糕 饅頭 果子 茶食 粉糕 饅頭 果子 茶食 盤 鼎

元帥七，土地一，科名司二，衆神二，共十二壇。每壇：

神位 茶 粉 麵 饅頭 果子 糕 果子 饅頭

贊禮同上，但搢圭曰搢笏。無帛，不進帛。素祭畢，道士舉樂諷經。

主獻官 聖節、瑞旦、冬至、正旦七次。正殿國公或侯伯，親睦殿禮部正官，注生殿內臣。

元宵、四月八、端午、重陽、中秋、臘八、立春七。次禮部正官：每月朔望并四時更衣，用素陳設。

正殿、親睦注生殿，共六壇。每壇：

神位 茶粉 糕 饅頭 果子 茶食 茶粉 糕 饅頭 果子 餅 茶食 果子 餅 茶食

元帥七，土地一，科名司二，衆神二，共十二壇。每壇：

神位 茶粉 糕 饅頭 果子 茶食 糕 茶食

贊禮同上，但不獻帛，獻供。主獻本官官。

香燈 內府關支，每月朔望二次，每次：

降香十二炷，碎檀降香各三觔。

馬牙香五十觔，抹香三觔十二兩。

紅燭每枝重一觔，一十二對。

重半觔，二十四對。

香油二百觔

該廠關支，每月一次：

炭七百觔 炭餅三百片

柴三千觔

祝文

御祭

維永樂拾陸年歲次戊戌十一月丁未

朔初四日庚戌，

皇帝 致祭于

九天金闕明道達德大仙顯靈溥濟清

微洞玄冲虚妙感慈惠護國庇民洪

恩真君、

九天玉闕宣化扶教上仙昭靈博濟高

明弘靜冲湛妙應仁惠輔國佑民洪

恩真君。

曰：惟

神道妙德玄，功崇行著。位列上真

領職

九天，出聖入神，弘闡靈貺，翼輔國

家，利濟群生。比者朕躬遺疾，用

藥百計，罔底于效。賴

神幹運化機，默加佑護，朝夕左右。

施以靈符，濟以天醫妙藥。起死

回生，使困敝之體，既危而即安。

沈痼之疾，盡脫而復舊。仰惟

神德，天高地厚。銘心刻骨，曷其敢

忘。茲以太牢、香幣時衣，詣

神報謝，尚祈 歆格，鑑朕斯忱，尚

享。

又

維永樂十七年歲次己亥正月丙午

朔十九日甲子，

皇帝 致祭于

九天金闕明道達德大仙顯靈溥濟清

微洞玄冲虚妙感慈惠護國庇民洪

恩真君、

九天玉闕宣化扶教上仙昭靈博濟高

明弘靜冲湛妙應仁惠輔國佑民洪

恩真君。

曰：茲者脩建

金籙大齋，舉薦揚

皇考、

皇妣之典，普為天下蒼生祈福，超度一

切冥

靈。仰祈

洪恩真君，敷達

上玄，少伸誠孝，爰及顯幽，咸資和濟。

切惟

洪恩真君，道妙德玄，神化莫測。精

靈赫奕，默運感通。乃致穹祇昭

格，

列聖鑑臨。卿雲瑞光。屢呈五色之

祥。白鶴青鸞，允協百靈之應。

綵旛結成於壽帶，梵氣彌護於醮

壇。惟

皇考、

皇妣在天之慰悅，實

洪恩真君導引之靈。誠天人交慶，

遐邇蒙恩。朕心感荷，曷其有窮。

茲以齋事完滿，

謹具素饗，詣官報謝。尚祈歆格，

俯鑒微忱。尚

享。

又

維永樂十七年歲次己亥四月乙亥

朔二十七日辛丑，

皇帝 致祭于

九天金闕明道達德大仙顯靈溥濟清
微洞玄冲虚妙感慈惠護國庇民洪
恩真君、

九天玉闕宣化扶教上仙昭靈博濟高
明弘静冲湛妙應仁惠輔國佑民洪
恩真君。

曰：茲者

洪恩真君，於福建靈濟宮修建
金籙大齋，醮謝

上真，為朕祈祝。仰惟

神化莫測道力弘深，迺致

穹祇感孚

上玄鑒悅。卿雲瑞靄，屢呈五色之祥。

白鶴青鸞，連日踰躡而至。

神靈倏降，顯應非常。皇圖荷革固
之安，朕體賴更生之賜。保安壽
命，水享康寧。

厚德深恩，同於天地。銘心刻骨，曷
其敢忘。茲以齋事完滿，謹以香
幣、齋品，詣宮報

謝。尚祈

歆格，俯鑒微忱。尚

享。

又

維永樂十七年歲次己亥三月乙巳
朔二十五日己巳，

皇太孫 敢昭告于

九天金闕明道達德大仙顯靈溥濟清
微洞玄冲虚妙感慈惠護國庇民洪
恩真君、

九天玉闕宣化扶教上仙昭靈博濟高
明弘静冲湛妙應仁惠輔國佑民洪
恩真君。

曰：茲者奉

祖父皇帝命來朝，謹以牲醴庶品，

詣宮致祭

洪恩真君，其鑒之。尚

饗。

遣官致祭

京廟告成

維永樂十五年九月十五日，遣某

官致祭曰：作

神新廟，于茲完成。爰諏吉日，奉

神居之。惟冀神明赫奕，香火興隆。

知。尚 饗。

恩錫豐穰，福澤庶民。萬年永久，
佑我邦家。尚

饗。

直君瑞旦

金闕九月十七日。玉闕七月十五日。

維 年 月 日，遣某官致祭曰

惟

神受職

九天，耀靈下土。敷佑黎庶，翼輔國

家。道妙德玄，功崇行著。茲者

恭遇

真君誕生之日，特此素羞致祭，

神其鑒知。尚鄉饗。

加封聖眷

維本年十一月十七日，遣某官致

祭曰：惟

神於朕有功，已加封號。而追贈神眷

之典在禮，允宜特加封：

父齊王，忠武詔亮真人。

母田氏，仁壽淑善仙妃。

配許氏，順助仁惠貞應仙妃。

配陶氏，善助慈懿恭静仙妃用伸告

知。尚 饗。

保安營造

維永樂十六年正月十三日，遣某官致祭曰：茲者營建北京宮殿，天下軍民夫匠，皆樂於趨事赴工，不憚煩勞。朕心念之，未嘗少忘。然工程浩大，用工之際，或飲食不得其時，或寢處不能其所，或凌寒冒霜，早作晚息，凡七情所感，皆能致疾。已嘗命醫用藥調治，然人力所及有限，醫藥所濟甚微，匪仗神明，曷臻至惠。惟神大德，輔

國庇民。尚賴顯威，默加佑護，使疾病不作，沴氣潛消，咸獲康寧，永賴無窮之慶。神其鑑朕茲意。尚饗。

聖節

維本年四月十七日，遣某官致祭曰：惟神道德，功崇行著。曩者，朕躬遘疾，賴神默運精靈，保扶翊衛，致有今日。茲以初度之晨，特以素羞致祭，

神其鑑之。尚饗。

加封告廟

維永樂十六年十二月二十七日，遣某官昭告曰：惟神道大德弘，昭灼兩間，故生致庇民之勳。贊天地之化，禦災捍患，物賴以寧。曩者，朕躬遘疾，罔底于效。神幹運鴻化，大闡靈貺。朝夕左右，默佑朕躬。施以靈符天醫妙藥，使困敝之體，既危而復安。沈痼之疾，盡脫而復舊。弘濟難厄，遂獲更生。中心銘感。曷其敢忘。已加封神號，以表朕懷。然夙夜拳拳，歉焉不足。今復加封：

九天金闕明道達德大仙顯靈溥濟清微

洞玄冲虚妙感慈惠護國庇民洪恩

真君、

九天玉闕宣化扶教上仙昭靈博濟高明

弘靜冲湛妙應仁惠輔國佑民洪恩

真君。用荅

鴻休，少伸報

謝尚祈

昭格，俯鑑微忱。

仙妃瑞旦

涇國正月十三日。衛國七月十七日。維 年 月 日，遣某官臻致祭于仙妃。曰：惟

神德合至真，功參玄化。位躋仙品，職受

九天。庇育群生，式彰顯應。茲惟誕生之日，謹以素羞致祭，

神其鑑之。尚饗。

敷達上玄齋意

欽奉

聖旨

皇考太祖高皇帝，膺

天眷命，撫有寰區。建萬世之弘規，開

太平之

鴻業。

皇妣孝慈高皇后，同勤開創弘濟，艱難

協贊

萬機，輔成內治。朕賴

天地之祐，

皇考、

皇妣之靈，紹承大統，恪守

宗祧，深惟負荷之艱，莫展生成之報。顧

升遐之已久，想

陟降之如存。爰舉薦揚，特伸哀慕。

載惟四海之大，民物之繁，均蒙

大造之含弘，感賴

玄穹而主宰。欲富，欲貴，欲壽，考人

心所同。曰雨，曰暘，曰燠，寒，天

時罔測。况水旱凶荒之不偶，而

托瘥疾癘之無常。顧一物之靡

寧，惟妙躬之是責。重念覆載照

臨之內，幽明精爽之靈，或依草附

木而無依，或嘯月吟風而失所。

爰及飛、走、蠕動之衆，胎、卵、濕、

化之微，久墮沉淪，無由解脫。乃

以永樂十七年正月初九日，命道

衆於

洪恩靈濟宮，修建延禧普度羅天大醮

七晝夜，一千二百分位。仰祈

九天金闕明道達德大仙顯靈溥濟清

微洞玄冲虚妙感慈惠護國庇民洪

恩真君、

九天玉闕宣化扶教上仙昭靈博濟高

明弘靜冲湛妙應仁惠輔國佑民洪
恩真君，敷達

上玄，少伸誠懇，以展孝思。尚冀風調

雨順，萬方屢獲於豐年。國泰民

安，四海咸躋於壽域。幽明普度，

遐邇蒙恩。伏願

玄穹洞鑑，

神道丕揚。品彙熙融，均囿甄陶之德。

皇靈昭鑑，並霑濟度之恩。大地

咸春，群生蒙福。欽此。

設官奉祀

廟官曾陳孫，祖居福清縣遵義里。

父全，贅閩邑積善里陳氏，生陳

孫，因居而附籍焉。大明洪武丁

丑，始扶

神筆，判符藥、地理、吉凶，無不響

應。後聞於朝。永樂丙申，遣使

迎

神。遇事密禱，應驗不爽，愈敬愈

靈。永樂己亥五月十八日，

欽賜冠帶，守宮奉祀，月俸米五石。差

人挈家，起取完聚。遂於廟西，官

蓋房舍而住焉。

遣官奉祀：
內臣一員。

道錄司道官一員。

錦衣衛指揮林觀。 百戶劉真。

聽事校尉郭泰、 廖真。

選道燒香

初選一十二名與福建祖

廟同。後節選添

道士張守真、吳希敏、張一寧、曹

承祖、殷一正、郭通、姚可道、張

福延、史道頤、崔守一、吳得中、

陸上文、倪正道、婁景中、葛子

真、孫本道、盧混成、張友崧、呂

道存、楊遇春、樊雲山、羅仲山，

呂志中、鄭守清、朱道方、陳崇

木、朱崇先、道弘、胡文、史慶

安、韓得、朱道安、周宗道、錢用

常、金以寧。

給戶灑掃

廟戶：蘇貴、王純、王興、劉政、龔

顯、高成、丁旺、張福、張真、魏

真、牛嵩、楊信、趙禮、張斌、董

回、魯貴、蘇能、李剛、范庸、劉

興。

已上二十戶，永樂二十二年十月初一日，抄蒙天字四萬五千三百號

駕帖一將內官阮義傳有靈濟宮灑掃廟戶劉源等二十戶，常川灑掃廟宇，免他雜泛差役，各家門首，開張鋪面。一行雜差，盡行優免。奉

欽依照，依舊例優免他。欽此。

徐真錄卷之四

福建靈濟宮

蓋廟立碑

永樂十五年正月二十八日，欽奉

聖旨：着都指揮童俊、按察司副使許昇重新起蓋。合用的人匠、軍夫、木植、磚瓦等料，着工部行文書去辦，欽此。

工部字四千二百五十六號：勘合着落布政司，會同布、按二司，重起蓋，務要整齊。本年四月二十六日興工，次年五月初六日完成。繼於南京鑿石碑并龜跌，航海而來，仍集軍夫萬人建立。其奉

勅督造官員：

內臣張達。

錦衣衛親軍指揮使司委官張貴。

太常寺少卿周訥。

福建指揮使童俊。

福建行都司委指揮韋庸。

福建布政使司右叅政祖述。

福建按察司副使許昇。

合屬府縣官員。

陳樂圖

張維管 筆 札 跋

神位

張維管 筆 札 跋

謝上真齋意

竊以南唐世胄江左簪纓。幼服詩書，恒修齋而執戒。長膺爵位，務積善以建功。總戎幸著於聲威，仗鉞遂平於妖孽。志秉堅貞之節，身全忠孝之名。定國安民，實非所任。封王廟食，夫崇敢當。况無禍福以動人，孰謂聰明而作聖。救危濟厄，體太上之好生。應感隨機，助玄真而行化，詎期進列於崇階，乃獲超躋於仙品。寵錫真人之號，侈封金闕之名。捍患禦災，忝作七閩之主宰。儲祥集福，敢希五嶽之英靈。綿延香火於萬年，際會風雲於今日。深荷聖情之眷念，遂今廣貌之一新。華萼聯輝，既均諧於雍睦。衣冠如在，復大備於儀文。闔門榮被於褒

加，骨肉過承於眷遇。臣欽蒙加封清微洞玄冲虚妙感慈惠護國庇民洪恩真君。妻許氏加封真應仙妃。弟加封高明弘静冲湛妙應仁惠輔國佑民洪恩真君。弟妻陶氏加封恭静仙妃。父加封翊亮真君。母田氏加封淑善仙妃。惟此湛恩之霽，皆由風雲於今日。深荷大造之含

弘，夙夜兢慚，無能報稱。庸敷陳於悃悃，特祇謝於上真。保衛聖躬，益衍齊天之壽。興隆寶祚，允同磐石之安。雨順風調，歲臻豐稔。河清海晏，永樂雍熙，日月同時，鞏皇圖於萬世。乾坤並育，集諸福於群生。冀俯鑑於物一，同上福於妙道。普希調格，爲作證明。

永樂十七年太歲己亥二月十五日
建壇，二十一日滿散。

回向文

每月朔望

伏以皈心金闕，宣琅函蕊芾之靈章。稽首瑶階，祝玉陛楓宸之睿算。香雲繚繞，恭炷爐薰。虔誠供養九天金闕明道達德大仙顯靈溥濟清微洞玄冲虚妙感慈惠護國庇民洪恩真君、九天玉闕宣化扶教上仙昭靈博濟高明弘静冲湛妙應仁惠輔國佑民洪恩真君。聖父、聖母、聖妃、聖子、聖孫，合殿威靈，查邊魏趙刁五大元帥，岳許二元帥，侍衛護法仙衆，宮庭土地，護教真官，仗此真香，普同供養洪恩靈濟宮，以今朔望日，謹集道流，恭詣殿庭。上

香舉樂，諷誦經誥，行道回向，化貢凡儀。恭望大慈，俯垂洞鑑。惟冀膳聞三境，上祝九重。欽願一人有慶，萬壽無疆。德日新，日日新。體天地高明之悠久，壽萬歲萬萬歲，等山河鞏固以安寧。四海晏清，八方泰定。民安物阜，雨順風調。謹稽首皈依，恭祝當今皇帝萬歲，萬歲，萬萬歲。

每日侵晨

伏以味爽朝真，望天衢而不遠，齋心事帝，叩金闕以非遙。敬伸小草之誠，仰瀆高明之聽，以今焚香，虔誠供養九天金闕、九天玉闕。聖父、聖母、聖妃、聖子、聖孫，合殿感靈，查、邊、魏、趙、刁五大元帥，許、岳二元帥，侍衛護法仙衆，宮庭土地，護教真官，仗此真香，普同供養洪恩靈濟宮。以今清晨，謹集道衆，恭詣殿庭。行香祝贊，諷誦經誥。恭望大慈，俯垂洞鑑。惟冀膳聞三境，上祝九重。欽願洪恩溥博，聖德昭彰。四海萬邦，永樂昇平之治。五風十雨，咸承大有之年。聖壽萬安，皇圖鞏固。澤周品彙，福被群

黎。

每遇時節

伏以四序推遷化育，寔資於帝力。萬方寧輯陶鎔，咸賴於神功。式逢佳節之臨，敬致涓埃之瀆。以今焚香，虔誠供養九天金闕、九天玉闕。聖父、聖母、聖妃、聖子、聖孫，仗此真香，普同供養洪恩靈濟宮，恭遇令節，謹備時儀，虔集道衆。諷誦經誥，化貢凡儀。欽願真靈昭鑑，施溥濟博濟之洪恩。惠澤宏敷，致時雨時暘之嘉應。祝皇圖於磐石，祈聖壽以齊天。下及倉生，均霑福利。

慶讚丹悃

聖節

臣某欽承上命，職奉靈祠。荷聖明治化之功，感真君庇佑之德。無伸報荅，有念皈依。陟金鰲第一之峰，瞻玉陛九重之御。伏念臣詞稱今月某日。欽惟紫樞紀瑞，開天壽之昌辰丹悃，敷聞效華封而三祝。預向某曰：祇就本宮，謹集羽流。啓三日之道場，閱諸真之寶範。雖肅肅，虔伸虎拜之誠。

赫赫明明，若睹龍顏之近。載稱載賀，延壽延禧。即日奏聞天地，申牒真司。開建清壇，依科修奉。特設真君淨醮。拜讚本願燈儀，回奉諸神。仍修醮禮，營諸秘典。善果周完，設醮謝恩。恭祈景福，伏願皇帝陛下至仁天若齊日月以照融。聖筭山如，等乾坤而悠久。庶徵屢應，百寶常登。下民但擊壤以歡歌，異域率梯航而朝貢。已下情無任激切，屏營俟恩之至。謹意。

千秋

臣某職守靈祠，幸叨光於丹陛。身躋鰲頂，爰仰止於青宮。良辰應星渚之呈祥，率土咸露恍而伸賀敬。以今日日，虔集道衆，祇就本宮，依科修奉，開啓道場。宣達微忱，板閱玄典。寅設真君淨醮，祝讚北斗星燈，營諸秘典。善果週完，設醮謝恩。恭祈景貺，伏願皇太子殿下，掄揚祖德，嗣承萬世之基。亮弼聖模，永享千秋之壽。益隆大本，躬履至仁。夷夏攸同，神人忻戴。臣下情無任激切，屏營俟恩之至。謹意。

金闕瑞旦

信官某，伏以成功東海，仙名夙列於崇階。顯跡南邦，神貺大昭於盛世。忠扶社稷，曰正直以聰明，惠及生靈，俾安逸而富壽。茲遇降祥於斗府，特伸讚賀於瑤宮。敬以九月十七日，祇就本宮，虔集道流，依科修奉。敷通誠意，開啓道場。燃祝星燈，讚禮本願。特設淨醮，化貢凡儀。延奉真慈，恭祈景福。伏願皇帝陛下，壽齊山嶽，頒曆象於四夷。德被乾坤，大幅員於萬國。祥圖瑞錄，弗停史筆之書。滯穗餘糧，屢溢農疇之望。朝野胥慶，神人克諧。臣下情無任不勝戰惕之至。謹意。

玉闕瑞旦

信官某，敬以五明宮中發大願，分形而扶教。三山龍首闡妙道，顯跡而成功。昭靈博濟於萬年，輔國佑民於今日。伏念欽承上命，祇奉靈真。感聖明治化之恩，荷上仙仁惠之澤。無從報荅，有念修崇。適逢中元地官之良辰，恭遇洪恩真君之瑞旦。瀝陳卑悃，上瀆高明。敬登第一金鰲，載仰九

天玉闕。特伸慶賀，少荅隆庥。是日虔集道流，依科修奉。敷通誠意，開啓道場。燃祝七政星燈，讚禮本願靈文。仍設淨醮，貢奉凡儀。昭謝天恩，恭祈景福。上願聖壽等乾坤之久，皇圖鞏山嶽之安。三光全而寒暑平，五穀登而人民育。祠庭肅靜，舉同人物之安康。善信皈依，咸賴雲天之輔佑。臣下情無任，不勝怵惕之至。謹意。

涇國仙妃瑞旦

信官某，伏以鰲峰仰止，寵膺貞應之褒。象服是宜，大闡注生之德。上符金闕，下睦蕊宮。茲屆鴻鈞轉氣之良，欣際初度葉祥之吉。特伸歡賀，庸荅懿慈。敬以正月十三日，虔集道流，依科崇奉。修設仙妃特醮，諷誦蕊笈靈文。延奉諸宮，菲陳獻禮。迴旋法席，仰冀慈庥。伏願皇圖鞏固，等磐石以同安。祚胤昌隆，衍本支於萬世。化行俗美，懽聲藹芣苢之歌。氣順時和，率土獻璫芝之瑞。曷勝感戴，永樂昇平。下情無任惶恐之至。謹意。

衛國仙妃瑞旦

信官某伏以懿德徽柔恭靜，允諧於玉國。令儀清淑注生，夙列於仙階。委委蛇蛇，雖離穆穆。茲遇誕彌之瑞旦，庸伸頌賀之微誠。以七月十七日，虔集道流，依科崇奉。修設仙妃特醮，諷誦蕊笈靈文。延奉諸宮，菲陳獻禮。迴旋法席，仰冀慈庥。上願皇齡悠久，頒曆象於萬年。聖治雍熙，混車書於八表。慶綿祚胤，德被神人。陰陽調玉燭之和，髻蓋享華胥之樂。下情無任惶懼之至。謹意。

祭祀儀注

行在禮部皆字五十二號，勘合爲祭祀事。

一祭物：計二壇。每壇：羊豕一，果三，帛一，白色禮制帛。已上祭物，於不係贓罰，官錢內支價買辦。

一儀注：執事六人。贊引，引獻官至贊誥盥洗所，贊搯笏。盥訖，贊出。笏引，至贊就位，樂作，贊四拜，樂止。贊奠帛，行初獻禮。替詣神位前，贊搯笏。執事以帛進於獻官，訖以爵

進獻，訖出笏。贊詣讀祝位跪，讀祝畢。贊俯伏，興平身。贊亞獻禮，執事自奠訖。贊四拜，贊焚祝帛，贊詣焚祝帛所，贊禮畢。

一祭期：春秋二，仲月擇日行禮。

一祭文：維 年歲次 月 朔越 日，皇帝遣 至祭于

九天金闕明道達德大仙顯靈溥濟清微洞玄冲虚妙感慈惠護國庇民洪恩真君、

九天玉闕宣化扶教上仙昭靈博濟高明弘靜冲湛妙應仁惠輔國佑民洪恩真君。

曰：惟

神受職九天，顯靈南服。敷佑黎庶，翼輔國家，道妙德玄，功崇行著。爰伸典禮，歲有恒祀。茲當仲春秋，謹以牲醴致祭。尚饗。

陳設二壇。每壇：

祖位 爵 果 帛 豕
爵 果 羊

設官奉祀

永樂己亥八月初四日，欽設奉祀官方文照，專掌其事，不預他政。其方文照，乃祖廟檀越方珏之十二世孫也。永樂癸巳，先以稅戶人材，徵赴天官歷事，後授前職。

選道燒香

永樂十二年七月十一日，兵部尚書方賓、錦衣衛指揮林觀，奉聖旨：福建洪恩靈濟宮，少道士看香火，還着周郎中去那裏，着有司選十二名老實至誠道士，在宮裏看香火，每人月與糧米五斗。欽此。

禮部皆字七十六號：勘合遴選發宮：

林示能、土宗駒、黃志孔、江八、洪伯達、毛海生、陳志琥、曾道晟、林志福、鄭維、吳隆遜、劉文恕。

給戶灑掃看守：

万煥、林發、林得賢、詹盈、鄭永。

已上五戶先給灑掃。

林禎、林順、林達、林政、林榕、林復保、林神、孫每、孫珠郎、丁陳弟、江

每弟、郭弟郎、劉玉、陳每弟、趙原、卞原。

已上十六戶續添看守。

通奉禮部秋要三百三十五號，勘

合優免戶差。

徐仙真錄卷之五

祠產

洪恩靈濟祖宮

田園。陸畝玖分。

夏稅鈔，貳拾玖文。

秋糧米正耗叁斗玖升壹合。

本里。肆畝玖分。每畝科正米伍升肆合貳。

夏稅鈔，貳拾壹文。

秋糧米，正耗貳斗捌升肆合。

宅後園。田計壹畝陸分。

賢字叁號田壹坵，土名宮前溪乾，

量計貳分柒釐，租穀壹石壹斗正。

賢字肆號田壹坵，土名文廟前量

計柒分租穀貳石捌斗正。

賢字伍號田壹坵，土名桂宮前，量

計陸分叁釐，租穀貳石伍斗正。

湏洋東園。

田計貳畝捌分

敬字陸號田壹坵，土名宏路下，量

計壹畝叁分捌釐，租穀伍石伍斗

貳升正。

孝字壹號田壹坵，土名牌邊，量計貳分貳厘，租穀捌斗捌升正。

中字壹號田壹坵，土名宏路下，量計壹畝貳分，租穀肆石捌斗正。

陳倉園。

驚字陸號田叁坵，土名文殊庵邊，應分租穀壹石伍斗正。

園。貳畝。每畝科正米伍升。

夏稅鈔捌文。

秋糧米，正耗壹斗柒合。

石埠園。

荔枝叁拾株土名嶼山宮前，折園壹畝捌分。

坑裏園。

荔枝貳株坐落倪舍後，折園壹分。

宅後園。

荔枝貳株，坐落桂宮後，折園壹分。

洪恩靈濟宮

田園。貳畝陸分。

夏稅鈔壹拾壹文。

秋糧米，正耗壹斗肆升壹合。

田壹畝肆分。每畝科正米五升四合二勺。

夏稅鈔陸文。

秋糧米，正耗柒升柒合。

陳充園。田計玖分。

而字十號田壹坵，土名神宮前，量計叁分玖厘，租穀壹石貳斗正。

上字玖號田壹坵，土名道者壠，量計五分壹厘，租穀壹石伍斗正。

郭塘園。

橫字柒號田壹坵，土名神宮前，量計伍分，租穀壹石伍斗正。

園壹畝貳分。

夏稅鈔伍文

秋糧米正耗陸升肆合

郭塘園。園貳坪，土名潢溪，量計壹畝貳分。

貳分。

旗龍山靈濟行宮

田陸畝壹分捌厘。每畝科正米伍升肆合貳勺。

夏稅鈔貳拾柒文。

秋糧米，正耗叁斗伍升捌合。

前洋園。田計貳畝伍分。

存字貳號田壹坵，土名前洋，量計

捌分，租穀叁石叁斗貳升正。

存字參號田壹坵，土名糞池兜，量計伍分，租穀貳石正。

政字肆號田壹坵，土名糞池兜，量計陸分肆厘，租穀貳石陸斗捌升正。

正。

整舍墓園。田計叁畝陸分捌厘。

華字捌號田拾貳坵，土名翁舍前，量計貳畝柒分壹厘，租穀捌石壹斗叁升正。

斗叁升正。

華字玖號田叁坵，土名翁舍前，量計玖分柒厘，租穀貳石玖斗壹升正。

正。

(陳秀峰點校)

067 贊靈集

經名：贊靈集。撰人不詳。四卷。底本出處《萬曆續道藏》。

目錄

卷一

碑記

靈濟宮記

修靈濟宮誌銘

重修靈濟宮記

靈濟真人序

鰲峰神秀圖記

卷二

表劄

賀真君褒封表

賀金闕瑞旦表

賀玉闕瑞旦表

上元上真君表

上真君祈安表

鄉民保真君奏劄

卷三

序疏跋文

真君科式序

真君願序

卷四

詩

重修靈濟宮疏 徐仙翰藻跋二篇

上靈濟宮勅額文 上親睦堂勅額文

上燕喜堂勅額文 謝雨丹悃

上真君詩 謁靈濟宮十二首

夜宿靈濟宮 寶殿十奇峰二十首

真仙八詠圖四十首

贊靈集卷之一

碑記

靈濟宮記二篇

福郡之望邑曰閩，閩邑之望里曰積善。靈濟王祠，蓋一方之所仰焉，幃蔭而庇福者也。初年徼福丐靈之人，嘗有以鸞箕瀆神者，一聯之詩，數語之識，事跡靈驗，今猶記誦，而於文則未之聞也。至後鄉人聚首禱于祠下，顧瞻廟宇，瓦桷腐圯，像圖黯昧，因相謂曰：是可以致楊虔妥靈之意乎。謀一新之，而以箕卜神。於是剡剡揚靈，爲文以示之，俾趣工焉。及工逸事遂，復有所謂神之告之，一言一話胥文也。嗣是而後，大篇短章，層見叠出。翼者肢熊，筆者腕脫，觀者瞳眩。而神之文浩乎，汪乎，如存碩靈黃而注，渤澥鄰之邑里，競相傳寫。且敬，且疏，且駁，且愕，是豈烟火食者所能道一語於其間哉。聞之向者，勅額之請，神之姓字

莫，或前知父老，取姓枚之。既知姓徐，而詳則窅莫之聞。今也世美之源，靈跡之驗，該且悉焉。神一而已，非固吝於前。是數年之請，而今焉爲是，以震夫人也。毋乃斯文將興，神預有以發其祥，而闡其靈耶。抑神之意化，有所爲而爲之也。噫，是當有以諒神之心者，如湍逆流，喧豕澎湃，終不若中流滔之無聲。以文而示乎人，神蓋得已而不容已者也。三代無文人，六經無文法。上聖大賢，凡其著書以垂世者，非樂爲是之銜鬻也。君臣之分微，孔聖是以有春秋之筆。仁義之迹熄，孟氏是以有七篇之書。王道果行，蘭陵令之書，可不作也。禮樂且正，詩未亡，則文中子彭萊汾水之陽矣，元怪夫何有其化。今其傳後不寄之文，奚寄焉。神之心，前乎聖賢之心也。爲之碑，而使之以知履歷。爲之籤，而使之以知吉凶。山川之堙微也，爲塞中之文以闢之。風俗之薄惡也，爲《梁父吟》，以譏之。敬念消亡，士風頹靡，爲《絕筆吟》，爲《非神賦》以警之。以至

《獲麟》之歌，自辯之文。變體之詩，雅正奇崛，千彙萬狀，如英章濩夏之迭奏於耳，如谷粟布帛之均適於用。文乎，文乎，篇章句讀云乎哉。夫使居是里之人，誦神之文，鑒神之心。一鄉之中，陶爲道義。十室之邑，薰爲忠信士焉。而學農焉，而畊工商焉，而役作貿遷鬪爭也，而禮遜鬪訟也，而友助遊閑也。而力本則神，於是時，固可以遊於聖，不可知之天矣。何以文爲神之署，碑陰曰：餘雖做柳侯之萬一，不得文公以記之，何以示來者。今觀韓記之中，自子嚴父詔，婦順夫指，與夫入慈孝，出友悌之外，無長語。是神所托於後之文公者，不過以扶世教爲念也。歟，余襍線短能，何敢望文公之萬一，龜黽蝸蠅，非敢鳴於雷霆之下。顧念神自石晉開運，以入于閩。余之始祖，亦於五季由，固始而來閩。先代以來，或營其地，以建神之祠。或請於朝，而尚神之徽號。奉神之祀，茲有年矣。鄉人復相同志，而成輪換之事。來冪仍雲冀神之庇，未有涯也。余欲無言，

焉得而無諸。若夫神之姓氏之稱世，系之美靈驗之事與。夫廟宇創立，修葺之年月，備見於神自述之碑。非牛馬走，所得以容其喙，是不過著神作文之意而已。俾一方之民，食我桑椹，懷我好音。果胥而道藝，忠信之歸，則瑤漿蠶勺不必實，醢豚甘鷄不必薦，溪毛燎水亦可荅神之心也。無斃，則神之惠。人之祝也，亦無窮氣數，循環無往不復。神之文而發祥，闡靈於其前人，以文而蜚英，騰實於其後，將見天寵褒崇宣封，顯赫神之榮也。遡紫凌青，馳金斛椒，人之盛也。于是之時，必有大揮如椽之筆，以記之事者矣，余行當拭目以俟。罔俾文公，專美柳侯。

又

閩踰峽江而南，有山竦傑曰鰲峰。山之南，靈濟仙宮也。粵昔，叢祠陰跡顯著，國用其勳，民賴其庥，徽號褒加，祭式惟慎，至於今日，倚歟，盛哉。歷歲既久，廟之梁桶，侈剝不治，憑附丹青，漸已黯昧。時有鄉民詣祠下，枚卜乃事，見而相謂曰：是不足以揭虔妥

靈也，完而新之，具尚一乃心力。神喜其不婉婉，末下爲文，以勉之。於是哀誠鳩費，戒工度材，各肩其事，有而無怠。門之隘者，廣。池之涸者，聚。一木一瓦之壞者，易。彩以飾像，衣以章身。文曹武兵，亦加潤色。威狀赫赫，德揚明明。見者聞者，咸茲以恭。願樂其施，而工告成焉，時則秋八月也。功不自有，歸之於神薦。裸輿俯具事以告，懷柔顯思，式告有相。載揚其靈，自序其所，出歷三代。至五季以來，啓烈壽後，所以委祉。今日廟食茲土者，有槩有詳，而爲之記也。同事者愕然，視悚然，誦芒芒然。筆且曰：向者勅額之請，卜姓曰徐。是猶隱於聖，不可知之矣。今乃知出於偃王之裔，信有驗也。請神記之以石，昭冥冥而垂無窮。有是而後，文筆層現，易卦有籤，斷吉凶也。梁父有陰，亦勸戒也。非神有賦，昭冥漠也。塞井有入，辟禁忌也。若跋，若賦，若辨，若啓、若曲，若偈，千態萬狀，愈出愈奇。如倚空之岩，萃嶽巍峭。如怒風之濤，汹涌澎

湃。噫，何其文也。夫文也者，在天爲奎壁之精，在地爲圖書之寶，在人爲朝廷之瑞。今神也，恍惚之間，杳冥之際，影不可見，響不可聞，而乃顯之以文，何也。聰明正直，粹乎其嚴。威靈氣燄，赫乎其高。不可見，無所不見。不可聞，無所不聞。出乾入坤，窮今遡古。察來彰往，顯微闡幽。故能泄天精，裂地寶，發人瑞神之文，神之德，與天未喪。文地不愛文，使人得以展布斯文。神也，遊於無聲無臭之天，可也。不屬之人，乃屬之神，可嘆也。夫鰲峰之精，龍首之英，必有瑰奇之士出焉。神其尚相斯文乎，不然何乃發其祥也。神之文曰：予所作，必有以爲異日之驗，進身之階。神之詩曰：文章豈不貴，君子終豹蔚。豈我意哉。造化循環，無往不復，神而明之，存乎其人可也。其詞：

鰲峰蜿蜒，靈濟之宮。昭哉先烈，孝思偃王。施祠洪綿，血食一方。四民地利，胥賴其慶。懷柔左右，赫赫耿光。大掖斯文，以發厥祥。

顯相有嚴，報本孔臧。矢歌頌美。百世不忘。

修靈齊宮誌銘

人之所事者，神。神之所依者，人。時值初吉景辰，神赫厥靈，剡剡爲文，以任而任於同事者。祇栗厥戒，夙夜不敢忘怠。是以粧褻聖像，乃命司服，其飭衣裳。既就，神自作履歷，刻銘諸碑。灑灑乎，噩噩乎，似非世俗語所能道。赫然驚人，其誰不敢不進其所有以爲答。同事者謀曰：東西池涸矣，誰不足以壯祠宮之瞻視。外附之壁壞矣，誠不足以聳人心之畏敬。龍首之井，誠爲風土之害，既廢矣。今塞斯井，鑿斯池，畫斯壁，以媚神意，亦將有利於人，其宜乎。同事曰：可。文章東閣二序之神，捷蒙塵久矣，時尚武事，有欲去之，而爲尚武之謀者。其同事嘗聞孔子有言曰：文章必有武備，武必有文備。夫文治武功，相資爲用，此百世不易之道，其可闕乎。故上宰福祿三星之祠，下土輔國安民之像，先文後武，各得其制。同事又曰：可。

外有門閭之故觀，內藩翰之森嚴。簷版之丹雘輝煌，掖庭之粉黛冠絕。至於補葺罅漏，靡不究心。獨二庫卑污，不修且壞。鄉民大懼，不任一日，復與同事謀諸神曰：從事於斯也，久矣，欲已之，而不能休，此意曉然，神其知之。告我以文曰：修廟難，惟義之歸，敢不喻所指。於是椽棟之腐黑者，蓋瓦之破缺者，垣墻之凸凹不齊者，俱治而新之。神於此時，再降之記，命庫之名曰：堂東有親睦，西爲燕喜。俾憑附之質得以宣，其列美矣，茂矣，諸好備矣。雖曰同事者之所協力，是皆神之靈有以使其然而然也。及將次就諸，請其額于本路官總管張公鐸，復尊祠曰宮。筆椽字斗，照人耳目。凡道路觀者，車乘填塞參日，莫不張大稱譽，竦然而增敬。東街之碑，神之所自序也。西階之記，人之所以贊厥美也。神之文章者，諸宮曰碑、日記、曰籤、曰贊、曰文、曰賦、曰啓、曰表、曰卞、曰議、曰序、曰頌、曰詩、曰曲、曰行、曰說，其有集行于世，煥然而可述也。靈

濟之封旌，褒前朝真人之號，道宣天休，厥德章明，垂譽終古。此黃髮耆艾野夫版尹之所願頌，非鄉人一詞之所能。既七日，復來與同事，謹以牲醑，用伸告成之禮。就位于庭，悚然深惟。三載考績，亦既勤止。惟神念厥功，必有以相之，使鄉人均蒙其福，世世承事，寧可不知所自耶。今欲刻諸石，以記其事。誠恐議者，以爲專美之譏。姑誌歲月于靈濟宮，敢銘之曰：

受職九天，燿靈下土。神筆驚人，沛然莫禦。飭以衣裳，爲身之章。親睦燕喜，命名日堂。傭役徵工，作新斯宮。四方雲集，至日訖功。三歲考績，各恭乃職。其難其慎，惟和惟一。神既安止，載人載喜。欽若茲教，是信是使。惟爾有神。福及吾民。天鑒厥德，錫號真人。圖像輝彩，洋洋如在。爾民報祀。萬世不怠。後之君子，無廢成美。刻誌于壁，以贊攸始。

重修靈濟宮記

至元三十年十月，閩積善里，士交

章君桂龍，以書奉靈濟王廟記來曰：此神筆也，里有古廟而無碑，屋且圯。夏五月，沈君建翁修而作之，桂龍與周全等共謀而成其美。八月，工告訖功。神赫厥靈，載降之記，將刻石，命里林迪功延年書之，且屬予篆其額。春一不敢辭，署名惟謹。十二月，又奉古詩來曰：此神意之所記也，盍記諸。春一心已諾，而筆未暇。明年正月，親來徵諾，又出神所賜古今詩一篇，凡六十五韻。春一何與斯文，乃禱神之勤如此。昔江神嘗揖王勃而告之曰：滕王閣將作序，子往賦之。時主人已宿構於其壻。勃之文迺出不意，豈當筆者固有數於其間耶。於是焚香叩齒，取記與詩，端誦數過，絕不類烟火食語，而作曰：異哉，夫以聰明正直爲德者，神之分也。以威靈氣焰動人者，神之餘也。廟自石晉開運以來，厥惟舊哉，諸君精白承休者有年矣。今日之事，敢問其所以然。章君對曰：神之文，不但此記此詩而已，前乎數年，靈明尚闕，隻聯片字，時而出之。今刻剡揚

靈，燦然有文，與人相接。其所指歸，或勉以義，或誘以善，或勸以孝敬。至於遇事立言，則有《塞井》，文有《非神賦》，有《畫士傳》有《壁像贊》有《梁甫》等吟，有《獲麟》等歌。若序，若跋，若啓，若辨，若行，若曲，若頌，若疏，千態萬狀，愈出愈奇。聞其風者，贏糧而景從。苟以是心至神，各隨其所。扣而告之，一話一言，胥文也。桂龍與建翁等陟降左右，靡不夙夜因事而謁文，因文而證事，得手應心，如契如券，故叶力於此，以對揚神之休命。予又作而嘆曰：斯文其庶幾乎，天降時雨。山川出雲，嗜欲將至。有開必先惟鬼神者，得兆朕之先而文章者，神明之律呂也。自唐而後，國朝以科目取士，士生斯世，爭以文鳴。蜀之神有梓潼者，闡靈一方，專宰科名。九十四化之文一唱，蜀士敬之愛之，不啻如事父母。凡擢危科躋顯仕，不敢曰己之能，必曰神之賜。由此它方之爲士，在在尸而祝之。梓潼之香火，遂遍天下。徽號之加，莫尊焉。今日之靈濟，即前日之梓

潼也。梓潼顯於蜀。靈濟顯於閩。九十四化之文殆不足過，將見神之香火，亦猶梓潼之遍天下，豈但劍惠於一方哉。然斯文與天地，並未嘗一日泯沒。暫晦者必明，暫否者必泰，故神有以發其祥也。神碑既立，里之人士歡欣鼓舞。時周君莊翁，實獻碑陰之文，其言曰：嶽之神，必降而後生。申莘之神，必降而後生。尹今將生乎，抑將生尹乎。斯言也，蓋有以扶其手而擘其口者矣。地靈日彰，人傑日出，異時必將以文鳴。國家之盛，非惟爲人士賀，尤當爲神賀也。神姓徐，生爲人，歿爲神，功在國，德在民。世美之源流，廟封之次序，悉已見於神之所記。此但書修廟，降文，立碑之槩爾。章君又曰：向日敕額方請之時，神之氏諱莫能前知，父老取姓，枚卜之得姓曰徐，從而名之曰望。望者，言其德可配於四望，秩而祭之，宜也。今神自言吾爲江王，諱知證。吾弟饒王，諱知諤。式克正名，而知本始。予嘗讀五代史，至吳之世家，於齊王係之以感慨。方其

與劉威，陶雅等，佐行密起淮南，蓋一世之英雄也。及得政，如彼其專矣。然且奉楊氏諸孤而臣之，其視張文表之不事周保權，豈不相逕庭哉。宇宙無窮，往事塵土，而有子二王流芳百年，廟食萬世。嗚呼，齊王亦不死矣。時上元前二日甲子記。

靈濟真人序

神之氏諱爵里，載在五代史。晉開運之四年歲，真協洽皇靈，剡剡來降于茲，以義曆策之，曆甲子二千之數有奇。嘉熙二年，蒙朝廷錫命，攷之祭法，宜在祀典。每遇三元、八節、甲子、庚申、斗降之日，人之有事於神，宿戒齋祭純素之道，惟神是守。守而勿失，與神爲一。一其一，合乎自然而已。黃帝得之，以登雲天。西王母得之，以坐乎少廣。今神之精魄不爽其聰明，得之以與浮丘公王子，晉司馬子微、馮大和諸人，周游乎無極之天。聽之，不聞其聲，其聲揮綽。視之，不見其名，其名高明。四時得節，萬物不傷，利澤施於天地，後世其孰能知之。昔南華

先生舉太宗師之言曰：有真人，而後有真知。屬者恭遇三十八代天師，宣授太素凝神。廣道真人，以其知之所知，每知之是為師乎。特為補奏天京江王，充九天金闕明道達德大仙顯靈溥濟真人，夫人許氏特授順助仁惠仙妃。饒王充九天玉闕宣化扶教上仙昭靈博濟真人，夫人陶氏特授善助慈懿仙妃。徽稱赫奕，為龍為先，使在天之靈得以宣其烈。今日太平，物無違拒，肅雨又陽，咸若有答。鄉士庶民，莫不忻忻然而踴躍，相與北向蹈舞、拜手、稽首，上祝聖壽無疆，且壹神德。願垂表後，刻在金石，序之以詩曰：

得一以靈兮，謂之神。神之為神兮，而能精。窈窈冥冥兮，無為無形。有性有情兮，與道合真。夫號真人兮，飛奏天京。特予功績兮，播於金石。大仙上仙兮，昇入九天。雨暘不愆兮，掌造化之權。爾民得保全兮，喜躍踴躍。執我豆籩兮，孰敢不虔。靈德之淵淵兮，具頌是宣。刻石永堅兮，何千萬年。

明遠完教之玄法師福州踏道錄劉景福撰。

鰲峰神秀圖記

閩城南，大江自西而東，曰峽江、度江。又二十里許，有山曰鰲峰。擅群山之勝，據諸水之會，而祠在焉。其旁屋宇，星聚棋布。神依人之居，而歲時伏。臚牲肴粢盛，獲食其土。人賴神之休，而長幼樹畜，率無水旱灾殄之虞，獲安其生。此神人，並立實陰陽至理，世不能廢也。鰲峰二神，相傳徐姓，南唐知誥諸弟，長知誥，稱金闕真人。次知諤，稱玉闕真人。謂在唐世，嘗將兵入閩過漳討賊，次鰲峰，有功。仙在芝嶼，天燈、天樂降其地，遂祠之。按史，知誥，溫弟五子也，封江王，改封魏。知諤，溫弟六子也，封饒王，改封梁。閩國王延政、延曦弟兄不協，國日亂。唐遣其將查文逐之，乘勝克泉漳諸郡。不書王在行。御史失之歟？以鰲峰秀拔奇偉，山川融結，宜神所憑托。神擁山川，明豐而禳祈，祝禱，若神所荅譬。玉在山，而木潤。珠在淵，

而水輝。厥理有繇，矧生功德。其鄉歿，而祠之禮也。翰林待詔長樂高廷禮氏，其子熊，走禱祠下，盼響相通，如承面諭，訖徵諸事，豪髮弗爽。特詔因寫鰲峰神秀圖，以報靈貺，第徵子記之，并述其槩，以告于鄉人。

永樂九年九月望日漢府紀善翰林院脩撰儒林郎閩人王褒記。翰林院待詔長樂高廷禮畫并書。

贊靈集卷之一

贊靈集卷之二

表劄

賀真君褒封表

伏以天之文，曰鳳篆龍章，其命有德神之名。在丹臺玉室，何憂不仙。妙用不可以思議，舞蹈自形於手足。某申賀，恭惟九天靈濟真人，好是正直，宣此聰明。默推生生化化之仁，尤得杳杳冥冥之道。克厥威，克厥愛，常懷儆戒之憂。惟其能，惟其人，果沐褒封之寵，衆皆曰可。時懋迺功，誰無折屐之歡，敢效執鞭之賀。伏念某葦苕寄跡，草芥微生，惟適之安。仰聖庥之是，荷卷言所自，豈童子之不知。進表陳情，銘心知愧。伏乞俯垂高聽，遠察卑誠。爰剡剡以揚靈，迺穰穰而降福。其養民也惠，如雨露之所沾濡。誕我祝如何，與天地相為悠久。

賀金闕瑞旦表

伏以一封九重天，榮授南昌之上

宰。九月十七日，喜逢嵩嶽之降神，里社交歡，人民胥慶。恭惟九天金闕明道達德大仙顯靈溥濟真人，好是正直，大以神通。與日月而並明，參天地之化育。五十五願，發誓度人。四百餘年，積功累行。惟德是輔，與道合真。施之萬物得其宜，措之四時得其序。舉皆蒙福，孰敢忘恩。同伸虎拜之誠，恭祝兕觥之壽。更冀積善鄉一千餘戶口，俱托帡幪。大聖朝億萬載，基圖相為長久。臣下情無任瞻戀之至。

又

伏以嵩嶽儲祥毓英才，而出將入相，風雲慶會。為明神而輔國庇民，瑞旦屆值於九秋事業，有光於五代。恭惟九天金闕真君，系出偃王，世封齊邑，廟食五百餘年之盛，褒封三十二字之榮。靈貺孔彰，殊恩屢降。惟此鰲峰之地傑，荐臻虹渚之星流，庸舉兕觥，用伸燕賀。伏念黍登仙版，職奉靈祠。凡居覆燾之間，莫匪帡幪之庇。良以感恩之有日，將何報祀於今時。晨香夕燈，常瞻烜赫。朝鍾暮鼓，少備

勤渠。不辭潢潦之可羞，惟冀神明之來格。伏願聖人在位，撫華夏於萬年。神德彰靈，享褒崇於千載。宮門肅靜，閭里康寧。

賀玉闕瑞旦表

伏以雖離在宮，肅肅在廟。主爾百神赫赫，厥聲濯濯。厥靈相予肆祀，時則歷多年，所式克至今日休。臣惶恐惶恐，頓首頓首。恭聞大而聖，聖而神。誠則形，形則著。來也無涯，去也無迹。視之弗見，聽之弗聞。聰明正直，依人而行。遠近幽深，知物之故。天地合其德，四時合其序。名聲昭于時，利澤加於民。維桑梓則必恭，雖蘋蘩而可薦。伏念醮首某等，與鄉人處，忝儒者流，惟神其依，不言所利。雨暘時，若天且不違，況於人。老安少懷，民到于今，受其賜。士悅朝，農悅野，工歌肆，商歌塵。巍乎成功，何以報德。茲蓋伏遇九天玉闕宣化扶教上仙昭靈博濟真人慶流瑞旦，節應中元式月，斯生與天齊壽，讓萊相獨先於一日，踵康王猶後於八朝。其命維新，而

民階樂，聿慶崧岳。降神之日，同伸華封，請祝之誠。桂魄初員，輝蟾東方之日。蓬仙不老，光聯南極之星。豈若身親見之，不知乎舞之也。伏願在其左，在其右，在其上，不顯亦臨。俾以富，俾以壽，俾以昌，自今以始。臣下情無任瞻戀之至。

又

切以聖不可知，之謂神，感而則應。民至于今，受其賜，靡也可忘。式克至今日休，不敢啓上帝命。臣誠惶誠恐，頓首頓首。恭聞無形之表，至道之精。軒轅皇帝，啓鑰抽關，太上老君，傳燈續印。德而不德，清虛怪，寂寂之無宗。玄之又玄，廓落達，生生之有妙。周流六虛而無息，主宰萬物而不遺。巍乎，其有成功，無以稱其威德。伏念臣志求諸道，材下於人。敷

奏以言：方寸地之階，願借恪恭乃職，咫尺天之威不違。重念醮首某等，致力於神綏，我以福祠稱靈濟，名被顯封赫厥，聲濯濯厥靈，雖雖在宮，肅肅在廟，雖桑梓必敬，止維蘋蘩可薦之。茲

遇中元集福之晨，是乃上相誕生之日。乾坤爲瑞，閭里稱歡。是月在中，式播崧岳生申之詠。與天齊壽，同伸華封，祝壽之誠。茲蓋伏遇昊天玉皇上帝玉陛下，總元範於十方，建大功於億劫，無有遠邇，均屬照臨。凡有血氣，莫不尊用，敷腎腸歷以告。臣塵凡濁質，夙夜小心，自慚蠢蠢無知，敢曰高高在上，齋戒沐浴以事帝。對越在天，聰明正直之謂神。虔恭在位，幸披雲而睹日，如臨淵而履冰。伏願不聞，亦式不顯，亦臨有相之道。俾富而昌，俾耆而艾，用錫厥民。臣無任瞻天望聖。激切之至。

上元上真君表

三陽開泰，適人事之肇。興兩闕如臨，諒天心之可格。敷陳素願，益茂洪禧。臣誠惶誠恐，頓首頓首。恭惟九天二位真君，裔出偃王，世封齊邑。丕哉靈德，等乾坤覆載之功。用以濟民，推雨露沾濡之澤。神通自在，正直無私。廟食今四百年，天封凡十六字。人所見恩，誰敢不敬。伏願降爾遐福，

載歌穰穰簡簡之詩。保我後生，爰詠蟄蟄繩繩之德。

上真君祈安表

咨寒怨暑，特小人見淺之謀。居安慮危，惟君子知幾而作。雖自禱之久矣，賴有陰以相之。某申謝：恭惟九天靈濟真君，德配乾坤，澤垂雨露，以顯靈昭靈之德，推溥濟博濟之心。伏念某等，受塵爲氓，聚廬托處。久席雲天之庇，敢傾葵日之誠。弗克修持，未知慚愧。念震鄰之警義，貴在於恤鄰。然同井之安救，當防於入井必也先。事而能懼，庶其後患以無憂。更冀雨及我私，實穎，實栗，實堅。好錫用民福，曰壽，曰富，曰康寧。

又

神非類而不祀，以其能於捍災禦難。天作孽猶可違，寧敢稽於修齋執戒，拳拳唯謹，戰戰若驚。仰瞻靈德之在天，俯拜皇恩而感地。伏念某等，枌榆同社，桑梓連陰。自慚坐井以無聞，敬率居鄰而有請，謂民情可見。昔曾聞已過之衍，何帝怒不回。今未免童

蒙之瀆，豈藥大夫怪迂之方未盡。抑濮上人計筭之私已萌，或饕餮如曹劌之無謀，或縱臾如子陽之尊大，誰敢執其咎，亦盍及而求徵日咎徵曰休。固當禱之久矣，靈之來，靈之至，毋迺宜其然乎。勉力而行，欲言恐僭。未能姚斌，當真之罪。天書譯符，篆之文臺。駘實沈是，謂之妖。神筆按春秋之法，氛侵必去，邪妄必除。毋縱滔淫，恣生荼毒，吾所願也，神其鑒之。茲蓋伏遇九天金闕、王闕真君几前，乃聖乃神，允文允武。斂之，則有顯靈昭靈之相。散之，則為溥濟博濟之仁。千百年之祀典森嚴，十六字之褒封侈大。威震雷霆之怒，五岳塵埃。功參日月之光，四方耳目。驅厲鬼於山之左，植保障於江之南。海宇澄清，里閭寧靜。下救群生之疾苦，上休太上之慈悲好生之德。雖洽於民心，擊壤之童，何有於帝力。伏願息點捕剿，終終始始。各保安全，藏疾納汙。是非非，更為覆護。莫效薦芹之敬，敢言結草之勞。

鄉民保真君奏劄

臣聞功謂道，在無極之始，冥冥窈窕，不識不知，非心思計度之所能也。自太真真人紫筆定書，然後學道者得以探其源洩其流，撰成科典靈文，耳目斯世。今有神焉，以修齋執戒為功，以濟生度死為誓，發為文辭，合於科典。凡曰長材秀民者，莫不口交誦之，其可稽於徹聞乎。切見九天金闕真人徐，九天玉闕真人徐，聲名冠世，功德在民。內察其行，外觀其跡。委是骨像合仙，有心積善建功，篤好三寶之士。若非宿幸緣會窮神而知化者，孰能與此。所著九真妙戒化文、九獄神燈科、格醮三界科、保馬科，並出於太上玄言。究徵摘實，自然成章。靈音嘯咏，可以為活劫津梁。所謂閉門坐車者不計其歲月矣。外有靈濟特醮科、本願儀文七政燈科，非敢以為己功，從民請也。臣性識疏愚，為言輕賤。考事察能，在臣識所當。申請敬加丹鉛，去取編成一集，騰進在先。已蒙聖恩，將臣徐等詮補職任，躋進仙

階。今欲望聖慈允俞所請，再將臣徐等所撰科典，翻行三界，合屬去處，各取遵稟，照驗施行。不惟顯靈濟濟度之功，亦可以張吾軍而感慰東南民心之所望也。伏取指揮。

贊靈集卷之二

贊靈集卷之三

序疏跋文

真君科式序

予嘗以爲，老子之道，五千言盡矣，後之學者，不以未能遍觀而盡識也。惟漢天師之傳得其宗，迄今一千二百余載，馳聲耀譽聞諸四方。上而公卿，下而氓隸，欲壽考康寧者，莫不皈心而稽首。今明而爲神，曰靈濟真人，以憑附之質，用宣其靈，豈非夙幸得天師所授鉛汞法，何一點之珠光耿耿不滅。迴平作字，一言一話，煥乎其有文章。予始聞之若駭，且信且疑。一日袖香而來，瞻仰祠下，載睹所作碑記、讚頌，仰非世俗語，疑乃信。獨此書一帙，鄉之士夫藏之甚慎，不輕示人。予索之久，始得之。焚香誦之數過，其爲旨義，皆本於太上經典中抽繹出來，幽深明溥，與道合真。諸天隱梵，迭奏和鳴。濟度之功，誓弘海岳。

神機玄妙，或隱或顯，是豈淺學近智者所能議哉。雖然神而明之，存乎真人，予累欲序而跋之，誠恐識者有餘食贅行之譏。若乎真人之德，揭若日月，後必有至人爲之序，予略言其大槩云。正元三十年，上元將仕佐郎路學教授歐陽公柱芳跋。

真君願序

願者，真人之願也，亦人之所願也。一跪一拜，心之專也。心之專，善之至也。人性之善，猶水就下也。不善不改，是吾憂也；吾是憂也，此願所以爲善者。設是，豈徒願文乎哉。仰觀於天，得數二十五。俯法於地，得數三十。合而言，得數五十五。蓋因此數，得以成其願。若非與天地同功，安能至此。善，人天地之紀也，苟有一毫矯僞慢怠之意，非吾之所謂願也，其可與善者同日語耶。《傳》曰：善無常主，協于克一，此無他。始於是，終於是，不以半途而自畫，斯爲盡善而盡美矣。善者福之基，福者善之積。唐高郢有言：積善以致福，不費財以求福。

福既可以不費財而求，則爲善者可曰費財乎。見善以相示，聞善以相告，凡吾同志，當以此自相勉勵，庶無愧於天地，亦無愧於真人，此又真人所大願也。

重修靈濟宮疏

按五代史淮南世家，齊王徐，有子江王、餘王，即今金闕，玉闕二真人也。真人素善文詞，靈感響應。東南之民，賴神之庇，何止蒼龜。永樂庚寅歲大旱，方岳大臣，深以爲憂。惟真人尅期日降甘澍，獨著靈驗。達官士庶，僉以廟貌傾頽，不可不葺，於以荅神靈之景貺，敬裁短疏，遍扣高門，椽筆大揮，福有攸歸者。

伏以棄職歸仙，千古文章光玉牒。駐兵除寇，萬年香火奠金鰲。甘棠追召伯之思，芝草毓祖庭之秀。高其門，廣其宅，依稀綉嶺。宮前穆如在，赫如臨。恍惚錦官城外雲霞閑繞，玉窗深，日月平。臨金闕，迥善祥，所萃長年生。

意。津津福祿攸降，積善公候袞袞。爲大方之柱石，作遐邇之權衡。趨吉避凶，寶笈瓊書天上閱。彰善瘴惡，金昆玉季世間遊。歲時長是過庭趨，霜露劫憐仙嶼近。天朝中貴靈方，藥餌已先嘗。海國居民得雨，枯苗還早熟。苔痕又見入簾青草色，半侵行履跡，風飄碧瓦。補天手重構新甍，雨洗頽垣度地基。仍乎舊貫，弗克奮無前之勇，曷繇成不世之功。如椽大筆不已書之，數仞宮墻俄頃成矣。左俗溪，右瀨水，紫臺咫尺列仙源。前玉几，後蜚蓬，文筆高撐牛女宿。一人有慶，萬國咸亨。謹疏。博陵林漢孟撰。

徐仙翰藻跋二篇

君子遭世之理作爲文章，用奮厥志，得以行其道，非幸也，宜也。世固可以智力而致理，欲志於道者，以文章而求效於當世，所必齊門。抱璞荆山，非不幸也，亦宜也。夫神之於昏默香冥之際，亦可庸乎。文章以驚動於人吁，豈不怪哉。《徐仙翰藻》之集記、贊、賦、頌，一編甚巨，斟酌其辭不濫，

皆矯世激時之論。幽明隔涉，而僅有負俗累，不能無惑焉。愚意是鄉之君子，有志於道，而遭夫理之世，其道宜行，而志不獲奪，故假以文章神其說，執筆之頃，果無容力於其間。人也，神也，予不敢知否。則《河圖》、《洛書》、將爲義似出耳。用是得不繫其說，而則諸公之跋後云。

又

神非人不因，人非神不成。今人神之所交接，一言一話胥文也。文其神乎，神其人乎。《河圖》、《洛書》似涉詭異，雖義似大聖人，以此徵而信之，千百世而下，愚庸之性，其有爲之疑且惑乎。以神之交讀之，考其辭，靡不以聖賢之心爲心，禮、法、刑、政，如視諸掌，何乃汲汲焉而爲憂民也深。神乎，人乎，能不爲之疑且惑也。寄魚龍而助風雨，物情之論，蓋亦有矣。愚故曰誠以明之，雖存乎神明，而誠之亦在乎人。苟一事之莫決，一辭之莫措，雖欲假其聲於人，吾固不知其可也。執筆之頃，於予不得以遜其責，使黃鍾大呂

之不奏，瓦釜爭鳴，滔滔皆是，豈不爲神之羞耶。《徐仙翰藻》乃神之文集，既盛傳於衆，予豈得不玉韞而藏諸。

上靈濟宮勅額文

伏以龍首軒昂，鰲峰竦傑。紅塵化錦，好布壇場。青布成羅，果符讖瑞。一簇人煙，寰會千年。祠宇森嚴，綵畫鼎新，規模壯麗。恭惟靈濟真人，神通廣大，正直聰明。香火興隆，事跡靈驗。邇來化筆，煥乎其有文章。托此寓言，勸之必以禮義。碑銘建立，功德昭彰。昔膺勅額之榮，今拜天封之侈。名登仙籍，位列仙班。褒獎殊常，恩光甚寵。茲者伏遇總管相公，官高四品，福蔭三山。有周公事鬼神之能，得孔子明郊社之義。考之祀典，錫以宮名。大筆如椽，大字如斗，使山川而改觀，與日月以爭光。里社輝煌，士民歡悅。詩曰：天封靈濟位真仙，福我生靈感二天。榜額輝煌字如斗，宮門壯觀萬千年。伏願金榜掛名之後，風俗康淳，鄉閭忠美。士農工商均其福，雨暘寒暑協其時。歲歲豐登，人人富

貴。更冀王封八字勅額，金書香火萬年。年年上祝皇帝萬歲，萬歲，萬萬歲。

上親睦堂勅額文

伏以教序人倫親睦堂，大書榜額字輝煌。而今風俗歸淳化，萬古名爲積善鄉。恭惟靈濟真君，正直聰明。離離在宮，肅肅在廟。森嚴左右，赫赫厥聲，濯濯厥靈。八字宣封，千年聖跡。既新斯手，乃建斯堂。民具爾瞻，貌威而重。風俗之淳，自今以始。孝悌之心，油然而生。伏願掛額之後，上下和全，幼有倫，長有序。里閭康寧，老者安，少者懷。詩曰：天理三綱及五常，教民親睦建斯堂。爾民報事能如此，異日門旌孝弟坊。

上燕喜堂勅額文

伏以闕宮赫赫有神明，左右森嚴綵畫新。保彼東方壽而富，魯侯燕喜作宮名。恭惟靈濟真人，清廟肅雝，維神顯相。勅額金書八字，後宮粉黛三千。有翼有嚴，隨禱隨應，諸福畢至。少陳祀事之勤，吉夢追隨，果獲男見之

願。門閭壯麗，榜額輝煌。伏願掛額之後，宜爾子孫，載命螽斯之德。永錫祚胤，妥歌既醉之詩。詩曰：鰲峰竦傑泄英靈，青布成羅識可憑。孔氏此時親抱送，崇嵩神降果主申。

謝雨丹悃

鄉民黃垣等，切念夏逢不雨，宜禳旱魃以潛消，靈降自天祇。伏□真仙而控懇，三薰三沐，載謝載祈，涓取五月十八日，敬發誠心，虔邀道衆，拜請洪恩靈濟真君，詣鰲峰龍湫潭，攀迎聖水。午時至宮安奉，遂蒙感應，西南騰雲，未刻下雨。是夜開啓道場，依科修奉，特設龍王淨醮，百拜朝天懺文。當夜甘澍祁祁，至二十日，大霈霽霑，田疇滿足，特伸荅謝。延奉諸真，仍設龍王，田祖諸品淨醮，關祝南辰北斗，列曜星燈，寅修醮禮，仰荅真君。貢奉菲儀，大伸圓滿，設醮謝恩。伏祈景貺，惟冀日暘、日雨，協二儀大順之期。如茨，如梁，降百穀用成之瑞。宣怙九重之至德，流入八表之有秋。懼聲沸擊壤之歌，千千惟耦。聖壽享齊天之筭，

萬萬斯年。綏和動植之滋生，永樂雍熙之化恒。下情無任，不勝激切之至，敬意。

贊靈集卷之三

贊靈集卷之四

詩

上真君

白湖趙迪

方山之陽，有古神祠焉，世傳以為五代徐知誥弟兄，號金闕玉闕、二真人也。真人乃神明之胄，歿幾五百載矣。其神之在天，猶不棄於吾民也，民之雨暘疾疫，咸禱輒應。迪不敏，欲拜祠下有禱焉，遂賦步虛辭以獻之。

聖人神明胄，神栖太羅表。絳節凌紫雲，翠蓋連碧篠。靈景無晦明，清虛何皎皎。瑞氣玉洞浮，霞容絳林表。茲晨儼欲臨，鸞旌何縹緲。務我區中人，時為釋紛擾。

其二

琳宮何苕蕘，高挹翠微頂。英風百代靈，神光四時耿。儀容更尊嚴，廟貌肅路復。碧殿爐烟寒，白日棟雲冷。藐爾塵俗軀，何由達靈景。

其三

羽蓋何翩翩，靈氛降丹闕。縹緲鸞鳳音，涼秋散林樾。玉津流紫雲，神霄飄絳節。羽衣星外沉，仙樂空中歇。太虛一寥寥，倏爾採霞沒。惟聽步虛聲，空余碧桃月。

其四

棣華玉連枝，帝勅司我土。倏爾陰風來，颯爽降靈雨。疾疫賴神休，凶荒託靈禦。機緘杳冥冥，翊運昭昭著。高寒太羅天，陰瑩清虛府。王珮清霞裳，羽蓋彤雲路。冷然馭長風，將朝紫霞去。

謁靈濟宮十二首

左參政永喜楊景衡上清張真人奉命建延禧之醮于靈濟宮，賦此以紀勝集。

川嶽揚靈泰運開，上清仙客降香來。天壇醮啓雲旗下，羽珮朝趨月殿回。勝會已欣登寶地，弱流未信隔蓬萊。臨風願借瑤臺鶴，飛控繁禧遍九垓。

又

前人

三山飛翠接鰲峰，紫府高寒遍太空。

丹鼎光騰千嶂月，瑤臺香度百花風。神功烜赫昭靈貺，帝德優崇錫□封。宮觀何年兼，賜真時過白雲中。

又

右參政姑蘇彭脊

花簇香輿控紫鸞，洞簫吹下綵雲端。九天星斗浮山殿，五夜風雷繞石壇。仙菓壓枝丹荔熟，清陰滿院碧梧寒。神功赫赫多靈貺，永贊皇圖萬世安。

又

右參政李燁

停驂偷暇謁神宮，石逕潢溪靄冥中。雙鳥隔窗啼晝白，群芳聯砌吐春紅。剖符當代膺王爵，捍患他時紀武功。靈闡一方垂惠澤，大昭世享固無窮。

又

僉事鳳陽周常

一年兩度到仙宮，種杏心誠在報功。妙藥氣看痊痼疾，靈符常見振疲癯。花銜洞口尋真鹿，雨暗峰腰聽法龍。勒石頒衣綿血食，加封褒錫聖恩隆。

又

左參政紹興錢述

暫停征騎陟鰲峰，再拜頻思伯仲功。昔日干戈平禍亂，千年廟食享秋冬。詞章應禱點奇驗，靈濟褒榮錫大封。護國庇民神力大，雨暘時若澤時中。

又 兵科給事中三山曾玘

曾統天兵渡峽江，貔貅百萬望風降。
金鰲血食真無恭，玉闕丹書却有雙。
劍珮森嚴雲縵紗，樓臺轟沓石崆崗。
英名不歇留今古，況復雄文冠海邦。

又 戶部員外繡江楊寧遠

山青水秀應玄機，天賜賢良鎮渚磯。
昏曉能明災與福，毫厘判斷是和非。
祠堂古在三山外，靈貺分傳四海知。
王裔飄然入仙籍，流芳端的世間稀。

又 刑科給事中山陰朱純

恭持玉節，遍歷南閩。因過鰲峰洪
恩靈濟宮，載瞻載拜。禮竣惟時，廟
官方率三五童子，羽衣鶴氅，乃邀至
菊軒。飲茶清話間，因索詩以識敬
謁之誠，遂辭，率成數體一律，以彰
聖朝神靈之萬一云耳。後者郢正，
幸甚。

恭持使節到南閩，得駐征車竭二真。
翼翼廟庭千仞起，煌煌袍錦四時新。
瓊碑紀錄來天上，玉勅騰光照海濱。
祀典聿隆當盛世，擬同社稷萬年春。

又 戶部主事沛邑孟式

宣德壬子仲冬，欽承朝命，蒞事閩
藩，道經金鰲峰，願瞻靈濟宮祠赫然
一新。良由二真克忠克孝，功施社
稷，澤被生民。又能幹運化機，大闡
靈貺，翊衛聖躬，是宜加以徽號，享
祀無窮，以答神庥。此皆聖天子仁
德之至，眷愛之隆與。天地相為悠
久，豈偶然哉。迺拜手稽首，而賦詩
曰：

曾於青史見英雄，兄弟同心樹大功。
已向生前偕盡孝，要知歿後復輸忠。
清宵好夢孚昭代，赤石奇方愈聖躬。
廟貌尊嚴崇祀事，生靈千古仰高風。

又 監察御史吉水楊政

伯仲聯翩葆大真，生膺王爵死爲神。
遠馳玄翰傳丹訣，大著殊勳動紫宸。
仙籍崇階褒錫重，鰲峰嚴祀禮儀新。
香雲飛出榕陰外，俎豆年年秋繼春。

又 奉使扶桑等國中貴官柴山

承命統兵懷來，荒服上欽一人，下盡
廼職，留止三山。久荷靈異茲者，敬
捧華旛，贊揚聖號，以為淮海往迴之

祈。冀神鑒納，尤肅禮儀。止於齋

所勝境，有感於懷，遂聯所搜，以揚
神德。後之睹者，幸見郢於斯文。
南閩之地多奇山，洞庭太華相迴還。
真龍隱處毓聖跡，浮光積翠盈林巒。
真仙幽顯不可測，默運天機播神德。
上以靈丹衛聖躬，下施洪恩庇民厄。
曾聞兄弟同孝恭，竭忠五代邁英雄。
生爲名臣死廟食，揚麻顯跡當無窮。
威靈廟貌世莫比，坐擁江南八千里。
五雲散盡露金鰲，瀉下龍泉一泓水。
予時領命懷外方，竭誠至此永靈章。
但見幽禽對語苔，花滑風吹澗谷多。
奇香君不見武陵，樊口清絕處江山。
一見消塵慮何似，今朝咫尺間分明。
得入神仙路華旛，一堅突名峰上迎。
車馬來長空有時，環珮九霄響一雙。
青鳥鳴天風噫噓，斯境清不再有。
顧罄衷誠莫盃酒，更冀爐烟永不磨，
須等天長與地久。

夜宿靈濟宮 白湖郭敬夫

共到真仙境，清齋卧竹房。夢回
孤島月，寒入一襟霜。夜氣神鰲起，秋

聲瑞鶴翔。披衣不重寐，杳靄識天香。

寶殿十奇峰二十首

金鰲峰白湖郭廩

金鰲海上來，秀色鐘靈異。髣髴

蒼龍蟠，飛騰彩雲氣。桂宇浮丹光，芝

房隱仙秘。時瞻鶴馭回，天香靄空翠。

又 隴西李叔義

海上浮來一點金，擁成丹窟出雲林。

神棲占斷鐘靈地，能使真風播古今。

白鹿峰 曰湖郭廩

白鹿名山翠若堆，鹿隨雲去不知回。

抵今亂石溪頭路，猶想行蹤寄綠苔。

又 隴西李叔義

仙鹿啣花此地過，因開禪刹絕岩阿。

青山不改名猶在，長入林僧笑詠哦。

文筆峰 白湖郭廩

茲山凌空蒼，削立三神峙。飛翠

瀉龍湫，猶涵墨池水。雲迎筆陣回，星

繞雲光起。神機應發揮，長以獻明主。

又 隴西李叔義

動勢孤高聳翠華，望中渾訝寫烟霞。

謫仙夢斷春風後，不識峰頭幾度花。

蓮花峰 白湖郭廩

南望蓮峰萬仞秋，清沉玉井瑞光浮。

懸知夜夜飄香處，散入瓊仙十二樓。

又 隴西李叔義

玉井移根上翠巒，亭亭孤植出雲端。

真仙欲採瓊芳日，渾作瑤池醉後看。

飛蓬峰 白湖郭廩

蓬壺世外峰，秀拔皆瑤草。飛出

三神來，際此十奇好。天開白玉壺，夜

照丹砂火。仙人如可期，披雲事幽杳。

又 隴西李叔義

瀛海飛來第幾峰，峰頭晴削玉芙蓉。

朝元仙客耽清賞，長上丹梯訪鶴蹤。

貪狼峰 白湖郭廩

斗際清輝不可攀，何年聳翠峙人間。

金鰲一上遙相望，猶似蓬壺若箇山。

又 隴西李叔義

四面攢峰列畫屏，危標直上倚青冥。

有時靜夜紅光煥，一道煌煌貫斗星。

方岩峰 白湖郭廩

方岩並崆峒，神秀端可挹。望若

玄豹蹲，影倒澄江碧。上有茹芝翁，長

歌坐苔石。子將拂塵衣，日與白雲適。

又 隴西李叔義

絕頂凌空勢若摧，鶴飛仙路淨無苔。

天風吹落懸崖瀑，散作岩頭半夜雷。

紫臺峰 白湖郭廩

翠壁丹崖接上台，春深縹緲紫雲堆。

玉簫誰弄臺前月，應候鰲峰鶴駕回。

又 隴西李叔義

紫氣濛濛掃不開，危基突出自天裁。

珮環響落臺前月，知是神仙跨鶴來。

古城峰 白湖郭廩

古城今幾家，山空少陳跡。苔逕

絕香塵，煙崖斂寒色。風冷松桂潭，月

上藤蘿石。莫聽烏夜啼，令人感疇昔。

又 隴西李叔義

翠壁丹崖路不平，行人猶道古城名。

風泉日送清泠調，不帶梅花鐵笛聲。

太平峰 白湖郭廩

玉燭調光降九霄，千峰萬壑度雲謠。

太平一曲誰同唱，好上金鰲百尺橋。

又 隴西李叔義

太平景象浩無窮，半落名山勝槩中。

喜得神棲安此地，陰崖草木被仁風。

真仙八詠圖 四十首

鰲嶠仙宮

白湖郭虞

靈貺昭仙界，天香粲綺袍。花迎雙綵鳳，山擁一金鰲。桂闕凌雲起，芝壇掛月高。神機涵宇宙，筆翰送波濤。玉洞劉晨藥。瑤臺阿母桃。請看穹碣上萬，古勅書褒。

又

釣臺李溥

岩嶢金鰲頂，仰視屹千仞。自從兩儀分，不與君峰並。聖朝崇真宮，隸萼輝相映。神機達九重，睿藻垂雙慶。雲林隱天香，風泉雜仙磬。那能挹清芬，洗劫塵凡性。

又

隴西李叔義

琳館中峰起，金鰲擁地迴。靈光天上合，褒錫日邊來。丹鳳啣瑤草，青重進羽盃。悠悠塵境外，佳氣勝蓬萊。

又

青門邵壩

雙闕巍巍遠世氛，空香浮翠日氤氳。珮歸月迴金鰲頂，樂動雲隨白鶴群。筆翰九天新寵沐，衣冠五代舊殊勳。遙瞻花萼相輝處，千載靈光產異芬。

又

長樂陳棠

琳宮標勝景，鰲背石堅牢。世治神靈闡，山環氣象高。夜光騰貝闕，春色醉仙桃。曠古才英邁，榮封沐寵褒。

龍湫飛瀑

白湖郭虞

積雨過仙頂，飛湍帶古湫。夜聞雙澗落，曉入一溪流。影倒銀河夕，聲懸碧漢秋。高棲驚夢鶴，幽怪起潛虬。遠樛踈鍾度，還疑素練浮。鰲峰清聽處，月在步虛樓。

又

隴西李叔義

靈湫經宿雨，飛瀑瀉明河。霽色澄冰鑑，寒聲出薜蘿。亂松驚鶴夢，繞岸送漁歌。濯足溪頭月，真仙幾度過。

又

釣臺李溥

六合看化始鑿，闢由天工蜿蜒。倒蟄靈氣，湫潭秘，鴻濛銀河天際來。倒挂千尺虹，上與星漢接，下與江流通。涼影美，新月寒，聲逗踈風真仙。日醺賞清詠，誰能同。

又

青門邵壩

新霽靈湫逸興多，飛流百尺瀉天河。凌雲宛若拖瓊練，帶月還疑散玉珂。

乍起潛虬潭上聽，還驚聯鴈日邊過。朝來直上金鰲望，散作蓬壺碧海波。

又

長樂陳棠

寒流千尺下雲梯，宛若瑤穹吐白霓。奇語蜿蜒敷聖澤，普爲人世洗凡泥。

竹巖霽雪

白湖郭虞

萬竿凌絕壁，六出霽冰花。色借吳鹽瑩，光分蔣逕斜。翱翔宜瑞鶴，蕭爽寂神鴉。一軼紅塵香千尋翠羽遮。郢人歌白雪，仙竈冷丹砂。却傍高真境，清芬仰棣華。

又

釣臺李溥

隱隱棲真岩，積雪闕幽邃。修竹凍不開，千林失蒼翠。晴光凝素華，臘朔驚寒吹。六出喜同雲，色兆豐年瑞。仙居十二樓，瓊瑤宛相對。一曲步虛詞，鏘鏘玉聲碎。

又

隴西李叔義

岩前雲欲斂，竹外雪初乾。遠映遙臺曉，低籠翠袖寒。虛明雲母帳，錯落水晶盤。深愧塵緣薄，仙歌和獨難。

又

青門邵壩

峰凝晴翠拂雲端，六出飛花尚未乾。

白鶴棲時渾不辨，青鸞隱處却同看。
梁園賦就攀何及，郢曲才高和獨難。
更想雙真歸珮曉，天風遠襍玉聲寒。

又

長樂陳棠

竹倚靈岩勝，寒威瑞雪晴。鶴鸞
無限繞，泉石有餘清。夢落三湘遠，神
遊萬玉傾。隱人懷折筍，路滑不堪行。

仙嶼靈芝

白湖郭虞

一峰鍾瑞藹，百卉讓仙靈。葉洒
金莖露，香凝紫府星。漢池同擘擘，商
谷自青青。豈並三花秀，仍兼九畹馨。
浮光凌月殿，積翠敞雲屏。肯許山人
採，期延草木齡。

又

釣臺李溥

伊昔肇真宮，瑞草產其處。九莖
絢熙陽，三秀結華露。元氣孕至和，靈
根世稀遇。擘擘呈嘉祥，煌煌映仙嶼。
不讓漢池生，寧療商山茹。兆跡幾何
年，至今播芳膏。

又

隴西李叔義

仙頂超群嶋，靈芝異衆芳。瑞移
商谷秀，清奪漢地香。雲葉春凝紫，金
英曉孕黃。肯分塵世采，從此薄膏梁。

又

青門邵壩

蓬嶋遙遙碧海涯，世人傳此產靈芝。
浮光夜落丹砂井，挹翠朝涵太乙池。
鰲頂經殘秋露馥，商岩歌罷夕陽遲。
何由捨得爲真秘，更上天壇一問師。

又

長樂陳棠

地產靈芝紫葉繁，仙人採秀得深根。
愧予空老瀛洲下，安得名聯四皓尊。

青浦歸潮

白湖郭虞

遙浦青汀樹，歸潮白海門。多情
環嶋嶼，不舍見晨昏。冷蘸丹霞影，寒
兼璧月魂。千家流故澤，一道自仙源。
望極偏縈練，吟餘半落痕。塵纓如可
濯，鰲頂謁洪恩。

又

釣臺李溥

青浦潮初落，暮雨江上來。波光
淨如洗，萬頃無纖埃。石根蒲葦密，沙
磧鳧鷖猜。舟橫兩岸陋，路轉群峰開。
疏鑿非禹跡，朝宗自東回。滄浪起漁
唱，月夜繞仙臺。

又

隴西李叔義

青浦行吟處，瀾漫歸早潮。舟橫
芳草偃，沙接大江遙。迴岸虛潭嶋，危

虹掛石橋。仙槎從此達，幾度泛層霄。

又

青門邵壩

遠浦蒼茫日未昏，歸潮一帶似知源。
晴看白鳥餘沙跡，暝洗青苔露石痕。
乍入澄江還有信，欲分滄海總難言。
觀瀾更上鰲峰頂，何處朝宗是禹門。

又

長樂陳棠

客行青浦近，雲引去潮賒。怪木
懸圩岸，閑鷗立淺沙。網收群釣罷，帆
落一舟斜。竚看來滿□，應乘博望槎。

南塘過客

白湖郭虞

迢遞南塘路，縈迴太乙宮。亂山
看不盡，過客思無窮。鄉國浮雲外，關
河夕照中。貂裘逢季子，馬首望梁公。
寄跡霜前鴈，驚心海上蓬。亨衢從此
達，誰問泣西東。

又

釣臺李溥

閩州富山海，賈客爭奔馳。營營
貪利涉，來往南塘陲。蓬梗嗟舊跡，萍
水權新知。落日望煙火，寒風吹鬢絲。
鄉園寸心遠，孤雲傷別離。壺中日月
長，應咲塵世癡。

又 隴西李叔義

閩南通驛傳，利涉兢奔馳。羸馬驚寒度，輕輶帶月移。鄉心萍梗跡，客淚海天悲。想得仙家樂，空憐浮世痴。

又 青門邵壩

旅思南塘野水深，依依煙柳碧陰陰。故園親友知誰健，別路鶯花倦獨吟。鴈斷心懸青浦月，天空目送白雲岑。停驂好謁真仙境，一問徽音抵萬金。

又 長樂陳棠

車騎紛紜去復還，南塘有路入青山。幽芳可採魚堪釣，何事勞勞不暫閑。

木嶺樵歌 白湖郭廩

木嶺橫山嶠，天風拂草衣。採雲行誦處，竟夕浩歌歸。野寺初殘磬，人家半掩扉。數聲秋漠漠，一曲月微微。柯爛何人識，山空聽者稀。迴傳鰲頂上，老鶴祭清機。

又 釣臺李溥

西岡掩寒色，木嶺浮夕陰。幾處樵人歸，長歌發商音。款乃振林木，千岩落葉深。初疑黃鳥弄，又訝清猿吟。碧澗雜幽聽，白雲諧素心。縹緲和仙

樂，南下明月岑。

又 隴西李叔義

木嶺開清曉，樵歌度碧林。依微山靄暝，颯沓澗雲深。恍訝溪猿嘯，還驚木客吟。聽來琳館下，遠雜步虛聲。

又 青門邵壩

岩嶠木嶺抗浮塵，樵子攀登不厭頻。耽讀每驚山色晚，浩歌長喜月華新。數聲驚起巢松鶴，一曲催歸採藥人。日暮鰲峰聽漸近，恍疑仙珮下天津。

又 長樂東棠

樵歌聲款乃，木嶺思幽沉。送日隨流水，盤雲出遠林。巢棲驚鶴夢，洞隱駭龍吟。余息滄浪調，聞之一振襟。

鍾山鴈塔 白湖郭廩

孤峰浮紫翠，七級競繁華。迴卓龍天近，遙連鳥道斜。留題皆國土，問劫等河沙。影倒維摩室，香分太乙家。夜燈然綺樹，曉座落曇花。我愛觀先達，芳名耀碧紗。

又 釣臺李溥

鍾山衛真境，屹立清江濱。浮圖倚層巔，七級凌空雲。高標出沙界，華

構超塵氛。題名聯鳳侶，飛佩來鶴群。久懷紫霞想，永願揚靈芬。未能接丹梯，景仰徒朝曛。

又 隴西李叔義

鍾山環寶地，鴈塔倚層巔。燈影秋雲外，鈴音夕照邊。香名題俊士，雅梵集龍天。幾欲投清賞，何年謝俗緣。

又 青門邵壩

名山寶級隔塵紛，迴對真官山白雲。百和爐香風共遠，九天鍾磬夜初分。花窗梵語空中靜，桂籍名登海內聞。擬欲懷人一清眺，寒聲又聽鴈離群。

又 長樂陳棠

七級浮圖鮮色新，鍾山擎翠勢嶙峋。題名自古多才彥，能使前人覺後人。

贊靈集卷之四

(陳秀峰點校)

『十五』國家重點圖書出版規劃項目

主 編 張繼禹

本冊主編 王育成

華夏出版社

中華道藏

第三一冊

目錄

001 清微仙譜	一
002 清微丹訣	七
003 清微齋法	一一
004 清微神烈秘法	三九
005 清微元降大法	五七
006 清微玄樞奏告儀	一七〇
007 高上神霄宗師受經式	一七五
008 高上神霄玉清真王紫書大法	一七八
009 無上九霄玉清大梵紫微玄都雷霆玉經	二八七
010 九天應元雷聲普化天尊玉樞寶經	二九七
011 九天應元雷聲普化天尊玉樞寶經集注	三〇一
012 九天應元雷聲普化天尊玉樞寶懺	三二一
013 雷霆玉樞宥罪法懺	三二五
014 太上說朝天謝雷真經	三二八
015 冲虚通妙侍宸王先生家話	三三五
016 雷法議玄篇	三四一
017 道法心傳	三四六
018 明道篇	三五八
019 道法宗旨圖衍義	三六五

020 雨暘氣候親機	三七七
021 元始洞真慈善孝子報恩成道經	三八三
022 洞玄靈寶八仙王教誡經	三八六
023 洞玄靈寶道要經	三八九
024 太上靈寶淨明法序	三九三
025 太上靈寶淨明入道品	三九四
026 太上靈寶淨明法印式	三九六
027 太上靈寶淨明洞神上品經	三九七
028 太上靈寶淨明秘法篇	四〇八
029 高上月宮太陰元君孝道仙王靈寶淨明黄素書	四一六
030 靈寶淨明黄素書釋義秘訣	四三七
031 太上洞玄靈寶飛仙度人經法	四四二
032 太上淨明院補奏職局太玄都省須知	四九四
033 天樞院都司須知格	五〇〇
034 天樞院都司須知令	五〇二
035 天樞院都司須知行遣式	五〇四
036 靈寶淨明天樞都司法院須知法文	五〇六
037 靈寶淨明院行遣式	五〇八
038 靈寶淨明院教師周真公起請畫一	五一四
039 靈寶淨明院真師密誥	五一八
040 上清天樞院回車畢道正法	五二〇
041 靈寶淨明新修九老神印伏魔秘法	五三八
042 許真君受鍊形神上清畢道法要節文	五四二

043 靈寶净明大法萬道玉章秘訣 五四三

044 太上靈寶净明玉真樞真經 五五六

045 太上靈寶净明道元正印經 五五七

046 太上靈寶净明天尊說禦殭經 五五八

047 太上靈寶净明九仙水經 五六〇

048 太上靈寶首入净明四規明鑑經 五六二

049 太上靈寶净明中黄八柱經 五六四

050 净明忠孝全書 五六七

051 靈劍子 六〇三

052 靈劍子引導子午記 六一一

053 靈寶歸空訣 六一六

054 神功妙濟真君禮文 六一九

055 靈寶天尊說洪恩靈濟真君妙經 六二三

056 洪恩靈濟真君事實 六二五

057 洪恩靈濟真君自然行道儀 六二八

058 洪恩靈濟真君集福宿啓儀 六三〇

059 洪恩靈濟真君集福早朝儀 六三二

060 洪恩靈濟真君集福午朝儀 六三五

061 洪恩靈濟真君集福晚朝儀 六三八

062 洪恩靈濟真君祈謝設醮科 六四一

063 洪恩靈濟真君七政星燈儀 六四五

064 洪恩靈濟真君禮願文 六五一

065 徐仙翰藻 六六七

066 徐仙真錄 七五四

067 贊靈集 八二一